







মনোজ বসু

গল্প সমগ্র

উত্তর পর্ব

GIFTED BY  
RAJA RAMMACHUN ROY  
LIBRARY FOUNDATION.

ডঃ ভূদেব চৌধুরী সম্পাদিত

বেঙ্গল পাবলিশার্স প্রাইভেট লিমিটেড  
কলিকাতা



প্রথম প্রকাশ

প্রকাশক :

মহুধ বসু

বেঙ্গল পাবলিশার্স প্রাইভেট লিমিটেড

১৪, বঙ্কিম চ্যাটার্জী স্ট্রীট

কলিকাতা-৭০০০৭৩

মুদ্রাকর :

অজিত কুমার সায়মই

ঘাটাল প্রিন্টিং ওয়ার্কস্

১/১এ, গোয়াবাগান স্ট্রীট

কলিকাতা-৭০০০০৬

মূল্য : দুই টাকা

মনোজ বহুর (১৯০১) গল্পের পাণ্ডে জীবন-রসের সঞ্চয় লক্ষ্যন করতে বার হওয়া গিয়েছিল কতকাল আগে,—সেই ১৯৩০ সালে ‘নতুন মাহু’ যখন ‘বিচিত্রা’র পাতায় হঠাৎ প্রকাশিত হয়;—কিংবা সে হয়ত তারও আগেকার কথা। শিল্পীর গল্পের পসরা এ পর্যন্ত দুটি সংকলনের ডালায় সাজিয়ে তোলা শেষ হয়েছে। এবারে এসে পৌছা গেছে ষাট-এর দশকের গভীরে—দার প্রথম ফসল ধরা আছে ‘কল্পলতা’য়। ১৯৫৬ সালে প্রকাশিত এই গল্প-সংকলনটিতে অব্যবহিত পূর্ববর্তী কয় বছরের রচনাই প্রধানত সংগৃহীত। অতদূরে এসে মনে হয়,—আর বুঝিবা ‘রস’ নয়—স্বরিত-সচল জীবনের জলছবি একের পর এক ভেসে উঠে মিলিয়ে যাচ্ছে প্রবহমান গল্পের ধারা-স্রোতে। ক্ষণকালের চমক, ক্ষণিক আবেশ এবং মুগ্ধতা প্রায় উড়ে চলে এসে অবশেষে মিলিয়ে যায়—ক্ষুণ্ণগতি রেলগাড়ির দু’পাশের পটচ্ছায়ের মত।

নতুন এ ভাবনা আসলে নতুন কালের হাতের দান; আর শিল্পী মনোজ বহু কেবল নিবিষ্ট জীবন-পিপাসু নন, জীবন-পথের অনলস এবং, অংশত, অনাবিষ্ট পথিকও। প্রসঙ্গত মনে পড়ে, এই সময়েই—অর্থাৎ ষাটের দশকের শুরুতেই—আর এক প্রিয় প্রবীণ গল্পশিল্পী ‘এই দশকের গল্প’ সংকলন প্রকাশ করেছিলেন ১৯৫০-এর দশকে ক্ষুণ্ণ প্রতিশ্রুতিপূর্ণ তরুণ লেখকদের রচনাসম্ভারে সাজিয়ে।<sup>১</sup> কেবল কবিতায় নয়, ছোটগল্পের জগতেও শিল্পের চরিত্র-বদলের মাপুনি হয়েছে তখন থেকেই দশকের নিরিখ। ভেতরকার যুক্তিটি হল, চলচ্ছবির মত স্বরিতগতি;—কিংবা বুঝিবা মহাকাশযানের মত—মহাকাশ-যানের গঠনশৈলীর মতই যার বিস্তার ও বিকাশ অশেষ জটিলতাক্রান্ত—অধুনাতন জীবনের চরিত্র বদল হয়ে যাচ্ছে প্রায় নিমেষে নিমেষে,—প্রতি দশকের হিসেবে এই জীবনের স্থনির্দিষ্ট যুগান্তর। আর সাহিত্য বেথানে জীবন-সম্ভব, কিংবা যদি হয় জীবনের দর্পণ, তার রূপগুণান্তরেরও স্বভাবতই হবে অভিন্ন নিরিখ। অন্তত পঞ্চাশের দশক থেকে বিশ্বব্যাপী সাম্প্রতিক জীবনের উদ্যম দিশেহারা চরিত্র আমাদের আয়েসী জীবন-মূলেও বাসা বাঁধতে শুরু করেছে; ষাটের দশকের শুরু থেকে তার সচেতন স্বীকৃতি স্পষ্টোচ্চারিত। মনোজ বহুর গাল্লিক মনের গভীরে তার ছায়া-সম্পাত অক্ষুণ্ণ উত্তেজনার সঞ্চার করেছিল,—অনেকটা বুঝিবা অগোচরেই।

এই যুগ-জীবন-চরিত্রকে শিল্পী কিভাবে কতটা রূপগুণায়িত করে তুলে-  
 সে এক পৃথক প্রশ্ন। তারও আগে মনে আসে সেই অভিজ্ঞতাকর চরিত্র  
 লক্ষণের কথা, মনে পড়ে অধুনাতন এক মার্কিন গল্প-শিল্পী এবং গল্প-  
 সমালোচকের অমূল্য কথ্যও,—“ব্যক্তিগত এবং সার্বিক নীতিচেতনার  
 বিপ্লব, স্বপ্নাভীত সামাজিক ও অর্থনীতিক জটিলতা, উদ্বেগ, উত্তেজনা ও  
 স্নায়বিক অবদমনের বিস্ফোরণ, অভিজ্ঞতাকর ও উত্তরোত্তর ভীতিজনক  
 বৈজ্ঞানিক চমক,—এইসবের ফলে ‘জগতের সবকিছুই যথাযথ রয়েছে,’—  
 ব্রাউনিঙের এই স্বস্তিকর ধারণাটিকে জিজ্ঞাসা-চিহ্নের মুখোমুখি করে  
 তুলেছে। নূতন যেখানে আগামীকালই সেকেলে হয়ে পড়তে চায়,  
 পরিবর্তনকেই যেখানে চিরস্থায়ী বলে মনে হয়, পরিণামী বিনষ্টই যেখানে  
 প্রায় একমাত্র সত্য, পুরানো মূল্যচেতনা পুরানো প্রাচুর্য পুরানো ভাবাদর্শ  
 যেখানে আসছে সপ্তাহের সাংবাদিক শিরোনামার নিরিখে পুনর্মূল্যায়িত হয়ে  
 চলে,— ছোটগল্প সেই যুগের প্রতিকূলক সাহিত্যিক দর্পণ হয়ে উঠেছে।”<sup>২</sup>

এ অমূল্য সাম্প্রতিক মার্কিন গল্প সম্পর্কে যত, বাংলা গল্পের বেলা তত  
 ভীত পরিমাণে সত্য নাও হতে পারে,—নিছক উদরারের সংস্থানে নিঃশেষিত-  
 প্রায়, বৈচিত্র্য এবং বিস্তার-সীমিত পশ্চিমবঙ্গের স্বভাবত নির্জীব জীবনের  
 পক্ষে মার্কিন জীবনযাত্রার আত্যন্তিক উদ্ভালতা, ব্যাপ্তি কিংবা প্রখরতা  
 কল্পনাভীত। তাহলেও প্রত্যয় এবং প্রবণতাগত স্বধর্মের কথা অস্বীকার  
 করবার উপায় নেই।—নীরক্ত অঙ্ককারে ছাওয়া এইকালের আকাশে ছোট  
 ছোট গল্পের জোনাকিরূপ যত্র তত্র ফুটে যদি না উঠেও, ছোটগল্পের নিটোল  
 অবয়বধৃত বিশেষ রসসৌন্দর্য বুঝিবা আর সম্ভাবনীয় নয়।

কথা সাহিত্যের জগতে উপন্যাসের উদ্ভব কল্পনা করা হয় বেনেসাঁসের  
 প্রাথমিক উৎক্ষেপ-প্রভাবে ভারসমতাত্ত্ব্যত জীবনের আত্মিক স্ববিরোধের মূলে।  
 আর সাহিত্যের ইতিহাসে ছোটগল্পের শিল্পরূপ উপন্যাসেরও উত্তরভূমিতে।  
 এইসব কথা ভেবে এক সময়ে মনে হয়েছিল, বেনেসাঁস-পরিণামী স্থিত-প্রভ, এ  
 আত্মস্থতার গভীরতল হতেই বুঝি বা ছোটগল্প-কলার উদ্ভব।<sup>৩</sup> বাংলা  
 ছোটগল্পের রবীন্দ্র-সম্ভব জন্ম, রবীন্দ্র-উত্তর পরিণতি এবং সাম্প্রতিক দুর্লভতার  
 আন্তোপাস্ত ইতিহাস লক্ষ করে এ অমূল্য আরো দৃঢ় হয়েছে।—একালে  
 যথার্থ ছোটগল্প অলভ্য,—কারণ এ জীবনের মূল হতে যে-কোনো প্রকারের

২। William Peden—‘The American Short Story’—বঙ্গানুবাদ বর্তমান  
 লেখকের।

৩। ড. ভূদেব চৌধুরী—‘বাংলা সাহিত্যের ছোট গল্প ও গল্পকার’।

। ত্যয়ের ভিত এবং আত্মহতার অল্পকুল সমাহিতি সম্পূর্ণ বিলুপ্ত। জীবন  
 বঁধানে নোঙর-হেঁড়া অনিশ্চয়তার শ্রোতে চরকির মত ঘুরছে, ত্রিশঙ্কর মত  
 "যে উন্ন্যার্গজীবিতা পরিণাম-প্রত্যাশাহীন অবক্ষয়ের বিবর-মুখাগত, স্থস্থ স্বজন-  
 কলার সমুচিত প্রচ্ছদ সেখানে উন্মূলিত—ছোট গল্প-শৈলীর সাবলীল প্রকাশও  
 সহজে বাধাহত।

তাহলেও আগাগোড়া জীবন যেখানে অবিরল কোভ-আক্ষেপে  
 আলোড়িত স্বভাব-শিল্পীর প্রহত চেতনা সেখানে মুক্তির আকাঙ্ক্ষায় বুঝি  
 আরো ব্যাকুল হয়ে ওঠে। অভিঘাতের আকার-প্রকার, অভিজ্ঞতার রকমকের  
 এবং শিল্পি-চিন্তের প্রতিক্রিয়ার পরিমাণ ও প্রকরণ অহুযায়ী সেই মুক্তি-প্রয়াস  
 স্বতন্ত্র-বিচিত্র অভিব্যক্তির পথ খুঁজে নেয়; দেশভেদে এবং শিল্পীর ব্যক্তিত্ব-  
 ভেদেও বহুমান একই উৎক্ষেপ-তাড়না বিভিন্ন চারিত্রে প্রকাশ লাভ করে।  
 সাম্প্রতিক মার্কিন গল্পের সঙ্গে বাংলা গল্পের, কিংবা মনোজ বসুর গল্পের  
 সঙ্গে অপরাপর বাঙালি গাল্লিকের রচনাগত স্বাতন্ত্র্যের রহস্য আসলে  
 এইখানে।

আলোচ্য কালসীমায় মনোজ বসুর শিল্পিমনের অভিজ্ঞতা ও অল্পভবগত  
 বিবর্তনের রূপরেখাটি তরুণ আলোচক একজন স্থায়ী সংহতিতে প্রকাশ  
 করেছেন,—“১৯৬০-এর পরে বিশেষ বিশেষ পরিবর্তনগুলো লক্ষ্যীভূত হয়।  
 এই সময় থেকে নাগরিকতার উন্মেষ হল মনোজ বসুর সাহিত্যে। লেখকের  
 গ্রামভাবনায় ছিল যশোহর জেলা। ঐ অঞ্চল পাকিস্তান রাষ্ট্রের অন্তর্ভুক্ত  
 হওয়ার পর থেকে হিন্দু-মুসলমানের বিপন্ন সম্প্রীতি নিয়ে লেখক দীর্ঘকাল ধরে  
 আদর্শমূলক অনেক গল্প রচনা করেছেন। স্বপ্নসাধের বিনষ্টিতে লেখক  
 আশাহত, গ্রাম থেকে উৎখাত হওয়ার যন্ত্রণায় মন তাঁর বেদনা-বিধুর। এ  
 অবস্থায় নগরকে পটভূমি নির্বাচন করা ছাড়া গত্যস্তুর রইল না। শহরের  
 প্রতিকূল পরিবেশে স্থষ্টি-প্রেরণা ক্ষুণ্ণিত পায় না; জীর্ণ-ব্যবস্থার ভয়ভূপের উপর  
 নতুন সমাজ-নির্মাণও অসাধ্য।...বিকল্প ব্যবস্থা হিসাবে লেখক পল্লীর উৎখাত  
 মানুষ ও শহরের পরিবেশকে আশ্রয় করে শিল্প স্থষ্টি শুরু করলেন।”<sup>৪</sup>

‘কল্পলতা’র গল্পগুচ্ছ এইসব নিয়েই গড়া;—কিছু অতীত স্মৃতির রোমন্থন,  
 কিছু বর্তমান আক্ষেপের উত্তেজনা, আরো কিছু বা বহুমান জীবন-অভিজ্ঞতা  
 ও পরিবেশের ‘চূর্ণক’। কিন্তু সব কিছুতেই মেজাজটা কেমন হাল্কা, কোথাও  
 মজার আমেজ,—ইংরেজিতে যাকে ‘ফান’ বলা যেতে পারে,—কোথাও গুরু

কথাও লঘু হুয়ে বলে ফেলে ভারযুক্ত হয়ে যাবার আগ্রহ ; ভাষাভঙ্গী কোথাও কটাক্ষ-বন্ধিম, কখনো বা তির্যক—প্রতীকিতার ধার ঘেঁষা ।

‘চিড়িয়াখানা’ গল্পের কথাই বলি । চিড়িয়াখানায় ‘বেবুন’ দেখতে গিয়েছিল গল্পের নায়ক ; ‘কুকুরে-বাদরে মিশান’ কুৎসিত প্রাণী । দর্শকেরা দেখে কেউ কেউ বিচলিত হয়েছিল—‘পশুর লজ্জা থাকতে নেই, কিন্তু যারা দেখে তাদের তো লজ্জা । সাহস করে কেউ কাপড় জড়িয়ে দিতে পারে না !’—সেই বিবজ্ঞতার প্রসঙ্গে বেবুন-রসিক মা-মেয়ের বস্ত্রহৃততার যে কটাক্ষটুকু আছে, তার মূলে শোভন-রুচি প্রবীণ শিল্পি-মনের দিক্কার যেন স্বতোসংবৃত ।

এই অর্থেই বলেছিলাম, চলমান জীবন-পথের অনলস পথিক মনোজ বহু অংশত অনাবিষ্ট-ও । জীবনের পরিপার্শ্ব সম্পর্কে তাঁর শিল্প-দৃষ্টি সহজে স্পর্শ-কাতর,—অনেকটাই টেনে-বাঁধা একতারা যন্ত্রের মত ; মনোজ বহুর মেঠো সরল অন্তরঙ্গ মানসিকতার গভীরে একতারারই মধুর নিবিড় স্বর স্বতো-গুঞ্জনিত ! কিন্তু ঐ একতারা-শিল্পীর চেতনা গ্রামীণ বাউল-বৈষ্ণব-ককির-দরবেশদের মতই অর্থে মরমিয়া অহুভাবে সহজে মগ্ন ;—অনির্বচনীয় এক নির্লিপ্ততায় না হোক, তাঁদেরই মত অনতিসম্পৃক্ত ভাবুকতার বীচিবিভঙ্গে নিয়ত বিভোল । আধুনিক সাজ-সজ্জায় বাসনিক লজ্জাবিসর্জনের প্রসঙ্গেই আসা যাক,—বন্ধিমচন্দ্রের লেখনী এমন ক্ষেত্রে প্রথর শাসনে উন্মত্ত হতে পারত । শরৎচন্দ্র হয়ত সরল বিবৃতিমূলক মর্মস্পর্শী ভাষায় অহুভাবে বিচলিত করতে চাইতেন, সমকালীন তারারস্কর ‘প্রগাঢ় ও প্রযত্নোচ্চারিত’ অবহিত ভাষণে বক্তব্যকে পূর্ণ স্ফুট করে তবেই থামতে পারতেন । জীবনের প্রতি অহুরাগ এঁদের যত, ব্যক্তিগত আসক্তি-বন্ধন কিংবা সম্পৃক্ততাও—ইংরেজি করে বললে ‘ইনভল্ভ্‌মেন্ট’-ও তার চেয়ে কিছু কম নয় । অহুপক্ষে মনোজ বহুর শিল্পি-চেতনা দেখেছি বয়ঃসন্ধি-পীড়িত কৈশোর ভাবালুতায় মেতুর । স্বভাব-কিশোরের মতই আত্মপ্রক্ষেপণ কিংবা আত্মপ্রতিষ্ঠার প্রবলতা তাঁর শিল্প-চারিত্রে অহুপস্থিত । বেদনায় সংকুচিত, আনন্দে কলকর্ষ, স্বভাব-উৎকর্ষার ব্যাকুলতাভরে তাঁর গভীর অহুভূতিও অনতিগাঢ় বাক্‌শৈলীর নির্দোকবদ্ধ । কিন্তু কঠিন কথা বলা গেল না বলেই লভ্য কথা গোপন করাও তো সম্ভব নয় ! তখনই সহজ-শিল্পীর কঠোর স্বত-উৎসারিত বাণী আপন আস্তর আবেগেই বন্ধিম কটাক্ষটুকুকে আয়ত্ত করে নেয় । ঐ ‘চিড়িয়াখানা’ গল্পের নাম ;—নুসিংহ অবতার বা কিম্বদন্তির বিমিশ্র চরিত্রতার স্রুজে বেবুনের কুৎসিত স্কর রূপ ; তার সঙ্গে বিবজ্ঞ জন্তু আর তার মুখোমুখি স্বল্পবজ্রা জননী-কন্তা—নারীস্বের ছলাকলায় পরম্পরের প্রতিযোগিনী যারা—সবকিছু

মিলে অনায়াস-প্রবাহিত অকুঞ্চিত বিবৃতির সূত্রে যা আত্মপ্রকাশ করে, সে কি তিরস্কার, আত্মগ্লানি, না নিছক জীবন-দেখার মুক ব্যথিত অনুভব !

যেমন করে ভাষা গিয়েছিল, তেমন করে বৃষি প্রকাশ করে ওঠা গেল না। লঘু হাস্য মেজাজের গল্পটির মূলে খেচ্চাগতি যে মত্তা-লুকতা রয়েছে, তার রেশটুকু রক্ষা করা যায় নি; হয়ত তো তা সম্ভবও নয়। শরভের আকাশে ভেসে-বেড়ানো ‘শাদা-মেঘের ডেলা’ও আসলে লঘু বাষ্প-কণিকারই মালা,—বর্ষার ঘননিবিড় অশ্ববিন্দুর বিস্ফারিত স্মিত লঘু রূপান্তর। তবু যত উজ্জল, যত নির্ভাবই হোক—অশ্রুর গোপন উৎসটিকে উড়িয়ে দেবার উপায় নেই তো! আমাদের বিবরণে অশ্রুর সেই ঘন জমাট চরিত্রটিই প্রবল হল,—মেঘের কোলে রোদের হাসির পুরো খেলাটি দেখতে হলে মূল ‘চিড়িয়াখানা’ গল্পটিই পড়ে দেখতে হয়—প্রবীণ জীবন-প্রেমিকের বেদনার সঙ্গে অভাব-কিশোর শিল্পি-চেতনার গঙ্গা-যমুনা সংগম যেন বহুধা ভারাক্রান্ত সাম্প্রতিক জীবন-বোধের মূল হতে আশ্চর্য ষাড় বলে ‘মাধ্যাকর্ষণ’-এর অনিবার্য টানটি নির্মোচিত হয়ে গেল; বাংলা গল্পে এইটুকু মনোজ বসুর গাল্পিক প্রতিভার অপূরণীয় দান। হোক হাস্য, তবু উন্মার্গগত নয় কিছুতেই।

বেদনার আঘাত যেখানে বিদারক, অশ্রুর বিন্দুটি ঘনতর বহু,—সেখানে সংকেতের ব্যবহার বরং আরো নিটোল। তাহলেও, চূড়ান্ত আত্মিক অভিঘাতেও গল্পের শরীরে আত্মপ্রতিফলন মনোজ বসুর স্বভাব-সিদ্ধ নয়। ‘কাল্পা গাড়ি’র কথা মনে আসে।—বস্তুত গোটা ‘কল্পলতা’ সংকলনে ঐ একটিই ‘সিরিয়াস’ মেজাজে লেখা গল্প। হবারই কথা; মনোজ বসুর প্রথম প্রেম-তীর আজন্ম স্বপ্নের পরমতীর্থ গ্রাম-বাংলা ছিন্ন-ভিন্ন হয়ে গেল রাজনৈতিক পাশা খেলুড়েদের হাতে, সাম্প্রদায়িকতার নেশাগ্রস্ত দুঃশাসনেরা তখন মানবতার বস্ত্র হরণে উন্নত। মাহুষের ধনপ্রাণ শরীর সম্মান অশান-শকুনদলের নখচঞ্চুতলে রক্তাক্ত পদধূলিলীন। জীবন-প্রেমিক, প্রেম-সৌন্দর্য-মধুরিমার আত্মরূপ ধ্যানী রোমান্টিক শিল্পীর যজ্ঞগার অবধি নেই;—সব চেয়ে বড় যজ্ঞগা তো বিশ্বাসের অপমৃত্যুর! সেই রক্তাক্ত অনুভবকে রক্তরাগ-সজীব প্রাণ-প্রবল করে তুলেছেন শিল্পী এই গল্পে। গাড়ি বয়ে কাল্পার ঝাঁক আসছিল পেট্রাপোলের সীমান্ত-প্লাটফর্মে পাকিস্তানের ওপার হতে;—মনোজ বসুর ব্যক্তি এবং শিল্পি-জীবনের স্বপ্ন-তীর্থ সে পারে। স্মৃতি-গন্ধের ধ্বংস নারীর বীভৎস-মূর্তি কাহিনী। স্মৃতিগঞ্জ আসলে সত্যিগন্ধের অপভ্রংশ;—ঐ বটগাছ তলায় ‘সত্যী’ হয়েছিলেন কোন্ চক্রবর্তী-ঘরের তরুণী বধু; সে সব শতাব্দীর পরপারের কাহিনী। ইতিহাস আজ কিরে

কথা কইছে;—ঐ গাছতলায় নরপশুদের হাতে সর্বস্ব লুপ্তি হইল আর এক সতীর। কিছু ‘ম্যাসব্যাক্’, কিছু স্মৃতিচারণ, আরো কিছু শ্রুতিধারণের কলা-কৌশলের সাক্ষেতিকতা বশে এ গল্প উদ্বেজিত চিত্তের প্রতি অন্ধ-প্রত্যঙ্গে অমোঘ আলোড়ন সৃষ্টি করে। সব শেষে, গভীর রাতে সতেরো বছর আগে ফাঁসি-ঘাওয়া জগতের পুনরাবির্ভাব, তার অহুতাপ-দাহ আর কিছু নয়—শিল্পি-চেতনার সাক্ষ্যহীন আক্ষেপবিক্ততার বিমূর্ত প্রগাঢ় প্রতীক, আত্মপ্রক্ষেপণ-বিমুখ আত্মিক যন্ত্রণার অনতি উচ্চারিত এই লংবুত প্রকাশ মনোজ বহুর অনতি-সম্পৃক্ত নিবিড় জীবন-প্ৰীতির অ-দ্বিতীয় শিল্পস্বাক্ষর!

কিন্তু যে-কথা হচ্ছিল,—‘চিড়িয়াখানা’ আর ‘কান্নার গাড়ি’-দুটি গল্পই নর-জান্তবতার বৃত্তান্ত,—দুয়েই শিল্পি চেতনার আক্ষেপ প্রতীক-প্রক্ষিপ্ত;—কিন্তু প্রথমটির বিকাশ হাফা চালে, পরেরটি অপেক্ষাকৃত মধুর-প্রগাঢ়, তবু কোনো গল্পই অতি-ভারাক্রান্ত নয়।

অবশ্য তার মুখ্য কারণ শিল্পীর অভিনব ‘করণ-কৌশল’। ছোটগল্পিকের অমোঘ শক্তির উৎস-নির্দেশ প্রসঙ্গে এড্‌গার অ্যালেন পো বলেছিলেন, ‘প্রথম থেকেই পাঠকের আত্মাকে তিনি আপন অধিকার বশে নিয়ে আসেন।’<sup>৫</sup> মনোজ বহুর গল্প-বলার ভঙ্গী গাল-গাল্লিকের, ছোটগল্পিকের নয়।—আগেই বলেছি কলমের মুখেও গল্প বলেন তিনি;—লিখিয়ের প্রকরণ লেখায় উপেক্ষিত। কথক-সুলভ সেই আয়াসহীন ভঙ্গিতে ভারি কি ভাবনার প্রকাশ লগ্নেও কোনো ভার গল্পের গায়ে এঁটে বসতে পারে না। ফলে এমনকি ‘কান্নার গাড়ি’ গল্পেও বেদনার অহুতব বতই প্রগাঢ় হোক, গল্পের গতি কোথাও মধুর নয়। এই অনায়াস সহজ ভঙ্গি বশেই পাঠকের মনকে কেবল নিজের হাতের মুঠোয় নয়, একেবারে গল্পের অঙ্গীভূত করে ফেলেন মনোজ বহু; যার ফলে নিজের স্বতন্ত্র সত্তাটি হারিয়ে গল্পের সংগতি-স্বাভাবিকতা সম্পর্কে প্রশ্ন করার মৌলিক অধিকারটুকুও বিসর্জন দিয়ে বসতে হয়।

দৃষ্টান্ত হিসেবে ‘নার্সিংহোম’ গল্পের কথাই ধরা যাক। মজার গল্প একটি; কিছু মজা আর কিছু রোমান্স। কিন্তু শেষ পর্যন্ত গল্পের কার্ণ-কারণ-সংগতি সম্পর্কেই সন্দেহ থেকে যায়। শরৎচন্দ্র নাকি বলতেন, ‘গল্প হল মিছে কথা বলার আর্ট।’—অর্থাৎ এমন করে মিছে কথা সাজানো রইল, যাতে সত্যি বলে মনে করতেই হয়। কিন্তু আশাক রায়ের প্রথম ‘নার্সিংহোম’-বাস যদি সত্য-মিথ্যায় সংশয়াজ্জর আবছায়া-ঘেরা ছাঁচে ঢালাই হয়েই থাকে, তার

<sup>৫</sup> Edgar Allan Poe : ‘Nathaniel Hawthorne’.—Works of Edgar Allan Poe, Vol. III



ষিভীষবার ‘নার্সিংহোম’ প্রবেশের প্রয়াস অসংলগ্ন অবস্থানতায় ছড়ানো। তাহলেও ঐখানেই যেন গল্পের মজা, হঠাৎ যে-করে অশোক রায়কে আবিষ্কার করতে হল ডাক্তার সেন আর সিস্টার নীতার ‘বিয়ে হয়ে’ বাবার খবর ;— আর মেট্রেনের ঐ শেষ কটাকটুকু ! ঐখানেই নির্ভার লঘু হাসির মজা ঝিলিক দিয়ে উঠেই মিলিয়ে যায় ;—ঠোঁটের কোনে লম্বা জেগে-ওঠা স্মিত হাসির রেখাটির সমপরিমাণ তার পরমায়ু।

‘নার্সিংহোম’ অন্ত্যায় ত্রিভুজ প্রেমের একটি রোমান্টিক দীর্ঘশ্বাসে শেষ হতে পারত ; কিংবা ‘ভেজাল’ গল্পের নিয়তি হতে পারত কারুণ্য-মেহুর। কিন্তু প্রথম থেকেই অবাস্তব-লঘু বাচনভঙ্গী আর স্বেচ্ছা-নির্মিত বেসামাল হাস্য চাল ক্ষণজীবী হলেও মজার আমেজটুকুকে নিটোল আকারে গড়ে তোলে তিলে তিলে। এর অব্যবহিত পূর্ববর্তী গল্প-সংকলন প্রকাশিত হয়েছিল ‘মায়াকান্না’ (১৯৬১)। সেখানে বলেছি, তখন থেকেই ক্ষণজীবিতার ‘এপিসোডিক’ উপাদান গল্প-কলার মূখ্য বৈশিষ্ট্য হয়ে দেখা দিয়েছে। কিন্তু ‘মায়াকান্না’র ‘ট্যান্ড্রিওয়াল’, ‘হাসি-হাসি মুখ’ কিংবা ‘লল্যাট পাঠ’-এর পাশে ‘নার্সিংহোম’ ‘ভেজাল’ অথবা ‘ডাকাতি’-ই নয় কেবল, এমন কি ‘বলিদান’ কিংবা ‘তিমিঙ্গিল’-এর মত গল্পেও দেখব, শিল্পীর জীবন-দৃষ্টি নিছক ‘এপিসোডিক’ নয়—আরো তরল,—আরো ‘ফানি’।

‘বলিদান’ কিংবা ‘তিমিঙ্গিল’ গল্পের গভীরে বিচ্ছেদ ও বেদনাবোধের এক সন্তর্পণ সংগুপ্ত উৎস রয়েছে, সমস্ত গল্পকে বা মানবিক করুণাবোধে বিগলিত করে তুলতে পারত। বিশেষত ‘তিমিঙ্গিল’-এর প্রসঙ্গসূত্রে ‘নরবাধ’ কিংবা ‘দেবীকিশোরী’-গল্পগুচ্ছের ব্যথা-স্বনিবিড় মানবিক আবেদনের সম্ভাবনার কথা মনে আসেই ; কিন্তু হাস্য মেজাজের কৌতুক-কটাক-বক্সিম বিস্তার-কৌশলে শিল্পী সে সম্ভাবনাকে হেলায় হারাতে দিয়েছেন।

এ-কোনো লাভক্ষতির হিসেব নিকেশ নয়, কিংবা দোষগুণের কড়চাও না ! মানবিক আবেদন-স্বিষ্ট করুণাঘন একটি গল্প-সম্ভাবনার তুলনায় একটি মুখে-হাসি চোখে-জল ভরা চকিত-চপল জীবন-চিত্রের মূল্যগত ভারতম্য বিচার নিরর্থক। কিন্তু শিল্পের গভীরে শিল্পীর মেজাজটিকে আবিষ্কার করতে পারার অতিরিক্ত লাভের লোভ সর্বদাই পাঠকের মনে জড়িয়ে থাকে,—আর মনোজ বসুর মত পরিবেশ-চকিত মানসিকতার পক্ষে শিল্পীর মেজাজ অর্থেই তো দেশ-কাল-জীবনেরও রহস্য কৃষ্ণিকা ! তাছাড়া গল্পের সূত্র ধরে গাল্লিকের মন, আর পারিপার্শ্বিক বৃহত্তর জীবনকে খুঁজে দেখার আকাজক্ষা-সূত্রেই তো একদা শুরু হয়েছিল আমাদের এই মনোজ বসুর গল্পলোক পরিজন্ম।

সেই প্রসঙ্গেই মনে আসে, এ জীবন-দৃষ্টি নিঃসন্দেহে ‘এপিসোডিক’। আগের আলোচনায় দেখেছি, আমাদের এই স্বভাব-উদ্বেজিত যুগে নিবিড় অসুস্থভাবে জীবনের গভীর তলগত হতে পারার ঐর্ষ্য, অবকাশ, কিংবা স্থিত-চিন্তন কিছুই বড় একটা অবশিষ্ট নেই। ‘মাধুর’ গল্পের নিবিষ্ট জীবনাসুস্থব একালে ‘বাপের বাড়ির মেয়ে’র লঘিমাকে অতিক্রম করে বেশিদূর এগোতে পারে না, কিংবা ‘নরবাঁধ’-এর অনিবার্ধ সংস্করণ বুঝি ‘তিলস্মীর চর’-এ। শিল্পের স্বজন-রহস্যশালায় কালের হাতের প্রভাব ঐ পর্যন্তই। কিন্তু ‘কল্পলতা’র গল্পে তারও অতিরিক্ত তরলতা যেটুকু জুটেছে, যেটুকু নিছক কৌতুক-মজাদার (‘ফানি’), - মাঝে মাঝে মনে হয়, সে বুঝিবা জীবনের প্রতি বিরক্তি-বিমুখ শিল্পি-চেতনার আত্মসংগোপনের প্রচ্ছন্ন কৌশল।

কেবল দেশ-বিভাগ-জনিত ক্রুরতা নয়, ‘চিড়িয়াখানা’ ‘বধু ভগবান, যম’ ‘চাবি’, ‘ঘরগী’ ‘কল্পতরু’ প্রভৃতি গল্পে জীবনের পাতালভূমি থেকে উঠে-আসা তিক্ত অভিজ্ঞতা যেন ঝাঁক বেঁধে দেখা দিয়েছে; কোনো ইতিমূলক প্রত্যাশা, —কোনো ভরসাবাহী মূল্যচেতনা সে চোরা বালিতে দাঁড়াবার ভর খুঁজে পায় না। ‘চিড়িয়াখানা’ গল্পের বেআক্ৰান্তা হাল আমলের লক্ষণাক্রান্ত যদি হয়, তার মূলনিহিত মানস-প্রবণতা, ‘চাবি’ গল্পের সর্পিল লুক্কতা, ‘ঘরগীর’ অসুস্থ চিন্ত-বিক্ষেপ কিংবা ‘কল্পতরু’ গল্পে ধর্ম নিয়ে চোরাকারবার, —এ-সব কিছুই মানব-প্রকৃতির চিরকেলে অনিবার্ধ উপাদান।—স্নেহ-প্রেম ত্যাগ-তিতিক্ষা-আত্মদানের মহিমা জীবনে যত সত্য, লালসা, লোভ-স্বার্থপরতা, ক্রুর-কুটিলতা তার চেয়েও প্রথর-প্রকট। তাহলেও যা আছে, কেবল তাই নিয়ে মানুষ বাঁচে না, তার চেয়েও অনেক বেশি করে যা হতে ইচ্ছে করে তারই গভীরে মানুষের আত্মিক বলতি; আর মানুষের বাস্তবিক অস্তিত্বও তার এই আত্মিক অধিবাগনের বাসনা-লাহিত। ‘প্রাগৈতিহাসিক’-এর অভিজ্ঞতা মানিক বন্দ্যোপাধ্যায়ের উপলব্ধিতে যত জলজ্যাস্ত হোক, তবু রবীন্দ্রনাথের ‘শান্তি’ গল্পের ট্রাজেডি বেশি লোভনীয় হতে বাধ্য নেই। অবিশ্বাসের চোরাগলিতে মানবিক প্রত্যাশা দমফুটো হয়ে মরতে রাজি নয় কিছুতেই; এমনকি রাবণের চিতার মত শাস্ত শ্রাণীভূত জীবন-অভিজ্ঞতার মাঝখানে মানিক বন্দ্যোপাধ্যায়ও নব নবতর প্রত্যয়ের আবাঁধা ঘাট খুঁজে কিরেছেন শেষ অবধি।

মনোজ বহুর বেলা আসল কথা, অবিচল বিশ্বাসের স্তম্ভায় বন্দরে প্রথমাবধি তিনি আপন শিল্প-কল্পনার তরী বেঁধেছিলেন।—প্রত্যক্ষ জীবন-অভিজ্ঞতার পাছে দরদী নিবিড় স্বপ্নকল্পনা জড়িয়ে। অথচ এমনি ছর্বোগ এল যুগের পাখায়

ভর করে, মুক্ত-কৈশোর শিল্পি-চেতনার দম বুঝি বন্ধ হয়ে আসে। ‘চাবি’ গল্পের অভিজ্ঞতার মধ্যে যেন আত্মগোপন করে আছে ‘পটল ডাঙার মধ্যবিত্ত পাঁচালি’, এবং ‘কল্পতরু’র গল্পাবেদন নিশ্চয়ই সর্বাংশে পরশুরামের ‘বিরিকি-বাবা’র মত অমিশ্র কৌতুকসর্বস্ব নয়। জীবনের পশ্চিম সীমায় পৌঁছে এই অহুভব-অভিজ্ঞতার অনিবার্যতা-বোধ মনোজ বহুর অনতিপ্রাথমিক অথচ অতিস্পর্শকাতর চিত্তবৃত্তির গভীরে যে উদ্ভাপ সঞ্চার করেছিল, তাকেই হাঙ্কা-চালের লঘু পদক্ষেপে পাশ কাটিয়ে গেলেন শিল্পী তাঁর নিজস্ব কলাকৌশলে। ‘কল্পতরু’—গল্পমালার প্রায় সর্বত্রই ঐ একই বৈশিষ্ট্য,—অব্যবহিত কৌতুক-লঘুতার পূর্ণপূটে জীবনের দুর্ঘোচনীয় বিনষ্ট-বোধ-জনিত আক্ষেপ অনায়াসে প্রচ্ছাদিত। আপাত হাসির উজ্জ্বল আলোকে আসলে খুঁটা মুক্তার মত চক্‌চক্ করে আত্মপ্রক্ষেপণকূঠ শিল্পি-মনের ‘একবিন্দু নয়নের জল’!

‘কল্পলতা’র পরবর্তী সংকলন ‘ওনারা’ ১৩৭৬ বাংলা সালে প্রথম প্রকাশিত হয়েছিল। কৌতুকী মেজাজটা এখানে আরো স্বচ্ছ,—আরো অমিশ্র নির্ভেজাল; তবু সংশয়ও জাগে,—পুরোপুরি তাই কী? প্রথম গল্পটাই ‘ভেজালের উৎপত্তি’; লেখক নিজে বলেছেন তাঁর অশ্রুতম প্রিয় গল্প।<sup>৬</sup> ভেজাল সম্পর্কে কোনো তত্ত্বানুসন্ধান নয়, কিংবা নিছক সরস ভেজালি গল্পও নয় ‘কল্পলতা’র ‘ভেজাল’-এর মত। প্রাথমিক চরিত্রে এটি ভূতের গল্প; গোটা ‘ওনারা’ সংকলনটাই তাই নিয়ে। ভূতের গল্প আর অতিপ্রাকৃত-রসের গল্পে তফাৎ অনেক। প্রথম জীবনে অতিপ্রাকৃত গল্প লিখে মনোজ বহু বিশ্বয় উদ্বেক করেছিলেন সেই ‘বনমর্মর’-‘নরবাঁধ’-এর যুগ থেকে; লীকুমার বন্দ্যোপাধ্যায় সেদিন বিশ্বাস করেছিলেন, ‘অতিপ্রাকৃত’ রসের গল্প সৃষ্টিতেই মনোজ বহুর প্রতিভার প্রধান প্রবণতা। এসব কথাই আগে দেখে এসেছি।

তাহলেও সৃষ্টির জগতে মনোজ বহু আসলে বৈচিত্র্য আর বহুলতার প্রত্যাশী। আগেও বলেছি, পরিতৃপ্তির সঙ্গে তিনি দাবি করেন, সকল বিষয় নিয়ে, এবং সকল প্রকরণেই তিনি গল্প লিখেছেন,—বড়-ছোট-মাঝারি সকল আকারের। মনোজ বহুর গল্পের মত তাঁর এ-অহুভবও তথ্যমূল-রহিত নয়। আর আমাদের আলোচ্য কালসীমায় পৌঁছে বিদেশী সমালোচকের সেই সুখরোচক কথাংশটি বার বার মনে পড়ে মনোজ বহুর গল্পগুচ্ছের দিকে তাকিয়ে—‘ছোট গল্প সবই হতে পারে, একটি ঘোড়ার মৃত্যু থেকে একটি তরুণীর প্রথম প্রণয় পর্যন্ত।...লেখক যা চান—সব।’<sup>৭</sup>

৬। ডঃ ‘মনোজ বহুর শ্রেষ্ঠ গল্প (১৩৭৮)’। ডঃ H. E. Bates—‘The modern short story’.

আর আশাত-লঘুতা, বলেছি, চলমান কালের বাভাবিক মেজাজ । ‘ওনারা’ গল্প-সংকলন এদিক থেকে তাৎপর্যপূর্ণ । এমন নয় যে, সবগুলো গল্পই গ্রন্থ-প্রকাশের সমসাময়িক । মনোজ বসুর বৈচিত্র্যলোভী শিল্পি-মন ভূতের কোঁতুক-রহস্য নিয়েও মাঝে মাঝে কোঁতুহলী হয়েছে,—তারই স্রুজে নানা সময়ে লেখা ‘ভূত-দানা-দেবতা’র প্রসঙ্গ নিয়ে লেখা গল্পগুলি গেঁথে এই নূতন সংকলন ;—লঘু রস আর হাল্কা রসিকতায় জড়ানো গল্প ।

কিন্তু যে-কথা হচ্ছিল, ভূতের গল্প আর অতিপ্রাকৃত রসের গল্প অভিন্নবাদী নয়, যদিও অশরীরী সত্তা দুয়েরই মৌল উপাদান । জীবনের গভীরে চেনা-অচেনা, প্রাকৃত-অপ্রাকৃতের মাঝখানে যে আবছায়া জগৎ রয়েছে, চেতন মনের প্রথর আলোকে যাকে ধরা যায় না, অথবা চেতনাব্যচেতনের গভীরে যার অসুভব অমোঘ, সেই অন্তহীন রহস্যের অতল অভিভবমূলে অতিপ্রাকৃত গল্পের অনির্বচনীয় আশ্বাসন । ‘বনমর্ষর’, ‘নরবাধ’, ‘দেবী-কিশোরী’ গল্পগুলোর প্রসঙ্গে সেই অপরূপ স্বাভূতার সন্ধান করা গেছে মনোজ বসুর গল্পেও । কিন্তু ভূতের গল্পের গঠন ও আবেদন দুই-ই পৃথক । বস্তুতঃ অনতিগোচর অস্তিস্থের রহস্য-বিশ্বয় যদি অতিপ্রাকৃত রসের মুখ্য উপাদান হয়, ভূতের গল্প তাহলে সেই ফিকে-করে-ফেলা রহস্য নিয়ে অবিখ্যাত মনের খেয়ালি কোঁতুক । অবশ্যই এ হল বড়দের ভূতের গল্পের কথা । শিশুর চেতনায় ভূতের গল্প আর রূপকথার গল্পের স্বাদে ভিন্নতা খুব নেই,—সব কিছুই ভয়-বিশ্বয়-কোঁতুহল-উৎকর্ষা-মুগ্ধতার অপরূপ স্বপ্ন-পাথর !

‘ওনারা’ নামটাকেই বড়দের ভূতের গল্প-স্বলভ কোঁতুক-কটাক্ষ উঁকি দিচ্ছে যেন,—ঐ নামের একটি গল্পও আছে সংকলনে । তাতে মজার গল্পের চরিত্রটি স্পষ্টাক্ষর রেখায় ফুটিয়ে তুলেছেন মনোজ বসু ।—‘ওনারা’ কেন নাম হল, “নাম না নিয়ে ‘ইনি’ ‘উনি’ বলে অত খাতির কিসের ?”—তার যুক্তিভাল বিস্তার উপলক্ষে সেই যে বলা হল মেজ বোঁ-এর গল্প ;—কব্‌রেজ এসে ঔষধ দিলেন ; খাবার ব্যবস্থা, “ভান্সরের রস আর আমার তেনার ছিঁটে ।”—“তুলসি চরণ হলেন ভান্সর এবং মধুসূদন স্বামী । নাম করবার জো নেই । ঠাণ্ডে-ঠাণ্ডে বলতে হল ।” কারণ স্বামী-ভান্সর গুরুজন, কিনা ‘প্রতাপশালী’,—আর ‘ক্ষমতাবানের নাম’ ধরে না কেউ-ই ভয়ে । অতএব ‘ওনারা’-ও ‘ওনারা’-ই ।

গোটা প্রসঙ্গটাই মজা, কোঁতুক, আর হাল্কাচালের লঘু আমেজে ভরা । তবু তলিয়ে দেখলে মনে হয়, ‘ওনারা’ কিংবা ‘ভেজালের উৎপত্তির’ মত গল্পে আরো বুঝি কিছু লুকিয়ে থেকে মজা দেখে,—তরল হাসির তলদেশ-লীন

শিল্পি-চেতনার সে এক ভাষা-বর্ণহীন অন্তর্ময় আক্ষেপ,—সব তছনছ করে দেওয়া একালের অভিজ্ঞতা-অভিঘাতে যা বিশ্বস্ত বিলোল। সাহিত্যে আহত চিন্তের হাসি ব্যঙ্গবিদ্রোপ-স্রাটায়ারের আকারেই তীব্র প্রতিফলিত হয়। বারে বারে বলেছি, মনোজ বসু'র কৈশোর-রঙ্গ-মদির শিল্পি-চেতনা তীব্রভাৱ-রহিত; আর ব্যঙ্গ-বিদ্রোপের আঘাতই বা করবেন কাকে, বহমান জীবনের সঙ্গে শিল্পীর অসুভব যে নিয়ত একাত্ম! কুলকুচির জল আকাশে ছুঁড়তে গেলে সে যে নিজেরই নাকে-মুখে এসে ছিঁটিয়ে পড়ে! অতএব এ-সব কিছু নয়—এ হল নিছক ‘কটাক্ষ’—নির্ভেজাল কোতুক আর মজা,—তবু তার ভেতরে লুকিয়ে থাকে লুপ্তিত-স্বপ্ন স্বভাব-শিল্পীর গোচরে-অগোচরে ‘মনকে চোখ ঠাৱা’র লুকোচুরি।

‘ওনারা’ গল্পের প্রসঙ্গেই আসা যাক আবার,—আগের কথা যেখানে শেষ হল,—সেই ক্ষমতাবানের নাম ধরে না কেউ; সেই যুগ্রেই লেখক বলেছেন,—“পুঁটিরাম দাস স্বদেশী সভার চেয়ার-বেঞ্চি বয়ে এবং কারবাইড্ জ্বলে দিয়ে বরাবর দেশের কাজ করে এসেছে। স্বাধীনতার পরে তালেগোলে সে-ও এক মন্ত্রী। আপনাদের মুখে তখন আর পুঁটিরাম নেই—এইচ-এম অর্থাৎ অনারেবল মিনিষ্টার। বাতে অর্থব্ধ হয়ে সেই পুঁটিরামের মন্ত্রিস্ব গেল তো রাজ্যপাল হবার তব্বিরে লাগল। আপনারাও সঙ্গে সঙ্গে ‘হিজ এঙ্গেলেজি’ জিভে শড়োগড়ো করতে লেগেছেন। তব্বিরে কিন্তু কাজ দেয় নি, বাতের বাথা নিয়ে ঘরে ফিরতে হল তাকে। এবং ঘুরে-ফিরে, সেই পুঁটিরাম’ও নয়—‘পুঁটে দাস’ এবারে।”

—এমনি করেই লেখেন মনোজ বসু—গালগল্প বলার জোরালো বৈঠকি প্রকরণ তাঁর গল্পের!—ভরাশ্রোতের নদীর মত তরতরিয়ে ছুটে চলে, বত খড়-কুটো-পলি সবও ছোটে তার দ্রুস্ত টানে; কোথাও ভারবোঝা, কোথাও মহুরতা নেই। এবারে তো আরো জোর টান লেগেছে হাসি-কোতুক ছল্লোড়ের! কিন্তু এরই মাঝে আবহমান মূল্যবোধ-পার্টে-বাওয়া আমাদের হালের সমাজ-জীবনটি কী আহুপূর্বিক আকারে রেখায়িত হয়ে উঠেছে! গল্প নয় এটি,—মূল গল্পের কোনো অনিবার্ধ প্রসঙ্গও নয়;—জাত কথকের মত কথার পিঠে কথা সাজানোর খেলায় এও একদফা নূতন কথার পৌচ! কিন্তু জীবন-দেখা চোখ কত নিবিড় হলে এমন অনায়াস-লঘু ভঙ্গিমায় অমন গভীর আক্ষেপকে মুক্তি দেওয়া যায়—লুকোচুরির অপক্লপ কটাক্ষ-কৌশলে! আমাদের তো আবার জগতকে মনে পড়তে চায়—‘কায়ার গাড়ি’ গল্পের জগত, ‘ফাঁসির মধ্যে জীবনের জয়গান’ করতে গিয়ে লে কি ভুল করেছিল?

কে দেবে সে উত্তর!—শিল্পী মনোজ বসু তখন হাসছেন, চোরা চাউনি ঘেরা  
হাফা, বুঝিবা এক-টু ঝাঁক হাসি, মনের চোখের জল ঢাকা পড়বে নয় ত  
কিসে ?

‘ভেজালের উৎপত্তি’ গল্পে কটাক্ষ বিজ্ঞপের সীমান্ত ঘেঁষে গেছে, তবু  
শিল্পীর অভ্যন্তর কলাকুশলতার বশে আঘাতের ব্যথা কখনোই প্রায় অহুভবনীয়  
স্তরে উঠে আসতে পারে না। গল্পের শেষ ছত্র কয়টি সবার আগে মনে  
পড়ে। চারদিকে সবারই মনে ভেজালের ফলাও ভাবনা—কারণ ‘ভেজালে  
তড়িঘড়ি ফলপ্রাপ্তি।’

অতএব যমরাজ ভাবছিলেন। তাঁরও মাথায় সহসা আলাদা এক প্রান  
চাড়া দিয়ে উঠল। বলেন, নরলোকে খাঞ্চে ভেজাল দিক—আমরাও এদিকে  
আত্মার ভেজাল চালিয়ে যেতে পারি। মাহুস-আত্মার আকাল তো ভ্রণের  
মধ্যে গরু-গাধা নেড়িকুত্তা-পাতিশিয়ালের আত্মা ঢুকিয়ে যাও। সাপ-ছুঁচো  
কেলো-বিছেতেই বা দোষ কি। বায়ুভূত নিরাকার জিনিস—ভাল রকম  
মিশাল করে দিও। বুড়া ব্রহ্মার পিতামহও ধরতে পারবে না।

“সেই জিনিস চলছে। নরসমাজে ইদানীং এত যে জঙ্ক-জানোয়ার কীট-  
পতঙ্গের প্রাচুর্য, তার গৃঢ় রহস্য এইখানে।”

রবীন্দ্রনাথের ক্লিষ্ট কণ্ঠস্বর মনে পড়ে; বিশ্বযুদ্ধলাহিত পৃথিবীর চারদিকে  
তখন ‘মাহুস-জঙ্কর হহকার’; মনোজ বসুরও সেই অভিন্ন অভিজ্ঞতা যুদ্ধোত্তর  
স্বাধীন ভারতবর্ষ সম্পর্কে। কিন্তু আত্মিক অপমানজনিত এই আক্ষেপও কত  
স্তিমিত হয়ে গেল ‘নরসমাজ’ শব্দটির তির্যক স্বার্থ-বাহী প্রতীকী প্রয়োগ।  
ঐটুকু ঝাঁক কটাক্ষের আড়ালে অনিবার্য দীর্ঘশ্বাসটিকে সংহত করে নিলেন  
শিল্পী,—আগাগোড়া গল্প-জোড়া লঘু হাসির ছদ্মবেশটি অকুণ্ঠিত থেকে গেল।  
আসলে মাহুসের দেহাধারে জঙ্ক-জানোয়ার, কীট-পতঙ্গের অবাধ-বিচরণই  
শিল্পীর সৌন্দর্যপিপাসু মনকে উষ্মজিত করেছিল। তাও কি যে-সে জঙ্ক-  
জানোয়ার!—কীট-পতঙ্গ, ‘গরু-গাধা, নেড়িকুত্তা-পাতিশিয়াল’ ‘সাপ-ছুঁচো-  
কেলো’র আত্মা চলে যাচ্ছে মাহুসের ছদ্মবেশে। তা না হলে আর আজ,  
‘হুখে নর্দমার জল, চায়ে চামড়ার কুচি, চালে কাঁকর, ওষুধে ময়দা, ময়দায়  
তৈল-বীচি—এ সমস্ত বহু-পরীক্ষিত পুরানো রেওয়াজ—কোলের বাচ্চাটা  
অবধি জানে।’

আর্থনীতিক বর্গবেন, এ-সব কিছুই মূলে রয়েছে উৎপাদনের ঘাটতি—  
‘আকাল’!—কিন্তু মানবিক মূল্য-চেতনায় স্থিত-চিন্তা শিল্পীর তাতে সাক্ষ্যনা  
কোথায়? মহুসের ‘আকাল’ পড়ে গেল যে!—তবু এ-কোনো তিরস্কার

কিংবা শাসনের তর্জনী উত্তোলন নয়,—আজীবন স্বন্দর-সেবা চেতনার অনতি-উচ্চারিত স্বগভীর আত্মধিকার ; হাসির মিষ্টি আবরণের তলায় জমাট তেতো অভিজ্ঞতার বড়িটি যেন ।

কেবল অহুভূতির নিভৃত নিবিড়তা নয়, এই ছন্নছাড়া জীবন-যাত্রার অবক্ষয়িত চরিত্র কত তিলে তিলে—কত নিবিষ্টভাবে লক্ষিত হয়েছে, গোটা গরজোড়া টুকরো-কথার আপাত অসংলগ্নতায় তার পরিচয় দীপ্যমান । ‘ওনারা’ সংকলনেও মনোজ বহুর সাম্প্রতিকতা-লাঞ্ছিত অহুভব লঘুহাসির ঝুটা মুক্তার আড়ালে ব্যাধিত আত্মার অশ্রুবিদ্যুটকেই ঝিক্‌ঝিক্‌য়ে তুলেছে, সেই পুরোনো কথা নুতন করে আবার দেখা দিল । বস্তুত সাম্প্রতিক অস্থিরতা-মখিত জীবনের প্রতি এই প্রতিক্রিয়া মনোজ বহুর একালের গল্পে এক সাধারণ লক্ষণ, স্বভাব-বিশ্বাসী শিল্পিমনের সহ-জ প্রতিবেদন । ‘অথ-লক্ষ্মীনারায়ণ-কথা’ ভূতের গল্প নয়, দেবতার ; হাসির উপকরণও অমন অটেল নয়—কিন্তু গল্পবাণী এবং গল্পাবেদন অভিন্ন ।

কিন্তু ‘ওনারা’ সংকলনের সব গল্পই সাম্প্রতিক রচনা নয়,—একথা আগেই বলেছি ; এবং সকল গল্পই সমান মজাদার নয় । এইসব লঘুচালের গল্পেও দেখা গেছে, মনোজ বহুর প্রতিভার মোল প্রবণতা হল স্বগভীর জীবন-প্রেম, স্বপ্নাবিষ্ট প্রকৃতি-মুগ্ধতা আর অগ্নান-অকুক্ষিত মানবিক মহাহুভূতি । প্রকৃতি-স্বপ্নের হাত ধরে এসেছে রোমান্টিক রহস্যমগ্নতা,—মানব-প্রীতির সূত্রে, সন্তর্পণ সমবেদনা ! হাসির গল্পে, ভূতের গল্পে সিরিয়াস গল্পের মতই শিল্পীর এই আত্মিক স্বভাব সদা-অহুস্থ্যত ; পার্থক্য কেবল গুণ আর পরিমাণগত মিশোলে । তারই গুণে লঘুরসের ভূতের গল্পই কত বিচিত্রবাদী হয়ে উঠেছে ! ওই ‘ওনারা’ গল্পেই দেখি,—অত হাকা চালে শুরু তো হয়েছিল গল্প—এবং এগিয়েও ছিল অনেকদূর ! কিন্তু শেষ পর্বন্ত সেই ‘মেজোবউ’-এর ভূমিকা যখন এল,—এক জীবনের ভুল শুধরাতে যিনি স্বেচ্ছামৃত্যু বরণ করেও থামেন নি, তাঁর মাতৃহৃদয়ের অক্লান্ত কল্যাণ-বাসনা ভূতের গল্পেও আশ্চর্য করণাঘন এক মানবিক আবেদন গড়ে তোলে । ‘ফেরা’ গল্পটি তো পুরোই মানবিক জীবমাবেদন-ঘনিষ্ঠ ; কিংবা ‘ছায়াময়ী’ যে পরিমাণে ভূতের গল্প তার চেয়েও বেশি একটি মিষ্টিপ্রেমের গল্প নয় কী ? নয়নতারার গর্ভের ভূত-হয়ে-যাওয়া অতীত ইতিহাসের মেয়েটির জীবন-বাসনা সে মাদুর্ভকে আরো নিবিড়তাই দিয়েছে । মনোজ বহুর গল্পে সর্বজই জীবন, জীবন-প্রেমের স্বপ্নাবেশ—কখনো অকুক্ষিত-অনবসন্ন, কখনো সাম্প্রতিকতার পেষণে প্রচ্ছন্ন আকিঞ্চ ।

এই অল্পভব নিয়ে তাঁর গল্পলোকের আরো হালের কালে এসে পৌছা যায়। ‘ওনারা’-এর পরে মনোজ বহুর গল্প নিয়ে আরো দুটি সংকলন প্রকাশিত হয়েছিল,—‘মনোজ বহুর শ্রেষ্ঠ গল্প’ (বৈশাখ ১৩৭৮), আর ‘সে এক হৃৎস্পন্দ ছিল’ (আশ্বিন ১৩৭৮)। প্রথমোক্ত সংকলনটির স্মৃতি অসম্পূর্ণ প্রত্যাশার নিরন্তর বেদনা জড়িয়ে রেখেছে শিল্পীর মনে, মনোজ বহুর গল্প-পাঠকের পক্ষেও সে আক্ষেপ সীমাহীন। শিল্পি-অধ্যাপক নারায়ণ গঙ্গোপাধ্যায় অল্পজের অল্পরাগ নিয়ে সংকলন-সম্পাদনায় ব্রতী হয়েছিলেন। গল্পগুলির নির্বাচনও তাঁরই হাতে সম্পূর্ণ হয়েছিল; কিন্তু তাঁর আকস্মিক অকাল-বিয়োগে পরিকল্পিত মুখবন্ধ অলেখাই থেকে গেল। সে সংকলনে অন্তর্ভুক্ত অপ্রকাশিত গল্প স্থান পেয়েছিল দু’টি—‘উত্তরের পথ, দক্ষিণের পথ’ এবং ‘একদা ছিলেন’, আর শেষোক্ত সংকলনের একটিমাত্র নূতন গল্প ‘এপার ওপার’। তার পরে আর গ্রন্থিত হয়নি, কিন্তু গল্প লেখা চলেছে অবিরাম ধারায়।

মনোজ বহুর শ্রেষ্ঠ গল্পের শ্রেষ্ঠতার উৎস মদ-বিহ্বল জীবন ও জীবনাবেশ। তারই অভিমুখে মন ফিরিয়েছেন শিল্পী আবার ‘আংটি চাটুঘ্যের ভাই’ গল্পে।

বসন্ত শিল্পীর গািল্পিক প্রবণতার সর্বায়ত্ত স্বাক্ষরটি যেন গল্পের দেহে-মনে আঁকা,—তাঁর ভাবুকতা ও রূপকলার সকল মুখ্য লক্ষণ!

খুব দুরলিপ্ত হলেও আংটি চাটুঘ্যের ভাই বসন্তের সঙ্গে রবীন্দ্র-গল্প ‘অতিথি’-র তারাপদর আদলে মিল রয়েছে—উদাসীন ভবঘুরে বন্ধনভীরু সেই অপরূপ কিশোর, আর স্বভাব-মুক্ত বাঘাবর-চরিত্র আপনভোলা এই তরুণের সাদৃশ্য আন্তরিক। চরম বাঁধনে আটকে পড়ার ষড়যন্ত্র ভেদ করে বিবাহ-পূর্ব নাটকীয় লগ্নে তারাপদ উধাও হয়ে গিয়েছিল—আর স্বেচ্ছাবিবাহিত চিরপথিক তরুণ-প্রাণের শেকল পরাতে দাদাবৌদি যখন বউ ঘরে নিয়ে এলেন, পলাতক হয়ে যায় বসন্ত! গল্প-বিষয় ও নাযক চরিত্রের এই নিকটবর্তিতা সত্ত্বেও গল্প দুটির রসাবেদনের পার্থক্য আমূল।

‘অতিথি’ আসলে গল্পের আকারে এক মন্বয় স্পর্শালু গান! চিরকালের বনবিহঙ্গ ক্ষণকালের খাঁচা ভেঙে অনন্তে ভেসেছিল—সেই আনন্ড্যের সুর গল্পের নাড়িতে। মনোজ বহুর গল্পের গভীরেও স্বাক্ষর আছে—কিন্তু সে গীত নয় গাথা;—‘অতিথি’ আসলে লিরিক রসের গল্প, আর ‘আংটি চাটুঘ্যের ভাই’ অন্তঃস্বভাবে ‘ব্যালাড’। ব্যালাড আসলে সেই আদিম জীবনেরই হৃৎকায় নির্ভার গল্প, সরল স্বভাব-কবিতাচ্ছন্দে সাধারণ অভিজ্ঞতা-বাসনা যেখানে কখনধর্মী বাক্শৈলী-বশে মুখরিত হয়ে ওঠে। বিশেষজ্ঞরা বলেন,



ব্যালাভ নাম-না-জানা শিল্পীর হাতের রচনা—অর্থাৎ শিল্পী সেখানে আত্মসংবরণ করেছেন সার্বিক সমাজের আকাজ্জার গভীরে। মনোজ বসুও তাই করেছেন,—আগে বলেছি দক্ষিণ-পূর্ব বাংলার জলজঙ্গলাত্র’ আদিম জীবনের রোমাণ্টিক গাথাকার তিনি।

কিন্তু তাঁর স্বভাব-শৈলী আত্মসংবরণ বা আত্মসংহরণের নয়—আত্মবিস্তার ও আত্মলীনতা সাধনের। অতি পরিচিত জীবনের রক্তে রক্তে আপন কৈশোর-স্বপ্নের আবেগ আর অহুসার নিয়ে প্রবেশ করেছেন শিল্পী,—তিলে তিলে ছড়িয়ে দিয়েছেন সেই ব্যাকুল ভালোবাসাকে প্রত্যক্ষ জীবন-অভিজ্ঞতার নাড়িতে নাড়িতে;—শেষ পর্যন্ত জীবনের বাস্তবিক চরিত্র আর শিল্পীর স্বপ্নাভিলাষে কোনো পার্থক্য থাকে নি। তাই বাদাবন-সুন্দরবন নিয়ে লেখা গল্পে মনোজ বসুর স্বতন্ত্র সত্তাকে খুঁজে পাওয়া যায় না। কারণ সে জীবনের বনিয়াদ তো বাস্তবের সর্বাবয়বে বিলীন হয়ে পড়া তাঁর রোমাণ্টিক স্বপ্নেরই ফসল!

‘আংটি চাটুঘ্যের ভাই’ গল্পের রোমাণ্টিক গাথারসের উৎস এখানেই। আদিম প্রবণতার বশে প্রাচুর্য আতিশয্যের রঙে বলমল করে উঠেছে! রূপকথার রাজকন্ডার হাসিতে মুক্তা ঝরে, কান্নায় গলে মাণিক! আর রূপকথা আমাদের একালে শিশুগল্প বলে বিবেচিত হলেও তার প্রথম জন্ম ইতিহাসের শৈশবকালের মানুষদের ‘বড়ো’ এবং ‘ভালো’র স্বপ্নকেই ঘিরে। ‘আংটি চাটুঘ্যের ভাই’-এরও দেখি জুতোর তলা থেকে টাকা বেরোয়—দগ-দগে ঘাসের ওপরে ব্যাঙেজ-এর মত করে বাঁধা কাপড় সরিয়ে নিলে দেখা যায় টাকার ভাণ্ডার—ঘা কোথায়? আংটি চাটুঘ্যের বউ-এরও যে দরাজ প্রাণ! না হয়ে যায়?—আংটি চাটুঘ্যের দশ আঙুলে হীরার আংটি দশটি বলমল করে। সব আজগুবি খেয়াল—কিন্তু তবু আজগুবি কখনো মনে হয় না!—আসলে ঐসব কামনা-বাশনা, ছন্নছাড়া জীবনের তলায় তলায় বয়ে চলে অকারণ ভালোবাসার অশেষ অভীশা,—ওরই মর্মমূল হতে মানুষের ইতিহাসের উৎসার! ইতিহাস এগোয়, কিন্তু মর্মের আকাজ্জা মলিন হয় না কখনো। আধুনিক জীবনের মর্মলীন আদিম জীবন-স্বধার্ততার সেই অমৃত-স্রোতে জারিত করেই এইসব গল্পের রস-উৎসার। ‘আংটি চাটুঘ্যের ভাই’ একটি সার্থক আধুনিক গাথা, গল্পের নাড়িতে কথকতামণী আদিম কবিতার ঝংকার নিয়ে আত্মপ্রকাশ করেছে। ‘আমি জীবনপূরের পথিক রে ভাই’ গান সেই গাথারসের প্রবণদ।

বস্তুত বাদাবন-সুন্দরবনের এই পরিমণ্ডল মনোজ বসুর শিল্পিচেতনায় অক্ষয়

অমর হয়ে আছে;—দীর্ঘদিনের বিচ্ছিন্নতার সীমান্ত পেরিয়েও সেই সহ-জীবনের গাথাষ্পন্ন অগ্নান দীপ্তিতে বলকিত হয়েছে তাঁর কল্পনায়। কেবল ‘আংটি চাটুঘ্যের ভাই’ নয়, ‘সীমান্ত’, ‘কান্ন গাছুলির কবর’ ‘আধুনিকা’ এবং আরো একটু পরে লেখা ‘স্বয়ংবরা’ গল্পেও তার স্বাক্ষর অমলিন। গল্প-বিষয় অপেক্ষাকৃত হাল আমলের কাছে ঘেঁষে এসেছে—‘দেশবিভাগ’ এবং স্বদেশের জন্ত পরাধীন ভারতে চূড়ান্ত আত্মত্যাগের উপাদান নিয়ে গড়া সরস-বিরলান্ত-নির্বিশেষে সব গল্পেই সেই আদিমতাবর্মী কল্পনার সহজ স্বতস্ফুটি;—সেই অমিত প্রাচুর্যের মায়াঘেরা ষ্পন্ন, যার সর্বক্ষেত্রে আতিশয্যের শিশু-ভোলানো চকচকে রঙ!—সকল পরিণত মনের গভীরে যে অমর শিশু ঘুমন্ত, ঘুম-ভাঙানি গানে এইসব গল্পের গাথারূপ। ‘খন্ডোত’ কিংবা ‘দিল্লি অনেক দূর’ গল্পমালার সমবিষয়ক গল্পের সঙ্গে তুলনা করলেই এইসব গল্পের স্বাভাব্য স্পষ্ট হতে পারবে। ‘স্বয়ংবরা’ গল্পটি সবচেয়ে মজার গল্প এদের মধ্যে, কিন্তু সবচেয়ে মিষ্টি ‘সীমান্ত’। কেবল ‘খীম’-এর অপরূপ ষ্পন্ন-সম্ভব মন্দিরতার জন্তেই নয়,—শেষ মুহূর্তের নাটকীয়তা-অভিনাটকীয়তায় মেশা কলা-কৌশলে উদ্ভাসিত অপরূপ সৌরভে ‘সীমান্ত’ মনোজ বসুর এক শ্রেষ্ঠ সৃষ্টি।

‘ইতিহাস’ এ-পর্বস্ত পড়া মনোজ বসুর প্রায় একমাত্র গল্প যার মধ্যে জীবনের তপস্বী এপিক প্রগাঢ়তাও সঞ্চয় করতে চেয়েছিল। গল্পের পটভূমি আধুনিক কলকাতা; কিন্তু বিষয় উনিশ শতকের সূচনা লগ্নের ইতিহাস-শিল্পীর গাথাধর্মী রোমাঞ্চিক প্রবণতা যার মধ্যে নড়ে ফিরে বেড়াবার অবকাশটুকু সংগ্রহ করে নিয়েছে। আদিমতার গভীরে যেখানে দার্ঢ্য গাঢ়তা, সেখানেই তার মহাকাব্যিক সম্ভাবনা। এ গল্পে মনোজ বসুর কল্পনার হাতে জীবন রচনায় অভ্যস্ত স্নিগ্ধ শ্রামল জলোমাটি অনেকটা কঠিন আকার ধরতে চেয়েছে;—স্বতর্পা সংহত হয়েছে ততটাই সে ভরাট।—এদিক থেকে তার বৈচিত্র্য আর স্বতন্ত্রতা সর্বিশেষ লক্ষ্যযোগ্য।

কিন্তু ‘একটুকু বাসা’র মত গল্প ‘মায়া কান্না’ গ্রন্থের অন্তর্ভুক্তও হতে পারত; এই শেখোক্ত সংকলন ১৩৬৮ সালে গ্রন্থিত হয়েছিল—খ্রীষ্টাব্দের হিসেবে তখন বাট-এর দশকের শুরু। তারই এপার-ওপারের সীমান্ত ঘেঁষে শিল্পিমানে এই গল্পগুচ্ছের জন্মকাল। গল্প-বিষয় আবার তার এপিসোডিক চরিত্র খুঁজে পেয়েছে।—শিল্পীর মেজাজ এবারে হাল্কা নয়, যেমন ছিল ‘খন্ডোত’-গল্পমালায়। কিন্তু ‘কিংগুক’-এর প্রসঙ্গে যে-কথা বলেছি, মনোজ বসুর জীবন-উন্মুখ কল্পনা ডুব দিয়ে তলিয়ে যাবার মত গাঢ় গভীরতা কোথাও খুঁজে পায় না এই চলমান স্রোতের ধারায়। পুরাতন আদর্শ, মূল্যবোধ,

পুরাতন অর্থ নৈতিক-সামাজিক ভারসাম্যের বাধন ছিন্নাভিন্ন হয়ে গিয়ে ভাঙ  
 স্রোতের মত ভেসে চলেছিল। পূর্ব-পশ্চিমবঙ্গাগত নব-পশ্চিমবঙ্গীয় যে জীবন,  
 তারই সঙ্গে আপন কল্পনা-শক্তিকে ভাসিয়ে দেন শিল্পী সকল ঐকান্তিকতার  
 সঙ্গে। গল্প-বাণী আরো প্রগাঢ় যে হতে পারল না, তার কারণ শিল্পীর  
 অভিজ্ঞতার চারপাশে ছুটে-চলা জীবনে তার উপযোগী গাঢ়তা ছিল না।  
 সেই বৃষুদের মত ভাসমান জীবন হতে এক একটি তাৎক্ষণিক অভিজ্ঞতা-  
 অল্পভূতি মুঠো করে ধরে কল্পনা-রসে রাঙিয়ে দেবার নূতন এ প্রয়াস।

‘মায়াকাল্লা’ সংকলনের প্রথম গল্প ‘উপহার’-এর ‘খীম’ এবং শৈলীতে তার  
 স্বচ্ছ প্রকাশ। ডুয়ার্স অঞ্চলের চা-বাগানে সভা করতে গিয়ে মনোজ বহুর  
 আকুল স্বভাব মন বৈচিত্র্যে চমকিত হয়েছিল নিশ্চয়। সেই ভাল-লাগা  
 চমকের সূত্রে একটি ক্ষণস্থায়ী ‘সিচুয়েশন’ গৈথে এক মুহূর্তের গল্পটি গড়ে  
 উঠল। ‘সীমাস্ত’ গল্পের শুরুতে শিল্পী ভূমিকা করেছিলেন—“গুনতে গল্পের  
 মতো, কিন্তু খাঁটি বৃত্তান্ত।”—তাহলেও সে ‘বৃত্তান্ত’-তে শিল্পি-কল্পনার স্বভাব-  
 লিঙ্গ মিশোল লুকোনো নেই। কিন্তু ‘উপহার’-এর ‘খাঁটি-বৃত্তান্ত’-গুণ বলে  
 দেবার অপেক্ষা রাখে না; বরং ঐ গল্পের স্বীম-এই একালের জীবনের  
 চরিত্রও যেন ভাসে।

অল্পপক্ষে মনোজ বহুর কল্পনা-গুণের মৌল উপাদান কেবল ‘ফ্যান্সি’ নয়,  
 —প্রায়ই ‘ফ্যান্সি’ এবং ‘ফ্যান্টাসি’র যৌথ মিশ্রণে গড়া। বরং ‘ফ্যান্সি’র চেয়ে  
 ‘ফ্যান্টাসি’র দিকে বয়ঃসন্ধি-ধর্মী গ্রামাণ-ঘরোয়া গল্পকলার প্রবণতা বেশি,—  
 তাতে শিশু-ভোলানো রঙের চমক যে থাকে লেকথা দেখেছি আগে।  
 ‘স্বপ্নীদম্পতি’, তার চেয়েও বেশি করে ‘ট্যান্সিওয়ালা’ গল্পে সেই অতিকল্পনার  
 বিভা আট্টেপৃষ্ঠে ছড়ানো। তাহলেও অবাস্তব বলে এ-সব গল্পকেও ছুঁড়ে  
 ফেলবার উপায় নেই। গল্পের পিঠে গল্প, কথার পেছনে কথা সাজানোর  
 কারুকলাকৌশল এমন অনায়াসে চড়ানো যে, প্রতি মুহূর্তে উৎকণ্ঠিত অঙ্কশ  
 কোতূহলের গলিঘূঁজিতে মনকে যখন ঘোড়ার মত ছুটিয়ে বেড়ায় শিল্পীর  
 অতি-কল্পনা, তখনো প্রশ্ন করবার অবকাশ থাকে না—এ কি হল? এ-সব কি  
 ঠিক? তাছাড়া, একথাও আগে বলেছি, আমাদের প্রত্যেক পরিণত মনে  
 সুখসুপ্ত আদিম শিশুচেতনার কানে এ-সব কল্পনা যেন ঘুম ভাঙানি গান গেয়ে  
 ফেরে। তারই ফলে গল্প-পড়ুয়ারও অবচেতন মন বুঝি ‘ট্যান্সিওয়ালা’র মত গল্প  
 পড়তে পড়তে মনে মনে বলে স্বপন যদি মধুর এমন হোক সে মিছে কল্পনা!  
 আর কথার পিঠে কথা লাগিয়ে আপাত-জটিল গল্পের পায়ে স্বপ্নের পর স্বপ্নের  
 উর্গাজাল রচনার চমকপ্রদ মধু-মেহুর কৌশল এক অতি সহজ প্রকাশ পেয়েছে

‘হাল হাল মুখ’ গল্পে । এ-সব গল্পে ‘ক্যান্সি’ আর ‘ক্যান্টালি’—কবিকল্পনা আর অভি-কল্পনাকে পৃথক্ করে নেবার উপায় নেই । আর আগে যে-কথা বলছিলাম, ‘একটুকু বাসা’ আর ‘লম্বাটপাঠ’ একই অতিকল্পনার হাতে গড়ার মজার গল্প, অভিন্ন গোত্র এরা ।

কিন্তু অন্তরের সহজ আবেগকে ডুবিয়ে দিতে পারার বাস্তবিক আশ্রয় পেলে মনোজ বসু চিরকালই যে তাঁর জীবন-কল্পনাবিলাসী মন নিয়ে গভীরতায় ডুবতে রাজি, ‘চলো গোয়া’ গল্প তার অগ্নান সাক্ষী । সেই পরাধীনতা-মুক্তির জন্ত জীবন-পণ সংগ্রাম, মানবতার বেদীতে সর্বোৎসর্গের সেই প্রাণ-বল, বাদ্যবন-সুন্দরবন-প্রকৃতির মতই মনোজ বসুর অহুভবকে এ-সবেরই স্বপ্ন আবাল্য মথিত করেছে দেখেছি । তাই প্রথম স্রোগ পেয়েই জেগে উঠল আবার, সেই অবিস্মরণীয় গাথাশিল্প । যেন বাদ্যবনে খুঁজে পাওয়া ‘কাহ্ন গাছুলির কবর’-এর সগোত্র ! বাধা কিছু নেই তো ! দুই জীবনই তো সাগর-মেখলা, বন্দোপসাগর একপ্রান্তে—আরেক প্রান্তে আরব সাগর ! আর অমর জীবনের জয়গাথা রচনায় শিল্পীর ফেনিল কল্পনা চিরচূর্ণ ; অতএব সব বাধা-দূরত্ব ঘুচে গিয়ে জীবনের সেই আদিম শাস্ত বিস্ময়বোধের জয়গাথা নির্বাধ হয়ে ওঠে । ‘বাদ্যবন’ এবং ‘মায়াকন্ঠা’ গল্প দুটিতে যথাক্রমে কবিকল্পনার ভিয়েনে যে পাকা রস জমে উঠেছে, তারই বিমিশ্রতায় গড়া ‘চলো গোয়া’ গল্পের শরীর-মন ।

মনোজ বসুর ‘গল্প পঞ্চাশৎ’ বইয়ে সংযোজিত হয়েছিল পনেরোটি নতুন গল্প ; ‘মায়াকন্ঠার’ পরের বছরে সংকলিত । গল্প-চরিত্রে তাই বিভিন্নতা নেই খুব, কিন্তু গঠনে পরিণতির ছাপ কোথাও কোথাও অভিনবতর । মনোজ বসুর কলাশৈলীর মুখ্য উপাদান বারে বারে দেখেছি,—কবিকল্পনা-অতিকল্পনায় মেশানো দ্রুতগতি উপাখ্যান, গল্পের সঙ্গে গল্পবলিয়ার মগ্নতা-জনিত এক দূরন্ত প্রাণের টান, গাথা-প্রকৃতির অহুমত কখন-ধর্মী বাক্কলার জীবন্ত প্রত্যক্ষ স্বপ্রাবেশ—যার কোথাও অতি আবেগের উচ্ছ্বাস, কোথাও নাটকীয়তার চমকপ্রদ সহজ উৎসার । সেই সঙ্গে, যেমন ‘খন্ডোত’ বা ‘দিল্লী অনেক দূর’—গল্পমালায় দেখেছি,—সাংকেতিকতার তির্যক কটাক্ষ সঞ্চিত হয়েছে কোথাও কোথাও । আর তার মুখ্য রস-উপাদান রোমান্সের সহজ আবেশ-বনিষ্ঠ জীবন-রস ; যার আবাদনে ভালো যত লাগে, মজা লাগে তার চেয়ে বেশি । মজা অর্থে এবারে আর কেবল ইংরেজির ‘ফান’ নয়—এক মন-খুশি-করা আশ্রমের অহুভবের কথা বলছি ।

‘গল্পপঞ্চাশৎ’-এর নানা গল্পে ভাব-রূপের এই বিভিন্ন উপাদান বিচিত্র

পরিমাণে ছড়িয়ে আছে। ‘পুণ্যের সংসার’ গল্পটির অন্তর্নিহিত কটাক্ষ-সজীব-সংহত ; গল্পবাণী শিল্পীকে শরৎচন্দ্রের কাহাকাছিই কেবল টেনে আনে নি,—রবীন্দ্রনাথের ‘বিচারক’ গল্পের গাঢ়তা একালের পটভূমিতে মনোজ বসুর বয়ঃসন্ধি-ভাবিত ভাষায় যেন আর একবার আভাসিত হল। গল্প-নামের সাংকেতিকতা গল্পদেহে সঞ্চারিত হয়ে নতুন লাভাণ্য বিস্তার করেছে। অত সচকিত ভাবে না হোক, ‘সঞ্চয়িতা’ গল্পেও সংকেত-প্রবণতা একেবারেই দুর্লভ নয় ; শিক্ষিতা আধুনিক তরুণীদের কাছে ‘সঞ্চয়িতা’-ও পরিচিত না—না তার নাম না কোনো কবিতার পরিচয়।—তবু আমরা রবীন্দ্র-গর্বা ; কটাক্ষের এ কোতুক-শাসন সমগ্র জাতির প্রতি দরদী শিল্পীর তর্জনী-নির্দেশ।

‘স্বভাব’, ‘সীতার’, ‘সতী’ গল্প তিনটিতেই সেই প্রথম জীবনের অভিজ্ঞতা-সুপ্ত গ্রামীণ প্রতিবেশ—শিল্পীর সবচেয়ে চেনা সবচেয়ে প্রিয় জীবনের গন্ধে সুরভিত। তারই মধ্যে ‘সীতার’ গল্পটি অনেকটাই নিটোল একটি ছোটগল্প ; মনোজ বসুর রচনায় যার সংখ্যা প্রচুর নয় ; এই সংকলনের ‘ফাঁসি’ তার আর এক অপূর্ণ সার্থক নিদর্শন। ‘ফাঁসি’ গল্পে কল্পনা, অতি-কল্পনা, জীবন-প্রেম আর যুগপৎ বিকৃতি-নাটকীয়তা-ঘনিষ্ঠ প্রায় অলক্ষ্য ক্ষুণ্ণগতি বিজ্ঞানের যাত্ৰুকা একটি পরিপূর্ণ ছোট গল্পই রচনা করেছে।

‘স্বভাব’ গল্পে চিরপুরাতন গাথার রস নতুন করে দেখা দিয়েছে। ‘বাদাবনের গান’-এর সঙ্গে তুলনা করলে একই জীবন নিয়ে শিল্পীর বিচিত্র রস-সৃষ্টি প্রয়াসের কারু-কোতুকও স্পষ্ট হয়ে উঠবে।

আর ‘সতী’ গল্পে পুরোনো জীবনের প্রচ্ছদে নতুন বিশ্বাস, নতুন ভরসার গান লিখেছেন শিল্পী। গান নয় ঠিক—আসলে গাথা। বিধবা সতীর নবজীবনে প্রতিষ্ঠা-লাভ বিস্তারাগরের যুগে ছিল জীবন সংগ্রাম—আর একালের পরমবাহিত স্বপ্ন ;—তবু স্বপ্নই বেশি পরিমাণে। মনোজ বসুর সিদ্ধ রূপায়ণে সেই দুর্লভ স্বপ্নকে মুঠো ভরে পাওয়ার অনতি-তীব্র স্বাভুতার মধ্যে কণাবিচরণ করা গেল। ‘নতুন বউ অলকা’-ও মিষ্টি রসের ইচ্ছা পূরণের গল্প—কিন্তু পুরাতন জীবনে নতুন আকাঙ্ক্ষার বিজয়-বৈজয়ন্তী।

‘ধুনোবান সর্বেবান’ গল্পে যেন শিল্পিমনের এই নবজাগ্রত আকাঙ্ক্ষার কনকাকলি। হাইলাকান্দ্রির উদ্বাস্ত জীবনে পুরাতন প্রাচুর্য-ঐতিহ্যের মিথ্যা হাহাকারকে ধূলোমুটির মত করে ছুঁড়ে ফেলে দিয়ে নতুন করে জীবন গড়বার স্বপ্ন, জীবন গড়ার তপস্বীকে শিল্পী অপূর্ণ সাংকেতিকতার রূপ দিয়েছেন। ওপার থেকে চলে আসা মায়ের ভূত মেয়েকে ছেড়ে যাবে, আর ওপারে নিঃশেষিত ‘ভূত’-জীবনের সংসার থেকে মুক্ত হবে পরেশ-টুনি—‘ভূত-

খোলার' ভেজে ছাই হয়ে যাবে—নব-জীবনে পুনর্বাণিত হবে লবাই।—গল্পের  
পায়ে পায়ে কবিতা-লতার মত একে-বৈকে জড়িয়ে উঠেছে এই গাথা-স্বপ্ন ;—  
মনোজ বহুর গল্প-কৃতির বা স্বভাব-সম্পদ ।

আসলে এমন করেই তিনি চলেছেন।—জন্মলগ্নে কুড়িয়ে-পাওয়া  
কৈশোরের সোনার স্বপ্নঘেরা জলজললাকীর্ণ প্রকৃতির প্রতি নাড়ির টান—  
আর সেই স্মৃতিই গড়ে-ওঠা অনাবিল আদিম অকুণ্ঠিত জীবন-প্রেম,—এক  
স্বস্থির মূল্যবোধের দৃঢ় বেদীতে মনের গভীরে যার মণি-সিংহাসন ! এই লব  
কিছুর পাথের নিয়ে পায়ে পায়ে আজও অক্লান্ত হেঁটে চলেছেন জীবন-উৎসুক  
মরমী শিল্পী—ছড়িয়ে-ছিঁটিয়ে পড়া ক্রান্তিকালীন গ্রহণ-লাগা জীবনের পিছু  
পিছু । তাঁর আশ্রয় কোতুল গ্রহণ-দেখার নয়—মুক্তিমানের ।

ভূদেব চৌধুরী

### প্রকাশকের নিবেদন

কঠিন রোগের কবল থেকে অতিসম্প্রতি ত্রীযুক্ত মনোজ বহু স্বস্থ হয়ে  
ফিরলেন । এই আনন্দের মধ্যে 'গল্পসমগ্র—উত্তর পর্ব' প্রকাশিত হচ্ছে । গল্প-  
রচনার মধ্যেই মনোজ বহুর স্বজন-প্রতিভার পূর্ণ প্রকাশ, একথা আর বলার  
অপেক্ষা রাখে না । বঙ্গসাহিত্যে এত বিচিন্তনময়ী গল্প সৃষ্টিময় কয়েকজন মাত্র  
লিখেছেন । গল্পসমগ্রের পবে পর্বে সেই সমস্ত প্রকাশিত হচ্ছে । আদি ও  
মধ্য পর্ব ইতিপূর্বে বেরিয়ে গেছে—উত্তর পর্ব বেরিয়ে গেল । বাকি শুধু আর  
একটি—প্রান্তিক পর্ব । সে বইও প্রেসে যাচ্ছে ।

ভূম্যলোর কারণে লেখাগুলি রসিক পাঠকের কাছে পৌছানোর বাধা না  
ঘটে, লেখকের ঐকান্তিক ইচ্ছা । সেই কারণে 'গল্পসমগ্রের' বাবদ রয়্যালটি  
তিনি নিচ্ছেন না । বেঙ্গল পাবলিশার্সের স্রষ্টা মনোজ বহুর প্রতি ঐকান্তিক  
প্রীতি বশত প্রকাশকেরাও যথাসাধ্য অহুদান করছেন ।

ডক্টর ভূদেব চৌধুরী, বাংলা গল্পের রসবিচারে যিনি একক ও অনন্য,  
তিনিই গ্রন্থগুলি সম্পাদনার দায়িত্ব নিয়েছেন । এই কারণে গল্পসমগ্রের  
আরও সমৃদ্ধি-লাভ ঘটেছে । তাঁর ভূমিকাগুলি অতুলন । লেখকের প্রতি গভীর  
প্রীতি ও প্রজ্ঞা বশত তিনিও নামে মাত্র সম্মান-দক্ষিণা গ্রহণ করছেন । এই  
সমস্ত কারণে ডবল ডিমাই ১৬ সাইজের ৬০০ পৃষ্ঠারও বেশি বৃহদায়তন গ্রন্থ মাত্র  
২০.০০ মূল্যে দেওয়া সম্ভব হচ্ছে । আদি পর্বের ( ৪০০ পৃষ্ঠা ) মূল্য ১২.০০ মাত্র ।  
মধ্য পর্বের ( ৬০০ পৃষ্ঠারও বেশি ) মূল্য ২০.০০ । আরও আছে । গ্রাহক হতে  
হবে না । আমাদের কাউন্টার থেকে সরাসরি যারা গল্পসমগ্র নেবেন, তাঁদের  
অতিরিক্ত ২০% ডিসকাউন্ট দেয়া হবে । আদি, মধ্য ও উত্তর পর্ব গ্রাহকেরা  
যথাক্রমে ২০.০০, ১৬.০০ এবং ১৬.০০ মূল্যে পাবেন ।

## উপহার

ডুয়ার্শ-অঞ্চলে গিয়েছিলাম। ভূটানের সীমান্তে। সেখানেও লাহিত্য-লভা। এক চা-বাগানে থাকতে দিয়েছে। আগে লাহেব-স্ববোরা শিকারে আসত, তাদের জন্তু অতিথিশালা বানিয়ে রেখেছে। ভিতরে ঢুকে তাক্যব হবেন। দামি আসবাবপত্র, এই উচু গদির বিছানা, বিছাভের আলো-পাখা—জলপুরীর মধ্যে একটুকু ইন্দ্রলোক যেন।

আর এক তাক্যব, ইন্দিরার মতো মেয়ে এই জায়গায়। বাগানের ম্যানেজারের মেয়ে। জলপাইগুড়ি থেকে ইন্সুলে পড়ত, লোমন্ত বয়স হওয়ায় পড়া ছাড়িয়ে ম্যানেজারমশায় বাগানে নিয়ে এসেছেন। ফাস্তনমাসের দিকে কলিকাতা নিয়ে যাবেন বিয়ে দেবার জন্তু। দেখতে বেশ সুন্দরী, অতএব ফিরিয়ে নিয়ে আসতে হবে না, একথা স্বচ্ছন্দে বলা যায়। যেটুকু সময় বাসায় থাকি, ইন্দিরা ছায়ার মতো ঘোরে। এত কাছাকাছি একজন লেখককে পেয়ে বর্তে গিয়েছে মেয়েটা। মুখেও তাই বলে : আপনার বই পড়ি, চোখে দেখব কোন দিন ভাবতে পারিনি।

তুমি লেখ-টেখ নাকি ?

না, না—কী যে বলেন ! কত বিশ্বে আমার, তাই লিখতে যাব !

ঐ জোয়ালো না-না—ওনে সন্দেহ আরও বাড়ে। প্রমাণও পেয়ে গেলাম। ড্রেসিং-রুমের একটা তাকে পণ্ডের খাতা। প্রথম পড়টা ফুলের উপর—

কী হে, খাতায় কী লিখেছ এসব ?

দুটো-একটা লাইন পড়তে ইন্দিরা লজ্জায় লাল হয়ে ওঠে : এল কী করে এখানে ? পড়বেন না আপনি। কক্ষনো না—

খাতা কেড়ে নিতে যায় আমার হাত থেকে। এই সময় ম্যানেজার এসে বললেন, চান করে নিন এবারে। বাথরুমে জল দিচ্ছে।

ইন্দিরারই সমবয়সি একটি মেয়ে টিউবওয়েল থেকে জল তুলে তুলে বাথরুমের টব ভর্তি করছে। ম্যানেজার পরিচয় দিলেন : আমাদের মালির মেয়ে—কালীতারা। অতিথিশালার ঘর-দুয়ার ওদের জিন্মায় থাকে। আপনি আসছেন—রান্নার লোক খুঁজছিলাম এই ক’দিনের জন্তু। তা কালীতারা আড় হয়ে পড়ল : লেখক-মাহুয বাজে লোকের রান্না খাবেন কি।

আমি রাঁধব। রাঁধাবাড়া শুধু নয়—আপনার লম্বা কাজ ও-ই করছে, আর কাউকে ছুঁতে দেয় না।

বলেন কি, এত ক্ষমতা ঐটুকু মেয়ের! রাঁধছেও খালা।

ভাল মেয়ে, পড়াশুনোতেও খুব ভাল। আমরা এক বাংলা-ইস্কুল বসিয়েছি বাগানে। ফার্স্ট হয়।

কাল এসে পৌছেছি—তাই তো বটে! মেয়েটা চরকির মতো ঘুরছে সেই থেকে, পান থেকে চুন খসতে দেয় না। খেয়ে উঠতে না উঠতে দেখি, আঁচানোর জল গরম করে নিয়ে দাঁড়িয়ে আছে। আঁচিয়ে বসতে না বসতে ভিবে ভরতি পান। এর উপরে পড়াশুনো করে শুনে ভাল লাগল।

ঘুম-টুম দিয়ে সভায় গেছি। মস্ত সভা। এসব জিনিস এদিকে বড় একটা হয় না, অনেক দূর থেকে লোক এসেছে। লোক দেখে আমাদেরও মুখ খুলে যায়, ছ-ঘণ্টা একনাগাড়ে বক্তৃতা চালিয়েছি। অত লোক স্থির হয়ে শুনল। বাগানের কুলি-কামিন বেশির ভাগ—সাহিত্যের কী বুঝল তারা, কে জানে! কিন্তু হাততালির ঠেলায় অস্থির।

ক্ষুণ্ণিতে গগমগ হয়ে বাগানে ফিরলাম। সাড়ে-আটটার প্লেন ধরব, এয়ারপোর্ট পাঁচ মাইল, মোটে সময় নেই। নাকে-মুখে গুঁজে ছুটতে হবে এক্ষুনি।

তুমি সভায় গেলে না কালীতারা?

অভক্তি করে ইন্দিরা বলে, ও যাবে—তবেই হয়েছে! বসে বসে উনকুটি ভাগে ভাল-চচ্চড়ি রাঁধছিল।

পান দিতে এসে কালীতারা গলায় আঁচল বেড় দিয়ে ছ-পায়ের উপর প্রণাম করল।

তাই তো, কিছু দেওয়া তো উচিত। মনিব্যাগ খুলে ছোটো টাকা দিলাম : মিষ্টি খেও কালীতারা—

মোটরে হর্ন দিচ্ছে। ইন্দিরাকে বলি, স্ট্রাকেশটা বের করে দাও গাড়িতে। জামা পরে যাচ্ছি আমি।

তাকিয়ে দেখি, কালীতারার হাসিমুখ এদিকে কালো হয়ে গেছে। ছ-চোখে জল টলটল করছে।

কি হল?

আমরা বি-চাকর, টাকাই তো দেবেন আমাদের।

ঘাটের উপর সেই পদ্মর খাতা, একটু আগে শুয়ে শুয়ে দেখছিলাম। কালীতারার হোঁ মেরেই খাতা তুলে নিল।



আমার খাতা এখানে আনল কে ?

খাতা নিয়ে দ্রুত বেরিয়ে গেল ঐ দরজা দিয়ে। একবার মুখ ফেরাল, অশ্রুর ধারা বইছে। টাকা ছুটো রেখে গেছে খাটের উপর।

হতভম্ব হয়ে আছি, এমন সময় ইন্দিরা ফিরে এল। আর ভুল করব না। সভায় পণ্ডের তোড়া দিয়েছে, তোড়াটা তার হাতে তুলে দিলাম।

বারম্বার হর্ন দিচ্ছে। আর দাঁড়ানো চলে না।

কিন্তু গাড়িতে উঠে চশমা খুলে রাখতে গিয়ে দেখি, খাপ কেলে এসেছি।

রোখো, রোখো—

আবার ঘরে গেলাম। বারান্দায় ম্যানেজারের গলা।

নর্দমায় ফেলে দিলি কেন ? অত বড় মালুমটা উপহার দিলেন—

অশ্রুধ্বজ কণ্ঠে ইন্দিরা বলছে, কালীকে মিষ্টি খাওয়ার টাকা দিলেন।

আমার বেলা জঞ্জাল গুচেরখানেক। খাটাখাটনি আমিও তো করেছি—

## সুখী দম্পতি

পথ দীর্ঘ। গাড়িটা গোলমাল করছে কিছুক্ষণ থেকে। বারম্বার স্টার্ট বন্ধ হয়ে যায়। শেষটা আর কিছুতেই স্টার্ট নেয় না। নেমে পড়ল ড্রাইভার। এটা টিপছে, ওটা খুলছে, ফুঁ দিচ্ছে একটা লক্ষ নলে মুখ রেখে।

প্রফুল্ল খিঁচিয়ে ওঠে : কী চা' বিহারী ? কতক্ষণ লাগবে, ঠিক করে বল।

ড্রাইভার বলে, কারবুরেটারে তেল যাচ্ছে না। ময়লা ঢুকেছে। এন্ট্রনি হয়ে যাবে সার—দু-এক মিনিটের মধ্যে।

যেমন কাজকর্ম তোমার ! গাড়ি ছুটিয়েই দায়-খালাস। ইন্ডিনের দিকে দেখবে না তাকিয়ে। তাড়াতাড়ি কর। আসছি আমি।

প্রফুল্লও নামল। রক্ষা এই যে শহর জায়গা, এবং ছপূরবেলা। রাত ছপূরে বনজঙ্গল কিম্বা মাঠঘাটের ভিতর গাড়ি বিগড়ালে ভোগান্তির পার ছিল না।

বোধকরি জ্বীকে লক্ষ্য করেই কৈফিয়তের ভাবে প্রফুল্ল বলে, বন্ধ আছে আমার এখানে। সুবিধে পেলাম তো তার সঙ্গে একবার দেখা করে আসি। এন্ট্রনি আসছি, পাঁচ মিনিটের মধ্যে।

বলে হনহন করে সে চলল। মোড়ের মুখে অদৃশ্য হয়ে গেল।

রৌণাও তারপরে বেরিয়ে আসে গাড়ির ভিতর থেকে। বিহারী বলে, কড়া রোদ মা, মাথা ধরে যাবে।

রীণা বলে, গাড়ি ভেঙেপুড়ে আছে। ভিতরে মোটে বলা যাচ্ছে না।  
সেই ধর রোগ খেতে খেতে আসা হল তো। এতখানি পথ—

তবে মা গাছতলায় ছায়ায় গিয়ে দাঁড়ান। কতক্ষণ লাগবে কিছু বলা  
যায় না।

এই যে একেবারে মিনিট হিসাব করে বলে দিলে—দু-এক মিনিটে হয়ে  
যাবে।

বিহারী বলে, বাবুর কাছে কী আর বলব। কেন বলি তা-ও তো জানেন  
মা। সত্যিকথা আপনাকে বলা যায়, বাবুর কাছে বলব কোন সাহসে ?

বলতে বলতে সে রাস্তার ধূলোয় শুয়ে পড়ে মোটরের নিচে চলে গেল।  
ঠুকঠাক করছে। একতলা বাড়ি একটা রাস্তার ধারে নর্দমার পাশে। বাড়ির  
লাগোয়া বকুলগাছ। বকুলতলায় গিয়ে রীণা গুঁড়ি ঠেশ দিয়ে দাঁড়ান।

বিহারী বেরিয়ে আসে খানিক পরে। বিরল মুখ। বলে, হয় না। বাবুকে  
তো যা-হোক একটা বলে দিলাম। রোগ কোনখানে ধরা যাচ্ছে না।  
আপনি কতক্ষণ ও-রকম ভাবে দাঁড়িয়ে থাকবেন মা ? রোয়াকে গিয়ে বসে  
পড়ুন। খুঁজেপেতে আমি একটা মিজি নিয়ে আসি। দূরের পথ—গোলমালাটা  
কোনখানে, ভাল করে না দেখিয়ে যাওয়া যায় না। বাবু এর মধ্যে এসে পড়লে  
বলবেন সেই কথা।

রীণা হাসল : আসবে তার এখন কি ! বন্ধুর বাড়ি গেছে, তারা কি এত  
সহজে ছাড়বে ? পাঁচ মিনিট বলে গেল, পাঁচ ঘণ্টা না লাগলে বাঁচি এখন।

মিজির খোঁজে ছুটল বিহারী। রীণা রোয়াকে বসল। বসেই ঠাहर হল,  
এই একতলা বাড়ির ছটো চোখ জানলা দিয়ে তার পানে তাকিয়ে আছে।  
এতক্ষণে পুরোপুরি চিনে ফেলে দড়াম করে দরজা খুলে রোয়াকে এসে রীণাকে  
দু-হাতে জড়িয়ে ধরল। রীণারই সমবয়সি বউমাহুয়। মাধবী।

রীণা আমার ঘরের ছোৱারে ! অবাক কাণ্ড, রীণা আমার রোয়াকের  
উপর ! আমি তা বুঝব কেমন করে ? চোখে দেখছি—দেখেও তো বিশ্বাস  
হয় না। চোখ কচলে দেখি আবার।

রীণা বলে, খানবাদ থেকে ফিরছি। ও বলল, হেনে কেন আর—এমন  
গাড়ি রয়েছে। গাড়িতে নিরিবিলা আরাম করে যাওয়া যাবে। তা গাড়ি  
খারাপ হয়ে গেল এই অবধি এসে।

রীণা বড়ঘরের বউ, মাধবী তা জানে। স্বখে স্বচ্ছন্দে আছে তা-ও  
জেনেছে। এত বছরেও সে স্বখে তিলেক তাঁটা আসে নি—এখনো ছুটিতে  
নিরিবিলা খোঁজে। লংসারে অভাব-অনটন না থাকলে হয় বোধকরি এই রকম।

মাধবী কলকঠে বলে, বুঝেছি যে একটা কিছু হয়েছে। নইলে এতবড় অঘটন—রীণা মিস্ত্রির আমাদের পচা নর্দমার পাশে! ভিতরে আয়। গাড়ি যতক্ষণ ঠিক না হচ্ছে, সেটুকু লম্বা বসবি তো আমার কাছে। একা দেখছি, কর্তাটিকে কোথায় সরিয়ে দিলি এর মধ্যে?

বন্ধু পেয়ে গেছে, বলিস কেন! ছুনিয়াময় ওর বন্ধু। বন্ধু এসে টানতে টানতে নিয়ে গেল।

জড়িয়ে ধরে মাধবী তাকে ঘরের মধ্যে নিয়ে গেল। এতখানি বয়স হয়েছে, গায়ে কী জোর! চোটে বয়সে রীণা কোনদিন তার সঙ্গে পারেনি, আজকেও পারল না। ঘরে নিয়ে বিছানার উপর বসাল। পুরানো শাড়ি ছিঁড়ে ছিঁড়ে জানলার পর্দা—গরিবের বাড়ি, একটবার নজর বুলিয়েই বোঝা যায়। কোনদিন মাধবী ফর্সা নয়—এখন আরও যেন পুড়ে গিয়ে কয়লার মতন হয়েছে। ধানবাদের কয়লাকুঠিতে কদম বলে আদিবাসী ছুঁড়িটা আছে, অবিকল সেই গায়ে রং। কটে-ছুখে এমন হয়েছে। এমন মেয়েটা, আহা, ভাল ঘরে পড়েনি।

মাধবী বলে, উঃ কতকাল পরে দেখা! বিয়ে করে তোকে কলকাতায় নিয়ে গেল, কত যে কঁদেছিলাম সেদিন! এখন কেউ কারো খোঁজ রাখি নে। ভাগ্যিস আজ মোটর বিগডাল বাড়ির সামনে—

আঙুলের কর গণছে : এই কাক্তিকে আট—পুরো আট বছর হয়ে গেছে। তারপবে এই দু-মাস। মনে হয় একেবারে সেদিনের কথা। মাস-বছর পাখনা মেলে উড়ে পালাচ্ছে।

মাধবীর বাম চোখের বাঁ-দিকটায় রীণার দৃষ্টি পড়ল। একদৃষ্টে তাকিয়ে আছে।

মাধবী বলে, কি রে?

কাল দাগ ওটা কিসের?

মায়ের দাগ। বলিস কেন, রেগে গিয়ে চাবির খোলো ছুঁড়ে মারল সেদিন। আর একটু হলে চোখটা যেত। কপাল গুণে রক্ষে হয়েছে।

রীণা তৃপ্তি ভরে শুনছে। মনে মনে আরাম পায়। দুর্গতির কথা সবিস্তারে শোনবার জ্ঞান দরদের স্বরে বলে, কী সর্বনাশ!

মাধবীর একবিদ্যুৎ যদি সঙ্কোচ-স্থিতির ভাব থাকে! গরিব বাপ-মায়ের কাছে শিক্ষা পায় নি কিছু, ঘরকন্নাই কেবল শিখেছিল। নির্লজ্জ ভাবে কেমন বলে যাচ্ছে : ঝি-চাকর নেই, একলা হাতে সব করতে হয়। সব কাজ লম্বা মতন পেরে উঠিনে। বলে, পুলিশিঠে করবি বলেছিলি—নিয়ে আয়। পিঠের খুব ভক্ত কিনা! বলে, নিয়ে আয় এফুনি। চুলের মুঠি ধরে এমন

টান দিয়েছে, মাটিতে পড়ে গেলাম। তাতেও রাগ যায় না, কানায় করে চাকি ছুঁড়ে মারল।

রীণা শিউরে উঠে বলে, এই অত্যাচার করে যাচ্ছে পুরুষে। সভ্য জগতে বাস করি, কোন রকম এর প্রতিকার নেই?

মাধবী হতাশ স্বরে বলে, প্রতিকার চিন্তেই যবে উঠব, সেইদিন। তার আগে নয়। এক-পা ধুলো নিয়ে বাইরে থেকে এসে হুকুম ঝাড়বে, পা ধুইয়ে দে। ধপাস করে বিছানায় শুয়ে বলবে, গায়ে লেপ জড়িয়ে দে ভাল করে। লীতারামের স্বপ্ন আর কাকে বলে! এর মধ্যে দৈবাৎ পান থেকে চুন খসেছে তো রক্ষে নেই।

রীণা কৌশল করে নিশ্বাস ছাড়ে। আট বছরের ছাড়াছাড়ি, কিন্তু এই মুহূর্তে মনে হল অভিন্নজন্য হয়ে গেছে সে মাধবীর সঙ্গে। সেই চোটবেলার মতো। কঠে অগ্নিজালা নিয়ে বলে, ঠিক, ঠিক! আমারও তাই। পুরুষ ওরা সবাই একরকম। চূপচাপ সঙ্ক করি বলে আরও পেয়ে বসে। আমি তো ঠিক কবেছি, লজ্জা করে আব বোঝা বয়ে মবব না।

ঘাড় নেড়ে মাধবী জোরে জোরে সায় দেয়: যা বলেছিল। বাইবে একেবারে কঁচো, যত বীরত্ব বাড়ির মধ্যে এসে। আমরা সয়ে যাই কিনা! ঐ যে এলেন এবার বীরপুরুষটি। এরই মধ্যে হয়ে গেল পড়াশুনো? ছুটি নিয়ে জল খেতে এসেছ—তা জলের কলসি কি কোলের মধ্যে আমার?

দেবশিশুর মতো মাধবীর সাত বছরেব ছেলে 'জল খাব' বলে রূপ কবে মায়ের কোলেব উপর বসে পড়ল।

মাধবী বলে, ডাব-ডাব করে দেখছ কি খোকন? মাসিমা হয়। প্রণাম কর। কেমন ভিজ্জে-বেডালটি দেখছিল তো বীণা, বাইরের লোকের সামনে এমনি। ঘরের মধ্যে বীরত্বের নমুনা এই রগেছে আমার চোখের উপর।

রীণার মুখের উপর উপর কে যেন ছাই মেড়ে দিল। চোখের দৃষ্টি ধক করে জলে উঠে শীতল হয়ে গেল একেবারে। টেনে টেনে সে বলে, আমার ঘরে ছেলেপুলে নেই। ছেলেপুলের বেহুদ ঐ একটা মামুষ। বলি, কাজ নেই বিধাতা আমার ছেলেপুলের। একজনকে সামলাতেই হিমশিম হয়ে যাচ্ছি। ঐ যা বললাম ভাই, পুরুষ হলেই সব একরকম। বয়সের বাছবিচার নেই। আনিস তো, কলকাতা রামময় রোডের উপর স্বস্তরবাড়ির ভরভরস্ব সংসার। ঠাকুর-চাকর-ঝি নিয়ে জন তিরিশ অশ্বত। তার মধ্যে থেকে টেনে-হিঁচড়ে আমায় নিয়ে কলিয়ারির কুঠিতে উঠল। যে খেয়াল একবার মাথায় উঠবে! বলে, দুজনে বেশ একা একা...হি-হি হি-হি—লজ্জাও করে বলতে!

হেসে আর কূল পায় না রীণা। হাসির তোড়ে কথা শেষ করতে পারে না। বলে, কিরতে কি চায়! জেলের গাড়িতে যেমন কয়েদি পুরে নেয়, তেমনি জ্বরদন্তি করে ফের এই কলকাতা নিয়ে চলছি।

জানলা দিয়ে তাকিয়ে দেখে রীণা তড়াক করে উঠে পড়ল : ড্রাইভার এসে গেল। যাচ্ছি ভাই। বিস্তর পথ এখনো, রাস্তির হয়ে যাবে।

তোমার কর্তাকে দেখাবিনে একটু ?

ঐ যে বললাম—বন্ধুর বাড়ি। গিয়ে না পড়লে উঠবে ? সন্ধ্যা হয়ে গেলেও হুঁশ হবে না। কী মুশকিল যে ওদের চালিয়ে নিয়ে বেড়ানো!

কথা বাড়তে না দিয়ে রীণা গর থেকে একরকম ছুটে বেরিয়ে একেবারে গাড়ির খোপে ঢুকে পড়ল। ড্রাইভারকে তাড়া দিচ্ছে : শিগগির চল, শিগগির—আঃ, কী দু-জন তোমরা বকবক করছ ? চালাও।

বিহারী বলে, মিস্ত্রি নিয়ে এলাম। ভাল করে দেখে দিক, কেন ও-রকমটা হচ্ছে —

রীণা বলে, গাড়ি চালাতে বলছি কথা শোন না কেন ? তুমি আর মিস্ত্রি ঠেলঠেলে স্টার্ট করিয়ে নাও।

মেজাজ দেখে বিহারী ভয়ে ভয়ে বলে, দু-কদম গিয়ে আবার স্টার্ট বন্ধ হবে। সেইজন্য বলছিলাম।

অধীর কণ্ঠে রীণা বলে, মিস্ত্রি দেখানো হবে এই ভায়গা থেকে সরে গিয়ে। এ বাড়ির সামনে নয়। তোমার বাব এসে না পড়ে এখনো ! তার বন্ধুর বাড়িতেই চল যাই। টেনে-টেনে সেখান থেকে গাড়িতে তুলতে সময় লাগবে। ততক্ষণে তোমরা ইঞ্জিন দেখো।

বিহারী বলে, বন্ধুর বাড়ি তো জানা নেই মা।

মিস্ত্রি-লোকটার দিকে তাকাল একবার রীণা। কারবুরেটার খুলে ফেলে নিবিষ্ট হয়ে সে পরীক্ষা করছে। নিম্নকণ্ঠে রীণা বলে, আমি জানি বন্ধুর বাড়ি। বাজারের মধ্যে যে শুঁড়িখানা দেখে এলে, সেইখানে। আটটা বছর ঘর করে জানতে কিছু বাকি নেই বিহারী। বাজারের আশেপাশে কোনখানে গাড়ি রেখে তোমরা মিস্ত্রি দেখিও। ঢের ঢের সময় পাবে।

চোখে জল ভরে এল। বলে, কদম মাগিটা মহুয়ায় কিছু থাকতে দিয়েছে ওর মধ্যে ! পুরানো লোক বলে তোমাকেও তো একটু সমীহ করেনি। লাজলজ্জার মাথা খেয়ে কলিয়ারিতে গিয়ে পড়েছিলাম তাই। কোন রকমে এখন কলকাতায় নিয়ে তুলতে পারলে বাঁচি। উদ্রলোকের পাড়া থেকে বেরিয়ে পড় বিহারী। ভয়ে আমার গা কাঁপছে।

## ট্যান্ডিওয়ালা

ভুল্লোকের ছেলে ট্যান্ডি চালায়ে খাই। মিথ্যে বলব না। রূপরূপ করে বৃষ্টি হচ্ছিল তখন, খালি গাড়ি নিয়ে যাচ্ছিলাম। দোকানের দরজায় দাঁড়িয়ে ওঁরা ট্যান্ডি ট্যান্ডি—করে ডাকলেন। গাড়ি থামিয়েও ছিলাম, কিন্তু নিইনি ওঁদের। দোষ আমার বটে। হয়তো ফাইন করবেন হজুর। হয়তো বা লাইসেন্স বাতিল করবেন। তবু আমি মিথ্যা বলব না। দশটা মিনিট সময় দিন, আগাগোড়া বলি।

মাস ছয়েক আগে সেদিনটাও খুব বর্ষা। শিয়ালদা স্টেশনে প্যাসেঞ্জার এনে নামিয়েছি। দূর থেকে একজন ডাকছেন, রোথো রোথো—বালিগঞ্জে যেতে হবে। আর কাছের এক বুড়োমাসুখ বললেন, বাবা আমরা ধর্মতলায় যাব—স্ববোধ মল্লিক স্কোয়ারের কাছে। রোগা মেয়েকে ডাক্তার দেখাতে নিয়ে যাচ্ছি।

এবং সেই মেয়ের দিকে তাকিয়ে উদ্ভিন্ন কণ্ঠে বললেন, দাঁড়িয়ে থাকিসনে ভলি। মাথা ঘুরে পড়বি। বোস ওইখানে।

ধূলোর মধ্যে ওখানে কেন? গাড়িতেই উঠে বসুন একেবারে।

বালিগঞ্জের প্যাসেঞ্জার তখন এসে এই মারে তো এই মারে : এঁদের তুললে গাড়িতে—আমি আগে ডাকিনি?

আজ্ঞে না। এঁরা যাবেন ধর্মতলায়, আপনি সেই বালিগঞ্জে। বেশি ভাড়া ছেড়ে তা হলে অল্প ভাড়া কেন ধরব বলুন।

গাড়ির ভিতর থেকে বুড়োমাসুখটি গদগদ হয়ে উঠলেন : ভুল্লোকের ছেলে বলেই এমন দয়াধর্ম। চিরজীবী হও, নামটি কি তোমার বাবা?

রাখালচন্দ্র দে—

সামনে চেয়ে গাড়ি চালাচ্ছি, কান দুটো পিছনে খাড়া রয়েছে। দন্তপুকুরের কাছাকাছি এক গাঁ থেকে আসছে। তিন জন—বাপ, মেয়ে আর গাঁয়ের এক ছোকরা ডাক্তার। মেয়ের পেটজালা করে, জ্বর হয়, শুকিয়ে সলতের মতো হয়ে যাচ্ছে সে দিনকে-দিন! ছোকরাই এতদিন চিকিৎসা করেছে, হালে পানি না পেয়ে কলকাতার বড়-ডাক্তারের কাছে নিয়ে যাচ্ছে।

সামান্য পথ, মিনিট দশেকের পৌঁছে দিলাম। বুড়ো বললেন, তোমার ডাক্তার কত সময় নেবেন বস তো অতুল।

অতুল বলে, বড়-ডাক্তার বেশি সময় দিয়ে দেখেন না। তা হলে পোষাবে কেন ?

বুড়ো বললেন, সাতটার আগে ফেরা যায় যদি, দেখ। নয় তো একেবারে সেই ন'টা সাতাশ। বাড়ি পৌছতে রাত দুপুর হবে।

সে আশা ছেড়ে দিন কাকা। চেয়ারে যা ভিড়—সাতটা পর্যন্তই হয়তো বসে থাকতে হবে আমাদের।

নেমে পড়ল অতুল। বলে, ভিতরে গিয়ে দেখে আসি। ভাড়া চুকিয়ে দিয়ে আপনারা ততক্ষণ গাড়ি-বারাণ্ডায় গিয়ে দাঁড়ান।

আমি বললাম, গাড়ি-বারাণ্ডায় দাঁড়াবেন কি রকম ! ওখানে জলের ছাট যাচ্ছে।

ডলি বলে, দেয়াল ঘেঁসে দাঁড়াব আমি। ছাট লাগবে না।

তরুণী মেয়ের দিকে না তাকিয়ে বুড়োকেই খানিকটা শাসনের স্বরে বলি, ওদিকে বলছেন নাড়িতে জর রয়েছে। যেমন আছেন, থাকুন তেমনি বসে। ভাড়া চোন্ধ আনা উঠেছে। ক্লাগ নামিয়ে দিচ্ছি। যতক্ষণই থাকুন আর ভাড়া উঠবে না।

ডলি তবু আমারই দিকে দৃষ্টি মেলে বলে, প্যাসেঞ্জার ধরুন গে রাখাল-দা। আর কেন লোকসান সহিবেন আমাদেরব জন্তে ?

দাদা হয়ে গেছি, তবু কিছু লজ্জা লাগে। কথাবার্তা বুড়োর দিকে চেয়েই চলছে : একলা একটা মানুষ—অত প্যাসেঞ্জার খোঁজাখুঁজির গরজ কী আমার ! গাছের তলায় দিব্যি আছি। আমি নড়ছি নে। আপনারা নেমে গেলেনও না।

অতুল ডাক্তার ফিরে এল এমনি সময় : কপাল ভাল কাকা। বৃষ্টিবাদলায় একদম রোগিপুস্তর আসেনি। চেয়ার খালি। ভাল হল, সাতটার গাড়িতেই ফেরা যাবে।

ভাড়া দিতে যাচ্ছেন, বললাম, এখন কেন ? সাতটার গাড়িতে যাবেন তো ? আমি রইলাম, আমিই নিয়ে যাব। ভাড়া একসঙ্গে দেবেন।

বুড়ো বললেন, না বাবা। মেয়ে রাগ করছে। আর বসিয়ে রেখে তোমার ক্ষতি করব না।

এতক্ষণ থেকে একটুর জন্ত প্যাসেঞ্জার ফেলে যাব—সে হচ্ছে না। বৃষ্টির মধ্যে আপনারাও ট্যাক্সি পাবেন না। সাতটার গাড়ি ফেল হবে। রোগা মানুষ নিয়ে রাত দুপুর অবধি ভোগান্তি।

ডাক্তার দেখিয়ে ওঁরা গাড়িতে এসে উঠলেন। মুখ গম্ভীর, কথাবার্তা নেই। রোগটা কি, জানবার জন্ত আকুলিবিকুলি করছি। কিন্তু ট্যান্সি-ড্রাইভারকে সে সব কেন বলতে যাবেন? এই বুঝলাম, আসছে বুধবার আবার এসে নানা রকমের এক্স-রে ছবি নিতে হবে।

দুটো টাকা দিলেন, চার আনা আমি ফেরত দিচ্ছি। বুড়ো বললেন, দিতে হবে না বাবা।

যাতায়াতে সাতসিকে উঠেছে। পাওনার বেশি তো ভিক্ষে। সে আমি নিই না।

বুড়ো বললেন, হিসাব ধরলে পাওনা তো অনেক বেশিই হয়; সে যাক গে। ভিক্ষে আমিই নিলাম। ছ-টাকার ওষুধ লাগল পয়লা দিন, আর অতুলের খাতিরে ডাক্তারের অর্ধেক ফী আট টাকা। আরও কত লাগবে অমন! টাকা গিয়ে ডলি আমার এখন ভাল হয়ে উঠলে হয়।

পরের বুধবারেও আসছেন ঐ গাড়িতে। দূরের ভাড়া এসেছিল, আমি নিই নি। ঠিক সময়ে স্টেশনের স্ট্যাণ্ডে চলে এসেছি। পাছে প্যাসেঞ্জারে ডাকে—ডাকলেই তো নিয়ে যেতে হবে—বনেট উচু করে তুলে এটা-ওটা খুঁটখাট করছি। অর্থাৎ যন্ত্রপাতির কোন দোষ হয়েছে, গাড়ি চলবার অবস্থায় নেই। নজর কিন্তু আমার যন্ত্রপাতির দিকে নয়, প্ল্যাটফর্মের যত প্যাসেঞ্জার বেরিয়ে আসছে তাদের দিকে। ডলিদের দেখছি না, আর আমি অধীর হয়ে পড়ছি। আসে নি তারা? অল্পখ বেড়েছে খুব শহরে এনে ডাক্তার দেখাবার অবস্থা নেই? অথবা আমার অলক্ষ্যে অল্প কোন ট্যান্সি নিয়ে বেরিয়ে গেছে?

না, মিথ্যে ভয়। দেখা দিল তারা অবশেষে। বুড়ো এদিক-ওদিক তাকাচ্ছেন।

এই যে, আমি রয়েছি—আমি নিয়ে যাব। রোগা মানুষ স্ট্যাণ্ড অবধি হাটিয়ে আনতে হবে না। গাড়ি নিয়ে আসছি।

ডলি বলে, গাড়ি যে আজ বড্ড ঝকঝকে দেখাচ্ছে রাখাল-দা।

কাদা মেখে যাচ্ছেতাই হয়েছিল, কাল সার্ভিস করিয়েছি। সিটের কভারও ধোবার বাড়ি দিয়েছিলাম।

ধর্মভার চেষ্টারের সামনে পৌঁছে বুড়ো বললেন, চলে যাও ভূমি। আজ অনেক দেরি হবে।

হোক না দেরি। তেল পুড়িয়ে কোথায় এখন প্যাসেঞ্জারের তন্মাসে



দুব! কত ট্যান্ডি ফ্যা-ফ্যা করে বেড়াচ্ছে। আমার তো স্টেশন অবধি ভাড়া ধরা রইল।

তিনজনে চেঁষারে ঢুকলেন। বুড়ো ফিরে এলেন অনতিপরেই: কী ভিড়, বাপরে বাপ! পয়সা রোজগার করছে বটে। বসবার জায়গা নেই। তুমি থেকে গেলে তো গাড়ির ভিতরেই একটু বসি বাবা।

বসুন না—

দরজা খুলে দিলাম। বুড়ো বলেছেন, মন ভাল নয় বাবা। মেয়ের সামনে বলা যায় না—ক্যান্সার বলে সন্দেহ করছে।

ডাক্তার নই, রোগপীড়ের কিছু জানি নে—তবু কেন জানি ক্ষিপ্ত হয়ে বলে উঠলাম: হতেই পারে না—ভয় দেখাবার জন্তু ওরা ক'টা রোগের নাম শিখে রেখেছে।

ফুল-চন্দন পড়ুক বাবা তোমার মুখে। ওর মা তো শোনা অবধি অবিরাম চোখের জল মোছেন, আর মাথা কোটেন গোবিন্দবাড়ি গিয়ে। মেয়ের কিছু হলে পাগল হয়ে যাব আমরা।

কাজ সেরে ডলি আর অতুল ডাক্তার ফিরে এল। পরশুদিন সঠিক ব্যাপার জানা যাবে। রোগি আনতে হবে আবার সেই সামনের বুধবারে।

কী হল আমার—সেই বুধবারেও স্টেশনে এসেছি। উদ্বেগে আজ গাড়ির ভিতরে নেই। গাড়ির চাবি এঁটে প্লাটফর্মের চুকে পড়েছি। ইঞ্জিন এসে দাঁড়াল, সতৃষ্ণ চোখে তাকিয়ে আছি। এক্স-রে করে কী জানা গেল—কী কথা শুনতে হয় না-জানি আজ বুড়োকর্তার মুখে! ডলি নয়—আমারই মরণ-বাঁচন যেন স্তম্ভ স্তম্ভে খুলছে।

খবর ভাল, দেখেই বুঝলাম। দেমাকে অতুল ডাক্তার ফেটে পড়ছে: বলেছিলাম না কাকা? গায়ের চেলে বলে ভরসা করতে পারেন না। লক্ষণ শুনে নিয়ে যা আমি বলেছিলাম, বড়-ডাক্তার আধ ডজন এক্স-রে প্রেট নিয়ে একগাদা টাকা গচ্ছা লাগিয়ে ঠিক তাই বলল। এই যে, তুমি এসে গেছ দেখছি। আজকে শেষ। আর আসছিনে আমরা। আজকে শুধু একটা প্রেক্ষাপসন নিয়ে চলে যাব।

ধর্মতলা অবধি পথটুকু কী ছল্লোড়ে কেটে গেল! রোগ এমন-কিছু নয়, দীর্ঘ দিনের বদহজম থেকে দাঁড়িয়েছে। একটু কিছু ছুঃখও লাগছে মনে। একেবারে এত সামান্য রোগ! আর আসবেন না ওঁরা, ট্যান্ডি ভাড়া করবেন না।

তারপর পুজোর সময়টা এই লেদিন দেখা। তিনজন নয়, ছ-জন ওয়া এসেছে—ডলি আর অতুল ডাক্তার। একগাদা জিনিস কিনেছে—পাঁচ-সাতটা প্যাকেট। বিষম রুষ্টি। খালি গাড়ি নিয়ে আমি আস্তে আস্তে যাচ্ছিলাম। দোকানের দরজায় দাঁড়িয়ে ডলি ডাকছে, ট্যান্ডি—

তাকিয়ে দেখেই চিনতে পেরেছি। নেমে পড়ে হাসিমুখে যাচ্ছি ওদের কাছে। ফুটপাথটুকু পার হতেই ভিক্সে-জবজবে হয়ে গেলাম। ডলির সিঁথিতে জলজল করছে সিঁহুর, মুখভরা ঝলমলে হাসি। ছ-মাস আগেকার সেই অস্থির অবস্থা ভাবতে পারা যায় না। ডাক্তার আর রোগি নয় এখন, স্বামী আর স্ত্রী।

অতুল বলে উঠল, আরে, চেনা লোক! ছ-তিন বার গেছি এর ট্যান্ডিতে।

ডলি সেই কথার জের ধরে বলে, ভাল হয়েছে। প্যাকেটগুলো নিয়ে তোলা দিকি ড্রাইভার।

মুখ ফিরিয়ে নিয়ে বলি, মুটে ডাকুন। মাল বওয়া আমার কাজ নয়।

রুষ্টিতে মুটে কোথায় এখন? তিনটে চারটে প্যাকেট তুমি নিয়ে নাও। বাকিগুলো আমরা হাতে হাতে নেব।

কথা সত্যি। মুটে ছিল না। আর অত জিনিস ট্যান্ডিতে বয়ে নিয়ে তোলা একবারে হত না। রুষ্টিতে নেয়ে যেতেন ওঁরা। কিন্তু ট্যান্ডিওয়ালা আমি তার কি জানি?

বিষয় ডলি বলে, মিটারে যা পাওনা হয়, তার উপর আট আনা বেশি ধরে দশ ড্রাইভার। নিয়ে নাও।

পাওনার বেশি তো ভিক্ষে। ভিক্ষে আমি নিইনে।

গাড়িতে ঢুকে স্টার্ট দিয়েছি। অতুল চোঁচাচ্ছে, রোখো—জিনিসপত্তোর আমরাই বয়ে নিচ্ছি।

গাড়ি খারাপ আছে আমার—

গালিগালাজ করে স্বামী-স্ত্রী মিলে। গাড়ির নম্বর নিল। তারপরে এই দরখাস্ত বেড়েছে হজুরের কাছে।

## হাসি-হাসি মুখ

ক'টা বছর আগেও কসাড় বন। এখানে ওখানে পাথরের টাই। বিস্তীর্ণ খাদের মধ্যে ঝিরঝিরে জলধারা—বর্ষায় তিনিই আবার ছুরন্ত নদী। সেই

নদীতে মহা আয়োজনে বাধ বাধা হচ্ছে। নৈত্যাচার বহুপাতি ও হাজার হাজার লোকজন এসে পড়ল। দেখতে দেখতে শহর।

ছোটো হোটেল। একটার নাম উপবন, আর একটা পান্থবাস। বিকালবেলা মোটরের প্রচণ্ড গর্জন তুলে স্বশাস্ত উপবনে এসে নামল। বলে, চা দাও এক কাপ, সঙ্গে যা-হোক কিছু। যা তোমাদের তৈরি আছে, তাই দাও। নতুন কিছু বানিয়ে দিতে হবে না। বিষয় তাড়া। চা খেয়েই ছুটব, থাকছি না।

চা-দিয়ে-বেড়াচ্ছে সেই লোক বেজার মুখে বলে, জায়গাও নেই থাকবার। টেনেটেনে পনেরটা সিট, সেখানে কুড়ি হয়ে গেছে। ঘরে জায়গা হয় না তো বারান্দায় তক্তাপোশ নিয়ে পড়েছে।

বটে, এমন জমেছে হোটেলের ব্যবসা!

রোস্ট খেতে আসে সব উপবনে। দিদিমণির হাতের রান্না।

একটা মেয়েকেও বুঝি দেখা যাচ্ছে রান্নাঘরে—উল্লুনের ধারে বলে ছ্যাকছ্যাক করছে। চায়ে বেশি মিষ্টি বলে এফুনি স্বশাস্ত অল্পযোগ করতে যাচ্ছিল, সেই চা লহমার মধ্যে উৎকট-তিতো। অন্তে ছাইমুঠো খরলে সোনামুঠো হয়ে যায়, তার অদৃষ্টেই মিছা খাটনি। উঠতি শহরের দোকানে দোকানে তারস্বরে বক্তৃতা করে দু'হাতে বিজ্ঞাপন বিনিয়োগ লদ্যর্ষ হল তিন-চার ঘণ্টা, সাবান বিক্রি হয়েছে সাকুল্যে পাঁচ-সাতখানার বেশি নয়। কয়েকটা চালু নাম দোকানদার বেটারা মুখস্থ করে রেখেছে, তার বাইরে যেন কেউটেলাপ। হাতে ছুঁতেও চায় না, ছুঁলে বুঝি ছোবল দেবে! শুকনো গলা চায়ে ভিজিয়ে এফুনি স্বশাস্ত এই পোড়া জায়গা থেকে বেরিয়ে পড়বে। মাইল তিনেক দূরে ছোটখাট এক গঞ্জ—সন্ধ্যার আগেই সেখানে পৌঁছে দু'দিয়ে দেখবে। খোরাকি খরচাটা তোলবার জন্তেও অন্তত ডজন দুই গছানোর দরকার। না হলে উপোস আজ রাজিবেলা।

দাম মিটিয়ে উঠতে যাচ্ছে, হেনকালে উপবনের মালিক এসে পড়লেন। হাটবার আজ এখানে, হাট করতে বেরিয়েছিলেন। চাকরের মাথার বুড়িতে একপাল ঠ্যাঙ-বাঁধা মুরগি কক-কক করে উঠল।

মুখ তুলে চেয়ে স্বশাস্ত অবাক।

মাস্টারমশায় যে! হোটেল খুলে বসেছেন এখানে?

অনেক বছর পরে দেখা, চিনতে তবু মুহূর্তের দেরি হয় না। রামজয় বিশ্বাস—মাস্টার কোনদিন ছিলেন না, অন্তত স্বশাস্ত যতদিন জানে তার মধ্যে নয়। দলের ছেলেরা তবু বরাবর মাস্টারমশায় বলত। স্বশাস্ত তাদের মধ্যে একজন।

রামজয় হো-হো করে হেসে হুশান্তর জবাব দিলেন : বুড়ো হয়েও হাত-নিঙ্গলি করে। বোমা-রিভলভারে শত্রু বধ করব, প্রতিজ্ঞা নিয়েছিলাম। অহিংস মত এসে আমরা সব বাতিল। জঙ্গুলে শহরে চূপচাপ এখন মুরগি বধ করে অভ্যেসটা বজায় রেখে যাই।

চেয়ার টেনে হুশান্তর ধারে জমিয়ে বসলেন। বলেন, রাজ্রে মুরগির রোস্ট খাওয়াব। কত জায়গায় খেয়ে থাকিস, উপবনেও খেয়ে যা। জিভে স্বাদ লেগে থাকবে, ইহজন্মে মুছবে না।

চা পরিবেশনকারী সেই লোকটা—নাটক-নবেলে যেমন হামেশাই দেখা যায়—ভৃত্য হলেও অতিশয় প্রতাপশালী ভৃত্য। মালিক রামজয়ের উপর খিঁচিয়ে উঠল : নেমস্তন্ন হচ্ছে—ভাতে দেবেন কোথা শুনি? বারান্দাও ভরে গেছে, উঠোন ছাড়া জায়গা নেই। রাজ্রে রুটি হলে ছাতা খুলে বসতে হবে। পরসার খন্ডের সবাই—ঘুম ভেঙে তখন কেউ দরজা খুলতে উঠবে না।

হুশান্তকে বলে, না বাছা, কর্তার কথা কানে নিও না। মুরাগ খাওয়ানোর লোভে উনি বলছেন। রাজ্রে থাকবে তো গুটগুট করে পাছবাসে চলে যাও। একটুখানি পথ—এই রাস্তার মাথায়। ফাঁকা হোটেল, শান্তিতে থাকবে। উপরের তিনটে ঘরই দিয়ে দেবে। একটায় সন্ধ্যারাজ্রে শুয়ো, একটায় এক-ঘুমের পর, বাকি যেটা রইল সকালের ঘুম পড়ে পড়ে ঘুমিও সেখানে। কেউ রুগাট করতে আসবে না।

রামজয় বলেন, কিচ্চ-রোস্ট? তা-ও যদিই বা দেয়, আমার হিমির রান্না মুরগি-রোস্ট পাবে কোথায় ওরা?

কথাবার্তায় দেরি হয়ে গেল। এখন আর নতুন গঞ্জে গিয়ে সুবিধা হবে না। লোভও হচ্ছে, হিমি অর্থাৎ হিম্যানীর রান্না রোস্ট না-জানি কী অপূর্ব চিজ! ছ-চারটে দোকান এখানেই বাকি আছে, সেইগুলো সেরে পাছবাসে শোবার ব্যবস্থা করে ফিরবে। শোওয়া পাছবাসে, খাওয়া এখানে হিমির বাউন্ডের রোস্ট। ভোর থাকতে উঠে রওনা।

পাছবাসে এসে হিমির বৃত্তান্ত পাওয়া গেল। রামজয় চিরকাল দেশের কাজে ছিলেন, নিজের সংসারখরচ নেই, হিমি তাঁর ভাগনৌ। পাকিস্তানে ছিল, সেখানে সুপাত্র মেলে না, বোন-ভগ্নিপতি কন্যাদায়-মোচনের জন্ত হিন্দুস্থানে এসেছেন। এসে উঠেছেন রামজয়ের উপবনে, তা-ও প্রায় আট-দশ মাস হল। মেয়ে গছানো হয়ে গেলে ফিরে যাবেন।

জলছেন ঈর্ষায় পাছবাসের মালিকটি। সেটা কিছু আশ্চর্য নয়। বলেন, মামাদের কি দেখেছেন! ঐ উপবনের ঘরে ঘরে চামচিকের বাসা—সত্যিই.

চামটিকে উড়ত। হিমির রোস্টে কপাল ফিরেছে। রোস্ট না ঘোড়ার ডিম! খন্দের ঝুঁকেছে রাঁধুনি দেখে। পচা কাঁঠাল থাকলে মাছি জমে, যুবতী রমণীতে তেমনি মাহুষ। বলতে হয় না, বিজ্ঞাপন দিতে হয় না, আপনা-আপনি কেমন টের পেয়ে যায়। ট্রেনের টিকিট কেটে পর্যন্ত আসে। এতকালের দেশসেবক হয়ে এমনধারা কাজে উনি আত্মারা দিচ্ছেন, আশ্চর্য!

অতএব শুধুমাত্র রোস্ট নয়, হিমার নামে প্রাণীটিকেও দেখবার অতিশয় লোভ। যাকে নিয়ে মাস্টারমশায়ের উপবন জেঁকে উঠেছে, যার জন্ত টিকিট করে ট্রেন যোগে মাহুষ আসে।

চোখোচোখি হল। এবং চোখের দেখাতেই শেষ নয়, মজে গেছে বোধহয় সেই হিমি। প্রথম দর্শনেই প্রেম। পুরো ঘণ্টাও লাগেনি।

তারিয়ে তারিয়ে রোস্ট শেষ করতে রাত গভীর হল। স্বশাস্ত বলে, প্রকাণ্ড দায়িত্ব নিয়ে বেরিয়েছি মাস্টারমশায়, আজকের বিকালটা বরবাদ। রাত থাকতে বেরিয়ে পড়ব। এই রাজ্যে পান্থবাস অবধি হালান্না করতে যাব না, যেখানে হোক গড়িয়ে পড়ি।

রামজয় নিরুপায়। ছাতের চিলেকোঠা কুটুয়দের ছেড়ে দিয়েছেন, ঠালাঠালি করে কায়ক্লেশে আছেন তাঁরা। বুড়োমাহুষ নিজে বাইরে গুতে সাহস করেন না, ইঁপানি-কাশি চেপে ধরবে।

স্বশাস্ত কোন কথা কানে নেয় না। গুরুতর রকমের ঘুম ধরেছে আর কি—কুয়াতলার চাতালের উপর মাহুর টেনে নিয়ে সে গড়িয়ে পড়ল।

বলে, বৃষ্টিবাদলা হবে না, পরিষ্কার আকাশ। রাত থাকতে কেউ ডেকে তুলে দেবেন। মাস্টারমশায়ের অত ভোরে ওঠা ঠিক হবে না। তুমি ডেকে দিও হিমার, বুঝলে? নয় তো বড় কতি আমার।

পরের দিন রোদ উঠে গেছে, তখনো স্বশাস্ত পড়ে পড়ে ঘুমচ্ছে। ডাকতে আসেনি হিমার। বয়ে গেছে! এত লোক থাকতে সে কেন অচেনা বেটাছেলেকে ডাকতে যাবে? মামামশায়ের পুরানো সাগরেদ—ডেকে তোলায় মানে দাঁড়াবে সে-ই যেন মাহুষটাকে তাড়িয়ে তুলতে চায়। ঘুমেরও বলিহারি যাই! লোকের পর লোক এসে দাঁতন করে মুখ ধুয়ে যাচ্ছে কুয়াতলায়। বালতি বালতি জল তুলছে, আতাগাছের ডালপাতার ফাঁক দিয়ে রোদের ঝিলিক পড়ছে এলে মুখের উপর। এতেও ঘুম ভাঙে না, সে-মাহুষ কাজের দায়িত্ব নিয়ে পথে বেরোয় কোন বিবেচনায়?

হঠাৎ একসময় স্বশাস্ত খড়মড়িয়ে উঠে চারিদিক তাকিয়ে হান্ন-হান্ন করে

উঠল : ছি-ছি-ছি, খাওয়াদাওয়া করে আর মরণ-ঘুম ঘুমিয়ে ম্লান্যবান সময় নষ্ট করছি। এত জনকে বলে রেখেছি, কেউ ডেকে দিল না। তুমি কেন ডাকলে না হিমানী ?

ডাক শুনে হিমানী চোখ তুলে তাকাল। চোখোচোখি আবার, দু-চোখে হাসি ছাপিয়ে পড়ছে। হাসি যেন কথা বলে : বুঝি লো বুঝি, ইচ্ছে-ঘুম তোমার। লোক দেখিয়ে দুষতে হয়, তাই তুমি বলছ এসব।

রামজয় এই সময় এসে স্বসংবাদ দিলেন : মাঝের ঘরের একজন বিকালে চলে যাচ্ছেন, একটা সিট খালি হবে। ভালই হল, আজ রাজে তাকে আর ছুর্ভোগ ভুগতে হবে না।

রাজিটাও থেকে যাবে, এতদূর ধরে নিয়েছেন। এই যত হা-হতাশ কেউ ওঁরা আমলে আনেন না। একজন তো হাসছে টিপিটিপি, অন্তে সিটের ব্যবস্থা করে এলেন। পাকাপাকি বসবাসের জন্তেই যেন উপবনে আসা—মান বাড়ানোর জন্তে মুখে যাই-যাই করছে, মনের কথা উণ্টো।

আমি রওনা হচ্ছি মাস্টারমশায়—

এখন এই একপ্রহর বেলায় ? রামজয় খিঁচিয়ে উঠলেন : রোদ চড়ে গিয়ে একটু পরেই তো আশুন ঢালবে। দোকানে দোকানে তোর কাজ—দোকানিরা কাঁপ বন্ধ করে ঘুমবে তখন। কাজের চাড় হলে সকাল উঠে বেরুতিস।

হিমানীকে দেখা গেল—রান্নাঘরের বারান্দায় দ্রুতহাতে চা ঢালছে, চুঁধ-চিনি মেশাচ্ছে। দেখিয়ে দেখিয়ে নিঃশব্দে যেন বলে, যাচ্ছ সত্যি তো! এতুনি ? কত তাড়াতাড়ি ব্যবস্থা করে দিই দেখ।

হাই তুলে স্বশাস্ত তারই যেন মনে মনে জবাব দিচ্ছে : ব্যস্ত হয়ে হাত পুড়িয়ে ফেলো না হিমানী। ধীরেস্থে করো। মাস্টারমশায় ঠিক বলেছেন, এখন বেরিয়ে কাজ হবে না। দুপুরের পর যাব।

রামজয়ের দিকে চেয়ে বলে, শ্রামল দস্ত বড় ঘনিষ্ঠ বন্ধু আমার। চাকরি না নিয়ে আমারই কথার উপর কারবার ফেঁদেছে। আমার উপরে তাই বিশেষ রকমের দায়িত্ব। বিকালে চলে যাব, তখন মানা করলে হবে না কিন্তু মাস্টারমশায়।

রামজয় বলেন, কেন মানা করব ? খালি সিটের জন্ত বলছি বুঝি—সিটের কি আর ভাড়া দিতে বাচ্চিস তুই ?

এক বয়সে লুকিয়েচুরিয়ে জন-সমাজের বাইরে বাইরে দিন কাটত, কথাবার্তার ধরনটা সেই ভঞ্জে খাপছাড়া। বলছেন, সে-দিন নেই আর

উপবনের। হিমি-মা'র হাতে অমৃতের ঝারি। মিট আমার খালি গড়ে থাকে না। একটা মিট খালি শুনে পাঁচ-সাত বছরে ঝাঁপিয়ে এসে, আমার দিন আমার দিন—করবে।

হিম্যানী চা দিতে এসেছে। সেই চোখ-ভরা হাসি। বাচাল চোখ দুটো যেন তড়পাচ্ছে : গেলে না চলে ? তাহলে ক্ষমতা বুঝতাম !

আচ্ছা, দেখা যাবে ওবেলা। রোদের জোর একটু কমতে দাও। বজ্র কতি হয়ে যাচ্ছে, স্বশাস্ত সারাক্ষণ ছটকট করছে।

মোটরগাড়ি উঠানের উপর—কাল থেকে রয়েছে। বিকালবেলা তৈরি হয়ে খুব রোখে রোখে সে বেরল। গাড়িতে স্টার্ট দিতে হবে এবার।

সে বড় চাঞ্চিখানি কথা নয়। শ্রামল দত্ত এ গাড়ি বাতিল করে দিয়েছিল, স্বশাস্ত সেয়েস্বরে পথে বের করেছে। বুড়োমামুষের মতো নড়ানো বড় মুশকিল, তবে একবার নড়াতে পারলে তারপর বেশি গোলমাল করে না। পুরো একদিন বিজ্ঞান পেয়ে আজ বোধহয় গাড়ির আলস্ত লেগে গেছে। এঁঠো হাওল মেরেও সাড়া জাগানো যায় না। হাওল মারতে মারতে হাসফাল করছে স্বশাস্ত বেচারি, ভিড় জমিয়ে হোটেলের মামুষ লোমহর্ষক কাণ্ড দেখছে।

অনতিদূরে হিম্যানী—করণা নেই, হাসছে সে-ও বথারীতি। মুচকি হেসে বলল, রেখে দিন, এখন হবে না। আবার এক সময় দেখবেন।

এবং মুখ ফুটে যা বলল না, তা-ও স্বশাস্ত বুঝতে পারে : নাটবোর্ড কোথায় কি ঢিলে করে রেখেছেন, হবে কেমন করে ? লকলের দেখা তো হয়ে গেল—আর কেন, হাত-পা ধুয়ে উঠে আসুন এবার।

সেই অল্পকথালোই স্বশাস্তকে বেশি করে কেঁপিয়ে তুলল। রামজয় এসে তার উপর ইচ্ছন দিলেন : হ্যা, গাড়ি সরিয়ে উই কুয়াতলার ওদিকে নিয়ে রাখ। বড় আসর চাই। শুনেছিল তা হলে, আদিবাসী ছোড়াছড়িদের একটা দল সন্ধ্যাবেলা নাচতে আসবে। মাঝে মাঝে নেচে যায়, চা আর মুড়ির মোয়া খেতে দিই। বড় ভাল নাচে রে, দেখে মজা পাবি।

বুড়োমামুষের মনে ঘোরপ্যাচ নেই, সরল ভাবে বলছেন। কিন্তু হিমিয় হাসির সঙ্গে জুড়ে গিয়ে উৎকট লাগে। অস্ত্র রকম মানে দাঁড়ায়। আসর বড় করার জন্তেই যেন মোটরগাড়ি নিয়ে এতক্ষণের এত কলরব। নাচের ঘটা দেখা ছাড়া যেন অস্ত্র কোন অভিপ্রায় ছিল না।

আরও চরম করলেন রামজয় : যাকগে বাপু। বজ্র যেমি গিয়েছিল। যেটুকু ফাঁক আছে ওর মধ্যেই কুলিয়ে যাবে একরকম। হাত-পা ধুয়ে খালি মিটে তুই খানিকটা গড়িয়ে নিগে যা।

গাড়িও তেমনি লেগেছে। লাড়া-শব্দ দেবে না, গুম হয়ে রয়েছে। স্বশাস্ত এবারে বনেট তুলে খুঁটখাট করছে, এটা খুলছে ওটা আঁটছে। মুখ তুলে হিমালীকেও এক-আধবার দেখতে পায়। সেই হাসি, কাজের ছুটোছুটির মধ্যেও একটু একটু হেসে সরে পড়ে। অর্থাৎ বেলা ডুবে গেছে—বাওয়ার কথা এখন আর উঠছে না। যন্ত্রপাতি নিয়ে উঠে পড়ো দিকি এবার, কাল সকালে আবার দেখো।

নাচ হল সন্ধ্যার পর কিছুক্ষণ ধরে। এমন-কিছু নয়। কিছা মনে উদ্বেগ বলেই স্বশাস্তর ভাল লাগল না। শ্রামল দত্ত এত খরচা করে গাড়ি দিয়ে বাইরে পাঠাল, কাজের নমুনা এই। অথচ সমস্ত ভবিষ্যৎ নির্ভর করছে শুভ্রা-সাবান দাঁড় করানোর উপরে। উৎসাহ পেলে শ্রামল আরও টাকা ঢালবে, কারবার বড় করবে। স্বশাস্ত এখনই সর্বসর্বা, তেমনি হলে তো হাতে মাথা কেটে চারিদিক চকোর দিয়ে বেড়াবে।

\* আশ্চর্য, গাড়ি এতক্ষণে গর্জন করে উঠল। বুড়ো গাড়ি বোঝে সব—এখন এই রাস্তারবেলা ছুটোছুটির গরজ হবে না, সেই জগুই হয়তো। কুয়া থেকে স্বশাস্ত বালতিতে জল তুলছে—ইঞ্জিনে ভরে রাখবে, ভোরবেলা উঠেই সঙ্গে সঙ্গে যাতে রওনা হতে পারে।

রামজয় পাশে এসে আচমকা প্রশ্ন করেন : কে কে আছে তোরা সংসারে ? স্বশাস্ত বলে, একা আমি।

হিমিকে বিয়ে করে ফেল তবে। দু-জন হবি।

হাতের বালতি বগ করে মাটিতে পড়ে জল গড়িয়ে গেল।

রামজয় নিজের কথা বলে চলেছেন : ওরা এসেছে আট মাসের উপর হয়ে গেল, এখনো কিছু করতে পারলাম না। বিয়েখাওয়ার কাজ পারিনি আমি, পারলে কি নিজেই একটা করতাম না? বোন-ভগ্নিপতি হয়তো ভাবছে, হোটেলের উপকার হচ্ছে—মতলব করেই এগুচ্ছিনে আমি। হঠাৎ মনে হল, তোকে যদি বলি তুই কক্কনো 'না' বলবিনে। কি রে, রাখবিনে আমার কথা ?

বিয়ে করে খাওয়াব কি মাস্টারমশায় ?

ভাত—

আসবে কোথেকে সে ভাত ?

হিমি রেঁধে দেবে। এতজনকে রোস্ট রেঁধে রেঁধে খাওয়ায়, ভাত রাখতেও পারবে।

হেসে উঠে স্বশাস্ত বলে, ঢাল কোথা পাব।



দোকানে। কিনে-কেটে দিবি, রাঁধা-ভাত আমোদ করে খাবি দু-জনে।  
বলবার কিছু নেই। সর্ব লম্ভা মাস্টারমশায় জল করে দিলেন। সে  
আমলেও এমনি দিভেন—

কত ইংরেজ ভারতে আছে—চল্লিশ হাজার ?

তাই হবে।

ওদের একটার জন্তে ধরা থাক আমাদের পাঁচটা খরচা। আমাদের  
দিকে তাহলে দু-লাখ। রইল কত দেশবাসী—বিয়োগ করে বের কর।

আদমসুমারি সঠিক জানা না থাকায় সুশাস্ত জবাব দিত : তা অনেকই  
তো রইল।

তারাই স্বাধীন হয়ে দেশ শাসন করবে। সুখসমৃদ্ধি হবে। বুঝলি রে  
এবার ?

অকাটা হিসাব, না বোঝার কিছু নেই। ঠিক আজকেরই মতন।

রামজয় বলে যাচ্ছেন, সময়টাও ভাল পাওয়া গেছে—বোধে মাস,  
বিয়ের মাস। আজকে আর হবার উপায় নেই—হিমি উপোস করেনি,  
পুরুত-পরামাণিকের ব্যবস্থা নেই। কাল। দিনক্ষণ পাই ভাল, নয়তো  
গোধূলিলগ্ন যাচ্ছে কোথায় ?

এহেন ব্যবস্থা সত্ত্বেও একটা ব্যাপারে সুশাস্ত কিস্ত-কিস্ত করছে :  
কালকের দিন তবে বরবাদ। পরশুও কি যেতে দেবেন আপনারা ? তার  
পরের দিনও বোধহয় না—ফুলশয্যার কত সব বথেড়া থাকে, শোনা আছে।  
হিমানীর বাপের-বাড়ি শ্বশুরবাড়ি সবই তো এখন এক জায়গায় হয়ে যাচ্ছে  
—উপবন হোটেল।

কাতর হয়ে বলে, বড় কতিলোকসান মাস্টারমশায়। শ্রামল এত খরচা  
করে পাঠাল, কাজ দেখাতে না পারলে ভবিষ্যৎ অঙ্ককার। এবারটা ছেড়ে  
দিন, শিগ্গিরই আসব আবার। উপবন রইল, আপনার হিমিও কিছু  
পালিয়ে যাচ্ছে না।

রামজয় চটে গিয়ে বলেন, হিসেবের বাইরে তো কিছু নেই—কত  
কতিলোকসান হিসেব করে বল। আমি পূরণ করব। সাবান পেটিস্‌ক  
আমায় দিয়ে দে। কত দাম—ষাট-সত্তর, না হয় একশ'ই হল। একটা  
গরু কি মহিষের দাম। সাবান আমার হোটেলের খরচা হবে। মিটল তো  
এবার, জামাই হয়ে সিটে শুয়ে পা দোলাগে এবার—

ফুলশয্যা হয়েও ছুটি হল না। কন্ডাদায় মৃত্ত হয়ে হিমানীর বাপ-মা  
নিশ্চিন্তে পাকিস্তানে পাড়ি দিয়েছেন। চিলেকোঠা এখন সুশাস্ত ও হিমানীর

—তু-জনে দিবিয় একলা আছে। অহুবিধা অস্ত কিছু নয়, শুধু এক শুভা-সাবান।  
 স্বেচ্ছা করে সর্বজন মনে বিধে আনন্দ মাটি করে দেয়। হয়তো শ্রামল প্রশ্ন  
 করবে : কাজ কৈলে কি জন্তে এক জায়গায় পড়ে ছিলে ?

ভেবেচিন্তে তারও একরকম উপায় করা গেল। টেলিগ্রাম কলকাতায় শ্রীমল দত্তের কাছে: তোমার আবিকৃত শুভ্রা-সাবানের আশ্চর্য সমাদর। পেটি স্বদ্ধ শেষ। আবার পাঠাও, কিরিত পথে বিক্রি হতে হতে বাবে। মালের অপেক্ষায় এখানকার উপবন হোটেল পড়ে আছি।

কি করি বলুন মাষ্টারমশায়। মালিকের জবাব না পেয়ে ফিরি কেমন করে? জবাব এলেও তো হবে না, মাল এসে পৌঁছবে, তারপরে।

রায়জয় বলেন, ছুটফট করিস কেন? ভালই তো আছিস।

আছে ভাল সম্ভেহ কি! উপবনের স্থবিথ্যাত মুরগি-রোস্ট রোজ রাখে।  
সত্যি চমৎকার। আরও উপাদেয় লাগে একেবারে মফতে বলে।

ভামলের জবাব এলো। বিষম খুশি সে। প্রথম ব্যাক্স এতদূর সাফল্য, কে ভাবতে পেরেছে! সাবান বুক করা হয়েছে, দু-চার দিনে পৌঁছে যাবে। ততদিন থাক কষ্ট করে হোটেল। খদ্দেরের যখন এমন আগ্রহ, তাদের বঞ্চিত করা ঠিক হবে না।

এসে পড়ল অবশেষে মাল। গাড়ির পিছন দিকে বোঝাই দিয়ে রওনাও হতে হল একদিন। এ-ও ভাল, বিচিত্র অভিজ্ঞতা। একা এসেছিল কলকাতা থেকে, কিরছে দু-জন। গাড়ির মধ্যে বন্ধনহীন দিনের পর দিন কেটে যাচ্ছে, এ জিনিস স্বপ্নে ভাবা যায় না। শুভ্রা-সাবানের দোলতেই হল, শুভ্রার উপর তারা কৃতজ্ঞ। স্টিয়ারিং হাতে ধরে সামনের দিকে একাগ্র হয়ে সুশান্ত গাড়ি চালায়। গায়ের উপর এলিয়ে আছে হিমালী, দু-চোখে হাসি। গাড়ির পিছনে গাদা গাদা সাবান। এবং অর্ডার-বই, ক্যাশমেমো, রকমারি সচিচ্ছবি বিজ্ঞাপন। বাজার-চলিত সাধারণ সাবান নয়—সুপ্রসিদ্ধ কেমিস্ট ডক্টর শ্রামল দত্তের অভিনব আবিষ্কার। বিশেষ কয়েকটি রাসায়নিক দ্রব্য মেশানো, যার ফলে নিকি পরিমাণ সাবান এবং অর্ধেক পরিমাণ শ্রম ব্যয়ে কাপড়চোপড় ফল ফর্সা হবে। এই ফর্মুলা দেশি বিদেশি যে কোন শিল্প-পর্বেই ব্যবহার করা যায়। বিনিময়ে কোটি টাকা—কিন্তু ধনীকে আরও ধনী, দু-ডক্টর দত্তের উদ্দেশ্য নয়...ইত্যাদি ইত্যাদি।

দেবার বিজ্ঞাপন ছড়াচ্ছে, মুখেও বোঝাচ্ছে। কিন্তু দিন ধরে কাজের নামে বহু দূর বেধানে খুশি যাও চলে। সন্ধ্যা হলে তখন খেজুরনাও কাছাকাছি আসে কোথায় যেনে। আজ এই জায়গায় থাকে সৈন্য, কান

রাতে অল্প কোন রেস্ট-হাউস বা হোটেলে। —অথবা ঠাই না পেয়ে ঐ গাড়ির ধোপেই কিনা, আগেভাগে কিছু বলবার জো নেই। বড় মজার মধুচন্দ্র-বাণন—ক’টা বর-বউয়ের জুটে থাকে এমন? ঘুমোয় না, কামরার ভিতরে হোক আর গাড়ির ধোপেই হোক—ঘুম আসবার আগেই ওদের রাত পোহায়ে যায়।

রাতগুলো কাটে চমৎকার। দিনমানটা নিয়ে—স্থাস্তর কিছু নয়, হিমালীরই যত মুশকিল। দেশের একটা প্রধান সড়ক ধরে চলেছে—বিশ-ত্রিশ মিনিট অন্তর গগ্ন-জায়গা। গাড়ি পথের একদিকে রেখে নমুনা ও কাগজপত্র নিয়ে স্থাস্ত নেমে পড়ে। শুভ্রা-সাবান ও আবিকারক ডক্টর দত্তের গুণশনা যথোচিত জাহির করে ব্যাগ খুলে সন্তর্পণে এইবার সাবানের প্যাকেট বেব করল। দোকানি সঙ্গে সঙ্গে অল্প কাজে ব্যস্ত হয়ে পড়ে, সামনের খন্ডের সামলায়। অগত্যা স্থাস্ত গোড়া থেকে শুরু করে আবার। এ-দোকান থেকে সে-দোকানে—এই চলে সারাক্ষণ। গাড়ির মধ্যে হিমালী পাহারায় আছে—একলা হিমালীর সময় আর কাটতে চায় না। বড় কষ্টের এই দিনমান।

একদিন বড় একটা জায়গায় গিয়ে পড়েছে। রাস্তার দু-পাশ দিয়ে দোকানের অনন্ত লাইন। সর্বনাশ করেছে—এত দোকান সন্ধ্যা অবধি ঘুরেও সারা হবে না, রাত হয়ে যাবে। তাতেও কুলাবে না, কালকের দিন লেগে যাবে বোধহয়। রোদটা বিষম উগ্র আজ। উল্টা দিকের এক দোকানে স্থাস্ত অনেকক্ষণ ঢুকেছে, বেরবার নাম নেই।

অর্ধেক হয়ে একসময় হিমালীও গাড়ি থেকে বেরল।

হাতছানি দিয়ে স্থাস্তকে কাছে ডাকে : অন্তর্কণ ধরে কি করো ?

গগ্ন করছিলাম, তা বুঝি জানো না ! ব্যাকমা-ব্যাকমীর গগ্ন।

হিমালী বলে, এক জায়গায় অত সময় নিলে হবে কেন ? তাড়াতাড়ি করো। বলা যাচ্ছে না গাড়ির ভিতর। যেন তপ্তখোলা।

কাজের জুত হচ্ছে না, মেজাজ খারাপ স্থাস্তর। খিঁচিয়ে উঠল : তা বলে আর অমন হাসি থাকত না মুখে।

হাসছি আমি ? তুমি আমার হাসি দেখতে পেলে ?

এক টুকরো আয়নার কাচ সামনেটায়—হিমালী মুখ দেখতে যায়। কিন্তু সে কাচে ছায়া পড়ে না। বলে, তপ্তখোলায় খান জুটে থই হয়ে যায়—ভাষছি আমিই বা কখন জুটে গিয়ে চিড়িং করে হন্ডের ফাঁকে বাইরে গিয়ে পড়ি ! উল্টে তুমি আমার হাসি দেখছ—হাসির কি হল তনি !

আমি নাজেহাল হচ্ছি। লোকের কষ্ট দেখার মতো স্বথ কিসে আছে ? এত করে জপালাম, তা সাবান যেন অস্পৃশ্য জিনিস—ছুঁলেই চান করতে হবে। কাজ নেই, ঢের হয়েছে। এখান থেকে সোজা কলকাতা, শ্রামলকেন্দ্র স্পষ্টাঙ্গী জবাব দেবো—আমার দ্বারা ক্যানভাসিং হবে না, আমায় ছেড়ে দাও। বন্ধুমানুষের খামোখা কতকগুলো টাকা নষ্ট করলাম।

মুখের কথা এই। তা বলে লহমার জন্তে কাজ বন্ধ করে থাকে না। আবার পাশের দোকানে ছোটো। ছুটে গেল বোধকরি হিমালীর সঙ্গে যে সময় নষ্ট হল সেইটুকু পুষিয়ে নেবার জন্য। ঠিক আগেকার মতোই—বেঙ্গবাব নাম নেই।

হিমালী গাড়ির বাইরে এবার। বাজে-পোড়া নারিকেলগাছ একটা রয়েছে, কাছেপিঠে অল্প কোন গাছ নেই যে ছায়ায় গিয়ে একটু দাঁড়ায়। এদিকেও দোকানপাট—পায়ে পায়ে তারই একটার ছাঁচতলায় গেল।

গদির উপর হাতবাক্সের সামনে মালিক লক্ষ্য করছিল। মেয়েটা গাড়ি থেকে বেরিয়ে আস্তে আস্তে এদিকে এলো, সঙ্কোচে উঠতে পারছে না দোকানে। সমস্ত তার নজরে পড়েছে। বৃদ্ধ কর্মচারী একজন বিমোহিত বসে বসে। তাকে পাঠিয়ে দেয় : দেখে আসুন তো সরকারমশায়, উনি কি চান।

সরকারমশায় হিমালীর কাছে এসে বলে, কী দরকার বাবু জিজ্ঞাসা করে পাঠালেন।

ডেকে পাঠাচ্ছে অপর পক্ষ, হিমালী নিজে থেকে কিছু বলতে বাধ্যনি। একটা জায়গায় বসে রোদে ভাজা-ভাজা না হয়ে ক্যানভাসিং-এর কাজ দিক না কিছু এগিয়ে। রাস্তার ওপারে লাইন ধরে স্বশাস্ত্রের কাজ—হিমালী এখানে যে ক’টা দোকানে পারে সেরে রাখুক। খারাপটা কী হবে! মরার বাড়ী গাল নেই—স্বশাস্ত্র কিছু করতে পারছে না, হিমালীরও না হয় তাই।

বুড়া লোকটি বলছে, বাবু জিজ্ঞাসা করলেন—

গাড়িতে গিয়ে কাগজপত্র এবং সাবানের কয়েকটা প্যাকেট হাতে নিয়ে হিমালী লাহস করে দোকানে ঢুকল।

কি চাই বলুন।

কী বলবে হিমালী, মুখ যেন স্ট্রুচ-স্ট্রুতোয় সেলাই করে দিয়েছে। বিজ্ঞাপনের কাগজ কয়েকটা এগিয়ে দিল।

হাতে নিয়েছে মালিকমশায়, পড়ে না। অবাক হয়ে তাকিয়ে আছে হিমালীর হাসি-ভরা মুখের দিকে। যেমে উঠে হিমালী মুখ নামিয়ে নিল।

মালিক চমক খেয়ে বলে, ও হ্যাঁ, কি জিনিস দেখি—সাবান ? শুভ্রা-সাবানের নাম শোনা আছে। খুব ভাল জিনিস। কোথায় পাওয়া যায়, ভাবছিলাম। তা ঈশ্বরই যেন মিলিয়ে দিলেন। দিয়ে যান ডজন চারেক।

সরকারমশায়কে বলে, চার ডজন নিয়ে নিন।

বিজ্ঞাপনে এতক্ষণে নজর দিল। পাইকারি মূল্য ছাপা আছে, হাতবান্স থেকে টাকা বের করছে। কৃতজ্ঞতা ভরে হিমালী মুখ তুলেছে। চোপোচোখি হল।

মালিক বলে, আরও কিছু নিতে বলছেন ? তা বেশ, খুচরো কেন পুরো গ্রোসই দিয়ে যান। খুব চলবে এ জিনিস। আপনি মাঝে মাঝে আসবেন। আসছে হুগুয়া আসুন না একবার। এসে খোঁজ নেবেন। সমস্ত কেটে যাবে তার মধ্যে।

আশাতীত ব্যাপার। আনন্দে খই পায় না হিমালী। সুশাস্ত সেই দোকানেই এখনো—না, সেটা সেরে অগ্রজ ঢুকেছে ? বড্ড বেশি বকে, বকে বকে মাথা ধরিয়ে দেয়। আর চটে ওঠে কথায় কথায়। দোকানের মানুষ বিরক্ত হয়ে পড়ে। হিমালী তো কথাই বলল না। কায়দাটা ধরিয়ে দিতে হবে সুশাস্তকে।

উৎসাহ ভরে পরের দোকানে গিয়ে ঢুকল। পদ্ধতি একই। কথা নয়—কথা বলতে জিত তো জড়িয়ে আসে—বিনা বাক্যে বিজ্ঞাপনের কাগজ হাতে এগিয়ে দেয়। হাতে নিয়ে মানুষটা মুখের পানে তাকায় : শুভ্রা-সাবান—আহা-মরি নাম ! নামটা শুনেই মনে হয় কাপড়-জামা ধবধব করছে। নামেই কাটবে, দিয়ে যান। আসছে হুগুয়া আসবেন, বেশি করে নেবো।

গোটা পাঁচ-ছয় দোকানে ঘুরল। কাছাকাছি আর নেই, আর সব দূরে। গাড়ির পাহারা ছেড়ে দূরে যাওয়া চলে না। শুভ্রার নাম ও গুণপনা সব কাটা দোকানই জানে, দেখা গেল। কোথায় পাওয়া যায়, ঠিক ঠিকানার অভাবে এতদিন উন্মোচন হয়নি। বসেছে আবার গাড়িতে। বাজের সাফল্য, এবারে গরম নয়, বসন্তের হাওয়া গায়ে লাগে।

সুশাস্ত এলো এই সময়। বিজ্ঞাপন ফুরিয়েছে ; কিছু বিজ্ঞাপন নেবে। রোদ খেয়ে ক্ষেপে আছে। হিমালীর উপর বোমার মতন ফেটে পড়ে : হাসছে যে ভূমি বড়ো ?

টিপিটিপি হাসছিল হিমালী, খিল-খিল করে জলোচ্ছ্বাসেব মতো ফেটে পড়ে। ঝগড়া করে : কেন হাসব না ? তোমার যে কত ক্ষমতা, জানো না বলেই মন গুমরে থাকে। যত খাটনি খেটেছ, কিছুই বিফল হয় নি।

ঠাট্টা ?

প্রমাণ স্বরূপ হিমালী ক্যাশমেমো বের করে ধরল। নতুন একটা বই নিয়ে এই ক'জায়গায় বিক্রি করে এসেছে। রাগ জল হয়ে গিয়ে স্বশাস্ত অগলক তাকিয়ে পড়ে : ঠিক তুমি মস্তোর জানো হিমালী।

হাত দুটো জড়িয়ে ধরেছে তার। নেহাত বাজার জায়গা, এর বেশি চালানো যায় না। বলে, গোটা জ্বিশেক জায়গায় ঘুরেছি ; তোমার সিকির সিকিও তো হয়নি আমার। কাজে প্রথম নেমেই দ্বিষজয় করে এলে।

এদিক-ওদিক চেয়ে হাত ছাড়িয়ে নিয়ে গাঢ় স্বরে হিমালী বলে, সত্যি বলছি, একটা মুখের কথাও বলতে হয়নি। তোমরা বিজ্ঞাপন ছড়িয়েছ, বিজ্ঞাপনে জানা ছিল সকলের। একেবারে মুকিয়ে ছিল, শুভা নামটা দেখেই লুকে নিল। দ্বিষজয় বলো যা-কিছু বলো সমস্ত তোমার।

এর পরে আজ আর কাজকর্ম নয়, কাজ বিস্তর হয়েছে। গাড়ি চলল। ছুটি এইবারে। মফস্বল জায়গা হলেও সিনেমা আছে ঠিক। খুঁজেপেতে গিয়ে বসে পড়বে।

রাজে রেন্টহাউসের কামরায় যুগলে শলাপরামর্শ : ঠিক, ঠিক! এমনি কায়দা এবার থেকে। মাল ক'টা কাটিয়ে দিয়ে সোজা কলকাতা। আবার যখন বেরুব, এই লক্‌বড় গাড়িতে নয়। শ্রামলের নিজের গাড়িটা নিয়ে আসব। কাজ ভাল দেখলে হাসতে হাসতে দিয়ে দেবে সে।

ঘাড় হুলিয়ে হিমালী বলে, বয়ে গেছে। চাকরি তোমার, আমি কি জন্তে খাটতে যাব? একবেলা একটু শখ হয়েছিল—তাই বলে কি নিত্যদিন?

বলছে এই মুখে। চোখের হাসি জয়ের আনন্দে আরও যেন ঝিলিক দিচ্ছে। স্বশাস্ত বত বলে—তুমি ছাড়া হবে না হিমালী, সকৌতুকে হিমালী তত ঘাড় নাড়ে : পারব না, কক্ষনো না। আমি তো ক্যানভাসার নই তোমার শ্রামল দত্তর। আমি কেন করতে যাব?

এক সময় গম্ভীর হয়ে বলে, দেখ, ভয় করে বড্ড আমার। পুরুষের সামনে ঠকঠক করে গা কাঁপে। গৌরো মেয়ে বে আমি—মাঠাকুরমা আমায় ঘরকুনো বানিয়েছেন। এসব কাজে লাগাবে তো শহরে মেয়ে বিয়ে করলে না কেন?

এই কলহ, এই আবার সোহাগের গদগদ ভাব। নতুন বিয়ের বর-বউয়ের বা দত্তর। শেখরাজের দিকে অবশেষে নিমরাজি হল হিমালী : এমন জেদি

মাহুৰ দেখিনি কখনো। যা ধরবে, তাই করিয়ে তুমি ছাড়বে। কী যে করি  
আমি তোমার জামায়!

চলছে সেইভাবে। তবু এক একদিন হিমালী বিগড়ে যায়। বিষম  
খেয়ালি। এক পা নড়বে না, কিছুতে না। গাড়ির ভিতর জেঁপ করে বসে  
থাকে, আর হাসে মিটিমিটি: আমি কি জানি এসব, করেছি কখনো?  
বিয়ে হতে না হতে কাজে জুড়ে দিয়েছ। আজকে আমার ছুটি।

তাকে গাড়িতে রেখে অগত্যা স্নানান্ত্র চুকে গেল কোন এক দোকানে।

কি নিয়ে এলেন আবার? এখানে ক্বারে কাপড় কাচে মশায়, সাবান  
লাগে না। পুরো কাপড় ক'টা মাহুৰেরই বা—পরে সব ঝাকড়া। তাতে  
সাবান কোথা লাগাবে?

যেখানে যাচ্ছে—উন্টেপাণ্টে এমনি ধরনের কথা। সাবান নিতান্তই  
অপ্রয়োজনের বস্তু।

হিমালীকে অনেক সাধ্যসাধনা করে অবশেষে ওরই মধ্যে এক জায়গায়  
পাঠাল। পরখ হয়ে যাক না। নিজে অলক্ষ্য পিছনে আছে।

হিমালীর যা কায়দা—একটি কথা নেই। বিজ্ঞাপনের কাগজ দিল এগিয়ে।  
মুখের দিকে তাকিয়ে দোকানির কর্তৃত্ব এবার ভিন্ন রকম। কর্তৃত্বাধীনে  
বলে, শুভ্রা-সাবান নিয়ে এসেছেন হে! রেখে দাও খান কয়েক। চেষ্টা  
কোরো তোমরা, কিছু কি আর কাটবে না?

কম নিক বেশি নিক, একেবারে ফেরায় না কেউ। দোকানিগুলো  
পুরুষমাহুৰ, নিশ্চয়ই সেই কারণে; পুরুষ পুরুষকে স্নানান্ত্রের দেখে না—একজন  
পুরুষ করে খাবে, স্নান করতে পারে না অন্য পুরুষ। স্নানান্ত্রকে তাই  
অবহেলা। হত এই দোকানিরা মেয়েলোক, হিমালী তবে বুঝত ঠেলা।  
স্নানান্ত্রকে খাতির করত, তার কথা রাখত। নিয়মই এই।

পথে পথে আর ভাল লাগে না। যা হবার হল, ফেরা এবারে।  
কলকাতায় ফিরে যাওয়া যাক।

হিমালী বলে, সেই গল্পে একটিবার যেতে ইচ্ছা করে, আমার হাতে-খড়ি  
যেখানটা। ঐদিক দিয়ে ঘুরে যাই চলো। হুঁপখানেক পরে যেতে বলে  
দিয়েছিল—যে ক'টা মাল পড়ে আছে, ওখানেই নিয়ে নেবে।

বাজে-পোড়া নারিকেলগাছ, টিনের বেড়া, পাকা মেজের সেই দোকান।  
ছপূরের বিজ্ঞাপনের পর সব দোকান খুলছে—প্রকাণ্ড চাবির খলে হাতে  
সেদিনের সেই বুড়ো কর্তৃত্বাধী। দেখেই হিমালীকে চিনেছে। অকুণ্ঠিত  
করে বলে, আপনি-ই তো সেদিন সাবান দিয়ে গেলেন। উঃ, সাবান বটে!

ভাবলাম, এত ভাল ভাল কথা লিখেছে, দেখিই না এক কুচি ফতুয়ায় লাগিয়ে । এই ঘেঁটা গায়ে পরে আছি । পুরো একখানা সাবান কইয়ে ফেললাম । যতই কাচি, ফর্সা না হয়ে উল্টে আরও ঘোর হয়ে যায় ।

মুখ কালো হুশাস্তর, সপাং করে কে যেন চাবুক মেরে বসল । প্রবোধ দেয় হিমানীকে : এ লোকের কথায় কী আসে যায় ! গুণ না থাকলে এত সোরগোল পড়ে যেত না । কথা বাড়িও না, চলে এসো তুমি ।

সোরগোল সহসা পিছন দিকেই । মালিক এসে পড়েছে, পিছন থেকে মালিক বলে ওঠে, এই যে, এসে গেছেন আপনি । আজকেই ভাবছিলাম আপনার কথা । সাবান কোথা ?

হুশাস্ত বুড়ো কর্মচারীর দিকে অপাঙ্গে চেয়ে বলে, সরকার ?

হুশাস্তর কথা কানেই গেল না তার । হিমানীর দিকে একদৃষ্টে তাকিয়ে বলে, হাত খালি আজকে—বিজ্ঞাপনের কাগজও দেখছেন । গাড়িতে রেখে এলেন বুঝি ? ভিতরে চলুন । মাহুঘটিকে বলে দিন, তিন চার ডজন সাবান আনতে ।

কর্মচারীটি বিরক্তি ভরে বলে, আগের সাবান তো গাধা হয়ে পড়ে আছে । আবার কেন ? তাই বরঞ্চ কতক ফিরিয়ে দিলে হয় ।

অপ্রতিভ হয়ে মালিক বলে, কে বলেছে ? আপনি কিছু জানেন না সরকারমশায় । চলে যান, নিজের কাজে বহনগে ।

বিক্রি ছাড়া কাজ কি আমার ? সেইজন্তে জানতে পারি । বলেকয়ে একজনকে একখানা গছিয়ে দিলাম, ফেরত এনে যাচ্ছে—তাই করে বলল । আপনার সামনেই তো হল, আপনি এখন চেপে যাচ্ছেন ।

মালিক তর্জন করে ওঠে : আপনাকে কে মাতব্বরি করতে বলছে শুনি ? কথাবার্তার মধ্যে কখনো ফোড়ন কাটবেন না, শেষ বারের মতো মানা করে দিচ্ছি । সাবধান !

মুখ কালো পরে সরকারমশায় নিজ স্থানে গিয়ে বসল । ফিক করে হেসে মালিক বলে, এই হুগুয় আপনি আবার নিয়ে আসবেন, কথা ছিল । দিন । যদি সব না-ও গিয়ে থাকে, ভাবনার কি আছে ? নানা ঝগড়াটে আমি নিজে ক’দিন দেখতে পারিনি । মাল কিছুই পড়ে থাকবে না ।

একটু থেমে আবার বলে, থাকে পড়ে সে আমার থাকবে । আপনার কোন দায় ? হুগুয় হুগুয় আপনি নিয়ে আসবেন ।

হুশাস্ত হাত চেপে ধরেছে হিমানীর । গাড়িতে গিয়ে স্টার্ট দিচ্ছে ।

হিমানী বলে, সাবান চাইল যে ?



হুশাস্ত বলে, বেচব না এদের কাছে ।

হাত টেনে হিমানীকে পাশের সিটে তুলল ।

হিমানী আবার বলে, আরও ক'টা দোকান এদিকে আছে । তাদের হয়তো সত্যিই ফুরিয়েছে ।

ভোমার খন্দের একজনের কাছেও বিক্রি করব না ।

গাড়ি ছুটিয়ে দিল ।

কণ পরে তিক্ত কণ্ঠে হুশাস্ত বলে, হাসিছিলে কেন দোকানদার ছোড়ার দিকে অমন করে ?

অবাক হয়ে হিমানী বলে, কি বলছ, হাসি দেখলে কখন তুমি ?

আলবৎ হেসেছ । মন-মজানো হাসি । গের্সো মেয়ে বলে আবার অ্যাকা সাজতে যাও । শহরে মেয়ের বাপ-ঠাকুর্দাও অমন করে না । হাসি দিয়ে বড়শি-গাঁথার মতো আমায় গের্সে ফেললে । নইলে বিয়ের অবস্থা আমার ! একেবারে দিশে করতে দিলে না ।

গাড়ি গর্জন করে ছুটেছে ।

হিমানী বলে, না বুঝে একবার একদিন বিক্রি করে এসেছিলাম । অগ্নায় হয়েছিল আমার । বলে বলে তুমিই তো তারপর পাঠাতে ।

বলেছিলাম সাবান বেচতে, হাসি বেচতে বলিনি ।

হিমানী কঁদে পড়ল ।

আরও অলে উঠে হুশাস্ত বলে, দিবিয় তো জল আনতে পারো চোখে ! হাসি কান্না ছ-রকম দুই চোখে—যে জিনিষও নয় । এক সঙ্গে মেশানো । হাসির আরও বাহার খোলে এতে—যে দেখে, তার মৃত্ত ঘুরে যায় ।

হিমানী আরও ব্যাকুল হয়ে পড়ে । পোড়া হাসি চোখের জলেও ধুয়ে যায় না, কান্নার মধ্যেও হাসি লেগে থাকে—এ রোগ নিরাময় হবে কেমন করে ।

শ্রামল দত্ত আনন্দে থই পায় না । প্রথম যাত্রায় এতদূর সাফল্য ধারণার অতীত । শক্ররা কত কি বলত, তাদের মুখ চুন । হয়েছে কি এখনো ! এক্সপেরিমেন্ট চালাচ্ছে, আরও কয়েকটা জিনিস মেশানোর ইচ্ছা আছে, তখন এক আজব কাণ্ড হবে, বালতির জলে শুভ্রার একটুখানি গুলে যাতে ঢালবে, তাই ফরসা । মাহুয কুহুর কাপড়-চোপড় টেবিল-চেয়ার যার উপরেই হোক । দেশে আর অল্প সাবান পাত্তা পাবে না ।

ইতিমধ্যে খবর কানে গেল, বিয়ে করে বউ নিয়ে এসেছে হুশাস্ত ।

শ্রামল লাফিয়ে ওঠে সত্যি ? এতবড় জিনিসটা চেপে রেখেছ, আজ্ঞা

‘মাহু’ ভো ভূমি! বউ কবে দেখাছ? কবে তোমাদের লম্বা হবে জেনে এসে বলো, এইখানে ছোটখাট একটু চান্দ্রের ব্যবস্থা করি।

হুশাস্ত বাড়ি এসে বলে, কবে যাওয়া যায় বলো। সামনের রবিবার—কেন?

হিমালী জলে ওঠে : কোনদিনও নয়। খবরদার, বাইরে যাওয়ার নাম করবে না আমার কাছে।

মুখে যা বলল, তাই। নিচের তলায় আধ-অন্ধকার একটা ঘর—অহোরাত্রি হিমালী তার মধ্যে মুখ গুঁজে পড়ে আছে।

হুশাস্ত বলে, হল কি তোমার? নবাব-বাদশার হারেমকে যে হার মানিয়ে দিলে। এক পা কোথাও বেরবে না?

বেকলেই তো হেসে হেসে মাল্লবের মূণ্ড ঘোরাব। মাথা ঘুরে পটপট করে লম্বা পড়বে, দেশে মড়ক লেগে যাবে।

হুশাস্তও চটেছে। বলে, সেটা বুঝি মিথ্যে? মিটমিট করে হাসো, যাচ্ছেতাই হাসি তোমার। না হাসলে কেউ বানিয়ে বলতে যায় না।

না হাসবার জন্ত হিমালীর কত চেষ্টা—দু-জন মাল্লবের সামান্য ঘরকন্নার পর সমস্তটা দিন এই নিয়ে আছে। আয়না নিয়ে জানলার কাছে বসে নানান কায়দায় মুখ ঘুরিয়ে ঘুরিয়ে হাসি বন্ধের অভ্যাস করে।

শীতলা-মূর্তি মাথায় করে বাড়ির দরজায় এসেছে : মায়ের নামে পয়সা-কড়ি কি দেবে দাও—

মা কি করবেন?

দয়া হলে তোমার ঘরে কোনদিন মা অল্পগ্রহ দেবেন না।

হিমালী বলে, পয়সা কেন, আস্ত একটা আনি ধরে দিচ্ছি। মা যেন অল্পগ্রহই দেন। পূজোর সময় আমার নামে চেয়ে নিও, মুখ যেন ঝাঁঝেরা হয়ে যায় আমার।

ছোটবেলা সবাই বলত, বড় হাসকুটে মেয়ে গো! আদর করত। ঠাকুরমা বললেন, আমি দেখার জন্ত থাকব না, কিন্তু চিরকাল যেন হেসে হেসে এমনি কাটাতে পারিস। আশীর্বাদ ভেবে অভিশাপ দিলেন তিনি, সত্যি সত্যি তাই ফলে গেছে। সারা মুখে হাসির মাখামাখি। সন্ধ্যাবেলা ঠনঠন-কালীবাড়ির আরতির ঘণ্টাধ্বনি আসে। ঘরের মেঝের মাথা কোটে তখন হিমালী : মাগো, কানতে পারি যাতে তাই করে দাও। নিখুঁত পরিপাটি কপড়—দান্ন মধ্যে হাসির ছিটেকোটাও নেই।

শ্রামল তাগাদা দেয় : কই হে, কবে আসছ তোমরা? আমার বাড়ি এত ভিড়ের মধ্যে আসতে না চান, হোটেলই চা-টা হতে পারে। তোমার বড় আজও দেখলাম না, বড় অস্তায় হয়ে যাচ্ছে।

বাসায় এসে স্বশাস্ত্র জীকে বলে, হোটেলই চলো তবে। শুধু শ্রামল ভূমি আর আমি। ছোটবেলার সহপাঠি, মাছঘটি বড় ভাল সেই জন্ত এমনি করে। আসলে তো মনিব, অন্নবজ্র তারই দৌলতে—

হিমালী ঝেড়ে ফেলে : মনিব তোমার। আমার কেউ নয়, আমি কেন যেতে যাব?

স্বশাস্ত্র অনেক করে বোঝাচ্ছে : শুভ্রা একদম চলছে না। সারাদিনের মধ্যে আমার বিজ্ঞাম নেই—এত বড় শহরের অলিগলি চষে ফেলছি। আগে তবু দশ-বিশ গ্লোস কাটত, এখন বোধহয় দশখানাও নয়। শ্রামল যদি কারবার তুলে দেয়, চোখে অঙ্ককার দেখতে হবে।

হিমালী রায় দিল : ও যাবেই। পণ্ড্রম তোমার, ঠেকাতে পারবে না। কেমিট না করু—যা করেছে সাবানের জাতই নয়। নিজে আমি কেচে দেখেছি, কাপড় আরও কাল হয়ে যায়। বিজ্ঞাপনে আকাশ ফাটিয়ে ক'দিন চলবে?

এর পর হঠাৎ এক সকালবেলা শ্রামল নিজেই তাদের বাসায় এলো। অঙ্ককার মুখ। বলল, সাবান নিয়ে আজকে আর বাজারে বেরিয়ে কাজ নেই। সোজা ভূমি অফিসে চলে যেও। জরুরি কথা আছে।

হিমালী একহাত ঘোমটা টেনে জবুখবু হয়ে আছে। সেদিকে তাকিয়ে শ্রামল একটু হাসল। বলে, বড় লাজুক তো ইনি। আজকাল এমন দেখা যায় না। বাক, বিভ্রত করব না।

কানের গয়না নিয়ে এসেছে—গয়নার কোটো হিমালীর হাতে দিল না, চেয়ারের পাশে রাখল। স্বশাস্ত্র মনে মনে গরগর করছে, ব্যাপারটা কোন রকমে চাপা দিতে চায় : অজ পাড়ারগায়ের মাছঘ তো—

কিন্তু বলছে কাকে! শ্রামল ইতিমধ্যে উঠে পড়েছে, একটা মিষ্টি মুখে দেবার সব্বর সয় না। বলে, কর্তব্য অনেকগুলো মূলভূবি রয়েছে, সেইগুলো সারতে বেরিয়েছি। চাকরি নিয়েছি এলাহাবাদে, সেইখানে চলে যাচ্ছি।

শ্রামল বেরিয়ে যেতে স্বশাস্ত্র বোমার মতো ফেটে পড়ে : এটা কি হল শুনি? কাপড়চোপড়ে মুখ ঢেকে কলাবউ হয়ে রইলে—রাস্তায় রাস্তায় ক্যানভাসিং করছে, সে খবর শ্রামল বুঝি জানে না?

হিমালী বলে, কী করব মুখ না ঢেকে? মুখে ধোঁহাসি! কত চেষ্টা করি, হাসি কিছুতে ছাড়ছে না।

কে এমন বাড়ি বয়ে গয়না দিতে আসে? এসে অপমানিত হয়ে গেল।

কথা কেড়ে নিয়ে সজোরে ঘাড় নেড়ে উগ্র কণ্ঠে হিমালী বলে, উপকার করে বলেই কি তার মুণ্ড ঘুরিয়ে দিতে বলা? সে আমি পারব না। কক্ষনো না।

শ্রামলের যা বলবার বাসায় এসেই একরকম বলে গিয়েছিল। অফিসে গিয়ে স্বশাস্ত্র সবিস্তারে সব শুনল। শুভ্রা চলবে না, বিস্তার লোকসান হয়েছে। কারবার তুলে দিয়ে চাকরি নিয়ে শ্রামল এলাহাবাদে চলল। একমাসের মাইনে দিয়ে লোকজন সমস্ত বিদায়।

মাথায় হাত দিয়ে বসে স্বশাস্ত্র। যত রাগ আর হুঃখ হিমালীর উপর ঝাড়ছে : একা একা ছিলাম দিব্যি। স্বখে থাকতে ভূতে কিলোয়—জম্মুলে রাজ্যে গিয়ে কুহকিনীর পাল্লায় পড়ে গেলাম। নইলে বিয়ে করার অবস্থা কি আমার! যা বাজার পড়েছে, লক্ষপতি মাছুষও বিশ্বাস আশুপিছু করে। মাস্টারমশায়ও লেগে গেলেন, দিশা করতে দিলেন না।

মাথায় হাত দিয়ে পড়েছিল, হাতে স্বর্গ এসে পৌঁছল ডাকের চিঠি ভর করে। রামজয় বিশ্বাস চিঠি লিখেছেন।

তাঁদের শহর আরও জাঁকিয়ে উঠেছে। ভাল ভাল সব হোটেল। উপবন বলতে গেলে কাঁটাবন এখন, খন্দের বড় একটা আসে না। দিন কতক সেই স্বমিন এসেছিল—হিমি যখন ছিল। হিমির রোস্টের নাম হয়ে গিয়েছিল। এখনো লোকে সে জিনিষ ভুলতে পারে নি।

স্বশাস্ত্রকে লিখেছেন : প্রাণান্তক খাটনি খেটে পরের কারবার বড় করছ তুমি। চলে এসো হিমালীকে নিয়ে। তোমরা ছাড়া আমার কে আছে? উপবন তোমাদের নামে লেখাপড়া করে দেবো—জিনিসটা চোখের সামনে নষ্ট হয়ে যাচ্ছে, সহ করতে পারিনে। হিমির নামে হোটেল আবার জেঁকে উঠবে। মালিক হয়ে তোমরাই চালাও, বুড়োমাছুষ যে ক’টা দিন আছি, চাচ্ছি খেতে দিও। এই বন্দোবস্ত।

চিঠি বার পাঁচ-সাত স্বশাস্ত্রের পড়া হয়ে গেছে। হিমালীকেও পড়তে দেয়। বলে, নিজেদের কাজকারবার, নিজেরা কর্তা। চলো হিমালী।

হিমালীও বলে, চলো তাই—

ছুটি প্রাণীর দরিদ্র সংসার—সেদিন দিয়ে বড় সুবিধা। বাধাছাঁদার হাঙ্গামা নেই, মালের দরুন মাঙ্গলও বেশি দিতে হবে না রেল-কোম্পানিকে। চিরজীবনের মতন চলে যাচ্ছে, আর কলকাতা ফিরবে না।

যাত্রায় বাধা পড়ে গেল, আকস্মিক দুর্ঘটনা। গিয়েই তো রোস্ট রান্নায় লেগে যেতে হবে—কিছু সড়োগড়ো করে নিচ্ছে হিমাদী। মুরগি জুটছে না বলে ফুলকপির রোস্ট। ঘিয়ের বদলে সর্ষের তেল। কলকল করে তেল ফুটছে, তার মধ্যে আশু কপি ফেলে দিয়েছে। গরম তেল ছিটকে উঠে সারা মুখে পড়ল। গাঁয়ের গরিব ঘরের মেয়ে, ছোট্ট বয়স থেকে রান্নাবান্না করছে, এত অসাবধান কেন? মুখই বা কড়াইয়ের অত কাছে নিয়েছিল কী দেখবার জন্ত?

দুর্ভাগ্য কাকে বলে! রাঁধা-কইমাছ গ্রাসের সামনে জ্যান্ত হয়ে পালিয়ে যাওয়ার মতো। প্রাণরক্ষা হল, স্বস্থ হতে তবু মাসখানেক। হাসপাতাল থেকে হিমাদী যেদিন বেরিয়ে এলো, স্বশাস্ত্র মুখের দিকে তাকাতো পারে না। গা শিরশির করে।

হাসতে যায় আজ হিমাদী মনের সাথে, স্বশাস্ত্রকে দেখিয়ে দেখিয়ে। ভয়সকোচ নেই।

হি-হি হো-হো—প্রাণপণ হাসি। আওয়াজটা বটে হাসির, কিন্তু মুখের উপর হাসির চেহারা কই? পরম উল্লাসে স্বামীর গায়ে ঝাঁকি দেয় : ওগো দেখছ, হাসি মুছে গেছে! নজর ফেলে দেখ, একেবারে কিছ নেই।

স্টেশন থেকে ঘোড়ার-গাড়ি করে উপবনে পৌছল। রামজয় দোতলায় ছিলেন, উঠি-পড়ি নেমে এলেন : কই রে হিমি, কোথায় ভুই?

স্বশাস্ত্র দিকে চেয়ে হাহাকার করে উঠলেন : এ কোন মুখপুড়ি সঙ্গে করে আনলি, আমার সে হিমি কই?

হিমাদী বলে, মুখ পুড়েছে মামামশায়, হাত পোড়েনি। রোস্ট সেই আগেকার মতোই করব। আগের চেয়েও ভাল করব দেখো। খাবে তো রোস্ট, আমার মুখ কেউ খুবলে খুবলে খেতে যাবে না।

তবু রামজয় প্রবোধ মানেন না। থিঁচিয়ে উঠলেন : তোর চেয়ে বামুন-ঠাকুর ঢের ঢের ভাল করবে। চলে যা তোরা। মুখ দেখে কেউ রান্না খাবে না, খন্দের যে ক'টি আছে তারাও সরে পড়বে।

## খাই-খাই

মায়ের ঘরে নীলমণি—মায়ের তক্তাপোশের পাশে। হাতের পাঁচটা আঙুল—কনিষ্ঠা অনামিকা মধ্যমা তর্জনী আর বৃদ্ধ—একটার পর একটা উচু করে মাকে গুনিয়ে গুনিয়ে ছড়া বলছে। ছড়াটা আজ নতুন শিখেছে :

এইটে বলে, খাবো খাবো—

কনিষ্ঠা থেকে শুরু। কনিষ্ঠা সকলের ছোট কিনা—কিধে পেয়েছে তার-  
খেতে চাইছে।

এবং পর পর চলল আঙুলদের সকলের কথা :

এইটে বলে, খাবো খাবো—

এইটে বলে, কোথায় পাবো ?

এইটে বলে, কর্জ করো—

এইটে বলে, শোধের বেলা ?

এইটে বলে, এই কলা, এই কলা !

বঁটে বৃদ্ধাঙ্গুলি ভারি শয়তান—কর্জ শোধ করবে না, উটে কলা দেখাবে।

মুখ-চোখ ঘুরিয়ে মাকে নীলমণি নতুন ছড়া শোনাচ্ছে। কিন্তু হাসে না মেনকা। কড়ে-আঙুল বলে কেন, তার দেহের প্রতিটি রোমকূপ যেন ‘খেতে দাও’ ‘খেতে দাও’ করছে।

অথচ এই মেনকা একদিন ভাতের তলে মাছ ঢাকা দিয়ে শান্তডিকে ফাঁকি দিয়েছে : খেয়েছি মা। তারপর সবস্বচ্ছ নিয়ে আঁস্তাকুড়ে ঢেলেছে। আর এই নীলমণির কথা কোটেনি - বাচ্চা ছেলে, তখন থেকেই না খাওয়ার চালাকিটা শিখে ফেলেছে। ঝিহুক ভরে মুখে দুধ ঢেলে দিয়েছ, না গিলে টাকরার ভিতর রেখে দিয়েছে—আবার ঝিহুক ভরছ, ফুচ করে দুধ ফোয়ারার ধারে বের করে দিল। ঝিকমিকে দাঁত ক’টিতে হাসির কী ছটা তখন!

আজকে রোগের মধ্যে মেনকার অল্প বলে মনে হয়। এসব সত্যি সত্যি ঘটেনি বুঝি কোনদিন। ছেলেকে জিজ্ঞাসা করে, খাওয়া হয়ে গেল তোদের ?

ঠাই হচ্ছে।

আমারও ঠাই করতে বল। আমি খাব তোদের সঙ্গে।

হঠাৎ একেবারে ক্ষেপে গেল : বলছি তা কানে যায় না বুঝি ? ডেকে আনু তোর বাবাকে।

বলরাম এলে তার উপর মেনকা ঝঙ্কার দিয়ে ওঠে : স্বার্থপর তোমরা। আমার উপোসি রেখে আকণ্ঠ এইবারে গিলতে বসবে।

উপোসি কেন থাকতে যাবে তুমি ?

আমিও তাই বলি। আর নয়, কোন কথা আজ শুনব না। খালার চারপাশে বাটিতে ভাত-তরকারি খাব তোমাদের কাছে বলে।

মেনকা কীদমে লাগল। চোখ মুছিয়ে দিয়ে বলরাম বলে, ভাত্কারে যেমন বলে তাই তো খাবে ! অবুঝ হচ্ছে কেন ?

ডাক্তারে বলে, জ্যান্ত-মাছ কচি-পাঁঠার ঝোল মাখন আপেল-বেদানা দাদখানি-চালের ভাত। দাও এনে তাই।

এখন আব বলে না। হজমের ক্ষমতা নেই। ঢুথ খাচ্ছ—দুধের চেয়ে ভাল জিনিস কি আছে বলো।

হজমের যখন ক্ষমতা ছিল তখনো কি খাইয়েছ আপেল-বেদানা-মাখন? বাড়ির গরু পোয়াটাক দুধ দেয়, ছেলেটাকে বঞ্চিত করে দেদার দুধ খেয়ে যাচ্ছি।

বলরাম কি বলবে, চূপ করে থাকে। কথা যা বলছে, একেবারে মিছা নয়।

মেনকা বলে, আমি বাঁচব না—ডাক্তার জানে, তুমিও জান। এখনো তবু খেতে দেবে না। না খেতে দিয়ে তাড়াতাড়ি মেরে ফেলতে চাও। তুমি খুনে।

বলরামের মুখেও শক্ত কথা এসে গিয়েছিল, সামলে নিল। বলে, জুটিয়ে নিয়েছ রাজব্যাদি, কিন্তু আমি যে রাজা নই। যা-কিছু ছিল, একে একে সমস্ত গেছে। তিরিশ বিঘের এমন চকটাও বিক্রি করে দিলাম। এর পরে তুমি যদি যাও, আমরাও তো পিছু পিছু আসছি। থাকব কি খেয়ে? ছেলে যাবে, আমিও যাব—দুনিয়ার উপর কেউ আমরা বেঁচে থাকতিনে। হিংসার কিছু নেই মেনকা।

মেনকা হাউহাউ করে কঁদে উঠল : ব্যাধির খোঁটা দিলে। কিন্তু কাদের জন্তু এই ব্যাদি, জিজ্ঞাসা করি। বিয়ে হয়ে বাপের বাড়ি থেকে এলাম—শাশুড়ি বললেন, পাথুরে বউ এনেছে, মাটিতে শুবি তোরা, বউয়ের ভারে তক্তাপোশ ভেঙে পড়বে। সেই মালুষ শুকিয়ে আজ কঞ্চিখানা। নিজে না খেয়ে সারা জন্ম তোমাদের খাইয়ে এলাম। বিদায় হয়ে যাচ্ছি, একটা বেলাও তবু সাধ মিটিয়ে খেতে দেবে না। উঠতে পারিনে দেখতে পারিনে সেই জন্তু বড্ড মজা! নিজেদের অষ্টব্যঞ্জন সাজিয়ে রেখে ডাক্তারের দোহাই পাড়তে এসেছ। আজ আমি কিছুতে শুনছিনে, তোমাদের ঐ বাড়ি-ভাত কেড়েকুড়ে খেয়ে নেবো—

শয্যা থেকে উঠতে গিয়ে মেজের উপর পড়ে গেল। গলগল করে রক্ত—এত রক্ত শুকানো দেহটুকুর মধ্যে! রক্ত দেখে ডর লাগে, বলরাম থরথরিয়ে কাঁপছে। মালুষজন ডাকবে, তা-ও অনেকক্ষণের মধ্যে পেরে ওঠে না।

মেনকা মারা গেল। মেজের চাপ-চাপ রক্ত, তারই উপর বাসি-মড়া পড়ে আছে একটা বেলা এবং পুরো এক রাত্রি। ডাক্তার সতর্ক করে দেন : এ ব্যাদি বিল্ডী রকমের ছোয়াচে। শ্মশানে যাবার আগে নিজেদের দিকটা

সকল ভেবে দেখে। মড়া ভাল করে জীবাণুহীন হয় যেন। পুড়ে করলা হয়ে গেলে তবে নিশ্চিন্ত।

ঋশানে বাবে বলে যারা কোমর বাঁধছিল, এমন কথার পরে তার।  
পিছিয়ে পড়ে।

বলরাম বলে, কুছ পরোয়া নেই। জীবাণু মারতে কি কি লাগবে, প্রেসক্লপশন করে দিন ডাক্তারবাবু। এত টাকা আপনাদের খাওয়ালাম, শেষটুকুতে বঞ্চিত করব না।

আচার্ঘিঠাকুর পাঁজি দেখে ইতিমধ্যে নতুন এক বাগড়া তুললেন : মড়া তিনপা দোষ পেয়েছে। তা ছাড়া এই রকম দীর্ঘকালের যাপ্য ব্যাধিতে মরা মহাপাতকের ফল। শাস্তিস্বস্ত্যয়নে সেই পাতকের খণ্ডন করে তবে মড়া বাড়ির বার হবে। নয়তো গ্রামস্থল লোক সঙ্গে টানবে কিন্তু। যারা ঘাড়ে করে নিয়ে যাবে, তাদের ঘাড় ভাঙবে সকলের আগে।

উঠতে গিয়ে যে মাসুখটা আছাড় খেয়ে মারা গেল, মরার সঙ্গে সঙ্গেই তার এমন দৈত্যসম প্রতাপ, বলরাম বিশ্বাস করে উঠতে পারে না। তবু বলে, ফর্দ করে দিন ঠাকুরমশায়। যাহা বাহান্ন তাঁহা তিগ্নান্ন। এতই হল তো স্বস্ত্যয়নও বাকি থাকবে না।

নেশাখোর রঘুপ্রসাদ উদয় হল এর মধ্যে। বলরামকে এক পাশে ডেকে নিয়ে কানে কানে বলে, শুনেছি সব দাদা। ঘরের ভিতরে মড়া রয়েছে বলে শৈয়াল-শকুনে নাগাল পায়নি, এরাই সব ছেঁড়াছেড়ি করছে। ওদের তালে বৈশনা—অযুধে আর স্বস্ত্যয়নে যা পড়বে, তার সিকি আন্দাজ ছাড়ো। কলৈর মতো কাজ হয়ে যাবে।

বলরাম বলে, বুঝিয়ে বলো।

বলি, ডাক্তার আর আচার্ঘিঠাকুর ছাড় করে দিলেই মড়া অমনি পায়ে হেঁটে চিতায় উঠবে না। তার পরেও খরচা আছে। সেই খরচটা আগে করতে বলি। কিছু দরাজ হাতে।

চোখ টিপে বলে, শিবের জটা নয়—জটার উপরে মা-স্বরধুনী বর্তমান, সেই পবিত্র উঠতে হবে। জটা বুঝলে না, কী মুশকিল! ইকড়ি-মিকড়ি চামড়িকড়ি, কলকেয় লেজে চড়-চড়-চড়াং—যার অস্ত্র নাম গাঁজা। গাঁজায় হবে না। স্বরধুনী, যিনি শিবের জটা ছেড়ে বোতলে ঢুকেছেন, তারই ছুটো এনে দাঁও দাদা। কোমরে গামছা বেঁধে চারদিকে চলে আসি। বল হরি, ইন্দিরেনি! ঋগিষা দাঁও কি বাঁশের সঙ্গে দড়ি দিয়ে বাঁধতে বল—চক্কর পলকে নির্গোলে চাঁপান হট্টয় যাবে।



এমন স্থিতি পেয়ে কে ছাড়ে ! বলরাম বলে, কথা পাকা । একটুখানি কেবল সবুর করতে হবে ।

অখীর রঘুপ্রসাদ বলে, কাল দুপুর থেকে দরাদরি চলছে । মড়ায় মাছি পড়ছে, গন্ধ হয়ে গেছে । আরও সবুর করলে হাত-পাগুলো খসে খসে আসবে যে !

বলরাম বলে, দেরি বেশি হবে না । গাইগরুটা দিয়ে খদ্দেরের কাছ থেকে টাকা ক'টা নিয়ে আসা ।

রঘুপ্রসাদ অবাক হয়ে বলে, গাইগরু বেচে দিচ্ছ দাদা ?

আর কিছুই নেই—কী বেচব বলো ? ডাক্তার-বস্তিতে সাফ করে নিয়েছে, যম এসে শেষটা প্রাণটুকু নিয়ে নিল । গাইগরু রয়ে গেছে রোগির জন্ত দুধ দিত বলে । মেনকা আর তো দুধ খেতে আসবে না, গরু তবে কোন কাজে লাগবে ?

রঘুপ্রসাদ বলে, তিনি না থাকুন, ছেলে তো রয়েছে । নীলমণি দুধ খাবে । গরু বেচতে হবে না দাদা, দু-আনার জটাজ্বালের ব্যবস্থাই হোক । লে পয়সা না জোটে, আমরা চার সাঙাত চাঁদা করে তুলে নেবো ।

ততক্ষণে বলরাম গাইয়ের দড়ি হাতে নিয়েছে । বলে, শুধু একপোয়া দুধে ছেলে বেঁচে থাকবে না । গরু বেচতেই হবে আজ হোক কিম্বা কাল হোক । তবে কেন আজকে নয় ? এত জাঁকজমকের চিকিৎসার শেষ একেবারে নিরম্বু হলে মানাবে কেন ?

অশানে কাজ চুকবুকে গেল । গিয়েছিল মোট সাত—মেনকাকেও হিসাবে ধরতে হবে । ফেরার কথা ছ-জনের । রঘুপ্রসাদরা চার, এবং বাপ-বেটা দুই । গণে দেখ, ঠিকঠাক ফিরছি তো বটে ?

আকাশ মেঘে থমথম করছে । অন্ধকার । দেখ দিকি, কাউকে বউঠান দোসর করে রেখে দিল কিনা ? আছিল নীলমণি—মা তোকে তো বড্ড চোখে হারাত । সাড়া দে, কথা বলতে বলতে হাঁট—বোবা হয়ে গেছিস যে একেবারে ! নাম ধরে কাঁহাতক ঠাহর করা যায়, গণে ফেল সকলকে—‘কয় শুভকর মজুত গোণো’ ।

চিতার আঙনের পাশে কাজের উত্তেজনায় এতক্ষণ রঘুপ্রসাদ চাঞ্চা ছিল, ক্রিয়তি পথে এইবার স্তরধুনীর গুণ মেখা দিয়েছে । গণনায় পাঁচ হল ।

কে গেল ? দেখ দিকি হিসাব করে—

অন্ত একজন গণে । অবস্থার ইতিবিশেষ হয় না—পাঁচই বটে । নীলমণির

হাত ধরে বলরাম অল্পমনস্ক ভাবে আগে আগে চলেছে, পিছন তাকিয়ে হি-হি করে হেসে উঠল : নিজেকে বাদ দিয়ে গুণছ যে তোমরা ।

আরও পরে বলরামেরও এক সময় সম্মেহ আসে : পাঁচ না হোক, ছয়ও নয়—গোড়াকার সেই সাত পুরোপুরি । বাড়ির কাছে আমবাগানের মধ্যে পুকুরঘাটে এসে বসেছে তখন । জিরিয়ে নিচ্ছে । মাথার উপরে বড় বড় ডালপালা, আরও উপরে মেঘাঙ্ককার আকাশ । পাশাপাশি বসেছে, কিন্তু পাশের মানুষটাও ঠাহরে আসে না ।

শ্রাশান থেকে বাড়ি ঢুকবার মুখে রীতকর্ম আছে । স্নান করে সেই কাজগুলো সেরে যেতে হয় । জিরিয়ে গায়ের ঘাম মেরে ঝুপঝুপ করে এই-বারে সব জলে পড়বে । ছ-জন তো হওয়া উচিত, কিন্তু পিছন দিকে ফোঁস করে আবার কে নিশ্বাস ফেলল ?

চমকে ওঠে বলরাম, ছ-চোখের সকল দৃষ্টি পুঞ্জিত করে দেখে । আশস্ত্রাণ্ডার ঝোপজঙ্গলের মধ্যে গুটিস্থিতি হয়ে বসেছে, খাঃ—খাঃ—খাঃ—খাঃ এমনি ধরনের একটু আওয়াজও কানে পাওয়া যায় । বুঝি মেনকা চিতার আগুনেও পুড়ল না—কাঁধে চড়ে গিয়েছিল, অলক্ষ্যে পিছু পিছু এসে স্বত্ব-সময়ের মতো খাওয়ার কথাই বলছে ।

‘ আতকে বলরাম টেঁচিয়ে ওঠে : কে তুমি ? কে, কে ?

বলরাম হেসেছিল ওদের গণনার সময়, এবারে রঘুপ্রসাদের পালা । হাত বাড়িয়ে ঘুসি দিল বস্তটার গায়ে । নেড়িকুকুর ঠাই নিয়ে আছে, কেঁউ-কেঁউ করে পালাল । হেঁসে সকলে লুটোপুটি খায় । দেখাদেখি বলরামও হাসে । কিন্তু হাসি কি জন্মে ? মরে ভূতপেত্ৰী হয়ে নানান মূর্তি ধরে—কুকুরই বা কেন হতে পারবে না ?

স্নান করে উঠে ভিজা কাপড়ে শ্রাশান-যাত্রীকে লোহা ছুঁতে হয় । বিদেহীর লোহাকে বড় ভয় । উচ্ছেপাতা বা অমনি কোন তিতো জিনিষ চিবিয়ে মুখ বিশ্বাদ করতে হয় । এত প্রক্রিয়ার পর মরা-মানুষ তবে সজ ছাড়ে ।

কিন্তু মেনকার বেলা কোন-কিছুই খাটল না । বাড়ির বউ বাড়িতেই ফিরেছে—এসে দিনরাত খাই-খাই করে বেড়ায় । চোখে না দেখেও বলরাম অহুভাবে বোঝে ।

একেবারে দেখে নি, তাই বা বলা যায় কেমন করে ? ভূতচতুর্দশীর নিশিরাঝে ভাঁড়ারঘরের দরজার সামনে ছায়ার মতন দেখেছিল । তালাবন্ধ ছিল তাই রন্ধে, নইলে পরের দিনের পূজাসামগ্রী—মুড়কী-তালাশাঁস-নারিকেলনাড়ু সমস্ত বোধহয় শেষ করে যেত । ছপুরে খেতে বললে রান্নাঘরের

বেড়ার উপর চোখ দুটো রেখে একদৃষ্টে খাওয়া দেখে—অমন লোভী দৃষ্টি পড়ার পর ভাত হজম হয় কখনো? জ্বালাতন করে মারল। আর একদিন—ঝড়বাদলে দুর্ধোগময় সে দিনটা—দরজার উপরে কী ধাক্কাধাক্কি! ব্যাপার হল কিনা—নীলমণির জন্মদিন বলে পায়ের রান্না হয়েছে।

বাড়ি-ঘর বাগান-পুকুর যেদিকে তাকানো যায়—মেনকার দেখাদেখি খাই-খাই করছে সবাই মিলে। গরু বিক্রির টাকা ফুরিয়ে এল, সামান্য অবশেষ। বলরাম একদিন সমারোহে রান্নাবান্নার আয়োজন করল। মাছই দু-তিন রকমের, পায়ের, মাছের মুড়ো দিয়ে কচুশাকের ঘণ্ট (মেনকার প্রিয় তরকারি—মাছের মুড়ো এলেই বাগানের কচুশাক তুলে ঘণ্ট রাখত)। বড় খালায় পরিপাটি করে ভাত বেড়ে চারিপাশে বাটি সাজিয়ে সন্ধ্যার পর হড়কোর পাশে পথের উপর রেখে এল। গেলাসে জল, বাটায় আন্ত পান কাটা-সুপারি চুন-খয়ের।

কলকাতায় চলে যাবে পরমাত্মীয় দিব্যানাথ রায়ের ওখানে। তার আগে থাক এসে শেষ-খাওয়া—সাধ মিটিয়ে খেয়ে যাক।

রাত দুপুরে নেপাথোর রঘুপ্রসাদ এই পথে যাবার সময় হাঁকডাক করে বলরামকে জাগিয়ে তুলল।

খালা-বাটি-গেলাস হড়কোর ধারে ফেলে রেখেছ দাদা, দেখতে পেলো চোরে নিয়ে যাবে।

বলরাম উঠে এসে পরমানন্দে বাসন তুলে নেয়। বাটায় পান ও গেলাসে জল পড়ে আছে, তা ছাড়া বাকি সমস্ত চেটেমুছে শেষ করে গেছে।

রঘুপ্রসাদ বলে, শিবাপুজো নাকি তোমার বাড়ি? আমায় দেখে শিয়াল পালিয়ে গেল। কিন্তু কাঁসার খালা-বাটি কে কবে শিবা-ভোজনে দিয়ে থাকে!

শিবাপুজোর অস্থানে সন্ধ্যার আগে বনের ধারে গিয়ে শিয়ালকে সসন্ত্রমে নিয়ন্ত্রণ করে আসতে হয়। এখানে কিন্তু বিনা নিয়ন্ত্রণে এসে পরিতুষ্ট হয়ে খেয়ে গেল। মাহুঘই ক্ষিধের জ্বালায় কুকুর-শিয়াল হয়ে যায়—পঞ্চাশের মধ্যস্তরের সময় কাগজে একটা ছবি দেগেছিল বলরাম, মাহুঘে আর কুকুরে ডার্টবিন থেকে কাড়াকাড়ি করে থাকে। জ্যান্ত মাহুঘই পারে তো ভূতপেয়ী শিয়ালের মূর্তি ধরে থাকে, এটা অসম্ভব কিসে?

বেরিয়ে পড়ল বাপ আর ছেলে। কলকাতা শহরে এক পরমাত্মীয় আছেন—দিব্যানাথ রায়। মস্ত বড়লোক। পুঁটলি করে কিছু চাল-ডাল বেঁধে নিয়েছে সকালে, রেলগাড়ি হবার আগে, জগন্নাথক্ষেত্রের তীর্থযাত্রীরা

য়েমন নিয়ে যেত। তিনখানা চারখানা পাঁচখানা গ্রাম অবধি চেনা  
মানুষ—যাকে পায়, খবরটা শুনিয়ে দেয় : কলকাতা চললাম। মন খারাপ,  
বুঝতেই পারছ। ছেলেটা কান্নাকাটি করে। বাই, বেড়িয়ে আসিগে।

দাঁত মেলে হাসির মতো ভাব করে সকলে আনন্দ জানায় : বেশ বুদ্ধি  
করেছ। কলকাতা ভাল জায়গা। দুটো দিনেই মন ঠিক হয়ে যাবে।

বলে আর নিশ্বাস চেপে নেয়। বলরাম মানুষটাকে ভগবান কত  
দিয়েছেন না জানি। বউয়ের রাজস্ব চিকিৎসা চালাল দুটো বছর ধরে।  
সে লেঠা চুকল তো বাপেছেলেয় শহরে যাচ্ছে। কত সব দেখবার  
জিনিস—হাওড়ার-পোল থিয়েটার চিড়িয়াখানা মরা-সোলাইটি। বড় বড়  
দালানকোঠায় স্ব্থের পায়রা হয়ে বকম-বকম করতে চলল।

সকল পথ দৌড়াদৌড়ি, খেয়াঘাটে গড়াগড়ি—

খেয়ানৌকা ওপারে। একেবার পারের গিয়ে পড়েছে, মানুষ না পেলে  
ফিরবে না। বলরাম কাতর হয়ে ডাকাডাকি করছে : চলে এসো  
মান্নি ভাই। ফিখেয় ছেলেটা নেতিয়ে পড়ছে। স্টেশনে গিয়ে উঠতে পারলে  
এখন বাঁচি।

অবশেষে দয়া হল মান্নির। নৌকা এপারে এনে বলে, যাবে কোথা ?

বলরাম তো, স্টেশনে।

তারপরে ? হিল্লিদিহিল্লি, না ঝিঙেডাঙার গঞ্জ অবধি ? সাঁজের বেলা  
খেয়াঘাটে এসে আবার এমনি দিগদারি করবে তো ?

বলরাম সগর্বে বলে, সাঁজের বেলা নয়, কাল নয়, পরশুও নয়। কবে  
ফেরা হবে, এখন বলা যায় না। কোনদিনই নয় হয়তো। যাব কলকাতা।

খেয়ামান্নির চোখ বড়-বড় হয়ে ওঠে।

বলরাম বলেছে, সোনাইছড়ির দিবোদাসকে জানতে মান্নি ? সম্পর্কে  
ভগ্নিপতি হয়। জানতে বইকি—গঞ্জের মাল গম্বু করে তোমার নৌকায়  
কতদিন পার হয়েছ। ব্যাপারবাণিজ্যে ফেঁপে উঠে কলকাতা শহরে  
সে একজন লাটবেলার্ট। বিপদের কথা শুনে অবধি বোন ক্রমাগত  
লিখছে : ছেলেটাকে নিয়ে চলে এসো। ভাবছি, মায়ের অভাবে  
দেখাশুনোর কেউ নেই। তেমন যদি চাপাচাপি করে পিসির কাছেই  
রেখে আসব।

বাড় নেড়ে মান্নিও লায় দেয় : রেখেই এসো বলরাম। কলকাতা  
বে সে জায়গা ! কল ঘোড়ালে ভাল, কল টিপলে আলো। এক বছর দু-বছর  
বাঁকে নিজেই ছেলে বলে ডুমিই চিনতে পারবে না।

বলরাম হেসে বলে, যা বললে মাঝি—আমার ভগ্নিপতির ব্যাপারে হবহ কিছু তাই। ঝিঙেডাডার গুদাম থেকে কেরোসিনের টিন ঘাড়ে করে খেয়াপার হত—এখন শুনি, পরনের কাপড়খানা হাতে করে ভুলতে গেলে ছুটো চাকর ছ-দিক দিয়ে ছৌ মেরে কাপড় নিয়ে চানের জায়গায় পৌঁছে দেয়। নাম অবধি বদলেছে—দিবোদাস গুঁই গিয়ে দিব্যনাথ রায়।

পার করে দিয়ে খেয়ামাঝি ভাড়ার জন্ত হাত পাতল : ছুটো পয়সা ছ-জনের পারানি।

একফোঁটা ছেলে, ওর আবার পারানি ! ওর পয়সাটা মাপ করে দাও।

পেট ঘে মাপ করে না। পাকা-হস্তুকি পেতাম একটা—তাহলে ছ-জনের ছুটোই মাপ করে দিতাম। দয়াময় বলে নাম হয়ে যেত।

(পাকা-হরিতকী খেলে নাকি ক্ষুধা-তৃষ্ণা চিরকালের মতো ঘুচে যায়। কিন্তু পাচ্ছি কোথায় সে বস্তু—কাঁচা অবস্থায় হরিতকী ঝরে পড়ে। মাহুষ কত কি করছে—এমন-কিছু পারে না ডালে ডালে যাতে হরিতকী-ফল পেকে থাকে ? পেটের দায়ে নিশ্চিন্ত—ছনিয়া তাহলে কত স্থখের হত !)

শহর কলকাতা। মুগ্ধ নীলমণি বলে, ও বাবা, কত মাহুষ এখানে ! রথের মেলা লেগেছে বুঝি ?

বলরাম সহাস্তে বলে, এ শহরে নিত্য রথের মেলা। বারো মাস, চৌপহর দিন। চলে আয়—

কয়েক পা গিয়ে নীলমণি আবার থমকে দাঁড়ায় : বাবা কত সব গাড়ি ! এক, দুই, তিন—

গর্ব ভরে বলরাম বসে, এই ক’টা দেখেই তাক লেগে গেল ! চল এগিয়ে, কত শত দেখবি।

গণে গণে বজ্রিশ অবধি উঠেছে। কিছু বিরক্ত হয়ে বলরাম বলে, পা চালিয়ে চল রে বাবা। কত গণবি, তোর ধারাপাতে কুলোবে না। আকাশের তারা পাতালের বালির মতো—গণে পারা যায় না।

এতক্ষণে নীলমণিও বুঝেছে সেটা। গণা অসম্ভব। প্রসন্ন করে, গাড়ি চড়ে এত মাহুষ যায় কোথা বাবা ?

বহুদর্শী বলরাম বলে, কাজকর্মে যায়, বিনি কাজেও ঘুরতে যায়। টাকার মাহুষ হাঁটতে পারে না তো—

খোঁড়া ?

পায়ে হাঁটা ছোট কাজ। আমরা হাঁটি আবার বড়লোকেও যদি

হাঁটবে, তফাতটা রইল কোথা? টাকা হলে আমরাও কি হাঁটতে যাব, রাস্তার এপার-ওপার হতে গাড়ি। আজকে হাঁট—পা চালিয়ে হাঁট রে বাবা। উন্টোভিড়ি কি এখানে?

সন্ধ্যা গড়িয়ে গেল। রাত্রিবেলা চারিদিক আলো-আলো হয়ে শহরের নতুন বাহার। মানুষগুলোর চেহারাও বুঝি পালটে যায়। দিনমানে ছিল কাজকর্মের মানুষ, এখন উল্লাসের। সেজেগুজে হাসি ছড়াতে ছড়াতে চলেছে দেখ।

সেই মায়া-জগতের বলমলে রাস্তা ধরে দূর-পাড়াগাঁয়ের মানুষ বলরাম-নীলমণিও যাচ্ছে। একটা বড় সুবিধা, ছিন্নবেশে এবং নগ্নপায়ে পথ হাঁটতে মানা নেই। এমন কি কলের জলও যত খুশি খাওয়া যায়, সেজন্য পরিসা দিতে হয় না। এত বড় শহর জায়গায় এই তো অনেক।

হাঁটছে দু-জনে। নীলমণি ঘ্যান-ঘ্যান করছে: ও বাবা, গেতে দাঁও কিছু। ক্ষিধেয় পা ভেঙে আসছে, হাঁটতে পারিনে।

এই তো জল খেলি একবার। আরও খানিকটা না হয় খেয়ে নে। বড়লোকের বাড়ি—গেলেই তো খেতে নিয়ে বসাবে। এটা-ওটা খেয়ে পেট ভরতি করলে লোকসান।

কিন্তু পথ চিনে উন্টোভিড়িতে যাওয়া রাস্তার মধ্যে ঘটে উঠল না। একবাড়ির রোয়াকে পড়ে ছিল। সকালবেলা গিয়ে পৌঁছেছে। অজ পাড়াগাঁয়ের লোক—সদর-অন্দরের তফাত বোঝে না, ‘দিদি’, ‘দিদি’ করে একেবারে ভিতর-উঠানে।

আমার দিদি হয় গো—বড়-মাসিমার মেয়ে। বাইরের লোক নই আমরা। ও দিদি, অমন করে কি দেখছ? আমি বলরাম, এই আমার ছেলে।

এত পরিচয়েও দিদি জরুজিত করে চেয়ে থাকেন। আশ্চর্য বটে! টাকা হলে লোকে শুধু খোঁড়াই হয় না, কানাও হয়। টাকার দোষ বিস্তর।

আমি বলাই গো, যেটা বললে চিনবে। তোমার বিয়ের ভোজের মাছ ধুতে গিয়ে পুকুরঘাটে আছাড় খেয়েছিলাম—কপালের উপর এই যে দাগ এখনো আছে। দেখ।

দিদি এতক্ষণে চিনলেন মনে হচ্ছে।

হঠাৎ কি মনে করে?

প্রশ্নের ধরনে বলরাম ঘাবড়ে গেল। আপনজনের কাছে বউয়ের মৃত্যুর কথা ইনিবেরিনিয়ে বলবে। এবং দিদিই তখন প্রস্তাব করবেন—বাঁধন কেটেছে তো থেকে যাও এখানে দিনকতক। যাবার সময় ছেলেটাকে বরফ

য়েখে বেও। শহরে আমোদ-ফুঁর্তিতে থাকবে, মরা-মায়ের কথা মনে পড়বে না তার। এদের এলাহি ব্যাপারের মধ্যে একটি ছুটি মাহুকের কম-বেশিতে যায় আসে না কিছু, খোঁজই হবে না। দিদির এ হেন কথার কি জবাব হবে, তা-ও বলরাম ভেবে এসেছে—

কিন্তু গোড়াতেই সব উল্টোপাল্টা হয়ে যায়।

ছেলের হাত ধরে কলকাতা অবধি ধাওয়া করেছ, ব্যাপার কি বলাই ?

বলরাম আমতা-আমতা করে বলে, সর্বনাশের কথা চিঠিতে সবই লিখেছি দিদি। ঘরে মন টিকল না—ভাবলাম, আত্মীয়জনদের দেখে শুনে আসি।

এখান থেকে আর কোথায় যাচ্ছ ?

প্রশ্ন করে জবাব আসার আগেই দিদি অলঙ্কার উদ্দেশ্যে হাঁক দিয়ে উঠলেন : ছেলেমাহুকা এসেছে— শুধু-মুখে চলে যাবে, জলটল দে কিছু খেতে।

সঙ্গে সঙ্গে পুনরপি প্রশ্ন : যাচ্ছ কোথা এখন ?

খুঁজে খুঁজে এই কষ্ট করে এলো, ধূলোপায়েই যে বিদায় করতে চায়। মরীয়া হয়ে বলরাম বলে, এ বেলাটা থেকে যাব দিদি।

এখানে ? সে তো ভাল কথা, চমৎকার কথা—

দিদিও হকচকিয়ে গেছেন। শহরের মাহুকা হলে এত সোজা-সুজি বলত না, লাগসই উত্তরটা খুঁজে পাচ্ছেন না তিনি।

বললেন, কত কাল পরে দেখা। কিন্তু দেখতে পাচ্ছ আমাদের অবস্থা—

বলরাম চতুর্দিকে চোখ ঘুরিয়ে নেয়। ভাল বই খরাপ তো কিছু নজরে আসে না। উপরে নিচে ব্যস্তমস্ত ঝি-চাকরের দল এঘর থেকে ওঘর থেকে প্রাতরাশের উচ্চিষ্ট বাসন কলতলায় এনে গাশা করছে। সরকার বাজারের ঝুড়ি একটা লোকের মাথায় দিয়ে দালানে এনে নামাল। ঝি একজন ছুটে এসে ঝি পেতে মাছ কুটছে। উপর থেকে স্ত্রী-কণ্ঠের হুকুম : থান চারেক মাছ ভেজে শিগগির দিয়ে যাও ঠাকুর। উত্তম সাজগোজের ক'টা বাচ্চা ছেলেমেয়ে হুড়োহুড়ি করছে বারান্দার উপর—

এই গ্রহর দেড়েক বেলায় ধনীর বাড়ির অন্দরমহল যেমনখারা গমগম কববার কথা, ঠিক তেমনি।

মুখে তবু যথাসম্ভব উদ্বেগের ভাব এনে বলরাম প্রশ্ন করে, হয়েছে কি দিদি ?

ঘরের মধ্যে গিয়ে দেখগে। তোমার ভগ্নিপতির বাড়ি ফুলে ঢোল। কাল থেকে মুখে কুটোগাছাটি কাটছেন না।

কিন্তু সেই মাহুকাটির দরদে বাড়ির অল্প সকলেও যে অনাহারে পড়ে

আছে, সে ব্যাপার নয়। উন্টোটাই বয়স। তবু শশব্যস্তে যেতে হয় ঘরের মধ্যে মাড়ি ফুলিয়ে ভগ্নিপতি যেখানে বসে আছেন। বলরাম আর নীলমণি চপচপ করে পায়ের গোড়ায় প্রণাম করল।

মাড়ি ফুলুক যাই হোক, কথার বিস্ময়াজ্ঞ অকুলান নেই। কেরোসিন-টিন ঘাড়ে বয়ে আনতেন, সেই থেকে কী করে এত বড় ডিপো গড়লেন তারই আত্মপূর্বিক কথা। সেকালের দরিদ্রদশা যারা দেখেছে, তাদেরই একজনকে পেয়ে দিব্যানাথ শতমুখ হয়ে গেছেন। আড়ল ফুলে কী করে কলাগাছ হল, সেই বিবৃত কাহিনী।

কলকাতায় এসেও দিবোদাসের কেরোসিন বেচা-কেনা। ডিপো থেকে ছোটো টিন কিনে ছ-হাতে ফুলিয়ে ঘোড়ার-গাড়িতে তুলছেন। গায়ে মাজ গেঞ্জি, চেহারাটা বড় ভাল—বোঝার ভারে পেশীগুলো ফুলে উঠেছে। কোম্পানির সাহেব সেদিন ডিপোয় এসেছে কি কারণে, দিবোদাসকে ডেকে জিজ্ঞাসাবাদ করে। অফিসের ঠিকানা দিয়ে দিল। ক’দিন যাতায়াত সেই অফিসে। এক মেম-সাহেব ছিল সেখানে, তার সঙ্গেও জানাশোনা হয়ে গেল। সাহেব বলে দিল খালের ধারে একটা ঘরভাড়া কর তুমি, তারপব যা করতে হয় বলব। মাসিক পাঁচ টাকা ভাডায় এক খোপ টিনের ঘর নিলেন এই উন্টোডিঙিতে। মাস গেলে সেই পাঁচ টাকার কি উপায় হবে, ভেবে পান না। সেই কথা মেম-সাহেবকে কায়ক্ৰেশে বোঝালেন বাঙাল টানের কথার মধ্যে গোটা পাঁচ-সাত ইংরেজি কথা ঢুকিয়ে। মেম-সাহেব খুকখুক করে-হেসে পাঁচটা টাকা স্ট্রবিলের উপর রেখে বলল, ভাড়া চুকিয়ে দাওগে গুইন, সাহেবকে আমিও বলব। কার বলার গুণে জানি না, ডকের গুদাম থেকে সাহেব পুরো এক নৌকা মাল পাঠিয়ে দিলেন উন্টোডিঙির ঘরে। এবং খন্ডেরও সেই মালের পিছু পিছু। এমনি চলল। এই সময় লড়াইটা বাধল ভাগ্যক্রমে। বাজারে কেরোসিন অমিল। দিবোদাস সেই মওকায় দিব্যানাথ হয়ে গেলেন, গুঁই পদবি গিয়ে রায়।

বলতে বলতে হঠাৎ দিব্যানাথ ফোঁস করে দীর্ঘশ্বাস ফেলেন : হলে হবে কি, ভাইনে আনতে বাঁয়ে কুলোয় না। পুরানো জানা-শোনার মানুষ বলে তোমাকেই শুধু বলতে পারছি। টাকা চোখে দেখতে পাইনে। এত লোকজন ঠাটবার্ট ফুলিয়ে উঠতে নাজেহাল হয়ে যাচ্ছি। এর চেয়ে কাঁখে মাল বয়ে ব্যবসা করতাম, সেই বোধহয় ভাল ছিল। এত অভাব-অভিযোগ ছিল না। দাঁতের যত্নশায় কাল যেতে পারিনি, সকাল থেকে এক-শ গুণা টেলিফোন। মরতে মরতেও আজ বেঁকতে হবে, না হলে উপায় নেই।



বানিয়ে বানিয়ে দুঃখের কাঁছনি গাইছেন, মনে হয় না। এত বড় ভিশোর মালিক, এত ধনদৌলত বাড়ি-গাড়ি—অভাবের তবু অবধি নেই। মাস্তুষের টাকা যত বাড়ে, পেটও বড় হয় বুঝি সঙ্গে সঙ্গে। তিরিশি বিঘের চকটা ঘে নেই—বৃত্তান্ত শুনে এদের অনটনের সংসারে কিছু দিয়ে যেতে ইচ্ছে করছে বলরামের।

দিব্যানাথ আবার বলেন, ভাল লাগে না সত্যি বলছি বলাই। কানীধামে বিশ্বনাথ-গলির কাছে ঠিক গজার উপর একটা বাড়ির সন্ধান পেয়েছি। দরাদরি হচ্ছে—বাড়িটা পেয়ে যাই তো বাবা বিশ্বনাথের পদতলে গিয়ে পড়ব। চিরকাল খাটব নাকি? পেরেও উঠিনি আর।

ঠিক বলরামেরই দোসর। খাই-খাইয়ের তাড়নায় বলরাম এসেছে কলকাতা, আর উনি পালাতে চান কানী। মাস্তুষের উপায় নেই একমাত্র পাকা-হরিতকী ছাড়া। দীর্ঘ কথাবার্তার ফলে বলরামের মোটের উপর একটা লাভ—অনেকখানি দেরি করিয়ে দিলেন। অবস্থা যত নিদারুণই হোক, অন্তত দুপুরবেলাটা না খাইয়ে দিদি ছাড় পাচ্ছেন না।

খাওয়ার পর বিশ্রামের নামে বলরাম চোখ বুজে পড়ল। সন্ধ্যাটা পার করে দেবে ভেবেছিল ঘুমিয়ে ঘুমিয়ে। কিন্তু বলরামেরই সম্পর্কে দিদি হন তো—তিনি আরও সেয়ানা। এসে পড়ে গা ঝাঁকাচ্ছেন। এমন ঝাঁকুনি—মরে গেলেও লাফিয়ে না উঠে উপায় নেই। বলছেন, কত আর ঘুমোবে বলাই? বেলা পড়ে গেল। সেই যে কোথায় যাবার কথা, কখন যাবে?

বলরাম ধীরে-স্থস্থে উঠে আড়ামোড়া ভাঙছে।

দিদি বিষম ব্যাকুল হয়ে ওঠেন : ভিপোর লোকেরা এইবারে এসে পড়বে। তারা থাকে এই ঘরে, এসব তাদের বিছানা। উঠে পড়—বিছানা ঠিকঠাক করে রাখুক। যগচটা মাস্তুষ সব, বিছানা জুড়ে শুয়ে আছ দেখলে আগুন হবে।

বেরিয়ে না পড়ে অতএব উপায় নেই। শহরের মাস্তুষ আর কোথায় কে জানা আছে, প্রকৃষ্টিত করে বলরাম ভাবতে লাগল।

আরও চার-পাঁচটা দিন বোধহয় গেছে। রাস্তায় রাস্তায় এখন। নীলমণি ছু-পা করে যাচ্ছে, আর থমকে দাঁড়ায়। বলরাম খিঁচিয়ে ওঠে : কি হল রে? শহরের শোভা দেখছে না আজ। গাড়ি গণছে না। কেঁদে বলে, ক্রিখে পেয়েছে, খাবো—

ক্রিখের নাম শুনে বলরামেরও পেট চৌ-চৌ করে উঠল। বিকৃত মুখে

বলে, সকালে ক্ষিধে ছুপুরে ক্ষিধে সন্ধ্যায় ক্ষিধে রাত্রে ক্ষিধে—পাকা-হুতুকি ছাড়া রান্নাসে ক্ষিধে ঠেকানো যাবে না। নেই কিছু, কোথায় পাবো?

খাবারের দোকানের কাচের দিকে আঙুল দেখিয়ে শিশু বলে, ঐ যে কত সব রয়েছে।

আমার বাপের দোকান কিনা, চাইলেই অমনি দিয়ে দেবে! চল, চল—পারছি নে আর বাবা। খেতে দাও।

বলরামের হঠাৎ যেন অহুরের শক্তি আসে দেহে। হাঁটতে পারিনে বলে নীলমণি যত কাঁদে, ততই সে পায়ের জোর বাড়িয়ে দেয়। ক্ষুধার্ত শিশুর কবল থেকে ছুটে পালাবে। ঘরবাড়ি ছেড়ে যেমন পালিয়েছে। মরা-বউটার হাত থেকে যেমন পালিয়েছে। নীলমণি যত পিছিয়ে পড়ে, ক্ষুধা ততই বাড়ে। আরও জোর দেয়।

দূরে পড়ে গিয়ে ছেলে এখন মর্মান্তিক চোঁচাচ্ছে : খেতে দাও ও বাবা, খাবো, খাবো—

শিশু তাড়া করেছে, প্রেতিনী মা যেমনটা করে তুলেছিল। পায়ের জোর না থাক, গলার জোবটা বড় ভয়ানক। ছুটছে বলরাম এই কলকাতার রাস্তার উপরে যতখানি সম্ভব। প্রাণের দায়ে ছুটছে যেন। বাদাবনে বাঘের তাড়ায় কাঠুরে যেমন ছুটে পালায়। বেঁচেও যেত ঠিক। খানিকটা দূরে ডাইনের গলিটা নিরিখ করে নিয়েছে, মঁা করে তার মধ্যে ঢুকে পড়ত। শিশুর বাপের ক্ষমতা ছিল না, অলিগলিব মধ্যে খোঁজ করে ধরবার। কিন্তু দুর্ভেদ্য—

সিনেমা ভেঙে মেয়েদের একটা দল মাঝখানে পড়ে গেল। কলহাস্তময়ী। বাতাস হাসির উচ্ছ্বাসে আর অন্ধব স্বাসে ভবেছে। উঁচু পাহাড় কিম্বা দুস্তর নদী হঠাৎ যেন বলরামের পথ আটকে দিল। পেরে উঠল না—নীলমণি আবার এসে পড়েছে।

খাবো খাবো—ও বাবা, খেতে দাও। বাবা গো—

শরীরটা বলরামের হঠাৎ বিষম ভারী লাগছে। দশমনি বিশমনি পাথর যেন একখানা, নড়ানো যায় না। অসহায়ের মতো পিছন দিকে তাকায়। খাবো খাবো—করে দুর্বীর নিয়তির মতো একফোঁটা ছেলে তেড়ে আসছে। দূরত্ব ক্রমেই কমছে। কাছে, একেবারে কাছে এসে পড়ল—‘বাবা’ বলে দু-হাতে জাপটে ধরবে এইবার।

মাথার মধ্যে বনবন করে কেমন যেন পাক দিয়ে ওঠে। ছুটে এসে কঠিন স্থিতিতে ধরল নীলমণিকে। ঠ্যাং দুটো ধরে উঁচু করেছে। ছেলে আর্দ্রনাদ

করে ওঠে। কতটুকু বা সময়! উচু করে তুলে আছাড় মারল সিমেন্ট-বাঁধানো ফুটপাথের উপর।

তারপর যেমন হয়। জনতা ক্লেপে গিয়ে কিল-চড়-লাথি মারছে বলরামকে। এরা যে বাপ-ছেলে, কে জানতে যাচ্ছে? মারতে মারতে ভূমিশায়ী করে ফেলেছে, তারও উপর চলছে। পুলিশ না এসে পড়া পর্যন্ত চলবে এই রকম। মেরে মেরে হাতের স্থখ করছে।

হঠাৎ মাহুম্বজন ছুটে পালায় : মরে গেল নাকি রে? বেআন্দাজি মার মেরেছে—কী দরকার ছিল? এত করে মানা করছি—

পুলিস এসে পড়ল ধীরেস্থে। অ্যাথুলেল এল। পিতাপুত্র দুজনে অচেতন। হাসপাতালে এক গাড়িতে চলল।

ঠোট নড়ছে বলরামের। কান এগিয়ে স্তম্ভদয় একজনে প্রসন্ন করেন, ও বুড়ো, কী বলছ তুমি?

থাবো—

## হিন্দু-মুসলমান

সেকালের অদূরদর্শী মুকন্নিরা যেন খিচুড়ি পাকিয়ে গেছেন চালে আর ডালে মিশিয়ে। মুসলমানে আর হিন্দুতে। এর কানাচে ওর ঘর। ওর উঠান দিয়ে এর বাড়ি যাবার পথ। কে হিন্দু, কে মুসলমান—এখন বাছাবাছি ও ভাগাভাগির দিন এসে গেল। র‍্যাডক্লিফ সাহেব বিলেত থেকে বাটোয়ারা করতে এসে ভেবে পাচ্ছেন না, লাইনটা কোনখান দিয়ে টানবেন। টালবাহানা হচ্ছে, সঠিক সীমানা আজও এসে পৌছল না।

জেলা খুলনা, থানা মূলঘর, গ্রাম খালবুনা। পূর্ণচন্দ্র সমাদ্দার ও খোরশেদ খাঁ পড়শি মাহুম্ব। নিতাস্তই এবাড়ি-ওবাড়ি, মাঝখানে শুধু একটা বাঁশবন। খোরশেদের বাড়ির পোষা মুরগি চলে আসে পূর্বর ঢেঁকিশালে, ছিটকে-পড়া ধান-চাল খুঁটে খুঁটে খায়। পূর্বর মা রে-রে করে ওঠেন : জাত-ধর্ম কিছু রইল না, বাস উঠিয়ে তবে ছাড়বে ওরা। খোরশেদের বউ বেহুব হয়ে এসে মুরগি তাড়িয়ে খাড়ি নিয়ে তোলে। আবার কালীপুজোয় সন্ধ্যা থেকে পূর্বর কালীঘরে একসঙ্গে চারটে ঢাক ড্যাডাং-ড্যাডাং করে। হু-কানে হাত চাপা দিয়ে খোরশেদ আর পাঁচজন মাতব্বর ডেকে বলে, টাকা হয়েছে কিনা, টাকে কাটি দিয়ে মেজকর্তা সেইটে জানান দিচ্ছে। আর চলে না, বাস্তবটি ছাড়তে

হল এবার। তোমরা কেউ যদি পাঁচ-দশ কাঠা ভুই দাও, ঘরের চাল খুলে নিয়ে সেইখানে চেপে পড়ি।

এমনই চলছে আজ আট-দশ বছর। বাস তোলে না কেউ। রাগের মাথায় বলে, পরক্ষণে তুলে যায়। কিন্তু এবারে তা নয়। বাস সত্যি সত্যি তুলতে হবে। পাকিস্তান-হিন্দুস্থানের কথাবার্তা উঠতেই যা কাণ্ড, হয়ে গেলে তো এক পক্ষ অল্প পক্ষকে কেটে কুচি কুচি করবে। তবে কোন পক্ষ কাদের কাটবে সেই হল কথা। অস্ত্রাস্ত্র জায়গা সম্পর্কে লোকে যা-হোক একটা আন্দাজ করে নিয়েছে—কিন্তু এই খুলনা জেলাটার ত্রিশছুর অবস্থা। একদিন শোনা গেল, হিন্দুস্থানে দিয়ে দিয়েছে—যেহেতু গুণতিতে হিন্দু বেশি এ-জেলায়। মুসলমানের মধ্যে সাজ-সাজ পড়ে যায় : কোন্ দিকে নৌকা ভাসাবে—ফরিদপুর না বাথরগঞ্জ ? পরের দিন আবার উল্টো। খবর : খুলনা দিয়েছে পাকিস্তানে। কলকাতা যাবার পর নদী-সমুদ্র-সুন্দরবন ও ব্যবসা-বাণিজ্যের এলাকাটাও যদি চলে যায়, পূর্ব-পাকিস্তানের রইল তবে কি ? সেই বিবেচনায় ঢুকিয়ে দিয়েছে। হিন্দুর মুখ শুকনো। শলা-পরামর্শ : কোথাকার টিকিট কাটবে—বনগাঁ-দস্তপুকুর, না আরও এগিয়ে একেবারে খাস কলকাতা ?

পাকা খবর আসে আসে—আসে না। বাইরে কিন্তু যেমন তেমন। পূর্ণ সমাদ্বারের সঙ্গে দেখা হল খোরশেদ খাঁর—

সেলাম আলেকুম মেজকর্তা।

স্থখে থাক।

দেখা হলেই সেলাম এবং স্থখে থাকার আশীর্বাদ চিরদিনের। দুই মুখের হাসি পর্যন্ত ঠিক যেমনধারা হয়ে আসছে।

পূর্ণ জিজ্ঞাসা করেন, ছেলের সাদি কবে দিচ্ছ খোরশেদ ?

এ মাসে হল না, সেই অস্ত্রানে। হলে কি আর জানবে না ? তদ্দিন অবিশ্রি থাক যদি তোমরা।

থাকব না তো কোথায় যাব ? সাতপুরুষের ভিটে ছেড়ে বুড়োবয়সে কোন চুলোয় যাব মরতে ?

কী সর্বনাশ, টের পেয়ে গেল নাকি ? লশকিত পূর্ণ সমাদ্বার ভাবছেন, চর এসে নিশ্চয় কিছু শুনে গেছে। আরও লতর্ক হয়ে কথাবার্তা বলতে হবে। আরও গভীর রাজে। বাড়ির ছেলেপুলেকেও বিশ্বাস নেই—ভায়া-খুমিয়ে গেলে তার পরে।

রাভ-হুপুরে বিরাশি বছরের বুড়া ষারিক হালদার আসেন-লাঠি ঠুকঠুক

করতে করতে। নৃপতি সেন আসেন। হাজরা মজুমদার ও অধীর সাহা আসে।

নৃপতি বলেন, জায়গাজমি দেখে এলাম ইছামতীর ওপারে। বেতের জল, বুনোশূয়োদের আত্মনা—সেইসব জায়গার এখন কাঠা হিসাবে দর হাঁকছে। কারো সর্বনাশ, কারো পৌষমাল—বেটাদের চক্ষুপর্দা নেই।

দ্বারিক ফৌস করে নিশ্বাস ফেলেন : দেখ, অস্ত্রমে গজাপ্রাপ্তি চাই নি কখনো। বাপঠাকুর্দা মুজগন্নির আশানে গেছেন—বুড়ো হাড় ক'খানা ভেবেছিলাম তাঁদের জায়গায় নিয়ে গিয়ে পোড়াবে। কিন্তু ভবিষ্যৎ আলাদা। কোথায় কোন আদাড়ে-ভাগাড়ে মরে থাকবে, শিয়াল-শকুনে টেনে টেনে খাবে।

পূর্ণ ভিতর দিকে বাঁধাছাঁদায় ব্যস্ত ছিলেন। তামাক সেজে নিয়ে এসে এঁদের হুকোয় বসিয়ে দিলেন। তারপর দ্বারিক ও নৃপতিকে গড় হয়ে প্রণাম করলেন।

দ্বারিকের চোখ ছলছল করে : চললে তা হলে ?

হ্যাঁ খুড়োমশায়। পাকিস্তান হয়ে গেলে তখন আর বাওয়ার পথ থাকবে না। আনসার-বাহিনী এখনই তড়পে বেড়াচ্ছে। বিরাটিতে মাসভূত ভাই আছে। সে খবর পাঠিয়েছে, গিয়ে পড়লে যা-হোক একটা ব্যবস্থা হতে পারবে, চিঠি ছুঁড়ে জায়গা-জমি হয় না।

নৃপতি বলেন, যাও চলে সহায় পেয়েছ যখন। কখন যাচ্ছ ?

দিনমানে সকলের চোখের সামনে পারব না। আজ সারারাত গোছগাছ করে রাখি, রওনা কাল রাত্রে। হয়তো এটা হিন্দুস্থানেই থেকে যাবে। তখন ফিরে আসব। ঘরদোর তো বেচে দিয়ে যাচ্ছিনে, কী বলেন ?

হাজরা মজুমদার নিজের চিন্তায় মগ্ন আছে একপাশে। পূর্ণ তার হাত দু-খানা জড়িয়ে ধরলেন : কাঁঠালগাছ নিয়ে দু-বছর মামলা করেছি তোমার সঙ্গে। দোষ-অপরাধ মনে রেখ না হাজরা-ভাই। বাগান-ভরা আম-কাঁঠাল, গুজর-ভরা মাছ—নিয়েথুয়ে খেও সমস্ত। আজ্ঞেবাজে মাহুঘের বদলে তোমরা স্বজাত যদি খাও, অনেক শান্তি।

সেই সময়টা ওদিকেও বাঁশবন ছাড়িয়ে খোরশেদ খাঁর দলিচঘরে মাতঙ্গরদের বৈঠক বসেছে। সর্বনেশে কাণ্ড! সামাদ গাজি স্বকর্ণে শুনে এসে তবে বলছে। বিলপারের নমোরা তৈরি—লাঠিতে ভেল মাখাচ্ছে, নতুন হাঁড়িতে ঘবে ঘবে শড়কি চকচকে করছে। খুলনা হিন্দুস্থানে—এই

খবরটুকুর অল্প শুধু অপেক্ষা। হড়মুড় করে এসে পড়ে মেরেধরে ঘর জালিয়ে সমভূমি করে যাবে।

কথার মাঝখানে খোরশেদ খাঁ পূর্ণর বাড়ির দিকে আঙুল দেখিয়ে সতর্ক করে দেয় : এইও, শব্দ কোরো না। দুশমন ওখানে। শলা-পরামর্শ করছি—টের পেলে একুনি বিলপারে খবর দিয়ে দেবে। করমান আসা অবধি সবুজ করবে না।

সামাদ বলে, করমানে যা-ই আসুক, আমি এখন বরিশালে নানার বাড়ি গিয়ে থাকিগে। হিন্দুস্থান হয়ে গেলে কোন বেটাকে তখন আর গাও পার হতে দেবে না।

খোরশেদ বলে, কিন্তু তোর ক্ষেত নিড়ানোর কী ? এমন থাশা ধান হয়েছে—নিড়ানো না হলে ঘাসবনে বরবাদ করে দেবে।

সামাদ বলে, খোদাতালার উপর ফেলে যাচ্ছি। জানে বাঁচলে তবে তো ধান !

সকালবেলা সামাদার-বাড়ির বাচ্চা ছেলে নব্ব বাঁশতলায় এসে খোরশেদের ছোট মেয়েটাকে চাপা গলায় ডাকছে, এই হাসনা, শোন—

হাসনা এল। নব্বর হাতে গুলতি আর রামসীতার মন্তবড় মাটির পুতুল।

কাছে আয়, একটা কথা বলি। অল্প কাউকে বলবিনে। খববদার !

গোপন কথা শোনবার জন্য হাসনা ঘনিষ্ঠ হয়ে দাঁড়াল : কাউকে বলব না।

আজ রাত্রে গাঁ ছেড়ে আমরা চলে যাচ্ছি।

হাসনা অবাক হয়ে বলে, কেন রে ?

থাকলে মোসলমানে মেরে ফেলবে। বাবা ষারিক-দাছ সব বলাবলি করছিল। আমি শুনে নিয়েছি।

হাসনা অপ্রত্যাশের ভাবে ঘাড় নেড়ে বলে, দূর ! মারবে তো হিঁদুতে। আরা বলছিল মা'র কাছে। আমি তখন শুনেছি।

নব্ব বলে, মিথ্যে কথা। তোর শোনা ভুল—

দু-রকমও হতে পারে।—একটু ভেবে নিয়ে হাসনা জোর দিয়ে বলে, ঠিক তাই। বাঘে মারে, আবার কুমিরেও তো মারে। মোসলমান মারে বলে হিঁদু বুঝি মারতে পারে না ? আচ্ছা, হিঁদু কেমন রে নব্ব—তুই দেখেছিল ?

নব্ব বলে, কী বোকা রে ! দেখলেই তো মেরে ফেলবে।

মোসলমান ? মানে, যেটাছেলে—নানান জায়গায় বাস কিনা তুই !

সে-ও তো একই কথা হল। কিছু দেখি নি। বাবা রে, না দেখতে হয় যেন কখনো।

তারপরে যে জগে নত এই সাত-সকালে চলে এসেছে। বলে, এই পুতুল আর গুলতি তোকে দিলাম হাসনা। বাবা নিতে দিচ্ছে না, জিনিসপত্তোর অনেক হয়ে গেল কিনা।

পুলকিত হাসনা ছু-হাতে নিয়ে নিল। বলে, দাঁড়া একটু নত, রেখে আসি। সাঁ করে দৌড় দিল। ফিরে এসেছে জলছবি নিয়ে। বলে, দোরে বেচতে এসেছিল, ছু-আনার কিনলাম। তা নাকি হিঁদুর ঠাকুর সব। আক্সা খাতার পাতায় মারতে দেবে না। তোকে দিলাম নত। গেরে সামলে রাখিস, বাড়ির কাউকে দেখাসনে। দেখতে পেলো বকবে।

## উপকার বিফলে যায় না

চাকরির খোজ এল। নাম-করা ফার্মের রিসেসনিস্ট। বিদেশি কোম্পানি, মাইনে খারাপ দেবে না। খাটনিও কিছু নয়—সাজগোজ করে বসে থাকা, আর মিষ্টিকথা বলা আগন্তকের সঙ্গে। কাজ কিছু কর আর না কর, মুখের হাসিটা চাই।

খোজ এনে দিল উর্মির বাস্তুবী অলকা। টাইপিষ্ট সে ঐ অফিসের।

উর্মি বলে, ওই তো সবচেয়ে কঠিন কাজ আমার কাছে। হাসতে ভুলে গেছি। কটু বিষে মন জলে, মিষ্টিকথা ঠোটে আনব কি করে? আর সাজগোজের কথা বলছিস, রূপ থাকলে তবে তো সাজ! একটু-আধটু যা আমার ছিল, পুড়েজলে গেছে। সাজ তোকেই মানায়।

দাগা পেয়েছে জীবনে, আপনজন পেলে এমনিধারা বকবক করে। দরখাস্ত একেবারে টাইপ করে নিয়ে এনেছে অলকা। তাড়া দিয়ে উঠল : সই করতে বলছি, তাই কর। রূপের জগে আজকাল বিধাতার মুখ চাইতে হয় না। নানান রকম জিনিস বেরিয়েছে বাজারে—নিজেরাই রূপ বানিয়ে নিতে পারি। ডাকুক ইন্টারভিউয়ে। আমি সেদিন এসে সাজগোজ করে দেব।

ইন্টারভিউয়ের দিন—উঃ, এত সুন্দর সুন্দর মেয়ে বেকার! হলঘর ভরে গেছে। সেক্রেটারি শহরে নেই, শোনা গেল এ্যাসিস্ট্যান্টের উপর ভার,

জন পাঁচেক তিনি বাছাই করে রাখবেন। সাহেব দিল্লি থেকে ফিরে তাদের ভিতর থেকে নিয়ে নেবেন। কিন্তু কোন বিচারে কাকে যে বাদ দেবে, উর্মি ভেবে পায় না। যার দিকে তাকায়, নজর ফেরে না। কী উজ্জল! কথাবার্তায় ও চালচলনে বিদ্যুতের চমক। আগে বুঝতে পারে নি, কখনো তাহলে এমন প্রতিযোগিতায় আসত না।

একে একে ডাক পড়ছে, ইন্টারভিউ হয়ে ভিন্ন দরজায় বেরিয়ে যাচ্ছে তারা। আরম্ভ হয়েছে ঠিক এগারটায়। দেড়টায় একঝাঁক বন্ধ হয়ে আড়াইটা থেকে আবার চলছে। এখন চারটে বাজে, উর্মিকে তবু ডাকে না। এরই মধ্যে আলমারির কাছে একবার নিজের প্রতিবিম্ব দেখল। সর্বনাশ, আরে সর্বনাশ! অলকা যথাসাধ্য সাজিয়ে দিয়েছিল। কিন্তু এই পাঁচ ঘণ্টায় রূপের গুঁড়ো ঝরে গিয়ে আদি চেহারা বেরিয়ে পড়েছে। এ চাকরিতে চেহারাই হল আসল—সরে পড়বে নাকি টিপিটিপি? কিন্তু পুল থেকে গম্ভায় ঝাঁপিয়ে পড়া অথবা রেলের পাটিতে মাথা রেখে শুয়ে পড়া ছাড়া আর যে কোনো নিশ্চিত জায়গা মনে পড়ে না।

অবশেষে ডাক এল। নাগেশ নয়? নাগেশ এই ফার্মে এসে জুটেছে, সে ইন্টারভিউ নিচ্ছে। হায় বিধাতা! ক্ষীণতম আশাটুকুও ফুস করে এক লহমায় নিভে গেল। কামরার মধ্যে সে আর নাগেশ। কড়া কিছু বচন শোনাতে বিদায় করবার আগে? টাকা ফেরত চাইবে দশ বছরের স্বপ্ন সমেত?

একটি পলক। পলকের মধ্যে দশটা বছর পিছিয়ে চলে যায়। নাগেশ পাগল তখন উর্মিকে নিয়ে। শত কাজ ফেলে গেটে দাঁড়িয়ে থাকে অফিসেব ছুটির সময়টা। দু-জনে বেরিয়ে পড়ে। অনেক দূর চলে যায়—এক একদিন সেই ঘুঘুভাঙার বাগানে। কোন বডলোক বাগান-বাড়ি বানিয়েছিল। এখন সাপ-শিয়ালের আস্তানা। কিন্তু পুকুরঘাটের ভাঙা চাতালের উপর পা ছাড়িয়ে বসে দু-জনে চিনাবাদাম খাবার পক্ষে জায়গাটা উপাদেয়। নাগেশ এম.এ. পাশ করে এক কলেজে চুকেছে। প্রিন্সিপ্যাল আপন মামা। তারই জোগাড়ে চুকতে পেরেছে। অধ্যাপনার কাজ—টাকাকড়ি না হোক, অতিশয় সাধুবৃত্তি। খাতিরসম্মান খুব।

নাগেশ গড়গড় করে ভবিষ্যতের স্বথ-শান্তির কথা বলে, বাদাম খেতে খেতে উর্মি হঁ-হাঁ দিয়ে যায়। একদিন দেখা গেল উর্মির মুখ ভার। হাসে না, কথা বলে না। জোর করে মুখের আঁচল সরাতে গেল তো চোখে জল।

কি—কি হয়েছে?



‘ বলবে না কিছু । নাগেশও নাছোড়বান্দা । যা কোনোদিন করে না—  
‘আবেগের মাধ্যম হাত ধরে বসল সে উর্মির ।

অগত্যা বলতে হয় । মেজবউদিরা বড়লোক । সত্যিকার বউদি নয়,  
প্রতিবেশী । তাঁর জড়োয়া-নেকলেশ পরে বিয়েবাড়ি গিয়েছিল । নেকলেশ  
চুরি গেছে । স্বার্থপর জঘন্য মেয়েমানুষ মেজবউদি । স্বামীটাও গৌয়ার-  
গোবিন্দ । গয়না ফেরত না পেলে রক্ষে রাখবে না ।

আত্মহত্যা করতে না হয় । তাছাড়া আর উপায় দেখি নে ।

আজকের দিনটা উর্মি যা-হোক বলে ঠেকিয়ে এসেছে : নেকলেশ  
বান্ধের ভিতর, বান্ধের চাবি পাওয়া যাচ্ছে না । নেকলেশ হারানোর কথা  
বলতে সাহস হয় নি, বলেছে চাবি হারিয়েছে । মেজবউদি সন্দেহ করেছে  
তবু । আজকের ভিতর চাবি পাওয়া না গেলে তালা ভেঙে বের করে  
দিতে হবে । সকালবেলা গয়না তার চাই-ই ।

উর্মি আকুল হয়ে কাঁদতে লাগল ।

নাগেশ ত্রস্ত হয়ে বলে, চোরে নিয়েছে, কোথায় এখন চোর খুঁজে বেড়াব ?  
সোজাখুঁজি বরঞ্চ দামের কথা জিজ্ঞাসা করো ।

উর্মি বলে, পাঁচ-শ টাকায় সেদিন মাত্র কিনেছে । আমি সঙ্গে ছিলাম ।  
টাকাটা পেলে হয়তো ঠাণ্ডা হবে । কিন্তু মাসের শেষ এখন, পাঁচ-শ কি—  
পাঁচটা টাকাও তো জোটানো দায় ।

নাগেশ একটুখানি ভেবে বলে, কালকের দিনটাও সময় নিয়ে নাও—সন্ধ্যা  
অবধি । আমি আসব এমনি সময়ে ।

উর্মির জল-ভরা চোখে চিকচিকে হাসি । কত ভাল উর্মি ! অনেক  
রাতে নাগেশ বাসায় ফিরল । তখন সে নিশ্চিত বুঝেছে, উর্মি আত্মহত্যা  
করলে তাকেও পিছন পিছন সমালয় অবধি ধাওয়া করতে হবে ।

পরের দিন এক-শ টাকার পাঁচখানা নোট এনে উর্মির হাতে দিল । উর্মি  
বলে, যাই, মুখের উপর ছুঁড়ে দিইগে মেজবউদির । সব্বর সহিছে না । কী  
কাণ্ড করে বেড়াচ্ছে ! সংসারে টাকাটাই চিনেছে কেবল, টাকা ছাড়া ওরা  
অগ্র কিছু জানে না ।

নাগেশ অগ্রমনস্ক । এক কথার জবাবে অগ্র কথা বলে বসে । হঠাৎ সে উঠে  
দাঁড়ায় : আজকে যাচ্ছি । হাঙ্গামাটা মিটল কিনা, তার জন্তে মন ব্যস্ত থাকবে ।

উর্মি হেসে গলে পড়ছে । বলে, কাল নয় পরশুও নয়—দুটো দিন আমি  
অফিস কামাই করব । শুক্রবারে দেখা কোরো তুমি নাগেশ । নিশ্চয়  
এসো । তোমার এত বড় ঋণ কেমন করে শোধ হবে, তাই ভাবছি ।

জ্ঞান হেসে নাগেশ বলে, ভাল করে ভেবে এস এই দুটো দিনে। সাধুকির' আমি নই—ঋণ-শোধ চাই নে, প্রাণ ধরে এমন কথা বলতে পারব না।

শুক্লাবাসে গিয়েছিল নাগেশ। সেদিনও উর্মি অফিস করে নি। তখন চলে গেল বাগানবাড়ি—তাদের সেই ভাড়া চাতালে। সেখানে যদি আসে। মশাও ঘেন মতলব করে দলবদ্ধ হয়ে লেগেছে। গির্জার ঘড়িতে দশটা বাজলে হ'শ হল, যুবতী মেয়ে আর আসতে পারে না।

তারপরে বিষম বিপাক। যুনিভার্সিটি পরীক্ষার ফরম পূরণ করিয়ে ফী নেবার তার নাগেশের উপর। তার মধ্যে ঐ পাঁচ-শ টাকা জমা দেয় নি। বন্ধুবান্ধবের কাছে হাওলাত-বরাত করে শেষ তারিখের মধ্যে দিয়ে দেবে ভেবেছিল। উর্মি আত্মহত্যার কথা বলে—ভাবনার কিছু ছিলও না তার উপরে। কিন্তু হাওলাত কেউ দিল না। কমিটির কানে উঠল। অধ্যাপক মাহুয়ের পক্ষে সাংঘাতিক অপরাধ। প্রিন্সিপ্যাল মাতুল মশায় টাকাটা নিজে থেকে দিয়ে কোনরকমে আদালতের অপমান থেকে বাঁচালেন। চাকরি গেল।

এর মধ্যেও নাগেশ অনেকবার উর্মির অফিসের গেটে এসে দাঁড়িয়েছে। শেষটা একদিন ভিতরে ঢুকে গেল। চাকরিটা পাকা নয়; তার উপরে বিনা খবরে মাস দেড়েক একটানা কামাই—ধরে নেওয়া যেতে পারে, নেই তার চাকরি। বাড়ির ঠিকানাও জানা গেল না। দারুণ অভাবের মধ্যে ছিল—নাগেশ কতবার ভেবেছে, সত্যি সত্যি আত্মহত্যা করল বা! কতদিন নিশ্বাস ফেলেছে!

আসলে কিন্তু নাগেশের সামনাসামনি পড়বার ভয়। পাছে দেখা হয়ে যায়, সেই ভয়ে উর্মি অফিস কামাই করত। নাগেশের পাঁচ-শ টাকা নিয়ে সেদিন সোজা সে গেল হিরণ্যয়ের কাছে। বিলাত যাবে হিরণ্য বিজনেস-ম্যানেজমেন্টের ডিপ্লোমা নিতে। চিঠিপত্র লিখে ভর্তি হয়েছে। পাশপোর্ট তৈরি। গিয়ে পড়লে ইণ্ডিয়াহাউসে ধরে পেড়ে কাজ একটা জুটিয়ে নেবেই, সে আত্মবিশ্বাস আছে। মুশকিল, জাহাজ-ভাড়ার জোগাড় হচ্ছে না।

তাই একদিন নিশ্বাস ফেলে বলল, কেরানিগিরিতেই আমার জীবন কাটবে। বুড়ো বয়সে দেড়-শ টাকা। ঘরসংসার-স্ত্রী-পুত্র অদৃষ্টে নেই। একলা উপোস করতে পারি, কিন্তু উপোসের ভাগ নেবার জন্ত অগ্রকে আনব কোন বিবেচনায়?

তারপর উর্মি টাকা এনে দিল। হিরণ্য অবাক হয়ে বলে, দিচ্ছ আমায়?

উর্মি বলে, তুমি চাইলে প্রাণ অবধি দিতে পারি। এ তো কয়েকটা টাকা।

হিরণ্ময় গদগদ হয়ে বলে, টাকা নয়—হু-জনে আমরা যে স্বর্গ-রচনা করব,  
সেখানে উঠবার সিঁড়ি।

আবার বলে, আশার অতীত এনে দিলে ভূমি। তবু তো হয় না।  
আমি অপদার্থ—হু-শ মাত্র জোটাতে পেরেছি। বেশি আর হবে কোথা  
থেকে? মাস গেলে যে ক'টি টাকা দেয়, তোমার কাছেও তা বলতে  
পারি নে। বিদেশ-বিভূঁয়ে একেবারে শূন্যহাতে গিয়ে ওঠা যায় না। একটি  
হাজার চাই অস্বস্ত। তোমার টাকা এখন রেখে দাও উর্মি। এই সেসানে  
আর হল না। ছ-মাস পরে পরের সেসানের জন্ত চেষ্টা করব।

আবার ছ-মাস? রক্ষে কর—

উর্মি টিপিটিপি হাসছিল এতক্ষণ। আঁচলের তলা থেকে গয়নার কোটা  
বের করল। বলে, এটা বেচলে শ-চারেক হয়ে যাবে।

নেকলেশ। হিরণ্ময় অবাক হয়ে বলে, এমন জিনিসটা পরতে কোনদিন  
তো দেখলাম না।

আনকোরা নতুন দেখছ না? একজনে উপহার দিল আমায়।

সঙ্গে সঙ্গে খিলখিল করে হেসে ওঠে : না গো, মুখ ভারী করতে হবে  
না। কে আমায় দিতে যাবে! যা-কিছু দেবার ভূমিই দিও বিলেত থেকে  
ফিরে এসে। নেকলেশ মেজবউদির। পছন্দ করে নতুন কিনেছে। মামাতো  
বোনের বিয়েয় আমি পরে গেলাম। নিপাট ভালমাহুষ মেজবউদি, মেজদাও  
তেমনি। মানে নিরেট বোকা। হারিয়ে গেছে বলতে অমনি তাই বিশ্বাস  
করে নিল।

হিরণ্ময় ইতস্তত করে। বলে, চুরি করা হল যে!

উর্মি সায় দেয় : তা সত্যি। চোর আমি—তোমারই জন্তে। মেজবউদির  
কাছে পাপী হয়ে রইলাম। ফিরে এসে তুমি পাপ মোচন করে দিও।

ঘাড় নেড়ে হিরণ্ময় বলে, নিশ্চয় করব। তখন এ হুঃসময় থাকবে না।  
কোন একটা অভূহাত করে মেজবউদিকে নেকলেশ গড়িয়ে দেব। ডবল  
দামের নেকলেশ।

হু-জনে সামনাসামনি বসে কত গল্প! দেড় বছর কি বড় জোর দুটো  
বছর—দেখতে দেখতে কেটে যাবে। বয়ে পৌঁছেই চিঠি দেব। এডেন থেকে  
আর একটা, আলেকজান্দ্রিয়ায় গিয়ে আবার। জেনোয়ায় পৌঁছে মন্তবড়  
খামের চিঠি। সারা পথ চিঠি ছাড়তে ছাড়তে যাব উর্মি।

কিন্তু একটা চিঠিও আসে নি দশ বছরের মধ্যে। একটা খবরও নয়—

নাগেশের সামনে দাঁড়িয়ে পলকের মধ্যে পুরানো কথা মনের উপর তরঙ্গ

খেলে যায়। নাগেশ একদৃষ্টে তাকিয়ে। ভাল করে চিনে নিচ্ছে। এতকাল পরে হাতের মুঠোয় গেয়ে গেছে—ছকার দিয়ে উঠবে? কিংবা স্থণায় কথা না বলে হাত তুলে বেরিয়ে যাবার দরজা দেখাবে?

অতি সহজভাবে নাগেশ বলল, বসুন। (শোন, উর্মিকে আপনি বলে আজ নাগেশ!) উর্মির দরখাস্তটা দেখে আর খসখস করে কি লিখে যায় ফাইলের পৃষ্ঠায়। মুখ তুলে তারপর বলে, বা-দিককার ঘরে গিয়ে বসুন। খবরটা জেনে যান একেবারে। মিনিট পনেরোর ভিতর নাম পাঠাব।

অতএব সেই ঘরে গেল উর্মি। আরও সব আছে, নাগেশের নিম্নেয়মন্ড করছে তারা: বিশ্বসংসারের যাবতীয় প্রশ্ন—জবাব নিজেই বড় জানে কিনা! সুযোগ পেয়েছে তো বিস্তে ফলাতে ছাড়বে কেন? কিন্তু উর্মিকে একটা কথাও জিজ্ঞাসা করে নি নাগেশ। ‘আগে দর্শনধারী, তারপরে গুণ বিচারি’—নজরে দেখেই হয়তো প্রশ্ন করা বাহ্যিক মনে করেছে।

কেরানিবাবু এসে নাম পড়ছেন। কী আশ্চর্য, কানে শুনেও বিশ্বাস হয় না—প্রথম নাম উর্মি।

অফিস-বাড়িটার সামনে রাস্তার উপর দোকানের জানলায় উর্মি ঘুরে ঘুরে সাজানো জিনিস-পত্র দেখছে। নাগেশ বেরিয়ে আসতে দ্রুতপদে কাছে গেল।

আপনার জন্তু দাঁড়িয়ে আছি। লিস্টে আমার নাম দিয়েছেন।

নাগেশ বলে, সকলের উপরে।

কী যে উপকার করলেন আমার!

ট্রাম ধরতে যাচ্ছিল নাগেশ। থমকে দাঁড়াল। মুখ ফিরিয়ে সহজভাবে বলে, কিছু না, কিছু না। উপকার কী আবার—এ নামটা না দিয়ে ওই নাম বসানো।

মুখের দিকে তাকিয়ে পড়ে বলে, সেবারের উপকারের ধাক্কায কিন্তু শ্রীঘরে নিয়ে তুলছিল। মামা বাঁচিয়ে দিলেন। সে যাকগে, শেষরক্ষা হলে হয়। কড়া সাহেব আমাদের সেক্রেটারি। ভাল উচ্চারণে ইংরেজিতে তড়িঘড়ি জবাব দেবেন। তবু কী হয় বলতে পারি নে। আচ্ছা—

তড়াক করে লাকিয়ে সে চলতি ট্রামে উঠে পড়ল।

দিন দশেক পরে সেই মোক্ষম পরীক্ষা। সেক্রেটারি সাহেবের খাসকামরায়। দরজা-জানলা-আঁটা এয়ারকন্ডিশন ঘর। কিন্তু ঠাণ্ডা ঘরের মধ্যেই কপালে ঘাম দেখা দিয়েছে। দুটো ইংরেজি কথা পাশাপাশি জুড়তে জিভ জড়িয়ে যায়, কী ইংরেজি জবাব দেবে সাহেব-মাহুঘের কাছে।

পার্থ একবার শুয়ে তখনই উঠে পড়ল। লোহার পাটির উপর উবু হয়ে বসেছে। এসে পড়ুক ট্রেন, টুক করে সঙ্গে সঙ্গে সে শুয়ে পড়বে।

লাইনের এখানটা বাকচুর নেই, টানা সরলরেখা। ইঞ্জিনের আলো দেখা দিল দূরে। ছোট্ট আলো—নক্ষত্রের মতো। কাঁপছে, বড় হয়ে উঠছে। কাছে—আরও কাছে এসেছে, তীব্র আলোয় যেন দিনমান। প্রাগৈতিহাসিক কালের অতিকায় এক সরীসৃপ হৃদয় দিয়ে ধেয়ে আসছে। লাক দিয়ে চক্ষের পলকে পার্থ লাইনের বাইরে এসে পড়ে। গড়াতে গড়াতে চলে যায় বর্ষার জলে ভরভরন্ত নয়ানজুলির ধারে গুড়িকচূ-বন অবধি। গাড়ি হড়মুড় করে বেরিয়ে গেল—তখন নিঃসংশয় হল, বেঁচে আছে সে।

হার এবারও। শেষ মুহুর্তে কী রকমটা হয়ে যায়, এতকালের কষ্টেহুটে লালন-করা দেহপ্রাণের উপর মমতা উথলে ওঠে। হাত দুটো झুলো এবং পা দুখানা পঙ্খু হলেই রেল কাটা চলে। শক্ত-সমর্থ মানুষ ইঞ্জিনের মুখে কেমর্ন করে পড়ে থাকে, কে জানে। পার্থ অন্তত পারবে না।

মাস ওদিকে দ্রুত শেষ হয়ে আসে। কিন্তু ততদিনও সবুর সইল না। মেসোমশায় ডেকে পাঠালেন: শ্রালী-ভায়রাভাই সব এসে পড়ছেন। জায়গার অনটন বুঝতেই পারছ, তাড়াতাড়ি অগ্ন জায়গা খুঁজে নাও। দু-একদিনের মধ্যে।

ডুয়ার্সের স্টেশনমাস্টার পার্থকে কোথায় ডেকে পাঠাবেন—তা নয়, নিজেরা এসে উৎখাত করছেন তাকে। পুরানো ভৃত্য নীলমণির সঙ্গে সে একঘরে শোয়! রাত্রিবেলা ভাত হোক না হোক, আফিমের গুলি গোটা পাঁচেক চাই-ই নীলমণির। আফিমের পরে দুধ। না দিলে চুরি অথবা জ্বরদস্তি করে থাকে। তার পরে চোখ বুজে রিম হয়ে থাকে। শতমুখে সে আফিমের মাহাত্ম্য শোনায়ে। এমন নেশা ইঙ্গলোকেও বুঝি নেই। উপকারও বিস্তর। সাপে কামড়ালে সাপই মরবে, নীলমণির কিছু হবে না। সইয়ে সইয়ে অশেষ যত্নে এই পাঁচ গুলি অবধি রপ্ত করেছে। অগ্ন যে কেউ এই পরিমাণ মুখে পুরলে—ঐ যে চোখ বন্ধ করে বসে আছে, সে চোখ ইহজন্মে খুলবে না।

অতএব পার্থেরও পাঁচটা গুলি দরকার। তাড়াতাড়ি—মেসোমশায় যেমন ঐ হুকুম দিলেন, দু-চার দিনের মধ্যে। পাঁচ নয়, তার ডবল—দশটা। ডবল ডোজ চাপালে আরও নিশ্চিন্ত। জলের নিচে দম আটকে ছটকটানি কিংবা ইঞ্জিনের চাকায় হাড়ে-মাসে মশলা পেশা নয়, চোখ বুঁজে বুঁদ হয়ে

নন্দনকাননে মনে মনে চরে বেড়ানো। কিন্তু মুশকিল হল, আফিমটা কেউ বিনামূল্যে দান করবে না—নগদ খরচার ব্যাপার। তারও জোগাড় হয়ে গেল অপ্রত্যাশিত ভাবে। কাছারি-ঘরের মেজের একখানা দশটাকার নোট। দৈবর সদয় এবারে—বোঝা যাচ্ছে, টাকাটা তিনিই জুটিয়ে এনে দিলেন।

আবগারির দোকানে ছুটল। পয়সা দিয়ে মাল কিনতে এত বথেড়া কে জানত! লোহার রডের অন্তরাল থেকে লোকটা হাত বাড়িয়ে বলে, লাইসেন্স? বিনি লাইসেন্সে চ্যাংডামি করতে এসেছ—এইটুকু ছোকরা মৌতাতের অভাবে মরে যাচ্ছ একেবারে? পালা, পালা—দোকানের মধ্যে ঝামেলা করিসনে।

তাড়া খেয়ে মুখ চুন করে পার্থ বেরিয়ে আসে। আর একজন তার সঙ্গে সঙ্গে বেরিয়েছে। সমবেদনার স্বরে 'সে বলে, পাজি নেশা। ঠিক সময়ে না হলে জান যাবার দাখিল। ব্রাকে অবিশ্রি জোগাড় করা যায়। ছোটো-চারটে পয়সা বেশি নেবে, কিন্তু পয়সা তো জীবনের চেয়ে বড় নয়।

ব্রাক কোন বস্তু, পার্থ প্রথমটা বুঝে উঠতে পারে না। লোকটা আরও অবাক : আকাশ থেকে পড়লে না বিলেত থেকে এলে? সাদা-বাজারে কাজ-কর্ম কতটুকু, ব্রাকেই তো চলছে আজকাল সব।

নিয়ে গেল সেই ব্রাকের জায়গায়। গরু-মহিষের খাটাল। মালিক নিজে আফিমখোর, পরহিতার্থেও কিছু কিছু রাখে। চেনা খন্দের সব—তারি আফিম কেনে, আর অল্পপান হিসেবে দুধ কিনে নেয়। আধ-ভরি মাল চাই—উহু, তার কমে নিশ্চিন্ত হওয়া যায় না। দশ টাকাই লেগে গেল। দমকা খরচ—যাকগে, এই সঙ্কেয়রাতটুকু কেটে গেলে কোনদিন কখনো আর আখলা-পয়সার খরচা নেই।

শোবার মুখে দুকপাত না করে সমস্তটুকু খেয়ে নিল। সামান্য তিতো, স্বাদ নিতান্ত খারাপ নয়। আলসে চোখ জড়িয়ে আসে। ছনিয়া খারাপ নয়, কিন্তু ফুলের মধ্যে পোকের মতন মাল্লমল্লোই বেয়াড়া। মাল্লমলের সঙ্গে সব সম্পর্ক চূকে গেল এইবার। মৃত্যুর মুখে চোখ বুঁজে পার্থ এখনি কত কি ভাবছে...

মরে গেছে, এই অবধি জানা। সকালবেলা খড়মড়িয়ে উঠল। রক্তচক্ষু মেসোমশায় দুর্দান্ত কিল বাড়ছেন : চোর শয়তান, মনের ভুলে নোটখানা ফেলে গিয়েছি, অমনি সেটা গাপ করেছ ?

পার্থ হতভম্বের মতো চেয়ে থাকে। আন্তে আন্তে সব মনে পড়ে যায়। মরেই তো গিয়েছিল, মেসোমশায়ের কঠিন হাতের কিল মৃতসঞ্জীবনী হয়ে প্রাণ ফিরিয়ে আনল।

সজ্জারে ঘাড় নেড়ে বলে, আমি কেন নিতে যাব? আমি চক্ষেও দেখি নি।

মেসোমশায় আবার ধেয়ে আসেন তার দিকে : চুরি, তার উপরে মিথ্যে-কথা! তুমি নাও নি—দশটাকার নোটের তবে পাখনা বেরিয়েছিল, পাখনা বের করে ফুরফুর করে উড়ে গেল? জেলে পাঠিয়ে তোমায় শিক্ষা দেব, সামান্য বলে ছেড়ে দেব না।

নীলমণিকে হুকুম করলেন : ঘরে নিয়ে পোর নীলমণি। শিকল দে বাইরে থেকে। না যেতে চায়, টেনে-হিঁচড়ে নিয়ে যাবি। পুলিশ নিয়ে আসছি আমি।

ঐ যে জেলের কথা হল, তারপরে পার্থর অস্ত্র-কিছু কানে ঢোকে না। তাড়িয়ে দেবেন মেসোমশায়, কিন্তু দয়াবান বটে—সঙ্গে সঙ্গে অর্মান ব্যবস্থাও করে দিচ্ছেন। দালানে বসবাস, নিখরচায় খাওয়াদাওয়া—সদাশয় সরকার বাহাদুরের এমন পাকা বন্দোবস্ত থাকতে কেন আহান্নবের মতন মরতে যাচ্ছিল! কতদিন থাকতে দেবে তাই এখন ভাবনা। ছোট মামলা—কিন্তু হুঁদে ফৌজদারি উকিল মেসোমশায় চেষ্টা করে মেয়াদ কিছু বাড়াতে পারবেন না?

নীলমণি টেনে-হিঁচড়ে ঘরে পুরবে কি, পার্থ নিজেই ঢুকে পড়ে খানাওয়ালাদের অপেক্ষায় আছে। কিন্তু কোথায় ছিলেন মাসি, হুকুর দিয়ে এসে পড়লেন : দশটা টাকা তো? আমি নিয়েছি—কী করবে কর। যাও কেন ফেলে? যেমন ফেলে যাও তেমনি।

সামুজিক সর্বপ্রাণীর জ্ঞান হল তিমি। শোনা যায়, আর এক প্রাণী আছে—তিমিজিল, তিমি থরহরি কম্পমান তার ভয়ে, বাগে পেলো কৌৎ করে আস্ত তিমি গিলে ফেলবে। মাসিমা হলেন তাই। দুর্ধর্ষ উকিল মেসোমশাই হুঁ-হুঁ করে অস্পষ্টভাবে কী সব বলে স্ফুড়স্ফুড় করে সরে পড়লেন।

এ স্ফোংগও ভেসে গেল অতএব। হায় মাসি, তোমার জন্তু এত খেটে মরি—তুমিই শেষটা এই করলে! ইতিমধ্যে মাসিমা একবাটি গুড়-মুড়ি এনে হাতে ঠেসে দিচ্ছেন : থাও—

সামনে আসনপিঁড়ি হয়ে বসে মোলায়েম কণ্ঠে বলেন, এবারে তোমার উপায় হয়ে যাবে। ছুটি নিয়ে জামাইবাবুরা এসে যাচ্ছেন। নমিতা লেয়ানা।

হয়ে পড়েছে, এইখানে থেকে তার বিয়ের বন্দোবস্ত করবেন। অত দূর থেকে হয় না। ওঁদের সামনাসামনি কথাবার্তা হবে। জামাইবাবু নিজেই এক চাবাগান কিনেছেন। গোটা দুই ভাল স্টেশন পেয়েছিলেন, সেই সময়টা রোজগার করে নিয়েছেন। এখন বেনামিতে কিনে রাখলেন, রিটার্ন করবার পর চেপে বসবেন। তদ্দিন খাটিলোক চাই একজনা—

পোড়া-শোলমাছ শনির প্রকোপে খলবল করে জলে পালিয়ে যায়। পার্শ্বও হয়েছে তাই, কোন-কিছুতে নির্ভর করতে পারে না এখন। জুয়াচোর খাটালওয়ালার উপর রাগে গরগর করছে। গালে চড় মেরে দশ দশটা টাকা নিয়ে নিল—অন্তত গোটাকয়েক শতক কথা না শুনিয়ে সোয়াস্তি পাচ্ছে না।

বিকালের দিকে এক সময় পার্শ্ব বেরিয়ে পড়ল।

গাই দোওয়া হচ্ছে সামনের দিকে, রকমারি পাত্র হাতে নানান লোক ভিড় করে দাঁড়িয়ে। তাদের পাশ কাটিয়ে পার্শ্ব সোজা খোপের মধ্যে মালিকের কাছে গিয়ে পড়ল।

কী আফিম দিয়েছিলে? সমস্তটা খেয়ে ফেললাম, দিব্যি তবু বেঁচে রয়েছি।

মালিক একগাল হেসে বলে, বাঁচবেন না কেন! বেঁচেবর্তে থেকে নেশাভাং আমোদ-শুভি করুন, ছুনিয়া ভোগ করে যান। কাঁচা বয়সে মরাছাড়ার কথা ভাল শোনায় না।

পার্শ্ব বলে, ভেজাল আফিম গছিয়ে দশ টাকা মেরে দিয়েছে তুমি।

মালিকের সাক্ষর জবাব : নিজের ক্ষেত থেকে এনে দিই নি—ষোল-আনা খাঁটি, হলপ করে বলি কি করে? মালখানা থেকে অল্পসল্প করে সরায়, খন্ডের সঙ্গে সঙ্গে কাকচিলের মতো এসে পড়ে। তা বাবু, চোখ গরম কিসের অত! সাক্ষা হলে আপনি চোখ উলটে পড়তেন, আমার হাতে তখন দড়ি পড়ত।

উত্তপ্ত কণ্ঠে আবার বলে, ঝামেলা করবেন না। আমি সাক্ষর বেকবুল যাব—দুধ ছাড়া অল্প কিছু বেচিনে। ব্যস, হয়ে গেল।

গাই দোওয়া সারা হয়ে দুধ মাপামাপি হচ্ছে ওদিকে। বচসা দস্তুরমতো। কেউ বলে, মাপে কম! কেউ বলে, স্নেহ ফেনা দিয়ে লেগে দিলে। কেউ বলে, বাঁটের মুখে নিছুটি সাধা জল বেরোয় কি করে, কী খাওয়াও বল দিকি? গোয়ালারও কাটা-কাটা জবাব : না পোষায়, নিও না। পায়ে ধরে কে সাধছে?

পিছনে খানিকটা দূরে ছুটো পিতলের বালতি। আধাআধি জলে



ভরতি। স্বযোগক্রমে এই জল সম্ভবত দুধ হয়ে উঠবে। বালতি তো বালতিই  
সই। পার্থ দু-হাতে তুলে নিল দুটো। বালতি হাতে হন-হন করে চলেছে।

কী আশ্চর্য, দেখে না কেউ তাকিয়ে! কলহ নিয়ে মত্ত। পার্থ তখন  
হুড়হুড় করে বালতির জল ঢেলে ফেলল। এবারে নজর না পড়ে উপায় নেই।

বালতি কোথায় নিয়ে যাচ্ছ? আরে, সত্যি সত্যি ভেগে পড়ে যে! ধর, ধর—  
পার্ব দৌড়ছে। লোক-দেখানো একটু না দৌড়লে চোর বলে মানবে  
কেন? গোয়ালী এসে ক্যাক করে টুঁটি চেপে ধরল। হয়েছে—এবারে  
হয়েছে। এ জায়গায় মালিমা নেই, নির্ঝঞ্ঝাটে কাজ হাসিল হবে।

কোথায় নিয়ে চললে আমায়?

যমের বাড়ি।

পার্ব হাসি পেয়ে যায়: বড় দুর্গম ঠাই। অনেক চেষ্টা করছি, মোকামে  
পৌঁছতে পারি নি। তার চেয়ে কনস্টেবল ডেকে জিম্মা করে দাও।

নয় তো আর স্বথ হবে কিসে! হাতে আধূলি গুঁজে দিয়ে সরে পড়বে।  
পিটিয়ে পিঠের ছাল তুলি তো আগে, পরের বিবেচনা মালিকের। মালিক  
যা করেন।

টেনে নিয়ে ফেলল সেই খোপের সামনে, মালিক যেখানে বিরাজ করছে।  
দুধের খন্ডের লোকগুলোও রে-রে করে ছুটেছে: মারামারি কিসের? কী  
হয়েছে?

চোরে বালতি নিয়ে পালাচ্ছিল।

পার্বকে ভাল করে দেখছে সকলে। কষ্টে অস্বস্তি গৌরবরণ মুখ তামাটে  
হয়ে গেছে। তবু যে ভালবাসার ছেলে, সেটা লুকানো যায় না। বচসার  
ব্যাপারে মনে মনে তারা গজরাচ্ছিল, এবারে কায়দা পেয়ে গেল।

ভদ্রলোকের ছেলে দিন দুপুরে বালতি চুরি করতে এসেছে—চালাকির  
জায়গা পেলে না!

এত লোকের গর্জনে মালিক প্রমাদ গণে: জিজ্ঞাসা করেই দেখুন না।  
সামান্য ব্যাপারে উনি কি মিথ্যেকথা বলতে যাবেন?

পার্ব বলে, চুরি করেছি সত্যি কথা। দিক জেলে পুরে।

জনতার একজন কথা কেড়ে নিয়ে বলে, জেল সোজানয় অত। মাকড়  
মারলে ধোকড় হয়। বালতি না হয় হাতে করে তুলেছিলেন—আর ওরা  
এই যে ওজনে কম দেয়, পানাপুকুরের জল মেশায়, হরেক রকম চোরা ব্যবসা  
করে। কোনটা অজানা আমাদের? ওদের তবে তো নিত্যি দু-বেলা  
জেল হওয়া উচিত।

ভীত খাটালওয়ালা তাড়াতাড়ি মিটিয়ে কেলতে চায় : আরে দূর, কী হয়েছে! চলে যান আপনি বাবু। বর্তন থাকে তো আহুন, একসের দুখ দিয়ে দিচ্ছি। দাম লাগবে না। বর্তন নেই তো টকটক করে গলায় ঢেলে দিন। আল-দেওয়া দুধের চেয়ে কাঁচার আরও সোয়াদ ভাল। দেখুন না খেয়ে।

চার-চার বারের চেটীতেও যমালয়ের দরজা খোলে না। তখন মাঝামাঝি একটা রফা করে নিচ্ছিল, জেলে গিয়ে থাকবে—তা-ও ভেঙ্গে গেল। মনের দুঃখে এ-রাস্তায় ও-রাস্তায় ঘুরে বেশ খানিকটা রাত্রি করে পার্শ্ব বাসায় ফিরল। মাসিমা একেবারে মুকিয়ে ছিলেন। ইদানীং বিষম ভাল হয়ে গেছেন তিনি। কঠে মধু বরছে।

গিয়েছিলে কোথা বাবা? ওঁর অমনি আলগা মুখ—ওসব গ্রাহ্যের মধ্যে আনে! আমি ঘর-বার করছি—ছেলেমানুষ রাগের বশে একমুখো বেরিয়ে পড়লই বা!

বলেন, জামাইবাবু এসে গিয়েছেন। নাকি চিঠি দিয়েছিলেন, সে চিঠি এসে পৌঁছয় নি। তোমার সম্বন্ধে কথাবার্তাও অনেক হল। জামাইবাবুর চা-বাগান তোমাকেই দেখে শুনে গড়েপিটে তুলতে হবে। বাগানের অর্ধেক তোমার নামে লেখাপড়া করে দেবেন।

পার্শ্ব অবাক। মাসিমা একেবারে অর্ধেক রাজত্বের বন্দোবস্ত করে ফেলেছেন। গল্পে আছে, রাজহস্তী পথের মানুষ শুঁড়ে তুলে এনে সিংহাসনে বসাল—সেই ব্যাপার।

আরও আছে। অর্ধেক রাজত্বের উপরে রাজকন্যা।

মাসিমা বলছেন, নমিতার সঙ্গে বিয়ে দিয়ে জামাই করে নেবেন তোমায়। শুধু ছেলে দেখেই দেবেন। বাড়ি-ঘরদোর বাপ-মা আত্মীয়জন থাকলে সে জামাই শ্বশুরের গ্যাণ্ডা হয়ে কাজকর্ম করবে না। দিদিকে বললাম, আমাদের পার্শ্বর মতন চালাকচতুর সং ছেলে কলিকালে হয় না। রাজি করিয়ে ফেলেছি। এখন ওঁরা শুয়ে পড়েছেন। সকালবেলা নমিতাকে দেখো, ওঁদেব মুখেই শুনো সমস্ত।

কখন সকাল হবে, নিজার অবসান হয়ে ডুয়ার্সের মানুষ ক'টি বাইরে আসবেন—পার্শ্বর মোটে সবুর সহ্যে না। অবশেষে উঠলেন তাঁরা, আলাপ-পরিচয় ও কথাবার্তা হল। ঠিক কনে-দেখার মতো না হলেও নমিতাকে একনজর দেখে ফেলল আড়চোখে।

তারপরে পার্শ্ব মরীয়া হয়ে বেরিয়ে পড়ে।

সম্ভ্রান্ত স্টেশনারি দোকান—‘রকমারি ভাণ্ডার’। এক দম্পল মেয়ে এসে কেনাকাটা করছে। চুরি করবে পার্থ এখানে। অশিক্ষিত খাটোলেই লোক খানাপুলিশে ভয় পায়, শান্তি নগদ-নগদ সেরে বিদায় করে। এরা কখনো আইনের বাইরে যাবে না। নেবেও একটা কোন ভাল জিনিস, যার ভুল সহজে নিষ্কৃতি দেবে না। কিন্তু তেমন জিনিস কোথায় হাতের কাছে? কাউন্টারে সব সম্ভার মাল। পেরেক পুঁতে কয়েকটা টর্চলাইট ঝুলিয়ে রেখেছে, এই বা-হোক কিছু দামি ওর ভিতরে। একটা টর্চ খুলে নিয়ে ঘুরিয়ে ঘুরিয়ে দেখল। দেখে পকেটে পোরে। খুব ধীরে-স্থস্থে পুরছে। তাতে কাজও হয়েছে। একটা মেয়ে মুখ ফিরিয়ে দেখে ফেলল। পাড়ার ডাক্তারবাবুর মেয়ে। নাম, যতদূর জানে, রেখা। পকেটের ভিতর দিয়ে টর্চের মাথার দিককার চেপটা অংশ বেরিয়ে আছে। কিন্তু আসল মাহুষ সেলসম্যানটি যে তাকিয়েও দেখে না। ছোকরা মাহুষ তো—মেয়ে-খন্দের নিয়ে খুব ব্যস্ত।

আশায় আশায় তবু পার্থ দোকান ছেড়ে বাইরে যায় না। কেনাকাটা সেরে মেয়েগুলো বিদায় হল অবশেষে। কী আশ্চর্য, পার্থ যেন মাছি-পিঁপড়ে—চোখ তুলে তাকাবে না তার দিকে! কাউন্টারের যেসব জিনিস খালি হয়ে গেল, ভিতর থেকে এনে এনে সাজাচ্ছে। টর্চের দিকটায় তাকিয়ে একজনকে ধমকে ওঠে : কী রকম কাজকর্ম তোমার শুনি? টর্চ রেখেছ তো ব্যাটারি রাখ নি। টর্চ কিনে তার সঙ্গে ব্যাটারি চাইবে না? কোথায় আছে তখন খুঁজে বেড়িও।

লোকটা টর্চের কাছে ব্যাটারি রেখে গেল। পার্থ মুঠো ভরে ব্যাটারি তুলে নেয়। এবারে তো একটিমাত্র মাহুষ—ভাগ্যবশে যদি নয়নপাত হয়। কিছু না, কিছু না। তখন পার্থ উত্তপ্ত হয়ে ছোকরার সামনাসামনি দাঁড়ায় : হাতের কাজ সেরে নিন, একটা কথা বলব আপনার সঙ্গে।

ছোকরা সম্ভ্রমে আহ্বান করে : ভিতরে বসবার জায়গা আছে। আহ্বান না, চলে আহ্বান।

দিব্যি চেয়ার-টেবিল পাতা, সেইখানে এনে বসাল। বলে, কী আনব বলুন—গরম চা, না ঠাণ্ডা সরবত?

গুফঠাকুরের শুভাগমন হয়েছে যেন। পার্থ তিস্ত-কণ্ঠে বলে, কী রকম ব্যবসা করেন! গোটা দোকান যদি লোপাট যায়, চোখ তুলে দেখবেন না?

অপরোধী ভাবে মুখ নামিয়ে মুছ কণ্ঠে ছোকরা বলে, সত্যি কিছু হয়েছে নাকি?

রাগে রাগে পার্থ পকেটের টর্চ বের করে মুখের উপর ধরল : এই টর্চ নিয়েছি। তারপরেই ব্যাটারি এনে রাখলেন, টর্চ নিলেন তো ব্যাটারিও নিয়ে নিন—সেইটে যেন বলে দিচ্ছেন। ব্যাটারিও নিলাম চার-পাঁচটা—

ছোকরা নিরীহভাবে বলে, দরকার হয়েছে নিশ্চয়। পথে তো এখানে আলো দেয় না—ঘুরঘুড়ি আধারে ঘুরতে হয়, সেই জন্তে নিয়েছেন।

পার্থ বলে, তবে আর কি। টর্চের দরকার, নিয়ে নিয়েছি। যাদের রুমালের দরকার, পাউডারের দরকার, ফিতের দরকার—নিয়ে যাক ব্যাগ ভরতি করে। সাইনবোর্ডটা মুছে তাহলে লিখে দিন, ‘সদাশ্রিত ভাণ্ডার’।

জিত কেটে ছোকরা বলে, কীটামুকীট আমরা। সদাশ্রিত করবার দেমাক কিসে হবে? খন্দের আপনি—দামই দেবেন। সুবিধা মতো দিয়ে যাবেন।

দাম দেবার জন্ত নিই নি। চুরি করেছে। চোখের উপরের চুরি ধরতে পারেন না। ব্যবসা চালান কি করে?

ছোকরা হেসেই খুন। পার্থ বলে, হাসছেন যে বড়?

আপনার কথা শুনে। চুরি করে কেউ কখনো তা বলতে যায়? চোর হলে ঠিক ধরতে পারি। কত ভাগ্যে আমাদের দোকানে পায়ের ধুলো পড়েছে। আবার বলছেন, চুরি করেছে।

চেনেন নাকি আমায়? কিন্তু কই আমি তো ঠিক—

আমরা কি চেনবার যুগি? উঠতি গঞ্জে দোকান সাজিয়ে আজকেই না হয় দুটো পয়সার মুখ দেখছি। আমাদের মতন দশখানা গাঁয়ের মানুষ কত নিয়েছে খেয়েছে আপনাদের সাগরগড়ের বাড়িতে।

বাস, তাবৎ আশা-ভরসার ইতি। এখন ছোরাছুরি মেরে সমস্ত দোকান লুঠ করে নিয়ে গেলেও এই ব্যক্তি রা কাড়বে না। টর্চ ছুঁড়ে দিয়ে পার্থ বেরিয়ে পড়ল।

এইবারে সর্বশেষ চেষ্টা। পার্থ সোজা হুজি থানায় গিয়ে উঠল। আজ্ঞে-বাজে মানুষ নয়, খোদ ও. সি অর্থাৎ বড়বাবুকে ধরবে।

রাইটার-কনস্টেবল খইনি টিপছিল : কী দরকার বড়বাবুর কাছে?

পার্থ বলে, সেখানেই বলা যাবে।

কালতু লোকের সঙ্গে বড়বাবু দেখা করেন না। দরকার লিখে স্লিপ পাঠাতে হবে।

চুরির ব্যাপার—

সে তো এখানে লেখা হচ্ছে। বেকির উপর ওদের পাশে গিয়ে বলে পড়ুন।

একপাদী মাহুদ । এক একজন করে বলছে, ছোটবাবু গণ্ডে নিচ্ছেন। বড়বাবু অতএব আছেন নিশ্চয় কামরার ভিতরে । কাজকর্মে এমন নিষ্ঠা নয় তো সম্ভবে না ।

পার্শ্ব যখন অহুগ্রহ চায় না, বরঞ্চ উণ্টো—সে কেন স্লিপ পাঠিয়ে খাতির দেখাতে যাবে ! দরজা ঠেলে কামরার ভিতর ঢুকে পড়ল । বড়বাবু ঘাড় হেঁট করে কি লিখছিলেন, ভ্রুটি-দৃষ্টিতে তাকালেন । আরও উত্তেজনার কারণ, পার্শ্ব ধপাস করে বসে পড়েছে সামনের চেয়ার টেনে নিয়ে ।

কী চাই ?

চুরি—

ওসবের জ্ঞান ছোটবাবু আছেন তো বাইরে । কেউ বলে নি ?

ডায়েরি করতে আসি নি । চুরি করেছি আমি নিজে । চাক্ষুষ-সাক্ষিও আছে । ডাক্তারবাবুর মেয়ে রেখা ।

বড়বাবুর নয়ন বিস্ফারিত হয়ে রইল : চুরি করে এসে ধরা দিচ্ছ ? নিজের আসতে হল—যাদের মাল চুরি করলে তারা কি করছে ?

পার্শ্ব হেসে বলে, কেউ এগোতে চায় না । একটা মাহুদ জেলে ঢুকে যেটুকু কষ্ট পাবে, তার চেয়ে অনেক বেশি কষ্ট তাকে জেলে ঢোকানোর হাজারিমা ।

তোমারই বা মাথাব্যথা কেন তবে ?

প্রবীণ বহুদর্শী ব্যক্তি, পার্থের মুখের দিকে তাকিয়ে এক মুহূর্ত কী ভাবলেন । মাথা নেড়ে বলেন, বুঝলাম । খাটতে চাও না, জেলে গিয়ে মজা করে নিখরচায় সরকারি খানা সাঁটবে ।

পার্শ্ব সকৌতুকে চেয়ে আছে ।

স্বর ক্রমেই উগ্র হচ্ছে বড়বাবুর : অপদার্থ ! যা-কিছু করবার, লোকে বয়স থাকতে করে নেয় । শরীরে সামর্থ্য থাকবে না, নড়তে-চড়তে কষ্ট হবে, লম্বা মেয়াদে জেলে পড়ে থাকবার সময় তখন । জেল আছেও সেই জন্তে । কাজকর্ম না করে শুধু যদি জেলের ভরসায় থাক, গভর্নমেন্ট ফতুর হয়ে যাবে যে !

কী ধরনের কাজকর্ম, বুঝতে পার্থর দেহি হয় না । হঠাৎ বড়বাবু স্বর বদলে বলেন, কি চুরি করলে ?

টর্চ একটা ।

জিনিসটা কি রকম—দেশি না বিলাতি ? হাত বাড়িয়ে বলেন, দেখি—  
জিনিস ফেরত দিয়ে এগেছি ।

ফেরত দিয়ে ইয়ার্কি করতে এসেছ থানায় ?

বড়বাবু তেলে-বেগুনে জলে উঠলেন : বেরোও, বেরিয়ে পড় এছনি ।

সহজে না গেলে গলাধাক্কা দিয়ে বের করব। জেল মামান-বাড়ি কিনা—  
গিয়ে অমনি পড়লেই হল।

অনেক বেলায় বিরল মুখে পার্শ্ব বাসায় ফিরল। অজ্ঞান হয়, তার  
অদর্শনে বাড়িতে রীতিমত তোলপাড় পড়েছিল।

মাসিমা বলেন, ঠাকুরমশায় এসে দিন দেখে দিলেন। ভাদ্রমাসে এর  
পরে অকাল পড়ে যাবে। বিয়ে আজকেই।

বজ্রাহত পার্শ্ব বলে, সে কী! শুভম্ শীঘ্রম্—সে অবিশ্রি ভালই। কিন্তু  
আমি যে খেয়েটেয়ে এলাম।

মাসিমা হেসে উড়িয়ে দেন : কনেরই কাঠ-কাঠ উপোস। বর একটু  
চা-টা খেলে দোষের হয় না।

চা কী বলছেন, ভরপেট ঠেসে খাইয়েছে। দেশের একজনের সঙ্গে হঠাৎ  
দেখা হয়ে গেল—

হোক গে। পাজী অরক্ষণীয়া—ভাত খেলেই বা কী! ঘরে গিয়ে এইবার  
বিশ্রাম করগে বাবা। একটু পরে গায়ে-হলুদ।

নিরুপায় পার্শ্ব ঘরে ঢুকল। নড়বড়ে তক্তাপোষ সরে গিয়ে খাট পড়েছে।  
খাটের উপর গদি, তোষক, বালিশ, পাশবালিশ, ধবধবে চাদর। সমস্ত পার্শ্বর  
জন্তে। জামাই-আদর বলে থাকে, এই বুঝি তার শুরু।

গদির উপর বসে পড়তে মাসিমা খুঁট করে দরজায় শিকল তুলে দিলেন।

পার্শ্ব কাতর হয়ে বলে, শিকল দেবার কী হল মাসিমা? যদি ধকন, কোন  
কারণে বাইরে যেতে হয় একবার।

জানলায় এসে মধুর হেসে বিগলিত কণ্ঠে মাসিমা বললেন, যাবে। তার  
জন্তে কী হয়েছে। দিদির ছুই ছেলে—তোমার ছুই শালা—রইল বাইরে।  
নীলমণি আছে। বললেই ছুয়ার খুলে দেবে। বিয়ের বর কিনা আজ—  
ওরা সঙ্গে সঙ্গে থাকবে, যা-কিছু দরকার, ওরাই করে দেবে সমস্ত।

শিকলে তালা এঁটে বিয়ে-বাড়ির দশ রকম ব্যবস্থায় মাসিমা দ্রুত চলে  
গেলেন।

বোকা গেল ব্যাপার। জেলে যেতে চাচ্ছিল, পাকে-প্রকারে তাই ঘটল।  
সারাদিন এমনি তালা বন্ধ থাকবে। বিয়ের মন্ত্র পড়া এবং কনের সাত-পাক  
ঘোরা সমাধা না হওয়া পর্যন্ত ছাড় নেই। লজ্জবত তার পরেও না। কিছু  
ছাড় হতে পারে একেকারে ডুয়ার্সের জব্বলে নিয়ে।

বন্ধ ঘরের মধ্যে সারাদিন পার্শ্ব একা একা ভাবছে। মন্ড কি! সে তো

মরীয়া। মরণের চেষ্টা করেছে কতবার। হল না তো জেল। জেলও হল না, তখন এই বিয়ে। একটা ব্যবস্থা হয়ে যাচ্ছে তো মোটের উপর।

শুভদৃষ্টির সময় চারি পাশ থেকে বলছে, বর-কনে ভাল করে তাকাও এইবার। জোঁরালো আলো ধরেছে চাদরে-ঢাকা ছু-জনের পাশে। পার্শ্ব তৎক্ষণাৎ চোখ বোজে। আড়চোখে সেই একবার কনে দেখে নিয়েছিল, সে আতঙ্ক কাটে নি এখনো। বাসরে ঘূমের ভান করে পাশ ফিরল। দু-তিনটে মেয়ে বাসর জাগতে এসেছিল, ব্যাপার বুঝে নিয়ে তারাও রংতামাসা করে না। ফুলশয্যার রাজে প্রদীপ নেভানো বড় অলক্ষণ। কিন্তু পার্শ্বর নাকি উৎকর্ষ চোখের অস্ত্র, আলোয় চোখ করকর করে।

অঙ্ককার ঘরে নতুন বউয়ের সঙ্গে ফিসফিসিয়ে দু-চারটে কথা। নমিতা বলে, আমিও আয়নায় মুখ দেখিনে। ভয় করে।

পার্শ্ব বলে, অমন হল কি করে ?

বাঘে ধরেছিল। ছোট্ট আমি তখন। লোকজন গিয়ে পড়তে বাঘ ছেড়ে দিয়ে পালাল।

নতুন বউয়ের কথাবার্তা। কিন্তু ভারি মিষ্টি। অঙ্ককারে শুনতে ভাল লাগে। নতুন বউয়ের গায়ে হাত দিয়ে সর্বাঙ্গ শিরশির করে। ঘর অঙ্ককার করে নিতে হয়, এই যা। ফাঁক পেলেই পালিয়ে দূর-দূরান্তর চলে যাবে, পার্শ্ব মনে ঠিক করেছিল। কিন্তু একটা রাজেই সঙ্কল্প মিহিয়ে এল। দিনমানটা পালিয়ে থাকবে, রাজ্রিবেলা অঙ্ককারে কিসের ভয় !

এই রকম সত্যি সত্যি চলেছিল কিছুকাল। অনেকটা দায়ে পড়েও বটে। শশুরের বেনামি চা-বাগান নিয়ে পার্শ্ব উঠেপড়ে লাগল। ভোররাজের টেনে বেরিয়ে পড়ত। কুলিকামিন নিয়ে কাজকর্ম—সমস্তটা দিন কোথা দিয়ে কাটত, ঠাহর হত না। ফিরত এক প্রহর রাজে। সেই সময় এমন হয়েছে, কাজের চাপে একটা রাজ্রি হয়তো ফিরতে পারল না বাসায়। শেষরাজে ঘুম ভেঙে গিয়ে উসখুস করেছে বীভৎস-মূর্তি নমিতার জন্ত।

\*

\*

\*

সভা উপলক্ষে আমি ডুয়ার্স গিয়েছিলাম। কুহুমবাড়ি বাগানে থাকতে দিয়েছে। কুহুমবাড়ির নামডাক খুব। গেস্টহাউস ভূমি থেকে আধতলা-সমান উচু—সাপ উঠতে পারে না ঘরে, যত বর্ষাই হোক মেজে কখনো স্খ্যাতসৈতে হয় না। দামি আসবাবপত্র। কলকাতার শৌখিন-পাড়া থেকে সবচেয়ে চমৎকার কয়েকটা কুর্চুরি যেন জলের মধ্যে এনে বসিয়েছে।

পার্বপ্রতিম ঘোষের সঙ্গে ঐখানে পরিচয়। বাগানের অধেক হিন্তাক মালিক ও ম্যানেজার। আমাদের মতো শহরে মাছুষ পেয়ে বর্ডে গেছেন। মিনিট ছয়েকের ভিতর অভিন্ন-হৃদয় বন্ধু, এবং ঘণ্টা খানেকের ভিতর সমস্ত বলেকয়ে খালাস।

আকাশ ভেঙে বৃষ্টি নেমেছিল হঠাৎ। অকাল-বর্ষা। ঘরের মধ্যে পার্বপ্রতিম ও আমি। মুহুমুহ চা আসছে। তেমন চা আপনারা মুখে দিতে পান না—অতিথির অল্প আলাদা করে রেখে দেওয়া। চা আসে, সঙ্গে বিবিধ আয়োজন। প্রতিবারেই নতুন নতুন পদ। গল্প থামিয়ে পার্বপ্রতিম ‘অমনি’ জীর কথায় আসেন : আমার জী পাঠিয়েছেন। খেয়ে দেখুন, আমার জী নিজের হাতে তৈরি করেন সমস্ত। বলবেন না আর—আমার জী নাবালক বানিয়ে ফেলেছেন—আমাকে শুধু নয়, বাগানস্থল সকলকে...

এই এক দুর্বলতা দেখছি, জীর নামে গদগদ। প্রতি কথায় ‘আমার জী’ ‘আমার জী’—এক রকম মুজ্রাদোষে দাঁড়িয়ে গেছে। বারম্বার না বললে সেই মহিলা যেন অল্প কারো জী হয়ে যাবেন। তখন মনে হল, বিয়ের যাবতীয় গল্প বানিয়ে বললেন হয়তো। আমরা যেমন বানিয়ে বানিয়ে কাগজে লিখি।

অবশেষে দেখলামও মহিলাকে। বাঘ পালিয়ে গিয়েছিল বোধকরি চোয়ালের এক খাবলা মাংস মুখে করে নিয়ে। ফুটো দিয়ে দু-পাটি দাঁতের অনেকখানি দেখতে পাওয়া যায়। একটা চোখ অস্বাভাবিক রকম বড়, আর একটার ঢেলা গলে গিয়ে সাদা মার্বেলের মতো হয়ে আছে।

পার্বপ্রতিম তখন বলছেন, এবারে বড়দিনের সময় আমার জীকে নিয়ে কলকাতা যাব। বড়দিনের সে জলুষ নেই আগেকার মতো। তা হোক, আমার জী কলকাতা দেখেন নি। কয়েকটা দিন আমোদমুহূর্তি করে আসা যাবে।

## ললাট-পাঠ

রক্তচন্দন ও শ্বেতচন্দনে অঙ্কলিখিত কপাল, দুই বাহ ও বক্ষগহ্বর। গায়ে নামাবলী। ঠিক যেমনটি হতে হয়। আপিল-পাড়ায় ল্যাম্পপোস্ট ঠেসান দিয়ে দাঁড়িয়ে ভৃগুচরণ জ্যোতির্বার্ণব। দাঁড়ায় এসে বিকাল পাঁচটার কাছাকাছি, দুটো-একটা করে আপিলের ছুটি হওয়া যখন শুরু হয়েছে।



খোলা ফটকের পথে বস্ত্রাশ্রোতের মতো মানুষ বেরোয়—মুখে ক্লাস্তির কালসিটে, হাতে শূন্য টিফিনের কোঁটা। অফিসাররা তো মোটর হাঁকিয়ে সী করে বেরিয়ে গেলেন। চলেছে থপথপ করে কেরানি-মানুষদের সাক্ষাভ্রমণ। মেয়ে কেরানিও বিস্তর। বেলা দশটায় দেখবেন জুঁইফুলের মতন এক-একটি। ফুটফুটে ফর্সা, গণ্ডে গোলাপী আভা। চেয়ে থাকতে হয়, চেয়ে চেয়ে কতজনের গাড়ির তলে যাওয়ার উপক্রম। এখন ফিরছে সেইসব মেয়ে—কটকটে কালো রং, চোখ বসে গেছে, মাথা ঝুঁকে পড়েছে সামনের দিকে। প্রসাধনের জলুস পাঁচটা অবধি রাখা ছন্দর—বিশেষ করে সস্তা দামের এই যত দেশি প্রসাধন চলছে আজকাল।

ভৃগুচরণ জ্যোতিষার্ঘ্য ল্যাম্পপোস্ট ঠেস দিয়ে একদৃষ্টে দাঁড়িয়ে। চোখের উপর এইরকম সাদামাঠা দৃষ্টি না হয়ে যদি বর্শাফলক থাকত একজোড়া—খোঁচা দিয়ে দিয়ে পথচারীদের সচেতন করা যেত। দলে দলে চলেছে আপিস-ফেরতা নিষ্পৃহ উদাসীন মানুষ—কতক্ষণে বাড়ি গিয়ে হাত-পা ধুয়ে বিছানায় গডাবে, এই মাত্র লক্ষ্য। চন্দনের ডোরা-কাটা জ্যোতিষার্ঘ্য হা-পিত্যশ করে দাঁড়িয়ে আছে, দাঁড়িয়ে দাঁড়িয়ে পা ব্যথা হয়ে গেল—চোখ তুলে সেদিকে কেউ একবার তাকিয়ে দেখে না।

অবশেষে সুন্দব চেহারার স্বাস্থ্যবান এক ছোকরা কাছে চলে এল। পূর্নকিত ভৃগুচরণ—দৃষ্টির বঁড়শি একটা শিকার অন্তত গঁথে তুলেছে।

ছোকরা বলে, কী দেখছেন ঠাকুরমশায়?

দরখাস্ত করে দাও। দেরি কোরো না।

কিসের দরখাস্ত, কার কাছে করব?

ভৃগুচরণ হেসে ফেলে : জানেন না যেন মোটে!

ছোকরা বলে, সত্যিই জানিনে। আপনি বলে দিন।

আজকে না জান তো কাল জানবে। কাল না জানলে পরশু। অফিসের চাকরি না চাও, বাইরে দরখাস্ত কর। বৃহস্পতি তুজী। এই সুযোগ। ছাই-মুঠো ধরলে সোনা-মুঠো হবে।

ছোকরা অবাক হয়ে গেছে। বলে, কী আশ্চর্য ব্যাপার! আপনাকে, জ্যোতিষীমশায়, বাজিয়ে দেখছিলাম একটু। আপনি সত্যিই ভাল চাকরি খালি হয়েছে। এত ভাল যে, দরখাস্ত করতে ভরসা পাচ্চিনে। বুড়ো অফিস-সেক্রেটারি মাঝে গেছেন। বিচার করে দেখলে, যিনি গেলেন তাঁর চেয়ে অনেক বেশি যোগ্যতা আমার। কিন্তু যোগ্যতার বিচারে ক'টা চাকরি হয়—এটা-ওটা অনেক-কিছু লাগে।

ভৃগুচরণ বলে, দরখাস্ত করে দাও, আমি বলছি। চাকরি তো চাকরি—আজ যদি ওনতে পাও ভারতভূমির জন্তে রাজা খুঁজে খুঁজে বেড়াচ্ছে, তুমি দরখাস্ত করলে তা-ও ঠিক লেগে যাবে। বড় সুদিন তোমার।

ছোকরা প্রশ্ন করে, আপিসের খবর জানলেন আপনি কেমন করে?

গুধু আপিস কেন, তোমার মনের খবর নয়? দরখাস্ত ছাড়তে বিধা করছ, তা-ও তো জানি।

কী করে জানেন এত সব?

ললাটের উপর সমস্ত লেখা আছে। রাজৈশ্বর্যলাভ—লেখাটা অলঙ্ঘন করছে ওই। লেখা পড়ে বলে দিই। পড়তে জানলে তোমরাও বলবে—বাহাহুরি কিছু নেই।

আবার ক’দিন যায়। তিনটি মেয়ে যাচ্ছে। একটি তার মধ্যে গটগট করে ভৃগুচরণের দিকে চলল।

পেছন থেকে ডাকছে : কোথায় যাস রে গুলা?

ওই মাল্লুটার কাছে। চোখ দিয়ে গিলে খাচ্ছে যেন।

কাছে গিয়ে মারমুখি হয়ে পড়ে : ছুটির সময়টা এমন করে দাঁড়িয়ে থাকেন কেন?

আপনার জন্ত।

থতমত খেয়ে গুলা মুহূর্তকাল জবাব দিতে পারে না।

তারপর বলে, দাঁড়ানো বের করে দেব পুলিশ ডেকে। জানেন, পুলিশের একটা আলাদা বিভাগ রয়েছে আপনাদের জন্তে। নামাবলী ব তারা খাতির রাখে না।

ভৃগুচরণ শাস্তভাবে বলে, বিভাগটা আমাদের জন্ত নয়—যারা অসৎ অনাচারী তাদের জন্ত। আমি ছাত্র, পাঠক। আপনার চেহারা দেখিনে, দেখতে আসি আপনার ললাটে। দেখবাব মতো বস্তু বটে। হাজারে একটা এমন দেখা যায়।

মুখ ফিরিয়ে গুলা সজিনীদেব বলে দেয়, তোরা এগুতে লাগ। আমার একটু দেরি হবে।

ভৃগুচরণকে জিজ্ঞাসা করে, কী আছে আমার ললাটে?

রাজলক্ষণ। আপনি রাজরানি—

ঠিক বলেছেন। গুলা খিলখিল করে হাসে : রাজরানি তাতে লন্দেহ কী? দশটা থেকে টাইপ করে করে দশ আঙুলে ব্যথা হয়ে গেছে। কুলায় না বলে লক্ষ্যার পরে এছনি আবার রাজরানি টুইশানিতে বেরবেন। তিন ছাত্রী একসঙ্গে, পনের তত্ব রাজরানির মাসিক নজরানা।

বলতে বলতে খেমে গিয়ে বড় বড় চোখ মেলে শুক্লা জ্যোতিষার্ণবের দিকে তাকাল : আপনিই বোধহয় সেই। আচ্ছা, আমাদের ডেসপ্যাচ-সেকশনের সমীর্ণগবাবুর ললাটও কি আপনি দেখেছিলেন ?

কে সমীর্ণ, চিনি না তো !

সেই ভ্রলোককেও ধরেছিলেন এমনি। দরখাস্ত ছাড়লে নাকি ভারত-ভূমির রাজা করে দেবে, এই সব। সেই গল্প সমীর্ণগবাবু আপিসময় চাউর করে দিলেন। উঃ, কী ভাল লোক আপনি—যার দিকে চোখ পড়ে তাকেই রাজ্যপাট দিয়ে দেন। আপনি বিধাতাপুরুষ হলে স্ত্রের অন্ত থাকত না, মহারাজা-মহারানি হয়ে যেত সবাই।

ভৃগুচরণ হাসছে মৃদু মৃদু। বলে, আমি কিছুই করিনে। শুধু পড়ে দিই। বই পড়ে আপনি যেমন বলেন, ললাট পড়ে আমিও তেমনি বলি। আমার পাঠের অগ্রথা হবে না। আজকে আপনি বা-ই হন, ডবিশ্রুতে নিশ্চয় রাজরানি।

অধীর কণ্ঠে শুক্লা বলে, কবে? চুল পেকে দাঁত নড়বড়ে হয়ে যখন গয়া-কানী করে বেড়াব, সেই বয়সে ?

হেসে ভৃগু বলে, তার আগে—অনেক আগে। গয়া-কানীর দিনের তো অনেক বাকি এখনো।

ঠিক এমনি সময়ে সমীর্ণের আবির্ভাব। এদিক-ওদিক খুঁজছিল। তারপর দেখতে পেয়ে ক্রতপায়ে চলে এল।

জ্যোতিষার্ণব মশায়, সেই ল্যাম্পপোস্ট ছেড়ে দিলেন কেন? খুঁজে খুঁজে পাইনে।

ল্যাম্পপোস্ট ছেড়ে গাড়ি-বারান্দায় এসেছি। আচ্ছাদনের নিচে। ক্রমোন্নতি, দেখছেন না? আরও হবে—আপিসে যা আমার গুণপনা ছড়াচ্ছেন!

শুক্লাকে দেখে সমীর্ণ হাসিমুখে তার দিকে চাইল। বলে, আপনার কথায় দরখাস্ত তো দিলাম। আশাপ্রদ মনে হচ্ছে। ম্যানিজিং ডিরেক্টর কামরায় ডেকে অনেক জিজ্ঞাসাবাদ করলেন। বাড়িতে যেতে বলেছেন রবিবারে।

ভৃগুচরণ গম্ভীর হয়ে ঘাড় নাড়ে : জানি রে ভাই, সমস্ত জানি। ললাটে স্পষ্ট দেখতে পেয়ে তবেই তো বললাম তোমায়।

আচ্ছা, আসি তবে এখন। মনে ভাবলাম, খবরটা আপনাকে দিয়ে যাই। তা দেখুন, কথা কলে যায় তো আপনার উন্নতিও এই গাড়ি-বারান্দা

অবধি নয়—অট্টালিকার চূড়ায়। তখন আর একলা গুলা দেবী নয়, অমিশ্র  
হৃদ ভেঙে এসে পড়বে আপনার কাছে।

গুলার দিকে একটা চোরা চাউনি হেনে সমীরণ বিদায় হল।

আবার সেই আগেকার প্রসঙ্গ। গুলা বলে, আম্মাজে টিল ছুঁড়লে গুনব  
না। ভাল সময় কদিন পরে—ঠিক করে বলে দিন। আর আমি পারছিনে।

জল এসেছে বুঝি মেয়েটার চোখের কোণে। ভৃগুচরণেব করুণা হল।  
বলে, দাঁড়িয়ে দাঁড়িয়ে হয় না। বসিগে কোথাও চলুন। ভাল করে দেখে  
ঠাণ্ডা মাথায় বিচার করতে হবে। পার্কে চলুন।

পার্কে গিয়ে গ্যাসের আলোর নিচে গুলার মুখের দিকে অনেকক্ষণ  
তাকিয়ে থাকে জ্যোতিষার্ঘব। মুখ আপনা-আপনি কেমন নত হয়ে আসে।  
তারপরে প্রল্লেব পর প্রল্ল—গুলাদের ঘর-সংসারের কথাও এসে পড়ে তার  
মধ্যে। মূহু হেসে ভৃগুচরণ শেষটা রায় দিয়ে দেয় : নিজে না-ও যদি কিছু  
হন, রাজার বউ তো রাজরানি। অত্ৰ কেউ ধরুন রাজা হয়ে গেল—তাকে  
বিয়ে করে ফেলবেন।

বেশ খানিকটা রাত হয়ে গেল। ভবিষ্যৎ জেনে গুলা আনন্দে ডগমগ।  
খুব বেশি তো একটা বছর—এ দিন থাকবে না তারপরে। লম্বাটলিপি অদৃশ্য  
অক্ষরে বলে দিচ্ছে।

অনেক ইতস্তত করে এক সময়ে গুলা বলল, আপনার অনেক সময় নষ্ট  
করে গেলাম। আরও কতজনকে দেখতে পারতেন। মাইনে পেয়েছি  
আজ : আপনার পারিশ্রমিক কত, যদি জানতে পারি—

এক পয়সাও নয়।

বিনা ফী-তে দেখে বেড়ান নাকি ? কম হোক বেশি হোক, আমি তবু  
পয়সা নিয়ে খাটি। আপনার দশা দেখছি আমার চেয়েও খারাপ !

সকলের কথা হচ্ছে না তো। বউনির সময়ের মক্কেল আপনারা,  
আপনাদের কোন ফী নেই।

বেশ, ফী না নেবেন তো চলুন কোনখানে। গায়ে নামাবলী জড়িয়ে  
চপ-কার্টলেট চলবে না বোধহয়। মিষ্টিমিঠাই খাওয়া যাবে।

শুধু চপ-কার্টলেট কেন, চিকেন-হামও চলে। নামাবলী কিংবা ভৃগুসংহিতা  
কোথাও বারুণ কিছু লেখে নি।

সারাদিনের খাটনিতে গুলার ক্রিধে পেয়েছে খুব। মন-ভরা ক্ষুর্ভি,  
ব্যাগে পুরো মাসের মাইনে। খুব খেল সে। ভৃগুচরণও নিতান্ত কম ব্যয়  
নয়। কিন্তু ব্যাগ খুলবার আগেই হোটেলের বিল ভৃগুচরণ মিটিয়ে দিল।

গুরা ঠেকাতে গিয়ে পারল না। ঘাড় ছুলিয়ে বলে, কী অস্ত্রায়! আমি-  
আপনাকে নিয়ে এলাম, দাম আমিই দেব। কিছুতেই হবে না।

ভৃগু বলে, দেবেন তার জন্তে কী! রাজরানি যখন হবেন, হৃদ-সমেত  
চেয়ে নিয়ে আসব।

তারপরে আরও এসেছে গুরা। গাড়ি-বারান্দায় বার দুই, এক তলার  
ভাড়াটে কুর্চুরিতে বার কয়েক। এবং সর্বশেষ বড়-রাস্তার উপর মস্তবড়  
সাইনবোর্ড-ওয়াল ভাগ্যগণনা-মন্দিরে। কর্মখালির খবর আছে, দরখাস্ত  
করবে কিনা? মা পীড়াপীড়ি কবছেন বিয়ে মত দেবার জন্ত, কী করবে?  
এমনি সব। ফী লাগে না গুরার, হিসাব থাকছে—রাজরানি হবার পর  
একসঙ্গে শোধ হবে।

মাঝে মাঝে গুরা অস্থির হয়ে বলে, এক বছর বলেছিলেন, বছর তো  
কাবার হয়ে যায়।

বছরের ভিতরেই হয়ে যাবে। ললাট পড়ে বলেছি, মিথ্যা হবে কেমন  
করে?

ভৃগুচরণ হৃথবরটা দিল : সমীরণ এসেছিল কাল। অফিস-সেক্রেটারি  
তাকেই করল। আসছে মাস থেকে বসবে। আপনারা শোনে ন কি কিছু?

হাসতে হাসতে তারপর বলে, যা দেখছি, সোজা হুজি রানি আপনি হতে  
পারলেন না। রাজা বিয়ে করেই রানি হতে হবে।

মাস দেড়েক পরে আবার একদিন গুরা এসে পড়ল। উত্তেজনার কাঁপছে।  
কী হয়েছে গুরা দেবী?

নেমস্ত্র-চিঠি দেয় নি আপনাকে? সমীরণের যে বিয়ে। ম্যানেজিং  
ডিরেক্টরের মেয়ের সঙ্গে। সেক্রেটারি হয়েছে নিজের কোন গুণে নয়, খাঁদা  
বৌচা মেয়েটার সঙ্গে প্রেম করে। পয়লা নব্বয়ের ধাপ্তাবাজ, এখন বুঝতে  
পারছি। ভালই হয়েছে, আপদ সরে গেছে। আপিসের কেউ কিছু জানত  
না, কোনদিন কাউকে বুঝতে দেয় নি—

বলছে, ভাল হয়েছে—দুই গালে অশ্রু ধারা গড়াচ্ছে তখন।

ভৃগুচরণ চিন্তাশ্রিত। একের পর এক টেলিফোন আসছে—সহকারীকে  
ফোন ধরে যা-হোক কিছু জবাব দিতে বলল। ভাগ্য-জিজ্ঞাসু অগণ্য লোক  
বাইরের ঘরে। অনেকে ব্যস্ত হচ্ছে। সহকারী গিয়ে বলল, পূজা শেষ  
হতে এখনো আধ ঘণ্টার উপর। জরুরি কাজ থাকলে চলে যেতে পারেন।

সবাই সঙ্গে সঙ্গে চুপ। একজনও উঠল না।

শুভ্রা গালি পাড়ছে : ধান্নাবাজ আপনিও কম নন। বা বলেন, কিছুই মেলে না। রাজরানি না হাতি! আপনি বুজরুক, আপিলে লবাইকে বলব। যেখানে যাব, বলে বেড়াব।

ভৃগুচরণ শাস্তভাবে বলে, ক’দিন আর বাকি বছর পুরবার ?

গেল-বছর ছান্নিশে মাঘ বলেছিলেন। তারিখ লিখে রেখেছি। আর আজকে তো হল পনেরই।

ভৃগু হিসাব করে বলে, এগার দিন এখনো বাকি আছে। অনেক সময়।

শুভ্রা বলে, এগার মাসে কিছু হল না, এগার দিনে হবে ?

হতেই হবে। লন্নাটের পাঠ কখনো ভুল হয় না আমার। এবারও হবে না।

এক হপ্তা পরে আবার এসেছে। সামলে নিয়েছে শুভ্রা পুরোপুরি। হাসিখুশি ভাব। বলে, কী গো গণংকার মশায়, রাজমুহূর্ত গডিয়ে ফেলেছেন নাকি আমার জন্তু ? আর তো চারদিন।

এবারে ভৃগুচরণ ঘাবড়ে যাচ্ছে। এমন নাছোড়বান্দা মেয়ে তো দেখা যায় না। তাগিদ দিয়ে দিয়ে ভাগ্য আদায় করবে।

সোজাহাজি রাজরানি হল্যাম না। ঘুর-পথে হবার কথা বলেছিলেন, তা-ই বা কোথায় ?

ভৃগুচরণ জ্যোতিষার্ণব নিকন্তর। পশার-প্রতিপত্তি যায় এবারে বুঝি ! বাইরের ঘরে একগাদা মজ্জেল—টেঁচামেচি করে এখনই এক কাণ্ড ঘটিয়ে বসবে। কিন্তু শুভ্রা তা করল না। হাসিমুখে ভৃগুর দিকে ক্ষণকাল তাকিয়ে থাকে। বলল, আচ্ছা, আমি একটা উপায় বলছি। অল্প রাজ্য যখন পাওয়া যাচ্ছে না, আপনিই বরাসনে বসে পড়ুন।

ভৃগুচরণ আঁতকে ওঠে : আঁা, সে কি ! আমি কেমন করে—

লন্নাট-লিপি নইলে মিথ্যা হয়ে যায় যে !

কিন্তু রাজ্য তো আমি নই—

রাজ্য কী বলছেন—মহারাজ্য। বাইরের ঘরে বিশ্বগড়ের রাজ্য বলে আছেন। রাজত্ব গিয়ে যিনি মোটর-গ্যারেজ করেছেন। আমায় জিজ্ঞাসা করলেন, পূজো শেষ হল মহারাজের ?

একটু ভেবে নিয়ে ভৃগু বলে, এই চারদিনের মধ্যেই কিন্তু। নয়তো লিপির পড়া মিথ্যে হয়ে যাবে। দিনক্ষণ দেখে এসেছেন আপনি ?

শুভ্রা সংশোধন করে দেয় : আপনি নয়, তুমি—

## চল গোয়া—

[ গোয়া-সভ্যাগ্রহের সময়কার গল্প ]

সারা পথ কষ্ট। রাতে ঘুমুতে দিল না। স্টেশনে স্টেশনে ডেকে তুলে মালা দিচ্ছে, চন্দন লেপছে কপালে। পুণায় নামলাম, তখন আর মাহুস বলে মালুম হবে না। নাক-চোখ-মুখ নেই, গা-গতর কিছু নেই—ভারী ভারী ফুলের বাণিলের তলায় ঢুটো করে পা বেরিয়ে আছে।

শিবাজি-মন্দিরে লোক ভেঙে পড়ছে। বেদির উপর তুলে দিয়ে বলে, বলুন কিছু এবারে—

গোয়ায় গিয়ে পৌঁছলে নিদারুণ ঠেঁড়াবে, গুলিও করতে পারে, এই মাত্র শুনেছিলাম। পথের এত সব হাজারের কথা বলে নি কেউ। বললে বোধ-হয় পিছিয়ে যেতাম। দোহাই পাড়ি : দেখুন, মারাঠির যা বিজ্ঞে—কথাবার্তা বুঝতে পারি খানিক খানিক। রাষ্ট্রভাষা যেটুকু জানা, সে হয়তো গোয়াল-কয়লাওয়ালার সঙ্গে চালানো যায়, বক্তৃতায় চলবে না।

তবু মাপ হল না : তা কি হয়েছে ! বাংলাতেই ছাড়ুন। জালাময়ী হলে হল, মাহুসজন বুঝে নেবে।

পুণা থেকে বেলগাঁও। খাতির যতই কলক, টিকিট কাটতে হল নিজ নিজ পয়সায়। গোড়া থেকে সেই কথা। পয়সা নেই উত্তোক্তাদের।

বার ঘণ্টার পথ। রাজি একটায় স্টেশনে নেমে দাঁড়লাম। বৃষ্টি, বৃষ্টি ! সৃষ্টি-সংসার ভাসিয়ে দিল আজকে। এদিক-ওদিক তাকাচ্ছি, অলঙ্কার থেকে সাড়া এল : চলে আসুন—

নিঃশব্দে চলেছি তাদের পিছু পিছু। চারিদিক নিষ্প্রাণ, একটানা জলস্রোত। এক ভাঙা বাড়িতে গিয়ে উঠলাম। অনেক লোক আগে থেকে এসে আছে। বলে, তাড়াতাড়ি চা খেয়ে নিন। সময় নেই।

আধ-মগ চা আর গোণাগুণতি একখানা করে রুটি। গরম চা হড়হড় করে গলায় ঢেলে ঢাকা হয়ে নিলাম। ট্রাক দাঁড়িয়ে রাস্তার উপর। সস্তরটি প্রাণী মোটমাট। কিন্তু পায়ে হেঁটে যখন যাওয়া যাবে না, এবং ট্রাকও একটা বই ছুটো নেই—সস্তর না হয়ে লাভ-শ হলেও ওর মধ্যে উঠে পড়তে হবে। কোন কায়দায় উঠবেন, সে আপনার ভাবনা।

আঁকাবাকা পথ পাহাড়ের গা বেয়ে। এই চলে গেলাম—অনেকজন পরে দেখছি, সেই পথটাই হাত কয়েক নিচে। টানেলের ভিতর ঢুকে পড়লাম বারকয়েক। বৃষ্টিটা মাঝে বন্ধ হয়েছিল, আবার নামল। বৃষ্টি, অন্ধকার আর মাহুঘের গাঙ্গাঙ্গা—পথের মজাটা উপভোগ হচ্ছে না। বহাল তব্বিতে আর একবার আসব এদিকে। যদি অবশ্য সশরীরে ফিরে আসতে পারি সালাজার মশায়ের অতিথিশালা থেকে।

চল্লিশ মাইল এসে আনমোর কাস্টমস। টাকাপয়সা কাপড়-চোপড় জমা দিয়ে দিন, নাম-ঠিকানা লিখুন। ফিরতি মুখে ঘাবতীয় মালপত্র বুকে নিয়ে যাবেন। না ফেরেন তো দেশের ঠিকানায় ফেরত চলে যাবে। আপনার ভালমন্দ যা-ই হোক, মালের এক তিল মার যাবে না।

মালকৌচা এঁটে নিলাম। গায়ে কামিজ, গামছা বাঁধা কোমরে বেড় দিয়ে। পুরোপুরি রণসজ্জা। আরও পাঁচ মাইল ভারতের এলাকা। পায়ে হেঁটে যেতে হবে। সদর পথে কড়া পাহারা। গাইড হয়ে এসেছে তাই ক'জন - স্থলুকসন্ধান বুকে সঙ্গে করে নিয়ে যাবে।

সাপের মতন প্রায় বুকে হেঁটে চলেছি। সীমান্তে এসে দাঁড়লাম, তখন ফরশা হয়ে গেছে। জায়গাটাও একেবারে ফাঁকা মাঠ। মাঠের ওপারে জঙ্গল। পশ্চিমঘাট-পর্বতমালা দিগন্ত ঘিরে দাঁড়িয়ে আছে। গাইডেরা জন্তু হয়ে বলে, গুলি করবে—শুয়ে পড়, শুয়ে পড়। সত্তর জন আমরা চক্ষের পলকে মাঠের জল-কাদার সঙ্গে লেপটে গেলাম। গাইডেরাও শুয়েছে— একজন শুধু হামাগুড়ি দিয়ে-জঙ্গলের দিকে অদৃশ্য হয়ে গেল।

শুয়ে শুয়ে মুছকঠে বচসা চলেছে: পতাকা কে নেবে কাঁধে? গুলি করবে নির্ধাৎ সেই মাহুঘকে তাক করে। হিমালয় থেকে কত্নাকুমারী সব অঞ্চলই আজকে পাশাপাশি—প্রথম বুলেট বুকে নেবে কোন অঞ্চলের কোন ভাগ্যবান! মারাঠিরা কর্মকর্তা—আমাদের উপর কেমন-ধারা টান সেই স্বদেশি যুগ থেকে। বললেন, সর্বকাজে বাঙালি চিরকাল আওয়ান—তোমরাই নেবে পতাকা। কে নেবে, মাহুঘ ঠিক কর।

লড়াইয়ের ফেরত মোহন সিং ও সোনো পহু—অন্ধ চিরলে এখনো দেড়-ছ গুণ্ডা গুলি বেরবে—পতাকার দাবিতে ঝগড়া বাধিয়েছে তারা। আর নয়—চুপ, চুপ!

ঝিঁঝি ডাকতে লাগল বনান্তরাল থেকে। ঝিঁঝি নয়—ঘে লোকটা আগে চলে গেছে, তার লঙ্কেত। সময় হয়েছে, বাজা এবারে। সাঁ করে



এক ছুটে মাঠ পেরিয়ে বনে ঢুকে পড়।...বাস, ঢুকে গেছি গোয়ার এলাকায়। পাহারাদারমশায়েরা রাজপথে ওদিকে মোক্‌ম পাহারা দিচ্ছেন। ঘুরুন তাঁরা পাহারা দিয়ে দিয়ে। বনজঙ্গল পার হয়ে আবার জনপদে বেরুব, পুরো মিছিল তখন সাজানো হবে। পথ কতখানি রে বাপু—চলেছি, চলেছি, চলার আর শেষ নেই। দেবরাজও কি দিন বুঝে নামলেন? বৃষ্টি ছাড়ছে না, ভিজ্জে জবজবে হয়ে গেছি। জঙ্গল ঘন হয়ে পথ এঁটে যায় একসময়। গাইডদের কুড়াল আছে, গাছপালা কেটে পথ করে দিচ্ছে। ঐ কাটবার সময়টা অবকাশ আমাদের—এক-আধ মিনিট যা দাঁড়াতে পাই। দাঁড়িয়ে দাঁড়িয়ে হাঁপ ছাড়ছি।

সাড়ে-ছ'ফুট জোয়ানপুরুষ লড়াইয়ের সৈনিক মোহন সিং তিড়িং করে হাত তিনেক পিছনে লাফিয়ে পড়ল। জঙ্গলে নানান জন্তু-জানোয়ার—বাঘ দেখল নাকি? কুড়াল উচিয়ে গাইডরা ছুটে এসেছে : কই, কোথায়?

আঙুল তুলে মোহন সিং গাছের ডাল দেখাল। বাঘ তো গাছে চড়ে বেড়ায় না, হতভম্ব হয়ে গাইডরা ইতি-উতি চায়।

কোন দিকে?

দেখ না তাকিয়ে।

কাঁপছে দস্তুরমতো। জলে ভিজ্জে শীত লেগেছে বলেই কি? বলে, ঐ—  
ঐ—। ডালে নয়, পাতার উপর।

পাতায় পাতায় ছিনেজ্যাক। এদিক-ওদিক সর্বত্র।

জ্যাক দেখে অমন চেষ্টা করে?

মোহন সিং থিঁচিয়ে উঠে : বাঘ হলে ডরাব কেন? এত মাছুষ একসঙ্গে, বাঘে আমাদের কি করবে?

তা বটে! পতু'গিজ-বুলেটের আশায় রেলভাড়া করে কাঁহা কাঁহা মূলক থেকে আসছি। বাঘকে আমরা খোড়াই কেয়ার করি। জ্যাক সর্বনেশে বস্তু। চোরাগোষ্ঠা আক্রমণ—টেরও পাবেন না, কোন সময় এসে ধরেছে। রক্ত খেয়ে সাবাড় করল—সুড়সুড়ি দিচ্ছে তখন কে ঘেন, আরাম লাগছে। এ শত্রুর কাছে সামাল হবেন কি করে? চলাচল বন্ধ করে সর্বাঙ্গ নিরীখ করছি, জ্যাক লেগে আছে কিনা। পিঠের জামা তুলে এ-ওকে বলছি, দেখ তো, দেখ তো—

বুড়োমাছুষ সীতারামিয়া—একটা দাঁত নেই, একগাছি চুলও কাঁচা নেই। কথা বলতে গেলে কামারের হাপরের মতন ফক-ফক করে হাওয়া বেরিয়ে আসে। জ্যাকের গোলমালের মধ্যে ফাঁক বুঝে তিনি ধপাস করে বসে পড়লেন।

একটোক জল খাওয়াও ভাই।

এখন জল চাচ্ছেন, তারপরে মিঠাইমেওয়া, রান্নির হলে বোধহয় আকাশের  
চাঁদ। পিছনে বরণা রেখে এলাম, জলের কথা সেই সময়ে বলতে কি হল?

বরণা লাগছে কিসে? খানা-ভোবায় কত জল! বুড়োমাহুঘটা পিপাসার  
জল চাচ্ছে, অমন করতে নেই।

বুড়োমাহুঘ আছেন তো ঘরে শুয়ে থাকলেই হয়। এসব কাজে আসা  
কেন?

আজকেই বুড়োমাহুঘ, ভায়া। সত্যগ্রহ এইটুকু বয়স থেকে করছি।  
গান্ধিজীর সেই চম্পারণ থেকে। কোনো জায়গায় বাদ নেই। এখন তো  
ও-পাঠ উঠেই যাচ্ছে। হয়তো-বা এই শেষ। অমন করে বলে না—ছিঃ!

একজনের ঘটি চেয়ে নিয়ে আমি জল এনে দিলাম। জল খেয়ে  
সীতারামিয়ার মেজাজ চড়ল।

চিরকাল বুড়ো ছিলাম না, বুঝলে? সত্যগ্রহ ক'টা দেখেছ? এ আবার  
সত্যগ্রহ নাকি! পুঁচকে একফোটা পতুঁগাল, ম্যাপে যার নিশানাই মেলে  
না। খোদ বুটিশের সঙ্গে আমরা সত্যগ্রহ করতাম। রাবণ রাজা সূর্যকে  
তীব্রদার করে খাটাত, আর ঐ বুটিশ রাজা। সে রাজ্যে সূর্যের অন্ত যাবার  
এক্সিয়ার ছিল না।

কিন্তু সীতারামিয়ার চেয়েও বেশি মুশকিল চৌধুরিকে নিয়ে। দলপতি  
তিনি। পাহাড় থেকে গড়িয়ে পড়ে হাঁটু ফুলে ঢোল হয়েছে, কিন্তু এলাকার  
ভিতর এসে পড়ে এক লহমা থেমে থাকবার জো নেই। কেমন করে কখন  
খবর বেরিয়ে যাবে—পুলিশ বাঁপিয়ে পড়ে ঘাড়ধাকা দিয়ে বের করে দেবে।  
অথবা চুপিসারে নিয়ে জেলে পুরবে। মাহুঘজন জানবে না, দাগ কাটবে না  
কারো মনে!

দাঁড়ানো চলবে না অতএব। চল, এগিয়ে চল। মরে গেলে শবদেহ  
নিয়ে তখনও এগুবে। মোহন সিং তড়াক করে চৌধুরিকে কাঁধে তুলে  
ফেলল।

কি হচ্ছে, আঁা? এই যাচ্ছেতাই পথে নিজেরাই পার না, এর উপর  
আমায় বইবে? খানিকটা কাতর হয়ে পড়েছি বলে নেতার কথা মানবে না  
তোমরা?

মোহন সিং বহুকাল আগাতত। উর্ধ্বাসে চলেছে। মাইলটাক গিরে  
চৌধুরি আর্ভনাদ করে ওঠেন : নামাও, নামাও—

কী হল হঠাৎ—মর্যাদিক বরণা উঠেছে হয়তো দেহে। ভড়কে গিয়ে

মোহন সিং যেমন নামিয়েছে, চৌধুরি এক গাছের গুঁড়ি এ টে ধরে কাড়ালেন।  
গাছ স্বচ্ছ না উপড়ে তাঁকে নড়াতে পারবে না।

রাগ করে বলেন, কী খেলা হচ্ছে বল তো আমার নিয়ে? কাঁধ হুড়হুড়  
করে তো বুড়োমাস্থর সীতারামিয়া মশায়কে কাঁধে তোল।

সীতারামিয়া ঠিক পিছনে। তাঁকে নিয়ে আবার কথা ওঠায় ক্ষেপে  
উঠলেন: বুড়ো-বুড়ো কোরো না বলছি। এ বুড়ো তোমাদের সকলকে  
শেষ করে তবে মরবে।

সীতারামিয়া সকলের আগে চলে এলেন। এর পরে আর হাঁটা নয়,  
দৌড়ছেন সকলের আগে আগে।

পাহাড় আর জঙ্গলের অন্ত নেই। ঘনতর হচ্ছে ক্রমশ। পথ ভুল হয় নি  
তো? আমার অবস্থা অতিশয় সঙ্গিন। সকাল থেকে মাথা ছিঁড়ে পড়ছে—  
আর পারি না, টলে পড়ে না যাই! সীতারামিয়া ও চৌধুরির গতিক  
দেখে ভয়ে ভয়ে কাউকে বলি নি। মোহন সিং কিন্তু সন্দেহ করেছে—  
কটোমটো তাকাচ্ছে। কাঁকা কাঁধে অসুবিধা হচ্ছে বোধহয় তার।  
শনির দৃষ্টির আড়ালে সরে যাই তাড়াতাড়ি। একেবারে সকলের  
পিছনে।

এক গাইডের মুখ-ভরা বিপুল গৌফ-দাড়ি। দাড়ির জঙ্গল দেখে কে যেন  
দণ্ডকারণ্য বলেছিল—লোকটাও সেই থেকে দণ্ডক-ভাই। তার সঙ্গে গল্প  
জমিয়েছি, মাথাধরার কথা তার কাছেও ভাঙি নি। যেন গল্পের দকনই  
পিছিয়ে পড়ছি আমরা।

গ্রাম কতদূর দণ্ডক-ভাই?

আধ মাইল।

অধীর কণ্ঠে বলি, ঐ এক কথাই তো কখন থেকে বলছ।

দণ্ডক-ভাই গম্ভীর হয়ে বলে, ছু-কথার মাস্থর আমি নই।

আরও বস্তু ছুয়েক কায়ক্লেশে চলবার পরেও সেই আধ মাইল। পিছিয়ে  
পড়েছি—পাহাড়ের বাকি আগের মাস্থরদের অনেককণ দেখতে পাচ্ছি না।  
ধুকতে ধুকতে এক পাথরের উপর বসে পড়লাম।

জিরিয়ে নিই একটু। আর পারছি নে।

কপালে হাত ছুঁইয়ে দণ্ডক-ভাই শিউরে উঠে: অর ধাঁ-ধাঁ করছে।  
এতকণ পেরেছ কী করে, সেই তো অবাক লাগে।

ব্যাঙ্কল হয়ে বলি, কী হবে তা হলে?

দণ্ডক অভয় দেয় : জিরিয়ে নাও না। কুছ পরোয়া নেই। ওরা পাকদত্তী ঘুরে ঘুরে যাচ্ছে। চড়াই ধরে সোজাসুজি আমি নিয়ে তুলব।

তবে তাই। আমার সঙ্গে থাক তুমি। ওদের দলে ভিড়ো না।

দণ্ডক ঘাড় নাড়ল : বেশ তো। কিন্তু ওদের জানিয়ে আসা দরকার। তোমায় না দেখতে পেয়ে ফিরে আসে যদি। পৌছুতে তা হলে দেরি পড়ে যাবে। এক ছুটে আমি বলে আসছি।

হনহন করে চলল। পিছন থেকে বলে দিই, দেরি কোরো না ভাই। যাবে আর ফিরে আসবে।

মুখ ফিরিয়ে সে বলল, আধ ঘণ্টা। উহ, অতও নয়। বসে থাক তুমি, জিরিয়ে নাও।

আধ মাইলের পিছন ছুটছি সকাল থেকে, আবার এই আধ ঘণ্টার ফেরে পড়লাম। সন্ধ্যা হয়ে আসে, তখন আর বসে থাকতে পারি না। ডেকে ডেকে বেড়াচ্ছি : দণ্ডক, দণ্ডক-ভাই! কাকশু পরিবেদনা! পাহাড়ের গায়ে গায়ে ডাক ঘুরে বেড়ায়। সর-সর করে মস্ত এক সাপ সরে গেল পথের পাশ দিয়ে। কপালক্রমে এটি ভক্ত-স্বভাবের, নির্গোলে তাই সরে গেল। ফৌস করে ফণা তুলতেও পারত। তখন খেয়াল হল, চোঁচামেটি ঠিক হচ্ছে না আর এখন। ঘোরাঘুরিও উচিত নয়। বনের বাসিন্দা গুঁরা, সারাদিন ঝিমিয়ে থাকেন, ক্ষুঁতি-কাঁতির সময় এবারে। স্মৃথ-আধারি রাত, তার উপর ঘনপত্র গাছের ছায়া—অন্ধকার নিবিড় হল দেখতে দেখতে। গাছে উঠে পড়া ছাড়া অগ্র উপায় নেই। জরে হাঁসফাঁস করছি, পুরোপুরি চেতনা আছে তা-ও মনে হয় না। তবু কিন্তু বুদ্ধি এসে গেল—কোমরের গামছাখানা পরে ধুতি দিয়ে সর্বদেহ আটপেটে বাঁধলাম ডালের সঙ্গে। আরও জর বেড়ে একেবারে বেহঁশ হয়ে গেলেও ভুঁয়ে না পড়ে যাই।

সে রাত্রে পশ্চিমঘাটের পর্বত-সামুতে উৎসব পড়ে গেল। দিনের ঘুম ভেঙে অরণ্য জেগে উঠছে। হাওয়া দিয়েছে, পাতায় লতায় কিসকিসানি আওয়াজ। কল-কল করে জল নামছে কোথায়। জন্তু জানোয়ার ছুটোছুটি করছে ছায়াছকারে বনের অন্ধিসাচ্ছতে—ভারি মজার লুকোচুরি খেলা। শহরে মানুষ আপনাদের এ-বস্তু আন্দাজে আসবে না। রাজিচর পাখি আকাশের গায়ে কাল কাল রেখা টেনে ছুটোছুটি করছে, বুনো ফলের লোভে ঝাঁপিয়ে পড়ছে অদূরের কোন গাছে। সারা বনের সমস্ত ডালপালা ভরে জোনাকিরা আলো সাজিয়েছে। কত জানোয়ারের কত বকম ডাক—কচি গলার কান্নার মতন, খলখল করে হেসে ওঠার মতন। বাঘের হামলা এক

একবার তাড়া দিয়ে যেন সব খামিয়ে দিচ্ছে। অরটা আরও বেড়েছে, আধেক ঘুম আধেক জাগরণে চারিদিক বিচিত্র লাগে। ভয়ও হচ্ছে। বনকুমের নতুন মানুষ আমি—বালিন্দাদের কারো নজরে না পড়ি, অতিথিকে উৎসবে টেনে নামিয়ে না নেয়।

ভোরের আলোয় আবার সব নিঃশব্দ। রক্তালয়ে পট পড়ে গেছে। কে বলবে অত কাণ্ড চলছিল রাজে! গাছ থেকে নেমে এসেছি। চারিদিক এখন মরা। অ্যান্ড মানুষ খুঁজে বেড়াই—কোথায় জনপদ, কোথায় মানুষ! বন্ধু হও শত্রু হও—মানুষ কেউ যদি থাক, কথা বলে ওঠ। দণ্ডক সেই ছুতো করে ভেগে পড়ল। দোষ দিই নে—একটা দিনের চেনা রোগি নিয়ে পড়ে থাকতে যাবে কেন? অরণ্যে চিংকার করে বেড়াই: কে আছে গো, কে আছে?

জর থাকার দরুন কিখেটা নেই। তেঁটা আছে, ঝরগাও তেমনি পায়ে পায়ে। ঝরণায় নেমে আঁজলা ভরে জল খাই। বিকালের দিকে এমন স্তুবিধাটাও গেল। কড়া উপোসের ঠেলায় জর কায়দা হয়ে আসছে; এবং তারই উপসর্গ—চনমন করছে পেট। কি খাই, কি খাই? লতায় লতায় লাল টকটকে ফল ফলে আছে একরকম। একটা ছিঁড়ে মুখে দিয়েছি—বাপরে বাপ, কী উৎকট তিতো! থুং থুং—। আবার ভাবছি, কুইনাইন জরের ওষুধ—মুখে দিয়েছি তো গিলেই ফেলি, জর যেটুকু আছে ছেড়ে যাবে। ফল খোঁজাখুঁজিই চলল তারপরে। আমের কাছাকাছি এক ফল—আঁটি খুব মোটা, কিন্তু মিষ্টি। কৌচড় ভরে সেই ফল পেড়ে নিচ্ছি—

মহিষ যেন একটা। গ্রাম তবে নিকটেই। দড়ি ছিঁড়ে মহিষ এসে ঘাস খেয়ে বেড়াচ্ছে। উঠি-কি-পড়ি ছুটেছি সেদিকে। একটা নয়, পিছনে আরও আছে। বিস্তর মহিষ, লাড়া পেয়ে মুখ তুলে তাকাল সবগুলো। সে নজর ভাল ঠেকে না—হিংস্র, ভয়ঙ্কর। কী সর্বনাশ, বুনো মহিষের দল। একটা বড় গাছের গুঁড়ি ঠেঁশ দিয়ে দেখছিলাম, ফনফন করে উঠে পড়লাম। এই কাজটা খুব ভাল পারি। রত্নকর্ণ নিচে ছিলাম, মহিষগুলো তাকিয়ে ছিল স্থির চোখে। উঠছি দেখে তীরের বেগে ছুটে এল। লতাপাতা ছিঁড়েখুঁড়ে আসছে, মাটি উঠছে খুরের ঘায়ে। এসে করল কি—গাছে ঘা মারছে শিং দিয়ে। এদিক দিয়ে মারছে, ওদিক দিয়ে মারছে। এই প্রকাণ্ড গাছ কাঁপছে খর-খর করে। আর আমি জোঁকের মতন লেপটে আছি ভালপাতার ভিতরে। আছি কি নেই, বোঝা যায় না। অনেকক্ষণ হাঁকডাক ও লড়াপিড়ি করে মহিষেরও বোধকরি সেই সন্দেহ হয়—গাছে নেই, খোঁয়া হয়ে উড়ে গেছে।

অন্ধকার হল, ধীরে ধীরে বনাস্তরালে চলে গেল দুশমনগুলো। নির্জন বনে আরও একটি রাত্রি আমার। কৌচড়ের সেই ফল খাচ্ছি, আর আঁটি ফেলছি ছুঁড়ে ছুঁড়ে...

গাছের চূড়া থেকেই দেখে নিয়েছি শর এক জলধারা। নদী পেয়ে গেছি, এ নদী ছাড়ব না কিছুতে। উত্তাল স্রোতে জল চলেছে, কিনারে কিনারে চলেছি আমি। নদী নিশ্চয় জনপদে নেমে গেছে—যেখানে গ্রাম আছে, মাহুঘ আছে। পায়ের-চলার পথ একটু যেন? বর্ষায় শ্রামল ঘাসের উপরে পায়ের দাগ—কোন মাহুঘ হেঁটে চলে গিয়েছে। ঈশ্বর, চিহ্নটুকু না হারায় যেন কোন বকমে! খানিকটা গিয়ে পদচিহ্ন নদীর জলে নেমে গেল। অতএব পার হয়ে গেছে সেই মাহুঘ। পাহাড়ে-নদী, জল অল্প। পাথরের চাই মাঝে মাঝে মাথা জাগিয়ে আছে। সেই পাথরে পা রেখে রেখে—বুঝে দেখুন আমার অবস্থা, পেটে ভাত নেই, জরে পিষছে দু-দিন ধরে—পাথরে পা রেখে রেখে নদী পার হচ্ছি। একবার সামলানো গেল না, জলে পড়ে গেলাম। উপ্ধু হয়ে পড়েছি। আর যাবে কোথায়—করাল স্রোত হুড়ির মতন গড়িয়ে নিয়ে চলল। মিনিট দুয়েকে মাইল খানেক গেছি অন্তত। প্রাণের ভয়ে আঁকুপাকু করছি, হাত বাড়ানি এটা-ওটা ধরবার জন্য। ধরে ফেললাম গোড়া আলগা এক গাছের শিকড়। শিকড় ধরে ঝুল খেয়ে ডাঙায় উঠলাম। বিষম কষ্ট হয়েছে, কষ্টের চোটে গড়িয়ে পড়ি সেইখানে।

তারপরে সামলে নিয়ে চোখ মেলে দেখি, নারকেলের ছোবড়া। নারকেল হলে ভাবতাম জলে তেলে এসেছে। ছোবড়া মাহুঘের হাতে ছাড়ানো, মাহুঘ আছে তবে কাছাকাছি। আমার অবস্থা ঐ ছোবড়া হাতে নিয়ে এক পাক নেচে নেবার মতন। সোনার তাল পেলে মাহুঘে অমন করে না।

আর কয়েক পা গিয়ে—সোভাগ্যের অন্ত নেই—পোড়া কয়লা। রান্নাবান্ন করে গেছে, হেঁড়া কলাপাতা পড়ে আছে। কাঁঠালগাছ দেখা গেল, বিস্তর কাঁঠাল ফলেছে। তারপর ক্ষেতখামার—পুরুষ-মেয়ে চাষবাস করছে। আহা রে, মাহুঘ দেখে চোখ জুড়াল! বেড়া-ঘেরা বাগবাগিচা—নারকেল-বাগান, কাঁঠালগাছ, কলাবাগান। তার পিছনে খোড়োঘর—পূর্ববাংলায় কলাবাগানের মধ্যে ঠিক যেমনধারা ঘর দেখতে পান।

এক বাড়ি ঢুকে পড়লাম। ভর-দুপুর, তা বুঝবার জো নেই—আকাশ খরখর করছে মেঘে। মেয়ে-পুরুষ কাউকে দেখছিলেন—ঐ বা দেখে এলাম। ক্ষেতে গিয়েছে বোধহয়। শুধু বাচ্চার দল। ডাবডাব করে তাকাচ্ছে। কাকে কি বলি, কে আমার কথা বুঝবে? তা খাবার না জুটল,

কোলে ভুলে ধরি তো একটা-দুটোকে। হল না—হুড়নাড় করে সব পালাল।

বৃষ্টি এল। ফুল-লতাপাতায় এক বাড়ির কটক সাজিয়েছে। আটচালা মতন টিনের ঘর—মাছুষজন গুলতানি করছে—বৃষ্টি বাঁচাতে তাদের দাঁওয়ায় উঠে পড়লাম। পুরুষ আছে, মেয়ে আছে। সঙ্কুচিত হয়ে এক পাশে দাঁড়িয়েছি, ক'জনে এগিয়ে এল।

কে তুমি ?

চুপ করে আছি। মোম দিয়ে গৌফ-মাজা—উনিই বাড়ির কর্তা বলে ঠেকছে—গর্জন করে উঠলেন : সত্যগ্রহী নাকি তুমি ? ঠিক করে বল।

চাটি খেতে দেবেন আমায় ?

বেরোও, বাড়ি ছেড়ে বেরিয়ে যাও বলছি।

দাঁড়িয়ে ছিলাম, বসে পড়লাম সঙ্গে সঙ্গে। সত্যগ্রহের মহড়া দিয়ে নিই অভয় লোকটার কাছে।

যাবে না ?

বৃষ্টি ধরুক—

ধরুক না ধরুক, যেতেই হবে তোমায়। এন্দুনি।

মুঘলধারে বৃষ্টি বরছে ছাঁচতলায়, জল গড়িয়ে নয়ানজুলিতে জমছে, ঝিলিক দিচ্ছে আকাশে—মুগ্ধ হয়ে আমি এই সব স্বভাবের শোভা নিরীক্ষণ করছি।

শুনতে পাচ্ছ না ?

কোন অজুহাত মানল না। ঘাড় ধাক্কা দিল লোকটা। ক্লান্ত রোগী শরীর—উঠানে গড়িয়ে পড়লাম বৃষ্টি-জলের মধ্যে। এর পরেও রেহাই নেই—দাঁওয়ায় এসে হুক্কর দিচ্ছে : ছুতো ধরে পড়ে থাকলে হবে না। ওঠ—উঠে পড় বলছি।

মরি, সে-ও ভাল—এই ছাঁচড়া জায়গায় তিলার্থ আর নয়। টলতে টলতে বেরুলাম। শরীরের সঙ্গে মনও দুর্বল হয়ে গেছে। চোখ ফেটে জল বেরুবার মতো। হায় রে, এই মাছুষ এরা সব! বদনাম শুনি পভু'গিজ পুলিশ ও সৈন্তের সম্পর্কে। সে প্রভুদের সঙ্গে কখন মোলাকাত হবে জানিনে। কিন্তু এদের কাণ্ড দেখে রি-রি করে জলছে সর্বাঙ্গ। বেরিয়ে পড়েছি, তবু ছাড়ে না। এখান থেকে চোঁচাচ্ছে, গুণে গুণে পা ফেলছিল—চলে যেতে মন লরে না বুঝি ?

কড়া স্বরে জবাব দিই : সরতে চাইছে না পা। দু-দিন খাইনি, অস্থখ

হয়ে পড়েছিলাম। কিন্তু তোমাদের জানানো মিছে। বরঞ্চ জঙ্গলের  
জন্তু-জানোয়ারের সঙ্গে থাকব, তোমাদের মতন মাহুষের কাছে নয়।

আবার চোপরা করে—বত বড় মুখ নয়, তত বড় কথা!

ছুই বীরপুরুষ সেই বৃষ্টি-জলের মধ্যে তড়াক করে লাফিয়ে পড়ল। হাতে  
লাঠি। লাঠি উচিয়ে বলে, এত জারগা থাকতে এখানে মরতে এসেছে।  
গ্রাম-ছাড়া করে দিয়ে আসব তোকে।

রাগে রাগে পা ফেলছিলাম—অতঃপর প্রাণের আতকে দস্তুরমতো ছুটতে  
আরম্ভ করেছি। ঐ লাঠির এক ঘা যদি বসিয়ে দেয়, সঙ্গে সঙ্গে খতম। হাঁক  
দিয়ে ওঠে : কানা গরুর ভিন্ন গোষ্ঠ। ওদিকে কোথায় রে, ডাইনে—

অতএব ডাইনে ঘুরি। স্বর্ডিপথ। পিছন পিছন ওরা তাড়া করে  
আসছে। আড়ালে এসেই ছু-জনে কিন্তু হাতের লাঠি ফেলে দিল। ছু-দিক  
দিয়ে এসে কাঁধের নিচেটায় ধরেছে। খানাখন্দ জলে ভরতি, ব্যাং ডাকছে—  
এই রেঃ, দেয় বৃষ্টি ছুই মরদে মিলে জলসই করে!

কিন্তু না, লাঠি ফেলে দিয়ে তারা আর এক মাহুষ। আমার কাঁধের  
নিচে হাত বেড় দিয়ে দেহভার তারাই বয়ে চলেছে। বলে, ও-বাড়ির মেয়েব  
বিয়ে। অনেক লোক জমেছে, তার মধ্যে কে ভাল-মাহুষ, কে পুলিশের চর,  
ঠিকঠিকানা নেই। সত্যাগ্রহীর কথা শুনলে পুলিশ বাড়ি ঢুকে তছনছ করবে।  
বড্ড অত্যাচার হল তোমার উপরে! কপালের ওখানটা ছড়ে গিয়েছে  
বুঝি—আহা-হা!

অবাক হয়ে গেছি। মারমুখী মাহুষের মুখে পলকের মধ্যে এমন সহানুভূতি  
বেরোয়! যাচ্ছি আর মাঝে মাঝে দাঁড়াচ্ছি একটু করে। বৃষ্টিটা বন্ধ হয়েছে,  
এই বড় রক্ষা। বললাম, তোমাদের গ্রামটা বড্ড বড় তো—কতক্ষণে যে  
শেষ হবে!

বড় তো বটেই, দেড়-শ ঘর বসতি। তা তোমার কি ভাবনা? না পেরে  
ওঠ, এর পরে পাজাকোলা করে নেব!

পথের পাশে গাছতলায় ষণ্ডাণ্ডা একজন যেন ওত পেতে ছিল।

সত্যাগ্রহীকে গ্রামের বের করে দিচ্ছ তোমরা?

সেই লোক ছুটো খতমত খেয়ে যায় : অবস্থা জান তো তুমি! তার  
উপরে ওটা হল বিয়ে বাড়ি—

ষণ্ডা লোকটা আমার দিকে চেয়ে বলে, যাওয়া হবে না মশায়। সবাই  
গরু-ভেড়া নয় ওদের মতো। সত্যাগ্রহী ঠাই পায় নি শুনলে দশখানা গ্রাম  
ছু দেবে আমাদের।



রোষদৃষ্টি হেনে তাদের বলে, হাঁ করে দাঁড়িয়ে রইলে কেন, পালাও—  
বিদেয় হও শিগগির। যা করতে হয়, আমি করব। পুলিশ এলে বলে দিও,  
ভীমরাও আটকেছে।

আমার হাত মোক্‌ম এঁটে ধরে ভীমরাও কটমট চোখে তাদের দিকে  
চেয়ে দাঁড়িয়ে আছে। আচ্ছা এক ব্যাপার! আমি যেন একটা বল বা ঐ  
গোছের কিছু—আমায় নিয়ে লোকালুকি চলছে। তারা অনেক দূর চলে  
গেল—ভীমরাও তখন বলে, রাতটুকু তো জিরিয়ে নাও, কাল তারপরে  
ভেবেচিন্তে দেখা যাবে। কোন জায়গায় থাকবে, দেখতে দেব না ওদের।  
কাউকে বিশ্বাস নেই। তবে রাজ-অট্টালিকা হবে না, সেটা মশায় আগেভাগে  
বলে দিলাম। সত্যগ্রহ করতে এসেছ জায়গার খুঁতখুঁতানি কেন  
থাকবে?

যেন আমি ইতিমধ্যে দরবার করে রেখেছি রাজ-অট্টালিকার জন্ত। কিন্তু  
ঐ মেজাজের উপর কথা বলতে যাবে কে! লোক ছুটো চলে গেছে, ভীমরাও  
তখনো চুপচাপ। হঠাৎ তাড়া দিয়ে ওঠে : এমনি তো হেঁটে চলবার মূরোদ  
নেই, অত দাঁড়াবার তেজ আসে কোথা থেকে? গাছের শিকড় রয়েছে,  
ওর উপর বসে পড়লে গভীর কি ক্ষয়ে যাবে?

ভয়ে ভয়ে সেই পথের ধারে বসে পড়তে হল। ভীমরাও সহসা কোমল  
হয়ে বলে, ঘোর না হলে যাওয়া যাচ্ছে না ভাই। কে কোথায় দেখে ফেলবে।  
বোসো আর একটু। পথ বেশি নয়। দু-চার পা এখান থেকে। হাঁটতে  
পারবে তো?

ঘাড় নেড়ে বলি, খুব—খুব—

পারবে বই কি! এত বড় কাজে এসেছ, কোনটা না পার তোমরা?

নিয়ে তুলল এক গোয়ালঘরে। বাড়ি নয়, খামার—ফসল তোলে এ  
জায়গায়। মালিক বোধহয় জানেও না কিছু—গোয়ালে গরু তুলে আবনা দিয়ে  
রাতের কাজ সেয়ে বাড়ি চলে গেছে। ভীমরাও এদিক-ওদিক তাকিয়ে  
সন্তর্পণে ঝাঁপের দরজা খুলে ভিতরে ঢুকল। পিছনে আমি। অঙ্ককারে  
চোখ জলে যেন তার—আমি কিছু দেখছি না, ওরই মধ্যে একটা কোণে নিয়ে  
গিয়ে বলে, ভাল কপাল তোমার। এতখানি শুকনো ফাঁকা জায়গা। বস,  
আরাম করে বসে পড়—

বলিয়ে দিয়েই বেরুচ্ছে। আন্তে আন্তে বলি, একটু যদি জল পাওয়া  
যায়—

ভীমরাও থমকে দাঁড়াল : রাতিরিটা জল খেয়ে কাটাবে ? চটে আহ  
গায়ের উপরে—জল খেয়ে পড়ে থাকবে, অন্নগ্রহণ হবে না। এত বড় ছর্ব্বালা  
মুনি, তবে এসব কাজে কেন এসেছ তুমি ?

এবং মিনিট দশেকের ভিতর খালায় করে ভাত ডাল আর কি-একটু  
তরকারি নিয়ে এল। আলো নেই—এসব হাত ঠেকিয়ে বুঝে নিচ্ছি। বলে,  
অঙ্ককারে খেতে হবে। কেরোসিনের যা দর, এমনিই তো কত মাছুষ  
আলো জালে না। কোন লার্টসাহেব হে তুমি, একটা রাত আধারে কাটাতে  
পার না ?

ভাগ্যিস অঙ্ককার ! আমার অবস্থা তাই দেখতে পেল না। দেখলে  
নির্ধাৎ হেসে ফেলত। অথবা কান্না আসত। ভাত এমন বস্তু, আগে কখনো  
ভাবতে পারি নি। কিন্তু হলে কি হবে—ছ-গ্রাস পেটে না পড়তে নাড়িভুড়ি  
অবধি পাক দিয়ে উঠল। যেটুকু ভিতরে গেছে, দশ গুণ অন্তত হড়হড় করে  
উগরে দিলাম। বিখতুবন বনবন করে পাক খেতে লাগল। তারপরে আর  
কিছু জানি নে...

চেতনা ফিরলে দেখি, একা ভীমরাও নয়—আর-একটা মেয়ে এসে জুটেছে।  
অঙ্ককারে চেহারা দেখতে পাইনে, ঝিনমিন গমনা বাজিয়ে সৈঁক দিচ্ছে আমার  
হাতে পায়ে। গোয়ালের সঁজালের আগুন ভীমরাও হাতপাখার বাতাস  
দিয়ে দিয়ে গনগনে করে তুলেছে। এত সৈঁকছে, শীত যায় না তবু। সর্বদেহে  
কাঁপুনি। লজ্জার সীমা-পরিসীমা নেই, ভয়ও হচ্ছে। উঠে বসতে যাই।

সেরে গেছি আমি। আর দরকার নেই। তোমরা চলে যাও।

ভীমরাও বলে, যাব তোমার হুকুমে নাকি ? উঠো না বলছি, ভাল হবে  
না। উঃ, কম জালান জালিয়েছ ! এই নদীর দেহ নিয়ে বাড়ি থেকে বেরোও  
কোন আক্কেলে ?

স্বর নামিয়ে মেয়েটাকে বলে, দুখটা এইবারে খাইয়ে দাও। দেখ তো,  
ঠাণ্ডা হয়ে গেছে বোধহয় এতক্ষণে।

জবাব না দিয়ে মেয়েটা ছুধের বাটি আগুনের উপর ধরল। চুড়িপরী  
নিটোল হাতের একটুকু। আসল রং ঠিক জানি নে, আগুনের আঁচে  
খানিকটা গৌর দেখাচ্ছে।

ভীমরাও বলে, দুখ খেয়ে নাও—চাকা হবে। বমি করে জায়গাটা নোংরা  
করে ফেলেছ, ছ-খানা-বেঞ্চি জুড়ে খাট বানিয়ে দিচ্ছি। মজা কত—আমি  
বেটা কাঁধে বয়ে বেঞ্চি এনে দিই, তুমি তার উপর শুয়ে শুয়ে পা দোলান।

বেঞ্চি আনতে ভীমরাও কোন দিকে চলে গেল। মেয়েটি এবার কথা

বলে ওঠে। সহজ হিন্দি—আর কী মিষ্টি গলা! বলে, সত্যাগ্রহী, দুখটুকু খাও। আমায় আলীবাঁদ কর। আজকের দিনে তুমি রাগ করে থাকলে স্ব্থশাস্তি হবে না আমার জীবনে।

চমক লাগে, এমন কথা বলে কেন? বলছে, বাবা বাড়ি থেকে ভাড়িয়ে দিল, সেই থেকে তোমার খোঁজ করছি। চুরি করে এসেছি যাপ চাইবার জন্য। বাড়ির কেউ জানে না। আমার এমন দিনে, সত্যাগ্রহী, তুমি রাগ করে থেকো না।

বিয়ের কনে এই? কোন গতিকে একটু আলো এসে পড়ত এই গোয়ালঘরে—করণাময়ীকে দেখে নিতাম। কেমন চেহারা জানিনে। কপালে জলজল করছে সিঁচুরের ফোঁটা? বিয়ের কনে কেমন সাজ করে এদের দেশে? গয়না তো বাজছে, কোন কোন গয়না পরে এসেছ ওগো কন্তে?

একটু পরে বেঞ্চি ঘাড়ে ভীমরাও এসে পড়ল। বলে, দুখ খাওয়ানো হয়ে গেছে? বাঃ বাঃ! এবারে বাড়ি যাও তুমি, বেশিক্ষণ এখন বাইরে থাকে না। দুখ নিয়ে এসে খুব ভাল কাজ করছে, বুদ্ধির কাজ করেছে।

খাইয়ে-দাইয়ে ওরা চলে গেছে। একলা আমি—আর গরুগুলো। মশা হয়েছে—গরু পা দাপাচ্ছে। আমিও এপাশ-ওপাশ করছি মশার কামড়ে। স্বপ্নের মতো লাগে—নরম হাতে কতক্ষণ ধরে মেয়েটা সঁক দিল, আর শিশুর মতন মাথাটা তুলে ধরে দুখ খাইয়ে গেল।

অনেক রাত্রি। ভারী বুটের আওয়াজে চোখ মেললাম, ঘুমের ভাব কেটে গেল। বুটছুতো ঘুরে ঘুরে বেড়াচ্ছে গোয়ালঘরের কানাচে। পুলিশ টের পেয়ে গেছে। দরমার বেড়ার এক জায়গায় ফাঁক—টর্চ ফেলছে সেখান থেকে। টর্চের আলো মুখের উপর পড়েছে। আমার ঘুম ভাঙে না কিছুতে, মরে ঘুমুচ্ছি। হুমদাম লাগি পড়ছে। দরজার কাঁপ ছিঁড়ে পড়ে গেল। খুঁটি বেয়ে টকাটক উঠে পড়ে চালের বাতা খুঁজছে—কি খুঁজছে বলুন তো? বোমা-রিভলবার সেরেহুরে রেখেছি কিনা। আর জন চারেক ঘিরে দাঁড়িয়েছে আমায় বন্দুক তাক করে। গুণগোল করেছি কি মেহের চার জায়গায় একসঙ্গে ছিঁড় করে দেবে। পা তুলে মারল এক বুটের লাগি। গড়িয়ে পড়লাম উন্টো দিকে! সেদিক দিয়ে মারল আর একজন। কী ভয়ানক ঘুম বুঝুন, ঘুম আমার কিছুতে ভাঙে না। শেষটা চুলের মূঠি ধরে দাঁড় করিয়ে চোখের পাতা জোর করে খুলে দিল। না জেগে আর উপায় কী?

কে তুমি?

আমি সত্যগ্রহী—

এদিক দিয়ে ঠাই করে এক চড় তো ওদিকে মুখ ঘুরে যায়। ওদিককার চড়ে মুখ আবার গিধে হয়। শেষটা আর নিয়ম নেই—এলোপাথাড়ি মারছে কিল-চড়-ঘুসি।

কত জন এসেছে তোমরা, তারা সব কোথায় ?

আবার চোখ বুঁজেছি আমি। ঘুম ধবেছে, শুনতে পাই নে। হাতে কুলোয় না তখন—লাঠি বের করল ! বাঁশের ও রবারের ছোট ছোট লাঠি। শেষটা টেনেহিঁচড়ে নিয়ে চলল অল্প এক জায়গায়।

রাতে ভাল ঠাহর হয় নি—সকালবেলা দেখতে পাচ্ছি, সেই গোয়ালের মতন খোড়োঘর নয়, পাকা দালান। দালান পাকাই বটে—তবে এ দালান যখন বানিয়েছিল, অহুমান করি, পতুঁগিজরা তখনো এসে জোটে নি। আজকে উজ্জল রোদ, কিন্তু কালকের বুড়ির জল টপটপ করে চুইয়ে পড়ছে ছাত থেকে। বৈশাখ মাসে পুণ্যার্থীরা তুলসীগাছে ঝারি বসান, আমার লবাক্ত তেমনিধারা জলের ঝারি ঝরছে।

নাঁটা নাগাত দরজার তালা খুলে ডাকল : বাইরে এস সত্যগ্রহী।

ফাঁড়িতে নিয়ে এসেছে। সাইনবোর্ডে পাচ্ছি, বিচুলি জায়গাটার নাম। আফিসের বড় বারান্দায় পুলিশরা বসে। সেখানে নিয়ে দাঁড় করাল।

কি ঠিক করলে, বলবে সব কথা ? দেখ, চূপ করে থেকে পার পাবে না। মুখ দিয়ে কথা না বেরোয় তো জিভ ছিঁড়ে বের করব। যা জান, বলে যাও।

হঁ।

বর্ডারে নিশ্চয় অনেক সত্যগ্রহী দেখে এলে ?

হঁ।

উৎসাহ ভরে একজনে খাতা বের করে নিল।

কত হবে ? আন্দাজেই বল না হে ! কোন্ পথে আসছে তারা ? কুচকাওয়াজ হচ্ছে শুনলাম ওদিকে—সত্যি ?

হঁ।

আরও চলল কিছুক্ষণ। শেষটা খাতা ছুঁড়ে দিয়ে লোকটা দাঁড়িয়ে পড়ল। তার পরে—এক কথা কাঁহাতক বলি, বিরক্ত হচ্ছেন আপনারা। দিন পাঁচ-ছয় কেটে গেল। সেলে আটক থাকি, সকালবেলা বারাণ্ডায় নিয়ে নিয়মিত ডলাই-মলাই করে। দিনে রাতে ছ-খানা পাউরুটি ও দুই গ্রাস জল বরাদ্দ। বেকতে দেবে না। ঘরের মধ্যেই নোংরা হচ্ছে, তা বলে উপায় নেই।

এক বুড়ো পুলিশের উপর তদারকের ভার। লোকটা খুঁটান, কথাবার্তায় সেটা টের পেলাম।

গোয়া ইণ্ডিয়ার মধ্যে ঢুকে গেলে তো গির্জা ভাঙবে তোমরা। পৈতে পরিয়ে আমাদের পুজোয় বসিয়ে দেবে।

ইণ্ডিয়ায় লাখো লাখো গির্জা। গিয়ে দেখগে যাও। আর বিশ পুরুষ ধরে যাদের পৈতে, তারাই সব হেলায় এখন পৈতে ফেলে দিচ্ছে—নতুন করে পৈতে পরাবে কেন?

একদিন লোকটা জিজ্ঞাসা করে, ভাইবোন ক'টি তোমরা?

একলা।

বিয়ে করেছ?

না।

মা-বাপ বর্তমান আছেন?

মা ছোট্ট বয়সে মারা যান। বাবা আছেন—বয়স হয়েছে, নড়তে নড়তে পারেন না।

আচ্ছা পাষণ্ড তো বুড়ো! ছেড়ে দিলে কোন্ প্রাণে?

না বলে চলে এসেছি।

আসবে বই কি! এমনি ধনুর্ধর ছেলে তোমরা আজকাল। এত যে সাজা পাচ্ছ—বাপের মনে কষ্ট দিয়েছ, তারই ফল। বেশ হচ্ছে, আমি বড্ড খুশি।

চটেমটে চলে গেল। কিন্তু মজা হল তারপর। আস্ত পাউরুটি এখন কেটে কেটে দেয়। এক গাদা, খেয়ে শেষ করা যায় না।

তাই একদিন বললাম, ক'টা রুটি কাট তুমি?

একটা। তাই ছকুম হয়েছে, বেশি দিয়ে কোন্ ফ্যাসাদে পড়ব। শকুনের চোখ ঘুরছে চারিদিকে।

একটা রুটির এতগুলো টুকরা?

রুটিটা বড় ছিল। একখানা করেই দিতে বলেছে, কী ওজনের হবে বলে দেয় নি তো!

ঠাহর করলাম, রুটির টুকরোয় চিনি ছড়ানো। মাখনের মতো কি একটু লাগানো, এমনও সন্দেহ হয়। আর একদিন জানলার গরাদ দিয়ে কাগজে জড়ানো খানিকটা ভাজি এসে পড়ল।

ছয় দিনের দিন যথারীতি সেই বারাণ্ডায় দাঁড় করিয়েছে। আজকে বেশি জমজমাট। বারাণ্ডা ভরে গেছে। লালচে-মুখ পতুঁগিজ আছে, কটকটে

কালো নিগ্রো আছে—গোয়ার দেশি লোকেরা তো আছেই। একটা নতুন লোক—সাজপোশাকে অফিসার মনে হয়—কোমল স্বরে শুভার্থীর মতন বলে, এত কষ্ট করে লাভটা কি হবে বলতে পার ? গোয়া ভারতে গেলে নেহরু আর সাজপোশাদের মজা। তোমাদের নামও কেউ জানতে পারবে না।

বাড় নেড়ে সায় দিই : আমার নাম আবার জানতে যাবে কে ?

বোঝ তবে। খবরাখবর বল দিকি সমস্ত। টাকা পাবে, আমোদ-ক্ষুতি পাবে। এমন ক্ষুতি—যা তোমাদের ধারণায় আসে না। যে রকমটা চাও। বন্ধু হলে আমরা তাকে বড় খাতির করি।

বটেই তো !

পুলকিত পতু'গিজ অফিসার আমার দিকে ও সকলের দিকে চেয়ে হাঁক ছাড়ল : বল সবাই সালাজ্জার জিন্দাবাদ !

সবাই তাই বলল। আমার ক্ষীণ কণ্ঠে কেবল ভিন্ন রকম : ভারত জিন্দাবাদ !

অফিসারের ফরসা মুখ কাল হয়ে গেছে। পাশের একজন বলে, এই শয়তানি চলছে এদিন ধরে। একখানা কাঠই শুধু—মাছষ নয়। শুকনো কাঠখানা আমরা পাহারা দিয়ে মরছি। কিষা হয়তো কোন মস্তোর জানে। আমাদের হাত ব্যথা হয়ে যায়, ওর গায়ে লাগে না।

আমি তখন বলি, কেন এঁদের হাতের কষ্ট দেওয়া ? পাঞ্জিমে পাঠিয়ে দিন, বিচার হোক।

অফিসার বলে, অদূর যেতে হবে না। বিচার আজ এখানেই। বিচারের জগ্রে আমি এসেছি।

বলিদানের আগে যেমন পাঁঠা পাছড়ায়, জন কয়েক তেমনি করে ধরল আমায়। চকচকে স্কুব বের করল। গলায় বসিয়ে জবাই করবে ? আপনারা ভয় পাচ্ছেন, কিন্তু কেমন রোখ চেপে গেছে—আমি তখন জীবনে বীতশ্পৃহ একেবারে। ইচ্ছে করেই তো মরতে এসেছি।

না, গলা কাটল না। খরখর করে জীব অর্ধেকখানি কামিয়ে ফেলল। মাথার এখানে ওখানে খোঁচা খোঁচা চুল তুলে নিচ্ছে। হাসছে সকলে হো-হো করে, হেসে গড়িয়ে পড়ছে। বলে, চুল তুলে নিলাম—তা রাগ কোরো না, কালো রঙে মিলিয়ে দিচ্ছি আবার—

আলকাতরা ঢালল, মাথার সেই সব জায়গায়। দেখছে মাথা ঘুরিয়ে কিরিয়ে—শিল্পবস্ত্র মাছষে যেমন করে দেখে। বলে, খাসা দেখাচ্ছে—চমৎকার ! এবারে কান দুটো। দুটো কান কেটে নিয়ে ছেড়ে দেব তোমায়।

স্বয়ং ধরে সত্যি সত্যি কানে পৌঁচ দিতে যায়। ছু-হাতে কান চেপে ধরে মাথা ঘোরাচ্ছি এদিকে-ওদিকে : গলা কেটে ফেল আমার। সেই ভাল। কান ছুঁতে দেব না।

অফিসার লোকটা সদয় হয়ে তখন বলে, থাকগে, থাকগে। ছুটো কানের দরকার নেই, একটাতেই হবে। একটা নিয়ে নাও, আর একটা ওর থাক। কাটা-কান ইতিমধ্যে পাঠাব—এর পরে যারা আসছে, বুঝেসমঝে আসে যাতে।

বিশ্বম হটোপাটি। গায়ে আমার অস্ত্রের বল এসেছে। মাঝুখগুলোকে ঘা-গুঁতো দিয়ে ছিটকে নেমে পড়লাম। তখন মরিয়া। মারুক কাটুক—তার আগে শুনিয়ে যাই, যে জন্তু এত কষ্ট করে এত পথ এসেছি। পতাকা নেই আমার সঙ্গে—মুখে মুখে চোঁচাচ্ছি : ভারত জিন্দাবাদ! ছুটে বেড়াচ্ছি চৌচিলে চৌচিলে : ভারতের জয় হোক—তোমাদের আমাদের সকলের ভারত।

ধবু ধবু—

কতক্ষণ পারব? জাপটে ধরেছে আবার। অফিসার বজ্রকণ্ঠে হুকুম দেয়, পায়ের তলা চিরে দাও। হেঁটে হেঁটে জয়ে আর সত্যাগ্রহে না আসতে পারে!

\*

\*

\*

সত্যাগ্রহী শিরিষ-কাগজ ঘষছিলেন আলমারিতে। পালিশ হবে। কাগজ রেখে পা তুলে ধরলেন আমার দৃষ্টির সামনে। বললেন, পা দেখাচ্ছি—কিছু মনে করবেন না। নয়তো ভাবতেন, বেটা গালগল্ল চালিয়ে গেল। পুঁজ হয়েছিল, সেই অবস্থায় সীমান্তে এনে এক রকম ঘাড়ধাকা দিয়ে দিল এপার-মুখো।

ঘা শুকিয়ে গেছে, তবু গা ঘিনঘিন করে ওঠে। পায়ের তলায় লম্বালম্বি আড়াআড়ি অগুস্তি সরলরেখায় জাল বুনে গিয়েছে।

সত্যাগ্রহী বলেন, হাঁটতে পারি নে। জুতো পায়ে হাঁটতে গেলেও পা টনটন করে। তাই এই বস কাঁজ ধরেছি। ফার্নিচার পালিশের কাঁজ। কাঁজটা ভাল। খাটনির কিছু নয়, দিন গেলে তিন-টাকা চোদ-সিকে রোজগার।

## বাদাবন

প্রমথ হালদার লাট কুড়ুলতলা থেকে ফিরছিলেন।

একটা জঙ্গল জরিপ হচ্ছে। সরকারি বোটখানা নিয়ে চৌধুরি সাহেব অনেক দূরে স্থপতি অঞ্চলে বেরিয়ে গেলেন, এঁরা ডিঙায় আসছিলেন তাই। চৌকিদার ও মাঝিমাঝা জন আঠেক সঙ্গে। আর আছে বন্দুক, সড়কি, হৈসোদাও। ভাঁটার খরশ্রোতে ছলে ছলে বাদারাজ্যের রাজচক্রবর্তী লম্বাটের মতো প্রমথ যাচ্ছিলেন।

তিনখানা বোটে পড়ছিল। হাতের ইঙ্গিতে সহসা প্রমথ তাদের থামতে বললেন। তামাক খাচ্ছিলেন, হুকো নামিয়ে মাঝিকে ফিসফিস করে নির্দেশ দিলেন হালটা আগলগোছে ছুঁয়ে রাখতে জলের উপর—যাতে কোন রকম লাড়া-শব্দ না হয়। কূল ঘেঁসে ধীরে ধীরে ডিঙা এগুতে লাগল।

পাড়ের মাটি ছুঁয়ে যাচ্ছে। মাটি আর কোথায়—বলাঝোপ, গোলবনের শিকড়, শূলো। দোয়ানিয়ার মুখে এল। প্রমথ বাদিকে আঙুল বাড়ালেন। অর্থাৎ চুকতে হবে ঐ দোয়ানিয়ার।

মাঝি চরণদাস ঘাড় নাড়ে। সে-ও পুরানো লোক। এত উজ্জান কেটে নৌকো তোলা দুকর তো বটেই—তা ছাড়া দোয়ানিয়ার দু-মুখ দিয়ে অতিজ্ঞত জল নামছে, নৌকোর তলি এখনই বসে যাবে নোনা-কাদায়। তখন জোয়ারের অপেক্ষায় হাত গুটিয়ে বসে থাকা ছাড়া গত্যন্তর নেই। গরম বাধা, জঙ্গমানবহীন। প্রমথর হাতে টোটার বন্দুক আছে যদিচ, তবু ও-জায়গায় অতক্ষণ ঐভাবে নিশ্চল হয়ে থাকা ঠিক হবে না।

প্রমথ প্রাণিধান করলেন। ভেবেচিন্তে ঐখানে খালের মুখে ডিঙি রাখতে বললেন। চৌকিদার কালীপদকে প্রহ্ন করেন, শুনে পাস?

কালীপদ কান খাড়া করল। এক ধরনের মৃদু আওয়াজ আসছে এপার ওপার দু-দিক থেকে। বলে, বাদর—

ঠিক বলেছিল। থেমে আবার একটু শুনে নিয়ে প্রমথ বললেন, হঁ, বাদরই।

ক্ষণকাল চুপ করে রইলেন। তারপর বলে উঠলেন, এই—এইবার?

হুঁ দিচ্ছে। বাদর ছাড়া আর কি!

প্রমথ বিরক্ত হয়ে বললেন, কান দিয়ে শুনিস তোরা, না কি? আসল-বাদর আর নকল-বাদরে তফাত ধরতে পারিস নে?



কালীপদর কাছে সাধারণ বানরের ডাক—কিন্তু প্রথম নিঃশব্দ ভাবে বুঝেছেন, মাহুই বানরের মতো ডাকছে। গাছাল দিচ্ছে মাহুই। এবং এ মাহুই—সঠিক বলা চলে না যদিচ—অধিক বিশ্বাসদেরই কেউ হওয়া সম্ভব। শিকারের পাশ নিয়ে তাঁদের স্টেশন থেকে সম্প্রতি কেউ বাদায় ঢোকে নি। দিন দুপুরে বিনা-পাশে বাদায় ঢোকা—অধিক ছাড়া এত সাহস কার ?

বললেন, নেমে গিয়ে দেখে আয় তো খানিকটা এগিয়ে।

শুলোবন ও নোনাকাদা ভেঙে জঙ্গলে ঢোকা সহজ নয়। হয়তো সবটাই প্রথম মনের কল্পনা। কিন্তু হুকুম হয়েছে, উপায় নেই—দু-জন মাল্লা সঙ্গে নিয়ে মুখ বেজার করে কালীপদ নেমে গেল।

ক্ষণ পরে ফিরে এসে পরমোৎসাহে বলে, ঠিক ধরছেন কর্তা। গাছের মাথায় গুটি দুটি হয়ে আছে।

উপযুক্ত সতর্কতার সঙ্গে সকলে বাদায় নামলেন। মাদার আর হীরালাল ভিডি আগলে রইল। বলে গেলেন, ফিরতে যদি দেরি হয়—ইতিমধ্যে রান্নাবান্না সেয়ে রাখে যেন। একটা গাদা-বন্দুকও রইল তাদের জিন্মায়। ভাঁটার টানে জল যদি অত্যধিক সরে যায়, নোকো নাবালে সরিয়ে বাঁধতে বললেন।

জঙ্গলে হরিণের সঙ্গে বানরের বড় মিতালি। বানরে কেওড়াগাছের ফল-পাতা ছিঁড়ে ছিঁড়ে ফেলে আর কু-কু করে নিমন্ত্রণ জানায়। ডাক শুনে হরিণের দল গাছতলায় আসে। শিকারিরাও অবিকল বানরের মতো করে ডাকে—খাওয়ার লোভে হরিণ এলে গুলি করে গাছের উপর থেকে। গাছাল দেওয়া বলে এই রীতিকে।

বাদায় ঢুকে পড়ে প্রথম হেন ব্যক্তিও দিশাহারা হচ্ছেন আজকে। চারিদিক থেকে কু-কু আওয়াজ। কোনটা খাঁটি আর কোনটা নকল, ঠিক করার জগ্রে ক্ষণে ক্ষণে স্থির হয়ে দাঁড়ান। অনেক জল-কাদা ভেঙে ও শুলোর গুঁতো খেয়ে আন্দাজ মতো একটা জায়গায় এসে দাঁড়ালেন। কা কস্ত পরিবেদনা ! নির্জন নিঃশব্দ—অথচ এই এতক্ষণ একটানা ডাক শোনা যাচ্ছিল এখান থেকে। ই্যা—এই জায়গাই বটে ! তাকিয়ে তাকিয়ে দেখছেন—হঠাৎ ধনি ওঠে পিছনে, যে দিকটা অতিক্রম করে এলেন তাঁরা। নোনা রাজ্য—পৌষ মাস হলেও শীত প্রখর নয়। ঘোরাঘুরিতে ঘাম ঝরছে। কোট ভিজে জবজবে হয়ে গেছে গায়ের ঘামে এবং অসাবধানে চলাচলের দরুন জল-কাদা ছিটকে উঠে। প রক্তাক্ত হয়েছে কাঁটার খোঁচায়, কিন্তু অধিক বিশ্বাসের

নাগাল পাওয়ার সম্ভাবনায় প্রথম এমন মশগুল যে আঘাত টেরই পান নি ।  
আড়াই প্রহর অতীত হল, সন্দের লোকেরা অধীর হয়েছে ফিরবার জন্য ।  
আর প্রথম ঘুরে ঘুরে যত নাজেহাল হচ্ছেন, জেদ তাঁর তত বেড়ে যাচ্ছে ।

মাহুঘটা তো চোখে দেখেছিল কালীপদ । গেল কোথা ?

দলের মধ্যে একজন গুণীন আছে—জলধর । গুণীন বলেই খাতির করে  
তাকে বনকরের চাকরি দেওয়া হয়েছে । বাদায় নামবার সময় সে সঙ্গে  
থাকবেই । ঘাড় নেড়ে য়ুহু কর্তে জলধর বলে, মাহুঘ হলে ঠিক পাওয়া যেত ।  
যাবে কোথা ? পাখনা নেই যে উড়ে পালাবে ।

ইকিত্তা স্থম্পট । অনেকের মনেই ঐ রকম সন্দেহ, প্রমথর সামনে মুখ  
ফুটে বলতে পারছিল না । বাদাবনে হিংস্র প্রাণী অনেক—সাপ বাঘ দাঁতাল  
কুমির । আরও আছে—তারাই সব চেয়ে ভয়াবহ । আদিকাল থেকে  
অসংখ্য লোক অপঘাতে মরেছে—লোকালয়-সীমার বাইরে আরণ্য রাজ্যে  
অচ্ছন্দবিহার করে তারা । নানাবিধ মূর্তি ধরে উদয় হয়—বাঘের মূর্তি,  
সাপের মূর্তি । অব্যর্থ বাঘবন্ধন মস্ত্রেও সে বাঘের আক্রমণ ঠেকানো যায় না,  
সে সাপের বিষ নামাতে পারে এমন ওঝা জিভুবনে নেই । মাহুঘের চেহারায়  
নিয়েও কখন কখন দেখা দিয়েছে, এমনধারা শোনা যায় । আজকের  
ব্যাপারেই বোঝ না কেন—দেড় প্রহর থেকে সন্ধান করে বেড়াচ্ছে, এখন এই  
প্রত্যাসন্ন সন্ধ্যাবেলাতেও এদিক-ওদিক থেকে তেমনি কু-কু ডাক এসে বিভ্রান্ত  
করছে । মাহুঘের কাজ বলে আর ভরসা করা যায় কি করে ?

জলধর বলে, ফেরা যাক কর্তামশায় ।

ভাষাটা প্রাণনার, কিন্তু আদেশের আমেজ কণ্ঠস্বরে । বাদাবনের  
অশরীরী অধিবাসীদের স্থলুকসন্ধান এতগুলো লোকের মধ্যে একমাত্র তারই  
কিছু জানা । তার কথা অবহেলা করা চলে না ।

যাবার সময় কাদায় পা বসে বসে গিয়েছিল, গোলপাতায় গেরো দিয়েছিল  
মাঝে মাঝে । সেইসব চিহ্ন ধরে অনেক দুঃখে অনেক বার পথ হারিয়ে  
অবশেষে তাঁরা দোয়ানিয়ার মুখে ফিরে এলেন । ডিউর পাত্তা নেই ।  
জোয়ার এসেছে । জললের অনেক দূর অবধি জল উঠে ছলছল করছে ।  
শেষ-ভাঁটার নৌকো যদি দূরে নিয়ে বেঁধে থাকে, এখন তো আবার যথাস্থানে  
এলে পৌঁছবার কথা । হ-হ করে বাতাস বইছে, ভরসন্ধ্যায় জল বেশ  
কনকনে । তারই মধ্যে ঠাড়িয়ে দারুণ উষ্মে প্রমথ লুক্ক চোখে দূরের দিকে  
চেয়ে আছেন, পকেট থেকে বাঁশি বের করে ছইশিল দিচ্ছেন বারংবার ।  
বাঁশির আওয়াজ বনভূমির দূর-দূরান্তরে ছড়িয়ে পড়ে । অব্যবেও ঠিক

ঐ রকম আওয়াজ আসবার কথা। নৌকোর লোক যেখানে থাকুক, বাশিতে শিল দেবে—এই নিয়ম। কিন্তু কোন শব্দসাদা নেই। হল কি? যুখ শুকনো সকলের।

মাদার ও হীরামালকে পাওয়া গেল অবশেষে। গাছে উঠে বসে ছিল, লাড়া পেয়ে নেমে এসেছে। কালীপদ রাগে চোঁচিয়ে ওঠে : কতী হাঁটুজলে দাঁড়িয়ে। হারামজাদা তোরা ঘাপটি মেরে ছিলি কোথায় বল? নৌকো কোথা?

ভয়ে তারা জবাব দিতে পারে না। তাদেরই অপরাধ। ভাঁটা সরে যাওয়ার পর অল্প জলে পাশখালিতে মাছ ধরার ভারি সুবিধা। ভাত চাপিয়ে দিয়ে দু-জনে ওরা পাশথেপলা নিয়ে মাছ ধরতে গিয়েছিল। এমন হল, মাছের ভারে জাল টেনে তোলা দায়। বাছাই মাছ গোটাকয়েক করে খালুইতে ফেলে বাদ বাকি জলে ছেড়ে দিচ্ছে। কত নেবে—কী হবে অত মাছ দিয়ে? মনের আনন্দে জাল ফেলতে ফেলতে এমনি অনেকটা দূর এগিয়েছে—ভারপর খেয়াল হল, ভাত ফুটে গেছে এতক্ষণে—নামাবার প্রয়োজন। ফিরে এসে মাখায় হাত দিয়ে পড়ল। কোথায় কি—গোটা ডিডিটাই অদৃশ্য হয়ে গেছে। নোঙর ফেলা ছিল, শক্ত কাছি দিয়ে বাঁধা ছিল বাইনগাছে সঙ্গে—এমনি ভেসে যাবার কোন সম্ভাবনা নেই। খুলে নিয়ে গেছে কারা নৌকো।

বন্দুক ছিল যে!

বন্দুক সঙ্গে নিয়ে জাল ফেলবে কি করে—বাঁশি। বন্দুক সমস্ত নৌকোয় ছিল। সব গেছে। এমনটা যে হতে পারে, স্বপ্নেও ভাবেনি।

প্রথম চোখ পাকালেন একবার তাদের দিকে। স্টেশনে গিয়ে পৌছতে পারলে ভয়ানক কিছু হবে লোক দুটোর সম্পর্কে, সন্দেহ নেই। এখনই ভো কালীপদ ক্ষণে ক্ষণে মারতে যাচ্ছে : কোন আক্কেলে নৌকো ছেড়ে যাস তোরা? থা—খালুই-ভরা কাঁচা মাছ চিবিয়ে চিবিয়ে থা এখন। আর কি করবি।

জলধর ধীরকণ্ঠ বলল, ওসব যাক। ফিরবার উপায় ভাব আগে।

ক্ষিধেয় সকলের নাড়িস্ফুট হজম হয়ে যাবার ধোঁগাড়। কিন্তু স্টেশনে কেমন করে ফিরবে, সেইটে বড় ভাবনা। নদী-থালে পায়ে হেঁটে যাওয়া চলে না। আর এই রাজিবেলা।

প্রথম প্রশ্ন করলেন, দেওড় ভনতে পাস?

কোথায়?

সত্যি সত্যি বন্দুকের দেওড় হলে এতগুলো লোকের মধ্যে প্রথম ছাড়া কারও কিছু কানে গেল না, এমন হতে পারে না। কিন্তু শুনতে পেয়েছেন প্রথম। কেবল কানে শোনা নয়, চোখের উপরও যেন দেখতে পাচ্ছেন—অধিক বিশ্বাসই চালাকি করে সরকারি ডিডি নিয়ে বাদামন কাঁপিয়ে তাঁদেরই বন্দুকে দেওড় করতে করতে জয়যাত্রা চলছে। আর প্রথমরা বনপ্রান্তে অপমানে হুঁতবনায় পৌষের নীতে হি-হি করে কাঁপছেন, নিজেদের হাত কামড়ানো ছাড়া কিছু করবার নেই।

প্রথম চোঁচিয়ে উঠলেন, ঐ যে—ঐ শোন—

অনুভূতিদূরে হা-হা-হা হাসির শব্দ। তীক্ষ্ণ বিজ্ঞপের হাসি। এই তো—একেবারে কাছে। কিন্তু প্রথম জলকাদা ভেঙে ছুটলেন। আরও অনেকে ছুটল।

কালীপদ দেখিয়ে দিল, মাহুদ নয়—ভীমরাজ পাখি। লেজ নাড়ছে খালে বসে।

নির্জন অরণ্যভূমে এই এক আশ্চর্য পাখি মাঝে মাঝে বরষ মাহুদের কর্ণধরে গভীর উচ্চহাসি হাসে; অবোধ্য ভাষায় কাকে যেন কি আদেশ দেয়। দেখা গেল, জলধর বিড়বিড় করে কি বলে মাটিতে মাথা ঠেকিয়ে প্রণাম করছে। সে এদের শুধুমাত্র পাখি বলে স্বীকার করে না।

শুকনো কাঠ-পাতা জেলে দোয়ানিয়ার ধারে তাঁরা জেগে বসে কাটালেন। স্টেশনে পৌঁছতে পয়ের দিন বিকাল। নিতান্ত প্রথম হালদার বলেই পৌঁছতে পারলেন শেষ পর্যন্ত।

এসে দেখলেন, সেই ডিডি ঘাটে বাধা। রাজির মধ্যেই রেখে গেছে। স্টেশনের পাহারায় বারা ছিল, কেউ টের পায় নি। প্রথমদের যথেষ্ট নাজেহাল করা হয়েছে, ডিডির আর প্রয়োজন কি। বন্দুক দেয় নি—নিয়ে নিয়েছে সেটা।

প্রথম কেঁপে উঠলেন, মরে মরে পাহারা দিচ্ছিল বেটারা? ডিডি না রেখে তোদের বোকাই করে নিয়ে পিঠটান দিল না কেন? আপদ চুকত তা হলে।

অস্রাত অভূক্ত প্রথম গৈতে ছুঁয়ে প্রতিজ্ঞা করলেন, অধিক বিশ্বাসকে জন্ম তিনি করবেনই। চিরজীবনের মতো শিক্ষা দিয়ে দেবেন, আর যাতে ‘বাদামন’ পরতানি করতে না আসে।

নিজেদের তুলকটি ধারণতব রেখেটেকে গদরে বন্দুক-চুরির রিপোর্ট পাঠালেন। কড়া পুলিশ-পেট্রোল শুরু হল। খুব উত্তেজনা চলল মিনকতক। ধোঁজে ধোঁজে বহু জায়গায় হানা দেওয়া হল—অধিক বিশ্বাসের আস্তানা মেলে না। আস্তানা নেই। আরসে মাথা গুঁজে থাকবার ‘আস্তানা’ এবং

স্বাধীনতার সংসারধর্ম থাকলে এমন উচ্ছ্বল কেউ হতে পারে। এই দেখ না, বড়ের মতো আচমকা জ্বলে এসে পড়বে। কোন পথে কি উদ্দেশ্যে আসবে, বুঝবার উপায় নেই আগে থাকতে। কখনো আসে হরিণ মারতে, কখনো কাঠ কিংবা গোলপাতা কাটতে, কখনো মোমমধু ভাঙতে, আবার কখনো বা নিতান্তই অকারণে বোধকরি বনকরের কর্তাদের স্বেপিয়ে মজা দেখবার জন্য। আইনকাহ্ননের ধার ধারে না, সরকারের স্ত্রাঘ্য পাওনা-গণ্ডা দিয়ে পূর্বাহ্নে অহুমতি নেওয়া বোধকরি ওয়া কাপুরুষতা বলে মনে করে। যুনঝুনি স্টেশনের কাছাকাছি এসে বন্ধুকের দেওড় করে। প্রমথ ভাবেন, তাঁদেরই সেই গাদা-বন্ধুকা। মানসেলায় দেশি কামারের তৈরি বিনা-পাশের বন্ধুক অজস্র পাওয়া যায়, তেমনি কোন বন্ধুক হওয়া অসম্ভব নয়—কিন্তু এদের প্রতিটি ক্রিয়াকর্মের সঙ্গে প্রমথর মনে ভেসে ওঠে সেদিনকার অপমানকর স্মৃতি।

বহরখানেক কাটল। উত্তেজনা অমেক শান্ত হয়েছে। জলপুলিশের টহল প্রায় বন্ধ। অধিকদের বাদা-অভিযানের খবরও ইদানিং শোনা যায় না। চোখুরি সাহেবের ধারণা, তাঁদের তোড়-ছোড় দেখে ভয়ে সে আত্মগোপন করেছে। কিন্তু প্রমথর বাগ যায় নি। যত শান্তশিষ্ট হয়েছে থাক, জঙ্গ তাকে করবেনই—অপমানের শোধ তুলবেন। বাদা অঞ্চল ছেড়ে ছুড়ে যদি পালিয়ে গিয়ে থাকে, সেটা অবশ্য আলাদা কথা।

গুয়াতলির সপ্তাহান্তিক হাট। দুই নদীর মোহানার উপর হাটখোলা। সকাল থেকে খরিকার জমে, বেলা যত বাড়ে হাট তত জমজমাট হয়, নৌকোয় নৌকোয় দুটো নদীর জল প্রায় অদৃশ্য হয়ে ওঠে। তারপর হাটবেসাতি সেরে নোঙর তুলে হাটুরেরা একে দুয়ে নৌকো ছাড়ে, রাজি প্রহরখানেক হতে না হতে জনকোলাহল একেবারে শুরু। গুয়াতলি প্রেত-পুরীর মতো থমথম করে। এমনি অবস্থায় ছ'দিন—ছ'টা দিন ও ছ'টা রাজি—তিন-চার শ' টিনের চালা নিঃসীম আকাশের নিচে নদীর মোহানায় জোয়ার-ভাঁটার উচ্ছলতা নিঃশব্দে তাকিয়ে দেখে শুধু। একটি লোক নামে না ওখানে, একটি মাছের কণ্ঠ শোনা যায় না।

বাদাবনের সঙ্গে বহির্দেশের যোগসূত্র এই হাট। বাদাবনের লোক পুরো সপ্তাহের চাল-ডাল তেল-ছন আন্নাভগজ কিনে নিয়ে যায়। আর নিয়ে যায় ডাকের চিঠি ও খবরের কাগজ। জীৱন্ত পৃথিবীর খালপ্রস্থাল ও হারিকায়ার ধ্বংস খানিকটা সঙ্গে করে নিয়ে আবার জ্বলে ফোকে। স্ট্রটকারের পর

যেন উৎসব পড়ে যায় স্টেশনের হৈসেল-ঘরে, বাওয়ালিদের নৌকায় নৌকায়—  
শাকপাতা ও কাঁচা আনারাজ রান্না-খাওয়া হয়। দুটো তিনটে দিন পরে  
আবার যথাপূর্ব অবস্থা—তরিতরকারির মধ্যে মিঠাকুমড়া ও গোল-আলু।

প্রমথ এবার নিজে এসেছেন গুয়াতলি। কষ্টসাধ্য ভ্রমণ—পুরো দেড়টি  
দিন লাগে যাতায়াতে, বেগোন হলে আরও বেশি। খাওয়া-দাওয়া হয় না  
পথে, আধখানা হয়ে যেতে হয়। কিন্তু চৌধুরি সাহেবের আদেশ—  
গুয়াতলির কুতঘাটায় লঞ্চ খামিয়ে তিনি কিছু জরুরি কাজকর্ম সেরে যেতে  
চান প্রমথর সঙ্গে। খাস জঙ্গল কুড়ুলতলায় এবার পাশ দেওয়া হবে, সেই  
সময়ে আলোচনা। সময়ের নির্দেশ নেই—অতএব সেই ভোরবেলা থেকে  
ঘাটের অফিসে প্রমথ অপেক্ষমান। হাট ভাঙতে চলল—প্রতি মুহূর্তেই আশা  
করছেন, বাঁক পার হয়ে চৌধুরির লঞ্চ দেখা দেবে এইবার। চাপরাশিটা  
বারান্দায় বসে চুলছে। বিষম বিরক্তি লাগে প্রমথর। কথা দিয়ে কথার  
ঠিক রাখেন না—কী রকম সাহেবলোক এঁরা! খাটি সাদা সাহেব আর  
দেশি সাহেবে তফাৎ এইখানে। কিন্তু আর থাকা কোনক্রমে তো চলে না।  
তা হলে কাল দুপুর অবধি—বতক্ষণ আবার ভাঁটা না লাগে—একটানা বসে  
থাকতে হবে এমনি। এলেন না চৌধুরি সাহেব—আসবার হলে অনেকক্ষণ  
এসে যেতেন।

এবারে প্রমথ বোটে করে এসেছেন। মাঝি সেই চরণদাস। সে-ও  
অস্থির হচ্ছে। হাটুরে নৌকো এবং যত পূবদেশি ব্যাপারি নৌকো ঘাট  
খালি করে চলে গেল। হাটের চালায় এই এখানে সেই ওখানে দু-একটা  
টেমি জলছে। শেষবাতের জোয়ার ধরবে ওয়া, বিড়বিড় করে টাকাপয়সার  
হিসাব করছে, কিম্বা তিন টুকরো কাঠ পুঁতে তার উপর নতুন হাড়িতে রান্না  
চাপিয়েছে। বিষম বিরক্ত হচ্ছে চরণ—ছোটখাট বাড়ির মতো বিপুলায়তন  
এই বোট—গোন মারা গেলে মরা-হাতির মতো চরে চেপে পড়বে, কাছি  
বেঁধে সকলে মিলে টানাটানি করেও এক হাত নড়ানো যাবে না ॥

কত্যা এলেন?...কে? কে গা ভূমি?

কুতঘাটার জোরালো পাকের আলায় দেখা যায়, কমবয়সি একটি মেয়ে,  
হাতে নতুন গামছায় বাঁধা বোঁচকা, ধীরেস্থানে বোটে এসে উঠল।

বিস্মিত চরণদাস প্রশ্ন করে, কে ভূমি? বাবে কোথায়?

মেয়েটা জবাব দেয়ার প্রয়োজন মনে করে না। কাড়ালে উবু হয়ে বলে  
রগড়ে রগড়ে পায়ের কাদা ধোয়। পরিপুষ্ট গড়ন। নোনা-রাজ্যে গৌরবর্ণ  
প্রত্যাশা করা যায় না, কিন্তু কালোর মধ্যে দিবি চিকণ আভা।

চরণদাস পুনরপি বলে, ভুল হয়েছে গো ভালমাহুকের মেয়ে। গয়নার-  
নৌকো এ নয়।

চোখ মেলে তাকাল মেয়েটা। বড় বড় চোখ। দৃষ্টি দিয়ে হেলা ভরে  
তাকায় যেন বিশ্বভুবনের সব-কিছুর প্রতি। বলল, জানি, গয়নার-নৌকো  
ছেড়ে গেছে। অনেক কেনাকাটা করতে হল। ছোটোছুটি করে ঘাটে  
আসব—তা হৌচট খেয়ে পড়ে গেলাম। দেরি হয়ে গেল।

যাবে কোথা তুমি ?

সে প্রশ্ন কানে না নিয়ে পুঁটলি খুলে ফেলে মেয়েটা আবার ভাল করে  
বাঁধতে বসে।

অলতরল চুড়ি কিনলাম। কেমন হল দেখ দিকি—মানাবে ? এই  
সেমিজ কিনেছি। চুড়িগুলো সেমিজে জড়িয়ে রাখা যাক। তা হলে  
ভাঙবে না, কি বল ? চুড়ি ছ-জোড়া চার আনা নিল—ঠকিয়েছে ?

চরণ বলে, আমরা চুড়ি কিনি নে। দর জানব ক্যামনে ?

চুড়ি-সেমিজ শুধু নয়, তরল আলতা, চুলের কাঁটা, ছাপা-র-মাল—ক্লান্তিকৃত  
শৌখিন জিনিস। গর্বিত কর্তে মেয়েটা বলে, অপরে এমন পছন্দ করে কিনতে  
পারে ! নিজে তাই চলে এলাম। সবাই জানে, মাসির বাড়ি এসেছি।  
হি-হি-হি—

চরণ বিরক্ত হয়ে বলে, সরকারি লা আমাদের এটা। জবলে যাচ্ছি।

যাও না যে চুলোয় খুশি ! বকডোবার চরে আমায় নামিয়ে দিয়ে  
যেও।

অথ কত ! তিন বাঁক ঘুরে যাচ্ছি তোমায় বকডোবা নামাতে ! এমন  
বলে কোনখানে চাপান দিয়ে থাকতে হয়, ঠিক নেই। নেমে যাও বাছা,  
অস্ত্র নৌকোর চেষ্টা দেখ।

মেয়েটা ঝকার দিয়ে ওঠে : অস্ত্র নৌকো থাকলে তোমাদের খোশামুদি  
করতে আসি ! বয়ে গেছে, আমার পা কাঁদছে।

খোশামুদির বহর দেখে চরণদাসের ইচ্ছে করে লগির বাড়িতে ঘন চুল-  
ভরা মাথাটা তার ছ-ফাঁক করে দেয়। চাউনির রকম দেখে মেয়েটাও হয়তো  
বুঝেছে। আর কথা কাটাকাটি করল না, মাহুর গুটানো ছিল—সেইটা  
পেতে পুঁটলি মাথায় দিয়ে শুয়ে পড়ল। শুয়ে শুয়ে আবার বুড়ো দাঁড়িকে  
ইকুম করছে নবাবনন্দিনী : তোমার ঐ আগুনের মালসা নিয়ে এস তো  
মুকবির গো।

দাঁড়ি কানে নেয় না, আপন মনে তামাক খাচ্ছে।

এবারে একেবারে মধু-ঢালা কর্ত্ত। বলে, পা মচকে গিয়ে বড় টাটাচ্ছে। মালসাটা এদিকে এনে একটুখানি যদি সেক দিয়ে দাও।

বজ্জাতি বোক। বুড়োর দিকে চেয়ে এখনও বলছে বটে, কিন্তু এবারের লক্ষ্য এক ছোকরা—বনমালী। কলকের জন্ত বুড়োর সামনে অনেকক্ষণ থেকে যে সতৃষ্ণ নয়নে বসে আছে। এমন ভামাকের পিপাসা—কিন্তু মুহূর্তে তা ভুলে গেল। মালসা সহ মেয়েটি কাছে গিয়ে আগুনে দু-হাতের চেটো গরম করে পায়ের উপর ব্যথার জায়গায় চেপে চেপে ধরছে। কোন দিকে তাকায় না বনমালী—আর সকলে কি ভাবছে, লক্ষ্যেপ করে না।

গোড়ার দিকে আঃ-আঃ—করে বেদনা বা আরাম জানাচ্ছিল মেয়েটি। পরে শব্দসাড়া নেই। এতক্ষণে প্রমথ এলেন—দূর থেকে দেখেই বনমালী সরে বসেছে।

প্রমথর মন-মেজাজ ভাল নয়। পথ আটকে পাটাভনে আড়াআড়ি হয়ে শুয়ে আছে—প্রমথ হাঁক দিলেন : কে রে তুই ?

বিস্তর চৌচামেটিতে মেয়েটি একটুখানি পাশ দিয়ে গুল।

বোটের লোকজনের উদ্দেশে প্রমথ বললেন, তোরা কি করছিলি রে ? অর্ধেকখানি জুড়ে চেপে পড়েছে, এ হিমালয়পর্বত নামিয়ে দেওয়া সোজা হবে এখন ?

বুড়ো দাঁড়ি বলে, কথা কানে নেয় না। কী করা যাবে। এসে সটান শুয়ে পড়ল। পা সেকিয়ে নিল বোনাকে দিয়ে।

চরণদাস বলল, ছুঁড়ি উঠবে না, ছুতো ধরে পড়ে আছে। আর দেরি করলে কিন্তু হুতারখালির মুখে বেগোন পড়ে যাবে, নৌকো বেঁধে চৌপহর বসে থাকতে হবে।

প্রমথ ব্যস্ত হয়ে বললেন, ঠিক, ঠিক ! ছেড়ে দাও। কিন্তু মুশকিল এই উড়োআপন নিয়ে।

বেহঁশ হয়ে ঘুমুচ্ছে, কতকাল ঘুমোয় নি ঘেন। প্রবল শ্রোতে বোট ছুটেছে। এতগুলো পুরুষলোকের মধ্যে একলা সোমন্ত মেয়ে—আর এদের গন্তব্যপথ নির্ধারন বনভূমি—তা বলে এতটুকু ভয় বা সঙ্কোচ নেই।

ষট্টি দুই পরে চোখ মুছতে মুছতে মেয়েটি উঠে বসে।

কোথায় এলাম গো ?

কেউ জবাব দিল না। কুলের দিকে তাকিয়ে সে স্থান নিরূপণের চেষ্টা করে।

উই ভো—হুতারখালি এঁ বে।



প্রমথ খালি গায়ে আয়েস করে তাকিয়া ঠেস দিয়ে বসেছেন। তাঁর দিকে চেয়ে অহুন্নয় করে বলল, বাবুমশায়, বকডোবায় নামিয়ে দিতে বল ওদের।

প্রমথ সজোরে ঘাড় নাড়লেন : পাগল নাকি ! অভখানি যুর—তা ছাড়া জায়গাটা অতি খারাপ।

ভাল জায়গা এ তলাটে আছে কোথাও ? এই যে বাড়ি—এ বুঝি বড় ভাল ! ও-বছর ভাসন্ত নৌকোয় কাটা-মাহুয পাওয়া গেল, সে তো এইখানেই।

প্রমথর বৃকের মধ্যে ধড়াস করে ওঠে। বকডোবার মতো অত ভয়ানক নয় যদিচ, এই স্থতারখালির মুখেও নৌকো-মারার ইতিহাস আছে। দপ করে একবার জোরালো আলো জলে উঠল এই সময়টা পাড়ের দিকে কোথায়। অন্ধকার-মথ ক'টা জেলে-ডিডি সাঁ করে এধার-ওধার পাশ কাটিয়ে গেল। বুড়ো দাঁড়ি কলকে ধরাতে যাচ্ছিল, প্রমথ নিয়কণ্ঠে নিষেধ করলেন : উহ, আলো জালিস নে। কাজ কি ! আগুন অনেক দূর দেখা যায়। মালসা ঢাকা দিয়ে দে বরং। সব ক'টা দাঁড় পড়ুক। হাল টেনে যাও চরণদাস, ঝিমোও কেন ?

মেয়েটা বলে : নিয়ে চললে কোথা গো ?

চরণদাস মেজাজের সঙ্গে জবাব দেয়, ঝুনঝুনি বনকর-আফিস—

একটু তবে পাড়ে ধর। আমি নেমে যাই।

চরণদাস আশ্চর্য হয়ে বলে, এখানে ? বকডোবা এখান থেকে কত পথ তা জান ?

যেতেই হবে। না গিয়ে ছাড়ান নেই।

বলে সে মুছ মুছ হাসতে লাগল।

চরণদাস বলে, পথঘাটের কোন রকম নিশানা নেই কিন্তু। চার-চারটে খাল পার হতে হবে।

সমস্ত জানি মুকন্নির পো। আমরা হলাম গে বাদাবনের জন্ত—

চরণদাস আবার সতর্ক করে : এ বাদা বড় গরম ( অর্থাৎ বাঘের ভয় আছে ), জলে কুমির-কামট।

কপালে থাকলে নিয়ে যাবে। এই যে লা'র উপরে আছি, তোমরাই বা কী আরামে রেখেছ !

বনমালী বলে, জন্ত-জানোয়ারে থাকে না এখানে।

থাবে না কি বল ? খাচ্ছেই তো !

আঙুল দিয়ে দেখাল সে প্রমথর দিকে। বলে, তোমাদের ঠাকুরমশায় লোক কিন্তু হুবিধের নয়। চোখ দিয়ে খুবলাচ্ছে কী রকম, ঐ দেখ।

বেকুব হলেন প্রমথ। আড়চোখে কণে কণে তাকাছিলেন তিনি নিটোলস্বাস্থ স্বল্পবাস মেয়েটার দিকে। কে না তাকায়! চোখ জবিয়ে নিয়ে তিনি ভাড়া দিয়ে ওঠেন : চোপরও হারামজাদি !

দাঁড়ি-মাঝির উপভোগ করছিল। প্রমথর কিঞ্চিং বাহিরফটকা নজর আছে, সবাই জানে। মেয়ে উচিতমতো জবাব দিয়েছে।

চরণদাস জিজ্ঞাসা করে, কি নাম তোমার গা ?

ভমর - ভমরমণি—

ভমর নও মা-লক্ষ্মী, ভীমরুল—

ভমর সহসা পুঁটলি তুলে উঠে দাঁড়াল।

পেয়াম হই ঠাকুরমশায়। নৌকো পাড়ে ধরতে বললাম, তা তো সুনলে না। চললাম।

ভয়াল নদীপ্রান্তের মধ্যে সে ঝাঁপ দিয়ে পড়ল। হুর্নিরীক্ষ্য তটসীমা। নোনা জলতরঙ্গ আছাড়ি-পিছাড়ি খাচ্ছে বোটের গায়ে, অত বড় বোট অসহায়ের মতো আন্দোলিত হচ্ছে—ভমর ঝাঁপ দিল এরই মধ্যে। কুমীর-কামট ওং পেতে রয়েছে, লোকে পা ধুতে সাহস করে না এই অঞ্চলের নদী-খালে। এই নদী সাঁতারে কূলে উঠে বকডোবা অবধি নাকি পায়ে হেঁটে চলে যাবে! আশ্চর্যতাই বলা উচিত একে।

ঝুনঝুনি ফিরে চৌধুরি সাহেবের চিঠি পাওয়া গেল। চিঠি নিয়ে লোক পৌছবার আগেই এঁরা গুয়াতলি রওনা হয়ে গিয়েছিলেন, তাই মিছে হয়রানি হল। চৌধুরি লিখেছেন—সোজা স্থপতি চলে যাচ্ছেন তিনি, গুয়াতলি হয়ে যাবার অবসর হল না, প্রমথ ঐ স্থপতি গিয়ে দেখা করেন যেন তাঁর সঙ্গে। অতি সস্তর—কারণ দু-একদিন মাত্র থেকে ডেসপ্যাচ-স্টিমারে কলকাতা চলে যাবেন।

জোয়ার-ভাঁটার হিসাব করে দেখা গেল এই মুহূর্তে পুনশ্চ যাত্রা করলে কায়ক্লেশে চৌধুরি সাহেবের সাক্ষাৎ মিলতে পারে। দুটো ভাতে-ভাত খেয়ে নিলেন সকলে। প্রমথ শুধে বসে থাকবেন, তাঁর কথা হচ্ছে না—পেটে ভর না থাকলে মাঝি-মাল্লারা পেরে উঠবে কেন ?

ঝড় উঠল সন্ধ্যার কাছাকাছি। বলেশ্বর-বিষখালির সন্ধ্যামহল—বড় ভয়ানক জায়গা। জল যখন শান্ত থাকে, তখনও পার হতে বুকের মধ্যে খড়স-খড়স করে পাকাপোক্ত মাঝির। আর এখন ঘনকালো মেঘের প্রাচুর্যে একটুখানি চিকণ আভা আকাশের কোনখানে নেই। জলতরঙ্গ

সংখ্যাহীন কুন্ড লবীস্থপের মতো দূরদিগন্ত থেকে ছুটে আসছে—লক্ষ্য যেন এদেরই এই নৌকোট। জনালয়ের চিহ্ন নেই কোনদিকে।

চরণদাস শক্ত হাতে হাল ধরে আছে স্থির পাষাণ-মূর্তির মতো। একদৃষ্টিতে তাকিয়ে আছে অলক্ষ্য কোন তটভূমির দিকে। খরস্রোতে আর পিঠেন বাতাসে হ-হ করে বোট ছুটেছে। চরণদাস ছুটতে দিয়েছে—এ অবস্থায় বিরুদ্ধতা করতে গেলেই বোট উল্টে যাবে। যায় যেখানে, যাক। মচ-মচ করে হালে বিষম আওয়াজ হচ্ছে এক-একবার। জলতাড়নায় ভেঙে বুঝি দু-খণ্ড হয়ে যায়। মজা বাধে তা হলে। দিক্‌চিহ্নহীন জলরাশির উপর দু-একবার পাক খেয়ে এত বড় বোট মোচার খোলার মতো মগ্ন হয়ে যাবে। বিপদের মুখে আশ্চর্য দৃঢ়তা চরণদাসের। হাত একটু কাঁপে না, মুখের উপর ভয়ের রেখামাত্র নেই।

প্রমথ বলে উঠলেন, ডাঙা কোন দিকে ?

দেখা যায় নাকি কোন-কিছু ?

তবে ? তবে কি হবে ?

চরণদাস রুচকণ্ঠে বলে, নড়াচড়া করবেন না। শুয়ে থাকেন ছইয়ের মধ্যে ঢুকে।

হি-হি করে হেসে বলে, কাঁথা মুড়ি দিয়ে পড়েন। ডুবে গেলে শীত করবে না।

পুরানো লোক চরণদাস। প্রমথ যখন কাজে ঢুকলেন, তার আগে থাকতে আছে। তাই সে ততটা গ্রাহ্য করে না প্রমথকে। আর এখন এই ভয়াল নদীর বুকে সে সর্বসর্বা—বিস্কৃদ্ধ ডেউয়ের সঙ্গে লড়াইয়ের সেনাপতি। প্রমথর ডাঙারাজ্য এটা নয়।

রাত দুপুর অবধি চলল এই রকম। অবশেষে কুল মিলল। ঘাস-স্—করে মাটিতে ঠেকল বোটের মাথা, গতি থেমে গেল। শুয়েছিলেন প্রমথ, শুয়ে শুয়ে হুশিয়ার ঝড় বইছিল মনের ভিতর। হঠাৎ চরণদাসের খরকণ্ঠ : উঠে পড়েন, উঠে পড়েন—আর ভয় নেই।

কোথায় ?

মালুম হচ্ছে না। আলো দেখা গেল—সেই নিরিখে এসেছি। এসে পৌঁছতে পেরেছি, বাপের ভাগ্যি।

ঝড়বৃষ্টি বন্ধ হয়েছে এখন। ডাঙায় নামলেন প্রমথ, নেমে এদিক-ওদিক তাকাচ্ছেন।

নেমে দেখ না তোরা, কোনখানে এলাম হৃদিস পাওয়া যায় কি না।

চরণদাস হাত কয়েক দূরে খাড়ির মুখে বোট নিয়ে বেতে ব্যস্ত। পছন্দসই জায়গাটা—চাপান দিয়ে থাকা যাবে তাঁটার প্রতীক্ষায়। বড়ে জলে অত্যধিক দেরি হয়ে গেছে, কত দূর এসে পড়েছে আন্দাজ হচ্ছে না। সে যাই হোক, উজান ঠেলে চলা কোনক্রমে আর সম্ভব নয়—বোট এগোয় না, পরিভ্রমই সার।

মিটমিটে এক আলো দেখতে পেয়েছিল, সেই আলো ক্রমশ কাছে চলে এল। তিনজন লোক—কলরব করে উঠল তারা।

ঐ যে, ঐ এসেছেন।

বললাম যে, ঠিক এসে যাবেন। বিষ্টিবাদলায় দেরি হয়ে গেছে। কিছু বোলো না এখন—এসে গেছেন, সেই ঢের।

প্রমথর কাছে এসে তারা থমকে দাঁড়াল। চৌখুণির মধ্যে কেরোসিনের টেমি একজনের হাতে। লঠন তুলে প্রমথর দিকে তীক্ষ্ণদৃষ্টিতে সে তাকায়।

কারা তোমরা?

চুশমন-আকৃতির লোক তিনটার গলার আওয়াজে বুকের ভিতরটা অবধি গুরুগুরু করে ওঠে। নদীকূলবর্তী এই লোকগুলোর রীতি-প্রকৃতি প্রমথর অজানা নয়। গলা শুকিয়ে কাঠ, সহসা জবাব দিতে পারেন না।

চরণদাস এসে দাঁড়াতে কিছু সাহস পেলেন। চরণদাস বলে, নৌকো বানচাল হয়ে এসে পড়েছি বাবাসকল। তাঁটি ধরলে ছেড়ে দেব।

হাতে-লঠন লোকটা প্রমথর উদ্দেশ্য প্রশ্ন করল, কি লোক আপনি মশায়?

ব্রাহ্মণ—এই পৈতে দেখ বাবা—খাটি নৈকন্ত কুলীন।

তাড়াতাড়ি আমার বোতাম'খুলে পৈতে টেনে দেখালেন প্রমাণ স্বরূপ। লজ্জায় লঙ্কোচে আর যা ব্যক্ত করতে পারছেন না, সেটা হল—অব্যাহতি দাও বাপধনেরা, ব্রহ্মহত্যা ও ব্রহ্মস্ব হরণ করে মহাপাতকের ভাগী হোয়ো না।

পৈতে দেখিয়ে মস্তের কাজ হল। তিনজন গড় হয়ে প্রণাম করল প্রমথকে, পায়ের ধুলো গালে মাথায় দিল। গো-ব্রাহ্মণে এসেব ভক্তিসুবিদিত।

আসতে আজ্ঞা হয়—চলে আসেন।

লঠনধারী লোকটা সসম্মানে আলো দেখিয়ে বাঁধের উপর উঠে দাঁড়াল।

গাঙের উপরে পড়ে কষ্ট পাবেন কেন? পাড়ার মধ্যে আছেন।

প্রমথ সন্দিগ্ধ দৃষ্টিতে তাকালেন তাদের দিকে : না বাবা, বেশ ভেট

আছি, দিব্যি আছি। আর কতক্ষণ! জোয়ারের টান একটু থমথমা হলেই নৌকো ছেড়ে দিচ্ছি।

জায়গাটা ভাল নয়, নানা রকম ভয়ভীত আছে।

প্রমথ বললেন, তোমরা বাপধনেরা রয়েছ আশেপাশে, কে কি করতে পারে ?

সকলের পিছনের লোকটা এতক্ষণ একটি কথাও বলে নি। সে হুমকি দিয়ে উঠল : গিয়ে তো দশ জায়গায় বলে বেড়াবে, বকডোবার মানুষ বিষম ছাঁচড়া—সারা রাস্তির ঘাটে পড়ে রইলাম, কেউ একবার ঝিঙেনাড়া করল না।

হাতে তার পাঁচ-হাতি পাকা বাঁশের লাঠি। মাটিতে লাঠি ঝুঁকে বলে, ভ্যাজর-ভ্যাজর করতে পারি নে, কাজ আছে। চলে আসেন।

লাঠির মাথার আংটা খুন-খুন করে উঠল আঘাতে। প্রমথ ও চরণদাস মুখোমুখি তাকান। কাল আসেন নি, ঝড়ে আজকে এনে ফেলল ঠিক সেই বকডোবায়।

অতএব অতিথি-বৎসল বকডোবার আমন্ত্রণে প্রমথ পাড়ার ভিতরে চললেন। লঠনওয়ালা লোকটা আগে আগে আলো দেখিয়ে নিয়ে যাচ্ছে। সকলের পিছনে সেই লাঠিধারী। একা নন প্রমথ, চরণদাসকেও সঙ্গে নিয়েছেন।

তারা ফুটেছে দু-চারটে, আধারলিপ্ত চতুর্দিক অল্পশব্দ এইবার নজরে আসে। বড়-নদী এ-ধারে, পিছনে বিল। বিলে ধানের সমারোহ। উন্নত তরঙ্গ-তাড়নায় পাড়ের মাটি খুণ-খুণ করে নদীগর্ভে পড়ছে অবিরত। এই বকডোবা। জগৎ-সংসার থেকে আলাদা—তারার আবছা আলোয় রহস্যময় নিরালা গ্রাম। ইটাপথে যাতায়াতের উপায় নেই। এ-বাড়ি ও-বাড়ি যেতে হলেও ডিঙি—নিতান্ত পক্ষে মাটির গামলায় ভেসে যেতে হবে।

মনটা খারাপ ছিল প্রমথর—বাঁধের উপর জল জমে ছিল, নজরে পড়ে নি। জুতোবৃদ্ধ তার মধ্যে পড়লেন। জল-কাদা ছিটকে মাথামাথি হয়ে গেল জামা-কাপড়ে। লঠনধারী খানিকটা এগিয়ে ছিল, আহা-হা - করে কাছে এল। এত দুর্গতিও ছিল অদৃষ্টে! প্রমথর চোখের জল আসবার মতো।

নৌকোয় ফিরে যাই বাপধন—

এসে গেছি ঠাকুরমশায়। ঐ যে। কাপড় বদলে আরাম করবেন এবারে, পান-তামাক খাবেন।

নদীতট থেকে মনে হচ্ছিল, খান কয়েক খোড়োঘর নদী ও বিলের মধ্যে অনন্ত আকাশের নিচে অসহায় ভাবে দাঁড়িয়ে আছে। পাড়ার মধ্যে পা

দিয়ে অবাক হলেন। খোড়োঘর বটে—কিন্তু বাদার হৃদয়কাঠের খুঁটি, গরাণের ছিটে দিয়ে চাল তৈরি। অধিকাংশই মাটির দেয়াল-দেওয়া। দৃঢ় পরিপাটি ঘর। আর ঘরের সংখ্যাও একটা-দুটো নয়—ফাঁকা জমি বিশেষ নেই বকডোবা টিলার উপর, সর্বত্র ঘর তুলেছে। মাহুঘই বা কত! যে তিনজন গাঙের ধারে গিয়েছিল, সকলেই প্রায় ঐ ধাঁচের—শক্তসমর্থ জোয়ান মেয়ে-পুরুষ। বয়সে বুড়ো হলেও এরা জোয়ান থাকে। বয়সে যারা শিশু, তারাও সামান্য এক বৈঠা ভরসা করে বিশাল গাঙ পাড়ি দিয়ে মাহুর তৈরির জন্ত ওপারে মালি কাটতে যায়। অতবড় বিলের সম্পূর্ণ কারকিত এই টিলার লোকগুলোই শুধু করে।

বুক কাঁপে প্রমথর—এত সমাদর কেন তাঁকে? কী মতলবে নিয়ে এল পাড়ার ভিতরে? প্রতি কাজেই এদের বাদায় ঢুকবার গরজ পড়ে, আর বাদার ঘাঁটি আগলে বসে আছেন প্রমথরা। সে হিসাবে অহি-নকুল সম্পর্ক পরস্পরের মধ্যে। লোকগুলো কেমন ভাবে তাকাচ্ছে—এখানে এই পাড়ার ভিতরে যদি টুকরো টুকরো করে কেটে ফেলে, জিভুবনে কেউ কোনদিন খোঁজ পাবে না।

না, খুবই আদর-যত্ন করল। দই-মিষ্টি, কাঁঠাল, আনারস আর শসা—ভুরিভোজন হয়েছে। কোরা ধুতি-চাদর দিয়েছে বের করে, কাদা-মাখা কাপড়জামা ওদেরই একটি মেয়ে কেচে টাঙিয়ে দিয়ে গেছে দুই খুঁটির সঙ্গে। প্রমথর বিষম ক্ষিধে পেয়েছিল—হুশিস্তার অন্ত ছিল না। আতিথেয় আপ্যায়িত হয়ে এখন শুয়ে পড়েছেন চাদর মুড়ি দিয়ে। চরণদাসও একটু দূরে আলাদা মাহুরে শুয়েছে।

ষুমের আবিল এসেছিল। এসে ডাকছে : উঠুন—উঠতে আজ্ঞা হয় ঠাকুরমশায়। কত ভাগ্যে এসে পড়েছেন আজকের দিনে। উঠে আসেন—মেয়ে-জামাইকে আশীর্বাদ করবেন।

চোখ রগড়ে প্রমথ চেয়ে দেখলেন, লণ্ঠন নিয়ে যে-লোকটা পথ দেখিয়ে এসেছিল—সে-ই। পরকণে একটা দল এসে পড়ল। হড়মুড় করে কতক ঘরের মধ্যে ঢুকল, কতক বাইরে দাঁড়িয়ে আছে। রুক কণ্ঠে তারা তাগিদ দেয় : কই গো—হল কি?

চরণদাস বলে, বাচ্ছি আমরা—

কিসে বাচ্ছ? গজে না ডুলিতে? রাত কাবার হয়ে যায়—এখনো বাচ্ছি!

প্রমথ উঠলেন ভাড়াভাড়ি। বললেন, পায়ে শামুকের কুচি ফুটে গেছে। টাটাচ্ছে।

বলেন তো আড়কোলা করে নিয়ে যাওয়া যায়।

শুধুমাত্র মুখের কথা নয়, বক্তা সত্যি সত্যি কোমর বাঁধবে  
করে ওঠেন : হেঁটেই যাচ্ছি বাপখন। দেখেওনে একটু  
ঘেতে হবে।

আরও তারা ফুটেছে। অল্প অল্প মেঘ আছে, কিন্তু আর বৃষ্টি হইবে  
বোধহয়। উঠান কাঁট দিয়ে ফেলে তার উপর প্রচুর তুষ ছড়িয়ে জায়গাটা  
শুকনো করেছে। সপ পেতে সেখানে বিয়ের আসর। উঠান, ঘরের দাওয়া,  
আনাচ-কানাচ ভরে গেছে নিমন্ত্রিতবর্গে। বর এসে পিঁড়িতে বসেছে।

একজন তাড়াতাড়ি বরাসনের সামনে জলচৌকি এনে দিল প্রমথর বলবার  
জন্ত : বসেন—কত ভাগ্যি আমাদের!

বরকর্তা বরবাজীদলের মধ্য থেকে এগিয়ে এসে প্রমথর পায়ের কাছে হাঁটু  
গেড়ে কৃতজ্ঞলিপুটে বসল।

বিস্মিত প্রমথ প্রশ্ন করেন, কি?

পদরজ দেন একটু। বর হল আমার ভাই। ঠাকুর স্বর্গে গেছেন।  
মনে বড় ভাবনা হয়েছিল, ব্রাহ্মণ অভাবে বিয়ে হবে কেমনে? তা মা-কালী  
আপনাকে নিয়ে এলেন।

সেই লগ্নবাহী লোকটা হল কনের বাপ—এখন বোঝা গেছে। সে বলে,  
জাত-বাওয়া কাণ্ড ঠাকুরমশায়। পুরুত আনতে রওনা হয়ে গেছে পরশুদিন—  
সে লোক এখনো ফিরল না। ঝড়ে বিপদআপদ ঘটল কিম্বা আর কী হল—  
কে জানে।

বরকর্তা বলে, নেমে এইবার আসনে বসেন ঠাকুরমশায়।

প্রমথ ঘাড় নাড়লেন : আমি পারব না তো বাবা। বাদাবনে পড়ে  
থাকি। পুরুতের কাজ করি নি কখনো। মস্তুরতস্তুর কিছু জানা নেই।

বরের ভাই সহসা হকার দিয়ে উঠল : যে পুরুতঠাকুর আনবার জন্ত  
গিয়েছে, তিনিই বা কী এমন দিগ্গজ ভটচাক্কি! ছুটো ফুল ফেলে দিলেই  
হল, মস্তুর বেশি লাগে না আমাদের বিয়েয়।

কন্যাকর্তারও মেজাজ চড়েছে : পৈতেওয়াল! জলজ্যান্ত ব্রাহ্মণ হাজির!  
থাকতে বিয়ে হবে না, এ কি একটা কথার কথা হল!

বর ও কন্যাপক্ষীয় নানাজনের নানারকম মন্তব্য কানে আসে।

ভাবছে, কোন্ জাত কি বৃত্তান্ত—মস্তুর পড়ে শেষটা পতিত হবে নাকি?

না পড়াতে চায়, স্পষ্টাঙ্গটি বলে দিক। তারপরে ক্ষমতা থাকে তো?  
মস্তুর আদায় করে ছাড়ব।

দিয়ে অবাঁক হলো। হই, চকচকে পৈতের বাহার তো খুব !

গরাণের ছিটে জালের স্ততো গলায় পরে বেড়াও তুমি নাকি হে ?

পরিপাটি ঘর। প্রমথ নিঃশব্দে গালি হজম করছেন, এক একবার ঘাড় উচু করে নেই বকডো-হৃদিক তাকিয়ে। ঘরের গোলকধাঁধা। উঠে যদি দৌড় যেন ত্রি-এখন থেকে, এবং এরা কোন রকম বাধা না দেয়, তবু এই ধাঁধা

অতিক্রম করে কিছুতেই নদীকূলে পৌছতে পারবেন না। যত লোক এসেছে বিয়ে উপলক্ষে, সবাই যেন এক এক পাণোয়ান—মেয়ে এবং শিশুগুলো পর্যন্ত। যে কেউ একথানা হাত চেপে ধরলে নড়বার শক্তি থাকবে না।

অতএব জলচৌকি থেকে নেমে মরিয়া হয়ে বসলেন প্রমথ পুরুতের আসনে। যা-ইচ্ছে পড়িয়ে যাবেন দু-দশটা অং-বং জুড়ে দিয়ে। উপায় কি তা ছাড়া ?

কনের নাম বল—

ছ-আঙুলে ঘোমটা একটুখানি ফাঁক করে মুখ টিপে হাসল বিয়ের কনে।

ভমর—ভমরমণি না তুমি ?

রাগ ও আতঙ্ক গিয়ে এবার প্রমথর কৌতুক লাগছে। কাপড়চোপড়ে মোড়া ভমর কতক্ষণ ধরে ঐ রকম আড়ষ্ট কনে-বউ সেজে বসে আছে। বেশ হয়েছে, আচ্ছা জন্ম ডানগিটে মেয়েটা ! প্রমথ মস্ত অতি ধীরে ধীরে পড়াবেন—বিয়ে যাতে অনেকক্ষণ ধরে চরে চলে, ভমরমণির ঘাড় ব্যথা হয়ে যায় নিচু হয়ে বসে থাকতে থাকতে।

আর বর হলগে—ওহে ছোকরা, নাম বল তোমার—

বর সবিনয়ে নাম বলে : শ্রীঅম্বিকাচরণ বিশ্বাস।

একজন পাশ থেকে বলে দিল, ওরে অম্বিক, গড় কর। আরে, আরে—জাড়া হাতে হয় নাকি ? ও বহুপতি, ভাইয়ের হাতে একটা টাকা দিয়ে দাও।

পায়ের গোড়া থেকে প্রণামী টাকাটা তুলে নেবেন কি—প্রমথ অবাঁক হয়ে অম্বিক বিশ্বাসকে দেখছেন। রোগাপটকা তামাটে রঙের নিভাস এক ছোকরা—অম্বিক বলে বিশ্বাস করা সত্যি কঠিন।

ইয়ারগোছের একজন—অম্বিকেরই অন্তরঙ্গ হবে—পান-খাওয়া ছ-পাতি শ্রীত মেলে হাসতে হাসতে বলে, অম্বিককে ধরবার জন্য তল্লাট তো চেষ্টা করেছেন। হেঁ-হেঁ—ধমর রাধি আমর হালদারমশায়।

প্রমথ অম্বিককে বললেন : না-রে বাবা। আমার মেয়ে গেছে ! আমি কেন ধরতে বাব ? আমি কি জলপুলিশ ?



আপোষে ধরা দিল এবারে। ভয়ময়ি ধরে ফেলল। ১।  
দেখে যাচ্ছেন। বলবেন একথা পুলিশের কাছে।

বলে রসিকতার আনন্দে সে হেসে উঠল। প্রমথর বে  
বাদাবনের মধ্যে সেই সন্ধ্যায় ভীমরাজ পাখির মতো হাসিটা।

রাত কেটেছে। প্রভাতের শান্ত নির্মল আলো। আকাশে মেঘের চিহ্ন  
নেই। ঝড়ের সেই উদ্‌ঘাম নদী এখন কাঁচা রোদে ঝিলমিল করছে।  
একঝাঁক বক উড়ে যাচ্ছে নদী পার হয়ে ধানবনের উপর দিয়ে অদূরে আরণ্য  
ভূমির দিকে। তাদের উড়ন্ত ছায়া নিম্নরক্ত নদীজলের উপর দিয়ে পলকে  
অদৃশ্য হয়ে গেল।

চরণদাস ও প্রমথ বোটে এসে উঠলেন। মুখ-বাঁধা একটা হাঁড়িতে  
চরণদাস নাড়ু নিয়ে এলেছে দাঁড়িদের জন্ত। প্রমথর হাতে চুরি-বাওয়া  
বন্ধুকা। দক্ষিণান্তের সময় যত্নপতি দশ টাকা দিয়েছে। অধিক বিশ্বাস  
সেই সময়টা বন্ধু এনে পদপ্রান্তে রেখে দিল।

বোট ছাড়ল। চরণদাস বড় খুশি। অভাবিত ভাল খাওয়াদাওয়া হয়েছে  
রাত্রে, প্রচুর আদর-আপ্যায়ন। ভরপেট নাড়ু খেয়ে দাঁড়িদেরও ক্ষুধা খুব।  
হাতে হাতে হুকো চলছে, চরণদাস অবধি পৌছল। বগল এবং একটা  
পায়ের সহযোগে হাল ধরে আয়েস করে সে তাঁমাক খাচ্ছে। কয়েক টান  
টেনে প্রমথর কথা মনে পড়ল : ইচ্ছে করবেন নাকি কর্তা ?

প্রমথ জবাব দিলেন না। তাঁটা সরে জল দূরবর্তী হয়েছে, অনেকটা  
কাদা ভেঙে বোটে উঠতে হল। গলুইয়ে পা ঝুলিয়ে বসে তিনি কাদা-মাখা  
পা ধুচ্ছেন। ধুচ্ছেন তো ধুচ্ছেনই—আর তাকিয়ে রয়েছেন বকডোবার  
অপস্মরণ্য বসতিগুলোর দিকে। চরণদাসের কথার জবাব দিলেন না।  
কানেই যায় নি হয়তো তার কথা।

সহসা তিনি পুলকিত হয়ে উঠলেন। যা ঐ বলেছিল—ধরা পড়েছে বটে  
অধিক, ভয়ময়ির নাগপাশে বাঁধা পড়েছে। ভাল হয়েছে, বড় শক্ত ঘানি।  
পলাপলি খাটবে না ও-মেয়ের কাছে। কাজকর্ম ফেলে প্রমথদের আর উদ্যত  
হয়ে ছুটতে হবে না অধিকের পিছু-পিছু। অধিকের বিয়েই গোঁরোহিত্য  
প্রমথর পক্ষে অপমানের বটে, কিন্তু অধিকও জব্ব হয়েছে মোটের উপর।  
তাঁরা এর সিকির সিকিও জব্ব করতে পারতেন না। বড় জোর মাল হয়েকের  
জেল হত—আর ভয়রের এই কয়েদখানায় থাকতে হবে সমস্ত জীবনকাল।  
রুদ্ধে পড়ে, অধিক তাই জোয়াই-বন্ধু ঝিলিয়ে দিল।

ঠে হাঁক দিলেন, ওরে বাবা চরণদাস, কলকেটা দিস একবার ।  
: কিছু ?

## মায়াকণ্ঠা

প্রসন্ন আমার বাল্যবন্ধু। দায়ে পড়ে তার চাকরি নিয়েছি। তবে সে লোক ভাল। আমি কর্মচারী, সে মনিব—বাইয়ের লোক আপনারা কোনক্রমে বুঝতে পারবেন না। যেন বন্ধুই আমি, খাতিরে তার কাজকর্ম করে দিই। মাসান্তে হঠাৎ একদিন খানকয়েক নোট আমার পকেটে গুঁজে দিয়ে চট করে সরে পড়ে। এই হল মাইনে দেওয়ার প্রক্রিয়া।

স্বন্দরবন অঞ্চলে হরিপ্রসন্নর অনেকগুলো চক। নতুন আইন পাশ হল, এবারে জমিদারি গুটিয়ে নেবার পালা। কতক জমি বিক্রি করে, কতক বা বেনামি করে, আর কতকটা জায়গায় বাগান পুকুর ইত্যাদি বানিয়ে তড়িঘড়ি যতদূর বের করে নেওয়া যায়। এরই তোড়জোড়ে আজকাল বাদাবনে তার ঘন-ঘন যাতায়াত।

একবার আমায় বলল, বাবি ?

অর্থাৎ ইচ্ছা-অনিচ্ছার প্রশ্ন নয়, যেতেই হবে। কবিকে নিয়ে মুশকিল—কার কাছে রেখে যাই ? দুর্ভাগা মেয়ে, ছ-মাস বয়সে মা হারিয়েছে, আমিই মা-বাপ দুই হয়ে দেখাশুনো করি। খুড়িয়া সম্পর্কের একজনকে অনেক বলেকয়ে এবং নগদ কুড়ি টাকা হাতে দিয়ে দশ দিনের কড়ারে মেয়েটাকে গছিয়ে রওনা হলাম।

বৈশাখ মাস। যা গরম পড়েছে—গাঙে খালে কয়েকটা দিন তোফা ছাওয়া খেয়ে বেড়ানো যাচ্ছে। এটা উপরি লাভ। স্বন্দরবন শুনে ভাববেন না বনজঙ্গলই শুধু। জঙ্গল তো বটেই—হঠাৎ তার মধ্যে দেখবেন, পশুর কাজ করা প্রায়-অভয় পাকা-কুঁহুরি—মহারাজ প্রতাপাদিত্যের কোন অস্থচর বানিয়েছিল। হয়তো রয়্যাল-বেঙ্গল টাইগার ইদানীং মহানন্দে বিনা-ভাড়ায় তথায় সগোষ্ঠী বসতি করছে। কখনো বানজরে পড়বে অনেকটা ফাঁকা জায়গা—হাসিল হয়ে সেখানটা আবাদ হচ্ছে। কিংবা নদী-খালের ধারে দেখতে পাবেন ছোটখাটো দিবিয় একটা গ্রাম। কাছাকাছি বনকর-অকিস, তাকে ঘিরে মাছের খরবাড়ি তুলেছে। অথবা গ্রামের মতন দেখেই সরকাসি অকিস বসিয়েছে সেই জায়গায়। নৌকো নিয়ে বেরিয়ে পড়ুন না—অচেনে দেখে আছেন, কতটুকুই বা পথ আপনারদের জায়গা থেকে।

প্রথম আমরা শিবনগর কাছারিবাড়ি উঠলাম। নায়েবের সঙ্গে সেহা-কড়ম্,

রোকড়-খতিয়ান নিয়ে বিষম আয়োজনে হিসাবপত্র চলছে। কিন্তু জানি তো হরিপ্রসন্নকে! ছটকটে স্বভাবের মানুষ—দিন চারেক পরে বিরাট কড়া-খাতা হঠাৎ সশব্দে বন্ধ করে বলল, এদিকে ভালই হচ্ছে নায়েবমশায়, হাঁসখালি-চকের কী গতিক একবার দেখে আসা দরকার। ভাতে-ভাত চাপিয়ে দিতে বলুন—এই তাঁটার বেরিয়ে পড়ব।

এই হাঁসখালি যাওয়ার পথেই কাণ্টা ঘটল। কুঙ্কণের যাত্রা—বাপ-ঠাকুরদার পুণ্য প্রাণে বেঁচে এসেছি। কিংবা বলব, পরম লগ্নে বেরিয়েছিলাম—ভাবে আঁজও রোমাঞ্চ লাগে। বলছি—অত তাড়াবেন না। বলবার জন্তেই তো আসার সাজিয়ে বসলাম।

ছপুরবেলা আমাদের পানসি এক পাশখালি দিয়ে যাচ্ছে। গোটা দুই বাঁক পার হতে পারলে বড়-গাও। হরিপ্রসন্ন থামতে ইশারা করল মাঝিকে। হামেশাই জ্বলে আসে, ঝাঁকু শিকারি—আমরা চতুর্দিকে নিরুন্ম নিঃসাড় দেখছি, তার মধ্যেই সে জন্ত-জানোয়ারের চলাচল টের পেয়েছে।

পানসি এক হৈতাল-ঝোপের আড়ালে নিয়ে রাখল। পনের-বিশ মিনিট যায়, বন্দুকে টোটা ভরে হরিপ্রসন্ন জ্বলের দিকে তাক করে আছে। তার পরে হুড়ুম-হুড়ুম। হরিণ পড়েছে। সঙ্গে সঙ্গে সে ও লাফিয়ে পড়ে জ্বলে। এ রকম যাওয়া ঠিক নয়—কিন্তু স্ফূর্তির চোটে বাদার নীতিনিয়ম ভুলে গেছে।

টানাটানি করে শিকার তো নৌকোয় তুলল—বাঁকের মুখে এমন সময় মোটরলঞ্চ। শিকারের লাইসেন্স নেওয়া নেই, তার উপরে মাদি-হরিণ পড়েছে—হেন অবস্থায় বনকের লঞ্চার স্ফামনে পড়া আর বাঘের মুখে পড়া একই কথা। হরিপ্রসন্ন তা বলে ঘাবড়ায় না। যেন ওদেরই প্রতীক্ষায় ছিল। সোম্মাসে চিংকার করে উঠল : বড্ড বাঁচিয়ে দিলেন মশায়রা। নয়তো নৌকো নিয়ে বেগোন ঠেলতে হত আপনাদের অফিস অবধি। ফিস্টি হবে—দাড়িওয়ালা সেই লোকটা আছে তো, সেই যে আহা-মরি মাংস রাঁধে? হরিণটা লঞ্চে তুলে দাও হে—

হরিণ তোলবার আগে নিজেই উঠে পড়েছে। আমাদের হাঁক দিয়ে বলে, বড়-গাও বেরিয়ে বিষখালির মোহানায় চাপান দিয়ে থাকগে। নিষেধ ফেল না, তোমাদেরও ফিস্টি—রাঁধা-মাংস নিয়ে আসব। শুধু উলুনে চাটি ভাত চাপিয়ে রেখ, ব্যস!

সে হল ছপুরবেলার কথা। এক পহর রাত হয়ে গেল, পেটের ভিতর বাপাস্ত করছে—না হরিপ্রসন্ন, না তার আহা-মরি মাংস। সারাদিন বড্ড খকল গেছে, পাশখালিতে জল ছিল না—কাদায় নেমে তিন-চার মাইল

নৌকো ঠেলেছি। মাঝিমাঝারা সন্ধ্যা থেকে নাক ডাকাচ্ছে। একা বলে-  
বসে আমিও কখন শুয়ে পড়েছি—একদম কিছু জানি নে।

পানসি হেলছে ছুঁছে—ঘুমের মধ্যে এক সময় টের পেলাম। অর্থাৎ  
জোয়ার এসে গেছে। বাচ্চাকে দোলনায় চাপিয়ে মা যেমন দোলা দেন,  
ঠিক তেমনি। মন্দ লাগে না। খানিক এমনি গেল। হেঁড়া-হেঁড়া স্বপ্ন  
দেখছি—

হঠাৎ মাঝি টেচিয়ে ওঠে : সর্বনাশ হয়েছে—নৌকো বানচাল !

লাকিয়ে উঠে বসে আতঙ্কে খরখর কাঁপি। জোয়ারের টানে কাছি ছিঁড়ে  
নৌকো তীরের মতন ছুটছে। নোনা জলের তরঙ্গ অঙ্ককারের মধ্যে সাদা  
দাঁত মেলে হাসছে খলখল শব্দে। যা অবস্থা, সবস্বচ্ছ এতক্ষণ জলতলে যাই  
নি সেই তো আশ্চর্য !

মাঝি হাল চেপে ধরে সামলাতে গেল তো মড়াং করে হাল ছুই খণ্ড।  
চরমক্ষণের অল্পই আর বাকি। হাত-পা কোলে করে সমুদ্রটুকু কাটিয়ে দাও  
—কোন-কিছুই করবার নেই। জলের কল্লোলধ্বনি আমার রবির কান্নার  
মতন লাগছে। করাল অঙ্ককারের পার থেকে রবির কান্নাভরা ডাক শুনি  
যেন : বাবা গো, ও বাবা—

ঘন অঙ্ককারে কোন জায়গায় কী অবস্থার মধ্যে ছুটছি, বোঝবার জো  
নেই। পাগলা হাতির মতো মাথা নাড়তে নাড়তে নৌকো হঠাৎ গতি বন্ধ  
করে দাঁড়াল। পাড়ে লেগেছে, লতাপাতায় আটপেটিটে জড়িয়ে কাছি-বাঁধার  
মতো হয়েছে। এমন তো হয় না—বেঁচে গেলাম তবে নাকি ? টেমি জেলে  
চৌধুপি-লঠনের মধ্যে পুরে উঠু করে ধরলাম। ছটো উদ্বেগ—কোথায় কি  
ভাবে আটকে আছি, তার কিছু হদিশ পাওয়া। আর জায়গাটা যদি গরম  
অর্থাৎ ব্যাঙ্গস্কুল হয়, আলো ধরে জানোয়ারদের ভয় দেখানো।

মস্ত এক বাঁকের মাঝামাঝি কি গতিকে কিনারায় এসে পড়েছি। যে  
জোরে আসছিল, পাড়ে ধাকা খেয়ে পানসির তো কুচি-কুচি হয়ে যাবার কথা।  
কিন্তু বুঝে লতা জালের মতো আটকে ধরল। বিধাতাপুরুষ আমাদের বেমক  
পরমায়ু দিয়েছেন, এই থেকে বোকা যাচ্ছে।

গাঙের পাশাপাশি দীর্ঘ বিলগিল এক বস্তু—বাঁধ বলে তো মনে হচ্ছে।  
আরে—মাহুস কথা বলছে। মানবেলায় এসে পড়েছি তবে তো !

ক্ষুভিতে নেমে পড়লাম। বিস্তর গোলঝাড়—সেগুলো পার হয়েই বাঁধ।  
কড়. ওড় কেওড়াগাছ জায়গাটার আধার জমিয়ে তুলেছে। বাঁধের ওধারটা

একেবারে ফাঁকা। মেঠো-জমি ভেঙে হনহন করে কারা আলছে, অনতিদূরে পনের-বিশ জন। বিলের মুক্ত বাতাসে ওদেরই কথাবার্তা কানে গিয়েছিল।

এসেই ধমক দিয়ে ওঠে আমার উপর : আচ্ছা মাহুষ! আঘাটায় নেমে পড়ে লঠন দেখাচ্ছে। সন্ধ্যা থেকে আমরা হা-পিত্যেশ পথ তাকিয়ে আছি। এস, চলে এন—

কোথায় ?

পালোয়ান গোছের এক ব্যক্তি হকার দিয়ে উঠল : কোথায় যেন জানেন না! আকাশ থেকে পড়লেন।

আকাশ থেকে পড়ি নি, জোয়ারের টানে এসে পড়েছি। সত্যিই আমি কিছু জানি নে।

থাক, থাক। জাত-বাওয়া কাণ্ড—রাতছপুরে উনি এখন রক্তরস শুষ্ক করলেন।

হাত ধরল। উঃ, উঃ—হাড় যেন গুঁড়ো হয়ে যায়। লোকটা হাত ছেড়ে দিয়ে ব্যঙ্গের স্বরে বলে, ননীর পুতুল! গুটিগুটি অমন পা ফেললে হবে না, জোর কদমে চল। লগ্নের আর দেরি নেই।

পাকা-গোঁফ এক প্রবীণ মাহুষ এগিয়ে এসে হাতের লাঠিটা আমার হাতে গুঁজে দিলেন। ভাল মাহুষ তিনি, কোমল কণ্ঠে বললেন, তোমার লঠনটা আমার হাতে দাও দাদাভাই। অজানা পথ—লাঠি ধরে সাবধান হয়ে আমাদের সঙ্গে এস।

চোখ রগড়ে পরখ করি, ঘূমের ঘোরে স্বপ্ন দেখছি না তো? সকাতরে বললাম, লগ্ন—কিসের লগ্ন? বুঝতে পারছি নে, কেন যেতে হবে আপনাদের সঙ্গে।

হেসে উঠলেন সেই প্রবীণ মাহুষটি : ও রামনারায়ণ, শোন শোন—নাভজামাই কেন আমাদের সঙ্গে যাবে, বুঝতে পারছে না। ছনিয়ার এত মূল্য থাকতে শোলানায় কেন এসে পড়ে, তা-ও বোধহয় জানে না।

হো-হো হা-হা বহু কণ্ঠে উচ্ছল হাসির ধ্বনি। একজন বলল, মশালগুলো ধরিয়ে ফেল হে! ভূতপ্রেতের মতন গাছতলায় দাঁড়িয়ে আছ, বর ভয় পেয়ে যাচ্ছে।

আমার সেই লঠন খুলে একে একে টেমিতে মশাল ধরিয়ে নিল। হ-হ করে হাওয়া দিচ্ছে, মশালের আলো কাঁপছে কালো কালো মূর্তিগুলোর উপর। প্রবীণ লোকটি বললেন, আগে-পিছে মশাল ধর। মেঠো-পথ—হোচট-নাথায়। নাভজামাই হাঁটিয়ে নিয়ে বাড়ি ভুলতে হচ্ছে। তোমারই দোষ

লাদাভাই। ষোলবেহারার পালকি ঘাটে বসে আছে এখনো। খবরাখবর করে তাদের নিয়ে আসবার সময় নেই। উঃ, যা কষ্টটা দিয়েছ! বসে বসে বিরক্ত হয়ে শেষটা ওরা বলল, গাঙের কিনারা ধরে এগিয়ে দেখা যাক। তাইতে তোমায় পেয়ে গেলাম।

মাঠে নেমে পড়েছি এখন। একবার একটু বলি, নৌকোর ওঁদের কিছু বলা হল না—

যা বলবার আমরা বলব। যেতে বলা হচ্ছে, তাই চল না তাড়াতাড়ি।

অধিক তর্ক করবার তাগত নেই। একটিবার হাত ধরেছিল, তার জলুনি খামে নি এখনো। রহস্যময় লোকগুলো আমায় ঘিরে নিয়ে চলল। কোথাও খানাখন্দ, কোথাও আ'ল-পথ, কোথাও বা ধান কেটে-নেওয়া জমির উপর দিয়ে চলেছি। যাচ্ছি তো যাচ্ছিই—দম-দেওয়া এক কলের-পুতুল হয়ে চলেছি।

অবশেষে পাড়ার মধ্যে এসে পড়লাম। তেমাথা পথের উপর তেঁতুলগাছ। অদূরে বাড়ির উঠানে সামিয়ানা খাটানো, বিস্তর লোকের আনাগোনা। অকুস্থলে পৌঁছে গেছি।

বর নিয়ে এসেছি!

অমনি ঢোল-কঁাসি-শানাই বৈজে উঠল কোনদিক থেকে। উলু দিচ্ছে মেয়েরা, শাঁক বাজছে। মাঠের দিককার আকাশে শৌঁ-শৌঁ করে হাউই উঠে তারা কাটছে।

কতাপক্ষ অবস্থাপন্ন। বিয়ের আসর খালা সাজিয়েছে। কাচের ইাড়ি ঝোলানো সারি সারি, বাতি জেলে দিয়েছে। রূপো-বাঁধানো হাঁকোগুলো লোকের হাতে হাতে ঘুরছে—হাঁকোদানের উপর বড় একটা বসতে পায় না। গোলাপজল ছিটোচ্ছে ঘন ঘন।

পুরুত তৈরি হয়ে আছেন। উঠোনে গিয়ে দাঁড়াতে তিনি আর-এক দফা বকতে লাগলেন : ছি-ছি, বড্ড ছেলেমানুষ! একটু যদি কাণ্ডজ্ঞান থাকে তোমাদের! জাত মারবার জো করেছিলে, আর দেরি কোবো না, বরাসনে বসে পড়।

আত্মাভিমান হঠাৎ মাথা চাড়া দিয়ে ওঠে। রবির মুখ ভেসে উঠল মনের উপর। মৃত্যুপথযাত্রী রবির মা'র সেই বাচ্চা মেয়েকে আমার কোলে তুলে দেওয়া!

মাকন, কাটুন, যা ইচ্ছে করুন—কিছুতে আমি আসনে বসছি নে। গায়ের জোরে বিয়ে দেবেন নাকি?

এক-উঠোন লোকের মধ্যে কেউ চটে না। হালে, ঘেন ভারি এক মজার

অভাব-অনটন রইল না। তুমি মনিব হলে, কর্তা হলে— আমি তো দাসীবাঁদী আছিই, সকলে তোমার হুকুমবরদার হয়ে কাজকর্ম করবে।

না না, কবি তবে ভেসে যাবে নাকি ?

ভয়ে ছিল পদ্ম, উঠে বসল। খুঁটিয়ে খুঁটিয়ে জিজ্ঞাসা করে কবির কথা খানিকক্ষণ। তারপর গুম হয়ে থেকে আস্তে আস্তে দরজা খুলে বাইবে চলে গেল।

সামনে রোয়াক। রোয়াক পার হয়ে কোন দিকে সে অদৃশ্য হয়ে গেছে। চাঁদ উঠেছে, খোলা দরজায় এক ফালি জ্যোৎস্না ঘরের মধ্যে এসে পড়ল। জ্যোৎস্নায় ফিনিক ফুটছে, দিনমানের মতো পরিষ্কার।

পদ্ম ফিরে এল একআঁচল স্বর্ণচাপা নিয়ে। স্নগন্ধে ঘর ভরে গেছে। বলে, নিচু ভালে অনেক ফুটে ছিল। তোমার ভগ্নে তুলে নিয়ে এলাম। নাও।

দু-হাত পেতে নিলাম। অঞ্জলি ভরে গেল। ফৌস ককে এক দীর্ঘশ্বাস ফেলল পদ্ম। আমার বুকের মধ্যে মোচড় দিয়ে ওঠে। বললাম, তুমি ভাল পদ্ম—তোমার ভগ্ন সমস্ত ছাড়তে পারি। কেবল সেই আমার মা-হারী মেয়ে—কেউ নেই তাকে দেখাওনো করবার। পাঁচ ছয়োরে ঠেলা খেয়ে মরবে। আসবার সময় দু-হাতে আমায় জড়িয়ে ধরেছিল, হাত ছাড়িয়ে দিয়ে চলে এলাম।

আবার বলি, রাগ করলে পদ্ম ?

জবাব দিতে গিয়ে পদ্মর কথা ফোটে না। জ্যোৎস্নার আলোয় মুখখানা উচু করে তুলে ধরি। বললাম, কী ভাবছ তুমি বল—

চল, কথা বলতে বলতে যাই।

কোথায় ?

এস না। এদের কথায় এদুর আসতে পারলে, আমার কথায় যাবে না কেন ?

বিয়েবাড়ি এখন শান্তিতে বেহুঁশ হয়ে ঘুমুচ্ছে, একটি মানুষ ভেগে নেই। তেমাখার তেঁতুলগাছ ছাড়িয়ে দুই চোর আমরা টিপিটিপি চলেছি। আরও খানিক এগিয়ে পদ্মর এবার গলা ফুটল। আহা, গানের স্বরও এমন মিঠা হয় না। বলে, কবির কথা ভাবছি। মা না থাকার কষ্ট বুঝি। আমারও মা নেই— ছিয়াত্তুরে মম্বন্তরে মারা গেলেন। তখন আমি একেবারে চোট, ঝাপসা-ঝাপসা মনে পড়ে। বাবা আর গাঁয়ের মামুষরা ঘুরতে ঘুরতে শেষটা এই দক্ষিণ দেশে খান-চালের আবাদে এসে নতুন করে ঘরবাড়ি তুললেন।

আমি বললাম, ছিয়াত্তুরে নয়—পঞ্চাশের মম্বন্তর। তোমার তুল হচ্ছে।

এই তো সেদিনের কথা—ভুল হবার কী আছে! পলাশিতে নিরাজ্জদৌলার নবাবি গেল, তার কিছু পরেই তো!

পদ্ম পাগল নাকি তবে? এতক্ষণের এত কথাবার্তায় টের পাই নি। চলার ধরনেও মনে হচ্ছে পাগল বটে! হাত ধরে যেন উড়িয়ে নিয়ে চলেছে আমায়।

আমি বলি, আশ্বে, আশ্বে—

পদ্ম আকাশের দিকে তাকায়। শুকতারার উঠে গেছে। আরও ব্যস্ত হয়ে ওঠে, গতিবেগ আরও বাড়ায়। বলে, সকাল হয়ে গেলে আর তুমি যেতে পারবে না। কোনদিন যাওয়া হবে না। এস, এস—বাঁধে উঠে পড়বে ভোর হওয়ার আগে।

পায়ে কত কাঁটা ফুটল, নখ ছিঁড়ে গেল উচু-নিচু মাটিতে আঘাত লেগে, শামুকে পা কাটল জলের মধ্য দিয়ে যেতে। সে যে কত পথ চললাম, তার হিসেব নেই। অবশেষে বাঁধ দেখতে পাচ্ছি—বাঁধের উপরের সেই গাছগুলো।

বাঁধের নিচে এনে পদ্ম হাত ছেড়ে দিল। বলে, দাঁড়াও একটু।

তুই পায়ে মাথা গুঁজে সে প্রণাম করল। অনেকক্ষণ ধরে করছে, ওঠে না।

সন্মুখে তাকে বৃকের মধ্যে নিয়ে বলি, আবার দেখা হবে পদ্ম। আমি আসব।

গাছে চড়ার মতন হু-হাতে ধরে ধরে উচু বাঁধে উঠছি। নোনা নদী ঝিক্‌ঝিক করছে গোলঝাড়ের ওদিকে। গা শিরশির করে ওঠে—বড্ড শীত।

পদ্ম, জয় আলার মতন মনে হচ্ছে। কাঁপুনি লেগেছে।

কোথায় পদ্ম! তাকিয়ে দেখি, কেউ কোথাও নেই। বাঁধের আড়ালে পালিয়ে কৌতুক করছে বৃষ্টি!

পদ্ম, পদ্মরাগী—

মুক্ত আকাশ-তলে গাঙের কিনারে শীতে কাঁপতে কাঁপতে কত ডাকলাম। পদ্ম যেন বাতাসেয় সঙ্গে মিশে গেছে।

সকাল হল। দিনের আলোয় মাঠের দিকে তাকিয়ে অবাক। মাঠ কোথা, বিগল জলাভূমি। কিন্তু আমি যে এই কেওড়াগাছ-তলা থেকে ডাইনে নেমেই বিয়েবাড়ি গিয়েছিলাম। ভুল হবে কেমন করে? ঠোঁকর খেয়ে ডান-পায়ের নখ উঠে গেছে। আর জামার পকেট ভর্তি পদ্মর দেওয়া স্বর্ণচাপা। জলের মধ্যে, আর যাই হোক, স্বর্ণচাপা ফোটবার কথা নয়।

কপাল ভাল—বিকালবেলাই নৌকো পেয়ে গেলাম। গোলপাতা কাটতে এসেছিল, ফিরে যাচ্ছে। নৌকো না পেলে রাত্রিবেলা জলজলের মধ্যে



বাঘের পেটে না-ও যদি যাই—অস্নাত অভুক্ত অবস্থায় কার্তিকমাসের নতুন হিমে কেওড়াতলায় নিশ্চয় মরে পড়ে থাকতাম। আরও এক তাক্সব—কাল লবে এসেছি, একদিনের মধ্যে বোশেখ থেকে কার্তিকমাসে পৌছই কি করে ?

দুকড়ি মাঝি মাতলায় থাকে। এ ক’দিন অনেকের সঙ্গে এই গল্প করেছে। নৌকো থেকে ডাঙায় পা দিয়েই দুকড়ির কাছে গেলাম। বাদাবনের সকল স্থলুকসন্ধান তার নখদর্পণে। এখন শক্তিসামর্থ্য নেই, আর বাদায় যেতে পারে না, দু’হাঁটুর মধ্যে মুখ গুঁজে বসে বসে তামাক টানে। লোকজন কাউকে পেলে বাদাবনের গল্প শোনায়।

দুকড়ি বলে, জায়গাটা চিনলাম—শোলাদানার বাঁওড়। শোলাদানা বলে জমজমাট এক গাঁ ছিল—ভূমিকম্পে বসে গিয়ে বাঁওড় হল সেখানে। পুরো গ্রামই আছে জলের তলে, দায়ে-দবকারে কখনোসখনো ভেসে ওঠে। শোলাদানায় গিয়ে ভূমি যে আবার ফিরে এলে—এমন কখনো হয় না। জোর কপাল বটে তোমার !

## তিমিঙ্গিল

বিধুর মা’র কথা মনে পড়ে। আশি-পঁচাশি বছরের বৃদ্ধি—বিশ-পঁচিশ পা হেঁটে ধপাস করে পথের মাঝখানে বসে পড়েন। লাঠি খসে পড়ে হাত থেকে। দুই হাঁটুর মাঝে মাথা রেখে সামলে নেন কিছুক্ষণ। লাঠি ভর দিয়ে আবার ওঠেন, ঠুকঠুক করে আবার হাঁটেন।

দৌর্দগ্ধতাপ হীরালাল পণ্ডিত—তিনি অবধি এই মানুষের ভয়ে কম্পমান। হীরালাল মানুষটা ভালো, কিন্তু মারখুটে স্বভাবের। মেরে একটু হাতের স্থখ করব না—তবে আর সারা দিনমান পাঠশালা জমিয়ে বসে থাকা কেন ? মনোভাব পণ্ডিতমশায়ের এই প্রকার। সবচেয়ে লঘু শাস্তি মধুমোড়া—দুটো আঙুল সাঁড়াশির মতো গায়ের উপরে চেপে ধরে মোড়া দেওয়া। দিচ্ছেন, আর সেই সঙ্গে উৎকট আনন্দে প্রশ্নের পর প্রশ্ন : মিষ্টি লাগছে ? কেমন মিষ্টি—মধুর মতো ? খাবি আর ?—লজ্জা কেন রে, খা, আরও খা—

আরও নানাবিধ প্রক্রিয়া। সব এখন মনে নেই। তবে জোড়া-কঞ্চি কোনদিন ভুলব না। কবিরাজি-ওষুধ আর অহুপান এক সঙ্গে চলে, এ জিনিষও তাই। বাঘাবিছুটি যুগল-কঞ্চির গায়ে গায়ে জড়ানো। কঞ্চির ঘা আর বিছুটির আলা একসঙ্গে।

চাঁপসারে আমরা খুব শাপশাপান্ত করতাম : আচ্ছা, যেহে নিন এবারে।  
ভগবান দেখছেন, সমস্ত তোলা রইল। পরের জন্মে আমরা হবো পণ্ডিত,  
উনি পড়ুয়া। তখন মধুমোড়া-টোড়া নয়, স্নেহ জোড়া-কঞ্চি। পড়া না  
পারলে মার, পারলেও মার। ছাড়াছাড়ি নেই।

সকালবেলা পাঠশালার গুরুতেই ভূপতি ‘আর করব না’ ‘আর করব না’—  
বলে চিৎকার করছে। নতুন কিছু নয়, নিত্যদিনের ব্যাপার। ভূপতির  
বাপ ছেলের হাত ধরে পরম যত্নে পাঠশালায় এনে বসিয়ে দফায় দফায় নালিশ  
বলতে থাকেন। হীরামাল পণ্ডিত গভীর মনোযোগে শোনেন। তারপরে  
কিছুক্ষণ চিন্তাধিত—অপরাধ অজ্ঞবায়ী শান্তিটা কোন প্রক্রিয়ায় হওয়া উচিত।  
ভেবে নিয়ে উঠে দাঁড়ালেন তিনি। ভূপতি আগে থেকেই চোঁচাচ্ছে। মার  
পিঠে পড়েনি—সমানে চোঁচিয়ে যাচ্ছে : আর এমন করব না পণ্ডিতমশায়।  
কোনদিনও না। এই কান মলছি, নাক মলছি—

কথার ঠিক রাখে ভূপতি। পরের দিনের ফিরিস্তিতে এই অপরাধগুলো  
নেই। মাথা থেকে নতুন নতুন বের করেছে। পিতৃদেব দফায় দফায় বলে  
গেলেন। পণ্ডিতের অভঃপর জলচৌকি থেকে গাত্রোত্থান ও ভূপতির  
চিৎকার। কাল, পরশু, পরশুর আগের দিন এবং বরাবর যেমন হয়ে এসেছে।

একদিন এমনি চলছে। সজনেতলায় বসে বিধুর মা সজনেফুল  
কুড়োচ্ছেন, নজরে আসেনি কারো। চিৎকার শুনে লাঠি হাতে তুলে তড়াক  
করে দাঁড়িয়ে পড়লেন। বয়সে কুঁজো হয়ে গেছেন, কিন্তু হঠাৎ যেন মস্তবলে  
ছিলা-ছোঁড়া ধনুকের মতো খাড়া। ক্ষত চলে আসেন পাঠশালার উঠানে।

ও খুনে পণ্ডিত, সকালে সবাই ভগবানের নাম করে—আর তুমি ছেলে  
ঠেঁঙাচ্ছ ?

কণ্ঠস্বর খাদে গুরু হয়ে ধাপে ধাপে চড়ে ওঠে। বিধুর মা’র কলহের এই  
রীতি। সবাই জানে। ভূপতির পিতৃদেব প্রমাদ গণে দাওয়া থেকে এক  
লাফে উঠানে পড়ে পা চালিয়ে দিলেন। উত্তেজনায় কাঁপছিলেন হীরামাল-  
পণ্ডিত। পলকে হিম হয়ে চৌকির উপর বসে পড়লেন। করুণ কণ্ঠে বলেন,  
ঠেঁঙানি কোথা দেখলে ঠানদি ? ছোঁড়াটা বড় ত্যাঁদোড়, গায়ে হাত না  
পড়তেই ঝাঁড়ের ডাক ডেকে পাড়া জানান দেয়। তোমায় দেখে গলা  
কাটিয়ে কাঁদছে।

কাঁদছে একটু, তা-ও বুঝি সহ হয় না পণ্ডিত ? দেবি কিসের—গলা টিপে  
ওটুকুও শেষ করে দাও।

আরত্তের মিনমিনে কণ্ঠে এখন রীতিমতো ঝাঁজবটার আওয়াজ।

জরাজীর্ণ দেহে এতখানি গলার জোর কী করে সম্ভব, সেই এক ভাব্জব। মজার গন্ধ গেয়ে পাড়ার মানুষ উঠানে ভিড় করছে। লাঠিতে দেহভার রেখে বিধুর মা পৈঠা বেয়ে তরতর করে দাওয়ার উপর উঠলেন। জয় নারদ, জয় নারদ— লেগে যাক বুড়ি আর হীরালালপণ্ডিতে! পাঠশালা-ঘরে আমরা পড়ুয়ার দল এবং উঠানে গাঁয়ের নরনারী নিম্পলক হয়ে আছি। বেধে যাক ধুমুয়ার!

দাওয়ায় উঠে বিধুর মা ভূপতির পিঠে দিলেন এক লাঠির বাড়ি। তারপর বাড়ির পর বাড়ি পড়তে লাগল। আড়ম্বর ভীষণ, কিন্তু বুড়িমাছুষের হাতের কী আর জোর—পিঠের ধুলো ঝাড়া হয়ে যাচ্ছে, তার বেশি কিছু নয়। ভূপতিও কায়দা পেয়ে গেছে। কান্না ছেড়ে এবার গৌ-গৌ আওয়াজ তুলেছে মুখে। এবং চটকটানি মাটিতে পড়ে। তারই মধ্যে বিধুর মা অবিরত হুকার ছাড়ছেন: মর, মর, এম্মনি মরে যা তুই, হীরালালপণ্ডিতের ফাঁসি হোক।

উঠানের কেউ কেউ রসিকতা করে: পণ্ডিতমশায়ের কেন, ফাঁসি তোমার হবে ঠানদি। পিটিয়ে পিটিয়ে তুমিই মেরে ফেলছে। আমরা সব সাক্ষি দেব।

ভয়াবহ চেহারা বিধুর মা'র। চক্ষু দুটো বিঘর্ণিত হচ্ছে, খাটো খাটো চুলগুলো খেন সিংহের কেশর। মরবে কি— তার আগে উনিই তো মাথা ঘুরে মরবেন।

জন কয়েক ছুটে এসে বুডিকে ধবে ফেলল: যা হবার হয়েছে, ক্ষেমা দাও ঠানদি। পণ্ডিতমশায় আর মারবেন না, তুমি চলে এস।

হীরালালের মুখ শুকিয়ে এতটুকু। ঘাড় নেড়ে সঙ্গে সঙ্গে তিনি সাফ দিলেন। সবাই বলছে, নেমে এস ঠানদি।

এত কাণ্ডের পরও বিধুর মা'র আক্রোশ যায়নি। বলেন, পাঠশালাঘর পুড়িয়ে দে আগে, পণ্ডিত তাড়', তবে নামব। গোড়া থেকে বলছিলেন আমি—

দম নিয়ে আবার বলেন, গোড়া থেকে মাথা ভাঙছি: পাঠশালাঘর তালে বাসনে তোরা। সর্বশেষে জিনিস—ছেলেপুলে বলিদানের হাড়িকাঠ। খাটল তো?

কাল পণ্ডিতমশায় তিমিমাছের বিষয় পড়াছিলেন। মাছের রাজা তিমি—যাবতীয় মাছ তার উল্লসে যায়। আরও এক জীব আছে নাকি, তিমিজিল—আন্ত তিমি যে গিলে খেতে পারে। বইয়ের কথা নয়—তিমিজিল চোখের উপর দেখতে পাচ্ছি। এই বিধুর মা।

হীরালাল অতঃপর সতর্ক হয়ে গেলেন। হাত উচিয়েছেন ধাক্কা কষে দেবেন বলে—হঠাৎ বিধুর মা'কে দেখে তোলা হাত নামিয়ে নেন। আমরাও মজা পেয়ে গেছি—পণ্ডিতের হাত গায়ে ঠেকানো অবধি আবশ্যক হয় না, তারদ্বারে কান্না জুড়ে দিই। লাঠি ঠুকতে ঠুকতে বিধুর মা অমনি প্রকট হন।

ক্রমশ আরও বেপরোয়া আমরা। তিরিশজনের পনেরো গুণা চোখ আমাদের—চোখগুলো অবিবত বাইরের দিকে ঘুরছে। কাছে বা দূরে বিধুর মা'র একটু ছায়া দেখতে পেলোই হল। হাউ-হাউ করে কান্না জুড়ে দিই। গোড়ায় ছিল একলা ভূপতি—সাহস বেড়ে গিয়ে কায়দাটা এখন সকলে ধরে নিয়েছি।

নিরাপদে পণ্ডিত হয়তো কল্কেয় টিকে ধরাচ্ছেন, কিম্বা ঞ্জত লেখাচ্ছেন। অথবা বেড়া ঠেসান দিয়ে চোখ বুজে তন্দ্রাহুঁথ উপভোগ করছেন। সহসা কান্নার রোল ওঠে। পণ্ডিত চমক খেয়ে ওঠেন : কী হল রে? হল কী? কেঁদে উঠলি কেন রে?

বিচ্ছেদ কামড়েছে পণ্ডিতমশায়।

বেশি কথাবার্তার ফুরসত হয় না। বিধুর মা খেয়ে এসে পড়েন : ও খুন পণ্ডিত, আবার লাগিয়েছ?

কিছু নয় ঠানদি। নাকি বিচ্ছেদ কামড়েছে। বিচ্ছেদ এরাই এক একটা। আগে ছিল না, তোমার আঁস্কারা পেয়ে হয়েছে।

সত্যি তাই। গতিক এমনি, আমরাই যেন পণ্ডিত হয়ে গেছি, পরজন্ম অবধি সবুর করতে হল না—হীরালালই যেন পড়ুয়া। সর্বক্ষণ তটস্থ হয়ে থাকেন। সাহস বাড়তে বাড়তে তারপর আর বিধুর মাকেও লাগে না। হীরালাল হাত তুললেই আর্তনাদ ওঠে। সঙ্গে সঙ্গে হাত নামিয়ে তিনি এদিক-ওদিক তাকান। বিধুর মা নেই কোন দিকে, তবু পণ্ডিত নিঃসংশয় হতে পারেন না। তারপর ফাঁকিটা যখন ধরে ফেললেন, মেজাজ ততক্ষণে ঠাণ্ডা হয়ে গেছে। সে মেজাজ গবম করে প্রহারের উপযোগী করা সময়-সাপেক্ষ। ফলে পাঠশালার পড়াশুনা ঘোলআনা অহিংস হয়ে উঠল।

পড়ুয়ার গায়ে হাত চলবে না, এমন নিরামিষ পণ্ডিতের মানে হয় না। ইন্তকা দিলেন হীরালাল। গায়ের মুকব্বিদের বললেন, বিধুর মা মরুক, তারপর ডেকো তোমরা। সোনামুখ করে আসব। বুড়ি যতদিন বেঁচে আছে, না খেয়ে মরলেও এক কর্মে থাকছিনে।

ক্যাপাটে বিধুর মা বুড়ি। কত হাসাহাসি করেছি। বয়স হয়ে বিধুর গল্পটা শুনলাম। ঐ একমাত্র ছেলে নিয়ে কম বয়সে বিধুর মা বিধবা হয়েছিলেন।

এক বিকালে পাঠশালা থেকে ফিরে বিধু শুয়ে পড়ল। জ্বর এল রাতে। কাল-জ্বর—জ্বর সেরে বিধু আর উঠতে পারল না। মারধোর খেয়ে এসেছিল পাঠশালা থেকে, বিধুর মা'র সেই ধারণা। সন্দেহ মাত্র, প্রমাণ কিছু নেই। ছেলের মৃত্যুর পর থেকে বিধুর মা পাঠশালার নামে মারমুখি। যত বয়স হয়েছে, বিরাগ তত বেশি বেড়েছে।

বিধুর মা'র কথা ভাবি কখনোসখনো। ছেলেবয়সে কত হেসেছি, এখন চোখ যেন ভিজে আসে।

## নরবহন

আমার এই বেবি-অস্টিন দেখছেন। লোকে রটায়, মাতৃগর্ভ থেকে অস্টিনে চড়েই নাকি ভূতলে নেমেছি। এবং অস্টিন নিয়েই পরলোকে পাড়ি দেব। শেষেরটা সম্ভব বটে। যা দুর্ঘটনার বহর—কোনদিন শুনতে পাবেন, মোটরসহ রাস্তার উপর চুরমার হয়ে পড়ে আছি। কিন্তু আগেরটুকু ডাঃ মিথো, কদাচ বিশ্বাস করবেন না। ব্লু-বুক খুলে দেখাতে পারি, উনিশ-শ আটত্রিশের মডেল—আমার জন্মের অনেক পবে এ গাড়ি বানিয়েছে।

হালে তো ফক্সবেনে গাড়ি বানাচ্ছে, এসব জিনিস এখনকার দিনে হয় না। চেহারায় যা ই হোক, আমার অস্টিন বিস্তর অসাধ্যসাধন করেছে। এখনো করে। ছুলালের বিয়ের গল্প বলি। বন্ধুলোক ছুলাল, আমায় দাদা-দাদা করে। বিষয়সম্পত্তি কিছু আছে, কিন্তু আপন বলতে তেমন কেউ নেই। কন্ডাপেক্সের নাকি এমনি বরই পছন্দ। আর ছুলালও এই কনে চায়। সম্বন্ধের শুরুতে নাম ভাঁড়িয়ে নিজ চোখে কনে দেখে এসেছে। দেখে মজে গেছে, আহা-ওহো করে।

বিয়ে আজকে। ব্যবস্থায় খুঁত ছিল না। সদরে গিয়ে বাস ঠিক করে এসেছে—বরের বাড়ি থেকে বর ও বরযাত্রী তুলে নিয়ে বোল মাইল দূরবর্তী বিয়েবাড়ি পৌঁছে দেবে। বাস মথাকালে রওনাও হয়েছিল সদর থেকে, গুটগুট করে আসছিল। গ্রহের ফের—পথের ধারের নয়ানজুলিতে গড়িয়ে পড়ল।

সন্ধ্যা গড়িয়ে গেছে। স্নান করে মুখে পাউডার-ক্রীম ঘষে এবং কপালে চন্দনের ফুটকি দিয়ে ছুলাল প্রায় তৈরি—কাপড়চোপড় বদলে নিলেই পুরোপুরি হয়ে যায়। হেনকালে দুর্ঘটনার খবর এসে পৌঁছল। সেই বাস পথের উপর খাড়া করে তোলা দু-একদিনের কর্ম নয়, আজকের রাতের মধ্যে তো নয়ই। কী করবে করো এবার ভেবেচিন্তে।

আবার কি—অগতির গতি আমি আছি, আমার কাছে এসে পড়ল :  
অস্টিন বের করে দাদা। লগ্ন ছুটো পর্যন্ত—যেমন করে হোক পৌঁছে দিতে  
হবে। নয় তো সর্বনাশ।

গাড়ি আমি এমনই বের করছিলাম। মা'র অসুখ, কেশবপুর গঞ্জ থেকে  
ডাক্তারবাবু আসবেন। গাড়ি করে এনে আবার গাড়িতে তাঁকে পৌঁছে  
দিতে হবে। এই বন্দোবস্ত।

ছুলালের হাতঘড়িতে সময় দেখে মনে মনে হিসাব করে নিলাম। বলি,  
এক কাজ কর ছুলাল। বরষাজী থাকুক গে, তুমি আর পুরুতঠাকুর পায়ে  
পায়ে বেরিয়ে পড়ো। কেশবপুর অবধি এগিয়ে থাকগে—ডাক্তারবাবুকে  
বালায় দিয়ে ঐখান থেকে তোমাদের তুলে নেব। আবার এই বাড়ি অবধি  
ফিরতে হলে দেরি হয়ে যেতে পারে।

ছুলাল বলে, পায়ে হাঁটি কেমন করে ?

সে কি, খোঁড়া হয়ে গেছ নাকি ? নেমস্তন্ন খেতে সেই সাতবেড়ে পর্যন্ত  
দিব্যি তো হেঁটে গেলে, কেশবপুর তার অর্ধেক পথও নয়।

বেজার মুখে ছুলাল বলে, বরাবর কেশবপুর তো হেঁটেই গিয়েছি। যাবও  
চিরকাল। একটা দিন আজ বর হয়েছি, একদিন বই ছাঁদিন নয়—তা-ও  
পায়ে হাঁটতে বল ? তার উপরে রাস্তায় জলকাদা। কাপড়-জামা নষ্ট  
হয়ে যাবে।

কাপড়-জামা-জুতো স্ন্যটকেসে ভরে মাথায় তুলে নাও। কেশবপুর  
পৌঁছে হাত-পা-মুখ ধুয়ে পোশাক পরে বর হোয়ো। কথা তো ছিল বাসে  
চড়ে লাটনাহেবের মতন হর্ন দিতে দিতে কনের বাড়ি হাজির হবে। কপালে  
ভর সইল না।

ডাক্তারবাবুকে আনা এবং পৌঁছে দেওয়ায় বেশ খানিকটা রাত হয়ে গেল।  
ছুলাল দেখি বরপাস্তোর হয়ে কেশবপুর কালীবাড়ির উঠোনে পাকচকোর  
দিচ্ছে, একবার হাতের ঘড়ি আর একবার আকাশের দিকে তাকাচ্ছে।  
মেঘে ধমধম করছে আকাশ।

কাঁদো-কাঁদো হয়ে ছুলাল বলে, ছুটোর পরে আর লগ্ন নেই।

ভাবনা করো না, তার আগে পৌঁছে দেব। উঠে পড়ো দিকি।

ছুলাল বলে, খত্তর বেঁচে নেই, জেঠখত্তর কর্তা। সে বুড়ো বিষম গোঁড়া,  
লগ্নের এক মিনিট হেরফের হলে দেবে না।

কানের কাছে মুখ এনে বলে, আর এক ভয় আছে। অভনী দেখতে  
বড় ভাল কিনা—পুঁটে বলে গায়ের একটা ছোঁড়া ঘুরঘুর করে বেজায়।

জ্যেষ্ঠবয়সের খুব অল্পগত। আমায় হাজির না পেলে পুঁটেকেই হয়তো বরাসনে বসিয়ে দেবে।

বর ও পুরুত ছাড়া আরও একজন গাড়িতে উঠলেন। দুলালের মামা সম্পর্কীয় কাকে জুটিয়েছে—তিনি বরকর্তা। উষেগের বশে দুলাল পিছনে না বলে সামনের সিটে আমার পাশে বসল। গাড়ি ছুটিয়ে দিলাম।

অর্ধেক পথ গিয়ে ঝড় উঠল। আরও জোর, আরও জোর—ঝড়ের আগে আগে বর নিয়ে হাজির দেব। দেখতে দেখতে ঝড় তুমুল হয়ে ওঠে, তার সঙ্গে ছড়ছড় করে বৃষ্টি। সেই যেমন বাইবেলের বর্ণনায় আছে—আকাশের দরজা খুলে দিয়েছে। বৃষ্টি নয়, জলশ্রোত এসে পড়ছে উপর থেকে।

তা-ও হত। ভবলোকদের কস্তাদায় (এবং পাক্সের তরফে আমাদের দায়টাও বেশি বই কম নয়)—আমার বহুদর্শী অস্টিন বুঝি টের পেয়ে গেছে। এত ছুটেতে পারে, ধারণায় ছিল না আমার। বড় মাঠ পার হয়ে গাঁয়ের ভিতর এসে পড়লাম। ঝড়ের প্রকোপ ফাঁকা মাঠে তেমন ঠাহর হয়নি। গাঁয়ে সবনাশ হয়ে আছে—গাছ পড়ে পড়ে পথ আটক। তখন নতুন কাজ হল—টেনেটুনে ভাল সরিয়ে গাড়ির পথ করে নেওয়া। ছোট গাড়ির এই দিক দিয়ে সুবিধা কোনক্রমে একটু ফাঁক করে নিলে ক্ষুদ্রত করে বেরিয়ে পড়তে পারে।

এক জায়গায় এসে অচল হলাম। প্রকাণ্ড গাছ—নড়ানো সরানোর উপায় নেই। না কেটে দিলে পথ হয় না। মোটরগাড়িতে কে কবে কুড়াল রাখে? অদূরে গৃহস্থবাড়ি। তাদের জাগিয়ে তুলে কুড়াল চেয়ে আনলাম। হামেশাই মোটর হাঁকিয়ে বেড়াই বলে তল্লাটের সবাই আমায় চেনে। কুড়াল গাড়িতে রেখে দিই, আরও কত গাছ কাটতে হবে কে জানে

দুলাল বলে, তা ভাল করেছ দাদা। এই কনে যদি ফসকে যায়, কুড়াল তক্ষুনি আমি নিজের গলায় মারব।

বর বলে দুলাল হাত-পা কোলে করে নেই। পোশাক লাট হয়ে যাবে সে ভাবনা ভাবছে না আর এখন। আমার সঙ্গে সমানে ভাল টানাটানি কবছে। আর হাতঘড়ি দেখছে ঘন-ঘন।

এর পরে খানিকটা পরিষ্কার রাস্তা পেয়ে গাড়ি তীরবেগে ছুটিয়ে দিই। সময়ের ক্ষতি যতটা পুষিয়ে নিতে পারি। পুরুতঠাকুর হাঁ-হাঁ করে ওঠেন : কবো কি, ক্ষেপে গেলে নাকি হে? কনের বাড়ি বলে যে যমের বাড়ি নিয়ে তোলাবার গতিক।

হেজাজ হারিয়ে দুলাল তেড়ে উঠল : বাঁচতে বাঁচতে তো খুনখুনে বুড়ো হয়ে গেছেন। বাঁচার সাধ এখনো মেটে না।

মেঘ কেটে জ্যোৎস্না উঠল। মাইল-স্টোন নজরে আসে—আর মোটে চার মাইল। এসে গেছি তো ছুলাল—আবার কি! ছুটোর আগেই পৌঁছে দিচ্ছি, কী খাওয়াবে আমায় বল।

বলার পর বোধহয় পাঁচটা মিনিটও যায়নি, ফটাস করে একটা চাকার টিউব ফাটল। স্টেশনি অর্থাৎ অতিরিক্ত যে চাকা থাকার কথা, ফুটোকাটা হয়ে বহুকাল পূর্বে তা লয় পেয়ে গেছে। কূলে এসে ভরাডুবি!

মুহূর্তকাল ভেবে নিয়ে বলি, কুছ পরোয়া নেই। গাড়ি থাকুক পড়ে এখানে, আমার এ অস্টিন ভূতেও ছোবে না। আমার সঙ্গে চল ছুলাল, জোর পায়ে হাঁটো। বুড়োমামুষ ওঁরা ধীরে-স্থস্থে পিছনে আসুন। বর নিয়ে তো হাজির করে দিই। ঘোড়া হলে চাবুকের জন্তু আটকাবে না। পুরুত-বরকর্ভা তাঁরাই যোগান দিতে পারবেন।

হাঁটা নয় সে, দৌড়ানো। ছুলাল হাঁপাতে লেগেছে। পুলটা পার হয়ে মাতব্বর সর্দারের বাড়ি। সাইকেল-রিক্সা চালায় সে। হাঁকডাক করছি : উঠে পড় মাতব্বর। ডবল ভাড়া—

শুয়ে শুয়ে মাতব্বর কাতরাচ্ছে : ওঠার জো নেই, গায়ে জ্বর। কে বলছ তুমি, এগিয়ে এস।

খোলা বৈঠকঘরে আছে। চেনা মামুষ, চেনা বাড়ি উঠে পড়তে বাধা নেই। সত্যি-সত্যি গা আগুন মাতব্বরের। এ মামুষ কেমন করে রিক্সা চালাবে?

নিরুপায় হয়ে বলতে হয় : ভাড়া হিসাব করে আগাম নিয়ে নাও মাতব্বর। রিক্সা আমি চালিয়ে নিয়ে যাই।

মাতব্বর বলে, পারবে তুমি?

সাইকেল তো হরদম চালাই, না পারবার কী আছে? চার মাইল পথ কাদায় ছুটলে বরের আর বিয়েব মন্তোর পড়ার তাগত থাকবে না।

নগদ টাকা মুঠোয় নিয়ে মাতব্বর আর আপত্তি করে না। সাইকেল-রিক্সায় ছুলালকে তুলে বনবন করে ছুটছি। মিনিটে মিনিটে ঘড়ি দেখে ছুলাল, ঘাড় লম্বা করে দেয় সামনের দিকে। যে কয় ইঞ্চি এমনিভাবে এগিয়ে থাকা যায়।

হঠাৎ সে ফৌস করে নিখাল ফেলল : ছুটে আর কী করবে? হল না, লম্ব কাবার। কৌচা বেড়ে পুঁটে এতক্ষণ পিঁড়ি চেপে বসেছে।

বিয়েবাড়ির আলো দেখা দিল। ঝঁনঝঁন ঝঁনঝঁন—ইচ্ছে করেই আওয়াজ তুলেছি। পুঁটে যদি বসেই থাকে, বরের সাড়া পেয়ে নিশ্চয় কেউ মুখ চাপা



দিয়ে মস্তার পড়া বন্ধ করে দেবে। কপাল ভাল, ততদূর ঘটেনি। পাঁচ-সাতজনে ছুটে এল রাস্তায়। বর এসেছে, বর এসেছে—সাদা পড়ে গেল।

কেন দেরি হল, কী বৃত্তান্ত—জিজ্ঞাসার সময় নেই। মেয়ের আত্মদিক হয়ে গেছে, রাতের মধ্যে পাকস্থ করতেই হবে। জেঠামশায় রায় দিলেন : আসল বরই যখন পেয়ে গেলাম, আবার কি ! যা রে পুঁটে. তোকে আর লাগবে না। ভোজে বল গে যা এবারে ভুই।

ভাগড়া-জোয়ান পুঁটে বিরস মুখে উঠে পড়ল।

জেঠামশায় ছুলালকে বলছেন, তোমার দেরি দেখে পুঁটেকে ভোজে বসতে দিইনি। বেচারী ঠায় বসে আছে কখন থেকে।

লহমার দেরি নয়, বরের পিঁড়িতে নিয়ে ছুলালকে বসিয়ে দিল। তারই মধ্যে একবার ফিসফিস করে ছুলাল আমার কানে বলে, তুমি যা করলে দাদা, এ জনমে ভুলতে পারব না।

তারপর বছর তিনেক হতে চলল। শব্দরবাড়িতে ছুলাল পাকাপাকি বাসিন্দা। পৈতৃক ভিটার কালে-ভজ্রে আসে—এই তিনটে বছরে বোধকরি তিনবারও আমার সঙ্গে দেখা হয়নি। দুই মেয়ে রেখে শব্দর মারা গেছেন—অতসী আর বেতসী। জামাই ছেলের মতন থেকে বিষয়সম্পত্তি ভোগ-দখল করবে, শান্তি ও জেঠশব্দর এমনিটাই চেয়েছেন। ছুলাল সে আশা মিটিয়েছে। ছোট মেয়ে বেতসীর বেলাতেও এমনি এক পাত্র পেলে মনোবাহা বোলআনা পূরণ হয়।

আছে ছুলাল পরম সুখে, সম্ভেহ কি। হঠাৎ সংঘাতিক খবর শুনলাম, ছুলালের সাধের বউ মারা গেছে নাকি। সাপে কেটেছে জলজ্যান্ত বউটাকে। জীবন এই বটে—পদ্মপজে জলবিন্দু। নিজে রিক্সা চালিয়ে বর পৌঁছে দিলাম, বিয়ে হয়ে গেল। মনে হয় কালকের কথা।

কেউ কেউ বলছেন, হুদিনে মিলিয়ে দিয়েছিলে—একটিবার এখন গিয়ে ছুলালকে সাধনা দিয়ে আলা উচিত।

কিন্তু ইনিষেবিনিষে সাধনার কথা আমার আসে না। বিয়ের পরদিন নতুনবউয়ের সামনে ছুলাল শতমুখে আমার গুণের কিরিস্তি দিচ্ছিল, অতসী চোখ ভুলে তাকিয়ে দেখল আমার। চোখে-মুখে হাসি ছলছল করছে। সেই মুখ আবার একদিন বিষের যন্ত্রণায় কালিবার্ণ হয়ে গেল, ছুলাল দাঁড়িয়ে থেকে দেখেছে। এই নিয়ে মুখের দুটো ফাঁকা সাধনা দিতে লজ্জা করে আমার।

আমি বাইনি। মাস কয়েক পরে ছুলালের কাছ থেকে চিঠি এল। মুখে হা-হতাশ করতে তারও বোধহয় বাধে, নিজে না এসে ডাকের চিঠিতে কাতরতা জানিয়েছে : দাদা, আমার বিপদের খবর কি শোননি ? তোমা হেন বন্ধুও যদি ভাগ করে, তবে আমি কার মুখে চাইব ? দু-এক দিনের মধ্যে এস একবার। আমার যা অবস্থা, আত্মহত্যা করাও বিচিন্তন নয়। ইত্যাদি।

যেতে হল। আত্মপূর্বিক সমস্ত শুনে এলাম। আমার সেই সময়টা কলকাতা যাবার বড় গরজ। যাত্রা স্থগিত রাখতে হল ছুলালের খাতিরে। আঠারোই প্রাণ ওদের ওখানে আবার যেতে হবে। বিয়ে ঐদিন বেতসীর সঙ্গে। জামাই হিসাবে ছুলালকে ওদের ভারি পছন্দ। তাকে ছাড়বেন না—অতসী গেল তো তার ছোটবোনের সঙ্গে গৌথে দিচ্ছেন। বেতসীকে আগে দেখেছি, এবারে বেশ নজর করে দেখে এলাম। নিখুঁত সুন্দরী। অতসীরও রূপ ছিল, তবু বেতসীর কাছাকাছি দাঁড়াতে পারে না। ছুলাল দেখছি সুন্দরী বউয়ের কপাল করে এসেছে।

সন্ধ্যার পর বিয়েবাড়ি পৌঁছলাম। সেবারে রিক্সা চালিয়ে এসেছিলাম, এবারে অস্টিন হাঁকিয়ে। ছুলালের এতবড় সুন্দর—অশ্রু বরষাজী না থাক, একজন আমি তো থাকবই।

স্নান সেরে ছুলাল বরের সাজ সাজতে বসে গেছে। আমায় দেখে উল্লাসে উঠে পড়ল। তারপর এটা-ওটা বলতে বলতে ঘরের বাইরে এসে—গাড়ির দরজা খুলে রেখে গিয়েছি—চক্ষের পলকে সে গাড়িতে উঠে বসল। ছুটিয়ে দিলাম আমার অস্টিন। ‘গরজ বোঝে গাড়ি, আমার মনের ইচ্ছা টের পায়। বাতাসের বেগে ছুটেছে। এরই মধ্যে একবার দেখে নিলাম, তোলপাড় লেগেছে ওদের মধ্যে। এখন আর কী করবে আমাদের—দেখতে দেখতে পগার-পার।

মাকপথ মণিরামপুরে এসে হাঁক ছাড়ি। ইঞ্জিন ঠাণ্ডা হতে দিয়েছি। আর ভয় নেই। পাড়ার গায় মোটরগাড়ি ইচ্ছামাত্র মেলে না। ট্যাক্সি আনতে হলে যেতে হয় সেই সদর অবধি। মোটমার্ট ছুঁখানা ট্যাক্সি—টাকা দিয়েও জোটানো যায় না। জামাই সরেছে টের পাবার পরে সাইকেল-রিক্সা যোগাড় করা—ভাতের সময় লাগবে। লাভটাই বা কি মোটরের পিছনে রিক্সা দৌড় করিয়ে ? রাতটুকু পোহাতে দিতে পারলে নিঃশব্দ চিরজীবনের মত। পুঁটের আজও বিয়ে হয়নি।

কিন্তু পালালে কেন বল দিকি ? অতসীর জন্তে পাগল হয়েছিলে, বেতসী তো আরও চমৎকার।

হুলাল বলে, অতসীর শুধু চেহারাই দেখেছিলাম দাদা। বেতসীর চেহারা দেখছি, রীতিব্যভার দেখছি, গলার কাঁজ শুনিছি অহরহ।

মুখচোখে তার আতঙ্কের চিহ্ন ফুটল, ধরল এসে বুঝি—এইরকম ভাব।  
ওরে বাবা, ওরে বাবা—বলে সে থেমে পড়ল।

কিন্তু অটেল বিষয়সম্পত্তি ওদের। নগদ টাকাকড়িও আছে শুনে পাই। লেগে পড়ে থাকলে কোনদিন কিছু করতে হত না। চিরজীবন বলে খেতে পারতে।

খেতাম ক'দিন দাদা! বিষটিষ খেয়ে কোনদিন জীবন শেষ করে দিতাম।  
আটক করেছিল আমায়। গ্রাম জুড়ে ওদের দাপট—সর্বক্ষণ চোখে চোখে  
খত। রাজে সদর-দরজায় তাল। এঁটে দিত। কাজের বাড়ি লোকজনের  
মধ্যে আজকে কিছু ঢিলেঢালা—সেজন্ত বেকতে পারলাম।

বাড়ি পৌঁছে হুলাল আমার হাতছুটো জড়িয়ে ধরে বলে, তুমি যা করলে  
দাদা, এ জনমে ভুলব না।

আর একদিন বিয়েবাড়ি পৌঁছে দিলে অবিকল এই কথাগুলোই বলেছিল।

গল্পের শেষ নয়, আর একটু আছে।

তিন বছরের অব্যবহারে হুলালের পৈতৃক বাড়ি জঙ্গলে ঢেকে আছে।  
সারাদিন আমার বাড়ি থেকে সে ধকল সামলাল। সন্ধ্যাবেলা ট্যান্ডি বোঝাই  
হয়ে শুরবাড়ির দলল এসে পড়লেন। কনে বেতসী আছে, জেঠামশায়  
আছেন। সুপুই-গৌঁক লঘাচওড়া-চেহারা আর একজনের সঙ্গে পরিচয় হল,  
সদর খানার ছোট-দারোগা, এদের-আত্মীয়ের মধ্যে পড়েন। তিনিও এসেছেন।  
হুলাল স্তম্ভিত হয়ে বলে, বিয়ে হয়ে যায়নি? পুঁটে তো ছিল।

জেঠামশায় বললেন, বেতসী কবে কি বলেছিল—পুঁটেটা বিগড়ে রয়েছে।  
তাঁ ছাড়া তোমা হেন সুপাজ থাকতে পুঁটেকে কেন বলতে যাব? কোথায়  
সমুদ্র, আর কোথায় গোম্পদ।

হুলাল বলে, কাল কনের আত্মাদিক হয়ে গেছে—রাখলেন কি করে  
জেঠামশায়?

দিনকাল বদলেছে বাবাজী, এখন আর অত সমস্ত মানতে গেলে হয় না।  
কাল যা হবার হল, আজ রাজে ভণ্ডুল হতে দিচ্চিনে। শরীরগতিক কেমন  
আছে—কনে তাই একেবারে সঙ্গে নিয়ে এসেছি। অপারগ বিধায় এখানেই  
শুভকর্ম হতে পারবে। দারোগালাহেব এসেছেন—আমার নিচে পৈতে আছে,  
ইনি আবার দশকর্মাবিত পুরুতও বটেন।

আত্মীয় দারোগা গর্জন করে ওঠেন : ভয়লোকদের অপমহ কক্ষে  
কৌজদারির কারণ ঘটিয়েছ তুমি । বাচতে চাও তো ট্যান্ডিতে ভালয় ভালয়  
উঠে পড় ।

ধরেপেড়ে ছললকে ট্যান্ডিতে তুলল । হতভয়ের মতো চেয়ে রইলাম ।  
আমার প্রাচীন অস্টিন যথাসাধ্য করেছিল, তবু তাকে বাঁচাতে পারলাম না ।

## চিড়িয়াখানা

চিড়িয়াখানায় বেবুন এসেছে কয়েকটা—আফ্রিকার জঙ্গল থেকে ।  
আমদানি । খাঁচার সামনে বড় ভিড় । চেহারার আলোচনা হচ্ছে । :  
মূর্তি পুরাণে পড়া যায়—খানিকটা মাহুয, খানিকটা সিংহ । কিয়ৎ  
পাই—খানিকটা মাহুয, খানিকটা ঘোড়া । এই জীবও তেমনি—কুকুরে বাদরে  
মিশাল । কী কুংসিত !

কলা ছুঁড়ে দিচ্ছে খাঁচার, চিনেবাদাম দিচ্ছে । নিখরচায় পাতা ছিঁড়ে  
দিলাম আমি—তাতে যেন বেশি পুলকিত । চব্বর-চব্বর করে চিবোচ্ছে  
জর্দা-পান চিবোনোর মতো । হেনকালে দুটি প্রাণী দেখা দিল—জোলুসে নজর  
টেনে ধরে ।

মা আর মেয়ে—আমারই পড়শি এরা । চন্দ্ৰা আর সুনীলা । মা কে আর  
মেয়েই বা কোনটি, বলুন দিকি যদি ক্ষমতা থাকে । বাজি ধরতে পারি এই  
নিয়ে । না, সমাধানের ইজিত দিয়ে ফেললাম—চালুক মাহুয আপনি-  
হয়তো-বা জিতে যাবেন । যে মেয়েটা বেশি কচি ও চঞ্চলা এবং অতিশয়  
চমকদার, তাকেই মা বলে দেখিয়ে দেবেন । সত্যিই তাই । সুনীলা দেবীর  
বয়স বিয়াল্লিশ, অবলীলাক্রমে সেটাকে চক্কিশে এনে ঝাঁড় করিয়েছেন । বয়স  
চুরি করতে মেয়েদের ভারি হাত-সাক্ষাই—বিধাতাপুরুষকে ভাষা বেকুব  
বানিয়ে দেন । মেয়ে চন্দ্ৰা কিন্তু এ কাজে যায় নি—বয়স এমনিতেই চক্কিশ-  
পঁচিশ, কমাতে গেলে খুকি হয়ে যাবে । খুকি এবং বুড়ি দুটোই অপছন্দ—  
মাকের বয়সটায় চিরস্থির হয়ে থাকতে চান ওঁরা । মা-মেয়ে অতএব লম্বয়সি  
লম্বী হয়ে চিড়িয়াখানায় বেবুনের খাঁচার সামনে এসেছেন ।

খাওয়া ভুলে বেবুনগুলো হঠাৎ চঞ্চল হয়ে কিচির-মিচির জুড়ে দিল ।  
ভিড়ের আলোচনা যথাপূর্ব চলছে : কী কুংসিত ! আর চলনেরই বা  
কী ভজিমা—ডিঙিয়ে ডিঙিয়ে বেড়ায় । পত্তর লজ্জা থাকতে নেই, কিন্তু বার  
মেখে তাদের তো লজ্জা । সাহস করে কেউ কাপড় জড়িয়ে দিতে পারে না ।

কথা শুন, বেবুনকে ওরা কাপড় পরাবে! চতুর্দিকে যা অনটন, তোমাদেরই কাপড়ের মাপ হয়তো আইন করে সংক্ষেপ করে দেবে। মানুষগুলোকে ঠাহর করে দেখি—এ ছেন আগডুম-বাগডুম যারা বলে। বলছে বেবুনের খাঁচার দিকে নয়—নব আগন্তুক মা মেয়ের দিকে তাদের দৃষ্টি। সূরদর্শিনী বটে, সরকার কবে কাপড়চোপড়ের রেশন করেন, বুঝেসমঝে এরা আগে থেকেই অভ্যাসটা রপ্ত করে নিয়েছে।

আরও অবাক হয়ে যাই। বেবুনরা দেখি পিছন ফিরে চোখের উপর হাত তুলেছে। তবে বোধহয় ভিড়ের মানুষ নয়—বেবুনদের কথাবার্তা এতক্ষণ শুনতে পাচ্ছিলাম।

## বথরা

জংশন-স্টেশনে গাড়ি থামতে না থামতে রে-রে করে মানুষ ছুটে আসে। ফুলদোলের মেলা বসেছে, মেলার লোক ফিরবার শেষ-ট্রেন। পলকের মধ্যে কামরা ভরতি। তাই বলে ছেড়ে দেবে! দরজার পথে উপায় নেই তো জানলা দিয়ে দুমদাম মাল ফেলছে ভিতরে। মালের পিছন পিছন মানুষ। এয়ারবক্সরা প্লাটফর্মের দাঁড়িয়ে পিঠে ঠেকানো দিয়ে মালের মতো মানুষগুলোকে জানলা দিয়ে ঢুকিয়ে দিচ্ছে। ঢুকে তো পড়—জানলা দিয়ে ছিটকে বেরিয়ে আসার ভয় নেই। তালগোল পাকিয়ে পড়ে থাক ভিতরে।

ঠাসাঠাসি মানুষ, তার উপরে গরমটাও বিষম আঙ্গকে। রক্ষা এই যে, হিন্দু-মুসলমানে দাঙ্গা বেধেছে, তার রকমারি খবর লোকের মুখে মুখে। নোয়াখালিতে এই করেছে, বিহাব তার পাণ্টা শোধ দিল এই রকমে। দেহকষ্ট ভুলে কামরার সকলে উৎকর্ষ হয়ে শুনছে। যে লোকের যত গরম খবর, তাকে ঘিরে তত জমাটি। বুঝদার কথা শাস্ত হয়ে বলতে গেলে তাড়া খেয়ে তাকে চুপ করতে হয়।

এমন গরমের মধ্যে গায়ে মাথায় মোটা চাদর জড়িয়ে বেকির উপর জবুজবু হয়ে আছে—মানুষটার নাম লালমোহন। পাশের ভূষণচন্দ্র এই নিয়ে প্রাণ করেছিল। ম্যালেরিয়া-রোগি লালমোহন—জ্বর আসবে এন্টুনি, শীত-শীত করছে। কামরার ভিতরে যে-ই কেউ ঢোকে, লালমোহন সচকিত হয়ে দেখে নেন। এ নিয়েও ভূষণচন্দ্রের প্রাণ : কেউ আসবে বুঝি ?

লালমোহন সায় দিয়ে বলে, মেলা দেখে আমার এক শালা-কুইয়ের ফিরবার কথা। এসে পড়লে রক্ষা পাই। চার মাইল পথ ভেঙে বাড়ি যেতে

হবে। একা না বোকা—অয়ের তাড়শে হয়তো বা মাথা ঘুরে মাঠের উপরে পড়লাম।

গাড়ি ছাড়বার ঘণ্টা দিয়েছে সেই সময়, শালা-কুটুখ নন তিনি—এক সাধু এসে উঠলেন বাঁ-হাতে কিডব্যাগ বুলিয়ে। গেকুয়া বসন, গেকুয়া আলখালা, মোটা গৌফ ও লম্বা দাড়ি। সেই দাড়ির অর্ধেকটা ঢেকে বেলফুল ও রজনীগন্ধার একগাছা মালা—গন্ধ তুরতুর করে ওঠে। সাধুমানুষ দেখে ধাক্কাধাক্কিটা হল না, কটেক্ষেটে বরঞ্চ একটুখানি দাঁড়বার মতন ঠাই করে দিল তাঁর।

বাকের শিকল ধরে কাত হয়ে সাধুমহারাজ চতুর্দিকে দৃষ্টিবিস্তার করলেন। দাঁড়ার তর্কাতর্কিতে কামরার ভিতরেই এক দাঁড়ার ব্যাপার—বাড় ভুলে সাধু-দর্শনের ফুরসত কার! দেখছে কেবল লালমোহন—পলক পড়ে না এমনি ভাবে দেখছে। অয়ের যন্ত্রণা ভুলে ভক্তিতরে সে আহ্বান করে : আসতে আজ্ঞা হয় স্বামিজী। এই যে—এদিকে।

প্রশান্ত হান্ত বিকিরণ করে স্বামিজী বলেন, জায়গা আছে ?

লালমোহন বলে, আপনার জন্তে জায়গার অভাব! যেখানে দয়া করবেন, সেইখানে জায়গা। আপনার জায়গা তো মাথার উপর সকলের।

পাশের ভূষণচন্দ্র থিঁচিয়ে ওঠে : সকলকে নিয়ে টানাটানি কেন মশায় ? ভক্ত মানুষ আপনি ডেকে আনছেন, বলতে দেবেন আপনার মাথার উপরে। অস্ত্রের মাথা সস্তা নয়, কেউ মাথা পেতে দিচ্ছে না।

উপর মুখে দেখে-নিয়ে আবার বলে, তারও মুশকিল আছে। লম্বা মানুষ স্বামিজী। মাথার উপরে জায়গা দিয়ে বসাবেন, ওঁর যে মাথা রুঁকে যাবে বাক্কে।

এক-কামরা গাদাগাদি মানুষের ভিতর দিয়ে অবলীলা ক্রমে পথ করে স্বামিজী লালমোহনের কোণের দিকটায় আসছেন। কাছে এসে বললেন : কই, কোথায় জায়গা ?

লালমোহন তড়াক করে উঠে দাঁড়াল : আসুন না। এইখানে আমার জায়গায় বসে পড়ুন।

ভূষণচন্দ্র অবাক হয়ে বলে, অর-পায়ে আপনি সারাক্ষণ দাঁড়িয়ে থাকবেন ?

স্বামিজী বলেন, অর হয়েছে তোমার ?

আজ্ঞে হ্যাঁ। মাথা ছিঁড়ে পড়ছে, বলতে পারছি নে। আপনাকে বসিয়ে দিয়ে তারপর আমি ওঠব পড়ব।

ভূষণচন্দ্র বলে, বেশ মশায়! লোকে বসার জায়গা পাচ্ছে না, শোবেন আপনি !

লালমোহন নিশ্চিত কঠে বলে, বলার জায়গা নেই কিন্তু শোয়ার জায়গা  
অটেল।

স্বামিজী বললেন, তবে এতক্ষণ শোওনি কেন বাবা ?

শুনে জায়গা রাখা যেত না, আজোবাজে লোক বসে পড়ত। কষ্ট করে  
আগলে ছিলাম ভাল দেখে কাউকে বসাব বলে। তা জোর কপাল আমার—  
ছনিয়ার সকলের সেরা মানুষটিকে পেয়ে গেলাম।

পুলকিত কঠে স্বামিজী বলেন, আমায় চেন বুঝি তুমি ? ফুলদোলের  
মেলায় আমার ভাগবত-পাঠ শুনে এসেছ ?

লালমোহন বলে, এই দেখুন, আপনাকে চিনতে মেলায় যেতে হবে !  
তাবৎ ছনিয়ার মধ্যে না চেনে আপনাকে কে ?

ইতিমধ্যে বসে পড়েছেন স্বামিজী। কৌতূহলী ভূষণচন্দ্র লালমোহনের  
গায়ে ঠেলা দিয়ে ফিসফিসিয়ে বলে, কে ইনি, কী নাম ?

স্বামী—

স্বামী তো ওঁরা সবাই। তার পরে ?

নাছোড়বান্দা মানুষটিকে জবাব কিছু দিতেই হবে। বা মুখে আসে,  
লালমোহন বলে দেয় : স্বামী অঘোরানন্দ—

চুপিচুপি হলেও কথা স্বামিজীর কানে গিয়েছে। একগাল হেসে বললেন,  
গোলমাল করে ফেললে যে বাবা। অঘোরানন্দ নই, পরমানন্দ।

লালমোহন সঙ্গে সঙ্গে বলে, আজ্ঞে ই্যা, তাই বটে। আগাপাত্তলা ঠিক  
আছে, মাঝে একটুকু গোলমাল হয়েছে।

হাতের ব্যাগটা কোথায় রাখা যায়—বাক্সের উপর তো একটি নুচ  
টোকানো চলে না। স্বামিজী এদিক-ওদিক দেখে ব্যাগ বেক্সির নিচে ঠেলে  
দিয়ে নড়েচড়ে অতঃপর আসনপিঁড়ি হয়ে বসলেন বেক্সির উপরে।

আমার তো দিব্যি হল। তুমি কোথায় শোবে, শুয়ে পড় এইবার।

যে আজ্ঞে—। বলে লালমোহন দুবেক্সির ফাঁকে মেজের উপর গড়িয়ে  
পড়ে। হঁ-হঁ, হঁ-হঁ জরের কাপুনি বেড়েছে, কাহিল হয়ে পড়েছে বেশ।  
মোটো চাদরটা সে গায়ের উপর টেনে দেয়।

এ কি মশায় ? ভূষণচন্দ্র ব্যস্তসমস্ত হয়ে ওঠে : পায়ের কাছে কী রকম  
শোওয়া !

লালমোহন বলে, সাধুমহাত্মার পদতলে পড়েছি, ভাগ্যটুকু আপনি আর  
খুঁড়বেন না। উহ-হ—কী শীত রে বাবা, হাড়ের ভিতর অবধি কনকন করছে।

আপাদমন্তক সে চাদর মুড়ি দিয়ে শুয়ে পড়ল।

চূপচাপ কাটল খানিকক্ষণ। গাড়িহুত্ব চলছে। স্বামিজীও চোখ বুঁজছেন। লালমোহন সহসা লক্ষ দিয়ে উঠে দাঁড়ায়। কামরার আধঘুমন্ত মানুষগুলোকে সচকিত করে গর্জন করে ওঠে : সাধু না কচু ভূমি। জালিয়াত। জালনোটের গোছা সঙ্গে নিয়ে ঘুরছ।

চাদরের ভিতর থেকে হাত বের করে সর্বসমক্ষে মুঠো খুলে ধরে। পাঁচ টাকার নোট কতকগুলো। বলে, দেখুন আপনারা, ঠাহর করে দেখুন। সত্য ছাপা হয়ে বেরিয়েছে। আসল কি জাল, কাগজে হাত ঠেকিয়েই আমরা ধরতে পারি। চোখ মেলে পরখ করতে হয় না।

স্বামিজী হকচকিয়ে গেছেন : আমার জিনিস কে বলল ?

পরের জিনিস ভূমি ব্যাগে পুরে নিয়ে বেড়াচ্ছ ? লালমোহন খলখল করে হেসে উঠল : দেখ, আমার কাছে ধান্না দিও না। কে আমি জান— ডিটেকটিভ ললিতকুমার। ছ-মাস তোমার পিছন পিছন ঘুরছি, কায়দায় ফেলতে পারিনে—

অস্তুত বিশখানা বোমহর্ষক নবেল আছে ললিতকুমারকে নিয়ে। বইয়ের মাহুষ সত্যি সত্যি চোখের উপরে—চক্ষু সকলের ঠিকরে বেরিয়ে আসার উপক্রম।

ভূষণচন্দ্র বলে, কী আশ্চর্য! অরুণগড়ের নেকলেস-চুরির কেসটা আপনিই তবে—

লালমোহন—উহঁ ললিতকুমার, বুকে খাবা মেরে বলে, আমিই তার আঙ্গারা করলাম। কিন্তু আজকের কেস তার চেয়েও তাজ্জব।

স্বামিজীর দিকে কটমট চেয়ে বলে, বড় ভুগিয়েছ আমায়। বারে বারে ঘুঘু ভূমি খেয়ে বাও ধান—এখন ?

বিপন্ন স্বামিজী অতঃপর অন্য পথ ধরলেন : মেনে নিলাম জালনোট আমার কাছে ছিল। কিন্তু আমি জাল করেছি, সেটা কি করে বলেন ? দশজনা রয়েছেন, বিচার করে দেখুন আপনারা। আসরে রেকাবি পেতে দিয়েছে, বড় বড় ভক্তেরা তাব উপর প্রণামী ফেলে যাচ্ছেন। আমি তো ভাগবত-রসে মজে আছি, প্রণামী-নোট জাল কি সাক্ষা দেখে নেব কেমন করে ?

বটে রে! রাগে গরগর করতে করতে ললিতকুমার বেকির তলা থেকে কিডব্যাগ উঁচু করে ধরল। ব্যাগের চামড়া এমুড়ো-ওমুড়ো কাটা। সেই কাটার মধ্যে হাত ঢুকিয়ে ডিটেকটিভ তাক্তা তাক্তা পাঁচ টাকার নোট বের করছে। হরির লুটের মতো ছড়িয়ে দিচ্ছে চতুর্দিকে। বলে, প্রণামী দিয়ে



গেছে—তাড়া ধরে ধরে নোটের প্রণামী ? এক টাকা ছুটাকার নেই, লম্বা পাঁচ টাকার ?

উঃ, কত কাণ্ড করতে হয় দেখ, একটা অপরাধী ধরার জন্য ! জালিয়াতের পায়ের তলায় চাদর মুড়ি দিয়ে শুয়ে ডিটেকটিভ নিঃশাড়ে কাজ করে গেছেন, বাইরে থেকে তিলেক টের পাওয়া গেল না।

বিশ্বয়ের ঝোঁক কাটিয়ে মার-মার করে উঠল মাহুঘ : মুঠো মুঠো করে ঠাকুর তোমার ঐ দাড়ি ওপড়াব।

রেলের কামরার ভিতরে হাতে অস্ত্র কাজ না থাকায় করতও সত্যি সত্যি তাই। ললিতকুমার এই সময় হাত ধরে হেঁচকা টান দিল : নেমে এস।

কোথায় ?

থানায়। সেখান থেকে কৈবল্যধামে।

পরমানন্দ স্বামী ডিটেকটিভের আগে আগে প্লাটফরমে নেমে পড়েন। নেমে যেন বেঁচে যান। ললিতকুমারও নেমেছে। কামরার দিকে চেয়ে সে বলে উঠল, আপনারাও কেউ কেউ আসুন। সাক্ষি দেবেন।

নামছে না কেউ, সকলে চোখ তাকাতাকি করে। বাঘে ছুঁলে আঠার যা। পুলিশের ছোঁয়াছুঁয়িতে ঘায়ে সংখ্যা বোধহয় গোণাগুণতিতে আসে না, সেইজন্য ওটা প্রবচনের মধ্যে নেই।

ললিতকুমার হাঁক দিয়ে ওঠে : কি হল, নামছেন না যে কেউ ? গাড়ি ছেড়ে দেবে এইবার।

ঠেলাঠেলি শুরু হয়েছে কামরার মধ্যে। এ বলে তুমি নাম, ও বলে আপনি নামুন। গাড়ি ছেড়ে দিচ্ছে এই বড় ভরসা, ততক্ষণ এইরকম চালিয়ে গেলে হল।

বিরক্ত হয়ে ললিতকুমার বলে, না আসেন তো বয়ে গেল। সাক্ষি-টামি নিজেই গড়ে-পিটে নেব। সে ক্ষমতা রাখি।

আবার স্বামিজীর হাত এঁটে ধরেছে। স্বামিজী বলেন, সত্যি সত্যি থানায় নেবেন ? কিন্তু বন্দোবস্ত এখানেই তো হতে পারে। থানায় হাঙ্গামা বিস্তর। বড়-দারোগা মেজ-দারোগা জমাদার কনস্টবলে জন পনের অন্তত। তার উপর দেয়ালের টিকটিকিটা পর্ষস্ত সেখানে হাঁ করে আছে। এতগুলো হাঁ বুজিয়ে শেষ পর্ষস্ত নিজের ভাগে কি থাকবে দেখুন ভেবে।

খমকে ঝাঁড়াল ললিতকুমার, কথাটা প্রণিধান করল। তীক্ষ্ণদৃষ্টিতে স্বামিজীর মুখে তাকিয়ে বলে, যা জিজ্ঞাসা করি, সত্যি জবাব দেবে ?

মিথ্যেকথায় কাজকারবার হয় না। মিথ্যে কেন বলতে যাব ?

বহুদর্শী ললিতকুমারের জানা আছে সেটা। চোর-ডাকাত জালিয়াত-  
কুয়াচোর নিজেদের ভিতরে বড় সাজা।

তুয়া নোট ভাঙাতে মেলায় ঢুকেছিলে। ক-খানা ভাঙিয়েছ বল।

মোট তিনখানা। বেজার মুখে স্বামিজী বলতে লাগলেন, মাহুদ নাস্তিক  
হয়ে গেছে, দেবদ্বিজে ভক্তি নেই। আমি হাতে করে দিচ্ছি, সে জিনিসে  
তিনবার টোকা দিয়ে বার পাঁচেক আঙুল ঘষে ফেরত দেয় : বদলে দিন  
ঠাকুরমশাই।

বিশ্বাস করল ললিতকুমার। হিসাব করছে : তিনখানা—তিন পাঁচে  
পনের। বখরা আধাআধি। আমার ভাগে সাড়ে সাত টাকা—

হাত বাড়িয়ে বলে, দিয়ে দাও।

স্বামিজী আলখাল্লার পকেট থেকে গণে সাতখানা এক টাকার নোট  
দিলেন। বলেন, খুচরা নেই আমার কাছে। পঞ্চাশ নয়াপয়সা দিয়ে  
আপনি আরও এক টাকা নিয়ে নিন।

ললিতকুমার বলে, খুচরো আমারও নেই।

তবে ?

চায়ের দোকান সামনে। স্বামিজী সোৎসাহে বলেন, গলা শুকিয়ে গেছে।  
খুচরো যখন কেউ দিতে পারছি নে, এজমালি টাকাটায় চা খাইগে চলুন।

ললিতকুমারও বলে, চল তাই। চা আর কাটলেট। ক্ষিধে পেয়ে গেছে।

ছোট একটা টেবিল নিয়ে ছুজনে সামনাসামনি বসল। এক কাপ করে  
চা দিয়ে গেছে। কাটলেট ভাজা হচ্ছে, হয়ে গেলে সেই সঙ্গে আবার চা  
আসবে।

চা খেতে খেতে স্বামিজী একবার ললিতকুমারের একবার নিজের  
কিডব্যাগের দিকে তাকান। সহসা বলে উঠলেন, পরিপাটি হাত আপনার  
মশায়। চামড়ার ব্যাগে নয়—যেন মাখনের দলায় ছুরি চালিয়ে গেছেন। তাই  
বলছিলাম—ভয়ে বলি, না নির্ভয়ে বলি ?

ললিতকুমার মুখ তুলে সহাস্তে বলে, বলই না—

ভিটেকটিভের কাজে কত আর পয়সা মশায় ? এই বিত্তে নিয়ে লাইনে  
ধাকলে ছ-হাতে পয়সা কুড়িয়ে কূল পেতেন না।

ললিতকুমার বলে, তবে শোন। লাইনেরই মাহুদ আমি। ললিতকুমার  
নই, লালমোহনও নই; লালমাহুদ।

বিশ্বয়ে স্বামিজীর ছুই চক্ষু কপালে উঠে গেছে। লালমাহুদ বলে, তোমার  
পরিচয়টা শুনি এবার স্বামিজী। কে তুমি ?

স্বামিজী নাম বললেন : পরমানন্দ-টম্ব নয়, পরশুরাম চকোত্তি। পরশ-  
ঠাকুর বলে।

সুখে নিয়ে লালমামুদ বলে, গাড়ির মধ্যে লেই যা বলেছিলাম—ঠিক ঠিক  
ভাবে মিলে গেল। ও নাম ছনিয়াসুদ জানে। অত বড় ওস্তাদের পায়ের  
নিচে—ওয়েওছিলাম আমি ঠিক জায়গায়।

বিনয়ের পালাপালি চলে অতঃপর হু'জনে।

পরশঠাকুর বলে, তোমার লাইনে তুমিও শাহানশা হে। লালমামুদ—মাহুবটা  
একদিন দেখা ছিল না, কাজকর্ম সমস্ত জানি। পকেট কার্টতে গিয়ে চামড়ার  
এক পর্দা তুলে নিলেও মক্কেলের হুঁশ হবে না, এমনি নিখুঁত হাত তোমার।

লালমামুদ বলে, যতই হোক লোকে তবু বলে গাঁটকাটা। তুমি হলে  
কত বড়। গরমেণ্টো টাকশাল বানিয়েছে, তেমনি এক আলাদা টাকশাল  
তোমার। টকর দিয়ে সমান তালে তুমি টাকশাল চালাচ্ছ।

কার্টলেট এসে পড়ল। মুখ বন্ধ হয়ে এবার অন্তদের কলরব কানে আসে :  
বিহার-শরিকে কী কাণ্ড করল, ঢাকায় তার কী রকম শোধ নিচ্ছে।

লালমামুদ বলে, আহাম্মকগুলো দাঙ্গা করে মরে কেন ?

ঘুণা ভরে পরশঠাকুর বলে, বখরা মেরে দেয় বলে— আবার কি !

লালমামুদ ঘাড় নেড়ে সায় দেয় : হক কথা। গ্রায্য গণ্ডা হিসেব করে  
নিয়ে কার্টলেট খেয়ে গলাগলি হয়ে আমরা এই ডেরায় ফিরছি। রাত  
পোহালে যে যার কাজে নামব। আমাদের মতো ক'জন ?

## পারলৌকিক

প্রাণকৃষ্ণ ভড় দেহত্যাগ করলেন। মাস আটেক আগে গিয়ি মুক্তালতা  
গেছেন, এবারে তিনি। বনালয়ে নিয়ে যাবে, ভড়মশায়ের ঘোরতর আপত্তি।  
কলহ করছেন বমদুতের সঙ্গে (নরলোকের আমরা সুনতে পাচ্ছি) :  
ইয়ার্কি নাকি ? নেবে তো ধনসম্পত্তি যত-কিছু সমস্ত সঙ্গে নিয়ে নেবে।  
আমারই স্বোপার্জিত, পৈতৃক একটি আধলাও নয়। সর্ব্ব ফেলে প্রাণটুকু  
বাছাই করে গাঁটরি বাঁধবে, সেটি হচ্ছে না।

বমদুত হুকুম তামিল করতে এসেছে। হুকুম শুধুমাত্র প্রাণ নিয়ে যাবার।  
তার কোন দায় পড়েছে, সে কেন বামেলার মধ্যে বেতে যাবে ? আগোষে-  
যাবেন না তো হিড়হিড় করে হাওয়ার উপর দিয়ে টেনে নিয়ে চলল। পরিজাতি  
চৈচাচ্ছেন প্রাণকৃষ্ণ। আকাশে-বাতাসে আলোড়ন।

মেঘের অন্তরাল থেকে সহসা মুক্তালতার কণ্ঠ : কি হল গো, ওজের টাকাকড়ি তোমার কোন কাজে লাগবে ? কাণ্ডজে নোট এ মূলুকে চলে না । খেয়াল করে খানিকটা দোক্তাপাতা যদি আনতে ! হুগা-ভোর জোটেনি, মুখ আমার পচে গেল ।

হুগার কথা শুনে প্রাণকৃষ্ণ চমকে যান । তারপর মনে পড়ল, পরলোকের দিবারাত্রি বেধড়ক লম্বা—নরলোকের পুরো একটা মাসে এখানে একদিন । হিসাব অতএব ঠিকই আছে ।

গিন্নিকে অভাবিতভাবে পেয়ে গিয়ে অর্ধশোক খানিকটা সামলে নিয়েছেন । যমদূত পৌছে দিয়ে নিজকর্মে চলে গেল । আপাতত এইখানে স্থিতি—উষাস্তর ট্রানজিট-ক্যাম্প বলা যেতে পারে । নরলোকের শ্রাদ্ধ-সপিওকরণ চুকেবুকে থাক, যমরাজ তারপরে ফুরসত মতন মৃতদের ফাইল নিয়ে জায়গা নির্বাচনে বসবেন স্বর্গে যাবে, না নরকে যাবে । এখন শেষ-কলিতে শতকরা নিরানব্বুইটা কেসের নরকে নিয়তি—নরক গুলজার, ঠাইয়ের বড় অকুলান সেখানে । হালকা রকমের পাপী কিছু কিছু তাই স্বর্গেও চালান দিতে হচ্ছে—ভিড়ের সময় থার্ড ক্লাস টিকিটের প্যাসেঞ্জার যেমন ফার্স্ট ক্লাসে বসতে পায় । ব্যাপার অসঙ্গত—তবে যমরাজের একটা সাস্থনা আছে, পাপীরা গিয়ে পড়ে ইতিমধ্যে স্বর্গধামেই নরক জমিয়ে তুলেছে ।

সে থাক গে । কর্তা-গিন্নি আট মাস বাদে পরলোকে একত্র হলেন । আছেন মোটের উপর ভালই—খানদান, ঘোবাঘুরি করেন । পুরনো পৃথিবীর জ্ঞান মন কেমন করে, মেঘ সরিয়ে মাঝে মাঝে উপর থেকে চেয়ে দেখেন ।

একদিন অমনি দেখতে দেখতে ভূতলে নিজের বাড়ির উপর নজর গিয়ে পড়ল । উঃ-উঃ—কবে প্রাণকৃষ্ণ আর্তনাদ করে উঠলেন ।

মুক্তালতা ছুটে এলেন : সেই ফিকব্যথাটা নাকি ? কিন্তু মরার পরে রোগ-পীড়ে সবই যে আরোগ্য হয়ে যায় । মরার তো এই স্থখ ।

উঃ গিন্নি, আমরা মরেছি—আর ছেলে ছুটো এরই মধ্যে কী মজ্বল লাগিয়েছে দেখ । চেয়ে দেখ হঠাৎ-নবাবদের কাণ্ড-কারখানা !

ঢেউ দিয়ে পাশের খানিকটা মেঘ সরিয়ে প্রাণকৃষ্ণ মুক্তালতার নজরের পথ করে দিলেন । বললেন, স্মৃতিটা দেখ একবার । শ্রাদ্ধ করেছে, শ্রাদ্ধা মাখায় এখনো চুল গজালো না—জু'ভায়ের জু-ছুটো মোটর । খাটুনির রোজগার নয়—বাণের পরশা মুফতে পাওয়া । সেইজন্তে মায়ামমতা নেই, হুই হুনা চারখানা হাতে ওড়াতে লেগেছে ।

মুক্তালতা নিম্পলক দেখছেন । কিছুক্ষণ দেখার পরে দৃষ্ট স্বচ্ছ হয়ে উঠল ।

তিনি চিরকাল একলা হাতে রান্নাবান্না ও যাবতীয় ঘরকন্না করে এসেছেন,- আর এ কী দেখেছেন—বড়বউমা আর ছোটবউমা ক’টা দিনের মধ্যে পুরোপুরি নবাব-নন্দিনী। খাটের উপর গড়াচ্ছে তো গড়াচ্ছেই, তাস খেলছে তো খেলছেই। ঝি-চাকর কতগুলো বহাল হয়েছে, গণে শেষ হল না। মুক্তালতার মুখ চুলকাচ্ছে, গোটা কয়েক মোক্ষম গালি ছাড়বেন বউ’ছ’টোর পিতৃকুল মাতৃকুল উল্লেখ করে। কিন্তু লাভ নেই। এতদূরের গালি ইহলোক অবধি পৌঁছবে না, আকাশে ভেসে যাবে। গালির বাজেধরচ মাত্র।

প্রাণকৃষ্ণ ওদিকে অবিরত বিলাপ করে যাচ্ছেন : জীবনে কোনদিন ভাল খাইনি, ভাল পরিনি। শ্রায়অশ্রায় ধর্মার্থ বিসর্জন দিয়ে টাকা জমিয়ে গেছি, বিষয়সম্পত্তি বাড়িয়েছি। নিতাই সামন্তর কথা মনে আছে গিন্নি? আমার উপরে সর্বস্ব ফেলে হতভাগা চোখ বুঁজেছিল। সম্পত্তি নিলামে তুলে নিতাই-এর ছেলেপুলেগুলোকে পথে বসিয়েছি। হায় রে হায়, আমার এত কষ্টের টাকার এই পরিণাম! একটিবার যদি নামতে দিত, জুতো খুলে শুয়োবের-বাজ্ঞাদের আঁটেপিটে পেটাতাম। মনের জালা তবে কিছু কমত।

সঙ্গে সঙ্গে মনে এল, ভূতলে নেমেও তো স্বরাহা হবে না। চিরায় অবস্থা এখন—হাত নেই, পেটাবেন কেমন করে? পা নেই, অতএব জুতোও নেই। মরে গেলে এই বড় অসুবিধা।

এমনি সময় অদূরে খলখল হাসির শব্দ। হাসির ধরনটা চেনা। প্রাণকৃষ্ণ কঁপে উঠলেন।

কে ওখানে?

অধম নিতাই সামন্ত। একুনি যার নাম হচ্ছিল।

সামন্তর গচ্ছিত সম্পত্তি বাকি খাজনার দায়ে নিলাম করিয়ে প্রাণকৃষ্ণ বেনামিতে কিনে নিয়েছেন। পরলোকে খানিকটা অন্তর্ধামীর অবস্থা এসে যায়, কোন-কিছু অগোচর থাকে না। লোকটা পালোয়ান-বিশেষ—এমনি ভাল, রেগে গেলে রক্ষে নেই। মরেছে পাক্কা তিনটি বছর—বিচারের অপেক্ষায় এখনো পড়ে আছে? উঃ, সমরাজ যে মর্ত্যালোকের আদালতকেও হার মানিয়ে দিয়েছেন।

ভীত প্রাণকৃষ্ণ পালানোর পথ দেখছিলেন। দেখে আসছে নিতাই সামন্ত—এসে স্থানান্তিত গলা টিপে ধরবে। সঙ্গে সঙ্গে খেয়াল হল, গলাই নেই—টিপবে কোথা? মরে গিয়ে ভারি সুবিধা হয়েছে। নির্ভয় হয়ে দাঁড়িয়ে পড়লেন।

নিতাই উপস্থিত হয়ে বলে, এত সম্পত্তি রেখে এসেছিলাম, আপনি সমস্ত গাপ করলেন।

প্রাণকৃষ্ণ আকাশ থেকে পড়েন (পড়লেন না মতি মতি) : না বাবা, ভুল খবর পেয়েছ। আমি কিছু করিনি। খাজনা বাকি ফেলে এসেছিলে, কালেক্টরি থেকে ক্রোক করে নিয়েছে।

নিতাই যেন নিরাশ হয়ে পড়ল : আপনি নন ভড়মশায় ? আপনার মাড়া পেয়ে আমি যে ছুটতে ছুটতে আসছি। প্রাণভরে দু-পায়ে গড় করব।

বিষয়ে বঞ্চিত করেছেন, তার জন্য মামলা-মোকদ্দমা মারামারি খুনোখুনি না করে গড় হয়ে প্রণাম করতে আসে—ইহলোকের উন্টো নিয়ম দেখি এখানে। খাসা নিয়ম।

নিতাই বলে, সম্পত্তি রেখে এসে ভুল করেছিলাম, সে ভুলের সংশোধন হয়ে গেছে। তাকিয়ে এখান থেকে ছেলেপুলের ভিখারিবৃত্তি দেখি। অনেকখানি তৃপ্তি। আমরা বেঁচে নেই—বোঁটার দিবি তো বেঁচেবর্তে রইল। তার উপরে ক্ষুঁর্তি করে বাঁচছে—মনোকষ্ট এতে ডবল হয় কিনা বলুন। তা আপনি আবার বলছেন, আপনার কোন হাত ছিল না, কালেক্টর বাহাদুরই করেছেন। তাঁর পায়েই গড় করব তবে। দেওয়ানজী চিহ্নগুপ্তকে জিজ্ঞাসা করতে হবে, সে ভুল্লোক আসছে কদিনে ?

প্রাণকৃষ্ণ চাচ্চা হয়ে উঠে বলেন, না বাবা, আমি। আমিই তো সব। তোমার ছেলেপুলেদের পথের ফকির করেছি আমি। আবার দেখ, নিজের বেগা আমি ভুল করে এলাম, এসে জলে-পুড়ে মরছি।

## ‘জল ও স্থল

মাহু স্থলচর জীব। একটি মাহু তার মধ্যে নিশ্চয় বাদ—রথীকান্ত। তাকে জলচর বলা চলে। চৌধুরিদীঘি একবার পাড়ি দিতেই তা-বড় তা-বড় বীরপুরুষ হিমসিম খেয়ে যায়, রথীকান্ত সেই দীঘি বারবার এপার-ওপার করে। দীঘিতে প্রাকটিক করে দম বাড়ানো, কোন একদিন ইংলিশ-চ্যানেলের প্রতিযোগিতায় নামবার শখ। গৈয়ো মাহুয়ের এ হেন উচ্চাশায় হাসত আগে সকলে, অধ্যাবসায় দেখে এখন খানিকটা যেন প্রত্যয় পাচ্ছে। এ মাহুয়ের অসাধ্য কিছু নেই। ভাগ্যটিও বড় অমূল্য—যত বাধা একের পর এক সরে গেছে। অতি-শৈশবে গর্ভধারিণী জননী গত হলেন, সেই তখন থেকেই।

যা গিয়েছেন, বাবা রথীকান্ত বর্তমান ছিলেন এই সেদিন অবধি। বিবেচক ব্যক্তি তিনি। চার-চারটে মেয়ের সবগুলোকেই পালঙ্ক করে গেছেন, বোনদের জন্য রথীকান্তকে দায় ঠেকতে না হয়। স্নাওয়ারমিল ছিল শহরে—মিল

চালানো রথীকান্তকে দিয়ে হবে না। বুকেসমঝে ভাল দামে মিল বিক্রি করে ব্যাঙ্কে টাকা রেখে গেছেন। দেশের কুমন্ত্রণায় গণ্ডগোল একটা পাকাতে যাচ্ছিলেন বটে—রথীর জন্ত পাত্রী দেখাশুনা চলছিল, কিন্তু পাকাপাকি হবার আগে রথীকান্ত হঠাৎ দেহত্যাগ করলেন। নির্বাহীট রথী ছুনিয়ার উপর। মনের স্বখে জলে জলে সাঁতার কাটে, এবং কিছুক্ষণের জন্ত ডাঙায় উঠে খায়দায় ঘুমায়।

ভাতব্যঞ্জন রান্নাবান্না হয়ে পরিপাটিক্রমে সাজানো থাকে। আসনে বসে গালে ফেললেই হল। ধবধবে নরম শয্যা পাতা আছে। আলস্তে গড়িয়ে পড়বার অপেক্ষা। এ ছুটো কাজ মা আমোদিনী আর মেয়ে কেতকী মিলিত ভাবে করে। আর গণেশ বলে এক ছোকরার উপর বাইরের কাজকর্মের ভার—ক্ষেতের ধান হিসাবপত্র করে গোলায় তোলা, হাটবাজার করা ইত্যাদি। ঘড়ির কাঁটার মতন ঠিক ঠিক নিয়মে সংসার চালিয়ে যায় এরা তিনজন। রথীকান্ত তাকিয়ে দেখে না—দেখবার শক্তি নেই, ফুরসতও নেই। আমোদিনীর স্বামী ছিলেন ফাওয়ার-মিলের ম্যানেজার, আর গণেশ সেই মিলের বিখন্ত কর্মচারী একটি। মিল বেহাত হল। ভিন্ন মনিবের এজিয়ারে গিয়ে আমোদিনীর স্বামী প্রায় সঙ্গে সঙ্গেই মারা গেলেন। নিঃসহায় মা-মেয়েকে রথীকান্ত সমাদরে বাড়ি এনে আশ্রয় দিলেন। চাকরি ছেড়ে গণেশও তাঁদের সঙ্গে চলে এল। এর মধ্যেও রথীকান্তর দূরদৃষ্টির পরিচয়। রথীকান্তর দুঃখের পার ছিল না এমনি ভাবে তিনজনে যদি তাকে আগলে না থাকত।

দিব্যি কাটছে। রথীকান্তর মাথায় নৃতন মতলব এল। দীঘির সাঁতার ঝেঁটে হয়েছে, এবারে নদীতে। বাড়ি প্রায় নদীর উপরে। জন্ত সময়ে যেমন-তেমন, বর্ষায় জল বেড়ে গিয়ে নদী এখন বিশাল ও উদাম। একটু বাতাস উঠলেই ঢেউয়ের উথল-পাথল। নদীতেই এবার থেকে সাঁতারের প্রাকটিক।

বলে, নদী দেখে ঘাবড়ালে চ্যানেলে গিয়ে কী করব? চ্যানেল দীঘি নয়—টেউ ভাঙে সেখানে, শ্রোত বয়।

চ্যানেল-প্রতিযোগিতার বিবরণ কাগজে খুব বেয়েয় আজকাল, কারো কারো পড়া আছে। তারা বলে, কত রকম ব্যবস্থা চ্যানেলে। লঞ্চ-স্টিমার চকোর নিয়ে ঘোরে, মাথার উপরে হেলিকপ্টার। প্রাণহানির শঙ্কা নেই।

নেই এখানেও। অকুতোভয় রথীকান্ত বলছে, আমারও আগে পিছে ভিড়ি থাকবে। চ্যানেলের কথা কাগজেই পড়েছ, আমার আয়োজনটা চোখে দেখ। দেখে তারপরে যা বলবার বলবে।

স্থির হয়ে গেল, বর্ষায় দুর্দান্ত নদীতে রথীকান্ত সাঁতার দেবে। এপারে

শীতলা-মন্দির, ওপারে অশ্বখগাছ। মন্দিরের ঘাট থেকে গা ভালিয়ে অশ্বখ-তলায় গিয়ে উঠবে। শ্রোত এমন ভয়ানক যে ইন্ডের ঐরাবতও বোধহয় ভেসে চলে যাবে তার মুখে পড়লে। রথীকান্ত ঘোষণা করেছে, শ্রোত অগ্রাহ্য করে সোজাসুজি গিয়ে উঠবে সে। বাকচূর হলেই হার—ভাডায় উঠে তা হলে নাক-কান মলবে নিজের।

লোকে লোকারণ্য। তিনটে ডিডি রক্ষী হয়ে সঙ্গে চলল। মার্কিমাল্লা পাঁচজন প্রতি ডিডিতে, পাঁচখানা করে বোঠে পড়ছে। ডিডি তবু কথতে পারে না, ভাঁটির সঙ্গে তরতর করে ভেসে চলে যায়। আর রথীকান্ত, দেখ, ছুখানা মাত্র হাতের সম্বলে ঠিক সেই অশ্বখতলায় উঠে পড়ল। সার্বক সাঁতার শিখেছে বটে! মাটিতে পা পড়তে না পড়তে মাহুযজন ছুটে এসে কাঁধে তুলে নিল তাকে। কাঁধে তুলে নৃত্য করে। আকাশ ফাটায় উল্লাসের চিংকারে।

এই চলল এখন প্রতিদিন—সাঁতরে নদীর এপার-ওপার করা। শ্রোতে ভালিয়ে নেবে লোকে ভয় দেখিয়েছিল, অথচ প্রায় সরলরেখা ধরেই চলাচল—পনের-বিশ হাতের এদিক-ওদিক হয় না। তবু কিস্তি অঘটন ঘটল। এক-চক্ষু হরিণের মতো এ-দিকটা কারো ভাবনায় আসেনি। কুমীর নেই এ নদীতে, তল্লাটের মাহুয কখন কালে কুমীরের কথা শোনেনি। বর্ষার নদীতে কুমীর দেখা দিল। ক্ষুতিতে রথীকান্ত যথারীতি জল কেটে চলেছে—ডাইনে, বায়ে ও পিছনে রক্ষী নোকো। জলের নিচে দিয়ে এসে আচমকা কুমীরে ধরল তাকে। রীতিমত জোয়ানপুরুষ রথী, কুমীরে সহজে কাঁদনা করতে পারে না। আর ওদিকে মার্কিমাল্লা ঘিরে ফেলে হৈ-হৈ করে বোঠের বাড়ি মারছে। কুমীর শিকার ছেড়ে পালাল।

রক্তে জল রাঙা। ডিডিতে নিয়ে তুলল রথীকে, তখন আর সম্বিত নেই। বাড়িতে নিয়ে এল। সম্পন্ন অবস্থার মাহুয, তার উপর এত বড় গুলী—অঞ্চলের যে ক'জন ডাক্তার, সবাই চলে এসেছে। চেতনা ফিরল অনেক রাজে। ইতিমধ্যে সাব্যস্ত হয়ে গেছে সদর হাসপাতালে নিয়ে ডানহাত অপারেশন করতে হবে। সদরে পাঠানোর তোড়জোড় হচ্ছে।

শয্যার পাশটিতে কেতকী। চোখ ছলছল করছে তার। জায়গা ছেড়ে নড়ে না। রথীকান্তও তাকিয়ে দেখল। এক বাড়িতে এককাল রয়েছে—আজ যেন প্রথম চেয়ে দেখছে কেতকীকে।

কেতকী জিজ্ঞাসা করে, কই হচ্ছে রথী-দা?

জিজ্ঞাসা বাহুল্য। কষ্টের কথা মুখ দেখেই বোঝা যায়। রথীকান্ত তবু



উড়িয়ে দেয়। ক্লিষ্ট মুখে শীর্ণ হাসি ফুটিয়ে বলে, কিছু না কিছু না, কষ্ট আবার কিসের ?

হাতের ঐখানটা ধরেছেন—

এ নিয়েও হাসি-তামাসা। রথী বলে, খুলে না পড়ে যায় সেই জন্তু এঁটে ধরে আছি।

হাসপাতাল থেকে ফেরত এল মাসখানেক পরে। প্রাণের হানি হয়নি, সেই ডানহাত কাটা পড়েছে কতই থেকে। আমোদিনী হাহাকার করে ওঠেন : আমার সোনার কার্তিকের এমন দশা চোখে দেখি কেমন করে ?

রথীকান্তই প্রবোধ দিচ্ছে : কী এমন ক্ষতি মাসিমা, এক হাতেই দিব্যি চলে যায়। বিধাতা-পুরুষ বাড়তি হাত দিয়ে রেখেছেন, একটা যদি কোন গতিকে একেজো হয়ে যায় অস্ত্রটায় কাজকর্ম চলবে। মোটরগাড়িতে যেমন একটা অতিরিক্ত চাকা বয়ে বেড়ায়। ছাঁটকাট হয়ে ভালই তো হল মাসিমা, বাড়তি বোঝা বয়ে বেড়াতে হবে না।

কেতকী দাঁড়িয়ে দাঁড়িয়ে শোনে। রথীকান্ত হাসছে—তার যে চোখের জল রাখা দায়! কী চেহারা, কী কথাবার্তা, কী ছরস্তু চালচলন। সেই মাহুষের একটা হাত চিরকালের মতো পঙ্গু, কামিজের হাতা ঝুলঝুল করছে।

হাসপাতাল থেকে ফিরেও কিছুকাল রথীকে বিছানায় থাকতে হল। কেতকী ধরে ধরে খাওয়ায়। ক্রমশ অল্পসল্প ঘুরে বেড়াচ্ছে। ছায়ার মতো কেতকী সর্বক্ষণ সঙ্গে আছে। একেবারে সুস্থ হল, তার পরেও রথীকান্ত প্রায় সারাক্ষণ বাড়ি থাকে। কেতকী কাজেকর্মে আছে—মুখ তুলে হয়তো-বা দেখল, রথী কখন নিঃশব্দে এসে দেখছে, চোখে তার পলক নেই। লজ্জায় রাঙা হয়ে কেতকী পালিয়ে যায়।

আমোদিনীর মুখ হাসিতে ডগমগ। কেতকী বলে, এত হাসি কেন মা ? বেওয়া বিধবার মেয়ে, সহায়সম্মল নেই—তোর অদৃষ্টে যে এতখানি হবে, কে ভাবতে পেরেছে ?

শঙ্কিত হয়ে কেতকী বলে, কী হল আবার ?

রথী বাবাজির সঙ্গে অনেক কথাবার্তা আজকে। বলে, সঁাতারে ইতি পড়ল মাসিমা। এক-হাতে কি করে হবে ? তা ভালই হল। ডাংপিটেমি অনেক করা গেছে, ঘরে থেকে ঘরবসত করি এবার।

ধরা-ছোঁওয়া না দিয়ে কেতকী নিরীহ ভাবে বলে, তুমি হাসছ মা। আমি দেখছি, অন্ন উঠল আমাদের এ বাড়ি থেকে।

আমোদিনী কানেও নিলেন না, একভাবে বলে চলেছেন, স্মৃতি হয়েছে—  
বিয়েথাওয়া করবে সে এবার।

তাই তো বলছি মা। বউ এসে তার নিজের সংসার বুঝে নেবে। তোমার  
কর্তৃত্ব খাটেবে না। তারপরেও যদি থাকতে চাও, ইচ্ছিত খুইয়ে ঝি-রাঁধুনি  
হয়ে থাকতে হবে।

দেখা যাক, কে আসে বউ হয়ে। এসে ঝি-রাঁধুনি করে, না মাথায়  
তুলে রাখে।

আর অধিক না বলে আমোদিনী যুহু হেসে তখনকার মতো চলে গেলেন।  
বলার বাকিও বড় কিছু রইল না। এত বড় স্মৃতিবয়ে কেতকীর মুখ পাংশু।  
মা স্মৃতিস্বপ্ন দেখছেন, কিন্তু কেতকী ভাবছে, বাস উঠল এবার এ-বাড়ি থেকে।  
তা ছাড়া অস্ত্র উপায় নেই।

পর পর্বে কেতকী আর রথীকান্তে কথা। রথীকান্ত বলে, হাত যাওয়া  
মানে আমায় বিধাতা জল থেকে স্থলে ছুঁড়ে দিলেন। স্থলে থাকা এখন।  
স্থলেই যখন, ঘরবাড়ির মধ্যে পুরোপুরি গৃহস্থ হয়ে থাকি। কি বল?

শালিস মানল যখন, উংসাহ দেওয়া ছাড়া কী আর বলা যায়? কেতকী  
বলে, বেশ তো, ভালই তো—

রথীকান্ত বলে, পঙ্গুমানুষ আমি তো একরকম। একটা হাতেই সব-  
কিছু—তা-ও ডানহাত নয়, বাঁ-হাত। দেখাশুনোর মানুষ চাই একটি—  
সর্বক্ষণের সঙ্গী। এই তুমি যেমন করছ আমার জন্তে।

কেতকী চুপ করে আছে।

বাইরের লোকের উপর আস্থা করা যায় না। আজ আছে, কাল  
হয়তো থাকবে না। এই ঘরে তুমি যে এত করছ, কোনদিন হঠাৎ অস্ত্র  
লোকের ঘরগী হয়ে বিদায় নিয়ে যাবে। সেইজন্তে ভাবছি, বিয়ে করে ফেলি  
শান্তশিষ্ট দরদ-ভরা একটা মেয়েকে।

হাসতে হাসতে রথীকান্ত কেতকীকেই প্রশ্ন করে, জানাশোনা আছে  
কোন মেয়ে, হাত-কাটা বর দেখে যে মুখ বাঁকাবে না?

কেতকী ভ্রূভঙ্গি করে বলে, খুব—খুব। কত গণ্ডা চাই বলুন। টাকাকড়ি  
আছে আপনার, নামডাক আছে। মেয়েরা এত বোকা নয় যে এর পরেও  
ক'টা হাত আছে আপনার, ক'টা পা আছে, খুঁটিয়ে দেখতে যাবে।

ঘুরিয়ে কথা কোনদিকে নিয়ে যাচ্ছে, কেতকীর বুঝতে বাকি থাকে না।  
ঝাঁজের সঙ্গে জবাব দিয়ে সামনে থেকে সরে পড়ল।

মা-মেয়ের এর পরে মুখোমুখি কলহ। কড়া কড়া গুনিয়ে কেতকী মা'কে

রাগিয়ে দেয় : পাঁচ-দশটা নয়, একটা তো জামাই হবে তোমার । ঠাকুর-সেবতা একটা খুঁতো পাঁঠা নেন না, তুমি মা খুঁতো জামাই করবে ?

আমোদিনী বলেন, হাত কাটা গেছে তোরই কপাল গুণে । দর্ব্বাষাষ যোলআনা বজায় থাকলে তোকে সে বিয়ে করতে বাবে কেন ? দাসীবৃত্তি চেড়ীবৃত্তি করছিল—চিরকাল তাই করে যেতে হত ।

রথীকান্ত যাচ্ছিল বুঝি এই দিক দিয়ে । হঠাৎ দেখা যায়, থেমে দাঁড়িয়ে সে কলহের রস উপভোগ করছে । হাসছে টিপিটিপি । কেতকী না দেখার ভান করে বেপরোয়া কুছোকখা শোনায় । বিগড়ে যায় যদি এইসব শুনে ।

ঠিক উন্টে । রথীকান্ত স্পষ্টাস্পষ্ট আমোদিনীর কাছে প্রস্তাব করে বসল । কেতকী বিহনে জীবন তার শুকনো মরুভূমি ।

বৃন্তান্ত শুনে কেতকী বলে, ভেবেছিলাম ভান্ডরমাসটা কাটিয়ে দিয়ে পূজোর সময় যেখানে হোক চলে যাব । হবার জো নেই, শনির দৃষ্টি পড়ে গেছে । গাঁটরি বাঁধ মা । আর তুমি যদি না বাবে তো আমি একাই বেরিয়ে পড়ব যেদিকে ছুই চোখ যায় ।

ক’দিন পরে রথীকান্তর বাড়ির নিচে নৌকোডুবি । বড়দলের গঞ্জ থেকে হাট করে ফিরছিল । বিকালবেলা । মাহুসে ঠাসাঠাসি—হাটুরে-নৌকোর বা দস্তুর । পাল ফুলিয়ে তরতর করে আসছিল—আচমকা উন্টোপাণ্টা বাতাস উঠে পালের জীর্ণ কাপড় ছিন্নভিন্ন করে দিল । কাত হয়ে পড়ল নৌকো । ডাঙা বেশি দূরে নয় । গেল গেল—রব তুলে ডাঙার মাহুস শীতলামন্দিরের ঘাটে ছুটল ।

কেতকীও ছুটেছে । গণেশও যে ঐ নৌকোয় ! হাট করতে গিয়েছিল, ভাল সাঁতার জানে না । ঐ যে—গণেশই প্রাণপণ শক্তিতে পা দাপাচ্ছে জলে ভেসে থাকবার জন্ত । কিন্তু পারবে না এই টান কাটিয়ে আসতে ।

কেতকী আর্তনাদ করছে : বাঁচাও তোমরা ওকে, বাঁচাও ! সাঁতার নিজেও জানে না, জোয়ারের প্রমত্ত স্রোতে তবুও সে ঝাঁপিয়ে পড়তে যায় ।

পিছন থেকে কে ধরে ফেলল—কেতকী ফিরে দেখে রথীকান্ত । সে-ও এসে পড়েছে ।

পাগলের মতো কেতকী তার পায়ের উপর পড়ে : বাঁচাও ওকে রথী-দা, তোমার পায়ের পড়ি । প্রাণদান দাও । যা বলবে কিছুতে আমি আপত্তি করব না । তোমার দাসী-বাদী হয়ে থাকব ।

কে-একজন কোনদিক দিয়ে মন্তব্য করে : ছুটো হাত বজায় থাকলে সেটা কি বলতে হত রে ?

নামবার জন্ত রথীকান্ত ইতস্তত করে। কেতকী মাথা কুটছে : বাঁচাও একটি বাঁ-হাত সম্বলেই রথী ঝাঁপিয়ে পড়ল। গণেশ তলিয়ে গেছে ইতিমধ্যে। রথীকান্তরও নিশানা নেই।

ঘাট থেকে ডিঙি খুলে দিল। খুঁজে বেড়াচ্ছে। ক্ষণ পরে রথীকান্তকে দেখা যায়। বাঁ-হাতখানায় গণেশকে বেড় দিয়ে ধরে ছুঁপায়ের আলোড়নে কোন রকমে মাথা ভাসান দিয়েছে। ডিঙি ছুটে গিয়ে পড়ল। কী উল্লাস, কী উল্লাস!

আমোদিনী আনন্দ আর ধরে রাখতে পারেন না। কেতকীকে টানতে টানতে রথীকান্তর কাছে এনে হাজির করলেন : প্রণাম করু—

একবারের বেশি ছুঁবার বলতে হয় না। বাধ্য মেয়ে রথীর পায়ের উপর উপুড় হয়ে পড়ল।

আমোদিনী বলেন, এখন অকাল চলছে বাবা। পোড়া অকাল সেই কার্তিক অবধি। অজ্ঞানের আগে শুভকাজ হবে না। তা দিনক্ষণ এখনই ঠিক করে ফেলি না আমরা।

মুহূর্তের সবুজ সইছে না—পাঁজির খোঁজে গেলেন। রথীকান্ত কেতকীকে দেখছে। সেই ঘরে ভিন্ন শব্দায় গণেশ—চলে ফিরে বেড়ানোর অবস্থা এখনো আসে নি। কেতকী ভুলেও তাকায় না গণেশের দিকে। অর্থাৎ কেতকী পুরোপুরি এখন রথীকান্তর—গণেশকে বাঁচিয়ে রথী মূল্য শোধ করেছে।

আমোদিনী ইতিমধ্যে পাঁজি এনে সামনে দিলেন। রথী তাকিয়েও দেখে না। বলে, ভেবে দেখেছি মাসিমা, বিয়েখাওয়া আমার পোষাবে না। বাঁ-হাত দিয়েই সাঁতার দিতে পারি, আজকে তার পরখ হয়ে গেল। তবে আর ঝামেলায় যাওয়া কেন? জলেরই মাহুখ আমি, ডাঙার চেয়ে জল ভাল আমার কাছে। দিব্যি ভেসে ভেসে বেড়াব।

## কী আনন্দ !

ঘড়িতে পৌনে-পাঁচ। ভাঙড়ি সাহেবের তলব এসে পড়ল। এই ভয়টাই করছিল তমাল। বড় একটা টেওয়ার তৈরি হচ্ছে—রকমারি কাজের ভিন্ন ভিন্ন রোট, সমস্ত জুড়ে গঁথে হিসাব বের করা। যোগ-বিয়োগ-গুণ করে হিসাব নিয়েছে সেই দুপুরবেলা থেকে। পনেরটা মিনিট কাটাতে পারলেই আজকের মতন ইতি। কিন্তু হল না, সাহেবের নিজ হাতের স্মি।

গুটি গুটি কামরার লামনে এসে বেয়ারাকে চোখের ইশারায় প্রাণ করে ও  
আছে কেউ ভিতরে ?

সাহেব ডিকটেশন দিচ্ছেন।

হেন অবস্থায় না ঢুকে অপেক্ষা করতে হয়। কিন্তু ভাহুড়ির ক্ষেত্রে তা  
চলবে না। টং-টং করে ঘেঁষে মাত্র পাঁচটা বাজবে, কাগজপত্র চাপা দিয়ে সঙ্গে  
সঙ্গে তিনি উঠবেন। পাঁচটার উপরে সিকি মিনিটও নয়—আবার কাল।  
কাজকর্ম যত কিছু এই সময়টুকুর মধ্যে সেরে নিতে হবে।

চোখ তুলে ভাহুড়ি তমালকে দেখে নিলেন। স্টেনোকে বললেন : কী  
লিখলে পড় এইবার—

এবং আধ মিনিট না যেতেই টেবিলে যুট্টাঘাত : কানে কালা ভূমি,  
আর নয়তো শটহাও জ্ঞান না। ফাঁকি দিয়ে ঢুকেছ।

তমাল তৃপ্তিভরে রত্নার দিকে তাকায়। ভগবান আছেন—পুরো দিনও  
গেল না, প্রতিফল হাতে হাতে। আজকেই দশটা বেলায় এই মেয়ে গোথরো  
লাপের মতন ছোবল দিতে গিয়েছিল, ভাহুড়ির সামনে এখন কেঁচো। চোখ  
চকচক করছে—জল এসে গেছে বুঝি-বা। চাকরি থাকলেই অপমান—সে  
কিছু নতুন নয়। কিন্তু অপমান একেবারে তমালেরই চোখের উপর।

বেলা দশটা তখন। তমাল সকাল সকাল আজ মেস থেকে বেরিয়ে  
পড়েছে। অফিসের কাছে গলির মোড়ে অপেক্ষা করছিল। যথাসময়ে  
রত্নাকে দেখা গেল।

একটা কথা শুনবেন—

রত্না বলে, অফিসে চলুন। সেইখানে শুনব।

অফিসের ব্যাপার নয়। বড়রাস্তার ভিড়ের মধ্যেও হবে না। একটুখানি  
আস্থন এদিকে। আধঘণ্টার উপর দাঁড়িয়ে আছি।

রত্না পায়ে পায়ে এগিয়ে আসে। কয়েকটা লাল গোলাপ গুচ্ছ করে বাঁধা,  
এবং ভ্যানিটিব্যাগ। জিনিস দুটো তমাল তুলে ধরল।

রত্না জলে ওঠে। ফুল ছুঁড়ে মারল তমালের গায়ে। ভ্যানিটিব্যাগও  
ছুঁড়ে দিচ্ছিল, তমালের দিকে নজর পড়ে স্তম্ভিত হয়ে যায়। মড়ার মতো  
রক্তলেশহীন মুখ।

বলে, দাদারা আপনাকে দেখতে পারে না, মা-ও দূর-দূর করেন। কেন  
আমার পিছু লেগে আছেন বলুন তো। শায়েস্তা আপনাকে একদিনেই করা  
যায়। পুলিশকে বললে টানতে টানতে খানায় নিয়ে যাবে। তাতে কাজ  
নেই, ভাহুড়ি সাহেবকে বলব। চাকরি তারপর ক’দিন থাকে দেখা যাবে।

আহত কণ্ঠে তমাল বলে, আজকে একটা বিশেষ দিন—জন্মদিন  
আপনার।

কে বলেছে আপনাকে ?

আপনিই। নইলে কেমন করে জানব বলুন। মিসেস মজুমদারের সঙ্গে  
একদিন হাসাহাসি করছিলেন : মাইকেলের আর আপনার এক তারিখে  
জন্ম। তিনি মহাকাব্য লিখলেন, আপনি পাতার পর পাতা নোট লেখেন  
নিতিদিন। কী, মনে পড়ছে না ? আমি সেই সময় শুনে রেখেছিলাম।

জ কুক্ষিত করে ভাবছে রত্না। অবাক হয়ে গেছে।

তমাল বলে, কাগজে দেখলাম মাইকেলের জন্মদিন আজ। তা হলে  
আপনারও। নিউমার্কেট হয়ে আসছি। জিনিস সামান্য, মাহুঘটা আমি  
আরো সামান্য। তাই আপনি ছুঁড়ে দিতে পারলেন।

ভ্যানিটিব্যাগ আঁচলের নিচে নিয়ে রত্না ক্রতপায়ে অফিসে ঢুক গেল।  
রাগে গর-গর করছে তমাল সেই থেকে। স্টেনোরা যেখানে বলে, তার ছায়া  
মাড়ায়নি। সেই রত্নার সঙ্গে তবু দেখা হয়ে গেল। ভাড়াড়ির সামনে, এমন  
অবস্থায়।

ভাড়াড়ি বলেন, ফের আমি ডিকটেশন দিচ্ছি। এত অশ্রমস্বক হলে  
চাকরি থাকবে না। কনফারমেশন হয়নি এখনো, মনে রেখ। টাইপ করে  
আমার টেবিলে রেখে যাবে। যতক্ষণ লাগুক, জানিনে। কাজ শেষ করে  
তবে যাবে।

রত্নাকে ছেড়ে ভাড়াড়ি তমালের দিকে ফিরলেন। ক্লাবে যাবার বাগড়া  
পড়ে যাচ্ছে, ক্ষেপে রয়েছেন। তমালের বুক টিবিটিব করে ফাইল এগিয়ে  
দিতে।

ঠিক তাই। প্রথম পাতাটায় একটু চোখ বুলিয়ে ভাড়াড়ি গর্জন করে  
ওঠেন : এত কাটাকুটি—হাতে ছুঁতেই তো ঘেন্না করে। একটা সিনপসিস  
করতে হয়, তা-ও বুদ্ধিতে আসেনি। ছি-ছি! ঝণ্টু বেচারী কনটিনজেন্সির  
হিসাব দিয়ে গেল, দেখ ঐ চেয়ে। জায়গা বদলাবদলি কর—চেয়ার ছেড়ে  
ঝণ্টুর টুলে বোসো এবার থেকে।

ফাইল তুলে নিয়ে তমাল তাড়াতাড়ি মুখের উপর ধরে। মুখ না দেখতে  
পায় রত্না।

ভাড়াড়ি বলেন, কপি করে ফেল সবটা। কাটাকুটি থাকবে না, নোংরা  
হবে না। টাইপ করতে গিয়ে নয়তো একশ গণ্ডা ভুল করবে। একটা  
সিনপসিস করে দিও। কাল এসে টেবিলে যেন পাই।

আড়চোখে তমাল রত্নার দিকে তাকায়। মুখ নিচু করে সে ভাড়াটির ডিকটেশন টুকে যাচ্ছে। মুখ ভুলল না একবার।

এত বড় অফিসের মধ্যে একা তমাল কাজে আছে। অল্প সময়ের চেয়ার খালি—লাইনবন্দি রাক্ষসেরা নিঃসাড়ে যেন হাঁ হয়ে আছে। আর আছে আরওলা, ঘরের অক্লিসন্ধি থেকে কিলবিল করে বেরুচ্ছে। রত্নাও আছে নাকি? কোন দুঃখে থাকবে, টাইপ করা কতক্ষণেরই বা কাজ! কাজ চুকিয়ে অনেকক্ষণ সে বেরিয়ে পড়েছে। এত ভুলচুক ও বসের গালি খাওয়া—সকলের মূলে রত্না। রত্না সেই যে মন খিঁচড়ে দিল, সারাদিন আজ কাজে মন বলেনি।

একসময় অবশেষে ভাড়াটির টেবিলে ফাইন রেখে দিয়ে তমাল বেরুল। মোড়ে দাঁড়িয়ে রত্না—সকালে তমালও ঠিক এইখানটায় ছিল।

এই যে, আমি—আমি—

অফিস-পাড়া নির্জন এখন। রত্না ছুটে চলে এল। বলে, কতক্ষণ দাঁড়িয়ে আছি, আপনি আসেনই না। দাঁড়িয়ে দাঁড়িয়ে পা ব্যথা হয়ে গেছে। ভয়-ভয় করছিল—চলে গেলেন বুঝি-বা। তা দেখি, আলো জ্বলছে অফিসের ভিতরে।

এত কথার জবাবে তমাল নিরাসক্তভাবে বলে, দরকার আছে কিছু?

রত্না বলে, আমার জন্মদিন, নিজেই তো ভুলে বসেছিলাম। আপনি মনে করে রেখেছেন। উপহার নিয়ে এলেন—জীবনে আজ প্রথম আমি উপহার পেলাম।

সে তো ছুঁড়ে ফেলে দিলেন।

কোথায়! সারাক্ষণ বুকে বুকে রেখেছি—ভ্যানিটিব্যাগ তুলে ধরে দেখায়। বলে, ফুল নিই কেমন করে? ফুল হাতে অফিসে ঢুকলে রক্ষা ছিল! টাইপ করে করে আড়ুল ব্যথা—সে মাহুষ শখ করে ফুল কিনেছে, কেউ তা বিশ্বাস করত না। নানান কথা উঠত। কী মাহুষ আপনি, আমার দিকটা একবার ভাবলেন না। রাগ করে রইলেন।

গায়ে-গায়ে হয়ে আবদারের ভঙ্গিতে রত্না বলে, আচ্ছা আচ্ছা, রাগ করতে হবে না। শোধ হয়ে যাচ্ছে—অনেকক্ষণ ধরে ঘুরব আপনার সঙ্গে।

তমাল খোঁচা দিয়ে বলে, দাদারা আছে, মা আছেন—তারা যদি কিছু বলেন?

একরঙি খুকিটি নই, সকলকে চেনা হয়ে গেছে। নির্ভর বেপরোয়া এখন

রত্না : মা-ভাই কারো তো মনে পড়ল না জন্মদিনের কথা। বিষেখাওয়া হলে আমার মাসমাইনের টাকাগুলো বেহাত হবে, ভাবনা সেইখানে। যাকগে, এ সব কথা তুলে মন খারাপ করব না আজকের দিনে। চা খাইনি—আপনি পাছে চলে যান, জায়গা থেকে নড়তে পারিনি। কোনখানে ঢুকে পড়ি চলুন।

ক্যান্টিনে নয়—চেনামাহুষ বেরিয়ে পড়তে পারে। হাটতে হাটতে গন্ধার দিকে গিয়ে ছোটখাট এক রেস্তোঁরায় ঢুকল। হাত নেড়ে তমাল ছোকরাকে ডাকে : শোন—

রত্না বলে, বাঃ রে, আমিই তো নিয়ে এলাম। আপনার কী, আপনি কেন আগ বাড়িয়ে হুকুম দেবেন ?

প্রভুত্বের কর্তে তমাল বলে, চুপ ! জন্মদিনে ঝগড়া করতে নেই, যে যা বলে মেনে নিতে হয়।

ছোকরাকে বলে দিচ্ছে, হু-কাপ চা আর—

বাস বাস, আর কিছু নয়। ঘাড় ছুলিয়ে রত্না না-না করে ওঠে : দোহাই আপনার। বিকেলে শুধু চা আমি খেয়ে থাকি।

তমাল বলে, আমিও। কিন্তু বড় বেশি আনন্দ হলে চায়ের সঙ্গে ভাল জিনিস কিছু খাই। চাকরি যেদিন পাকা হল, সেদিনও খেয়েছিলাম।

ছোকরাকে হুকুম দিল : হু-কাপ চা নিয়ে এস, আর দুটো চিকেন কার্টলেট।

অনেক বেড়াব আজ আপনার সঙ্গে। অনেক রাত অবধি।

তমাল বলে, আন্তে-আপনি চালাবে তো কানে এই আঙুল এঁটে দিলাম। তোমার সঙ্গে—হেসে রত্না সংশোধন করে নিল। কিন্তু বাড়ি ফিবে জবাবটা কি হবে, বাতলে দিন।

তমাল তাড়া দিয়ে ওঠে : আবার ?

একদিনে হয় বুঝি !

দিন নয়, মাস নয়—পুরো বছর এক অফিসে এক সঙ্গে—

অভিমানে থমথম করে তমালের গলা। বাঁধানো ঘাটে বসেছিল, তড়াক করে উঠে জলের দিকে ছুটে যায়।

ওকি ওকি, কোথা চললে ভূমি ? রত্নাও পিছন নিয়েছে।

মুখ ফিরিয়ে তমাল হেসে ফেলল : ডুবতে নয় রত্না, ভেসে বেড়াতে।

বিস্তর ডিঙিনোকে। এক মাঝির সঙ্গে তমাল দরদস্তুর করল, জলে জলে খানিকটা ঘুরিয়ে আনবে। রত্নাকে ডাকে : চলে এস—



আকাশে চাঁদ, জলের উপর জ্যোৎস্না। যুদ্ধকণ্ঠে রত্না বলে, শহরে চাঁদ ওঠে, আজ আমি প্রথম জানতে পেলাম।

কাঠের পার্টিশনের আড়ালে সারাদিন টাইপ করা যার কাজ, সেই নারী জ্যোৎস্নার আলোয় আচমকা ছরী-পরী হয়ে গেছে। গা শিরশির করে তমালের। সামাল করে দেয় : কাদা ওদিকটা, দেখো। জুতোহুত্ব কাদায় না পড়ে যাও।

হাত বাড়িয়ে দেয়। হাত ধরে রত্নাকে নৌকোয় তুলে নিল। তার পরেও হাত ধরে আছে। মাঝ-গঙ্গা দিয়ে যাচ্ছে, ফিনিক ফুটছে জ্যোৎস্নায়—যেন দিনমান। হঠাৎ বৃষ্টি রত্নার ভয় ধরে গেল। কিংবা কোঁতুক। বলে, যা ছলছে নৌকো, যদি ডুবে যায় ? আমি একদম সাঁতার জানিনে।

ওরে পাগল, সাঁকো নাড়াবি নে—পাগলের অমনি মনে পড়ে যায়। বসে ছিল তমাল, উঠে দাঁড়াল। ছোট্ট ডিঙির ছুঁদিকে ছুই পা রেখে ছেলেমানুষের মতন জোরে জোরে দোলা দিচ্ছে।

মাঝি খিঁচিয়ে ওঠে : বহ্নন না ঠাণ্ডা হয়ে। জল উঠে যাবে।

মাঝিকে নয়—রত্নাকে শুনিয়ে তমাল নিয়কণ্ঠে বলে, জল উঠে নৌকো ডুবে যাক তাই আমি চাইছি।

রত্না বলে, জীবনে বিতৃষ্ণা—আমি আছি বলে বৃষ্টি ?

জীবন রঙিন—তুমি আছ বলেই। সাঁতার জান না বলে দু-হাত বাড়িয়ে রত্না তুমি জড়িয়ে ধরবে। জল তোলপাড় করে আমি ভাঙায় নিয়ে তুলব।

রত্নাকেও ছেলেমানুষিতে পেয়েছে আজ, আরও সে শুনতে চায়। বলে, না যদি পৌছতে পার ভাঙায় ?

ডুবে মরব একসঙ্গে। কোনদিন হয়তো জেলের জালে জড়িয়ে উঠব। তখন মানুষ নই—কঙ্কাল ছুঁখানা। কঙ্কালে কঙ্কালে জড়িয়ে আছি। মানুষ ভিড় করে দেখছে। আজকের এই রাত্রির পর যত্নও আমাদের আলিঙ্গন ছিঁড়তে পারবে না।

মরা-ছাড়ার কথা রত্নার পছন্দ নয়, তাড়াতাড়ি ভিন্ন প্রসঙ্গে আসে : এমন গঙ্গা, এত সব নৌকো—কেন যে মানুষ ভাঙার রাস্তায় ধুলো খেয়ে বেড়ায়।

তমাল জুড়ে দেয় : খাঁচার মতন টেবিল-চেয়ারে ঘিরে বসে অফিস করে সারাটা দিন—

রত্না বলে, নোট নেয়, খটাখট টাইপ করে—

তমাল বলে, এন্টিনেট বানায়, থি'চুনি খায় ভাহুড়ি সাহেবের।

নৌকোর নিচে শ্রোতের জল ছাৎ-ছাৎ করে, নৌকোর উপরে কেরানি ও টেনো মাহুষ দুটির অর্থহীন প্রলাপ। হঠাৎ যেন রত্না ক্ষিপ্ত হয়ে ওঠে : অক্লিসহৃদ লোক শাপশাপান্ত করে, আর-জন্মে ভাহুড়ির নাকালটা দেখো।

এই জন্মেই—পাঁচ-সাত বছরের ভিতর। আমৃত্যু সময় দিতে তমাল রাজি নয়। বলে, শব্দর হল ম্যানেজিং এজেন্ট, জারিজুরি সেইজন্মে। শব্দরটা মরুক—এতাবৎ যত চুরি করেছে উগরে দিয়ে হা-অন্ন জো-অন্ন করে বেড়াবে।

রত্না বলে, রত্নইবামুন হবে আমাদের বাসায়। এই ভাহুড়ি, ডালে হুন দাওনি আজ—চার আনা ফাইন।

তমাল আরও কড়া। বলে, রত্নইবামুন নয়, আমাদের বাসার ঝাড়ুদার। এই ভাহুড়ি, ধূলো কেন মেঝেয়? আট আনা ফাইন। ঝুল কেন দেয়ালে? এক টাকা ফাইন।

ফাইন লাফিয়ে লাফিয়ে বাড়ছে, ভাহুড়ি ঝাড়ুদারের বড় ছরবছা। এমনি সময় নৌকো এসে ডাঙায় লাগল।

এরই মধ্যে ?

মাঝি বলে, এক টাকায় আর কতক্ষণ? টাকা ছাড়ুন, আবার নিয়ে যাচ্ছি।

রত্না বলে, কী দরকার! জলে হল, ময়দানে এবার। খরচা নেই—যতক্ষণ খুশি মনের সাথে ঘুরব।

ডাঙায় উঠেও ভাহুড়িকে ছাড়েনি। আক্রোশ মিটিয়ে হেনস্থা করতে করতে যাচ্ছে।

রাস্তাটা পার হয়েই ফাঁকা ময়দান। হল করে মোটর এসে ধাক্কা দিল রত্নাকে। পড়ে গেল রত্না, পিচের রাস্তা রক্তে ভেসে যায়। ভলকে ভলকে রক্ত। রক্ত দেখতে পারে না তমাল, সে-ও বুঝি মাথা ঘুরে পড়ে।

ময়দান নির্জন, তাই এতক্ষণ মনে হচ্ছিল। কোথা থেকে কত মাহুষ এসে পড়ল। জনতা হৈ-হৈ করছে। ধাক্কা মেরে মোটর নক্ষত্রগতিতে পালিয়েছে, তার যথ্যেও নশ্বরটা দেখে নিয়েছে তমাল। বলতে গিয়েও চেপে গেল। নশ্বর বললে তাকেও নাম দিতে হবে, পুলিশের জেরায় পড়বে।

কী সর্বনাশ করতে যাচ্ছিল ঝোঁকের মাথায়! তমাল যত ভাবে, আঁতকে ওঠে ততই। পুলিশে অসাধ্য-সাধন করে। জানাজানি হয়ে যেত দু'জনের এই একা-একা বেড়ানো। রেস্তোঁরার ছোকরা, নৌকোয় মাঝি সবাইকে সাক্ষির কাঠগড়ায় তুলে পেটের কথা টেনে টেনে বের করত।

ভাড়া সাহেব আবার বিষয় নীতিবাগীশ—টের পেলে নির্ধাত চাকরি খাবেন কোন একটা অভ্যুহাত তুলে। চাকরি তার যাবে, এবং রত্নারও। আহা, সেরে উঠুক রত্না—ভবিষ্যৎ ভেবে সে নিশ্চয় কোনদিন কিছু বলতে যাবে না। তমালও মানা করে দেবে।

পাহায়াওলা একটি এসে গেছে, আরও কত আসবে। অ্যাথুলেন্সে খবর দিয়েছে। তমাল যেন জনতারই একজন, দৈবাৎ এসে পড়েছে—এমনিভাবে আছে সে মিশে। ক্রমশ পিছনে সরে একসময় বেরিয়ে পড়ল। ক্রত হাটছে। সন্দেহ করে লোকে তাড়া করবে—নয়তো দৌড়ত। মেসে ঢুকে নিজের তক্তাপোশে গড়িয়ে পড়ে হাঁপাচ্ছে।

খাওয়ার ডাক এলে অন্ত্র মেসারদের সঙ্গে খেতে বসতে হয়। অন্ত্রদিন যা করে, তা থেকে তিল পরিমাণ এদিক-ওদিক হলে চলবে না। চাপ চাপ রক্ত চোখে ভাসে—খাওয়া আসে না, গিলে যেতে হয় তবু। ধ্বক করে মনে পড়ল ভ্যানিটিব্যাগের কথা, ভালবেসে নাকি বুকে বুকে রেখেছে! শ্রাকা মেয়েমানুষ—বয়সের গাছপাথর নেই, খুকি-খুকি ভাব! অ্যাথুলেন্সে তুলতে গিয়ে অথবা হাসপাতালে পৌঁছে সে জিনিস বেরিয়ে পড়বে। ভ্যানিটিব্যাগের ভিতর মৃত্যুবাণ—তমালের পুরো নাম রয়েছে। এবং শ্রাকামি তাকেও পেয়ে বসেছিল—নামের সঙ্গে বেশ খানিকটা কবিত্ব করে রেখেছে।

ঘুমোয়নি তমাল সারারাত। ঘরের আর দুটো সিটে আরও দু'জন—না ঘুমিয়েও তাই মড়ার মতন পড়ে আছে। অস্বাভাবিক ভাব কিছু দেখানো চলবে না। জামা-কাপড় আলনায় ছেড়ে রেখেছে—রক্তের ছিটেফোঁটা লেগেছে হয়তো কাপড়ে, রত্নার রক্ত। আলো জ্বলে সন্দেহ ঘোচাবে, সে উপায় নেই। ঘুম ভেঙে ওরা দেখে ফেলতে পারে। সান্নি দেবে, রাত্রে উঠে তমালবাবু ঘুরিয়ে ঘুরিয়ে জামা-কাপড় দেখছিলেন। যেন গাড়ির ধাক্কা নয়, তমালই ছুরিছোরা মেরে রক্তকে খুন করেছে।

ভোরবেলা খটখট করে সদর-দরজায় কড়া নড়ে উঠল। পুলিশ? লাফ দিয়ে উঠে পড়ে তমাল কলঘরে ঢুকে পড়ে। তারপরে হাঁশ হল, মেসের ঠাকুর বাসায় গিয়ে শোয়, ভোরে এসে কড়া নড়ে চাকরকে ডেকে তোলে। কড়া নাড়ে রোজই, আওয়াজ শুনে আজকে তমাল ভয় পেয়ে গেল।

খবরের কাগজ এলে দুর্ঘটনার জায়গাটা সর্বাগ্রে দেখে। তিনটে রয়েছে, কিন্তু ময়দানের ঘটনা নেই। যেমন হয়েছে রিপোর্টারগুলো—সন্ধ্যা অবধি যেটুকু হল তারই দায়সারা খবর দিয়ে বাবুরা ঘরে চলে গেলেন। রাতে দুনিয়া লণ্ডভণ্ড হলেও কাগজে তার এক লাইন পাবে না।

যথারীতি অফিসে গেল। ভাছুড়ি সাহেব ডেকে পাঠালেন। বিষম খান্না : কোম্পানির অন্ন খাচ্ছে—কাজ বলে এতটুকু দরদ নেই। রত্না দাসের কাল ফিরতে বোধহয় একটু দেরি হয়েছিল, আজকে একেবারেই ডুব। তুমি মিস দাসের পথ নাওনি, সেক্সশ্ব ধন্যবাদ। টাইপ কে করে এখন? একটা চিঠি টাইপ করতেই মিসেস মজুমদারের এক-শ গুণা ভুল—এত সব টাকা-আনার ব্যাপারে তাঁর উপর নির্ভর করা যায় না।

ভাছুড়ি আজও একটা কাজ দিলেন—তেমনি একগাদা যোগ-বিয়োগ-গুণ। পরমানন্দে তমাল হাত পেতে নিল। খবর কেউ এরা জানে না।

অনতিপরে রত্নার ছোটভাই সুদেব এসে পড়ল। হাসপাতাল থেকে সোজা আসছে। এই ছেলেটার সঙ্গে তমাল ভাব জমিয়ে রেখেছে, এরই সঙ্গে দু-চারবার রত্নাদের বাড়ি গেছে। তমালের কাছে এসে সুদেব বলে, শুনেছেন তমাল-দা, দিদির কাল সাংঘাতিক অ্যাকসিডেন্ট—

তমাল আকাশ থেকে পড়ে : বল কি হে? কী সর্বনাশ!

অফিসময় চাউর হয়ে গেল। অনেকে এসে ঘিরে দাঁড়িয়েছে। মিসেস মজুমদার এলেন। সুদেব বলে, সারারাত কেউ আমরা ঘুমোইনি। ভোরে থানায় জানানো হল। তাদের কাছে খবর পেয়ে এমার্জেন্সি-ওয়ার্ডে গেলাম। সর্বাঙ্গে ব্যাণ্ডেজ, সেই থেকে অজ্ঞান হয়ে আছে দিদি।

মিসেস মজুমদার আর রত্নার পাশাপাশি টেবিল। চোখে তাঁর জল এসে গেল : সারাদিনের এই খাটুনি। তার উপরে, কাল রাত্রি অবধি খেটেছে। বাসায় ঘিঞ্জি ঘর, ময়দানে একটু ফাঁকায় বেড়াচ্ছিল বোধহয়।

তমাল নিখাস ফেলে বাঁচে। ভ্যানিটিব্যাগ নিশ্চয় গায়েব, নইলে তার সঙ্গে যোগাযোগ বেরিয়ে পড়ত। রত্নার সঙ্গে সঙ্গে ব্যাগ ছিটকে পড়েছিল এক দিকে—আজেবাজে কত লোকের ভিড়, কুড়িয়ে নিয়েছে কেউ। ব্যাগের মধ্যে রত্না টাকাপয়সাও রেখেছিল—টাকা সহ নতুন ব্যাগ যে পেয়েছে, সে কি আর ফেরত দিতে আসবে?

মিসেস মজুমদার বলেন, অফিসের পর দেখতে যাব। আপনিও তো যাবেন তমালবাবু, একসঙ্গে যাওয়া যাবে।

সুদেবের লামনে ‘না’ বলে কি করে, তমাল ঘাড় নেড়ে দিল।

সুদেব বলে, যাবেন—আমরা সব থাকব।

মিসেস মজুমদার পুলিশের বেহুদ। ঠিক পাঁচটায় গ্রেপ্তার করতে এসেছেন। বললেন, ট্যান্ডি আনতে পাঠিয়েছি তমালবাবু। এতক্ষণে এসে গেছে। দেরি করবেন না, চলুন—

হাসপাতালে নেমে পা আর চলতে চায় না। আসামিকে যখন ফাঁসির মধ্যে নিয়ে যায়, তখন বুঝি তার এই অবস্থা।

মিসেস মজুমদারের নজর এড়ায় না। মেয়েমাহুষ যখন—তমালের হাবভাব আগেও কিছু লক্ষ্য করেছেন। সাস্থনা দিয়ে বলেন, অত ভয় পাবেন না তমালবাবু। হাউল সার্জেন আমার চেনা, খানিক আগে তাঁকে ফোন করেছিলাম। কাটিয়ে উঠবে বললেন তিনি, আজকের মধ্যেই জ্ঞান ফিরবে। গিয়ে হয়তো দেখতে পাব, টরটর করে কথা বলছে।

তমাল দাঁড়িয়ে পড়ে।

হল কী আপনার ?

উণ্টো দিকে ফিরে তমাল পায়ে পায়ে চলেছে।

গেটের কাছে লেবু-আপেলের দোকান। মিসেস মজুমদার সকৌতুকে বলেন, আপনি পাগল! ফল নিয়ে যাবার দিন আজ নয়। জ্ঞান ফিরলেই অমনি বুঝি খেতে দেবে!

স্বদেব কোন দিক দিয়ে এসে তমালের হাত জড়িয়ে ধরল। হায় রে হায়, হ্যাণ্ডকাপ-পর্য্য আসামি সে এখন! দরজার কাছে রত্নার মা ও দাদা। পা টিপে টিপে যাচ্ছে তমাল—জুতোর শব্দে চিনতে পেরে রত্না বুঝি টেঁচিয়ে উঠবে, সব কথা বলে দেবে সকলের সামনে।

মিসেস মজুমদার জিজ্ঞাসা করেন : জ্ঞান ফিরেছে ?

মায়ের হুঁচোখ জলে ভরে গেল, মুখ ফিরিয়ে নিলেন তিনি। বড়ভাই নিশ্বাস ফেলে বলে, অস্বস্তি দিচ্ছে, জ্ঞান বুঝি আর ফিরবে না।

নিঃশব্দ একেবারে। দেয়ালঘড়িটাও চলছে না, মনে হয়। ডাক্তার এক সময় ঘর থেকে গম্ভীরভাবে বেরিয়ে চলে গেলেন, কারো দিকে চেয়ে দেখলেন না।

রত্নার পাশে গিয়ে তমাল দাঁড়াল। কতক্ষণ পরে চোখ মুছতে মুছতে মিসেস মজুমদার বলেন, আর কি হবে! চলুন তমালবাবু।

তমাল বলে, আপনি যেতে লাগুন—

পোস্টমর্টেম হবে, দেহ পেতে কাল। ঘণ্টাখানেক কাটিয়ে তমাল মেসে ফিরল। এসে তক্তাপোশে গড়িয়ে পড়ে।

হঠাৎ মনে পড়ল, অফিস থেকে বেরিয়ে চা খাওয়া হয়নি তো আজ। চাকরকে ডেকে পয়সা দিয়ে বলে, চা নিয়ে আয় এক কাপ—

চালা হয়ে উঠে বসল তক্তাপোশের উপর। আবার বলে, ডবল-কাপ আনবি। আর চিকেন-কাটলেট।

## রূপসীর পিছনে

লাল টুকটুকে পাতলা ছুটি ঠোঁট, চুলে এলোথোঁপা, ধবধব করছে গায়ের রং। নিটোল ঘোবন, অপরূপ রূপসী—কুসুম রঙের শাড়ি পরে রূপ আরও খুলেছে। লহমার মধ্যে কণিক এত সমস্ত দেখে নিল।

থাকে কোথায় হেন আশ্চর্য মেয়ে! আর কোনদিন দেখা যায় নি। আকাশের পরী ডানা ভেঙে বুঝি মাটিতে পড়েছে। অথবা লোকালের দেবী ভেনাস মূর্তি ধরে এসেছেন। পথের উপর গাছতলায় আধ-অন্ধকার আড়াল মতো জায়গা—রহস্যজনক ভাবে সেখানে পদচারণা করছে।

রহস্যময়ী হঠাৎ চলতে শুরু করে। কণিক তাক করে আছে, নজর গেছে ঠিক—এ মেয়েদের এমনি রীতি। কণিকও অতএব চলল। এরকম স্বভাবের কোনদিন সে কিস্ত ছিল না। চিরকাল ভদ্র, শিক্ষিত, রুচিবান। আজকে তার কী হল—রূপসীর পিছু নিয়ে চলেছে। চলছে কি নিজের ইচ্ছেয়—হিড়হিড় করে টানছে তাকে রূপের রশি বেঁধে। সে রশি চোখে দেখা যাচ্ছে না, এই যা।

হাঁটছে না ললনা—বলা যায় দৌড়ানো। অথবা উড়েই যাচ্ছে বোধহয়। পরী যদি হয়, ডানা-ভাঙা মোটেই নয়—ঘোলআনা আস্ত পরী। ডানা চাপা রয়েছে শাড়ির আঁচলের নিচে। বাতাসে আঁচল ওড়ে। মোমের মতন নিটোল পা ছুটি বুঝি মাটি ছোঁয় না। উড়ে চলেছে কাঁপা আঁচলে ভর করে।

বঁটে শাইজের মাহুষ কণিক—একটু পরেই হাঁপিয়ে উঠল। কুসুম-বগনার দিকে তাক রেখে ছুটতে হচ্ছে, দৃষ্টি থেকে হারিয়ে না যায়। ডালায় কুচি-কুচি তামাক—ফুটপাথে বসে একদল বিড়ি বাঁধছে—পড়বি তো পড়, একেবারে তাদের ঘাড়ের উপর। পায়ের ঘায়ে তামাকের ডালা ফুটপাথের নিচে ছিটকে পড়ে। মাহুষগুলো রে-রে করে উঠে পড়ল। আরও সব ছুটে আসছে এদিক-সেদিক থেকে।

ঘিরে ফেলেছে। ব্যূহের মধ্যে আটক হয়েও কণিক ডিডি মেরে কুসুম-বগনার দিকে নজর রেখেছে।

দেখতে পাও না মশায়, হাঁটবার সময় চকু দুটো কোথায় রেখে চল ?

বে জায়গায় রাখা আছে, সেটা খুলে বলতে গেলে বিপদ।

পূর্জন ওদিকে : মুখে রা কাঁড়ো না—কানেও কালা নাকি ভুমি ?

বোকা যাচ্ছে, আর দেবি করলে মুখের গালিগালাজ নয় তাক পয়ের ধাপে

উঠে যাবে। তাড়াতাড়ি ছু-টাকার নোট একটা ছুঁড়ে দেয় কণিক : দেখতে পাইনি ভাইসব, দেখলে কেন অমন হবে ? মাল কুড়িয়ে ঝেড়েঝুড়ে নাও—খাটনির বাবদে পানটান খেও, এই দিচ্ছি।

ছু-টাকায় ব্যাহভেন হয়ে গেল। ছুটছে আবার। কিন্তু যত উৎপাত কি আজকের দিনেই! বাচ্চারা পথের উপর গুলি খেলছে, লঙ্কার পরেও ঘরে ফেরার নাম নেই। হেন ক্ষেত্রে যা হবার তাই ঘটল, পায়ের ধাক্কায় গোটা দুই-তিন ছিটকে পড়ল এদিক সেদিক। কী আর্তনাদ রে বাবা—খুনই হয়ে গেছে মনে হবে সেই চোঁচামেচি শুনে।

মুহূর্তকাল দাঁড়িয়ে দেখতে হল। খুন না হোক, জখম হয়েছে ভাল রকম। গোটা দুই তিন তখনো ভুঁয়ে গড়াচ্ছে। ভাগ্যক্রমে মহোষধ জুটে গেল একেবারে হাতের কাছে, স্টেশনারি দোকানে। আধুলি দিয়ে মুঠোখানেক লজেন্স কিনে কণিক হরির-লুঠের মতো ছড়িয়ে দিল। কান্নাকাটি কোথায় গেল, কাড়াকাড়ি করে সব লজেন্স কুড়োচ্ছে। কুসুম-বসনা ইতিমধ্যে আড়াল হয়ে গেছে। বাচ্চাদের সামলে কণিক ছুটল আবার। ক্ষতিটুকু পুথিয়ে নেবার জন্ত ডবল জোরে ছুটেছে।

ভরসা ছিল না, শেষটা বড়রাস্তায় এসে থোজ মিলল। শ্রীমতী ট্যান্সির অপেক্ষায়। পাওয়া গেল স্থির হয়ে এইমাত্র দাঁড়িয়ে পড়েছে বলেই। গোরবরণ নিটোল বা-হাতখানা শাড়ির তলা থেকে বেরিয়ে এসেছে, মণিবন্ধ ঘিরে গয়নার বলসানি। চম্পককলি আঙুল নেড়ে ইশারায় ডাকছে। এসেও পড়ল চুল-দাড়িওয়ালা ভাগ্যবান শিখ ড্রাইভার।

পিঠ পিঠ কণিকও ট্যান্সি পেয়ে গেল একটা। কপালজোর রীতিমত—ইচ্ছা মাজেই ট্যান্সি, কলকাতা শহরে এমন ঘটে না।

তাড়া দেয় কণিক : জোরে চল। হুঁশিয়ার, খুব হুঁশিয়ার—আগের ট্যান্সি সরে না পড়ে। মিটারে যত উঠবে, বখশিশও তাই।

চলেছে, চলেছে। শহরের দক্ষিণ প্রান্তে নাম-করা এক ক্লাব-বাড়ির ফটকে এসে কুসুম-বসনা নেমে পড়ল। তাড়া মেটাচ্ছে, সেই মুহূর্তে কণিকও এল। তখন এক আশ্চর্য কাণ্ড—সেই মেয়ে তাকিয়ে পড়ল কণিকের দিকে। কাছাকাছি এখন, ভুল হবার কিছু নেই। হাসি-ভরা দুই চোখ—এবং চাঁদুরীময় ইঙ্গিতও যেন দৃষ্টির মধ্যে। সার্থক বটে এতক্ষণের শহরময় ছোটা-ছুটি, আর দু-হাতে অর্থব্যয়।

উৎসব আজ এখানে। আলো বলমল করছে, গাড়ির পর গাড়ি এলে জমছে। নামছে সব মেয়ে—নানা রকমের নানা ঢঙের নানাবিধ সাজসজ্জার।

সেই কুসুম-বসনাও টুক করে ঢুকে গেল। হাত আগলে কণিককে আটকে দিল ফটকের দারোয়ান। মহিলা-সমূহের বার্ষিক উৎসব, পুরুষের প্রবেশাধিকার নেই। একক পুরুষের তো নয়ই। সভাপতি এবং প্রধান অতিথি যথারীতি মিনিষ্টারই বটে, কিন্তু বেছে বেছে একজোড়া মেয়ে-মিনিষ্টার নিয়ে আসা হয়েছে।

ঢুকতে না পেরে কণিক গাছতলায় গিয়ে দাঁড়াল। মনে মনে গজরাচ্ছে, এখনকার দিনেও এই গোঁড়ামি! রূপ আছে কারো কারো, মানি। ঢং আছে, প্রসাধন আর সাজসজ্জা আছে। সবই তো মানুষকে দেখাবার জন্ত। পুরুষমানুষকে—যেখান থেকে তারিফ মেলে। এক মেয়ে আর এক মেয়ের ভালো দেখতে পারে না। যত ভালোই হও, নাক সিঁটকোবে। সেই পুরুষ কিনা একেবারে জাত ধরে বাতিল। অথচ পুরুষের লব ব্যাপারে নাক গলাতে আসেন ওরা। ট্রামে বাসেই দেখ না—রিজার্ভ-করা আলাদা আসন, তা ছাড়াও খুশি মতন গতির ছলিয়ে ধপাস করে পুরুষের মাঝে বসে পড়বেন। গাছের বোলআনা খেয়ে এসে তলার ইতরজন্যের সঙ্গেও কুড়োবেন, এই তো স্বভাব ওঁদের।

দাঁড়িয়ে দাঁড়িয়ে ভাবছে কণিক এই সব। ছত্তোর বলে এক-পা দু-পা চলে যায় বিরক্ত হয়ে। ফেরে আবার। রশি বেঁধে আটক করছে যেন ঐ ফটকের সঙ্গে, এগোলেই টান পড়ে, ফিরে আসতে হয়।

না, কষ্ট বেশি দিল না। উৎসব ভাঙে নি, তবু মেয়েটা বেরিয়ে এল। সেই কুসুম-বসনা। এসে ইতি-উতি তাকায়। দেখেছে কণিককে।

আছেন দেখছি এখনো—

এগিয়ে আসে মেয়ে। এতদূর ভাবতে পারে নি—কণিকর বুকের মধ্যে খড়াস-খড়াস করছে। কেন আসে, কী করবে? পায়ের জুতো খুলে পটাপট বসিয়ে দেবে না তো? অনেক ক্ষেত্রে দিয়েছে এমন, শোনা যায়।

দৌড় দেবে কিনা ভাবছিল। সতর্কভাবে মুখে তাকায়। হাসি-হাসি মুখ। সেই রকম অন্তত আন্দাজ হয়।

মুখেও বলল তেমনি ভাবের কথা : চা খাওয়া যাক আস্থন। ছুটো-ছুটিতে গলা শুকিয়েছে।

কণিককে ঠেস দিয়ে বলা। গলা যদি শুকিয়ে থাকে—সেটা ছুটোছুটির কারণে নয়, অচেনা রূপবতীর মুখোমুখি দাঁড়ানোয়। এসব ব্যাপারে কণিক একেবারে আনাড়ি। বয়সটা ধারাপ, সে জন্ত রূপের পিছনে ছুটেছিল। দাঁড়িয়ে দাঁড়িয়ে ঘামছে এখন।



পরের দিন সকাল বেলা অশোকের ছাড় হয়ে গেল।  
 নীতা ডাক্তার সেনকে বলে, রোগি যে চলে যাচ্ছে।  
 অস্থ শেরে গেছে। চলে যাবে, নয় তো কি চিরকাল থাকবে?  
 মুখ টিপে হেসে নীতা চৌধুরী বলে, অস্থ শেরেছে, তবে এখনো প্রেমের  
 কথা বলে কেন আমায়?  
 সেন বলেন, অস্থ অস্থে ধরেছে। তার চিকিৎসা আমার হাতে নেই।

ঠিক তাই। নাছোড়বান্দা। অশোক বরানগরে নীতার বাড়ির আশে-  
 পাশে ঘোরে। চিঠি দেয়, কথা বলার জন্তে হৌকহৌক করে।

নীতার ভাই রাজেশ্বর গৌয়ার-গুণ্ডা মাহুষ। বলে, ওর অস্থ ডাক্তারে  
 জানে না। আমার কাছে আছে।

এবং ক'দিনের মধ্যেই দেখা যায়, পিছন থেকে লাঠিয় ঘা মেরে অশোকের  
 রাখা কাটিয়ে দিয়েছে। অজ্ঞান হয়ে সে পড়ে আছে রাস্তার ধারে।

বাড়ি এনে তুলল। জ্ঞানও হল। জ্ঞান হয়ে চিঁ-চিঁ গলায় সর্বপ্রথম কথা :  
 বাড়িতে কেন, নার্সিং-হোমে নিয়ে যাও। ডাক্তার সেন দেখবেন।

ওদিকে পুলিশও এসে গেছে : কে মারল, চিনতে পেরেছেন? কেন  
 মারল, উদ্দেশ্য কী ছিল তাদের?

অশোক ঝেড়ে কেলে দেয় : কিছু জানি নে। সামান্য একটু আঘাত—  
 এ নিয়ে আপনাদের ছোটোছুটি করতে হবে না।

পুলিস সরিয়ে দিয়ে বাড়ির লোককে তাগাদা দেয়, কই, কী হল নার্সিং-  
 হোমের?

সামান্য আঘাত যখন, কেন আর সেখানে যাওয়া?

ডাক্তার সেনের পুরানো রোগি আমি। অমন বত্ব করে আর কেউ দেখবে  
 না। বলতে বলতে চটে ওঠে : আমি বলছি, তার উপর তোমাদের সাউথুরি  
 কেন শুনি?

নার্সিং-হোমে সিস্টার নীতা ছিলেন, তাঁকে দেখা যাচ্ছে না এবার।

মেট্রন বলেন, নীতা চাকরি ছেড়েছে।

কেন? অতি উৎকৃষ্ট নার্স তিনি। ছাড়তে আপনারা দিলেন কেন?

বিয়ে হয়ে গেছে ডাক্তার সেনের সঙ্গে। বেহালায় নতুন বাসা করে চলে গেল।

অশোক ফ্যালফ্যাল করে তাকায়। কিছুই যেন মাথায় ঢুকছে না।

মেট্রন আবার বলেন, ডাক্তার সেনও এখানে থাকবেন না। নতুন নার্সিং-  
 হোম করবেন গুনগাম দু-জনে মিলে।

কবে? খুব দেরি হবে নাকি? নিখাস ফেলে বলে, লামান্ত আঘাত—  
তার মধ্যে মধ্যে হয়তো সেরেহুয়ে যাব আমি।

বৃত্তান্ত কিছু কিছু মেইন জানেন। হেসে বললেন, এবারে বয়ানগরে নয়,  
বেহালায় দিকে ঘোরাঘুরি করবেন। মাথায় যদি লাঠি পড়ে, ওদের নার্সিং-  
হোমের প্রথম রোগি হবেন আপনি।

## ভেজাল

আহা, ভেজাল থাকুক চিরকাল সংসারে। যারা ঝুটো-ভেজালের কাজ-  
কারবার করেন, তাঁদের উদ্দেশ্যে কোটি কোটি প্রণাম। তাঁরা আছেন বলেই  
আজ স্বখে-স্বচ্ছন্দে সংসারধর্ম করছি।

ভেজালের মহিমা কীর্তন করছে নলিনেশ। কটকের রাখাল ডাক্তারের  
ছেলে সে—আমার বিশেষ বন্ধু। রাখাল ডাক্তার গেল-বছর দেহ রেখেছেন,  
ওকালতিতে নলিনেশেরও সঙ্গে সঙ্গে ইন্তফা। ইদানীং বাপের ফার্মেসি  
দেখাশুনা করে।

গল্পটা নলিনেশের, আমার নিজের মতন করে লিখছি। লীনা দেবীকে  
শোনালাম। লঙ্কায় রাঙা হয়ে বলে, যান, বাজে কথা। ও বুঝি বলেছে?  
যা মিথ্যুক—নিজে কেন যে লেখে না। তাহলে আপনাদের চেয়ে ঢের ঢের  
বড় লেখক হত।

ঘটনা অতএব মিথ্যা নয়, নিঃসংশয় হওয়া গেল।

কলকাতার কাছে সোনারপুরের মেয়ে লীনা। বিয়ের পরে কটকে  
শুস্তরবাড়ি এল। শুস্তর-শাওড়ি ও স্বামী নিয়ে সংসার। নলিনেশ কোর্টে  
বেকছে—কড়া মামুল রাখাল চোখ পাকিয়ে পড়েন, সেইজন্তে বেকতে হয়।  
পুরো বছর একটানা শুস্তরঘর করল লীনা। ইদের সঙ্গে সরস্বতীপুজো জুড়ে  
চারদিন ছুটি ঝাড়িয়েছে—সেই সময় ছুটি মিলল সোনারপুর যাবার। রাখাল  
ছেলেকে বললেন, বেয়ান লেখালেখি করছেন, যাও তবে বউমাকে নিয়ে।  
ঠাকুর-ভাসানের পরের দিন এসে পড়বে। কি বার হল—বুধবার। শেষরাত্রে  
স্বপ্নাটওয়ার টেশনে যাবে, একটা সাইকেল-রিক্সা নিয়ে চলে এস। বিয়্যংবারে  
লকালবেলা চন্দ্র মুছে দেখতে চাই তোমাদের।

- নটরহর দেখে রাখাল ঝুটুটি করেন : বাচ্ছ তো চারদিনের অত, এত  
সময় কি দরকার? সোনারপুর শহর জার্সা নয়—অজ্ঞতপক্ষে এইটি পার্সেন্ট

লীনা গোড়ায় ভেবেছে ঠাট্টা। খুলে রেখে ভয় দেখাচ্ছে। মজা দেখছে।  
ইয়ার্কি করবি নে হুমিতা। তোর জামাইবাবু দিয়েছে। রাজ্জে সঙ্গে  
সঙ্গে তাই খোঁজ হয়েছে : দেখছি না কেন কানে ?

কৈদে ফেলে হুমিতা : নেই সে জিনিস। সত্যিই নেই।

শেররাত্রি অবধি বাসর জেগে ঘুমিয়ে পড়েছিল। সকালবেলা কানে হাত  
দিয়ে দেখে ঝুমকো নেই। পড়ে যায়নি কোনখানে। সবাই নজর দিচ্ছিল—  
তাদেরই কেউ কান থেকে খুলে নিয়েছে। কুচিগ্রবৃত্তি কী হয়েছে—ভাল ভাল  
ঘরের মেয়ে-বউ, তার মধ্যে চোর।

উপায় কি এখন ? কোনদিকে লীনা কুল দেখতে পায় না। নলিনেশ সর্বক্ষণ  
বাইরে—সেই এক বাঁচোয়া। চারদিনের জন্তু কলকাতা এসে দেখাশোনা করে  
বেড়াচ্ছে। তাকে না-হয় সামলানো গেল। কিন্তু কটকে ফিরে গিয়ে কী  
কাণ্ড হবে, ভাবতে হৃৎকম্প হয়। খণ্ডরালয় নয়, ঘনঘোর জঙ্গল—খণ্ডরঙ্গণী  
বাঘ সেখানে ছক্কার দিয়ে ঘোরেন। সেই খণ্ডরের মানা না শুনে নিয়ে এসেছি।  
কথাটা শুনেই তিনি ধরে নেবেন, আমার গরিব মা দামি জিনিসটা বেচে খেয়ে  
চোরের দোহাই পেড়েছেন।

সে হবে না। যেমন করে হোক চাই আমার জিনিস। পেতেই  
হবে।

হুমিতা কৈদে কৈদে বলে, হবে আর কেমন করে ? কে নিয়েছে, তা-ও  
জানি। কিন্তু মন্ত ঘরের বউ সে—সন্দেহের উপর কী বলব ?

হুঁজনে ভেবে ভেবে এক উপায় বের করল। আপাতত সামলানো যাবে।  
নানান রকম ঝুটো গয়নায় বাজার ছেয়ে গেছে, তার মধ্যে অমনি একটা  
জিনিস যদি খুঁজে পাওয়া যায়। কানে পরেছে ঝুমকো না ঝুমকো, কে অত  
খুঁটিয়ে দেখতে যাচ্ছে ? সময় কিছু তো পাওয়া গেল, তার মধ্যে খাঁটি জিনিস  
গড়িয়ে নেবে।

মতলব মাথায় এসে খানিক সোয়াস্তি। হু-বোনে এ-মার্কেট সে-মার্কেট  
করে বেড়াচ্ছে। খোঁজ নিচ্ছে অস্ত্র মেয়েদের কাছে। অবশেষে পাওয়া গেল।  
লীনার কানে পরিয়ে কাছ থেকে দূর থেকে দেখে দেখে হুমিতা প্রসন্ন মুখে  
বলে, হুবহু সেইরকম দিদি। চিরজীবন কানে থাকলেও ধরতে পারবে না—  
কষ্টপাথরে কেউ যদি কষে দেখে তবেই।

খণ্ডরবাড়ি গেল লীনা। ব্যবহারে রং চটে যাবে, নকল গয়না সেই ভয়ে  
খুলে রেখেছে। টাকাটা সিকেটা বা হাতে আসছে, জমায়। কটকে লীনা  
জমাচ্ছে, সোনারপুরে হুমিতা। হু-বোনের জুড়েগেঁথে, তা হয়েছে মন্দ নয়।

আর দুটো তিনটে মাস—আমল ঝুমকো গোপনে গড়িয়ে নিয়ে নকল গয়না ছুঁড়ে ফেলে দেবে তখন।

কিন্তু হল না। হঠাৎ একদিন নলিনেশ বলল, কানের গয়না দেখতে পাইনে যে? কোথায়?

তুলে রেখেছি। দামি জিনিস বুঝি সদাসর্বদা পরে।

দাও আমায়—

বিনা মেঘে বজ্রাঘাত! কী জবাব দেবে লীনা দিশা পায় না।

নলিনেশ বলে, রেখেছ কোথায়—বড়ট্রাকের ভিতর?

বড়ট্রাকের চাবি কোথায় রাখে, নলিনেশের জানা। ট্রাক খুলে গয়না হাতে নিয়েছে—

কেন, কেন? ঝাঁপিয়ে পড়ল লীনা : কী করবে আমার ঝুমকো নিয়ে? বা দিয়ে দিয়েছ, আবার কেন তা ফেরত চাও?

তাকিয়ে পড়ে নলিনেশ জ্বর দিকে। কৌতুক লাগে। ভেবেছে কি লীনা? গয়না চেয়েছি বলে পাগল হয়ে উঠল গয়নার মধ্যেই মেয়েদের প্রাণ, রূপকথার রাক্ষসীর প্রাণ যেমন ভোমরার মধ্যে।

হাসি চেপে গম্ভীর মুখে বলে, বাবা চাইলেন, আমি কি জানি। টাকার কি দরকার পড়েছে। দায়েবেদায়ে লাগবে বলেই তো গয়না। বিক্রি হবে না তোমার ঝুমকো। বন্ধক দেবেন, পেয়ে যাবে আবার। এই মাসের মধ্যেই।

অন্ত গয়না নিয়ে নাও, ঝুমকো দেব না। বড় পছন্দের জিনিস। দেব না, ঘেব না—

কেড়ে নিতে যায় জোর করে। নলিনেশ মজা পেয়ে গেছে। শক্ত মুঠোয় এঁটে ধরে, দে ছুট। কোর্টের বেলা হয়েছে, কোর্টে যাবার মুখে এই ব্যাপার। ঝুমকো পকেটে ফেলে পান মুখে ফেলে বাপের সামনে দিয়ে বাপকে দেখিয়ে দেখিয়ে নলিনেশ কোর্টে চলে গেল।

আকাশ ভেঙে পড়ে লীনার মাথায়। বন্ধক দিক, বিক্রি করুক, পরখ না করে জিনিস কেউ নেয় না। মহাজন দিকার দিয়ে উঠবে : ঝুটো জিনিস গছাতে এসেছেন মশায়? সোনা নয়, তামার উপরে পালিশ। পাথর নয়, রত্নিন কাচ।

আবার ভাবছে, বিক্রি-বন্ধক কিছুই নয়—সন্দেহ এসেছে কেমন করে, তাকবার কাছে করে দেখতে নিয়ে গেল। দুটিটা সেই রকম ছিল বটে নলিনেশের। হারিয়ে গেছে সোণাঝড়ি বলে যিলে তবু একটা বিখ্যাত-

অবিশ্বাসের প্রায় থাকত। চাতুরি করতে গিয়েই অপরাধ কবুল হয়ে গেছে। আলল বস্ত্র বিক্রি করে ঝুটো গয়নায় মেয়ে লাভিয়ে পাঠিয়েছে। এর কোন ঠেকফিয়ৎ নেই। রগচটা রাখাল ডাক্তার সর্বসমক্ষে চোর বলে টেচামেটি করবেন তার নিরপরাধ অভাগিনী মাকে জড়িয়ে।

কী করা যায়—কী করবে এখন সে? অভিমান আসে নলিনেশের উপর—দোষ-ঘাট হলে স্বামীরই তো ঢেকে নেবার কথা। পাগল হয়ে কতবার না, না—করেছে। মুখের কথাটি তুমি জিজ্ঞাসা করলে না, কী হয়েছে লীনা, অমন করছ কেন? মুঠোয় নিয়ে ছুটে পালালে হাসতে হাসতে। আমায় অপদস্থ করে বড্ড স্থখ তোমার। আচ্ছা, আমিও জানি। অপমান-লাহুনা সহ হবে না আমার, তার আগে পালাব। তুমি বাড়ি ফিরে আসবার আগেই।

শুম হয়ে আছে। ঠিক ছপুরে খাওয়াদাওয়া সেরে রাখল ডাক্তার যথারীতি বৈঠকখানায় নেমে গেলেন। পান-তামাক সেখানে যাবে, পাশা চলবে বিকেলবেলা অবধি। শাণ্ডি নিজের ঘরে খাটের উপর স্থখনিদ্রায় পড়লেন। আরও কিছুক্ষণ দেখে লীনা পা টিপেটিপে গিয়ে খণ্ডরের আলমারি খুলল। গয়না চুরি না করেও যখন চোর—সত্যি সত্যি চুরি এইবারে। দোতলার আলমারিতে খণ্ডর কতকগুলো বিশেষ ওষুধ রাখেন, ফার্মেসিতে রাখতে ভরসা পান না। আলমারির কাছে কঙ্কালের ছবি সহ লেখা রয়েছে : লাবধান, বিষ।

একটা শিশি বের করে নিয়ে লীনা নিজের ঘরে গেল। মোক্ষম অস্ত্র হাতে পেয়ে গেছে, আর কাকে ডরায়! চিঠি লিখল খানকয়েক তাড়াতাড়ি। নলিনেশের নামে একখানা : ঝুমকো যাচাই করতে নিয়ে গেল—এত করে মানা করলাম, কানে নিলে না। মৃত্যুর দরজায় দাঁড়িয়ে বলে যাচ্ছি—চোর নই আমরা কেউ। দামের জোগাড় ছ-বোনে আমরা প্রায় করে ফেলেছি—স্মিতার কাছ থেকে আর আমার বাস্তু খুঁজে নিয়ে নিও।

পুলিসের নামের চিঠি : আমার আত্মহত্যার জ্ঞাত আমিই সম্পূর্ণ দায়ী।

শেষ চিঠি মা ও স্মিতার নামে : আমি চলে যাচ্ছি, জরতুঃখিনীকে মনে রেখ তোমরা।

শিশির ছিপি খুলে মুখে ঢালল। কটু বিষাদ, অথচ কেমন মধুর! ঝিমঝিম করে সর্বদেহ, চেতনা এলিয়ে আসে। মৃত্যু এমনি আরামের, তবে লোকে ভয় পায় কেন?

লীনা কেমন করে তাকাচ্ছিল—তার গয়না সত্যি সত্যি বিক্রি করব, ভেবেছে। বলে দিলেই হত আসল কথাটা! বাব-লাইব্রেরির চেয়ারে বলে শুমানো—তার চেয়ে বাড়ি চলে যাই। বাড়ি গিয়ে শুয়ে পড়ি। শুয়ে শুয়ে কথাবার্তা দু'জনে। বাবা পাশায় মেতে আছেন, টের পাবেন না। চোরের মতন উপরে উঠে পড়ব।

অতএব কোর্ট পালাল নলিনেশ। ঘরে ঢুকে দেখে আলুখালু হয়ে পড়ে আছে লীনা। মজা করলে হয়—আলুল চুল খাটের গায়ে জড়িয়ে জোরে জোরে ডাক দেওয়া : লীনা, লীনা—! উঠতে গিয়ে টান পড়বে চুলে, বেকুব হবে।

এগিয়ে দেখল, টেবিলের উপর লীনার শেষ চিঠি। এবং শিয়রে বিষের শিশি।

লীনা, লীনা, বিষ খেয়েছ তুমি ?

বাইরে গিয়ে নলিনেশ রাখাল ডাক্তারের উদ্দেশে চেষ্টামেচি করছে : ও বাবা, শিগশির এস। লীনা বিষ খেয়েছে।

মৃত লীনা ধড়মড়িয়ে উঠে বসল। ঘর পালক টেবিল বিছানা সবই দেখতে পাচ্ছে। মনে হল, দেখছে প্রেতাত্মা রূপেই। তাকে কেউ দেখতে পাবে না।

না, দেখেছে তো নলিনেশ। ফিরে এসে হাহাকার করে উঠল : কেন বিষ খেলে লীনা ?

লীনা কাতর হয়ে বলে, বিশ্বাস কর, চুরি হয়ে গেছে তোমার সেই ঝুমকো—

গেছে তো বেশ হয়েছে, চোর পস্তাবে। ঝুটো জিনিস।

কঁদে পড়ল নলিনেশ। বলে, বাপের-বাড়ি যাচ্ছ, কানদুটো খালি থাকবে, তাড়াতাড়ি আমি ঝুটো ঝুমকো কিনে দিলাম। তোমার পছন্দ জেনে আজকেই জুয়েলারের কাছে দিয়ে এলাম—মিলিয়ে ঠিক ঠিক অমনি জিনিস গড়ে দেবে। বিষ খাবে তুমি তার জন্তে ?

বল কি, সত্যি বলছ ?

লীনারও কান্না পায় এবার : কেন মরলাম ? চুরি করে জন্ম হয়েছে বড়-ঘরের সেই বউটা। বেকুব হয়েছে। বোকার মতন আমি কেন বিষ খেতে যাই ?

কঁদতে কঁদতে বলে, পায়ের ধূলো দাও। কতক্ষণই বা আছি—যাবার সময় পা ধরে তোমার স্নান নিয়ে যাই।

রাখাল ডাক্তার ও পাশায় আড্ডার লোকেরা সিঁড়ি ভেঙে হড়মড় করে এসে পড়লেন। ঘুম ভেঙে গিগিঠাকরনও এসেছেন। সোরগোল বিষম।

রাখাল ডাক্তার বলেন, সব দিকি তোমরা। ভিড় করো না, যোগি দেখতে দাও।

নাড়ি দেখছেন রাখাল। চোখের পাতা তুলে ধরলেন। সম্পূর্ণ স্বাভাবিক। শিরের বিষের শিশিটা তুলে দেখে রেগে উঠলেন : আজকেই কিনেছি। আস্ত শিশির অর্ধেকখানি যে সাবাড় করেছ মা-জননী।

বহুদর্শী ডাক্তার এবারে অতিশয় সতর্কভাবে লক্ষণ মিলিয়ে মিলিয়ে পরীক্ষা করছেন। বমি করানো হল চেষ্টা করে। গজর-গজর করছেন সর্বক্ষণ : টাকার লোভে পড়ে কম্পাউণ্ডার ছোড়া বিক্রি করে দেবে, সেই ভয়ে উপরে এনে রেখেছি। সেখানেও রক্ষ নেই, বাড়ির লোকে মেরে দেয়। আজকাল দেখতে পাচ্ছি সন্দেশ-রসগোল্লা চপ-কাটলেটের চেয়েও বিষের উপর মাহুঘের বেশি টান।

বিস্তর রকমে দেখেও বিষক্রিয়া ধরা পড়ল না। যেন হতাশ হয়ে পড়লেন : টিফার ওপিয়াই—আফিমের আরক। সেই জিনিসের পাকা আড়াই আউন্স ঢকঢক করে গিলে তুমি মা হজম করে বসে আছ। নীলকণ্ঠের অংশে জন্ম তোমার, নরলোকে এমনধারা হতে পারে না।

শিশি হাতে নিয়ে রাখাল চিস্তিত ভাবে ফার্মেসির দিকে গেলেন।

রাজে বাড়ি ফিরে বোমার মতো ফেটে পড়েন : যা ভেবেছি তাই। ল্যাবরেটোরিতে পাঠিয়েছিলাম—আফিমের আরকে ছিটেফোটাও আফিম নেই। ওষুধপত্রেও ভেজাল চালায়, বেটাদের শুলে চড়ানো উচিত।

নলিনেশ কিন্তু ভেজালের কারবারি সেই মহাপুরুষগণের উদ্দেশে যুক্তকর কপালে ঠেকায়। যার গুণে আজকের দিনে বিষ খেয়েও মরবার উপায় নেই, গয়না চুরি করে চোরকে কপাল চাপড়ে মরতে হয়।

## বলিদান

যশোহর জেলার বাঁশতলি গ্রামে দেড়শত বিঘারও উর্ধ্বে তে-কসলা জমি, ফলের বাগ, দুইটা পুকুরিণী এবং পাকা বসতবাড়ি পশ্চিমবঙ্গের যে কোন স্থানের সহিত বিনিময়ের জন্ত লিখুন। বক্স নং... ..

খবরের কাগজে পাতা-জোড়া এমনি সব বিজ্ঞাপন। লেখার উপরেই সকলে চোখ বুলিয়ে যান—লেখার পিছনে যে সাগরপ্রমাণ চোখের জল, সেটা কারো নজরে আসে না।

যাকগে, কথা বাড়িয়ে লাভ নেই। উপরের বিজ্ঞাপনটা নিত্যানন্দ চক্রবর্তী

মশায়ের। নাম গোপন করে বন্ধ-নব্বর দিয়েছিলেন। চিঠিও এল কয়েক-খানা—কোনটাই ঠিক মনে ধরছে না। এমন সময় এক হুহুদের কাছে খবর পাওয়া গেল, ঐ বাশতলিরই জয়নাল শেখ নগর টাকার সম্পত্তি কিনতে চান। জয়নাল মন্ত লোক এখন—হুগু করে টাকাটা পার করে দেবারও দায়িত্ব নেবেন। সম্পত্তি বিক্রির যে সমস্ত আইনগত বাধা আছে, জয়নাল তা-ও নস্রাত করতে পারবেন।

জয়নালের সঙ্গে নিত্যানন্দ কিছুদিন এক পাঠশালায় পড়েছিলেন। বাশতলির সুবিখ্যাত সেজকর্তা তাঁর মাতুল, শৈশব ওখানেই কেটেছে। সেজকর্তা অন্তে মাতুল-সম্পত্তি পেয়েছেন, যা এইবারে ঘুচিয়ে দিতে চান। পাসপোর্ট-ভিসা করে নিত্যানন্দ অতএব মাতুলের ভিটা দর্শনে চললেন।

সন্ধ্যাবেলা নিত্যানন্দ আর জয়নাল দক্ষিণকোঠার ভাঙা পৈঠার উপরে বসেছেন। সেকালের কথা উঠল।

হিন্দু ভোমরা কি কম অত্যাচার করেছ আমাদের উপর! সেই কতকাল থেকে। শোন তবে। আমার বাপ জামির শেখ ধান কিনলেন সেজকর্তার এইখানে। তিন তিনটে গোলায় চাল পর্বন্ত বোঝাই, বাকি একটা থেকে খরচ হচ্ছে। সেজকর্তা চার নব্বর গোলায় চাবি ছুঁড়ে দিলেন মাহিন্দারের দিকে। ধান পেড়ে সে গান্না করল, কুলোয় উড়িয়ে চিটে আলাদা করল। পালিতে করে মাপ হল সকলের মুকাবেলা।

সেজকর্তা বললেন, নিজে দাঁড়িয়ে থেকে মাপামাপি করলে জামির, পরে যেন কথা না ওঠে। উঠলেও আমি কানে নেব না।

তখন কে বুঝেছে সেজকর্তা মাল্লুষটার মনে মনে এতখানি প্যাচ!

মাথায় বয়ে বয়ে কালু মিঞা তো আমাদের বাড়ি নিয়ে তুলছে। অত বড় ঐ মাঠখানা, তারপর বাশবন—পথ নিতান্ত হেলাফেলার নয়। এতখানি পথ যাচ্ছে আর আসছে। গ্রহর বেলায় বওয়া শুরু হয়েছে, বিকাল হয়ে আসে—ধানের পাহাড় যেমন-কে-তেমনি। হাত-পা ছেড়ে দিয়ে কালু মিঞা ধপ করে বসে পড়ল: আমি পারব না শেখ-ভাই, নিজে গিয়ে দেখ। না গেলে ও ধান সারা বছর বয়েও শেষ হবে না। আমি যারা পড়ব।

বাগজী এসে বললেন, বন্ধুর বওয়া হয়েছে এই পর্বন্ত। আর ধান নেব না সেজকর্তা। যা বাকি আছে, তোমার গোলায় তুলে ফেল।

সেজকর্তা চটে আগুন: যেরে বাই আমি কি! তোমায় বিক্রি-করা



ধান আমি কেন গোলায় ভুলব? ধানের কি অভাব আমার? এত বড় অপমানের কথা বারদিগর কানে শুনে না হয়। তা হলে রক্ষে রাখব না।

বাপজী তখন সোজাসুজি বলেন, ধান তো এক টাকার। সারা বেলাস্ত বয়ে বয়ে কালু খুন হবার দাখিল। ধানে ঠিক কারচুপি আছে, তোমার ধান আমি কিনব না।

সেজকর্তা রাজি হয়ে গেলেন : হোক তাই। যত ধান তোমার বাড়ি গেছে সমস্ত বয়ে ফেরত দিয়ে যাক।

সে আরো বেশি হালামা। অত ধান ফেরত আনতে রাতদুপুর হবে। ক্রান্ত কালু মিঞা পেয়ে উঠবে না, আলাদা কিষান লাগাতে হবে। দু-দুটো মজুরির অকারণ গচ্চা।

বাপজীর মনে এইসব। তারও উপরে সেজকর্তা জুড়ে দিচ্ছেন : ধানের সঙ্গে চিটে মিশিয়ে আগে যেমন ছিল ঠিক সেই রকম করে দেবে। তোমার বাড়ি যা গেছে আর উঠানের উপরে এই যা আছে—সমস্ত গোলায় ভুলে শেষ করে তারপর ছুটি।

ক্যানাদ বটে! বাপজী বললেন, রাত কাবার হয়ে যাবে যে সেজকর্তা।

কিন্তু নিষ্ঠুর সেজকর্তা খিঁচিয়ে ওঠেন : আমি তার কী জানি! ধান কেনবার সময় মনে ছিল না?

বাপজীও রেগে যান এবার। মনের সন্দেহটা ল্পটাল্পটি খুলে বলেন : কালু মিঞা এক এক ক্লেপ নিয়ে বেরিয়ে যাচ্ছে, সেই ফাঁকে গাদার মধ্যে তোমরা ধান মিশিয়ে দিচ্ছ।

খবরদার জামির! মিথ্যে বদনাম দেবে না। মানহানির মামলা হুঁকে দেব, বলে দিচ্ছি।

ঘোরতর ঝগড়া। কালু টলছে ওদিকে। আইনে না পেরে বাপজী শেষটা সেজকর্তার হাত জড়িয়ে ধরলেন : মাহুষ না পাষণ্ডুমি! চেয়ে দেখ, কালু মিঞার অবস্থা। পথের উপর মুখ খুবড়ে পড়বে, তাইতে কি স্নেহ হবে তোমার?

তখন রফা হল, সন্ধ্যা পর্যন্ত ধান বইবে। বন্দুর হয় হল, তারপরে ছুটি। বাকি ধান সেজকর্তাই মাহিন্দার লাগিয়ে গোলায় ভুলে নেবেন।

যাক বাবা, প্রাণবাঁচানোর উপায়টা হল। কালু মিঞাও ঘড়েল তেমনি। সময়ের চুক্তিতে এসে গেল তো এম পেরে সে শামুকের গতিতে হাঁটছে। বোকাও নিচ্ছে নিভাস্ত লোক-দেখানোর মতো। খাটনি যত কম হয়। সন্ধ্যার পর ছাড়া পেয়ে বাপজীকে বলে, কী প্যাচে কেবেছিল বোকা

শেখ-ভাই। এর পরে খান কিনলে গাদার পাশে মাস্কব মোতায়েন করে রাখবে। বেমকা মেশাতে না পারে।

তবে শোন। মুসলমানেরও কি কম অত্যাচার হিন্দুর উপর!—চুকট আছে, দেশলাইয়ের কাঠি ফুরিয়েছে, নিত্যানন্দ উঠে গিয়ে দেশলাই খুঁজে-পেতে চুকট ধরালেন। আবার এসে পৈঠায় পা ঝুলিয়ে বসে বলেন, মুসলমানের অত্যাচার শোন। আমার মামাকে নিয়েই ব্যাপার—তোমাদের ঐ লেজকর্তা। ডোমরার সোনাই সর্দার নাকালের এক শেষ করল, দু-দিন আটক করে রেখেছিল। শোন তবে।

কৌজদারি মামলার সমন পেয়ে মামাকে সদরে যেতে হয়েছিল, রাজিবেলা ফিরছেন। পঞ্চাশের উপর বয়স তখন, পরসাকড়ির ঘে অভাব তা-ও নয়। আমরা সবাই বলি, গরুর-গাড়ি করে যাও মামা। মামা কানেও নিলেন না : আটক্রোশ তো পথ। আমি খোঁড়া না পর্দানসিন মেয়েমাস্কব ঘে ভগবতীর পিঠে চেপে পাপের ভাগী হতে যাব ?

জয়নাল শেখ অবাক হয়ে বলে, সদর হল আটক্রোশ ?

তখন তাই ছিল রে ভাই। রাস্তা পাকা হয়ে তারপর মাইলস্টোন বসাল। এক ক্রোশে শুনতে পাই দুই মাইল। ঐ পাকারাস্তায় তখন বাইশখানা পাথর বসিয়েও কূল পায় না। পথ ঘাই হোক, শেষরাত্রে মামামশায় বাড়ি থেকে বেরিয়ে দশটার সময় ঠিক গিয়ে আদালতে এত্তেলা দিয়েছেন। কাজ শেষ করে চারটের পর বাড়িমুখো রওনা।

আগের রাত্রে মহাল থেকে প্রকাণ্ড এক কাতলামাছ দিয়ে গেছে। রাত্রে রাঁধাবাড়া ঘটে ওঠেনি, ভাজা-মাছ দু-চারখানা খাওয়া হয়েছে। মাছ সাঁতলে রেখে দিয়েছে। মামামশায় বলে গেছেন, মাছের মাথা দিয়ে মুড়িঘণ্ট রেখে রাখতে। বাড়ি ফিরে খাবেন।

অসম্ভব কিছু নয়, রাজি গোটা দশেকের মধ্যে নির্ধাৎ পৌছে যেতেন। কিন্তু দেবরাজ বাগড়া দিলেন। তুমুল ঝড়বৃষ্টি। বাতাসে ছাতা উলটে গিয়ে একেবারে ধারান্নান হয়ে গেল। পথের ধারের সুপারিগাছ দশ-বারোটা ভেঙে পড়ল মামার চোখের উপর। তা বলে গ্রাছ নেই—ঠিক গিয়ে ভাতের খালার সামনে বসে মুড়িঘণ্টের মাছের মাথাটা ঢেলে নেবেন।

হতে পারত তাই। কিন্তু পথের উপর ডোমরার খাল—তখন পাকাপুল হয়নি, বাঁশের সাঁকোর পায়ুপার। সাঁকোর উঠতে গিয়ে মামা তো মাথায় হাত দিয়ে পড়লেন। পাড়ের গাছ পড়ে সাঁকোর বাঁশ ভেঙে জলে ভেসে গেছে। বৃষ্টি পেয়ে খালের জলও বেড়েছে খুব—কলকল করে ছুটেছে।

কোন আশা নেই আর। কাতলামাছের মুড়ো হুঁদিনের পরেও বাসি করে রাখবে না, বাড়ির লোকে সাবাড় করবে। ফাঁকার মধ্যে বৃষ্টি খাওয়ার অভাব মানে হয় না। ঘাটের কাছে সোনাই সর্দারের বাড়ি—তার উঠোনে মামা গিয়ে দাঁড়ালেন।

সোনাই দাওয়ায় শোয়। ঘুমের ভাব এসেছিল, মাহুয়ের সাড়া পেয়ে তড়াক করে মাহুয়ের উপর উঠে বসল : কে, কে, কে তুমি ?

ভেবেছে বর্ষারাজে চোর এসেছে উঠোনের উপর।

হাঁচতলায় কে দাঁড়িয়ে, জবাব দাও। আরে সর্বনাশ, সেজকর্তা কোথা থেকে ভয়ানক ভিতর ? উঠে এস।

ব্যাগের ভিতরে সাদাখুতি, গামছা ও ফতুয়া, সেগুলো শুকনো আছে। ভিজে কাপড় ছেড়ে ফেলে মামামশায় জলচৌকির উপর জেঁকে বসেছেন। সোনাই সর্দারের হাঁকডাকে বাড়ির লোক উঠে পড়েছে। হাতের চেটোয় কলকে বসিয়ে টানছেন মামামশায়, দেহ চাঞ্চা হয়েছে। মাছের মুড়োর শোকও ভুলেছেন অনেকটা।

মামা এই সব ইনিয়ৈবিনিয়ৈ বলতেন, তাঁরই মুখে শোনা গল্প আমার।

সোনাই সর্দার হঠাৎ বলে, খাওয়া তো হয়নি সেজকর্তা।

হঁ, তা হয়েছে একরকম—

বুড়ো হয়েছে, মিছেকথা বোলো না ঠাকুর। বিকেলবেলা বেরিয়েছ, তার মধ্যে ভাত কখন খেলে শুনি ? নিজে রেঁধে খাও, আমি কি বলছি আমাদের হৈসেলের রান্না খেতে ? গোয়ালে রাঁধাবাড়া করো, গোয়ালে তো শুনেছি ঘোষ হয় না।

মামামশায় আমতা-আমতা করেন : হাক্কামে কাজ নেই সোনাই। একটা রাত ভাত না খেলে কি হয় ! রাত পোহালেই চলে যাব। সাঁকো ভেসে গেছে, সেই শ্রীগঞ্জ অবধি ঘুরে যেতে হবে।

বাড়ির উপর এসে চৌপহর রাত উপোস করে থাকবে—গৃহস্থর একটা ভালমন্দ নেই ? মুখ দিয়ে এমন কথা বেরুল কি করে ঠাকুর ?

সোনাই সর্দারের তিন ছেলে—পাথুরে জোয়ান। কায়দায় পেয়েছে, আর কি ছাড়ে ! তিন জোয়ান তিন দিক থেকে গর্জন করে ওঠে : রাঁধতে হবে ঠাকুর, খেতে হবে। উপোসি থাকবে তো গাছতলায় পড়ে রইলে না কেন ?

রান্নাবান্না মামার আসে না, অন্যে কখনো হাঁড়ি হৌন নি। ভয়ে ভয়ে উঠতে হল তবু। সেই রাজে গুহুর-ঘাটে গিয়ে নতুন ভাঁড়ে জল তুলে

আনতে হল। ভাতে-ভাত চাপাতে হল নতুন মেটেহাঁড়িতে। উল্লনে ফু-  
পাড়তে পাড়তে চোখে জল বেরিয়ে আসে। কিন্তু পাহারায় আছে ছোড়া  
তিনটে, খানিকটা ভাতের মতো না হওয়া পর্যন্ত কলাপাতায় ঢালতে দেবে  
না। হল তাই এক সময়, খেতে হল সেই বস্তু। সোনাই সর্দারের ছেলেরা  
সর্বকণ ঘোরাফেরা করছে, খাওয়া সমাধা হলে তবে তারা গুতে গেল।

সকালবেলা রোদ উঠেছে। মামামশায় রওনা হয়ে পড়বেন, জুতো খুঁজে  
পান না। ফতুয়া এবং যে ভিজ়ে কাপড়টা মেলে দিয়েছিলেন, তা-ও নেই।

সোনাই সর্দার হেসে বলে, আছে আছে। ছপুরে চাষ্টি মাছ-ভাত সেবা  
হয়ে থাক, তারপরে আপনাআপনি সব এসে পড়বে।

মামা শঙ্কিত হয়ে বলেন, ছপুরেও ?

বাড়ি গিয়ে সর্দারবাড়ির নিম্নেমন্ড করবে যে। বেঘোরে গিয়ে  
পড়েছিলাম—তা দেখ, ভাতে-ভাত খাইয়ে বিদায় করল। কাল রাত্রে মাছের  
মুড়ো তোমার ফসকে গেছে—সেই মুড়ো না খাইয়ে ছাড়াছাড়ি নেই।

হায়-হায় করছেন মাতুলমশায় মনে মনে। কথায় কথায় সোনাই  
সর্দারের কাছে মনোদ্বংখ প্রকাশ করে ফেলেছিলেন, তারই ভোগাস্তি এখন।  
তিন ছেলে তিনগাছা পাশখেওলা জাল নিয়ে পুকুরে পড়েছে। বেয়ে বেয়ে  
নাঞ্জেহাল। অনেক কষ্টে অবশেষে একটা মাছ উঠল। যথাসাধ্য রান্নাবান্না  
করে মামা মাছ-ভাতও খেলেন ছপুরবেলা। তবু কিন্তু জুতো-কাপড়-ফতুয়া  
বেরিয়ে আসে না।

কি সোনাই, কথার ঠিক রইল কোথায় ?

সোনাই সর্দার ভ্রঙসি করে বলে, মিরগেল-মাছের একফোটা একটু মাথা  
—এ আবার মুড়ো খাওয়া নাকি ? হাটবার আজকে—বাঁওড়ের বড় বড় কই-  
কাতলা ধরে জেলেরা হাটে নিয়ে আসে। পছন্দসই কাতলা হাটে পাওয়া  
যাবে।

পাওয়া গেল ভাগ্যক্রমে। নইলে কত দিন কত মাস কত বছর আটক  
থাকতে হত, ঠিক কি ! একটা পুরো দিনমান আর আগে পিছে দুটো রাজি  
কাটিয়ে মামামশায় বাড়ি ফিরলেন। খবরবাদ না পেয়ে মামী এদিকে চোখ  
মুছতে লেগেছেন। কেমন করে জানবেন সোনাই সর্দারের এই অভ্যাস ?

বৃদ্ধ জয়নাল শেখ হাসির মতো ভাব করে বলেন, এমনি অভ্যাস  
লেগেই ছিল। কোনদিক্কার মুকন্নিয়া উদয় হয়ে তাই হিজিদিজি করতে  
লাগলেন। মজাটা এই, বাংলা কথা তাদের কেউ বলে না—আমাদের বাংলাক  
কেউ নক-তাক। আমাদের দুখু যিঞা তাদের খুব তাঁবেদারি করেছিল। সেই

হুখু এখন আমি'র আলি হয়ে উজির-না'জিরদের একজন। ভাগাভাগি না হলে  
বিড়ি বেঁধে খেতে হত।

নিত্যানন্দ চক্রবর্তী নিখাস ফেললেন : আমাদের ফকিরচাঁদ হোড়েরও  
তাই। এখন সে পি. হোর হয়ে মস্তবড় সরকারি ডিপার্টমেন্টের মাথা।  
ডিপার্টমেন্টের একটা বেহারা হবার বিস্তেও তো ফকিরের পেটে নেই।

আনমনে নিত্যানন্দ চুপ্ট টানতে লাগলেন। জয়নালও নিস্তব্ধ।

হঠাৎ নিত্যানন্দ বলেন, কালীপূজায় এই উঠোনে একবার মহিষবলি  
হয়েছিল, মনে আছে তোমার ?

শুনছিলাম বটে, দেখতে আসিনি। জয়নাল শেখ ঘাড় নাড়লেন :  
পূজোআচ্চাব ব্যাপার—সে পূজো আবাস রাতহুপুরে। ছেলেমানুষ আমি  
তো তখন।

নিত্যানন্দ বলেন, আমি দেখেছিলাম—আমার মনে আছে। পাঁচ-সাতটা  
মরদে মিলে মহিষের গলায় ঘি ডলছে, চামড়া নরম করে নিচ্ছে। ধেনোমদ  
গিলে চোখ লাল করে কামার মেলতুক হাতে দাঁড়াল। কপালে লাল  
সিঁহুরের ফোঁটা, কানে রক্তজবা। মেলতুকের দু-পিঠেও সিঁহুর দিয়ে ছুটো  
চোখ এঁকেছে। নিশিরাজি, অমাবস্তার অঙ্ককার। ঢাকটোল বেজে উঠল  
তুমুল আওয়াজ করে, তার মধ্যে মহিষের ডাক কে শুনতে পায় ?  
হাড়িকাঠে কেলে মরদেরা মুণ্ড চেপে ধরল। আজও আমার মনে পড়ে  
জয়নাল, জল গড়িয়ে আসছিল মহিষের চোখে। ড্যাডাং করে দিল কোপ,  
ধড় মুণ্ড দুইখণ্ড হয়ে ছিটকে পড়ল। কী রক্ত, কী রক্ত !

চুপ করে নিত্যানন্দ চুপ্ট টানতে লাগলেন। ঘোর হয়ে গেছে তখন।  
ধড় আর মুণ্ড উভয় খণ্ডের রক্তধারা যেন চোখের উপরে দেখতে পাচ্ছেন।

## কান্নার গাড়ি

স্বতিগঞ্জে এসে বাস বিগড়াল। বাঘের ভয় যেখানটা, সেইখানেই লক্ষ্য।  
উঁহ, বাঘকে অহেতুক বাড়াচ্ছি। এতখানি তাগত বাঘে সম্ভবে না—বাঘের  
ভিরমি লেগে যেত। পারে কেবল মাহুযেই।

আম-জাম নারকেল-সুপারির মাঝে এক-একটা বাড়ি। গাছপালা  
ছাড়িয়ে মন্দিরের চূড়াও একটা দেখা যায়। জলেপুড়ে যাচ্ছে—ধোঁয়ার কুণ্ডলী  
অমন শ-খানেক জায়গা থেকে। আগুনের হুকা এক-একবার দপ করে  
আকাশমুখে ওঠে। পৃথিবী পুড়িয়ে দিয়ে এবারের বুঝি আকাশের পালা।

ই নিজে দেখিনি, মারফতি গল্প—পেট্রোপোলের প্রাটকরমে নেমে পড়ে ইদ্রিস মিঞা বলছে। ঐ স্থতিগঞ্জের উপর দিয়ে মোটরবাসে হামেশাই আমি বাড়ি যেতাম। পাকিস্তান জেঁকে ওঠার পর যাইনে। কলকাতায় খানিকটা জমিয়ে নিয়েছি, কোন দুঃখে যেতে যাব বলুন। নিরাপদ দালান-কোঠায় বসে আহা-ওহো করি। এবারে কী রকম ঝোক চাপল, সীমান্তের পেট্রোপোল স্টেশনে এসে সেকালের পড়শিদের খোজ নিচ্ছি। ইদ্রিস মিঞা ঐ ট্রেনে এলে নামল। )

পাকারান্তার উপরে মোটরবাস তো অচল। ড্রাইভার আর অ্যানিস্টান্ট নেমে পড়ে ইঞ্জিনের বনেট তুলে খুঁটাট করছে। বহু কঠোর উন্নত চিংকার আসে অবিরাম। দূরে ছিল, ধেয়ে আসছে এইদিকে। বাসের ভিতরে মড়াকান্না : তোমার পায়ে পড়ি ড্রাইভার সাহেব, গাড়ি ছেড়ে দাও।

ড্রাইভার পুরানো লোক, বিশ বছর এই লাইনে আছে, সকলের সঙ্গে দহরম-মহরম। কিন্তু আগের সঙ্গে কোনটাই বা মিলছে! চালু গাড়ি হয়তো বা মতলব করেই থামিয়েছে। প্যাসেঞ্জারে কান্নাকাটি করছে : যা-কিছু আছে, তুমি নিয়ে নাও ড্রাইভার। শুধু প্রাণদান চাচ্ছি।

অকুটি-দৃষ্টিতে তাকিয়ে ড্রাইভার সিটে উঠে পড়ল। অ্যানিস্টান্ট প্রাণপণে ছাণ্ডোল মারছে। গাড়ির লাড়া নেই। হল্লা এতক্ষণে পাকারান্তায় উঠে পড়েছে। গাড়ির আগে পিছে বন্দুকধারী দুই কনস্টেবল—রাস্তায় লাক্ষিয়ে পড়ে তারা বন্দুক তুলল।

এইসব হল্লার মাতুষ বাংলা দেশে এসেও বাংলা কথা জানে না। ভিজ্জ-মাটি বাংলার মাতুষ হলে চোখ তার ভিজ্জবেই, সামলাতে পারবে না। বন্দুক দেখে বীরবৃন্দ কিছু নরম হয়েছে। নাকি বদ মতলব নেই, বাসে উঠবে তারা। বাসে চড়ে শহরে যাবে। কিন্তু বোঝাই বাসের ভিতরে মাতুষ কি—একমুঠে সর্বে ফেলারও তো জায়গা নেই।

তারা বলছে, ছাতের উপরে উঠে যাবে। হিন্দু ড্রাইভার সব পালিয়েছে—দিনে রাজ্জে পচিশখানা বাসের জায়গায় তিন-চারটেয় এসে ঠেকেছে। যাবেই তারা শহরে, বাসে নেবে না তো পায়ে হেঁটে যাবে অদূর ?

লেগে যায় আর কি ! তারা এক পক্ষ, অস্ত্র পক্ষে ড্রাইভার ও কনস্টেবল দুটো এবং দুই বন্দুক। এ কিছু নয়, হয়ে থাকে এমনিধারা। বড়-কিছু গুলু হবার মুখে তর্কবিতর্ক ও ঝগড়াঝাটিতে রক্ত গরম করে নেয়। তারপর ঝাঁপিয়ে পড়ে। সবাই জানে এ নিয়ম। এই কনস্টেবল তখন হয়তো বাজীদের দিকেই বন্দুক তাক করবে। বিশ্বাস নেই।

কঠিনের উঁচু হয়ে ক্রমশ গর্জনে পৌঁছল। বন্দুক অগ্রাহ্য করে কিশোর মতো ছুটল তারা—সত্যি সত্যি বাসের ছাতে উঠবে। অথবা অন্ত-কিছু। রাজারীদেবের পরিজ্ঞানই আর্দ্রনাদ।

হঠাৎ কোথা দিয়ে কী হয়ে গেল—নিম্নতর সকলে। মস্ত পড়ে ঘেন মুখ বন্ধ করে দিয়েছে। বটগাছের পাকা পাতা বাতাসে ঝরে ঝরে পড়ছে, সেই শব্দটুকুও শুনতে পাওয়া যায়।

ইন্ডিয়ান মিঞা সেই বাসে, চমকে উঠে সে রাস্তার এদিক-ওদিক তাকায়। বড়দরের কেউ নিশ্চয় এসে পড়েছে—দারোগা, পুলিশ-সুপারিন্টেন্ডেন্ট, মিলিটারি—? মিলিটারি-পুলিসের জীপগাড়ি কি—একটা সাইকেল-রিম্মাও তো কোনদিকে নেই।

তারপরে নজরে পড়ে, পাকারাস্তার উপরে না হোক—এসেছে সত্যিই। তাঁট-কালকাস্তুরের জল ভেঙে মজানদীর কিনারে বটতলার দিকে পায়ে পায়ে চলে আসছে—এই স্ততিগঞ্জ গাঁয়েরই বউ বোধহয়। অটুট স্বাস্থ্য, উজ্জ্বল যৌবন। খড়কুটো-ধুলোমাটিমাখা ঝাঁকড়া চুল, মুখে বৃক বাহতে ক্ষতচিহ্ন—রক্ত ফুটে ফুটে উঠেছে। কাপড় ফালা-ফালা—হটোপাটিতে শতচ্ছিন্ন হয়ে ঝুলে পড়ে আছে, অঙ্গ ঢাকে না তাতে। এতক্ষণ তবু ঝোপঝাড়ের আবদ্ধ ছিল—বটতলায় ফাঁকার মধ্যে শতচন্দ্র সামনে এসে গেছে। লজ্জার চিহ্নমাত্র নেই। লজ্জা করার নেইও অবশিষ্ট কিছু—বজ্রাতে লুটেপুটে নিয়েছে, একবার চেয়ে দেখেই বুঝতে পারি।

বাসের ঝগড়া ছেড়ে হস্তার মাহুশগুলো নির্বাক হয়ে দেখছে। এইবারে—এক্ষুনি তো জাপটে ধরে জললে দেবে ছুট। এমনি ব্যাপার ইন্ডিয়ান মিঞারও কি চোখে দেখা নয়?

অথচ কী আশ্চর্য—একদৃষ্টে বিহ্বল হয়ে দেখছে তারা। বাক্যই শুধু নয়, সর্বইন্দ্রিয় স্তব্ধ। রাজারী মৃত্যুভয়ে আর্দ্রনাদ করছিল—শান্তি যে মৃত্যুর চেয়ে কত বীভৎস হয়, পাথর হয় গিয়ে চোখের উপর তাই দেখছে।

(স্ততিগঞ্জের বটতলা! গ্রামের আসল নাম স্ততিগঞ্জ, দলিলপত্রে এবং রিচার্ডসন সাহেবের স্মৃতিকথার মধ্যে এই নাম। লোকের মুখে মুখে এখন স্ততিগঞ্জে ঝাড়িয়েছে। আমার কিশোর বয়স তখন—বটতলার ওখানটায় স্বদেশি মিটিং হয়েছিল, গাঁ থেকে আমরা সব গিয়েছিলাম। জগৎ বহুতা করল। তখন মোটরবাস ছিল না, পাকারাস্তায় ঘোড়ার-গাড়ির চলাচল। জগৎ এসে নামল, গাঁয়ের বউমেয়েরা ভিড় করে এসে শব্দ বাজালেন, উলু দিলেন। জগৎও কিন্তু আসল নাম নয়, কাল্পনিক নাম দিয়ে আমি গল্প

লিখেছি। সাজানো বাড়ানো অনেক ব্যাপার গল্পের ভিতর থাকে, ঐসকল বিখ্যাত নাম সেজ্ঞে দেওয়া চলে না। ফাঁসির দড়ি শেষ অবধি জগতের পুরস্কার হল। হবেই। গভীর রাত্রে পুলিশ পাহারায় আমরা মফঃস্বল শহরের খশানঘাটায় জগৎকে চুপি চুপি দাহ করে এলাম। যাকগে, সে হল ভিন্ন কথা।)

সেই বটগাছ-তলায় ধর্ষিতা গ্রামবধূ। পেট্রোপোল সীমান্ত-স্টেশনের প্লাটফরমে দাঁড়িয়ে ইঙ্গ্রিশ মিঞা বর্ণনা দিচ্ছে। তাই বা কেন, ধর্ষিতা বলো কোন বিচারে? ইটপাথরে ধর্ষণ আবার কি—লজ্জাই বা কিসের? পাথরের উলঙ্গ মূর্তি কে কবে কাপড়ে ঢাকতে যায়? পালানোর কোন ইচ্ছে নিয়ে নয়—ঘুমের মধ্যে এক একজন অজান্তে যেমন ঘুরে বেড়ায়, তেমনিধারা এসে পড়েছে ঝোপজঙ্গলের হুঁড়িপথ ধরে। চলনে তাই বলছে। ঐসব ঘরবাড়ি জ্বলছে—রমণীকে ঘিরেও কাঠকুঠো জালিয়ে দাও, দেখো সে এক তিল নড়বে না।

(রিচার্ডসনের স্বতিকথা পড়ে দেখবেন। ইঙ্গ্রিশ মিঞার বর্ণনার সঙ্গে খানিকটা মেলে। রিচার্ডসন ছিল জেলা-ম্যাজিস্ট্রেট, লেখকও বটে, বাংলা-দেশের মানুষ ও সমাজ-জীবন সম্পর্কে উৎসাহী। খবর পেল, কোন এক চক্রবর্তী মরেছে, তার তরুণী বউ সতী হবে। নদীকূলের ঐ বটতলায় খশানঘাটা তখন, ঘোড়া ছুটিয়ে রিচার্ডসন দেখতে এলো। স্বেচ্ছায় কেউ সতী হলে তখনকার আইনে বাধা দেবার জো ছিল না—তবে জোর-জবরদস্তি না হয়, সেটা পুলিশের এস্তিমার বটে। ঘোড়া থেকে নেমেই রিচার্ডসন ঢাকটোল বন্ধ করে দিল—চিতার উপরে জীবন্ত মানুষের আর্তনাদ বাজনার প্রচণ্ড আওয়াজ তুলে চাপা দিয়ে দেয়, এই ধারণা। দেখা দিল তরুণী বউটা। তারই কোলের বাচ্চাটা নিয়ে বড়সতীন পিছন পিছন আসছে—বাচ্চাটা এগিয়ে ধরে ডাকাডাকি করছে ফেরাবার জন্য। বাচ্চা কাঁদছে আকুল হয়ে, পাষাণী মা তাকিয়ে দেখে না।

রিচার্ডসন লিখেছে: যুক্তকর সতীর, উদ্ভ্রান্ত দৃষ্টি। চেতনাহীন বলে মনে হচ্ছে। বিপুল জনলমাবেশ সে বুঝি কিছুই চোখে দেখছে না, একের পর এক পা ফেলে চলেছে লেলিহান চিতাগ্নির দিকে। আমার মনে হল, প্রাচ্য-দেশস্থলভ কোনরকম নেশা করানো হয়েছে তাকে, কিম্বা যৌগিক প্রক্রিয়ায় সন্মোহিত করেছে। না হলে সন্তানের কান্নায় চোখ ফেরায় না, এ কেমন মা! পুরুতকে আদেশ করলাম, চিতায় উঠবার আগে ছোটখাট একটু পরীক্ষা হবে। ঘিের প্রদীপ ঐ যুক্তকরের নিচে তুলে ধরো, সেক



লাগুক, সন্নিহিত ফেরে কিনা দেখতে চাই। কী আশ্চর্য, প্রদীপ নিয়ে আলভেই তরুণী নিজে থেকে হাতের আঙুলগুলো প্রদীপের আগুনে মেলে ধরল। চামড়া পোড়ার গন্ধ বেরুল—হাত সরাজে না, মুখে এতটুকু বিকৃতি নেই। জনতা স্তম্ভিত হয়ে দেখছে। আমি পারলাম না, বোড়া ছুটিয়ে পালিয়ে এলাম। মানুষ তখন সতীর জয়ধ্বনিতে কেটে পড়ছে।)

এ রমণীও তাই। এক বিচিত্র লোকে রয়েছে। শতেক চক্ষুর সামনে প্রায় বিবস্ত্র—জানেই না সে-ব্যাপার। বাসের মানুষ আমাদেরও যে কিছু করণীয় আছে, মনে পড়ছে না। অদ্ভুত অহুত্ব—ধু-ধু করছে ঘেন চারিদিক, আমরা নিরালস্য ভাসছি। যে পৃথিবীতে এতকাল ছিলাম, সেটা ধোঁয়া হয়ে গেছে একেবারে। এক যুবতী রমণীর মৃতদেহ আলসে তার মধ্যে ঘুরে ফিরে বেড়াচ্ছে।

হঠাৎ সে থমকে দাঁড়ায়। কাচের মতন দুই চোখে দৃষ্টি ঝিলিক দিয়ে ওঠে। কী দেখতে পেয়ে মজানদীর ঘাটের পাশে ছুটল। হোগলাঝাড়ের ভিতর মড়া। মরা মেঘেমানুষ। এমন মড়া তো কতই কত দিকে—আজকের দিনে মড়ার মতন গস্তা জিনিস কি? মরা গরু হলে চামড়া খুলে নিয়ে দুটো পয়সা লভ্য হয়, মরা মানুষে মুনাফা নেই। কেউ তাকিয়েও দেখতে যায় না।

কিন্তু সেখানে শুধু মড়া নয়, জোঁকের মতো মড়া লেপটে আছে আর-এক বস্তু। ঠাহর করেনি কেউ, যে ঘাতক মেরেছিল সে-ও দেখেনি—মৃত্যুর সময়ে মায়ের বুকের মধ্যে বাচ্চাছেলে লুকানো ছিল। হোগলাবনে দুটোই পড়ে—হয়তো বা ঘুমিয়ে ছিল বাচ্চাটা, ক্ষিপে পেয়ে এখন দুধের প্রত্যাশায় মড়ার বুকে মুখ ঢুকিয়ে আঁকুপাকু করছে। ছুটে গিয়ে যুবতী সেই বাচ্চা তুলে নিল। সঙ্গে সঙ্গে সন্নিহিত। এতক্ষণের শুকনো চোখে আকুল ধারায় জল নামে, আর হা-হা হা-হা করে বিকট সুরের কান্না। আকাশের উপরে ঈশ্বর যদি থাকেন, কান্না শুনে থরথর করে নিশ্চয় তিনি কাঁপছিলেন।

বাচ্চাকে আড়কোলা করে বুকের উপর ধরেছে—বস্ত্র বিহনে ছেলে ঢাকা দিয়ে লজ্জা রক্ষা করে। আর বাসের প্যাসেঞ্জারের কাছে সকাভারে ভিক্ষা চায়: কাপড়—

স্তম্ভিত হতচেতন আমরা মুহূর্তে সচকিত হয়ে বৌচকাবুচকি হাতড়াচ্ছি। শাড়ি হোক ধুতি হোক লাদা খান হোক, নিজের পরের বলে কথা নেই, কাপড় একটা পেয়ে গেলেই হয়। পাগলা প্যাসেঞ্জার একটি আমাদের মধ্যে, সর্বক্ষণ নিজ মনে বিড়বিড় করতে করতে এত পথ এসেছে, হঠাৎ সে উত্তেজিত

হয়ে ‘সর্বনাশ হোক’ ‘সর্বনাশ হোক’ বলে লোক দিয়ে ওঠে—উঠতে গিয়ে বালের ছাতে মাথা ঠুকে যায়। আর বাইরের সেই হিংস্র জনতা, দেখি, নিঃশব্দে পাকারাস্তা ছেড়ে শিলশিল করে নেমে যাচ্ছে। ভিত্তে গেলেন মুসলমান-ঘরের এক গিন্নি—তার কাপড়টাই সকলের আগে উলজ যুবতীর গায়ের উপর পড়েছে।

বলছিল ইজ্রিশ মিঞা পেট্রাপোলে সজ্ঞ-পৌছানো ট্রেনের পাশে দাঁড়িয়ে। দাঁত মেলে হাসির মতো ভক্তি করে বলে, মুসলমান তখন আমরা সকলেই—পুরুষ মেয়ে বতগুলো বালে করে যাচ্ছি। আবার ঐ দেখো দাদা, টপাটপ এইবারে হিন্দু হয়ে যাচ্ছে।

একটুখানি ইতস্তত করে লুককণ্ঠে বলল, একটা কথা বলি দাদা। ধুতি পরতে লোভ হচ্ছে, তোমার পবনের ধুতিটা দাও আমায়।

পথে-ঘাটে কেন রে? বাড়ি চল, দিনরাত ধুতি পরে থাকবি।

সবুর সইছে না। চলো না গাছতলায়—আমার গামছাখানা পরে ধুতি ছাড়বে। আমি তারপরে লুঙি দিয়ে দেবো।

হাত এড়ানো গেল না, কবেই বা পেরেছি! গাছতলায় চলেছি দু’জন গাড়ির কাছ ঘেঁসে। সবগুলো কামরার মধ্যে ম্যানুষ হাউ-হাউ করে কাঁদছে। বতকণ সীমান্তের ওপারে, ভীক সন্দেহসঙ্কুল দৃষ্টি—ভিটেমাটি ছাড়তে যে তিলমাত্র দুঃখ হয়েছে, কিছূতে কাউকে জানতে দেবে না। এরই মধ্যে কে-একজন টেচিয়ে উঠল: তেঁতুলগাছ পার হলাম রে—(বর্ডারের নিশানা এক তেঁতুলগাছ) আর কোথায় ছিল কত কান্না, সেই মুহূর্তে সমুদ্র হয়ে ট্রেন তোলাপাড় করে তুলল। মেয়ে আছে, পুরুষ আছে, অপোগণ্ড শিশু আছে, অস্তিমযাত্রী বুড়ো আছে—নানান কণ্ঠে হাজারো রকম দুঃখের কান্না। পেট্রাপোলে ট্রেন এসে দাঁড়িয়ে গেছে—তারপরেও অনেকক্ষণ ধবে নিঃশব্দে সাধ মিটিয়ে কেঁদে নিচ্ছে। কামবা বোঝাই করে কান্না বয়ে আনে, কান্নার গাড়ি সেই ভগ্নে নাম।

কান্নার গাড়ির পাশ দিয়ে ইজ্রিশ আর আমি হাত-ধরাধরি করে যাচ্ছি—আরও এক তাক্কর দেখলাম, সধবা বউরা এ গরু কপালে সিঁদুর পরিয়ে দিচ্ছে। গায়ের চণ্ডীমণ্ডপে বিজয়া-দশমীর দিন ঠিক এই জিনিস দেখতাম—প্রতিমা বরণ করতে এসে এ ওকে সিঁদুর পরাত চির-এয়োজ্ঞী হবার কামনায়। কান্নার গাড়িতেও তাই—ঘষে ঘষে কপালের সিঁদুর তুলে পথে বেরিয়েছে, এয়োজ্ঞী হয়ে তবে এবার মাটিতে পা দেবে।

গাছতলার নিভূতে লুঙি বদলে ধুতি পরেছে ইজ্রিশ মিঞা—উহ, ইজ্রিশ

আর কেন—ইন্দুভূষণ। আমি সেই যে জগতের গল্প লিখেছি—তারই আপন ভাগনে। ছেলেবয়সে মাতুলের এটা-ওটা কাইফরমাস খেটেছে, চিরটা কাল সেই দেমাক নিয়ে কাটাল। দেমাকটা গিয়েছে বুঝি এইবার। ধুতি পরতে পরতে ছলছল চোখে বলে উঠল, এমনটা কেউ স্বপ্নেও ভেবেছিল দাদা?

কান্নার গাড়ির প্যাসেঞ্জার ইন্দুভূষণও দল থেকে আলাদা নয়।

বাড়ি নিয়ে এসে ইন্দুভূষণের কাছে খুঁটিয়ে খুঁটিয়ে বিস্তর কথা শুনলাম। লেখা যায় না। রাত্রি অনেক হয়েছে, ঘুম নেই—আমার চিরকালের দেশভূঁয়ের জন্ম কান্না পাচ্ছে। একা একা পায়চারি করছি—পরমার্চর্ষ ব্যাপার! দেখি, উঠানের উপর জগৎ। আবছা অন্ধকারে সেটা যে জগতেরই ছায়া, তাতে কোন সন্দেহ নেই।

ফাঁসি গিয়েছিলে যে তুমি?

জগৎ বলে, অহুতাপে জলছি আজ লতের বচ্ছর। দড়ির জোগাড় হয়েছে—পাতকোর জল-তোলা দড়ি। মেটেকলসি একটা খুঁজে বেড়াচ্ছি। দড়ি-কলসি গলায় বেঁধে ঝাঁপ দেবো, জলের নিচে যদি জলুনি ঠাণ্ডা হয়—’

## তদ্বির

দুই ঠিকেন্দার—কার্তিক পুঁই আর রাখহরি সেন। টাকার আঙুল—দু’জনেই। উজিরঘেরি জঙ্ঘল হাসিল হয়ে বাঁধবন্দি হবে, ঠিকেন্দারিটা কে পায়?

রাখহরি বাইরে থেকে এসেছে, কার্তিক স্থানীয় লোক। সেই হিসাবে কার্তিকের বিশেষ রকমের দাবি। মানুষটি ধুরন্ধরও বটে। কাজ বাগানোর যাবতীয় বিধিনিয়ম নিষ্ঠাভরে পালন করে ধাপে ধাপে এগুচ্ছে। দুর্গোৎসবে বসে পুরুত সকলের আগে যষ্টিপূজা সারেন—ক্ষুদে ঠাকুর-ঠাকরুন থেকে আরম্ভ করে ক্রমশ বড়র দিকে এগুতে হয়। এ ব্যাপারেও ঠিক তেমনি—গোড়ায় কাচারির বরকন্দাজকে তুষ্ট করে তারপর নায়েব—এই দ্বিতীয় পর্ব নায়েব অবধি পৌঁছেছে কার্তিক পুঁই।

নায়েব ফটিক বর্ধন। তাকে মোক্ষম করে ধরেছে : আপনিই সব—সেকালে যাকে নবাব বলত, এখন তাই নায়েব হয়েছে। বড়বাবু তো একটা সই মেরে খালাস। তিনি কি আর জঙ্ঘলে জঙ্ঘলে কাজ মেখে বেড়াবেন? বোঝেনও করু। পাইয়ে দিন কাজটা বড়বাবুকে বলে। চিরকালের সম্পর্ক আমাদের। রাখহরির মতো ভুইফোড় নই, আপনার পাওনাগণ্ডার একচুল এদিক-ওদিক হবে না।

কী আশ্চর্য! আপনি বলে দেবেন পুঁইমশায়, আমি লেই অপেক্ষায় থাকব? শুধু বড়বাবু কেন, মেজো ছোট সকলের কাছে তবির হয়েছে। বড়বাবু কাশী গেছেন, ফিরে এলেই হকুমটা বের হয়ে আসে।

বলতে বলতে ফটিক হাত পাতল : পুজোর মুখে বুঝতেই পারছেন কত খরচ-খরচা। ছেলেপুলের কাপড়জামা কিনতেই তো ফতুর হবার জোগাড়। তহরিটা এই সময় দিয়ে দিন পুঁইমশায়, বন্দোবস্ত খুব তাড়াতাড়ি হবে।

কার্তিক পুঁই বিপদ গণে : পুজো তো আমারও। কাজটার আঙ্কারা হয়ে থাক ভালোয় ভালোয়। আমিও পুজোর ধকল সামলে নিই এর মধ্যে। তহরি আপনার কোথাও যাবে না।

কালোমুখ করে ফটিক বলে, পুজো রাখহরি সেনকেও বাদ দিয়ে নয়। কাল সন্ধ্যাবেলা ভত্রলোক পায়ের ধুলো দিয়েছিলেন। ছিলাম না আমি, দেখা হয়নি। আজ আবার আসবেন, বলে গেছেন।

একটা পাঁচটাকার নোট তাড়াতাড়ি হাতে গুঁজে দিয়ে কার্তিক পুঁই নায়েবের হাত জড়িয়ে ধরল : এতেই ভুট্ট হন এখন। পুজোর বিপদ না হলে এত করে বলতাম না। ঠিকেনারি পাকাপাকি হয়ে গেলেও তো সংস্কার আপনার হাতে। বাঁধের মাটির মাপ করবেন আপনি, জঙ্গলের গাছ কতগুলো কাটা হল তার হিসেব আপনার কলমে, বিল পাস করবেন, বিলের টাকাও আপনি নিজ হাতে দেবেন। পদে পদে পয়সা।

মোলায়েম হেসে কার্তিক আবার বলে, দিতে আমি গররাজি নই। ষোলআনা ভোগ করতে গেলে ব্যবসা হয় না, দুটো পয়সা পেলে একটা পয়সা তাই থেকে ছেড়ে দিতে হয়। উতলা হচ্ছেন কেন নায়েবমশায়, নিয়মদস্তুর লম্বা পাবেন। বেশিই পাবেন।

কিন্তু হাসিতে চিঁড়ে ভেজে না। হাত মুক্ত করে ফটিক ছুঁড়ে দিল পাঁচটাকার নোট। রাগ করে বলে, ফকিরের ভিক্ষে দিলেন নাকি পুঁইমশায়? আমায় অবিশ্বাস করছেন—এই বা কেন তবে? সেনমশায়ের কাজকর্মের ধরন আলাদা। মুঠো-ভরা নোট নিয়ে তিনি ঘোরাঘুরি করছেন।

কার্তিক শিউরে উঠে বলে, জলে বাস করব, আর কুমিরকে অবিশ্বাস? বলছেন কি নায়েবমশায়!

বিস্তর বলে কয়ে হাতে আরও দশটা টাকা গুঁজে দিয়ে তবে নায়েবের রাগ ভাঙতে হয়।

রাখহরি সেনের কিন্তু পাতা নেই। ফটিক নায়েব মাছুষটার চেহারাই

ভাল করে দেখল না এদিনের মধ্যে। লাইনে নতুন এসেছেন, তব্বির বোঝেন না। অগত্যা ফটিকই একদিন গুটিগুটি তাঁর বাড়ি চলে গেল।

নমস্কার সেনমশায়। টাকাকড়ি আছে আপনার, কাজকর্ম বোঝেন সেটাও জানি। কিন্তু বাড়ি বসে তো ঠিকেরারি আসে না, সেইটে মনে করিয়ে দিতে এলাম।

রাখহরি বলে, বাড়ি বসে আছি কে বলল? ছাপা ফরমে টেওয়ার দিয়ে এসেছি। খোদ বড়বাবু হাত পেতে নিলেন। জিজ্ঞাসাবাদ করলেন আমার কাজকর্মের সম্বন্ধে।

দু-হাত উটে ফটিক-নায়েব হতাশ ভাবে বলে, তবেই হয়েছে? ঘোড়া ডিঙিয়ে ঘাস খাওয়া—এতে উন্টো ফল। হাত পেতে নিয়েছেন বড়বাবু, নিয়ে তো রেখে দিলেন। বাস, ঐ পর্যন্ত। বেমালুম বিন্মরণ। এক-শ গণ্ডা কাজ বড়বাবুর—হাজার মানুষ এসে নিতিদিন অমনি কাগজ হাতে দিয়ে যাচ্ছে।

মুগের দিকে তাকিয়ে ফটিক মনোভাব ঠাহর করবার চেষ্টা করে। মালুম হয় না কিছু, কথা যেন কানেই গেল না।

ফটিক বলে, টেওয়ার জমা দিয়ে সঙ্গে সঙ্গে তব্বির করবার বিধি। নতুন মানুষ—জানেন না বলে বাতলে দিতে এসেছি।

তব্বিবতদাবক নিষিদ্ধ—ফরমে তবে ছাপা রয়েছে কেন?

ফটিক ক্যা-ক্যা করে হাসে : তব্বির বলে বিশেষ একটা দরকারি ব্যাপার আছে, পাছে আপনারা ভুলে বসে থাকেন। এইবারে নগদ ছাড়তে হবে সেনমশায়। যাদের কথা বড়বাবু শোনেন, টাকা পেয়ে আপনার টেওয়ার তারা বাবুর নজরের সামনে তুলে ধরবে। সুপারিশ করবে আপনার জন্ত।

আপনি বুঝি সেই মানুষ?

আত্মপ্রসাদে ফটিক বর্ধন দু-পাটি দাঁত মেলে হেসে পড়ল।

রাখহরি সজোরে চড় মারল ফটিকের গালে : ঘুষ নিতে এসেছেন? বেরিয়ে যান আমার ঘর থেকে।

আশ্চর্য ব্যাপার, রাখহরি সেনের ফার্ম কন্ট্রাক্ট পেয়ে গেল। অপমানিত ফটিক প্রাণপণে বাধা দিয়েছে, কিন্তু নিশ্চেষ্ট বড়বাবু কানে নিলেন না। তারপরে রাখহরি নিজে একদিন ফটিক বর্ধনের কাছে এসে উপস্থিত। মানিষ্যাগ থেকে টাকা বের করে সামনে রাখল। বলে, হংসামাজ্জ পারিশ্রমিক। আপনি আমার জন্ত অনেক করেছেন নায়েবমশায়।

ফটিক অবাক হয়ে বলে, আমি?

কাজটা হাতে না পাই, তার চেটা করেছেন। সত্যি-মিথ্যে বদনাম দিয়েছেন। আমার তব্বির এই। যত গালিগালাজ করেন, উপরওয়াল। ততই ভাবে অতিশয় সাক্ষা ফার্ম—আমলার সঙ্গে যোগসাজস নেই, টিক মতো কাজকর্ম হবে। আপনার সুপারিশ থাকলে বড়বাবু বিগড়ে যেত। যদি বলেন, চড় মারলাম কেন—চড় না খেয়ে মন খুলে এমন যাচ্ছেতাই করতে পারতেন না।

গণগেথে ফটিক টাকা তুলে নিল। মোটা অঙ্ক—পঞ্চাশ।

রাধহরি সেন হেসে বলে, শেষ নয় এটা—সবে আরম্ভ। এর পরে—কাজকর্ম তো পুরোপুরি আপনার হাতে এসে গেল। চড়চাপড় নয় আর। পদে পদে টাকা।

## প্রতিহিংসা

কালার্টাদ-কাকা আমসত্তের সঙ্গে চিঠিও দিয়েছেন একটা। ঠিকানা মিলিয়ে দেখলাম, এই বাড়ি বটে। কড়া নাড়'ছ। চুপচাপ। নেড়েই, যাচ্ছি। হঠাৎ একবার সাড়া এলো, কে ?

রীণারই গলা, সন্দেহ নেই। নাম বললাম। পাঁচ বছর হলেও ভুলবার কথা নয়, তবু গ্রামের নাম বলি : অমুক জায়গা থেকে আসছি। তোমার মামা ক'খানা আমসত্ত পাঠিয়েছেন।

রীণা বলল, ওরে গগন, দোর খুলে বৈঠকখানায় বসা। আসছি আমি পঙ্কজ-দা।

কোথায় গগন, কেউ সাড়াশব্দ দেয় না। রূপরূপ করে রুটি। ভাগ্যিস রেনকোট নিয়ে এসেছিলাম অসিতের বাসা থেকে। হা-পিত্যেশ দাঁড়িয়ে আছি। রীণার ব্যাপার না হলে কখন চলে যেতাম। পাঁচ বছর বাদে বিবাহিত রীণা কেমন হয়েছে, দেখবার লোভ। ভাল ছেলের সঙ্গে রীণার বিয়ে হয়েছে। গ্রাজুয়েট, জাপানি এডুসিভে কাজ করে, ভাল মাইনে পায়। বাসা করে স্বামী-স্ত্রী পরম সুখে আছে। কালার্টাদ-কাকাট গুলে গুলে এ সমস্ত বললেন। তা সুযোগ যখন হয়েছে, স্তম্ভ দেখে যাই ওদের। মেয়েটার কপাল ভাল, আমার ঘাড়ে পড়তে পড়তে বেঁচে গিয়েছে।

ফুল-ফাইন্ডাল দিয়েছি সেবারে সেই পাঁচ বছর আগে। পড়াশুনোর রীতিমত ভাল, তার উপরে তিন তিনটে প্রাইভেট-মাস্টার। স্বলারশিপ যদিই বা ফসকে যায়, একগাদা মেটার পাব নির্ধাৎ। এই সময়ে কালার্টাদ-কাকার

মাতৃশ্রদ্ধ উপলক্ষে বোন-ভাগনি এসে পড়ল। রীণা ও তার মা। বয়সে কিশোরী তখন রীণা, রাজকন্তার মতো রূপ। পাড়াগাঁয়ে এমন স্নন্দর মেয়ে কদাচিৎ চোখে পড়ে। মেয়েদের মধ্যে যেমন হয়ে থাকে—শ্রদ্ধশাস্তি চুকে যেতেই মা কালাচাঁদ-কাকা ও রীণার মায়ের কাছে প্রস্তাব পাড়লেন : বিয়েখাওয়া এখনই যে হচ্ছে তা নয়। পঙ্কজ অনেক পড়বে এখনো, বিলেত পাঠিয়ে ব্যারিস্টার করে আনবেন ওঁর বড় ইচ্ছে। কথাবার্তা পাকা হয়ে থাকুক, বিলেত রওনা হবার ঠিক আগেই শুভকর্ম। মেম বিয়ে করে যাতে না ফিরতে পারে।

সকল দিক দিয়ে আমি অতিশয় স্থপাত্র, তাঁদেরও আপত্তির কথা নয়। বাবা আরও এক পা এগিয়ে বললেন, মেয়েটি বড় লম্বী। মুখের কথা নয়, আমি একখানা গয়না দিয়ে আশীর্বাদ সেরে রাখব। তারিখ ঠিক হল। ঠিক তার তিনদিন আগে বিনামেঘে বজ্রাঘাত। কলেরা হয়ে বাবা মারা গেলেন। রীণারা চলে গেল। যে রকম নবাবি চালনচলন বাবার, কত লক্ষ টাকা রেখে গেছেন তাব জন্তে সকলে কৌতূহলী। রেখে গেছেন একবাশ দেনা। ধার করার কৌশল, বোঝা যাচ্ছে, আশ্চর্য রকম রপ্ত করেছিলেন। ভিতরের অবস্থা উত্তমর্গেরা বিন্দুমাত্র টের পায়নি, ধার দিয়ে কৃতার্থ হত যেন তারা। উত্তমর্গ কি, আমার মা অবধি কোনদিন ঘৃণাক্ষরে বুঝতে পারেন নি।

তাহলেও পাত্র হিসাবে আমি সতিাই তো ভাল। কালাচাঁদ-কাকা বললেন, কুছ পরোয়া নেই। পঙ্কজের পড়ার খরচ' রীণার বাপট দেবেন। ব্যারিস্টার না-ই বা হল, ওকালতি পড়ে উকিল হয়ে সন্দেরে বসতে পারবে। কপালে থাকলে উকিল থেকে হাকিম।

কিন্তু আমার মা বৈকে বসেছেন : অপয়া মেয়ে, কালাচাঁদ। আশীর্বাদের মুখে এই সর্বনাশ—ও মেয়ে বউ হয়ে ঘরে এলে বাড়িস্বদ্ধ নিপাত যাবে।

ওদিকে রীণার মা-ও নাকি যাচ্ছেতাই করে বলছেন : বড্ড রক্ষে হয়েছে। রীণার কপালজোর। কী ধাপ্লাবাজ ছিল ভদ্রলোক ! ঠাকুর-প্রতিমার মতো—উপরে রংচং, ভিতরে খড়। বিসর্জনের পর তবেই ধবতে পারা গেল।

কালাচাঁদ-কাকা ফলাও করে এই সব বলে বেড়াচ্ছেন। হয়তো বা নিজেই রচনা, রীণার মা কিছু জানেন না। মায়ের অপমানের কথার তিনি প্রতিহিংসা নিচ্ছেন। আমারও পড়াশোনার ঐগানে ইচ্ছা। মা আর ছোট ছোট ভাইবোন তিনটে—সমস্ত দায় আমার মাথায়। গ্রামের

ইত্বুলে চাকরি নিলাম। কিন্তু যা বাজার পড়েছে, চালাবার উপায় দেখিনে। চাকরির চেষ্টায় কলকাতা এসেছি। আশাও পেয়েছি। অসিতদের ওখানে উঠেছি। যখন গ্রামে থাকত একসঙ্গে পড়েছি অসিতের সঙ্গে, আমার বনিষ্ঠ বন্ধু। তারই মধ্যে রীণার বাসায় এই আমসত্ত্ব দিতে আসা।

কিন্তু কী হল এদের গগনের—রীণারই বা খবর কি? কারো যে লাড়া পাইনে। বিরক্ত হয়ে বিষম জোরে কড়া নাড়ি আবার। রীণা বলে ওঠে, কী আশ্চর্য, এখানে দোর খোলে নি? দাঁড়ান—একটুখানি দাঁড়ান পঙ্কজ-দা। আমি যাচ্ছি।

যাচ্ছি-যাচ্ছি করে, কী ব্যাপার? রাস্তা থেকে জানলা বেশ খানিকটা উচু। দেয়াল বেয়ে উঠে উকি দিই। তোলপাড় ভিতরে। ধোয়া স্তম্ভনি চাপা দিচ্ছে বিচানার উপর। ত্রাকড়া ভিজিয়ে চেয়ারটা মুছেছে। জিনিস-পত্র নড়ানো সরানো চলছে। ছুঁখানা হাত নিয়ে দশহাতের কাজ করছে রীণা। অপরিস্রব গৃহস্থালী আমার চোখে পড়তে দেবে না। নতুন-কিছু নয়। সাজগোজে ক'জন আমরা সর্বক্ষণ চমকদার হয়ে থাকতে পারি বলুন। অতিথি এলে তাই হড়োহড়ি লেগে যায়। আমি মাস্তুলটার জন্তেই এত, অতএব নিজের দিকেও একবার নজর ফেলে দেখি। না, ভালই। চাকরির ব্যাপারে ভাল ভাল লোকের কাছে যেতে হবে, সে জন্ত জামায় কাপড়ে ফুটোকাটা নেই। উপরন্তু পোবার বাড়ির কাচানো। পথের কাদায় জুতোর পক্ষে সুরবিধা হয়েছে—আনকোরা নতুন হোক আর পুরানো-ভরাজীর্ণ হোক, কাদা মেখে গেলে সব জুতোরই এক চেহারা। পাঁচ বছর আগে বাবার আমলে যে বেশে দেখাশোনা হত, তার চেয়ে খুব বেশি নিরেশ নয়। তার উপর রেনকোট দারিত্র চাপা দিয়ে একটা অভিজাত চেহারা এনে দিয়েছে।

খুঁট করে দরজা খুলে রীণা বেরুল। লজ্জায় রাঙা হয়ে বলে, দেখুন দিকি! আমি জানি, বসিয়েছে এনে আপনাকে। একটুখানি ঘুমিয়ে পড়েছি সেই ফাঁকে গগন লম্বা দিয়েছে। ঠাকুরের দেশ থেকে লোক এসেছে, সে অবস্থা বলেকয়ে ছুটি নিয়ে গেছে। চাকরবাকরের যা অবস্থা হয়েছে কলকাতায়—

লম্বায় চওড়ায় বড় জোর হাত পাঁচেক—নাকি, বৈঠকখানা সেই স্থান। সেখানে নিয়ে বসাল। লাগোয়া শোবার-ঘরটা বরং মানানসই। বলি, ঘুমিয়ে ছিলে বুঝি রীণা? তাই হবে—নইলে এতক্ষণ তোমার দরজায় দাঁড়িয়ে—

কী করি, আমার কর্তাটি তো অফিসে। একা একা ঘুম পেয়ে যায়। দায়িত্বের চাকরি—ঘড়ি-ধরা কাজ ওদের নয়। সকাল সকাল ফিরতে পারল



তো চৌরঙ্গিপাড়ার কোন একটা সিনেমায় ঢুকে বললাম। সংসারের কাজকর্ম লোকজনে করে। আমার কি কাজ বলুন ঘুমানো ছাড়া? কিছু মনে করবেন না পঙ্কজ-দা। গগন নেই, আমি তো জানিনে। বড় ঘুমকাতুরে আমি—ঘুম ভাঙলেও ঘোর কাটতে চায় না।

সে তো স্বচক্ষে দেখা রীণা। সেই যে সেবার কালাচাঁদ-কাকার বাড়ি ছপুরে খেয়ে ঘুমলে, কেউ ডেকে দেয় নি—রাত্রে খাওয়ার আগে উঠলে একেবারে। বেহুঁব হয়ে তুমি তো কেঁদে ফেললে একেবারে।

মুখ টিপে হেসে রীণা বলে, আপনাদের সব কেমন মনে থাকে পঙ্কজ-দা। আমি ভুলে গিয়েছিলাম।

ঘুমিয়ে ঘুমিয়ে রীণা স্বল্পপরিসর ঘর দুটি কেমন আঁহা-মরি করে তুলেছে। নিজেও। পাঁচ বছর আগে রূপসী কিশোরীকে দেখতাম, পরিপূর্ণ যৌবনে রীণা আজ অপরূপ। লম্বা-হাতা ব্লাউজ পরেছে। হঠাৎ এক সময় হাতা খানিকটা সরে গিয়েছে—দেখি, স্ফুগোর বাহুর উপর কটকটে কালো দাগ। জায়গায় জায়গায় ঘা এখনো দগদগ করছে।

শিউরে উঠে বলি, কি হয়েছে রীণা?

এই? তাড়াতাড়ি হাত ঢেকে ফেলে রীণা হেসেই খুন : বলেন কেন! সিনেমা দেখে ফিরাছি ছ'জনে। বাস থেকে নেমে এইটুকু হেটে আসছি। ঘুম ধরেছে আমার। তুলতে তুলতে পথের ধারে কাঁটা-তারের বেড়ার উপর! সেই রাত্রে কোথায় ডাক্তার, কোথায় ঔষধ-ব্যাঙেজ—ডাক্তারবাবু শুনে মুখ টিপে হাসলেন, লজ্জায় আমি মুখ তুলতে পারিনে।

আমসত্তর পুঁটুলি দিয়ে বললাম, সিঁহুরে-গাছের আমের আমসত্তর। কলকাতায় আসছি শুনে কালাচাঁদ-কাকা বললেন, এই আমসত্তর রীণা বড় ভালবাসে। নিয়ে বাও ক'খানা।

রীণা খুব তারিফ করে : যেমন গোলাপফুলের মতন রং, তেমনি সুবাস। খেয়ে ভাল বলেছিলাম, মামা সেই কথা মনে করে রেখেছেন। কত যে ভালবাসেন মামা। সব কথা কেমন মনে থাকে আপনাদের।

বলতে বলতে হাসি-ভরা চোখ দুটো বৃষ্টি ছলছলিয়ে আসে। তারপরে আমার কথা উঠল : কলকাতায় কি মনে করে পঙ্কজ-দা?

ক্যালকাটা ট্রেডিং করপোরেশনে চাকরি নিচ্ছি একটা।

গাঁয়ের ইস্কুলে মাস্টারি করেন শুনেছিলাম—

রীণার কণ্ঠে যেন তাচ্ছিল্যের স্বর। না-ও হতে পারে। বৎসামান্ত মাইনে বলে আমারই মনে হয় ঐ রকম। গর্বিত কণ্ঠে বলি, ইস্কুলের শিক্ষক

আমি। আহি বেশ ভালোই। মাহুৰ গড়ে তোলাৰ মহাব্রত। এক-শ টাকা করে দেয়। ট্রেডিং কর্পোরেশনে অবশ্য তিন-শ—

রীণা বলে, ভুল করছেন পঙ্কজ-দা। এক-শ টাকা অনেক ভাল ছিল গাঁ-ঘরের শান্তির জীবন। কলকাতা পাজি জায়গা।

সায় দিয়ে বলি, সে তো বটেই। নিজের বাড়িতে থেকে ক্ষেতের চাল খেয়ে এক-শ টাকা নিতাস্ত কম হল না। টাকার জন্তে নয় রীণা। ভাল লাইব্রেরি নেই পাড়াগাঁয়ে, পড়াশুনোর অসুবিধে। না খেয়ে থাকতে পারি, কিন্তু না পড়ে যে পারিনে। কিছু না হোক কলকাতায় থেকে দেদার পড়তে পারব। সেই আমার বড় লোভ।

কথাবার্তার মাঝখানে রীণা উঠে পড়ল : নাঃ, গগনই ডোবাল। একটা পানের দোকান আছে, সেইখানে আড্ডা জমায়। দেখে আসি আমি।

ব্যস্ত হচ্ছে কেন, বুঝতে পারি। মিষ্টিমিঠাই কিছু আনাবে। গগন গায়েব, ঠাকুরটা ছুটি নিয়ে বেরিয়েছে। সত্যি, বড় মুশকিলে পড়েছে রীণা।

কিন্তু বৃষ্টি পড়ছে যে টিপটিপ করে—

খুলে-রাখা সেই রেনকোট গায়ে চাপিয়ে রীণা ততক্ষণে রাস্তায় নেমেছে : চলে যাবেন না কিন্তু পঙ্কজ-দা। এফুনি আসছি।

একলা ঘরে হাসি পায় এখন আমার। বাবার দিব্যদৃষ্টি ছিল, তাই ব্যারিস্টার না হলাম, উকিল—অন্ততপক্ষে একটা মোস্তার হলেও আমার পয়সা খায় কে? এক-শ টাকার মাস্টারি, ট্রেডিং কর্পোরেশনে তিন-শ টাকার চাকরি—বাতাসের উপর অবলোলাক্রমে কেমন এক বিশতলা ইমারত বানিয়ে দিলাম। বাবাব সঙ্গে ইস্কুলের সেক্রেটারির দহরম-মহরম ছিল। তাঁকে গিয়ে ধরে পড়লাম : বাবা চলে গিয়ে বড় বিপাকে পড়েছি, উপায় একটা করতেই হবে।

তাই তো হে, মুশকিলে ফেললে। নতুন নিয়মে গ্রাজুয়েটের নিচে মাস্টার হয় না। যাক গে, গ্রাইমারি সেকশনে নিয়ে নিচ্ছি তোমায়। মাইনে পচিশ।

স্বর্ণ হাতের মুঠোয় পেয়েছি তখন।

সেক্রেটারি বললেন, কিন্তু টাকা কেটে নেওয়া হবে কুড়ি টাকা। সই করবে পাচশ, পাবে কুড়ি বাদ দিয়ে যে টাকা থাকে। মুখ কাঁচুমাচু করো কেন হে ছোকরা। সকাল আর সন্ধ্যা তোমার রইল, সেই তো আসল। মাস্টার না হলে চিনবে কে তোমায়, টুইশানি কে দিতে যাবে? ইস্কুলের কাজ মানেই হল মাছে-ঠাসা পুকুরের ধারে ছইল-ছিপ হাতে নিয়ে বসা। ক্ষমতা থাকে, টানে টানে মাছ তুলে নাও। তার জন্ত টিকিট লাগছে না, উণ্টে পাচ টাকা করে পাক।

অতএব ছিপ ধরেই আছি পাঁচ পাঁচটা বছর। ক্রাসে পড়ানোর সময় মনে 'জানি, চার ফেলা হচ্ছে মাছ লাগানোর জন্ত— ভাল-পড়িয়ে নাম করতে পারলে টুইশানি গাঁথবার সুবিধা। কিন্তু বাজার খরাপ হয়ে এখন আর এমন অনিশ্চিত আয়ের উপর চলে না। অসিতের বাপ পঞ্চানন হালদার ট্রেডিং করপোরেশনের বড়বাবু। বৈষয়িক গোলমাল মেটাতে গ্রামে এসেছেন। নিরুপায় হচ্ছে তাঁর কাছে পড়লাম : অসিতকে চাকরি দিয়েছেন, আমাকেও যে ভাবে হোক নিয়ে নিন।

অসিতের সঙ্গে আমার গলায় গলায় ভাব, হালদারমশায় জানেন সেটা। এক-কথায় কেটে দিলেন না। বললেন, তোমার যে বিস্তে তাতে দু-রকমের চাকরি হতে পারে আমাদের অফিসে।

লোলুপ কর্ণধর উজ্জত করে আছি।

এক জেনারেল ম্যানেজার। যিনি আছেন, একটা পাশও নন। কোন রকমে ইংরেজিতে নাম সই করেন। মাইনে আড়াই হাজার। কিন্তু এই চাকরি হবে না বাপু, অল্প কোয়ালিফিকেশনও চাই। সিনিয়র পার্টনারের শালা হতে হবে।

চুকটে একটা বড় টান দিয়ে ধোঁয়া ছেড়ে বললেন, আর হতে পার ম্যানেজারের আরদালি। মাইনে পঁচিশ টাকা। কিন্তু তার জন্ত তথ্য লাগবে। তথ্য মানে বুঝেছ তো? টাকা।

কলকাতায় ফিরে ছেলের বন্ধুর কথা তিনি ভোলেন নি। চিঠি দিলেন, চাকরি একটা ঠিক করেছি। আরদালি ঠিক নয়, তার কিছু উপরে। টাইম-কিপার। মাইনে পঁচাত্তর। তথ্য লাগবে চার মাসের মাইনে। নগদ নিয়ে শিগগির চলে এসো। দেরি হলে থাকবে না।

তিন শ টাকা—কিন্তু তিনটে টাকারও তো জোগাড় নেই। অসিতকে কাকুতিমিনতি করে লিখলাম : চাকরে মাহুশ তুমি, টাকাটা ধার দাও। চাকরি ফসকে গেলে সবস্বত্ব না খেয়ে মরব। অসিতের জবাব : চলে এসো কলকাতা। পৌছানো মাত্র দশটাকার দু খানা নোট হাতে গুঁজে দিল, এবং গ্রামের কৃত্তী খারা শহরে আছেন তাঁদের ঠিকানা। বলে, এক মাসের সিনেমা দেখা আর কাটলেট-খাওয়া বন্ধ করে দিলাম। এ বাজারে একলা কেউ অত টাকা দেবে না। ঠিকানা দিয়েছি, তিল কুড়িয়ে তাল করোগে। বাবাকে ধরলে তিনিই কোন না বিশ-পঁচিশ দেবেন। আমার এই টাকার কথা বোলো না তাঁকে, খবরদার।

সেই ঘোরাঘুরি এখন ক'দিন ধরে চলবে। রীশারা বড়লোক তনেছি,

তার কাছেও কৌশলে কথাটা পাড়ব ভেবেছিলাম। অথচ উন্টোটাই হয়ে গেল। যেন কোন খাঞ্চে-খী এসেছি আমি—কোন অভাব নেই। একটি মাত্র ক্ষোভ, যথোচিত বই পড়তে পারিনে।

আখ-বুড়ো শীর্ণদেহ একটা লোক উকিঝুকি দিচ্ছে : বাড়ির সব লোক কোথা ?

হিমাংশুবাবু তো অফিসে এখন—

আর বলতে দেয় না। হি-হি করে লোকটা হেসে উঠল : কোন আপিস মশায় হিমাংশু ঘটকের। কে চাকরি দিল ? বেড়ে তাঁওতা দিয়েছে। বউটা বলল বুঝি—তিনিই বা কোথা ? বড় ল্যাঠা হল—দেখলেই পালাবে। বলি বাড়িটা তো আমার নয়, মনিব ঠেকাই আমি কেমন করে ?

পালায় নি। চাকরটা কোথায় বেরিয়েছে, তাকে খুঁজতে গেল। এক্ষুনি এসে যাবে।

এই দেখুন, চাকরও রেখেছে বুঝি হিমাংশু ? বি-চাকর-ঠাকুর সব-কিছু এখন একলা ঐ পরিবার। দিনরাত্তির মুখ বুঁজে খাটে, মদ খেয়ে এসে নুশংস পশু ধরে ধরে সেই লক্ষ্মীপ্রতিমা ঠেড়ায়। ঠেড়িয়ে সর্বদেহ চালা-চালা করেছে। দেখে এক এক সময় রোখ চেপে যায়—জানিয়ে দিই মনিবকে, ভাড়া তিন মাসের জায়গায় চার মাস বাকি ফেলেছে। উচ্ছেদের নোটস দিই ঠুকে ঘর খালি করে পথে গিয়ে উঠুক। কিন্তু বউটিও যে সেই সঙ্গে যাবে—সেই জন্তে পারিনে।

কাছে বসিয়ে সবিস্তারে শুনি। বাড়িওয়ালার বিল-সরকার ইনি। উচ্ছেদ করতে পারলে মনিব তো বগল বাজাবে—পাঁচ-শ টাকা সেলামি, ভাড়া ভল। কিন্তু গরিব হয়ে আর এক গরিবের সর্বনাশ করা উচিত নয়। এদিন চেপে রেখেছে, আর বুঝি পারা যায় না। তারও তো চাকরির ভয়। এক মাসের ভাড়াও যদি দিয়ে দিত। দেবার উপায় নেই, সেটা অবশ্য জানা—

বাইশ টাকা ভাড়া। অসিতের সেই নোট ছুটো পকেটে আছে। রাহা খরচ যা নিয়ে বাড়ি থেকে বেরিয়েছি, তাই থেকেও ছ'টাকা হয়ে যাবে। রীণার মা সেই বলে বেড়াতে : মেয়ের কপালজোর—খুব রক্ষে হয়েছে আমার সঙ্গে বিয়ে না হয়ে। প্রতিহিংসার একটা বড় স্বেযোগ। অভাব আমায় নিত্যদিনের, এ স্বেযোগ ছাড়া যায় না—

লিখুন রসিদ সরকারমশায়।

রসিদ দিয়ে লোকটা চলে গেল। মনের উৎকট জ্বালায় আমি তার উন্টো-পিঠে আবার লিখি : ভাড়াটা আমি দিয়ে যাচ্ছি। কিছু মনে কোরো না

রীণা। এমনও ঘটতে পারত, তোমার সকল দায়দায়িত্ব আমায় উপর। ভাড়া তাহলে আমিই দিতাম। কপালজোরে অবশ্য রক্ষে হয়ে গেছে।

স্বজনির নিচে রসিদটা রেখে কিছু চাপা দিয়ে দিই। শোওয়ার সময় হাতে পড়বে। স্বজনি তুলতে গিয়ে ছিঃ-ছিঃ-ছিঃ, নোংরা শতচ্ছিন্ন এমন তোষক-বালিশ তো শ্রশানে মড়ার সঙ্গে বিদায় করে দেয়, মাহুষে শুয়ে থাকে ভাবা যায় না। সত্ত পাট-ভাড়া রঙিন স্বজনিতে ঢেকে দিয়েছে। এঘর-ওঘর ঘুরে আরও দেখছি। উপুড়-করা বালতিটা তুলতে মদের খালি বোতল কয়েকটা ঢাকা দাও, রীণাকে দেখা যাচ্ছে রাস্তায়, যেমন ছিল সমস্ত ঢেকেটুকে রাখো।

পাতার ঠোঙায় মিষ্টি এনেছে। রীণা বলে, গগনকে কোথাও পেলাম না। চাকর-বাকর এমনি হয়েছে কলকাতায়! নিজে দোকানে চলে গেলাম।

বেশ করেছে রীণা। আপনহাত জগন্নাথ। যা দিনকাল পড়েছে, পয়ের উপর নির্ভর যত কম করা যায়।

ক্ষিধে পেয়েছিল, পরিতুষ্ট হয়ে খেয়ে উঠে পড়লাম। রীণা বলে, চাকরিটা হলে আবার আসবেন।

নিশ্চয়। বড় আনন্দ পেয়ে গেলাম। দিব্যি আছ ছুটিতে। ‘কপোত-কপোতী যথা উচ্চ বৃক্ষচূড়ে বাবি নীড় থাকে স্নেহে’—

কলকঠে রীণা বলে, উচ্চবৃক্ষ আর পেলাম কোথা? একতলার ঘর। বাড়ির যা হুর্ভিক্ষ কলকাতায়! উপরের ফ্লাটটা নেবার কত চেষ্টা করছি। ওরা একশ টাকা দেয়, দেড়শ অবধি বলেছি। কিন্তু ভাড়াটে উচ্ছেদ করবে কেমন করে?

ট্রামে উঠে রেনকোট খুলে রাখছি—পকেটে কি যেন ঠেকল। সর্বনাশ করেছে, অসিতকে লেখা সেই চিঠি রেনকোটের পকেটে রেখেছে হতভাগা। পড়ে দেখে নি তো রীণা? চিঠির ভাঁজে রীণার কানের গয়না। কী সর্বনাশ, চিঠির উন্টোপিঠে রীণা যে আমারই মতন করে খানিকটা লিখে রেখেছে :

আপনার এতবড় দায়। কিন্তু টাকা আমাদের বাড়ি থাকে না—ব্যাঙ্কে রেখে দেয়। মাহুষটি কখন অফিস থেকে ফেরে, স্থিরতা নেই। ঝুমকো ছুটো দিলাম, এ জিনিস কেউ পরে না আজকাল, বিক্রি করে দায় লাববেন। কিছু মনে করবেন না পঙ্কজ দা। একদিন ঘনিষ্ঠ হতে হতে বেঁচে গিয়েছি—হলে কি দায়ে-বেদায়ে আমার গয়না নিতেন না?

## দয়াময়

বারাসতে নামলাম। ট্রেনে এক তুখড় ব্যক্তির সঙ্গে আলাপ হয়েছে। নাম বললেন বলাই পাল। ডেলি প্যাসেঞ্জার, গল্পে-মাছুষ। সেকালে ওয়ারেন হের্টিংসের আস্তানা ছিল বারাসতে—সেই সব গল্প হল। আমি যেখানে যাচ্ছি, সে-ও তাঁর জানা। শহর ছেড়ে খানিকটা উত্তরে। বলাইও সেইদিকে যাবেন। ভাল হয়েছে মাছুষটিকে পেয়ে।

গল্প করতে করতে গেট পার হয়ে বেরিয়েছি। পিছনে গোলমাল শুনে থমকে দাঁড়াই। ছেঁড়া হাফপ্যান্ট-পর্য লিকলিকে এক ছোঁড়াকে ধরেছে। প্যাসেঞ্জারের ভিড়ের মধ্যে ঢুকে বিনা টিকিটে সরে পড়বার তালে ছিল—ক্যাক করে ধরেছে চেপে। মিনমিনে গলায় ছোঁড়া কি বলছে বোঝা যায় না। টিকিটবাবুর হুকুর কানে আসে : ঘুঘু দেখেছিস, ফাঁদ দেখিস নি ! পুলিশে দেব তোকে শয়তান-কাঁহাকা—

বলাই পাল এক ছুটে সেখানে গিয়ে ছোঁড়ার গালে দিলেন প্রচণ্ড এক চড়। পিঠের ওপর কিলও ঝাড়লেন গোটা চার পাঁচ। রাগে ফুলছেন : হতভাগা, বলিনি তোকে ? অস্থবিধায় পড়ে কোন দিন যদি টিকিট কাটতে না পারিস, সোজাশুজি গেটবাবুদের গিয়ে বলবি। দয়াময় লোক এঁরা—পরের দুঃখ বোঝেন। তা নয়, ঠকিয়ে যাবে এঁদের—চুপিচুপি সরে পড়বে ! কামারবাড়ি এসেছিস সূচ চুরি করতে—এঁরা বোকা ! রেলের চাকরি করলে কি হবে—জানিস, রীতিমত শিক্ষিত মাছুষ। গোটা রাজ্য চালাবার বুজি রাখেন।

বাঁ-হাতের ব্যাগ ভুঁয়ে ফেলে দুই হাতে দুই কিল উচিয়ে বলাই পাল আক্রোশ ভরে আবার তেড়ে যান। ভয়ের কথা হয়ে দাঁড়াল। রোগা ছেলোট। লোহার হাতের কিলে নিশ্চয় মাথা ঘুরে পড়ত যদি না লাফিয়ে পড়ে হাত চেপে ধরতাম। টিকিটবাবুটি অবধি সমস্ত হয়েছেন : আহা, কী করেন ! আর মারবেন না, অনেক তো হয়ে গেল—

না মশায়, মেরেই ফেলব একেবারে। ছুনিয়ার আপদবালাই। এসেছে বিনা টিকিটে, তার উপর চালাকি খেলতে যায় এই মহাশয়-মাছুষটিকে সঙ্গে। এখনই এমনি—বড় হয়ে ডাকাত হবে, খুনে হবে।

বলাই পালকে ঠেকানো বড় সমস্যা হয়ে দাঁড়াল। হাত দুটো ধরে রেখেছি তো পা ছুঁড়ছেন—লাথি মারবেন পায়ের নাগালের মধ্যে পেলো।

চিড়িয়াখানার খাঁচায় সিংহের মতো গর্জন ছাড়ছেন। কে-একজন ভিড়ের মধ্য থেকে বলল, ছোঁড়াটাও তো কম হাঁদা নয়। হাঁ করে দাঁড়িয়ে কি দেখিস, পালা শিগগির। দেখছিল মাহুঘটা ক্ষেপে গেছেন। ছাড়া পেলে খুন করে ফেলবেন তোকে।

থ হয়ে গেছি আমি তো একেবারে। ছেড়ে যেতে পারছি নে। ওঁর জানাশোনা বাড়ি—রাত্রিবেলা কোথায় এখন হড্ড-হড্ড করে বেড়াব? আসামি সরে পড়বার পর অবশেষে বলাই পাল শাস্ত হলেন। নিঃশব্দে খানিকটা পথ এগিয়ে গেছি, এমনি সময় আমার দিকে চেয়ে একটু হাসলেন।

ছোঁড়াটা আপনার চেনা বুঝি?

বলাই হেসে বলেন, ক্ষেপেছেন! আজকে এই প্রথম দেখলাম।

তবে অত রেগে গেলেন কেন?

ঝগাটে পড়েছিল, বাঁচিয়ে দিলাম। অতি ছ্যাচড়া ঐ টিকিটবাটু। অস্তত চারগুণা পয়সা আদায় না করে ছাড়ত না।

উষ্ণ কর্তে আমি বললাম, মার যা দিয়েছেন সে কিছু মশায় চারআনার উপর দিয়ে যায়।

বাবু!—ভাক শুনে তাকিয়ে দেখি সেই ছোঁড়া কখন পিছন নিয়েছে। বলাই পালের দিকে সে হাত বাড়াল: ব্যাগটা দিন বাবু, আমি পৌছে দিয়ে আসি।

বলাই বলেন, চড় মারলাম,—লেগেছিল নাকি রে?

ছোঁড়া কিক করে হেসে বলে, মারলেন কোথা বাবু, শুধুই তখি। পিঠের উপর হাত বুলানোর মতন ঠেকল।

বলাই আমার দিকে তাকিয়ে বলেন, শুনলেন? এ ছোঁড়া কে আমার মশায়—কী দায় পড়েছে মেরে ধরে সংশোধন করতে যাব? চোর হোক জোড়োর হোক, আমার কি! দয়া হল, একবারের মতন তাই বাঁচিয়ে দিলাম।

ছোঁড়া হাত বাড়িয়ে আছে, ব্যাগ সে নেবেই। দু-চোখে কৃতজ্ঞতার ছাপ।

## ঝুটি

স্টেশনে নেমেই মূলধারে ঝুটি। বেকতে পারে না প্রদীপ, অধীর হয়ে ওঠে। জিনিষপত্র কিনতে হবে ঘুরে ঘুরে, অনেকের বাড়ি যেতে হবে। একগালা কাজ।

খানিকক্ষণ পরে বৃষ্টির জোরটা কমল, একেবারে থামে না। টিপ-টিপ করে চলছে। ছুটতে ছুটতে সে ছাতার দোকানে চলে যায়। বাজে খরচটা এড়ানো যাবে না। কাজকর্ম পণ্ড হবে তা হলে।

সস্তার জিনিস একটা দিন।

দোকানদার টাকা ছয়েকের মতো একটা বের করে দিল : এইটে নিন, হাসতে খেলতে পাঁচ-ছ'টা বছর।

আরও সস্তা নেই ?

আছে। কিন্তু জোচ্চোরি কারবার নয় আমাদের, স্পষ্টাঙ্গটি বলে দেব। সে জিনিস দুটো দিনও টিকবে না।

শুধু আজকের দিনটা চলবে কিনা, বলুন। তা হলেই অনেক হল।

বিকালের দিকে বৃষ্টি ধরল। কাজকর্ম তখন সারা হয়ে গেছে। একটা চেনা দোকানে জিনিসপত্র মজুত রেখেছে। বিশ্রাম এতক্ষণে। ট্রামে উঠে পড়ল।

কলকাতার ট্রামের যা নিয়ম—লোকে লোকারণ্য। তার উপরে বিপদ, এক দলল মেয়ে উঠে পড়ল এই জায়গা থেকে। কষ্টে-মৃষ্টে ঠাঁই করে নিয়ে কি-হয় কি-হয় ভেবে মনে মনে অনেকে গুরু-নাম জপছিল—সেই কাণ্ডই ঘটে গেল এবারে। খুনখুনে বুড়োমামুষটাও দশ-বছরে লেডির জন্ত জায়গা ছেড়ে মাথার উপরের রড ধরে ঝুলতে ঝুলতে চললেন। প্রদীপও ঝুলছে। এবং লক্ষ্যনয়নে দেখছে মেয়েদের দিকে।

নিরিখ করে দেখে দেখে মতি স্থির করে ফেলেছে। ঝকঝকে মেয়েটা, আমাদের শম্পা—প্রভঞ্জন-গতিতে প্রদীপ তার দিকে এগোয়। রীতিমত খাকাখাকি। এসে পড়েছে সামনে, একদৃষ্টে শম্পার দিকে তাকিয়ে আছে।

সমাজ সংসার এবং দুনিয়ার উপর বিতৃষ্ণা নিয়ে শম্পা বেরিয়ে পড়েছে। বিয়ের সম্বন্ধ অনেকখানি এগিয়ে আজকেই ভেঙে যাবার খবর এল। কথাবার্তা চলছিল পাত্তের বাবা আর শম্পার মামার মধ্যে। শম্পারই সহপাঠিনী রেবা সরকারকে পাত্র পছন্দ করেছে। এমন কি বিয়ের দিনক্ষণ অবধি ঠিকঠাক। মামা এ সবের কিছু জ্ঞানতেন না। খবর পেয়ে আজ চিঠি লিখেছেন।

প্রদীপ ওদিকে হাঁ করে তাকিয়ে আছে। ঝাঁকি দিয়ে ঘাড় ফিরিয়ে নেয় শম্পা। বিরক্তি বুঝেও প্রদীপ নিরস্ত হয় না। ডাকছে : শুহন, একটা কথা বলতে চাই আপনাকে।

শম্পা কানেই শুনেছে না যেন। জানলা দিয়ে পথের দিকে দেখে।

একটু জোর দিয়ে প্রদীপ বলে, জরুরি কথা।



অবহেলার ভঙ্গিতে শম্পা বলল, আপনাকে চিনিনে তো।

হাসল প্রদীপ : না-ই বা চিনলেন। অচেনা লোকের সঙ্গে কি কথা বলেন না ? ঘোমটা-দেওয়া সেকলে মেয়েরা বলতেন না অবিশি। আপনারা তো তেমন নন।

তবু শম্পা ক্ষণকাল চুপ করে থাকে। রেবা সরকারের কথা মনে ভাসছে—  
হতে পারে তারই সম্পর্কের কিছু। এমন কোন গুণ্ডতথ্য, বিজয়িনীর দস্ত  
যাতে চুরমার হয়ে যাবে।

ঈষৎ ঘাড় বাঁকিয়ে বলে, কি কথা ?

প্রদীপ বলে, অল্পমতি দেন তো বসে পড়ি পাশের খালি জায়গাটার।  
এমনি ঝুলে ঝুলে বলা কি ভাল হবে ?

সেটা শম্পাও চায় না। রেবার সম্বন্ধে যদি কিছু হয়, নিচু গলায় হওয়াই  
ঠিক। তবু সহসা হাঁ-না কিছু বলতে পারে না। শুধু রেবা কেন, পুরুষ  
জাতটার উপরেও নিদারুণ ঘৃণা। রি-রি করে জ্বলছে মনের মধ্যে।

প্রদীপ সকাতরে বলে, খুব আলগোছে বসছি আমি। আপনার অস্ববিধা  
হবে না।

শম্পা কঠিন ভাবে বলে, যেমন ইচ্ছা বসতে পারেন। শোনাবার দরকার  
নেই। মানুষ কি পাথর কি গাছ—আমি তাকিয়েও দেখব না।

বসে পড়ল প্রদীপ। সঙ্কুচিত হয়েই বসল। চুপচাপ আছে।

থাকতে না পেরে শম্পা বলে, কি বলতে চান বলুন এবারে।

এগারোটায় এসে নেমেছি, সেই থেকে ঘোরাঘুরি। পা টনটন করছে,  
না বললে উপায় ছিল না।

পিছনে ঠেসান দিয়ে প্রদীপ সঙ্গে সঙ্গে চোখ বুজল। কত ক্লান্ত হয়েছে  
বোঝা যায়। ভাল করে তাকিয়ে দেখার স্ববিধা পেল শম্পা। স্ত্রী তরুণ,  
চেহারা অপরূপ উজ্জলতা। এত উদাসীন ভাব না দেখলেও হত। কিন্তু  
মনটা আজ বড় মুষ্ড়ে আছে, ক্ষিপ্ত হয়ে আছে মনে মনে।

শম্পা বলে, বসো তো হয়েই গেছে। কথাটা বলুন।

চোখ মেলে প্রদীপ ফিক করে একটু হাসল : কথাও আমার এই।  
আপনার এই পাশে একটুখানি বসবার দরকার।

শম্পা বলে, বসতে চাওয়া তো অস্বাভাবিক। লেখা রয়েছে, ‘মহিলাদের ছত্তে’।

মেয়ে হয়ে, আপনাদের বড় স্ববিধা। যথা ইচ্ছা বসে পড়বেন, কোনরকম  
বাধা নেই। তার উপরে আলাদা নিজস্ব সিট তো রিজার্ভ করাই আছে।  
এখন যেটা দরকার হয়ে পড়েছে—

কৌতুক লাগছে প্রদীপের কথায়। যে ব্যথা নিয়ে বাড়ি থেকে বেরিয়েছিল, অনেকখানি স্নিগ্ধ হয়ে এসেছে। শম্পা বলে, ই্যা, দরকারটা কি শুনি ?

জায়গা রিজার্ভ থাকবে পুরুষের জন্য—বেঞ্চির গায়ে তাই লেখা থাকবে। হচ্ছে না চক্ষুলাজ্জায়, পুরুষেরা কর্তা বলে। জাত ধরে তাই আমাদের নিগ্রহ।

কথা ভাল করে শেষ হতে পারল না। আবার প্রদীপ চোখ বুজল। এবং কিঞ্চিৎ ঘেন নাসান্ধ্বনি।

ট্রাম চলেছে। ঘড়াং করে একবার দাঁড়িয়ে পড়ল। অনেকক্ষণ ধরে থেমে আছে। যত মেয়ে ছড়মুড় করে নেমে যায়। সিনেমা-হাউস সামনে। অপরাহ্নের এইগুলো সিনেমার ট্রাম, মোড়ে মোড়ে সাজগোজ করা মেয়েরা ওঠে। আরও কিছু পরে অফিসের ট্রাম—বিজীর্ণ মলিন কেরানিমশায়রা ঘরে ফিরবেন। প্রদীপ ঘুম ভেঙে এক লম্ফে নেমে পড়ে টিকিটের লাইন দিল।

টিকিট কেটে বেরিয়েও এল। এসে দেখে, শম্পা হাসিমুখে অপেক্ষা করছে তার জন্য।

আপনিও এসেছেন ?

শম্পা বলে, সিনেমা দেখতে বেরুইনি। এদিক-সেদিক বেড়াতাম, কিম্বা কোন বান্ধবীর কাছে গিয়ে বসতাম খানিক। আপনার জুড়ে নেমে পড়তে হল।

কথাটা বেয়াড়া ভাবে বেরিয়ে গেল। সন্তপরিচিত মানুষটা কোন অর্থ ধরে বসে—তাড়াতাড়ি শম্পা বিশদ করে বলে, আপনার এই ছাতার জন্য। ট্রামে ছাতা ফেলে এসেছিলেন। এমন ভুলো-মন নিয়ে কাজকর্ম করেন কি করে ?

প্রদীপ একটুও অপ্রতিভ নয়। বলে, অজ্ঞ কিছু ভুলি না কখনো। শুধুমাত্র ছাতা। বৃষ্টি যদি না থাকল, ছাতা ঠিক ফেলে আসব। বড়রে কতগুলো ছাতা যায়, তার লেখাজোখা নেই। নতুন ছাতা, আঙকেই কিনেছি। আপনি এই দিয়ে দিচ্ছেন—হল থেকে বেরুনোর সময় খুব সম্ভব আবার ফেলে আসব।

শম্পা হেসে বলে, তবে দেব না। আমার কাছে থাকল এখন। আমিও চুকছি, বেরিয়ে এসে দিয়ে দেব। কিন্তু সামনের টিকিট কিনলেন কেন ? চোখ কর-কর করবে, ভাল রেখতেও পাবেন না ঐ সিট থেকে।

দেখব না তো। অকারণে বেশি খরচা করলাম না সে জন্তে।

লবিস্বয় শম্পা প্রদ্ব কয়ে, তবে ?

ঘুমোব। এয়ারকন্ডিশন-করা ঘরে এত সস্তার মধ্যে বের করুন দিকি এমন একটা ঘুমোবার জায়গা।

দেখি টিকিটখানা।

ব্যাপার বুঝবার আগেই শম্পা ছোঁ মেয়ে টিকিট নিয়ে অদৃশ্য। ক্ষণ পরে ফিবে এসে বলে, বদলে নিয়ে এলাম। আমার আপনার পাশাপাশি সিট। একা-একা ছবি দেখতে পারিনে, একজন কেউ থাকবে আমার সঙ্গে।

প্রদীপ বিরক্তভাবে বলে, আমি তো দেখবই না ছবি। ঘুমোব। বেশি দামের টিকিট কিনে থামোকা কতকগুলো পয়সা জলাঞ্জলি দিয়ে এলেন।

শম্পা বলে, আলো নেভানোর পর পাশের মানুষ ছবি দেখছে, না ঘুমোচ্ছে, না অঙ্ক-কিছু করছে, সে তো আমি দেখতে যাব না। পাশে থাকলেই খুশি—আমি ভাবব, ছবিই দেখছেন।

একটুখানি হেসে বলল, সস্তা সিটে ছারপোকাকার কামড়ে ছটফট করতেন। পয়সা জলাঞ্জলি যায়নি—গদি-আঁটা ভাল চেয়ারে আরামেই ঘুম হবে।

দ্বিতীয় ঘটা দিল। হল অন্ধকার। তর্কাতর্কির সময় নেই। ঢুকে পড়ল শম্পা আর প্রদীপ।

ছবির শেষে লবীতে বেরিয়ে এসে প্রদীপ বলে, ছাতা দিন।

শম্পা উচ্ছ্বসিত হাসি হেসে বলে, অনেক উন্নতি। ভুলবেন না তো এবার ?

রাইরের দিকে তাকিয়ে প্রদীপ বলে, বৃষ্টির সময়টা আমি ভুলিনে। দেখুন না অবস্থা।

বিষম বৃষ্টি হয়ে গেছে ইতিমধ্যে। এখনো চলছে। আকাশে মেঘ উঠলেই তো কলকাতার রাস্তায় জল জমে। এখন সমুদ্র। ড্রাম এবং যানবাহন বন্ধ হয়ে গেছে। একমাত্র যা চলতে পারে সে হল নৌকা। এবং ছোটখাট স্টিমারও বোধহয়।

ছাতাটা টেনে নিয়ে প্রদীপ এগিয়ে যায়। শম্পা বলে, বাঃ রে, আমি যাব না ?

যাবেন বই কি ! আমার তাড়া আছে। ন'টার গাড়িতে ফিরতে হবে আমায়।

শম্পা বলে, কেমন করে যাব ? বৃষ্টি তো ধরবার লক্ষণ নেই।

প্রদীপ নির্বিকার ভাবে বলে, না ধরে তো পরের শো-এ বসে পড়বেন। ধরবেই একসময় না একসময়। কলেজ স্কোয়ারে বন্ধুর দোকানে জিনিসপত্র

য়েখে এসেছি, দোকান বন্ধ করে তারা চলে যাবে। চললাম, কিছু মনে করবেন না।

শম্পা এবারে জোর দিয়ে বলে, সে হবে না। আমায় বাড়ি পৌঁছে দিয়ে যাবেন আপনি। নয় তো কলেজ স্কয়ার অবধি এক ছাতায় বাই হু-জনে। মাঝে কোন রিক্সা-টিক্সা পেয়ে যেতে পারি।

হেসে বলে, অবশ্য আপনার যদি আপত্তি না থাকে। যা ছুঁমার্গী আপনি!

আছে বৈ কি—আপত্তি সত্যিই আছে। শম্পার আপাদমস্তক প্রদীপ নিরীক্ষণ করে নেয় একবার। বলে, ছোঁয়াছুঁয়ির কথা হচ্ছে না। আয়নায় বগুখানি দেখে থাকেন তো। আপনি ছাতার নিচে এলে ছাতার বাইরে আমায় ভিজতে ভিজতে যেতে হবে। নিউমোনিয়ায় ধরবে। আচ্ছা, নমস্কার!

ফুটপাথে নেমে পড়েছে। কি মনে পড়ে আবার ফিরে আসে।

আপনার নাম-ঠিকানা দিন তো। চিঠি দেব।

কঠোর স্বরে শম্পা বলে, দরকার নেই।

সঙ্গে সঙ্গে প্রদীপও সাই দিয়ে বলে, তা বটে! এখান থেকেই তো কাজ চুকিয়ে যেতে পারি। রয়েছেও একটা পড়ে।

ফোলিওব্যাগ খুলে খামের চিঠি বের করল। বলে, নাম লেখা আছে, তাকে পাওয়া গেল না। কেটে নিজের নাম বসিয়ে নেবেন। গেলে বড্ড খুশি হব। এই কলকাতার উপরেই, বাইরে যেতে হবে না।

শুভবিবাহ-ছাপা নিমন্ত্রণের চিঠি। প্রদীপ চলে গেছে। বাইরে ধারা-বর্ষণ। চিঠি খুলে নেড়ে-চেড়ে দেখে। কনে—রেবা সরকার।

পাত্রের নাম—শম্পার মনে পড়ল, মামার চিঠিতে অনেকবার নাম পড়েছে—প্রদীপকুমার দত্ত।

## বধু, ভগবান ও ঘম

অনেকদিন পরে কাল রাত্রে দেশে ফিরেছি। ভোরবেলা খড়মড়িয়ে ঘুম থেকে উঠি। সামস্ত-বাড়ি কান্নার রোল। সন্তুষ্ট হয়ে ছুটে গেলাম। সমীরণ সামস্তের মা বুড়োমাহুষ—কাকিমা বলে ডাকি। আমায় দেখে লুটোপুটি খেতে লাগলেন।

হয়েছে কি কাকিমা?

দেখেছি বলেই তো বলি। কচি মেয়ে বাপ-মা ভাই-বোন ছেড়ে তোমার বাড়ি এসেছে—

কাকিমা আবার জলে উঠলেন : কচি ঐ চোখেই দেখতে। মিটেমিটে শয়তান, বিষপুটুলি। বাইরে থেকে একদিন এসে কি বুঝবি? দুটো বছরের মধ্যে ছেলে আমার পর করে দিয়েছে। সাত নয় পাঁচ নয়, পেট-মোছা কোল-মোছা এক ছেলে আমার—

হাউহাউ করে কাঁদতে লাগলেন। সত্যি তো চোখে দেখেছি, কত কষ্টে মানুষ করেছেন সমীরণকে। একটা দিনের ছবি ভুলতে পারিনে। ক্রোশ হুই দূরে বড়-ইস্কুল। বৈশাখমাসে মনিং-ইস্কুল—খুব ভোরবেলা আকাশে পোহাতি তারা থাকতে ছেলেরা রওনা হয়ে পড়ে। ঝড় হয়ে গেছে, শেষরাত্রে উঠে আম কুড়োতে গেছি। দেখলাম, কাকিমাও ছেলেদের পিছু পিছু যাচ্ছেন। মাঠের প্রান্তে গিয়ে দাঁড়িয়ে রইলেন—বড় মাঠ ধীরে ধীরে পার হয়ে তারা বড়রাস্তায় উঠল। একা নয় সমীরণ, চার-পাঁচ জনে বেশ একটা দল হয়ে যাচ্ছে। কাকিমা নিশ্চল মূর্তি হয়ে সেই এক জায়গায় দাঁড়িয়ে। দেখতে পাচ্ছেন না এত দূর থেকে—কিন্তু নিশ্চিত জানি, দুটি চোখের পলকহীন দৃষ্টি সমীরণের উপর সঞ্চার কর বেড়াচ্ছে। কখনো যদি ইস্কুল থেকে ফিরতে দেরি হয়েছে, পর দুপুরে একবার বাড়ি একবার ঐ মাঠ করে বেড়াতে, তা-ও দেখেছি।

কাকিমা বলছেন, এই দেখ বাবা, আমার পরনের কাপড়ের দিকে তাকাও একটিবার—

সমীরণ কাঁদো-কাঁদো হয়ে বলে, কী মহাপাপের ফল ভুগছি, দেখ দাদা। যে আসে তাকে ঐ ছেঁড়া কাপড় দেখাবে। ও-জিনিস সেই জগ্গেই পরে থাকে। নতুন কাপড় এনে দিলাম, ছুঁড়ে আঁস্তাকুড়ে ফেলল।

ফেলব না? কী কাপড় এনেছিলি, সেটাও বুকে হাত দিয়ে বল। হাতে নেই, বহরে নেই, জালের মতন একটু জিলজিলে ছেপটি। তেমন কাপড় মানুষ রাস্তার কানা-খোঁড়াকেও ভিক্ষে দেয় না। বউয়ের বেলা তো জোড়ায় জোড়ায় বেনারসি-বোম্বাই। ঘেন্নার জিনিস, মা হয়ে কি জগ্গে তবে নিতে যাব?

সমীরণ বলে, যে কাপড় পরে ঐ যে তোমাব চা দিয়ে গেল। জোলাব বোনা ডুরেশাড়ি—তাই নাকি বেনারসি-বোম্বাই। যা অবস্থা করে তুলেছে, কোনদিন আত্মঘাতী হব। মনের সাথে বউকে তখন বিধবার থানকাপড় পরাবে। সেই ক'টা দিন একটু ক্ষমা দিতে বল দাদা।

একটুখানি দয় নিয়ে আবার বলে, এই ভবিষ্যৎ বুঝতে পেরেই সেবারে

বেরিষে পড়ছিলাম। তোমরা সেটা হতে দিলে না। মায়ের সঙ্গে সঙ্গে তুমিও জুটে গেলে। বিয়ে আমি করতে চাই নি। দেখে শুনে মা-ই মেয়ে পছন্দ করল। কলকাতার কাজকর্ম ফেলে তুমি তার উপর এসে পড়লে।

কাকিমা সঙ্গে সঙ্গে বলেন, কনে চিনতে ভুল করেছি। ভালঘরের মেয়ে বলে আনলাম, ঘরে ভুলে দেখি ডাকিনী। ডাকিনীর হাতে পুত্র সমর্পণ করলাম, এব চেয়ে ঘরের হাতে দিলে ভাল ছিল। সেই যখন টাইফয়েড হয়ে একুশ দিন একুশ রাত্রি লড়ালড়ি চলল—

আমার উপর হঠাৎ ধমক দিয়ে উঠলেন : তুমিই তো ভাস্কর-কবরের জুখপত্তর টাকাপঘসা নিয়ে এসে পড়লে। আমার এই বুড়োবয়সের খোয়ারটা দেখবে বলে বুঝি? ডাকছি সেই যমকে—একবার ভুল হয়েছে, আর হবে না। যম এসে নিয়ে যাক, মনকে তাতে প্রবোধ দিতে পারব।

আর একদিনের কথা আমার মনে পড়ে। সমীরণের বিয়ের মাস পাঁচ-ছয় আগেকার কথা। সামন্তবাড়ি এমনি বৃক্ষক্ষেত্র ব্যাপার। কাকিমা কুক ছেড়ে কাদছেন : পেটের ধন এক ছেলে—সে না থাকলে কাকে নিয়ে আমার সংসার করা। কান্নার মধ্যে অনেক সুরে অনেক কথা বলছেন—প্রধান কথাটা এই।

আমার মুণকিল, বড় এক জটিল মামলার দলিলদস্তাবেজ নিয়ে বসেছি, দলিলের স্থল-কথাগুলো সতর্কভাবে টুকে নিতে হচ্ছে। উঠব বললেই ঠাা যায় না। জীর্ণ কাগজ যথোচিত যত্নে তুলেপেড়ে রাখা অনেকক্ষণের ব্যাপার।

গ্রামের একজনকে মুহুরি হিসাবে রেখেছি। তাকে জিজ্ঞাসা করি ; কাদেন কেন কাকীমা, কী হল? কী সমস্ত ঐ বলছেন—

সামন্তবাড়ির অদূরে বিশাল দীঘি। ধ্বক করে আমার জলের কথাটাই মনে হয় : দীঘিতে ডুবেটুবে গেল নাকি?

দীঘির দু-শ হাতের মধ্যে সমীরণ যায় না। জলের নামে ভয়। সদরে জজের সেরেস্তায় একটা চাকরি হয়েছিল—নোকোয় স্টিমারে জলের উপর দিয়ে যেতে হয়, সেই ভয়ে গেলই না সেখানে?

গাছ থেকে পড়ল না তো? উঠোনের 'পরেই তো গোলাপখাস-গাছ।

মুহুরি বলে, বাপ-পিতামহ দোতলায় ঘর তুলে গেছেন, জ্ঞান হবার পর সে ঘরেই গেল না কখনো। চামচিকে আর ইঁদুরের বাসা হয়ে আছে। উপরে উঠলে মাথা ঘোরে। গাছে চড়বে সেই মাহুঘ, তবেই হয়েছে! উঠোনের ঐ নিচু গোলাপখাসের আম পাড়তে মা-বুড়ি পাড়ানি ডেকে ডেকে হয়রান।

তবে কান্না কিসের—এই আকাশ-কাটানো কান্না ? পুলিশের হাঙ্গামায় পড়ল না তো ? বেচারামের বউটা সেবারে এমনি মাথা-ভাঙাভাঙি করছিল । অনেকদিন আগে আমার ছেলেবয়সে অহিভূষণের শিশিমাকেও ঠিক এমনি ডাক ছেড়ে কঁাদতে দেখেছিলাম ।

বহুদর্শী মুহুরি মুহু হেসে ঘাড় নাড়ল : উহঁ, তা কেন হবে ? বেচারাম সিঁধেল চোর, সিঁধের মুখে ধরা পড়ল । হাতকড়ি পরিয়ে টানতে টানতে বাড়িতে বউয়ের কাছে নিয়ে গেল । অহিভূষণ স্বদেশি । পুলিশ রিভলভার পেল, আর বন্দে মাতরম্-লেখা নিশান । সমীরণ সং ছেলে, ঐসব কোন ঝামেলায় নেই । চুরি করে না, স্বদেশিও করে না । তাকে পুলিশে কেন ধরতে যাবে ?

কাকিমার কান্না আরও তীব্র হয়ে কানে বাজে : ভূই গেলে কী নিয়ে থাকব রে বাবা—

চলে যাচ্ছে নিশ্চয় কোনখানে । চাকরিবাকরি করতে বিদেশ যাচ্ছে, তা-ও হতে পারে । কি বল মুহুরিমশায় ?

মুহুরি বলে, তা হলে কঁাদতে যাবে কেন ? বুড়ি তো চাচ্ছে তাই । বলে, বসে খেলে রাজার ভাণ্ডার ফুরিয়ে যায় । বেরিয়ে পড়ে রোজগারপত্তর কর, বিয়ে দিয়ে বউ ঘরে নিয়ে আসি—

আর্তনাদ ক্রমেই বাড়ছে । যাওয়া উচিত, তাড়াতাড়ি কাগজপত্র গোছাই । এমনি সময় দেখি, অমূল্য ভাস্কর যাচ্ছেন সেইদিকে ।

শুনুন, ও ভাস্করবাবু, অস্বথবিস্বথ নাকি সমীরণের ?

মুহুরি জুড়ে দিল : জীবনের আশঙ্কা আছে ?

অমূল্য ভাস্কর হনহন করে আমার দিকেই চলে আসেন । ক্রভঙ্কি করে বললেন, হবই যদি অস্বথ—টি-বি, ক্যাম্কার, থ্রুসিস, যার চেয়ে বড় অস্বথ নিদানে নেই—তা বলে, জীবনের আশঙ্কা ? এই অমূল্য সিংহ হোমিওপ্যাথি-বাক্সসহ গ্রামের উপর বর্ভমান থাকতে ? শহর থেকে ডাকাডাকি—সিভিল-সার্জন অবধি হাতে ধরে বললেন, বসে যান এখানে একটা ঘর ভাড়া নিয়ে, হাঁপ ছেড়ে বাঁচি আমরা । তবু গ্রাম ছেড়ে নড়িনে । কেন ? আমার জ্ঞাতগুণ্ঠি গ্রামবাসী—আমি চলে যাবার পর একটি প্রাণী আর বেঁচে থাকবে ? সমদূতের পথ আগলে দাঁড়িয়ে আছি । মহামারী জলন্তুস্ত খাণ্ডবদাহনে ছুনিয়া উৎসন্ন হয়ে যাক, এ গাঁয়েয় গাছের পাতাটি খসবার উপায় নেই । আপনি তো গাঁয়ে থাকেন না, যারা সব আছে জিজ্ঞাসা করে দেখুন ।

ভাস্কর চলে গেলেন । কাগজপত্র গুছিয়ে রেখে আমিও উঠলাম ।

কাকিমার আৰ্জনাদে দত্তরমতো ভিড় জমে গেছে। ঠিক আজকের মতোই গিয়ে জিজ্ঞাসা করেছিলাম, হয়েছে কি কাকিমা ?

ভগবানে পেয়েছে সমীরণকে। লম্বাসী হয়ে যাবে।—ভিড়ের মধ্যে ভঙ্গ-মাথা সাধু বিশালানন্দ। সেইদিকে কাকিমা কটমট করে তাকালেন।

ভাল ছেলে তোমার কাকীমা। ভগবান পাদপদ্মে টেনেছেন—তাই নিয়ে কান্নাকাটি করে তুমি লোক জমাচ্ছ ? ছিঃ !

কাকিমা লজ্জা মানেন না। সাধুর দিকে চেয়ে বলেন, ছেলে আমার এমন ছিল না কশ্মিনকালে। ঐ বাবাজি ফুলমস্তুর দিয়ে করেচে।

ভালই তো, চতুর্দিকে যা-সমস্ত হরদম দেখি—সন্তান বাদর-বদমায়েশ, হয়ে বাপ-মায়ের হাড় ভাজা-ভাজা করে দিচ্ছে। ভগবানে মতি গেছে, এমন ভাগ্য ক'জনের হয় ?

কাকিমা বলেন, ভগবান কি চাকরি দেবেন, খেতে পরতে দেবেন ? এক ছেলে আমার, বিয়েথাওয়া দিয়ে খালি সংসার ভরভরস্ত করব—কতদিনের সাধ। ভগবান গোড়াতেই তো বাগড়া দিয়ে বসলেন।

পুনশ্চ বিশালানন্দকে দেখিয়ে বলেন, সে বটে বাবাজিদের পোষায়। রক্ততপাস্তি রায়েঁ বাড়ি আস্তানা, ভগবান বানের জলের মতো দিচ্ছেন রায় মশায়দের। আমাদের এই এঁদো ঘরবাড়ি—কোন্ দুখে ভগবান মরতে আসবেন ? ঢুকতেই তো মাথা ঠুকে যাবে।

হাতে জপের থলি। বললেন, নামজপ করছিলাম একটু পুকুর-ঘাটে বসে। নেতর মা গিয়ে বলল, দেখ গিয়ে ও ঠাকরন, ছেলে তোমার সম্মাশীঠাকুর ভাগিয়ে নিয়ে চলল। জপ ছেড়ে ছুটে এসেছি। ইহকাল তো দুঃখকষ্টে দাসীবৃত্তি-চেড়ীবৃত্তি করে গেল—পরকালের একটু স্বরাহা করে নেব, সে কি আর হতে দেবে হতচ্ছাড়া বাবাজি ? তোমরা সব এসে পড়েছ বাবা—এই জন্তেই টেঁচামেচি করছিলাম। জপটা তাড়াতাড়ি সেরে আসিগে এইবার। বাবাজির সঙ্গে তোমরা বুঝসমঝ করতে লাগ। ফিরে এসে তখনো যদি ছাইমুখোটাকে দেখি, খ্যাংরা-পেটা করে ছাড়ব। ওর ভগবানের নিকুচি করেছে !

কাকিমা অন্তর্হিত হলে বিশালানন্দকে চুপিচুপি বলি, সরে পড়ুন বাবাজি। কাজ নেই সমীরণের পারত্রিক মজলে। এফুনি যদি বিদেয় হন—এই পাচ টাকা। জপ সেরে কাকিমা ফিরলে কি হবে জানিনে। ভগবান অয়ং আবির্ভূত হয়ে ঠেকাতে পারবেন, তা-ও কিন্তু ভরসায় আসে না।

বিশালানন্দ বুদ্ধিমান, প্রস্তাবটা বুঝে দেখলেন তিনি। আশীর্বাদ করে পাঁচ টাকা দক্ষিণা নিয়ে দ্রুত নিজাস্ত হলেন।



কাকিমা এসে বললেন, বিশ্বাস নেই বাবা। চলে গেছে, কিন্তু রক্ত-কাস্তির বাড়িতে তো রয়ে গেল। আড়ালে আবডালে ফুসফুস-গুজগুজ করবে। কনের জোগাড় দেখ তুমি, সাদামাটা যা-হোক একটা হলেই হল। বিয়ে সামনের বোশেখে। যমের হাত থেকে বাঁচালে তো ভগবানের হাত থেকে বাঁচাও এবারে।

কনে আমায় দেখতে হয়নি, কাকিমাই সব করলেন। আজকে সেই কনের হাত থেকে যমের হাতে পুনশ্চ চালান করার কথা বলছেন। তাতেই নাকি অধিক সাক্ষ্য।

## গয়না

চণ্ডেশ্বর মিত্তির ব্যাপার-বাণিজ্যে নতুন পয়সা করেছেন। একমাত্র মেয়ে তুলসীমঞ্জরী। ধুমধাম করে রায়বাড়ির ছেলে নীলকণ্ঠের সঙ্গে মেয়ের বিয়ে দিলেন।

তারপর থেকেই চণ্ডেশ্বর নিজের গাল চড়াচ্ছেন : রায়েদের অট্টালিকাই দেখলাম! ভিতরে চামচিকের বাসা, সে খবর আর নিলাম না। আসবাবপত্রের যৌতুক দিয়েছি, মেয়ের গা-ভরা গয়না। কিছু কি আর থাকবে? বেচে থাকে ছ'দিনে।

এক রাত্রে ঘুম ভেঙে তুলসী দেখে, নীলকণ্ঠ বিছানায় নেই। এমনি রীতি আছে বটে এদের বংশে—নীলকণ্ঠের এক খুঁড়িমা শেষ পর্বন্ত গলায় দড়ি দিয়ে মনের জালা জুড়িয়েছিলেন। নয়নতারার কাছে শোনা। তুলসীর সমবয়সী মেয়েটা অল্প বয়সে বিধবা হয়ে এই বাড়িতে আছে। নয়ন সাবধান করে দিয়েছে : রায়বাড়ির ছেলে স্কন্দবনের বাঘ। বাঘ পোষ মানে না। নজরে নজরে রাখবি ভাই, বেচাল কিছু করে না বসে।

তুলসী মুখ টিপে হাসে। বাঘ হোক যাই হোক, স্তবগুণটা শুনিগ যদি আড়ি পেতে! এর জন্তেও তুলসীর মনে মনে বেদনা—লম্বা চওড়া বিরাট-পুরুষটি ডাকিনীমস্ত্রে বুঝি নিতীহ মেঘ হয়ে গেছে। দিকার আসে তার নিজের উপরে।

কিন্তু আজ রাত্রে নীলকণ্ঠ ঘরে নেই। তুলসীর ভয় করে। এই বিপুলায়তন কক্ষ, অভ্যুচ্চ ছাত—মনে হয়, এক রাক্ষসের বিশাল ভয়ঙ্কর জঠর। তার মধ্যে তুলসী তিলে তিলে জীর্ণ হয়ে যাচ্ছে।

আওয়াজ পাওয়া যায়—খুটখুট খুটখুট। নিশ্বাসেপ্রশ্বাসে যেন ঘুমন্ত

অট্টালিকার বৃকের ওঠানামা। উৎকর্ণ হয়ে তুলসী শোনে। কক্ষের বাইরে আলসের উপরে আওয়াজ। এক একবার ঘরের চৌকাঠ অবধি চলে আসে— এসেই দূরের দিকে চলে যায়। সর্বনাশ, খোলা দরজা হা-হা করছে। নীলকণ্ঠ দরজা খুলে চলে গেছে।

উঠল তুলসী। দরজা বন্ধ করবে। রাজিশেষের চন্দ্রালোক তেরছা হয়ে পড়েছে আলসের উপর। নীলকণ্ঠের মুখে এক একবার পড়েছে আলো। পদচারণা করছে সে। কোন প্রেতলোক থেকে যেন এসেছে—বুক কাঁপে স্বামীর এই মূর্তি দেখে। পাগল হয়ে এগিয়ে যায় তুলসী। গিয়ে তার হাত জড়িয়ে ধরল।

বিষন্ন দৃষ্টি তুলে নীলকণ্ঠ বলে, কি ?

তুলসী কঁদে বলে, শোবে এস। আমার ভয় করছে।

বধূর সঙ্গে সে ঘরে ঢুকল। খাটে বসে বলল, গয়নাগুলো দেবে আমায় ?

কেন, কি বৃত্তান্ত—এত সব জিজ্ঞাসার সাহস নেই। ইচ্ছেও করে না। সম্ভবত বিষয়সম্পত্তি-ঘটিত কিছু, বন্ধক দিয়ে দায়মুক্ত হবে। সেই উদ্দেশ্যে ঘুম নেই নীলকণ্ঠের।

ছাই গয়না! তুমি পাশ থেকে উঠে গিয়ে নিশি-পাওয়ার মতো সারারাজি ঘুরে ঘুরে বেড়াবে—রাজরাজেশ্বরী মেজে পড়ে থাকব আমি একলাটি! একটি কথাও না বলে এয়োতির চিহ্ন কঙ্কন ছুটি মাত্র রেখে গয়না খুলে দিল।

নীলকণ্ঠ বলে, আরো—আরো যা আছে তোরদের ভিতর, সমস্ত চাই আমি।

তোরক খুলে তা-ও বের করে তুলসী খাটের উপর রাখল। মধুর হেসে বলে, আর নেই।

ভাল করে সকাল না হতেই নীলকণ্ঠ গয়না নিয়ে বেরল। সারাদিন দেখা নেই—সন্ধ্যার পর ফিরে এল অস্বস্ত অতুস্ত অবস্থায়।

তা হোক, গয়না বিদায় করে দিয়ে তুলসী বড় খুশি। মন তৃপ্তিতে ভরা। রাতে যতবার জেগেছে—দেখে, ক্রান্ত নীলকণ্ঠ বিভোর হয়ে ঘুমোচ্ছে, ছুটি হাতে বেঁটন করে আছে তাকে। যাকগে গয়না—এই তার নতুন গয়না হল। বরের ছুঁথানি বাছ পাটিহার হয়ে গলায় ছলছে, ভালবাসার মিষ্টি আবেশ সর্ব-অঙ্গ মনপ্রাণ জুড়ে গয়নার ঝিনিমিনির মতো বাজছে। গয়না যেন অহঙ্কারের বোঝা, অস্বস্তির বোঝা—ঐ এক ব্যবধান ছিল তার আর স্বামীর মধ্যে। বাধা ঘুচে গিয়ে এবারে অফুরন্ত মিলন।

বাড়ির সকলের ক্রমশ নজরে আসতে লাগল। গোপালের মা অনেকক্ষণ একদৃষ্টে তাকিয়ে থাকে : তোমার গা খালি কেন বউমা ?

খুলে রেখেছি। ভারি গয়নার চাপে দম বন্ধ হয়ে আসে।

মেয়েমানুষের গায়ে গয়না ভারি! একি একটা বিশ্বাস হবার কথা? তায় কম বয়সের নতুনবউ বলছে।

নয়নতারার কাছে তুলসী বলে, তুলে রেখেছি ভাই। মা গো মা, যা ডাকাতি চারিদিকে, শুনে গায়ে কাঁটা দেয়।

নয়ন বলে, জোলো-ডাকাত—তার তো গাঙে থাকে, নৌকোয় নৌকোয় বেড়ায়।

জলের উপর যখন নৌকোয় পাবে না, ডাঙায় উঠে এসে হামলা দেবে।

নয়নতারা ভ্রভঙ্গি করে বলে, এ বাড়িতে নয় কখনো। জ্ঞানিস, তোর স্বপুত্রই ছিলেন ডাকাতের সর্দার। তিনি মারা গিয়েই তো অবস্থা পড়ে গেল এদেব।

কানাকানি বাড়ির বাইরেও চলেছে। দত্তদের মেয়ে নবহুর্গা এসে বলে—হয়তো বা পরখ করবার অছিলায়: তোমার স্নানকোজোড়া একবার দাও নতুনবউ। শাকরা এসেছে, তাকে দেখাব। ভারি সুন্দর হয়েছে। আমারও ঐ রকম চাই।

অগত্যা তুলসীকে স্বীকার করতে হয়: গহনা ঠিক আছে—

পুরুষমানুষের কাছে কি জগ্রে গহনা? আছে তো, না চলে গেছে আর কোথাও? চেয়ে নিয়ে নিজের কাছে রাখ নতুনবউ। পুরুষকে বিশ্বাস করতে নেই। বিশেষ করে রায়বাড়ির পুরুষকে।

একদিন তুলসী সাহস করে নীলকণ্ঠকে বলে, গয়না কি বন্ধক দিয়েছ?

না, বেচে খেয়েছি—

চণ্ডেশ্বর মিত্তিরের কথাগুলো অবিকল। বধূর দিকে ভ্রুকুটি করে বলে, কেন? এসব কথা জিজ্ঞাসা করছ কেন আজ?

এমনি—

ভয় পেয়ে তুলসীমঞ্জরী সরে গেল সামনে থেকে। নীলকণ্ঠের মনে কাঁটার মতো খচখচ করে। গয়নার কথাটা কেন তুলল বউ—গয়না নিয়ে ব্যঙ্গ করল তার দারিদ্ৰ্যকে?

লজ্জায় সে তুলসীর হাত চেপে ধরল নিভৃত পেয়ে: জবাব দাও—

ঠারেঠারে লোকে নানা কথা বলছে। তুলসীর লমণ্ড কানে আসে। শুনে শুনে সে-ও কঠিন হয়েছে। হাত ছাড়িয়ে নিয়ে ধীরে ধীরে বলল, বিক্রি না করে গয়না যদি বন্ধক দিতে, ফিরে পাবার ভাব উপায় থাকত।

কি উপায়? বড়লোক বাপের হাতে-পায়ে ধরে ছাড়িয়ে আনতে?

হাতে-পায়ে ধরতে হবে কেন? সাথআহ্লাদের জিনিস, টের পেলে বাবা নিজে থেকেই ছাড়িয়ে দিতেন।

বলতে বলতে তুলসীমঞ্জরী থমকে যায়। কী রকম তাকাচ্ছে—দৃষ্টির আঙনে পুড়িয়ে মারবে যেন তাকে! আকুল কণ্ঠে তুলসী বলে, গয়না চাইনে আমি, চাইনে। কথার কথা—একটা ঠাট্টা করলাম গো। আমার ঘরের খবর বাবাকে জানাতে যাব কেন? কিসে তিনি টের পাবেন?

নীলকণ্ঠ বলে, বেচে দিয়েছি যখন, ঠিক সেই জিনিস তোমায় দিতে পারব না। কিন্তু গয়নায় তোমায় ঢেকে ফেলব, গয়নার বোঝায় তোমায় গুঁড়িয়ে দেব। এই আমি কথা দিলাম আজকে।

সন্ধ্যা হলেই নীলকণ্ঠ রায়কে আর বাড়ির ত্রিসীমানায় দেখা যায় না। ফেরে শেষরাত্রির দিকে। তুলসী বিজন অলিন্দে চুপচাপ বসে থাকে দূর-বিস্তৃত বিলের দিকে চেয়ে। লোকেব সাড়া পেলে তাড়াতাড়ি উঠে পড়ে। নীলকণ্ঠকে দেখলেই সরে যায়। কথাবার্তা একেবারে বন্ধ।

একদিন নীলকণ্ঠ পথ আটকে দাঁড়াল। কেশে গলা সাফ করে অহেতুক কৈফিয়ৎ দেয় : পাশা খেলতে খেলতে রাত হয়ে যায়। সত্যি, বড্ড নেশায় ধরেছে। নেশা কাটিয়ে উঠতে হবে।

হুঁহাতে মুখ ঢেকে তুলসী একে বেকে ছুটে পালাল। নেশা তো বটেই! কিন্তু কাটাবে কি—বেড়েই চলেছে দিনকে-দিন। আগে রাতের মধ্যে ফিরত, এখন এক একদিন বেলা উঠে যায়। দেশের চোখের উপর দিয়ে, দেখ দেখ, নৈশবিহার অন্তে নীলকণ্ঠ রায় বাড়ি ফিরছে—

তার উপরে গোপালের মা মাঝে মাঝে প্রবোধ দিতে বসে : সোনার অঙ্ক কালি হয়ে গেল, আহা! চুল বাঁধো না, খাওয়াদাওয়ার যত্ন নাও না। বংশটাই এমনি এদের। এ বাড়ির বউদের কত চোখের জল পড়েছে, তার কোন লেখাজোখা নেই।

কিন্তু এ হল চণ্ডেশ্বর মিস্ত্রির মেয়ে—ভিন্ন ধাতুতে গড়া। মরে গেলেও চোখের জল ফেলবে না—অন্তত এদের এই অলিন্দে বসে নয়। তুলসীমঞ্জরী বাপের-বাড়ি চলে গেল, এ পাশ-পুরীতে দম বন্ধ হয়ে আসে।

বিনমিন ঝুমঝুম গা-ভরা গয়না নিয়ে তুলসী বাপের-বাড়ি থেকে ফিরছে। বাড়ি ফিরে তুলসী সকলের আগে পড়বে নীলকণ্ঠের ছুটি পায়ে। হুঁপায়ে মাথা গুঁজে সারাক্ষণ পড়ে থাকবে। যতক্ষণ না আদর করে তুলে ধরে বুকের উপর। বুকে নিয়ে সে তুলসীর নতুন প্রাণপ্রতিষ্ঠা করে।

এই ভূমি। আমার কিছু জানতে দাও নি—তাই তো আমার বড়

আভমান। কত নোংরা কথা ভেবেছি, ছি ছি, তোমার লম্বা! দূর করে দেব গোপালের মাকে। ইহজীবনে মুখ দেখব না আর নয়নতারার।

তুলসীকে হঠাৎ দেখে চণ্ডেশ্বর খুব বিস্মিত হয়েছিলেন। বললেন, জামাই তোর সমস্ত গয়না আমার কাছে ফেরত দিয়ে গেছে। গয়না সে নেবে না।

তুলসী বলে, আমিই খুলে দিয়েছিলাম। নতুন গয়না দেবেন উনি আমায়, তোমার গয়না নিতে যাব কেন?

আমার হল কিসে? ও সব তো বিয়ের যৌতুক দিয়ে দিয়েছি।

মেয়ের ঠোট কাঁপে অভিমানে : কেন বলেছ তবে ঐ সমস্ত? গয়না বেচুক আর জলে ফেলে দিক—দিয়ে দিয়েছ যখন, ফিরে তাকাবে কেন তুমি সেদিকে?

তোদের কাছে বলতে গিয়েছিলাম? মনের ভাবনা তোরা কেন কানে নিতে যাবি? আবোল-তাবোল কতই তো মাহুষে ভাবে। বেশ, তোদের বাড়ি গিয়ে আমিই হাতে ধরে মাপ চাইব মামী জামাইয়ের কাছে।

এর উপর আর জবাব চলে না। গয়না নিয়ে তুলসীমঞ্জরী ফিরে চলেছে। একটি একটি করে সমস্তগুলো গায়ে পরেছে। গলায় পরবার হারই হল পাঁচ-ছ'রকম। হোকগে—বেমানান হোক আর যাই হোক, সোনার বোঝা গায়ে চাপিয়ে ফিরে যাচ্ছি। একগাদা গয়না পরে সেই বিয়ের কনের মতো দাঁড়াব খণ্ডরবাড়ির অভ্যন্তরে। গয়নার রাশি বিকমিক করে দশের কাছে আমার বিজয়বার্তা শোনাবে। পুরনো রায়বাড়ির যত অখ্যাতিই থাক, তুমি অগ্নান। অনেক উচুতে প্রদীপ্ত ঐ তারার মতো আমি যে কিছুতেই তোমার নাগাল পাচ্চিনে—

তারার আলোয় মধুর অলস বাতাসে তুলসীমঞ্জরীর পানসি ছলে ছলে চলেছে—পাশের জল থেকে কালো কুমীরের মতো ছোট ডিঙি ছুটে এসে পানসির গায়ে লেপটে গেল।...কি হল—ঐ্যা। কারা তোমরা গো?

পানসিতে উঠে পড়ল লোহ-মূর্তি আট-দশ জন। উদ্‌ম হাসি। গতিক বুঝে দাঁড়ি-মাঝিবা ঝপাঝপ করে জলে লাফিয়ে পড়ল। কামরার ভিতরে খরখর কাঁপছে তুলসীমঞ্জরী।

বজ্রগর্জনে একজনে বলে, গয়না খোল।

তুলসী গুটিমুটি হয়ে গবাক্ষলয় হয়ে গেল। এই গয়না এবং তার সকল লতা একেবারে এক বস্তু—বিচ্ছিন্ন করবার জো নেই।

দাঁও—

বাঘে যেমন শিকার ধরে, তেমনি লাফ দিয়েছে বউটাকে ধরবার জন্ত—সোনার রাশি টেনে ছিঁড়ে গা থেকে ছিনিয়ে নেবে। তার আগেই তুলসী-

মজুরী গবাক্ষপথে গাঙে কাঁপ দিয়েছে। আর দলপতি নীলকণ্ঠ এই সময়টায় ঢুকছিল কামরায়। ছাতে-ঝোলানো বেলোয়ারি-বাড়ের ঝলমলে আলোয় সে শুধু দেখতে পেল, রূপ আর স্বর্ণের হরিদ্রাতরঙ্গ তুলে এক চলবিদ্যুৎ ঝিলিক হেনে গেল চোখের সামনে দিয়ে।

ধরো, ধরো—

দুবার শোতে একবার ঈষৎ ঘূর্ণি উঠল। তারপর আর কিছু নেই। এক কাপটা হাওয়া বয়ে গেল। কিচির-মিচির করে চরের উপর গাংশালিক ডাকে। খলখল জুর হাশ্বে প্রমত্ত জোয়ারে নদী বয়ে চলেছে।

নীলকণ্ঠ কঠিন আদেশ দেয় : কাঁপ দিয়ে, পড়, খুঁজে বের করতেই হবে। জ্যান্ত কিষা মরা।

মেয়েটার যাই হোক, অত সোনা কিছুতে জলতলে নিশ্চিহ্ন হতে দেওয়া হবে না। সোনা চাই তার তুলসীকে সাজাবার জন্য। সাজাতে সাজাতে আসল কথা খুলে বলবে। গয়নার আশ্রয় ইতিহাস।

## ডাকাতি

গ্রীষ্মের ছুটিতে জয়তী মামার-বাড়ি এসেছে। আম ফলেছে খুব—দিদিমা পঙ্কজিনী চিঠিতে লোভ দেখিয়েছিলেন। আম খাবে, আর ছুটির বেড়ানো হবে। মামারা কেউ থাকে না। বড়মামা ভিলাই-এর ইঞ্জিনিয়ার, ছোটমামা পুনায়—মিলিটারিতে ঢুকেছে। ছুনিয়া ছোট হয়ে গেছে, জোয়ান-যুবা কেউ ঘরে পড়ে থাকে না। পৈতৃক দালানকোঠা, বাগবাগিচা আগলে পড়ে রয়েছেন সেকালের দুটি মানুষ—দাদু আর দিদিমা। দালানের ইট-কাঠ খসে খসে পড়ছে, উঠান অবধি জঙ্গল এঁটে এসেছে। বড়ছেলে বাসায় নিয়ে যাবার জন্য ঝুলোঝুলি—জনরব, জীবনের যাবতীয় সঞ্চয় কলসি ভর্তি বাড়ির কোন একখানে পোতা রয়েছে—সেই বস্তু ছেড়ে কর্তাগিন্নির নড়বার উপায় নেই।

জয়তী এল অনেক দিন পরে। নাতনির গায়ে-যাথার পঙ্কজিনী আদরে হাত বুলায় : একেবারে নতুন মানুষ হয়ে এলি দিদিভাই। রূপ যে অঙ্গে ধরে না।

কানীনাথকে কলকণ্ঠে জয়তী বলে, দিদিমা কি বলে, শুনতে পাচ্ছ দাদু ? তবু কিন্তু দু-বছর ধরে বর খুঁজে খুঁজে বাবা হয়রান। তুমি রাজি হয়ে যাও লক্ষ্মী দাদু, আমার আইবুড়ো নাম খণ্ডে থাক।

পঙ্কজিনী ঝগড়া করেন : চিঠি লিখে লিখে নিয়ে এলাম, পেটে পেটে এত শয়তানি তোমার ! আমারই উপর ডাকাতি ?

কাশীনাথ বলেন, যৌবন বয়স ছিল—তা-ও তোমার দিদিমা একদিনের তরে আমায় পছন্দ করেনি। তোমাদের আমলে এসে পাত্রের এত দুর্ভিক্ষ হয়েছে দিদি ?

পাত্র থাকবে না কেন—শূণ্যপাত্র সব, যা দিলে ঢনঢন করে বাজে। ভরা-পাত্র তোমার মতন সত্যিই মেলে না দাছ। তা বেশ, দিদিমা রাগ করেছে তো ভাগাভাগি করে নিই। মানুষটা তুমি দিদিমার ভাগে যাও। মনের সাথে তোমায় নাওয়ান খাওয়ান, বাতের তেল মালিশ করুন—হিংসে করতে যাব না। আমার ভাগে চাই তোমার গুণ্ডপনের কলসিটা। সোনার টাকা রূপোর টাকা দু-হাতে তুলে তুলে খরচ করব।

খিল-খিল করে হেসে উঠে আবার বলে, আমাদের হাল আমলের বিয়েয় শাড়ি-গাড়ি, টাকাকড়ির বন্দোবস্ত থাকলেই হল, বর না হলেও দিব্যি চলে। বরের বখেড়া যে বয়ে বেড়াই, মানুষটা মরজি মতন খরচার যোগান দিয়ে যাবে সেই জন্ত।

অজ্ঞ পাড়গাঁ। পথ-ঘাট আলোহীন, বিহুতের পাখা নেই, কল ঘোরালে জল পড়ে না—একটা মাস তবু ঘেন পাখনা মেলে উড়ে চলে গেল। বর্ষাটা বড় তাড়াতাড়ি নেমেছে এবার। ছুটিরও শেষ হয়ে এল। যাই-যাই করেছে জয়তী—হেনকালে এক কাণ্ড। সকালবেলা দরজা খুলে দেখা গেল, ভাঁজ-করা এক টুকরো কাগজ চোঁকাঠেব সামনে থান-ইট চাপা দেওয়া। পঙ্কজিনী ঠোঁকর খেতেন আর একটু হল—পা দিয়ে ইট সরিয়ে কাগজটা তুলে নিলেন। জয়তীকে বলেন, দেখ দিকি কিসের কাগজ। আমার তো আবার চশমা লাগবে।

দেখতে হবে কী আবার ! বন্ধার দিয়ে জয়তী উঠানে নেমে গেল। বলে, দিব্যি ছিলাম দিদিমা, উড়োচিঠি এন্ধিনে এই গাঁয়ের ঠিকানা পেয়ে গেছে।

পঙ্কজিনী বলেন, কী লিখেছে, মানুষটাই বা কে—দেখতে হবে না ?

জয়তী তেমনি অবহেলার ভাবে বলে, উড়োচিঠি দশ-বারোটা পেয়েছি এমন। না পড়েই বলে দিচ্ছি—আমা বিহনে জীবন অন্ধকার এরই রকমফের কিছ। কথা সব মুখস্থ—ঠিক কিনা মিলিয়ে দেখ।

উঠানের পাশে নিমগাছের ডাল ভাঙছে জয়তী। দাঁতন করবে। মামার-বাড়ির এই এক মাসে ষোলআনা গাঁয়ের মেয়ে সে এখন।

বলে, উড়োচিঠিতে নাম দেয় না। গাঁয়ের কোন্ মানুষটা লিখেছে, আমি কিছ বলে দিতে পারি। সেই যে একজন অকালের বাতাবিলেবু এনে দিল, আমি তাই দিয়ে ফুটবল খেললাম—

শোভন ? পঙ্কজিনী জোরে জোরে ঘাড় নাড়েন : কখনো নয়, হতেই পারে না। তেমন ছেলে শোভন আমাদের নয়।

জয়তী বলে, দেখ দিদিমা, বুড়ো হয়ে গেছ, প্রেমের খুঁটিনাটি তুমি কি বোঝ ? ঘোবনে জানতে বটে, সে সমস্ত কবে ভুলে মেরে দিয়েছ। একশ' মাহুঘের ভিতর থেকে বেছে আমি বলে দিতে পারি, কোন কোন চোখে প্রেমের চাউনি। তুমি আমার ভুল ধরতে এস না।

পঙ্কজিনী অগত্যা চশমা খুঁজে আনলেন। উচ্ছ্বসিত হাসি হেসে জয়তী বলে, বুঝেছি দিদিমা, তোমায় তো কেউ প্রেমপত্র দেয় না, পড়বার জন্ত চাতকিনী হয়ে আছ। দাহুকে বলে দিচ্ছি, দাঁড়াও।

চিঠি পড়ে পঙ্কজিনী কলরব করে উঠেন : ডাকাতের চিঠি—বাড়িতে ডাকাত পড়বে, একেবারে দিনক্ষণ ঠিক করে এই চিঠি রেখে গেছে। আগামী শনিবার ঘোর অমাবস্যা, ঐ দিন রাত্রি দশটা থেকে চারটার কোন এক সময় আসবে তারা। গৃহস্থ প্রস্তুত থাকবেন। টাকার কলসিটা যদি আপোসে বের করে রাখেন, নির্বন্ধাটে দশ-বিশ মিনিটের মধ্যে কাজ হয়ে যাবে।

কাশীনাথ জয়তীকে বলেন, কলকাতায় আজই রওনা হয়ে পড় দিদিভাই। ছুটি আছে আরও আটটা দশটা দিন—কিন্তু উড়োচিঠির পরে একদণ্ডও থাকা চলে না।

জয়তী বলে, চিঠি বুঝি কলকাতায় যায় না ! আমার কপাল—যেখানেই থাকব, চিঠি ছাড়বার মাহুঘগুলো কেমন টের পেয়ে যায়।

অবুঝ কথায় পঙ্কজিনী বিরক্ত হয়ে বলেন, সর্বনেশে চিঠি রে লাঠিসোটা, ছোরা-মশাল নিয়ে এসে পড়বে। তোর কলকাতার উড়োচিঠি নয় যে ছিঁড়ে ফেললেই চুকে গেল।

তা বই কি ! চোখ বড় বড় করে জয়তী বলে, তোমারও বয়স ছিল দিদিমা, দেখতেও ভাল ছিলে, উড়োচিঠি পাওনি কখনো ? তবে এমন বল কেন ? চিঠিতেই চুকেবুকে যায় না, তারপরে আসে কবিতা। সে কবিতা লাঠি-ছোরার চেয়ে বেশি সাংঘাতিক।

ফিক করে হেসে বলে, হ্যাঁ দিদিমা, সত্যি কথা বলা। কবিতা লেখেনি কোন প্রেমিক তোমায় নিয়ে ?

মেয়েটা আন্ত-পাগল—এতবড় উষ্মেগের মধ্যেও এই সমস্ত কথা। ভয়ভর নেই, জেদ ধরে বলে, এমনি যদিই বা যেতাম এখন আর কিছুতে নয়। কলকাতায় চুরি হয় হরদম—ডাকাতি একেবারে নেই। ডাকাতি না দেখে আমি যাব না।



চিঠির কথা চাউর হয়ে গিয়ে পড়শিরা আসতে লেগেছে। শোভন নামে সেই হোকরাও এসে গেল একবার। অনেকে প্রবোধ দিচ্ছে : ক্ষেপেছেন কর্তামশায়। সম্মুখযুদ্ধের কাল চলে গেছে। কলিযুগে চোরাগোষ্ঠী কাজকর্ম, খবর দিয়ে কেউ কিছু করে না। রসিকতা করেছে, আপনার তরাস দেখে হাসছে এখন সেই লোক।

শুনে জয়তী রাগে গরগর করে : আমি বলে কত আশা করে আছি, রসিকতা বলে এখন ঠোঁড় ভুল দিতে লাগলেন। আপনাদের কি—ঘাঁটির উপর বসত, শনিবারে না হল দু'মাস পরেই হবে। আমার যত-কিছু সবই এই ছুটির ভিতরে।

তখন জয়তীর পক্ষ নিয়েও কেউ কেউ বলে, একেবারে নিশ্চিন্ত থাকা ঠিক নয় কর্তামশায়। ভেজাল কিসে নেই—উৎকৃষ্ট বাদশাভোগ চাল, তার মধ্যেও সের করা পনের-বিশটা কঁাকর। কলিযুগ মানি, তা বলে ছুটো-পাঁচটা সত্যবাদী কি থাকতে নেই। সেকালে এই জিনিসই হত—আগেভাগে খবর দিয়ে রে-রে করে ডাক ছেড়ে আসত—নাম হল তাই ডাকাত। সেই রকম বনেদি ডাকাতের কোন একটা দল পুরানো রেওয়াজ ধরে কাজ করতে চায়। খানায় গিয়ে আপনি অন্তত খবরটা দিয়ে রাখুন। নইলে তাঁরা দুঃখ করবেন : দেখেছ, দেশভূঁই ছেড়ে পড়ে আছি, আমাদের একটা মুখের কথা বলবার পিত্যেশ নেই। চুরি-ডাকাতি খুন-জখম তাঁদেরই এক্তিয়ারে পড়ে—তাঁদের একবার জানান দিতে হয়।

জাদরেল ইনস্পেক্টর মহাদেব মেন খানা আলো করে আছেন। প্রতাপে বাঘে-গরুতে একঘাটে জল খায়। দুটো দাগি চোর বিশাল দেহে তেল মাখাচ্ছিল। কাশীনাথের হাত থেকে উড়োচিঠি নিয়ে উল্টেপাল্টে দেখে মহাদেব রায় দিলেন : ঘুমোন গিয়ে।

ঘুম আসে কি করে এই অবস্থায় ?

চটে গিয়ে মহাদেব বলেন, ভাল সর্ষের তেল কিছু কিনে নিয়ে যান, নাকের ফুটোয় ঢুকিয়ে দিয়ে শুয়ে পড়বেন। আমার এলাকার মধ্যে চোর-ডাকাত হোক আর শাধুমোহান্তই হোক, কারো কিছু করবার জো নেই।

কথা না বাড়িয়ে তিনি স্নানে উঠে গেলেন। কী করেন কাশীনাথ, ফিরে যাচ্ছেন বিরসমুখে। পাশের দালানে সাব-ইনস্পেক্টর করালীকান্তের অফিস—হাতছানি দিয়ে তিনি ডাকলেন : আমাদের এই জায়গায় চরণ পড়ল—কী হয়েছে কাশীবাবু ?

ডাকাতের চিঠি করালীকে দিয়ে কাশীনাথ বলেন, বড়বাবু তো সূমানোর হুকুম দিয়ে দিলেন, আপনি কোনটা বলেন শুনি।

আগন্ত পড়ে চিঠি ফেরত দিয়ে হাত্মমুখে করালী বলেন, বড়বাবুর ভারী ভারী মকেল, ছোটখাটো কাজে ঠেকে নড়ানো যায় না। ডাকাত না আসে ভালই, কিন্তু এসে পড়লে তখনকার ব্যবস্থা কি? খানদানি ডাকাতের রীতিই এই। চুপিসারের কাজ হল চুরি—চোরকে ডাকাতে ঘেঁষা করে, তাদের পাশাপাশি পাতা পেড়ে খায় না। জাতে এক হলেও ছেলেমেয়ের বিয়েথাওয়া দেয় না চোরের ঘরে। আমার কথা যদি শোনেন, হেলা করবেন না। যেমন কুকুর তেমনি ধারা মুণ্ডরের ব্যবস্থা রাখুন।

কাশীনাথ বলেন, একটা তো রাত্রি—আপনি দয়া করে যান যদি ঐ সময়।

করালী লুফে নিয়ে বলেন, দয়াধর্মের কি হল—আমাদের কর্তব্যই এই। লোকের বিপদে-আপদে দেখব, সরকার সেইজন্ম মাইনে দিয়ে থানার উপরে পুষছেন।

একটুখানি ভেবে নিয়ে ফসফস করে কাগজে হিসাব কষলেন। বলেন, আপনাদের গাঁয়ের পথঘাট ভাল নয়, বিস্তর জলকাদা। সাইকেল চলবে না, ঘোড়ারও একটা পা জখম। পালকিতে যাব। আট বেহারা বারো আনা হিসাবে ছয়টাকা আর পালকি ভাড়া চার আনা। দু-জন সিপাহি নিয়ে যাব, তাদের বারবরদারি। সকলের খাওয়াদাওয়া চা-সিগারেটের বন্দোবস্ত রাখবেন। বাকি যা কথাবার্তা, সে সমস্ত সরকারি থানার উপব হওয়া ঠিক নয়। নিগয যা আছে, সেইমতো হবে। আপনি আপাতত পালকি-বেহারাব খরচাটা দিয়ে চলে যান।

কাশীনাথ দোমনা হয়ে বলেন, টাকা! তো নিয়ে আসিনি।

বেশ গিয়ে পাঠাবেন। আজকে না হয়তো কাল। তারিখ ধরে বসে থাকবেন না কিন্তু মশায়। চুব-ডাকাতি লেগেই আছে, এর মধ্যে অল্প কেউ এসে যদি বাহাখরচা জমা দিয়ে যায়, আপনাকে মুশকিলে পড়তে হবে।

কাশীনাথ বেবিয়ে পড়ছেন, করালী আবার ডেকে বলেন, চিন্তা নেই। গিয়ে পড়েছি শুনতে পেলে ডাকাত ও-মুখোই হবে না। একটা কথা—মশারির জোগাড় থাকে যেন। আর একটা পাশবালিশ। মাথার বালিশ না হলেও চলে, পাশবালিশ ছাড়া শুতে পারিনে। বদ অভ্যাস।

পকজিনী উদ্বেগে ঘর-বার করছেন। কাশীনাথ গিয়ে দাঁড়াতেই প্রশ্ন :  
কী হল ?

কাশীনাথ বললেন, রাহা খরচটা জমা দিলেই ছোট-দারোগা আসতে রাজি। কর্তব্যই তো ওঁদের এই। খাট-বিছানা মশারি-পাশবালিশের জোগাড় দেখ। শুয়ে থাকবেন, তাতেই ডাকাত আর এ-মুখো হবে না—বলে দিলেন।

জয়তী বলে, খাটি কথা দাছ। ডাকাতে চেনে জানে ওঁদের। সিংহির মামা ভোম্বোলদাস, ডাকাতের মামা তেমনি ওঁরা। মামা এসে পড়েই তো গৃহস্থের যা-কিছু সম্বল কতক পেটে খেয়েছে কতক পকেটে নিয়ে পুরেছে—তারপরেও ডাকাত পড়বে কি ক’টা মেটে হাড়িকুড়ি আর ফুটো ঘটি-বাটির জন্তে? ডাকাতি করতে হলে তখন আর গৃহস্থের উপরে নয়, দারোগার উপর।

কাশীনাথও মনে মনে তাই ভেবে দেখছেন। আসতে পারে ডাকাত, আবার না-ও তো আসতে পারে। আগেভাগে আপোষে তবে মামা-ডাকাতের হাতে গিয়ে পড়া কেন?

কর্তব্য না করে করালীর ওদিকে সোয়াস্তি নেই। সিপাহি পাঠিয়ে তাগাদা দেন : শনিবার এসে যায়, খবরাখবর দিলেন না। ব্যাপার কি?

কাশীনাথ মনস্থির কবে ফেলেছেন : অত টাকা কোথায় পাই এখন? যা কপালে থাকে হবে।

টাকা নেই তো ডাকাত আসছে কেন?

নামটা আছে যে। টাকার কলসির বদনাম। কলসি চেয়ে ডাকাতে চিঠি দেয়, থানার লোক ভাবছে কলসির কথা। দু’দিনের তরে নাতনিটা বেড়াতে এসেছে—সে-ও কলসি-কলসি করে।

থানার সিপাহি ফিরিয়ে দিয়ে কাশীনাথ ভাবছেন, হাঙ্গামার ব্যাপারে সরকারি মানুষ একটু ছুঁইয়ে রাখা ভাল। গবর্নমেন্টকে তাচ্ছিল্য করছেন বলে আইনের প্যাচেনা জড়াতে পারে। বডদের ছেড়ে তখন চৌকিদারের বাড়ি চলে গেলেন।

শোন নটবর, চৌকিদারি-ট্যাক্স বাড়াতে বাড়াতে ছ-আনা থেকে পাঁচ সিকেয় ঠেলে তুলেছ। এই বিপদে সরকারি মানুষ তোমার সাহায্য করা উচিত।

নটবর তটস্থ হয়ে বলে, রাত্রে ঘুম হয় না—আপনার বাড়ি সারারাত আমি জেগে পাহারা দেব। বটার মা’কে একটিবার বলে যান কর্তামশাই।

বটা অর্থাৎ বটকৃষ্ণের মা—নটবরের বউ। তাকে ডেকে কাশীনাথ বলেন, শনিবার আমার বাড়ি ডাকাত পড়বে। চৌকিদার গিয়ে পাহারা দেবে, কথাটা তোমায় জানিয়ে যেতে বলল।

নটবয়ের বউ একগাল হেসে বলে, যাব আমি। আপনার মতন মাহুখ দিয়ে পড়েছেন, কেন যাব না? আমার বটকেষ্টও যাবে। ছোট ছেলে কার কাছে রেখে যাই?

কাশীনাথ অবাক হয়ে বলেন, কেন, তুমি যেতে যাবে কেন? তোমার কী কাজ?

বউ বলে, কাজ তো আমারই। নতুন বর্ষায় চৌকিদারের হাঁপানি চাগান দিয়েছে, সারারাত যেন কামারের হাপর টানে। আমিই তো বুক মালিশ করে কোন গতিকে দমটুকু ধরে রেখেছি।

কথাবার্তা বলে কাশীনাথ চৌকিদারের বাড়ি থেকে ফিরছেন, শোভনের সঙ্গে পথে দেখা। সে বলল, ভালই হবে। বউ সত্যি কথা বলেছে, রাজের মধ্যে নটবর ঘুমোয় না। সর্বক্ষণ হাঁপানির টান—ঘুমোবে কেমন করে? পাহারা নিখুঁত হবে। মালিশের পুরানো-ঘি়ের জোগাড় রাখবেন, বাড়ির উপরে নমতো অপঘাত ঘটে যেতে পারে। তাদের ঐ বাচ্চা ছেলে বটকেষ্টকে নিয়ে যাচ্ছে—বিষম খেতে পারে কিন্তু। চামড়ায় নিচে হাড়মাংস নেই, ফাঁপা বালিশের খোলের মতো। খাইয়ে খাইয়ে সেই খোল ভরাট করে রাখতে হয়। ক্ষিধে-ক্ষিধে করে ঘণ্টায় ঘণ্টায় উঠে বসবে, তক্ষুনি চিঁড়েভাজা দিতে হবে।

বিপন্ন কাশীনাথ বলেন, বড় মুশকিলে পড়ে গেলাম। কী করে ডাকাত ঠেকাই, ভেবে কোন হদিস পাচ্ছি নে। দিনও তো এসে গেল।

গৈয়ো-যোগী ভিখ পায় না, নিজেদের কথা বলি কি করে? অভিমান ভরে শোভন বলতে লাগল, ঐতজ্ঞনকে এত রকমে খোশামোদ করছেন—আমরা যে রক্ষিবাহিনী সাজিয়ে গ্রাম জুড়ে মার্চ করে বেড়াচ্ছি, আমাদের একটি বার মুখের কথাটা বললেন না। না বললেও যায় আসে না। ঠিক আছে, আমাদের বাহিনী সারারাত সেদিন বাড়ি ঘেরাও করে থাকবে। দুশমন কথবার জন্ত দরকার হলে প্রাণ দেবার জন্ত তৈরি আমরা।

কাশীনাথ চমৎকৃত হয়ে বলেন, ভদ্রলোকের ছেলেপুলে তোমরা সব—জলকাদা মেখে রাজি জেগে আমার বাড়ি পাহারা দেবে, এমন কথা কী করে বলি! ইচ্ছে হলেও তো বলতে পারিনে বাবা। তোমাদের বাড়ির লোকেই বা কি ভাববেন? কত জন তোমরা আসছ, আমায় তবে একটা আন্দাজ দিয়ে দাও।

শোভন বলে, বাহিনীর মেসার হল হুড়ি। তার মধ্যে কাজকর্মে অস্থখ-বিস্থখে কিছু ঝড়তি-পড়তি—ধরুন পাঁচ। দাঁড়াল তা হলে পনের। কিন্তু

হিসাব নিয়ে কি হবে ? যে যার বাড়ি থেকে খেয়ে-দেয়ে লাজসরঞ্জাম নিয়ে ঠিক দশটায় আপনাদের আমতলায় এসে পড়বে। আপনার বাড়ি একটা মুড়িও দাঁতে কাটব না। সেবার খুঁত হবে তা হলে, স্বার্থগন্ধ লাগবে। মারামারি কাটাকাটি যা-ই ঘটুক, আপনারা পড়ে পড়ে ঘুমোবেন—যা-কিছু করবার বাহিনীই সব করবে।

অন্তঃপর ক’দিন ধরে শোভনের খুব আনাগোনা। বাড়ির চতুর্দিক ঘুরে ঘুরে দেখে—কে কোথায় দাঁড়িয়ে পাহারা দেবে, সেই বন্দোবস্ত। জয়তীকে দেখে শোভন মনে করিয়ে দেয় : শনিবারের আর তিন দিন। বলা যায় না, আমাদের জীবনের মেয়াদও হয়তো তাই।

বলে, আর দু-দিন।

বলে, কাল শনিবার। এম্পার-এম্পার যাহোক একটা কাল রাত্রিবেলা—শনিবারে সারাদিন দুযোগ। নক্ষত্র থেকে বৃষ্টিটা বড় চেপে এল, সঙ্গে বাতাস। একটু থামে, আবার মুষলধারে শুরু হয়ে যায়। নীরঙ্গ আধার, ব্যাঙ ডাকছে তুমুল সোরগোল করে।

কাঁটায় কাঁটায় দশটা—তখন থেকেই শোভন যথানিদিষ্ট আমতলায় দাঁড়িয়ে। অল্প কারো টিকি দেখা যায় না। ভয় পেয়ে গেল ? কিম্বা ঘুম ধরেছে ঠাণ্ডা বাদলার রাজে ? লজ্জায় মাথা কাটা যায়—কী ভাবছে গ্রামের লোক রক্ষিবাহিনী সম্বন্ধে ! বিশেষ করে জয়তী—কলকাতা থেকে দু-দিনের জন্ত যে এসেছে।

হঠাৎ পায়ের শব্দ পিছন দিকে। খাপসুদ্ধ ছোরা কোমরে বাঁধা, আমের গুঁড়িতে ঠেশান দেওয়া শড়কি। ছোরায় হাত রেখে শোভন চকিতে ঘুরে দাঁড়াল। ডাকাত নয়, বাহিনীরও কেউ নয়—সেই মেয়েটা যার কাছে অবস্থা গোপন রাখার বেশি দরকার। জয়তী।

কী আশ্চর্য ! অঙ্ককারে একা চলে এলেন, ভয় করে না ?

জয়তী বলে, ভয় করলে ডাকাত দেখব কি করে ? দেখবার জন্মেই তো জেদ করে রয়ে গেছি। দাচুর কথা কানে নিলাম না।

শহরে অবস্থা মেয়ে—বিচ্ছেদ করতে পারে, বুদ্ধির বেলা লবডঙ্কা। বিরক্ত কর্ত্তে শোভন বলে, চুপিসারে ঘুরে ঘুরে বেড়াচ্ছেন। ডাকাত ভেবে ছোরাটা আপনার ঘাড়েই যদি বসিয়ে দিতাম !

কাঠের ছোরা তো আপনার—ভয়-দেখানো জিনিস।

ঝুঁকে-পড়া একখানা ডাল জয়তীয় গায়ে সাগছিল। অপমানিত শোভন এককোপে সেটা ছুই খণ্ড করে ছোরার ধারের প্রমাণ দিল।

জয়ন্তী ব্যাকুল হয়ে বলে, ভাল কাটতে গেলেন কেন ? দেখুন দিকি !  
তবু খানিকটা আডাল হয়ে ছিলেন, ডাকাত এসে হঠাৎ দেখতে পেত না ।

শোভন বলে, আড়ালে থাকবার হলে তো আপনাদের ঘরের মধ্যে গিয়েই থাকতাম । তাব চেয়ে আরও ভাল, নিজের বাড়ির দৌতলাম ।

জয়ন্তী নিরীহ ভাবে বলে, এক পক্ষে ভালই । জানলা খুলে দেখা যাবে  
এবাব আপনাকে । কী কবেন দেখব । ডাকাত যদি আসে—দবজা খুলে  
দেব, টক কবে ঢুকে পড়বেন । এই বলা বইল ।

বীবম্ব প্রকাশ কবে শোভন বনে, দেখবেন বই কি ! কিন্তু একটা জাযগায়  
কতক্ষণই বা দেখতে পাবেন ? ঘুবে ঘুরে বাহিনী চালনা কবতে হবে না !  
তারা সব এসে পড়ল বলে ।

অনেক রাত্রে জয়ন্তী আবার বেরিয়ে এসেছে : এল বাহিনী ?

অকারণ এদিক-ওদিক তাকিয়ে অপ্রতিভ হুবে শোভন বলে, আসবাব তো  
কথা । আজ সকালেও মীটিং হয়েছে । এসে যাবে ঠিক, দেখুন না—

আসবে কাল সকালে, ডাকাতে হেস্তনেস্ত কবে যাবার পব । আপনার  
মতন বোকা তারা নয় ।

রীতিমত চটে গেছে শোভন । বলে, ঝড়জল কী রকম সেটা তো বুকে  
দেখবেন । এমন দুর্ধোগে শিয়াল-কুকুব পর্যন্ত বেরোয় না ।

আপনিই বা কেন বেরুলেন ?

শোভন বলে, আমিও ঠিক সেই প্রস্ন কবব । ঝড়-জল-অন্ধকাবে মপ্যে  
মেয়েলোক হয়ে কোন সাহসে আপনি বাব বাব বেরুছেন ?

এমনি তো কথার সাগব জয়ন্তী, কিন্তু খতমত খেয়ে গেল । বাড়ি পাঠার  
দিতে এসে তাব উপব ধমক দেবাব অবিকাবও যেন শোভনের বর্তেছে ।

ঘবে চলে যান । শান্তিতে আমাদের কাজ করতে দিন । আব  
আসবেন না ।

জয়ন্তী বলে, চা হয়ে গেছে, তাই বলতে এলাম । গেয়ে চাঙ্গা হয়ে নিন,  
বুষ্টবাদলাব মপ্যে ভাল লাগবে ।

ঘাড নেড়ে শোভন বলে, গ্রামসেবায় এসেছি— চা কি বলেন, একটোক  
জলও খাব না এ বাড়ি । তেষ্টা পেলো পুকুরঘাট থেকে আঁজলা ভরে খাব ।

বা-রে ! এই বাত্রে উছন ধরিশে কত কষ্ট কবে করলাম— । অভিমানে  
জয়ন্তীয় কঠ রুদ্ধ হয়ে আসে ।

শোভন কিছু নরম হয়ে বলে, আর্থগন্ধ এসে যাবে তাহলে । পুরোপুরি  
সাত্তিক সেবা হবে না ।

না হল তো বয়ে গেল। বুষ্টিজলে ভিজ়ে শরীর খারাপ করেছে আপনার, ঘন ঘন কাশছেন। আমার চোখ-কান ফাঁকি দিতে পারবেন না। শখের চা নয়—ওষুধ। সাত্বিক গুণ এতে নষ্ট হয় না।

অতএব পিছু পিছু গিয়ে আদা-চা খেয়ে আসতে হস। অনেকক্ষণ কাটল, অস্ত্র কেউ এল না তা হলে। শোভন একাই ঘুরছে—কোনও রক্তপথে ডাকাত চুপিচুপি না ঢুকে পড়ে। মোড় ঘুরে বেরিয়ে আবার দেখে—জয়ন্তী।

উৎকর্ষায় কঁাদো-কঁাদো হয়ে জয়ন্তী বলে, খুঁজছি কতক্ষণ ধরে, খুঁজে খুঁজে পাইনে। যা ভয় হয়েছিল—

শোভন সকৌতুকে বলে, ডাকাতে হরণ করে নিয়ে গেছে, তাই বুঝি ভাবলেন? আপনাকেই তো একবার ডাকাত ভেবে ছোরা উঁচিয়েছিলাম। কী দুঃসাহসী আপনি, একালের দেবী চৌধুরাণী। কিন্তু চা তো হয়ে গেছে—এবারে কী? পোলাও-লুচি মাংস-রসগোল্লা?

পোলাও না আরো-কিছু! আমি তো খাইনি এখনো—ডাকাত এই আসে এই আসে করে বসতে পারিনি। খাচ্ছি, তারই মধ্যে এসে হয়তো চলে গেল! চায়ের জন্ত উম্মন ধরানো হল তো তাবলাম, খাবারটা গরম করে নিই। যা খাবার দিদিমা রেখেছে, আমার মতন পাঁচজনও খেয়ে পারবে না। রাত অনেক হয়েছে—আমি বলি, ওদিকটা এইবারে সেরে নেওয়া যাক।

শোভন শিউরে উঠল: এখন ভাত খেতে বসব—বলছেন কী! চা খেয়েছি, দু-চার মিনিটের ব্যাপার—সে-ও অত্নায় খুব। মাপ করবেন, ঘাঁটি ছেড়ে আর নড়তে পারব না। যদি এসে পড়ে—

জয়ন্তী রাগ করে বলে, দল জুটিয়ে অস্ত্রশস্ত্র নিয়ে এসে পড়বে—পারবেন লড়তে একলা?

শোভন গর্ব ভরে বলে, কেন পারব না? ঘরবাড়ি আমাদের না তাদের? দলে ভারী হোক ডাকাতরা, শড়কি-বন্দুক নিয়ে আসুক, আমার সঙ্গে পারবে কিসে? প্রাণও যদি যায়, বুঝব দেশের কাজে গিয়েছে।

বড্ড গুরুগম্ভীর হয়ে উঠছে—খেয়াল হল বুঝি সেটা। ফিক করে হেসে শোভন ব্যাপারটা লঘু করে নেয়: একলাই বা কিসে! আমি ডাকাত পাহারা দিচ্ছি, আপনি আছেন আমার পাহারায়। দু'জন তাহলে।

না, বাজে কথা থাক, ওসব হবে না। আত্মহত্যা করতে দেব না চোখের উপর।

জয়ন্তী এক অদ্ভুত কাণ্ড করে বসল। শোভনের হাত ধরে টানে: বাহিনীর কেউ এল না তো আপনি বা কেন আসবেন! আপনার কোন্

দায় পড়েছে। কড়া হয়ে দাঁছর গোড়াতেই মানা করা উচিত ছিল। কোন একটা বিপদ হলে আপনার বাড়ির লোক কী বলবেন?

উত্তেজনা দেখে শোভন হেসে ফেলে : ভাবনা করবেন না, সেদিক দিয়ে অসুবিধা নেই।

ক্রুটি করে জয়তী বলে, বুঝেছি। গোঁয়ারগোবিন্দ বলে বাড়ির লোকে আশা ছেড়ে দিয়েছেন।

তা নয়—কেউ তো নেই আমার। থাকলে অবশ্য কী করতেন, জানিনে।

জয়তী অবাক হয়ে বলে, বাবা-মা ভাই-বোন—

বউয়ের কথা বলল না। এ হেন বাউগুলো লোকের বউ থাকাই উচিত নয়। থাকলে সে-মেয়ের কপালে অনেক দুঃখ। বলল, সংসারে একেবারে কেউ নেই?

কেউ নেই। মা ছিলেন, বাড়িতে তিনি একা থাকতেন। গৃহদেবতা ধানচাল গরুবাছুর নিয়ে ছিলেন। আমি পড়াশুনো করতাম বাইরে। বসন্ত হয়েছে মায়ের, খবর পেয়ে ছুটে এলাম। এসে আর দেখতে পাইনি।

গলা ভারী হয়ে ওঠে চম্বছাড়া বেপরোয়া ছেলের। বলে, সেই থেকে গাঁয়ে আছি। কী হবে আর পড়াশুনোয়! গাঁয়ের স্কুলের সঙ্গে দশ রকম কাজকর্ম নিয়ে থাকি। শান্তিতে আছি। শহরে হাজার-লক্ষের হৈ-হল্লা—গাঁয়ে দশ-বিশজন জোনাকির মতন আমরা টিমটিম করি।

ডাকাত এল না। ক’দিন পরে ভিলাই থেকে কাশীনাথের বড় ছেলে এসে পড়ল। এমন অসহায় অবস্থায় বাপ-মাকে গাঁয়ে পড়ে থাকতে দেবে না, নিয়েই যাবে বাসায়।

বলে, ডাকাতি এবারটা না-ই হল, কিন্তু ভরসা কিসের? যখন তখন তো হতে পারে।

কাশীনাথ হেসে বলেন, হয়নি ডাকাতি—তা-ই বা কেমন করে বলি বাবা? সমস্ত হয়ে ছেলে বলে, কিছু হয়েছিল নাকি? কই, গাঁয়ের এতজনকে পথে পেলাম...মা-ও তো তেমন কিছু বললেন না।

ডাকাতি বইকি! সে ডাকাত আগেভাগে এসে আমার বাড়ি ঘাঁটি করে ছিল। গাঁয়ের ছেলেটাকে ছৌঁ মেরে নিয়ে গেল। শোভনকে নিয়ে গেছে কলকাতায়! আবার সে পড়াশুনো করবে।



## চাবি

করুণাকিন্ধর দাস অনেক দিন ধরে ভুগছেন। ইন্টার্ন বিল্ডার্স কোম্পানির মালিক, প্রকাশ ও গোপন আরও নানা কাজ-কারবার আছে, নামভাক বিস্তর। রোগেও ধরেছে তেমনি—রাজব্যাধি ক্যানসার, যার উপরে আর হয় না। ক্রমশ শেষ অবস্থা এসে গেল, পাঁচ-সাত দিনের মধ্যে যাবেন। পাঁচ-সাত হপ্তাও হতে পারে—বলা যায় না এই মানুষটির কথা। কেউ কেউ বলে, মাস পাঁচ-সাত টানবেন দেখে নিও। লড়ে বেড়ানো ঠর সারা জীবনের অভ্যাস। আট বছর বয়সে বাপ মরেছেন—তখন থেকেই লড়ে বেড়াচ্ছেন ছুনিয়ার সঙ্গে। এবং বিজয়ীও হয়েছেন—ষোলআনার উপর আঠারআনা। এককালের ঘোর শত্রুরা এখন পায়ের তলার ছুঁচো। পদতল ঘিরে বসে কিচকিচ করে। কাজ করতে করতে করুণাকিন্ধর আখখানা কথা হয়তো ছুঁড়ে দিলেন তাদের দিকে। তাতেই কৃতার্থ তারা, কথাটুকু ঘুরিয়ে ঘুরিয়ে উন্টেপাটে চেখে চেখে তারিফ করে। দুঃখের দিনে করুণাকিন্ধর খোলার ঘরে হাতবাক্স নিয়ে হিসাবপত্র লিখতেন, এখন এয়ারকন্ডিশন ড্রইংরুম ভরা দামি-দামি আসবাব। ঐ মানুষগুলোকেও আসবাবপত্রের বেশি ভাবেন না তিনি। বড়মানুষের এ-সমস্ত রাখতে হয়।

দিন দিন অশক্ত হয়ে পড়ছেন। শোবার ঘরের বাইরে যাবারও শক্তি নেই। খাটের লাগোয়া টেবিলটায় নিজের কাজকর্ম করতেন—ওধুমাত্র বিক্রি করার কাজ। ইন্টার্ন বিল্ডার্স ছাড়াও নানান ব্যাপারে টাকা ছড়িয়েছেন, ছুনিয়া থেকে বিদায় নেবার আগে যথাসম্ভব কুড়িয়েবাড়িয়ে আনা। শেয়ার ও ভূসম্পত্তি দেদার বিক্রি হচ্ছে, খন্দেদে যে দর বলে তাতেই ছেড়ে দেন। বেচে দিয়ে নগদ টাকা আর সোনা শোবার ঘরের সিন্দুকে পুরে নিজ হাতে চাবি দিয়ে রাখেন।

নিজের ছেলেপুলে নেই, তা বলে সংসার ছোট নয়। স্ত্রী মন্দাকিনী আছেন, তার উপর আছে দুই ভাইপো আর চার ভাইঝি। এবং ঝি-চাকর একগাদা। তবে শান্তির সংসার বটে। ভাইপো-ভাইঝিরা বাপ-মায়ের অধিক মন্ত্র করে। জেঠামণির অস্থখে ভাইপো সতীকান্ত রাত জেগে জেগে লবেজান হচ্ছে। ছুটো নার্স রাখা হয়েছে, পালা করে তারা ডিউটি দিচ্ছে। সতীকান্তকে তবু লহমার জন্ত রোগির ঘর থেকে নড়ানো যায় না।

নার্স সবিতা বলে, এত কষ্ট করবেন তো খরচা করে আমাদের এনেছেন কেন?

এনেছি জেঠামণির কষ্টের লাঘব হবে বলে। আমার কষ্ট দেখতে হবে না আপনার।

খবর পেয়ে পাটনা থেকে করুণাকিন্ধরের বড় বোন শঙ্করী এসে পড়লেন। বাতে পঙ্কু, তবু গাড়ি থেকে নেমেই একরকম ছুটতে ছুটতে রোগির ঘরে। আর্তনাদ করে উঠলেন : কী হয়ে গেছে আমার সোনারচাঁদ ভাই। এমন অবস্থা—একটা খবরও দিস নি আমায়।

সতীকান্ত বলে, রোগির ঘরে চেষ্টামেচি কোরো না পিসিমা। হাত-মুখ ধুয়ে ঠাণ্ডা হও গে। চিঠির পরে চিঠি লেখা হচ্ছে, আর খবর কেমন করে দেব ?

শঙ্করী বলেন, অস্থখ না অস্থখ—এদিনেও সারে না, কী রকম অস্থখ রে বাবা! পাগল হয়ে ছুটে এলাম। মায়ের পেটের ছোট-ভাই আমার—তোরা তার কি বুঝবি! তোরা তো পরে এসে জুড়ে বসেছিল।

করুণাকিন্ধর মিন মিন করে বললেন, দিদি কি একলা এসেছ ?

শঙ্করী বললেন, সময়ের ছুটি কোথা ? মনের অবস্থা যা হল, তখন আর এক মিনিটের সবুর নয় না। সময়কে বললাম, তুই বাবা গাড়ির কামরায় তুলে দিয়ে আয়, ঠিক আমি পৌছে যাব। ভাইয়ের টানে টানে গিয়ে পড়ব ঠিক, ভাবনা করিস নে। বার বার করে বলে দিয়েছে, মামা কেমন থাকেন—গিয়েই চিঠি দিও। চিঠি নয়, ‘তার’ করব কাল সকালে। ছুটি না পেলে কাজ ছেড়ে দিয়ে চলে আসুক। চাকরি কিছু মামার চেয়ে বড় নয়।

সতীকান্ত খানিকটা আত্মগতভাবে বলে, সেবারে তা বোঝা গিয়েছিল বটে!

করুণাকিন্ধরও উত্তেজিত হয়ে ওঠেন : এলে তাকে জুতো-পেটা করব। না দিদি, জুতো তোলবারও আর শক্তি নেই।

মন্দাকিনী কখন এসে দরজায় দাঁড়িয়েছেন। তিনি বললেন, তোমার না থাক আমার আছে। যদি আসে, শত্রুকে আমি ভিতরে ঢুকতে দেব না। চাকরবাকরদের সঙ্গে বাইরের বারান্দায় থাকতে হবে।

আক্রোশ অসম্ভব নয়। কলেজ থেকে বেরুলেই করুণাকিন্ধর ভাগনেকে ব্যবসায়ে ঢুকিয়ে নিয়েছিলেন। দুটো বছর আগেও লম্বরের কথা ছাড়া কোন কাজ হতে পারত না। ছেলেটা সকল দিকে ভাল—বুদ্ধিমান পরিশ্রমী মিষ্টভাষী। ব্যবসায়ে বড় হতে গেলে যা-কিছু লাগে। কিন্তু এক রোগে লম্বন্ত মাটি। সেকলে এক নীতির ভূত ঘাড়ে চেপে ছিল তার : অনেস্টি ইজ গু বেষ্ট পলিসি, সাধুতাই সর্বোত্তম পথ। অপর দশজনে যেমন করে থাকে—

অফিসঘরে লিখে টাঙিয়ে দেয় বচনটা, অবরে-সবরে বুকনি ছাড়ে—সময়ের সে ব্যাপার নয়, মনে-প্রাণে খাঁটি বলে মাঝ করে। এবং সেই জন্তে পদে পদে লাগত করুণাকিঙ্করের সঙ্গে। চরম হল বুধহাটা পুল তৈরির কাজটা নিয়ে। স্পেসিফিকেশন অমুযায়ী কাজ হচ্ছে না, নিরেস মাল চালিয়ে যাচ্ছে—খুব একটা হৈ-চৈ উঠল, কাগজে পর্যন্ত লেখালেখি। নতুন-কিছু নয়, ঠিকেন্দারি কাজের দস্তরই এই। কিন্তু বীরেন পাল পিছন থেকে তত্ত্বির করছিল—কন্ট্রাক্টটা সে বাগাতে পারে নি, মরীয়া হয়ে লেগেছিল তাই। তদন্ত কমিটি বসে গেল শেষ অবধি। কমিটির কাছে সাক্ষি দেবার জন্ত সময়ের ডাক এল। সে বলে, আত্মীয়তা টাকাপয়সা নিজের ভবিষ্যৎ সকলের বড় হল সত্য। সত্য থেকে তিলেক ভ্রষ্ট হতে পারব না। আগাগোড়া সত্যি কথা বলে মামাকে ফাঁসিয়ে দিল সে। করুণাকিঙ্কর বাহু লোক—বিশ্বের ঘাটের জল খেয়ে তবে বড় হয়েছেন। সকল ঘাঁটির বন্দোবস্ত রেখে তবে তিনি কাজে এগোন। জেল-টেল কিছু হল না, পুল তৈরির কন্ট্রাক্টটা বাতিল হল শুধু। পেল বীরেন পাল। করুণাকিঙ্কর সেই একটিবার পরাজয় মানলেন বীরেন পালেব কাছে। গুগোল চুকে ঘাবার আগেই সময় ইস্তফা দিয়ে চলে গেল। গেছে চলে মানে মানে—নইলে করুণাকিঙ্করই গলাধাক্ক দিয়ে তাড়াতেন। মামা-ভাগনেয় সেই থেকে দেখাসাক্ষাৎ হয় নি।

করুণাকিঙ্কর প্রশ্ন করেন : কি করছে দিদি আজকাল ? ইস্কুলমাস্টারি ? অল্প কিছু তোমার ছেলেকে দিয়ে হবে না। নির্জলা সাধুগিরি ঐ এক মাস্টারি কাজেই শুধু চলে।

অবস্থা আরও খারাপ হয়ে পড়ল। সবাই বলে, হয়ে এসেছে—আর একটা কি দুটো দিন। রোগি আচ্ছন্নের মতো পড়ে আছেন। নার্স সবিতা ফিসফিস করে সতীকান্তকে বলছে, আপনার জেঠামণির আশ্চর্য সহ্যশক্তি। এ রোগের মতন যন্ত্রণা আর কিছুতে নয়। ঈশ্বরকে বালি, মরার সময় যে রোগ ইচ্ছে দিও, এই ক্যানসারটা ছাড়া। আর ওঁকে দেখুন—এত বড় রোগের সঙ্গে লড়াই করছেন, কিছুতে তা মালুম পাবেন না। হাসি-হাসি মুখ—ঘুমিয়ে ঘুমিয়ে মিস্ট্র স্বপ্ন দেখছেন যেন। এমনটা আর দেখি নি কখনো।

সতীকান্ত কাতর কণ্ঠে বলে, জেঠামণি চিরটা কাল আমাদের জন্ত করে গেলেন। এমন কোন উপায় থাকত, ওঁর কষ্টের খানিকটা যদি নিজের উপর নিতে পারতাম—

সবিতা বলে, বললে তো আপনি রেগে যাবেন—নিজের প্রশংসা সহিতে

পারেন না। কিন্তু যে কষ্টটা নিচ্ছেন নিজের উপর, সে-ও কিছু কম যায় না। দিনরাত ঠায় বসে, রোগির দিক থেকে নজর ফেরান না। কত জায়গায় তো যাই, কিন্তু এমন সেবা দেখিনি আর কখনো।

রোগি, মনে করা গিয়েছিল, একেবারে অসাড়। হঠাৎ তিনি কথা বলে ওঠেন। বিশাল ঘর—তার একপ্রান্তে সতীকান্ত আর সবিতায় ফিসফিসানি কথা। অথচ শুনে নিয়েছেন করুণাকিঙ্কর। চোখ বুজে মুখস্থ-কথার মতো বললেন, অবিচার কোরো না নার্স। সেবা শুধু এক সতীকান্তের দেখলে? আরও যে কতজন কতদিকে তাকিয়ে আছে—কেউ বসে, কেউ দাঁড়িয়ে, নজর কেউ তো ফেরায় না। ভাইনের জানলার ওদিকে দেখ বড়বউ—সতীকান্তর জেঠিমা। বাঁয়ের জানলায় ভাইবিলুণ্ডো। শিয়রের দরজা এদিন খালি পড়ে থাকত, দাঁদ নতুন এসে সেখানে ঠাই করে নিয়েছেন।

তাকয়ে পড়তে, সত্যিই বাঁয়ের জানলার আড়ালে অনেকগুলো পায়ের পালিয়ে যাওয়ার আওয়াজ। সঙ্গে সঙ্গে ভাইনের জানলার কপাট খুলে দিয়ে মন্মাকিনী বললেন, না দাঁড়িয়ে করি কি—পা দুটো আমার টেনে এনে বেঁধে দেয় যেন এখানে। থাকতে পারি না।

করুণাকিঙ্কর ক্ষীণকণ্ঠে বলেন, নির্ভয়ে আছি সেজন্তে। সকল দিকে কড়া পাহারা, যমদূত চুকতে পারছে না।

সবিতা অবাক হয়ে গেল : আমাদের নজরে পড়ে না, আর আপনি শুয়ে শুয়ে—

করুণাকিঙ্কর সঙ্গে সঙ্গে কথার পূরণ দিয়ে দেন : চোখ বুজে বুজে সমস্ত আনি দেখি। তোমরা দু'জনে অতদূরে ফিসফিস-গুজগুজ কর, তা-ও সব কানে শুনতে পাই।

কিছু আজেবাজে কথা হয়ে থাকে সত্যি দু'জনের মধ্যে। সোমস্ত মেয়ে আর জোয়ানপুরুষ এক ঘরে দিনরাত্রি থাকলে না হয়ে পারে না। করুণাকিঙ্করের কথায় সতীকান্তর মুখ কাগজের মতো সাদা হয়ে গেছে। উচ্ছ্বাস ভরে তাড়াতাড়ি প্রসঙ্গ ঘুরিয়ে নের : জেঠামণি অস্তবাসী। কে কি করছে, কে কি বলছে, সমস্ত উনি টের পান। গুঁর অজান্তে কিছুই হয় না।

ঘরের বাইরে পেয়ে এক সময় সবিতা সতীকান্তকে বলছে, কত রোগি দেখে থাকি, এমনটা কখনো দেখি নি। আজকেও হয়ে যেতে পারে, ডাক্তারবাবু দেখেতেন বলে গেলেন। সেই মানুষ দেখছেন শুনছেন, টরটর করে কথা বলছেন—ডাক্তারিশাস্ত্রে প্রহেলিকা এটা।

সতীকান্ত তিক্তস্বরে বলে, মরে যাবার পরেও দেখবেন, চোখ-কান ঠিক

আছে, কথা বলে চলেছেন তখনও। পুড়িয়ে ছাই করে গলায় ধুয়ে দিলে তখন যদি বদ্ধ হয়।

বৈঠকখানায় ওদিকে সমারোহ ব্যাপার। উদ্বিগ্ন মানুষজন আসছে খবরাখবব নিতে। পাড়াপ্রান্তবেশী কারও আসতে বাকি নেই, ইন্টার্ন বিল্ডার্স কোম্পানির উচু নিচু সকল স্তরের সকল কর্মচারী এসে হায়-হায় করছেন। সকাল থেকে রাত্রি অবধি অবিরাম চলছে এই কাণ্ড। সতীকান্তর সমাজ ভাই শশীকান্ত এই দিকটা সামলাচ্ছে। একই কথা বলতে বলতে মুখ ব্যথা হয়ে যায়। এরই মধ্যে পবনশত্রু বীরেন পাল এসে দেখা দিলেন : বড্ড উতলা হয়েছি। চূপচাপ বাড়ি থাকতে পারলাম না। বলি, খবরটা নিজের কানে শুনে আসি। ভিতবে যাব না, আমায় দেখলে উত্তেজিত হবেন। হওয়া স্বাভাবিক—সম্পর্ক তো ভাল নয় আমাদের মধ্যে। কিন্তু ব্যবসা নিয়ে যত লড়াই হোক, মানুষটিকে আমি বড় শ্রদ্ধা করি। এসব মানুষ আর জন্মাবেন না।

খবরের-কাগজ থেকেও লোক এসেছে : কর্মবীর পুরুষসিংহ—বাঙালি জাতির গৌরব। মন্ত্রী আর হোমরাচোমরাদের কথা অটেল ছাপা হয়, এই মানুষটির ছবি আর জীবনী পাঠকের সামনে তুলে ধরব, লোকে প্রেরণা পাবে। কেমন আছেন, বলুন।

আজ সকাল থেকে শশীকান্ত যে জবাবটা ঠিক করে নিয়েছে : ভাল—

কাগজের লোক চটে গেছে। কণ্ঠস্বরে তবু যথাসম্ভব কোমলতা রেখে বলল, হোক তাই। অমন মানুষটা স্তব্ধ হয়ে উঠলেই ভাল। কিন্তু সেদিন যে বললেন, এখন-তখন—

ডাক্তারের কথাই বলেছিলাম। আমরা কতটুকু কি বুঝি আর কি বলতে যাব।

লোকটা গজর-গজর করে : আজ এক কথা, কাল এক কথা—কিছু বোঝে না, আন্দাজি ঢিল ছোঁড়ে। অমন ডাক্তার ডাকেন কেন বলুন তো।

শশীকান্ত বলে, শহরে সকলের বড় ডাক্তার। একজন নয়, তিন-তিনজন। জলের মতন অর্থব্যয় হচ্ছে।

সবিতা নার্স এই সময় বাসা থেকে ভিউটিতে এল। সে বলে উঠল, ডাক্তারের দোষ নেই, রোগি সব রকমের হিসাব বানচাল করে দিচ্ছেন। শেষটা ডাক্তার বলে গেলেন, রোগির অবস্থা বা-ই হোক বাইরের সকলকে বলবেন, ভাল।

ঝুটো খবর ছড়াচ্ছেন ?

সবিতা বলে, নইলে যে মুখ থাকে না। যোগি নিজে ভুগছেন, সঙ্গে সঙ্গে আপনাদের সব ভুগিয়ে মারছেন।

করণাকিঙ্কর সত্যিই অবশেষে মারা গেলেন। মরেছেন সেটা খোঁজ নিয়ে জানতে হয় না, কান্নার চোটে মাইল ভর মাহুষের কান ফেটে যাবার দাখিল। মন্দাকিনী লুটোপুটি খাচ্ছেন মৃত স্বামীর উপর। ঠেকানো যায় না, সরিয়ে আনতে গেলে আরও কঠিন ভাবে আঁকড়ে ধরেন : এমন নিষ্ঠুর কেন হচ্ছে তোমরা? থাকতে দাও, বুকের উপর চিরজন্মের মতো একটু মাথা দিয়ে রাখি।

দেখাদেখি করণাকিঙ্করের চার ভাইঝি চারদিক থেকে ঝাঁপ দিয়ে পড়ল জেঠামণির উপর। তারাও মাথা ফুটবে, কিন্তু জায়গা পাচ্ছে না। বিপুল দেহ নিয়ে মন্দাকিনী মৃতের সর্বাঙ্গ জুড়ে আছেন। যেন তাঁর সম্পত্তিতে অগ্নোরাজ্বরদখল করতে আসছে—কিছুতেই সেটা হতে দেবেন না। কিন্তু বয়স হয়ে গেছে, চার চারটে তাগড়া মেয়ের সঙ্গে পেরে উঠবেন কেন—ঠেলাঠেলি খাকাখাকি করে তারা জায়গা করে নিচ্ছে।

এ হেন দৃশ্যে পাষাণ ফেটে জল বেরোয়। কিন্তু সতীকান্তর চোখে জল নয়, আগুন। ইস্টার্ন বিল্ডার্স কোম্পানির ম্যানেজার হিসাবে আপাতত সে-ই অভিভাবক সকলের উপর। ধমক দিয়ে উঠল : আধিক্যেতা হচ্ছে জেঠাইমা। এত সমস্ত বাইরের মাহুষ—উঠে যান, সরে যান। মড়া নিয়ে রওনা হয়ে পড়ুক এইবার।

মন্দাকিনী মুখ তুললেন। 'ফোলা-ফোলা চোখ, ঝাকড়ামাকড়া চুল—মূর্তিমতী শোকের চেহারা। বললেন, বুড়ো মাগি আমার বেলা দোষ হল, আর নিজের যে এক গণ্ডা বোন লেলিয়ে দিয়েছ—সেটা কি?

আরও হল। বাতের ব্যথা বেড়ে শঙ্করী একেবারে শয্যাশায়ী—সেই অবস্থায় খোঁড়াতে খোঁড়াতে লাঠি ধরে তিনিও এসে দাঁড়ালেন। লড়ালড়র ভিতরে ঢোকবার সামর্থ্য নেই, হতাশ দৃষ্টিতে চেয়ে আর্তনাদ করছেন : আমার মায়ের পেটের ভাই। সবথানি তোরা জুড়ে আছিস—আমায় একটু বসতে দে কাছে গিয়ে।

নার্স সবিতা তাজ্জব হয়ে দেখছে। যে বয়সে করণাকিঙ্কর গেলেন, তাকে অকালমৃত্যু বলা যায় না। কিন্তু আত্মীয়-অনাত্মীয় বিশাল এক জনতা হা-হতাশ করছে আর চোখ মুছেছে—শেষ-দেখা দেখে যাবে একবার। সার্থক জীবন করণাকিঙ্করের—গুধু টাকাপয়সা করেন নি, ভালবাসায় বেঁধে গেছেন এত মাহুষ। সবিতার চোখেও বুঝি জল এসে যায়। কত শোকের লাক্ষি-

হতে হয় তাকে, বৃত্তিই তার এই। কিন্তু আজকে যেন সামলাতে পারছে না। চমক লাগল হঠাৎ—সকলের পিছনে শশীকান্ত একান্তে দাঁড়িয়ে হাসছে। হাসিই বটে, কিছুমাত্র সংশয় নেই।

হাসি দেখে সবিতা ভয় পেয়ে গেল। শোক অতিরিক্ত মাত্রায় হলে উন্টো ভাব দেখা যায় অনেক সময়। ক্ষতপায়ে সে শশীর কাছে গেল : কি হয়েছে আপনার ?

শশীকান্ত বলে, কোন-একটা ওষুধ দিতে পারেন যাতে কান্না পেয়ে যায় ? হাসি কিছুতে চেপে কথতে পারছি নে।

অসংলগ্ন কথাবার্তা। মাথা খারাপের লক্ষণই বটে !

শশীকান্ত বলছে, হাসি এ জায়গায় বড় বেমানান। সবাই নিজের নিজের তালে আছে, আমার দিকে সেজ্ঞা এখনো নজর পড়ে নি। অভিনয় আমার মোটে আসে না, কান্নার জ্ঞান তাই ওষুধ খুঁজছি। নাঃ, রান্নাঘরে গিয়ে লঙ্কা-বাটা একটু দিই চোখে। তাতে যদি জল বেরোয়।

সবিতা স্তম্ভিত হয়ে বলে, কী বলছেন ! শোকের অভিনয় করছে এত মাহুষ ?

সব, সব—একজনও বাদ নেই। জেঠামণি বুঝতেন সেটা। যত মাহুষ এই এসে জমেছে—ব্যবসায়ের লোকজন, পাড়া প্রতিবেশী—খড়াহস্ত সবাই জেঠামণির উপর। নাস্তানাবুদ কাউকে তো কম করেন নি। কারো চাকরি খেয়েছেন, কাবো জমিজমা ফাঁকি দিয়ে নিয়েছেন। নিতান্ত নিজে কিছু না পারলেন তো ছ-পক্ষে মামলা বাধিয়ে দিয়ে মজা দেখেছেন। লোকের কষ্টে ফুঁটি হত তাঁব। অত যে লোক দিনের পর দিন অস্থির খবরাখবর নিতে আসত—তার মানে, যাবেন তো সত্যি সত্যি, না আবার খাড়া হয়ে উঠবেন ? ভাল আছেন যেদিন বলতাম, হাসত তার। হি-হি করে আর মনে মনে কাঁদত।

সবিতা তর্ক করে : সে না হয় বাইরের লোকের ব্যাপার। আপনি বললেন, একজনও বাদ নেই। কিন্তু ঘরের মাহুষ নিশ্চয় অভিনয় করেন না। আপনার জেঠাইমা পিসিমা বোনেরা—বিশেষ করে আপনার ভাই সতীকান্তবাবু—

কিছু উচ্ছ্বাসের সঙ্গে বলে, ঐ সেবার তুলনা নেই। সব সময় রোগির পাশে, ছ-চোখের পাতা এক করতে দেখলাম না কখনো।

শশীকান্ত হেসে বলে, চোখ কিন্তু ঠিক জেঠামণির উপর নয়। জেঠামণির কোমরের ঘুনসিতে চাবি বাঁধা, সেই দিকে। সিন্দুক বোঝাই টাকাকড়ি

বে-চাবিতে খোলে। আপসে না মরেন তো গলা টিপে মেরে চাবি নিতেও আপত্তি ছিল না। জেঠামণি জানতেন সমস্ত—

সবিতার পাংশু মুখের দিকে চেয়ে শশীকান্ত একটুখানি উপভোগ করে নিল। বলে, সেটা অবশ্য সম্ভব ছিল না। আরও অনেক দল তাক করে ছিল বাইরে থেকে, চাবি কাড়তে গেলে রে-রে করে এসে পড়ত। জেনে বুঝে জেঠামণিও নির্ভয়ে ছিলেন। বাড়ির মধ্যে তীক্ষ্ণ চোখ জেঠামণির আর আমার। আমি তাই বড়-একটা কাছাকাছি হতাম না। জানি, ও-হাটে স্ট্র'চ বিক্রি চলবে না। ওরা গিয়েছিল তাই করতে। ডাহা বেকুব। ফণী দত্ত এটিনির আনাগোনা বেড়ে গেল। জানি, উইল হচ্ছে। মরার আগে কোমরের চাবিও পাচার হয়ে যাবে। যা ভেবেছিলাম, ঠিক তাই। আজকে সেটা হাতে-নাতে পরখ হয়ে গেল।

সবিতা বলে, কি করে? চাবি আছে কি নেই, এখনো তো কেউ খুঁজে দেখে নি।

কি আশ্চর্য! কোমর কতবার হাতড়ানো হয়ে গেল— পাঁচ ছুনো দশখানা হাতে। অতগুলো মাল্লুষের চোখের উপরেই তো ধপ করে মড়ার গায়ে পড়ে জেঠাইমা মাথা কুটতে লাগল, হাত ছুটো তখন কাপড়ের নিচে ঘুনসি বেয়ে ঘুরছে। তারপরে পড়ল আমার চার বোন। ঐ একটা জায়গাতেই মাথা কোটবার জন্ত সকলের ধস্তাধস্তি। কিন্তু চাবি পায় নি, পেলে তক্ষুনি চুলোচুলি বেঁধে যেত। বুড়োখুঁড়ো পিসিমার সেই সময়টা যা অবস্থা— ক্ষমতা নেই, ঠাড়িয়ে আঁকুপাকু করছেন।

হাসি আর রুখতে পারে না শশীকান্ত, ছুটে বেরুল। গেল বোধকরি রান্নাঘরের দিকে লঙ্কা-বাটা জোগাড় করতে।

সমারোহে খাশানে নিয়ে গেল। করুণাকিন্ধর চিতায় উঠে গেছেন, তখনো মাল্লুষ গিজগিজ করছে। ডবল সাইজের চিতা, আরও দুই চিতার পরিমাণ অতিরিক্ত কাঠ এনে গাদা করেছে।

এই কাজেও সতীকান্তর ষোলআনা তদারকি। চিতা জ্বলছে দাউ দাউ করে। চন্দনকাঠের টুকরো নিয়ে সতীকান্ত আগুনে ছুঁড়ছে। বলে, কী রকম চন্দনকাঠ হে, গন্ধ ওঠে কই? আজোবাজে কাঠ দিয়ে চন্দনের দাম নিয়েছে। সব শালা জোড়োর।

মস্তবড় একটা বাঁশ নিয়ে মড়া সরিয়ে ঘুরিয়ে দিচ্ছে। বাঁশের বাড়ি দিয়ে মাথার খুলি চুরমার করে ছিল, ভিতরটা ভাল মতন যাতে পোড়ে। চকোর দিয়ে ঘুরে ঘুরে তদারক করছে: কাঠ দাও হে, বেশি করে কাঠ



নাও। সংকারে খুঁত রেখে ফিরব না। পুড়িয়ে ছাই করে জেঠামণিকে গলায় দিয়ে যাব।

শশীকান্ত কোনদিকে ছিল, ভাইয়ের কানের কাছে মৃণ এনে বলে, অত ভয় কিসের? যা পোড়া পুড়েছে, আর জেঠামণি উঠে আসবে না।

সতীকান্ত খিঁচিয়ে ওঠে : ধর্মার্থ মানো না, অবিশ্বাসী নাস্তিক। তুমি কেন শ্মশানঘাটে এসেছ শুনি?

মুচকি হেসে শশীকান্ত বলে, এতগুলো লোক যে জগ্নে এসে পড়েছে। জেঠামণির মতো মাহুষ সত্যি সত্যি চিতায় উঠেছে নিজের চোখে দেখে তবেই প্রত্যয় হয়। তুমি কিন্তু ভাই মিছামিছি অত পেটান পেটালে। অবিচার করেছেন খুব মানি—বছর বছর তোমার কাজ বাড়িয়েছেন আর মাইনে কমিয়ে দিয়েছেন। কিন্তু বাশ পিটিয়ে হাতই ব্যথা হবে তোমার, মড়ার মাথায় লাগে না।

ঠিক পরের দিন এটর্নি ফণী দত্ত দেখা দিলেন। বাড়ির সকলকে ডেকে উইল পড়ে শোনাচ্ছেন। ইস্টার্ন বিল্ডার্স কোম্পানি এবং সংসার যেমন চলছে চলবে। সমস্ত ঠিক আছে। সিদ্ধুকের যাবতীয় সোনা ও টাকাকড়ি দিয়েছেন—পরমাশ্রয় ব্যাপার!—মন্দাকিনী, সতীকান্ত, ভাইঝিরা, শঙ্করী কাউকে নয়, দিয়ে গেছেন সমরকে। সকলের বড় শত্রু যে জন, যে তাঁকে জেলে পুরতে গিয়েছিল—নিজের ক্ষমতায় বেঁচে এসেছিলেন। সিদ্ধুকের চাবি সিল করে জেলাম্যাজিস্ট্রেটের হেফাজতে পাঠানো হয়েছে, উইল প্রোবেটের পর সমর নিয়ে নেবে।

ইংরেজিতে লেখা উইল। সকলে যদি না বোঝে, ফণী দত্ত জায়গায় জায়গায় বাংলা করে দিচ্ছেন : যত লোক দেখলাম, সবাই মিথ্যাচারী স্বার্থপর। আমি সকলকে চিনেছি। একমাত্র সত্যনিষ্ঠ আমার ভাগিনেয় শ্রীমান সমর চৌধুরি। সত্যের জগ্ন নিজের ভবিষ্যৎ নষ্ট করতে সে দ্বিধা করে নি। যাবতীয় সোনা ও টাকাকড়ি আমি পরম বিশ্বাসে তার হাতে দিয়ে যাচ্ছি। ঐ অর্থে সে এমন-কিছু করবে, আমার নাম যাতে চিরজীবী হয়। কী করবে সেটা সম্পূর্ণ তার বিবেচ্য। পবিত্রচেতা সে—আমার চেয়ে এই ব্যাপারে ভাল বুঝবে। তার উপরে সম্পূর্ণ নির্ভর। আমার সকল আত্মীয়স্বজনের ধখোচিত ব্যবস্থা করেছি। অম্লরোধ, সমরের কাছে যেন তারা সহযোগিতা করে।

শশীকান্ত দেমাক করে : আমি ঠিক এইটাই ভেবেছিলাম। অন্ধরে অন্ধরে মিলে গেল। বলেছি তো, এ বাড়ির মধ্যে বুদ্ধিমান দুইজন—

আমি আর জেঠামণি। মাহুয় চিনতেন তিনি। তিনি গেলেন, এবারে এই একজন আমি শুধু রইলাম।

গল্পের আর একটু আছে। উপসংহার।

উইলের বৃত্তান্ত শুনে কণ্ট্রাক্টর বীরেন পাল পার্টনায় সময়ের কাছে গিয়ে পড়লেন। মুচকি হেসে হলেন, মামার কী রকম স্মৃতিরক্ষা করবেন, ভেবেছেন কিছু ?

সময় আজ হাসল না। বলে, করুণাকিন্তু কনস্ট্রাকশন নাম দিয়ে নতুন ব্যবসা খুলব। ব্যবসা থাকলে মামার নামও থাকবে। পার্টনারশিপে আর কাজ করব না আমি। আপনার সঙ্গে তো নয়ই। বুধহাটা পুলের কাজটা ধরুন আমিই পাইয়ে দিলাম কত চক্রান্ত করে। কম-সে-কম বিশ হাজার নিট মুনাফা পিটলেন। আধাআধি দেবার কথা, ঠেকালেন শেষ পর্যন্ত হাজার আড়াই কি তিনি। অনেস্টি ছাড়া ব্যবসা হয় না। মূলধন ছিল না বলেই আপনার মতো লোকের পিছনে এতদিন ঘোরাঘুরি করেছি। মামা মূলধন দিয়ে গেলেন।

## স্বরণী

অফিসের কাজে কয়েকটা দিনের জন্ত গুণেশ কলকাতা এসেছে। বছর তিনেক পরে। সর্বকর্ম ফেলে পুষ্পিতার বাড়ি যেতে হবে, বিয়ের পর এই তাকে প্রথম দেখবে।

মামাতো বোন পুষ্পিতা—কিন্তু সে পরিচয় যথেষ্ট হল না। সহোদর বোন নেই, কিন্তু সহোদরার অধিক এই পুষ্টি। তখন গুণেশ য়ানিভার্সিটিতে পড়ে—সোনারপুরে বাসা, ডেলি-প্যাসেঞ্জারি করে সেখান থেকে। মাসের অন্তত অর্ধেকগুলো দিন পুষ্পিতার গুণেশদের বাসায় কাটে। মা হারিয়েছে ছোট বয়সে—গুণেশের মা অর্থাৎ পুষ্টির পিসিমাই মা হয়ে গিয়েছিলেন। পুষ্টির বাবা হঠাৎ একদিন এসে পড়ে মেয়ে নিয়ে যেতেন—কোন একটা অজুহাত করে আবার সে চলে আসত। বেহালায় পুষ্পিতার কাছে চলল গুণেশ অতএব সকলের আগে।

শুধু পুষ্পিতা বললে ঠিক হবে না—পুষ্পিতা-সমীরণের কাছে। দু'টিতে কেমন সংসার করছে দেখবে। যে ক'টা দিন কলকাতায় আছে, হোটেল ছেড়ে ওদের বাড়িতেই উঠবে না-হয়।

সমীরণ আর গুণেশ সাত সাতটা বছর ইন্সুলে ও কলেজে এক সঙ্গে পড়েছে। পাশাপাশি বসত। সমীরণ প্রায়ই যেত সোনারপুরের বাসায়, একজামিনের মুখে রাত্তিরেও থেকেছে কত দিন। গভীর রাত্রি অবধি দু-জনে অঙ্ক কষত। একটা ছুটো বেজে গেছে—খেয়াল নেই, অঙ্ক কষে চলেছে। হঠাৎ ডাকাত ঢুকে টেবিলের হারিকেন নিয়ে দে-ছুট। নিভিয়ে দিয়েছে আলো। তারপর দড়াম করে ও-ঘরের দরজায় চড়কো। অর্থাৎ ডাকাতের কাছে কাকুতিমিনতি করে আলোটা একটুক্ষণের জন্তু নিয়ে আসবে, সে উপায় রইল না। মা ঐ ঘরে ঘুমোচ্ছেন, বেশি সাড়াশব্দ করবারও জো নেই।

সমীরণ বিরস হয়ে বলে, পুষি চলে যায় নি? ওটা আছে জানলে কখনো আসতাম না। রাতটা বাজেখরচা হয়ে গেল।

গুণেশ বলে, আমি তো ভাবলাম পুষি আছে জেনেই এসেছি। তুই—

হেসে উঠে আবার বলে, রক্ষ কর, রাগ দেখাতে হবে না—আমি বিশ্বাস করছি। খিল দিয়ে দিয়েছে, ঘুমোক—তার পরে বাতি জ্বালাব। মোমবাতি কিনে রেখেছি। তোর জন্তে নয়, নিত্যদিন আমায় এই ভোগ ভুগতে হয়। একফোটা মেয়ের খবরদারি—রাত জেগে পড়তে দিবি নে তো একজামিনের খাতার উত্তরগুলো তুই লিখে আসবি?

সমীরণের সঙ্গে বিয়ে হল পুষ্পিতার। পুষ্পিতার মা নেই, সমীরণেরও নেই। ছন্নছাড়া সংসার। ভাইয়ের মধ্যে একলা সে, বড় তিন বোনের বিয়ে হয়ে গেছে—ভবঘুরে বাপ পালাক্রমে মেয়েদের বাড়ি চকোর দিয়ে বেড়ান। আত্মীয়স্বজনের মধ্যে এই নিয়ে কথা উঠেছিল। কিন্তু পুষ্পিতার বাবা বললেন, বাড়িটা নিজস্ব—সেটা আমি ভাল করে দেখে নিয়েছি। ছেলে আর বাড়ি দুটো জিনিস দেখে মেয়ে দেব। মেয়ে ছরী-পরী নয়, টাকার বাণ্ডুলও নেই আমার—মাথায় টোপর চড়িয়ে লাটবেলাট কে আমার জামাই হতে আসছে?

আত্মীয়েরা মুখ টিপে হাস : চালাক মানুষ তো! যে জিনিস ঠেকানো যাবে না, আপোষে সেটা মেনে নেওয়া ভাল। গুণগোল বাইরে যেতে দিতে নেই।

বন্ধুর হয়ে গুণেশ তর্ক করে : সম্বন্ধটা খারাপ হল কিসে? টাকাকড়ি আজ না থাকতে পারে, কিন্তু একদিন হবেই। অতুল ঐশ্বর্য হবে, আমি লিখে দিতে পারি।

গুণেশের মা অর্থাৎ পুষ্পিতার পিসি জুড়ে দিলেন : একলার সংসার—সেই

আপত্তি? আমি বলি, এ জিনিস অনেক ভাল। বিস্তর মানুষ একসঙ্গে কুকুরকুণ্ডলী না করে একা-দোকা ওরা দিব্যি থাকবে।

বিয়ে হয়ে পুষ্পিতা খবরবাড়ি উঠল। এবং চাকরি পেয়ে গুণেশ সপরিবারে বসে রয়েছে। সেই থেকে দেখাসাক্ষাৎ নেই। দিন পাঁচেকের জন্ত কলকাতায় এসেছে অফিসের একটা জরুরি কাজে অফিসের খরচায়। সকলের আগে সে বেহালায় পুষির বাড়ি ছুটেছে।

এই বাড়ি। তবু গুণেশ ঠিকানার নম্বর মিলিয়ে দেখে। নিঃসংশয় হয়ে কড়া নাড়ল এবার। ডাকছে : কে আছেন? সাড়াশব্দ নেই।

মানুষ এসেছে ওদিকে, জানলার পাখি তুলে দেখল কে যেন। গুণেশ বলছে, বসে থেকে আসছি আমি, দরজা খুলুন। একটা ব্যস্ততার ভাব যেন ভিতরে, ছোটোছুটি পড়ে গেছে। কী ব্যাপার? একবার ভাবছে ফিরে যাবে কি না—

এমন সময় দরজা খুলে চৌকাঠের দু-দিকে দু-হাত মেলে পুষ্পিতা হাসিমুখে এসে দাঁড়াল।

ঘুমিয়ে ছিলাম দাদা। নির্বাক্সাট সংসারে দিয়েছ—ছুটো তো। মানুষ—ঘুমোনো ছাড়া কাজটা কি বল?

বেশ তবে আছে ছুটিতে। গুণেশ বলে, সমীরণ কোথা?

সে আবার জিজ্ঞাসা করতে হয়! এই তিনটে বেলায় পুরুষরা যেখানে থাকে। বসে হলে তুমি যেখানে থাকতে।

ঘরে ঢুকে তক্তাপোষে বসে পড়ে গুণেশ বলে, চাকরি নিয়েছে সমীরণ—বাণিজ্যের ভূত কাঁধ থেকে নেমে গেছে? ভাল, ভাল। তুই নামিয়েছিস ঠিক পুষি, বাহাহুরি তোর। কি চাকরি—কোন অফিসে?

প্রশ্ন শেষ হবার আগেই পুষ্পিতা ব্যস্তসমস্ত হয়ে বলে, বোসো দাদা—আসছি। ফরফর করে ওদিককার দরজা দিয়ে বের হয়ে পড়ল। কেন যাচ্ছে, বুঝতে বাকি থাকে না।

খবরদার!

গুণেশ তাড়া দিয়ে ওঠে : ভেবেছিস কি পুষি? জল-টল খাইয়ে কুটুমকে খাতির দেখিয়ে বিদায় করে দিবি—সেটি হচ্ছে না। হোটেল-খরচা করছিনে—এই কটা দিন তোর এখানে এসে থাকব। হোটেলে বলে এসেছি—চার্জ মিটিয়ে দিয়ে স্যুটকেসটা নিয়ে আসব এক সময়।

বেশ তো, বেশ তো—

ফিরে দাঁড়াল পুষ্পিতা মুহূর্তকাল। গুণেশ দেখল, দেখার তুলও হতে

পারে—মুখ তার পাংশু হয়ে গেছে : বেশ তো, থাকবেন তাই—থাকতেই হবে। বলতে বলতে পুষ্পিতা সিঁড়ি ধরে দোতলায় চলল। পালিয়ে যাচ্ছে, এমনিতরো ভক্তি।

দোতলাটা ভাড়া-দেওয়া। সমীরণের বিয়ের আগে থেকে এই ব্যবস্থা—ভাড়ার টাকায় সংসার চলত। নিচের দুটো ঘর নিয়ে এরা আছে। বাইরের ঘর—যেপানটা গুণেশ এসে বসেছে। অল্পটা শোবার ঘর, মায়ের দরজা ভেজানো। চেয়ে চেয়ে গুণেশ বাইবেব ঘরের অবস্থা দেখে, উঠে গিয়ে তারপরে ভেজানো দরজা একটুখানি ফাঁক করে ও-ঘরে উঁকি দেয়। পুষ্পিতাও এমনি সময় দোতলা থেকে নেমে এসে ঢুকল। জিনিসপত্রের বোঝা নিয়ে এসেছে—চাদর, বালিশ, টেবিলকুথ, তোয়ালে, এমন কি দেয়ালে টাঙানোর ল্যাণ্ডস্কেপ ছবি দু'খানা। রক্তনীলগন্ধার গুচ্ছ সমেত ফুলদানি। যেখানে যেটি মানাঃ—জুত-হাতে সে ঘর সাজাচ্ছে। এমনি সম্পর্কই বটে আজ পুষ্পিতার সঙ্গে—বাইরের কোন মহাকুটুম্ব যেন এসেছে, অগোচালো আটপৌবে ঘর তাকে দেখানো যাবে না। হোটেলের জিনিসপত্র ফেলেই এই যে ছুটতে ছুটতে বেহালা অবধি এল—এসেছে যেন পুষ্কিক দেখতে নয়, তাব ঘরবাড়ি দেখতে। দু-খানা হাত দশখানা হাতের মতো করে ঝাড়পৌছ করছে ঐ দেখ—এটা সরাচ্ছে ওটা ঢাকা দিচ্ছে, শাড়ির আঁচল ফেরতা দিয়ে কোমবে বেঁধে কী খাটুনিটা খাটতে লেগেছে! আব বাইরের ঘরে নিঃসঙ্গ দাঁড়িয়ে গুণেশ ভাবছে : হাট ফিবে। সাজিয়েগুড়িয়ে পুষ্কি এসে দেখবে, যার জন্ম এত সমৃদ্ধ—সে মাহুষ চলে গেছে। খাসা হবে।

হেনকালে সমীরণ। ঘরে পা দিয়ে সে অবাক : গুণেশ না ?

উল্লাসে চৌচিয়ে উঠল : আরে আরে, গুণি এসে কুটুম্ব হয়ে আলগোছে দাঁড়িয়ে আছে—

আর পুষ্পিতা ঘর সাজানোর কাজ ফেলে হস্তদন্ত হয়ে এল দুয়ের মাঝখানে। সমীরণকে আগলে দাঁড়িয়ে বলে, ওমা, তুমি যে অবেলায় ? অফিস ছুটি হয়ে গেল ?

হতভম্ব হয়ে সমীরণ বলে, অফিস ?

খিলখিল করে হেসে পুষ্পিতা বলে, বুঝেছি গো বুঝেছি, পালিয়েছ আজকেও। রোজ রোজ এমন ভাল নয়, দেখে ফেলবে কোন দিন।

মালার মতন সমীরণের কণ্ঠলগ্ন একেবারে—গুণেশ রয়েছে তা বলে সমীহ নেই। হাসছে, কানের কাছে মুখ নিয়ে চোখের ঝিলিক দিয়ে বলছে কত কি ! কত দূর থেকে গুণেশ এসেছে, তা একবার তাকিয়েও দেখতে দেয় না।

হঠাৎ এক সময় পুষ্টি যেন সম্বিত ফিরে পায় : চায়ের জল চাপিয়ে এসেছি—দেখ তুলো-মন আমার ! তোমরা গল্প করো দাদা, চা নিয়ে আসছি।

পুষ্টি চলে যেতে সমীরণ গুণেশকে জড়িয়ে ধরল : কবে এলি কলকাতায়, থাকবি কত দিন ?

অভিমান ভরে গুণেশ বলে, তবু ভাল, কথা বলার ফুরসত হল এতক্ষণে।

দেখলি তো চোখের উপর। উপায় ছিল ? ইচ্ছা মতন কিছু বলতে গেলে মুখই চেপে ধরত হয়তো।

কণ্ঠস্বর অত্যন্ত নিচু করে এদিক ওদিক দেখে নিয়ে সমীরণ বলে, অফিস না ঘোড়ার-ডিম—তোর বোন ধাপ্পা দিয়েছে তোর কাছে। চাকরি বাকরি আমার খাতে নয় না। অবস্থা বিবেচনা করে জুটিয়ে ছিলাম এক চাকরি, মাস পুরতে না পুরতে ইস্তফা দিলাম। সেই সঙ্গে একটা খাপড়ও দিছিলাম মনিবের গালে, বিস্তর কষ্টে সামলে নিই। তোর কাছে ফাঁস না করি, পুষ্টি সেই সমস্ত সময়ে দিল। অত যে নাচন-কৌদন, তুই ভাবলি প্রেমে গদগদ অবস্থা—কিছু নয় দাদা, অভিনয়। কানে কানে আমায় পরামর্শ দিচ্ছে, তুই যাতে ধরতে না পারিস।

একটু থেমে নিশ্বাস ফেলে বলে, হায় রে কপাল, তোর কাছেও ধাপ্পা দিতে বলে। বোন হয়ে নিজেও তাই করে গেল।

গুণেশ এ সব কথাই মধ্যে যায় না। বলে, চাকরি করিস নে—সংসার কি করে চলছে। ভাড়া তো পাস যদুুর জানি—

পঞ্চাশ টাকা। পুরানো ভাড়াটে—বাড়ানোর কথা বললে রেন্ট-কন্ট্রোলারের ভয় দেখায়। সংসার কেমন চলছে ! যে চাদরে বসেছিস, তুলে দেখ একটুখানি।

নিজেই একটা দিক তুলে ধরে। নোংরা শতচ্ছিন্ন। মাহুষে ব্যবহার করে না এমন জিনিস—মড়া শুইয়ে গাশানে পাঠালে সে মড়াও বোধকরি গা-মোড়া দিয়ে ‘উই’ বলে উঠবে। হেসে হেসে সমীরণ তাই দেখাচ্ছে।

বলে, কেমন ঢেকেটুকে তোর বোন সংসার চালায় দেখ্। বাইরে থেকে টের পাবি ? কিন্তু চাদর আমাদের সর্বসাকুল্যে এই একখানা—শোবার ঘর কিসে ঢাকবে কে জানে ?

জানে সেটা গুণেশ, নিজ চক্ষেই দেখেছে। একটুখানি ইতস্তত করে সে বলে, তুই যদি কিছু মনে না করিস সমীরণ—

সমীরণ লুফে নিয়ে বলে, টাকা খার দিতে চাস—এই তো ? দিস তাই, কিছু মনে করব না। পাশে জল তুলতে হলে এক বালতি দু-বালতি জল

আগে তার মধ্যে ঢালতে হয়। সেই একটা বালতিরও সফল নেই বলে আমার এত দুর্দশা। নইলে বুদ্ধি মগজে টনটন করছে—

পুষ্পিতাকে দেখে চূপ হয়ে যায়। ঝকঝকে রূপোর গ্লাসে জল ও উল-বোনা আসন নিয়ে সে ঢুকল।

গুণেশ বলে, চা দিবি, তা আসন কি হবে রে? চায়ের কাপ হাতে হাতে দিয়ে দে।

পুষ্পিতা বলে, গৃহস্থবাড়ি যা-ই দেব আসনপিড়ি হয়ে থাকবে, হাতে কেন দিতে যাব?

মেঝেয় জল ছিটিয়ে ঠাই করে রান্নাঘর থেকে খাবার নিয়ে এল। ভারিকি আয়োজন—খালা-ভরা গরম লুচি, বাটিতে বাটিতে রকমারি তরকারি, প্লেটে মিষ্টান্ন।

গুণেশ হেসে বলে, চায়ের জল চাপিয়েছিস বলে ছুটে গেলি। চা তরল পদার্থ, এই তো জ্ঞানতাম।

তা-ও হবে। এগুলো আগে চেটেমুছে শেষ করো, তারপর।

দাঁড়িয়ে দাঁড়িয়ে একটুকুণ খাওয়া দেখে পুষ্পিতা চা আনতে যায়। সমীরণকে বলে, একটা জিনিসও পড়ে না থাকে—দেখবে তুমি।

ফেলবিনে কিছু গুণি—

সমীরণ গিয়ে মেঝের উপর গুণেশের পাশটিতে বসে পড়ল। নিম্নকণ্ঠে বলে, অনেক হাল্কা করে এসব জুটিয়েছে। কাটলেট দোকানের। লুচিটা মনে হচ্ছে বাড়িতে ভাজা—ওদের চাকরকে দিয়ে ঘি আনিয়ে নিয়েছে। খালা-গেলাস-বাটি কোনটাই আমাদের নয়, উপর থেকে চেয়ে আনা।

গুণেশ রাগ করে বলে, পুষ্টির সঙ্গে রাগারাগি তোর? কেন ওর সংসারের কুচ্ছা করতে বসলি?

সত্যিই রাগ হচ্ছে। অবস্থা বাইরে ঢেকেটুকে বেড়াক, তাই বলে তোর কাছেও? বোন হয়ে এত পর ভাববে কেন ভাইকে?

রাগের মধ্যেও সমীরণ হেসে ফেলল। বলে, থেকে যা তুই আমাদের বাড়ি, ধান্ধা কতকুণ টেকে দেখি। বেশি নয়, রাতটুকু অন্তত থাক। দেখবি খালাবাটি নিয়ে নিয়েছে ওরা—আমাদের কলাইয়ের খালা বেরিয়েছে। ধবধবে বালিশ-চাদর লোপাট। আমরা কি খাই কিসের উপর শুই, নির্ভেজাল সেই আদত চেহারা দেখবি।

চা করে নিয়ে এবারে পুষ্পিতাও এসে বসল। খানিক গল্পগাছার পর গুণেশ বলে, চলি এবারে পুষ্টি। আছিল ভালো দেখে গেলাম। মাকে সব বলব।

পুষ্পিতা বলে, বাঃ রে, কথা হল না হোটেল গিয়ে স্মার্টকেস নিয়ে ভ্রাম  
চলে আসবে। দরদ তোমার মুখে মুখে দাদা।

বরকে সাক্ষি মানে : দেখছ ? চূপ করে রইলে কেন গো, ভূমিও বলো।

সমীরণ কিছু একেবারে উন্টো কথা বলে, অফিসের কাজে এসেছে গুণি,  
ভারা খবচা করে পাঠিয়েছে। বেহালা থেকে যাতায়াতে বড্ড ধকল হবে  
বেচারির।

হোক গে, আমি জানিনে। জানতে চাইনে আমি—

অবুঝ মেয়ে বিচার-বিবেচনার ধার ধারে না, জেদ ধরে বলে, অতদূর  
থেকে দাদা এসে চোখের দেখা দিয়ে চলে যাবে, কিছুতে তা হবে না।

সমীরণের দিকে চেয়ে অভিমানের স্বরে বলে, বাড়ি তোমার, ভূমিই যদি  
উন্টোপান্টা বলো, কেন দাদা থাকতে যাবে ?

সমীরণ বলে, চাকরি যে আমিও করি—মনিবের ভাবগতিক বুঝি।  
বোনের বাড়ি থাকতে গিয়ে যদি চাকরি খোয়াতে হয়, সে জিনিসে সায় দেব  
কেমন করে ?

বেকুল গুণেশ, সমীরণ ট্রামরাস্তা অবধি এগিয়ে দিচ্ছে। হঠাৎ এক সময়  
সমীরণ বলে, থাকলে পারতিস গুণি। গল্পে গল্পে বাত ভোর করে দিতাম,  
পুষি এসে হুমকি দিয়ে পড়ত সেই আগেকার মতো।

গুণেশ বলে, এখন এই কথা বলছিল—আর পুষি যখন বলল, তুই-ই তো  
বাগড়া দিচ্ছিল।

নিরিবিলা এবারেই মনের কথা বলছি, তখন বলেছিলাম মন-রাখা কথা।

হেসে উঠে সমীরণ বলতে লাগল : যেমন যেমন শিখিয়ে দিল, তোভা-  
পাখিব মতন তাই বলে গেলাম। বর-বউয়ে তর্কাতর্কি দিবি গোনা—না  
রে ? মনের কথা তার মধ্যে বলতে গেলে রন্ধে রাখত না পুষি। কটে-ছংখে  
সংসার চালায়, বুঝিস তো—মাঝে মাঝে মোটা টাকা গুঁজে দিতে পারতাম,  
তা হলে জোর খাটত বউয়ের উপর।

বড়রাস্তায় এসে গেছে। দাঁড়িয়ে পড়ে গুণেশ গভীর কণ্ঠে বলল, এখানে  
তোদের কাছেই থাকব ইচ্ছে ছিল। পুষি আমার আদরের বোন, তার মুখ  
চেয়েই থাকলাম না। ঘরগী হয়েছে, ঘরের চেয়ে বড় অহঙ্কার কিছু নেই তার  
কাছে। সে অহঙ্কার ভাঙতে দিতে পারিনে। চেট্টা কর টাকাপয়সা করতে,  
সে তুই ঠিক পারবি। তখন এসে থাকব।

চলতি ট্রাম পেয়ে গুণেশ লাফ দিয়ে উঠে পড়ল।



ভোলেনি এদের গুণেশ, বসে কিরে গিয়ে সমীরণকে টাকা পাঠিয়েছিল। হাজার দুই মাত্র। প্রতিভাধর সমীরণ—সেটা গুণেশ নিঃসংশয়ে জানত। একটা অতি-ছোট কেমিক্যাল ল্যাবরেটোরি করল সেই টাকায়। এই জিনিসটা সমীরণ ভাল বোঝে—এমনি কোন ব্যবসা গড়ে তুলবে, পাঠ্যজীবন থেকে স্বপ্ন দেখে এসেছে। ফল ফলতে দেরি হল না—কিছু সরকারি সাহায্য এবং বাইরের মূলধনও আসছে। বছর পাঁচেকের মধ্যে মাঝারি এক প্রতিষ্ঠান—ভারত কেমিক্যালস করপোরেশন। নাম শুনে থাকবেন।

টেলিগ্রাফ পাঠিয়েছে গুণেশ, কলকাতায় আসছে। বালিগঞ্জে একটা ভাল জমির সন্ধান পেয়েছে, স্বচক্ষে দেখে পছন্দ হলে বায়না করে যাবে। সমীরণ নিজে গাড়ি নিয়ে এরোড্রে য় গেছে। উল্লাসে লাউঞ্জ থেকেই চোঁচাচ্ছে : এসেছি আমি—

বেহালার সেই পৈতৃক বাড়ি—কিন্তু চিনবার উপায় নেই। ভাড়াটে তুলে দিয়ে ভেঙেচুরে আধুনিক ঢঙে গড়ে নিয়েছে—বড়লোকের বসবাসের জন্ত যেমনটা হওয়া উচিত।

গুণি এসে গেছে, ও পুষ —

হেলতে ছলতে পুষ্পিতা দেখা দিল—এর চেয়ে বোঁশ দ্রুত আসা তার পক্ষে সম্ভব নয়। সেই পুষি কে বলবে! বিষম মোট—বড়লোকের বাড়ি যেমনটা হয়ে থাকে। গুণেশ পরিহাস করতে ব্যাচ্ছিল : বাড়িটার মতন তোকেও আর চেনা যায় না রে —

হাসি মুছে যায়, মুখের কথা মুখে আটকে থাকে। হঠাৎ পুষ্পিতা ক্ষেপে গেল, চক্ষু বিঘ্নিত করে বলে, ঝাঁটা আন ওরে বাচ্চুর-মা। ঝাঁটা, ঝাঁটা —

সত্যে গুণেশ দাঁড়িয়ে পড়ল। অজান্তে কী অপরাধ করেছে, ঝাঁটা চায় কি জন্তে ?

দাসীর বাচ্চুর-মা ঝাঁটা নিয়ে ছুটতে ছুটতে এল। পুষ্পিতা খিঁচিয়ে ওঠে : শুধু-ঝাঁটায় কাজ হবে, জল লাগে না ?

চাকরের উপর হুকুম দেয় : দাত মেলে দাঁড়িয়ে রইলি, ঝাড়ন কোথা ?

অপরাধ এতক্ষণে বোধগম্য হল। গুণেশের জুতোয় কান্না—এরোড্রোমে মোটরে উঠবার সময় লেগেছিল বোঁহয়। মার্বেলের মেজের উপর কান্নার ছাপ পড়েছে। ঢোকবার সময় পাপোষে ভাল করে জুতো ঘষে নেওয়া উচিত ছিল। অবহেলা করেছে—অপরাধ অমার্জনীয় বইকি ! পবিত্রাকার দেহ নিয়ে পুষি নিজ হাতে ঝাঁটা ধরেছে, বাচ্চুর-মা বালতি থেকে জল

ঢালছে, চাকরটা উবু হয়ে ঝাড়ন দিয়ে ঘষতে ঘষতে এগোচ্ছে। সমারোহ ব্যাপার। নিশ্চল নিঃশব্দ গুণেশ বজ্রাহতের মতো দেখছে দাঁড়িয়ে দাঁড়িয়ে।

সমীরণ হাত ধরে টানল : চলে আয়। হাঁ করে দেখার কি—এ আমাদের নিত্যদিন চব্বিশঘণ্টার ব্যাপার

গুণেশও ততক্ষণে ধকল কাটিয়ে উঠেছে। বলে, বড় আনন্দ হল। একদিন এই বাড়িতেই দুটো এঁদো ঘর নিয়ে ছিলি তোরা—

পুষ্প লজ্জা পাবে, সেই ভয়ে তুই পালিয়ে গেলি। বলেছিলি, মনে আছে, আমাদের টাকাপয়সা হলে তখন এসে থাকবি? খুব বেশি না হোক, হয়েছে মোটামুটি। তোর কথা ঠিক থাকে যেন গুণি।

গুণেশ প্রস্তাব করে : উপরে নিচে ঘরগুলো একবার ঘুরে দেখি। বড় ভাল লাগছে।

ব্রেকফাস্ট হয়ে যাক, তার পরে।

কিন্তু হোস্টেসই যে ঝাঁটা নিয়ে পড়েছে। তার মধ্যেই একটা চকোর হয়ে যাবে।

একটা কেন, তিন চকোর হয়ে যাবে আমাদের। চল—

হাসতে হাসতে সমীরণ বলে, যক্ষুর অবধি জুতোর দাগ, বাহিনী নিয়ে ঘোয়ামোছা করতে করতে এগোবে। তুই আমি কিছু দেখছি নে—তার মধ্যেও পুষ্প দাগ দেখতে পায়। অস্থবীক্ষণ হার মানে ওর চোখের কাছে।

ঘর দেখে গুণেশ অতিশয় প্রসন্ন। সত্যিকার টান আছে মামাতো বোনটির উপর। বিয়ের পর দারিদ্র্যের মধ্যে কাটিয়ে আজ এদের এত ঐশ্বর্য।

পাঁচ বছর আগে এসেছিল, সেদিনের সঙ্গে তুলনা করছে : দুটো মাত্র ঘর, তাই ভদ্রস্থ করতে বোন আমার হিমসিম খাচ্ছিল। চাদর-বালিশ খালা-বাটি চেয়েচিন্তে আনল—উজ্জ্বল না দেখতে পেরে পালিয়ে গেলাম আর এবারে কত দামের জিনিসপত্র কতদিকে ফেলানো ছড়ানো—

সমীরণ ঘাড় নাড়ে : ফেলানো-ছড়ানো একটাও নয়—যেখানকার যেটি, ঠিক করে রেখে দিয়েছে। ইঞ্চি দুই সরিয়ে রাখ, তা-ই বা কেন—হাত দিয়ে ছুঁয়ে দে একবার, তা-ও পুষ্প ধরে ফেলবে। ঐ যে বললাম, আলাদা রকমের চোখ—আমাদের একজোড়া চোখ, ওর বোধহয় তিন নম্বরের বাড়তি চোখ একটা অদৃশ্য রূপে রয়েছে। বিশ্বাস না হলে পরখ করে দেখতে পারিস। তোলাপাড় পড়বে ঐ জুতোর কাদার মতোই, মেরামতে কতক্ষণ লাগে ঠিকঠিকানা নেই। কাজ নেই রে ভাই, ব্রেকফাস্টে বাগড়া পড়ে যাবে।

ব্রেকফাস্ট টেবিলে তবু ভোলপাড়—নিদ্রাক্ষণ ভাবেই। বোধকরি অভিমাত্রায় সতর্ক হতে গিয়েই গুণেশের চামচে থেকে ধবধবে চাদরে স্থপ পড়ে গেল। এক ফোঁটা দু-ফোঁটার বেশি নয়। পুষ্পিতা যেন বিদ্যুতের শক খেয়ে তাকিয়ে পড়ে। খাওয়া ঘুচে গেছে। তাকায় একবার গুণেশের মুখে, আর একবার চাদরের দিকে। ব্যক্তিতি নিতান্তই তার গুণি-দাদা, এবং সেই ব্যক্তি স্বদূর বসে থেকে এসে পৌঁছল—এই খাতিরে চূপচাপ রয়েছে। কিন্তু কতক্ষণই বা পারা যায়—

শেষটা—মুখে কিছু নয়, তড়াক করে উঠে পুষ্পিতা পাতিলেবুর টুকরো এনে চাদরের সেই জায়গায় ঘষছে। দেয়ি সহ্য না, গুণেশের একেবারে চোখের উপরে। গুণেশ হতভম্ব—কোন এক মহাপাপ করে ফেলেছে যেন।

গতিক বুকে সমীরণ বলে, হাত গুটিয়ে বসলি কেন গুণি? খা, লেবু ঘষছে—হাত তো চেপে ধরেনি তোর।

তা বটে! চেষ্টা করল গুণেশ, কিন্তু হাত কাঁপে গ্রাস তুলতে গিয়ে। পুষির মুখে তাকাতে সাহস করে না—না-জানি কী অগ্নিকাণ্ড চলছে সেখায়। চামচে থেকে ফোঁটা দুই স্থপ পড়ে এই কুরুক্ষেত্র। হাত কেঁপে গোটা নামচেটাই যদি পড়ে যায় টেবিলে, অথবা ঘরের মেজের? বড়োটে কাজ নেই বাবা, চূপচাপ একটুকুণ থেকে উঠে পড়া যাক।

সমীরণ প্রবোধ দিচ্ছে : স্থপ পড়েছে—মহাভারত অন্তত হয়েছে নাকি? ইচ্ছে করে তো ফেলিস নি। আমারও কত সময় পড়ে—

এবং সেই পড়াটা আজকেও হল আবার। বলার সঙ্গে সঙ্গেই। প্লেটের এক প্রান্ত বাঁহাতে উঁচু করে সমীরণ চামচেয় তুলে তুলে খাচ্ছে, পুষ্পিতা গা ঘেঁষে দাঁড়িয়ে সবসঙ্গে চাদরে লেবু ঘষছে—প্লেটটা হঠাৎ বেহিসাবি রকম উঁচু হয়ে গিয়ে যাবতীয় তরল বস্তু পুষ্পিতার শাড়ির উপর। বাহারের শিকন শাড়ি পরেছে, নাকি প্যারিসের আমদানি। স্থপ নয়, যেন নাইট্রিক এসিড ছুঁড়ে দিল নিষ্ঠুর স্বামী। শাড়িতে নয়, বুঝি তার গায়ের উপরেই। এসিডের জলুনির মতন আর্তনাদ করে সে ছুটে বেরল।

মূহূর্তমাত্র—তার পরে সারা বাড়ি নিঃশব্দ। পুষ্পিতা নিচের তলাতেই নেই, উপরে উঠে গেছে—শাড়ির দুর্দশায় সম্ভবত অচেতন হয়ে সোফার উপর পড়েছে। অথবা, হতেও পারে, বাথরুমে ঢুকে শাড়ি কাচতে বসে গেছে। মোটের উপর ডাইনিং-রুমের এদিকটা সম্পূর্ণ নিরুপদ্রব।

গুণেশ এদিক-সেদিক চেয়ে নিম্নকণ্ঠে বলে, ইচ্ছে করেই করাল তুই। এমনি পড়েনি। এমন চমৎকায় শাড়িটা নষ্ট করে দিলি।

সমীরণ সগর্বে সায় দিল : ই্যা—

সাংঘাতিক এক রণজয় করেছে, এমনিতরো ভাব। বলে, তোর অন্তেই গুণি। আদরঘট করে বাড়িতে এনে অতিথিকে উপোস করাতে পারিনে। স্বস্থ হতে পুষ্পর সময় লাগবে—আধ ঘণ্টা অন্তত। ততক্ষণের ছুটি। হাতের পাঁচআঙুলে মাখামাখি করে ইচ্ছাস্থখে হল্লাফুর্তি করে ছুটির-খাওয়া খাব।

মুখে যা বলল, কাজেও তাই অমনি। চেয়ারের উপর উঁচু হয়ে হয়ে বসে কাঁটা-চামচে সরিয়ে হাতে তুলে গোগ্রাসে খাচ্ছে। একবার মুখ তুলে গুণেশের দিকে চেয়ে বলে, গরিব ছিলাম। অভাবে-অনটনে তখন পেট ভরে খাইনি, বড়লোক হয়ে এখনো পেট ভরে না। মাস্টারনি চোখ পাকিয়ে আছে, হেরফের হলেই ধমক দেবে—খাওয়া যায় তার মধ্যে? ঘূমের বেলাও ঠিক তাই। বালিশ-বিছানায় যেখানে যেটুকু কুঁচকে গেছে, জেগে উঠে স্কলের আগে সমস্ত চোরস করে তবে সোয়াস্তি।

এক লহমা থেমে আবার বলে, সোয়াস্তি পুষ্পরও কি আছে? একদিন সোয়াস্তি ছিল না ঘরের গরিবানা চাউর হয়ে পড়ে পাছে। এখনকার অস্বস্তি, যেমনটি যেখানে তেমনি সব ছিমছাম থাকে যাতে। ঘরবাড়ি আসবাবপত্রের আদবকায়দার মধ্যে ওর প্রাণ—রূপকথার রাক্ষসীদের যেমন ভোমরার মধ্যে প্রাণ থাকত।

গুণেশ ভয়ের কথা পাড়ে : ফেলে ছড়িয়ে টেবিল নোংরা করে রাখছিল। স্বস্থ হয়ে নেমে তো আসবেই পুষ্টি। এখন না হল, দু-দণ্ড পরে। তখন?

নিশ্চিন্ত কণ্ঠে সমীরণ বলে, তা-ও ভেবে রেখেছি। কিছু বলতে গেলে হো-হো করে ছাত-ফাটানো হাসি হাসব—সেই এককালে তোর সঙ্গে যেমন হাসতাম। অব্যবহারে প্রায় যা ভুলেছি। বড়লোকের ফ্যাশানদুরন্ত বউয়ের সে জিনিস সহ্য হবে না—পুনশ্চ মুছাঁ। এমনি করে ছুটি বাড়িয়ে যাব যতক্ষণ তুই আছিস। তারপরে—

ঘাড় ঝাঁকি দিয়ে ভয়-ভাবনা ঝেড়ে ফেলে দিল বুঝি। বলে, পরের কথা ভাবব না। আখের ভেবে উপস্থিত-স্থঁথ যে নষ্ট করে, সে হল পয়লানদুরি আহাম্মক।

## কল্পতরু

বাস্থ মল্লিক গার্হস্থ্য আশ্রমের নাম। সে নামের উল্লেখ নিষেধ। ইদানীং পরিব্রাজক শ্রীমৎ বাসবানন্দ স্বামী। হিমালয় থেকে কণ্ঠাকুমারী অবধি পায়ের নিচে। কাগজে খবর বেরোয় : পরিব্রাজক মহারাজ আজ অমুক জায়গায়, কাল তমুক জায়গায়। ভক্তদল মুকিয়ে থাকেন, আমাদের কলকাতা শহরে আবার কবে পদরজ পড়বে ? এবং কোন ভক্তগৃহ ধন্য করবেন এবারে ?

যে পাড়ায় যার বাড়িতে পরিব্রাজক মহারাজের আস্তানা, আগেভাগে খানায় এস্তেলা দিতে হয়। মেলা জমে। ট্রাফিক-পুলিস হিমসিম খেয়ে যায় মোটর চলাচলের বিধিব্যবস্থায়। বস্ত্রাশ্রোতের মতো মানুষের শ্রোত সেই মুখো। রাত থাকতে শুরু করে সন্ধ্যা অবধি। সন্ধ্যার পরে মহারাজ ধ্যানঘরে আশ্রয় নেন, তখন আর কেউ থাকতে পায় না। ফুলের দাম চড়ে গিয়ে ছনো তেছনো হয় সেই অঞ্চলে। দু-গাছি করে মালা নিয়ে আসেন ভক্তরা, মহারাজকে পরিয়ে দেন। মহারাজ তার মধ্যে একটি খুলে ভক্তের গলায় পরান। আশীর্বাদী মালা। ভববন্ধন-মোচনের উপদেশ দেন মহারাজ। দুই কানে সেই উপদেশামৃত পানের জ্ঞান ভক্তেরা দূর-দূরান্তর থেকে ছোট্টে। কী মধুর কণ্ঠস্বর, শানাই কোথায় লাগে ! গীতা ও ভাগবত পাঠ হয়, শোরি মিঞার গান তার কাছে নশ্টি।

কিছুকাল থেকে পরিব্রাজক মহারাজ বরানগরে বেচু শিকদারের বাড়ি এসে উঠছেন। বেচু ইদানীং প্রধান শিষ্য। ছায়ার মতো সাথেসঙ্গে ঘোরে। উপদেশামৃত বর্ণণের মুখটায় বেচু ঝকঝকে রূপোর খালা পেতে দেয় মহারাজের সামনে। মুখলধারে নোট পড়তে থাকে। মোহর পড়ে, হীরের আংটি পড়ে, মবচেন পড়ে, কাঁচাটাকাও পড়ে কিছু কিছু। এ ছাড়া বিদঘুটে মানত থাকে কারও কারও—সোনার কেয়ূর-কঙ্কন দিলেন এবারে একজন। এক বিধবা দিলেন সোনার কাজ-করা লপেটা জুতা। মহারাজের সামনে এনে নিবেদন করেন, যদি তিনি একটুখানি স্পর্শ দেন। কী বিদঘুটে আশা বিবেচনা করুন—ঐহিক বস্তুতে অজ্ঞ ঠেকাবেন মহারাজ ! ভক্তরা অগত্যা বলে, জিনিসগুলো আসনের উপর রেখে দাও বেচু, আলটপকা নজর যাতে পড়ে।

মহারাজ বিষম বেজার ভক্তদের ব্যাপারে। মাঝে মাঝে কেপে যান : এ সমস্ত কি ! ঠাকুরের নাম করতে বসি, চোখের উপর তোমরা ছাই-মাটির-

পাহাড় করে রাখ। এমনি অত্যাচার করলে হিমালয়ের গুহায় ডুব দেব, কোনদিন আর দেখতে পাবে না।

বেচু শিকদার পাকা লোক। মহারাজকে কি করে লামলাতে হয়, সে জানে। সমান তেজে বেচুও বলে, ছাই বলুন মাটি বলুন, এক কাচ্চাও তো ঘরে থাকে না। সূর্য হয়ে যদি টেনে নিলেন, বৃষ্টির জলে সমস্ত ঢেলে দিয়ে অবসর। কতই তো দিয়েছে এ যাবৎ ভক্তজনে, একখানা আস্ত সিকি বের করুন দিকি তবিল থেকে। তবে বুঝব।

মুখের মতন জবাব পেয়ে মহারাজের আর রাগ দেখানোর উপায় থাকে না। হেসে ফেললেন : কথাই তো তাই। কিছুই যখন থাকে না, ভূতের বোঝা কেন এমন বাঁধাছাঁদা কর ? খেটেখুটে কার জন্তু লিঙ্গি করছ ?

কানে কথা না নিয়ে বেচু অবিচলভাবে কাঁচাটাকা গণে গণে থাক দিচ্ছে। আংটি ও মোহর কতগুলো পড়ল, লিঙ্গি করে যাচ্ছে।

কথা শোন বেচারাম ! ভক্তদের মানা করে দাও। খালি-হাতে যেন সকলে আমার কাছে আসে।

বেচু মুখ তুলে প্রস্থ করে, যখন কল্লতরু হবেন, তখনকার উপায় কি ? অস্ত্র-লোকে থাকেন যে-সময়টা, কিছুই টের পান না। আমাদেরই ভাবতে হয়। অভাবী লোক কাতর হয়ে এসে হাত পাতবে, কী দেবেন তাদের হাতে।

জবাব দেবার কিছু নেই। বেচুব হয়ে মহারাজ মূহু মূহু হাসেন।

জো পেয়ে গিয়ে বেচু শিকদার ফলাও করে বলে, ধনীরা ভক্তি ভরে দিয়ে যান, দরিদ্র লাভবান হয়। আপনি নিমিত্ত হয়ে করেন, আমরা মাঝে পড়ে একটু খেটেখুটে দিই। হেন অবস্থায় কেমন করে আপনার আপত্তি মানতে পারি বলুন।

বাসবানন্দ বলেন, বিচার করে দেখলে তাই বটে। কিন্তু কি জান, ঐশ্বৰ্যের ছায়ামাত্র দেখলে মন আমার কুকড়ে আসে। অস্বস্তি জাগে। সেখানে যুক্তি-বিবেচনার ঠাই নেই। কথা দাও তবে, যত-কিছু জমা হয় কল্লতরুর সময়টা সমস্ত হাতের কাছে ধরে দেবে তুমি। পাইপয়সার বস্ত্র ঘরে থাকবে না। তুমি যদি দায়িত্ব নাও, সেই বিশ্বাসে যা-হোক করে সামলে নেব।

পরহিতের জন্ত বেচারাম শিকদারকে সেই কঠিন দায়িত্ব নিতে হয়েছে। ভক্তেরা যা দিয়ে যাচ্ছে, কাল তার তিলেকমাত্র অবশিষ্ট থাকবে না—সমস্ত কল্লতরুতে শেষ হয়ে যাবে। এতক্ষণের বাগবিতণ্ডায় মন বিক্লিষ্ট—মহারাজ, ধ্যানধরে ঢুকে দরজা দিলেন।

মহারাজ যা-ই বলুন, ভক্তকুল ভারি প্রসন্ন বেচুর উপর : তুমি আছ বেচারাম, তাই রক্ষে। নইলে এই যত প্রণামী মহারাজ হয়তো আঁতাকুড়ে ছুঁড়ে দিতেন।

বেচারাম জুড়ে দেয় : দিয়ে হিমালয়ে পালাতেন। হিমালয়-হিমালয় করে বড্ড ঝুঁকেছেন। আমি ঠেকিয়ে আসছি। নরলোকের কল্যাণে ঠেকে ধরে রাখতেই হবে। এত যে প্রণামী দেখছ, কাল সকালে কিছুই নেই—কল্পতরু হয়ে দানসত্ত্ব করে দিয়ে পুরোপুরি ফোকতারাম।

কল্পতরুর ব্যাপারটা সবিশেষ জানবার জন্য ভক্তরা বেচারামকে চেপে ধরে : কী রকম অবস্থা হয় তখন ? কি করেন ?

লক্ষণাদির যথাযথ বর্ণনা দিল বেচারাম। বলে, সেই অবস্থায় যে যা চাইবে, সঙ্গে সঙ্গে দিয়ে দেবেন। এতকাল ধরে এত যে পুণ্যফল জমিয়েছেন, জোর করে চাইলে তা-ও বোধহয় দেবেন।

আমাদের রাতুলকৃষ্ণ ইতিমধ্যে ভক্তদলের মধ্যে জেঁকে বসেছে। সে জিজ্ঞাসা করে, এইসব আংটি-মোহর যদি চেয়ে বসে, দিয়ে দেবেন ?

তা-ই তো চায় ঐহিক মানুষ। আসল বস্তু চাইতে তো দেখলাম না কাউকে। প্রণামীব খালাখানা সেই সময় সামনে নিয়ে ধরি। যে যা চায়, মহারাজ দশার ঘোরে হরির লুঠের মতো ছুঁড়ে ছুঁড়ে দেন।

রাতুলও সোয়াস্তির নিশ্বাস ফেলে : যায় যাকগে ছাইভয় জিনিস। আসলের কপর্দক যাচ্ছে না—তা হলেই হল।

আরও ঘনিষ্ঠ হয়ে জিজ্ঞাসা করে, সমস্ত দিয়ে দিয়ে দেন, কিছু রাখেন না ?

সর্গর্বে বেচু শিকদার বলে, সমস্ত। নতুন আবার ন' পড়ল তো খোদ মহারাজকেই নিরসু উপোসি থাকতে হবে ! হর্ষবর্ধনের সেই দানঘজ্ঞের মতো। একদিন কী হল—যে খালার উপরে প্রণামী পড়ে, সেই খালা অবধি দান করতে যাচ্ছেন। আন্দাজ পেয়ে আমিই প্রতিগ্রাহী হয়ে খালাখানা ভিক্ষে নিলাম। আমার জিনিস এখন, গুঁর দানের এক্তিয়ার নেই।

রাতুলকৃষ্ণ তারিফ করে : খব কায়দা করে আটকেছেন কিন্তু জিনিসটা। সত্যিই তো, ভক্তজনের প্রণামী পড়বে, জায়গা একটা চাই তার জন্তে। খালা না থাকলে কিসের উপর সবাই দেবে ?

পরিব্রাজক মহারাজের কল্পতরু হয়ে বসার কথা মুখে মুখে অনেক দূর অবধি রটনা। নানা জনে এসে বেচুকে শুধায়, কোন সময়টা হয় বলুন দিকি ?

বেচারাম উচ্চাত্তর হাসি হেসে বলে, পাজিপুঁথি দেখে তিথিনক্ষত্র ধরে হয় না তো ! শ্বেদ-কম্পন ইত্যাদি শাস্ত্রোক্ত লক্ষণ লহ দশাপ্রাপ্ত হন হঠাৎ।

চেহারা দেখতে দেখতে ভিন্ন রকম হয়ে যায়। আমরা বুঝতে পারি, এইবারে—

রাতুল পরমোৎসাহে বলে, বটে বটে ! রোজই একবার করে হয় অন্তত ?  
তার কোন মানে নেই। একদিনে হয়তো দু'বার—তিনবার। আবার কোনদিন হলই না।

মুশকিল তবে তো !

বলে রাতুল তৎক্ষণাৎ সামলে নিয়ে বলে, ধুলোমাটি জিনিসের আমি কোন পরোয়া করিনে। মহারাজের সেই আধ্যাত্মিক অবস্থা একটিবার শুধু চোখে দেখবার বাহ্য।

রাতুলকৃষ্ণ যে ইস্কুলে পড়েছে, বনমালী ভট্টাচার্য সেখানে সেকেণ্ড-পণ্ডিত ছিলেন। রিটায়ার করার পর বড় অর্থসঙ্কটে আছেন। তার উপরে কণ্ঠাদায়। বিয়ে ঠিকঠাক, কিন্তু খরচার জোগাড় হচ্ছে না। একদিন এসে রাতুলকে ধরলেন : তুমি একটা উপায় কর বাবা। কী করি বলে দাও।

রাতুল বলে, আজ্ঞেবাজে জায়গায় ঘুরে কী হবে। বাসবানন্দকে গিয়ে ধরুন—কল্লতরুর সময়টা। শুনেছি, যে যা চায় পেয়ে যায়। শ-পাঁচেক টাকাও যদি অন্তত বাগাতে পারেন—

পণ্ডিত বলেন, আমিও সেই রকম শুনেছি। চেষ্টা টের করেছি, কিন্তু সময়টা ধরতে পারছি নে। কত ভক্তজনকে জিজ্ঞাসা করলাম, সকলের এক গতিক। একজন বললেন, তাঁর ফসকে গেছে অতি অল্পের জন্তে। টাটকা দশা ভেঙেছে মহারাজের—তখনও বেশ আছে। চক্ষু রক্তবর্ণ। আবোল-তাবোল বকছেন, স্বাভাবিক জ্ঞান আসেনি। বেচারাম ধরে তাঁকে ধ্যানঘরে পুরে ফেলল।

বলেন, আমি হৃদ চেষ্টা করেছি বাবা। বেচারামের সঙ্গে খাতির জমিয়ে রাত থাকতে গিয়ে বসেছি। দুপুর গড়িয়ে যায়। বেচা বলে, দেয়ি আছে পণ্ডিতমশায়। অভুক্ত আছেন আপনি, খেয়েদেয়ে আশ্বন গে। নাক-মুখে গুঁজে পৌনে-দুটোর মধ্যে ছুটেছি। বেচা বলে, এই যাঃ, এফুনি তো হয়ে গেল।

ইতস্তত করে পণ্ডিতমশায় বলেন, মহাপুরুষের ব্যাপার—বলতে নেই—কিন্তু প্রত্যক্ষদ্রষ্টা আজ অবধি একজনকেও পেলাম না। পাপ-মনে এক এক সময় সন্দেহ জাগে—

রাতুল হেসে ঘাড় নাড়ে : সন্দেহের কিছু নেই। পারমার্থিক তত্ত্ব মহারাজ ঢালাও দান করে যান। কিন্তু ঐহিক বস্তু সে রকম নয়, একবারের



বেশি ছ-বার কাউকে দেন না। আর ঐ একবার যে পেয়ে গেল, ঈশ্বর-লাভের জন্ত সে আর ঘোরাঘুরি করে না। একেবারে হাওয়া।

বনমালী পণ্ডিত রাতুলের হাত জড়িয়ে ধরলেন : তুমি ভক্তমানুষ। সর্বদা ষাটায়াত তোমার ওখানে। এই কাজটা আমার করে দাও, বড্ড ঠেকে গেছি। যা তুমি বললে—খান পাঁচেক একশ' টাকার নোট অন্তত।

একটু ভেবে রাতুল বলে, দেখা যাক কঙ্কুব কী করা যায়। সময় ঠিক বের করে ফেলব। আপনি এখন আসুন গে পণ্ডিতমশায়।

দিন দুই কেটেছে। মিথ্যা ভরসা দেয় না রাতুল। বেচুর কাছে কিছুই পাওয়া যাবে না—বেচুর বাড়িতেও নয়, এদিক-সেদিক খুব ঘোরাঘুরি করছে, স্থলুকসন্ধান নিয়েছে। দুইদিন পরে রাত্রি ন'টার সময় সে ট্যাক্সি নিয়ে বনমালীর বাড়ি চলে এল : উঠে পড়ুন পণ্ডিতমশায়। এফুনি।

বনমালী ভট্টাচার্য রাত্রে যৎসামান্য ছানা-চিনির ফলার করেন। সব কেবল আচমন করে বসেছেন। রাতুল বলে, খেতে গেলে ফসকে যাবে। উঠে আসুন শিগগির। ট্যাক্সিতে উঠুন।

ট্যাক্সিতে উঠে বনমালী জিজ্ঞাসা করেন, কল্লতরু লেগে গেল বুঝি ?

হঁ— বলে রাতুল ট্যাক্সিওয়ালাকে তাড়া দিচ্ছে : জোরে—খুব জোরে। এক টাকা বেশি ধরে দেব।

পণ্ডিতকে একবার বলল, বৃদ্ধমানুষ আপনি। মহারাজের চেয়ে বয়সে বড়। তায় ব্রাহ্মণ। পা ধরতে যাবেন না, হাত জড়িয়ে ধরবেন আমি যখন ইশারা করব। পা ধবলে মহারাজ চটে যাবেন, কিছুই হবে না।

বেচারামের বাড়ির অদূরে ট্যাক্সি ছেড়ে টিপিটিপি দু-জন বৈঠকখানায় বড় আলমারির আড়াল হয়ে দাঁড়াল। একটি ভক্তও আর এখন নেই। ভক্তবাহ্যকল্লতরু সকলের কাজকর্ম মিটিয়ে সন্ধ্যাকালে একটু ভ্রমণে বেরোন। একেবারে গঙ্গাস্নান করে শুচিশুদ্ধ হয়ে ফেবেন। ফিরে এসে নিঃশব্দে ধ্যানঘরে ঢুকে পড়েন। আজকে এখনো প্রত্যাগমন হয়নি, রাতুল খোঁজখবর নিয়ে এসেছে। আহা! ভেঙে পড়েছে, বনমালীর সেজন্ত কিছু ক্ষোভ আছে। বললেন, কল্লতরু শুক হয়েছে বলে ছুটোছুটি করে নিয়ে এলে। মহারাজেরই তো খবরই নেই।

রাতুল বলে, এসে পড়বেন এফুনি, সময় হয়ে গেছে। গাড়ি থেকে নামবেন একেবারে কল্লতরু অবস্থায়। কিন্তু ঐ যা বললাম—পা ধরে বলে মহারাজ বিরক্ত হন। হাত ধরে ফেলবেন আপনি। বেচু শিকদার ছমকি দিতে পারে—কানে নেবেন না।

বলতে বলতেই মোটরগাড়ি এসে থামল। বেচারামের টু-সীটার গাড়ি—  
চালাচ্ছে বেচারাম নিজেই। নেমে পড়ে স্বামিজী বৈঠকখানায় ঢুকলেন।  
বনমালী চক্ষের পলকে ধ্যানঘরের দরজায় এসে দাঁড়ান। রাতুল তাঁর  
পাশে।

বাইরে থেকেই বেচু হুকার দিয়ে ওঠে : অ্যা, কী চাই তোমাদের ?  
সারাদিন ধরে এই কাণ্ড চলেছে। স্বামিজী নিজের কাজে বসবেন একটু,  
ধ্যানঘরে যাবেন। সেই ফাঁকটুকুও দেবে না ?

ছুটে ঘরের মধ্যে এসে বলে, বেরিয়ে যান। দরকার থাকে, কাল  
লকালবেলা আসবেন।

খতমত খেয়ে বনমালীপণ্ডিত রাতুলের দিকে তাকান। রাতুল অবিরত  
ইঙ্গিত করছে। শুভক্ষণ সমাগত। একুনি—এই মুহূর্তে হাত ধরতে হবে।

আগের শেখানো কথাগুলো বনমালী আবৃত্তি করে যান : আমি যাব না  
মহারাজ। মেরে ফেললেও নড়ব না। মেয়ের বিয়ে আসন্ন। আপনাকে  
হাত ধরে বলছি—

বেচু শিকদার চিংকার করে ওঠে : স্বামিজীর হাত ধরবে, এত বড়  
আম্পর্ক! রামকৃপাল সিং—

হাত উচিয়ে বনমালী ভট্টাচার্য সত্যি সত্যি এগিয়ে আসেন। বাসবানন্দ  
স্বরিত বেগে ঘুরে দাঁড়িয়ে ব্যস্ত হয়ে বলেন, কত চাই জিজ্ঞাসা কর বেচারাম।  
টাকার অঙ্কে বলতে বল।

বনমালী শেখানো কথা বললেন, পাঁচ-শ' টাকা—

দিয়ে দাও বেচারাম। আমি বলছি, শিগগির নিয়ে এস।

বনমালী আবার বলেন, আর আংটি একটা বরের জুত।

কল্পতরু অবস্থা চলছে বাসবানন্দের। বললেন, ভাল দেখে একটি আংটিও  
নিয়ে এস বেচারাম।

মহারাজ ঘুরে দাঁড়িয়ে আছেন তেমনি। এঁরাও ধ্যানঘরের দরজায়।  
বেচারাম ভিতর থেকে টাকা এনে গণে গণে পাঁচশ' মিলিয়ে দিল। তারপর  
ঠকাস করে আংটিটা টেবিলের উপর ঠুকে বলে, হল তো ? বিদেয় হন।

আশীর্বাদ নিয়ে ভক্তদ্বয় দরজা ভেজিয়ে নিষ্ক্রান্ত হলেন। দাঁতে দাঁত ঘষে  
বেচারাম বলে, আপদ !

মহারাজ বললেন, পা ধরলে ক্ষতি ছিল না। হাত ধরবার বায়নাঝা মাথায়  
কে চুকিয়ে দিল রে ! ইন্দ্রজ্বল চাইলেও তো না দিয়ে উপায় ছিল না। ছয়োর  
এঁটে দাও বেচু, আবার এসে কেউ না জালায়।

বেচারাম দরজায় খিল দিল, চুড়কো তুলে দিল। মহারাজার হাতে  
‘বিলাতি কারণবারি—এক বোতল হঠকি। পশমি অভবাসের নিচে ঢাকা।  
গুরু আর প্রধানশিষ্য অতঃপর ধ্যানঘরে প্রবেশ করলেন।

## ভেজালের উৎপত্তি

চাল-তেল মাছ-মিঠাইয়ের আকাল। আবার ভূতেরও আকাল যাচ্ছে,  
সেটা ঠাহর করেননি বোধহয়। কলকাতা শহরের অলিতে-গলিতে কত  
ভূতের-বাড়ি ছিল, তুলেও কেউ ছায়া মাড়াত না, ভূত সরে গিয়ে এখন মানুষ  
কিলবিল করে সে সব জায়গায়।

বাড়িওয়ালাদের প্রতি অশুকম্পা বশত ভূতেরা শহরের বাস তুলে  
পাড়াগাঁয়ে আস্তানা জুটিয়েছে, তা-ও নয়। ভূতের উপদ্রব পাড়াগাঁয়েই বা  
কই? দু-একটা যা শোনে অশুসন্ধানে প্রকাশ পেয়েছে, ভূত নয় তারা—  
ভূতবেশী মানুষ। রলতে পাবেন মানুষভূত। এরা টিট হয় রোজ্জার মঞ্চে  
নয়, সরকারের আইনেও নয়, পাড়ার ছোড়ারা জুটেপুটে যখন সহিংস দাওয়াই  
প্রয়োগ করে। মোটেই উপায় রোজ্জার কুস্তিরোজ্জার বন্ধ—দিনকে-দিন  
তাঁবা উৎসন্ন হয়ে যাচ্ছে।

শহরের অগুস্তি হানাবাড়িতে, এবং পল্লীর শ্মশানে গোরস্থানে বাঁশবাগানে  
এত যে ভূত থাকত, গেল কোথায় তারা সব?

শুধুন বলি। কিন্তু তারও আগে জন্মান্তর-তত্ত্বটা কিঞ্চিৎ সডগড করে  
নিন।

ধরুন, মরে গেলাম। আপনাবা নন, বালাই যাট!—আমি একলা।  
মৃত্যুর পর দেহ-খাঁচা থেকে আত্মা ছাড় পেল। যমদূত ধরে নিয়ে সঙ্গে সঙ্গে  
অমনি যমের দরবারে হাজির করে দেবে। রেজিস্ট্রি-খাতায় আত্মা নথ্যভুক্ত  
হল, তারপরে ছুটি। এই অবস্থার নাম ভূত। পবলোকের কর্তারা সাতিশয়  
বিবেচক—দেহ-খাঁচার অভ্যন্তরে এতদিন রুই করে এলে, ছুটি ভোগ করো  
এবারে। যদিও না আবার আহ্বান আসছে।

তাই করে বেড়ায় ভূতেরা। গাছের চূড়ায় চড়ে প্রাণ ভরে মৃত্যুবাযুর  
নিশ্বাস নিচ্ছে খানিক, ঝুপ করে নেমে পড়ে টিলপাটকেল ছুঁড়ে এর বাড়ি  
তার বাড়ি, কিন্তু-কিমাকার মূর্তি ধরে পথচারীদের ভয় দেখাচ্ছে, এলোচুলে  
ডবকা ছুঁড়ি দেখে শেষমেশ তার কাঁখেই বা চেপে পড়ল। রোজ্জা এসে লক্ষা  
পুড়িয়ে নাকে ধরে, গালিগালাজ করে, পিটুনি দেয়—কিছুতে না পেরে কড়া

মস্তোরের ধুনোবাণ-সর্ষেবাণ ছাড়ে শেষটা। ভূত অগত্যা এই কাঁধ ছেড়ে পছন্দসই আর-একটা দেখে নিয়ে সেখানে চড়ে বসল। রোজারা আবার হানা দিয়ে পড়ে।

চলে এমনি ভূতের নৃত্য—তারপরে একদিন তলব এসে যায়। পিতামহ ব্রহ্মা ফরমান পাঠিয়েছেন : আড়াই লক্ষ বাচ্চা গর্ভগত হয়েছে, অতএব সমপরিমাণ আত্মার জরুরি আবশ্যক। চিত্রগুপ্ত লিটি করে দিলেন, দূতগণ ভূতের আন্তানায় আন্তানায় ছুটোছুটি করছে : ফুতিফাতি অটেল হল, আবার কি ! ডিউটিতে ঢুকে পড় এবারে।

সেই বন্দীজীবন। দুই পাঁচ পনের পঁচিশ পঞ্চাশ—তেমন তেমন আয়ুত্মান হলে নব্বুই-পঁচানব্বুই বছর অবধি টানবে। মাহুঘটা না-মরা অবধি ছুটি নেই। খোদ ব্রহ্মার হুকুম, তার উপরে আপিলও চলবে না। মুখ চুন করে ভূতেরা ফের আত্মা হয়ে নির্দিষ্ট জ্ঞানের মধ্যে ঢুকে গেল।

এই নিয়মে চলে আসছে বরাবর। কাজ বড় কষ্টের, তবে দুই জন্মের ফাঁকে ভৌতিক স্মৃতিতে কষ্টের অনেকখানি উভল করে করে নিত। ইদানীং অবস্থা বড় জটিল—ছুটি কমতে কমতে একেবারে শূন্যের কোঠায় ধেয়ে আসছে। এই বেকল এক দেহ থেকে, সঙ্গে সঙ্গে নতুন দেহে ঢুকে পড়ার পরোয়ানা। নিখাস ফেলার ফুরসত দেয় না। জন্মের হার নাকি সাংঘাতিক রকম বেড়েছে, আত্মার জোগান দিতে হিমসিম হয়ে যাচ্ছেন যমালয়ের প্রভুরা।

জন্মাচ্ছে দেদার, আবার ওদিকে মরণ ব্যাপারটা লোপ পেয়ে যাবার গতিক। ভাল ভাল অমৃদপত্তোর বেরুচ্ছে—যেসব অমৃদ ডেকে কথা কয়, রোগ ত্রাহি-ত্রাহি ডাক ছাড়ে। সার্জারিও এমনি নিঁখুত, একটা আস্ত মাহুঘ কেটে ছ-থগু করে বেমানুম আবার জুড়ে দিচ্ছে। ফলে যমরাজের সেরেস্চায় কাজকর্ম প্রায় বন্ধ। এবং ধরণীতে ছ-ছ করে জনসংখ্যা বাড়ছে। ক্যামিলি-প্লানিং-এর বাঁধ দিয়ে ঠেকাবে—নিতান্তই বালির বাঁধ, স্রোতের মুখে দাঁড়াতে পারছে না।

বিষম গুণ্ডগোল—যেমন এই ধরালোকে, তেমনি পরলোকেও। ছুটি বন্ধ হয়ে বিক্ষুব্ধ ভূতেরা ধর্মঘটের ছয়কি দিচ্ছে। কিন্তু এত করেও তো সামলানো যায় না। উপর থেকে ঘন ঘন তাগাদা : আত্মার সাপ্লাই অভাবে সৃষ্টি বানচাল হয়ে যাবার গতিক। তার সঙ্গে কড়া-নোটও আসে সরাসরি যমের নামে : সত্য ত্রোতা ষাপর তিন কাল জুড়ে তিন টার্গে রাজস্ব করলে—লোভ ছাড়ো এবারে, পোর্টফোলিও কোন কর্মঠ তরুণ দেবতার চার্জে দিয়ে দাও।

ব্যাকুল হয়ে যমরাজ নিজেই সেকসনে ছুটলেন। ম্যানেজার চিত্রগুপ্ত টেবিলে পা তুলে নাসাধনি করে ঘুমুচ্ছে। ধড়মড় করে উঠে কৈফিয়ৎ দেয় : কাজ না থাকলে ঝিমুনি ধরবে। বসেই তো আছি নিমতলা-কেডাউতলার মতো অহোরাত্রি অফিস সাজিয়ে। মরে না মাহুষ— কী করব ?

দূতগুলো তোমার কি করে ? শুয়ে বসে আর তাস খেলে হুঁড়ি যে ওদের পর্বতাকার হল ! ধরাতলে নেমে পড়ুক।

চিত্রগুপ্ত মিনমিন করে বলে, মরে গেলে তার পরেই তো ওদের কাজ— আত্মা এনে হাজির করে দেওয়া। মরে না যে !

যম খিঁচিয়ে উঠলেন : পুরানো নবাবি চাল ছাড়া দিকি। আপোসে একটা লোকও মরবে না, বিনি ক্যানভাসিং-এ আপন-নিয়মে কাজ হবার দিনকাল চলে গেছে। দূতেরা বাড়ি বাড়ি গিয়ে বুঝিয়ে-সুজিয়ে দেখুক। আত্মা জোটাতে না পারলে বরখাস্ত করবে। এখন গদি চেপে লাটশাহেবি করছ—চাকবি গেলে একটা দোবারিকেব কাজেও ডাকবে না, মনে রেখো।

চাকরির দায় বড় দায়। যমদূতরা হুডদাড বেরিয়ে পড়ল। চিত্রগুপ্তও চূপচাপ থাকতে পারে না—চাকরির উদ্বিগ্নে নিজেও বেরুল এক সময়।

গিয়ে হাজিব কলকাতা শহরের দক্ষিণ প্রান্তে এক ঝান্স লেখকের বাড়ি। দোতলা ছিমছাম বাড়িখানা—ঠিকানা বলব না, বাড়ির সামনে খাটিয়া পেতে দুটো হিন্দুস্থানী গোয়াল ঘুমুচ্ছে—এই থেকে যদি চিনে নিতে পারেন। নিচের ঘর দুটোয় লেখকের মা ও বাবা আছেন, উপরটায় লেখক একলা। অরুতদার, এবং ঘুরানো-সিঁড়ি রাস্তা থেকে মোক্সা দোতলায় উঠে গেছে—প্রমচর্চারও সুযোগ-সুবিধা প্রচুর।

রাত দশটা। কামারের হাপরের মতো শাঁ শাঁ একটা আওয়াজ আসছে একটানা। ছায়ামূর্তি প্রথমটা সেই নিচের ঘরে ঢুকে মা-জননী বলে ডাক দিল : ইপানিব বড় কষ্ট মা-জননী, প্রাণ যেন নিঙড়ে বেব কবে।

বেরোয় না তবু যে আপদবালাই—মরলে তো বেঁচে যেতাম।

একটা কথা ছুঁড়েই চিত্রগুপ্ত এতখানি ফল প্রত্যাশা করে নি। তবে যে মাহুষের বদনাম দেয়, প্রাণ কড়া-মুঠোয় আঁকড়ে ধরে থাকে, মরতে চায় না কিছুতে !

পুলকিত চিত্রগুপ্ত আরও তাতিয়ে দিচ্ছে : রত্নগর্ভা আপনি মা, আপনার লেখক-ছেলেকে দুনিয়াসুখ একডাকে চেনে। আপনার মরা তো পাঁচি-খেঁদির মরা নয়—মরে দেখুন, কী মজা তখন। কাগজে কাগজে সচিত্র শোক-সংবাদ,

আপনার লেখক-ছেলের ভক্তরা সব খোল বাজিয়ে খই-পয়সা ছড়িয়ে মিছিল করে নিয়ে যাবে—

মা-জননী প্রলুদ্ধ কণ্ঠে বলেন, লোক আসবে অনেক, মচ্ছব হবে, কাগজে ছবি উঠবে—বানিয়ে বলছ না তো বাবা? সত্যি?

সত্যি না বুটো, অঙ্করে অঙ্করে মিলিয়ে নেবেন। না, মেলাবেন আর কেমন করে—তখন যে মরে গেছেন। ফুল দিয়ে খাট সাজিয়েছে, ফুলে ফুলে মড়া দেখবার জো নেই। পুলিশে ভাবতে পারে, মড়াই নয়—কেরোসিনের টিন খাটে তুলে ফুলে ঢেকে ব্লাকে পাচার করছে। সেই সেকালে ফুলশয্যার রাজে ফুলের মধ্যে ডুবে গিয়েছিলেন—মনে পড়ে মা-জননী? আবার ভেমনি।

মা-জননী মহোৎসাহে বলেন, বটে বটে!

মড়ার খাট তো শ্মশানে নিয়ে নামাল। ডবল-চিতে সাজিয়ে ফেলেছে ওদিকে—কিলো কিলো চন্দনকাঠ। এক-বিশুক ঘি লোকে খেতে পায় না, টিন টিন ঘি ঢালছে চিতের আগুনে—

চিতের তুলে আগুনে দগ্ধাবে? ওরে বাবা, ওরে বাবা—

হঠাৎ যেন সঙ্ঘিত ফিরে পেয়ে মা-জননী আর্তনাদ করে ওঠেন: সেটি হচ্ছে না, আগুনে গুড়তে পারব না বাপু। ভীষণ জ্বালা করে। বাঁ-পায়ে কেটলির জল পড়ল সেবার, টেচিয়ে বাড়ি মাথায় করেছিলাম। সে তবু একখানা মাস্তোর পা, চিতের উপর কোনো অঙ্গই বাকি রাখবে না। সে ছিল গরম জল, এবারে চিতের গনগনে আগুন।

পাকা-ঘুঁটি কেঁচে যায়, চিত্রগুপ্ত মনে মনে নিজের গালে চড়াচ্ছে। বর্ণনা এতদূর না টানলেই ভাল ছিল। ঠাণ্ডা করার মানসে বলে, ধর্মীয় আপত্তি না উঠলে কবরের ব্যবস্থাও হতে পারে।

না বাপু, অঙ্ককারে থাকতে পারিনে, ঘরে আমার সারারাত আলো জ্বলে। মাটির নিচে ঘুরঘুটি পাতালে থাকা আমার দ্বারা পোষাবে না।

কিছু বিরক্ত হয়ে চিত্রগুপ্ত শুধায়: তবে কি রেখে দিতে বলেন দেহটা? ওয়াক-থুং, পোকা পড়বে, গন্ধ-গন্ধ হবে—

ধৈর্ষ হারিয়ে মা-জননী গর্জে উঠলেন: মোলো যা! ঘরে শুয়ে আমি হাঁপ টানি আর জগৎস্বপ্ন বাজাই—কোথাকার কোন মুখপোড়া এসে মরা-মরা করছে দেখ! বেরো—

কথাবার্তার মধ্যে কিছুক্ষণ হাঁপানির বিরাম ছিল। শোধ নিচ্ছেন তার, প্রাণপণে হাঁপাচ্ছেন। চিত্রগুপ্ত ঠাড়িয়ে থাকে—হাঁপানি কমলে আবার

দু-এক কথা বুঝিয়ে বলবে। না, এ হাঁপানি রাতের মধ্যে কমবে না—চোখ পাকিয়ে মা-জননী হাত নেড়ে দিলেন।

ছায়ামূর্তি অগত্যা চলল পাশের ঘরে।

তথায় পিতা—কর্তামশায়। তাঁর অবস্থা বিপরীত। শব্দসাড়া নেই, আফিমের নেশায় ঝিম হয়ে আছেন। ও-ঘরের মা-জননী তৃতীয় পক্ষ—তৃতীয় বিয়ের সময় কর্তার বয়স চুয়াল্লিশ, মা-জননীর চোদ্দ। ছাঁকা তিরিশটি বছরের ব্যবধান।

তালগোল পাকিয়ে কর্তামশায় তক্তাপোশের উপর শুয়ে আছেন। অথবা বসেই আছেন—দু-রকমই হতে পারে। শোওয়া-বসার তফাত করার অবস্থা নেই।

ছায়ামূর্তি পাশে গিয়ে দাঁড়াল। ভাব জমাচ্ছে : বয়স কত হল কর্তামশায় ? তোমার কি দরকার বাপু ?

বলেই বুঝি হাঁশ হল, কথা বাড়ানোয় তাঁরই ক্ষতি—মোতাত চটে যাবে, তাড়াতাড়ি চুকিয়ে দেওয়াই ভাল। বললেন, আটের কোঠার শেষাশেষি—অষ্টাশি কি উননব্বুই।

কী সর্বনাশ !

চিৎরগুপ্ত আঁতিকে ওঠে। এমন বেয়াড়া রকম বাঁচলে আত্মার দুর্ভিক্ষ হবে ছাড়া কি ! বলেই ফেলল, এদিনে তিন বার অন্তত মরা উচিত।

কর্তা বলেন, মরা কি আমার হাতে ?

আপনার হাতে বই কি ! ধরুন, দোতলার ছাতে উঠে আলশের উপর থেকে হাত-পা ছেড়ে যদি রাস্তায় পড়েন। এ বয়সে ধকল সামলাতে পারবেন না, নির্ধাত মরবেন।

কর্তা বললেন, উঠব কেমন করে ছাতে ? হাটের দোষ—সিঁড়ি ভাঙতে গেলে বুক ধড়ফড় করে।

তবে রাস্তায় নেমে লরি চাপা পড়ুন গে। ড্রাইভারগুলোর পাকা হাত—তিনটে চারটে একসঙ্গে চাপা দিয়ে সাঁ করে বেরিয়ে যায়। কাজখানিও এমনি নিখুঁত, মানুষগুলো রাস্তার ওপরেই থতম। হাসপাতাল অবধি বড় যেতে হয় না।

কর্তা করুণ কণ্ঠে বলেন, গাঁটে গাঁটে বাত—মাটিতেই পা ছোঁয়াতে পারিনে, রাস্তা অবধি কেমন করে যাই ? হাড়গোড়-ভাঙা দ হয়ে পড়ে আছি, দেখতে পাও না ? সাত-সাতটা বছর এই অবস্থা।

কথা-কথান্তরে মোতাত কিছু চটে গিয়ে থাকবে। কোটো খুলে আফিমের

একটা বড়ি তিনি মুখে ফেলে দিলেন। আশায় আশায় চিত্রগুপ্ত বলে, এক তাল আফিমই তবে খেয়ে নিন না। হাতের কাছে রয়েছে—কষ্ট করে উঠে বসতেও হবে না, শুয়ে শুয়ে কাজ হয়ে যাবে।

আফিমের আকাল চলছে, জানো না বুঝি? লাড্ডু সাইজের খেতাম, মালের অভাবে এখন সরষে প্রমাণ ধরেছি। কে হে তুমি এ বাজারে এসে তাল তাল করমাস দিচ্ছ?

লোলুপ চোখে কর্তা তাকিয়ে পড়লেন চিত্রগুপ্তের দিকে : এই ক'টা বছর কায়ক্বেশে বাঁচতে পারলে হয়। বলি ঘাঁত-ঘোঁত আছে নাকি জানা? দাঁও না কিছু মাল জুটিয়ে।

অহুরোধের জবাব না দিয়ে কোঁতুহলী চিত্রগুপ্ত প্রশ্ন করে : কি হবে এই ক'টা বছর পরে?

সমস্ত হবে—কল্পতরু হয়ে যাবে আমাদের সরকার। চাল-চিনির পাহাড়, দুধ-সর্ষের তেলের সমুদ্র। ষষ্ঠ প্লানের শেষাশেষি কোন-কিছুর অনটন থাকবে না, কর্তারা কসম খেয়েছেন। বাইশ বছর কষ্ট করেছে, আরও না-হয় দশ বারোটা বছর। সে তো দেখতে দেখতে কেটে যাবে!

নাঃ, বুড়োহাবড়া দিয়ে হবে না। বেশি দিন বেঁচে বেঁচে অভ্যাসে দাঁড়িয়ে গেছে—পুরানো অভ্যাস ঘোচানো কঠিন। তেড়েফুড়ে চিত্রগুপ্ত এবারে ঘুরানো সিঁড়ি বেয়ে লোতলায় খুদ লেখকের কাছে গিয়ে উঠল। ছটকো বয়স—মরলে এরাই মরতে পরে। মরেও তাই—ভাল কাজে, এবং মন্দ কাজেও।

কুহর খবর জানো?

প্রশ্নটা লেখকের কানে যায় না, কানে যাবার সময় নয় এখন। পূজোর লেখার চিন্তা। আঙুল টনটন করছে, মাথা ফোঁপরা—যা-কিছু ছিল, ছাড় করিয়ে দিয়েছে ছ'টা উপগ্রাস ও পুরো ডজন গল্পে। তবু লিখতে হবে, না লিখে পরিজ্ঞান নেই, ইঁ করে বসে আছে সব। পাকেপ্রকারে শাসিয়েও গেছেন কেউ কেউ : বিজ্ঞাপনে নাম ছেপে বসে আছি—লেখা না দিলে কোর্টে দাঁড়াতে হবে কিন্তু।

নাছোড়বান্দা চিত্রগুপ্ত কানে না ঢুকিয়ে ছাড়বে না। বলে, তোমার কুহর যে উড়ছে।

মুখ না তুলে লেখক অন্তমনস্কভাবে বলে, আগরতলা না এর্নাকুলাম? আমায় ঘেন বলেছিল মাসতুত না পিসতুত কি রকমের দাদা আছে ঐ ঐ জায়গায়।



‘অদূর নয়, এই শহরের ভিতরেই। ভেবে ভেবে তুমি মাথার চুল ছিঁড়ছ, ট্রামে-বাসে সিনেমা-রেষ্টোরাঁয় দিব্যি সে উড়ে উড়ে বেড়াচ্ছে।

এ হেন মর্ম-ছেঁড়া সংবাদে লেখক খুব যে বিচলিত হয়েছে, মনে হয় না। কলম তুলে আঙুল মটকে তাকাল সে একবার।

বিশ্বাস হয় না? বেশ, মেট্রোর সামনে গিয়ে দাঁড়াও গে—শো ভাঙলে দেখতে পাবে, সোমের সঙ্গে গলাগলি হয়ে বেরুচ্ছে।

লেখক বলে, বিশ্বাস-অবিশ্বাসের কথা এখন নয়। দশটা লেখার দাদন নিয়ে বসে আছি। লেখাগুলো হয়ে গেলে তখন একদিন আসবেন, ভাল করে শুনব।

তদ্দিনে বেহাত হয়ে যাবে তোমার কুছ—

তাচ্ছিল্যের স্বরে লেখক বলে, কুছ গেল তো দেবিকা, চন্দ্রলেখা, চন্দ্রিকারা সব রয়েছে। ভিন দেশেরও আছে—আকরোজা, ফিলোমেলা। ট্রাম একটা চলে গেলে আমি পিছনে ছুটিনে, পিছনে কত কত আসছে!

সময়ের আর অধিক অপব্যয় না করে লেখক ঘাড় নামিয়ে খসখস করে কলম চালাতে লাগল।

ছিঃ ছিঃ, প্রেমের মাহাত্ম্য শুধু কাগজে-কলমে! নিজের বেলা দিব্যি কেমন হাত ঘুরিয়ে দিল। গল্পের মধ্যে হতাশ-প্রেমিক ডজন-ডজন তুমি বধ করে ফেল—হিটলারের গ্যাস-চেম্বারও হার মেনে যায়। গল্পের চরিত্র মরে গিয়ে ভূত হয় না যে—টের পেতে তা হলে বাছাধন! গল্পের ভূত লেলিয়ে দিতাম, দলবদ্ধ হয়ে এসে ঘাড় মটকে যেত তোমার।

রাগে গরগর করতে করতে চিত্রগুপ্ত যমলোকে ফিরল। যমদূতরাও শ’য়ে শ’য়ে ফিরে এলো সর্বদেশ থেকে। একই খবর—আপসে কেউ মরবে না ছোটো-চারটে হটকো ছোড়া-ছুঁড়ি ছাড়া। ভাল ভাল বচন ছাড়ে : মরণের শতপথ খোলা—মরণ মানেই পরাজয়। বাঁচা মানে শতেক সংগ্রামে জয়ী হয়ে বর্তমান থাকা। কবিতা আওড়ায় আবার : ‘মরিতে চাহিনা আমি সুন্দর ভুবনে।’ আরে বাপু, সে যখন ছিল তখন ছিল। কবিগুরু বেঁচে থাকলে ভুবনের নতুন চেহারাটা দেখে কবিতার লাইন স্বহস্তে পালাটে দিতেন। কিন্তু শুনছে কে! হাত ঘুরিয়ে সবাই পথ দেখিয়ে দেয়। এক তাগড়া মেয়ে পায়ের শ্যাওলে তুলেছিল, যমদূত তখন পালানোর দিশা পায় না।

যমরাজ আর চিত্রগুপ্ত মুখোমুখি বসে গালে হাত দিয়ে চিন্তা করছেন। আত্মার দুর্ভিক্ষ ঠেকানোর উপায়টা কি?

মাথা খুলে গেল হঠাৎ—চিঞগুপ্তেরই। বলে, ভেজাল—

একটুখানি ভেবে নিয়ে কণ্ঠে জোর দিয়ে বলে, অব্যর্থ যাওয়াই। রামা-  
শ্রামা ইতরজনদের কাছে যাওয়া ভুল হয়েছে—যেমন আছে থাকুকগে, ওদের  
ঘাঁটা দিয়ে কাজ নেই। দূতরা চলে যাক এবারে সেরা সেরা লোকের  
কাছে—যারা মাহুফ্যাক্‌চার, বিজনেস-ম্যাগনেট। পাইকার-দোকানদার-  
গুলোকেও চোখ টিপে আসবে। প্লানটা লুফে নেবে ওরা। দুধে নর্দমার  
জল, চায়ে চামড়ার কুচি, চালে বাকর, ওষুধে ময়দা ময়দায় তেঁতুল-বীচি- এ  
সমস্ত বহু-পরীক্ষিত পুরানো রেওয়াজ—কালের বাচ্চাটা অবধি জানে।  
চুমুরে দিলে মাথা আরও কত শত নতুন মশলা বের করবে। ভেজাল থেয়ে  
কতকাল মাহুফ ‘সুন্দর ভুবন’ আঁকড়ে ধরে থাকে, দেখা যাক।

প্রশ্নাবটা উন্টেপাটে ভাল করে বিবেচনা করে দেখে যমরাজ সায় দিলেন :  
মন্দ বলো নি—কাজ হতে পাবে।

পরমোৎসাহে চিঞগুপ্ত বলে, ভি. আই. পি. রাজপুরুষের কাছেও দূতরা  
যাবে। জেনেগুনে তাঁরা যাতে চোখ বুঁজে থাকেন। তা থাকবেন নিশ্চয়ই  
—কাজটা আসলে তাঁদেরই তো। ফ্যামিলি প্লানিং চালিয়ে ফলের আশায়  
ভবিষ্যতের পানে হাঁ করে তাকিয়ে থাকতে হয়—ভেজালে তড়িঘড়ি ফলপ্রাপ্তি।  
ঠিক মতন চালু হলে জনসংখ্যা তরতর করে নেমে আসবে।

যমরাজ ভাবছিলেন। তাঁর মাথায় সহসা আলাদা এক প্লান চাড়া দিয়ে  
উঠল। বলেন, নরলোকে থাকে ভেজাল দিক—আমরাও এদিকে আত্মার  
ভেজাল চালিয়ে যেতে পারি। মাহুফ-আত্মার আকাল তো ভ্রূণের মধ্যে  
গন্ধ-গাধা নেড়িকুত্তা-পাতিশিয়ালের আত্মা ঢুকিয়ে যাও। সাপ-ছাঁচো কেয়ো-  
বিছেতেই বা দোষ কি? বায়ুভূত নিরাকার জিনিস—ভাল রকম মিশাল  
করে করে দিও, বুড়ো ব্রহ্মার পিতামহও ধরতে পারবে না।

সেই জিনিস চলছে। নরসমাজে ইদানীং এত যে জন্তু-জানোয়ার কাট-  
পতঙ্গের প্রাচুর্ভাব, গুচ রহস্য এইখানে।

## ওনারা

চেনাজানা নেই বলেহ ভ্রান্ত ধারণা নিয়ে আছেন। মাহুফের সঙ্গে বিরোধ  
নাকি ওনাদের—মাহুফ কিসে জন্ম হয়, সেই ফিকির সর্বদা। গাঁ-গ্রামের  
মাহুফ আমরা কিন্তু বলি উন্টো কথা : অতিবড় বুদ্ধ আমাদের। আমরা  
না মানলেন, রমণী দাসীকে আলবৎ মানবেন—খাল-বিল জল-জাঙাল, বলতে

গেলে, গোটা জিভুঘনই যার পায়ের তলে। নটবর চৌকিদারকেও মানতে হবে—নীল-জামা গায়ে চড়িয়ে মাথায় পাগড়ি পরে কোমরে চাপড়াশ এঁটে নিশিভোর যে গৃহস্থ সামাল দিয়ে বেড়ায়।

রাত বাড়ে। আসর ছেড়ে দিয়ে আমরা তো শয্যা নিলাম, ওনাদেরই তখন চলাফেরা কাজকর্ম রক্তরসিকতা। চিরকাল পাশাপাশি থেকে দহরম-মহরম দস্তুরমতো আমাদের উভয় তরফে। ঝগড়া-কচকচি কি আর হয় না—একসঙ্গে থাকতে গেলে সময় বিশেষ একটু-আধটু হবেই। দুটো ঘটি-বাটি এক জায়গায় রাখলে ঠোকাঠুকি হয়ে যায়, এ তবু—

এই দেখুন, উপমায় ভুল হয়ে যাচ্ছিল। বলতে যাচ্ছিলাম ‘এ তবু মানুষ’—টোক গিলতে হল। একপক্ষ আমরা মানুষই বটে, কিন্তু দেহের জেলখানা থেকে ছাড় পাবার পর ওনারা আমাদের সঙ্গে এক-ব্রাকেটের অন্তর্ভুক্ত কেন হতে যাবেন! এবং দেহ বাতিল করে বায়ুভূত অবস্থায় যখন আছেন, ঠোকাঠুকিই বা কেমন করে হবে?

চটে যাচ্ছেন—নাম না ধরে ‘ইনি’ ‘উনি’ বলে অত খাতির কিসের? আজ্ঞে ই্যা, নাম করতে নেই। সাহসে কুলায় না, কবুল জবাব দিচ্ছি। ছা-পোষা গৃহস্থমানুষ, ক্ষমতা দেখলেই ‘আজ্ঞে’ ‘আজ্ঞে’ করি আমরা—লুকোছাপা নেই। বাদাবনে ঢোকার সঙ্গে সঙ্গেই বাঘ আর নেই—তিনি হলেন ‘বড়মিঞা’। বউদেরও দেখুন না। গাঁয়ের পুরুষ অস্ত্রাঙ্গি প্রতাপশালী—ভদ্রলোক কিংবা জ্রীলোক হয়ে যায়নি। কোন বউ সেই কারণে স্বশর-ভাস্বর বা বরের নাম ধরবে না। মরে গেলেও না। দক্ষিণ-বাড়ির মেজোবউর অস্থখ হলে ধনঞ্জয় কবিরাজ অস্থখ দিয়ে গেলেন। বড়জা জিজ্ঞাসা করে : অস্থপান কি দিল রে মেজো. অস্থখ কি দিয়ে খেতে হবে? মেজোবউ বলল, ভাস্বরের রস আর আমার তেনার ছিটে। বুঝলেন কিছু? তুলসীপাতার রসে অস্থখ মেড়ে মধু ছিটিয়ে খেতে হবে—কবিরাজের নির্দেশ। কিন্তু তুলসিচরণ হলেন ভাস্বর এবং মধুসুদন স্বামী। নাম করবার জো নেই, ঠারেঠোরে বলতে হল।

হাসছেন, কিন্তু আপনারাই বা ক। ক্ষমতাবানের নাম ধরেন আপনারা, বলুন। পুঁটিরাম দাস স্বদেশি সভার চেয়ার-বেঞ্চি বয়ে এবং কাররাইড জেলে দিয়ে বরাবর দেশের কাজ করে এসেছে। স্বাধীনতার পরে তালেগোলে সে-ও এক মন্ত্রী। আপনাদের মুখে তখন আর পুঁটিরাম নেই—এইচ-এম অর্থাৎ অনারেসবল মিনিস্টার। বাতে অধঃ হয়ে সেই পুঁটিরামের মন্ত্রিস্থ গেল তো রাজ্যপাল হবার তব্বিরে লাগল। আপনারাও সঙ্গে সঙ্গে ‘হিজ এক্সেলেন্সি’

জিভে শড়গড়ো করতে লেগেছেন। তব্বিরে কিন্তু কাজ দেয় নি, বাতের ব্যথা নিয়ে ঘরে ফিরতে হল তাকে। এবং ঘুরে-ফিরে, সেই ‘পুটিরাম’ও নয়— ‘পুঁটে দাস’ এবারে।

গাঁয়ের পূর্বদিকে তেপান্তর বিল। এখানে-সেখানে খানিক খানিক উচু জায়গা—দ্বীপের মতন। একটা জায়গার নাম বামুনভিটা—কোনো এক কালে ব্রাহ্মণের বাসভিটা ছিল সম্ভবত। পুকুর ছিল, ভরাট হয়ে গিয়ে এখন ক্ষুদ্র ডোবা। আর বেল ও তেঁতুলগাছ কয়েকটা, কালকান্দে তাঁট বৈচি ও শ্রাওড়ার জঙ্গল। আর আছে অতি-বিশাল এক বট—ঝুরির ঠেকনো দিয়ে বিস্তর কাল ঝড়ঝাপটা ঠেকিয়ে আসছে। সর্ব অঞ্চল থেকে এই বটগাছ দেখতে পাবেন। যত তুখোড়ই হোন, বিলে নেমে পথ ভুল হবেই—বটগাছ তখন নিশানা। বটতলায় দাঁড়িয়ে দিক সাব্যস্ত করে নেবেন। চাষবাসের মরশুমে ভর দুপুরে লাঙল ছেড়ে চাষীরা বটের ছায়ায় শুয়ে বসে জিরায়, হালের গরু ডোবায় নেমে জল খায়। দিনমানে এই—সন্ধ্যার পরেও নিশানা বটগাছ। তুলেও কিন্তু তখন বামুনভিটা মাড়াবেন না—খবরদার! ওনাদের আস্তানা - হাই তুলে গা-ঝাড়া দিয়ে এইবারে সব ভুঁয়ে নামছেন, বিষয়কর্মে বেরোবেন। নিতান্তই আপনার যাবার প্রয়োজন তো দু-তিন রশি অন্তত ঘুরে-দূরে যাবেন।

কত শতবার বামুনভিটায় গেছি—বটের ডালে ডালে যত পাতা তত বাহুড়। সারা দিনমান নিঃসাড়ে ঝুলে থাকে, সন্ধ্যা হলে সম্বিত পায় যেন লহসা—কালো পাখায় অন্ধকারের গায়ে ঝাপটার পর ঝাপটা মেরে চতুর্দিকে গাঁ-গ্রামে চরতে বেরোয়। নটবরের মতে বাহুড়ই নয় আদপে—ছলা-কলা ওনাদের, দিনমানে বাহুড়মূর্তি ধারণ করে থাকেন। স্বচক্ষে নটবর একদিন মূর্তি-বদলও দেখে ফেলেছিল—লহমায় বাহুড় বিকটাকার হল। সেই-তিনি ঠাহর পেয়ে রেগেমেগে বললেন, দেখলি বুঝি? যে চোখে দেখেছিল, সেই চোখ দুটো খুবলে তুলে নেবো, দাঁড়া। নটবর ডরাতে যাবে কেন, অষ্টবন্ধন সেরে নিয়মবস্তুর তাগা-তাবিজ ধারণ করে তৈরি হয়ে বেরিয়েছে। বলল, ক্ষমতা থাকে চলে আহ্নন না, কে কার চোখ খুবলে নেয় দেখি। বেগতিক বুঝে উনি তখন সরে পড়লেন।

বামুনভিটার ডোবাটা হল আলচোরাদের আড্ডা (সংক্ষেপ করে আপনারা আলেয়া বলে থাকেন)। রাজি হলে জলতল থেকে উঠে গা-ঝাড়া দিয়ে সারা বিল গড়িয়ে গড়িয়ে বেড়ান। কালো রঙের মস্ত মস্ত হাঁড়া (রমণী দাসীর রূপ-বর্ণনা—হাঁড়ি অতিকায় পুংলিঙ্গে ‘হাঁড়া’ নাম নিয়েছে) —

নিখাস নেবার কারণে মুখগহ্বর কণে কণে হাঁ হয়ে পড়ে, ডক করে আঙনের হলকা বেরিয়ে আসে অমনি। মুখ বুঁজলে আবার অন্ধকার। ভীতু লোকে বদনাম রটায়, নাকি পথভ্রান্ত পথিককে আলোর ধাঁধায় ফেলে জলার দিকে নিয়ে ঘাড় মটকে রক্তপানের মতলব। বিলকুল মিথ্যে—আমার ভাইবির কাছে শুধুনগে যান, প্রশংসায় সে পঞ্চমুখ—

বর্ষা-রাজে একবার ডিঙিনোকায় বিল পাড়ি দিয়ে বাপের বাড়ি আসছে, পথ ঠাহর পাচ্ছে না—দপ করে আলো জ্বলল দূরে। ঐ তো, গ্রাম তবে ঐদিকে—দ্রুত বোটে বেয়ে সেইখানটা এসে দেখল, কোথায় কী, নিঃসীম জলরাশি কেবল। এবং দূরে আবার আলো দপ-দপ করছে। মাঝি বলল, গতিক ভাল নয় দিদিমণি, ধ্বজি পুঁতে এখানেই থেকে যাই। নির্ভীক ভাইবির গুল না : চিরকাল ওনাদেরই আশ্রয়ে আছি, আমাদের সঙ্গে কেন গোলমাল করবেন ? চলো মাঝি, কোন চিন্তা নেই। চলতে হল হুকুম মেনে। সেই জায়গায় পৌঁছানোর পর আর কোনো দিকে নতুন করে আলো জ্বলে না। নিরিখ করে দেখা গেল, গাছগাছালির ফাঁকে দক্ষিণ-বাড়ির চিলেকোঠা। এসেই গেছি তবে তো—ওনারাই পৌঁছে নিয়ে গেলেন।

জাতবেজাত আছে দস্তুরমতো, মরে গিয়েও মাছুষ জাত ছাড়ে না। ব্রাহ্মণ যিনি ছিলেন, এখনো বর্ণশ্রেষ্ঠ ওনাদের মধ্যে—ব্রহ্মদৈত্য। ব্রহ্মদৈত্যও একটি নাকি আছেন বামুনভিটায়—খাঁর নামে বামুনভিটা, হয়তো বা তিনিই। বারোয়ারি নিবাস বটগাছে সকলের সঙ্গে থাকতে নারাজ বলে পবিত্র বেলগাছ একটা তাঁর জন্তে। খবধবে পৈতে ঝুলিয়ে খড়ম খটখট করে এঁটোকাঁটা এড়িয়ে নিশিরাতে সতর্ক পদক্ষেপে বিচরণ করছেন—এমনি অবস্থায় নটবর বছবার দেখেছে তাঁকে।

বাস্তাসাপ থাকে—সেকালে দক্ষিণ-বাড়িতেই একটি ছিল শুনেছি। খুব সহিষ্ণু—অন্ধকারে না দেখে ঘাড়ের উপর পা চাপিয়ে দিলেও কিছু বলত না। বাচ্চা ছেলেপুলে বড় প্রিয়, ঘুমন্ত শিশুর মাথার উপরে ফণা তুলে পাহারা দিত। সাপ ফণা মেলে রয়েছে, কার সাধ্য কাছে এগোয় ! গর্ভধারিণী মা পর্যন্ত সাহস পান না। কাকুতিমিনতি করেন : খোকন দুধ খাবে, ছেড়ে দাও মা এবারে। ফণা নামিয়ে ধারে ধারে সাপ গর্ভে ঢুকে গেল। পরের দিন মনসাতলায় দুধ-কলা দিয়ে গিলি আরও খুশি করে এলেন। খুশি ছিল সত্যিই সে গৃহস্থর উপর। মণিমাণিক্য কোথায় থাকে, সাপদের জানা—মাথায় কেউ কেউ মণিধারণ করেও বেড়ায়। জনশ্রুতি, একটা মণি দক্ষিণ-বাড়ির কর্তাকে দিয়েছিল। গাঁয়ের মধ্যে প্রথম দোতলা পাকাবাড়ি উঠল সেই মণি বিক্রির পরসায়।

রাগও তেমনি প্রচণ্ড। সাবরেজিস্ট্রারবাবু বিলে পাখি শিকার করতে এসে দক্ষিণ-বাড়ি উঠেছিলেন। সাপে ব্যাঙ ধরেছে, ব্যাঙ কাতরাচ্ছে—সাবরেজিস্ট্রার বন্ধুকের কুঁদো দিয়ে ঘা মারলেন সাপের মাথায়। ব্যাঙ ছেড়ে সাপ পালিয়ে গেল। কর্তা বললেন, সর্বনাশ করেছেন মশায়—কাঁকে ঘাঁটা দিলেন, জানেন না। সাত ক্রোশ দূরে মহকুমা-শহরে ফিরে গেছেন সাবরেজিস্ট্রার, সন্ধ্যার পর ক্লাবে গিয়ে পাশায় বসেছেন। সাপ খোঁজে খোঁজে ঠিক চলে গেছে। একে-বেকে সকলকে বাদ দিয়ে সাবরেজিস্ট্রারের পিঠের উপর ছোবল দিল, শত চেষ্টাতেও সে বিষ সাহায্য হল না।

মারা যাবার পরে মেজোবউও অমনি বাস্তু জুড়ে ছিল। দক্ষিণ-বাড়ির অবস্থা পড়ে গিয়েছে তখন, দোতলা কোঠাবাড়ি থসে-গলে পড়ছে। মেজোকর্তা মধুসূদন নড়াল-এস্টেটের নায়েব—সদরে থাকেন, বাড়ি কালেভদ্রে আসতে পান। এই সময়ে তৃতীয় কণ্ঠা সুরি অৰ্ধাৎ সুরবালার বিষে ঠিক হয়ে গেল মাছনার বনোয়ারী দস্তর ছেলের সঙ্গে। চার-পাঁচ মাস হাতে রেখে লগ্নপত্র পাকা করেছেন, আয়োজন এই সময়ের ভিতরে সম্পূর্ণ করে ফেলতে হবে। টাকাকড়ি যখন যা জোগাড় হয়, বাড়ি এসে মেজোবউর কাছে রেখে যান।

এক বুড়োমাসুষ একদিন অতিথি হয়ে এলেন। বড়বউ বাপেরবাড়ি গেছে, মেজোবউ গিন্নি আপাতত। বউটা ভাল, অতিথি-অভ্যাগত এলে খুব যত্নাঙ্গি করে। আপ্যায়নে বৃদ্ধ গলে গেলেন একেবারে, শতেক বার মা-মা করছেন। আহারাদি অস্তে চলে যাবার মুখে মেজোবউকে ডেকে চুপিচুপি বললেন, কিছু গয়না আছে আমার সঙ্গে। একজনে বেচতে দিয়েছে, বেচে দিলে কিছু কমিশন পাব। ক্ষিপের মুখে অন্ন দিয়েছ মা, তুমি যদি নিতে চাও সস্তা দরে দিয়ে দেব। গল্প অবধি তা হলে আর যাইনে।

চোখ টিপে বললেন, ধর্মপথের জিনিস নয়—বুঝতেই পারছ। দশ-জায়গায় যাচাই চলে না। এর বেশি আর দর উঠল না—সেই মাসুষকে গিয়ে বলব। বাস, খতম।

গামছার পুঁটলি খুলে গয়না দেখালেন। বালা-তাগা-বিছেহার—ভারীসারি জিনিস, তবে প্যাটার্ন সেকলে—ভেঙে নতুন করে গড়াতে হবে। কুড়িয়ে-বাড়িয়ে মেজোবউর কাছে ষাটটি টাকা হল, মহদাশয় বৃদ্ধ তাতেই দিয়ে দিলেন। ষাট টাকায় নেহাতপক্ষে দেড়-শ টাকার জিনিস—দাঁও-মারা দস্তরমতো। বোকাসোকা বলে মেজোবউকে মেজোকর্তা বিক্রপ করেন—বাড়ি এলে এইবারে জিজ্ঞাসা করব : কেমন ?

তৎপূৰ্বেই বড়জা বাপেরবাড় থেকে ক্বিরে একেবারে বলিয়ে দিল :  
দৰ্শনাশ করেছে মেজো, ভালমাহুষ পেয়ে তোমায় ঠকিয়ে গেছে ।

অমন মুনখশির মতন চেহারা, প্রতি কথায় একবার করে ‘মা’ বলে  
নেন—হতে পারে তাই কখনো ! গল্প থেকে শ্রাকরা ডেকে এনে কষ্টী ঠুকে  
দেখা হল । সোনা-ই নয়—কোন সন্দেহ নেই আর । কতাদায় মোচনের  
জন্ত দরিত্র মধুসূদনের তিলে তিলে সঞ্চয়ের টাকা—পাখি যেমন ঠোটে করে  
খড়কুটো বয়ে বয়ে আনে । যা রাগি মাহুষ—বাড়ি এসে কুড়াল নিয়ে বউয়ের  
মাথায় মেরে বসবেন, অথবা নিজের মাথায় ।

সেই বাড়ি আসা অবধি মেজোবউ সবুর করল না । তিনমাসের ছেলে  
কোলে । শেষরাতের দিকে ছেলে বিষম কান্না কাঁদছে, গলা শুকিয়ে উঠেছে  
হুখের জন্ত । ওঘর থেকে বড়বউ উঠে এসে দরজা ঝাঁকচ্ছে : মরে যুচ্ছ  
নাকি মেজো, শুনতে পাও না ? খাঙ্কা দিতে জানলার কবাট খুলে গেল,  
টাদের আলো পড়ল ঘরের মধ্যে । মেজোবউ শূঁছে ঝুলছে—ছাতের কড়ির  
লগ্নে শাড়ি বেঁধেছে, ভিন্ন প্রাস্ত নিজের গলায় ।

বাইরে রটনা, ভেদবমি হয়ে মেজোবউ মারা গেছে । আত্মঘাতী হয়েছে,  
থানায় টের পেলে দেহ সদরে চালান দেবে কাটাকুটির জন্ত । বাড়ির লোক  
নিয়ে টানাহেঁচড়া করবে । বিস্তর হাঙ্গামা ।

সেই থেকে আজব কাণ্ড । মেজোবউ বাড়ির মায়া ছাড়তে পারলেন  
না । নিজের কোলের ছেলে বলে নয়, জায়েদের ননদদের যাবতীয়  
ছেলেপুলের দেখাশুনো তদ্বিষ-তদারকের দায় তাঁর উপর । দিনমানে পারেন  
না, সন্ধ্যার পর থেকে । সেই তো বিস্তর । মেজোর উপর দায় চাপিয়ে  
বউরা নিশ্চিন্তে রান্নাঘরে থাকে রাত হুপূর অবধি । আসবার মুখে আলো  
নিভিয়ে ঘর অন্ধকার করবে, এই খেয়ালটুকু থাকে যেন । দরজা খোলা  
থাকুক বা বন্ধ থাকুক, যায় আসে না । বাচ্চা ঘামছে তো মেজো অমনি  
তালপাতার পাখায় হাওয়া করবেন । দোলনায় আছে তো দোল দিচ্ছেন  
যুহু যুহু, গায়ে মাথায় হাত বুলাচ্ছেন । এ সমস্ত উকিঝুকি দিয়ে দেখেছে  
বাড়ির লোক । গোড়ায় ভয়-ভয় করত, এখন সোয়াস্তি । কি-চাকর দুর্লভ  
আজকাল । যদিই-বা মেলে, শতক বায়নাঙ্কা সে-মাহুষের । মাইনে দশ  
টাকা, চারবেলা খাওয়া, বছরে চারখানা কাপড় এবং হাটবাজারের ষোলআনা  
দায়িত্ব । এই শেষেরটা অতি-অবশ্য—কারণ কে না জানে ! তার উপরেও  
আছে—আজ নিজের অস্থখ, দু-দিন বলে গেল তো বিশ দিনের আগে দেখা  
নেই । মেজোকে নিয়ে খরচ-খরচা ঝঙ্কি-ঝামেলা কিছুমাত্র নেই । দোতলা

একতলা অথবা টিনের-ঘরে ঘেন উড়ে বেড়াচ্ছেন—যেখানে যে বাচ্চা একটু কুক করে আওয়াজ দিল, চক্ষের পলকে মেজো অমনি তার পাশে।

হুরির বিয়ে। বনোয়ারী দস্ত তারিখ পিছানোর জন্ত বলেছিলেন—একটা গোমমেলে ফৌজদারিতে পড়েছেন, বিয়ে যেদিন মামলা ঠিক তার পরের দিন। কিন্তু মধুসূদনও কম ঘড়েল নন। দশের মুকাবেলা সিঁহুরে রাজমুণ্ডের ছাপ দিয়ে লগ্নপত্রে সই হয়েছে—সে বস্ত রেজেক্ট্রি-দলিলের বাবা। চুক্তির কোন অঙ্গের হেরফেরে রাজি নন তিনি, দলিল তাতে কেঁচে যায়। বাইরে অবশ্র করজোড়ে ছলছল-চোখে বললেন, আপনার সঙ্গে কুটুস্থিতের যার বড় সাধ, যে চলে গেছে। শরীর আমারও বেশ ভাল যাচ্ছে না। শুভকর্ম নিয়ে আলাদা কোন আদেশ করবেন না বেহাইমশায়। তা ছাড়া নেমন্তন্ন-আমন্তন্ন সারা—দিন পালটালে অপদস্থের কারণ ঘটবে। দু-হাত এক করে দুটো ফুল ফেলেই আপনাকে ছেড়ে দেবো—জোয়ার ধরে বেলা আটটার মধ্যে সদরে পৌঁছে যাবেন। মামলার কোন হানি হবে না।

অগত্যা তাই। বর-বরষাজীরা সব পৌঁছে গেছে। বনোয়ারী বিশেষ কয়েকটিকে বরষাজী করে নিয়ে এসেছেন, বিয়েখাওয়ার পরে বনোয়ারী-সঙ্গে একজু সদর চলে যাবে—ফৌজদারির সাফাই-সাক্ষি তারা। মধুসূদনের কাছে বনোয়ারী পরিচয় করিয়ে দিচ্ছেন : মস্ত দরের মানুষ এঁরা সব, আমার বড্ড আপন—বলেকয়ে অনেক করে এনেছি।

মধুসূদন তটস্থ হয়ে বললেন, আপন-জন আপনার—দরের কথা তবে আর আলাদা করে বলতে হবে কেন? এ-বাড়ির পরম ভাগ্য, এঁদের মতন মানুষের পদধূলি পড়ল।

বনোয়ারী অতঃপর আসল কথায় এলেন : মা-লক্ষ্মীর গয়নাগুলো এঁরা একটু দেখতে চাচ্ছেন। আমি সব বলে দিয়েছি—বেহাই আমার বনেদি বাড়ির শৌখিন মানুষ। মেয়ে তো চোখের মণি একেবারে—গয়না যা দেবেন, পাইতকের মধ্যে কেউ তা চর্মচর্মে দেখেনি।

শেখানো ছিল, লোকটা গড়গড় করে কথাগুলো বলে গেল : শুনেই তো লোভ বাড়ল মশায়। ঘরে অরক্ষণীয়া মেয়ে—পাজস্থ করতে হবে। আজকাল কোন প্যাটার্নের কেমন সব গয়না চলে, দেখব। কনের গায়ে উঠে গেলে তখন তো একঝলক একটুখানি চোখের দেখা। তাতে হবে না আমার, হাতে নিয়ে নেড়েচেড়ে জিনিসগুলো খানিক খানিক মুখস্থ করে নেবো।

এই কথার ভিতরেই মধুসূদন অজুহাত খুঁজে পেলেন : কনে সাজিয়ে ফেলেছে বেহাইমশায়রা, গায়ে তো উঠেই গেছে গয়না।



বনোয়ারী এবার কড়া হয়ে বললেন, গা থেকে তবে খুলে আনতে হবে—  
উপায় কি! বিশিষ্ট এঁরা সব দেখতে চাইছেন—ভিতরে মায়েদের বলুন  
গিয়ে, এ আবদারটুকু না রাখলে আমি অত্যন্ত অপদস্থ হবো।

শুকনো মুখে মধুসূদন ভিতর-বাড়ি চলে যান। যেখানে বাঘের ভয় সেইখানে  
লক্ষ্যে হয়। গয়নার কারসাজি ঘুঘু বনোয়ারী কেমন করে টের পেয়েছে। মরা-  
সোনার মিশাল আছে, আবার লগ্নপত্র অমুঘায়ী সোনা যে পরিমাণ দেবার কথা  
ওজননও তার চেয়ে কিছু কম। যুত মেজোবউয়ের উপর খাপ্পা হয়ে কলহ  
করেন : কাণ্ডটা ঘটালেন তো উনি। এ-বাজারে ষাট-ষাটটা টাকা গচ্ছা দিলেন  
—প্রাণদান দিয়েও তো ষাটটা পয়সা উত্তল হল না। ধরা-ছোঁওয়া এড়িয়ে  
মজাসে উনি সাড়াগাছে ঠ্যাং দোলাচ্ছেন—মব্ব শালারা এখন কানমলা খেয়ে।

জ্যেষ্ঠ ভুলদীচরণের পুত্র রাখালরাজ ডনবৈঠক করে—তাগড়াই জোয়ান।  
সে সাহস দিচ্ছে : গয়না নিয়ে দেখানগে কাকা, কী হয়েছে! বলি, বাড়িটা  
আমাদের না বনোয়ারী দস্তর? কে কার কান মলে, দেখা যাক।  
পরিবেশনের ছুতোয় ক্লাবের বন্ধুদের এনে আমিও মজুত করে রেখেছি।

তৈরি হয়ে এসেছেন বনোয়ারী সত্যিই। গয়না বৈঠকখানায় আসতেই  
এক বরযাত্রী চাদরের নিচে থেকে ওজননের নিক্তি বের করলেন চুড়িদার  
পাঞ্জাবির পকেট থেকে অপরে এক ঠুকনি-পাথর। রাখালরাজ অমনি  
বাঘের মতন লক্ষ দিয়ে পড়ে পাথর-নিক্তি কেড়ে ছুঁড়ে ফেলে দিল উঠানে :  
ভেবেছেন কি মশায়রা! কুটুস্থিতে করতে এসে কুটুস্থর মুখের কথায় বিশ্বাস  
নেই—পাথর ঠুকে ওজন করে দেখতে হবে?

সম্পূর্ণ নিঃশব্দ হয়ে বরকর্তাও এবারে নিভ্র-মূর্তি ধরলেন : মনে পাগ  
বলেই মেজাজ, সে কি আর বুঝিনে বাপু! লগ্নপত্রে আবদ্ধ আছি—নয়তো  
মা অপঘাতে মরেছে, সে মেয়ে অনেক আগেই বাতিল হত। বিদ্ধ চুক্তির  
খেলাপ আপনারাই করেছেন—শুভকর্ম আর হতে পারবে না। ফৌজদারি-  
ফারাক্কা হয় হবে—তিন নম্বর ঘাড়ে বুলছে, আরও না-হয় দু-এক নম্বর  
বাড়বে। কেয়ার করি নাকি?

ছেলের উপর হুকুম দিয়ে উঠলেন : উঠে আয় ফটিক, বিয়ে করতে হবে  
না! মালা-টোপর খুলে ফেল।

ফটিক তা-বলে কাঁচা-ছেলে নয়—মচ্ছব কদ্ধুর গড়ায়, শেষ পর্যন্ত না দেখে  
বরালন ছাড়ছে না। বনোয়ারী বড় বেশি ধমক-ধামক লাগালেন তো  
ফটিক নড়েচড়ে উঠল, দম ফুরিয়ে নরম হলেন তো সে-ও পায়ের উপর পা  
চাপিয়ে চেপে বলল আবার।

ধৈৰ্য হারিয়ে বনোয়ারী বললেন, পিতৃ-আজ্ঞা কানে ঢুকছে না? বলি, কানে ধরে ওঠাতে হবে নাকি এত লোকের মধ্যে?

রাখালরাজের বন্ধুরা পাণ্টা বলে ওঠে, পাড়া থেকে বর তুলে নেবেন—মাইরি আর কি! ধরুন আপনারা কান, আমরাও আর এক কান ধরি। কাদের কত জোর, পরখ হয়ে যাক।

এক ছোঁড়া বলল, পারবেন না মশায়। ইন্ধুলের মাঠের টাগ-অব-ওয়ারে এই সেদিনও আমরা জিতে এসেছি।

দাঁড়িয়ে পড়েছে রাখালরাজ ও বন্ধুরা, মালকৌচা আঁটছে। বনোয়ারীও গৌঁ ছাড়বেন না : মগের মূলুক পেয়েছে নাকি হে? গয়নাপত্তোর বরসজ্জা নগদ-পণ পাইপয়সাটি অবধি মিটিয়ে তবে বর ছুঁতে আসবে। নয়তো আলাদা সস্তার বরের তল্লাস করো। সময় আছে—শেষরাত অবধি লগ্ন—কানা-খোঁড়া মুখ্যস্থ মিলে যাবে যা-হোক কিছু।

ভ্রূক্ষেপমাত্র করল না কন্ঠাপক্ষীরে। দুই জোয়ান-মরদ দু-দিক দিয়ে ফটকের ডানা ধরে উচু করে তুলেছে। বলে, ঝগড়াঝাটির মধ্যে কেন থাকা! বর অগেই না হয় ছাদনাতলায় গিয়ে বসলেন। তাতে কোন দোষ হয় না। মেয়ের দলল আছে, ফটিনস্টি করবে—দিব্য সময় কেটে যাবে।

প্রস্তাব হতে না হতে—আরও বিস্তর তৈরি ছিল বাইরে, রে-রে করে বৈঠকখানায় ঢুকে গেল। হাত তো ধরাই আছে—চ্যাং ধরেছে কয়েকজন, কোমর ধরেছে, হুঙ ধরেছে—চ্যাংদোলা করে বরকে পাঁচিলের দরজা দিয়ে চক্ষের পলকে বাড়ির ভিতরে ঢোকাল।

বনোয়ারী হতভম্ব মুহূর্তকাল। তারপরে চোঁচাচ্ছেন : মস্তোব পড়িসনে ফটকে। খুন করে ফেললেও না। পিতৃ-আজ্ঞা—পিতা-স্বর্গ পিতা-ধর্ম—খেয়াল রাখিস।

এক ছোঁড়া খলখল করে হেসে বলল, সে বোকা যাবে। তাড়াতাড়ি বাড়ি গিয়ে আপনি বউভাতের বন্দোবস্ত করুনগে দত্তমশায়। বর-বউ যথাকালে গিয়ে পৌঁছবে, আমরাও সাথেসঙ্গে গিয়ে নেমস্তন্ন খেয়ে আসব।

ঘড়াং করে পাঁচিলের দরজায় হড়কো পড়ে গেল।

মধুসূদন গা-ঢাকা দিয়ে ছিলেন—এতক্ষণে আবির্ভূত হয়ে যাচ্ছেতাই গালি-গালাজ করছেন : হারামজাদা নছার ছোঁড়াগুলো—কাজের বাড়ি বলে এখন কিছু বলছি নে, ধরে ধরে আগাপাশুলা চাবকাব আপনাকে বলে রাখলাম বেহাই। আস্থন এইবারে আপনার ঐ সব আপনদের নিয়ে। জোয়ার এলেই তো বেরিয়ে পড়বেন—আগেভাগে চাট্টি লেবা লেয়ে নিন। জায়গা হয়েছে।

আগুনে আরও ঘুতাহতি। মুখের আড় রইল না বনোয়ারীর, ‘আপনি’ থেকে ‘তুমি’তে নেমে বললেন, তোমার জায়গার মুখে ইয়ে করি আমরা। চলো হে চলো—যতক্ষণ জোয়ার না আসছে, নৌকোতেই পড়ে থাকব। এখানে তিলার্থকাল নয়।

অন্তদের কিন্তু চনমনে ক্রিধে পেয়ে গেছে। ক্রোধও এতদূর প্রবল নয়। বলে, যেভাবেই হোক বেহাই তো হতে চলেছেন। ভদ্রলোকের এত আয়োজন নষ্ট হবে, এ-বাজারে মোটেই সেটা উচিত হবে না।

বনোয়ারী দত্ত আগুন হয়ে বললেন, বুঝতে পেরেছি। ঘাটের উপর উৎকৃষ্ট চিঁড়ে-মুড়ি বেগুনি-ফুলুরির দোকান। ছু-খানা শুকনো লুচি না ই বা চিবোলে! গণ্ডে-গণ্ডে গেলাবো তোমাদের ঘাটে নিয়ে। চলো—

গরু তাড়ানোর মতন বনোয়ারী তাদের তাড়িয়ে বের করলেন। রাখালরাজ অভয় দিয়ে বলে, কিছু ভাববেন না কাকা, আয়োজনের একটি কণাও ফেলা যাবে না। যতগুলো আমি এনেছি, গণে দেখুন। আরো সব ক্লাবে বসে তাস-পাশা খেলছে, খবর দিলে দুড়দাড় করে এসে ভাঁড়ারে যা-কিছু আছে চেটেপুঁছে শেষ করে দিয়ে যাবে।

পাঁচিলের দরজায় হড়কো পড়েছে, এবাবে সে ঢাউস তালা সংগ্রহ করে বৈঠকখানার দরজায় লাগাচ্ছে।

মধুসূদন বললেন, দক্ষিণ-বাড়ি দুর্গ বানিয়ে ফেলছ যে!

রাখালরাজ বলে, ঘাটের নৌকোয় নৌকোয় বিস্তর মাঝিমাল্লা। জেদাজেদির ব্যাপার হয়ে দাঁড়াচ্ছে—বলা যায় না কাকা, হয়তো-বা তাদেরই সব জুটিয়ে এনে হামলা দিয়ে পড়ল বর তুলে নেবার জন্তে। ঘাঁটি সামলে রাখা ভাল।

তারপরে আধঘণ্টাও হয়নি। রাখালরাজের ছোঁড়াগুলো কৌচা ছেড়ে ভদ্রলোক হয়েছে। বরকে ফিরে বসে সিগারেট ফুঁকছে, ইয়ার্কি-তামাসা করছে। হেনকালে পাঁচিলের দরজায় প্রবল কড়া নড়ে ওঠে। এবং দমাদম ঘা। কান পেতে বনোয়ারীর কণ্ঠও শোনা গেল: ছুয়োর খুলুন, ও বেয়াই-মশায়—

রাখালরাজ ফিসফিস করে বলে, যা বলেছিলাম কাকা। এসে পড়েছে। পুরুতঠাকুরকে এত করে বলছি, মস্তোর ক’টা পড়িয়ে তাড়াতাড়ি লাত-পাক ঘুরিয়ে দিন। তা যত বায়নাকা—সুতহিবুক বোগ নাকি পড়েনি এখনো। দলবল জুটিয়ে এসেছে—কী কুকক্ষেস্তোর বাধে এবারে দেখুন। সুতহিবুক ধুয়ে খাবেন তখন ঠাকুরমশায়।

ভিতর থেকে রাখালরাজ সন্তর্পণে সাড়া দিল : হল কি, আবার যে ফিরে এলেন ?

বনোয়ারী ব্যাকুল হয়ে বলেন, বলছি সব। দরজা খোল বাবা !

আজ্ঞে না। ভগ্নল দিতে এসেছেন আবার। বিয়েথাওয়া চুকে থাক, তারপরে দরজা খুলব। কাকার হুকুম।

বনোয়ারী বলেন, বিয়ে আলবত হবে। নিজের দাঁড়িয়ে থেকে বিয়ে দেবো। বিশ্বাস করো বাবা, বাপাস্ত-দিব্য করছি।

মধুসূদন থাকতে না পেরে বললেন, দরজা খোল রাখাল। বেয়াইমাহুষ এমন করে বলছেন—

বলতে বলতে নিজ-হাতেই দরজার হড়কো উঠিয়ে দিলেন। যেই মাত্র দরজা খোলা, হড়মুড় করে সব ঢুকে পড়ল। যত গিয়েছিল, ঠিক ততগুলো। বেশি নয়, কমও নয়।

মধুসূদন বললেন, হল কি বেয়াইমশাই, ঘাটে যাননি ?

যেতে আর পারলাম কই ? ছেলের বিয়ে চোখে দেখব না, মনের মধ্যে বড় খচখচ করতে লাগল। ভেবে দেখলাম, গয়না-টাকা অনিত্য জিনিস—আজ আছে কাল নেই। পরের মেয়ে আমার বউমা হতে যাচ্ছেন—তাঁর চোখেও আমি তো ছোট হয়ে যাচ্ছি। দশরকম এমনি ভেবে দেখে মান-অপমান অগ্রাহ্য করে ফিরে এলাম।

খাসা করেছেন। মেয়ের ভাগ্যি, মেয়ের বাপ আমারও ভাগ্যি।

কৃতার্থ হয়ে মধুসূদন শতকর্থে তারিফ করছেন। রাখালরাজকে বললেন, চাবি খোল বৈঠকখানার। আলো পাঠিয়ে দাও ওখানে। আর গড়গড়া। গসি গিয়ে আমরা।

কিন্তু দলবলের এবং বনোয়ারীর নিজেরও ঘোরতর আপত্তি : বিয়ে দেখব বলে দৌড়াঁপ করে এলাম। বৈঠকখানায় ঘটকপূর হয়ে বসতে যাব কেন ?

লগ্নের তো দেরি আছে—

তা হোক, তা হোক। এত মাহুষ রয়েছে, আমরাই বা কেন বাইরে যেতে যাব ?

ছানদাতলায় কোনক্রমে বনোয়ারীর একটু বসার জায়গা করা গেল। অন্তরে ভিড়ের মধ্যে খাড়া দাঁড়িয়ে। তবু বাইরে গিয়ে ভাল হয়ে বসবে না।

রাখালরাজ খপ করে জিজ্ঞাসা করে বলে : কাঁপছেন কেন তালুইমশায় ?

কাঁপছি বুঝি ? সর্বাঙ্গে দৃষ্টি বুলিয়ে নিয়ে বনোয়ারী নিঃশব্দ হয়ে হলেন : কাঁপছিই তো বটে ! কেমন যেন হঠাৎ শীত ধরে গেল।

বোশেখ মাসে নীত ?

হয় বাবাজী। সান্নিপাতিকের ধাত যে আমার।

রাখালরাজ বলে, এই যত আছেন সবাই তো কাঁপছেন—সকলের ধাত সান্নিপাতিক ?

মধুসূদন এই সময়ে এসে বললেন, বরসজ্জা সমস্ত দরদালানে সাজিয়ে দিয়েছে। দেখে আনন্দ একবার বেয়াই।

তাচ্ছিলোর ভক্তিতে বনোয়ারী হাত ঘুরিয়ে দিলেন : বরকনের ব্যাভারে লাগবে—দেখতে হয়, তারা দেখুক গে। আমার কী গরজ! বিয়ের অঙ্গে খুঁত না থাকে, মস্তোরগুলো নির্ভুল পড়ানো হয়, আমি দেখব শুধু তাই।

দতিয়, নির্ভা বটে বনোয়ারীর! তীক্ষ্ণ চোখে পুরুতের প্রতিটি কাজ দেখছেন, কান পেতে মস্তোর পড়ানো শুনছেন। হেরফের হলে কাঁক করে অমনি ধরেন : ছেলের না-হয় পরা বিয়ে। আমি নিজে তিন তিনটে বিয়ে সেবে এককর্মে ওস্তাদ হয়ে আছি ঠাকুরমশাই। রীতকর্ম সমস্ত মুখস্থ। পান থেকে চুন খসলেই ধরে ফেলব।

‘‘খাওয়াদাওয়া অন্তে বনোয়ারী মউজ করে তামাক খাচ্ছেন, আপনলোকেরা ঘিরে রয়েছে। মাঝি ঘাট থেকে বিয়েবাড়ি অবধি এসে তাগাদা দিচ্ছে : গোন লেগেলে দত্তমশায়—

হুঁ—বলে বনোয়ারী নাক দিয়ে মুখ দিয়ে ধূম উদ্গীরণ করতে লাগলেন।

মাঝি বলে, দেরি করলে জোয়ারের মধ্যে পৌঁছে দেবো কেমন করে ?

বনোয়ারী বিরক্ত হয়ে বলেন, গাঙের জোয়ার এই শেষ নাকি—আর আসবে না ?

মাঝি মিন-মিন করে বলল, ফৌজদারি-মামলা আছে বলছিলেন কিনা।

বনোয়ারী ক্ষিপ্ত হয়ে বললেন, ফৌজদারির ভয় কেউ যেন আমায় না দেখাতে আসে! তিন নম্বর ঝুলছে এখন মাথায়—কোন না আরও তিরিশ নম্বর কেটে বেরিয়ে এসেছি। ফৌজদারি ভাল-ভাত আমার কাছে। ঘাটে গিয়ে ঘুমোওগে মাঝি, কাল দিনমানে যাব।

রাখালরাজকে হাতের ইঙ্গিতে কাছে ডাকলেন : শোন। বেয়াইমশায়কে দেখছিলেন, তোমাকেই বলি। আমি বাপু তোমাদের ঐ তেপান্তরের বৈঠকখানায় শুতে পারব না। কত্ৰাপক্ষেরই তো কত লোকজন, তাদের নিয়ে শোয়াওগে। বাড়ির ভিতরে কোথাও একটা মাহুর ফেলে দিও, সেইখানে আমি পড়ে থাকব।

বনোয়ারীর আপনগুলির মধ্যে একটি বেশ কমবয়সি, গৌফ ওঠেনি ভাল

করে। তারই উপরে রাখালরাজ তাক করেছে, ঘন ঘন তাকে পান-সিগারেট খাওয়াচ্ছে। নিভৃতে নিয়ে বলে, বিয়েয় হাজির থাকবার জন্ত মন আপনাদের চনমন করে উঠল—ও-জিনিস তো শুধু-শুধু হয় না। পথে কিছু খেল দেখে ফিরেছেন জানি। আমরাও হরবণত দেখে থাকি। আজকের খেলটা কি, নতুন-কুটুম্বদের উপর কোন্ খাতিরটা হল, বলুন তো।

বলতে কি চায়! নাছোড়বান্দা রাখালরাজ পুরো এক প্যাকেট সিগারেট উজাড় করে দিয়ে তবে দুটো-চারটে কথা বের করল : সাংঘাতিক গ্রাম মশায়, থাকেন কি করে আপনারা? মোড় ঘুরতেই মস্ত বড় তালগাছ রাস্তার ঠিক মাঝখানটায়। এমন স্থানে তালগাছ কি করে জন্মায়—যাবার বেলা তো দেখতে পাইনি। এমনি সব কথাবার্তা হতে হতে বাঁশঝাড়ের পাশে এসেছি। সকলের সবগুলো চোখ একসঙ্গে ঝাড়ের দিকে—ঝড় নেই বাতাস নেই, বাঁশগাছ ভুয়ে পড়ছে আমাদের ঘাড়ে, কঙ্কিগুলো সপাং-সপাং করে গায়ে-পিঠে বেত মারছে। আগের মাহুষ দস্তমশায় তো চৌচা-দৌড়—। মাহুষটার কী দুর্গতি—আছাড় খেয়ে পড়লেন তো গড়াতে গড়াতে উঠে আবার দৌড়। পিছন ধরে আমরাও সব দৌড়ছি। বাঁশবন পার হয়ে ফাঁকায় এলাম। তারপরে যা কাণ্ড—

সিগারেটে হল না—গলা শুকিয়ে যাচ্ছে, জল চেয়ে নিল। ঢকঢক করে পুরো একটি গ্রাস খেয়ে বলে, লম্বা-খিড়িছে এলোচুল এক মেয়েলোক সামনেটায় এসে দাঁড়াল হু-দিকে হু-হাত বাড়িয়ে। হাত এক-একখানা কম-সে-কম পনের-বিশ হাত—বেডজালের মতন সব ক’টাকে আমাদের টেনে কোলের মধ্যে ফেলবে।

রাখালরাজ শুনতে শুনতে গম্ভীর হয়ে গেছে। অস্ফুট কণ্ঠে বলল, মেজো-কাকিমা—দেখতে হবে না!

গড় হয়ে সে প্রণাম করল মেজোবউয়ের নামে। বলে, বুদ্ধির ভুলে গয়নার টাকা গডবড় করে ফেলেছিলেন। রাগারাগি ঝগড়াঝাটি মিটিয়ে শেষ ভুলে দিলেন তিনিই আবার। মেয়ের বিয়ের কোন অঙ্কে খুঁত থাকতে দিলেন না।

## সত্য ঘটনা

চাকরি হল—ফ্যাসান-স্টোরশের সেলসম্যান। পড়াশুনায় সঙ্গে সঙ্গে ইস্তফা। যে কারণে পড়াশুনো, তাই তো হয়ে গেল। জীবনে আর বই ছুঁচ্ছি নে। কঠোর সঙ্কল্প।

মামাতো বোন চুমকির বিয়ে লাগল এই সময়টা। বড়মামি লিখেছেন : তুই না এলে কিছুতে হবে না। চাকরি তো চিরকাল আছে, চুমকির বিয়ে নিত্য নিত্য হবে না।

সঙ্গত কথা। ছোট বয়সটা তায় মামার বাড়ি কেটেছে আমার, বড়মামি মায়ের মতো করেন। ডাক্তারের সার্টিফিকেট বিনে ম্যানেজার ছুটি দেয় না। পাড়ার হোমিওপ্যাথি ডাক্তারও নামজ্ঞর—এম. বি., বি. এস.-এর সার্টিফিকেট চাই। তাঁরা আবার রেন্ট বাড়িয়ে চার টাকায় তুলেছেন। তাই সই, চুমকির বিয়ে এই একরারই। চারটে টাকা গচ্ছা গেল।

স্বস্ত্যটের পথ। চাঁদপাড়া অবধি ট্রেন। বাসে সেখান থেকে দোমোহানি-ঘাট। খেয়ায় পার হয়ে পায়ে-হাঁটা তারপর।

ভিল-খারণের জায়গা থাকতে বাস ছাড়ে না। সেই বাবদে বেশ খানিকটা দেরি হল। শ্রাবণ মাস। আকাশ মেঘে খমখম কবছে। হঠাৎ বা ঝুপ-ঝুপ করে বৃষ্টি। বাসের ছাতে যে মাছুষগুলো, বৃষ্টির ঝাপটা খেয়ে তারা ঝোড়ো-কাকের মতো। ভিতরে আমাদের সেদিক দিয়ে বাঁচোয়া, কিন্তু ভিড়ের চাপে জমে গিয়ে সবস্বচ্ছ একখানা নিরেট পাথর হয়ে আছি। মাঝে আবার বিলুপ্ত—একটা চাকা খুলে পগারে গড়িয়ে পড়ল। কপাল ভালো, উল্টে যায় নি বাস।

ড্রাইভার দেমাক করছে : লাইনের বাস, ছোটখাট এসব হবেই। কিন্তু কিন্তু উল্টোয় না কখনো। ঘা-ওঁতো খেয়ে জখম একটু-আধটু হতে পারেন, বড়-কিছু হবে না।

রগ-চটা এক প্যাসেঞ্জার এই মারে তো এই মারে : ভাঙা গাড়ি নিয়ে বেরোও কোন আক্কেলে ?

ড্রাইভারও সমান তেরিয়া। চাকা লাগাচ্ছিল, কাজ ফেলে কোমরের দু-দিকে দু-হাত রেখে কুখে দাঁড়াল : আসেন কেন গাড়িতে, মাথার দিব্যি কে দিয়েছে ? পায়ে পায়ে চলে গেলেই হত ! বাস চালু হবার আগে যেভোও লোকে তাই।

ধরে পেড়ে হু-তরফকে ঠাঙা করে ঘাটে পৌঁছলাম। বৃষ্টি-বাতাস চলছে মাঝে মাঝে—এক ঝাপটা বাতাস এগে; ছাতা উঠে দিল আমার, হু-তিনটে শিকও ভাঙল। জোর বৃষ্টি নামে তো চিত্তির—ভাঙা-ছাতায় ঠেকানো যাবে না। চাকার হাকামা ও ঝগড়াবাটিতে দেরি করে ফেলেছে। হুপূর নাগাত দোমোহানি পৌঁছানোর কথা—খেয়ায় উঠলাম, বেলা ডুবু-ডুবু তখন।

ওপারে পা দিয়েই জুতবেগে চলেছি। দৌড়ানো বলতে পারেন। এ তবু রাস্তাপথ—রাস্তা ছেড়ে অতঃপর কেশেভাঙার মাঠে নামব। গোলমেলে জায়গা—ছেলেবয়সে দাঁদিমার কাছে নানান গল্প শুনেছি। নটবর গুণীনও বলত। মাঠ পাড়ি দিয়ে বেলাবেলি ওপারে উঠতে চাই। কুসংস্কার বলে তখন না-হয় নির্বিঘ্নে হাসাহাসি করা যাবে।

ঠাকরুনতলায় এসে গেলাম। ঝুরি-নামা বিশাল বটগাছ—ছেলেবয়সে যেমন দেখেছি, এখনো তেমনিটি। ঠাকরুনতলার পাশ দিয়ে মাঠে নামার সুঁড়িপথ।

মেঘ জমে জমে নিশ্চিহ্ন হয়েছিল, বাতাস বন্ধ। বৃষ্টি জোর ঢালবে, অথবা বাতাস উঠে ছিন্নভিন্নও হতে পারে এ মেঘ। কেমনটা দাঁড়ায়, মাঠে পড়ার আগে দেখে যাওয়া ভালো। বটতলায় ছোট্ট দোচালা-ঘর, হাটের দিনে হুঁন-কেরোসিন নিয়ে বসে। আমার ছেলেবয়সেও ছিল এমনি ঘর। ঘরের মধ্যে বাথারির বেঞ্চি বানিয়ে রেখেছে হাটুরে লোকজনের বসার জায়। বেঞ্চিতে বসে পড়ে সিগারেট ধরালাম।

হেনকালে আর একজন এলেন। একটি মেয়ে। যুবতী এবং রীতিমত রূপসী বলেই মালুম হয়। বটগাছতলা এবং মেঘাঙ্ককার—ঝাপসা রকম দেখতে পাচ্ছি। অতএব দেহ-রূপের কতখানি বিধাতার দেওয়া এবং কতটা আমাদের অর্থাৎ জামাকাপড় ও প্রসাধন-ওয়ালাদের দেওয়া, সঠিক বলতে পারব না। হাজার-পাওয়ার বাতির নিচে স্যামান-স্টোরসে যখন ঘুর-ঘুর করে এঁরা মাল পছন্দ করে ঘোরেন, তখনও অবশ্য পারি নে। উর্বরী মেনকা রস্তু স্বর্ণধামে একটি করে আছেন শুনেছি—আর কী ভাগ্য বঙ্গদেশের! শুধু আমাদের দোকান-ঘরের মধ্যেই লক্ষ্যাবেলা উজ্জনে উজ্জনে তাঁদের পেয়ে থাকি।

আগ বাড়িয়ে স্তন্দরী শুধালেন : যাবেন কোথা ?

গ্রামের নাম বললাম।

উল্লসিত হয়ে বলেন, কেশেভাঙার মাঠে নামছেন তা হলে ?—আমিও। সাতাশকাটি চৌধুরিবাড়ি যাবো। বেশ হল, দিব্যি হল। হু-জন হলাম মাঠ পাড়ি দেবার।



সকোচের বালাই নেই। দেখেন কি, প্রগতি আমাদের অজ-পাড়াগাঁ অবধি ধাওয়া করেছে। সাতাশকাটি অবশ্য বর্ধিষ্ণু গ্রাম, ঐ এক গ্রাম থেকেই উকিলে ভাক্তারে তিন-চার গণ্ডা বেরিয়েছে। বাঘা বাঘা চাকরিওয়ালগণ অনেক। মেয়েদের পর্যন্ত হাই-ইস্কুল। আমি যখন মামার-বাড়ি থাকতাম, তখন এই ছিল। তার পরে এত বছরে আরও বিস্তর এগিয়েছে। সে যে কতদূর, হাতে-হাতে এই দেখছেন। জলকাদাব মেঠো পথ, কোনো দিকে জনমানব নেই। আসন্ন সন্ধ্যায় তরুণী মেয়ে একা একা মাঠে নামছিলেন—জোয়ানঘুবা আমায় পেয়ে বর্তে গেছেন একেবারে। সকোচ করবেন কি—উন্টে নেমস্তন্ন করছেন আমায় সঙ্গী হবার জন্ত।

মুখ তুলে দিক করে হেসে বললেন, একদৃষ্টে কি দেখেন?

জবাব দিলাম—ফ্যাসান-স্টোরসের সেলসম্যানের পক্ষে যেটা অতি-স্বাভাবিক : আপনার শাড়িতে-জামায় অপরূপ ম্যাচ করেছে।

জুতো?

স্বথ্যাতিতে গলে গিয়ে রূপসী জুতোদ্ব-একটা পা আমার নাক বরাবর তুলে ধরলেন : জুতো কেমন মানিয়েছে বলুন?

• • চমৎকার!

আর চুল বাঁধা?

মাথাটা তৎক্ষণাৎ হুইয়ে আনলেন রসা অবস্থায় ভাল রকম ঘাতে দেখতে পাই। তালগাছে বাবুইপাখি বাসা বানায়, বাগডোয় বাগডোয় বাসা কোলে, তারই একটা ছিঁড়ে এনে মাথায় যেন উপুড় করে বসিয়েছেন। ললনাটি চলন্ত ফ্যাসান একখানি—চরম আধুনিকারা কি মূর্তি নিচ্ছেন, আপাদমস্তকে নজর বুলিয়েই বুঝতে পারি। আমাদের ফ্যাসান-স্টোরলের কাচের জানলায় পুহুলের বদলে এঁকে দাঁড় করানো গেলে কী মনোরমই হত!

খোঁপা কেমন দেখছেন? পুনরপি প্রশ্ন।

খাসা, খাসা। পাঁচ-সাত শ' গ্রাম চুল নিদেনপক্ষে মেশাল দিতে হয়েছে। এ জিনিস টাকা পনেরোর নিচে উত্তরায় নি, কী বলেন?

আর আমি?

চেহারাই শুধু স্নন্দর নয়, গলাতে মধু। কথা যেন মধুতে ডুবিয়ে ডুবিয়ে ছাড়ছেন। এক দোষ, প্রশংসা কুড়ানোর লোভ। এ লোভ কারই বা নয় জীজ্ঞাতির মধ্যে! বললেন, পোশাকের তারিপই শুধু করলেন—পোশাকের নিচে মাছুষটি যে আছে, সে কেমন?

এঁদের খুশি করতে হয় অল্পদের কবে নিম্নেমন্দ করে। কাহ্নাটা আমার

জানা। ছাড়ব কেন, সেই অন্তেরা যখন কানে শুনতে আসছেন না। বললাম, স্বন্দরী বলে ঘাঁদের বড় ঠেকার, তাঁরা সব আজ থেকে পেত্নী-শাকচূরি—আপনাকে এই চোখে দেখার পর।

তাক ফসকায় নি, ঠিক লেগেছে। পুলকে গদগদ রূপসী। আত্মরে গলায় বললেন, বাজে কথা, মিথ্যে কথা, মন-রাখা কথা। বেশ, গা ছুঁয়ে বলুন আমার—

আমি কি ছোঁব, খপ করে উনিই হাত এঁটে ধরলেন। আহা, কী কোমল—গা শিরশির করে উঠল। বসেছিলাম—হাত টেনে বলেন, উঠুন, মাঠে নেমে পড়ি।

বাহারের জুতো খুলে হাতে নিয়ে নিয়েছেন, খালি পা। আমিও তাই। মিন-মিন করে তবু একবার বলি, আকাশের অবস্থা একটু দেখে গেলে হত না?

বৃষ্টির ভয় করেন তো শ্রাবণ মাসে পথে বেরিয়েছেন কেন?

মাঠে নেমে হাত ছাড়তে হল। সন্ধ্যা আ'ল-পথে, দু-পাশে ধানবন। পাশাপাশি জায়গায় কুলোয় না, আগে-পিছে চলছি। খানিকটা যাবার পর ঝেঁপে বৃষ্টি এলো। আর বাতাস। ফাঁকা মাঠ বলে জোরটা বেশি লাগছে।

ছাতা খুলুন—শিগগির, শিগগির। ভিজে গেলাম। চুল ভিজলে বোঝা হয়ে দাঁড়াবে।

খুলেছি ছাতা। বৃষ্টি ঠেকাতে দাঁড়িয়েছেন এসে একেবারে গায়ে গা লেপটে। কিছু খেঁচা পার হবার মুখে আগেই তো ছাতার বারোটা বেজে আছে। এ-ছাতা মুড়ি না দিয়ে একখানা হাত চিতিয়ে মাথার উপর ধরলে বেশি আচ্ছাদন হবে।

রূপসী কাদো-কাদো হয়ে বললেন, চুল-বাঁধা নিয়ে এত তারিপ করছিলেন—এক-পুতুর জল জমে গেল যে আমার খোঁপার মধ্যে।

খোঁপা খুলে চুল আলুল করে দিলেন। মিথ্যে বলেন নি—খোঁপায় আবদ্ধ বোধকরি আধেক মন বৃষ্টির জল হড়াস করে বেরিয়ে লব্ধাঙ্গে খারান্নান করিয়ে দিল। জল সরল তো আর এক বিপদ। এলোচুল মুখের উপর উড়েদৃষ্টি আটকে দিচ্ছে। জুতো নিয়ে একটা হাত আটক, বাকি হাতে কতক্ষণ আর বাতাসের লড়ে লড়াই করা চলে। ফলে, যা হবার তাই হল—পা হড়কে ভুতলে পতন। গড়িয়ে পাশের ধানবনের ভিতরে। ধরে তাঁকে আ'ল-পথে এনে তুললাম।

বেকুব হয়েছেন। লেগেছেও হয়তো। এত লাথের লাজগোজ জলে-কাদায় মাখামাখি।

বড্ড জ্বালাচ্ছে তো চুল !

রেগেমেগে ললনা চুলের মুঠি ধরে দিলেন এক টান। যথার্থ বলছি—ফাঁকা মাঠের মধ্যে নিজ-চোখে স্পষ্ট দেখলাম, একবিন্দু এর মধ্যে বানানো নেই—মুখ খিঁচিয়ে রেগেমেগে চুল ধরে টান দিলেন। আর, যাত্রা-খিঁচোটায় পরচুলোর মতো আলগোছে সমস্ত চুল উপড়ে এলো। চুলের সঙ্গে মাথার এবং সমগ্র মুখমণ্ডলের চামড়া। এবং সেই সঙ্গে দু-পাশের কান দুটো, দাঁতের পাটি-ঢাকা লিপস্টিকে-রঙিন ওষ্ঠ এবং চোখের পল্লব দু-খানি। বাকি সমস্ত ঠিক আছে। গলা থেকে নিয়মিত যুবতী নারী, উপরটা করোটি। চোখের দুই গহ্বরে এ্যাক্সডো-এ্যাক্সডো মণি দুটো ঝকঝক করছে।

আমার কী অবস্থা, বুঝতে পারেন। তবু ওরই মধ্যে টনটনে বোধ রয়েছে, চেতনা হারিয়ে ছুম করে পড়লে চলবে না—ছুটে গিয়ে মাঠের ওপার পাড়ার মধ্যে উঠতে হবে।

ক্রোধ বেশে কাজটা করে ফেলে মেয়েটি (এখনো মেয়ে বলা ঠিক হচ্ছে কি ?) হতভম্ব হয়ে গেছেন। বলছেন, অত জোরে কেন ? কী আশ্চর্য, ভয় পেয়ে গেলেন ?

এতক্ষণে বীণানিন্দিত কণ্ঠস্বর এখন দুই পাটি উলজ দাঁতের ঠকঠকানি। ভৎসনা কবছেন : সাজ-পোশাকেরই তারিফ আপনাদের কাছে। পোশাকের তলে আসন যেটি, তাকে দেখে দাঁত-কপাটি লাগে। বলি দৌড়ছেন কি জগ্নে, কিসের ভয় ?

আমি পিছন তাকাই আর দৌড়ানোয় আরও জোর দিই। ভয়টা কিসের এতক্ষণে বোধ হয় মালুম হল শ্রীমতী করোটির। মংকিক্যাপ পরার কায়দায় সেই চুল-কান-ঠোঁট ইত্যাদি টুক করে মাথা গলিয়ে ঢুকিয়ে দিলেন। অতুলন রূপসী পূর্ববৎ। যিষ্টি গলায় অভিমান ভরে ডাকছেন : দেখুন না আমায়, কাছে এসে ভাল করে দেখুন। সেই আগেকার আমি। কী আশ্চর্য, চোখের দেখা দেখে যেতেও দোষ !

কানে আসছে কণ্ঠধ্বনি। পঞ্চাশ-ষাট গজ এগিয়ে আছি। সজ্জা গাড়িয়ে গেছে। মাঠেরও শেষ। আবছা ঘরবাড়ি দেখা যায় অনতিদূরে।

মামুষও দেখতে পেলাম। ঘাম দিয়ে জ্বর ছাড়ল রে বাবা ! হাতে চৌখুপি-লঠন, কাদা ভাঙতে ভাঙতে চলেছেন মামুষটি। আলো নিরীখ করে ছুটে ছুটে কাছে গিয়ে পড়লাম। বুড়া মামুষ। চাষীপাড়ায় চাল কিনতে গিয়েছিলেন বুঝি—গামছায় বাঁধা চাল এক হাতে, অগ্র হাতে লঠন।

লঠন উঠ করে ধরলেন আমার দিকে। এক-মুখ পাকা দাড়ি। আলো পড়ে দাড়ি চিকচিক করে উঠল। বললেন, কোথা থেকে আসছ বাবা? হাঁপাচ্ছ কেন, কি হয়েছে?

সাংঘাতিক ব্যাপার—

বৃদ্ধ দাড়িয়ে পড়লেন : কি হয়েছে বলো।

আত্মপূর্বিক শুনে হি-হি করে হাসেন : দূর, তাই কখনো হয়! তুমি বানিয়ে বলছ। নয়তো স্বপ্ন দেখেছ।

স্বপ্ন নয়, চোখের উপর সত্যি সত্যি ঘটল। এইমাত্র দেখলাম। সে-মেয়ে নিশ্চয় পথে আছে, সাতাশকাটি পৌঁছয় নি এখন অবধি।

বৃদ্ধ বললেন, কী জানি! এতখানি বয়স হল, আকচারণ মাঠ পারাপার করে থাকি। মেয়েমাহুষে চুলের মুঠি ধরে টান দেয়, আর মুখের খোলা আলাগা হয়ে বেরিয়ে আসে—এমন ভাব্জব কোনদিন দেখি নি আমি। কানেও তো শুনি নি।

সহায় একটি যখন পেয়েছি, বৃদ্ধের আমি পিছন ছাড়ি না। নিঃশব্দে চলেছি। খানিকটা গিয়ে কোমল কণ্ঠে তিনি বললেন, উই যে আমার বাড়ি। তুমি বাপু বড় হাঁপাচ্ছ, বসে একটু জিরিয়ে যাও। ভয় করে তো রাত্তিরটা থেকেও যেতে পারো এখানে। বাইরের-ঘরে আমি থাকি, তোমাকেও মাদুর-বালিশ দেবে। খুব-একটা অসুবিধে হবে না।

পুকুরঘাটে পা ধুয়ে সেই বাইরের ঘরে বৃদ্ধের পিছু পিছু ঢুকে গেলাম। বৃদ্ধও ক্লান্ত, তক্তাপোষে পা ঝুলিয়ে আয়েশ করে বসে পড়লেন। আমি জলচৌকির উপর। এতক্ষণে সোয়াস্তি। ধকলে জলতেষ্টা পেয়ে গেছে। বললাম, এক গ্লাস জল—

বৃদ্ধ হাঁক দিলেন : কোথায় রে আন্না? জল দিয়ে যা—

দাসী গোছের একজন জল নিয়ে এলো। বৃদ্ধ জিরিয়ে ঠাণ্ডা হয়েছেন এতক্ষণে। জল দিয়ে আন্না চলে যাচ্ছিল, তাকে ডেকে বললেন, পায়ে যেন কাদা কামড়ে রয়েছে। কিছুতে গেল না। পা-দুটো তুই ঘাটে নিয়ে রগড়ে রগড়ে ভাল করে ধুগে যা। তাকের উপর রেখে দিবি। রাতে আর লাগছে না। বড় কষ্ট হয়েছে, এত্নি আমি শুয়ে পড়ব।

বলে কী গো! কথার কথা নয়, সত্যি সত্যি তাই করলেন—আয়না নেই, নিজের মুখ দেখতে পাচ্ছি নে। তবু নির্ধাৎ জানি, চোখের মণি বড় বড় হয়ে মিঠেহুমড়োর সাইজে এসে গেছে। বৃদ্ধ করলেন কি—যেমন কায়দায় বাঁধানো দাঁত খোলে, তেমনি ভাবে পা একটু উপর মুখো ঠেলে হাঁটু থেকে ঝুলে

কেললেন। একটা পা খুলে আন্নার হাতে দিয়ে তারপর দ্বিতীয় পাখানিও। রক্ত পড়ল না, কিছু না—তবু জলজ্যান্ত ছু-ছুখানা পা, সন্দেহমাত্র নেই। চামড়ার উপরে লোম পর্ষস্ত দেখতে পাচ্ছি।

আন্না কে বিশেষ করে তালিম দিয়ে দিচ্ছেন : শুধু জলে যদি কাদা না ওঠে, সাবানে রগড়াবি। ভাল সাফাই হওয়া দরকার। বিয়ের নেমস্তম্ভ আছে কাল।

আমার কথাও বললেন, এই ছেলেটি রাত্রে থেকে যাবে। মেজ্জেয় একটা বিছানা করে দে।

কেমন যেন আচ্ছন্ন হয়ে ছিলাম। সন্নিহিত পেয়ে তাড়াতাড়ি বলি, আজ্ঞে না। আমি চলে যাবো।

বলতে বলতে নেমে পড়েছি দাওয়ায়। সেখান থেকে এক লম্ফে উঠানে। সেখান থেকে রাস্তায়। বৃদ্ধ খল খল করে হাসছেন। মস্তব্যও কানে এলো : ভীতু লোক। জোয়ান মেয়েকে ভয় করে, তার একটা মানে আছে। বুড়ো মাহুশ—আমাকেও ?

এই দেখুন, আমার অবস্থার আন্দাজ নিলেন না—আপনারাও হাসতে লেগেছেন। সত্য ঘটনা। ঈশ্বর আন্না'র গড জেহোবো যে নামে বলবেন, দিব্যি গালতে রাজি আছি। খবরের-কাগজে হরবখত তো সত্য খবর পড়েন—আমার এই ঘটনা তার চেয়েও কড়া রকমের সত্য।

## ছায়াময়ী

জন্ম থেকে শহরে বসবাস। কল টিপলে আলো, কল ঘোরালে জল। চাকরি নিয়ে সেই আমাকে বিরাটগড় যেতে হল। নাম শুনে ভেবেছিলাম বিরাট বিপুল কোন জায়গা। ছিল বটে তাই নৌলকুঠির আমলে। ভাড়াচুরো দালানকোঠা, তার উপর বট-অশ্বখ হরেকরকম ঘোপজলল। সাপ আর বুনোশস্যের মজাসে পাকাদালানে বসবাস করে। শীতকালে নাকি বড়-মিঞারাগ (রাতের বেলা লিখছি—খোলাখুলি নাম করে কোন্ ফালাদে পড়ব!) বেড়াতে আসেন। এ হেন স্থানে এসে ছুদিনে পালাই-পালাই ডাক ছাড়ছি। ইচ্ছা করে, চাকরির পায়ে দণ্ডবৎ হয়ে শহরের ছেলে শহরে গিয়ে যথারীতি রাজাউজির-নিধনকর্মে লেগে যাই।

কিন্তু মুকব্বিরা নিষেধ করেন। খুঁটোর জোর নেই, কাকে ধরলে কি

হয়—এই তত্ত্বে একেবারে আনাড়ি। তা সত্ত্বেও পরীক্ষায় বসলাম— এবং কি আশ্চর্য, টায়েটোয়ে পাশও হয়ে গেলাম। বাপ-ঠাকুর্দার পুণ্যবল না থাকলে এমন অবটন ঘটে না। আরও বছর দেড়েক কেটে গেলে হঠাৎ সরকারি চিঠি—আমাকে সাবরেজিস্ট্রার করা হয়েছে বিরাটগড়ে। এ চাকরির নিয়ম—আজ এখানে কাল ওখানে, তামাম ঘাটের জল খাইয়ে নিয়ে বেড়ায়। মুকব্বিরা তাই ভরসা দিলেন—থাকো না বাপু চেপেচুপে। উপরে যাওয়া-আসা কর, তড়িঘড়ি যাতে বদলি হতে পার ভাল জায়গায়। ভাল অর্থে তাঁরা ভাবেন, যে জায়গায় দু-চার পয়সা উপরি আছে; আমি ভাবি, আছে যেখানে আড্ডা দেবার জুত।

আছি তাই। হরিশ নামে ভুখোড় একটি লোক পেয়েছি। সাবান কেচে রান্না সেরে জুতোয় বুরুশ ঘষে বাসন মেজে তার পর ধাঁ করে উর্দি-চাপরাস পরে নিয়ে গৌফ চুমরে হরিশ আমার অফিসের চাপরাসি হয়ে যায়। বেলা দশটায় চাপরাসি সহ হাকিম গিয়ে এজলাসে ওঠেন। এই পাডাগায়ে সাবরেজিস্ট্রারকে বলে ‘হাকিম’—সকলে হুজুর-হুজুর করে। শুনতে খাসা লাগে। চারটে অবধি তালেগোলে কেটে যায় এমনি।

সন্ধ্যার পর থানায় ডাক পড়ে প্রায়ই। হেরিকেন ও লাঠি-বন্দুক নিয়ে কনস্টেবল চলে আসে। ছোট-দারোগার তালের নেশা। কাজকর্মে বাইরে গেলেন তো আলাদা কথা—থানায় উপস্থিত থাকলে তালে গুঁরা বসবেনই। অঞ্চলটার অধিপতিই হলেন গুঁরা—যার তার সঙ্গে মিশতে পারেন না। তাসখেলায় চারজন চাই—তা ছোটবাবু ছাড়া আছেনও বড়-দারোগাবাবু, সরকারি-ডাক্তার আর দশ-আনির নায়েব দয়ালহরি সেন। একজন কেউ গরহাজির থাকলে আমার খোঁজ পড়ে যায়। ছাড়ান নেই কোন রকমে। খুনি আসামীকে গ্রেপ্তার করে হিড়হিড় করে থানায় নিয়ে যায়—প্রায় সেই গতিক। আমার ভাল লাগে না। নিরিবিবি একটি লেখাপড়া করতে চাই। চুপি চুপি বলি—বয়সটা খারাপ এবং চতুর্দিকে গাউখাল ও সবুজ গাছপালা থাকায় কিস্কিং পদ্ম লেখার বাতিকে পেয়েছিল ঐ সময়টা।

রেজেষ্ট্রী অফিস পাকা-দালানে, তারই কাছাকাছি খান-দুই দোচালা খোড়োঘর নিয়ে বাসা আমার। রাত ঝিমঝিম করে। তক্ষক ডাকে ঘরের আড়ায়। আর ফেউ ডাকে জললে—তার মানে, বড়-মিঞা বা ঐ জাতীয় বড়দের কেউ দর্শন দিয়েছেন। বাহুড়ের ঝাঁক দেবদাকবনে পাকা ফল খাচ্ছে—গাছের উপর ঝাঁপিয়ে ঝাঁপিয়ে পড়ছে। সেই শব্দেও গা শিরশির করে। পদ ও প্রতিষ্ঠার গর্বে মাহুবে মাহুবে তকাৎ হয়ে থাকা

একান্ত অসুচিত, এই মহাতত্ত্ব মনে পড়ে যায় তখন। হরিশকে ভিতরে ভেকে নিই। হাকিম ও চাঁপরাসির পাশাপাশি শয্যা। দশ-ধর্মে দেখে না এই যা—দেখতে পেলো ধন্য ধন্য করত।

শ্রাবণ মাসের মাঝামাঝি এক রাত্রে ঘুম ভেঙে উঠে হরিশ ডাকছে : উঠে পড়ুন হজুর, বেড়ার ওধারে জলের তোড় শোনা যাচ্ছে। খড়মড়িয়ে উঠে দরজা খুলে দাঁড়ায় বেরিয়ে এলাম। তাই বটে! উঠানে জল বয়ে চলেছে। বৃষ্টি চলছে দু'দিন ধরে—তাই বলে এত জল?

এদিক-ওদিক তাকাই। সীমাহীন জল। মেঘ-ভাঙা ঘোলাটে জ্যোৎস্নায় অদূরেব অফিসবাড়িটা বীপের মতো দেখাচ্ছে। দাঁড়ায় বসে বসে রাতটুকু কাটিয়ে দিলাম। ভারি এক আফালি করল। হরিশ চুবচুব করে : ইস—একেবারে হাঁচতলায় গো! বড় কাতলা। কুঠির-পুকুর ভেসে সব মাছ বেরিয়ে পড়েছে। খেপলা-ভাল থাকলে এফুনি এটাকে কায়দা করে ফেলতাম।

বান ডেকেছে। লটবহর কাঁধে নিয়ে একহাঁটু জল ভেঙে অফিসের দ্বান্ধানে এসে উঠলাম। এসেছিলাম ভাগিস। বানের তোড়ে সন্ধ্যা নাগাত আমার সেই কাঁচা-বাসঘর ভেঙে পড়ল। চাল-খুঁটি-বেড়া এদিক-সেদিক ভেসে চলল। ওখানে থাকলে আমাকেও ভাসতে হত।

দিন তিনেক পরে জল সরে গিয়ে ফের ডাঙা দেখা দিল। তখন ঘরের সমস্ত। সরকারি অফিসে চিরকাল বসবাস চলে না। খোড়োঘরে আবার গিয়ে উঠতে আমার ঘোরতর আপত্তি। তাসের আড্ডার বন্ধুবর্গও চিন্তিত হয়েছেন। কিন্তু ভেবে কোন্ সুরাহা হবে—পাকা-কোঠা এই জায়গায় কে বানিয়ে রেখেছে আমার জন্ত?

দশ-আনির নায়েব দয়ালহরি একটা খোঁজ দিলেন—কুঠিবাড়ি যেতে চান তো বলুন। নীলকরদের বাড়ি—ভেঙেচুরে পড়ে ছিল। দশ-আনির সেক্সোকর্তা সেই বাড়ি আগাগোড়া মেরামত করে দরজা-জানলা পালটে ভদ্রলোকের বাসযোগ্য করলেন। ইচ্ছে ছিল, মাঝে মাঝে মহালে এসে ঐখানে থাকবেন। কিন্তু প্রথম বারেই ক-দিন থেকে চোঁচা-দৌড় মারলেন। আর এ-মুখো হন নি তার পর। ভূতের বাড়ি—প্রভুরা কিলবিল করছেন কুঠিবাড়ির অন্ধিসন্ধিতে। গল্প শুনে সরকারি-ডাক্তার হেসে খুন। ভূত না ঘোড়ার-ডিম মশাই। ডাক্তার হিসেবে আমার জানতে কিছু বাকি থাকে না। সেক্সোকর্তা বেএক্তিমার হয়ে থাকতেন—সে চোখে গরু-মাহুয় পেত্নী-ভূতের তফাৎ বোধ থাকে না। আপনিও যেমন।

দয়ালহরি আমার দিকে চেয়ে বলেন, তা সাহস থাকে তো বলুন। চাৰি-ছোড়ান আমার কাছে—একুনি তালা খুলে দিচ্ছি। রঙিন মেঝে, ডিসটেমপার-করা দেয়াল, সেজোকর্তার শখের আসবাবপত্র—যদি ইচ্ছে ভোগদখল করুন গে। কাছেই আমার বাসা—ছাড়া-বাড়ি দেখে মেয়েদের গা ছমছম করে। মাহুষের আনাগোনা হলে তারা সোয়াস্তি পাবে।

বড়-দারোগাও অভয় দেন : ঠিক আছে মশায়—এখানে উঠুন। লেখাপড়া শিখে কুসংস্কার থাকবে কেন? সারারাত্তির বরঞ্চ কনস্টেবল মোতায়েন করে দেব ওখানে। বন্ধুলোক আপনি, সরকারি লোকও বটেন।

উঠলাম তো কুঠিবাড়ি। গোড়াতেই হরিশ জবাব দিল—কাজকর্ম সবই সে করবে, কিন্তু রাতে থাকবে না। সন্ধ্যাবেলা রান্নাবান্না সেয়ে চলে যাবে। ষা গতিক, চাপাচাপি করতে গেলে চাপরালির চাকরিটাই ছেড়ে দেবে হয়তো।

যাক গে, বয়ে গেছে! দারোগাবাবু কথা রেখেছেন। রাত্রিবেলা এক ঘুমের পরেও জানলা দিয়ে দেখছি, বসে আছে লোকটা বারাণ্ডার উপর। মাস চারেক কেটে গেল। আরামেই আছি। সেজোকর্তা কি দেখেছিলেন জানি না—ঘাঁরাই হন, বাস উঠিয়ে সরে পড়েছেন। দয়ালহরি খুব দৃষ্টিমুখ দেন। ইদানীং কুঠিবাড়ির সামনে দিয়েই তাঁদের যাতায়াত। আমায় দেখলে বারাণ্ডায় উঠে আপ্যায়ন করেন : আছেন ভাল? বেশ, বেশ—

জীর নাম করে হরিশকে বলেন, বড়বউ কি জন্তে ডাকছে একবার তোকে। শিগগির শুনে আয়।

তার মানে, রান্না-করা দু-একটা তরকারি কিষা পিঠা-পায়স। হররোজ এই চলে। বিদেশি মাহুষ একলা পড়ে থাকি—আর হরিশের যা রান্নার তরিবৎ! ক্ষিধের জ্বালায় সেই বস্ত্র গলাধঃকরণ করি। অভ্যাস না থাকলে কক্ষনো আপনারা তা পেটে রাখতে পারবেন না—নোংরা কাণ্ড করে বসবেন।

কুঠিবাড়ি আর দয়ালহরির বাসার মাঝে একখানা শুধু আউশ-ক্ষেত। বারাণ্ডায় দাঁড়িয়ে ওদের সব দেখা যায়।

আচ্ছা হরিশ, একটা মেয়ে দেখতে পাচ্ছি ক-দিন—

অফিসে হরিশ চাপরালি, কিন্তু অনেকদিন পাশাপাশি রাত কাটানোর দরুন বাড়িতে সময়বিশেষে সে সখাস্থানীয়।

উই যে ঢ্যাঙা এক হাড়গিলে ঘুরছে যেন।

হাড়গিলে কোথায় হজুর—শহরে মেয়ে, অতি শ্রীমন্ত।



ছোঁড়া এসে বলে, গোথরোসাপের মতন ফৌস করে উঠল হজুর। কোনদিনও কোনখানে আসে নি—মিছে কথা লিখেছেন নাকি আপনি। কাঁটামুড় বেগুন ছুঁড়ে মারতে গেল। ভয়ে ভয়ে আমি পালিয়ে এসেছি।

আরও পাঁচ পয়সা বকশিশ দিয়ে তাকে বিদায় করলাম গোথরোসাপের মুখ থেকে বেঁচে এসেছে বলে। এসো নি তুমি—মিথ্যে কথা? বেশ, তাই যেনে নিলাম। আমাবই চোখের ভুল, দিনের পর দিন চোখ ভুল দেখেছে। তোমার মুখে হেন বাক্য—কেউ নেই তবে আমার বিশ্বভুবনে! সেই ভাল—আমার কেউ নেই।

একটু-আধটু অফিসে যাচ্ছি এখন, সকাল-সকাল ফিরে আসি। এসে দেখি, ঘরের মেঝের উপর আঁটা-খাম। জানলা দিয়ে ফেলে দিয়ে গেছে।

লিখছে—বাগের বশে ছোঁড়াটাকে যা বলেছি, পুণ্যপুণি ঠিক নয়। এক-শ পাঁচ জর শুনে গিয়েছিলাম একদিন। বাইরে থেকে উকি দিয়ে আসি। রোজ যেতাম, একথা বলা হল কেন তবে? এই ছোট ব্যাপার নিয়ে চিঠি লেগাও অতাস্ত বাড়াবাড়ি আপনার পক্ষে।

নাম লিখেছে লাভণ্য। নাম পেয়ে গেলাম—এই বা কম কিসে? আমি চূপচাপ। স্নেহ বেকবুল গিযে বেগুন নিক্ষেপ হচ্ছিল—তবু অন্তত একটা দিনের নিশানা পাওয়া গেল। একটা দিন ছাড়া বাকি সমস্ত মায়!।

আবার চিঠি ক-দিন পরে : না-হয় গিয়েছি চার-পাঁচ দিন। বিদেশি মাহুষ রোগে আই-টাই করছেন—কানে শুনে অমন সবাই দেখতে যায়। ঘরের ভিতরে যাইনি তো। মামা-মামির কানে এ সমস্ত না ওঠে—দোহাই আপনার!

চিঠি পড়ছি—চোখ ভুলে দেখি, লেখিকাই অদূবে ক্রুঁচকে তাকিয়ে আছে। হাসছে মুচকি মুচকি।

জিজ্ঞাসা করলাম : এত খেলানো হচ্ছে কেন?

মজা করি।

সাহস পেয়ে বলি, এখন মোটেই আসছেন না। একা-একা বড্ড কষ্ট হয় আমার। এত কঠিন আপনি, ভাবতে পারি নি।

খিলখিল করে হাসে : আপনি-আপনি কবেন—মনে হচ্ছে কত দরের লোক যেন আমি!

অপরাধ ইতিমধ্যে এতখানি অন্তরঙ্গ হয়ে গেছে—হাতের মুঠোয় স্বর্গ পেয়ে গেলাম : বেশ, তুমি বললে যদি আপদ চোকে তো তাই।

দিন কতক তার পরে ভারি মজা চলল। নিরিবিলা থাকলেই সে চলে

আসে। নানান ছলছুতোয় আমিও হরিশকে বাইরে রাখি। এমন হল, সন্ধ্যার পর সবে একটু প্যা-পো আওয়াজ উঠেছে—

দেখেছি গো, দেখতে পেয়েছি। আমার চোখে লুকিয়ে থাকবে, এত ক্ষমতা নেই তোমার লাবণ্য। এসো, খাটের উপর ভাল হয়ে বসে গান শোন।

দরজা ঠেলে ঘরে ঢুকল আলাদা একজন কালো-রঙের—থুড়ি, একটুখানি চাপা-রঙের মেয়ে। আর ঝকঝকে সেই লাবণ্য হৃদ্বৃত করে কোন ফাঁকে সরে পড়েছে। কঠিন কণ্ঠে জিজ্ঞাসা করি : কে আপনি ?

হকচকিয়ে গেল সে। কণ্ঠস্বর কাঁপছে, কথা আটকে আটকে যায়।

কেউ নই, কেউ নই। গান হচ্ছে শুনে একটু এসে দাঁড়িয়েছিলাম। ডাকলেন, তাই ভিতরে এসেছি। পথ ছাড়ুন, চলে যাচ্ছি।

সন্ধ্যাটা মনোরম হয়ে উঠেছিল, মাটি করে দিল। আচ্ছন্নের মতো মেয়েটা চলে যাচ্ছে—তবু মায়াদয়া হয় না, যাচ্ছেতাই গালমন্দ করছি : চরবৃত্তি করতে এসেছিলেন—পরিচয় দিয়ে যেতে হবে, কে আপনি ? কে পাঠিয়েছে আপনাকে ?

অদৃশ্য হয়ে গেল ঝুপসি-ঝুপসি গাছপালার আড়ালে। রাত্রিবেলা পিছনে ছুটে গিয়ে ধরব, এত সাহস নেই শহরে ছেলের। যাই হোক, আর দৈরি করা ঠিক নয়—বদনাম রটে যেতে কতক্ষণ ! নিশ্চয় কাবো নজরে পড়ে গেছে, অন্ততপক্ষে যে মেয়েটা ঐ পালিয়ে গেল।

যা থাকে কপালে—দয়ালহরির কাছে পরদিন কথা পেড়ে ফেললাম : আপনার ভাগনীর সঙ্গে যদি ইয়ে হয়—নিতান্ত অযোগ্য আমি, তবু যদি দয়া করে—

আপনি—তুমি বাবা, পায়ে ঠাঁই দেবে লাবণ্যকে ? যার মা নেই, তার কিছুই নেই। অনেক কষ্ট পেয়েছে এই বয়সের মধ্যে। ও-মেয়ের এত ভাগ্য—

আনন্দে দয়ালহরি কঁদে ফেললেন।

কেল্লা ফতে ! ক-দিন পরেই লাবণ্য তুমি একেবারে আমার। শোন, শোন—ও লাবণ্য, খবর রাখ ?

ছটুমি-ভরা চোখে চেয়ে সে বলে, মামি তো রেগে আশুন—কী করে জানল তোকে হতভাগা মেয়ে ? যাতায়াত চলে বুঝি—প্রেম করে বেড়াল ? একছুটে পালিয়ে এসেছি—ধরতে পারলে মামি দিত দেখিয়ে। কই, গান-টান হবে না আজকে ?

সত্যি হাঁপাচ্ছে। আর ঐ ভূবনমোহন হাসি। ক্ষেপে গেলাম যেন।  
ধরতে পারলে—মামি কেন, আমিও দিই দেখিয়ে এমনি করে খেলানোর  
জন্ত।

পালাচ্ছে, আমিও পিছনে ছুটি। ভয়-টয় গিয়ে অকস্মাৎ বিষম বীরপুরুষ  
হয়েছি। খমকে দাঁড়াল সে হঠাৎ একবার। খিলখিল হাসি: ধরুন দিকি  
কত ক্ষমতা! সে আর পারতে হয় না। ধরুন—ধরুন—

একেবারে কাছে গিয়ে দু-হাত বাড়িয়ে দিযেছি। শুধু-হাত ফিরে এল,  
কারও গায়ে ঠেকল না তো! একটুকু সরে গিয়ে দাঁড়িয়েছে। ভারি ক্ষুতি  
আমায় বেকুব বানিয়ে দিয়ে—জ্যোৎস্নার সঙ্গে হান্সধ্বনি মিশে চারিদিক  
তরঙ্গিত হচ্ছে। পাকাল-মাছেব মতন পিছলে পিছলে যাচ্ছে। তাই বা  
কোথায় এত ছুটছি, তবু একটুকু স্পর্শ পাই নে।

আচ্ছা এইবারে—চু-উ-উ-উ -

পাড়াগাঁয়ের ছেলেরা কপাটিখেলায় যেমন দম ধরে ছোটো। নিঃশীম  
স্বকতার মধ্যে ভ্রমরার একটানা গুঞ্জন। খালি-পায়ে মাটির ঢেলায় ঠোকর  
, লাগছে—তখন মালুম হল, আউশক্ষেতে চলে এসেছি। ধান কাটা শেষ হয়ে  
নতুন চাষ দিয়ে গেছে। জ্যোৎস্নার ফিনিক ফুটিছে চারিদিকে। ক্ষেতের  
মাঝখানটায় দাঁড়িয়ে সে ডাক দেয়: কই—পারলেন না তো!

ধরেছি—ধবলাম এইবারে বুঝি! উছ, ফসকে গেল, সামান্য একটুখানির  
জন্ত। আলেয়া এমনি করে ভুলিয়ে নিয়ে যায় পথিককে—নিয়ে গিয়ে রক্ত  
শোষে।

রক্তে আগুন ধরে গেছে, ঠাণ্ডা মাথায় ভাল-মন্দ ভাবি কখন? এসে  
পড়েছি দয়ালহরির বাইরেব উঠানে। আমি হেন হাকিম মাহুষ রাত্রিবেলা  
এই কাণ্ড কবে বেডাছি—দেখতে পেলো লোকে ভাববে, নির্ধাৎ মাথা খারাপ  
হয়ে গেছে। তা সে যা-ই হোক, জিতেছি—জিতেছি—হাত ধবে ফেলেছি  
অবশেষে। স্বকোমল হাতখানা ধরে হাঁপাতে হাঁপাতে বলি, অস্থখে কাবু  
হয়ে পড়েছি, কত কষ্ট আর আমায় দেবে লাভ্য?

চিঠি লিখে ডেকে পাঠিয়ে অপমান কবে তাড়িয়ে দেন—বাড়ি এসে  
আবার মিষ্টি মিষ্টি বুলি! কী ভাবেন আমায়? খেলাব পুতুল নই—যা ইচ্ছে  
করা যায় না আমায় নিয়ে।

গর্জন করে উঠল সেই মেয়েটা, চর সন্দেহে যাকে গালিগালাজ করেছিলাম।  
আর, যার পিছন ধরে এতদূর চলে এলাম, চক্ষের পলকে সে জ্যোৎস্নার সঙ্গে  
গলে মিশে নিশ্চিহ্ন হয়ে গেল।

দয়ালহরির ভাগনী লাবণ্য তবে তো এই। হাত ধরে লাবণ্যর মান ভাঙাতে আর-একজন এখানে এনে পৌছে দিয়ে গেল। হাত ছাড়িয়ে সে নেবেই—আমি আরও শক্ত করে ধরি : বিষম এক গোলমাল আছে এর ভিতরে। নিশ্চয়ই। খুলে বলো লাবণ্য, আমার মাথা ঘুলিয়ে যাচ্ছে।

কী জানে লাবণ্য, আর কী-ই বা বলবে! শহরের নিঃসঙ্গ মাল্লুঘটার কষ্ট শুনে চুপিসারে সে গিয়ে বাইরে দাঁড়াত। সে-ই আরও অবাক হয়ে গিয়েছে—মাল্লুঘটার পিছনে ছোটো চোখ আছে নাকি? মুখ না ফিরিয়েই আমার খবর কেমন করে টের পায়? চিঠিতে লিখে পাঠায় আবার সেই কথা...

মামাকে দেখে লাবণ্য তাড়াতাড়ি সরে গেল, সমস্ত কথা শুনেতে গেলাম না। যাক গে যাক গে, পরে অনেক সময় পাওয়া যাবে। উল্লসিত চিংকারে দয়ালহরি আহ্বান করলেন : এসেছ বাবাজী, এসো। খানার বড়বাবু আর ছোটবাবুকে বললাম তোমার কথা। সবাই ধন্য-ধন্য করছেন। এমন দরাজ দিল পাপ-কলিযুগে কেউ কানে শোনে নি।

এর পরে, আর একটা দিন তাকে দেখেছিলাম। বিরাটগড় থেকে বদলি হয়েছি, পরের দিন চলে যাব। কুঠিবাড়িগুপ্তে সেই আমাদের শেষরাত্রি। আমি আর লাবণ্য—ঘুমিয়ে ঘুমিয়েও যেন এক আমরা। ঘুম ভেঙে গেল হঠাৎ। জানলা দিয়ে পশ্চিম-আকাশের চাঁদ দেখা যায়। জ্যোৎস্না তেরছা হয়ে এসে পড়েছে। চাঁপাফুল ফুটেছে কোথায়, ফুলের গন্ধে ঘর আমোদ করছে।

খাটের বাজু ধরে আমাদের দুজনের দিকে চেয়ে সে মুচকি মুচকি হাসছে। দেখা পেয়ে বড় আনন্দ হল : এত স্বথ ভূমি এনে দিয়েছ, লাবণ্যকে তোমার জন্তু পেলাম। যেখানেই থাকি, সারা জীবন তোমায় মনে করব।

হাসতে হাসতে সে বলে, বড় যে ভূমি-ভূমি করছ—কত বয়স আমার জ্ঞান?

অনেক ছোট নিশ্চয় আমার চেয়ে—

অনেক বড়। কুঠিয়াল গ্রাণ্ট আমার বাবা, নয়নতারাকে ধরে আনা নিয়ে হরিশ মুখুজ্জের কাগজে খুব হৈ-চৈ পড়ে গিয়েছিল—সেই নয়নতারার গর্ভের মেয়ে আমি। কত বয়স তা হলে হিসেব করে দেখ।

বললাম, মেয়েরা বয়স কমায়—তোমার রুচি উল্টো। কিন্তু ‘আপনি’ বললে ভূমিই তো হেসে উঠেছিলে আর একদিন।

হেসেছিলাম বুঝি! তাই হবে। মন খারাপ লাগে এক একসময়—ভালবাসার কথা শুনেতে লোভ হয়, সাধ হয় মাল্লুঘের ছোঁয়া পেতে।

গভীর এক নিশ্বাস ফেলল। কণ্ঠ ছলছলিয়ে ওঠে। বলল, ধোঁয়ার কুণ্ডলী যে আমি। তোমাদের চোখে ধোঁয়াটা রঙিন লাগে ভাগ্যিস! তোমার লাংগার বকলমে ফাঁকি দিয়ে অনেক ভালবাসার কথা শুনে নিয়েছি। হি-হি-হি—

চলে গেল। হাসি ছাড়া কান্না দেখাবে না বুঝি—পাগলের মতন হাসতে হাসতে চলে গেল তাই।

## প্রেমলীলা

তিন দিকে গড়গাই আর একদিকে নদী—প্রাচীন গড়গাই-এর সুস্পষ্ট নিশানা। নামেও তাই—সন্ন্যাসীরাজ্যের গড়। কে এই সন্ন্যাসীরাজ্য, কোন সময়ে তাঁর রাজত্ব, এসব তত্ত্ব নিয়ে ঐতিহাসিকরা মাথা কাটাকাটি করুনগে। তাই করবেনও এবারে—খবরের-কাগজে নিত্যদিন যখন এ ছায়াগার নাম বেরুচ্ছে। নাড়িনক্ষত্রের হৃদিস টেনে টেনে বের করবেন।

গড়ের মাঝখানটায় প্রাচীন রাজবাড়ি। তারই ঝকঝকে লাউজে চা খেতে খেতে কনস্ট্রাকশন-ইঞ্জিনিয়ার কুমারদেব হরিশঙ্করের মুখে পুরনো কথা \* শুনছে। স্থানীয় লোক হরিশঙ্কর, অনেক জানে। গোটা বাড়িটা নিয়ে হোটেল চালু হল অবেল-কোম্পানির ব্যবস্থায়। হোটেলের সুপারভাইজার হরিশঙ্কর।

বলছে, রাজ্যপাট ছেড়ে ভ্রম্য মেখে বাজা নিকৃদ্দেশ হলেন। হুর্ভিক্ষে দেশ উজাড় হচ্ছিল—প্রজাবিদ্রোহের ঘোবতর আতঙ্ক। তার উপরে নবযুবতী ছোটরাণী প্রাসাদ-প্রহরীর সঙ্গে আসনাই করে পালিয়ে গেল- সেই নিদারুণ লোকলজ্জা। কারণ যাই হোক, ঈশ্বরে মতি হল রাজ্যের, তিন সন্ন্যাস নিলেন। অব্যাজক অবস্থায় রাজ্য লওও। বিস্তর কাল কাটল সেই অবস্থায়। রাজবাড়িতে এক-হাটু জঙ্গল, সাপ শিয়াল আর বুনোভুয়োদের আত্মনা। আপনিও এসে গোড়ায় এই অবস্থা দেখেছেন—

এক আজব কাণ্ড ঘটে গেল হঠাৎ। সন্ন্যাসীরাজ্যের পরিত্যক্ত রাজধানীতে দ্রুত আবার শহর গড়ে উঠছে। দেশি-বিদেশি বিশেষজ্ঞেরা মাটির নিচে তেলের খবর দিয়েছেন। পেট্রোলিয়াম—যার অপর নাম তরল-সোনা। সত্যতার রথচক্র যার বিহনে অচল। গড়ের চতুর্দিকে উচু-নিচু কাঁকুরে মাঠ। সে-মাঠে লাঙল চালানো অসম্ভব, কোদাল মেয়ে মেয়ে হয়রান হয়ে চাষীরা খোঁরাকি ধানটাও ঘরে ভুলতে পারত না। সেই মাঠের নিচে নাকি অফুরন্ত তেলের ভাণ্ডার—কোটি কোটি টাকার সম্পদ।

রেলস্টেশন কুড়ি মাইল পথ। নতুন পিচের রাস্তা তৈরি হয়ে গেছে,

রাস্তায় ট্রাক আর মোটরগাড়ির অহোরাত্র চলাচল। ড্রিলিং-এর দৈত্যাকায় বজ্রপাতি এসে পড়েছে। লম্বা ডর্মিটারি বানিয়েছে রাস্তার দু-ধার দিয়ে, চাষাভূষা সব উঠেছে গিয়ে সেইখানে। লাঙলের মুঠো আর ধরবে না, অয়েল-কোম্পানির মজুর তারা। ডায়নামো বসিয়ে বিদ্যুৎ বানাচ্ছে, লক্ষ্য হতে না হতে নতুন করে আবার দিনমান। রাজবাড়িরও আলাদা চেহারা। মোজেনিকের মেঝে, কংক্রিটের ছাত, দেয়ালের পলস্তারা খসিয়ে হালকা রঙের ডিসটেমপার, নতুন ফার্নিচার। বকবক তকতক করছে।

হোটেলের লাউঞ্জে চায়ের বাটি সামনে নিয়ে গল্প জমিয়েছে দুজনে। আজই সকালবেলা কুমারদেব মাঠের তাঁবু ছেড়ে হোটেলে এসে উঠল। এ জায়গায় গোড়ার দিকে কথার দোঙ্গার মিলত না—হরিশঙ্করের সঙ্গে ভাবসাব সেই তখন থেকেই।

হরিশঙ্কর হেসে বলে, দোতলার স্টিটগুলো সত্যি সত্যি চমৎকার। খেটেখুটে বানালেন, তবু নিজের ঢোকবার এস্তিয়ার নেই। নিচের ঘরে আস্তানা নিতে হল।

কুমারদেব বলে, আর দুটো মাস—মাঘ মাসটা পড়তে দিন না। মাঠের তাঁবুতে বউ এনে তোলা যায় না বলেই বিয়েটা মূলতুবি আছে। দক্ষিণ দিকটার স্টিটটাও মতলব করে শেষ হতে দিইনি, শেষ হলে অল্প অফিসারে দখল নিয়ে নিত। বিয়ে হবে, আর স্টিটের কাজও শেষ হবে। বউয়ের পিছন ধরে একতলা থেকে দোতলায় প্রোমোশান।

পরের দিন সকালবেলা দু'জনে আবার সেই লাউঞ্জে।

সন্ধ্যারাজে যা একটু ঘুমিয়ে নিয়েছিলাম—

কানের কাছে মুখ নিয়ে এসে গলা খাটো করে কুমারদেব বলে, আচ্ছা নিচের ঘরগুলোয় সত্যিই কি মানুষ এক জন করে আছে ?

নিশ্চয়। দস্তরায় দেখে শুনে নিজে হুকুম দিয়ে গেছেন।

মানছে না হুকুম। পাশের রুমে সারা রাস্তির প্রেমলীলা চলেছে, ঘুমুতে দেয়নি।

অসম্ভব। হরিশঙ্কর ঘাড় নাড়ল : কোন পাশের রুমের কথা বলেছেন—পূবে না পশ্চিমে ?

একটুখানি ভেবে দিক নিরূপণ করে নিয়ে কুমারদেব বলে, পশ্চিমে।

হরিশঙ্কর খাতা বের করে আনল : আপনার হল বাইশ নম্বর ঘর, তার পশ্চিমে তেইশ। মানুষ আসেনি এখনো সে-ঘরে, রেজিস্টার দেখুন। খালি পড়ে আছে।

একজন নয়, দু-দুটো মানুষ। মেয়ের গলা, পুরুষের গলা। প্রেমের  
মাতোয়ারা—লজ্জাশয়ম জ্ঞানবুদ্ধি তখন লোপ পেয়ে গেছে। দেয়ালের  
আড়াল, তবু জ্ঞানতে কিছু আর বাকি রইল না।

হরিশঙ্কর বলে, স্বপ্ন দেখেছেন আপনি। গুলিয়ে ফেলছেন।

বেশ তো, আপনিও আজ রাতে আছেন না বাইশ নম্বরে। কপালে  
থাকে তো স্বপ্ন দেখবেন।

গম্ভীর হয়ে কুমারদেব বলে, নিজের কান দুটো অবিশ্বাস করতে পারিনি।

দশটায় ফটক বন্ধ হয়ে যায়, দারোয়ান মোতায়েন থাকে। বাইরের লোক  
হতেই পারে না দোতলা থেকে কোনো একজোড়া যদি নেমে এসে থাকে।

আবার একটু ভেবে নিয়ে উজ্জল মুখে হরিশঙ্কর বলে, হয়েছে। ব্যানার্জি  
সাহেব সন্তু ছেলের বিয়ে দিয়েছেন। স্নাইটের আটোমাটো জামগায় জুত হয়  
না, তারাই ঠিক নেমে চলে আসে।

ঘর খালি তো দরজায় তালা দিয়ে রাখলে হয়। ইচ্ছে মতন তাহলে ঢুকে  
পড়তে পারে না।

হরিশঙ্কর ফিক ফিক করে হাসে: আচ্ছা বদরসিক কিন্তু আপনি।  
নিখরচার প্রেমালোপ শুনেছেন, জিনিসটা মন্দ হল কিমে?

আলাপের যে মাথামুণ্ড কমা-দাঁড়ি নেই। রাত পুইয়ে যায়, তবু শেষ  
হয় না।

ও জিনিসের মজাই তো এই। গীতাপাঠ নয় যে অধ্যায় শেষ আর  
পুঁথি কপালে ঠেকিয়ে চুপ হয়ে যাবে। মাঘমাসে নিজেই তো মাথা মুড়োচ্ছেন,  
তখন বুঝবেন। তার চেয়ে আমি বলি কি—

হাসিমুখে মুহূর্তকাল তাকিয়ে হরিশঙ্কর আবার বলে, হুম করে আকাশ  
থেকে কিছু পড়ে না। ইঞ্জিনিয়ার হয়ে এই যে ঘরবাড়ি বানাচ্ছেন, হাতে-  
কলমে কত কাল ধরে রপ্ত করতে হয়েছে ভাবুন। শুয়ে শুয়ে আপনাপনি  
যখন কানে ঢুকছে, এ বিজ্ঞেরও কিছু পাঠ নিয়ে নিন। মেয়েমানুষ কি বলে,  
পুরুষে তার জবাবটা কি রকম দেয়। পালাটা আবার মেয়ে কি বলে। শুনে  
শুনে আধ-মুখস্থ করে নিন, বিয়ের পর কাজে আসবে।

কুমারদেব এবারে কিছু কঠিন হয়ে বলে, হাসি-মস্তুরা ছাড়ুন। এ জিনিস  
চাপা থাকবে না। আপনার নামে দোষ পড়বে। শুধু আপনি কেন, আমাকে  
স্বস্তি জড়াতে পারে। খালি-ঘরে কালই তালা ঝুলিয়ে দেবেন।

পরের রাতে আবার। প্রেমালোপ বটে, কিন্তু কথা একবর্ণ বোঝা যায়  
না। সমস্ত মিলিয়ে মিষ্টি গুণগুণানি। কালকের সেই জুটি, সন্দেহ নেই।

আগের দিন বেদম মজা লুটে গেছে, লোভে লোভে আবার এসেছে। পথ খোলা পেলে নিত্যদিন এসে জুটবে এমনি।

কুমারদেব খাটের উপর চিৎপাত হয়ে থাকতে পারে না। হরিশঙ্কর মন্দ বলেনি—শুন নেওয়া যাক, কি কথার পৃষ্ঠে কোন জবাব পড়ে। মনে গেঁথে নেওয়া যাক। দেয়াল ঘেঁষে এসে দাঁড়াল। হ্যাঁ, এখন—এবারে ধরতে পারছে কথা। অঙ্ককারে তাকিয়ে তাকিয়ে চোখের দৃষ্টি যেমন খুলে যায়।

আঃ, লাগে না বুঝি !

মেয়েটা বলছে, আরাম লাগে আমার। এক হয়ে এমন গায়ে-পায়ে থাকব, ভাবতে পেরেছি ? পালানোর তাড়া নেই—হোক না দিনমান, আশুক না আবার রাজি। কাউকে এখন পরোয়া করিনে।

হঠাৎ নিশ্চক। কতক্ষণ এমন রইল। ঠোঁটে কথা নেই, ঠোঁটের এখন অগ্নি কাজ বুঝি ! নাকি টের পেয়ে গেছে—

টুক টুক—দরজায় টোকা। কুমারদের ছিটকে পড়ে দেয়াল থেকে। ও-ঘরের ওরা কেমন করে টের পেয়েছে তার হ্যাংলামি, চুপিসাড়ে প্রেমলীলা শোনা। পুরুষটি বুঝি রুখে এসে পড়ল এবার।

কুমারদেব খাটের উপর চোখ বুজেছে, যেন কোন-কিছুই সে জানে না। দরজা ঠেলছে বাইরে থেকে, চাপা আওয়াজ : খুলুন না—

আরে, আরে, হরিশঙ্কর আমাদের। পাজামা-পরা অবস্থায় চলে এসেছে। দিনমানে এ বেশে কখনো দেখা যায় না।

ঘুমুচ্ছিলেন বুঝি ?

কুমারদেব পান্টা গ্রন্থ করে : তালা দেননি তেইশ নম্বরে ?

দিলাম আর কই। বাড়তি তালা ছিল না, নতুন কেনা হায়ে ওঠেনি। ভাবলাম, খরচা করবার আগে চক্ষু-কর্ণের বিবাদ-ভঞ্জন করে আসিগে। আজকে হচ্ছে না কিছু ? ঠাণ্ডা ?

জবাব অবধি সবুর করতে হয় না। ক্ষণবিরতির পর থুক-থুক চাপা হাসি। হাসির পরে গুঞ্জন। মণিরত্ন কুড়িয়ে পাবার মতন একছুটে হরিশঙ্কর দেয়ালের গায়ে। তা হচ্ছে পাওনা স্ত্রপ্রচুর—একমুখ হাসিতে সেটা মালুম। কুমারদেবেরও তবে আর একাকী খাটে ভালমাহুষ হয়ে শুয়ে থাকার মানে হয় না।

দেয়ালের দুই প্রান্তে দুজনের কান—কান দিয়ে প্রেমমালাপ যেন শুধে নিয়ে আসছে। কুমারদেবের মন আগে আগে উড়ছে, ছোটো মাস পার হয়ে লহমার মধ্যে মাঘে পৌঁছে গেল। তাদেরও যেন এমনি রাজি পর রাজি



এই হোটেলের দোতলার স্টেটে ছই যৌবনশ্রুট দেহ জড়াজড়ি হয়ে গানের গুঞ্জন করছে। গা শির-শির করে ওঠে—সত্যি সত্যি গায়ে কাঁটা দিয়েছে, কুমারদেব হাত বুলিয়ে দেখল।

আর হরিশঙ্করের মন টলতে টলতে পিছিয়ে যায় চার বছর—না, পাঁচ বছর। রেবাকে ধেবারে বউ করে আনল। এমনি সব রাত্রি—পলকে রাত ফুরিয়ে যায়, কথাবার্তা সারা হয় না। রেবা নামক সেই রমণীই বিপুল দেহ নিয়ে হোটেল-স্পারভাইজারের কোয়ার্টারে ঘুম দিচ্ছে, হরিশঙ্কর একই শয্যায় এতক্ষণ শুয়ে ছিল তার সঙ্গে। না শুয়ে রেহাই নেই বলে। কপাল ঠুকে টিপি-টিপি এই পালিয়ে এসেছে।

এই পালানো চাটখানি কথা নয়, দস্তুরমতো অ্যাডভেঞ্চার। পতিপ্রাণা বউ বরকে চোখে হারায়। বিয়ের দিন গাঁটছড়া বেঁধেছিল, বেঁধে রাখার পাক্ষ স্বত্ব সেই থেকে জন্মে গেল। ইদানীং প্রতি রাতেই—নিজের আঁচলে আর হরিশঙ্করের কোঁচায় গিঁট বেঁধে কোমরে গুঁজে রাখে। বরের বাপের সাধ্য নেই, গিঁট খুলে বেরিয়ে পড়বে।

তবু কী আশ্চর্য, সেই অসাধ্যসাধন করে এসেছে আজ। দায়ে পড়ে বুদ্ধি খোলে। ঈশ্বর ভয়ানক ভয়ানক বস্তু সৃষ্টি করেন বটে, কিন্তু করুণা করে ছিন্ন রেখে দেন বুদ্ধিমানেরা যাতে পরিজ্ঞান খুঁজে নিতে পারে। প্রচণ্ড মেয়েমানুষ বটে রেবা, কিন্তু ঘুমখানি নিশ্চিহ্ন। ঘুমের অবস্থায় যা-কিছু করবার, করে নিতে পারো। হরিশঙ্কর তাই করে এসেছে। পরনের ধুতি যেমন-কে-তেমনি ছেড়ে রেখে পাজামা পরে দরজা খুলে বেরিয়ে এসেছে। ছাড়া-ধুতির প্রান্ত আঁচলে বেঁধে রেবা ঘুমুচ্ছে।

কয়েকটা কথা দেয়াল ভেদ করে স্পষ্ট হয়ে ছিটকে এল : বড় রূপসী তুমি—  
রূপ না ছাই!

দেহটুকু জুড়ে ফুল আর ফুল। আর পদ্মকলি।

হরিশঙ্কর আঁকুপাকু করে। এত রূপের কথা বলছে, চোখ মেলে দেখা যেত একটি বার! রাজবাড়ির ছাত-মেঝে ভেঙেচুরে নতুন করে বানাল, কঠিন দেয়ালের একখানি ইটও খসায়নি। কলি ফিরিয়ে রং করে দিয়েছে শুধু। জানলা রাখত না সেকালে, ছাতের কাছাকাছি ঘুলঘুলি সামান্য বাতাস চলাচলের জন্ত। চাক্ষুষ দেখার অভাব উপায় নেই, কানে শুনেই যেটুকু চেহারার পাওয়া যাচ্ছে। অফিস-ঘড়িতে একটা বাজার আওয়াজ। সর্বনাশ, পুরো ঘণ্টা কেটে গেছে। এত দুঃসাহস ভাল নয় কিন্তু। রেবা যখন

বহাল তব্বিতে বৈচেবর্ভে রয়েছে, জেগে পড়া একেবারে অসম্ভব কিলে ?  
ভাবতে গিয়ে বুক টিবিটিব করে ।

না, ঘুমোচ্ছে রেবা নির্ভাবনায় কৌচার গিঁট কোমরে গুঁজে রেখে ।  
ঘুমোও, ঘুমোও । পাজামা বদলে ধুতি পরে হরিশঙ্কর নিশাট ভঙ্গলোক হয়ে  
পাশটিতে টুক করে শুয়ে পড়ল ।

হরিশঙ্কর জানে না—ব্যাপার কিছু সঙ্কটময় । অল্প দিন না হোক, আজ  
রেবা জাগ্রত । হরিশঙ্করের অদৃষ্ট ! কী দেখে পোষা বিড়ালটা জানলা থেকে  
লাফ দিবেছিল—টিপয়ের কাচের গ্লাস মেঝেয় পড়ে চুরমার । ধড়মড়িয়ে  
উঠে বসল রেবা । ভেবেছে চোর । গিঁট-দেওয়া ধুতি শয্যায় লুটোচ্ছে,  
মালুঘটা সরে পড়েছে । পাগল হয়ে রেবা বেকল । ফটকে একটা আলো  
জ্বলছে, তা ছাড়া অন্ধকার চতুর্দিক । জনহীন । ভয়ে গা ছম-ছম করে ।  
রাত্রিবেলা কোথায় এখন হড্ড হড্ড করে খুঁজবে । তার চেয়ে ঘরে গিয়ে  
দরজার পাশে বিড়ালের ইঁদুর ধরার মতো ওত পেতে বসে থাকুক । ফিরবে  
তো এক সময় !

বসে বসে আরও এক মোক্ষম মতলব এলো । ফিরবে হরিশঙ্কর—এখনই  
কিংবা এক ঘণ্টা দু-ঘণ্টা পরে । এবং রেবা যথোচিত কটুকাটব্যও করবে ।  
তা সত্ত্বেও কায়দা করা যাবে না, আজ-বাজে কৈফিয়ৎ দিয়ে ভালমালুঘ হয়েই  
থাকবে । হাতে-নাতে একেবারে জ্বীলোক-সহ ধরতে পারলে তখন আর  
বলবার মুখ থাকবে না । তাই করতে হবে ।

কপট ঘুমে আবার সে বিছানায় পড়ল । দিনমানেও বুঝতে দিচ্ছে না—  
কোন-কিছুই হয়নি, এমনি তার ভাব । যাতায়াত এমন কতদিন ধরে চলছে  
কে জানে ! নেশায় যখন পড়েছে, রোজই যাবে । না গিয়ে উপায় নেই ।  
কালকের রাত্রিটা অবধি ধৈর্য ধরে থাকা ।

পরের রাত্রে প্রেমময় স্বামী-স্ত্রী বাহুবন্ধনে আঁটো হয়ে এবং শাড়িতে-  
কৌচায় গিঁট দিয়ে যথারীতি ঘুমুচ্ছে । হরিশঙ্কর একসময় উঠে ধুতি ছেড়ে  
পাজামা পরে টিপিটিপি বেরিয়ে পড়ল । মুহূর্ত পরে রেবাও । কী সর্বনাশ !  
কেলিকুঞ্জ হোটেলের ভিতরেই—কয়েকটা মাত্র ঘর পার হয়ে গিয়ে । লজ্জা-  
ভয় একেবারে পুড়িয়ে খেয়েছে ! হয় এমনি, এ রোগের লক্ষণই এই ।

কুমারদেব দরজা আজ খুলে রেখেছে । নিদ্রাও বসে আছে । হরিশঙ্কর  
চুকে পড়ল । একটু পরেই দ্বিতীয় একজন—অ্যাডমিনিস্ট্রেটিভ অফিসার  
সন্তোষ অয়ং । কুমারদেব ঘটনাটা বলেছে তাঁকে । প্রতিকার হরিশঙ্করকে

দিয়ে হবে না—তার ইচ্ছা, চলুক এমনি—সে এসে নিত্মিরাতে ছ-কান ভরে  
মজা লুটে যাবে। কিন্তু পাশের ঘরে মচ্ছব চলবে, এ জিনিস হতে দেওয়া  
যায় না। হোটেলের বদনাম, কুমারদেবের নামেও দোষ পড়বে।

প্রবীণ গম্ভীর মাগুস দত্তরায়। কান খাড়া করে মুহূর্তকাল শুনে নিলেন।  
টর্ট জেলে ধরে ডাকলেন : আসুন—

পাশের তেইশ নম্বর ক্রম ভিতর থেকে বন্ধ। ঘরে ঢুকে সেই যুগলে খিল  
এঁটে দিয়েছে। দত্তরায় সজোরে কড়া নাড়লেন। লাথি দিলেন দরজায় :  
খোল বলছি—নয়তো ভেঙে ফেলা হবে। শিগগির খোল।

দরজা খুলে গেল। নারী-মুখের উপর দত্তরায় টর্ট ফেললেন। হায় ভগবান,  
হায় ভগবান—হরিশঙ্কর বজ্রাহত, রেবা এখানে! যে কণ্ঠের প্রেমালাপ শুনছিল,  
সে হল রেবা? পারে না যে এমন নয়, চার বছর আগেও তো কলকল করে  
বলত। আজ না-জানি কার সঙ্গে বলছিল চার বছর আগেকার সেই সব  
কথা—কোন পুরুষ?

দত্তরায় গর্জন কবে ওঠেন : অগ্র জন কোথায়?

নিজের ঘরে বেবার দোদুগ্রহতাপ। এত লোকের মাঝখানে লজ্জায়  
অপমানে সে কেঁদে পড়ল : অগ্র কে আবার?

একলাই বুঝি দুইজন হয়ে দুই হবে কথা বলছিলেন? এমন জিনিস বিশ্বাস  
করতে বলেন?

দুইজনের কথা—সে তো পাশের ঐ ঘরে।

ঠিক সেই মুহূর্তে সম্পষ্ট কথা শোনা গেল : দুজনে কেমন বেশ এক হয়ে  
আছি।

অগ্র কণ্ঠ : কোনদিন কেউ আর আলাদা করতে পারবে না।

রেবা টেঁচিয়ে ওঠে : ঐ যে, বলছে এখনো। ও-ঘরে। আমায় বড়  
দ্রুতছিলেন—শুনতে পাচ্ছেন?

কুমারদেবের বাইশ নম্বর ক্রম ছেড়ে এইমাত্র সবাই এসেছে—প্রেমলীলা  
সহমার মধ্যে সেখানে চালান হয়ে গেছে। কিন্তু দত্তরায় ছুটলেন আবার  
বাইশ নম্বরে। কিছুই না—খালি ঘর। কথাবার্তা যত-কিছু পাশের তেইশ  
নম্বর থেকে আসে।

বেড়ে মজা! অদ্ভুত কৌতুকীরা প্রেমের খেলা নিজেরা খেলছে,  
খেলাচ্ছেও আবার এদের সকলকে নিয়ে। এরা যখন বাইশ নম্বরে হামলা  
দিয়েছে, ওরা চলে যায় তেইশে। এরা যখন তেইশে, ওরা ফের বাইশে গিয়ে  
জোটে। অদ্ভুত চলাচল—পলক ফেলতে যেটুকু সময় লাগে, তারও আগে।

অনেক লোক জুটে গেছে এখন, উপর থেকে নিচে থেকে ঘুম ভেঙে এসে পড়েছে। এ-ঘরে ও-ঘরে—দু-ঘরেই লোক। বাইশ নম্বরের লোক বলছে, তেইশ নম্বরে কথাবার্তা। তেইশের লোক বলছে, না না—বাইশে। তরাল লেগেছে—এ-হেন তাজ্জব ব্যাপার কী করে সম্ভব হয়?

কুমারদেব কী একটা ভেবে নিয়েছে। বলে, আচ্ছা, আহ্ননেগে সব আপনারা। কাল দিনমানে দেখা যাবে।

হোটলে সারা রাত কেউ ঘুমাল না। হেথায় হোথায় জটলা। বিস্তর ঘর-বাড়ির কাজ হচ্ছে, মিস্ত্রিমজুর খাটছে—পরদিন প্রহরখানেক বেলায় কুমারদেব তাদের কতকগুলো নিয়ে এলো। তেইশ ও বাইশ নম্বরের মাঝের দেয়ালের এখানে ওখানে গাঁইতির ঘা দিচ্ছে। গুমগুম করে আওয়াজ এক জায়গায়—অর্থাৎ গাঁথুনি নিরেট নয়, ভিতরটা ফাঁপা। এমনি কিছু কুমারদেব আন্দাজ করেছিল। জায়গাটা দাগ দিয়ে চিহ্নিত করে দিল : খোঁড় এখানটা, দেখা যাক।

এঘরে ওঘরে দেয়ালের দুই পাশ থেকে ছুমদাম গাঁইতি পড়ছে। একটা ইট খুঁড়ে ফেলতেই কাঠের গায়ে ঠোঁকর লাগে। হয়েছে, হয়েছে, সবু—

লম্বা সাইজের কাঠের বাক্স—জিনিসটা মাঝখানে বসিয়ে দু-পাশে গঁথে দেয়াল ভরাট করে দিয়েছিল। বাক্স ঠিক বলা চলে না—ডালা নেই, বড় বড় গুলপেরেক ঠুঁকে মজবুত করে চতুর্দিকে তক্তা আঁটা। কোন একটা যন্ত্র, গ্রামোফোন জাতীয় জিনিস—রাত দুপুরে যেখান থেকে অনর্গল প্রেমালাপ বেরোয়।

অনেক চেষ্টাচরিত্র করে গাঁইতির চাড়ে অবশেষে একদিককার তক্তা উঠে গেল। যারা কাজ করছিল, বাবা রে—বলে ছিটকে পড়ে। বাঘ বেকুল, না কেউটেসাপ? তার চেয়েও সাংঘাতিক—ককাল। একটা নয়, দুটো মামুষের ককাল।

দুটো মামুষ মুখোমুখি দড়ি দিয়ে শক্ত করে বাঁধা। একজন নারী—হাতে গয়না, গলায় গয়না, কোমরে গয়না, পায়ে গয়না। মাথায় দীর্ঘ চুল খসে খসে পড়েছে, তার মধ্যেও গয়নার মণিমাণিক্য জলজল করছে। অন্যটি পুরুষ। বেঁধে দিয়েছে দুজনকে—তার মধ্যেও পুরুষ-ককাল হুহাতে নারী-ককালকে বেড় দিয়ে ধরে আছে। দুই ককালের নিরাবরণ দু-জোড়া দাঁতের পাটি হাসছে—কফিনের নিরিবিলা ঠাই পেয়ে বর্তে গিয়েছে দুজনে।

হরিশঙ্কর কুমারদেবের কানে কানে বলে, বুঝতে পারলেন? ছোটরানী। তারা পালিয়ে যায়নি, রাজবাড়িতে রয়ে গেছে। সন্ন্যাসীরাজা নিজেই বোধহয় বলবাসের এই পাকা জায়গা করে দিয়েছিলেন।

## ফেরা

কালী, প্রয়াগ, কিংবা মথুরা ?

ফিক করে স্বপ্নমা হেসে ফেলল। বলে, তীর্থধর্মের বয়স কি আমাদের ?  
আর কোনো জায়গা পেলেন না বুঝি ?

ধর্মের আবার বয়স আছে নাকি ?

স্বপ্নমা রায় দিল : এখন বাইশ তোমার বয়স—যখন বাহান্তর হবে,  
সেই সময় অনুমতি দেবো। তার আগে নয়।

তাবক হাল ছেড়ে দিয়ে বলে, তুমিই ঠিক কর তবে কোথায় যাওয়া যায়।

বা-হাতের উপর খুঁতনির ভর রেখে স্বপ্নমা স্বামীর দিকে চেয়ে মিটিমিটি  
হাসছে। অবোধ ক'টি চুল এসে পড়েছে মুখের উপর। সরিয়ে দেয়,  
আবার এসে পড়ে। বাংলা বিশ সনের সেই অষ্টাদশী স্বপ্নমাময়ী।

জয়পুরে পিসিমা আছেন। তিনি তো চিঠির পর চিঠি দিচ্ছেন যাবার  
অজ্ঞে।

তারক সায় দেয় : চমৎকার জায়গা। গোবিন্দজী আছেন সেখানে।  
আর কাছেই অম্বরপাহাড়ে যশোরেশ্বরী।

ঘাড় নেড়ে স্বপ্নমাময়ী বলে, উহ, কক্ষনো ওখানে নয়—

তারকও সঙ্গে সঙ্গে আপত্তি করে : মরুরাজ্যে মন টিকবে না সত্যি।  
জল না দেখতে পেলে বাঁচি আমরা বাংলাদেশের মানুষ ?

চিন্তায় চলো তা হলে। রক্তার কাছাকাছি ইঞ্জিন বিগড়ে একবার ছিলাম  
আধ-ঘণ্টা খানেক। তার পরে গাড়িতে আর উঠতে ইচ্ছে হচ্ছিল না।

বড় জরজারি ওদিকটায়। ডাক্তার-কবিরাজ নেই। আমি একবার  
ছিলাম কিছুদিন। জর হলে একটা কুইনিনের বড়ি পাবার উপায় নেই,  
ওলব এমনি জায়গা।

কত আর ভেবে ভেবে বলা চলে ! তখন রেলওয়ে টাইম-টেবল এনে  
স্বপ্নমা জায়গার নাম পড়ে। সারা ভারত প্রায় চুঁড়ে ফেলল, কিন্তু পছন্দসই  
জায়গা মেলে না। সর্বত্রই একটা না একটা খুঁত।

আপাতত স্থগিত রইল। কাল সকালে আবার দেখা যাবে। বেকতেই  
হবে কোথাও—মানুষের ভিড় ও সংসারের বামেলা ছেড়ে যে জায়গায় ছুটিতে  
মুখোমুখি বসতে পারবে। একের মন অন্যকে জড়িয়ে থাকবে, নিবিড় করে  
পাবে যেখানে পরস্পরকে।

পছন্দ হল অবশেষে চাকদা—প্রাচীন চক্রদহ। বনেদি জায়গা। অথচ ঠাকুরদেবতার হাঙ্গামা নেই। অজানা একটু-আধটু থাকেনই যদি—কী করা যাবে, তেজিশ কোটি দেবতার ভূমি ভারতবর্ষে ওঁদের হাত একেবারে এড়ানো সম্ভব নয়। কলকাতা থেকে মাত্র ঘণ্টা দেড়েকের পথ—বেগতিক বুঝলে পালিয়ে চলে আসা যাবে। আর যা চেয়েছিল—নিরিবিলা জায়গা। সব চেয়ে সুবিধা, গঙ্গার উপরে চমৎকার এক বাগানবাড়ি পাওয়া যাচ্ছে। তিন দিকে পাঁচিল-ঘেরা—গঙ্গার দিকটা মুক্ত কেবল। প্রস্তুত সিঁড়ি নেমে গেছে নদীগর্ভে। স্নিগ্ধ জ্বোলো-হাওয়ায় সিঁড়ির উপরে বসে কলগুঞ্জে দিব্যি দিন কাটবে। বাগানবাড়ির মালিক তারকের পুরানো বন্ধু। ভাড়ার প্রসঙ্গে বন্ধু বলে, আমিই তো ভাবছিলাম তুই কত চেয়ে বসিস আমার ঐ জংলি বাড়ি পাহারা দেবার দরুন। হাসির উচ্ছ্বাসে সকল প্রস্তাব সে উড়িয়ে দিল।

স্বয়মায়ীর ভারি পছন্দ। তারককে বলে, বিক্রি করেন তো কিনে ফেল। বিনি-ভাড়ায় কদিন থাকা চলে! এমন জায়গা ছেড়ে আর কোথাও যাব না আমি।

শুধুমাত্র বিষয়া চাকর, আর একটা ঝি—বেশি লোকজন রেখে ভিড় বাড়াবে না। রাঁধাবাড়া স্বয়মাই করবে। দুটো চাল ফুটিয়ে খাওয়ানো—এতেও যদি বাদ সাধতে চাও, বিষম ঝগড়া হবে, কথাবার্তা বন্ধ হয়ে যাবে একেবারে।

তারক, স্বয়মা আর কলস্বনা গঙ্গা। এক একটা দিন শান্ত মন্থরতায় কেটে যাচ্ছে পাল-ফোলানো ঐ নৌকোগুলোর মতো। কে বলবে, আঠারো আর বাইশের তরুণ দম্পতি—যেন আট আর বারো বছরের চপল দুই শিশু। হাঁটে না, ছুটে বেড়ায়। গানের কলি এক একটা গেয়ে ওঠে মাঝে মাঝে। কেউ নেই আড়ি পেতে দেখবার, এবং মূখরোচক আলোচনা চালাবার। এই সব ভেবেই তো দুজনে একা একা এসেছে।

রোদে ঘরবাড়ি ভরে গেছে, তারক তখনও বিছানায়। স্বয়মা এসে হাসিমুখে ডাকে : ওঠা হবে না আজ মশায়ের ?

তারক ধড়মড়িয়ে ওঠে : এসেছে কেউ ?

কে আসবে—কে-ই বা চেনে আমাদের এ জায়গায় ?

তবে শুয়ে থাকি আরও খানিকক্ষণ হাত-পা ছড়িয়ে।

স্বয়মার খুশির অন্ত নেই। পুরুষমাস্থ্য আয়েশি ও পরনির্ভরশীল তো হবেই—নইলে মেয়েদের কোন কাজ থাকে না। স্বয়মা হাঁটছে না আজকাল মাটির উপর দিয়ে। যেন উড়ে চলে। আঁচল যেন পাখনা। এই সকালেই

স্নান সেরে পাটভাড়া শাড়ি ও সিঁচুরের টিপ পরে প্রসাধনে ও পরিমার্জনায় বাড়িময় সে ঝিলিক দিয়ে বেড়াচ্ছে।

এবার যে একটু উঠতে হবে লক্ষ্মীটি ! তারপর আবার শুয়ো।

থালায় লুচি, বাটিতে গরম দুধ। মেঝের উপর আসন পেতে সুষমা থালা-বাটি সাজিয়ে দিল : ওঠো—

এত সব করে আনলে এর মধ্যে ? নাঃ, বড় বাড়াবাড়ি তোমার !

কী আর করেছি ! নতুন জায়গা, কোন-কিছুর জোগাড় নেই—ভাবলাম, মাছের তরকারি করে দেব। বিস্ময়কে পাঠিয়েও ছিলাম ঘাটে। এত সকালে মাছ পাওয়া গেল না।

পনের-বিশ দিন চলল এই নিয়মে। তার পরে একদিন খাবার তৈরিতে ব্যস্ত—পিছন ফিরে দেখল, তারক দরজায় এসে দাঁড়িয়েছে।

উঠে পড়লে এর মধ্যে ?

সরো, আমি লুচি বেলে দিই, তুমি ভাজো। দিচ্ছেই দেখ না, পারি কিনা—

তোমার কাজ তুমি কর গে। রান্নাঘরে ভুল করতে এসো না বলছি।

আমার কাজ কি বল তো ? খাওয়া আর ঘুমানো ?

সুষমা দয়াপরবশ হয়ে বলে, একটু-আধটু বেড়াতেও পার। কিন্তু খাবার হয়ে গেলেই চলে আসবে। তখন যেন ডাকাডাকি করতে না হয়।

এই দিনগুলির স্মৃতি সুষমাদেবী ভুলতে পারেন নি দীর্ঘ জীবন-কালের মধ্যে। মন্দিরের চাতালের উপরে আসীন পলিতকেশ স্বল্পবাক্ মহিলাটিকে কেউ কেউ দেখেছেন হয়তো। তা থেকে সেকালের সুষমাময়ীর কোন আন্দাজ পাবেন না। সমস্ত বদলেছে—ভাড়া মন্দির নতুন হয়ে গেছে, পুরানো সেই বাগানবাড়ির চেহারাও একেবারে ভিন্ন। সামনের দিকটায় কংক্রিটের ব্যালকনি সংযুক্ত হয়েছে। শুধুই বাড়ি—বাগানের চিহ্নমাত্র নেই। উষান্তর ভিড়ে চাকদা এখন আধা-শহর জায়গা—বাগান করে ফেলে রাখার মতন জায়গা কোথায় ?

এর পরে একদিন সুষমা জলখাবার সাজিয়ে তারককে আর খুঁজে পায় না। কোথায় গেলে—ওগো ?

বারান্দায় দাঁড়িয়ে চারিদিক তাকাচ্ছে। গঙ্গার ধারটাও একবার ঘুরে এলো। দেখে, তারক কখন ইতিমধ্যে চলে এসে আসনে বলে পড়েছে।

গিয়েছিলে কোথা ?

খিড়কি দিয়ে বেরিয়ে পড়েছিলাম। কাল তোমায় নিয়ে যাব। দেখবে, কী চমৎকার ওদিকটা।

আমি যাবো কেমন করে ? হাওয়ায় তো পেট ভরবে না ।

মন ভরবে স্মৃতি । তখন মনে হবে, এমনি সব সকাল নষ্ট হয়েছে রান্না-ঘরের কালিস্থলির মধ্যে বসে বসে ।

স্বপ্নমা হেসে বলে, আমার জন্ম ভাবনা করতে হবে না মশায় । মন আমার ভরেই আছে । ঠাকুরের বিদঘুটে রান্না মুখে তুলতে পারতে ? ঘেন্না-ঘেন্না করে খেতেও যদি, অস্বস্তি করত ।

কিন্তু ব্যাপার সঙিন হয়ে উঠল । এক সকালে খাবার ঠাণ্ডা হল, তারকের দেখা নেই । উষ্মে স্বপ্নমা ঘর-বা'র করছে । কোথায় গেছে, কার কাছে খোঁজ করবে—কিছুই ভেবে পায় না । খিড়কির দরজায় দাঁড়িয়ে কুলবধূর শালীনতা বজায় রেখে গলা যতটা উচু করা যায়—তেমনি করে ডাকছে : গেলে কোথা ?

অনেক বেলায় তারক ফিরল । স্বপ্নমার মুখ থমথম কবছে—খেতে যাচ্ছে, খালান্ধ নিয়ে সে ঢেলে দিল আঁস্তাকুড়ে ।

তারক হাসিমুখে বলে, বেঁচে গেলাম । খেতে মোটে ইচ্ছে করছিল না । কিন্তু নষ্ট না করে বিস্ময়া ওদের দিলে না কেন স্মৃতি ?

রাগ করল না, বরঞ্চ বলবার এইরকম শান্ত ভঙ্গি—স্বপ্নমা ভয়ে কাঁটা হয়ে গেছে । উপযাচক হয়ে কৈফিয়ত দেয়, ঠাণ্ডা লুচি খেতে বিশ্রী—সেই জন্তে ফেলে দিলাম । এফুনি আরার ভেজে দিচ্ছি । বিস্ময়ারা খেতে চায়, তাদের জন্তেও করব ।

তারক বলে, আর ভাজাভাজি করতে যেও না । আমি খাব না !

খেতেই হবে, কিছুতে শুনব না । ময়দা মাখা আছে, কতক্ষণ লাগবে !

যেতে যেতে মুখ ফিরিয়ে আবার বলে, তুমি রাগ করেছ । ইয়া—নিশ্চয় । রাগ না করলে মুখ অমনধারা কেন ?

কেমন আবার ! রাগ করলে মাহুস বুঝি হাসে ?

তুমি হাসো । সব তোমার আলাদা । কেন এমন করবে ? আমি যেন কী করেছি—এমনি ভাব তোমার ।

বলতে বলতে স্বপ্নমাময়ীর গলার স্বর কাঁপে, চোখে জল এসে যায় । তারক তার হাত ধরল । কোমল মুখখানা পরম স্নেহে বুকের উপর ধরে জল মুছে দিল । স্বপ্নমা সন্তুষ্ট হয়ে বলে, দেখ দিকি কাণ্ড ! ছাড়ো—ছেড়ে দাও, বিস্ময়া ঘুরছে ঐ ।

হাসবে তুমি—ঠিক এই আমার মতন হাসবে । তার পরে ছেড়ে দেব ।

ভাল রে ভাল ! তুমি রাগ করবে, হাসতে হবে আমায় ! আচ্ছা, আচ্ছা—হাসছি আমি মশায় । হল ?



‘খাবে না’ বলার ফলে এতদূর। অভাব খেতেই হল। খেতে খেতে তারক বলে, রাগ-টাগ নয়। একটা কথা ভাবছি তখন থেকে। জীবনের কত অমূল্য সময় আমরা হেলাফেলায় নষ্ট করি। অথচ কত কী করার আছে।

স্বপ্নমার ভয় করে। ঘনিষ্ঠ ভাবে পাবে বলে সকলের কাছ থেকে আলাদা করে নিয়ে এলো, কিন্তু এই পরম নির্জনতায় আবার এসব কী আজব ভাবনা ঢুকছে তার মনে—যার অর্থ স্বপ্নমাময়ী একবর্ণ বুঝতে পারে না?

পরদিন ভোরে স্নান করে বাইরে এসে দেখস, তারক তেল মেখে কাপড়-গামছা নিয়ে গন্ধার দিকে যাচ্ছে।

ও কি?

প্রাতঃস্নান তুমি কর, আমিও করব। শরীর তো বটেই, মনটাও বেশ পরিচ্ছন্ন হয়।

স্নান সেরে হন হন করে বেড়াতে বেরুল। ফিরতে প্রায় দুপুর। এসেই তারক বলে, মিথ্যে হয়রানি তোমার স্বপ্নি। খাবারের দরকার নেই। সকালে আমার ক্ষিধে পায় না। তুমি দুঃখ পাবে বলে খেয়ে ফেলি। কিন্তু শরীর খারাপ লাগে।

ইদানীং স্বপ্নমা বড় অসহায় বোধ করছে নিজেকে। অভিমানে গুমরে মরে। কিন্তু বলবে কাকে, কে তার মুখে তাকিয়ে দেখছে! নিরবচ্ছিন্ন সঙ্গ এত কি বিবক্তিকর হয়ে উঠল এর মধ্যে? ভুল করেছে সে। চিনি মিষ্টি বলে যত খুশি খাওয়া চলে না।

চলে যাই কলকাতায় ফিরে—

তারক আশ্চর্য হয়ে বলে, বাগানবাড়ির বায়নাপত্র হয়েছে। টাকাকড়িরও কতক লেনদেন হল। কিনতে বলেছিলে তুমিই তো।

কাজ নেই, চলো ফিরে যাই।

এখন আর উপায় নেই। বেশ তো জায়গা। বিগড়ে যাচ্ছ কেন বলো দিকি?

স্বপ্নমাময়ী তাড়াতাড়ি সরে যায়। ভয় হল, কেঁদেই ফেলে বুঝি বা! আগে হলে তাই হত—এখন তারকের সামনে কিছুতে চোখে জল আসতে দেবে না। নানা সন্দেহ মনে উঠছে একটা কিছু ঘটেছে—কেউ এসে পড়েছে নিশ্চয় স্বপ্নমা আর তারকের মধ্যে।

বিষ্ময়ার কাছে অবশেষে সঠিক খবর পাওয়া গেছে। চাকরকে চর হতে বলা চলে না—বলল, ডেকে নিয়ে আয় দিকি বাবুকে। এই দিকে গেলেন—বেশি দূর গেছেন বলে মনে হয় না। নজর করে দেখতে দেখতে যাবি।

বিশ্বয়া খবর আনল, দূরে যায় নি তারক। বাগান ছাড়িয়ে জীর্ণ শিবমন্দির—  
—জীর্ণ হলও বিগ্রহ রয়েছেন। তাঁর সামনে তদগত হয়ে বসে আছে।

কোন-একটা মেয়ের সঙ্গে ফটিনটি করেছে—এ খবর পেলে স্বষমা এত  
বিচলিত হত না। শহর ছেড়ে এসে বড় ভুল করেছে। শহরের বিলাসবিভ্রমে  
ভয় নয়—ভয় বেশি ভগবানের। তারকের প্রপিতামহ সংসার ও স্ত্রী-পুত্র  
ছেড়ে সন্ন্যাসী হয়ে যান। পিতামহ স্থানে-স্থানে কালীসাধনা করে  
বেড়াতে—শেষটা পাগলা-গারদে স্থান হয় তাঁর, সেইখানে তিনি মারা  
যান। তারকের এযাবত ঐ সব লক্ষণ দেখা যায় নি বটে, কিন্তু বড় বেশি  
সদাচারী সে। ভুলেও মিথ্যা বলে না। মুখ ফসকে কথা একটা যদি বেরিয়ে  
পড়ে, অক্ষরে অক্ষরে তা পালন করবে।

পাগলের মতো স্বষমা মন্দিরে চলে গেল। পাষাণ-বিগ্রহের সামনে নিতুঙ্ক  
আর এক পাষাণ-মূর্তির মতন তারক চোখ বুঁজে বসে আছে।

বাড়ি যাবে না, ওগো ?

কানেই গেল না তারকের। যেন কোন্ লোকে চলে গেছে, স্বষমার  
বাকুল ডাক তত দূরে পৌঁছায় না। গায়ে হাত দিতেও সাহস হয় না—এ,  
মূর্তি নিতান্তই অপরিচিত, স্বষমার সঙ্গে চেনা-জানা নেই যেন।

আর্তকণ্ঠে স্বষমা চৈচিয়ে ওঠে : বেলা হয়েছে—বাড়ি চলো।

তারক চোখ মেলে তাকাল। শূন্য দৃষ্টি, স্বষমাকে বুঝি চিনতে পারছে  
না। উঠে দাঁড়াল ক্ষণ পরে। মন্দিরের সিঁড়ি দিয়ে নেমে আম-কাঁঠালের  
ছায়ায় ছায়ায় ধীরে ধীরে বাড়ি চলে এল। ঘরে এসে তারক কথা বলে।  
লম্বোহন অবস্থা কেটেছে। বলে, তোমায় নিয়ে তো বিষম মুশকিল স্থিতি।  
অন্ধুর অবধি চলে গিয়েছিলে—একটুতেই এমন উতলা হয়ে পড় তুমি !

সর্বনাশ ঘটল কয়েকটা দিন পরে। তারকের জন্তু জলখাবার করতে হয়  
না। আর তারকই যখন খায় না, স্বষমার খাওয়ার কি গরজ ? চাড় নেই  
সকাল-সকাল উঠবার। তারকই আগে-ভাগে উঠে স্নান করে মন্দিরে গিয়ে  
বসে।

বিশ্বয়া এসে বলল, মা. কাপড়-গামছা ঘাটে পড়ে আছে—বাবু কোথায় ?

স্বষমা ছুটল শিবমন্দিরে। কেউ নেই। বর্ষায় গঙ্গার ছু-কুলদ্বাবী ঘোলা  
জল খরস্রোতে আবর্ত রচনা করে চলেছে।

স্থিতি আছে আর তারক নেই—ভাবতে পারে না স্বষমাময়ী। চলে গেছে  
কোথাও—সন্ন্যাসী হয়ে গেছে হয়তো সেই প্রাচীন প্রপিতামহটির মতো।

স্বপ্না ফিরিয়ে আনবে—তারক ছাড়া সে থাকবে কেমন করে? কারও কোন ক্ষতি-অঙ্গায় করে নি, নিজের ছোট সংসারটি সাজানো-গোছানোর সাধ ছিল কেবল—তার স্বখে কেন দেবতা বাদ সাধবেন?

দিনরাজি সে ব্যাকুল হয়ে কঁাদে : এসো গো, তুমি ফিরে এসো—

এসব হল বাংলা বিশ সনের ঘটনা। সে চোখের জল স্বপ্নাদেবীর অনেক দিন শুকিয়ে গেছে—এখন কান্না নেই। সেই প্রথম দিন বলেছিলেন, চাকদা ছেড়ে কোথাও যাবেন না—সে কথা অক্ষরে অক্ষরে বজায় আছে। চাকদায় জীবন কাটিয়ে দিলেন। শিবমন্দিরের সংস্কার করেছেন তিনি—মন্দিরের সামনে গজার উপর প্রশস্ত চাতাল তৈরি হয়েছে। আরও বিস্তার দানধ্যান আছে স্বপ্নাদেবীর। প্রতি সন্ধ্যায় মন্দিরের চাতালে ভাগবত-পাঠ হয়, পুণার্থী নরনারী অনেকে আসেন। সকলের পিছনে একেবারে শেষপ্রান্তে স্বপ্নাদেবী। উজ্জল গৌরবর্ণ, হাতে দু-গাছা সৰু সোনার চুড়ি, মাথায় শনের মতো সাদা চুলের রাশি। সবাই চেনে তাঁকে, সকলে সমীহ করে।

পাঠ সমাধা হবার পর কথকঠাকুর বিদায় নেন, যে যার ঘরে চলে যায়। সকলে নমস্কার করে যায় স্বপ্নাদেবীকে, হাসিমুখে তিনি মাথা নোয়ান। মুখে কিছু বলেন না—কেমন আচ্ছন্ন ভাব। দেহটাই পড়ে আছে, আর কোন জগতে ভেসে বেড়াচ্ছেন যেন তিনি—বুঝি কথকের বর্ণনার সেই অতীত পৌরাণিক কালে ঋষি ও দেবগণের সঙ্গে। অভ্যাসবশেই হাসেন তিনি এবং ঘাড় নোয়ান।

গজার কূল একেবারে নির্জন হয়ে যায়। চাতালের ভিত্তিমূলে জল ছলছল করে, তাছাড়া কোনদিকে শব্দ মাত্র নেই। গভীর রাজি অবধি একলা তিনি বসে থাকেন গজার দিকে চেয়ে। তারপর এক সময়ে ধীরপায়ে ঘরে আসেন। চোখে ভাল দেখেন না, কিন্তু এ পথটুকু মুখস্থ হয়ে গেছে।

চাক বলে এক অল্পবয়সী বিধবা তাঁর সঙ্গে থাকে। যি তাঁকে বলতে দেন না—বলেন মেয়ে। শুয়ে থাকে সে স্বপ্নাদেবীর রাজির খাবার পরিপাটি ভাবে ঢাকা দিয়ে রেখে। সাড়া পেয়ে উঠে এসে একপাশে দাঁড়ায়। স্বপ্না দেখেও দেখেন না, খাবারের কাছে বসেনও না অধিকাংশ দিন, শয্যায় শুয়ে পড়ে চোখ বোঁজেন।

গেল ভাজ মাসে তিনি যারা গেছেন। শরীর বেশ ভাল—হঠাৎ সদি হয়ে জ্বর হল। অবিচ্ছেদ্য জ্বর—কোন সময় ছাড়ে না। বড় ছুরোগ সেদিনটা। কী বুট্টি, কী রকম মেঘের ডাক! যত বেলা শেষ হয়ে যায়, বাতাসের জোর

তত বাড়ে। সারাদিন গঙ্গা কালো মুখ করে আছে, তিলেকের তরে হান্ডজ্যোতি ফুটল না। আকাশে মেঘ, জলের উপরেও মেঘছায়া। নৌকো-ডিঙি নেই নদীতে—মোটা কাছি দিয়ে নোঙর করে রেখেছে। খেয়া-পারাপার বন্ধ। পথে-ঘাটে লোক নেই—পার হতে যাচ্ছেই বা কে!

রাতে বাতাস উন্নত হয়ে উঠল। নদী মাথা ভাঙছে পাড়ের উপর। উঠানব পাশে আম-কাঁঠালের গাছ ক'টিও পাগল হয়ে উঠেছে, ভূমিগ্ন হয়ে থাকতে চায় না—ভালপালা ভেঙে মূচড়ে প্রাণপণ প্রয়াসে উড়ে যেতে চাচ্ছে বাতাসের সঙ্গে। ঝড় ছমড়ি খেয়ে পড়ছে দালানের গায়ে, দরজা-জানলা ঠকঠক করে নড়ছে অবিরত, গোটা দালানটাই যেন থরথর কাঁপছে। ভেঙে না পড়ে! জর খুব বেড়েছে, চমকে চমকে ওঠেন স্রমাদেবী। এরই মধ্যে একটু উঠে বসে সন্তর্পণে জানলার কপাট খুলে বাইরের অবস্থা আন্দাজ করার চেষ্টা করেন।

অন্ধকাবেও গঙ্গা চিকচিক করছে—বাতাস হাহাকার করে ফিরছে ফাঁকা নদীর উপরে। কত কোটি কোটি মানুষ মরে গেছে সৃষ্টির আদিকাল থেকে—তাদের বিদেহী আত্মা দুর্ভোগ-নিশায মুক্তি পেয়ে কৈদে কৈদে বেড়াচ্ছে ভুবনের একটুকু গৃহ-বন্ধনের আশায।

স্রমার চোখে এতদিন পরে জল এলো। আকুল হয়ে কাঁদেন তিনি। চারিদিকে এত সূখ্যাতি - মা-মণি বলে দেশ-দেশান্তরে নাম—কিন্তু আজ শেষ-বয়সে একাকী রোগশয্যার উপর অসহায় মনে হল নিজেকে। এত যশ-সমারোহেব কিছুমাত্র মূল্য নেই—জরজর্জর দেহ চাইছে প্রীতিপর আর একটি দেহের উষ্ণ সান্নিধ্য। কতকাল আগে হারিয়ে-যাওয়া একটি মানুষ—তারক ষার নাম। চিরজীবন আত্মবঞ্চনা করে স্রমাদেবীর ধৈর্যের বাঁধ ভেঙ্গে গেল অকস্মাৎ।

কোথায় চলে গেলে, ফিরে এসো। আমারও তো চলে যাবার সময়—চিরদিন তোমায় চেয়েছি, ভাল ছাড়া মন্দ কখনও কারও করি নি। কেন আসবে না?

চারু উত্তরের-কুঠুরিতে শোয়। উঠে দেখতে এল। ভেজানো দরজা ফাঁক করে মুত্কে ঠাকে, মা-মণি!

স্রমার সাড়া নেই। চারু ভিতরে এলো। প্রদীপ মিটমিট করছে—সলতে বাড়িয়ে তেল ঢেলে দিল একটুখানি। বিছানার কাছে এসে দাঁড়ায়। বিভোর হয়ে ঘুমুচ্ছেন স্রমা। ডাকাডাকি করে ঘুম ভাঙাতে চায় না—আহা, ঘুমোন উনি। আজকে বেশ ভাল আছেন, মনে হচ্ছে। এমন শান্ত হয়ে ঘুমোন নি ক-দিনের মধ্যে।

শেষ রাতে স্বমার ঘুম ভাঙল। ঝড়বৃষ্টি বন্ধ হয়ে গেছে। খুব ভাল লাগছে—সত্যিই ভাল আছেন তিনি। ঠক-ঠক-ঠক, ঠক-ঠক-ঠক, ঠক-ঠক-ঠক!

পাশ ফিরে তাকালেন স্বমাদেবী। শরীর যেন অবশ। কিন্তু আরাম আছে সর্বত্র জুড়ে। দালানের দরজায় কে টোকা দিচ্ছে : ঠক-ঠক ঠক!

আলসেমি লাগে। তবু উঠতে হবে। উঠে খুলে দিতে হবে দরজা। মন্থর পায়ে চললেন দরজায়। প্রদীপের আবছা আলোয় দেখলেন, থিল দেওয়া নেই—ঠিকই তো, চারু খুলে রেখে দিয়েছে ওষুধ খাওয়াতে আসবে বলে।

কে, চারু? আয় না রে, ভিতরে চলে আয়—

দরজা খুলে ফেললেন। দালান পার হয়ে বেরিয়ে যাচ্ছে একটা লোক।

শোন, কে তুমি?

জানলা দিয়ে চাঁদের আলো এসে পড়েছে। সারাটা দিন এবং অর্ধেক রাত্রি পর্যন্ত যে ঝড়বৃষ্টি, সবই দুঃস্বপ্ন যেন একটা। চারিদিক ঝিকমিক করছে।

ফিরে যাচ্ছ কেন? শোন—

সেই স্বচ্ছ জ্যোৎস্নার মধ্যে এসে দাঁড়াল—চারু নয়—রমণীয়কান্তি এক যুবা।

অবাক হয়ে তাকিয়ে আছেন স্বমাদেবী। চোখে ভাল দেখেন না—তবু চেনা-চেনা মনে হচ্ছে...কবে যেন দেখেছিলেন একে! ক্ষীণ আলোয় যেমন করে পুঁথি পড়ে, তেমনিভাবে তাকিয়ে তাকিয়ে দেখছেন।

যুবা মৃদু হেসে বলে, চিনতে পারছ না?

স্বমার রাগ হল বিষম। পাড়ার কোন্ বখাটে এসে ঢুকল? কোন্ বেপরোয়া? একবার মনে হল, নষ্টচন্দ্র আজ—কেউ বুঝি মাচার কুমড়ো পাড়তে এসেছে, দরজা ঠকঠকিয়ে গৃহস্থর সাড়া নিচ্ছিল। স্বমাদেবীকে তুমি-তুমি করে বলছে—কী আশ্চর্য! কোনকালে 'তুমি'-ডাক শুনেছেন, একেবারে তা মনে পড়ে না।

যুবা এগিয়ে এসে তাঁর হাত ধরল। গভীর ভালবাসার সুরে বলে, অসুখ করেছে?

ছি ছি ছি! নির্জন দালানে একটা বুদ্ধিকে নিয়ে কী কাণ্ড রাত্রিবেলা! হাত ছাড়িয়ে নিলেন স্বমাদেবী। সর্বদেহ অশুচি লাগছে, ঘৃণায় রি-রি করছে মনের ভিতর।

চারু!

চারুকে ডাকবেন। আর চৌচিয়ে ডেকে ভুলবেন নতুন দারোয়ান। রামভরসাকে। লাঠিপেটা করে হোঁড়াটাকে দিয়ে আশুক অঞ্চল-ছাড়া করে।

কিন্তু গলায় আওয়াজ বেরোয় না। এই অসহায় অবস্থা ছোঁড়া বেন বুঝতে পারল। মিটিমিটি হাসছে—গা-জালানো হাসি।

চিনতে পারলে না স্মি? ভাল করে দেখ একটু চেয়ে।

চেয়ে আর কী দেখবেন—দৃষ্টি আছে কি স্মমাদেবীর? ছুটো চোখে ছানি পড়েছে, কপালের চামড়া ঝুলে এসেছে চোখের উপর। চোখে দেখে কিছু চিনবার জো নেই—বিশেষ রাজিবেলা। কিন্তু ঐ যে স্মি বলে ডাকল—

পঞ্চাশ বছরের ওপার থেকে ডাক আসে : স্মি!

তুমি এলে? এত দিনে সময় হল তোমার?

একটুতেই এমন উতলা হও, এক পলক না দেখলে অস্থির হয়ে পড়। বিষম মুশকিল তোমায় নিয়ে। জান তো, বেড়ানো বাতিক আমার—একটুখানি বেরিয়ে পড়েছিলাম।

এক পলক—তা বই কি!

অষ্টাদশী মেয়ের অভিমান ফিরে আসে স্মমাদেবীর কণ্ঠে : কত যুগ কত বছর হয়ে গেল, হিসেব কর দিকি! কী ছিলাম আর কী হয়ে গেছি, দেখ।

তারক বেদনাভরা করে বলে, বড্ড ধূলোমাটিব জায়গা পৃথিবী। চেহারা তোমার সত্যিই খারাপ হয়ে গেছে স্মি।

ব্যাপারটা সহসা পরিষ্কার হয়ে গেল স্মমার কাছে। কথকঠাকুরের কাছে শুনেছে, আমাদের শতাব্দীতে ওদের এক-একটা দিন। মিথ্যে বলছে না—পলক মাত্র কাটিয়েই সে এসেছে। রূপ তাই অটুট রয়েছে। যৌবনও।

দুর্ভাগ্য যৌবন-আবেগে তারক কোলের মধ্যে টেনে নেয় স্মমাকে। বলিরেখাক্তি মুখ পরম স্নেহে চেপে বরে বুকুর উপর। স্মমাদেবী ব্যাকুল হয়ে বলেন, ছাড়ো—ছেড়ে দাও বলছি। চাক আসবে এক্ষুনি ওষুধ খাওয়াতে। তুমি চলে যাও।

এত যে ডাকাডাকি করছিলে?

যাও, যাও। একফোঁটা ছোঁড়া তুমি—কী লজ্জা, কী লজ্জা!

খাকা দিয়ে সরিয়ে দিলেন তাকে। হড়মুড় একটা আওয়াজ উঠল।

চাক জেগে ছিল। শব্দ শুনে ছুটে এলো। চৈচিয়ে উঠল সে। রামভরসা এলো লণ্ঠন নিয়ে।

স্মমাদেবী দালানের মেঝেয় পড়ে আছেন। দেহে প্রাণ নেই।

## রাতের আশ্রয়

রাত ছপুরে মোটরবাস রাস্তার মোড়ে নামিয়ে দিয়ে গেল। গাঁ-বসতি নেই কোন দিকে। আউশ-ক্ষেতের মধ্য দিয়ে কাঁচারাস্তা চলে গেছে। দুর্ধোগও বিষম। ছ-ছ করে হাওয়া বইছে, রাস্তা থেকে উড়িয়ে ধানবনে ফেলে না দেয়। ক্ষণে ক্ষণে বৃষ্টি। অন্ধকারে চারিদিক লেপে পুঁছে গেছে। একমাত্র স্থবিধা, ঝিলিক দিচ্ছে মাঝে মাঝে। এই আলোয় পথ দেখে এগুচ্ছি।

অথচ কোন গোলমাল হবার কথা নয়। সন্ধ্যা নাগাত বাস নামিয়ে দেবে, পাকি থাকবে। বাস থেকে নেমেই পালকি।—এই সমস্ত লিখেছিল দীপেশ। বি ডি ও অর্থাৎ ব্লক ডেভেলপমেন্ট অফিসে কাজ করে সে। মাইল তিনেক পথ। কাঁচারাস্তা বটে, কিন্তু বাঁকচুর নেই, নাকের সোজা চলে গেছে। অন্ধ মাহুঘও অবাধে চলে যেতে পারে—আর আমার জন্তে তো পাকি।—দীপেশ সবিস্তারে জানিয়েছিল।

কিন্তু বাসটা বদমায়েশি করল। গোড়ায় বেশ ভাল। এসিস্টান্ট বার প্যাচ-সাত হ্যাণ্ডেল মারতেই গর্জন করে উঠল। ড্রাইভার গদি থেকে নেমে এসে ইঞ্জিনের উপর গড় হয়ে প্রণাম করল। ভাবখানা এই, ত্যাগড়ামি কোরো না আজকের এই দুর্ধোগের দিনে, এক দৌড়ে গিয়ে কেশবপুরে থানার সামনে নিজের জায়গায় দাঁড়াও, রাতের মতন নিশ্চিন্ত। বাসও যেন কানে নিল কথাটা। ভকভক আওয়াজ করে পথের গরুছাগল মাহুঘজন ভয় দেখিয়ে দিবি স্মৃতি ভরে দৌড়ছে। কুয়োদার হাট ছাড়িয়ে এসে মাথায় যে কী শয়তানি ভর করল—একেবারে নিশ্চুপ। অনড় হয়ে দাঁড়িয়ে গেছে। কত কাণ্ড করছে ড্রাইভার—এটা খুলছে, ওটা খুলছে, ইঞ্জিনের তলায় ঢুকে যাচ্ছে এক-একবার। কিছুতে কিছু নয়। শেষটা নিজের সিটে উঠে বসে যত প্যালেঞ্জার নামিয়ে দিল। বলে, ঠেলুন মশায়রা—

পঁচিশজনের পঞ্চাশখানা হাত ঠেলছে তো গাড়ি চলতে লাগল। ঠেলা বন্ধ হল তো গাড়িও অচল। বৃষ্টি-বাদলার মধ্যে গাড়ি যেন নেশা করে বুদ্ধ হয়ে আছে, আমরা ঠেলে ঠেলে নিয়ে যাচ্ছি।

প্যালেঞ্জার চেষ্টামেচি করে : এ বেশ মজা হল। ঠেলতে ঠেলতে কেশবপুর পৌঁছে দিতে হবে নাকি ? ভাড়া নিয়েছ তবে কেন ?

ড্রাইভার বলে, বেশ, সীটে উঠে পড়ুন তবে মশায়রা। তাতে যদি গাড়ি কেশবপুর পৌঁছে দেয়, আমার কোন্ কতি ?

না, তোমার ক্ষতি কোন দিকে নয়। গাড়ি না চলে তো আমরা ঠেলব, চললে তখন তো ইঞ্জিনই টানছে। তুমি থাক আরাম করে গদির উপরে।

আজ্ঞেবাজে কথায় জবাব না দিয়ে নির্বিকার ড্রাইভার বিড়ি ধরাল একটা।

আমাদের কষ্টে ও কাকুতিমিনতিতে শেষটা বুঝি ইঞ্জিনের দয়া হল খানিকটা। আওয়াজ দিয়ে উঠল হঠাৎ। চলতেও শুরু করল। কিন্তু খানিকটা গিয়ে ঝিমিয়ে আসে আবার, দাঁড়িয়ে পড়ে। পুনশ্চ ধস্তাধস্তি। এমনি ভাবে যেখানে ঠিক সঙ্ক্যার সময় এসে পৌঁছবার কথা, সেখানে রাজি বারটায় এনে নামিয়ে দিল।

দিয়েই ছুট। ড্রাইভার বলে, দেরি করতে গেলে আবার হয়তো বিগড়ে যাবে, তা হলে চিন্তির। নামবার সময়টুকুও দেয় না এমনি অবস্থা।

ছুটে বেরল মোটরবাস। নীরঞ্জ অঙ্ককার। ছড়ছড় করে এই সময় বৃষ্টি এল এক পশলা। কাঁচারাস্তাব জলকাদা ভেঙে চলেছি। বিপদের উপর বিপদ—মাঠের উল্টোপাশা হাওয়া ছাতায় বেধে পটপট করে কতকগুলো শিক ভেঙে গেল, ছাতার কাপড় উডছে ঘুড়ির মতন পতপত করে। তখন আর চলা নর—দৌড়ানো দস্তুরমতো। তেপান্তর মাঠ থেকে ছুটে পালিয়ে গাঁ বসতি কোথাও আশ্রয় পেতে চাই।

ছুটেছি, ছুটেছি। নদীর উপর এলাম। নদীর কথাও দীপেশ লিখেছিল বটে। নদীর উপর পাকা-পুলের কথা। পথ ভুল করি নি তবে। কিন্তু আর তো পেরে উঠি নে। শীত ধরে গিয়ে সর্বাঙ্গ ঠকঠক করে কাঁপছে, পা চলতে চাইছে না। অসাড় হয়ে পথের উপর পড়ে না যাই, এই এখন ভয়।

ঝিলিক দিল একবার। দেখলাম, পুলটা ছাড়িয়ে অদূরে অথথতলায় পাকাঘর। চুনকাম-করা সাদা দেয়াল বিদ্যুতের আলোয় ঝিকমিক করে উঠল। খেতে চাই নে। জায়গার অকুলান থাকে তো এমন কি শোওয়ার কথাও বলব না। রাতটুকু মাথা গুঁজে থাকবার মতো আশ্রয়।

কড়া নাডতে সঙ্গে সঙ্গে দরজা খুলে গেল। এমন নিশিরাড্রে জেগেই ছিল ভিতরের মানুষ। মাথায় আধ-ঘোমটা ফুটফুটে তরুণী বউ দরজা খুলে দিল। শিহনে এক বুড়ো মানুষ। বিদ্যুৎ চমকাল ঠিক এই সময়। দেখলাম কাঁদছিল বউটা। এখনো সামলাতে পারেনি। কেঁদে কেঁদে চোখ লাল। দু-পালে জলের ধারা গড়াচ্ছে। কোন্‌ হুংখে জানি নে, ঘরে খিল এঁটে বসে কাঁদছিল। বুড়োর সঙ্গেই বা কী সম্পর্ক বউটার—



বুড়ো পরিচয় দিয়ে দিলেন : আমার বউমা। দাঁড়িয়ে কেন বাবা, ভিতরে এস। বুঠিতে নেয়ে গেছ একেবারে। শুকনো কাপড়চোপড় আছে তো সঙ্গে—

হাতের কিটবাগ দেখিয়ে দিলাম। মোটামুটি সমস্ত আছে। বুড়ো বললেন, ও বউমা, বসবার একটা-কিছু পেতে দাও খাটের উপর। বাহার বড় কষ্ট হয়েছে।

কী মোলায়েম কথা বুড়োমাহুষটির! কথা শুনে সব কষ্ট জুড়িয়ে যায়। চেহারাটিও মুনিষ্মির মতন। বলবার আগেই বউটি বেরিয়ে চলে গেছে। ব্যাগ খুলে শুকনো কাপড় বের করে পরলাম। মাহুর বালিশ আর চাদর হাতে করে বউ ফিরে এল, পরিপাটি করে পেতে দিল। যেমন স্বস্তির তেমনি বউ-কী ভাল যে এরা! কিন্তু বড় দরিদ্র। নড়বড়ে ছোট একখানা খাট একেবারে খালি পড়েছিল। মাহুর বালিশ চাদরে বিছানা করছে—তা-ও অতি জীর্ণ। চুপিচুপি বলছি, দোষ নেবেন না—সাধারণ অবস্থায় অমন চাদরে পা মুছি নে আমরা।

বিছানা করে দিয়ে চলে যাচ্ছে। আমি বললাম, রাত দুপুরে রাঁধা-বাড়ার হাঙ্গামায় যাবেন না আবার। মণিরামপুরে গাড়ি অচল হয়েছিল, সেই সময়টা পেট ভরে খেয়ে নিয়েছি।

বউটি বড় বড় চোখ মেলে আমার দিকে একবার তাকিয়ে নিঃশব্দে বেরিয়ে গেল। বুড়ো দেখছি মজলিসি মাহুষ। এত রাজি, তবু খাটের প্রান্তে পা ঝুলিয়ে বসে কথাবার্তা আরম্ভ করে দিলেন।

একেবাবে কিছু খাবে না বাবা? না, লজ্জা করে বলছ? ছেলের মতো তুমি, খুলেই বলি। দুবোগে অতিথি হয়ে এলে। সত্যি ভাবনা হয়েছিল, কি পেতে দিই এখন। বউমার মনে ঝড় বয়ে যাচ্ছে। তবু সে মেয়ে বড় ভালো। তুমি নিজে থেকে মানা না করলে এতক্ষণে রান্নাবান্না বসিয়ে দিত।

স্বযোগ পেয়ে জিজ্ঞাসা করি : কাদছিলেন যেন উনি? কি হয়েছে?

ফোঁস করে বুড়ো এক দীঘনিশ্বাস ফেললেন : বড় দুঃখের বৃত্তান্ত। সংসারে আগুন ধরে গেল। রোজগারে ছেলে বাসা থেকে দূর করে দিল আমাদের। আগে বউমাকে দিল, তার পর আমাকে। একটা বেলার এদিক-ওদিক। বাপ-বেটি সেই থেকে এখানে আশ্রয় নিয়ে আছি। ছেলে আবার বিয়ে করছে শুনতে পেলাম। বউমা ছেলেমাহুষ তো—খবর শোনা অবধি দু-চোখে ধারা বয়ে যাচ্ছে তার।

স্তম্ভিত হয়ে গেছি। বুড়ো আরও কত কি বলে যাচ্ছেন, এক বর্ণ আমার

কানে যাচ্ছে না। নিরপরাধ এই স্কলরী মেয়েটাকে ত্যাগ করেছে। এবং বাপ বোধহয় পুত্রবধূ হয়ে ছ-কথা বলতে গিয়েছিলেন, সেজন্য তাঁকেও তাড়িয়েছে। সেই পাষণ্ড টোপর মাথায় দিয়ে আবার নতুনবউ আনতে চলল। হাতের মাথায় পেলো লোকটাকে সমুচিত শিক্ষা দিয়ে দিতাম, তাতে আমার জেল ফাঁসি যা হবার হত।

এই সমস্ত ভাবছি। এমন সময় বুড়ো উঠে দাঁড়িয়ে বললেন, দরজা দিয়ে শুয়ে পড় বাবা। আমরা এই পাশেই রইলাম।

জোর বৃষ্টি-বাতাস তখনও বাইরে। বড় ধকল গিয়েছে, শুতে শুতেই ঘুমিয়ে পড়েছি। মড়ার মতো ঘুমিয়েছি। যখন ঘুম ভাঙল দরজা খুলে দেখি, বিস্তর বেলা হয়েছে। চারিদিকে রোদ, রাত্রিবেলার অত দুর্ভোগের চিহ্নমাত্র নেই।

চলে যাওয়ার আগে বুড়োমামুষটিকে ছ-এক কথা বলে যাওয়া উচিত। বড় ভাললোক এঁরা—

আরে সর্বনাশ, একে কোন্ জায়গা, ঘরের ঠিক পিছনে ঞ্শানঘাটা মজা-নদীর কূলে। আধ-পোড়া কাঠ, ভাঙা কলসি, ছেঁড়া মাদুর-বালিস ইত্যন্ত ছড়ানো—গ্রাম্য ঞ্শানের যে চেহারা হামেশাই দেখা যায়। যে কুঁঠুরিতে রাজিবাস করেছি, সেটা ঞ্শানবন্ধুদের বসা-ওঠার জায়গা। দেয়ালে সাল তারিখ সব খোদাই করা আছে, রাত্রিবেলা নজরে আসে নি—নবীনচন্দ্র মালাকার নামে কোন এক ব্যবসায়ী পিতামাতার আশ্রয় কল্যাণে এই ঘর বছর বানেক আগে বানিয়ে দিয়েছেন। আমার শোবার ব্যবস্থা করে দিয়ে স্বস্তির আর পুত্রবধূ গেলেন কোথায় তবে?

ঘণ্টা কয়েক পরে বি. ডি. অফিসে হাজির হলাম। অদূরে দীপেশের কোয়ার্টার। ইকুলে পড়বার সময় দীপেশ অভিন্নহৃদয় বন্ধু ছিল আমার। অনেক বছর পরে হঠাৎ এই সেদিন শিয়ালটা স্টেশনে দেখা—বিয়ের বাজার করে ফিরছে। আমায় নিমন্ত্রণ করে হাত ছুঁতে জড়িয়ে ধরে বারম্বার যাবার জন্ত বলল। কথা না দিয়ে পারলাম না। সেই কথা রাখতে গিয়ে এত দুর্ভোগ।

আমায় দেখে দীপেশ কলরব করে উঠল। বিয়ের তারিখ কাল। আত্মীয়স্বজন কিছু কিছু এসে পড়েছেন, ভিড় জমেছে মন্দ নয়। বলে, এক-গলা কথা জমে আছে, চল। চেষ্টায়ে চা-খাবার দিতে বলে টানতে টানতে তার নিজের ঘরে নিয়ে চলল।

ঘরে ঢুকে চমকে উঠি। সামনের দেয়ালে হালিমুখ তরুণীর ছবি। ঠিক তার উটো দিকের দেয়ালে বুড়োমাহুটি। কাল রাত্রে খবর আর পুত্রবধু সেই যে দুজনকে দেখেছিলাম।

স্তুভিত বিন্ময়ে দীপেশকে জিজ্ঞাসা করি : ছবি কাদের ?

আমার জ্ঞী নীরা। আর ইনি হলেন বাবা—

দীপেশের চোখ ছলছল করে ওঠে : এই কোয়ার্টারে আমার পরেই লবনাশ হল। কলেরা হয়ে দুজনে মারা গেলেন। একই দিনে সকালে আর বিকালে। আটমাস হয়ে গেল দেখতে দেখতে। বউমা বলতে বাবা অজ্ঞান হতেন। বউ যেতে যেতে তিনিও তাই যেন দেরি করলেন না।

## ভূত দেখা

ভূত দেখা যায় ?

আলবৎ। আমি তো হরবখত দেখে থাকি।

দেখাও না একদিন—

গুস্তাদ নটবর সঙ্গে সঙ্গে রাজি। বলে, দিনে নয়—রাত্তিরবেলা। কাছাকাছি মজুমদারবাড়ি আছে, ঐখানে একটা রাত থেকে এসো। একা একা কিন্তু, সঙ্গে লোক থাকলে হবে না।

একলা পেয়ে ঘাড় মটকাবে না তো ?

নটবর বুকে থাবা মেরে বলে, ঘাড় মটকাবেন তো আমি আছি কেন ? লোকে বন্দুক-পিস্তল নিয়ে গেলেই ওনারা বরঞ্চ রেগে যান—রেগেমেগে অঘটন ঘটিয়ে বলেন।

বোঝাচ্ছে আমায় : দেখ, মাহুযেব মধ্যে ভালমন্দ থাকে—ওনাদের মধ্যেও আছেন সব তেমনি। ভালই বেশি। মন্দ যে নেই, তা নয়—তারি নড়াচড়া না করে, সে ব্যবস্থা করে দেবো। তা ছাড়া মজুমদাররা ছিলেন জমিদার—চালচলনে বনেদিয়ানা, ছাঁচড়া কাজকারবারে ওনারা বড় থাকেন না।

মজুমদারদের কাউকে আমি দেখি নি, প্রাচীনদের মুখে গল্প শোনা আছে। মহামারীতে কয়েকটা দিনের মধ্যে বাড়িস্থ খতম। মাহুযজন ভয়ে গ্রাম ছেড়ে পালিয়েছে—মড়াগুলোর গতি হল না, পচে গলে শিয়াল-শকুনের পেটে গেল। জললাকীর্ণ জীর্ণ অবস্থায় পড়ে আছে মজুমদারবাড়ি—ভূতুড়ে বাড়ি বলে নাম।

ঐ বাড়ির লাগোয়া বোসবাড়ি—একটা আমবাগিচার ব্যবধান। তার

ওদিকে জেলেপাড়া। সন্ধ্যার পর কেউ তারা এদিককার পথ মাড়ায় না। নিতান্ত গরজ পড়লে দীঘির পাড় হয়ে ছ' মাইল পথ ঘুরে চলাচল করে। এ হেন স্থানে রাত দুপুরে আমি চলেছি ভূত দেখার বাহা নিয়ে। নিঃসঙ্গ—পকেটে শুধুমাত্র টর্চ একটা।

দুপুরবেলা একবার নটবরের সঙ্গে এসে অন্ধিসন্ধি দেখে গেছি। উপরের ঘর নিচের ঘর দরদালান সিঁড়ি বারান্দা সমস্ত আমার নথদর্পণে। রাত ক্রিমক্রিম করছে, শব্দসাড়া নেই কোন দিকে, বাতাসও বৃষ্টি বন্ধ। টং করে একবার ঘড়ির আওয়াজ—বোসবাড়ির আওয়াজ এতদূর অবধি এসেছে। একটা বাজল বোধ হয়। সাড়ে-বারোটা দেড়টা বা আড়াইটে হবারও অবশ্য বাধা নেই।

অন্ধকারে পা টিপে টিপে বেড়াচ্ছি। উপরতলাটা ঘোরাঘুরি করলাম। জানলায় বাইরে তাকিয়েছি। অন্ধকার চতুর্দিকে, অমাবস্যার কাচাকাছি কোন তিথি হবে। নামছি এবারে। থমকে দাঁড়িয়ে কান খাড়া করলাম—ক্ষীণ শব্দ যেন পিছনদিকে খানিকটা দূরে। থেমে গেল শব্দটুকু। দাঁড়িয়ে আছি—কোন-কিছু নেই—হাঁটছি তো আবার শব্দ। পায়ের শব্দ অতি স্পষ্ট—নিশ্চয় কেউ পিছু নিয়েছে। সিঁড়ির মুখে এসে গেছি। সিঁড়ি বেয়ে না নেমে স্ক্রুট করে ঘুরে গিয়ে একেবারে দেয়াল ঘেঁসে দাঁড়ালাম। অহুসরণকারী সামনাসামনি হলে টর্চ ফেলে হকচকিয়ে দেবো।

এসেছে, এসেছে। নিশ্বাস পড়ল—ফোঁ-ও-স করে টানা এক নিশ্বাস। টর্চ ফেলেছি সঙ্গে সঙ্গে। কিছুই না। জোরালো টর্চ ঘুরিয়ে ঘুরিয়ে দেখছি—কাকশু পরিবেদনা।

অতি সন্তর্পণে সিঁড়ি দিয়ে নামছি—কাঠের সিঁড়িতে এতটুকু শব্দ না হয়। পিছনের সে-জনের কিন্তু দৃকপাত নেই, খুট-খুট করে সহজ ভাবে নামল—অল্পভাবে বুঝতে পারছি। টর্চ ফেলে কিছুই দেখা যাবে না, জানি। নিচে এসে সিঁড়ির ধারে গুঁটিগুঁটি হয়ে বসলাম। ঘোর অন্ধকার—এমনি অন্ধকারকেই বোধহয় সূচীভেদ্য বলে—চাদরের মতন সবাক্ষে লেপটে আছে, সূঁচ দিয়ে সম্ভবত এফোঁড়-ওফোঁড় করা চলে।

শুনছি উৎকর্ষ হয়ে—কানে শোনা ছাড়া আর কি করব। এর পর একলা একটি নয়, অনেকজনের চলাফেরা। ঘুর-ঘুর করে বেড়াচ্ছে সব। আমার ভাইনে-বীয়ে সামনে-পিছনে, এমন কি গা-মাথার উপর দিয়ে। দরজাটা বন্ধ ছিল—অল্প অল্প খুলে যাচ্ছে, নীরঞ্জন আধারের মধ্যে সেই জায়গাটায় আলো-আলো ভাব।

যাবো ঐখানটা। উঠতে পারিনে, দেহ অসাড়। পা দুটো যেন নড়াদড়ি দিয়ে কষে বেঁধে ফেলেছে। তবু সর্বশক্তি আহরণ করে ছুটে গিয়ে হড়াস করে দরজা খুললাম। টর্চ টিপে দিনমান করে ফেলেছি। ঘরের কোণের টিকটিকিটি অবধি নজরে এসে গেল, কিন্তু ঐ টিকটিকি ছাড়া আর কিছুই নেই। অথচ খলখল করে হাসির ধ্বনি পিছন দিকে। মুখ ফেরালাম, কিছুই না। আমায় যেন বোকা বানাচ্ছে—হাসির মধ্যে সেই রকম স্বর। থিক-থিক করে আর এক ধরনের হাসি সামনের দিকে। পিছনের দৃষ্টি ঘুরিয়ে সামনে আনি, আলো ফেলি দরজা দিয়ে উঠান অবধি। শূন্য।

এই কাণ্ড চলল। সামনে পিছনে ডাইনে বায়ে মাথার উপরে ক্ষণে ক্ষণে উচ্চকিত হাসি। নিরালস্য বায়ুহৃত মুহূর্ষ ঐ হাসি আমায় একেবারে ক্ষেপিয়ে তুলল। এক জায়গায় দাঁড়িয়ে থাকতে পারিনে, টর্চের আলোর উপর বিশ্বাস নেই—যেদিকে হাসি সেইখানটা ছুটে চলে যাই। চোখ দিয়ে নাই কিছু দেখি—গিয়ে পড়লে স্পর্শ কোন-কিছুর হয়তো পেয়ে যাব।

কিছুই না—ছুটোছুটিই সার! অথচ হাসি কানে ঢোকা মাজ্জই মাথার মধ্যে গোলমাল লেগে যাচ্ছে, তখন সাব্যসিত কি এক জায়গার চূপচাপ থাকব। ছুটে গিয়ে পড়াছ যেখানটায় হাসি। মুহূর্তে হাসি চলে গেছে ভিন্ন একখানে। ছুটি আবার সেখানে। এদিক থেকে সেদিক—হাতে জলন্ত টর্চ, সমস্ত ঘর-দালান জুড়ে ছুটোছুটি। বিষম ক্রান্ত, সর্বাঙ্গে ঘাম ঝরছে, পা দুটো টলছে, মুখ খুবড়ে পড়ে যাই বুকি কঠিন মেঝের উপর—

আমি পড়বার আগেই হাতের টর্চটা পড়ে গেল। এবং নিভেও গেল কি গতিকে। অন্ধকার। অন্ধকার এতদূর ঘন হয়, আমার কল্পনায় ছিল না। মেঝের উপর ঠুক করে পড়ল, শব্দ পেলাম। দু-হাত মেলে চারিদিক তন্নতন্ন করে হাতড়াচ্ছি, টচ মেলে না। ঘর ছেড়ে বাইরে যেতে পারে না—গেল কোথায় তবে? হতাশ হয়ে শেষটা দাঁড়িয়ে পড়লাম—আর কী আশ্চর্য, সঙ্গে সঙ্গে কে যেন হাতের উপর টর্চ এনে ধরল, মুঠোয় নেবার অপেক্ষা। কে বুকি সরিয়ে রেখে খেলাচ্ছিল আমায় এতক্ষণ ধরে—হার মেনে যেই খোঁজাখুঁজি ছেড়েছি, অমনি আমার হাতের উপরে এনে দিল। দিয়েই অমনি বাতাস হয়ে গেছে। টর্চ সেই মুহূর্তেই জ্বলেছি—কেউ নেই কিছু নেই। ঠিক সেই আগেকার মতো।

পাখপাখালি ডাকছে বাইরে, ভোরের আলো ফুটেছে। ভূতুড়ে বাড়িতে থাকার আর মানে হয় না। দরজা খুলে বাইরের রোয়াকে বেরিয়ে এলাম। বোসবাড়ি নিষ্পত্ত—এক বৃদ্ধ কেবল উঠেছেন, বাগিচা পার হয়ে লাঠি ঠুকঠুক

করে আসছেন। ধবধবে-কর্পা সৌম্য চেহারা, স্বপুট পাকা গৌর। একটা চোখের মণি উন্টানো—কানামাহুষ উনি। মোলায়েম কণ্ঠে শুধান : দেখলে কিছু বাবা, না মিছামিছি সারারাত কষ্টভোগ ? চোখ তো জ্বাফুলের মতো রাঙা—রাতের মধ্যে পলক পড়েনি নিশ্চয় ?

গাঁ-গ্রাম জায়গা—ভৌতিক অভিযানের বৃত্তান্ত জানতে কারো বাকি নেই। বুদ্ধ বললেন, বোস বাবা এইখানটা। চা বানিয়ে পাঠাচ্ছি, খেয়ে যেও।

বলেই বাগিচার পথে ফিরলেন। মুখ ঘুরিয়ে হাসলেন একটু—হাসিটা ব্যঙ্গের, মনে হল সেইরকম। চায়ের জন্ত বসে থাকতে বয়ে গেছে আমার। সোজা একেবারে নটবরের বাড়ি।

নটবর গুস্তাদ আমারই অপেক্ষায় ছিল : বলো কি খবর—

পায়ের শব্দ পেয়েছি, হাসিও শুনেছি খুব। আলগোছে টচটা উচুতে তুলে দিল।

নটবর সগর্বে বলে, আর বেশি কি করবেন ? দেহবন্ধন করে দিয়েছি, হোঁবার জো ছিল না যে ওনাদের—

আমি অস্থযোগ করি : চোখে দেখতে পাব, বলেছিলে না তুমি ?  
দেখ নি ?

না।

নটবর সবিস্ময়ে বলে, একেবারে কিছুই দেখ নি—নরাকারে আসে নি কেউ।

নর-বানর ঘোড়া-ভেড়া কিছুই আসে নি।

নটবর বলে, হতে পারে না। ভেবে দেখ ভাল করে।

সকালবেলা বোসবাড়ির এক বুড়োমাহুষ এসে জিজ্ঞাসাবাদ করলেন। চা পাঠাতে চাইলেন।

নটবর বলে, একটা চোখ কানা তো সে বুড়োর ? দেখনি তবে বলছ কেন ? উনিই তো রাধামাধব মজুমদার—মজুমদারবাড়ির মেজবাবু, বসন্ত রোগে ঝাঁ-চোখটা গিয়েছিল।

অবাক হয়ে বলি, উনি ভূত ?

নটবর বলে, ভূত হলও বনেদিয়ানা যাবে কোথা ? সভ্যভব্য ভূত—কথাবার্তা চালচলতিতে বুঝলে না ?

## নতুন বাসা

পুরানো বন্ধু প্রভাত হালদার। প্রভাত-বস্ত্রালয় বরানগরে মস্তবড় দোকান—তার ষোলআনা মালিক। একসময়ে ওদের বাড়ি অনেক যাতায়াত ছিল, এখন কাজকর্মে সময় পাইনে। তিন ছেলে-মেয়ে প্রভাতের। বড়টি মেয়ে—শুভ্রা, বিয়ে হয়েছে বছর তিনেক আগে, ঘটকালি আমিই করেছিলাম। ছেলেটি ভাল—চালাক-চতুর, আত্মসম্মানী, একটু বেশি রকম জেদি এই যা। নিজের চেষ্টায় লিলুয়া স্টীল ফ্যাক্টরিতে ঢুকেছে। এবং আমার জোর না থাকা সত্ত্বেও প্রমোশান পাচ্ছে। তবে শশুরবাড়ির সঙ্গে খিটিমিটি—গিয়ে গিয়ে পড়ে সেখানে, দশ কথা শুনিয়ে আসে। আমি কিন্তু মনে করি, দোষ প্রভাতদেরই। প্রথম সন্তান শুভ্রা—একমাত্র মেয়ে। মা-বাপ তাকে চোখে হারায়। মেয়ে পাঠানোর কথা হলেই নানান বায়নাঝ। তাই নিয়ে জামাইয়ের সঙ্গে লেগে যায়।

একবার তো গিগি বলেই বসলেন, তুমি বরঞ্চ এ বাড়ির ছেলে হয়ে থাকো। একসঙ্গে মজা করে থাকা যাবে।

সুবিনয় বলে, ফোরম্যান হয়েছি। আগে যদিই বা হত—এখন অনেক দায়িত্ব, এত দূরে থেকে কাজ করা সম্ভব নয়।

ছেড়ে দাও না। কী দরকার বাপু ভুতের-খাটনি খাটার ?

আরও মোলায়েম কণ্ঠে সিন্ধুবালা বলেন, ছেলে আর জামাই কি আলাদা ? আমরা তো জানি, ছেলে আমাদের দুটি নয়—তিনটি। বড়ছেলে তুমি—সকলের উপরে।

এমন কথার উপরেও সুবিনয় ফৌস করে ওঠে : আপনারা যা-ই ভাবুন, দশে-খর্খে জানবে ঘরজামাই আমি—শশুরবাড়ির অন্নদাস। মরে গেলেও তা হবে না।

রাগ আরও বেশি শুভ্রার উপর। বাপ-মায়ের দলে সে। আহ্লাদি মেয়ে - দিন-রাত এখানে ক্ষুতিফার্তি নিয়ে থাকে। মেয়েকে এঁরা সংসারের কুটোগাছটি নাড়তে দেন না। গেল-বছর বাসা-ভাড়া করে সুবিনয় বিস্তর চেষ্টা-তদ্বিরে নউ নিয়ে তুলেছিল। বাসা অবশ্য মনোরম নয়—একতলায় মেড়খানা ঘর, চারিদিক প্রায় আঁটা। তার উপর পাড়াটা মজুরদের—বাপের বাড়ির মতন টই-টই করে বেড়ানো চলে না। সুবিনয় কারখানায় গেলে অভাব ছয়োরো খিল এঁটে চুপচাপ ঘুমানো ছাড়া গত্যন্তর নেই। কায়ক্লেশে

মাসখানেক কাটিয়ে শুভ্রা ক্লেপে গেল একেবারে—ঝগড়া, কারাকাটি, কথায় কথায় বাক্যালাপ বন্ধ, উপোস করে পড়ে থাক। এতেও হচ্ছে না তো বাপ-মায়ের সঙ্গে সড় করে বাসা ছেড়ে পলায়ন। সন্ধ্যাবেলা স্ববিনয় ফিরে এসে দেখে, চিড়িয়া উড়েছে—খাঁচা হা-হা করছে। তক্তাপোশের উপর চাপা-দেওয়া বাবাজীবনের উদ্দেশে প্রভাতের চিরকুট : শুভ্রাকে লইয়া গেলাম, বাসা তুলিয়া দিয়া তুমিও আইস—।

বাসা ছেড়ে দিল স্ববিনয়—গিয়ে উঠল শ্বশুরবাড়ি নয়, কাছাকাছি এক মেসে। কিন্তু অধ্যবসায় ছাড়ে নি। হঠাৎ-বা শ্বশুরবাড়ি গিয়ে পড়ে। বাসা আবার করবে, শুভ্রাকে টেনে-হিঁচড়ে সেখানে নিয়ে তুলবে বলে শাসায়। এক-আধ রাত্রি কাটিয়েও যে না যায়, এমন নয়।

আজ সকালে জবলপুর থেকে এক দম্পল এসে পড়েছে, আত্মীয়ের মধ্যে পড়ে তারা। তাদের নিয়ে শুভ্রা মার্কেটিংয়ে বেরিয়েছে। প্রভাত হালদার দোকান থেকে এসে যথারীতি পাড়ার ক্লাবে তাসের আড্ডায় গিয়ে জমেছে। ছেলে দুটোর মাস্টার এসেছে, বাইরের ঘরে পড়েছে তারা। টং-টং করে ঘড়িতে আটটা বাজল। গিন্নি সিন্ধুবালা ভাঁড়ার থেকে ঘি-ময়দা বের করে ঠাকুরকে দিচ্ছেন। হেনকালে জামাইবাবু—করে কি ছুটে এল। অর্থাৎ স্ববিনয় এসে উপস্থিত, এবং হবে এইবার একচোট।

শাশুড়ির পায়ের ধূলো নিয়ে মাথায় দেওয়া, মুখে দেওয়া—এ বিবয়ে বিন্দুমাত্র খুঁত নেই। কিন্তু এ কী সর্বনাশ—সিন্ধুবালা চমক খেলেন—জামাইয়ের মাথায় মস্তবড় ব্যাণ্ডেজ। একটা চোখ ব্যাণ্ডেজে সম্পূর্ণ ঢেকে গেছে।

ব্যাকুল হয়ে সিন্ধুবালা শুণান : কি হয়েছে বাবা ? এ কি !

স্ববিনয় নির্বিকার ভাবে উড়িয়ে দেয় : হবে আবার কি ? লোহালকড়ের কাজ—একটু-আধটু ঘা-গুঁতো লাগবেই। ক্রেন থেকে লোহার টুকরো ছিটকে এসে লাগল। নিয়ম মাকিক হাসপাতালে গেলাম, তারাও কাজ দেখাল—স্টকে যত ব্যাণ্ডেজ ছিল, মাথায় মুখে সমস্ত জড়িয়ে দিয়েছে।

খিক-খিক করে হাসতে লাগল। হাসি থামিয়ে হঠাৎ গম্ভীর। বলে, হাসপাতাল থেকে পালিয়ে এসেছি, ফিরে গিয়ে আবার যেমন-কে-তেমন শুয়ে পড়ব। যে জন্তে এসেছি মা, শুন্ন। এইবারে বড় ভাল বাসা পাওয়া গেছে। এত চমৎকার, না দেখলে ধারণায় আসে না। শুভ্রাকে নিয়ে যাব। খুব ভাল থাকবে, আপনারা আপত্তি করবেন না।

হাঁ-না কিছু না বলে সিন্ধুবালা চুপ করে রইলেন। স্ববিনয় বলে যাচ্ছে,



সে এমন বাসা, শুভ্রা দেখবেন নড়বেই না আর সেখান থেকে। আর বাগড়া দেবেন না, খুশি মনে মেয়ে পাঠান।

সিন্ধুবালা বললেন, আহ্নন তোমার খবর— তাঁকে বলি।

স্ববিনয় দপ করে অমনি জ্বলে ওঠে : বলাবলি বুঝিনে। ভাল মনে মেয়ে পাঠান, আনন্দের কথা। আপত্তি করে রুখতে পারবেন না। তারিখ দিয়ে যাচ্ছি, শুনে নিন। শ্রাবণ মাস চলছে—এই মাসটা বড় জোর, ভান্ডর কিছুতে পড়তে দেব না, তার আগে বাসায় নিয়ে তুলব।

সিন্ধুবালা ঘাবড়ে যান। মুখে যতই উড়িয়ে দিক, জামাই অস্বস্তি রীতিমত—মাথায় চোট গেয়েছে, মস্তিষ্কেই গোলমাল। এরকম রুট রক্ষ কথাবার্তা এ ছেলের মুখে আগে কখনো শোনা যায় নি—বাসা ছেড়ে সেই যে শুভ্রা চলে এসেছিল, তখনো নয়।

বাগারাগি কেন বাবা? নতুন বাসায় তোমার খবর নিজে সঙ্গে করে শুভ্রাকে পৌঁছে দিয়ে আসবেন। বলে পাশটিতে বসে পড়ে সিন্ধুবালা গায়ে হাতখানা রেখেছেন তো স্ববিনয় ঝেড়ে ফেলে দিয়ে তড়াক করে উঠে পড়ল। ঝি ঝিক এই সময়টা প্লেটে বসগোল্লা এনে সিন্ধুবালার হাতে দিচ্ছে—দিল জামাই দাকা, বসগোল্লা মেঝেয় পড়ল, প্লেট ভেঙে চুরমার। বাঘেব মতন গর্জাচ্ছে : মিষ্টিবচন অনেক শোনা আছে, আপনাদের হাড়ে-হাড়ে চিনি। শ্রাবণের তিরিশে ঘাবই নিয়ে—আমার শেষ কথা।

চেষ্টামেচিতে দুই ছেলে পড়া ছেড়ে এসে পড়ল, তারা ভয় পেয়ে গেছে। স্ববিনয় বেরিয়ে পড়ল। যাওয়ার গতিক ভাল নয়, যেন ছুটছে। সিন্ধুবালা পিছনে ডাকাডাকি করছেন। কিন্তু রাস্তায় পড়ে যেন কর্পূর হয়ে উবে গেল—কোন গলি ঘুঁজিতে স্ন্যট করে ঢুকে পড়েছে।

ফিরে গিয়ে সিন্ধুবালা বজ্রাহতের মতো গড়িয়ে পড়লেন। সর্বাঙ্গ ঝি-ঝি করে জ্বলছে। চাকরবাকর মাস্টারমশায়—সকলের মধ্যে কী কেলঙ্কারি! মুখ দেখানোর উপায় রাখল না হতভাগা জামাই। মাথা খারাপ সত্যি সত্যি—না চাকরিতে হঠাৎ-প্রোমোশন পেয়ে সাপের পাঁচ-পা দেখেছে? প্রভাত আড্ডা থেকে ফিরলে গিন্নি সাত-কাহন করে বৃত্তান্ত বললেন।

উষ্মেগে সারা রাত্রি বিছানায় এপাশ-ওপাশ করে ভোর না হতেই প্রভাত বেরিয়ে পড়ল। কোন হাসপাতালে আছে, হৃদিশ জানা নেই—সর্বাঙ্গে অতএব মেসে যাওয়া যাক। স্ববিনয়ের ঘনিষ্ঠ বন্ধু দ্রবও ঐ মেসে থাকে—পাশাপাশি সিটে। তাকে সঙ্গে নিয়ে হাসপাতালে চলে যাবে। নতুন বাসার খবরও দ্রব নিশ্চয় জানে। সময় হলে নিজ চোখে একবার বাসাটা দেখে

আসবে। মোটের উপর বোকা যাচ্ছে, মেয়ে পাঠানো নিয়ে গড়িমসি আর চলবে না—কচলে কচলে লেবু তেতো হয়ে উঠেছে।

পাওয়া গেল ফ্রবকে, বিভোর হয়ে সে ঘুমোচ্ছে। এবং বাবাজীবন স্ববিনয়কেও—কলতলা থেকে দাঁতন সেরে স্ববিনয় ঘরে এসে ঢুকল। চোখ-ঢাকা ব্যাণ্ডেজ-বঁধা অবস্থায় হাসপাতালে পড়ে থাকবার কথা—কী আশ্চর্য, সেই মানুষ বহাল তব্বিতে হেলতে-দুলতে এসে স্বপ্নরূপে দেখে থমকে দাঁড়াল। মাথায় নাকি প্রচণ্ড জখম—আর প্রভাত তাকিয়ে তাকিয়ে দেহের কোনখানে ক্ষীণ একটা আঁচড়ও দেখতে পায় না। বিশাল ব্যাণ্ডেজ ও হাসপাতালের কাল্পনিক বৃত্তান্ত, বোকা যাচ্ছে, শান্তিড়ির মন গলানোর জন্ত। এতদূর শঠ ধাপ্পাবাজ জামাই, ধারণায় ছিল না। রাতারাতি প্রোমোশানের যে গল্প রটাচ্ছে, তা-ও নিঃসন্দেহে গুল।

তাড়াতাড়ি চেয়ার এগিয়ে দিয়ে স্ববিনয় ব্যস্ত হয়ে শুধায় : এত সকালে এসেছেন, কি ব্যাপার ?

প্রভাত বলে, কাজে বেরিয়ে যাবে তুমি, তাড়াতাড়ি এসে ধরলাম। নতুন বাসা কোথায় ঠিক করলে. দেখে আসি চল। অফিসের তাড়া থাকে তো ফ্রব বরঞ্চ চলুক। ঠিকানা পেলে আমি একলাও গিয়ে দেখে আসতে পারি।

বাসা ঠিক করেছি—সে কি ? কোথায় সুনলেন ? স্ববিনয় আকাশ থেকে পড়ল।

তুমি নিজে গিয়ে ঝগড়াঝাঁটি করে এসেছ। আমার সামনে এখন ভিজে-বেড়ালটি।

খড়িবাজ জামাই, প্রভাত মনে মনে ভাবছে। এর পরে আর দৈর্ঘ্য রাখা চলে না। তিক্ত কণ্ঠে সে বলল, মাথায় মস্তবড় ফ্যাটা বেঁধেছিলে—আমাদের ভয় দেখানোর জন্তে বুঝি ? ছিঃ ছিঃ—

স্ববিনয়ও গরম হয়ে বলে, ডাহা মিথ্যেকথা ! সকালবেলা এই নিয়ে গালি-গালাজ করতে এসেছেন ? গুরুজন আপনি, কী আর বলব—

চেষ্টামেচিতে ঘুম ভেঙে ফ্রব উঠে বসেছে। তাকে উদ্বেগ করে স্ববিনয় বলে, কাল সন্ধ্যার সময় আমরা কোথায় ছিলাম, বলে দে ফ্রব।

ফ্রব বলল, সিনেমায় গিয়েছিলাম—স্ববিনয়, আমি আর নীরদ।

তা নাকি নয়। মাথায় ব্যাণ্ডেজ বেঁধে ঝগড়া করতে আমি স্বপ্নরূপে গিয়ে পড়েছিলাম।

ফ্রব ঘাড় নেড়ে প্রবল প্রতিবাদ করে : না না, তা কেন হবে ?

স্ববিনয় বলে, আমি নতুন বাসা ভাড়া করেছি নাকি কোথায়—

ঐব হেসে প্রভাতকে বলে, স্ববিনয় বাসা ভাড়া করে ফেলেছে আর আমি কিছু জানলাম না—হতেই পারে না মেসোমশায়। বাজে কথা কানে নেবেন না।

স্ববিনয় বলে, শাণ্ডি-মা'র রচনাশক্তি কি রকম, বোঝ ঐব। তাঁর কী বিষ-নজরে পড়েছি, তা-ও বুঝে দেখ।

বাড়ি কিরে জীর সঙ্গে প্রভাতের ঘোর বচসা : মিথ্যে বানিয়ে বলেছ আমায়। আর নয় তো স্বপ্ন দেখেছ।

সিন্ধুবালা বলে, তোমার দুই ছেলেকে জিজ্ঞাসা কর। চৈচামেটিতে বাইরের ঘর থেকে তারা ছুটে এসেছিল। জিজ্ঞাসা কর বিকে, ঠাকুরকে। এত মানুষ সবাই কি একসঙ্গে স্বপ্ন দেখল ?

প্রভাত বলে, তারা সিনেমায় গিয়েছিল, পকেট খুঁজে ছেঁড়া-টিকিটের তিনটে টুকরো আমায় দেখিয়ে দিল।

বলি, টিকিটে কি নাম লেখা আছে ? ঐ টিকিটে মেসের অন্ত লোক গিয়েছিল, তা-ও তো হতে পারে। ওরাই সত্যবাদী যুধিষ্ঠির, আর এত জনে স্মানরা চাক্ষুষ দেখলাম সে জিনিস সম্পূর্ণ মিথ্যে হয়ে গেল ?

কলহের উপক্রমণিকা। রীতি অনুযায়ী প্রভাত অতএব আর সেখানে নেই। ব্যাপারটা প্রহেলিকা হয়ে রইল।

প্রহেলিকা সাংঘাতিক হল আরও আটদিন পরে। ঐবর ফোন প্রভাতের দোকানে। কেনে তোলার সময় লোহা একখানা ছিটকে পড়ে স্ববিনয়কে জখম করেছে। হাসপাতালে এমার্জেন্সি ওয়ার্ডে আনা হয়েছে তাকে, অপারেশন হয়ে গেছে—। বাড়ি-স্বদ্ধ হাসপাতালে ছুটল। অক্লিভেন দিচ্ছে স্ববিনয়কে—অসাড়, একেবারে সন্নিহিত নেই। সিন্ধুবালা ও ছেলে দুটো স্তম্ভিত হয়ে গেছে। ডান চোখ বেড দিয়ে সারা মাথায় ব্যাণ্ডেজ বাঁধা। সেই সঙ্ক্যায় স্ববিনয় গিয়ে পড়েছিল—তখনও মাথায় অবিকল এই আয়তনের এমনিধারা ব্যাণ্ডেজ, তিলেক হেরফের নেই। কেন থেকে লোহা ছিটকে পড়ার কথাও বলেছিল সেদিন। আর বলেছিল, আঘাত আঁত সামান্ত—তাচ্ছিল্য করে উড়িয়ে দিয়েছিল। ভবিষ্যৎ এতদূর অন্ধরে অন্ধরে মিলে এসে, ভরসা করা যায়, পরিণামও মিলে যাবে—সেরেহরে স্ববিনয় ড্যাং-ড্যাং করে ঘরে ফিরবে।

কিন্তু ফিরল না আর। পোস্ট-মর্টেম সেরে শ্মশানে তাকে চুকিয়ে-বুকিয়ে এলো। পরের সকালে শুভ্রাও ওঠে না, রাত্রে নাকি জ্বর এসেছে। জ্বর অতি সামান্ত, তবু প্রভাত চৌষটি টাকা ভিজিটের অনাদি সেনকে কল

মিল। রোগি দেখে ডাক্তার বলে, ইনফ্লুয়েঞ্জা—তিন দিনে সেরে যাবে। বিনি ওষুধে সারত। সামান্য ব্যাপারে এত নার্ভাস হয়েছেন প্রভাতবাবু, হাত পেতে টাকা নিতে আমার লজ্জা করছে।

এতেই শেষ নয়। আমার কাছে এসে পড়ল প্রভাত। উস্কাখুস্কা উৎকট চেহারা। দেখে আমি তো হকচকিয়ে গেছি। বলে, ওস্তাদ নটবরকে কোথাব পাই, তার সঙ্গে যোগাযোগ ঘটিয়ে দাও ভাই।

ব্যাপার কি বল দেখি ?

প্রভাত আত্মন্ত সবিস্তারে বলল। সুবিনয় মারা গেছে—কোন খবরই আমি জানতাম না। জামাই নেই, এখন মেয়ে নিয়ে সে বড় শঙ্কিত। বলে, তোমার নটবরকে একবার দেখাব।

ক্ষেপেছ ? অনাদি ডাক্তার দেখছেন—মুখ্যমুখ্য ভূতের-ওঝা কি করবে সেখানে ?

প্রভাত বলে, ভূতেরই তো কাজ। মরে ভূত হয়—এ হল মবার আগের ভূত। বেশি সাংঘাতিক। যা বলেছিল, অক্ষরে অক্ষরে তার মিল হয়ে যাচ্ছে। শুভ্রাকে নিয়ে যাবে, শাসিয়ে গেছে। সে কথা ভাবতে গেলে প্রাণে জ্বল থাকে না। শুভ্রাব মা একেবারে পাগলের মতন হয়ে গেছে।

প্রভাত ভূত মানে না, চিবকাল ঠাট্টা-তামাশা করে। তার এই দশা। চললাম দুজনে নটবরের বাড়ি। সে কি এখানে—মাইল কুড়ি দূরে পাড়গাঁ জায়গায়। কষ্ট অনর্থক—নটবর নেই, বাংলাদেশে গেছে কুটুম্বজন দেখতে। কবে ফিরবে, ঠিকঠিকানা নেই।

ফিরলেই যেন আমার সঙ্গে দেখা করে, ভাল করে বলে-কয়ে এলাম।

প্রভাতের বাড়ির খোঁজখবর নিই। ভাল না। ডাক্তার গোড়ায় ইনফ্লুয়েঞ্জা বলেছিলেন, পরে বললেন টাইফয়েড। রক্তে কিছু পাওয়া যায় না, জ্বর কিন্তু অবিরুদ্ধে চলছে। অনাদি সেনের মতো এত বড় ডাক্তার অঙ্ককারে হাতডাচ্ছেন। অস্থগ ক্রমেই প্রবল হচ্ছে। উৎকট মাথার যন্ত্রণা—রোগি কাটা-কবুতরের মতন ছটফট করে। আবার বৃকের মধ্যেও একটা যন্ত্রণা দেখা দিয়েছে আজ ক’দিন। টাকা আছে প্রভাতের, একা অনাদি সেন নয়—ডাক্তারে ডাক্তারে ছয়লাপ করেছে, শুনতে পাই।

এক বিকালে নটবর ওস্তাদ হঠাৎ উদয় হয়ে কাঁধের চাদর নামিয়ে পায়ে গড় করল। চলো নটবর—বলে মিনিট দশ-পনেরোর ভিতর আমি তৈরি। প্রভাতের বাড়ি থমথম করছিল, আমাদের দেখে তুমুল কান্না উঠল। শুভ্রা উঠানে খাটের উপর—ফুল দিয়ে অপরূপ সাজিয়েছে, কেওড়াতলায় নিয়ে

যাবে এইবার। মরণ কে বলে—একমুখ হাসি নিয়ে যেন পরম সুখে-শান্তিতে আছে যুবতী মেয়ে। নটবর ফিসফিসিয়ে আমার কানে বলে, হারানো বর আবার পেয়ে গেল, তাইতে হাসছে। আমি থাকলেও কিছু হত না- গাই-বাছুরে ষড় থাকলে বাইরে থেকে কে ঠেকাবে?

প্রভাত বলছে, হারামজাদা শয়তানট! যা বলেছিল, ঠিক ঠিক তাই করে ছাড়ল। ভান্ডর পড়তে দিল না, তিরিশে আবণ আজ।

প্রভাতের বউ সিদ্ধুবালা ওদিকে মেয়ের পাশে আছাড়ি-পিছাড়ি খাচ্ছে : নতুন বাসায় চললি মা আমার, আমি যাব, আমি যাব, আমায় নিয়ে যা—

## ঘাড়-বাঁকা পরেশ

পরেশকে দেখেছেন? একবার দেখলে আর ভোলা যাবে না। ঘাড় বাদিকে বাঁকানো—বাঁ-হাত বাঁ-পায়ের সমন্বয়ে। ভাল সার্জন দিয়ে অপারেশন করিয়েছে। একবার নয়, তিন তিনবার। বাঁকা ঘাড় সোজা হয়নি। হবে না, জানা কথা। কিন্তু মন বোঝে না—অকারণ অর্থনষ্ট। শুধু বলি, সোজা ঘাড় কেমন করে বাঁকল।

বউ বনেদি ঘরের মেয়ে। ভাই নেই, চার বোন তারা। মায়ের যা-কিছু ছিল, চার বোনে ভাগ করে নিয়েছে। সেরিভ্রাল-থ-সিসি পরেশের বউ হঠাৎ মারা গেল। রোগের শুরু থেকেই অচেতন-মরার আগে একটি কথাও সে বলে যেতে পারেনি।

ছুই ছেলে, এক মেয়ে। বিধবা দিদি আছেন সংসারে—দিদির উপর ছেলেমেয়েদের ভার চাপিয়ে পরেশ হিমালয়ে বেরল। লোকে বলছে, আহা রে, পত্নী-শোকে বিবাগী হয়ে বেরিয়ে গেল। জ্বীকেশের কাছে এক আশ্রমে আশ্রানা নিয়েছে। পাহাড়-পর্বতে বনে-জঙ্গলে অহরহ ঘুরে বেড়ায়—মাধু-সন্ন্যাসী সিদ্ধপুরুষের খবর পেলেই চলে যায় সেখানে, যত-দূর যত দুর্গমই হোক সে জায়গা। সংপ্রসঙ্গ হয়, পরলোক-ঘটিত ব্যাপারগুলো পরেশ বেশি করে জানতে চায়। একটা সন্ধান পেতে চায় সে বউয়ের কাছ থেকে। মণি-মাণিক্যচিহ্নিত পুরানো জড়োয়া-হার একটা, লক্ষাধিক টাকা দাম, শাওড়িঠাকরন চুপিচুপি তাকে দিয়েছিলেন। অন্ত সব-কিছু পাওয়া গেল, কিন্তু জড়োয়া-হার বউ যে কোথায় রেখে মারা গেছে—ঘরবাড়ি তন্নতন্ন করে খুঁজেও মিলল না। বের করে দিয়ে থাক সে একবার এসে। আসা নিতান্তই যদি অসম্ভব হয়,

জিনিসটা কোথায় আছে জানিয়ে দিক পশু-পাখি কিবা পেত্নী-শাকচূয়র মারফতে ( মাছুষ কদাপি নয়—ঋষিতপস্বী হলেও নয়, কারণ সে ক্ষেত্রে পাচার হবার সম্ভাবনা থেকে যায় ) ।

ত্রিভুজদর্শী এক মহাসাধুর বৃত্তান্ত শুনে পরেশ তাঁর খোঁজে চলল। ভারি দুর্গম জায়গায় থাকেন তিনি। রাত থাকতে বেরিয়েছে, যাচ্ছে তো যাচ্ছেই। পাহাড় জঙ্গল কত যে পার হল, অবধি নেই। অধ্যবসায়ীর অসাধ্য কিছু নেই, অপরাহুবেলা অবশেষে পৌঁছে গেল। দর্শনও মিলল—ভক্তি-গদগদ হয়ে সে সাধুমহারাজের পাদবন্দনা করল। এবং একতাল মিছরি ও রকমারি ফলমূল-মিষ্টান্ন পাদপদ্মে নিবেদন করে যুক্তকরে বসে আছে আশীর্বাদ-লাভের প্রত্যাশায়। পরেশের পানে মহারাজ একদৃষ্টে তাকিয়েই আছেন, শব্দমাড়া দেন না কিছু। অবস্থা দৃষ্টে আখড়ার দু-নম্বর সাধু চোখটিপে পরেশকে কাছে ডেকে বললেন, মোনীবাবা—সারাদিন সারা-রাত্তির ধমা দিয়ে থেকেও সিকিখানা কথা বের করতে পারবেনা বাপু।

পরেশ হাহাকার করে ওঠে : আমি যে বিস্তর আশা নিয়ে বহুদূর থেকে এসেছি—

তার জন্তে ভাবনা নেই। মহারাজ অন্তর্ধামী—মনের আশা খুলে বলতে হবে কেন, উনিই মন থেকে টেনে বের করে যথাবিহিত ব্যবস্থা করছেন। করা হয়েই গেছে হয়তো এতক্ষণে।

এ হেন পাইকারি আশ্বাসে পরেশ তৃপ্তি পায় না। বহুদর্শী দু-নম্বর বললেন সেটা। জমিয়ে গল্প আরম্ভ করলেন। মহারাজ-বাবার ইহলোক ও পরলোক-ঘটিত বিবিধ তাজ্জব ক্রিয়াকর্ম। দস্তুরমতো রোমাঞ্চক। বিশ্বাস করো চাই না-করো, গল্পের সমাপ্তির আগে কার সাধ্য উঠে পড়ে !

কতক্ষণ কেটে গেছে, পরেশের হাঁশ নেই। গুম-গুম-গুম—মেঘগর্জন। সচকিত হয়ে সে উপরমুখে তাকায়। সর্বনাশ, মেঘে আকাশ ঢেকে গেছে। পালা, পালা—

ঋত নামছে পাকদণ্ডীর পথ ধরে। উঠতে সময় লেগেছে—নেমে পড়তে কষ্ট কম, সময়ও কম লাগবে। ঘোর অন্ধকার—সে এমন, পথ তো পথ—নিজের হাত-পাগুলো চেনা অসম্ভব হয়ে দাঁড়াচ্ছে। বৃষ্টি নামল ছড়ছড় করে, সঙ্গে ঝোড়ো-বাতাস। ক্ষণে ক্ষণে গাছতলায় আশ্রয় নেয়, বৃষ্টি কমলে আবার হাঁটে। কতক্ষণ ধরে যাচ্ছে এমনি—শব্দ জাগল, দুর্ধোগের মধ্যে পথ ভুল করেনি তো ? জনপ্রাণী দেখা যায় না যে জিজ্ঞাসা করে নেবে।

বৃষ্টি থামল অবশেষে। অন্ধকারও চোখে সযে এসেছে—চারিদিকে

আবছা রকম নজর চলে। হঠাৎ দেখা যায়, সামান্য দূরে দীর্ঘদেহ একজন।  
অতি ক্ষত চলেছে।

পরেশ যেন হাতে-অর্গ পেল। ডাকছে : ও মশায়, শুনছেন, হৃষীকেশ  
আর কদর ?

সেই দীর্ঘদেহী খিক-খিক করে উৎকট হাসি হেসে উঠল : এদিকে কোথা  
হৃষীকেশ ? পাহাড়ের একেবারে উটোদিকে। সারারাত হেঁটেও হৃষীকেশ  
পাবি নে।

পরেশ আর্ভনাদ করে উঠল : মশায় গো মশায়, পথ হারিয়ে ফেলেছি।  
মারা পড়ব, একটা আশ্রয় কোথায় পাই বলে দিন।

যাবি কোথা ?

পরেশ বলে, অ্যান্টিবায়োটিক কারখানার কাছাকাছি গেলেই সেখান থেকে  
চিনে আপন ডেরায় যেতে পারব।

সেই লোক বলে, আমি ঐদিকেই যাচ্ছি। চলে আয় আমার পিছুপিছু।

থেকে দাঁড়িয়ে কথা বলছিল, আবার সে চলল। চলা মানে রীতিমত  
দৌড়ানো। পাহাড়-জঙ্গল ভেঙে দৌড়ছে - কিছুই যেন তার গায়ে লাগে না।

পরেশ কাতর হয়ে বলে, আশ্বে চলুন মশায়। অত জোরে পেরে উঠিনে  
আমি।

জোর কে বলল ? আশ্বেই তো যাচ্ছি রে। জোরে যাওয়া দেখতে চাস ?

পরেশ তাড়াতাড়ি বলে, আজ্ঞে না। যা দেখছি, এতেই চক্ষু ছানাবড়া।  
বয়স হয়ে গেছে, ছুটোছুটি পেরে উঠিনে।

বয়স—কত বয়স তোর, শুন।

পরেশ বলল, আজ্ঞে, পঞ্চাশ ছুই-ছুই করেছি।

তিন-পঞ্চাশ দেড়শ বছর, আমার বয়স তা-ও ছাড়িয়ে গেছে।  
খপখপিয়ে চলিস—সেটা বয়সের জ্ঞান নয়। গুচ্চের হাড়-মাংস-চর্বি বয়ে  
বেড়াচ্ছিস, দেহখানি পাল্লায় তুলে দিলে ওজনে দেড় মন হু-মন দাঁড়াবে। এত  
বোঝা চেপে থাকলে ছুটোছুটি হয় না। যখন বেঁচে ছিলাম, আমারও ঐ  
রকম ছিল রে—বাতে ধরেছিল, হাঁটতেই পারতাম না, খুঁড়িয়ে খুঁড়িয়ে  
চলতাম। মরে গিয়ে কত সুখ এখন দেখ্। বাতাসের মতন হালকা হয়েছি,  
যেখানে খুশি পলকে চলে যাই।

তারপর আবদারের ঢঙে আত্মরে গলায় ভূত বলে, মরবি ? হ্যাঁমামা নেই,  
গলা টিপে এক সেকেন্ডে শেষ করে দিচ্ছি। দেখতে পাবি, কী মজা তখন।  
মর না রে !

সভয়ে পরেশ বলে, আজ্ঞে না। একবার মরে তারপরে যদি ইচ্ছে হয়, আবার তো বাঁচতে পারব না।

ভূত বলে, তা পারবি নে বটে। কিন্তু ইচ্ছেই হবে না—নিজের অভিজ্ঞতায় বলে দিচ্ছি। বেঁচে থাকার ঝগ্গাট কত! দেহ বয়ে বেড়ানোর মূর্টগরি তো আছেই, আবার যা দিনকাল—ঐ দেহটা ধারণ করে থাকাই বড় চাঞ্চিখানি কথা নয়। মাছ-তরকারি চাল-ডাল অগ্নিমূল্য। আমরা বাতাসে বুড়োআঙুল নাচাই : চালের কুইন্টাল হাজার টাকা হোক না—আমাদের এহ কলা!

পরেশ কঁদে পড়ল : মরার মজা বুঝতে পেরেছি ভূতমশায়। কিন্তু তিন ছেলে-মেয়ে আমার পায়ের শিকল। আমি নিজে স্মৃতিতে থাকব, কিন্তু বাচ্চারা ভেসে যাবে একেবারে। মরাটা এখন মূলভূবি থাক। দয়া করে আপনি হৃদয়কেশের কাছ বরাবর পৌঁছে দিন, চিরকাল আমি কেনা-গোলাম হয়ে থাকব।

ভূত তখন সদয় হয়ে বলে, চল তবে। এমনি ছুটে পারবিনে, আমি তোর হাত ধরে ছুটিয়ে নিয়ে যাচ্ছি।

ধরতে গিয়ে ভূত তিড়িং করে পিছিয়ে গেল : উ-হ-হ, তোর গায়ে লোহা আছে নাকি রে বেটা? হাত পুড়ে গেল আমার।

গলায় গুচ্চের মাহুলি—পরেশের খেয়াল হল। একটা তার মধ্যে লোহারই বটে। লোহার মাহুলি ছুঁড়ে ফেলে দিল সে। ভূত বলে, লোহায় আমাদের ভয়। লোহা ছুঁলে আগুনের ছাঁকা লাগে। আর একটা জিনিস তোকে মানা করে দিচ্ছি। আমার সঙ্গে যতক্ষণ আচিস, সামনে ছাড়া কোন দিকে তাকাবি নে। ডাইনে বাঁয়ে পিছনে—কোন দিকে নয়। খবরদার!

যেই না ভূত মশায় হাত এঁটে ধরেছে—পরমাশ্চর্য ব্যাপার, পরেশ সঙ্গে সঙ্গে পাখির মতন হালকা। ভূত হাত ধরে নিয়ে যাচ্ছে। পাহাড়ের উপর দিয়ে ঘন জঙ্গল ভেদ করে আবেশে চলেছে—গাছপালা গায়ে বাধে না, শত্রু পাথরের ঘা লাগে না। ঝর্ণা পথে পড়লে ছুই পা একত্র করে ভাসতে ভাসতে স্বচ্ছন্দে পার হয়ে যায়। মরা-লোকে একখানি মাত্র হাত ধরেছে তাতেই এমন, আর নিজে মরবার পরে না-জানি আরও কত স্মৃৎ!

সাঁ-সাঁ করে ভূত এক উঁচু পাহাড়ের উপর নিয়ে এলো। নিচে আঙুল দেখায়—আলোর সারি দেখানে। বলে, চিনতে পারছিস, হৃদয়কেশের অ্যান্টিবায়োটিক কারখানা। এবারে যেতে পারবি তো?

যে আজ্ঞে। বড় বাঁচিয়ে দিলেন আপনি আজ—

কৃতজ্ঞতায় গদগদ হয়ে পরেশ ভূতের পদধূলি নিতে যায়। কিন্তু পা



কোথায়—খানিকটা ছায়া মাত্র। ছায়ায় ধুলো লাগে না। পায়ের কোন স্পর্শই পেল না। ভূত বলে, ঐ হয়েছে। নেমে যা এইবারে। আমিও বাড়ি এসে গোছি। ঢুকে পড়ব।

পরেশ শুধায় : কোথায় আপনার বাড়ি ?

এই পাহাড়ের নিচে—তোমার কি দরকার, তুই চলে যা।

হাত ছেড়ে দিল ভূত। পরেশ তরতর করে নেমে যাচ্ছে। হঠাৎ চড়-চড়-চড়াং—পিছন দিকে প্রচণ্ড আওয়াজ। ছুনিয়া চুবমার হয়ে গেল বুঝি। ঘাড় ফিরিয়ে পরেশ দেখল, যেখানটা এইমাত্র দাঁড়িয়ে কথা বলছিল—সেই পাহাড় দু’দিকে দুই খণ্ড হয়ে ইঁ করে পড়েছে। ফাঁকের ভিতর দিয়ে পাতাল-তল অবধি নজর যায়—পথঘাট ঘরবাড়ি সেখানে, লোকজন কিলবিল করছে। টুপ করে ভূত তার মধ্যে গিয়ে পড়ল। আর, ঝিম্বু কষমনধারা মুখ বন্ধ করে—ফাটা-পাহাড় দু-পাশ দিয়ে এসে বেমানুম জুড়ে গেল। জলল পাথর, ঝর্ণা—ঠিক আগেকার মতোই। গভীর রাত্রে নির্জন পাহাড়ে এই কাণ্ড ঘটে গেল, সামান্য মাত্র নিদর্শনও আর পড়ে নেই। নিচে অদূরে অ্যান্টিবায়োটিক-কারখানা বিদ্যুতের আলোয় ঝলমল করছে। কারখানার পাশ দিয়ে থপ-থপ করে পা ফেলে একলা পরেশ আস্তানায় ফিরছে।

পাহাড় ফাটার আওয়াজে পরেশ সেই যে ঘাড় ফিরিয়েছিল, ভূতের মানা মনে ছিল না তার—সেই ঘাড় কিছুতে আর সোজা হল না। পরেশের মুখ বাদিকে ফেরানো—বাঁ-কাঁধের সমন্বয়ে।

## অদৃশ্য আততায়ী

শশী দাস বাস চালায়—মল্লিকপাশ-বাবুগঞ্জ লাইন। মাস্ত্র অ্যাসিস্ট্যান্ট ও সাগরেন্দ। এবং স্ত্রীও। মাস্ত্রও লাইসেন্স নিয়েছে—ড্রাইভারের চাকরি একটা এসেছিল, মাস্ত্র কিন্তু নিল না : দিব্যি একসঙ্গে রয়েছি—আলাদা জায়গায় গিয়ে কেমন থাকব ঠিকঠিকানা কিছু নেই। বেশি টাকার দরকার কি আমার ?

কাঁচা-রাস্তা বলে রাজিবেলা বাস-চলাচল বন্ধ—সন্ধ্যার মুখে শেষ-ট্রিপ সেরে মল্লিকপাশায় এসে স্থিতি। রাত্রে কাজকর্ম নেই—ফুটিফাটি করো, খাও, ঘুমাও। ডিপোর কাছাকাছি এক চালাঘরে পাশাপাশি দুজনের খাটিয়া। লাগোয়া রাস্তাঘর। মাস্ত্রের উপাধি চাটুজ্যে, অতএব জাত্যাংশে ব্রাহ্মণ না হয়ে যায় না। সেই বাবদে শশী বলেছিল, বর্ণশ্রেষ্ঠ তুই—পূজোআচ্ছা রহিবাস ও-দুটো তোদের একচেটিয়া। রাঁধাবাড়া তুই করবি, বাসন-মাজা

বাটনা-বাটা আমার ভাগে। যাক্তর ঘোর আপত্তি : তা বই শকি। গরজে পড়ে এখন বর্ণশ্রেষ্ঠ হেনো-তেনো বলে খোশামুদি। ওসব হচ্ছে না—গাড়িতে যা, রান্নাঘরেও তাই। আমি তোঁর অ্যাসিস্ট্যান্ট।

দুই বাউগুলের একসঙ্গে বাসা। এর মধ্যে রেগুকা নামে মেয়ে জুটে সমস্ত গড়বড় করে দিল। জোটাল এনে শশী—তখন দিন কতক মাটিতে আর পা পড়ে না। এদের বাসার আরও রশিটাক উত্তরে রেগুকাদের বাড়ি। রথতলায় সন্ধ্যাবেলা শেষবারের মতো প্যাসেঞ্জার নামিয়ে খালি বাস নিয়ে শশী ডিপোয় ফিরছে—এক-একদিন দেখে, তাগড়াই মেয়ে ঘোর বেগে হ্যাঙল মেরে টিউবওয়েল থেকে কলসিতে খাবার জল ভরছে। টাউস কলসি, তার সঙ্গে ছোট কলসি একটা ফাউ। ভরা হয়ে গেলে এক ঝাঁকিতে বড়টা কাঁখে তুলে ছোটটার কানা ধরে টগবগিয়ে তেজি ঘোড়ায় মতো চলল—জল হলকে পড়ে শাড়ির কাপড় ভিজে অর্ধেক নাওয়া হয়ে যায়।

শশীর পরোপকার-বৃত্তি চাঞ্চা হয়ে ওঠে। বলল, এত কষ্টকরার তো মরকার নেই।

জ্রতন্ধিতে উড়িয়ে দিয়ে রেগুকা বলে, কষ্ট কোথায়? সিকে-বাক হলে এরকম চার কলসি আমি নিয়ে যেতে পারি। কিন্তু মেয়েলোকে বাক বইছে দেখলে লোকে ইঁ করে তাকিয়ে পড়বে। সে বড় বিজী।

শশী বুঝিয়ে বলে, ডিপো অবধি বাস তো খালিই যাচ্ছে। কলসি দুটো তুলে দাও, তুমিও উঠে বসো। ডিপোয় গিয়ে নেমে পড়ো।

না—না—করতে করতে উঠে পড়ল রেগুকা। কথা হয়ে রইল, শুধু আজ বলে নয়—রোজই এমনি যাবে। এবং বাসের পৌছতে যদি কোনদিন পাঁচ-দশ মিনিট দেরিও হয়, ভরা-কলসি নিয়ে সে অপেক্ষা করবে। কয়েকটা দিন পরে দেখা যায়, ঘুরপথে বাস রেগুকাদের বাড়ি হয়ে জলের কলসি নামিয়ে দিয়ে তারপর ডিপোয় ফিরছে। কলসি কাঁখে মেয়েটাকে এক পা-ও আর ইঁটতে হয় না।

আবার একদিন দেখা যায়, টিউবওয়েলের চাতালের উপর ভরা-কলসি দুটো নয়, তিনটে—পাশাপাশি লাইন দিয়ে সাজানো। শশী বলে, এত জল কিসে লাগবে? রান্নাবান্নাও টিউবওয়েলের জলে নাকি?

রেগুকা বলে, কিনতে হচ্ছে না জল, বইতেও হচ্ছে না। রান্নায় অর্ধাবধি কি?

কিন্তু ব্যাপার তা নয়। তিনের মধ্যে দুই কলসি যথারীতি রেগুকা বাড়িতে নামিয়ে নিল। নিজেও নামল। যাক্ত বলে, এটা?

রেণুকা বলে, আপনারা নামাবেন।

আমাদের কি গরজ ?

না, গরজটা আমারই। খাল-পারে ওলাওঠা লেগেছে, পচা পুকুরের জল খাওয়া চলবে না। এই জল খাবেন দুজনে।

ভাল রে ভাল—রেণুকা হুকুম ঝাড়ে কেমন দেখ ! বলে, কলসি রান্নাঘরে নিয়ে রাগবেন। দরজায় শিকল তোলা থাকবে, কুকুর-শিয়াল না ঢুকতে পারে। আমার দুই কলসির সঙ্গে এই কলসিও আমি টিউকলে ( টিউবওয়ায়ে ) নিয়ে যাব কাল।

ওদের ঘরে এট মেয়েমানুষের পা পড়ল। কলসি নেবার অজুহাতে নিত্যদিন রেণুকা রান্নাঘরে ঢোকে। হাঁড়িকুড়ি নেড়েচেড়ে ঘর-গৃহস্থালী রান্না-খাওয়ারও কি আর আন্দাজ নেয় না ? সকালে রোদ না উঠতেই বাস নিয়ে বেরতে হয়, তখন রাঁধাবাড়ার সময় কই ? সমস্তটা দিন চা-পাউরুটির উপর কাটিয়ে রাত্রে বাসায় ফেরে রান্নাঘরের ক্ষিধে নিয়ে। দাউ-দাউ করে উত্তন জালিয়ে হাঁড়ি ভরে চাল চাপিয়ে দেয়। আলু বেগুন কুমড়া বিঙে হাতের মাথায় যা-কিছু পাওয়া গেল, ফেলে এনে হাঁড়ির মধ্যে। অধীর ভাবে দারস্থার হাঁড়ির ভাত টিপে দেখে, দাঁতে পিষ্ট হবার অবস্থায় পৌঁচেছে কিনা। নামিয়ে দুই খালায় ঢেলে গবাগব কয়েক মিনিটের মধ্যেই হাঁড়ির ভাত কাবার।

আন্তে খান, এখন আর তাড়া কিসের ?—বলতে বলতে এক রাত্রে ঝড়ের বেগে রেণুকার প্রবেশ। এক কঁাসব ভাল এনেছে—সুগন্ধ সোনামুগ। হড়াস করে এ-খালায় খানিকটা ও-খালায় খানিকটা ঢেলে দিয়ে মুহূর্তে অন্ধকারের মধ্যে অন্তর্ধান।

মানুষ খেতে ভালবাসে—মা যতদিন ছিলেন, ঠেসে ঠেসে খাওয়াতেন। তেমনি হয়েছে এখন। সারা দিনমান একরকম উপোস—রাত্রেও খাওয়া নয়, কোন গভিকে উদরের গর্ভ বোজানো। অনেকদিন পরে এমনধারা ভাল পেয়ে বর্তে গেছে সে। পরের সন্ধ্যায় দেখা হলে গোড়াতেই ভালের প্রসঙ্গ : এমন খাসা রান্না তোমার—উঃ !

রেণুকা বিরস মুখে বলল, যাকে যে কাজ করতে হয়। আমার হল শীত নেই, বর্ষা নেই, দিনের পর দিন দুইবেলা রান্না করা। আগুনের কাছে গেলে মামীর মাথা ধরে।

মানুষ বলে, দেওয়া ঐ একটা বেলাতেই যেন শেষ না হয়ে যায় রেণু। তুমি বরঞ্চ কিছু টাকা রেখে দাও। যখন যেটা পারো দিয়ে যেও। মুখ বদলে বাঁচব।

রেণুকা বলে, কাল ওরা ককিরবাগানের মেলায় গিয়েছিল আমার বাড়ির পাহারায় রেখে। কী রকম ছুটে বেরুলাম, দেখলেন না? নিত্য নিত্য ও ছুতো খাটবে না। রাতে উঠোনের বার হয়েছি, টের পেলে মামা গলা দু-খণ্ড করে কাটবে।

এমন কড়া—বলো কি গো?

বিনি-মাইনের চাকরানী বিনি-মাইনের রাঁধুনী বেহাত না হয়ে পড়ে—আঙ্গল ভয়টা হল সেইখানে।

মাস্ত ফস করে বলে বসল, কিছু মনে কোর না রেণু। ছাইভস্ম গিলে গিলে পেটে চড়া পড়ে গেছে। তুমি যদি একবেলা চাটি করে রেঁধে দিয়ে যাও—সেই বাবদে তোমার মামা যা উচিত বিবেচনা করেন, তা-ই দিতে রাজি। বলে দেখ না একবার—টাকাটা তাঁরই হাতে দেব।

বলে যা হবে জানি। চটাস-চটাস করে চটির ঘা পড়বে আমার গালে-মুখে—

শশীর হাতে স্টিয়ারিং-চাকা, দৃষ্টি পথের দিকে—কান খাড়া করে এদের কথা শোনে আর ফিক ফিক করে হাসে। মাস্তর গা টিপে বলল, ওকে দিয়ে বলিয়ে কেন মার খাওয়াবি? সাহস থাকে নিজে গিয়ে বল্ তুই। 'মারি তো গণ্ডার লুটি তো ভাণ্ডার—রাঁধুনি-টাধুনি নয়, একেবারে ঘরের বউ করে নেবো, কথা পেড়ে দেখ্ গিয়ে।

হাত-মুখ নেড়ে রেণুকা বলে, বউ হতে বাকি আছে বুঝি? হুশো টাকা খেয়ে এই মামাই পনেরো বছর বয়সে এক টেকো-বুড়োর সঙ্গে বিয়ে দিয়েছিল। আঠারো হতে না হতে বুড়ো পটল তুলল, মামার-বাড়ি ফিরে পাকাপাকি হাতা-বোড়ি-খুঁস্তি ধরলাম।

শশী বলল, মুকতে হবে না রে মাস্ত, দর দিয়ে আসবি নগদ পাঁচশো টাকা। ঝক ঝকে বড় বড় নোট পাঁচখানা।

কথা ঐ পষন্ত—এই তিনের মধ্যে। মাস্ত সত্যি সত্যি গিয়েছিল কিনা খবর নেই। মাস খানেক পরে শশী একদিন মাস্তকে ধরেছে : জেতে তুই বামুন, খেয়াল আছে?

মাস্ত বলে, পুরো নাম মল্লখ চাটুজ্যে—'না' বলি কেমন করে?

যেমন-তেমন বামুন নয়, কুলীন বামুন। বিষধর কেউটে। হাতের মাথায় তুই রয়েছিস, একটা বড় দায় নিশ্চিন্ত।

কি হল আবার?

রেণুকা কে বিয়ে করে ফেলব। তুই মস্তর পড়াবি।

মাস্ত বলে, সেয়েছে ! সে যে মবলগ থরচা। পৈতে থেকে পুরোহিত-দর্পণ —

পৈতেটা বুঝি—পৈতে ঝুলিয়ে না বসলে মস্তুর পড়ানো হয় না। পুরোহিত-দর্পণ কোন কৰ্মে লাগবে শুনি ?

মাস্ত বলে, বিবাহ-প্রকরণ চাট্টিখানি কথা নয়। জন্মে একটা ষষ্টিপূজোও করিনি। পড়ে শুনে রপ্ত করতে হবে না ?

শশী বলে, তবেই হয়েছে ! অত সমস্ত রপ্ত করতে নিদেনপক্ষে ছ'টি মাসের ধাক্কা। তদ্দিনে মামামশায় হাজার টাকায় ভাগনী বেচে হাত-পা ধুয়ে ঘরে উঠেছে। তড়িঘড়ি সারতে হবে রে—পঞ্জিকায় যে ক'টা মস্তুর আছে, তাই ঢের। বেশি ঝামেলায় গেলে চাউর হয়ে পড়বে, মামামশায় বাগড়া দেবে তখন।

ঘরকানাচে বাতাবিলেবু-তলায় মাস্ত পৈতে ঝুলিয়ে কুশাসন পেতে কোশাকুশি সামনে নিয়ে পুরুত হয়ে বসেছে। জঙ্গুলে স্নড়িপথ ধরে আঁধারে আঁধারে কনেও নিবিয়ে এসে পৌঁছল। ভেবেচিন্তে কনেকে ঘরে তোলা হল না। খোঁজাখুঁজি করতে এসে সর্বাগ্নে লোকে ঘরেই ঢুকে যায়। বাড়ির লাগোয়া পালিতদের পোয়ালের গাদা—কনেকে তার নিচে ঢুকিয়ে দেওয়া হল, সময়ে টেনে বের করবে। হলধর কড়কড়ে ছোয়ান—এদেরই এয়ারবক্স লোক। তারই মতন আরও তিনটিকে নিয়ে সে বরষাত্রী হয়ে আসছে। এরাই দেরি করিয়ে দিচ্ছে—নয়তো শুভকৰ্ম এতক্ষণে সমাধা হবার কথা।

দেখা দিল অবশেষে। শশী নিসফিসিয়ে তর্জন করে : দেরি করলি—ভাবনায় ছটফট করছি আমরা।

হলধর হাতের গুলি পাকিয়ে বলে, ভাবনাটা কিসের শুনি ?

মামা সন্দেহ করেছে, রেণু বলল। জুটেপুটে এসে পড়তে পারে।

বাতাবিলেবু গাছে ঘুসি মেরে হলধর বলে, চারজনে আমরা গণ্ডা দুয়েকের মুঠু অন্তত ছিঁড়ে তো ফেলব ধড় থেকে—

ইত্যাদি বীরোচিত কথাবার্তার মাঝখানে রেণুকার মামা ভোলানাথ এসে উপস্থিত। ডাউনে বাঁয়ে দুই ছেলে—স্বরূপ ও শ্যামল। মামামশায় শশীর দিকে চেয়ে গর্জে উঠলেন : রেণুকা পালিয়েছে। নিশ্চয় তোমার এখানে। কোথায় সে ? বলে ফেল—ভালর তরে বলছি।

হলধর এক লম্ফ গিয়ে (—না, অসদাচরণ কিছু নয়, সমাদরে) ভোলানাথের হাত জড়িয়ে ধরল। টানছে : মামামশায়, আসতে আজ্ঞা হয়। দেরি করে ফেললেন, ভাবনায় ছটফট করছি আমরা।

আর শশী এসে ওদিক থেকে পদতলে ঢপাল করে প্রণাম। পদধূলি জিভে ঠেকায়। মাস্তুর উদ্দেশে হাঁক পেড়ে উঠল : সম্প্রদান করতে খোদ মামামশায় পৌঁছে গেছেন। ছাদনাতলা কানাচে আর কেন, উঠোনের উপর সদরে নিয়ে আসুক। হলধর, হেরিকেন ধরিয়ে ফেল্ রে ভাই। শুভকর্ম অঙ্ককারে কেন হতে যাবে ?

হলধর শোরগোল তুলেছে : পিঁড়ি কই রে, মামামশায় বসবেন কিসে ? ছি-ছি, মাটিতে বসে সম্প্রদান করবেন ?

হুকার ছাড়লেন ভোলানাথ : বিয়ের ষড়যন্ত্র—এত বড় আশ্পর্ধা ! শ্রামল, এক দৌড়ে থানায় চলে যা। পাড়ায় গিয়ে লোকজন ডেকে আন, ওরে স্বরূপ—

উভয় পুত্রেরই ইতিমধ্যে সজ্জিন অবস্থা—হলধরের দুই সঙ্গী দু’দিক দিয়ে কষে ধরেছে। এবং বাকি লোকটি কাজের অভাবে শ্রামল-স্বরূপের পিঠে রক্ষা মারতে মারতে রান্নাঘরের দিকে এগিয়ে দিচ্ছে। বলে, দাওয়ায় বসে বিয়ে দেখগে শালারা। গলা দিয়ে এক কাঁচা আওয়াজ না বেরোয়। বিয়ের কাজ অন্তে একসঙ্গে সব ভোজে বসিয়ে দেওয়া হবে।

ভোলানাথ ওদিকে আর্দকণ্ঠে চৈচিয়ে উঠলেন : হাত ছেড়ে গলা ধরলি কেন রে বাপু ? ছাড়্ ছাড়্—দম আটকে আসে।

গলা ঠিক নয় হলধর কাঁধ ধরেছে, চাপ দিয়ে পিঁড়িতে বসিয়ে দিল। বলে, জুত করে বসুন মামামশায়, একগাদা কড়া কড়া সংস্কৃত মস্তুর।

ভোলানাথ চোখ পাকিয়ে বলেন, গলা চেপে ধরে মস্তুর আদায় করবি ? একটা মস্তুরও বলব না, তুল অং-বং করব—উঃ উঃ, বাবা রে—

কিছু-একটা করে থাকবে হলধর—ভোলানাথের চোখে জল বেরুবার মতো। হলধর নিপাট ভালমানুষ হয়ে মাস্তুকে বলছে, আরম্ভ করে দাও এবারে ভাই, মামামশায় তৈরি।

বরাসন থেকে তড়াক করে উঠে এসে শশী মামামশায়ের কানে আলাদা এক মন্ত্র-পাঠ করল। ভোলানাথ ঝিম হয়ে ছিলেন, মস্তুর গুণে মুহূর্তে চাঙ্গা হলেন—মুখ হাসিতে ভরে গেল। এই গল্প লিখতে গিয়ে হলধরের কাছ থেকে মস্তুর বয়ান আমি আন্তোপান্ত শুনে নিয়েছি। হলধর ধরে বসেছিল ভোলানাথকে, ভরসা করে ছেড়ে যায়নি—শশীর প্রতিটি কথা তার কানে গিয়েছিল। শশী বলল, মুখ গোমড়া করে থাকবেন না মামা, তাতে আমাদের মজল হবে না। সেই পাঁচশো টাকা পুরোপুরি আজকেই জোড়ে আমরা পাদপদ্মে প্রণামী দেবো। হুগুর মধ্যে আরো দুশো। তাছাড়া আপনার

শ্রামল-স্বরূপের মতো। আমিও ছেলে হয়ে যাচ্ছি তো, দায়ে-বেদায়ে কখনো মুখ ফেরাতে পারব না।

হলধরও সঙ্গে সঙ্গে শুনিয়ে দেয় : তা ছাড়া মন্তর না পড়েও তো বাঁচাবাঁচি নেই মামা। করতে যা হবেই, হাসিখুশির সঙ্গে করাই ভাল—তাই না ?

মন্ত্রগুণে মামার ভোলবদল। মাস্ত পাজি দেখে খুঁড়িয়ে খুঁড়িয়ে পড়ছে—মুখ দিয়ে বেরুতে না বেরুতে শুদ্ধ উচ্চারণে ভোলানাথের বলা সারা। স্বরূপ-শ্রামল মুখ গোমড়া করে বলে, ধাক্কা দিতে দিতে এনে ফেলল—হাসিখুশি আসে কেমন করে ?

ভোলানাথ বলেন, ধাক্কা কোথায় হল রে ? উঠোনে দাঁড়িয়েছিলি, দাওয়ার উপর নিয়ে বসাল—থারাপটা কি করেছে। জোয়ানযুবো ছেলেপিলে—ওদের আদর এর বেশি মোলায়েম হয় না।

স্বরূপ বলল, শালা-শালা করে গালি দিচ্ছিল—

শালা তো মিছে নয়। রেণুকার ভাই না তোরা ? শশী বাবাজীর সঙ্গে শালা সম্পর্কই তোদের।

মোটের উপর ভোলানাথ একেবারে শশীর লোক হয়ে গেছেন। বরপক্ষেই কোন রকম দোষ-ত্রুটি তিনি মেনে নেবেন না।

বিয়ে হয়ে গেল, স্থখশান্তিতে ঘরকন্না এবারে—ভাবছেন, গল্পের শেষ, আমার কথাটি ফুরালো। ঠিক উল্টো, গল্প শুরুই হয়নি—ভূমিকা চলল এতক্ষণ। ভূমিকা কিছু ফলাও হয়ে গেছে, গল্প তবে সংক্ষেপে সারি।

স্থখশান্তি না ঘোড়ার ডিম—বউ এসে যত ঝামেলা। আরম্ভেই মাস্ত উদ্ভাস্ত। ঘর একথানা মাত্র। মাস্তর খাটিয়ায় রেণুকা এসে চাপল। থেয়ে-দেয়ে মাস্ত হাটেখোলার বেওয়ারিশ চালাঘরে গিয়ে শোয়। কিন্তু শিয়ালের উৎপাত সেখানে—মরামানুষ ভেবে এক রাত্রে খ্যাচ করে পায়ে কামড় বসিয়ে দিয়েছিল। কামড়ে ঘুম ভাঙল। হাটের চালায় শোওয়া সেই থেকে বাতিল। খাওয়াটা কিন্তু উপাদেয় হচ্ছে—সোনামুগ খাইয়ে রেণুকা সেই পাগল করেছিল, নিত্য রাত্রে তারই হাতের এখন রকমারি রান্না। বাবুগঞ্জের হাটের খুব নামডাক—রান্নার ভাল কারিগর পেয়ে মাস্ত এখন সারা হাট চুঁড়ে সকলের সেরা মাছ-তরকারি কিনে এনে দেয়। কিন্তু খাওয়া অস্তে চোখ বোঁজে গিয়ে কোথায়, সেই দাঁড়িয়েছে সমস্ত। মামামশায় ভোলানাথের বাড়ি গিয়ে আপাতত শুচ্ছে, যে ঘরখানায় রেণুকা থাকত। অস্থায়ী ব্যবস্থা, জায়গা জুটলেই চলে যাবে—নতুন-কুটুন্সের বাড়ি কদিন এমন থাকা যায় ?

অদ্ভুত ভাবে হঠাৎ সমস্তার স্বরাহা হয়ে গেল। জ্বী-ভাগ্যে ধন, বলে থাকে

না—কত বড় সত্যি, হাতে হাতে দেখুন। এক রকম ডেকে নিয়েই শশীকে লরকারি চাকরি দিল সদরের উপর—খোদ এস-ডি-ও সাহেবের বাকবাক্যে গাড়ি চালাবে সে লাইনের এই সব জবড়জং বাসের বদলে। মাইনে প্রায় ডবল এবং রবিবারে পুরো ছুটি। মাস্ত ছিল অ্যাসিস্ট্যান্ট, এইবার সে ড্রাইভার হয়ে তাদের সেই লাইনের বাসের স্টিয়ারিং ধরে বসল। অ্যাসিস্ট্যান্ট করে নিল হলধরকে—তার অনেক দিনের আশা। পুরনো বাসার ষোল-আনা দখলিকার এবারে মাস্ত—একলা মাস্ত। রেণুকা মামার-বাড়ি গিয়ে উঠেছে তার সেই আগের ঘরে। থায় অবশ্য আলাদা—রোজগেরে স্বামী থাকতে মানার অন্ন খেতে যাবে কেন? রবিবারে রবিবারে শশী আসে। মাস্ত যথাপূর্ব্ব বাবুগঞ্জ থেকে হাট করে আনে এবং সন্ধ্যার পর এসে রেণুর হাতের রান্না খেয়ে খানিকটা গল্পগাছা করে বাসায় চলে যায়। সদরের উপর ঘর খুঁজছে শশী—জুত মতো একটা পেলেই রেণুকাকে নিয়ে যাবে।

অর্ধেক বছর কাবার হতে যায়, ঘর মেলে না। মফস্বল-শহরেও বস্তুটা এমন দুর্লভ, শশীর ধারণায় ছিল না। পছন্দসই একটা হয়তো মিলল, ভাড়া শুনে পিলে চমকে যায়। এতদিন যা হোক একরকম চলল—কিন্তু আর চলে না, মামামশায় বিষম ব্যস্ত হয়ে পড়েছেন। রবিবারটা শশীকে বাড়ির উপর পেয়ে যান, তখন উঠতে তাগাদা বসতে তাগাদা। শশী বিরক্ত : বেকায়দায় পড়ে আছি না-হয় ঘর আটকে—ঘর তোমাদের গুলে থাকি না তো। পেলেই ছেড়ে দিয়ে যাব।

শ্রামল একদিন ফুটবল খেলতে সদরে গেছে। খেলার পর শশীর সঙ্গে দেখা করল। তাগাদা তার মুখেও। হাবে-ভাবে নানান কথা বলল। যা পাচ্ছেন, সেখানেই এনে তুলুন তাড়াতাড়ি—ভাল ঘর পেলে ছেড়ে দিতে কতক্ষণ! মল্লিকপাশায় দিদির ফেলে রাখা মোটেই আর উচিত হচ্ছে না।

বাসা ঠিক হয়ে গেছে—শশী হুম করে বলে উঠল। শ্রামলের বিশ্বাস হয় না, বলে, সত্যি?

রবিবারে নিয়ে আসব, ঠিক করেছিলাম। ভেবে দেখছি, এখন যাওয়াই ভাল। জোর দিয়ে আবার বলে, এক্ষুনি যাব।

আকাশ মেঘাঙ্ককার। বাতাস নেই। শ্রামল অবাক হয়ে বলল, এই রাজ্জে? কুটি তো নামল বলে।

শশী অবহেলায় উড়িয়ে দেয় : লাগবে কতক্ষণই বা! আমার বলা আছে, বাসা পাকাপাকি হলে হট করে গিয়ে পড়ব। এখন যাওয়াই সুবিধে। সাহেবের গাড়ি নিয়ে চলে যাব—বারো মাইল পথ হাতায়াতে এক ঘণ্টাও লাগবে না,



আর গোছগাছ করতে না-হয় আরও এক ঘণ্টা। ফিরে এসে চুপিসারে গাড়ি গ্যারেজে ঢুকিয়ে দেব— কাকপক্ষী টের পাবে না।

সত্যিই যাবে, তামাসা নয়। হোটেল থেকে নিয়ে আরও খানিকটা রাত করে বওনা। জোরে রুটি নেমেচে তখন, সঙ্গে বাতাস। কোনদিকে কোথাও জনপ্রাণী নেই। চেয়েছে সে এই জিনিসই তো!

রুটির থামার লক্ষণ নেই। এক পশলা হয়ে সামান্য বিরতি, ডবল জোরে আবার ঝেঁপে আসে। কল কল করে জল গড়াচ্ছে রাস্তার উপর। ক্ষণে ক্ষণে বিদ্যুতের চমক। বাড়ির কাছে তেঁতুলগাছ-তলায় মোটর বেগে শশী তড়াক করে দাওয়ায় উঠে প্রচণ্ড বেগে ছুঁফোর ঝাঁকচ্ছে : খোল, খোল শিগগির, ভিক্ষে যাচ্ছি

শ্রামল উঠানেব ওধারে গিষে বাপ-মাকে ডাকছে, ভাই স্বরূপকে ডেকে তুলন। ঘরে ঢুকেই শশী টর্চ টিপেছে। আন্দাজ ঠিকই পিছন-দরজা খোলা, খুলে এই মাত্র যেন কেউ বেরিয়ে গেল, কপাট ঈষৎ নড়ছে এমনি মনে হয়। দেখেনি সে সত্যি সত্যি, তবু ধাঙ্গা দিয়ে বলে, জলের মধ্যে চলে গেল— মাছঘটা কে ?

বেগুকা কম যায় না, 'নাবও হাজির-জবাব : মাছঘ কোথা দেখলে ? কুকুব। গিল দিতে ভুলে গিয়েছিলাম, বাদলার মধ্যে নেড়িয়ে কখন ঢুকে পড়েছিল। তোমাব দোর-ঝাঁকাঝাঁকি আব চোঁচানিতে ভর পেয়ে পালাল।

শশী আর কোন উচ্চবাচ্য করল না। বাড়ির সকলে ইতিমধ্যে উঠে পড়েছে। জিনিসপত্র গোছগাছ কবে হাতে হাতে নিয়ে গাড়িতে তুলছে। বোঝা এমন-কিছু ভয়ানক নয় টাঙ্ক তোষক বালিশ চাদর ইত্যাদি বিচানা এবং টুকটাকি সিনিসের বোঁচকা একটা। বাসনকোশন মামীর কাছ থেকে নিয়ে কাজ চালাত। ছুট কবে কোন দিন সদরের বাসায় গিয়ে উঠবে-- তাই নিতান্ত নইলে-নয় এমনি কয়েকটা জিনিস মাত্র কিনেচে। জিনিসপত্র গাড়িতে তুলে মামা-মামীর পায়ে প্রণাম করে নিশিরাত্রে তাবা নতুন বাসায় রওনা দিল। শশী স্টার্ট দিচ্ছে, পাশটিতে একেবারে তার গা ঘেঁষে প্রায় এক-দেহ হয়ে রেগুকা বসল।

ভালুকঘরা জঙ্গলের কাছে পরের দিন বউ ও যাবতীয় জিনিসপত্র পাওয়া গেল শুধুমাত্র শশী ছাড়া। ভূঁয়ের উপর রেগুকা মরে পড়ে আছে, গলায় সুম্পষ্ট আঙুলের দাগ। অনতিদূরে এস-ডি-ও সাহেবের ঝকঝকে গাড়ি— গাড়ির ভিতরের একটা জিনিসও খোয়া যায়নি। শশীরই কেবল নিশানা নেই। বলাবলি হচ্ছে, রাগের মাথায় বউকে মেরে সে দেশান্তরী হয়েছে।

আষাঢ় মাসে এই ব্যাপার। তারই মাস দেড়েক পরে ভাদ্র মাসে জন্মাষ্টমীর রাত্রে আর এক দুর্ঘটনা—এই সেদিন কাগজে যে বৃত্তান্ত পড়লেন। কালীমতী-বাঁধের উপর থেকে বাস নদীর গর্ভে। করাল শ্রোত অত্বেড় বাসটাকে গড়িয়ে গড়িয়ে একেবারে ত্রিমোহিনী অবধি নিয়ে ফেলল। জাঁতিকলে আবদ্ধ ঈহরের মতন মাস্ত-ড্রাইভার। একমাত্র সে—অ্যানিস্টাণ্ট হলধর ছিল তার পাশটিতে, কিন্তু সর্বনাশের মুখে লাফিয়ে পড়ে সে বেঁচে গেল।

হলধর কিন্তু শতকণ্ঠে প্রতিবাদ করে : লাফায় নি সে, সস্থিত-ই ছিল না তার মোটে। শশীদা, যানে শশী ড্রাইভার, দেশান্তরী হয়েছে বলে যার নামে রটনা জানলা দিয়ে সে-ই ছুঁড়ে দিয়েছিল। নরম বালুশষ্যার উপর হলধর আলগোছে এসে পড়ল।

শশীকে দেখতে পেলে তখন ?

হলধর ঘাড় নাড়ল—না, দেখেনি। কিন্তু চোখে নাঠ দেখুক, উচু করে তুলে ঐ যে ছুঁড়ে দেওয়া—এ জিনিস শশী ছাড়া সন্ধ্যা কাউকে দিয়ে হতে পারে না। হলধরেরা চারজনে একবার কিশোর বয়সে গান শুনতে গিয়ে প্যাগোলে আগুন ধরে যায়, দলস্থদ্ধ শশী ছুঁড়ে ছুঁড়ে দিয়েছিল। ছোঁড়ার কান্দা এই দিনেও অবিকল সেই রকম।

হলধরকে নিয়ে চেপে বসলাম : যেমন যেমন হাধেছিল, আপাগোড়া বেলো দিকি। গল্প লিখব। আমি বিশ্বাস করি না করি, পাঠকদের কেউ কেউ করতে পারে।

জন্মাষ্টমীর মেলায় দরুন-বাসে সেদিন তিলধারণের জাংগা ছিল না। প্যাসেঞ্জার রথতলায় সব নেমে বাস খালি করে দিয়ে গেল। মাস্ত যথারীতি ডিপোয় তুলতে যাচ্ছে। মাস্তর পাশে হলধর। বেশি প্যাসেঞ্জার হলে এদেরও দু-পাঁচ টাকা উপরি লভ্য হয়—সে কারণে মন বড় খুশি। তড়বড় করে দুজনে রকমারি রসালাপ করতে করতে যাচ্ছে। মাস্ত হঠাৎ চুপ। হলধর কত কি বলে যাচ্ছে, মাস্ত রা কাড়ে না। হল কি তোমার মাস্ত-ভাই ? জিজ্ঞাসার পরেও জবাব নেই। মাস্তর দিকে তাকাল হলধর। আবছা আঁধারে দেখা যায় না ভাল। একনজরে মাস্ত সামনেটায় অত কি দেখে ? চোখ বড় বড় হয়েছে তার, দৃষ্টি ভয়ার্ত। যাবে তো ডিপোয়—এই সামান্ত একটু পথ, তার জন্ত এত স্পীড দিচ্ছে কেন ? আরে আরে—একেবারে উন্টোপথ ধরল যে—

হঠাৎ মাস্ত পাগলের মতন চাঁচিয়ে উঠল : ঠেকা রে হলধর, ঠেকিয়ে দে। বেটার গায়ে অস্ত্রের বল—একা আমি পেরে উঠছি নে।

কার কথা বলছ ?

মান্ত খিঁচিয়ে উঠল : দেখতে তো পাচ্ছিনে—সাতগুটির নাম কেমন করে বলি ? ত্রেক চেপে ধর প্রাণপণ শক্তিতে, আমার পায়ের উপর তুইও পা চাপিয়ে দে, হাণ্ডব্রেক টেনে ধর। ধাক্কা মেরে অ্যাকসিলেটর থেকে বেটার পা সরিয়ে দে। তাড়াতাড়ি। নয় তো রক্ষ রাখবে না—

হাণ্ডব্রেক ধরতে গেছে হলধর, হাতের উপর অদৃশ আততায়ী দিল প্রচণ্ড থাবড়া। ঠিক এমনি থাবড়া মনে হচ্ছে আগেও খেয়েছে সে। হাত অসাড় হয়ে গেল, হাণ্ডব্রেক টানবার জোর আর নেই।

পাগলা-হাতীর মতো ছুটেতে ছুটেতে বাস নদীর ধারে এসে পড়ল। করালশ্রোত কালীমতী—বাঁধ বেঁধে আটকে রাখা হয়েছে। একতলা সমান উঁচু দীর্ঘ বিসপিল কঠিন বাঁধ—এমন বাঁধও নদী এক একবার ভেঙে-চুরে চারিদিক ভাসিয়ে দেয়। বাস কেমন লাফিয়ে লাফিয়ে উঁচু বাঁধে উঠছে। উঠেও গেল অবলীলাক্রমে। বেশ খানিকটা ছুটে বেড়াল বাঁধের উপরে। জানলা গলিয়ে হলধরকে ফেলে দিল হঠাৎ—ফেলে দেওয়া নয়, শুইয়ে দিল যেন ভিজেমাটির নরম শয্যায়। তারপর বাঁধের ওদিককার ঢালুতে পরম আলস্তে বাস যেন গা ঢেলে দিল। গড়াচ্ছে। গড় গড় করে তীরের বেগে নামতে নামতে ঝপাস করে নদীশ্রোতে পড়ল। জলতলে অদৃশ।

ততক্ষণে হলধর বাঁধের উপর উঠে বসেছে। চোখের উপর সে সমস্ত দেখল। দু'দিন পরে ত্রিমোহিনীর বাঁকে বাসের খোঁজ হল। ড্রাইভারের সিটে মান্ত মরে আছে। কে যেন আগাপান্তলা পিটিয়ে হাড়গোড় চূর্ণ করে দিয়েছে তার।

## নিজের মড়া নিজে পোড়ানো

ঘোর বর্ষা, ঝোড়ো বাতাস। চারিদিক মেঘাচ্ছকার। এ হেন দুর্ধোগময় রাজ্যে হরিবন্ধু সাহা হঠাৎ দেহ রাখলেন। পড়শিরা বিষম বিরক্ত : বিরাশি বছর বাঁচতে পারল বুড়ো—আর ঝড়-বৃষ্টি থামবে, রাত পোহাবে, এইটুকু সময় সবুর করতে পারল না। ভয়ানক মধ্যে শুকনো কাঠকুটোর এখন কী করে জোগাড় হয়? আর কাঠ যতই দাও, ধারাবর্ষণে চিতার আগুনও তো টিকিয়ে রাখা যাবে না।

হরিবন্ধুব কৃত্তী পুত্র শহরে থাকে, ইনি গাঁয়ে পড়ে ছিলেন। ছেলের দোষ নেই। বাপকে শহরে গিয়ে থাকতে বলত, বার-দুই-তিন টেনেহিঁচড়ে নিয়েও গেছে শহরে। হরিবন্ধু থাকতে পারেন না—অত সব পাকা-ঘরবাড়ি

বাঁধানো-রাস্তায় নিখাস বন্ধ হয়ে আসে যেন তাঁর। এছাড়া গাঁ-গ্রামের বিষয়সম্পত্তির টানও রয়েছে মনে মনে। মোটের উপর শহরের বাসাবাড়িতে রাজে ঘুম হয় না, সারা দিনমানও কী করি কোথায় যাই—ছটফট করে বেড়াতেন। শেষের বার তো ছেলে-বউর সঙ্গে রীতিমত ঝগড় ঝাটি করেই চলে এলেন। সেই থেকে বাপকে নিয়ে আর তারা টানাটানি করত না।

বাড়িতে বোন সম্পর্কের নিঃসহায় এক বিধবা—নিস্তারের মা বলে সকলে। সে-ই রেঁধে-বেড়ে দেয়। আর একজন—গণেশ দাস আছে, সম্পত্তির দেখাশুনো করে, হাটবাজার করে দেয়। গণেশের বয়সও সত্তরের কাছাকাছি। হরিবন্ধুর সংসারে তিনি নিজে ছাড়া আর এই ছ-জন—রক্তের সম্বন্ধ কারো সঙ্গেই নয়। এদেরই সহায় করে একমাত্র ছেলের সঙ্গে আলাদা হয়ে আমৃত্যু তিনি গ্রামে কাটিয়ে গেলেন। কপালের দুর্ভাগ্য আর কাকে বলে!

বিপদের উপর বিপদ গণেশও আজ হস্তাথানেক ধরে জ্বরে শয্যাশায়ী। এরই মধ্যে হরিবন্ধু মারা গেলেন। মৃত্যুকালে মড়া বাইবে এনে নাম-শোনানোর বিধি—হরে-কৃষ্ণ হরে-রাম রাম-রাম হরে-হরে বলে কানের কাছে মুখ রেখে চোঁচায়। এই পুণ্যকর্মটুকুও হতে পারল না—অবিরাম বর্ষাধারের মধ্যে মড়া টেনে বের করার মতন লোকাভাব। যাই হোক, শেষ মুহূর্তে হরে-রাম ইত্যাদি না শোনানোর দরুন পরকালে কি দুর্গতি হবে জানা নেই, তবে ইহলোকের অন্তিম মুহূর্তে তুলোব তোশকের উপর বালিশ মাথায় বাঁথা-গায়ে হরিবন্ধু আরামেই মরতে পেরেছেন।

গণেশ গোমস্তা ধাঁইপাই জ্বরের মধ্যেই কাপতে কাপতে উঠে কাপড়ের মুড়োয় মড়ার আপাদমস্তক ঢেকে দিল। নিস্তারের মাকে ছুঁয়ে বসতে বলে পাড়ায় লোক ডাকতে বেরুল সে। নানান অজুহাত—ঘোর বর্ষায় কেউ বেরুতে চায় না। গণেশ গোমস্তা শাসাচ্ছে : না বেরিয়ে কি চিরকাল বাঁচবে? তোমাদেরও দিন আসবে—দেখে নেব তখন। শহরে বাবুর কাছে তোমাদের রীতব্যাডার লিখে কিস্তিতে কিস্তিতে নালিশ ঠুকে নাস্তানাবুদ করা হবে।

ইত্যাকার নানাবিধ শাসানির পর শ্রাশানবন্ধু আটটি ছোটানো গেল। গেরো কত! শ্রাশানঘাটা হরিবন্ধুর গ্রাম থেকে পাক্কা চার মাইল। এই এত পথ শুধুমাত্র মড়া নয়, মড়া পোড়ানোর কাঠ পর্যন্ত বয়ে নিয়ে যেতে হবে। অথচ মানুষ সর্বসাকুল্যে আট। কাঠের জন্ত গরুর-গাড়ি নেওয়া যেত। কিন্তু রাস্তায় হাটুভর কাদা—বোঝাই গাড়ির চাকা কাদায় বসে যাবে, ঠেলেঠুলে চাকা তোলাই সম্ভব হয়ে দাঁড়াবে তখন।

ভেবে-চিন্তে চিতার কাঠ বোঝায় বোঝায় ভাগ করে চারজনে বয়ে নিয়ে

চলল। অপর চারজন মড়ার দিকে। হরিবন্ধু রোগা-লিকলিকে মছেষটি, একথণ্ড বাঁশের সঙ্গে বেঁধে নিয়েছে, বাঁশের দুই প্রান্ত দুই শ্মশানবন্ধু কাঁধে তুলে নিল। তাই যথেষ্ট—হালকা মড়া নাচাতে নাচাতে নিয়ে চলেছে। কড়ি-কলসি-কুড়াল ইত্যাদি নিয়ে পিছন পিছন যাচ্ছে দু-জন—এদের কাঁধ খালি লাগলে ওরা এসে কাঁধ দেবে।

ঝুপ ঝুপ ঝুপ—বৃষ্টির বিরাম নেহ। যত এগোচ্ছে—কী আশ্চর্য, মড়ার ভার ক্রমশ বেড়ে যাচ্ছে। জলে ভিজ়ে কাঠের ভার সামান্য বাড়লেও বাড়তে পারে—কিন্তু মড়া কেন? দু-জনে খুচ্ছন্দে নিয়ে যাচ্ছিল—এখন আর পারছে না, পিছনের দুটিও এসে কাঁধ দল। চার জনে নিয়ে যাচ্ছে—তা-ও অসাধ্য, মড়ার ওজন পাঁচ-সাত গুণ বেড়েছে, মালুন হচ্ছে। কাদার মধ্যে সব হৃদয় মুখ খুঁবে না পড়ে!

উপায় কি এখন? পথের উপর ফেলে বাড়ি ফিরে যাওয়া যায় না। কাঠের বোঝা নিয়ে যাচ্ছে, তাদের মধ্যে দু-জন রাস্তার পগারে কাঠ ফেলে ভারমুক্ত হল। কিছুমাত্র ক্ষতি নেই। কাঠ যতই থাক, এইরকম অবিশ্রান্ত বৃষ্টি-বাদলের মধ্যে চিতা জ্বালানো কোনক্রমে সম্ভব নয়। আগুন জলবেই না—নিভে নিভে যাবে। মড়া সম্পূর্ণ পুড়ে না, খানিক খানিক ছাঁকা হতে পারে বড় জোর। সেই কাজটুকুর জন্য কাঠ চার বোঝা না হয়ে দুই বোঝা, এমন কি এক বোঝা হলেও যথেষ্ট। দুটো কাঁধ এইভাবে খালি করে নিয়ে মড়া বইছে এবার চয় জনে—এদিকে তিন, ওদিকে তিন। এবং বিস্তর কষ্টে হাঁপাতে হাঁপাতে এসে শ্মশানঘাটে মড়া নামাল।

সামান্য যে দু-বোঝা কাঠ—নমো-নমো করে চিতা সাজাল তাই দিয়ে। ভিজ়ে-কাঠ ধরতেই চায় না—অনেক কষ্টে ধরানো গেল। খোলা জায়গায় বৃষ্টির মধ্যে বেশিক্ষণ দাঁড়ানো অসম্ভব—মড়া যদূর পোড়ে পুড়ুক, গিয়ে ওরা অদূরের বাঁশতলায় আশ্রয় নিল। চিতাও সঙ্গে সঙ্গে নিভে যায়—আবার ধরানো চাট্টিখানি কথা নয়। লাভটাই বা কি? পোড়ানো যাবে না, খানিক খানিক ঝলসে গৌর অঙ্গের যত্রতত্র দগদগে ঘাসের মতো হবে। সে বড় বিস্ত্রী। এ হেন দুর্বিপাকে আর দশটা মড়ার বেলা যা হয়ে হয়ে থাকে, এখানেও হোক তবে তাই। কুড়ালে বাঁশ কেটে চটপট কাপা বানিয়ে ফেলল গোটা ছয়েক। চিমটার মতো জিনিষ—মড়া জলের নিচে চেপে চেপে কাপা আটকে দেয় সর্বদেহের উপর দিয়ে—কতকটা যেন পেরেক ঠুকে দেহ ভূমিলগ্ন করে রাখা, যাতে পচে ফুলে জলের উপরে ভেসে উঠে লোকচক্ষুর গোচরে না আসতে পারে।

মড়া জলে নামাচ্ছে। বলো হরি, হরিবোল—শ্মশানকৃত্যের শেষে যে

রকম হরিবন্ধুনি দেবার রীতি। বিহ্যৎ চমকাল এই সময়টা পর পর কয়েকবার। মৃত হরিবন্ধুর চোখ বোজা ছিল, চকিতে চোখ মেললেন তিনি—‘হরিবন্ধু’ নিজ নামের ডাক শুনেই যেন ধড়মড়িয়ে জাগলেন। চোখ দুটো বড় হচ্ছে—হতে হতে ক্রমশ বাতাবিলেবুর সাইজে এসে গেল। চোখের তারা যেন ক্রিকেট খেলার বল—অবিবৃত বিঘৃণিত হচ্ছে। একটিও দাঁত ছিল না, খুস্তির আকারের দাঁতে দু-মাড়ি এখন ঠাশা—দারণ রাগে দন্ত কিড়িমিড়ি করছেন হরিবন্ধু সাহা। ওরে বাবা, ওরে মা, রাম-রাম, জয় রাম চোঁচাতে চোঁচাতে খশানবন্ধুরা দে ছুট। আট জন আছে—কে কাকে ফেলে এগিয়ে ছুটিতে পারে! ছুটে গিয়ে সকলে গাঁয়ে উঠল—আর, দুৰোগ নিশিরাজে চিতার কাষ্ঠশয্যায় স্বর্গীয় হরিবন্ধু শুয়ে পড়ে রইলেন।

না, শুয়ে ছিলেন না হরিবন্ধু—কুঞ্জ সর্দারের কথায় পরে জানা গেল। গৃহস্থ যাহ্নব কুঞ্জ, হারবন্ধুর গাঁতির মধ্যে কিছু জমাজমি রাখে, সাতিশয় অন্নগত প্রজা সে। দৈহ্যের খরায় এবারে তার বড় তেঁতুলগাছটা মরে গেল। মরেই যখন গেছে, কাঠ কেটে গোয়ালের মাচা বোঝাই করে ফেলল—সারা বর্ষাকাল এখন মজাসে শুকনো কাঠ পোড়াচ্ছে।

শেষরাত্রি। রুষ্টি ধরেছে, ভাঙা ভাঙা জ্যোৎস্না উঠেছে। গোয়ালে খুটখুটী আওয়াজ। কুঞ্জর পাতলা ঘুম, ধড়মড় করে উঠে পড়ল। ইদানীং এ-তল্লাটে চোরের উৎপাত—গরুর চুরি পড়েছে, কুঞ্জর সন্দেহ। দুর্জয় সাহসী যাহ্নব, বিছানার পাশে সড়কি রাখে, সড়কি উচিয়ে পা টিপে টিপে একাই সে গোয়ালে ঢুকে পড়ল। চুরি করছে গরু তো নয়—

হতবুদ্ধি কুঞ্জ সর্দার বলে, পেন্নাম হই সা’মশায়। রেতের বেলা গোয়াল-ঘরে কেন?

মুখে কথা নয়, হরিবন্ধু আঙুলে দেখালেন। পুরো এক গরুর-গাড়ির উপযুক্ত শুকনো তেঁতুল কাঠ মাচা থেকে পেড়ে গরুর-দড়ি দিয়ে বেঁধে ফেলেছেন—এখন মাথায় তুলে নেওয়ার উদ্ভোগ।

কুঞ্জ শুভায় : কাঠ কি হবে সা’মশায়?

আমার চিতায় লাগবে—

অসংলগ্ন কথাবার্তা। হরিবন্ধুর সাংঘাতিক অস্থখ, কুঞ্জর কানে এসেছে। শেষ অবধি পাগল হয়ে গেলেন নাকি তিনি—পাগল হয়ে খেয়াল মতন রাত্রিবেলা ঘুরে ঘুরে বেড়াচ্ছেন? জিজ্ঞাসা করল : অস্থখ শুনেছিলাম—সেরে গেছে?

দেখতেই তো পাচ্ছি—খেকিয়ে উঠলেন হরিবন্ধু। পরক্ষণেই নরম হয়ে বললেন, মরে গেছি রে—মরলে কি আর অস্থখ-বিস্থ থাকে?

অতিপ্রকাণ্ড সেই কাঠের বোঝা হালকা পালকের মতন হরিবন্ধু মাথায় তুলে নিলেন। বললেন, ড্যাব-ড্যাব করে তাকাচ্ছিস কেন রে বেটা, দামের কথা ভাবছিস ?

হা-হা-হা -করে প্রচণ্ড হাসি হেসে উঠলেন। আমগাছে কাকের বাসা। হাসিতে ভয় পেয়ে গিয়ে যত কাক কা-কা করে মাথার উপর চক্কোর দিচ্ছে। হাসতে হাসতে হরিবন্ধু বললেন, বেঁচে থাকতে কাউকে ফাঁকি দিইনি, মরে গিয়েও দেবো না। কত হবে তোর কাঠের দাম ?

দরাদরি করবে কি—কুঞ্জ সর্দার খরহরি কাঁপছে, জ্ঞান হারিয়ে হুম করে পড়ে না যায়। হরিবন্ধু নিজেই তখন বলছেন, বাজার-দর টাকা পাচেক হতে পারে। তুই পনের টাকা নিয়ে নিস। গণেশের কাছে চাইলে দেয় কি না দেয়—ঘর-কানাচে গাবগাচ আছে না, তারই দক্ষিণের গায়ে হাত খানেক খুঁড়লেই টাকার ঘটি পেয়ে যাবি। পনেরটি টাকা নিয়ে খটিহুঙ্ক গণেশকে দিয়ে দিস। ঝড়বৃষ্টির মধ্যে যেসব শ্মশানবন্ধু গিয়েছিল, তাদের ভাল করে মিষ্টি খাওয়ায় যেন।

বলে, ঐ তো আশি বছরে বুড়ো তার উপর পাহাড়প্রমাণ বোঝা মাথায়—তা স্নেন উদ্ধার বেগে ছুটলেন। ঘাড় ফিরিয়ে বলে যান, ঘটিহুঙ্ক মেরে দিসনে বেটা। খবরদার! তা হলে ঘাড় ভাঙব।

আটি শ্মশানবন্ধু চিতায় মড়া রেখে পালিয়েছিল, খুব ভোরবেলা আবার তারা এসেছে। প্রবীণ মান্তগণ্য মানুষটা ঐভাবে পড়ে থাকলে শিয়ালে শকুনে ছিঁড়ে ছিঁড়ে থাকে—সে ভারি উৎকর্ষ। এরা যা করতে চেয়েছিল—কাপা দিয়ে জলতলে চেপে রাখা—এখনই সেটা সমাধা করে যাবে, মানুষজনের চলাচল শুরু হবার আগেই।

এসে তাজ্জব দেখল। ঘাটের সেই জায়গায় প্রকাণ্ড চিতা পুড়েজলে নিঃশেষ হয়ে গেছে, ছাইয়ের গাদা রয়েছে। মড়া-হরিবন্ধুর চিরুমাত্র সেই—হাড় অবধি পুড়ে কয়লা।

বাঁশতলার দিকে আর একদল শবযাত্রী—তাদের কাছে কিছু হদিস পাওয়া গেল। শেষরাত্রে এসেছে তারা, এসে দেখল ঘাটের উপর দাউদাউ করে চিতা জ্বলছে। অত কাঠ দিয়ে ঐ রকম সমারোহের চিতা রাজামহারাজারা মরলেও হয় না। এক বুড়ো লোক একাকী মস্তবড় বাঁশ হাতে চারিদিক ঘুরে ঘুরে আগুন খোঁচাচ্ছে, জোর আরো—আরো—ঘাতে বাড়ে। এত দূরে এই বাঁশতলা অবধি আগুনের হুঙ্কার আসছে। হঠাৎ বুড়ো এদেরই চোখের সামনে লম্ব দিয়ে সেই চিতার আগুনে পড়ল।

## অথ লক্ষ্মীনারায়ণ-কথা

কলিকালে দেখা যাচ্ছে, ভক্ত বড় বেশি হয়ে পড়েছে। ডেকে ডেকে অস্থির করে তোলে। আর, কী সব দিন গিয়েছে সেকালে—কত কত শৌখিন মতলব আসত মাথায়! ক্ষীরোদসাগরে পদ্মপাতা পেতে নিয়ে তার উপরে অনন্তশয়ন, লক্ষ্মী কোমল হাতে পদসেবা করছেন...

সেই নারায়ণ শিলীভূত হয়ে আপাতত চৌধুরীদের অঙ্ককার ভাড়াচোরা মন্দিরে আশ্রয় নিয়ে আছেন। তা-ও কি রেহাই দেবে একদণ্ড?

প্রাচীন পরিবার চৌধুরিরা, অগুস্তি লোক, অবস্থা পড়ে গিয়েছে ইদানীং।

পূবের-কোঠা থেকে হঠাৎ কে ধমক দিয়ে ওঠে : নারায়ণ, নারায়ণ! আঁতুড়ের বউ ছুঁয়েছিলি, চানটান করবি নে? কী মেলেচ্ছ রে বাবা!

গলাটা মেজগিগ্নি মতন। জাঁহাবাজ মেয়েমাছুষ।

নারায়ণ সম্বস্ত : স্নেহ কাকে বলছে? সকালের দিকে পাঁচ-সাত জনে ঠাকুর-প্রণাম করে গেছে—ভেবে দেখলেন, বউও ছিল বটে ছুঁতিনটে। আঁতুড়ঘরের কোন্টা, বোঝেন কি করোতনি? পাষণদেহ নিয়ে স্নানরই বা কী উপায় এখন?

মেজগিগ্নি আবার বলেন, যা তুলসির জল ছিটিয়ে আয়। তার পরে খেতে বসবি।

সর্বরক্ষে! লক্ষ্য নারায়ণ ঠাকুর নন, বাড়ির কোন অবোধ ছেলে বা মেয়ে।

প্রায় তখনই পুঁটের মা রে-রে করে এসে পড়েন : বুকে-পিঠে তুলসি দিয়ে তোমার যে পূজো করলাম নারায়ণ ঠাকুর, পাঁচ-পাঁচটা পয়সা দক্ষিণে। ছেলে ফেল করে বাড়ি এল, কানা ঠাকুর একটির চোখ তুলে দেখলে না?

পুঁটে পড়াশুনো করবে না, আজ্ঞেবাজে লিখে আসবে। তবে কি কর্তব্য হল, পুঁটের হয়ে পরীক্ষায় বসে ঠাকুর নির্ভুল উত্তর লিখে দেবেন?

মেজকর্তা বলাই চৌধুরি মশায়ের তেজারতি ও রাখি-মালের কারবার। তিনি স্বয়ং এলেন মন্দিরে। মাঝে মাঝে আসেন এমন। সঙ্গে যথারীতি একজন খাতক।

হাওনোটে পঞ্চাশ টাকা কর্জ দিচ্ছি। হৃদ লেখা রইল টাকায় এক আনা। লেখাজোখায় তার বেশি বে-আইন। কিন্তু মুখে ঠিক রইল চার আনা। ঠাকুর নারায়ণ সাক্ষি রইলেন।



অনেক জরুরি ব্যাপারে নারায়ণকে এই রকম সাক্ষি থাকতে হয়।

যথা : নারায়ণ সাক্ষি। যদিদং হৃদয়ং তব, তদিদং হৃদয়ং মম—বলাইয়ের ভাই কানাই চৌধুরির মেয়ে স্ত্রিচার বিয়ে। বিয়ের আসরে এই সময়টা গিয়ে বসতে পারলে ভাল হত। কিন্তু সম্ভব নয় বলে নারায়ণ উৎকর্ণ হয়ে মস্তুর সমস্ত শুনে নিচ্ছেন।

পলক ফেলতেই দু-তিন বছর কেটে যায়।

স্ত্রিচার বর এসেছে। দুজনে কোথায় গিয়েছিল, কিরক্কে এখন মন্দিরের লামনে দিয়ে।

পানের দোস্তা দেবে না—বলি, বিয়ে করনি নারায়ণ সাক্ষি রেখে ?

নারায়ণের মুখ শুকায়। গালিগালাজ শুরু হয়ে যায় এই বুঝি! বিয়ের মস্তরের মধ্যে পানের দোস্তা দেবার চুক্তি ছিল কি না, সঠিক মনে পড়ছে না। বুড়ো হয়ে স্মৃতিশক্তি দুর্বল হয়েছে।

আবার ওদিকে বলাই চৌধুরির টাকা শোধ দিয়ে গেছে হাওনোটে লিখিত এক আনা হুদ হিসেব করে। বেশি একটা পয়সাও দিল না। বলাই মন্দিরে হামলা দিয়ে পড়েন : এত বড় অধর্ম! তোমার লামনেই তো কথা নারায়ণ। বলি, হাতপা-ঠুঁটো জগন্নাথ হয়ে গেলে নাকি? মুখে রক্ত উঠে মরে না কেন খাতকটা? এমনি হলে লোকে আর ঠাকুর বলে মানবে কেন?

এক-কাঁসর পাশাভাত মেরে পুরুতঠাকুর এসে পূজায় বসলেন : এতে সচন্দনগন্ধপুষ্পে নারায়ণায় নমঃ—

কলেজ-পড়া বউ তাপসীর উপর পূজো দেখাশুনোর ভার। সে হেসে বলে, চন্দন কোথা ঠাকুরমশায়? গন্ধপুষ্পই বা কই?

পুরুত বলেন, এদিন ধরে পূজো করছি, ভারি তো করলেন ঠাকুর আমার! চন্দনে আর কাজ নেই। বেলপাতা আছে—গন্ধটক্ক বা দরকার, ওই থেকে ঠাকুর শুঁকে নিন।

নারায়ণ ভেবে পান না, পুরুতের সঙ্গে কী রকম ব্যবস্থা করলে পূজায় আবার ফুলচন্দন আসে।

একদিন রাত্রিবেলা ঘুমুচ্ছে বাড়ির লোকে। জন চারেক চোর ঢুকেছে। ফিসফিসিয়ে বলে, বাবুদের ঠাকুরবাড়ি। গড় করে যা।

সিঁদকাঠি নামিয়ে রেখে ভক্তিভরে তারা প্রণাম করে : ঠাকুর, ভাল রকম পাওনাগণ্ডা হয় যেন। কানাইবাবুর মেয়ে অনেক গয়না পরে খণ্ডরবাড়ি থেকে এসেছে। আর কিছু নয়—গয়নার বাজুটা দিয়ে দিও, তাতেই আমরা খুশি।

সিঁদ কেটেছে মাঝের-কোঠায়। ঘণ্টখানেক পরে চলে যাচ্ছে। লোহার

সিঁদকাঠি নাচিয়ে বলে, এত করে মাথা খুঁড়ে গেলাম, তা দিলে এই ছেঁড়া মশারি আর পিতলের ঘটি ?

আর একজন বলে, ফুটো ঘটিতে তালি-জাঁটা। কলির দেবতা, ওদের আর পদার্থ নেই।

যখন সিঁদকাঠি নাচাচ্ছিল, ভয়-ভয় করছিল নারায়ণের। দুর্জন লোক—দিল-বা এক ঘা বাসিয়ে। অন্ত্যামী যদিচ, কিন্তু বঃস হয়ে যাওয়ায় সঠিক স্মরণ করতে পারেন না গয়নার বাক্সটা স্থচিত্রা কোন্‌খানে রেখে দিয়েছে। তবে না-হয় অদৃশ্য হাতে বাক্সটা সরিয়ে সিঁদের মুখে রেখে দিতেন।

অহরহ এমন চলছে। এক বিপদ কাটে তো আর একটা। নারায়ণ উপায় খুঁজে পান না।

লক্ষ্মী চঞ্চল। সব নারীই যেমন হয়। মন্দিরের কোঠারে নারায়ণের সঙ্গে রাতদিন পড়ে থাকতে তিনি নারাজ। মাঝে মাঝে জিহুবনে একটা করে চক্কর দিয়ে আসেন। এবারে ফিরে এসে চিন্তাকুল স্বামীর দিকে নজর পড়ল।

মুখপদ্ম এমন মলিন কেন প্রভু ?

নারায়ণ হুঃখের কাহিনী সবিস্তারে শোনালেন।

লক্ষ্মী জ্বলন্ত করে ভাবলেন কিছুক্ষণ। বঃস হয়েছে তাঁরও, কিন্তু জ্বীলোকের দেহান্ত বিনে বয়স ধরা যায় না। দেখাচ্ছে তাঁকে অতি চমৎকার। বিহ্বল হয়ে বুড়ো নারায়ণ তাকিয়ে আছেন।

লক্ষ্মী বলেন, হয়েছে—

কি হল ?

অমন আর হাঁকডাক হবে না। শেষ করে দিচ্ছি।

কুবেরকে স্মরণ করলেন। কুবের এসে সাষ্টাঙ্গে প্রাণপাত করে।

লক্ষ্মী বলেন, আমি নামেই শুধু লক্ষ্মী। ভাঙারে কুলুপ এঁটে ভূমি এসে আছ, ইচ্ছে হলে আমার কিছু করবার জো নেই।

কুবের বলেন, সে কি কথা ! হকুম হলে তক্ষুনি চাবি খুলে দেব। আমার কোন্‌ দায় বলুন।

চৌধুরীদের অগাধ বিস্ত্র ঢেলে দাও। আমার আদেশ।

যথা আজ্ঞা—বলে কুবের পুনশ্চ প্রণাম করে বিদায় হলেন।

তার পরে কী কাণ্ড ! চপ্পর ফুঁড়ে ঐশ্বর্য আসে চৌধুরীদের। বলাই চৌধুরি মশায়ের এবারে কী বুদ্ধি হল—যা-কিছু সঙ্গতি সমস্ত দিয়ে ধান কিনে গোলা বোঝাই করলেন। ধার-বাকি করেও কিনলেন। আর বর্ষার জল

একটু পড়তে না পড়তেই দেশব্যাপী বন্যা। এবং তার ফলে দুর্ভিক্ষ। পুষ্কিত চৌধুরি মশায় ব্রাহ্মকে সমস্ত ধান বেচে দিলেন তিনশুণ নামে।

পুঁটের মা একদিন গাঙের ঘাটে নাইতে গেছেন। ভাঁটার টানে একটা পুঁটলি ভেসে এসে গায়ে লাগে। কোথাকার নোংরা আবর্জনা—সরে আর একদিকে নিয়ে ডুব দিচ্ছেন তো পুঁটলি ভেসে গেল সেখানেও। শক্ত জিনিস বলে ঠেকে, চোকো সাইজ। ডাঙায় এনে পুঁটলি খুলে দেখেন, কাপ-কাপ-করা চন্দনকাঠের বাস। এবং পুষ্কিত দৃষ্টিতে দেখলেন, সোনার মোহরে ঠাসা সেই বাস।

এই চলল। চৌধুরিবাড়ির যে কেউ ছাইমুঠো ধরেছে তো সোনামুঠো হয়ে যায়। ফেঁপে ফুলে উঠলেন তাঁরা দেখতে দেখতে। ও-তল্লাটে এমন বডলোক আর নেই।

পুরুতঠাকুর এসে শোনান : নারায়ণের দয়ায় সমস্ত হচ্ছে।

পুঁটের মা বলেন, আর আপনি তো। এখনও সেই মূগের অঙ্কুর আর ছাঁচ-বাতাসায় ভোগ চালিয়ে যাচ্ছেন। ও হবে না। মোটা টাকা দিয়ে দিচ্ছি আমি। ব্যাক্ষে থাকবে। তার হৃদ থেকে আপনি মেওয়া-মেঠাইএর ব্যবস্থা করবেন ঠাকুবমশায়।

নারায়ণ লক্ষ্মীব উদ্দেশ্যে বলেন, শুনছ গো? ভোগের হুংখ ঘুচে গেল এবার।

লক্ষ্মী হাসলেন একটু। জবাব দিলেন না।

মেজকর্তা দরাজভাবে বললেন, মন্দির মেরামত হবে—ঠিকাদার কাছে লাগবে কাল-পবন্ত থেকে। সামনে নতুন নাটমন্দির—অষ্টপ্রহর ভক্তদলের কীর্তন চলবে সেখানে। মণ্ডপের পাশে পুরুতঠাকুব মশায়ের কোয়ার্টার। অতদূর থেকে হেঁটে এসে হাঁসফাঁস করেন, মহুবে মন থাকে না আর তখন।

নারায়ণ লক্ষ্মীর দিকে চেয়ে বলেন, এই সেরেছে। দুপুর আর সন্ধ্যায় পুরুত এখন দু-বার কবে আসে। বাসা পেয়ে সগোষ্ঠি এসে উঠলে ঘণ্টা বাজিয়ে কান ঝালাপালা করবে রাতদিন। তার উপরে ভক্তদের কীর্তনানন্দ। চোর তাড়িয়ে ডাকাতের পতন—এ তুমি কী করলে লক্ষ্মী?

লক্ষ্মী এবারেও হাসলেন।

শুভদিনে মশরিবারে পুরুত নতুন কোয়ার্টারে এসে উঠলেন। বাড়ির ভিতর থেকে এখন আর নৈবেদ্য আসে না। ব্যাক্ষ থেকে হৃদের টাকা তুলে মেওয়া-মিষ্টান্ন সহ ষোড়শোপচারে আয়োজনের ভার পুরুতের উপর। হচ্ছেও তাই। আলোচাল-কলা ছাড়াও সন্দেশ-রসগোল্লা খেজুর-কিসমিস ইত্যাদি। সন্দেশ-

রসগোল্লা মালখানেক আগে কিনে রেকাবিতে পরিপাটি করে লাজানো আছে। রেকাবিগুলো ছুপুরে ও সন্ধ্যায় নিয়ে এসে বিগ্রহের সামনে রাখতে হয়। কি জানি, বাড়ির কোনো গিন্নি পূজোর সময় এসে পড়লেন-বা দৈবাৎ। খুঁত পেলে পুরুতের মৃগপাত করবেন। তবে আসেন না ইদানীং কেউ। উত্তোগ হয় না, সময়ও পান না। পুরুতেরও ক্রমশ আলস্ত এসে যায়—সাজানো নৈবেদ্য বাসায় পড়ে থাকে, মন্দির অবধি বয়ে আনা ঘটে ওঠে না। নারায়ণের ভোগে আগে ঘাই-হোক মুগের অঙ্কুর ও ছাঁচ-বাতাসার অন্তথা হত না, এখন তুলসিপাতা বেলপাতা আত্মপল্লব ইত্যাদি পাতালতাই শুধু। নতুন নাটমণ্ডপে গোড়ার দিকে দু-পাঁচবার কীর্তন হয়েছিল। কিন্তু শ্রোতার অভাবে ভ্রমে না। কীর্তনীয়ারা খোল বাজিয়ে খুশি মতন গেয়ে বরাদ্দ দীক্ষণা নিয়ে চলে যেত। ইদানীং তা-ও বন্ধ। কড়িকাঠের ফোকরে চামচিকের বাসা।

সন্ধ্যার সময় পুঁটের মার পায়ে দাসী বাতের তেল মালিশ করছে। তাপসী বউকে দেখতে পেয়ে পুঁটের মা বললেন, নারায়ণের পূজো হচ্ছে তো ঠিকমতো?

তাপসী বলে, টাকা খাচ্ছেন পুরুতমশায়—হবে না মানে?

কই, আরতির ঘণ্টা আজকাল শুনতে পাই নে।

আপনারা বিস্তি খেলেন যে সেই সময়টা। আরতির ঘণ্টা কানে যাবে কেমন করে?

কোন রকম উপদ্রব নেই, নির্বিঘ্ন শান্তি। নারায়ণ ভারি খুশি। লক্ষ্মাকে বললেন, বেড়ে হয়েছে। ক্ষীরোদমাগরে পদ্মপাতা পাততে বেলো আবার। আর দশমেরি পটল একটা। বিস্তর ঝামেলা গেছে। পটল মাথায় দিখে শুয়ে পড়ি গে। তুমিও চলো লক্ষ্মী, পদতলে হাত বুলাবে।

## স্বয়ংবরা

বিষম ফ্যালাদ। দশ বিঘের চৌধুরিবাগান উদাস্তরা দখল করে নিয়েছে। কোথাও কিছু নেই, রাত পোহালে দেখা গেল—পাকা দালানটার ভিতরে এক বুড়া বিভোর হয়ে নিদ্রা দিচ্ছেন, এদিকে ওদিকে পাঁচ-সাতটা নতুন চালা-ঘর, বাচ্চারা ট্যা-ভ্যা করছে, তোলা-উলুনে আগুন দিচ্ছে—ধোঁয়া উঠছে কুণ্ডলী হয়ে, ঝিলের ঘাটে মেয়েরা বাসন মাজছে কাপড় কাচছে। যেন বাপ-পিতামহের সম্পত্তি—ইচ্ছামতো চিরকাল ভোগদখল করে আসছে এরা।

বিনয় খবরটা নিয়ে এলো। সে হল ম্যানেজার—হিসাব করলে চৌধুরিদেহ

সঙ্গে কিছু আত্মীয়তাও বেরিয়ে পড়ে। রণজিৎ চৌধুরি কতকগুলো দলিল বাছাবাছি করছিলেন, ভারি ব্যস্ত। মুখ তুলে তিনি একটু করলেন : পুলিশ হোঁড়াটা কি করে ? সে তো কাছেই থাকে। এত কাণ্ড হচ্ছে, থানায় গিয়ে খবরটা দিতে পারল না ?

বিনয় বলে, কী জানি সার। গোড়ায় আমাদেরও কিছু বলে নি। উড়ো-কথা শুনে আমিই জিজ্ঞাসা করে বের করলাম। পুলিশও ঐ বাঙাল-দেশের মানুষ—

একটু হেসে বলে, মাইনে অল্প—এই সবই ওদের রোজগার। কিছু পান-টান খেয়ে থাকবে, আবার কি !

রণজিৎ বলেন, যা করবার ভূমি করো বিনয়। আমার সময় নেই। এখনি ফের পাটনায় যাচ্ছি।

সকালবেলা তো এলেন—

কাগজপত্রগুলো নিতে। এমন অবস্থা, ছেলেমেয়েদের একটু চোখের-দেখা দেখব তার সময় হল না। রক্টর অস্থিত করেছিল, নেবুতলায় গিয়ে দেখে এসো একবার। গাশুড়ি ঠাকরুনকে জিজ্ঞাসা করে যা যা দরকার, ব্যবস্থা কোরো। আর ইয়ে হয়েচে মৌরা-ধীরার কি কি বইয়ের দরকার ছোটবাবুকে বোলো, বইগুলো কিনে বোডিং-এ যেন দিয়ে আসে।

দলিলপত্র ব্যাগে পুরে উঠে দাঁড়ালেন। দুটো নাকে-মুখে গুঁজেই স্টেশনে ছুটবেন। বললেন, তুমি নিজে কাল বাগানে চলে যাও, পুলিশের ভরসায় খেকো না। গোলামালে কাজ নেই, মিষ্টিকথায় বুঝিয়ে-সুজিয়ে দেখগে। বিশ-পঞ্চাশ টাকা নিয়েও যদি আপসে চলে যায়, সে-ই ভালো। কোলিয়ারি নিয়ে ওঁদকে গুণগোল—সকল দিকে মামলা-মকদ্দমা বাধিয়ে সামাল দেব কি করে ?

অতএব পরের দিনই বিনয় বাগানে গিয়েছে। দালানের সামনে গিয়ে দাঁড়ালে দারুণ চুপ নাহসহুস সেই বুড়া হাঁকডাক লাগালেন : আসুন, আসতে আজ্ঞা হোক। আপনি গো ম্যানেজার বাবু—পুলিন তাই বলছিল, খোদ ম্যানেজার আসছেন আজকে। কি করত্বিস গুরে বীণা, মাহুর পেতে দিয়ে যা। ম্যানেজার বাবু পায়ের প্লে দিচ্ছেন, যাদের আশ্রয়ে আমরা এসে উঠেছি।

বীণা এসে রোয়াকের উপর মাহুর পেতে দিল। কুড়ি-বাইশ বছরের স্বাস্থ্যবতী মেয়ে—দুধে-আলতায় রঙ বলে থাকে, সে বুঝি এমনিই। নাক-মুখ-চোখ বিদ্যাতাপুরুষ প্রতিমার মতো ধরে ধরে গড়েছেন। আহা, রাজার ঘরে থাকে মানায়, সেই মেয়ে জলপুত্রীতে এসে উঠেছে।

বিনয়ের কথা সবে না। মাহুর পেতে দিয়ে বীণা দালানের ভিতর ঢুকে গেছে, দৃষ্টি তবু দরজার দিকে। খানিক চুপচাপ থেকে শেষে বলে, বড়বাবু বড় চটেছেন।

কেন বাবা, চটবার কাজ কি করলাম?

এই যে না বলে-কয়ে আপনারা বাগানে এসে উঠেছেন—

ঘরবাড়ি মান-ইজ্জত সমস্ত ছেড়ে এসেছি। একেবারে বিনি-দোষে বাবা—কারো কাছে কোনো অন্তায় কবিনি। বারো-ঘাটের ছল খেয়ে বেড়িয়েছি ঐ সোমন্ত মেয়ে নিখে। শেষটা একজন বলল, চৌধুরীদের বাগানে পাকা-দালান খালি পড়ে আছে। পাকা-দালানে ছুয়ার এঁটে দিলে, আর যাই হোক, বেড়া কেটে চোব চোকার ৩ টা থাকে না। তা চলে যাব বাবা—মেয়ের বিয়ে যেদিন হয়ে যাবে তাব পরের দিন দেখবে, বাগান তোমাদের খালি হয়ে গেছে। ঐ যত চালা দেখছ, সকলে আমার গাঁয়েব লোক—সবাই একসঙ্গে ফিরে যাব। ঘেরা ধরে গেছে তোমাদের শহরের উপর।

একটু স্নান হাসি হেসে বললেন, ঘোরাঘুরি বিস্তর হয়েছে বাবা। সেই যে বলে থাকে, বারো-উপোসি গেলেন তেরো-উপোসির বাড়ি—মানে, বারো দিন উপোস করে এক বাড়ি গিয়ে অতিথি হলাম, তারা দেখি তেরো দিন খায় নি আমাদের ঠিক সেই বৃত্তান্ত। চলেই যেতাম অ্যাডিন, এখানে তোমাদের জ্বালাতন কবতে আসতাম না—তা ঐ গলাব কাঁটা মেয়ে, কাঁটা না উগবে যাই কেমন কবে?

তারপর বিনয়কেই মন্যস্থ মেনে বললেন, তুমি বলো না বাবা, মেয়ে নিয়ে ফিরে যাওয়া কি ঠিক হবে? ভাল পাত্তোব মেলে না গ-দেশে, ভাল যারা ছিলে, প্রায়ই তো সব চলে এসেছ।

বিনয় সায় দেয় : তা সত্যি, ভাল পাত্তোর কোথায় ওদিকে? বিয়েখাওয়া দিখেই তবে যাবেন। কিন্তু তাড়াতাড়ি। বড়বাবু, মনে হচ্ছে, এ মাসে আর ফিরছেন না। মাসের এই ক-টা দিনের মধ্যে শুভকাজ চুকিয়ে ফেলুন। ফিবে এসে যদি বাগান বেদখল দেখতে পান আমার চাকরি যাবে, আপনাদেরও আন্ত রাখবেন না তিনি।

বুড়া খপ করে বিনয়ের হাত জড়িয়ে ধরলেন : তাহলে একটা ভাল সম্বন্ধ জুটিয়ে দাও তাড়াতাড়ি। কিছুই করতে হবে না তোমাদের—কথা দিচ্ছি, আপসে বাগান খালি করে দিয়ে যাব। হাদামা-হজ্জুতের মাহুষ আমরা নই বাপু।

অনেকক্ষণ ধরে অনেক কথাবার্তার পর চিন্তান্তিত বিনয় ফিরে গেল।

দিন তিন-চার চলল এমনি। রণজিৎ ঠিক যেমনটা বলে গিয়েছেন—যিটি কথায় বোঝাবুঝি হচ্ছে।

এরই মধ্যে বীণা একদিন পুলিশের বাসায় এসে পড়ল।

ও পুলিশদা, ম্যানেজার বিয়ে করতে চায় যে আমাকে। তিন-শ টাকা মাইনে পায়—চার মাসের মাইনে বাবাকে দিয়ে দিচ্ছে বিয়ে-খরচপত্রের জন্য।

পুলিন বলে, ভালই তো। করো না বিয়ে।

এলুম-গেলুম হালুম-হলুম ওদেব কথা। মাগো মা—কথা শুনে তেঁসে য়ন হই, বিয়ে কবন কি গো?

হি-হি করে হেসে নিল খুব একচোট। সামনে নিয়ে অবশেষে বলে, এ কি বিপদ বাপালে তুমি ম্যানেজারটাকে লেলিয়ে দিয়ে!

পুলিন বলে, আমি কিছু জানি নে—আমার কি দায় পড়েছে বলা। বড়বাবু বলে গেছেন, সেইজন্তে আমি যাওয়া কবে। জবাব-দগল কলোনি শুধু এই একটা হয় নি। এবা ত ৩পায়, এবা ৪পায়—ফৌজদারি-দেওয়ানি কজু হয়ে যায় আদালতে। এই চলে বচবেব পব বড়ব। মালিকের লোক এসে রাগডাঝাটিই করে—ভাব জনাতে আসে, বিয়ে করতে আসে, প্রথম এই দেখছি বে বাবা!

কাঁদে-কাঁদে হবে বীণা বলে, ঠাট্টা করে পুলিশদা। বাবাকে প্রায় পাটিয়ে ফেলেছে।

পুলিন একটু ভেবে বলে, যেমন বুনো গুল, বাঘা চৌতুল হলে ঠিক জন্ম হবে। বড়বাবু নেই—ভালই হয়েছে, ছোটবাবুকে লাগিয়ে দিচ্ছি।

কুস্তির আখড়ায় গিয়ে ইন্ডিজিৎকে পরল।

ছোটবাবু, বড়বাবু বাটবে। আপনিই তে' আমাদের মাথ' এখন।

ইন্ডিজিৎ বড় খুশি। নোকশন কেউ ডেকে জিজ্ঞাসা কবে না—বাড়ির পোষা বিড়ালটা বা খাতিব, তার মেটকুও নয়। এর জন্য সে মরমে মরে থাকে। দাদা অত্যন্ত রাগান্বিত, তিনি হাজিব থাকতে বলাও চলে না কিছু।

ল্যাণ্ডট-পরী, খালি-গা, সর্বান্নে ধুলোমাটি। এটা দুটো খাবড়া মেরে ধুলো ঝেড়ে কতক পরিমাণ ভজ্র হয়ে সে বলে, কি হয়েছে?

পুলিন একটু ভূমিকা করে নেয় : ছোট মুখে বড় কথা হয়ে যাচ্ছে ছোটবাবু। আমি বিন-সরকার, বিনয়বাবু হলেন ম্যানেজার—আমাদের উপরওয়াল। কিন্তু মুখ দেখানোর উপায় রাখছেন না আর উনি। আপনি অবধি তাই আসতে হল।

অধীর কণ্ঠে ইন্দ্রজিৎ বলে, কি করেছে বিনয় বলে—

করেন নি এখনো। বাগানে উদাস্ত এসে উঠেছে, বড়বাবু তাঁড়িয়ে দিতে বলে গেছেন—তা গ্যানেজার বাবু উলটে বিয়ে করে ফেলবেন তাদেরই একটা মেয়ে।

ঘুস খাচ্ছে। টাকা-পয়সা কোথায় পাবে উদাস্তরা, তাই মেয়ে ঘুস দিচ্ছে। ঘুস নিয়ে সমস্ত চাপা দিয়ে দেবে, সেইটে ভেবেছে বুঝি বিনয়?

পালোয়ান মাল্লুষ, গৌরচন্দ্রিকার ধার ধারে না, লহমার মধ্যে বিচার। বৈঠকখানায় ঢুকে ছকার দিয়ে ওঠে : বিনয় কোথায়? এদিকে শুনে যাও বিনয়।

পুলিন। পছুপিছু আসছিল—এক-ছুটে আড়ালে গিয়ে কান পাতে।

ইন্দ্রজিৎ বলে, বিয়ে করছ না কি তুমি?

সহজ ষিধাহীন কণ্ঠে বিনয় বলে, হ্যা—

উদাস্তদের এক মেয়ে?

উদাস্ত-সমিতির সভাপতি অশ্বিনী ধব মশায়েব মেয়ে।

ইন্দ্রজিৎ বলে, তুমি শুধুমাত্র কর্মচাবী নও—আত্মীয়-সম্পর্ক আছে তোমার সঙ্গে। অজানা অচেনা যাকে-তাকে বিয়ে করে আনলেই হল! বিয়ের পুলক হয়েছে, তা মেয়ের কিছু অভাব আছে? কত গণ্ডা চাই মেয়ে?

বিনয় মৃদকণ্ঠে বলে, বালু লোক নন অশ্বিনীবাবু। সঙ্কল, আমাদেরই স্বজাতি। ঘরবাড়ি বিষয়সম্পত্তি পশারপ্রতিপত্তি সমস্ত ছিল।

তবু হবে না বিয়ে। আমাদের বৃকের উপব চেপে বসে দাড়ি ছিঁড়বার তালে আছে, তাদেরই সঙ্গে ভাব-সাব তোমার। কক্ষনো এসব হতে পাবে না।

এবার একটু চটে গিয়ে বিনয় বলে, ভাব কবতে হচ্ছে বড়বাবু হকুমে। বড়বাবু বলে গেলেন, মামলা-মকদ্দমা না হয়—মিষ্টিকথায় সবিয়ে দিয়ে এসো। নয় তো, আমি কোন দিন গিয়ে থাকি আপনাদের বাগানের দিকে?

তাই বলে দাদা বিয়ে করতে বলেছেন?

নইলে কিছুতে ওঁরা সরবেন না। অশ্বিনীবাবু বলে ন, যেদিন মেয়ের বিয়ে হবে তার পরের দিনই দেশেঘরে দলহুজ্জ ফেরত যাবেন। সেখানে সমস্ত আছে, ভাল বরপাত্তোরের অভাব শুধু। কাজকর্ম ছেড়ে আমি এখন কোথায় পাত্তোর খুঁজে বেড়াব বলুন।

ইন্দ্রজিৎ বলে, পাত্তোর খুঁজতে হবে না তোমার, পাত্তোর হয়ে বরাননেও বসতে হবে না। কক্ষনো আর ওমুখো হবে না—এই শেষকথা বলে দিলাম।



আর আমায় তো জানো ভাল করে। আমি ভার নিচ্ছি—যা করতে হয় আমিই সব করব। টুটি ধরে ধরে ঐ ক-টাকে রেল-রাস্তার ওপারে ছুঁড়ে দিয়ে আসব। তেড়ে গিয়ে মামলা করবার তাগত থাকবে না—হাসপাতালে যেতে হবে।

আড়াল থেকে শুনে পুলিন প্রমাদ গণে। এ যে এক বিষম কাণ্ড বিনয়কে তাড়াতে গিয়ে। কাঁচাথেগো-দেবতা ক্ষেপে উঠেছে, একে সামলাবার উপায় কি?

জীপ হাঁকিয়ে ইন্ডিজিং বাগানে গিয়ে পড়ল। একা নয়, সঙ্গে বাছা-বাছা চারটি সাকবেদ। আরও সবাইকে বলে এসেছে, আখড়ায় হাজির থেকো, খবর হলে গিয়ে পড়বে।

বশিগানেক দূর থেকেই হাঁক পাড়ছে : অশ্বিনী ধর কোথায় ?

তড়াক করে লাকিয়ে নামল জীপ থেকে। বৃড়া অশ্বিনী ছুটে এসে তাতজোড় কবে দাঁড়ান : আসতে আজ্ঞা হোক ছোটবাবু। আপনাব পাত্বেব দুলো পঃবে—বীণা তাই বলছিল। ওবে বীণা, চেযাব বেব করে দে রোয়াকের উপর। প্যাটলুন-পরো ছোটবাবু মাদবে বসতে পাববেন না।

ইন্ডিজিং গর্জন কবে ওঠে : বসবার জন্ত আসি নি। মান থাকে থাকতে আপসে চলে যাবেন কি না, জানতে চাই। না যান তো শুধু আছে। সে-ওষু কিছু সঙ্গে আছে, কিছু বাড়ি বেথে এসেছি।

বলে জীপের সঙ্কীর্ণ লেকে সে অঙুল দিয়ে দেখাল।

সে কি কথা! আপসে নয় তো কি হাঙ্গামা করব? তেমন বাপের বেটা নই। সাত-শুরুষেব হকের ভিটেমাটি ছেড়ে চলে এলাম—আর, এখানে কোন স্বস্তি আছে, কিসেব বলে পড়া ড়ি করতে যাব?

বলতে বলতে অশ্বিনীর গলাটা ভিজে আসে। একবার গলাখাকারি দিয়ে মেয়েকে ডেকে বললেন, ওবে বীণা, পাঁচ কাপ চা করে দে বাবুদের। অত কাপ না থাকে, হরিদাসের বাড়ি থেকে নিয়ে আয়।

হাতল-ভাঙা কাঠের চেয়ারটা রোয়াকে দিয়ে বীণা উঠান পাব হয়ে হরিদাসের বাড়ির দিকে বেরিয়ে গেল। দাঁড়িয়ে ছিল ইন্ডিজিং, বসে পড়ল ঐ চেয়ারে।

কবে চলে যাচ্ছেন, ঠিক করে বলে দিন। পাকা কথা শুনে যাব।

অশ্বিনী বলেন, ঐ যে চলে গেল—আমার মেয়ে। মেয়েটার বিয়ে দিয়ে

তার পরে একদিনও আর থাকব না। সোমন্ত মেয়ে কাঁধে নিয়ে ফিরে যাই কেমন করে বলুন।

এক মুহূর্ত চুপ করে থেকে ইন্দ্রজিৎ প্রাণধান করল যেন কথাটা। বলে, আসছে ভাল সম্বন্ধ কিছূ ?

আজ্ঞে ইয়া। এসেছে একটা। আপনাদের ম্যানেজার বিনয়। অত্যন্ত মৎ ছেলে, বি এ. পাশ—

ইন্দ্রজিৎ থিঁচিয়ে ওঠে : বি. এ. পাশ বলে কপালে শিং উঠেছে নাকি ? কর্পোবেশনে ঝাড়ুদার চেয়েছিল—এক-শ বি. এ.-র দরখাস্ত পড়ে গেল সেই চাকরির জন্ত।

অখিনী বলেন, কিছূ বিনয়ের তো ভাল চাকরি। তিন-শ টাকা করে দিচ্ছেন আপনারা। বলছে, আরও ঢের উন্নতি হবে।

তিন-শ কি কত ঠিক বলতে পারি নে। দাদা জানান। হলই-বা তিন-শ—একটা লোকেরই চলে না ও-টাকায়। এই ধরুন, তিরিশ দিনে সেব ত্রিশেক মাংস—তাতেই লেগে গেল প্রায় সারা মাসের মাইনে। তিন-শ টাকায় বিয়ে করবার শখ হয় আবার মানুষের !

অখিনী চমক খেয়ে বললেন, সর্বনাশ, অত শত ভেবে দেখি নি তো ! উদ্বাস্ত মানুষ, এগানকার হিসেবপত্তোর মাথা ঘটোকে না ছোটবাবু। মেয়েটা তো দেখলেন, নিজের মেয়ের সম্বন্ধে জাঁক করে কিছূ বলব না—

কথাবার্তার মধ্যে বীণা চা নিয়ে এসেছে। অখিনী তার পিঠের উপর হাত রেখে বললেন, দাঁড়িয়ে যা একটুখানি মা। এই দেখুন মেয়ে। রাজাব ঘরে মানায় কিনা, বলুন আপনারা। আপনি বড় ভয় ধরিয়ে দিলেন ছোটবাবু। এই সোনার পল্ল না খেয়ে মারা যাবে যার তার হাতে পড়ে ?

বীণা মুহূর্তকাল দাঁড়িয়ে থেকে রান্নাঘরের দিকে চলে গেল। অনেকক্ষণ ধরে অনেক কথাবার্তা হল। রাত্রি পহরখানেক হতে অবশেষে ইন্দ্রজিৎ উঠে দাঁড়াল। অখিনী আবার বলেন, কি করব ছোটবাবু, আমি যে নিরুপায়। জেনে শুনেও হয়তো শেষ পর্যন্ত বিনয়ের সঙ্গে কাজ করতে হবে। ঐ ছাড়া অন্ম সম্বন্ধ তো দেখি নে। আপনারাও বাগান ছেড়ে চলে যাবার জন্ত তাড়া দিচ্ছেন।

ইন্দ্রজিৎ বলে, তার চেয়ে মেয়েটাকে গঙ্গার জলে ভাসিয়ে দিয়েই চলে যান না। তাড়া দিচ্ছি বলেই যে ছুটে পালাতে হবে তার কোনো মানে আছে ? আচ্ছা, দেখি আমি একটু ভেবেচিন্তে—ভাল পাত্তোর কেউ মনে আসে কি না।

ভাবনাচিন্তা ইঙ্গিত অনেক করেছে, চিন্তার চোটে সে রাত্রি ঘুমতে পারল না। ভোরে উঠে ডনবৈঠক করে—সে সব আজ বাদ পড়ে গেল। জীপের পরোয়া করে নি—খানিক পথ বাসে চড়ে খানিকটা পায়ে হেঁটে বাগানে এসে উপস্থিত। চোখ মুচতে মুচতে অশ্বিনী ধর বেরিয়ে এলেন।

আমি ভেবেচিন্তে দেখলাম ধর মশায়—

বাঁগা কাঁদো-কাঁদো হখে বলে, এটা কি হল পুলিনদা? চোর তাড়িয়ে ডাকাত পতন, বিড়াল তাড়িয়ে বাঘ? ছোটবাবু সবুর মানছেন না—বলে, মাসের এই ক-টা দিনের মধ্যেই বিয়ে দিতে হবে।

পুলিন বলে, কত বড়লোক, জ্ঞান? গোটা সাতেক কোলিশারি, কলকাতায় বাড়ি চারখানা। এই বাগানবার্ভর মালিক দু-ভাই গুঁরা। বাগানটা বড় পছন্দ তোমার—তা বিয়ে হচ্ছে লে ভূমিই সাতআনা হিসার মালিক হয়ে বসবে।

বাঁগা বলে, রক্ষে করো। বাবার সঙ্গে কথাবার্তা বলছিল—যেন ষাঁড় চেষ্টাচ্ছে, বুকেব মধ্যে গুরগুর করছিল আমার। বিয়ে করে ভালবাসার কথা বলবে—তৈমবা ছুটে এসে পড়বে, দাঙ্গা বেধে গেছে বুঝি! ভালবেসে একখানা হাত যদি ধরে তো গেছি আমি, মটমট করে হাড় চুরমার হয়ে যাবে।

পুলিন বিব্রত ভাবে বলল, এ তো ভারি ফ্যাসাদ। এর পছন্দ হয় না কিছুতে তোমাব। ভাবিয়ে তুললে।

বাঁগা বলে, বিদেয় করো—কাষদা বের করো একটা-কিছু। আবার তা-ও ভাবছি, এ তোমার রোগা-পটকা বিনয়বাবু নয়। রেগে গিয়ে ঘুসি-টুসি যদি ঝাড়ে, তোমার তো নিশানা পাওয়া যাবে না পুলিনদা।

পুলিন ভেবে বলে, ঘনিয়ার মধ্যে এক বড়বাবু আছেন, তিনিই শুধু ও-লোককে সামলাতে পারেন। এদিকে এত প্রতাপ দেখতে পাও, কিন্তু বড়বাবুর সামনে যেন জোঁকের মুখে ছুন পড়ে যায়। বড়বাবু এ মাসটা পাটনায় থাকবেন, সেই ফাঁকে বিয়ে, কাজ চুকিয়ে ফেলতে চাচ্ছে। একবার হয়ে গেলে তার পরে আর রদ হবে না তো!

চৌধুরি-বাড়ি গিয়ে পুলিন চুপিচুপি বিনয়কে খবরটা দিল : ছোটবাবুর যে বিয়ে! বাগানবাড়ি ধুমধাড়া পড়ে গেছে। বড়বাবুকে জানানো উচিত। নয়তো তিনি হুঃখ করবেন, আমাদের উপরে দোষ পড়বে। ভাই না হয় লজ্জায় লিখতে পারে নি, তোমরা সব ছিলে কি করতে?

বিনয়েরও ঠিক সেই মত। পাটনায় চিঠি চলে গেল। রণজিতের মাথায় বজ্রাঘাত চয়েছে যেন। চিঠি হাতে নিশ্চল হয়ে রইলেন কিছুক্ষণ। এই কখনো হতে পারে? একটিমাত্র ভাই—কত সাধবাসনা তাকে নিয়ে! বিয়ের নামে বরাবর তেরিয়া হয়ে ওঠে। হঠাৎ এমন স্মৃতিই যদি হয়ে থাকে, কত ভাল ভাল সম্বন্ধ রয়েছে—ইটেভিটে-শুভ্র মাহুষের জামাই হতে যাবে সে কোন দুঃখে?

মামলায় শনিবারের দিনটা সাবকাশ মিলল বিস্তর কষ্টে। রবিবার তো এমনই ছুটি। রণজিৎ চৌধুরি কলকাতা ছুটলেন। বাড়িতে পা দিয়েই ভাইকে ডেকে পাঠালেন।

বিয়ে হচ্ছে, শুনতে পেলাম?

মেজের দৃষ্টি নামিয়ে অস্পষ্ট গলায় ইঙ্গিজিং বলে, আজ্ঞে—

আমার ভাইয়ের বিয়ের আমি কিছু জানতে পারি না—এ বিয়ের মাতব্বরটা কে, জিজ্ঞাসা করি?

ইঙ্গিজিং চুপ করে থাকে।

নাম বলো, কে ঘটকালি করছে? পাটনায় নতুন এহ জুতোজোড়া কিনেছি—জুতো ছিঁড়ব তার পিঠে। বলো।

ইঙ্গিজিং বলে, ঘটক এর মধ্যে নেই দাদা। দলবল নিয়ে বাগানে গেলাম ওঁদের উচ্ছেদ করে আসব বলে—

তার বদলে বিয়ের ঠিকঠাক করে এলে?

কি করব? কন্ঠাদায়ে অস্থির হয়ে পড়েছেন, বড্ড ধরাধরি করতে লাগলেন অস্থিনী ধর মশায়—

আরও লোক রয়েছে, তারাও ধরাধরি করছে—আজ নয়, দু-বছর ধরে। ঝামাপুহুরের দে-সরকাররা। শুধু-হাতের ধরাধরি নয়, এক-শ ভরি সোনা দুটো সেট জড়োয়া নগদ রূপেয়া বিশ হাজার—

ইঙ্গিজিং মরীয়া হয়ে বলে, আমি কথা দিয়ে ফেলেছি। দিনকণও এক রকম স্থির।

রণজিৎ বলেন, কথা আমারও দেওয়া। ঝামাপুহুরদের বলা আছে, ভাই যদি কখনো বিয়েয় মত দেয় ওখানেই হবে।

ইঙ্গিজিং নিঃশব্দে হাতের গুলি দেখছে। রণজিৎ আরো উত্তেজিত হলেন।

জবাব দিতে হবে তোমায়। দুই জনে আমরা কথা দিয়ে বলে আছি—কার কথা থাকবে? তোমার না তোমার বড়ভাইয়ের? কে লংসারের কর্তা? বিয়ের কথাবার্তা বলবার কার এজিয়ার?

আজ্ঞে, আপনায়—

তা হলে আমার হুকুম রইল, বাগানমুখে কদাপি আর যাবে না। আমি বুঝব ঐ অশ্বিনী ধরের সঙ্গে। শয়তান লোক, নিজের তো বাগানবাড়ি চেপে বসেছে—আবার মেয়ে ঠেলে দিচ্ছে, সেই মেয়ে আমার বসতবাড়িতে বউ হয়ে চাপবে। ভেবেছিলাম মিঠে কথাবার্তা দিয়ে সরিয়ে দেব। তা এত যখন চালাকি, নিজ-মুর্তি তবে ধরতে হল। আমার একটা মুখের কথা পেলে খানা স্ত্রী হামলা দিয়ে পড়বে। হোক তবে তাই।

পুলিন লুকিয়ে শুনে গেল। শুকমুখে অশ্বিনীর কাছে গিয়ে বলে, বড়বাবু আসছেন পুলিস সঙ্গে করে। খানায় ঠর বড় খাতির। এম্পার-ওম্পার করে তবে যাবেন।

অশ্বিনী ভয় পান না, কলরব করে উঠলেন : খোদ রণজিৎ চৌধুরি আসছেন—বল কি হে পুলিন! রোয়াকের উপর তবে তো একটা চৌকি পেতে রাখতে হয়। এসো, ধরাধরি করে নিয়ে আসি ঘরের ভিতর থেকে। সন্দেশ-রসগোল্লা কিনে রাখতে হবে। আর একটা গড়াগড়া কোথায় পাই, বলো দিকি ?

আগে-পাছে কনস্টেবল ও কয়েকটা পাশ্চিমা দরওয়ান নিয়ে ছুঁদাড় করে রণজিৎ বাগানে ঢুকলেন। অশ্বিনী গেট অবধি এগিয়ে দাঁড়িয়ে আছেন।

আমুন বড়বাবু। আপন-ঘরবাড়ি ছেড়ে এখন আপনার আশ্রয়ে কোনো গতিকে বেঁচে আছি—এতদিনে তবু যা-হোক একবার পদধূলি পড়ল।

পোকামাকড়ের দিকে যেমন তাকায়, রণজিৎ তেমনি দৃষ্টিতে এক নজর দেখলেন। কানেই গেল না যেন কোন কথা—দারোয়ানদের দিকে চেয়ে হেঁকে উঠলেন : হাড়িকুড়ি কাঁথা-মাহুর ছুঁড়ে ফেলে দেবে, উমুন ভাঙবে, মাহুষ একটা একটা করে ঘাড় ধাক্কা দিয়ে গেট পার করে দেবে।

অশ্বিনী বলেন, ঘাড় ধরতে দিলাম আর কি !

রণজিৎ ছকার দিলেন, দেবেন না ? জোরজোর করবেন ? কার কত জোর দেখা যাক।

অশ্বিনী হেসে উঠে বলেন, এই দেখুন, তাই বুঝি বলছি ? পালিয়ে যাব ঘাড় ধরবার আগে। ঐ কাজটা খুব রপ্ত হয়ে গেছে বড়বাবু এই ক-বছরে। বৌচকাবিড়ে কাঁধে নিয়ে ছেলেপুলের হাত ধরে এখান থেকে তাড়া খেলায় তো ওখানে পালাই। ওখানে তাড়া খেলায় তো আবার অগ্নি দিকে।

হা-হা করে হাসতে লাগলেন বুড়ামাহুষ। কথাবার্তা হতে হতে দালানের

সামনে এসে গেছেন। চৌকির উপরে সতরঞ্চি-তোশক-তাকিয়ায় দিব্যি ফরাস পাতা। সেই দিকে ভান-হাত বাড়িয়ে দিয়ে অশ্বিনী বলেন, বসতে আজ্ঞা হোক বড়বাবু।

রণজিৎ ঘাড় নাড়লেন : বসতে আসি নি গদিয়ান হয়ে। গোলমাল না করতে চান তো এফুনি আমাদের চোখের সামনে চলে যেতে হবে। এই মুহুর্তে। আজ হবে না, কাল—ওসব শোনানুনি নেই।

অশ্বিনী কাতর হয়ে বলেন, তা বসে বসেই হোক না কথা। যেমন হুঁম করবেন, ঠিক তাই হবে। বলেন তো এফুনি যাব। ওরে বাণী, কলকেটায় আশুন দিয়ে যা। আর চা-টা কি আছে তোদের, নিয়ে আয়।

এত কথা'র পরে ফরাসে একটু অঙ্গ না ঠেকিয়ে পারা যায় না। বসতে বসতে রণজিৎ বললেন, চা লাগবে না। যে কাজে এসেছি এখানে—

কিন্তু বলছেন কাকে? ছোটো মাহুর হাতে নিয়ে অশ্বিনী ইতিমধ্যে মরোয়ান-কনস্টেবলদের দিকে নেমে গেছেন। আমতলায় মাহুর বিড়িয়ে দিয়ে বলছেন, একটু বসতে দেব বাবাসকল—বাড়ির মধ্যে সে জায়গা নেই। তোমাদের বড্ড কষ্ট হয়েছে, ছায়ায় বসে জিরিয়ে নাও।

ফহুয়ার পকেট থেকে বিড়ির বাগুিল বের করে দিলেন। বলেন, বোসো বাবারা। চা দিয়ে যাচ্ছে। বড়বাবু ব্যস্ত হচ্ছেন, তাঁর সঙ্গে কথাবার্তাগুলো সেরে ফেল ওনিকে।

ফুঁ দিতে দিতে বাণী গড়গড়ার মাথায় কলকে বসিয়ে দিয়ে চলে গেল। ফরসা মুখ আশুনের অভায় গোলাপি দেখাচ্ছে। অশ্বিনী ফিরে এসে গরুড়পক্ষার মতন উবু হয়ে নিচে বসতে যাচ্ছেন—খোঁয়া ছাড়তে ছাড়তে রণজিৎ মোলায়েম কণ্ঠে বললেন, নিচে কেন, ফরাসের উপর উঠে বসুন।

জিও কেটে অশ্বিনী বলেন, সে কি কথা, আপনার সঙ্গে একাসনে বসতে পারি?

কেন পারবেন না—আপনি মাহুর নন? নিজেকে অত ছোট ভাবেন কি জ্ঞা?

এর পরে অশ্বিনী আর নিচে না বসে দেয়াল ঘেসে দাঁড়ালেন।

রণজিৎ বলেন, ঐ মেয়ে আপনার? মেয়ের বিয়ে না দিয়ে যাবেন না এখান থেকে?

জোর করে বলবার তো উপায় নেই হজুর। আপনার জায়গা-জমি—আপনি যদি সদয় হয়ে আরও ক-টা দিন মঞ্জুর করেন।

স্বপ্ন এলো কিছ?

ছোটবাবুই বলছিলেন যে—

রণজিৎ রায় দিলেন : হবে না। ছোটবাবুর গার্জেন আমি। ঝামাপুকুরে কথা দিয়ে বসে আছি।

অখিনী বলেন, তাব আগে আপনার ম্যানেজার বিনয়বাবুর সঙ্গে এক রকম ঠিকঠাক হয়ে গিয়েছিল।

হবে না। বিনয়ের মনিব আমি। ছত্রিশগড়ে নতুন কোলিয়ারি কিনছি, সেইখানে ওকে পাঠাব। এ সমংটা বিয়ের তালে গেলে ওর চাকরি থাকবে না।

এক মূহূর্ত্ত শুরু থেকে রণজিৎ প্রশ্ন করেন, আর কোথাও ?

আজ্ঞে না। আর তো দেখাচ্ছি নে আপাতত।

রণজিৎ গম্ভীর ভাবে আরও কিছুক্ষণ গড়গড়ার ধোঁয়া ছাড়লেন।

মেয়েটি কেমন ?

নিজের মেয়েব সম্বন্ধে কি বলব, ঐ তো চোখেই দেখবেন হুজুর।

চোখে দেখার ব্যাপার নয়। বাল, রীত-প্রকৃতি কেমন ? হিংস্রটে কুচুটে নয় তো ? ঝগড়া করবে না ? নাকে কাঁদবে না কথায় কথায় ?

অখিনী গড়গড় করে এক রাশ পরিচয় দিতে যাচ্ছিলেন। রণজিৎ তাড়া দিখে উঠলেন, ঐ! কংবা না বলুন। অত শোনবার সময় নেই।

আজ্ঞে না, ওসব কিছুই করবে না।

রণজিৎ বলেন, শুভুন, দশ বছর আমার গৃহশূত্র। বিয়ে করি নি বিমাতা এসে ছেলেমেয়েদের কষ্ট দেবে বলে। এখন তারা বড় হয়ে উঠেছে। কোলেব ছেলে বেখে স্ত্রী মারা যায়, নেবুতলায় আমার শাণ্ডি়র কাছে সেই ছেলে মালুষ হচ্ছে। মেয়ে দুটো বোডিং-এ থেকে পড়ে—বড়টিব খাউ ইয়ার, ছোটটি আন্টি-এস সি দিচ্ছে এবারে। তাই ভাবছি, আপনার মেয়ের রীত প্রকৃতি সত্যি সত্যি যদি ভাল হয়—এখন বিয়ে করলে বোধহয় দোষের হবে না।

অখিনী গদগদ হয়ে উঠলেন : পরম সৌভাগ্য আমার বীণার।

বলতে পারেন যে বয়স হয়েছে—

আরে সর্বনাশ, কার ঘাড়ের কটা মাথা যে আপনার বয়সের কথা বলতে যাবে ?

রণজিৎ মুচু হেসে বলেন, অবিাশ্চ চেহারা দেখে কেউ তা বলবে না। খাড়া হয়ে পথ চলি, একটা দাঁত পড়ে নি। চুল নেই—কাজেই পাকা চুলের কথা ওঠে না। তবু বংসের কথাটা ভাবতে হবে বই কি ! যদি মরে যাই—একটা বাড়ি তাই আপনার মেয়েকে দানপত্র করে দেব। বিয়ের এক মাসের মধ্যেই।

উঃ, বিবেচনা কত দূর! জীব ব্যবস্থাও সঙ্গে সঙ্গে। সাথে কি আপনি দেশবিখ্যাত হয়েছেন বড়বাবু!

উজ্জ্বাস থামিয়ে দিয়ে রণজিৎ বলেন, রত্নন, আরো আছে। বিয়ে কিন্তু কালই দিতে হবে। তড়িঘড়ি কাজ আমার।

অশ্বিনী অবাক হয়ে বলেন, শুভকর্মে দিনক্ষণ লাগে। পঞ্জিতে যদি দিন না থাকে —

গোধূলিলগ্নে হবে। গোধূলিতে হলে দিন লাগে না। পরশু সোমবার পাটনা হাইকোর্টে মকদ্দমা। মস্তোর ক-টা পড়েই স্টেশনে ছুটব। ছোট-ভাই, ম্যানেজার সবাই তো দেখছি ঘোরাঘুরি করে গেছে। পাটনায় চলে গেলে আবার তারা পাকচকোর না মারে, সেটা একেবারে শেষ করে রেখে যেতে চাই।

তবু অশ্বিনী ইতস্তত করেন : একটা দিনের মধ্যে যোগাড়যন্তোর হয়ে উঠবে কি? বিয়েথাওয়ার ব্যাপার, বুঝতে পারছেন।

টাকা থাকলে কলকাতা শহরে এক ঘণ্টায় বাঘের দুধের যোগাড় হয়ে যায় মশায়। সেই টাকাই পাবেন। সকালবেলা হাজার চারেক নিয়ে আসব, নিজে দাঁড়িয়ে থেকে আমি যোগাড়যন্তোর করব। বরষাজীর হাঙ্গামা নেই—আপনারা বাগানের এই কয়েক ঘর মাছুষ। হাজার খানেকের মধ্যে এদিক-কার সব মিটে যাবে। বাকি টাকা আপনার। আর শ্বশুর হয়ে গেলে তখন উদ্বাস্ত রইলেন না—কুটুখ হলেন। কাজেই এই বাগানে থেকে যেতে পারবেন—নড়াচড়ার আবশ্যক হবে না। আপত্তি নেই, কেমন?

খুশিতে ডগমগ হয়ে অশ্বিনী বলেন, আজ্ঞে না—

রণজিৎ চটে উঠলেন : জামাইকে কেউ আজ্ঞে বলে না। বলুন—না, বাবাজি।

খতমত খেয়ে অশ্বিনী বলেন, সে তো বটেই। কিন্তু এত বড়লোক আপনি—এক দিনে হবে না, সহিয়ে নিতে হবে। কঙ্কা-সম্প্রদানের পর মুখ দিয়ে বাবাজি বেরবে।

এই যে কথাবার্তা হয়ে গেল, ঘুণাক্ষরে কারো কানে না যায়। ভাট বলুন, ম্যানেজার বলুন—কাউকে নয়। পুলিশ কাছাকাছি থাকে, তাকে হয়তো পারা যাবে না—কিন্তু আগে-ভাগে বরের নাম চাউর করে বসবেন না। শুভকাজে বাগড়া অনেক। কাজ চুকে গেলে ঢাক পিটিয়ে বেড়াবেন। তখন আর পরোয়া নেই।

যে আজ্ঞে—বলে অশ্বিনী ঘাড় নোয়ালেন।



কিন্তু একজন তো সঙ্গে সঙ্গেই শুনে ফেলল দালানের ভিতর থেকে ।  
পুলিনের বাসায় গিয়ে মুখ অন্ধকার করে বীণা বলে, ও পুলিনদা, সর্বনাশ হয়ে  
গেল । কাল আমার বিয়ে ।

ভালই তো ! ধর মশায়ের দায় উদ্ধার হল । শেষ পর্যন্ত বর কে দাঁড়াল  
শুনি ? ইন্দ্রজিৎ না বিনয় ?

ওরা কেউ নয় । তোমাদের বড়বাবু । রণজিৎ চৌধুরি ।

পুলিন অবাক হয়ে যায় : বল কি গো ? দশ বছর বউঠাকরুন গত  
হয়েছেন । এই দশ বছর মাসে গড়পড়তা একটা করে ধরলেও বারো দশকে  
এক-শ কুড়িটা সম্বন্ধ এসেছে । কাউকে আমল না দিয়ে বড়বাবু অ্যাফিনি  
তবে তোমারই জন্তে বসে ছিলেন । কপাল বটে তোমার বীণাপাণি !

হি-হি করে হাসতে লাগল । বীণা তাড়া দিয়ে ওঠে : দাঁত বের করে  
হেসো না অমন । গা জালা করে । এখন কি করবে, সেইটে ভাবো ।  
ঠেকাও বড়বাবুকে ।

পুলিন হতাশ হয়ে বলে, কী মুশকিল ! ম্যানেজার ঠেকালাম ছোটবাবুকে  
দিয়ে, ছোটবাবু ঠেকালাম বড়বাবুকে দিয়ে । বড়বাবুর উপরে আর নেই ।  
এ বরও পছন্দ নয় তোমার ? রাজার ঐশ্বর্য, দেশময় নামডাক—

মুখ ঝাঁকিয়ে তেমনি সুরে বীণা বলে, মাথাছোড়া টাক । কনে-পিঁড়িতে  
কিছুতে বসব না, এই বলে দিলাম । তার আগে ঝিলের জলে ঝাঁপিয়ে মরব ।

বলে ফরফর করে বীণা চলে গেল । গতিক দেখে পুলিন চিন্তিত হয়েছে ।  
বিশেষ করে ঝিলের ভয় ঐ যে দেখিয়ে গেল ।

পরের দিন সকালে সে চৌধুরি-বাড়ি গেছে । বিনয়ের কাছে গিয়ে বলে,  
একটা কথা ম্যানেজার বাবু । বড়বাবু ছোটবাবু দুজনেই আমাদের মনিব—  
উভয়ের মুন খাই । ঠিক কি না বলুন ।

বিনয় খবরের কাগজ পড়ছিল । অন্তমনস্ক ভাবে বলল, হঁ—

ছোটবাবুর বিয়ের কথা যেমন বড়বাবুকে জানিয়েছিলাম, বড়বাবুর বিয়েও  
তেমনি ছোটবাবুকে বলতে হয় । নয় তো বলবেন, একচোখো কর্মচারী ।

কাগজ ফেলে দিয়ে এদিক ওদিক তাকিয়ে বিনয় বলে, বড়বাবুর বিয়ে হচ্ছে  
নাকি ? কোথায় হচ্ছে—কবে ?

বৃন্তান্ত শুনে বিনয় নিশ্বাস ফেলল : আমাদের সময়ে কুল-শীল গাঁইগোস্তোর  
গোলায় যাচ্ছিল । দেবতার বেলা লীলাখেলা, পাপ লিখল মানষের বেলা ।  
ওরা দেবতাগোঁসাই, ওঁদের কিছুতে দোষ নেই । কিন্তু এমন আনন্দের ব্যাপার

কাকপক্ষীকে জানতে দিচ্ছেন না। আমরা না-হয় বাইরের লোক, গোলাম-নকর—নিতান্ত আপন ধারা, তাঁদের মনের অবস্থা কি হবে ?

বিনয় সঙ্গে সঙ্গে উঠে পড়ল। কুস্তির আখড়ায় গিয়ে ইক্সজিৎকে এক পাশে ডেকে বলে, বড়বাবুর বিয়ে আজকেই—গোধূলিলগ্নে। কিন্তু ধরে নিন, কেউ আমরা কিছু জানি নে। এ খবর মুখাগ্রে যদি আনেন, ঘাড়ের উপর আমার মুণ্ড থাকবে না।

ইক্সজিৎ একটুখানি ভেবে নিয়ে অভয় দিল : আমায় পষন্ত বলেন নি দাদা—আমি নিজেই যখন জানি নে, কাকে কি বলতে যাব ? নিশ্চিত থাক ব্যানেন্দ্রার।

সেখান থেকে বিনয় নেবুতলা ছুটল। রণজিতের শাশুড়ি জাহ্নবী দেবী—এটা-সেটা নিয়ে প্রায়ই আসতে হয় এখানে—জাহ্নবী দেবীকে সে সাঠাচ্ছে প্রণাম করল।

এদিকে এসেছিলাম মা, তাই ভাবলাম কেমন আছেন খবরটা নিয়ে যাই।

বেশ করেছে। ভাব পাঠাও নি তো অনেক দিন বাবা। রক্টু ভাব ভাব করে, বাজারে একটা ভাব চার আনা।

বিনয় হাঁ-হাঁ করে ওঠে : বাজারের কথা উঠছে কিসে ? বাগানে কাঁদি-কাঁদি ভাব—রক্টুরই তো সমস্ত। কি আশ্চর্য, পুলিনকে আমি পরন্তু দিনও বলেছি। পাঠায় নি ? উদাস্ত এক দল বাগানে এসে ঢুকেছে, তবে গাছগাছালির তারা কতি করে না। আচ্ছা মা, এফুনি গিয়ে পুলিনকে বাগানে পাঠাচ্ছি ভাব পাড়াতে।

জাহ্নবী দেবী বললেন, ভাব পাড়িয়ে রেখে দিও। আমি তো ফি রবিবার দক্ষিণেশ্বর যাই—ফিরতি মুখে বাগান ঘুরে আসব না-হয়।

বিনয় বলে, তা হলে তো ভালই হয়। নানান কাজে পুলিন দিয়ে যেতে পারে না। ভাব পাড়া থাকবে—এক কাঁদি দু-কাঁদি যা মোটরে ধরে নিয়ে আসবেন। এই তো ভাল। ফি রবিবারে ফিরতি পথে এক কাঁদি করে যদি নিয়ে আসেন, হস্তার খরচ কুলিয়ে যায়।

আর ওদিকে ইক্সজিৎ সোজা বোর্ডিংএ চলে গেছে। রণজিতের দুই মেয়ে মীরা-ধীরাকে ডাকিয়ে এনে বলে, বাগানে পিকনিকের কথা বলিস, তা আজ তো রবিবার আছে—

হু-বোনে নেচে উঠল : হ্যা কাকামনি, আজকেই। চানটান করে আমরা তৈরি হয়ে নিই, জীপ নিয়ে তুমি চলে এসো।

ইক্সজিৎ বলে, ছুটো ছুটো খেয়েও নিল বরঞ্চ। এখন এই এত বেলা হয়ে

গেছে—আমি ভাবছি, জেলে ডেকে ঝিলে জাল নামিয়ে দেব। মাছ ধরা দেখবি তোরা। তার পরে সেই মাছ রেখে খাওয়া-দাওয়া করতে লক্ষ্য্য হতে আসবে। এ বেলার মতো বোর্ডিং থেকে খেয়ে যাবি।

সেই ভাল কাকামণি। খেয়েদেয়েই যাব আমরা। আমাদের বন্ধু আরও চার-পাঁচটা মেয়ে যাবে কিন্তু।

অতএব ইন্ডিজিং জেলের সড়ানে বেরুল। জেলে মিলল না। শেষ অবধি বাজাবের মাছ কিনে মীরা-ধীরা ও আর চারটি মেয়ে নিয়ে ইন্ডিজিভের জীপ অপরাহ্নে বাগানবাড়ি পৌঁছল। জীপ দেখে রণজিং ব্যস্তসমস্ত হয়ে এলেন।

তোমরা?

ইন্ডিজিং বলে, রবিবার বলে মীরা-ধীরার বোর্ডিং-এ গিয়েছিলাম। ত, এরা কিছুতে ছাড়ল না, বাগানে পিকনিক করবে। তোড়জোড় করে বেরতে দেরি হয়ে গেল। কখন যে কি হবে, জানি নে।

অদূরে দালানের দিকে তাকিয়ে বলে, বিদেয় হয়েছে উষান্তর বেটারা? উঃ, কী খাটনিটা যে যাচ্ছে আপনার দাদা! দুটো দিন পাটনা থেকে এলেন, ত তিলার্থ জিরোবার ফুরসত নেই। এই এক হ্যাঁচড়া তালে ঘুরে বেড়াতে হচ্ছে।

মীরা বলে, বাবা, তুমি থাবে কিন্তু আমাদের সঙ্গে।

পাশ্রাব মেল ধরতে হবে যে আমায়। কাল মকদ্দমা।

তার মধ্যে রান্নাবান্না হয়ে যাবে। কত তাড়াতাড়ি রাঁধতে পারি, দেখিয়ে দেব। তুমি না খেলে হবেই না। কোন জায়গায় উঠুন করা যাবল তো কাকামণি?

ধীরা বলে, দালানের রোয়াকে হলে কেমন হয়? বনজঙ্গলে পোকামাকড়, বিষম নোংরা—খেতে আমার ঘেন্না করে।

রণজিং তাড়াতাড়ি বলেন, তবে আর বলছি কি! দালান উষান্তরা দখল করেছে। উহ, ওদের ধারে-কাছে যাবি নে তোরা। পদ্মাপারের গৌয়ার-গোবিন্দ লোক—কী জানি কি বলে বসবে।

ইন্ডিজিং গজে ওঠে : ইঃ, আমার ভাইবুদ্দের বলবে! আহুক দিকি বলতে—জিত টেনে ছিঁড়ে নেব না?

রণজিং বোঝাচ্ছেন : নাম হল যার বনভোজন—বনেই তো খেতে হয় রে! বনজঙ্গলে ঘেন্না করিস তো বোর্ডিং-এর ভাইনিংরম তো ভাল—বাগানে আস কেন? উই যে পাঁচিলের ধারে জামরুলতলা—ঐ দিকে উঠুন খুঁড়ে নিগে যা।

লক্ষ্য্যার কাছাকাছি দক্ষিণেশ্বর ফেরত জাহ্নবী মেবীর মোটর এসে পড়ল। দিদিমার সঙ্গে রক্টুও এসেছে।

বাবা ঐ বে। ও বাবা, বাবা গো, তুমি এখানে ?

ছেলে ছুটে গিয়ে বাপের হাত জড়িয়ে ধরল।

জাহ্নবী দেবী বলেন, পুলিন কোথায় গো ? ভাব পাড়িয়ে রাখবার কথা—  
ও পুলিন, ভাব আমার গাড়িতে তুলে দাও।

পুলিন বেকুব হয়ে বলে, গুগুগোলে হয়ে ওঠে নি। আজকে আবার  
এখানে বিয়ের ব্যাপার কিনা ! একটুখানি বসুন মা, এক্ষুনি আমি পাড়ানি  
ভেকে আনছি।

ছুটে বেরিয়ে যাচ্ছে, রণজিৎ হাত ইশারায় ডাকলেন।

উহ, তুমি বেকলে হবে না। দাঁড়াও, কাজ আছে।

এক মুহূর্ত ইতস্তত করে বললেন, পাড়ানি ডাকতে অগ্ন কাউকে পাঠাও।  
বিয়েটা তোমাকেই করতে হচ্ছে পুলিন।

পুলিন আকাশ থেকে পড়ে : বীণাকে আমি বিয়ে করব ?

তা ছাড়া তো উপায় দেখি নে। মেয়ে দুটো এসেছে, তাদের সঙ্গে ফাউ  
এসেছে, আরও এক গুণ্ডা। শান্তিড়ি এসেছেন। আমি বরাসনে বসতে গেলে  
গজকচ্ছপের লড়াই বেধে যাবে। মেয়ের আবৃত্তিক হয়ে গেছে, বিয়ে না হলে  
ওরাও এখন ছেড়ে কথা কইবে না।

পুলিন বলে, ছোটবাবু স্বয়ং যখন উপস্থিত রয়েছেন, তাকে বাদ দেওয়াটা  
কেমন যেন লাগছে বড়বাবু।

রণজিৎ চটে উঠলেন : ঝামাপুকুরের এক-শ ভরি সোনা, দুই সেট জড়োয়া,  
নগদ বিশ হাজার—এই সমস্ত বাদ দিতে বলা তুমি ?

পুলিন চুপ করে যায়। রণজিৎ একটুখানি ভেবে বলেন, বিনয়টা কাছাকাছি  
থাকলে বরং—উহ, তা-ও হবে না, তাকে নতুন-কোলিয়ারিতে পাঠাব, বিয়ের  
রঙ্গে মাতলে এখন চলবে না। ভেবেচিন্তে দেখছি পুলিন, তুমি ছাড়া গতি  
নেই। গোখুলিও হয়ে এলো, মাথায় টোপর চাড়িয়ে চট করে বসে পড়োগে।

পুলিন নিজের সর্বাঙ্গে একবার চোখ বুলিয়ে দাঁড়িয়ে রইল। রণজিৎ গরম  
হয়ে বলেন, চাকরি রাখতে চাও তো কথা শোনো, গড়িমসি কোরো না।

পুলিন বলে, আজ্ঞে না—অগ্ন কিছু নয়। কাপড়খানা ছেঁড়া, জামাটাও  
বড্ড ময়লা।

সিকের জোড় কিনে এনেছি—তোমারই কপালে আছে। পরে ফেলগে  
বাও।

অধিনীর কাছে গিয়ে রণজিৎ বললেন, আমায় ত্রৈন ধরতে হবে, সময়  
নেই। কথাবার্তা যা হয়েছিল, তার নড়চড় হবে না। খরচপত্রের তিন হাজার

টাকা, এই বাগানবাড়িতে বসবাস—সমস্ত ঠিক। বরটা শুধু পালটে যাচ্ছে—  
আমি নই, পুলিন। তা পুলিনের সঙ্গেই তো দহরম-মহরম আপনাদের।

অশ্বিনী বলেন, আমার মেয়েকে বাড়ি লিখে দেবার কথা—সেটার কি হবে  
বড়বাবু?

আর একবার রণজিৎ চতুর্দিক তাকিয়ে দেখলেন। মীরা-খীরা ও তাদের  
সহপাঠিনী মেয়ে চারটি মহোৎসাহে রান্না চাপিয়েছে, ইন্দ্রজিৎ কাঠকুটোর  
যোগাড় দিচ্ছে। নারিকেলতলার ওদিকে শাওড়ি ঠাকরুন ডাব পাড়াচ্ছেন।  
রন্টু কোন দিক দিয়ে ছুটে এসে হু-হাতে আবার তাঁকে বেড় দিয়ে ধরল।

বিপ্লব রণজিৎ বলেন, আচ্ছা—দেখব সেটাও। কলকাতার বাড়ি না  
হোক, এই দমদমার দিকে ছোটখাট একটা-কিছু করে দেওয়া যাবে। পুলিন  
কাপড় বদলাতে গেছে। মস্তোর পড়তে লাগিয়ে দিয়ে আমি স্টেশনে রওনা  
হব। হাঁ করে দাঁড়িয়ে থাকবেন না মশায়, কাজে লেগে যান।

যে আজ্ঞে—বলে অশ্বিনী তৎক্ষণাৎ বিয়ের ব্যবস্থায় ছুটলেন।

সিন্ধের ধুতি পরে সিন্ধের চাদর গায়ে জড়িয়ে পুলিন এদিক-ওদিক  
তাকাচ্ছে। সংক্ষিপ্ত বিয়ে—এই উদ্বাস্ত ক-ঘরের যে ক-টি মেয়ে, তাঁরাই শুধু  
আসবেন। শাঁক বাজলে চলে আসবেন তাঁরা। বীণাকে দেখতে পেয়ে  
পুলিন বলে, বরের যে চন্দন-টন্দন মাখতে হয় গো! কে-ই বা দেয় মাখিয়ে!

বীণা বলে, আয়না ধরে যা-হোক করে সেরে নাও। আমি দিতে গেলে  
লোকে কি বলবে।

পুলিন সেটা প্রশ্নবান করে : তা বটে, তোমার নিজেরও তো সাজগোজের  
বাকি।

কাছে এসে চুপিচুপি বলে, এটা কি হল বল তো? কত বড় বড় সখস্ব  
এলো—বিজ্ঞেয় বড়, নামে-ডাকে টাকাপয়সায় বড়, গায়ে-গতরে বড়—সমস্ত  
বাতিল হয়ে গিয়ে সেই আমি!

বীণা মুখ ঝাঁকিয়ে বলে, কোনটার টাক-মাথা, কোনটার অস্ত্রের চেহারা,  
কোনটা বাঘের মতন হালুম-ছলুম করে—উঃ, কী বাচাটাই বেঁচে গেলাম!

তবে আর অ্যাফিন ধরে বারো-ঘাটের জল ঘোলানো কেন? এ তো  
হাতের মুঠোয় ছিল।

বীণা মিষ্টি হেসে মুখের কাছে মুখ নিয়ে এসে বলে, নানান রকমের বর  
দেখে নিলাম। বর নয় ওরা, এক-একটা বাদর।

## আংটি চাটুজের ভাই

বর্ষাকাল। রাস্তাঘাটে জলকাদা, উঠানেও আসর বসানো মুশকিল। নীলকান্ত এই ক'টা মাস তাই যাত্রার দল ছেড়ে কবিরাজি করে। জায়গাটা খুব ভাল। ম্যালেরিয়া তো আছেই, তাছাড়া আজকাল আবার নতুন নতুন রোগ-পীড়া দেখা দিচ্ছে, সে-সব নাম নীলকান্ত বাপের জন্মে শোনেনি। অতএব কাজ-কারবার খাসা চলছে, এক-এক দিন নিখাস ফেলবার ফুরসৎ থাকে না।

কিন্তু তা সত্ত্বেও সন্ধ্যার পর আয়ুর্বেদীয় ঔষধালয়ে একটুখানি আড্ডার বন্দোবস্ত চাই-হ। নয় তো তার রাতে ঘুম হয় না। জমজমাটের সময় কোন রোগি দৈবাৎ যদি এসে পড়ে, সে বেচারা গালি খেয়ে মরে।

আজও দুই-এক করে সকলে জমায়ের হাচ্ছে। হরিশ বেহালাদার এসে গেছে। করালী ভীম সাজে, সে তো সেই দুপুর থেকে তক্তাপোশে গদিয়ান হয়ে হুকো টানছে। সামনের রাস্তা দিয়ে গুড়-বোঝাই খান পাঁচ-ছয় গরুর-গাড়ি যাচ্ছিল—তারই একখানা থেকে ছোকরা গোছের একটা লোক খোঁড়াতে খোঁড়াতে এসে ঢুকল। লোকটা বিদেশি- পায়ে পাম্প-সু, গলায় কন্ফটার, গায়ে ময়লা আধ-চোঁড়া জিনের কোট, ডান হাঁটুর নিচে বেশ বড় আকারের ব্যাগোজ-বাঁধা। সেই জায়গাটা দেখিয়ে সে বলে, পুঁজ পড়ছে, থুঃ থুঃ—একদম ঘা হয়ে গেছে মশায়। তার উপর আবার জরে ধরেছে।

নীলকান্ত ঘাড় নেড়ে গম্ভীরভাবে বলে, ঘায়ের তাড়সে জর। হঁ, তাই—  
ঘা থাকুক, জরটার চিকিচ্ছে করে দাও দিকি। গাড়ি চেপে বেড়াচ্ছি, পা একটু জখম থাকলে কি আর এমন ক্ষতি হবে।

ডান-হাতখানা এগিয়ে দিয়ে লোকটা কবিরাজের পাশে বসে পড়ল। বলে, আগে আসছিল একদিন অন্তর—আজ দু-দিন সকাল-বিকাল দু-বেলা ধরেছে। খাওয়ার তোয়াজ দেখছে, তাই আরও কষে ধরেছে।

নীলকান্ত নাড়ি দেখতে দেখতে বলল, এত বড় জর—তার উপর খাওয়া ?

খাওয়া বলে খাওয়া! দুপুরে গাড়ি রেখেছিল মণ্ডলগাঁয়ের বাজারে। রান্নার সুবিধে হল না—তা মশায়, পাকি পাঁচ-পোয়া চিঁড়ে, পাঁচ-পোয়া কাঁচাগোন্ধা আর ঘন-আঁটা দুধ—তা-ও সের খানেকের বেশি হবে তো কম নয়। আমার আবার এক বদ-স্বভাব—শরীর বেজুত হলে ক্ষিধে ভয়ানক বেড়ে যায়।

করালী প্রসন্ন করে : কোথায় যাবে তুমি ?

পিরখিমের তদারকে । বলে সে স্তব্ধ করে ছড়া কাটে :

জীবনপুরের পথে যাই,

কোন দেশে সাকিন নাই ।

বসন্ত আমার নাম । আংটি চাটুজের নাম শুনেছ—তস্ত ভাতা । তিনি থাকেন বাড়ি-ঘরদোর আগলে, বাকি জগৎ-সংসারের খোঁজখবর আমাকে নিতে হয় ।

রকম-সকম দেখে মনে হয় লোকটা পাগল । নীলকান্ত বলে, জামাটা তোল দিকি । পিলে আছে বলে ঠেকছে ।

বসন্ত হা-হা করে হেসে উঠল : তা আছে । আরও নানা রকমের চিহ্ন আছে । কোমর টিপে দেখছ কি, সে চিহ্ন আমি গাঁটে রাখি নে । এই দেখ ।

বলে পা থেকে জুতো খুলে শুকতলার নিচে থেকে একখানা দশ টাকার নোট বের করে দেখাল ।

এই দেখ দাদা, জাল নয়—আসল ত্রি-মূর্তি । আরও আছে, গরজের সময় ফুস-মস্ত্রে বেরিয়ে যাবে । হেঁ-হেঁ, আর দেখাচ্ছি নে । আংটি চাটুজের ভাই-স্বামি, তাঁর দশ আঙুলে দশটা হীরের আংটি । তোমার ভিজিট মারব না কবিবাজ মশায় ।

নীলকান্ত আরও খানিকক্ষণ প্রণিধান করে দেখে আলমারি থেকে একটা গুঁড়ো ওষুধ বের করল । পিছন-দরজার দিকে চেয়ে বলে, এক গ্লাস জল দিতে হবে যে মা । প্রায় সঙ্গে সঙ্গেই—মাসুখটি দেখা গেল না—চুড়ি-পরা একখানা হাত দরজা একটু ফাঁক করে জলের গ্লাস রেখে দিল ।

বসন্ত বলে, ঠিক করে বল কবিরাজ, স্তব্ধকির গুঁড়ো দিচ্ছ না তো ? বড্ড কাবু করে ফেলেছে । মাইরি বলছি । ইঁটা মুশকিল হয়েছে, নইলে শর্মারায় গরুর-গাড়ি চাপে ! রাস্তার মধ্য জরটা নির্দোষ করে সেরে দাও, বুঝব ক্ষমতা । তা হলে ঘোর-ঘোর থাকতে মা-গঙ্গা পাড়ি দিয়ে চাকদা-মুখো বেরিয়ে পড়ি ।

নোট দেখিয়ে মস্তের কাল হয়েছে । নীলকান্ত মোলায়েম স্তরে জিজ্ঞাসা করে, রাস্তারবেলা ওঠা হচ্ছে কোথায় ?

উঠেছি এই তোমার এখানে । তুমি জায়গা না দাও, বটতলা রয়েছে । সে জায়গা তো কেউ কিনে রাখেনি ।

নীলকান্ত প্রস্তাব করে : একটা রাস্তার ব্যাপার যখন, তা বেশ তো—এখানেই থাক । অস্থবিধা হবে না ।

উপরে নিচে চারিদিকে বার কয়েক তাকাল বসন্ত। বলে, শুভে হবে কোন্ ঘরে ?

এই এখানে, তক্তাপোশের উপর মাদুর পেতে দেব। তবে একটুখানি রাত হবে। এই এরা সব আসছে—চলে যাবে, তারপরে।

বসন্ত দৃঢ়ভাবে ঘাড় নেড়ে বলে, না মশায়, তা হলে চলবে না। এয়ই মধ্যে চোখ বুজে আসছে। সকাল সকাল না শুলে ভোরবেলা রওনা হব কি করে ?

কেন জানি না—করালীর বড্ড ভাল লেগে গেল বসন্তকে। বলে, এক কাজ কর—থেয়ে-দেয়ে বরং আমার ওখানে গিয়ে শুয়ে থেকো। এখানকার হাল্লামা চুকতে এক-একদিন বাত কাবার হয়ে যায়। ঐ টিনের দোতলায় থাকি আমি। একা থাকি। খুব হাওয়া।

বসন্ত আবার প্রশ্ন করে, শোওয়া তো হল, খাওয়াবে কি শুনি কবিরাজ ? তুমি বাবা জরো-রোগির জন্ত শঠির পালো এনে হাজির করবে না তো ? আগেভাগে বলে দাও, না পোষায় সরে পড়ব।

নীলকান্ত বলল, জর পুরানো হয়ে গেছে। দুটো পুরানো চালের ভাত খেলে দোষ হবে না। তাই থেয়ো।

আর গাঁদালেব ঝোল ?

উহ, তোকা ভাজা-মুগের ডাল লাগিয়ে দেব ঐ সঙ্গে।

তবে বন্দোবস্ত করে ফেল। দেয়ি কোরো না, পেট জ্বলে উঠেছে। এফুগি চাপাও গে। বলে, তৎক্ষণাৎ বসন্ত উঠে দাঁড়াল। করালীর হাত ধরে টেনে বলে, চল, তোমার দোতলা অট্টালিকা দেখে আসি। বলি, খাট টাট আছে তো ? হেঁ-হেঁ মশায়, রুই-কাতলা খাওয়াবে তো ঘিয়ে ভেজে খাওয়াও। দোতলায় গিয়ে মেজ্জেয় পড়ে থাকতে পারব না, তা বলে দিচ্ছি।

আবার সে ঘুরে দাঁড়িয়ে ডাকতে লাগে : ও কবিরাজ মশায়, ইদিকে শোন একবার। যোগাড়যন্তোর কবছ, রাঁধাবাড়া করবে কে ?

নীলকান্ত বলে, আমার মেয়ে হরিমতী। আর কেউ নেই বাড়িতে, শরসংসার সে-ই দেখে।

তা বেশ করে। কিন্তু নৈকন্ত কুলীন আমরা। আংটি চাটুজ্জের ভাই। বার-তার হাতে খাইনে।

মুখ কালো করে নীলকান্ত বলে, তুমিই তবে রান্না কর। অন্দরের দিকে এগিয়ে উচ্চকণ্ঠে ডাক দিল : ও খুকি, বোগনোয় করে তুই শুধু ভাতটা চড়িয়ে দে। হোঁয়াছুঁয়ি করিস নে—খবরদার !



একগাল হেসে বসন্ত বলল, হ্যা—সেই ভাল। ভাল বামুনের জাও মেরে শেষকালে মহাপাতকের ভাগী হবে, তাই সামাল করে দিলাম।

করালীর সঙ্গে তার ঘরে ঢুকে বসন্ত সর্বাঙ্গে ডয়ের ভেজিয়ে দিল। জুতোর ভিতর থেকে নোট বের করে বলল, নাও দাদা, ধর। তোমাদের মনস্কামনা পূর্ণ হোক।

বাপার কি ?

শনির দৃষ্টি পড়ে গেছে, কাছে রাখলে রক্ষে আছে ? বুঝি দাদা, বুঝি। নিজের বিচানায় এনে শোয়াচ্ছ, ওদিকে ভাজা-মুগের বন্দোবস্ত। এত সব খাতির আমাকে নয়, পনতলে এই যিনি আছেন তাঁর। ছোট ভাইকে চলনা কর কেন, নেবেই তো—সহজে না দিলে পেটে ছুরি বসিয়ে নেবে। তার কাজ নেই। কিন্তু মা-কালীর কিরে, একা খেয়ে না—কবিরাজের পাওনা-গণ্ডা মিটিয়ে দিয়ে বাদ-বাকি সমস্ত তোমার।

ধর্মভীরু মাতুষ করালী। রাগ করে সে নোট ছুঁড়ে ফেলে দেয়। বসন্ত খানিক অবাক হয়ে থাকে। তারপর টিপ করে সে তার পায়ের গোড়ায় প্রণাম করে। বলে, টাকা ছুঁড়ে দেয়—সে মাতুষ পরমহংস। না নাও, না-ই নিলে। রাতের মতন রেখে দাও তোমার কাছে। ওখানকার ঐ একঘর মাতুষ দেখে ফেলেছে। তোমাদের দেশ ভুঁই, তোমায় কিছু বলবে না—বুঝলে না ? বড় পাঞ্জি জিনিস এই টাকাপয়সা। ঠেকে ঠেকে বুঝেছি।

তবে সঙ্গে নিয়ে এসেছ কেন ?

আমি ? বয়ে গেছে আমার সঙ্গে আনতে। ষড়যন্ত্র করে পকেটে ঢুকিয়ে দিয়েছে। ঘাগী মেয়ে আমার বউ-ঠাকরুন। স্কারে কাপড়-কাচা দেখে সন্দেহ করেছে। এক প্রহর রাত থাকতে রওনা হয়েছি, কিছু জানিনে। চানের সময় জামা খুলতে গিয়ে দেখি থস্‌থস্‌ করছে। আংটি চাটুজের বউ কি না, নজর এড়ানো কঠিন। এক হিসাবে মন্দ হয়নি অবিশি। শুধু দেখিয়ে দেখিয়েই কাজ হাসিল হচ্ছে। আজ পাঁচ-ছ'টা দিন তো কেবল চেহারা দেখিয়ে চলে যাচ্ছে, একটা পয়সা খরচ হয়নি।

এমন সময়ে কবিরাজের বাড়ি থেকে ডাক এল, গিয়ে ভাত নামাতে হবে।

ভাল ফুটে উঠেছে। হরিমতী চুপটি করে একপাশে দাঁড়িয়ে আছে, আর মিটিমিটি হাসছে। অতি ছেলেবয়সে মা-হারী, তখন থেকেই গিয়ি। বাবাকে দেখে দেখে সে ধরে নিয়েছে, গোটা পুরুষজাতটাই আনাড়ি। তাদের সম্পর্কে কৌতুক ও ককণার অন্ত নেই। হঠাৎ মেয়েটা হাঁ-হাঁ করে

ওঠে : ও কি হচ্ছে ? অত হুন দেয় নাকি ? এই রকম রান্না শিখেছেন আপনি ?

বসন্ত বিষম চটে যায় : ভেঁপো মেয়ে, রান্না শেখাতে এসেছ ? তোমার জন্মের আগে থেকে এই কর্ম করছি। এ আর কতটুকু—দৈনিক আড়াই পোয়া হুন লেগে থাকে আমার।

বলে কেবল হাতের হুনটুকু নয়, আর একবার তার ডবল পরিমাণ নিয়ে ভালের মধ্যে দিল।

হরিমতী রাগ করে বলে, তা হলে আবার মশলা লাগবে, আরও জল ঢালতে হবে। ও যে পুড়ে জ্বন্ধার হয়ে গেছে। মাহুবে কেন, গন্ধতেও মুখে দিতে পারবে না।

ঘটির জল হড়-হড় করে সে কড়াইয়ে ঢেলে দিল।

বসন্ত উঠে দাঁড়িয়ে দু-হাত কোমরে দিয়ে রণমূর্তিতে বলল, জল ঢেলে দিলে যে বড় ! কি জাত তুমি ?

বামুন।

ওঃ, হলেই হল ! বামুন অমন সবাই কপচে থাকে। কি রকম বামুন দেখি, গায়ত্রী মুখস্থ বলতে পার ?

হরিমতী বিদ্রূপ করে বলে, সর্বস্ব ফেলে এসে জাতটাই শুধু সজে নিয়ে বেড়াচ্ছেন ? পৈতে তো চেড়েছেন, তবু জাত ছাড়ে না—ও বুঝি কাঁঠালের আঠা ?

একটুখানি চূপ করে বসন্ত এইবার হেসে ফেলল। বলে, রাঁধো মাণিক, তুমিই রাঁধো তবে। জন্মের উপর আজ জ্বত হবে না। কিন্তু রাঁধতে আমি জানি, খুব ভাল জানি। আর একদিন রেঁধে দেখাব, তখন বুঝবে।

খাওয়াদাওয়ার পর উদগার তুলতে তুলতে বসন্ত এদের আড্ডায় এল। করালীকে ডেকে বলে, ঘরের চাবিটা দাও—শুয়ে পড়িগে। একটা কুকর্ষ করে ফেললাম দাদা। গঙ্গার পাড়ের উপর রয়েছি, গঙ্গাজলে রান্না—তখন কিছু দোষ হবে না, কি বল ?

সকালবেলা বসন্ত স্মস্ত করালীকে নাড়া দিচ্ছে : চারটে পয়সা দাও দিকি।

করালী চোখ রগড়ে জিজ্ঞাসা করে : কি হবে ?

পারানির পয়সা। গঙ্গা তো সীতরে পার হওয়া যাবে না। যাই বল দাদা, মাহুবের চেয়ে বানরের বুদ্ধি বেশি।

বসন্ত হঠাৎ ভাবুকের পর্যায়ে উঠে গেছে। মাথা দোলাতে দোলাতে

বলে, বিবেচনা করে দেখ, তাই কিনা। হুম্মান গঙ্কমাদন পর্বত এনেছিল, কাজকর্ম চুকে গেলে যেখানকার জিনিস সেইখানে রেখে এল। আর ভগীরথের কি রকম আক্কেল—মা-গঙ্গাকে এনে গুপ্তিহুঙ্ক বাঁচালি, তারপর শিবের মাথার জিনিস আবার সেখানে গুঁজে দিয়ে আয়—তা নয়, গরজ ফুরোলে কিছু আর মনে থাকল না। গাউ-খাল যদি না থাকত দাদা, মনের সাথে একবার পায়ে হেঁটে বুঝতাম।

তোমার যে পায়ে ঘা। হাঁটবে কি করে ?

ঠিক কথা। থুং থুং - ওদিকে নজর দিও না।

করালী নোটখানাই ফিরিয়ে দিল। বসন্ত বলে, শুধু চারটে পয়সার দরকার। নোট বন্ধক রেখেই না-হয় দাও। পয়সা খেয়া—ওদের এখন ভাঁড়ে মা-ভবানী। কোথায় ভাঙতে যাই, কি করি! আবার যখন আসব, বন্ধকি জিনিস ছাড়িয়ে নিয়ে যাব, কথা দিচ্ছি।

খুচরো পয়সা নেই। নোট ভাঙিয়ে নিয়ে যা ইচ্ছে করোঁগে যাও। বলে করালী আবার শুয়ে পড়ে সঙ্গে সঙ্গে চোখ বুজল।

দুপুর গড়িয়ে গেছে। করালী বেকবে-বেকবে করছিল, কাঠের সিঁড়ি হঠাৎ মচমচ করে উঠল : দাদা, ও দাদা, ঘরে আছ ?

তুমি চলে যাওনি বসন্ত ?

যেতে পারলাম আর কই! ভাঙানি খুঁজতে গিয়ে গোলমালে পড়ে গেলাম।

কাঁধে বেহালা, বসন্ত ঘরে ঢুকল। হাত-মুখ নেড়ে বলতে লাগল, ঘুরতে ঘুরতে কালকের ঐ হরিশ-বেহালাদারের ওখানে গিয়ে পড়লাম। একখানা গং শোনাল—এলব কি দাদা, মন কেড়ে নিল যেন! দরদস্তুর করে বেহালাটাই কিনে নিয়ে এলাম।

বাজাতে জান ?

কিছু না, কিছু না। কোনদিন এসব বস্তুট ছিল না। নতুন করে এই প্যাচে পড়ে গেলাম। কর্মনাশা জিনিস। সাত টাকায় কিনেছি, দাঁও মাঝা গেছে, কি বল ?

বিপুল আত্মগ্রসাদে সে যেন ফেটে পড়ছিল। বলতে লাগল, আর নোটের দরুন বাকি তিনটে টাকাও দিল না। তার বাবদ তিনখানা গং শিখিয়ে দেবে বলেছে। সে-ও লম্বা—কি বল ? তারের ভিতর থেকে স্বস্ত্র বের করা, সোজা কথা ?

তা হলে আর তোমার চাকলায় যাওয়া হয় কই? এখানেই থেকে যেতে হবে।

বসন্ত শুকমুখে বলে, তা ক'টা দিন থাকতে হবে বই কি! কপালই এই রকম দাদা। ভাবি এক, হয়ে যায় অল্প। ছোট একটা ঘর-টর দেখে দাও, অপাক শুরু করে দিই সেখানে।

করালীর নজরে পড়ল, বসন্তের গা খালি। ভিজ়ে কাপড়-জামা পুঁটলি করে বগলে নিয়েছে।

বৃষ্টি হয়নি, ও-সব ভিজ়ল কি করে?

ভিজ়িয়ে দিল কবিরাজের বাদর মেয়েটা। আগাগোড়াই ভিজ়েছিল। গা মুছে ফেলে কবিরাজের একখানা শুবনো কাপড় পরে এলাম।

করালী উদ্বিগ্ন হয়ে প্রশ্ন করে, কেন, কি হয়েছিল বল তো—

ওদের বারান্দায় বসে একটু গৎ প্রাকটিশ করছিলাম। ছড়াৎ করে জল টেলে দিল। মেরে বসতাম—তা বলল, দেখতে পাইনি।

তাই হবে।

তোমরা বুড়োমানুষ, যা বলে তাই বিশ্বাস কর। মুখ টিপে হাসছিল। মনে মনে ওর দুষ্টুমি, যতই সাফাই দাও। আবার বলে, ভাল হয়েছে—মাথা ঠাণ্ডা হওয়ার দরকার ছিল। এত বড় অপমান! বেহালা! অ'মি শিখবই। তোমার এট নিচের ঘরটা ভাড়া দেয়না দাদা? দাও না ঠিকঠাক করে—একসঙ্গে থাকা যাবে।

করালী বলে, টাকাগুলো ছাইভস্ম করে উড়িয়ে দিয়ে এলে। খাবে কি?

আছে দাদা, আরও আছে। সাগরের জল ফুরোবে না। অঙ্গ চিরে বের করে দেবো। আংটি চাটুজের বউ—নজর তার কত মোটা! নোট নিয়েছে কি একখানা?

দরজায় খিল এঁটে অতি সন্তর্পণে সে পায়ের ব্যাণ্ডেজ খুলে ফেলল। ঘা নয় পায়ে—কিছু হয়নি, সব ফাঁকি। ব্যাণ্ডেজের তাঁজের মধ্যে নোটের গোচা। বলে, বিশ্বাস হল তো? এবার থাকার বন্দোবস্ত করে দাও। কাউকে কিছু বোলো না কিন্তু। খবরদার! ঋষিভূলা লোক তুমি—টাকা ছুঁড়ে ফেলে দাও, তাই তোমায় শুধু দেখিয়ে দিলাম।

নিচের ঘরটাই সাব্যস্ত হল। তিন টাকা ভাড়া। সেইখানে থেকে সে বেহালা শেখে। ভালকলাই-বোঝাই দক্ষিণের বড় বড় নৌকা নদীর ঘাটে পনের দিন কুড়ি দিন এসে নোঙ্গর করে থাকে, ধীরে স্নেহে কলাই বিক্রি হয়। তারই এক মাঝির সঙ্গে বসন্তর ভাব জমে গেল। লোকটা ভাল দাবা খেলে।

বেহালা বাজানো, দাবা খেলা, আর কোন গতিকে ছুটি চাল সিদ্ধ করে নেওয়া—এই তার কাজ।

একদিন এক কাণ্ড হয়ে গেল। শরীরটা আবার খারাপ হয়েছে, বেহালার চর্চা বেশিক্ষণ ভাল লাগল না। খেয়ে দেয়ে সকাল সকাল শুয়ে পড়বে, এই মতলবে রান্নার যোগাড়ে গেল। উনানে হাড়ি চাপিয়ে দেখে, চাল নেই। দোকানপাট ইতিমধ্যে সব বন্ধ হয়ে গেছে। তখন দরজায় শিকলটা তুলে দিয়ে তাড়াতাড়ি নদীর ঘাটে তার বন্ধু সেই মাঝির কাছে এল রাজের মতো চারটি চাল ধার করবার আশায়। বন্ধুর তখন সড়িন অবস্থা, দাবাখেলা খুব জমে গেছে, এক স্থপারিওয়ালা তাকে মাত করবার জো করেছে। এমন দুঃসময়ে কি করে ফেলে যায়—জুত দিতে দিতে কখন এক সময় বসন্ত নিজেই বসে পড়েছে—হাঁশ নেই।

খেলা ভাঙল। তখন গভীর রাত, দশমীর জ্যোৎস্না ডুবে গেছে। ভয় হল, দরজায় তালা দিয়ে আসেনি—ইতিমধ্যে চোর ঢুকে যদি যথাসর্বস্ব নিয়ে গিয়ে থাকে! যথাসর্বস্ব অবশ্য অতিরিক্ত মূল্যবান কিছু নয়—টাকাকড়ি বসন্ত কাছছাড়া করে না, গামছার পুঁটুলিতে বাঁধা একখানা ধুতি ও একটা উড়ানি, মাটির হাড়িকুড়ি দু-তিনটা আর ছড়িসহ বেহালাটি। ছোটোছুটি করে এসে দেখে, যা ভেবেছে তাই—চোর সত্যিই ঘরে ঢুকে পড়েছে তবে জিনিসপত্র নিয়ে পালাবার গরজ দেখা যাচ্ছে না, খিল এঁটে এমন দখল করে বসেছে যে বিস্তর চেষ্টামেচি ও দরজা কাঁকাকাঁকি করেও সাড়া মেলে না।

চেষ্টামেচিতে দূরবর্তী দোকানের লোকগুলো পর্যন্ত ঘুমচোখে সাড়া দিতে আরম্ভ করল। অবশেষে দরজা খুলল। নতনেত্রে দাঁড়িয়ে আছে হরিমতী। নিজের ভাড়া-নেওয়া ঘর এতক্ষণ বেদখল হয়ে ছিল, তার উপর ক্ষিপের নাড়ি জ্বলছে, বসন্ত আশুন হয়ে উঠল।

আমার ঘরে ঢুকেছ কি জন্তে? কৈফিয়ৎ দাও বলছি।

হরিমতী কি বলতে গেল। শব্দ বেবোয় না, ঠোট ছুটি শুধু থর-থর করে কেঁপে ওঠে। বসন্ত বলে, ঢালাকির জায়গা পাও না? একদিন খাপড় মেরে মুঠু ঘুরিয়ে দেব। টের পাবে সেই সময়।

কাজটা আজও যে অসম্ভব ছিল, তা নয়। কিন্তু হরিমতী হঠাৎ ঝর-ঝর করে কেঁদে ফেলল। রাত ছপুর, কোন দিকে কেউ নেই, ঘরের ভিতরে দাঁড়িয়ে বয়স্হা মেয়ে কঁাদছে—কি জানি কি রকমটা হয়ে গেল বসন্তর মন। বিব্রতভাবে সে বলতে লাগল, কেঁদ না—আর জ্বালাতন কোর না লক্ষ্মী। খাপড়ের কথা শুনেই এদুর, আর ঘা-গুতো একটা-কিছু খেলে কি করতে?

এই বীরত্ব নিয়ে মাথায় জল ঢেলেছিলে সেদিন ? মারব না, কিছু করব না—  
বাণের ঘরের মাণিক, এবারে গুটি-গুটি চলে যাও দিকি !

হরিমতী নড়ে না। বসন্ত মারুক, খুন করে ফেলুক, সে কিছুতে যাবে না। বাড়ির নামে এখনও শিউরে উঠছে। অল্প দিনের মধ্যেই রান্নাঘরে সে ঘুমিয়ে ছিল আড্ডা ভাঙার অপেক্ষায়। চোরের মতো চূপচূপ গিয়ে একজনে তার হাত চেপে ধরে। জেগে উঠে টোচামেচি করতে করতে সে বেরিয়ে পড়ল। লোকটিও পিছু ছুটল। অবশেষে বসন্তের এই ঘর খোলা পেয়ে সে তাড়াতাড়ি দরজা দিয়েছে।

বসন্ত কথ্যে ওঠে : এত সব কাণ্ড ঘটল, কবিরাজ ছিল কোন্ চুলোয় ?

যেখানেই থাকুক, চোখ-কান বর্তমান থেকেও আজকের রাতে নীলকান্তর দেখাশোনা করবার অবস্থা নেই। কি-একটা উপলক্ষে আড্ডায় আজ বিশেষ একটু আয়োজন ছিল। গান-বাজনা ও গাঁজা সমানে চলছে। যে লোকটা রান্নাঘরে ঢুকেছিল, সে নীলকান্তরই যাজ্ঞা-দলের লোক, হরিমতী চিনতে পেরেছে তাকে।

উনানের ধারে চেলা-বাঁশ ছিল। তারই একখানা তুলে নিয়ে বসন্ত বলে, যাও—চলে যাও এবার। রাত দুপুরে বদনামের ভাগী করতে চাও আমাকে ?

ভয়ে ভয়ে হরিমতী রাস্তায় নেমে পড়ে, এক-পা দু-পা করে এগোয়। বসন্ত বলে, রোসো—আমিও যাচ্ছি। বাণের ধন বাণের কাছে বুঝে দিয়ে আসি।

ঔষধালয়-ঘরে তখনও পাঁচ-ছ জন রয়েছে, বাঁয়াতবলায় একজনে মাঝে মাঝে টাটি দিচ্ছে, অপরগুলি যেন ধ্যানস্থ। একপাশে নীলকান্ত বোধকরি ঘুমিয়েই পড়েছে, প্রবল নিশ্বাস-ধ্বনি উঠছে। তবলটি লোকটা বসন্তকে চিনল। বলে, বেহালা এনেছ কই ? নিয়ে এস, নিয়ে এস। আর জমবে কখন ?

তাদের পাশ কাটিয়ে গিয়ে নীলকান্তর পিঠে ঘা-কতক চেলা-বাঁশ বসিয়ে বসন্ত বিনাবাক্যে ফিরে চলল। তখন সে এক মহাকাণ্ড। জেগে উঠে নীলকান্ত পিঠের জ্বালায় লাফলাফি করছে, বকুমণ্ডলী সম্বরে অভয় দিচ্ছে। হরিমতী ইতিমধ্যে রান্নাঘরে ঢুকে পড়েছে।

অত রাজে রাঁধাবাড়া আর ঘটল না, মেয়েটাকে গালি পাড়তে পাড়তে বসন্ত গুয়ে পড়ল। ঘুমও এসেছিল একটু। হঠাৎ জেগে উঠে শুনে লাগল, ঔষধালয় থেকে মুঘলধারে গালিবর্ষণ হচ্ছে, নৈশ নিশ্চরতায় প্রত্যেকটি কথা স্পষ্ট শোনা যাচ্ছে, সব চেয়ে উঁচু হয়েছে নীলকান্তর গলা। সকাল হোক, দেখা

যাবে কত বড় চাটুজের ভাই। দেহটা দুই খণ্ড করে যদি গঙ্গার জলে ভাসিয়ে না দেয়, তবে যেন তাদের নামে কুকুর পোষা হয়। ইত্যাদি, ইত্যাদি।

এইসব হ্যাঁকামে বসন্তর ঘুমাতে দেরি হয়ে গেল, বেলা পর্যন্ত পড়ে থেকে পুষিয়ে নেবে এই ছিল মতলব। কিন্তু ভোর না হতেই দরজা ঝাঁকঝাঁকি। নীলকান্ত ডাকছে। অতএব নেশার ঘোরে যা বলেছিল, নেশা ছুটলেও তা মনে রেখেছে। বিরক্ত হয়ে বসন্ত উঠল, গত রাতের চেলা-বাঁশখানা নিয়ে দরজার পাশে দাঁড়িয়ে সন্তর্পণে খিল খুলে দিল। ঢুকে পড়লেই মাথা কাটিয়ে দেবে, তা তারা যতজনে আসুক। কিন্তু নীলকান্ত ঘরে ঢোকে না, বাইরে থেকে মিনতি করতে লাগল : রূপা করে এস না একটু। একটা কথা নিবেদন করি।

মুখ বাড়িয়ে দেখে নীলকান্ত একাই, সঙ্গে কেউ নেই। বসন্তকে দেখেই লে নিজের গাল দু-হাতে চড়াতে লাগল।

কি, ও কি ?

নীলকান্ত বলে, মহাপাতক করেছি মশায়। ওসব আমি একেবারে ছেড়ে দিয়েছি। কালকেই শুধু দলে পড়ে—

এখন বসন্ত ভেবে পায় না, কি এমন অপরাধ নীলকান্তর—যার জন্ত কাল সে এমন মারমুখি হয়ে গিয়েছিল। বেটা ছেলে—একটু-আধটু নেশাভাঙ করবে, সেটা এমন মারাত্মক-কিছু নয়। বলল, নেশা ছাড় না ছাড়, দলটা ছেড়ে দাও। নিতান্ত যদি ইচ্ছে করে, একা-একা খেয়ে।

এ সব যে দলেরই ব্যাপার! একা খেয়ে জুত হয় কখনো ?

এ কথার সত্যতা বসন্ত খুব জানে। তখন সে অল্প দিক দিয়ে গেল। বলে, তোমার দলের লোকগুলো বড্ড খারাপ কবিরাজ। ওদের মধ্যে থেকেই তো কাণ্ডটা করল।

নীলকান্ত বলে, কিন্তু তা-ও বোক, ধর্মপুত্র-মুখিটিরেরা কি আসবে আমার সঙ্গে আড্ডা দিতে ?

এর উপরে কথা চলে না। বসন্ত একটু ভেবে বলল, মেয়েটার বিয়ে দিয়ে দাও। শব্দরবাড়ি চলে যাক, তারপরে যা-ইচ্ছে তাই করো।

নীলকান্ত এবার খপ করে তার হাত জড়িয়ে ধরল। বলে, সেই জন্তেই এসেছি। তুমি একটা ঠিকঠাক করে দাও। দেখ, কি রকম চেলা-কাঠ মেরেছিলে। কালসিটে পড়ে আছে। তা সঙ্গেও এসেছি।

এখন দিনের বেলা ঠাণ্ডা মাথায় শান্তির বহর দেখে বসন্তর করুণা হয়। সে

ভরসা দিল—চেলা কাঠ মারার দরুন যেন সত্যি সত্যি একটা দায়িত্ব এসে পড়েছে তার—বলে, আচ্ছা—দেখব।

ইতিমধ্যে নীলকান্ত আর একদিন খাতির করে তাকে নিমন্ত্রণ খাওয়াল। তাগিদ রোজই চলেছে। বিরক্ত হয়ে শেষে বসন্ত বলে, বেহালায় ইন্তফা দিয়ে আমি কি পাত্র খুঁজতে বেরব? বেশ, আমার সঙ্গেই না-হয় দিয়ে দাও।

তোমার সঙ্গে?

দশ বছর তপস্বী করলেও এমন পাত্র পেতে না। আংটি চাটুজের ভাই, চকমিলানো দালানকোঠা। মেয়েটার কপাল ভাল। নেহাৎ কথা দিয়ে ফেলেছি, তাই—

ইতিপূর্বেও অবশ্য আরও অনেক জনকে অনেক ক্ষেত্রে কথা দিয়েছে, ভাঙতে তার তিলার্ধ আটকায় নি। কিন্তু আংটি চাটুজের ভাইয়ের মাথায় জল ঢেলে ঠাণ্ডা করবার আশ্পর্শ যার, তাকে বিয়ে করে সকাল-বিকাল দুইবেলা কানের কাছে অবিরত বেহালা শোনাতে হবে, এই তার সঙ্কল্প।

নীলকান্ত যথাসম্ভব পাত্রের খোঁজখবর নিল। বিয়ে হয়ে গেল। বসন্ত করালীর ঘরে এসে বলে, কাজটা গহিত হল, কি বল দাদা? কেবলই জড়িয়ে পড়ছি। এরা আবার নিচু-ঘর।

করালী বলে, আজকাল ও-সমস্ত দেখে না।

তা ঠিক। তা ছাড়া প্রবাসে নিয়ম নাস্তি। আচ্ছি তো গন্ধার উপর; ঘোষ-টোষ শুধরে গেছে। কিন্তু আমার ভাই টের পেলে খুন করে ফেলবে। জাত আর ধনসম্পত্তি আগলে সে বাড়ি বসে থাকে। তবে টের পাবে না, বেরোয় না তো!

দুটো মাস যেন উড়ে চলে গেল। বিয়ের খবর শেষ পর্যন্ত গোপন থাকেনি, চারিদিকে রাষ্ট্র হয়ে গেছে। শোনা গেল, আংটি চাটুজেরও কানে গিয়েছে। নিজে একদিন এসে ভাইয়ের কান ধরে টানতে টানতে প্রায়শ্চিত্তের ব্যবস্থা করবে, এই রকম সে শাসিয়ে বেড়াচ্ছে।

আবার এক রাত্রে অভ্যাস অনুযায়ী বসন্ত পিঠটান দিল। আংটির ভয়ে নয়, নূতন নেশা ইতিমধ্যে ফিকে হয়ে এসেছে। আরও কিছুদিন এদিক-সেদিক ঘুরে হাতের শেষ পয়সাটি অবধি খরচ করে অবশেষে সে বাড়ি গিয়ে উঠল। আংটির সামনে যায় না। বাগান-পাড়ায় ভাবগানের দল করেছে, তাতে বসন্তর বড় উৎসাহ। নিরঙ্কুরেরা গানের পদ ভুলে যায়, বসন্ত খাতা খুলে পদগুলো ধরিয়ে দেয়। নিজে যে কয়টা গৎ শিখে এসেছে, তা-ও খুব কাজে লেগে গেল। দিনরাত সে এই সব নিয়ে মেতে আছে। দুপুরবেলা আংটি



সুমিয়ে পড়লে টিশিটিশি বাড়ি ঢুকে সোজা রান্নাঘরে এলে বলে। রান্না ইত্যাদি মাঠের পুকুর থেকে লেগে আসে। আংটির জী পটেশ্বরী রান্নাঘরে তৈরি হয়ে থাকে, স্বামীর অজ্ঞাতে দেওরকে খাইয়ে তাড়াতাড়ি বিদায় করতে পারলে লে বেঁচে যায়। রাতে বসন্তর ফুরলং নেই। আজ এখানে, কাল সেখানে—বায়না লেগেই আছে। নেহাৎ বায়না যেদিন না থাকে, সেদিনও মহলা দিতে রাত কাবার হয়ে যায়। রাতে তাই বাগদিদের ওখানে ফলাহারের বন্দোবস্ত—চিঁড়ে, গুড়, নারকেল-কোরা। তোকা দিন কেটে যাচ্ছে।

কিন্তু অদৃষ্ট খারাপ, একদিন একেবারে মুখোমুখি পড়ে গেল। গম্ভীর কণ্ঠে আংটি বলল, এই যেখানে দাঁড়িয়ে আছ এটা জগন্নাথ চাটুজ্জের বাড়ি। তাঁর অভুল ঐশ্বর্য রাখা যায়নি, কিন্তু নামটা আছে। সে নাম তুমি ভুবিয়ে দিচ্ছ।

বসন্ত মাথা নিচু করে দাঁড়িয়ে ছিল। কথা শেষ হলে দাদার পায়ের গোড়ায় ঠক করে প্রণাম করল।

আংটি বিস্মিত হয়ে জিজ্ঞাসা করে, কি করবে?

চলে যাব।

কোথায়?

চাকরি-বাকরি করব, আয়ের চেষ্টা করব, এমনখারা ঘুরে বেড়াব না আর।

আংটি জলে উঠল : অসুবিধেয় পড়ে আমি কিছু দিন কালেক্টরির গোলামি করেছি। তা বলে গুপ্তিস্বত্ব উল্লেখ করবে? তাই আমার একটা, তার ভাত আমি স্বচ্ছন্দে জোটাতে পারব।

বসন্ত জবাব দেয় না, তেমনই দাঁড়িয়ে আছে।

এক মুহূর্ত স্তব্ধ থেকে আংটি পুনরায় প্রশ্ন করে, কি ঠিক করলে? যাবেই? আজই ইয়া—

শোন। বলে আংটি বসন্তর হাত ধরল। নিয়ে চলল অন্দরের শেষদিককার গোল-কুঠুরিতে, যেটায় সে আমলে জগন্নাথ চাটুজ্জ মশায় থাকতেন বলে সকলে জানে। ঘরের মাঝখানে গিয়ে বলল, দাঁড়াও। বাইরে এসে আংটি ঝানাৎ করে শিকল এঁটে দিল।

বসন্ত ক্রুদ্ধকণ্ঠে বলে, ঘরে আটকাচ্ছেন কেন? পোষাচ্ছে না বলেই তো চলে যাচ্ছি।

আংটি প্রবল হাসি হেসে উঠল। বলে, তা বই কি! বেহালা কাঁধে দেশ-বিদেশে জগন্নাথের মুখ পুড়িয়ে বেড়াবে। তাই আমি হতে দিলাম আর কি!

বসন্ত দরজায় প্রচণ্ড লাথি মেরে বলে, আমি থাকব না। যাব, যাব—

আংটি পটেশ্বরীর দিকে চেয়ে বলে, বউমাকে আনতে লোক পাঠিয়েছি।  
চাবি দিয়ে দেব বউমার কাছে, তোমাকেও বিশ্বাস করিনে ভাইয়ের ব্যাপারে।

হরিমতী এসে পৌছল। আংটি উচ্চকণ্ঠে বলে, উড়ো-পাখি পোষ মানাতে  
হবে মা-লক্ষ্মী। এই নাও খাঁচার চাবি, সামাল করে আঁচলে বেঁধে রাখ।  
তুমিই পারবে মা। সাত-পাকের বাঁধনে পড়েছে যখন, আন্তে আন্তে সমস্ত  
লয়ে যাবে।

বন্দী বসন্তর উত্তেজিত কণ্ঠ শোনা গেল : বউ তো আদর করে ঘরে  
তুলছেন। কোন্ জাত, কি বৃত্তান্ত, খোঁজখবর নিয়েছেন ?

আংটি বলে, আমার মা-লক্ষ্মী কি আমার চেয়ে আলাদা কিছু হবেন ?  
হঁ, ভয় পেয়ে গেছে, কথা শুনে বুঝতে পারছি। আমার মন ভাঙিয়ে দিতে  
চায়।...মোটো এলাকাড়ি দেবে না, বুঝলে তো মা ?

হরিমতীর অপরূপ বেশ। এ চেহারার সঙ্গে বসন্ত একেবারে অপরিচিত।  
সমস্ত সন্ধ্যা পটেশ্বরী বসে বসে তাকে সাজিয়েছে, বসন্তর স্বভাব-চরিত্র সম্বন্ধে  
সকল খবর দিয়ে তাকে পাখি-পড়ানোর মতো করে পড়িয়েছে। ছরস্ত  
দেওরকে বাঁধবার এই একমাত্র ফাঁদ, এ ফাঁদের কোন অংশে ত্রুটি থাকলে  
চলবে না।

বসন্ত অবাক হয়ে তাকিয়ে তাকিয়ে দেখে। দৃষ্টির সামনে হরিমতী  
লঙ্ঘিত হয়ে পড়ে। নিটোল কপালে দুই বিন্দু ঘাম দেখা দেয়। বসন্ত বলে,  
বাঃ বাঃ—বেড়ে দেখাচ্ছে ! এই বস্তায় এমন বালাম-চাল, টের পাইনি তো !

একটু আনাড়ি ধরনে হেসে হরিমতী বলে, এই ইয়ে—বেহালা বাজাও না  
একটু।

তুমি শুনবে বেহালা ?

হরিমতী বলে, হ্যাঁ, শুনব বইকি ! তুমি গুলীলোক হয়েছ, গাঁয়ে গাঁয়ে  
তোমায় ধরে বায়না গাওয়ায়। আমি শুনব না ?

জল এনেছ বুঝি বাটি ভরে—সেই সেবারের মতো গায়ে ঢালবে ? দেখি,  
হাত বের কর দিকি। ও কি, চাপাফুল ?

হরিমতী বলে, সত্যি, খুব নামডাক হয়েছে তোমার। সকলে বলে, বড়  
মিষ্টি হাত। তখন একেবারে নতুন ছিলে কিনা !

বেহালার প্রশংসায় বসন্ত গলে গেল। বলে, আজকের বকশিশ তা হলে  
কনকচাঁপা ? তারপর চিন্তাকুল হয়ে বলে, কিন্তু এখানে তো হবে না। বউকে  
বাজনা শোনাচ্ছি, দাদা-বউঠাকরুন কি ভাববেন ! না, সে হয় না।

আন্তে আন্তে—

ভাব এলে জোর বেড়ে যাবে যে ! তখন কি কাণ্ডজ্ঞান থাকে ? বড্ড  
যাচ্ছেতাই জিনিস ।

হঠাৎ এক মতলব মাথায় আসে । বলে, তুমি তো নৌকোয় এসেছ । সে  
নৌকো চলে গেছে নাকি ?

উহ, ঘাটে রয়েছে । তাঁটা না হলে গাঙে পড়বে কি করে ?

এক কাজ করো—চলো টিপিটিপি ঘাটে যাই । ঐ নৌকোয় বসে বাজনা  
শোনাব । খুব মজাদার হবে ।

হাসতে হাসতে দু'টিতে হাত ধরাধরি করে খালের ঘাটে গেল । ফুটফুটে  
জ্যোৎস্না । জলধারা রূপার রেখার মতো মাঠের ভিতর দিয়ে দূরে—কত দূরে  
চলে গেছে । দূরে, কত দূরে ! মাঠের শেষ নেই—খালেরও যেন শেষ নেই ।  
চেয়ে চেয়ে বসন্তর মন কি-রকম করে উঠল । হরিমতী লীলা-ভঙ্গিতে তার  
কাঁধে ভর দিয়ে দাঁড়িয়েছে । বসন্ত বলে, ইঃ—কাদার মধ্যে নিয়ে রেখেছে ।  
দাঁড়াও এখানে—নৌকো ঘুরিয়ে আনি ।

নৌকোয় উঠে বসন্ত বৈঠা ধরল । হরিমতী দাঁড়িয়ে আছে ।

কই, এসো—

আসছি, আসছি—

ওপারে চলল যে !

উহ, টানের মুখটা কাটান দিয়ে ঘুরে আসছি ।

হরিমতী কাতর কণ্ঠে বলে, বড্ড ভয় করছে । নৌকোয় কাজ নেই, ঘাটে  
বসে বেহালা শুনব । তুমি এসো ।

বসন্ত বলে, ছড়ের গুণ ছিঁড়ে গেছে । বড্ড ঠকিয়েছে হরিশ বেহালাদার ।  
তার কাছ থেকে নতুন ছড় এনে তোমায় শুনিয়ে যাব । তুমি দাঁড়িয়ে থাক,  
ফিরে এসে দেখতে পাই যেন ।

হা-হা-হা—মাঠের বাতাসে তার ব্যঙ্গহাসি দূর-দূরান্তরে ভাসিয়ে নিয়ে গেল ।

ও দাদা, দাদা গো—

করালী দুয়োর খুলে বেরিয়ে এসে দেখে বসন্ত ।

কি ঝগাটে যে ফেলেছিল দাদা ! কবিরাজের মেয়ে হেসে হেসে  
কাছে আসে, আবার ওদিকে আংটি চাটুজ্জ দরজায় শিকল আটকে  
রাখলেন । খুব বেঁচে এসেছি এ যাত্রা । খাল পার হয়ে এক রকম ছুটে  
ছুটে এসেছি । পারানির চারটি পয়সা দাও দিকি একুনি । দিতেই হবে ।  
নোট ভাঙাতে গিয়েই তো সেদিন থেকে এইসব গোলমাল ।

পয়লা দিয়ে লেই মুহূর্তে বসন্ত লরে পড়ল।

বিকালে এসে পড়ল দশ আঙুলে দশ আংটি-পর। স্বয়ং আংটি চাটুজ্ঞে।  
কালেক্টরির চাকরি ছাড়বার পর জগন্নাথের অট্টালিকা ছেড়ে এই সে প্রথম  
বেরিয়েছে। নীলকান্তকে সঙ্গে নিয়ে করালীর কাছে এল।

বউমার কাছে সুনাম, বসন্তর বড় ভাব তোমার সঙ্গে। এসেছিল সে ?  
করালী বলে, এসেই চলে গেছে।

কোথায় ? কোন্ দিকে ?

উই যে চাকদার রাস্তা—

গঙ্গার ওপারের দিকে দেখিয়ে দিল। সীমাহীন ধান-ক্ষেত, মাঝখান দিয়ে  
চাকদার রাস্তা চলে গিয়েছে। ছ'পাশে সারবন্দি পত্রবহুল শিরিষগাছ।  
চেয়ে চেয়ে আংটি গর্জন করে উঠল।

তোমার মেয়ের হয়ে নালিশ করতে হবে কবিরাজ, খোরপোষের দাবি  
দিয়ে। আর তুমি করালী হবে সাক্ষি। ডিগ্রি করে দেওয়ানি জেলে আটকে  
রাখব। দেখি, সেখান থেকে কোন্ ছুতোয় পালায়। জগন্নাথ চাটুজ্ঞের  
নাম নিয়ে দিব্যি করছি, এ আমি করবই—

তা কোরো। ততদিন তো বসন্ত ঘুরে বেড়াক। নিয়মমাসিক খাওয়া-  
দাওয়া আর বেহালা-বাজানো—অসহ্য হয়েছিল তার। পরিচিত পথঘাট  
গাছপালা ঘরবাড়ি দেখে দেখে চোখ ঘেন ভোঁতা হয়ে যাচ্ছিল। আর, এ  
কী জীবন! সকালবেলা জানা নেই, রাতে কোথায় পড়ে থাকতে হবে।  
হাটতে হাটতে বালু উত্তীর্ণ হয়ে আসবে জাঙাল, জাঙাল ছাড়িয়ে অড়হর-  
ক্ষেত—কাদের কাছাড়িবাড়ি, একটা পচা দীঘি, কত পল্ল ফুটে আছে।  
আমবন—তারই ছায়ায় দাঁড়িয়ে তাকিয়ে দেখবে, দিগন্তবিস্তৃত বিল তোমার  
চোখের সামনে। সন্ধ্যায় দাওয়ায় বসে গোপীঘন্ত্র বাজিয়ে কে গান গাচ্ছে,  
একটি মেয়ে গরুর নাম ধরে ডেকে ডেকে বেড়াচ্ছে, বাঁশঝাড়ে ক্যাচকোচ  
আওয়াজ। যে বাড়িতে খুশি উঠানে গিয়ে দাঁড়াও, নূতন মাহুষের সঙ্গে  
পরিচয় কর, ভালবাসাবাসি হোক—এক রাত্রি বেশ কাটল, আবার ভোরবেলা  
বোঁচকা বগলে বেহালা কাঁধে বেরিয়ে পড়ো...

কৈলেনসকাঠি কোন্ দিকে ভাই ? ইয়া গো ইয়া—বারান্দি-কৈলেনসকাঠি ?

লকা-ক্ষেতে মাটি তুলতে তুলতে চাষীরা প্রহর করে : মশায়ের সাকিন ?

জীবনপুয়ের পথিক রে ভাই

কোন দেশে সাকিন নাই—

## ইতিহাস

বিশ্বেশ্বর হেন লোকেরও শত্রু আছে। আত্মীয়-বন্ধু নামে পরিচিত তারা। তারা বলে, লেখক? ইয়া—লেখক ছিলেন বটে আগে, যখন বিশেষ্টাঙ্গ কোম্পানিতে কেরানিগিরি করতেন। লেজার-পোস্টিং করতে করতে আঙুল ব্যথা হয়ে যেত। ঐতিহাসিক হবার পর কলম ছেড়ে দিয়েছেন। এখন গঁদের আঠা ও কাঁচি—এই দুই অস্ত্র নিয়ে কারবার। পুরানো কোথায় কি বেরিয়েছে, এইসব উদ্ধার করা তাঁর কার্য। নাকের উপর উচ্চশক্তির চশমা—কিন্তু গবেষণা ক্রমশ যে রকম সূক্ষ্মাতিসূক্ষ্ম হয়ে দাঁড়াচ্ছে, চশমা ছেড়ে অচিরে তাঁকে অণুবীক্ষণের জোঁগাড় দেখতে হবে। রামরতন মুখুজ্যে—যাঁর বাড়ি পুতুলের বিয়ে উপলক্ষে ওয়ারেন হের্টিংস নেমস্তন্ত্র খেয়েছিলেন—ভদ্রলোক বাইশে আশ্বিন বুধবার জন্মেছিলেন, আপনারা জেনে রেখেছেন তো? কিন্তু বিশ্বেশ্বরের ‘কোম্পানির আমল’ বইয়ে জন্মদিন পাবেন আরও আট দিন আগে—ঐ বাইশে তারিখ আটকড়াই-ফুটকড়াই হয়েছিল নবজাতকের। আর এক ব্যাপার—পঞ্জিকার মতে সে বছরের বাইশে শ্রাবণ বুধবারই নয় মোটে—শুক্রবার। বুঝুন, কি সর্বনেশে ভুল চলে আসছে এতকাল! বিশ্বেশ্বরের নতুন বইয়ে এ সম্বন্ধে বিস্তৃত আলোচনা আছে—পড়ে নিঃসংশয় হবেন।

এমনি সব ভয়াবহ সঙ্কটমোচন-ব্যাপারে অহরহ তিনি ব্যস্ত। ছাত্তের উপরের ঘরখানায় থাকেন—যশোধরা স্নেহগলিত কর্তে পরিচয় দেয়, আমার বাবার সাধন-পীঠ। জীর্ণ কীটদষ্ট বইপুঁথি-কাগজপত্র ঠাসা—এক কোণে সঙ্কীর্ণ একটু বিছানা পড়েছে, বিছানায় বসেই ডেস্কের উপর বিশ্বেশ্বর লেখাপড়া করেন। প্রতিটি টুকরো কাগজ সম্পর্কে অতিরিক্ত যত্নশীল—দরজা বন্ধ করে কাজ করেন। কোন-কিছু উড়ে বাইরে চলে না যায়। বাইরের কেউ ঢোকে না সেখানে, স্থানও নেই। আর যশোধরার সতর্ক পাহারায় কারও পক্ষে সম্ভবও নয় একতলা ও সিঁড়ি পেরিয়ে এই জায়গায় উঠে এসে হানা দেওয়া। নিজে সে জানলা দিয়ে কর্মরত বাবাকে দেখে যায় মাঝে মাঝে—কথাবার্তা বলে ব্যাঘাত ঘটায় না। কিন্তু খাওয়ার সময়টা নেমে আসতে বিশ্বেশ্বর একটু বদ্বি গড়িমসি করেন, টেঁচিয়ে অমনি সে কুরুক্ষেত্র বাধাবে।

বিশ্বেশ্বর বলেন, ঘড়ি ধরে কাঁটায় কাঁটায় খেতে হবে, এ তোর অভ্যাস জ্বলুম মা। একটু এদিক-ওদিক হলে কী যায় আসে?

রান্নাঘর থেকে তরলা অমনি বাক্য দিয়ে ওঠেন : আয়না ধরে চেহারা কি হয়েছে দেখে তারপর বোলো। কাজ না, কন্দ না—কী যে হচ্ছে রাতদিন ঘরের মধ্যে মুখ শুঁজে বসে থেকে—

দ্বীপ কথাবার্তা এমনি ধরনের। মূর্খ মেয়েমানুষ—তার কথায় বিশ্বাস কিছু মনে করেন না। কিন্তু মায়ের সঙ্গে মিলিয়ে মেয়েও বলে, কেউ পড়ে না তোমার ওসব লেখা।

পড়ে না, তবে যত্ন করে নিয়ে ছাপে কি জন্মে? একেবারে গোড়ার পাতা খুললেই আমার লেখা।

যশোধরা বলে, ভারি প্রবন্ধ ছেপে কাগজের ইজ্জত বাড়ায়। পড়ে না কেউ—পাঠক তো নয়ই, সম্পাদকও নয়। পড়তে হয় হতভাগ্য কম্পোজিটার আর প্রেস-রিডারদের—না পড়ে যাদের গত্যস্তর নেই।

বিশ্বের অতিমাত্রায় আহত হয়ে বললেন, ভুইও পড়িস নে? তবে যে সেদিন অমলের কাছে অত ভাল-ভাল করছিলি—

যশোধরা নির্লজ্জ কণ্ঠে বলে, আসল বই যতটা তার ডবল হয়েছে ফুটনোট। বারো হাত কাঁকুড়ের চক্ৰিশ হাত বীচি। তখনই বুঝেছি, বিরাট গবেষণা—ও বই নিশ্চয়ই ভাল, লোকে খুব সমীহ করবে। পড়ে দেখতে হবে কেন বাবা?

কিন্তু যশোধরা না হোক অমল অর্থাৎ শ্রীমান অমলেশ সিংহ সত্যিই পড়েছে বইটার আত্মোপাস্ত। পরীক্ষা করলে গড়গড় করে মুখস্থও বলে যেতে পারে—এত যত্ন করে পড়েছে। যেমন রূপ, তেমনি বিজ্ঞাবুদ্ধি—সেই ছেলে বিশ্বের ঠিকানা জোগাড় করে বড়রাস্তায় মোটর রেখে গলির গলি তন্তু গলি পায়ে হেঁটে রাস্তার পচা-পাকে ধুতি-জুতো বিড়্‌ষিত করে এক বিকালে পরিচয় করতে এল।

যশোধরা যথারীতি ভাগিয়ে দিচ্ছিল : বাবা এখন বাড়ি নেই—

তারপর অমলের মুখের দিকে চেয়ে বলল, আপনি বসুন। ফিরতেও পারেন এতক্ষণে। দেখে আসছি।

বিশ্বেরকে বলে-কয়ে ছাত্তের উপর সতরঞ্চি পেতে এক সঙ্গে সকলে জমিয়ে বসল। এরই মধ্যে এক ফাঁকে মাকে বলে এল—তিনি চা তৈরি করে ছাতে পাঠিয়ে দিলেন।

অমলের মতো ছেলে হয় না সত্যি। বিশ্বের যা কিছু লেখেন বা বলেন, শুনতে না শুনতেই আর্হা-হা করে ওঠে। য়ানিভার্সিটির ক্লাস সেরে প্রতিদিনই আসে সে এখানে। নানা কাগজে ছড়ানো বিশ্বেরের লেখা বহুশ্রমে একজ

করে খুঁটিয়ে খুঁটিয়ে সে পড়ে ফেলেছে লম্বা। আলোচনায় মেতে গিয়ে এক একদিন বেশ খানিকটা রাত্রি হয়ে যায়। কাজের ক্ষতি হচ্ছে, তা সত্ত্বেও রসগ্রাহী ভক্তজনকে বিশ্বেশ্বর ছেড়ে দিতে চান না—বলেন, সেই কখন বাড়ি থেকে বেরিয়েছ বাবা, ক্ষিধে পেয়েছে।

মেয়ের দিকে চেয়ে বলেন, কি খেতে দিবি—দেখ তো একবার নিচে গিয়ে।

অমল হাতঘড়ি দেখে ব্যস্ত হয়ে বলে, এত হয়েছে, খেয়াল হয়নি তো! খাবারের দরকার নেই, আমি চলি।

একটু-কিছু মুখে দিয়ে যাও—বললাম যখন। শিগগির মা তুই মোড় থেকে ক'টা সন্দেশ আনিয়ে দে।

তারপর শুভ্র ছু'পাটি দাঁতের স্বচ্ছ হাসি হেসে বললেন, দেখছ তো? সময়-অসময়ের জ্ঞান থাকে না—ভারি পাঞ্জি জিনিস হল ইতিহাস!

জলযোগ করে অমল নেমে চলে গেল। যশোধরা বলে, সন্দেশের ফরমাশ করো বাবা—কত টাকা আছে তোমার তহবিলে?

মুখ শুকনো দেখলাম কিনা—

অধীর কণ্ঠে যশোধরা বলে, কিন্তু সন্দেশ কেন? ঘরে যা আছে, তাই দিতাম।

বিশ্বেশ্বর বলেন, চি'ড়ে-মুড়ি ওরা কি খেয়েছে কখনো? বিষম বড়লোক।

তুমি বাবা ঢের ঢের বড় ওদের চেয়ে। তাই এসে পায়ের কাছে বসে থাকে। বড়লোকের সঙ্গে তাল দিয়ে আমরা পাবব না। 'কোম্পানির আমল'-এ নাম তো হয়েছে—দেনাও কত হয়েছে, হিসেব করে দেখো দিকি।

বিশ্বেশ্বর এতটুকু হয়ে গেলেন। মুখ দিয়ে আর কথা সরল না।

যশোধরা বলে, কৃতান্ত হালদার এসেছিল সন্ধ্যাবেলা। গেল-মাসে কিছু দাও নি। এ মাসও যায়-যায়।

দিই কোথেকে? লোকে মুখেই তারিফ করে, পয়সা দিয়ে বই কেনে না।

ওরা তা বুঝবে না তো! রোয়াকের উপর চেপে বসেছিল, টাকানা নিয়ে নড়বে না। দোষও দেওয়া যায় না—ছাপা শেষ কবে দিয়েছে, সে-ও ধরো এক বছর হতে চলল।

বিশ্বেশ্বরের কণ্ঠ কাতর হঠে উঠল।

আমি যে ছ-বছর একটানা খেটে লেখাটা শেষ করলাম—আমি চেপে বসে কার কাছ থেকে দাম আদায় করি, বল তো মা?

যশোধরা বলে, বিপদ কেমন! সেই সময়টা উপরে অমলবাবু তোমার

কাছে। বলে দিলাম, হেঁদোয় বেড়াতে গেছেন—ধরতে হলে একুনি চলে যান। ওখান থেকে আরও দু-তিন জায়গায় বাবার কথা। হালদার মশায় অমনি লাঠি ভুলে নিয়ে ছুটল।

খিল-খিল করে হেসে উঠল যশোধরা। হাসি থামল বাপের ঘাড় নাড়া দেখে।

কাঁচা কাজ করলি মা। এ্যাঙ্গিনের মধ্যে ভাল করে দুটো কথা শুছিয়ে বলতে শিখলি নে। হেঁদো বলতে গেলি কেন? ঘুরে ফিরে আবার এসে হাজির হবে। দিল্লি-সিমলে না হোক—নিদেন পক্ষে বর্ধমান-আসানসোলেও পাঠাতে পারতিস। দু’দিনের মতো নিশ্চিন্ত থাকতাম।

যশোধরারও এখন মনে হচ্ছে বটে—এত কাছাকাছি না হয়ে দূর-দূরান্তরে পাঠিয়ে দিলেই হত। এই এক মুশকিল, লাগসই কথা ঠিক সময়ে ঠোঁটের আগায় পৌছয় না।

বিশ্বেশ্বর বললেন, জানলা দুটো বন্ধ করে দে—

যা গুমট পড়েছে, জানলা দিয়ে এই অন্ধকূপে থাকবে কি করে?

কি করা যাবে? যত বেটা রাস্তা থেকে উকিরুকি দেয়। কৃতান্তটা দেখতে পেল চাঁচিয়ে পাড়া মাত করবে।

যশোধরা জানলা বন্ধ করে ছাতে এসে দেখে অন্ধকারে অমল দাঁড়িয়ে আছে : ফিরে এলেন আবার?

আমল কথাই ভুলে গিয়েছিলাম।

বিশ্বেশ্বরের কাছে গিয়ে অমল তাঁরই কথার পুনরাবৃত্তি করে, ভারি পাজি জিনিস ঐ ইতিহাস—সমস্ত গোলমাল করে দেয়। পরশুদিন সন্ধ্যাবেলা একটু পায়ের ধুলো দিতে হবে আমাদের বাড়ি। বাবা বলে দিয়েছেন। বাতের ব্যাথায় শয্যাশায়ী—নইলে তিনি নিজেই আসতেন।

যশোধরা বলে, কাজকর্ম ছেড়ে বাবা তো যান না কোথাও—

একটুখানি উপলক্ষ আছে। জন কয়েক ঐদিন এর সঙ্গে পরিচিত হবার জন্য আসবেন। নিতান্ত ঘরোয়া ব্যাপার। আপনার বইয়ে শিবশঙ্কর কথা লিখেছেন—হিসেব করে দেখুন, ঐ দিন তিনি মারা যান।

বিশ্বেশ্বর আশ্চর্য হয়ে বললেন, মারা গেলেন কি কোথায় গেলেন—তা তুমি জানলে কি করে? নতুন আবার কোন-কিছু বেরুল নাকি?

অমল বলে, আপনার উপরে আবার কে কি বের করবে? এত নিষ্ঠা কার? কোম্পানির লোক একেবারে মেরে ফেলেছিল—আপনি শিবশঙ্কর পুনর্জীবন দিয়েছেন।



বিশ্বেশ্বর বললেন, সে যাই হোক, তোমরা কিন্তু বিষয় একটা ভুল করেছ। মরার কথা বইয়ের কোনখানে নেই। পালকি চড়ে সকালবেলা ইম্পি সাহেবের সঙ্গে দেখা করতে রওনা হলেন, এই অবধি জানতে পারা যায়। ঐদিনই যে মরেছিলেন, তার কোন প্রমাণ নেই। এমনও হতে পারে, কোন গোপন আয়গায় তাঁকে আটকে রেখেছিল, বহু বহু বছর পরে তিনি মারা যান।

অমল বলে, তবু পরশু একটা বিশেষ তারিখ আমাদের পক্ষে। আর এই অহুসানে সভাপতি হবার যোগ্যতা আপনার মতো আর কারো নয়।

যশোধরা জিজ্ঞাসা করে : শিবশঙ্কু সিংহ কেউ হন বুঝি আপনারদের ?

আমাদের পূর্বপুরুষ।

বিশ্বেশ্বরের দিকে চেয়ে বলে, গোষ্ঠিপতি সিংহদের অনেক কীর্তির কাহিনী আপনার বইয়ে আছে। সেই মহাবংশের অধমাদম সন্তান আমরা। বাবা বলে দিয়েছেন, পঞ্চাশখানা বই লাগবে ঐদিন বন্ধুবান্ধবদের দেখেন। বাজারে অত বই পাওয়া যাবে না হয়তো- আপনার দপ্তরিকে বলে বাঁধিয়ে রাখেন যদি।

যশোধরা ভাবে, ছাতে এসে কতক্ষণ দাঁড়িয়ে ছিল—কুতাস্ত হালদারের ব্যাপার সবটা শুনে ফেলেছে হয়তো। বিশ্বেশ্বরের ও ঘটকা লাগে, ‘কোম্পানির আমল’ নিয়ে গদগদ অবস্থা শিবশঙ্কুকে তিনি আকাশে তুলে ধরেছেন, সেইজন্তেই নাকি ? শিবশঙ্কুর সম্পর্ক না থাকলে এত উচ্ছ্বাস করত কি সে তাঁর গবেষণা নিয়ে ?

জালিয়াতির অভিযোগে মহারাজ নন্দকুমারের ফাঁসি হয়েছিল—আমল কারণ অবস্থা হেষ্টিংসের ব্যক্তিগত আক্রোশ। এ সমস্ত সকলের জানা। জানেন না নন্দকুমারের পরমবন্ধু শিবশঙ্কু সিংহের কথা। তার কারণ, আত্মপ্রচারে অত্যন্ত অনচ্ছুক ছিলেন তিনি নিজেকে পিছনে রেখে কাজকর্ম করতেন। হেষ্টিংসের ব্যক্তিগত চিন্তিতে এই মানুষটির সম্বন্ধে সতর্ক হবার নির্দেশ আছে। বিশ্বেশ্বর সরকারি নথিপত্র থেকে আকস্মিক ভাবে তাঁকে আবিষ্কার করেছেন। সেই গোড়ার আমলেই ইংরেজের কু-মতলব যারা ধরতে পেরেছিলেন, কুশাগ্রবুদ্ধি শিবশঙ্কু তাঁদের একজন।

শিবশঙ্কুর শেষ-পরিণাম রহস্যময়। সুপ্রিমকোর্টেব এক জজের সঙ্গে এলি চোখ করতে গেলেন, তারপর থেকে আর খবর নেই। পাক্ষিক করে গিয়েছিলেন সিংহ-বেহারারা কখন ফিরল, ফিরে এসে কি বলল—এ সম্পর্কে কোনর লেখাজোখা পাওয়া যায়নি কোথাও। হেষ্টিংসের অসংখ্য কু-কীর্তির ম

এ-ও একটা, লক্ষ্যে নেই। বিশেষর বইয়ে লিখেছেন এ কথা। নন্দকুমারের ব্যাপারে দেশময় বিক্ষোভ হয়েছিল, ফাঁসির দিন লোকে দলে দলে গণাস্ত্রান করেছিল, ফেরক-শহর কলকাতা ছেড়ে চলেও গিয়েছিল বহু জন—শিবশঙ্কর ক্ষেত্রে সেজন্য বিচারের ভান না করে স্বগোপনে লম্ববত কার্য লম্বা হয়েছিল।

দেশীয় প্রথায় গালিচার উপর তাকিয়া সাজিয়ে সভাপতির আসন। সামনে দেয়ালজোড়া সুবিশাল তৈলচিত্র।

ইন্দুশেখর বললেন, আজ্ঞে হ্যাঁ—তিনিই। ঠিক তৃতীয় ছেলে শিতিকর্ষ হলেন প্রপিতামহ। তা'হলে সম্পর্কে শিবশঙ্কর আমার বৃদ্ধ-প্রপিতামহ হলেন।

বিদগ্ধ-জনের মধ্যে প্রাণ-ঢালা প্রশংসায় বিশেষর অতিমাত্রায় সজ্জিত হলেন। এতো সম্মান এই প্রথম পেলেন তিনি জীবনে। দু-কথা শুধিয়ে বলবেন সে ক্ষমতাও লোপ পেয়ে গেছে। ছবির কাছে গিয়ে নিবিষ্ট হয়ে দেখতে লাগলেন। ছবির মানুষটি ভারি প্রীত হয়েছে—সকৌতুকে চোখ তুলে হাসছে যেন তাঁর দিকে চেয়ে চেয়ে।

ইন্দুশেখর বললেন, দেশের লোকের কথা বলতে পারিনে—কিন্তু সিংহ-পরিবার কেনা-গোলাম হয়ে রইল আপনার কাছে। আমাদের অভুল গৌরব দান করেছেন। আপনার কোন কাজে যদি লাগতে পারি, নিজেদের ভাগ্যবান মনে করব।

এইবার কথা ফুটল বিশেষরের মুখে।

কিছুই আমি করতে পারিনি। না-না, বিনয়ের কথা হচ্ছে না—অত বড় একটা জীবনের খাপছাড়া একটুআধটু বৃত্তান্ত পাওয়া যাচ্ছে। বেশির ভাগই অজানা।

ইন্দুশেখর সবিনয়ে বললেন, আমরা অবশ্য মুখ্য-মুখ্য মানুষ। তবু আমার যদি এ সম্বন্ধে কিছু করণীয় থাকে—

বৃটিশ-মিউসিয়ামে কোম্পানির আমলের নথিপত্র অনেক আছে। সেখানে খোঁজ করতে পারলে হয়।

অমল বলে, একথা তো বলেন নি আমায়। আমারই দু-তিনটি বন্ধু

বিলেতে আছে—

জানলে

ইন্দুশেখর বললেন, যাকে তাকে দিয়ে কাজ হয় না। আপনি নিজে যেতে

অমল

কারণ ? তো বলুন বিশেষরবাবু। আমি ব্যয় বহন করব। নয়তো স্থলকলঙ্কান

গুনজীর্জন

বন—এদেশে-ওদেশে যা খোঁজাখুঁজি করতে হয়, তার বন্দোবস্ত করব।

সে কি সমাদরের ঘটনা! সেকালে গুরুঠাকুর এলে গৃহস্থ এমনি করত।

এত ঐশ্বর্য ও এমন প্রতিপত্তি—ইন্সপেক্টর তবু যেন মাটির মাছ। শিবশঙ্কর বংশধর বলেই হতে পেরেছেন এমনটা। অমলের মা-ও তেমনি। বনেদি বাড়ির বউ—ঠিক সামনে এলেন না, কিন্তু বিশ্বেশ্বরের খাওয়ার সময়টা লবঙ্গ দরজার আড়ালে বসে—এটা দাও, ওটুকু না খেলে চলবে না—এমনি বলতে লাগলেন। এরপর বিশ্বেশ্বর যাকে পেয়েছেন—সিংহ-পরিবারের প্রশংসা শতমুখে করেছেন তার কাছে।

পাশ করে অমল দিল্লিতে সরকারি চাকরি পেয়েছে। একমাত্র ছেলের সঙ্গে বাপ-মাও গেলেন সেখানে। বিশ্বেশ্বরের সঙ্গে যোগাযোগ আছে চিঠিপত্রের মারফতে। দু-বছর পরে ছুটি নিয়ে অমলরা কলকাতায় এল।

কেমন আছেন? দেখতে এলাম। যশোধরা যেন রোগা-রোগা হয়ে গিয়েছে। তারপর—কাজকর্ম আপনার কি রকম এগোল বলুন।

পুলকিত স্বরে বিশ্বেশ্বর বললেন, অনেক মাল-মশলা হাতে এসেছে তোমার বাপের অস্থগ্ৰহে। বিস্তর নতুন নতুন কথা জানা গেল। পুরানো বই আর লোকের কাছে বের করা চলে না। নতুন সংস্করণ বের করব। পাতা অনেক বাড়বে, অন্ততপক্ষে চতুর্গুণ তো হবেই।

শিবশঙ্কর সম্বন্ধে জানলেন আর কিছু?

অনেক—অনেক। একবারে তাজ্জব ব্যাপার!

আবদারের ভাবে অমল বলে, এবারে ছাপবার খরচটা কিন্তু আমাদের।

একটুখানি থেমে জোর দিয়ে আবার বলে, বাবা বলছিলেন তাই। মানে—লিখবার ক্ষমতা নেই তো, কিছু টাকা খরচ করে পুণ্য-কর্মে সহভাগী হওয়া।

যুগসন্ধিব এক বিচিত্র কাহিনী। মোহেজোদারোর মতোই বিশ্বত এক বৃহৎ কালের নতুন আবিষ্কার। জঙ্গল ও নর্দমার পুতিগন্ধে আচ্ছন্ন মাত্র পৌনে দু-শ বছর আগেকার ফেরঙ্গ-শহর কলিকাতা। মাংসভ্রাতার অবস্থা—এক শাসন-ব্যবস্থা উন্মূলিত হয়ে আর এক শাসনের প্রতিষ্ঠা হতে যাচ্ছে। সমুদ্র-তরঙ্গের মতো সমুদ্র-পাথরের অভিনব এক জীবন-রীতি দুরন্ত আঘাত হানছে সমাজের ক্ষয়িষ্ণু সনাতন বাঁধের উপর। অমলেশ পাণ্ডুলিপি পড়ছে। ছবির পর ছবি—সরকারি রেকর্ড, ব্যক্তিগত চিঠি, হাকিমের রায় ও গোপন নথিপত্রে এখানে একটি ছত্র ওখানে দুটি ছত্র ছড়িয়ে ছিল—ছড়ানো অস্থিমাংস একত্র করে বিশ্বেশ্বর প্রাণপ্রতিষ্ঠা করেছেন। সেকালের অতীত মাহুষগুলি তীক্ষ্ণ স্মৃষ্টি কণ্ঠে কথা বলছে একালের সঙ্গে। পাতার পর পাতা চোখ বুলিয়ে তাড়াতাড়ি এসে পৌঁছল তাদের কথা এসেছে যেখানটায়। সিংহ-বংশের কথা, এবং বংশের উজ্জলতম মণি শিবশঙ্কর কথা—

এ সব কি লিখেছেন ?

একটাও মন-গড়া কথা নয় । তোমার বাবার অল্পগ্রহে ছুপ্রাপ্য কাগজপত্র পেয়েছি । দেখ, তুমিই পড়ে দেখ না—

ডেল থেকে অতি-সাবধানে রাখা একটা ফাইল বের করে দিলেন ।

পড়ো বাবা।—পড়লে ? এইবার বলো দিকি, তোমায় লিখতে বললে ঠিক এই সবই লিখতে কিনা ?

অমল নেমে চলে গেল । এবং অনতিপরেই তরলা ছকার দিয়ে পড়লেন ।

কি ছাইভস্ম লিখেছ তুমি ?

বিশ্বেশ্বরও ক্ষেপে গেলেন ।

কে বলেছে ? ছাই ঠেলে আমারই বলে পরমায়ুর অর্থে কমে গেল—  
দেখগে, অমল মুখ ভারী বসে আছে নিচে—

তা বলে একটা বাজে-কথা লিখেছি, বলতে পারবে ? ডাক দাও, বলে থাক আমার মুখের উপর—

তরলা বলেন, ছিঁড়ে কুচি-কুচি করে ফেল । ইয়া—আমি বলছি । মেয়ের বাপ তুমি—মেয়ের মুখ চেয়ে তোমায় করতে হবে ।

খানিকটা ঝগড়াঝাটি হল । অবশেষে বিশ্বেশ্বর বললেন, আচ্ছা, যাও তুমি । ভেবে দেখছি ।

বাড়িটা থমথমে । অল্পসল্প যে যোগাযোগ স্ত্রী-কন্নার সঙ্গে, তাও বিলুপ্ত যেন আজ । বিকালে যশোধরা স্নান মুখে ছাতের প্রান্তে এসে দাঁড়াল—  
বাপের ঘরের দিকে তাকিয়েও দেখল না । বিশ্বেশ্বর ডাকলেন, শোন্—

আর্দ্রাশ্বরে বিশ্বেশ্বর বললেন, সমস্ত দিন ভেবেছি মা । চেষ্টা করে ছাঁট-কাটও কিছু কিছু করলাম । কিন্তু একেবারে ওলট-পালট করা যায় কেমন করে ? তোমার মাকে তুই বুঝিয়ে বল একটু ।

পরদিন অভাবিত ব্যাপার—ইন্দুশেখর নিজে চলে এলেন বাতের ব্যথা উপেক্ষা করে । সরাসরি ছাতে উঠে এলেন ।

খোল ভাই, দরজা খোল । তোমার সাধন-পীঠ দেখতে এলাম ।

বিশ্বেশ্বর তটস্থ হয়ে দরজা খুললেন । ভিতরে এসে এদিক-ওদিক তাকিয়ে মুহূর্তেই ইন্দুশেখর বলেন, বাঃ বাঃ—বই-কাগজ ছড়িয়ে নৈমিষারণ্য বানিয়ে নিয়েছ । সাধনার স্থানই বটে ! শহরের মধ্যে এরকম শান্তির জায়গা ভাবতে পারা যায় না । অমল কেন এত আসত, বুঝতে পারছি । সার্থক জীবন ভাই তোমার ।

বিশ্বেশ্বর সন্তুষ্ট হয়ে পড়েছেন । কি করে সন্ধান করবেন—কি বলবেন,

কোথায় বসাবেন—ভেবে পান না। উদার ইন্দুশেখর বলেন, থাক থাক, ব্যস্ত হতে হবে না। ঘরের লোক তো আমি। লোভ হচ্ছে এরই মধ্যে বতর্কণ পারা যায় বসে থাকতে।

বিশ্বেশ্বরের মলিন বিছানার প্রান্তে বসে পড়ে চুপুট ধরালেন। মুখ ফেরালেন অশ্রুট আওয়াজ শুনে। ভয়ব্যাকুল বিশ্বেশ্বর আমতা-আমতা করে বলেন, এত সমস্ত কাগজপত্র—এমন জিনিসও আছে, হীরের ওজনে দাম হয়—ধরুন, একটু ফুলকি গিয়ে যদি পড়ে—

ঠিক, ঠিক! ফুলকি না-ও যদি পড়ে, বাণীর পীঠস্থানে ধূমপান—সে-ই আমার ভয়ানক অপরাধ।

চুপুট ছুঁড়ে ফেলে দিলেন ছাতে। কাগজের দাম হীরার ওজনে হয়—এই কথাটায় হাসলেন তিনি মুখ টিপে। এত মূল্যবান সম্পত্তি ঘরে রেখেও ছাপাখানা ও হরেক রকম দেনার দায়ে একশ গুণা মিথ্যা রচনা করতে হয়—এ কাহিনী শুনোছিলেন তিনি অমলের কাছে।

তারপর অন্তরঙ্গ ভাবে বললেন, শোন ভাই, মাঘ আর ফাল্গুন দু-মাসের ছুটি নিয়ে অমল এসেছে। এরই মধ্যে ছেলের বিয়েথাওয়া দিয়ে বউমাকে সঙ্গে করে নিয়ে চলে যাব। তোমায় আত্মীয়তা-নৃত্তে পেতে চাই। আমার ইচ্ছে, অমলের মা'রও ভারি ইচ্ছে। অবিশ্রি সারা দেশের মানুষই তোমার আত্মীয়। তবু—

বিশ্বেশ্বর অবাক হয়ে তাকালেন। উচ্ছ্বসিত হাসি হেসে ইন্দুশেখর বললেন, বুঝতে পারছ না? ভাই না বলে বেহাই বলব—এই দরবারে এসেছি।

বিমূঢ় বিশ্বেশ্বর তবু ঘেন কথাটা বুঝতে পারছেন না : আমার অবস্থা তো জানেন—

ইন্দুশেখর বললেন, অপমান কোরো না ভাই। ছেলে-বিক্রি সিংহ-বাড়ির ব্যবসা নয়। চিরকাল দিয়েই এসেছে তারা। আমাদের শিববাড়ি অঞ্চলে গেলে দেখতে পাবে কত দীঘি, মন্দির, জাঙাল—

ঐতিহাসিক মাথা চাড়া দিয়ে ওঠে। সসঙ্কোচে বিশ্বেশ্বর বললেন, জাঙালটা কিন্তু আপনাদের নয়। নন্দকুমার টাকা জমা রেখে দিয়েছিলেন। তাঁর মৃত্যুর পরে শিবশঙ্কু সেই টাকায়—

বিরক্ত হয়ে ইন্দুশেখর বললেন, দেশস্বত্ব লোক বলে আসছে সিংহির জাঙাল—

ভুল বলে। আসল কথা জানতে পারলে আর বলবে না।

কণ্ঠের দৃঢ়তায় ইন্দুশেখর চমকে গেলেন।

আসল কে জানতে যাচ্ছে ? আর তোমার বইয়ে যদি একছত্র লিখে দাও, হাজার লোকের ঢাক পেটানোর চেয়ে অনেক বেশি কাজ হবে।

বিশ্বেশ্বর সবিনয়ে বলেন, আমায় উল্টো কথাই যে লিখতে হয়েছে লিংহ মশায়—

মানে ? অকুণ্ঠিত হল ইন্দুশেখরের : লিখতে হয়েছে—জোর করে ধরে লেখাচ্ছে নাকি কেউ ?

বিশ্বেশ্বরের স্বর কাতর হয়ে উঠল : তাই। ধরে লেখানোই বটে ! আপনার দয়ায় এই সব পুরানো রেকর্ড পেয়েছি। পড়ে দেখুন, অন্য কিছু লেখা যায় কিনা !

ইন্দুশেখর হাত দিয়ে ঠেলে দিলেন কাগজপত্র : তুমিই ঘেঁটে ঘেঁটে পক্ষোদ্ধার করছ। আর কারও সাধ্য হত না এত সমস্ত বের করবার।

তা সত্যি। আত্মগৌরবে বিশ্বেশ্বরের মুখে হাসি ফুটল : যত গোবর-গণেশ পরের ধন বাটপাড়ি করে ইতিহাস লেখে। কি তারা জানে, আর কি লিখবে বলুন ?

ইন্দুশেখর স্পষ্টস্পষ্টি এবার কথা পাড়লেন : তোমার মেয়ের স্বপ্নরকুল অসম্মানিত হবে, দেশের লোক তাঁদের গায়ে থুথু দেবে—এটা নিশ্চয় চাও না তুমি—

সে কি কথা ! নিশ্চয় নয়, কক্ষনো নয়—

তা হলে যা লিখেছ, ছিঁড়ে ফেলে দাও। পুরানো কাগজপত্র আগুনে পোড়াও।

বিশ্বেশ্বর নির্গিমেষ চোখে চেয়ে আছেন। ইন্দুশেখর বলতে লাগলেন, মেয়ের প্রতি নিশ্চয় তোমার কর্তব্য আছে। অজানা অচেনা মরা মানুষ-গুলোর চেয়ে মেয়ে নিশ্চয় বেশি আপনার। আচ্ছা, ছিঁড়বে কি না—ছিঁড়বে—আজকের দিনটা বরঞ্চ ভেবে দেখ। কাল খবর দিও। তারপর পরশ-তরুণ এসে মা-লক্ষ্মীকে পাকা দেখে যাব।

কথা শেষ করেই উঠলেন। ধীর পায়ে একটা একটা করে সিঁড়ি অতিক্রম করে বেরিয়ে গেলেন, পিছন ফিরে তাকালেন না।

সারাদিন বিশ্বেশ্বর ভাবছেন। ভাবতে ভাবতে মাথা গরম হয়ে ওঠে। বার বার পড়ে দেখছেন, কোন কোন অংশ বাদ দেওয়া যায়। বাদ দিতেই হবে—মেয়ের উপর কর্তব্য আছে।

যশোধরা এসে স্নেহকণ্ঠে ডাকল : ছুয়োর খোল বাবা। ধূলো জমে জমে বিচ্ছিরি নোংরা হয়ে আছে। বেড়েপুঁছে দিয়ে বাই।

বদলাতেই হবে। অতীত মানুষদের চেয়ে জীবিতের জোর বেশি। এরা ভালবাসা দেয়, অবরুদ্ধ করে পাওনা আদায় করে। পাওনার চেয়ে বেশিও চায় এরা।

রাত হল। রাত্রির এক প্রহর অতীত হয়ে গেছে। বিশ্বের অকুল-সমুদ্র হাতড়ে বেড়াচ্ছেন এখনো। ইতিহাসের শুধুমাত্র মরা কাহিনী নয় তাঁর কাছে—বড় বেশি চেনা-জানা ওদের সঙ্গে। বোধকরি নিচের তলায় নিযুক্ত তরলার ও যশোধরার চেয়েও। অতীতের নিরুদ্ধ ষার কোন মস্ত্রে খুলে গেছে—সর্বকালে স্বচ্ছন্দ-বিচরণ তাঁর। সেই তো হয়েছে মুশকিল। কার কি রকম চেহারা পালটাবেন? কলম তুললেই যেন বহুকণ্ঠ কথা বলে ওঠে। কষ্ট হয় শিবশঙ্কর জন্ত। বড় দরদ দিয়ে লিখেছিলেন ‘কোম্পানির আমলে’ শিবশঙ্কর অধ্যায়টি। সেই ভালবাসার জনকেই ছুরি মারতে হল। পাগড়ি-আচকান-পাজামা-পর্য্য তৈলচিত্রে-দেখা শিবশঙ্কর যেন দু’টি হাত যুক্ত করে কাতর চোখ তুলে বলেন, বিকৃত দুর্গন্ধ দেহ নদীতীরে ঘুণায় কূলে ছুড়ে দিয়ে গেল—শিয়াল-শকুনে ছিঁড়ে খেল এক একটা অঙ্গ—অনেক তো হয়েছে! আমায় মার্জনা কর। নতুন শান্তির জন্ত শাস্তকালের সামনে দাঁড় করিও না আর আমায়।

ওদিকে মহারাজ নন্দকুমার। বিশাল পুরুষ—ফাঁসির দড়ি মালার মতো বেরিয়ে এসেছে, দীর্ঘায়িত জিহ্বা বুলে পড়েছে বৃকের নিম্নভাগ ঢেকে। অস্পষ্ট অবোধ্য স্বরে তিনি বলছেন, ইংরেজ হত্যা করল, পরম-বন্ধুরা বিশ্বাস-ঘাতক হল—ঐতিহাসিক, স্ত্রায়ের দণ্ড তোমার হাতে—তুমি বিচার করো।

শুয়ে পড়লেন আলো নিভিয়ে। ক্ষীণ জ্যোৎস্না বিছানায় এসে পড়ল। মৃদঙ্গ-নিকণ—কীর্তনানন্দে মাতোয়ারা কারা অনেক দূরে...অশ্বের হ্রেষা... আঙুন লেগে যেন পুড়ে যাচ্ছে নগর-বন্দর, আকাশ-চেরা আর্তনাদ...মিষ্টি রিনরিনে গলায় কিশোরদল কোথায় পাঠ অভ্যাস করছে...

হঠাৎ ঘুম ভেঙে বিশ্বের অসুভব করলেন, ঘরের মধ্যে মানুষ। ঘুম সত্যি সত্যি ভেঙেছে কিনা, সন্দেহ হচ্ছে। এতক্ষণ যাদের সঙ্গে ঘুরছিলেন, রক্তমাংসের দেহে মূর্তিমান হয়ে এল নাকি তাদেরই কেউ? কী যেন খুঁজছে, ভেঙ্কের তালার গায়ে এ-চাবি ও-চাবি পরখ করছে।

তুই?

তড়াক করে উঠে স্নাইস টিপলেন। যশোধরা বাপের মুখোমুখি তাকাল। শেষরাত্রে এই প্রথম লক্ষ্য হল, অনেক কৈদেছে সে—ঘনপদ্ম চোখ দুটির নিচে অঙ্গ শুকিয়ে আছে।

ঘরে ঢুকলি কেমন করে ? কি করছিলি ?

যশোধরা বলে, বড্ড নোংরা হয়ে আছে কিনা—

নোংরা কি ডেকের ভিতরে ?

ঘাড় নেড়ে অসঙ্কোচ কঠিন স্বরে যশোধরা বলে, তাই । যত আবর্জনা  
পুঁরে চাবি দিয়ে রেখেছ । সম্মানী মানুষদের জঘন্ত কুংসা ।

যাচাই করে নিঃসন্দেহ হয়ে তবে নিয়েছি । মিথ্যের বেসাতি আমি  
করিনে ।

যশোধরা আঙুন হয়ে বলে, তোমার শেখানো মিথ্যে বলে বলে পাওনা-  
দার তাড়াচ্ছি—ভাল করে কথা ফোটেনি, সেই বয়স থেকে । সত্যের বড়াই  
অন্ত জায়গায় কোরো বাবা, আমার কাছে নয় ।

বিশেষ্বরের মুখ ছাইয়ের মতো হয়ে গেল । ধীরে ধীরে বললেন, গরিব—  
কানাকড়ি সম্বল নেই—ঠিক বলেছিস মা, সংসার আমার মিথ্যাচারে ভরা ।

যশোধরা বলতে লাগল, তোমারই মেয়ে তো ! বিকেলে ঝাঁট দেবার  
লময় ওপাশের দরজার ছিটকিনি খুলে রেখে গিয়েছিলাম । ধরা পড়ে  
গেলাম । কিন্তু বলে যাচ্ছি, ঐ সব পুড়িয়ে না ফেল তো আত্মহত্যা করব  
আমি ।

ছ-হাতে মুখ ঢেকে ঝড়ের বেগে সে ছুটে বেরল । বিশেষ্বর তেমনি  
বসে আছেন । আর একবার পড়লেন ঐ অংশটা । অহুরোধ-উপরোধে  
বারম্বার পরিমার্জনা করে কয়েকটি ছত্রে এসে ঠেকেছে :

শিবশঙ্কু সিংহ আসলে ওয়ারেন হেস্টিংসের চর । হেস্টিংস যত উৎকোচ  
লইতেন, তাহার অধিকাংশ শিবশঙ্কুর হাত দিয়া পৌঁছিত । কিন্তু অতিশয়  
ধূর্ত লোকটি—বাহির হইতে কিছু বোঝা যাইত না । অবশেষে অন্তরঙ্গদের  
মধ্যে কু-কীর্তির কিছু কিছু প্রকাশ পাইল । এখন যেখানে চাঁদপাল-ঘাট,  
উহার নিকটবর্তী এক অশ্বখ-তলে তাঁহাকে হত্যা করিয়া মৃতদেহ গঙ্গায়  
ভাসাইয়া দেওয়া হইয়াছিল—

ফুটনোটে প্রমাণের ঠাসাঠাসি, তিল পরিমাণ তর্কের অবকাশ নাই । কিন্তু  
পোড়াতেই হবে শেষ পর্যন্ত । শুধু শিবশঙ্কু-কথা নয়—‘কোম্পানির আমল’-  
এর সমগ্র পাণ্ডুলিপি । ও বই আর বেরবে না ।

ভোর না হতেই বিশেষ্বর বেরিয়ে পড়লেন । কৃতান্ত হালদারের দরজায়  
ঘা দিলেন । হালদার চোখ মুছতে মুছতে দরজা খুলল ।

তোমার কাগজটা বেরোয় না আজকাল ?



পরশু-তরশু বেঁকবে তিন মাস বন্ধ থাকবার পর। বেরোয় কি করে বলুন? আপনাকে বলতে কি—গ্রাহক নবর আছে ছ'হাজার-একুশ অবধি। ছ'হাজার অকটা তাঁওতা—কুল্যে এখন একুশে এসে ঠেকেছে।

বেশ, বেশ!

অচিরে কাগজ বেঁকবে, অথবা গ্রাহক-সংখ্যা মোট একুশ—কোনটার জন্ত বিশেষর তারিফ করলেন, বোঝা গেল না।

এই একটু লেখা এনেছি তোমার জন্ত—

কৃতান্ত পরম কৃতার্থ হয়ে হাত পেতে নিল।

আর, শোন—আমি নিজে এসেও যদি চাই, কখনো ফেরত দেবে না। একুনি কম্পোজ ধরিয়ে দাও।

একুশ জন গ্রাহকের কথা বলল, তা-ও নেই সম্ভবত। কেউ পড়ে না কৃতান্তর কাগজ—সরকারি নিলাম-ইস্তাহার ছেপে কোন গতিকে টিকে আছে। তবু বিশেষর সাহসনা পাচ্ছেন। ছাপা হয়ে থাকুক। নিরবধি কালে বিপুল। পৃথিবীতে কত অহুসঙ্কানী জন্মাবে। ভাগ্যবানও কেউ কেউ থাকবে—বিশেষরের মতো যারা দরিদ্র ও কল্যাণায়গ্রস্ত নয়। কৃতান্তর কাগজের অভিজ্ঞান থেকে তারাই মাহুষের পরিচয় ঘটিয়ে দেবে বিশ্বত কালের সঙ্গে।

## একটুকু বাসা

কোর্ট থেকে ফিরে নৃত্যলাল হাঁক পাড়ছেন, ও মা! স্থাসিনী রোজ হুপূরে অন্নদা-খুড়িকে মহাভারত পড়ে শোনান। আজও হচ্ছিল। এবং তার পরে যেমন হয়ে থাকে—মহাভারত গড়াচ্ছে মেজের উপর, চোখ বুঁজে নিঃসাড় হুজনে। উহ, অন্নদার সাড় আছে—চোখ বুঁজলেই তাঁর আবার নাক ডাকে।

নৃত্যলাল গজর-গজর করেন: বুড়োমাহুষটা আধপোড়া হয়ে আসছে, সে হাঁশ কারো নেই। বেশ, কাউকে চাচ্ছি নে—কোথায় আমার মা-জননী?

স্থাসিনী ধড়মড় করে উঠে বসলেন: কি বলছ? যুচ্ছে বোধহয় বউমা। কি দরকার, আমায় বলো।

নৃত্যলাল আরও রেগে যান: চিরটা কাল তুমি খেটে মরবে তো এদেশ-সেদেশ খুঁজে বউ নিয়ে এলাম কেন ঘরে?

ছেলেমানুষকে তাই বলে বুঝি সব সময় তাড়িয়ে নিয়ে বেড়াবে ? কিংকরে হেসে উঠে বললেন, রাতে তেমন ঘুম-টুম হয় না বোধহয় ।

সে-ও তোমার দোষ । পরের মেয়ে এসেছে—দেখা উচিত তার স্ববিধে-অস্ববিধে । আজ থেকে সন্ধ্যা হলেই তাকে ঘুমতে হবে । না ঘুমলে শুনবই না । কিন্তু দিনে ঘুমানো অত্যন্ত বদ, শরীর মেদের টিবি হয়ে পাড়ায়—

সুহাসিনী হেসে বলেন, তার মানে তাস খেলতে হবে তো তোমার সঙ্গে ।

নিজের ঘরে গেলেন নৃত্যলাল । সেখান থেকে চিৎকার করে শুনিয়ে শুনিয়ে বলছেন, এমন মা দেখিনে বাপু ! ছেলটা রোদে তেতে-পুড়ে এলো, তিনি বেহুঁশ হয়ে আছেন । আমার সেকালের সেই মা বেঁচে থাকলে ছুটে এসে পড়তেন এতক্ষণ । এখনকার মাগুলো পাষণ ।

আর মাকের-কোঠায় অলকা ছটফট করছে । কিন্তু প্রতুলের হাত ছাড়াবে কেমন করে ? না, থাকো শুয়ে যেমন আছ । হবে না । আড়াই পহরে এখন মা-জননী ! কাজকর্মে তো মন নেই—মক্কেল ভাগিয়ে কোর্ট পালাতে শুরু করেছেন ।

অলকা বলে, ছেলে যেমনধারা কলেজ পালায়—

আঃ—প্রতুল তার মুখে হাত দিয়ে কথা ঠেকায় ।—দিবি্য দেশ ঘুমিয়ে রয়েছে, ঘুমন্ত মানুষ বকবক করে নাকি ?

মুখখানা টেনে নিল একেবারে বুকের উপর । আলুল চুলের রাশি ছড়িয়ে পড়েছে । গায়ের জোরে পারা যায় পু-ষের সঙ্গে ? অতএব ঘুমিয়েই আছে অলকা—খণ্ডরের কাকুতিতে লাড়া দেবার জো নেই ।

খণ্ডরটিও নাছোড়বান্দা । সাজ-পোশাক ছেড়ে একেবারে দরজায় এসেছেন ।—উঠে আয় মা । বিকেল হয়ে গেছে—এখনো ঘুম ? তোর শাঙড়ি ডাকছে । কী অবাধ্য বউ রে, শাঙড়ির কথা শোনে না ! কালকের দুটো ফোঁটা ধরা আছে, আর তিনটে হলেই পাঞ্জা । পারবে ওরা আমাদের মা-পোয়ের সঙ্গে ?

বা দিচ্ছেন দয়জায় । জোরে—আরও জোরে । নিতান্তই মারা না গেলে এর পরে পড়ে থাকবার কথা নয় । অলকা জড়িত কণ্ঠে বলে, এলে গেছেন বাবা ? আমিও ভাবছি, খেলার আধাআধি হয়ে আছে—তাস দিতে লাগুন বাবা, আমি যাচ্ছি ।

নৃত্যলাল নড়লেন না । কাঁচা-কাজের মানুষ তিনি নন । ছেলেমানুষ, তায় ঘুম ধরেছে । অন্নদা-খুড়ি আর সুহাসিনী ওদিকে যে তাস পাতিয়ে বলেছেন

—সে দায়িত্ববোধ থাকে এই বললে ? ছেড়ে গেলে আবার হয়তো বিছানায় গড়িয়ে পড়বে। তাগাদা দেন : কি হল রে ? আমি দাঁড়িয়ে আছি—

সব চেয়ে বড় মুশকিল, খিল খোলা মাজ্জই নৃত্যলাল ঢুকে পড়েন যদি ঘরে—যে ব্যস্তবাগীশ লোক, কিছুই বিচিন্তা নয়। তা বুদ্ধি রাখে অলকা। পাখির মতো ফুড়ুং করে বেরিয়ে পড়ে ওদিক থেকে শিকল দিয়ে দিল। খেলার তাড়া রয়েছে, আর সন্দেহেরও কোন কারণ ঘটেনি—শিকল খুলে ঘরে ঢুকতে যাবেন কেন ? হাওয়ায় দরজা খুলে গিয়ে আসামি যে আচমকা নজরে এসে যাবে, সে ভয়ও রইল না।

অনেকক্ষণ কেটেছে। খেলা জমেছে, তাঁদের হাসিহল্লায় মালুম হচ্ছে। ঘরের ভিতরে প্রতুল একা-একা করে কি ? শীতের দিনে কখন মুড়ি দিয়ে থাকা—সেটা মন্দ নয়। কিন্তু পাঁচটা বাজে, কলেজ থেকে ফিরবার সময় হয়ে গেছে। খেলায় যত মত্ত থাকুন, ছেলে কখন বাড়ি ফিরল—সেদিকে বাপের খরদৃষ্টি। দেরির জ্ঞাত বিশ গণ্ডা জেরায় পড়তে হবে। পাকা উকিলের জেরা—বুকের মধ্যে টিবিটিব করে সামনে দাঁড়িয়ে মিথ্যে রচনা করতে।

রাগে হাত কামড়াবে—না, কি করবে এখন ? সোহাগী বউ হয়েছেন—শিকল আটকে রেখে হৈ-চৈ করে দিব্যি তাস পেটানো হচ্ছে। চা-কচুরিও দেবার চলছে, নইলে ফুঁতির অমন জোয়ার বইত না। এদিকে নিরশু এক প্রাণী ছটফট করে মরে খাঁচার ইঁদুরের মতো। এই হল একালের পতিভক্তি ! ছেলেরা এই কারণে বিয়ে করতে চায় না। প্রতুলও করত না—কিছুতেই না—যদি না পরম বন্ধু অমলচন্দ্র বোন গছাবার জ্ঞাত অমন উঠে পড়ে লাগত। আর বাবারও কি হল—অলকা ঠিক জাহ্নু জানে—এক নজর দেখেই তাকে ঘরে আনবার জ্ঞাত ক্ষেপে উঠলেন। সে সময়টা কত খাতির প্রতুলের—আকাশের চাঁদ চাইলেও বোধহয় আঁকশি দিয়ে পেড়ে দিতেন। বাজিতে বাজিনায় পাটনা শহরটা সরগরম করে বউ তো বাড়ির উঠোনে নামাল—বাস, কাজ ফুরানোর সঙ্গে সঙ্গে বাপের আবার পুরনো মূর্তি। সংসারের কেউ এখন প্রতুলকে গ্রাস করে না—বাড়ির বউটা পরিস্রু করে না।

চৌচামেচি বন্ধ, খেলা শেষ তবে এতক্ষণে ! তাই—প্রদীপ হাতে অস্বদা আসছেন। বাড়িময় বিদ্যুতের আলো—তবু তেলের প্রদীপ জ্বলে ঘরে ঘরে লক্ষ্যে দেখানো চাই তাঁর। বনাং করে শিকল খুলে এঘরেও ঢুকলেন। ঘোর হয়েছে, চোখেও একটু কম দেখেন—ঘরে পা দিয়েই হাউমাউ চিংকাব—

আমি দিদিমা, আমি—আমি—

কে কার কথা শোনে ! ভর সন্ধ্যায় ভূত দেখেছেন। কিবা চোর।

হাতের প্রদীপ পড়ে গেছে। তড়াক করে একেবারে বারাতার উপর—সেখান থেকে উঠানে। তবু রক্ষা, নৃত্যলাল বৈঠকখানায় চলে গেছেন। স্নহাসিনী ছুটে এলেন : কি হল খুড়িমা ?

ছেলের দিকে নজর পড়ে আশ্চর্য হয়ে বললেন, তুই কখন এলি কলেজ থেকে ?

এসেছি—

কখন ?

তা দুটো-আড়াইটে হবে, সেই সময়। দু-জন প্রফেসর আসে নি, সকাল-সকাল ছুটি দিয়ে দিল।

স্নহাসিনী বলেন, দুটোয় তো দেখলাম পড়ে আছি। বিছানায়। বউমা বলল, দেব্রিতে আজ কলেজ। তা হলে গেলি কোন সময়, আর ফিরলিই বা কখন ?

প্রভুল আমতা-আমতা করে বলে, তবে বোধহয় যাওয়াই হয়নি মা। হঁ, তাই—ঘুমিয়ে পড়েছিলাম।

স্নহাসিনী গম্ভীর হলেন : কাল বললি, মাথা টিপটিপ করছে। আজ ঘুমিয়ে পড়লি। উনি যদি টের পান—

টের যাতে না পান, তাই করো। মা গো, শুধু আজকের দিনটা। কাল থেকে দেখো। ঠিক দশটায় যাব, পাঁচটায় আসব—এক মিনিট এদিক-ওদিক নয়। তুমি মা ঘড়ি ধরে মিলিয়ে নিও।

অন্নদা সামলে নিয়েছেন। দস্তখীন মাড়িতে হাসি। বললেন, নাভবউ শিকল দিয়ে রেখেছে কেন রে ? বিয়ের বছর না যেতে এই ? বিস্তর ভোগান্তি তোমার কপালে দাদাভাই।

স্নহাসিনী খুব বিরক্ত হয়েছেন প্রভুলের উপর। কিন্তু কাণ্ডকারখানা দেখে গম্ভীর মুখ রাখা দায়। সরে গেলেন তাড়াতাড়ি। পরের বাড়ির মেয়েটা আসার পর এ বাড়িতে কারো মুখ কালো করবার জো নেই।

খেতে খেতে নৃত্যলাল মুখ তুলে তাকালেন : এগজামিন কবে ?

অবহেলার ভাবে প্রভুল বলে, দেব্রি আছে—

নেই দেব্রি—মাস দেড়েক মোটে। অ্যানাটমির প্রফেসর ঘোষের কাছে খবর নিলাম। তুই তো দিব্যি গায়ে ফুঁ দিয়ে বেড়াচ্ছিস, খাওয়ার পরেই অমনি ঘরে ঢুকিস।

সেখানে গিয়ে পড়ি—

হ্যা, শুয়ে পড়িস একেবারে। আজ থেকে এগারোটার সিকি মিনিট

আগে শুতে গিয়েছিল তো টের পেয়ে যাবি। পরের মেয়ে এসেছে—তার লামনে গালমন্দ করব না ভেবেছিলাম। তা-ই কি হতে দিবি তুই হতভাগা ?

প্রভুল আড়চোখে মায়ের দিকে চায়, বিশ্বাসঘাতকতা করে বলে দিলেন নাকি আজকের ব্যাপার ?

নৃত্যলাল হুঙ্কার দিলেন : হাত চালিয়ে খেয়ে নে। খেয়েদেয়ে বসতে হবে আবার—

নৃত্যলালও বসেন মক্কেলের কাগজপত্র নিয়ে। তাঁর বৈঠকখানা পড়ার ঘরের পাশেই। সশব্দে পড়ছে প্রভুল। এগজামিনের পড়াই বটে—শব্দ ধাপে ধাপে তুমুল হয়ে উঠল। ছোল যেন বাপের উপর শোধ নিচ্ছে। নৃত্যলালের কাজের ভণ্ডুল হয়ে যায়—একবারের জিনিস পাঁচবার দেখেও মাথায় ঢোকে না। ছেলের মক্কেলের জন্ত অথচ মানা করাও চলে না। কুলাতে না পেরে উঠে পড়লেন শেষটা।

এগারোটা—হায়, কতদূরে সে এখন ? কাঁটা যেন গন্ধর-গাড়ি হয়ে চলছে। যা গতিক—রাত ভোর হয়ে যাবে এগারোটা বাজতে।

বাপ উঠে গেছেন—জোরদার পড়ার তত আবশ্যক নেই। মাঝে মাঝে টেচিয়ে উঠে জানান দেওয়া, মনোযোগী ছাত্র চালিয়ে যাচ্ছে ঠিকই। দরজার বাইরে এসে ক্ষণে ক্ষণে এদিক-ওদিক তাকায়। শীতের রাত্রি—এরই মধ্যে চারিদিক নিশ্চুতি হয়ে উঠেছে। বাবাব তো সাপ্তাহিক স্কোটে ছুটোছুটি—তাঁরও এতক্ষণে ঘুমিয়ে পড়ে পবিপূর্ণ বিশ্রাম নেওয়া উচিত।

পায়ে পায়ে ভিত্তরে এসে গলা খাঁকারি দিচ্ছে। তারপব মুহূর্তে কঠে সাড়া নেয় : কে আছ ইদিকে ? ও মা !

অন্নদা বলেন, এতক্ষণ ছিল তোর মা। এই মাতার উঠে ঘরে চলে গেল।

জল তেঁটা পেয়েছে দিদিমা—

জোয়ান-যুবোরা উঠতে পারে না—বুড়োমানুষ দিদিমা তরতর করে নিজেই গিয়ে কলসি থেকে জল গড়াচ্ছেন।

এত শীতে তেঁটা পেল ?

পায় অমনি ! এগজামিনের পড়া হল এর নাম। কিন্তু তুমি কেন কষ্ট করে উঠতে গেলে দিদিমা ? আরও তো ছিল।

আবার কে ? নাতবউ ঘুমিয়ে আছে।

প্রভুল চটে উঠল : তাই দেখ আজকালকার আকোল-বিবেচনা। তুমি শীতের মধ্যে উঠে কাজ করবে, আর লেপ মুড়ি দিয়ে কাঠ হয়ে থাকবে বাবার এক আহ্লাদি-পুতুল।

অন্নদা বলেন, ওর কি দোষ ? ও কি করবে বলো ! শব্বরের তাড়া খেয়ে ঘুমুতে হয়। নিজে আজ দাঁড়িয়ে থেকে শুইয়ে দিয়েছে। নতুন এসেছে—ধমকধামক শুনে ভয় পেয়ে যায়।

প্রতুল বলে, কি অগ্নায় দেখ বাবার ! লক্ষ্যোন্মত্তে শুইয়ে রেখে শরীর একেবারে শেষ করে দেবেন। তিরিকি মেজাজ- কথা বলতে যাবে কে মুখের উপর ?

এবার অন্নদা হেসে ফেললেন : তুমি তো আছ দাদাভাই—বাকি রাত জাগিয়ে রেখে শরীর আবার ভাল করে দিও।

জলের গেলাস নামিয়ে রেখে নিশ্বাস ফেলে প্রতুল ফিরল। ঘুমানো হচ্ছে—তা আবার দিদিমার বিছানায়। নিজেদের ঘরে একলা শুতে ভয় করে। কী কাপুরুষ যে মেয়েজাতটা ! জগতের কোন কাজে আসবে না এরা—

দাঁড়িয়ে পড়ল। বচসা হচ্ছে বাবা ও মায়ের মধ্যে। এ কিছু নতুন নয়, পৃথিবী-হুঙ্ক লোকের হয়ে থাকে। কিন্তু হচ্ছে যেন তাদেরই কথা। কান খাড়া করল—হ্যাঁ, তাই বটে ! অঙ্ককারে দাঁড়িয়ে পড়ল জানলা ঘেঁষে।

তোমার ঐ তাড়াহুড়োয় পড়ার আরও ক্ষতি হচ্ছে। উসখুস করে বেড়ায়, মন খুলে ছুটো কথা কইতে পারে না বেচারিরা।

নৃত্যলাল উদারভাবে বলেন, তিনটে বছর হলে এখানকার ডিগ্রিটা হয়ে যায়। বিলেত গিয়ে ধরো, আরও তিন-চারটে বছর। ফিরে এসে দেদার কথাবার্তা বলুক—কে মানা করতে যাচ্ছে ?

বিবেচনা উত্তম বটে ! একুনে বছর সাতেক দাঁড়াল। সাত বছর পরে—মন থাকবে তখন অসার ঐহিক কথাবার্তায় নয়—নিরঙ্কুশ মুখোমুখি হয়ে দিব্যি মহাভারত-পাঠ এবং হরি-মহিমা শ্রবণ করা যাবে। কেউ তাতে মানা করতে আসবে না।

মা রাগ করে বলেন, বিয়ে না দিলেই হত !

মা তুমি এমন ভালো ! বাবা উপস্থিত না থাকলে প্রতুল ছুটে এফুনি মায়ের পদধূলি নিয়ে আসত।

বিয়ে দিতে গেলে কেন তবে ছেলের ?

বিয়ে বুঝি ওর জন্তে ? মেয়ে নেই বলে দুঃখ করতে গিল্লি, সে মেয়ে হেঁটে এসে ঘর আলো করল। আমি মা-জননী পেলাম। সংসার পেয়েছে অন্নপূর্ণা—ক'মাসে একেবারে শ্রী-ছাঁদ ফিরে গেছে, দেখছ না ?

চমৎকার ! সবারই বখরা হয়ে গেল—আর সে যে লারাদিন উপোস করে

বালরের মেয়েগুলোর অশেষ লাহুনা সঙ্গে বিয়ে করে নিয়ে এলো, তার বেলায় ফকিকার ! তার কেউ নয় অলকা ।

হেন অবিচারে মেজাজ ঠিক থাকে না । বইটা সামনে মেলে দেয়াল-ঘড়ির দিকে চেয়ে সে গুম হয়ে রইল । তারপর ঘণ্টামিনিটগুলো কায়ক্লেশে পার করে দিয়ে হুম-হুম পা ফেলে ঘরে ঢুকে ধপাস করে বিধানায় পড়ল ।

সে-লোকের পাত্তা নেই এখনো । দিদিমার কাছেই রাতটুকু কাটানো হবে মনে হচ্ছে । বেশ—চাইনে কাউকে । উঠে আলো নিভিয়ে আবার সে শুয়ে পড়ল । ক্ষণপরে অন্ধকারে—কি-সমস্ত মাখে কিনা ওরা—মাদকতাময় যুঁহু সৌরভ...চুড়ির ঝিনিমিনি...তারপরে গায়ের উপরে এলিয়ে পড়ে পল্লফুলের মতো কোমল দু-খানা হাতে প্রতুলের গালদুটো চেপে ধরে যেন জোর করে কথার জবাব আদায় করছে : ঘুমুলে ?

প্রতুল ক্ষেপে ওঠে : ঘুমব না—তবে কি সারারাত্তির জেগে ধ্যান করব ? ক'টা বেজেছে ?

এগারোটা—

গরগর করতে করতে উঠে প্রতুল স্লীস টিপল । টেবিল থেকে হাতঘড়িটা অলকার সামনে ধরে : ক'টা ?

ঐ তো বললাম —

সাত মিনিট হয়েছে এগারোটা বেজে গিয়ে । সাত-সাতটা মিনিট—কে দেয় আমাকে ? লোকে অমন দু-দশ মিনিট হাতে নিয়ে আসে । বিশ বছর অবধি নির্বাক্ষাতে এত ঘুম ঘুমিয়ে এলে, তবু সাধ আর মিটল না ! ঘড়ি দেখে দেখে আমি ওদিকে লবেজান—তা কার যায় আসে ?

অলকা মুখ ভার করে বলে, আর তোমার ঘড়ি দেখতে হবে না । চল যাচ্ছি । পাটনায় পাঠিয়ে দেবেন আমায় ।

চকিতে তাকাল তার দিকে প্রতুল । বকুনি খাওয়ার শোধ নিচ্ছে না তো এইসব সাংঘাতিক কথা বানিয়ে বলে ? ও মেয়ে সব পারে । দৃষ্টির সামনে অলকা খতমত পেয়ে যায় । কষ্টও হয় বোধকরি । বলে, হ্যাঁ—হয়েছিল সেই কথা । তোমার গা ছুঁয়ে বলছি । মা বলছিলেন বাবাকে সেই তাস-পেলায় সময় ।

মা ভূমি এমন ! মমতাময়ী সকলের মা—আর প্রতুলের বেলা এ কোন পাষাণী মা হয়ে বসেছেন !

অলকা বলে, কথা ঠিকই । রাতদিন আমরা গুরুজনদের ফাঁকি দেয়ার তালে থাকি, ওতে পড়াশুনার ক্ষতি হয় । মা তাই বলতে যাচ্ছিলেন, বউমা

দিনকয়েক না-হয় পাটনার ঘুরে আসুক। তা বাবা মোটে কানেই নিলেন না—না-না করে উঠলেন।

প্রতুল খীত হয়ে বলে, বাবা আমার বড় ভাল।

আমি চলে গেলে যে বাড়ি অন্ধকার!

দেয়ালের হাসি চিকচিক করে উঠল অলকার চোখে মুখে। বলে, কদর বুঝলে না তো মশাই, কথায় কথায় তাই বকুনি দাও।

প্রতুল গম্ভীর হয়ে ভাবছিল। তারপর বলে, মা ঠিক বলেছেন—যাওয়াই উচিত তোমার। কষ্ট করে বিয়ে করে আনলাম—এখন তুমি সকলের সব হলে, আমার ছিটে-ফোঁটাও নও। হোক অন্ধকার—একা আমি কেন, বাড়িহুঙ্ক সকলে মিলে জন্ম হোন।

ফৌস করে নিখাস ফেলে বলে, কী ভুলই করেছি! নিজের পায়ে না দাঁড়িয়ে যে বিয়ে করে, সে হল আস্ত গাধা। তিনটে বছর পরে ডাক্তারিটা পাশ করে—ধরো—কাজ নিয়ে গেলাম মফস্বলের এক ছোট্ট হাসপাতালে। নিরিবিলা একটুকু বাসা, সামনে ফুলবাগিচা—

অলকা বলে, কলের বাগানও থাকবে। আম-জাম-পেয়ারা-লিচু। আমাদের পাটনার বাগান দেখনি তুমি—বাগানের ফল না হলে খেয়ে মৃত্যু!

প্রতুলের আপত্তি নেই।

বাগানে বেশ ছায়া-ছায়াও হয়। রাত্তিরবেলা টুকরো-টুকরো জ্যোৎস্না ভালপাতার ফাঁক দিয়ে ফুলবাগিচায় এসে পড়ে। তার উপর বাতাস হলে তো কথাই নেই। আমার তো মনে হয়, ঢালা জ্যোৎস্নার চেয়ে কুচি-কুচি কাঁপা-কাঁপা জ্যোৎস্না অনেক ভাল। কি বলো?

অলকা উৎসাহিত হয়ে বলে, আর নদী চাই। পাটনার চাত থেকে গঙ্গা দেখা যায়। অত বড় নয় কিন্তু—সরু ছিমছাম শামলা মতন নদী। নদী না থাকলে আমার মোটেই ভাল লাগে না।

প্রতুল আশ্চর্য হয়ে বলে, বাঃ রে—তুমি কোথায় সে জায়গায়?

অলকা অভিমান করে বলে, আমায় বাদ দিয়ে তোমার বাসা? আমি এখানে পড়ে থাকব বুঝি? বেশ!

প্রতুল বলে, ডাক্তার হলাম, চাকরি নিয়ে তারপরে তো গেলাম নতুন বাসায়। সে অন্তত আরো তিন বছর পরের কথা—তদ্দিন পড়ে থাকবে বুঝি তুমি? যা ছুটোছুটি লাগিয়েছিল চড়কভাঙার চৌধুরিরা! নতুন বাসায় উঠে খোজখবর নিয়ে হয়তো দেখতাম চৌধুরি-বাড়ির ছোটবউ অলকা দেবী হুই



সন্তানের জননী—ট্যা-ভ্যা করছে ডাইনে বাঁয়ে, সব্যসাচী রূপে দু-হাতে লম্বান বেগে কিল-চড় ঝাড়ছেন—

অলকা রাগ করে ওঠে : যাও—

মোটো দিশে করতে দিল না। এই বুঝি হাত-ছাড়া হয়ে যায়! টোপর পরে ছাদনাতলায় দাঁড়িয়েও একমাত্র ভাবনা, চৌধুরিদের আগে মস্তুরগুলো তাড়াতাড়ি পড়ে নিতে পারলে হয়।

অলকা হেসে বলে, যে চর তুমি লাগিয়েছিলে—রাতদিন সে তকে তকে থাকত। তার চোখ এড়িয়ে কিছু করবার জো ছিল চৌধুরিদের ?

প্রতুল গদগদ হয়ে বলে, অমলের কাছে আমি জীবন ভোর ঋণী হয়ে আছি। সে যেমন ভাল লোক, তার বোনটাও সেই রকম হত যদি!

অমলও পড়ে—বোর্ডিং-এ থেকে। দু-দিন পবে সে এসে উপস্থিত। কর্তা-গিল্লির মধ্যে তখনো গোলমাল চলছে—সাবাস্ত—যদি অলকাকে নিয়ে যাবার জন্ত পাটনায় লেখা হবে কিনা।

বৈঠকখানায় ঠাসা মজ্জল। নৃত্যলাল কাজ কবছিলেন।

এসো বাবা। বেহাই-বেয়ানের চিঠিপত্র পেয়েছ—আছেন সকলে ভাল ?

শুধুমুখে অমল বলে, আছে ইয়া। কিন্তু মার শরীরটা মোটেই ভাল যাচ্ছে না। হাট দুর্বল, উপর-নিচে করতে বুক ধড়ফড় করে। চেষ্টা চলে যাচ্ছেন শিগগির। আমাদের লিখেছেন, অলকাকে নিয়ে যেতে। বেশি নয়—আট-দশ দিন থাকবে মাত্র। আমিই আবার পৌঁছে দিয়ে যাব। অসুখ-বিসুখে মন দুর্বল হয়ে পড়ে কিনা—না ছাড়া বাইবে চলে যাচ্ছেন। অনেক করে তাই লিখেছেন, ক'টা দিনের জন্ত একটু চোখে-দেখা দেখে যাওয়া—এই আর কি!

নৃত্যলাল স্তম্ভীত হয়ে গুনছিলেন। বললেন, আচ্ছা—ভিতরে যাও তুমি। হাতের কাজটা সেরে যাচ্ছি। গিয়ে গুনব।

বেশি দেরি হল না। মজ্জাদের বসিয়ে রেখে চলে এলেন। অমল ইতিমধ্যে বাড়ির মধ্যে জমিয়ে ফেলেছে। সুহাসিনী এক কথায় রাজি। সত্যিই তো, মা মেয়েকে দেখতে চেয়েছেন—এতে আপত্তি করা যায় কোন্ মুখে? নৃত্যলাল তখন শেষ ভরসাস্থল অলকাকে জিজ্ঞাসা করেন : তোর মতামতটা শুনি। যাবি ?

অলকা ঘাড় নেড়ে বলে, ইয়া—

অমল বলে, যদি অসুস্থ হন—এই এগারটার ট্রেনেই। মোটেই এখন কলেজ কামাই করবার জো নেই। শনিবার আছে আজ, সংস্কৃতি-পূজোও পড়ে গেছে সেই সঙ্গে, পৌঁছে দিয়ে কালই আবার ফিরে আসব।

নৃত্যলাল বলেন, ঘোড়ায় জিন দিয়ে এলে হবে কেন বাবা ? মেয়েছেলের যাওয়া—ছ'ঘণ্টার মধ্যে গোছগাছ হয় কখনও ? শনিবার হলে সুবিধে হয়—বেশ তো, সাত দিন পরেও আবার শনিবার আসছে ।

সুহাসিনী রাগ করে ওঠেন : তোমার যেমন কথা ! মায়ের অসুখ—বাছার আমার মুখ শুকিয়ে এতটুকু হয়ে গেছে । যাচ্ছে ক'দিনের জন্তাই বা ! এক পাক্সা জিনিসপত্র নেবে কি ক'তে ? তোমরা ভাইবোন চান করে যা-হোক দুটো মুখে দিয়ে নাও দিকি—জিনিসপত্র আমি গুছিয়ে দিচ্ছি ।

যাবার সময় অলকা বলে, তাসখেলা যেন বন্ধ হয় না বাবা—ও বাড়ির রেখাকে ডেকে নেবেন, চারজন হয়ে যাবে ।

নৃত্যলাল বিরক্ত কণ্ঠে বললেন, রেখা আবার গেলতে জানে নাকি ?

ভাল খেলে—আমার চেয়ে অনেক ভাল । সাত-আটটা দিন তো বাবা, কোন রকমে কাটিয়ে নেবেন ।

আমি বাইরের কারো সঙ্গে খেলিনে—

স্বস্তর-শাস্তিডিকে প্রণাম করে অলকা ট্যাক্সিতে উঠল । প্রভুলও যাচ্ছে, হাওড়া স্টেশনে গাড়িতে তুলে দিয়ে আসবে ।

গ্রামবাজার অঞ্চলে একটা হোটেলের সামনে ট্যাক্সি থামল । প্রভুল বলে, নামো—

অলকা অবাক হয়ে এদিক-ওদিক তাকাচ্ছে : এ কোথায় ?

সেই ফে কথা হয়েছিল, মনে নেই ? নিরালা একটুকু বাসা—

অমল, দেখা গেল, হি-হি করে হাসছে । অলকা জিজ্ঞাসা করে : হল কি মেজ-দা ? পাটনায় যাওয়া হবে না ?

অমল বলে, কি দরকার ? মা দিবি আছেন । চেঞ্জ যাবার কথা আছে বটে—সে এখন নয়, বোশেখ মাসে । তার এখনো তিন-চার মাস বাকি । ধরে নে, পাটনায় উঠলি । দিন আটেক পরে আবার তোর স্বস্তরবাড়ি পৌঁছে দিয়ে আসব ।

অলকা বলে, কি সর্বনাশ ! ডাহা মিথ্যেকথা বলে নিয়ে এসেছ ?

অমল বলে, ইচ্ছে করে কি বলেছি—ঐ ছুরাচার মিথ্যুক বানিয়েছে আমায় । বাসা করে দিনকতক একা-একা থাকবে—হোটেলের রুম ভাড়া করে তারপর আমার কাছে গিয়ে পড়ল । সেই ইন্সুল থেকে একসঙ্গে পড়েছি—কোনদিন ওর হাত এড়াতে পারিনি, আজকেও পারলাম না ।

প্রভুল ইতিমধ্যে মূটের মাথায় মালপত্র চাপিয়ে ঢুকে পড়েছে । অমল

বলে, রাস্তায় দাঁড়িয়ে নয়—ভিতরে চলে যায়। কার আবার নজরে পড়ে যাবে—তোরা এখন ফেরারি আসামির শামিল।

তেতলার একপ্রান্তে দুই সিটের কুঠুবি। ঘরে ঢুকে অলকা ঘাড় কাত করে দেখে নিল তার নতুন সংসার। স্ট্রটকেশটা সরিয়ে কোণের দিকে রাখল, তোষক-চাদর পেতে ফেলল খাটের উপর। প্রতুল হাত-পা মেলে বিছানায় গড়িয়ে পড়েছে। সোয়াস্তির নিশ্বাস ফেলে বলে, আঃ, কী সুন্দর বাসা আমাদের!

অলকাও পাশে এসে বসেছে। ক্রভজি করে বলে, আমি নদী চেয়েছিলাম—ঘরের ভিতর থেকে নদী দেখা যাবে। কোথায়?

খোলা জানলায় সদর রাস্তা দেখা যাচ্ছে। প্রতুল বলে, এটাই ভেবে নাও নদী। যক্ষিসের বেলায় জোয়ার আসে, ছপুরবেলা ভাঁটা।

অবস্থা গতিকে তাই ভাবতে হয়। বড় বড় কয়েকটা গাছও আছে ফুটপাথের উপর। আম-কাঁঠাল-পেয়ারা-লিচু নয়—নিম আর দেবদারু।

প্রতুল বলে, দল না হোক—ছায়া দিচ্ছে নো বটে! কি বলো?

অলকা ঘাঙ নাড়ে : এটাও না হয় মেনে নেওয়া গেল। কিন্তু ফুলের বাগান? ঝাড়া বাসায় থেকে সুখ নেই। বাগান না হলে হবে না। না—কিছুতে হবে না। তার চেয়ে গাড়ি ফেল হয়েছে বলে বাড়ি ফিরে তাসখেলা ভাল।

মশকিলে পড়ে এবার প্রতুল। এদিক ওদিক তাকায়। খানিকটা নিরুপায় ভাবে বলে, বাগানটা হচ্ছে না বটে—তাই তো, ফুলবাগানেব কি কবা যায়!

গভীর স্নেহে অলকার মুখখানা বুকের উপর নিয়ে এলো। বলে, বাগান না হোক, শতদল পদ্মফুল আছে একটি। আমার এই এক ফুলেই পুরো বাগান হার মেনে যায়।

আর কি বলবে এবার অলকা? কেঁদে না ফেলে এত আনন্দে! কোথায় ছিলে এন্দ্দিন লুকিয়ে সমুদ্রের মতো অকুল ভালবাসা নিয়ে? কলেজে পড়বার সময় অলকা হাসত ঠাকুরমার সেকলে কথাবার্তায়—স্ত্রী নাকি জন্মজন্মান্তর ধরে একই মানুষকে স্বামী পেয়ে আসছে। আজকে মনে হচ্ছে, এমন খাঁটি সত্যি জীবনে কমই শুনেছে। মুক্তি-বিচারে নয়, মনের কানায় কানায় বুঝতে পারছে।

বন্ধ দরজায় টোকা। ধড়মড় করে অলকা উঠে বসে, আঁচল তুলে মাথার উপর দেয়। নিরালা বাসা হল তবে আর কোথায়, একটুখানি শোওয়া-বসার জো নেই মানুষের উৎপাতে। মানুষগুলো যেন মুকিয়ে থাকে।

হোটেলের চাকর ডাকছে : বাবু—

বাবুটির উঠবার গতিক নেই, ডাক শুনে তিনি আরো চোখ বুঁজে পড়লেন।  
অলকা দরজা খুলে দিয়ে বলে, কি রে ?

খেতে যাবার জন্ত ডাক এসেছে। আর সমস্ত লোকের হয়ে গেছে—  
এরাই শুধু বাকি। কামরা অবধি তাই চলে এসেছে।

অলকা বলে, খেয়ে এসেছি আমরা। এ বেলা খাব না।

প্রতুল তড়াক করে বিছানার উপর উঠে বসল। না হে, এককথায় জবাব  
দিয়ে দেওয়া ঠিক নয়। তুই বাপু একজনের মতো খাবার দিয়ে যা—তাই  
বাটোয়ারা করে নেওয়া যাবে।

আর অমল ঐ যে কেরারি আসামি বলে ভয় ধরিয়ে দিয়ে গেছে, সেটা  
আনাগোনা করছে অলকার মনের মধ্যে। বলল, এখন বলে নয়— দু-বেলাই  
ঘরে খাবার দিয়ে যাবি। ডাইনিং-রুমে গিয়ে খেতে পারব না।

ঘরে খাবার দেবার নিয়ম নেই দিদিমণি। এক যদি বেশি রকমের অসুখ-  
বিস্মৃথ হয়—

হেসে উঠে প্রতুল বলে, অসুখই তো রে—অতি সাংঘাতিক অসুখ।  
আমাদের দু-জনেরই। দেখছিস নে, নড়ে বসবাব তাকত নেই। তোর একটু  
কষ্ট—তা ঘাবড়া'স নে, তার ব্যবস্থাও হবে।

ঠিক হল তাই। অলকার আবার এক চিন্তা, অসুখ চলে তো মাঝ-বার্লি  
দেয়। তাই যদি নিয়ে আসে এক এক বাটি ?

প্রতুল বলে, ক'টা অসুখের পবর রাখো যাচ ? আমরা তাবং অসুখের  
নাম-ধাম কুলশীলের ফিরিস্তি মুখস্থ করি। এমন অসুখও আছে, যাওয়া হ'নো  
তেহ'নো বাড়িয়ে দিতে হয়। এই যে আমাদের—এ-ও অসুখ এক রকমের,  
ফার্মাকোপিয়ায় যদিও দাওয়াই বাতলে দেয় নি।

পরম আলস্তে আবার সে গড়িয়ে পড়ে।

দিন ক'টা ভালই যাবে পাটনায় তোমার এই বাপের বাড়িতে। আমার  
কিছু টানা-পোড়েন আছে অবিশিষ্ট—দিনে দু-বার রাতে দু-বার আসা-যাওয়া।  
কিন্তু তুমি একেবারে রাজরাডেশ্বরী—দিনরাত গদিয়ান হয়ে থাকবে।  
সিঁড়িতে পা ঠেকাতে হবে না কোন বাবদে।

ধেতে কি মন চায় ? কিন্তু আর দেরি করা ঠিক হবে না। হাওড়া  
স্টেশনে গাড়িতে ভুলে দেওয়া—গাড়ি অবশ্য প্রায়ই দেরি করে ছাড়ে আজকাল  
—তবু মোটের উপর একটা হিগাব আছে।

ঘড়ি দেখে প্রতুল বলে, বাই এবারে—কেমন ? রাস্তিরে আসছি—একটু

নিশ্চিতি হয়ে গেলে তার পর—এই ধরো দশটা লাড়ে-দশটা। শেষরাত্রে আবার গিয়ে শুয়ে পড়তে হবে বাড়ির সকলের উঠবার আগে। দিনমানেও এই রকম। কেবল মাঝের সময়টুকু ভূমি একা-একা থাকবে।

অলকা আঁৎকে ওঠে : ওরে বাবা !

এমন কাপুরুষ ! হোটেলে মানুষ গিজগিজ করছে- আর অমলও আসবে মাঝে মাঝে।

তাড়া খেয়ে অলকা আর কিছু বলে না। তা বলে ভয় ঘোচে নি— মুখ শুকনো করে রয়েছে। প্রতুল বলে, দরজা বন্ধ করে থেকে বরঞ্চ, বই-টাই পোড়ো। রাতে আসবার সময় দু-একটা বই হাতে করে আসব।

অলকা জানলায় বাইরের দিকে চেয়ে। হু-হাতে জোর করে তার মুখখান। একেবারে সামনাসামনি এনে কাতর হয়ে প্রতুল বলে, হাসো। মাঝের এই পাঁচ-ছ'ঘণ্টা আমাকেও তো একলা কাটাতে হবে—হাসিমুখ না দেখে গেলে থাকব কেমন করে ?

বেকুচ্ছে প্রতুল। ফটকের কাছে ভারী-গোঁফওয়াল। এক ওজ্রলোক বললেন, ছুটছেন মশায়—ডাক্তারের কাছে বুঝি ?

প্রতুল অবাক হয়ে তাকান।

তিনি পঁচাত্তর দিচ্ছেন : আপনার পাশের ঘরে আছি। পাকিস্তান থেকে এসেছি—স্বস্তিধর কর আমার নাম। মাসখানেক হতে চলল—তা মশায় একটা বাসা খুঁজে পাইনে। আপনার বাড়ি কোথায় ?

ফস করে সত্যিকথাটা বোঝিয়ে যায় : ভবানীপুর।

বলেই বেকুব। ওজ্রলোক অতিশয় সদালাপী, সহজে ছাড়বার পাত্র নন। আত্মীয়ের ভাবে গদগদ কর্তে বললেন, অন্ততঃ কথ। বলছিলেন কিনা চাকরটাকে—কি অসুখ ?

তখন মালুম হল প্রতুলের। তকের মধ্যে না গিয়ে জবাব দেয় : কি অসুখ—ডাক্তার জানে। আমি তাব কি বলব ?

স্বস্তিধর বলেন, না—তাহ বশাছলাম, ভবানীপুরে বাড়ি থাকতে শ্রাম-বাজারে হোটেলে উঠতে হল কি না !

কথার ধরনটা ভাল নয়। প্রতুল বলল, বাড়ি থেকে চিকিৎসার সুবিধে হয় না। ডাক্তারও থাকেন এদিকটার।

আর কথা না বাড়িয়ে হন-হন করে সে চলল। ঠিক যে স্বস্তিধরের ভয়ে তা নয়। নৃত্যলালেরও কোর্ট থেকে ফেরার সময় হয়ে এলো।

নাঃ—যেমন ভাবা গিয়েছিল, তা নয়। বেশ হাসিমুখি অলকা।

হোটেলের জীবন ছুটো দিনেই রপ্ত করে নিয়েছে। প্রভুলকে সে-ই এখন শুনিয়ে শুনিয়ে বলছে, এত লোক গিজগিজ করছে—ভয় আবার কিসের ? ছুয়োর বন্ধ করে থাকতে যে বলে, সেই মাহুষ হল কাপুরুষ।

এ জীবনের স্বাদ জানত না তারা আগে। হু-জনে মুখে কাচে মুখ নিয়ে কথা বলে—কথা নয়, গানের গুঞ্জন। এত কথা কিসের রে বাপু ? কথার শেষ নেই, মানেও হয় না। কথার মাঝে অলকার ঘাড় দোলানি, হীরের তুলের ঝিলিক দেওয়া, খিল-খিল করে হেসে ওঠা ক্ষণে ক্ষণে। আরো যদি প্রতুল পাশ করে পুরোপুরি ডাক্তার হয়ে সত্যি সত্যি কোন গ্রামের নিভৃত কোয়ার্টারে বসতে পারত—উঃ, ভাবতে মন-দেহ রোমাঞ্চিত হয়ে ওঠে ! অলকা বলে, ছাতে ঘুরে ঘুরে বেড়াচ্ছিলাম। পাশের ঘরের ওঁরা পাকিস্তান থেকে এসেছেন। গিন্নিটি ভারি মিস্তক টেনে ওঁদের ঘরে নিয়ে বসালেন। পান খাইনে—তা ভোব করে মুখের মধ্যে গুঁজে দিলেন একটা গিলি। বাসা খুঁজে খুঁজে হয়রান। স্বামী-স্ত্রী আর একটি বাচ্চা ছেলে—কোন রকম ঝামেলা নেই। আমাদের পদ্মপুকুরের বাড়িটা তো খালি পড়ে আছে—বাবাকে বলে দিয়ে দেব খান দুয়েক ঘর।

প্রতুল ব্যস্ত হয়ে বলে, সে সব বলা-টলা হয়ে গেছে ?

অলকা বলে, তা বলতে যাব কেন ? বোকা নাকি ! কত আলাপ-পরিচয় করলেন। ওঁর নাম তরলা, আমি কিন্তু নামটাও বালনি। বললাম, পাটনায় বাড়ি—কলকাতা দেখতে এসেছি হুপ্তাখানেকের ভগ্ন। কেমন বানিধে বলতে পারি, দেখ।

এই সেরেছে ! আমি যে বললাম, বাড়ি ভবানীপুর—

অলকা হেসে উঠে হাততালি দেয় : কী বোকা রে ! মেজদার কথা মনে নেই ? ফেরারি আসামি আমরা—খাটি কথা বলতে আছে ? বাড়ির নম্বরও বলে ফেলেছ বোধহয়।

আর ওদিকে সূহাসিনীও বড় খুশি। কর্তার কাছে দেমাক করেন : কি বলেছিলাম ? বউমা যাবার পর লেখাপড়ায় ছেলের কি রকম মন হয়েছে দেখ। সব কথা তোমায় বলতাম না—আগে তো নানান ছুতোয় কলেজ কামাই। এখন দশটার সময় খেয়েদেয়ে বইয়ের গাদা নিয়ে তাড়াতাড়ি বেরিয়ে পড়ে। দশ মিনিট আগে হবে তো পরে নয়।

ছেলের স্বেচ্ছিতে নৃত্যলালের খুশি হওয়া উচিত। তবু মন খুলে সমর্থন করতে পারেন না : তা বললে হবে কেন গিন্নি ? বউমা কি কলেজের পথ আটকে দাঁড়িয়ে থাকত ? কড়া নজর থাকলে বাপ-বাপ বলে কলেজে যেতে

দিশা পেতো না। তা ছুপুরটা তুমি পড়ে পড়ে ঘুমবে, আর আমি কোর্টে মক্কেল তাড়িয়ে বেড়াব। হবই তো ঐ রকম। নিজেদের কিছু নয়—দোষ দিচ্ছ এখন পরের মেয়ের।

অভিনিবেশ দিব্যভাগে শুধু নয়—রাত্রিবেলাতেও। এ বাড়িতে সন্ধ্যার পরেই খাওয়ার রেওয়াজ। খাওয়ার পরে প্রতুল বাইরে এক ভিল সময় কাটায় না। অলকা ভয় পাবে, তাই মড়ার হাড়গোড় বাইরের ঘরে ছিল। সমস্ত শোবার ঘরে নিয়ে তুলেছে। বই-খাতাপত্রও সেখানে। খেয়েদেয়ে সে ঘরে গিয়ে ঢোকে।

নৃত্যলাল তবু খুঁত-খুঁত করেন : ছুয়ার-জানলা এঁটেসেটে দেয় কেন বলো দিকি ?

সুহাসিনী বলেন, শীতকাল কিনা ! ও আমার বড় শীতকাতুরে—লেপের মধ্যে হাত-পা ঢুকিয়ে আরাম করে পড়ে।

আরাম করে ঘুমিয়ে পড়ে না, ঠিক জান ?

একটা জরুরি মামলার ব্যাপারে সেদিন রাত বেশি হয়ে গেল। বিলাতি নজির ঘাঁটছেন। ইংরেজি ভাষার অনেক মারপ্যাচ—একটা কথার বিশ রকম মানে দাঁড় করানো যায়। ঠিক কোন্ জিনিসটা বোঝাচ্ছে এখানে, নৃত্যলাল ভাবতে ভাবতে দিশা করতে পারেন না। বাইরে এলেন। জ্যোৎস্না ফুটফুট করছে। ঘরের ভিতর কাছের মধ্যে এসব বোঝা যায় না।

প্রতুলের ঘরের সামনে গিয়ে ডাকেন : এই—শুনতে পাচ্ছিস ? ভাল ডিক্শনারি কি আছে তোর কাছে, একটা কথায় মানে আটকে যাচ্ছে।

সাড়া নেই। এইরকম পড়া পড়ছে বটে—তারই দেমাকে সুহাসিনী বাঁচেন না ! দরজায় ধাক্কা দিচ্ছেন। তারপর ঠাহর হল, বাইরে থেকে শিকল দেওয়া। গেল কোথায় তা হল—কি হল ? ঘরে গিয়ে বসলেন। অনেকক্ষণ বসে রইলেন—দেখা নেই। চতুর্দিকে ঘুরে ফিরে দেখে এলেন। ঠিকই আছে, সদর দরজা বন্ধ।

রাত থাকতে প্রতুল যথারীতি পাঁচিল টপকে এলো। ঘরে ঢুকতে গিয়ে দেখে, শিকল খোলা। বৃকের মধ্যে কেঁপে ওঠে। খুলল কে শিকল ? তার বিছানায় লেপ মুড়ি দিয়ে অঘোরে নিদ্রা দিচ্ছে—সর্বনাশ, আরে সর্বনাশ ! নৃত্যলাল অপেক্ষা করতে করতে শুয়ে পড়েছেন এখানে। তারপরে ঘুম—

বাণের মুখোমুখি না পড়ে—প্রতুল বাইরের ঘরে গিয়ে বই নিয়ে বসল। আর মনে মনে নানারকম কৈফিয়ৎ ভাঁজছে। নৃত্যলাল উঠে তারপর বৈঠক-খানায় এলেন তো স্বপ্ন করে সে চলে গেল ভিতরে। বাপে ছেলেয় লুকোচুরি

খেলা চলছে যেন। নৃত্যলাল এ সম্বন্ধে কোন কথা বলেন নি কাউকে—  
স্বহাসিনী অন্নদা কেউ কিছু জানেন না। প্রভুলের ভয় আরও বেড়ে যায়, দূরন্ত  
অভিমানের চোখে জল আসবার মতো। বাবা, তুমি কি ভেবে বসে আছ ?  
তোমাদের হাকিমরা অতি ঘৃণ্য আসামিরও জবাব ছেনে নেয়—আর  
আমায় ডেকে একটা মুখের কথা জিজ্ঞাসা করলে না।

নৃত্যলাল কোর্টে চলে গেলেন। এবং রোজ যেমন কলেজে যায়, প্রভুলও  
বেকুল। সোজা একেবারে অমলের হোস্টেলে। সে নেই—কোনদিন  
থাকে না এমন সময়। জানা আছে প্রভুলের—কিন্তু ঐ কাণ্ডের পর বাপের  
চোখের উপর দিয়ে সকালবেলা বেরিয়ে আসে কেমন করে ? ফিরবে কখন  
অমল—তার কোন ঠিকঠাক নেই। আচ্ছা, রইলাম বসে—

স্বষ্টিধর ছুপুরবেলাটা টো-টো করে বেড়ান, আজকে ঘরে আছেন। তরলা  
বলছিলেন, ছেলেটার অস্থ-অস্থ—সেইজগ্রে নাকি ? হু-জনে যেন বচসাও  
বেধে গেছে।

অলকার মজা লাগে। স্বামী-স্ত্রী হলেই কি এই ? তাদের এখনো আদম  
আসোন—কিন্তু আসবে ঠিক বিয়েটা কিছু বাসি হয়ে গেলে। প্রভুলের  
আসার সময় হয়ে গেছে, আসে না কেন আজ এখনো ? একা একা বই  
পড়তে ভাল লাগে না। তা এক কাজ হল অবিশ্রু, লুকিয়ে লুকিয়ে ওঁদের  
ঝগড়া শোনা। কথাগুলো মুখস্থ করে নিতে হবে, বাড়িতে হবে প্রভুল এলে  
তার উপর। সেই কতক্ষণ থেকে তোমার পথ তাকিয়ে আছি—কথা বলব  
না তো, একটা কথাও নয়।

কান পেতে শোনে, কী বলছেন ওঁরা। মবনাশ, তাদের কথাই যে।  
ছেলেটার কি-একটু হনফুয়েঞ্জার মতন হয়েছে—স্বষ্টিধর তাই নিয়ে ভিলকে  
তাল করছেন।

কেন যাও ও-ঘরে তুমি ? কিসে কি হল, কে জানে ! দেশ-ঘর ছেড়ে  
এই তো পথে পথে বেড়াচ্ছি। এর উপর যম্মার ছোঁচ যদি কুড়িয়ে নিয়ে  
এসো—

লভয়ে তরলা বলেন, কার যম্মা ?

ঐ যে বউটা, যার সঙ্গে গলায় গলায় ভাব তোমার—

তরলা বলেন, কি বলছ ? গোলগাল কেমন যম্মর চেহারা—তার যম্মা  
হতে যাবে কেন ?

ও রোগের লক্ষণই এই। বাইরে নাহুস-হুহুস, ভিতরটা কাঁকরা।



ভবানীপুরে বাড়ি—তা বাড়ির লোকে দূর করে দিলে শেষটা এই হোটেল  
এনে ভুলতে হয়েছে।

তরলা প্রতিবাদ করেন : বাড়ি তো পাটনায়। বউ আমায় নিজে বলেছে।

স্বষ্টিধর বলেন, বোঝ তাহলে। স্বামী বলে ভবানীপুর বাড়ি, বউ বলে  
পাটনায়। পাপ না থাকলে ঢাকাঢাকি করতে যাবে কেন?

কলকাতার শহর দেখতে এসেছে নাকি পাটনা থেকে! আমি তাতে  
বললাম, ঘর থেকে তো এক লহমা বেরোও না ভাই, জান লা দিয়েই শহর  
দেখছ নাকি?

স্বষ্টিধর বলেন, তাগত আছে বেরোবার? হাঁটাইটি করলেই মুখ দিয়ে  
গল গল করে রক্ত বেরবে—ও ব্যাধির এই নিয়ম।

অলকাব সর্বাঙ্গ হিম হয়ে যায়। প্রতুল বলেছে এই কথা—সত্যি নাকি  
তাব এই অবস্থা? টি-বি রোগের প্রধান লক্ষণই, শোনা আছে, রোগি নিজে  
কিছু সন্দেহ করে না—সে ভাবে, চমৎকার স্বাস্থ্য তার—

বিকালের দিকে ছেলের জ্বর বাড়ল। তিনটি মারা গিয়ে তার পরে এই  
গুঁড়ো। স্বষ্টিধর ক্ষেপে গেছেন। যত অপরাধ যেন অলকার। বিষম  
চেষ্টামেচ লাগিয়েছেন : বিষ ছড়ানো হচ্ছে হোটেল অধিষ্ঠান করে। নিজে  
তো যাবেই, সাথেসঙ্গে আরো দু-পাঁচটাকে যদি সাপটানো যায়।

তরলা সামলানোর চেষ্টা করছেন : আঃ, হচ্ছে কি বলো তো? আমি  
বলছি, মিথ্যে সন্দেহ তোমার। রোগপীড়া কিছু নয়। ভদ্রলোক ঠাট্টা  
করেছেন তোমার কাছে। কিংবা অগ্নি কিছু হতে পারে।

বলো, কি তাহলে? ইনি একরকম বলেন, উনি অন্তরকম। ডাক্তার  
আসামি? না কি, ইলোপমেন্ট—স্বামী-স্ত্রী সেজে লুকিয়ে রয়েছে। পাজির  
পা-খাড়া হল ম্যানেজারটা—টাকার লোভে পাপ এনে ঢুকিয়েছে। হোটেল  
কত ভাল ভাল মাহুষ আসে, মেখেছেলে নিয়ে আছেও কতজনা! দূর করে  
দেবো আজকেই ওদের। ম্যানেজার না শোনে—আমরা নিজেরাই বিহিত  
করব। উপর-নিচে জন পঞ্চাশ তো হবো—এ সমস্ত যে শুনবে, সে-ই  
ক্ষেপে যাবে।

অলকা আর দাঁড়াতে পারে না, ফিরে এসে ধপাস করে বসে পড়ল। উঃ,  
কখন আসবে তুমি? আসবে না আজকে মোটেই? সেই ছুপুর থেকে  
কৈদে কৈদে চোখ ফুলিয়েছে। সিঁড়িতে পায়ের শব্দ পেলে বুক কৈপে ওঠে।  
ঘাড় ধরে এই বের করতে আসে বুঝি জন পঞ্চাশ। কি করবে সে এখন, কি  
উপায়? মেজদা'টাও এসে পড়ত যদি—ঈশ্বর মেজদা'কে না-হয় এনে দাও—

অমল হোস্টেলে কিরে দেখে প্রভুল বসে আছে। উদ্ধোধুদ্ধো চেহারা।

সমস্ত শুনে সে হাসতে লাগল।

কর্তা ভেবেছেন, বউ বিহনে তুই বখে গেছিস। তাই চুপচাপ আছেন।  
ছেলের কেলেকারি নিয়ে তো ঢাক পেটানো যায় না।

প্রভুল আহত কণ্ঠে বলে, এত বছর ধরে মাছুষ করলেন—বাপের এই  
বিশ্বাসটুকু নেই ছেলের উপর ?

বিয়ের সময় আর একটা ঘাড়ে চাপে, তখন থেকে মাছুষ চতুষ্পদ হয়ে যায়  
কি না!—হাসি থামিয়ে অতঃপর অমল গম্ভীর হল : অবস্থা ঘোরালো হয়ে  
উঠেছে ভাই। আর কাজ নেই—পাটনা থেকে ফিরে আসুক এবার অলকা।

প্রভুল বলে, ফিরতেই হবে—না ফিরে উপায় আছে কিছু ? এর পরে  
আর আমার রাতে বেকনো হবে না। দিনমানেও আটকে ফেলবে কিনা,  
কে জানে ?

ফৌস করে এক নিশ্বাস ফেলল।

একটা হুপ্তা থাকব বলে এসেছিলাম, দু'দিনে সব শেষ। হোস্টেলের এই  
ছুটো দিন অক্ষয় স্মৃতি হয়ে রইল। একটা বড় শিক্ষা হল—বাপের ভাতের  
উপর থেকে যে বিয়ে করে, সে হল এক-নম্বর আহাম্মক।

আবার তাগাদা দেয় : ওঠ তাহলে। বোনকে পৌছে দিও আয় পাটনা  
থেকে। সেই এগাবোটা থেকে আমি ধরা দিয়ে আছি।

অমল ঘাড় নাড়ে : উছ—আসব কিসে ? এদিক থেকে একটা ট্রেনও  
এ সময়ে নেই—

উদ্বীর্ণমুখী হয়ে একটুখানি হিসাব করে বলল, সকালবেলার আগে কোন  
উপায় নেই ভাই। ঐ সময় দিল্লি-এক্সপ্রেসে এসে পৌছবে।

প্রভুল বিরক্ত কণ্ঠে বলে, দুস্তোর ! আবার ঘণ্টা দশ-বারো দেরি পড়ে গেল।  
হোস্টেলে তবে বলে কয়ে চল—এখানে রাতে থাকবি। বিষম ভীতু তোর  
বোন—এতক্ষণ কি করছে, কে জানে ? যত বাহাছুরি তার আমাদের কাছে !  
সৃষ্টিধর ম্যানেজারের অফিসে হামলা দিয়েছেন। রীতিমতো একটা  
দল সজে।

যে আসবে, তাকেই অমনি জায়গা দেবেন ? খবরবাদ নেবেন না, কি  
মতলবে আসছে বুঝেসমঝে দেখবেন না—টাকা গণে দিলেই হয়ে গেল !

এক একজনে এক এক রকম বলে। অবাব দিতে গেলে আরও ক্লেপে  
যায়। এই মারে তো এই মারে ! বিশর ম্যানেজার এমন সময় প্রভুলকে  
দেখে অকুল-সমুজ্ঞে যেন কুল পেলে।

আহুন—এই দিক দিয়ে হয়ে যাবেন মশায়। আপনার বাড়ি কোথায়  
শুনিয়ে দেন তো ভ্রমলোকদের—

প্রভুল বলে, ভবানীপুর—

আপনার জী বলেছেন পাটনায়। আরও নানান রকম উণ্টোপাণ্টা কথা।  
আমি যে মারা যাচ্ছি মশায় সেই ঠেলায়।

তার বাড়ি সেখানে—মানে বিয়ের আগ পর্যন্ত বরাবরই ছিল কি না!  
অভ্যাস বশে বলে ফেলেছে।

স্বষ্টিধর বলেন, রোগি এনে তুলেছেন—কি রোগ সেটা ঠিক করে বলুন।  
ডাক্তারের প্রেস্ক্রিপশন দেখান। নইলে ছাড়াছাড়ি নেই। এমন রোগ যে  
বাড়িতে থেকে চিকিৎসা করতে দিল না—

অমল পিছনে পড়ে গিয়েছিল। ভিড় ঠেলে তাড়াতাড়ি সামনে এসে  
বলে, রোগ আর নেই। বাড়িতেই ফিরে যাচ্ছে। দুটো দিনেই বেশ ভাল  
রকম চিকিৎসা হয়ে গেছে।

ম্যানেজার চমকে ওঠে : হুস্তার কথা বলে ঘর নেওয়া হল যে ?

হুস্তার টাকা মিটিয়ে দিয়ে কাল সকালেই চলে যাচ্ছি আমরা। অসময়ে  
কোথায় যাই—রাতটুকু শুধু রেহাই করুন আপনারা।

কথা পেয়ে সকলে নরম হল। আর সত্যি যে অসুখ-বিসুখ, বউটাকে  
যারা চোখে দেখেছে—তাদের সেরকম মনে হয় না। তরলা এসে এমনি সময়  
ডাকলেন : ছেলে খুব ঘামছে—জ্বরটা ছেড়ে যাচ্ছে এইবার।

সকালবেলা অলকা এসে স্বস্তরের পায়ে প্রণাম করল। চোখে দেখতে  
পেয়েই মন জুড়িয়ে যায়। নৃত্যলাল গাঢ় স্বরে বললেন, আয় মা। ক’দিন  
ছিলিনে—বাড়ি একেবারে অন্ধকার। তাসের আড্ডা তুলে দিয়েছি।

অলকার নিজের কোট—হোটেলের সেই ডাডার-মাছের অবস্থা নেই।  
কালকের কান্নার পর ঝিকিমিকি হাসি এখন। হেসে মুখচোখ নাচিয়ে বলে,  
আমায়ও কি ভাল লাগছিল ? তাই দেখে বাবা বললেন, কাজ নেই—তোমার  
নিজের বাড়ি চলে যা। মা দুঃখ করতে লাগল : এককাল খাইয়ে পরিয়ে  
দু-মাসের মধ্যে মেয়ে পর হয়ে গেল। মেজলা ফিরে আসছিল, তারই সঙ্গে  
পাঠিয়ে দিলেন দিল্লি-এক্সপ্রেসে—

ও বেহাই, মা-জননী এসে গেছে এই যে! আপনি বললেন, যায়নি মোটে  
পাটনায়। আপনারা এক ট্রেনেই তো আসছেন।

দবিন্দ্রয়ে অলকা বলে, বাবা এখানে ?

হ্যা, কালকে টেলিগ্রাম করেছিলাম তোকে নিয়ে চলে আসবার জন্য।  
ব্যস্ত হয়ে উনি একাই চলে এসেছেন। কই, অমল গেল কোথায়?

অমল গতক বৃষ্টি চক্ষের পলকে সরে পড়েছে। আর প্রভুল এসমস্ত  
কিছুই জানে না—বাইরের ঘরে মহাশব্দে সে পাঠাভ্যাস করছে। শক্ত  
এগজামিনের পড়া—বাজে ব্যাপারে মন দিলে চলে না।

## সীমান্ত

জনতে গল্পের মতো, কিন্তু খাঁটি বৃত্তান্ত। ইসমাইলের দালানটা পড়ল  
পাকিস্তানে কিন্তু দলিচঘর হিন্দুস্থানে। ঢেঁকিশালের ঢেঁকি তুলে ফেলে  
লেপে-পুঁছে সেইটে হল নতুন দলিচঘর। ঢেঁকির আর দরকার নেই—হুঁটি  
মাত্র মাহুঘ, চাল কিনে খায়। এখন ইসমাইল পুরোপুরি পাকিস্তানি—কেউ  
আর কিছু বলতে পারবে না। আর এক কাজ করল অত্যন্ত গোপনে—  
দলিচঘরের মেজের একটি ঘটি পোতা ছিল, মেজে খুঁড়ে রাতারাতি সেটা  
নতুন দলিচঘরে এনে পুতল।

এমন আরও অনেকের হয়েছিল, যে যার ব্যবস্থা করে নিয়েছে।  
চিরকালের পড়শি—কত ভাবসাব পরম্পরের মধ্যে। কিন্তু কী যেন হয়ে  
গেল! মেলামেশা এখনো আছে, ‘বেহলার ভাসান’ শোনে এক আসরে  
বসে। বাইরে থেকে আগেকার মতোই, কিন্তু মনে মনে বেড়া পড়ে গেছে।

দিগন্তব্যাপ্ত বগাউড়ার মাঠ—ঐ মাঠের জমি নিয়ে কত মারামারি মামলা-  
মোকদ্দমা, আবার পাশাপাশি ক্ষেত চষতে চষতে কত সখীসোনার গান—  
হাসি-মস্তুরা। ধান কেটে কেটে গাদা দিয়ে রেখেছে মাঠের ও-সোমানায়।  
মলছে, দলছে। কেটেপুঁরের গৃহস্থবাড়ির গোলাগুলো ঠিক একেবারে মাঠের  
প্রান্তে। বেঁটে বেঁটে গোলাঘর এই সোমানার রাধানগরকে দেখিয়ে জাঁক  
করছে বতুল উদর-বিস্তার করে। ফসল তুলে-নেওয়া জৈষ্ঠের ফাঁকা মাঠে  
হ-হ করে অবিরাম হাওয়া বয়। একই হাওয়া। রাধানগরের ঘর-কানাচের  
সুপারিগাছ হুলিয়ে কুয়োর পাড়ের শরবনে বাজনা বাজিয়ে কাঁচা-সড়কে  
ধুলোর ঝড় উড়িয়ে সেই হাওয়াই মাঠ পার হয়ে কেটেপুঁরের দিকে চলে যায়।  
হাওয়াটা কেউ আলাদা করতে পারে নি। রাধানগরের প্রতিটি ঘরের  
দীর্ঘশ্বাসও চলে যায় ওদিকে—শূন্য উদরের লোলুপতা সারি সারি ধান-গোলা  
কাছে তৃপ্তি বাচ্চা করে কেন্দ্রে। আহা, গোলাগুলো ঠিক সীমান্তে না বেঁধে  
বাড়ির পিছন দিকে নজরের আড়ালে নিয়ে যদি বাঁধত!

কোথা দিয়ে কি হল! বুড়োরা প্রত্যয় করে না—ঘাড় নেড়ে হাঁকো টানতে টানতে বলে, হল কাঁচকলা—হল ঘোড়ার-ডিম। মাল-খাজনাটা এখন থেকে এই তরফে নিয়ে নেবে—আবার কি! নিশ্চিন্ততার সঙ্গে এক-মুখ ধোঁয়া ছেড়ে বলে, পাকা-পাঁচিল তুলুক আগে বগাউড়ার মাঠ বাঁটোয়ারা করে—সেই সময় বুঝব।

পাঁচিল তোলে নি। কালী পোদ্দারের কীর্তি—ছায়াময় পাকা-সড়কের পাশে পুরানো এক তেঁতুলগাছের গা কেটে ইংরেজি অক্ষর ‘পি’ লিখে দিয়েছে মাত্র। অর্থাৎ পাকিস্তান শুরু এই তেঁতুলগাছ থেকে। আর রাধানগরের দিকে লা-ভাঙার খাল পার হয়ে এবং কেঁটপুরের দিকেও আধ-ক্রোশটাক দূরে সীমানা-বান্ধা বন্ধুক-সিপাই নিয়ে ঘাঁটি জমিয়ে বসে আছে। গাড়ি-মানুষ সবাইকে থামতে হয় ঘাঁটির মুখে। দেখাশুনো হিসাবনিকাশ হয়। আটক হচ্ছে কেউ কেউ, আবার ছাড়াও পেয়ে যাচ্ছে।

হুই ঘাঁটির মাঝখানে বগাউড়ার মাঠের প্রান্তে কেঁটপুর ও রাধানগর দিনকে-দিন হতভয় হয়ে পড়ছে ঘাঁটিওয়ালাদের রকম-সকম দেখে। প্রাচীন মুকব্বিদের বচনের আর সে জোর নেই। নানা গুজব রটনা হয়। বিষম গুণ্ডগোল চলেছে নাকি চারি দিকে। স্টেশনে চণ্ডি গাড়ির দিকে নজর করেও সেটার আন্দাজ পাওয়া যায়। মানুষ-পাগল হয়ে পালাচ্ছে। বাহুড়-ঝোলা বললে কিছুই বলা হল না—গাড়ির ভেত্রে মানুষ, পাশে মানুষ, নিচে মানুষ। আঙুলে ইয়া—নিচেও, চাকাব গায়ে মানুষ লেপটে আছে—সেখানে কথটা শিকের উপর দিবি বসবার ব্যবস্থা করে নিয়েছে। অবশেষে আরও প্রত্যক্ষ পরিচয় পাওয়া গেল—ইসমাইলের ছেলে রমজান সদরের ইস্কুলে লেখাপড়া করত, সেইখানে মাথা ভেঙে দিল তার।

আর এক ব্যাপার দেখা যাচ্ছে। দিনে-রাত্রে রেলগাড়ি দু-বার আসে, দু-বার যায়। সীমান্তের তেঁতুলগাছটা পার হয়ে পদ্মফুলে-ভরা পুরানো দীঘির কাঁচাকাছি ইঞ্জিন ধীর হয়ে আসে—কল বিগড়ায় অথবা আর কি ঘটে যেন। রোজট ঘটে। অগণ্য লোক অপেক্ষা করে দীঘির ওপাশে। আর যেই মাত্র থামা, শ’খানেক লোক গাড়ি থেকে লাফিয়ে পড়ে পিলপিল করে চলে কাঁটা-তার ভিড়িয়ে, পগার পার হয়ে। দেখতে দেখতে বাজার জমে যায় দীঘির পাড়ে। তর্কাতর্কি, দরাদরি, মাল ধরে টানাহেঁচড়া—প্রায় এক লড়াইয়ের ব্যাপার। ঘণ্টাখানেকের মধ্যে বেচাকেনা শেষ। বিক্রি টাকা-পয়সা নিয়ে তখন কতক গ্রামের মধ্যে কতক বা হাটে চলল—এমিককার জিনিসপত্র লওয়া করে আবার ওদিকে নিয়ে বেচতে

হবে, সেই ব্যবস্থায়। এই এক খালা ব্যবসা কেঁপে উঠেছে ক'মাসের মধ্যে।

এক পরমাস্তর্ষ ব্যাপার—মঞ্জুলা এসে ইসমাইলের দলিচঘরের দরজা বাকান্ধে।

এত বেলা অবধি ঘুমোও ? ওঠো না। আমি মঞ্জু—

পোহাতি-তারা আকাশের গায়ে—আর বকছে, বেলা হয়েছে নাকি ! ইক-ডাকে ইসমাইল বেরিয়ে এলো।

মঞ্জু বলে, অমন করে তাকান্ধে—চিনতে পারছ না আমায় দাছ ? ভাস্কর-জায়েরা তাড়িয়ে দিল—আর আমার জায়গা নেই কেউপুর ছাড়া।

আসা হল কখন ?

মঞ্জুলা রাগ করে বলে, কি ব্যাপার বলো দিকি ? মাথা খারাপ হল নাকি যে আমার সঙ্গে ভাবাতা করছ—আসা হল কখন ?

ইসমাইল নিরুত্তরে পাশ কাটিয়ে নেমে যায়। কিন্তু মঞ্জু ছাড়ে না।

কেন বকুনি দিলে না, খবরবাদ দিস নি—কোথায় মরে ছিলি এতদিন মুখপুড়ি ? বলতে পারলে না, এলি কেন মড়কের রাজ্যে, এট মড়িপোড়া শ্মশানঘাটায় ?

ইসমাইল মুখ ফিরিয়ে তিস্তকণ্ঠে বলে, এটা তোদের শহর-বাজার নয়—কেউ কাউকে মারে নি এ-তল্লাটে। মড়কের রাজ্য কিসে হল ?

কায়তপাড়া ঘুরে দেখে এসে তবে বলছি। না মেরেছ তো গেল কোথায় সব ? ফাঁকা ঘরদুয়ার হা-হা করছে—গদখালির সেই ভুতুড়ে পাড়ার মতো।

মঞ্জুর ঠোঁট ছুটো খর খর কাঁপে, চোখ জলে ভরে যায়। বাঁ-হাতে অলক্ষ্যে চোখ মুছে অস্ত্র সুরে বলল, দাঁড়িয়ে দাঁড়িয়ে তব রারই চালাবে—না বসতে দেবে একটু ?

গলা শুনে কামরনও এসেছে দালানের দরজা খুলে। সে বলে, অবাক করলি মঞ্জু। তোকে আবার ঘটা কবে আসনাঁপড়ি দিতে হবে ? ঘরদুয়ার তো আসমানে উড়ে যায় নি ?

মঞ্জুলা নালিশ করে, দেখুন বড়দি। দাছ কী রকম হয়ে গেছে। সমীহ করে কথা বলছে—যেন আমি কত দরের মায়াব !

কামরন বলে, চটি খুলে এসে বোস। বলুকগে আবোল-তাবোল। ইচ্ছে হলে জবাব দিবি, নয় তো মুখ ভেংচাবি।

মঞ্জুলা খুশি হয়ে বলে, মড়ান রাজ্যে তুমিই জ্যান্ত রয়েছ বড়দি। রন্ধে

শেলায়, খড়ে প্রাণ এল। দাহুর রকম-সকম দেখে ভয় হচ্ছিল, এত্নি আবার বাইশগজি হাত বের করে না বলে—

খান পাঁচেক গ্রামের পরে সুবিখ্যাত গদখালি—সেখানকার বাইশগজি হাতের গল্প না শুনেছে, এমন লোক নেই। মহামারীতে এক সময়ে ঐ গ্রাম উজাড় হয়ে যায়, মেয়েপুরুষ একজন-কেউ বেঁচে ছিল না। পণ্ডিতজনেরা বলেন, নিছক গালগল্প নয়—কিছু ঐতিহাসিক তথ্য আছে কাহিনীর মধ্যে। খালবিল বেঁধে প্রথম যখন রেললাইন বসানো হল, ম্যালেরিয়ায় এমনি দশা-ই হয়েছিল এ-তল্লাটের। সে যাই হোক, জামাই আসছেন গদখালির শশুরালয়ে নতুন রেলগাড়ি চেপে। সন্ধ্যার পর স্টেশনে নেমে হন হন করে এসে তো পৌঁছলেন। সমস্ত পাড়ার মধ্যে একটি লোকের সঙ্গে দেখা হল না, কোন বাড়ি আলো জ্বলছে না। শশুরবাড়িতেও সেই ব্যাপার—জামাই সদরে দাঁড়িয়ে চেষ্টামেচি করছে, কেউ সাড়া দেয় না। অবশেষে বউ বেরিয়ে এসে হাত ধরে ভিতরে নিয়ে গেল। বলে, পূবপাড়ার বিয়েবাড়ি গেছে সবাই, আমার শরীর ভাল ছিল না—। মিষ্ট হেসে বলে, মনে মনে কেমন টের পেয়ে গিয়েছিলাম যে, তুমি আসবে—তাই যাইনি। তার পরে স্বামীর আদরশ্রদ্ধ, জ্বালানি কাঠের অভাবে উত্তনের আগুনে নিচের একখানা পা ঢুকিয়ে রান্নাবান্না করা, জ্বালানি দিয়ে চাঁপ-পঞ্চাশ হাত মাপের একখানা হাত বাড়িয়ে বাগানের নেবুগাছ থেকে নেবু সংগ্রহ করে পুনশ্চ সেই হাউ গুটিয়ে নেওয়া—ইত্যাকার যাবতীয় কাহিনী সবিশেষ জানে সবলে। মজুও কতবাব শুনেছে, আর অভকে কায়েতপাড়ায় গল্পের সেই মরা-গদখালি যেন চোখে দেখে এলো।

ইসমাইল চারা-নিমগাছ থেকে দাঁতন ভাঙছিল। কামবনকে জড়িয়ে ধরে মজু বলে, সে দাহু নেই আর! থাকলে এতদিন পরে এলাম—দাহু আমায় এমনি ছাড়া-ছাড়া ভাব দেখাত? বাইশগজি হাতের খাপড় কষে দেবে—বাইরে নয় বড়দি, চলো ঘরের ভিতর যাই।

হাসি-বহস্বে গুমোট ভাবটা উড়িয়ে দিতে চায়। ফল কিন্তু উল্টো হল। ঘুসি পাকিয়ে ইসমাইল বলে, ইচ্ছে করলে শাই। এক ঘাটে দিই মাথা তোরা ভেঙে—ঘিলু ছিটকে পড়ুক।

কামরন ক্ষিপ্ত হয়ে ওঠে: খুব বাহাদুরি! যারা হাঙ্গামা করল, তারা সব ফাঁক কাটিয়ে সরে পড়েছে—অমতা থাকে, তাদের উপর শোধ নাওপে। তা নয়—আপন মানুষ বাড়ি এসে উঠল, তার উপরে যত শাসানি!

ইসমাইল বলে, ঐ তো নিয়ম। মানুষ ধরে নয়, জাত ধরে হচ্ছে। দুটো

জাত—মোহলমান আর হিন্দু। তার মধ্যে যে জাতের যাকে যখন কায়দায় পাবে ভিনজাত তার উপর শোধ তুলবে।

মঞ্জু বলে, তা বেশ, দাও মাথা ভেঙে। ভাঙো, ভাঙো—না ভাঙো তো অতিবড় দিবিয় রইল। উঃ, বড়-মুখ করে আমি জোরের জায়গায় ছুটে এলাম—পুল থেকে গাঙে ঝাঁপিয়ে পড়াই উচিত ছিল।

রাগে কাঁপছে মঞ্জুলা। ছুটে যাবেই সে ইসমাইলের কাছে, কিম্বা হয়তো দালানের খামে মাথা কুটবে। রাগলে জ্ঞান থাকে না—চিরকাল মেয়ের ঐ মেজাজ। তার স্বত্তরবাড়ির বিস্তারিত খবর যদিচ শোনা হয়নি, তবু আন্দাজ করা চলে—এই দোষেই সেখানে জায়গা হল না।

কামরন টানতে টানতে তাকে দরদালানে নিয়ে গেল : কিছু মনে করিস নে সোনামণিক। রমজান যাবার পরে ওর অমনি ভাব হয়েছে। এক এক সময় আমারই উপর খাপ্লা হয়ে ওঠে, কোন্‌দিকে লুকোব তখন ঠাহর পাই নে।

সম্পন্ন গৃহস্থ এরা—গোয়ালে গরু, গোলায় ধান। নতুন পাকা-দালান দেবার পর ইচ্ছা হল একমাত্র ছেলেকে ভাল লেখাপড়া শিখিয়ে দেশের একজন করবে। এক নানা ছিলেন উকিল—তাঁর বাসায় থেকে সে শহরের ইস্কুলে পড়ত। সর্বনেশে খবর এলো, লাঠি মেরে রমজানের মাথা ফাটিয়ে দিয়েছে—লাঠি পিটে পিটে যেমন ঈদুর মেরে ফেলে তেমনি করে মেরেছে। ছুঁমাস হাসপাতালে থাকবার পর ইসমাইল তাকে কেইপুর্ন নিয়ে এলো—কাজ নেই আর পড়াশুনোয়, ঘরের ছেলে ঘরে ফিরে এসে গ্রামের মধ্যে প্রাণে বেঁচে থাকুক। এমন ক্ষুরধার বুদ্ধি ছেলের—উচ্চ-প্রাইমারিতে বৃত্তি পেয়েছে, হারণ পণ্ডিত শতমুখে তার ব্যাখ্যান করতেন। সেই ছেলে কথাবার্তা বড়-একটা বলে না, ভাসা-ভাসা ঢোখ মেলে সকলের দিকে চায়, এ দরস্ত দরস্ত পৃথিবীকে বুকে উঠতে পারে না যেন কিছুতে। হঠাৎ-বা আর্তনাদ করে ওঠে : ঐ যে—আসছে আব্বা, ধরো—আটকাও ওদের। আতকে ছুটে পালাতে চায়। একদিন অমনি পালাতে গিয়ে ছাত থেকে পড়ল রোয়াকের ওপর। কাটা মাথা আবার ফাটল—রক্ত বন্ধ হয় না। ঝিমিয়ে এলো ছেলে—পানি খেতে চায়। নিদারুণ তৃষ্ণা—এই দিচ্ছ, আবার বলে, পানি—। যেখানে যত পুকুর নদী সমুদ্র আছে, সমস্ত শুষে খেলেনও যেন তার তৃষ্ণা যাবে না। সে সব ভাবতে গেলে ইসমাইলের মাথার ঠিক থাকে না—সে তখন হত্তে হয়ে ওঠে।

কতদিন পরে মঞ্জুলা ফিরে এসেছে। বড়দি'র সঙ্গে গলাগলি হয়ে সুখ-দুঃখের কথা বলছে। লহসা জিজ্ঞাসা করে : বাবার আর কোন খবর বলতে পারো ?



কামরন জবাব দেয় না, তার চোখ হলছলিয়ে ওঠে।

মেরে ফেলেছে ?

কামরন ঘাড় নাড়ে : না, হাঙ্গামা হয়নি—ঐ যে শুনলি, ছোরাছুরি চলেনি এদিকে। কিন্তু এক-কোপে না মেরে তিলে তিলে মেরে গেছে ওরা। হয়তো-বা এখনো মরছে আর কোথায় গিয়ে।

বলতে বলতে থেমে গেল। ভাবছে চিরকালের সাক্ষী নিরপরাধ সেই প্রতিবেশীদের কথা। মঞ্জুলার বাবা যত্নাথ না-হয় হাত-পা-ছাড়া একলা মাহুশ—কিন্তু কাচ্চাবাচ্চা-জ্বী-পরিজন নিয়ে যারা বিদায় হয়ে গেল ? কোথায় কোন অজানা জায়গায় ঘুরে বেড়াচ্ছে তারা ভিক্ষাপাত্র হাতে ! কোন পোড়োমাঠে একটুখানি ছাউনির নিচে নিঃশব্দ সংসার পেতেছে। সবাই মনে করে, জঞ্জাল ভেসে এসে জমেছে। উদ্বাস্ত নাম দিচ্ছে সে-দেশের লোক। মানমর্যাদা নেই, আপন বলে কেউ কাছে ডাকে না, সদাশয়েরা একটু-আধটু বড় জোর দয়া দেখায়।

মঞ্জুলা বলে, পালাল কেন ভীকুর দল ? নিজের গ্রাম নিজের ভিটেয় থাকতে পারল না জোর করে ?

কামরন বলে, বোঝ তাই। ভিটেমাটি মানুষ কম কষ্টে ছাড়ে ! ছেড়ে যেতে কলজে ছিঁড়ে যায়। তবু তারা সর্বস্ব ফেলে রাত-বিবেতে চোরের মতো সরে পড়ল।

আমি কিন্তু থাকতে এসেছি বর্ডনি। যাবোই বা কোথা, কোনখানে জায়গা নেই ! দাহুকে দিয়ে আমাদের বাড়ির একটা ঘর সারিয়ে নেবো। তারই বা দবকাব কি—এ বাড়িতে হবে না একটা মানুষের জায়গা ? মরি তো আপন জায়গা। চেনা মানুষের মধ্যে একদিন মুখ খুঁড়ে মরব। ভিক্ষের ঝোলা হাতে বাইরে ছোট্টাছুটি—বড় ঘেম্মার ব্যাপার, তার চেয়ে মরণ ভাল।

ইসমাইল দবজা দিয়ে মুখ বাড়াল। সে কি শুনছিল দাঁড়িয়ে দাঁড়িয়ে ? কিন্তু কথার ভাবে প্রকাশ নেই। বলল, চান করে রান্না চাপিয়ে দে এবার। গল্প মূলতুবি থাক। রাতে জুটেছে বোধহয় লবঙকা। তাড়াতাড়ি কর—

আলস্যের ভাবে আড়মোড়া ভেঙে মঞ্জুলা বলে, একার জন্ত যাচ্ছি আমি আলাদা রান্না করতে ! তোমরা রাখবে না বড়দি ? আমাকে বাদ দিয়ে খাবে ?

তাই তো হত—হয়েও এসেছে। একটুখানি ইতস্তত করে কামরন বলে, কপাল পুড়িয়ে এসেছিঁস যে ! চলবে কেন আমাদের রান্না ? লোকে ছি-ছি করবে।

মঞ্জুর জবাবের আগেই ইসমাইল হেঁকে উঠল : ইঃ, রান্না করে খেতে পারবেন না ! করতেই হবে । না পারিস উপোসি থাকবি ।

আর ইসমাইল রাগলে মঞ্জু কিছুতেই কম যাবে না । চিরদিনের এই রীতি : থাকব উপোসি তোমার বাড়ির উপর । বেশ ! ওই কথা রইল, জলবিন্দু খাব না—

ইসমাইল গজর-গজর করছে : নবাবজাদি এসেছেন কিনা—রেঁধে-বেড়ে মুখে তুলে ধরতে হবে । বাপ চিরকাল আমাদের মাথায় পা দিয়ে বেড়িয়েছে, মেয়েরও সেই মেজাজ । কিন্তু পাকিস্তান এর নাম—তোদের জারিজুরি এ জায়গায় নয় ।

কামরন তাড়া দিয়ে ওঠে : এসব কি জন্তে বলো ? এইটুকু বয়স থেকে খেয়ে আসছে, নিজে ভূমি কত কি এনে এনে মুখে ধবেছ । সেই রকম অভ্যাস আছে, তাই বলছে ।

ইসমাইল বলে, আর নয় । বেইমানের ঝাড । শেষটা বলবে, বিধ খাইয়ে দিয়েছে । হাতে দড়ি পড়ুক আমার !

আর সে দাঁড়াল না, হন হন করে চলেছে । তলতাবাঁশগুলো হয়ে পড়েছে অদূরে গোরস্থানের উপর । দু-দিন বুষ্টির পর গুল্লর রোদ উঠেছে, রোদে বিল মাঠ-ঘাট ভরে উঠেছে । বাঁশপাতার ফাঁক দিয়ে কুচি কুচি রোদ এসে পড়েছে গোরের উপর । ভারি ছল্লোড আজ যে ওখানে । বাঁশ কাঁচ-কাঁচ করছে—বাঁশগাছে দোলা টাঙিয়ে বেদম ছলছে বুঝি এক দল্লল ছেলেমেয়ে ; ইসমাইল থমকে দাঁড়াল, আর সঙ্গে সঙ্গে সমস্ত চূপচাপ । চূপ করে গেছে যেন তার ভয়ে ।

বৃকের ভিতর থেকে কে যেন কঁদে উঠল রমজানের কঠে : বায়্য করবি নে আমার জন্তে, ভাত দিবি নে, পানি দিবি নে ? বাদ দিয়ে দিলি আমায়, উপোস করে থাকব ? আক্বাজান আমায় আলাদা করে দিলি তোরা লংসারে ?

ঐ কান্না সমস্তটা দিন ধরে চলল । ইসমাইলকে তিলেক বসতে দেয় না কোন ঠাঁই, উদ্ভ্রান্তের মতো পথে পথে ঘুরিয়ে নিয়ে বেড়ায় । রাত হল, রাত গভীর হল—গুমরে গুমরে কঁদছে তখনো । পেটের ক্ষিধে চোপের ঘুম দুই-ই গেছে ইসমাইলের । এমনি হয় এক-একদিন । অত বড় ছেলে রমজান—ইঙ্কলে পড়ত—কিন্তু কঁদে একেবারে অবোধ শিশুর মতন ।

দলিচঘরে, মাহরের উপর উপর ইসমাইল এপাশ-ওপাশ করছে । তারপর উঠে বসল । বাইরে এসে দেখে, দালানের দরজা এঁটে দিবি ওরা ঘুমচ্ছে ।

আলো নেই, একটা মানুষের সাড়া পাওয়া যায় না কোন দিকে। ভয়-ভয় করছে। একলা ঘরে থাকা যায় না, কথা বলতে ইচ্ছে করছে কারো সঙ্গে।

না গো, একা কেন হবে—আছে তো অনেক। অনেকগুলো গিনি। এক একটা গিনি গেঁথে সকলকে লুকিয়ে চুরিয়ে চকিতে একবার দু-বার দেখে নেয়। অল্পবয়সি বাপ প্রথম ছেলের সম্পর্কে যে রকমটি করে—আত্মীয়স্বজন কে কি ভাবে, সকলের অলক্ষ্যে একটুখানি আদর করে নেয়। তা এর একটা গিনির জন্ত যা কষ্ট করতে হয়েছে—ছেলের ঝঙ্কি পোহানো সহজ তার তুলনায়। এরাই সব ছেলে—কত ছেলে আছে তবে হিসাব করে দেখ।

সেই তারা আছে মাটির নিচে পিতলের ঘটিতে। হল কতগুলো? তাড়াতাড়ি ইসমাইল মাহুর তুলে খস্টা দিয়ে মেজের মাটি খোঁড়ে। বেকল ঘটি। হাত ঢুকিয়ে দিয়ে দেখে। উঃ, পরিপূর্ণ হতে কত বাকি এখনো! ঘটির খোল ক্রমেই বড় হচ্ছে, মনে হয়। তার এত কষ্টের মোহর মাটিতে শুধে নিচ্ছে না তো? আলো জ্বালা চলবে না—কে জানে ছাঁচা-বেড়ার ফাঁক দিয়ে কোন শয়তান নজর পেতে য়েগেছে। আজ অবধি কখনো একত্র দেখেনি গিনিগুলোকে—অন্ধকারে দেখবে কি করে? আল্লাহ্ রহমান, চোখের চেরাগ যদি উজ্জ্বল করে দিতে অন্ধকারেই সে দেখে নিত একবার। চোখে দেখতে পায় না, তাই হাত বুলিয়ে দেখে।

পুতুর কাটবে সে। বোর্ডের প্রেসিডেন্ট রফিক মিম্রার কাছে প্রস্তাব দিয়ে বেগেছে। ডোকরা মানুষ—কিন্তু ভারি ওলমদার, এত বড় পদ তার সেইজন্তে। রফিকের হাতে সঁপে দেবে তার সারা জীবনের সঞ্চয় গিনিগুলো। মাতব্বরদের সাক্ষি রাখবে। তারপর বাড়ির সামনে ঐ আমবন খানা-ডোবা জঙ্গল-জাঙাল একাকার হয়ে যাবে একদিন, কাকের চোখের মতো পানি টলমল করবে সেখানে। কাটা মাটি চারদিকে পাহাড়ের মতো উঁচু হবে, দেশ-বিদেশের মানুষ চোখ মেলে দেখবে। দু-পাড়ে দুটো পাকা ঘাট বাঁধিয়ে দেবে যদি সম্ভবিত্তে কুলোয়। ঘাটের উপরে ছোড়া বট-অশ্বখ। দূর-দূরান্তরের পথিকজন এসে জিরোবে গাছতলায়, অঞ্জলি ভরে ঠাণ্ডা পানি খাবে। মাছুবে খাবে, গরু-বাছুরে খাবে। ছেলেপুলে গোসল করবে দাপাদাপি করে, বউ-ঝিরা কলসি ভরে নিয়ে যাবে গাঁয়ের ঘরে ঘরে। বর্ষায় তালের-ডোঙা ভাসিয়ে খ্যাপলা-জাল বেয়ে পুঁটি-মোরলা কই-খলশে ধরবে গাঁয়ের জোয়ান পুরুষেরা—

ইসমাইল ভাবে, ভাবতে ভাবলে পাগল হয়ে ওঠে। চোখে দেখে যেতে পারবে কি সেই রমজানের দীঘি? হোদা তালাহ, আমার বড় সাথ—কঠিন

মাটির উপর পানির লহর খেলবে, ছু-চোখ ভরে আমি তাই দেখব। তা সে যত বছরই লাগুক, আমায় বাঁচিয়ে রেখো। তেঁটার ছটকট করে আমার রমজান অবশেষে শান্ত হল—শান্ত ছু-চোখ বুজে বাঁশতলায় জ্বাড়াসেজির চিহ্নিত-করা গোরের নিচে অকাতরে ঘুমুচ্ছে। ঘুমন্ত ছেলের মুখে তেঁটার পানি পড়বে তার নামে যদি আমি দীঘি কাটিয়ে যেতে পারি।

দিন আঠেক কাটল। গাঁয়ে টি-টি পড়েছে। গালি পাড়ছে সকলে ইসমাইলকে। যত্ন রায়ে মেরেকে ঠাই দিয়েছে—এ বাপের মেয়ে কোন্ মতলবে আবার ঢুকল, কে জানে? আবার অল্প কথাও বলে কেউ কেউ। লাবাস আমাদের সর্দারের বেটা! ভুলিয়েভালিয়ে রেখে দিয়েছে, কলমা পড়িয়ে নিকে দেবে রফিক মিঞার সঙ্গে। রফিকের আড্ডা তাই ইদানীং ইসমাইলের বাড়ি—ইসমাইলের কথায় সে ওঠে বসে।

শেষে আর পরোক্ষে নয়—রফিকেরা লোকেরা এসে স্পষ্টাঙ্গা কথা পাড়ল : যত্ন রায় বেটা ছিল পাকিস্তানের দুশমন—

মেয়েটার দোষ নেই।

বাপের দোষের শোধ তুলতে হবে মেয়ের উপরে। ওকে আর ফিরে যেনে দেওয়া হবে না। রফিক মিঞা নিকে করে ঘরে রাখতে রাষ্ট্রহয়েছে।

ইসমাইল চুপ করে থাকে।

কি ভাবছ তোমার রমজানের কথা? লাঠি-পেটা করে ছেলেটাকে মেরে ফেলল।

কিন্তু ইসমাইলের মনে ভাসছে আরও—আরও অনেক আগেকার এক শোকাচ্ছন্ন অপরাহ্ন—মা-মরা ছোট্ট মেয়ে ঝাঁপিয়ে এসে পড়ল কামরনের কোলে। খুব কাঁদছিল—কামরন ঠাণ্ডা করতে পারে না। ইসমাইল শেষটা কাঁধে করে স্টেশনের পাশে চড়কের মাঠে নিয়ে যায়। চড়ক ঘুরছে দেখে খিলখিল করে কী হাসি তখন মঞ্জুর!

ভাবনা-চিন্তার কিছু নেই সর্দার। ভাল চাঁদ দেখে একটা তারিখ ঠিক করে ফেল। রফিকের ঘরে যত্ন থাকবে।

ইসমাইল ইতস্তত করে বলে, গাঁয়ের পাশে থানা—জোরজবরদস্তি করা যাবে যা। আর জবরদস্তিতে ঠাণ্ডা হবার মেয়েও নয়। জোর করে চলে যেতে চাইলে কি করব আমি?

আর কেউ নয়—এ হল রুফিক মিঞা। উচিত ব্যবস্থা সে-ই করবে, তোমার কোন দায়ে ঠেকতে হবে না সর্দার।

কামরন রান্নাঘরে। দালানের রোয়াকে মাদুর পেতে পান-ভামাক খেতে

খেতে পাঁচ-মাতব্বরে কথা হচ্ছিল—ফিসফিসানি আর বারম্বার এদিক-ওদিক তাকানো ভাল ঠেকল না তার। ক’দিন ধরেই নানারকম উড়ো-গুজব কানে আসছে। অলক্ষ্যে সে দরদালানে উঠে দেয়ালে কান পাতল। একটু-আধটু যা শুনে পেলে, তাতেই হতভম্ব হয়ে গেল একেবারে। চটকট করছে, কি করবে ভেবে পায় না। গেল কোথায় সে হতভাগী? ঐ দেখ, মাঝের-কোঠায় পড়ে আছে। রাতে থাকে না, খেতে নেই মুখে বলে—আসলে হল রান্নার আলিশ। খান কয়েক পৈপের কুচি মুখে দিয়ে শুয়ে পড়েছে। ঘুমতে পারলেই হল যে-কোন অবস্থায়।

তবু কামরান আশায় আশায় ঐদিকে এগিয়ে যায়। পা টিপে টিপে জানলার কাছে আসে, কবাট সম্বর্ণে একটু সরিয়ে উঁকি দেয় মাঝের-কোঠায়। কপট ঘুমও তো হতে পারে। চুরি করে এদের শলাপরালশ শুনে তারপরে আবার যদি শুয়ে থাকে শয্যায়! ঘরে আলো জ্বলছে—সে আলোয় যদি দেখতে পায় মঞ্জুর শঙ্কাকাতর মুখ! কেটেপুরের কায়েতপাড়ার মতো সে-ও যদি পালিয়ে যাবার চল খোঁজে।

তা নয়, দেখ কাণ্ড—বেহাশ হয়ে ঘুমুচ্ছে। কতকাল যেন ঘুমোয় নি! ঘুমুচ্ছে পরম নির্ভরতায়—যেন হাজার সিপাহি-সাজী পরিবেষ্টনে নিঃশঙ্ক নবাবনন্দিনী ঘুমুচ্ছেন। দুবার ক্রোধে কামরনের সবাক জ্বালা করে। চুলের মুঠি ধরে টেনে তুলে ধাক্কা মারতে মারতে ওকে ঘরের বার করতে ইচ্ছে হয়।

রাতটুকু সয়ে রইল কায়ক্লেশে। সকালবেলা মঞ্জু চোপ মেলতেই কামরন বলে আপদবালাই দূর হয়ে যা বলছি। আজকেই চলে যাবি। বসে বসে গিলবি আর পড়ে পড়ে ঘুমুবি—এসব হবে না, এই সাক্ষ্য কথা বলে দিলাম।

মঞ্জু কানে নেয় না। ফিক-ফিক করে হাসে—যেন কত বড় রসিকতার কথা!

জবাব দিসনে যে?

মঞ্জু এক কথায় সেরে দেয় : আপন জন ছেড়ে কোথাও আমি যাচ্ছি নে—কামরন তার স্বরের অতীতি করে বলে, আপন জন! কত চংই শিখেছিস! ভিন জাত আমরা—গাঁ স্ত্রদ্ধ সকলে দুখছে আমাদের।

সকলের মতো নও তোমরা, তাই এসেছি।

কামরনের দিকে এতক্ষণে তীক্ষ্ণদৃষ্টিতে চেয়ে মঞ্জু প্রশ্ন করে : হয়েছে কি তোমার বড়দি?

কামরন বলে, ভয়-ভীতও নেই রে! সমস্ত কায়েতপাড়া পালিয়ে গেল—আর ভাংপিটে মেয়ে, তুই এসে উঠলি কোন্ ভরসায়?

মঞ্জুলা বলে, মা যেদিন মরে গেল—দমস্ত কায়েতপাড়া বজায় থাকতে তোমাদের কাছে এসেছিলাম বলে দিকি কোন ভরলায় ?

কথায় না পেয়ে তখনকার মতো কামরন মরে গেল। পাড়াপড়শির সঙ্গে হাস্য-হাস্য করে : একি জালা হল—কী দায়ে ঠেকলাম ! তোমরা দোষ দিচ্ছ—কিন্তু তাড়িয়ে দিলেও যাবে না, তা হলে কি করতে পারি বলে।

কেউ বলে, কলমা পড়িয়ে নিয়ে নাও তা হলে—

কমবয়সি একটি মেয়ে মুখ টিপে হেসে বলে, তারও তো জোগাড় হচ্ছে সুনতে পাই।

কামরন বলে, তাতে কি হবে ? ওসব মানে নাকি কিছু ? আজকাল জাতও যায় না ওদের। কলমা পড়লে জাত মরবে, সে দিনকাল নেই।

চিন্তিত হবার কথাই বটে ! মানুষের জাত নষ্ট করা শক্ত হয়ে দাঁড়াচ্ছে দিনকে-দিন। সেকালেও অবশ্য বামুনের ছেলে হোটেলের অখাজ-কুখাজ খেত, কিন্তু মুখ মুছে তবে বাইরে আসত—তখন আর ধরবার জো ছিলনা। এখন ঐ আকটুকুও নেই—এ করেছি তা করেছি জাহির করে বেড়ায়, তবু সমাজে জলাচরণ বন্ধ হয় না। জাত এখন ইম্পাতে-মোড়া - পুরানো পন্থায় জাত মারার উপায় নেই।

কামরন বলে, দেখ না এই চোখের উপর। বয়সে ছেলেমানুষ হোক যা-ই হোক, বিধবা মানুষ তো ! তা সে চুল বেঁধে গায়ে জামা চড়িয়ে চটভূতো ফটফট করে দিনের মধ্যে অমন দু-শ বার আমার গলা জড়িয়ে ধরে হেসে খেলে বেড়াবে, এতটুকু বাছবিচার নেই এর ভগ্নে কেউ ওদের সমাজে ছুটো কথা বলে না। এই যে নিজের হাতে রাঁধছে - সে নিতান্ত উপায় নেই বলে। আমায় রাঁধতে বলেছিল - কিন্তু জাতের যখন কিছু করা যাবে না, কি ভগ্নে খেটে মরব ?

পরদিন সন্ধ্যা। মঞ্জুলা ঘুমোয় নি। পিঠে গড়ে গড়ে দিচ্ছে, কামরন ভাজছে। আর ছুঁতের কাহিনী বলছে ভাসুর ও জায়েরা কী রকম অতিষ্ঠ করে তুলেছিল। কারণ হল, ঘরবাড়ি ও বিষয়সম্পত্তি। ভাগীদার তারা লুপ্ত করতে পারে না।

কামরন বলে, তারও চেয়ে বড় কাবণ—তোমরা লাটসাহেবি মেজাজ। সেই ছোটবেলা থেকে খল সঙ্গে আসছি, সময় সময় আমাদেরই অসহ্য হয়ে ওঠে—পরে কেন বরদাস্ত করবে ?

তাই দেখলাম বড়দি, তোমরা ছাড়া কোনখানে আমার ঠাই নেই।

লোকজনের সাড়া পাওয়া গেল বাইরে। আজকেও আবার ? কামরন

ভয়ে ভয়ে দরজায় এসে বাইরে উকি দেয়। যা ভেবেছে তাই, মাতব্বরেরা এলে জুটেছে।—কামরন ছুম করে শিড়ির উপর বলে বলে, ঠাই এখানেও নেই। কাল বিদেয় হয়ে যাবি।

মঞ্জুলা অবাক হয়ে গেছে। কামরন বলে, ছুপূরের গাড়িতে চলে যাবি। সহজে না যাস তো ঝাঁটা মেরে তাড়াব।

মঞ্জু হেসে ফেলল : ঝাঁটা তো খাইনি তোমার হাতে, মিষ্টি-মিঠাই খেয়ে এসেছি। দেখা যাক, ঝাঁটা কেমন লাগে। সে যাকগে—কালকের কথা কাল। তোমার তেল জলে যাচ্ছে বড়দি, পুলি ছেড়ে দাও।

কামরন রাগে রাগে উত্তরের পাশে কড়াই নামিয়ে বলে, চুলোয় যাকগে পুলি। জিজ্ঞাসা করি, লজ্জাশরম মানইচ্ছত পেটের দায়ে পুড়িয়ে খেয়েছিস? এমন তো ছিলিনে।

ইসমাইল এমনি সময়ে দরজায় দাঁড়াল কলকেয় আগুন নিতে। মঞ্জু নালিশ করে : দেখ দাহু, বড়দি খুস্তি উচিয়ে কি রকম আমায় তাড়িয়ে তুলছে।

কামরন ঠাণ্ডা হয় না। বলে, নিশ্চয় তাড়াব। জাত দুটো আলাদা হয়ে গেছি, দেশ দুটো ভাগ হয়ে গেল—কোন লজ্জায় পড়ে থাকিস?

তখন মঞ্জুলাও ক্ষেপে গেল : যাবো কোথায় বলে দাও। কে কোথায় আছে আমার, কি সম্বল আছে? খাব কি, থাকব কোথায়, কি আমার ভবিষ্যৎ? না থাকতে দাও—বেশ তো, চলো দাহু আমার সঙ্গে, তুমি আমার ব্যবস্থা করে দিয়ে আসবে। আমি কাকে চিনি ওদেশে? যাদের বাড়ি বিয়ে দিলে, তারা তো দূর-দূর করে তাড়িয়ে দিল।

মঞ্জুলার ছু-চোখে জলের ধারা বইল। ইসমাইল স্ত্রীর দিকে চেয়ে বলে, তা যায় যখন যাবে—এত তাড়াতাড়ি কিসের? গিয়ে পথে দাঁড়াতে পারে না তো! ভেবেচিন্তে একটা ব্যবস্থা করতে হবে—

কামরন আগুন হয়ে বলে, তা জানি—তুমি এই বলবে। সমস্ত জানি আমি। কালকেই ওর চলে যেতে হবে। এই শেষ কথা।

ইসমাইল কান্দে প্রায়ই। গভীর রাতে ঘুম ভেঙে এক-একদিন ডুকরে কঁদে ওঠে। ঐ তো কান্দবার সময়। পুরুষমানুষ কান্দছে—এ লজ্জার কান্না মানুষের শুনতে পায় না তখন। শোনে ঘর-উঠোন, আর বোধহয় সর্বনিয়ন্তা সেই খোদাতালা। অদূরের গোরস্থানও হয়তো বা উৎকর্ষ হয়ে শোনে।

ছুপূর বেলা ইসমাইল বাড়িতে খায় নি। রক্ষিক মিঞার বাড়ি দাওয়াত, সেইখানে চলে গেছে। কিরবে কখন কে জানে। আর কামরনের যে কথা

সেই কাজ, গোটা দশেক টাকা জমিয়েছিল সুপারিটা নারকেলটা লুকিয়ে চুরিয়ে বিক্রি করে। টাকা ক'টি মঞ্জুর হাতে দিয়ে বেলাবেলি তাকে স্টেশনে পাঠাল।

গাড়ি এলো, অচেনা কলকাতা শহরের টিকিট কিনে মঞ্জু উঠে বসল। ঐ নাকি জগতের মধ্যে তার সব চেয়ে আপন জায়গা—তার হিন্দুস্থান। কামরার মানুষগুলোর মুখের দিকে তাকিয়ে আন্দাজ পাওয়া যাচ্ছে কে কোন্ দিককার বাসিন্দা। শুকনো মুখে যারা নির্বাক হয়ে আছে, নিঃসন্দেহ তারা সীমান্ত-পারের। কাস্টমসের লোক কিম্বা যে-কেউ হোক না কেন—কোন-কিছু বললে বিনয়ে প্রায় ভূমিলগ্ন হয়ে জবাব দিচ্ছে। আজ্ঞে, হজুর—প্রতি কথায়।

একজন চেনা মানুষ দেখতে পেল—বিপিন তাহুলি। কয়েতপাড়ার কাছে তার বসতি ছিল, এখন হিন্দুস্থানে বাড়ি তুলেছে। কাস্টমসের লোক বিপিনকে এসে ধরেছে।

কত টাকা আছে সঙ্গে ?

কুড়ি বাইশ টাকা হজুর—

বের করো—

খলি ঝেড়ে দেখা গেল, তা-ও নয়। আনি-পয়সা গোণাগুণাত করেও পনের টাকা পোরে না।

জিনিসপত্তোর কি আছে ? সোনারূপো ? সুপারি ?

আজ্ঞে না। সোনারূপো কোথায় পাব ? জামা-কাপড় দু-তিনটে। আর আমার শাণ্ডি ক'খানা চন্দোরপুলি ঝাকড়ায় বেঁধে দিয়েছেন। দেখাব ?

বিপিন বোঁচকা খুলে ছড়িয়ে দিল। অস্ত্র যাজ্ঞকে প্রসন্ন করতে করতে রীত-রক্ষার মতো কাস্টমসের লোক হাত ঢুকিয়ে দিল তার ভিতর।

গাড়ি ছেড়েছে। এতক্ষণের শুকনো মুখগুলোর উপর একটু যেন হাসির রেখা—পুরোপুরি হাসির সময় আর্সেনি এখনো। সে ঐ সামান্য তেতুলগাছ ছাড়িয়ে যাবার পর।

ইসমাইল গাড়ির সঙ্গে ছুটেছে। বাড়ি এসে খবর শুনেই ছুটেছে স্টেশনে। মুখ-বাঁধা একটা হাঁড়ি কামরার জানলা দিয়ে মঞ্জুর হাতে তুলে দিল।

কি ?

কাঁচাগোল্লা কিনে দিলাম, রাস্তিরে খাস।

আকুল অশ্রুজলে মঞ্জু বলে, এ তুমি নিয়ে যাও দাছ। ঘরে জায়গা দিলে না, একবেলা খাবার খাইয়ে মায়া দেখাতে হবে না।

কিন্তু ইসমাইলের কানে গেল না—গাড়ির গতিবেগ বেড়েছে, অনেক



জলের কল কাছেই, জল পড়ছিল। হয়তো হাতে ছোঁয়া লেগেছিল তাদের, রগড়ে রগড়ে হাত ধুয়ে এল। বদলেছে কি রকম, বুঝতে পারি না। খুলো-ভরা নোংরা পৃথিবীতে সেই তো আগের মতন ডিঙিয়ে ডিঙিয়ে হাঁটে। খুলো না হয়ে যদি আগাগোড়া কার্পেট-বিছানো থাকত, সোয়াস্তি পেত এই লিলির জাতের মেয়েগুলো।

হাত ধুয়ে এসে দাঁড়াতে, বন্ধিম নাচোড়বান্দা—আবার শুরু করল : চিনতে পারলে না দাদাকে? সেই যে সেবার—মনে পড়ছে না? শান্তিময়-দা গো—যার বাড়িতে খেয়ে আমি মানুষ। আমার নিজের বড়দা'র চেয়েও বেশি। প্রণাম করো।

লিলি হাত ছুঁখান। একটু তুলল—হাত জোড় হল না, কপাল অবধিও পৌঁছল না। যা-ই হোক, বদলেছে একটু সত্যিই। এ কালের মা-লক্ষ্মী'রা গড় হয়ে প্রণাম করতে শেখেন না—কিন্তু যে হাত একদিন রাগ্তা দেখিয়ে দিয়েছিল, কপালের দিকে সেই হাত উঠল তো উচু হয়ে!

ওদের গা ড়তে উঠে বসতে হল। বেণ জোৎস্না ফুটেছে, জানলা দিয়ে এসে পড়েছে। বছর বাইশ বয়স মেয়েটার। রং খুব করসা। সেটার কতখানি নিজস্ব, আন কতটা ক্রিম পাউডারের মারকতে দাঁড় করিয়েছে—সঠিক বলা যাবে না। ঠোঁটে আর গালে কুজ, নখে রঙ, একহাতে চুড়ির গোছা আর একহাত খালি, কক্ষ ফুলের বোঝা, মুখের উপর 'হায়—হায়—' গোছের একটা ভাব, কত দিনের কঞ্চণ ক্লান্তি যেন জমে আছে সেখানে। চেয়ে চেয়ে দেখি, আর ভাবি—কত ঘট। সময় লেগেছে না-জানি প্রসাদনে! ছবি আঁকার মতো এরা দেহখানি সাজিয়ে-গুছিয়ে বৃত্তস্থ চোখের সামনে তুলে ধরে। শিখের আঁটো-ব্লাউজ গায়ে, শাড়ির গুটানো আঁচল আলগোছে আছে কাঁধের উপর। সুরার রক্তিম আভা কাচের পাত্র থেকে যেন বেরিয়ে আসছে। গা শির-শির করে ওঠে। ছুঁচোখে দেখতে পারি না: এই চপল মেয়েগুলোকে—যারা দিনের অর্ধেক সময় ধরে সাজে, আর সাজ কতটা খুলল বাকি অর্ধেক সময় তারই পরখ করে বন্ধিমের মতো হাদারামগুলোর উপর।

মনের ভিতরে যাই থাক, হেসে আলাপ জমানোর চেষ্টা করতে হয়। আলাপ করিই-বা কি ছাইপাশ নিয়ে? বোঝে তো ছুটো জিনিস পৃথিবীতে—সিনেমা আর কসমেটিক, আর আমি নিতান্ত আনাড়ি ঐ ছুটো জিনিস লম্পর্কে।

লিলি বলল, আপনার কথা শান্তিময়-দা অনেক শুনেছি। উঠেছেন কোন্‌ গাড়িতে?

বন্ধিমই বলল, ও ধারে কোথায়। ঘুম—ঘুম—ঘুম—এমন ঘুম-কাভুরে  
দাদা আমার! তোমার সঙ্গে দেখা করাতে আনব, ঘুম কামাই হবে বলে  
আসতে চান না।

লিলি বলে, হাই তুলছেন। তাই তো—ওঁকে কষ্ট দেওয়া ঠিক হচ্ছে  
না। দেখাশুনো তো হল—যান শান্তিময়-দা ঘুমুনে আপনি।

অর্থাৎ সরল বাংলায় ব্যাখ্যা করলে এই দাঁড়াচ্ছে, আপদ-বালাই বিদায়  
হও তুমি এখান থেকে। বর্ষারাত্রে ফাঁকা গাড়িতে দু-জনে আছি, পাকা  
চুল আর ভারি গৌকজোড়া নিয়ে দোহাই তোমার জেঁকে বসে থেকো না  
এর মধ্যে।

কিন্তু বন্ধিমটা বুঝবে না এসব কিছু। বলে, কষ্ট না আরো-কিছু! কি হয়  
মাহুয়ের একরাত না ঘুমলে? কত কথা জমে আছে—বহ্নন আপনি।  
দেখাশুনোর পাট একেবারে উঠিয়ে দিয়েছেন, তার শাস্তি।

এই সময় খেয়াল হল টিকিন-কেরিয়ারের খাবার যেমন তেমন রয়েছে।

কই লিলি, খাচ্ছ না যে?

এখন থাক—

কিধে পেয়েছে বললে—

লিলি মুহূ হেসে বলে, কখন?

আমি জানি, বড্ড কিধে পেয়েছে তোমার। খাও।

আমি বললাম, খাওয়ানোই যদি মতলব, আমায় টেনে আনলে কেন  
এখানে? আমি উঠি।

লজ্জিত হয়ে লিলি বলল, না না, বহ্নন আপনি, গল্প করুন। মেয়েদের  
ওয়েটিং-রুমে যাই আমি। হাত-টাত ধোবার দরকার, নিচে তো নামতেই  
হবে—

বন্ধিমের দিকে চেয়ে বলে, বাপ রে, অত এনেছ কেন? দাও আত-  
সামান্ন কিছু।

নিজেই সে একটা বাটিতে করে তুলে নিল। আড়চোখে তাকিয়ে দেখি,  
যা নিল নেহাৎ অতি-সামান্ন নয়। যাক—একেবারে বেপরোয়া হয় নি তা  
হলে, পুরুষদের সামনে হাঁ করে গিলতে লজ্জা লাগে এখনো।

লিলি গেল তো ফাঁকা পেয়ে অতঃপর বন্ধিম হেঁকে ধরল। শতকণ্ঠে  
লিলির কথা। বাইরে একটু বেশি চটপটে হলেও মনে মনে সে অত্যন্ত সরল  
ও অমায়িক, অমন মেয়ে হয় না। অর্থাৎ প্রেমে গদগদ অবস্থা বেচারির।  
লিলি অলোকসামান্ন নারী, পৃথিবীতে এমনটি দ্বিতীয় জন্মায় নি, বিনাভর্যে

মেনে নিয়েও অব্যাহতি পাই নে। বক্সিম বিপুলতর উৎসাহে আবার গুণের ফিরিস্তি দিতে লেগে যায়। এ পাগল দেখছি মাথা খারাপ করে দেবে।

লিলি ফিরে আসছে। দুটোয় মিলে গল্প করুক, এবার আমি পালাব। না ঘুমলে চলবে না। অগ্নিবিন্দু...। জ্যোৎস্নার আলোয় দেখতে পাচ্ছি, হাঁ—লিলিই তো! সর্বনাশ, আরে সর্বনাশ—মেয়েটা সগারেট ধরিয়েছে নাকি?

যখন কামরায় এসে উঠল, তখন অবশ্য ও-সব কিছু দেখলাম না। চুলোয় থাকগে। কতক্ষণ বা আছি এদের সঙ্গে, ক’দিনই বা দেখা হবে জীবনে!

বক্সিম বলে, এর মধ্যে হয়ে গেল?

যাচ্ছেতাই খাবার। ফেলে দিতে হল প্রায় সমস্ত।

লজ্জায় মরে গিয়ে বক্সিম বলে, তাই নাকি? সব তাতে জোচ্ছুরি চলেছে আজকাল। আচ্ছা, মামুদপুর পৌছই। সেখানে—

মামুদপুর আমার নীলগঞ্জেরই ঠিক পরের স্টেশন। আট বছর আছি, আমার ঘরবাড়ি বললেই হয় নীলগঞ্জ-মামুদপুর ইত্যাদি অঞ্চলটা। আশ্চর্য হয়ে বললাম, ফ্র্যাগ-স্টেশন—এক ঢোক খাবার জল জোটানো যায় না, জলখাবার মিলবে কোথা মামুদপুরে?

মুচকি হেসে রহস্যপূর্ণ চোখে বক্সিম বলল, আমাদের মিলবে দাদা, ষোড়শোপচার রাজভোগ। লোক আছে আমাদের।

আমি বললাম, এ গাড়ি আগে ধরতই না ওখানে।

আজকাল ধরে। মিনিটারি ঘাঁটি হয়েছে কিনা! ক্যান্টিন থেকেই খাবারের ব্যবস্থা করা আছে। আর তা ছাড়া—

কথার মাঝে বক্সিম থেমে গেল হঠাৎ।

আমি আর লিলি চেয়ে আছি। বক্সিম বলল—লিলির খাতিরেই নিশ্চয় তা আপনাদের কাছে বললে দোষ আর কি? বাইরে খবর ছড়াতে যাচ্ছে না তো?

গলা নিচু করে বলতে লাগল, কাল রাতে এক কাণ্ড হয়েছে। পেট্রোল দিয়ে পোস্টাফিস পুড়িয়ে দিয়েছে।

লিলি বিস্মিত হয়ে প্রশ্ন করে : সে কি? পোস্টাফিস পোড়াতে গেল কারা?

বক্সিম বলে, মাথা খারাপ যাদের। দেশ উদ্ধার হবে নাকি এই সমস্ত করে করে!

মুখ দিয়ে আমার বেরিয়ে গেল : করছে যে তাদের দিয়ে—

লিলি সায় দেয় : ঠিক । দেশদ্রোহী পঞ্চমবাহিনীরা—

না, সরকারি লোক তারা—

বন্ধিম হাঁ করে আমার মুখে তাকাল ।

হাঁ—সরকারই দায়ি এ সমস্তর জন্ত । বোম্বাই প্রস্তাব নিয়ে কংগ্রেস কি করে, দেখবার জন্ত সবুর করল না—কেন ধরল গান্ধীজী ও নেতাদের ? সর্বস্ব দিয়ে যারা পরাধীনতার অবসান চাচ্ছে, আর এক নতুন বিদেশি-জাপানির পায়ে মাথা বিকোবার কথা স্বপ্নে তারা ভাবতে পারে ?

লিলি উত্তেজিত হয়ে ঘাড় নাড়ল : না না—তুয়োরে শত্রু, ওসব চুল-চেরা বিচারের সময় এ নয় । ধরা পড়েছে কেউ বন্ধিমবাবু ?

বন্ধিম পরমোৎসাহে বলে, গোটা দুই এখন পযন্ত । কিন্তু যাবে কোথা ? বেড়া-জালে আটকানো হয়েছে । এই গাড়িটায় আমার নজর রাখবার কথা । স্টেশনে স্টেশনে নেমে যাচ্ছি, দেখছ না ? মামুদপুর থেকে আরও ছ-সাত জন আমাদের উঠবে । গাড়ি তন্ন তন্ন করে দেখা হবে তার পরে ।

লিলি বলে, ধরে সবগুলোকে ফাঁসিতে লটকে দেবেন । সে-ই উচিত শাস্তি ।

উঠে পাড়লাম, আর নয় । মনে মনে বলি, বিলাতি গারফিউমারির জীবন্ত বিজ্ঞাপন বই তো নও—তোমরা এ কথা বলবে বই কি ! স্বর্ধের চেয়ে বালির উত্তাপ বেশি । তোমাদের পরম উপাশ্রু বিদেশি দেবতারাও নিশ্চয় ঘর পোড়াবার দায়ে ফাঁসির জুকুম দিতে চাইত না ।

বন্ধিম পিছনে ডাকতে লাগল, আমি কানে নিলাম না ।

কামরায় ঢুকে নিজের জায়গায় যাচ্ছি, জুতোস্বদ্ধ পা হড়কে গেল । পড়তে পড়তে সামলে নিলাম । ব্যাপার কি ? টর্চ জ্বলে দেখি, কলার খোলা । আর দেখি, কেক আর কাটলেটের টুকরো ছড়িয়ে আছে আমার সতরঞ্চি-কব্বলের উপর ।

কি করে এসব এখানে আসে ? একটা কথা ধরক করে মনে উঠল । কিন্তু না—এত জায়গা থাকতে লিলি বেছে বেছে এই থার্ড ক্লাসের কামরায় জলযোগ করতে আসবে কি জন্ত ? সরকারি গাড়ি—যার ইচ্ছে খেয়ে গেছে । তবে আমার বিছানায় ছড়িয়ে না গেলে বলবার কিছু থাকত না ।

ওয়ে পড়লাম ঝেড়ে-ঝুড়ে নিয়ে।...সেই স্বপ্ন আবার । নিঃশব্দগতিতে চুকল, পাখির মতো উড়ে এল যেন । ঘুমোই নি, এক মুহূর্তে নিঃসন্দেহ হয়ে গেলাম । ফিস ফিস করে লিলি ডাকছে : অজিত-দা, ঘুমিয়ে পড়লে আবার ? ডাকতে ডাকতে বেড়িং ও বস্তার মাঝ থেকে শব্দ বেকল, উ !

খেয়েছ ?

তুমি খাইয়ে দিয়ে গেলে না তো !

খাও নি তাই বলে নাকি ?

ফেলে দিয়েছি, রাগ করে ছড়িয়ে দিয়েছি সব—

নিখাস রোধ করে উৎকর্ষ হয়ে শুনে যাচ্ছি। বটে রে ! লাগেজের সঙ্গে জলজ্যাস্ত প্রেমিক একটি নিয়ে চলেছ, ফাঁক মতো এসে এসে প্রেম করেছে যাচ্ছ—আর বন্ধিম হতভাগা ওদিকে খাবার বয়ে বেড়াচ্ছে তোমাদের।

লিলি অম্মনয়ের স্বরে বলে, কি করব ! একটা তো পিছনে ফেউ লেগেই আছে। আবার দু-নম্বর জুটেছে—বন্ধিমের কোন বাউণ্ডলে দাদা। বেশিক্ষণ কাছে থাকতে ভরসা হয় না। মিথ্যে তুমি রাগ করছ।

খুব চুপি চুপি বলছে, তবু শুনতে পাচ্ছি প্রতিটি কথা।

এবার কোমল স্বরে ছেলেটি জবাব দিল : না গো, রাগ করব কেন ? ঠাট্টা করে বললাম। যদুর পারি খেয়েছি। হাত দিয়ে তুলে খাবার জো আছে কি ?

জল এনেছি, জল খাও অজিত-দা। হাত-মুখ মুছিয়ে দি তোমার—

আন্তে আন্তে আমি উঠে বসলাম। এমন আবিষ্ট, এখনো টের পেল না। শুধু হাত ধোওয়ানো নয়—ও কি ! মুখ এগিয়ে নিয়ে যায়—কি করছে রে ? হাতে-নাতে ধরে ফেলব। টর্চ জাললাম। বাঙ্কের উপর ঝুঁকে পড়ে লিলি তার শাড়ির আঁচলে হাত-মুখ মুছিয়ে দিচ্ছে। বেডিং-বস্তার আড়ালে মানুষটাকে টিক দেখতে পেলাম না।

লিলির মুখ শুকিয়ে এতটুকু। খপ করে আমার হাত জড়িয়ে ধরল।

ঘাড় নেড়ে আমি বললাম, বলে আমি দেবোই। সমস্ত ফাঁস করে দেবো।

সহসা বিছানার তুপ ঠেলে মানুষটা খাড়া হয়ে বসল। বলল, চলুন—আমিই যাচ্ছি।

লিলি বলে উঠল, উঠো না, উঠো না তুমি অজিত-দা—

শুধু ওঠা নয়, লাফিয়ে নেমে পড়বার চেষ্টা করছে ছোকরাটি। হঠাৎ অসহ আর্তনাদ করে সে গড়িয়ে পড়ল।

শিউরে টর্চ ফেললাম তার দিকে। জীবনে অমন বীভৎস চেহারা দেখব না। সর্বাত্ম পুড়ে গেছে, ঘা দগদগ করছে, ঝাঁকুনিতে রক্তের ধারা বেরুচ্ছে ক্ষতমুখ দিয়ে। সেই অবস্থায় অজিত বলল, আমার তো ক্ষমতা নেই নিজে গিয়ে ধরা দেবার। ওদের ডাকুন মশাই, চাই নে আমি পোড়া-দেহ নিয়ে পড়ে থাকতে।

লিলি লজল কণ্ঠে বলে, না অজিত-দা, না।

হুঁজনে আস্তে আস্তে ধরে নামালাম অজিতকে। আমি জল আনতে ছুটলাম স্টেশনে। এসে দেখি—নিজের চোখে না দেখলে কখনো আমি বিশ্বাস করতাম না—সেই নাক-সিঁটকানো শৌখিন মেয়ে লিলি, যার বিলাসিতা ও উচ্ছ্বলতার কথা পোস্ট-গ্রাজুয়েট ক্লাসের ছেলেদের মুখে মুখে ঘোরে—দামি সবুজ একখানা রুমাল অজিতের ঘায়ের উপর চেপে ধরেছে। রুমাল ভিজে গিয়ে ঘায়ের রসরস গড়িয়ে গড়িয়ে পড়ছে তার পাউডার-বুলানো হৃৎকৃত হাতের উপর দিয়ে, রাঙানো নখগুলোর উপর দিয়ে। আর কী আকুলতা দেখলাম তার চোখে-মুখে!

স্টেশনের কেরোসিনের আলোর নিচে হঠাৎ বন্ধিমকে দেখা গেল। ঘুরে ঘুরে ডিউটি দিচ্ছে বোধহয়। অজিতকে আড়াল করে দাঁড়িয়ে জিজ্ঞাসা করি : কি বন্ধিম?

‘আসছি—’ বলে কোথায় যে লিলি চলে গেল, অনেকক্ষণ দেখতে পাচ্ছি না। গাড়ি ছাড়বে, ঘণ্টা দিতে যাচ্ছে এবার।

হেসে বললাম, লিলিকে আমার এখানে টেনে এনেছি। বড়ঘরের মেয়ে—দেখে যাক, খুতু-কাশি শালপাতা পোড়া-বিড়ির মধ্যে কেমন আনন্দভ্রমণ হয় আমাদের। যাও লিলি, গাড়ি ছেড়ে দিচ্ছে।

তার কানের কাছে মুখ নিয়ে চুপি-চুপি বলি, মামুদপুর পৌছবার আগেই আমি ব্যবস্থা করে ফেলব। নিশ্চিন্ত হয়ে চলে যাও দিদিভাই।

লিলি নেমে গেল। বন্ধিমের সঙ্গে যাচ্ছে। যেতে যেতে ঘনপক্ষ দৃষ্টি তুলে তাকাল একবার আমার দিকে। জ্যোৎস্নায় দেখতে পেলাম।

নীলগঞ্জ স্টেশনে স্ট্রচার নেই। জন চারেক কুলিকে দিয়ে অফিসের ইজিচেয়ারটা আনালাম। সবাই আমার চেনা, ভাজারবাবু বলে খাতির খুব, একেশ্বর সত্ৰাট বলতে পারেন আমাকে এ-জায়গায়। ইজিচেয়ারে অজিতকে শুইয়েছি, আমার কালো কবলে ঢেকে দিয়েছি আগাগোড়া। ইচ্ছে করেই বন্ধিমদের গাড়ির সামনে দিয়ে যাই। লিলি খুব গল্প জমিয়েছে—একখানা হাত এলিয়ে দিয়েছে বন্ধিমের কোলের উপর। জানলা দিয়ে উকি-ঝুঁকি দিয়েই বন্ধিম যথাসম্ভব তার ডিউটি করছে।

আমায় দেখে বলে, চললেন দাদা?

হ্যাঁ। আর গেরো কেমন ঐ দেখ। রোগ দেখতে গিয়ে রোগিটিও পিছন নিয়েছে। জিসংসারে কেউ নেই, হাসপাতালে ভরতি করে নিতে হবে।

লিলি উঠে দাঁড়াল। প্রণাম করে আসি দাদাকে—

আধুনিকা মেয়ে এসে কাদা-ভরা প্লাটফর্মের আমার পায়ের গোড়ায় উপুড় হয়ে প্রণাম করল। মুখ তুলল যখন, দেখি, সাবান দিচ্ছে-ফাঁশানো চুলে ভর কাঁজলে ঠোঁটের রুজ কাদা লেপটে গেছে। কুলিরা ততক্ষণে আমার রোগিকে প্লাটফর্মের গেট পার করে নিয়েছে।

## পুণ্যের সংসার

একদা হরিমোহন উকিল ছিলেন। বিশ্বাস করা শক্ত, কিন্তু সত্যিই কোর্টে যেতেন তিনি নিয়মিত। এবং মক্কেল পেলেন ওকালতনামায় সই মেরে নথিপত্র বগলে হাকিমের এজলাসে ছুটতেন। উপায় কি তা ছাড়া? বাপ খরচা করে ওকালতি পড়িয়েছেন। যা ছ-একট. মক্কেল, তিনিই জুটিয়ে নিয়ে আসেন। বিয়েও দিয়েছেন তিনি, এবং তার ফলে যথারীতি নাতি-নাতনি পেয়ে যাচ্ছেন। এ হেন বাপের আদেশ অমান্য করা চলে না। সে কথা ওঠেও না—অত্যন্ত সং পিতৃভক্ত ছেলে হরিমোহন।

সেই বাপ গত হলেন। অতঃপর হরিমোহন আর কোর্ট মুখো হন নি।

দুপুরে খাওয়াদাওয়ার পর বৈঠকখানায় বিছানা পেড়ে ঘুমান। বলেন, একই ব্যাপার তো—বার-লাইব্রেরিতে বসে বসে ঘুমানো আর বৈঠকখানায় শুয়ে পড়ে ঘুমানো।

ঘুমটোমের পর হরিমোহন বাপের পুরানো কাগজপত্র উন্টেপাল্টে দেখেন। যত দেখেন, অবাক হয়ে যান। ধন্য তুমি বাবা! এতই তোমার আছে, তবে কি জন্ম ঐ ক'টা বছর আদালতে ছুটোছুটি করালে? যে সম্পদ রেখে গেছেন—হরিমোহন তো ছার, তার ছেলে এবং ছেলের ছেলে অবধি পায়ের উপর পা দিয়ে বসে থাকবে। ফুরোবে না। উত্তরপুরুষদের যত রকমে নির্ভাবনা করা যায়, তার সকল ব্যবস্থা ভেবে গেছেন তিনি। ধানজমির গুলো-বন্দোবস্ত—অর্থাৎ ফসল হোক না হোক, বর্গাদার হিসাবমতো ধান গোলায় তুলে দিয়ে যাবে। ফলের বাগান—বারোমাসে যখন যা ফলে, বাগান থেকে ঘরে আসবে। বসন্তবাড়ি ছাড়া ভাড়াবাড়ি কতকগুলো—বিনামূল্যে মাসে মাসে বিস্তর পরিমাণ নগদ তহা। তাছাড়া ব্যাংকে গচ্ছিত টাকা আছে, শেয়ার ও জীবনবীমা আছে। আরও কত কি আছে, সমস্ত এখনও জানা যায় নি। মোটের উপর অত্যন্ত মহাশয় ব্যক্তি ছিলেন বাবা মাহুষটি।

এই অবস্থায় যা ঘটে—ধর্ম-কর্ম বিষয় মতি, স্বামী-স্ত্রী দুজনেরই। তেতলায় ছাদের দুই প্রান্তে দুই ঠাকুরঘর। হরিমোহন আর পুরবী ভোরে উঠে নিজ

নিজ ঠাকুরঘরে চলে যান। বেরুতে নটা। হরিমোহন বেরিয়ে এসে চা খেয়ে খবরের কাগজ নিয়ে বসেন। পূরবী যান রান্নাঘরের তদারকিতে। সন্ধ্যার ঠিক পরেই পুনশ্চ উভয়ে ঠাকুরঘরে ঢুকে পড়েন। ভরভরন্ত সংসার হরিমোহনের। তিন মেয়ে, চার ছেলে। বড় মেয়ে দীপার বয়স ষোল হলেও এমন বাড়-বাড়ন্ত যে ঘরে রাখা যাচ্ছে না, অচিরে বিয়ে দিতে হবে।

একদিন বিষম কাণ্ড। ধূপের-ধোঁয়ায় বিগ্রহ এবং হরিমোহন নিজেও আধাআধি অদৃশ্য। পূরবী দেবী এমনি সময় বাইরে এসে ডাকলেন : শোন, শিগগির শুনে যাও এবটা কথা।

হরিমোহন তদগত হয়ে ছিলেন। পূরবী এত ডাকছেন, কানে পৌঁছয় না। অবশেষে সাড়া দিলেন : আঁা ?

বাইরে আসতে বলছি।

যাই।

পূরবী আরও কিছুক্ষণ দাঁড়িয়ে রইলেন চুপচাপ। অর্ধেক হয়ে শেষে নিজেই ঢুকে পড়েন : নিভা কি করেছে জান ?

কতক বাক্যে কতক বা ইঙ্গিতে পূরবী বললেন। শুনে হরিমোহনের চোখ বড় বড় হল : কি বল, তাই কখনও হতে পারে ?

পূরবী বললেন, ভাল করে না জেনে কি বলছি ? সাত ছেলেমেয়ের মা— আমার চোখে ফাঁকি চলে না। তার উপরে লক্ষ্মীমণি দাইকে দিয়েও দেখিয়ে নিলাম আজ।

হরিমোহনের কণ্ঠ হাহাকারের মতো শোনাল : কী সর্বনাশ !

করবী পাঠাল ওকে। ওর মা চিরকাল তাদের সংসারে কাজ করে গেছে, কেউ একটা কথা বলতে পারে নি। কচি বয়সে বিধবা হয়েছে, অনাথা, লিখতে পড়তে পারে একটু-আধটু। ভাবলাম, রেখে দিই। দীপার বিয়ে হবে, তার লঙ্গে শ্বশুরবাড়ি দিয়ে দেব।

হরিমোহন বলেন, আমি মানা করেছিলাম—মনে আছে ? ফালকফুলুক চাউনি—ওসব মেয়ে ভাল হয় না। বোঝ এইবারে।

তাই নিভাকে বলছিলাম, পুণ্যের সংসারের উপর বসে কী কাণ্ড করলি, ওরে পোড়ারমুখী। দয়া করে আশ্রয় দিলাম—আমার যে মুখ তোলবার উপায় রাখলি নে ওঁর কাছে।

হরিমোহন রায় দিলেন : পাপ বিদেয় কর।

করতেই তো হবে—

দেয়ি নয়, এত্নি। এই মুহূর্তে।



পূরবীর তখন দয়া হয়েছে : রাজিবেলা, তার উপর শীতকাল—

হরিমোহন কঠিন কণ্ঠে বলেন, না না, চলে না-যাওয়া পর্যন্ত এ বাড়িতে আমার ঘুম হবে না। তবে বল, আমিই যাচ্ছি অস্ত্র কোথাও।

পূরবীকে কিছু বলতে হল না। লক্ষ্মীমণি দাইকে দেখানোর পরে পূরবী যখন হরিমোহনের কাছে ছুটলেন, তখনই নিভা বুঝেছে। টিনের বাজটা শুভিয়ে ফেলেছে ইতিমধ্যে। পূরবী বেরিয়ে আসতেই পায়ের গোড়ায় সে প্রণাম করল।

দীপার বিয়ে। দমদমে ছোটবোন করবীর বাসা—হরিমোহন ও পূরবী তাদের নিমন্ত্রণ করতে গেছেন। নিভাকে দেখে চমকে উঠলেন। বোনকে একান্তে নিয়ে পূরবী বলেন, তোর এখানে এসে জুটেছে? তুই পাঠিয়েছিলি, রেখেও ছিলাম। জানিস নে ওকে—ডুবে ডুবে জল খায়। বাড়ি থেকে সেই জন্তু তাড়িয়ে দিয়েছি।

করবী সহজভাবে বলে, আমরাও তাই আশ্রয় করেছিলাম। নয়তো এমন ভাবে হাসপাতালে গিয়ে উঠবে কেন? ওঁরও হাসপাতালে কাজ। খবর দিয়েছিল কিংবা হঠাৎ উনি দেখে ফেললেন, বলতে পারি নে। বাড়িতে নিয়ে এলেন।

তারপর আহ্লাদে গদগদ হয়ে করবী বলে, ভালয় ভালয় প্রসব হয়ে গেছে। খাসা এক ছেলে। দেখবে বড়দি?

পূরবী শুভিত হয়ে যান : ছি ছি, পাপের কথা মুখ দিয়ে বলিস কেমন করে? দূর করে দে।

করবী বলে, ওঁর তাহলে বড় কষ্ট হবে। আমি আবার ইঙ্কুলের কাজ নিয়েছি একটা। একলা উনি মুখে রক্ত ভুলে খাটবেন কেন? ছপূরবেলা হাসপাতাল থেকে ফেরেন, আমি তখন ইঙ্কুলে। নিভা আছে বলে দায় ঠেকতে হয় না।

পূরবী বলেন, সর্বনাশ, বেড়াল হল মাছের পাহারাদার! কবে তোর জ্ঞানবুদ্ধি হবে, বল তো?

করবী অসহ্যের ভাবে বলে, কি করি বড়দি, লোকজন মেলে না মোটে। তাছাড়া বাড়ি ওঁর—উনি এনে বহাল করেছেন আমি কেন তাড়াতে যাব। আগ বাড়িয়ে?

স্বামীকে এমনি ভয় করে বটে করবী। ছোট বোনের জন্তু পূরবীর কষ্ট হয়। যে-কথা মুখ ফুটে বলল না, মেয়েমানুষ হয়ে তিনি তা বুঝে নিয়েছেন। চোখের উপরে এই বস্তু দেখতে হয়, মাস্টারি নিয়েছে বোধহয় সেই জন্তুই। লংসারে ঘেমা ধরেছে, কাজের মধ্যে যতক্ষণ বাইরে বাইরে থাকা যায়।

বৈঠকখানায় হরিমোহন চা খাচ্ছেন, যেতে যেতে একটা পরামর্শ করতে হবে তাঁর সঙ্গে। এমনি অবস্থা চলতে দেওয়া হবে না। একটা চিঠির মতন হরিমোহনের হাতে। পূরবীকে দেখে ঢেকে ফেললেন। ঢাকাঢাকি জিনিসটা আদপে সহ হয় না পূরবীর : কি ওটা?

কই। কিছু না—

উঠে দাঁড়াও।

জীকে হরিমোহন ভাল রকম জানেন। কথা না শুনে কুরুক্ষেত্র এখনই। কুটুম্ববাড়ি বলে রেহাই নেই। উঠে দাঁড়াতেই কাপড়ের ভিতর থেকে চিঠি পড়ে গেল। লুফে নিলেন পূরবী।

—যথেষ্ট হইয়াছে। ছেলের জন্ত টাকার আবশ্যক নাই।

পূরবী জুটুটি করলেন : নিভার এ চিঠি তোমার কাছে কেন?

হরিমোহন আমতা-আমতা করেন : আমার কাছে কে বলল—উহ, মেয়েয় তো পড়ে ছিল।

সুপ্রসন্ন হাসপাতাল থেকে এল এই সময় : বড়দি এলেন কখন? দু'জনে এসেছেন—করবী বাড়ি ছিল তো, সে কোথায়? কি হয়েছে বড়দি?

উকি দিয়ে দেখে নিল পূরবীর হাতের চিঠিখানা। দু'জনের মুখে তাকায়। ধর্মনিষ্ঠ এই দম্পতির স্বন্দ্বযুদ্ধ একবার দেখেছিল দুই ঠাকুরঘরের মাঝে ওঁদের খোলা ছাতের উপর। ভাতার হিসাবে চিকিৎসা করেছিল হরিমোহনকে। তেমনি এক ব্যাপার ঘটে যায় বুঝি! সুপ্রসন্ন বলে, আমার চিঠি আপনার কাছে এলো কি করে বড়দি?

অগ্নিদৃষ্টি পলকের মধ্যে হরিমোহন থেকে সুপ্রসন্নের উপর এসে পড়ল : তোমার এ চিঠি? করবী জানে?

উহ, সে জানবে কি করে? তারপর নিম্নকণ্ঠে সকাভরে বলে, তাকে কিছু বলতে যাবেন না বড়দি।

কিন্তু মানা করে দিল যখন, এর পরে পূরবী মুহূর্তকাল আর স্থির থাকতে পারেন না। করবীর কাছে ছুটে গিয়ে বলেন, দেখ—

কার চিঠি?

কার বলে মনে হয়?

নাম করে লেখে নি তো। কেমন করে বুঝব?

চিঠি সুপ্রসন্নের।

হাসি চেপে নিয়ে করবী বলে, ও—

সে হাসি দেখতে পেয়েছেন পূরবী। চটে গিয়ে বললেন, বিশ্বাস করলে না?

এ কি বিশ্বাস হবার কথা ?

স্বীকার করেছে আমাদের কাছে । দেখ, যা আঁচ করেছিলাম অন্ধরে অন্ধরে খাটে কি না ! বোকা-সোকা মানুষ তুই, সেইজন্তে এতবড় সর্বনাশ ।

করবী তখন মুখ চুন করে বলে, সংসারের মালিক হলেন উনি, ওঁর ইচ্ছে হলে আমি কেমন করে ঠেকাব বড়দি ?

পুরবী আগুন হয়ে বলেন, বাঁটা মেরে বিদেয় কর ছুঁড়িটাকে । ত্রাকা তুই, তোর দ্বারা হবে না । আচ্ছা, আমি ব্যবস্থা করছি এখনই ।

এবারে কববী পথ আগলে দাঁড়ায় । কঠিন স্বরে বলল, তোমায় কিছু করতে হবে না । আমাদের ব্যাপারে যা করতে হয়—আমরা নিজেরা করব ।

রাগ করে পুরবী হরিমোহনের হাত ধরে চলে গেলেন ।

নিভা ওদিকে টিনের বাস্ক গোছাচ্ছে । করবী গিয়ে পড়ল : তোর কি আবার ?

চলে যাচ্ছি ।

করবী ক্ষেপে ওঠে : গেলেই হল ! উনি খেটেখুটে আসেন, আমি থাকতে পারি নে—এক গ্রাস জল গড়িয়ে কে দেয় ? বলি, মায়াদয়া লজ্জাশরম কিছু থাকবে না—পাষণ নাকি রে তুই ?

নিভা ঘাড় নিচু করে দাঁড়াল । চোখ দিয়ে জল পড়ছে ।

মুখপুড়ি, চুরি করে অস্ত্রের কথা শোনা হয়েছে ! দেবো এক খাবড়া । টাকা দিতে চেয়েছিল বুঝি ? ঠিক করেছিল । ও-মানুষের মুখ দেখতে নেই । কিন্তু বাঘের মতন বড়দি আমার—চিঠিপত্রের সামাল হয়ে ছুঁড়তে হয় ।

নিভা সরে গেলে স্তম্ভস্বরূপে বলে, তুমি কিন্তু বেশ । বড়দি ঢাক পিটিয়ে বেড়াবে । আর কিছু নয়, বোকা বলে গেল আমায় । বোকা হতে আমি চাই নে ।

স্তম্ভস্বরূপ বলে, কী করা যায় । ওঁদেব পুণ্যের সংসারে অশান্তি আসবে, সে তো হতে পারে না । আব বড়দির যা ব্যাপার—এই নিয়ে হলমুল বাধাবেন । বিয়েবাড়ি বলে মানবেন না ।

## যুগল আত্মহত্যা

মাস কয়েক আগে কাগজে উপরোক্ত শিরোনামায় খবর বেরিয়েছিল । পড়েছেন নিশ্চয় । কোরিয়ায় কুকুর রপ্তানি, কালিফোর্নিয়ায় বিমানদুর্ঘটনা, সুন্দরবনে জলপ্রাচীন ইত্যাদি না পড়ুন—লেকের জলে জোড়া-আত্মহত্যা কদাপি নজর এড়াবে না ।

বর্ণনাটা এই রকম :

সকালবেলা চৌকিদার দেখিতে পাইল, বড়-লেকে কী এক বস্তু ভাসিতেছে। আত্মহত্যা সন্দেহ নাই। এই বিষয়ে এত সূখ্যাতি যে বহু দূরবর্তী স্থান হইতে লোকে এখানে আত্মহত্যার মানসে আসিয়া থাকে। সীতার কাটিয়া ভাসমান বস্তুর নিকটে গিয়া দেখা গেল, মৃতদেহই বটে—তবে একটি নয়, দুইটি। পরস্পরের পরিধেয় বস্ত্রে গিঁঠ-দেওয়া। অধিকন্তু একের বাঁহাত ও অন্যের ডানহাত একত্রে দড়ি দিয়া শক্ত করিয়া বাঁধা আছে—

অর্থাৎ একজনে হারডুবু খেয়ে দম আটকে মরবে, অন্যে সেই সময় মজাসে সীতার কেটে ভাডায় উঠে পড়বে—সেইটে না হয়। যাকে বলে চুক্তিবদ্ধ আত্মহত্যা। এ কর্মের বিধি এই প্রকার। বিশেষজ্ঞরা জানেন।

বর্ণনা দিব্যি জমে উঠেছে, কি বলেন? কিন্তু উপসংহারে এসে বসিয়ে দিল। আত্মহত্যা করেছে তরুণ-তরুণী নয়, গৌর-সমন্বিত পুরুষমাত্ম্য। বুড়োমাত্ম্য ছ'জনেই। ষাট-পঁয়ষট্টি বছর বেঁচে এসে বাকি ক'টা বছর আর পারলেন না। সংক্ষিপ্ত পথে পাড়ি দিলেন।

মৃতদেহ সনাক্ত হয়েছে। একটা নিয়ে ভাবনা কিছু নয়—সরকার-জানিত ব্যক্তি, রায়বাহাদুর নিরুপম চৌধুরি। পুলিশে বড় চাকরি করতেন। লেকের চৌকিদারগুলো অবধি চিনল। ভাক্তারে বলেছিল, করোনারি-থ্রুহিসি এড়িয়ে আয় দীর্ঘতর করবার প্রকৃষ্ট উপায় হল বেড়ানো। ঋষিগোবিন্দ মতন সেই উপদেশ মেনে রায়বাহাদুর আজ চার-পাঁচ বছর নিয়মিত লেকে বেড়াচ্ছেন, অথচ সেই বড় সাধের প্রাণটা জীর্ণবস্ত্রের মতো অবহেলায় জলে ডুবিয়ে তিনি সরে পড়লেন।

সহচর রূপে যাকে নিয়ে গেলেন, তার পরিচয়টা খুঁজতে হল। বাণী-বিজ্ঞালয়ের সেকেন্ড ক্লার্ক ও ক্যাশিয়ার কুশলচন্দ্র পাকড়াশি। আমি ঐ ইন্সুলের ভূতপূর্ব ছাত্র—আমিই দেখে নামধাম সমস্ত বাতলে দিলাম। ভারি তাজ্জব কিন্তু। রায়বাহাদুর মাত্ম্যটা চিরকালের সাহেব-ঘোঁষা। নিকট-আত্মীয়দেরও কোনদিন আমল দিতেন না। চরমকালে তিনি ইন্সুলের এক নগণ্য ক্যাশিয়ারের ঘাতে হাত বেঁধে নির্লজ্জের মতো যমরাজের দরবারে গিয়ে উঠবেন, ভাবতে পারা যায় না।

আত্মোপাস্ত শুভ্র তবে। কতক কুশলচন্দ্রের জ্বর কাছে শোনা, কতক রায়বাহাদুরের চেলের কাছে। আগে থেকেও জানতাম কিছু কিছু।

ঐ লেকপাড়াতেই রায়বাহাদুরের বাড়ি। বকঝকে ছবির মতন। যে দেখে সে-ই কচির প্রশংসা করে। কিন্তু ঘরে শান্তি নেই। লেকে বেড়ানো

শুধুমাত্র শারীরিক কারণে নয়। যতক্ষণ বাইরে থেকে পারা যায়। পারলে রাজিটাও লেকে কাটাতে ন।

বড় ছেলে অলকেশ কিছুদিন থেকে আয়রন-সেকের চাবির বায়না ধরেছে। অস্থির করে তুলছে। জীও ছেলের দিকে : দাও না খেলে ছাই। ঝোক হয়েছে, খুলে দেখুক।

দেখবে কী আবার? বলেই তো দিয়েছি—পুরানো কাগজপত্র, আর তিন-চারটে সোনা-রূপোর মেডেল। কাগজপত্রের মধ্যে রয়েছে মার্টিন আর পামার সাহেবের সার্টিফিকেট দুখানা।

তবে দিচ্ছ না কেন?

রায়বাহাদুর এবারে ক্ষিপ্ত হয়ে ওঠেন : দেবো না। ব্যাঙ্কে যা ছিল, চেটেমুছে তো সাবাড় করেছে। অস্থির করে যদি ছ মাস বিছানায় পড়ে থাকি, ও ছেলে দেবে এক পয়সা? বলে দিয়েছি, আয়রন-সেকে কিছু নেই। বিশ্বাস করে ভাল, না করে তো বয়ে গেল।

চলছিল এমন কিছুদিন ধরে। আজকে চরমে উঠল। জী বললেন, তুমি যে অমনি করে বল—জোয়ানঘুবো ছেলে, রাগ না চড়াল। ধর, অলক এসে তোমার গলা টিপে ধরল। বুড়োমাহুষ পারবে ঠেকাতে?

রায়বাহাদুরের বাক্যস্মৃতি হয় না ক্ষণকাল। বললেন, বুঝতে পারলাম। ছেলে গলা টিপে ধরবে, তুমি মা সেই সময় কোমর হাতড়াবে চাবির জন্তে।

ভালর জন্ত বললাম, কানে নিলে না। অপঘাত সত্যি সত্যি আছে তোমার অদৃষ্টে।

আসন্ন সন্ধ্যা। আজ আর বেড়ানো নয়—রায়বাহাদুর লেকে গিয়ে সবুজ বেঞ্চিতে চুপচাপ বসে পড়লেন। রাগে গরগর করছেন। ভয়ও হচ্ছে, অলকেশের মতো ছেলের পক্ষে কিছুই বিচিত্র নয়। বিশেষত মাকে যখন দলে পেয়েছে। প্রাণ নিয়ে নেয়, সেটা তত কিছু নয়। তাঁরও বেশি আছে। আয়রন-সেকে যে যে বস্তুর ফিরিস্তি দিলেন, তা ছাড়াও আছে এক-শ টাকার নোট কুড়িখানা! পামার সাহেবের সার্টিফিকেট যে খামে আছে, তার ভিতরে। রায়বাহাদুরের সর্বশেষ সম্বল। ওরা সেটা টের পেয়েছে কেমন করে। কিন্তু দু-হাজার টাকা কতক্ষণ আর অলকেশের কাছে!

খুব উদ্ভিগ্ন হয়েছেন। টাকাটা সরাতে হবে। এবং সোনারূপোর মেডেল-গুলোও। গলা টিপে মেরে কোমরের চাবি নিয়ে আয়রন-সেক খুলে মায়ে-

ছেলেয় তখন কপাল চাপড়াবে। সেইটে তৃপ্তি। পরলোক থাকে তো চেয়ে দেখবেন সেখান থেকে। দেখে হো-হো করে হাসবেন।

এই প্রকার মানসিক অবস্থা। এমনি সময় সহপাঠী কুশলচন্দ্রকে দেখতে পেলেন। কুশলচন্দ্র লেকে বেড়ান না, টুইশানি করেন সন্ধ্যার পর। বাগী-বিভাগলের সবাই টুইশানি করে এক সীতাপাতি বেয়ারা ছাড়া। আজকে বড় দাগা পেয়ে কুশলচন্দ্র শীতল হাওয়ায় প্রাণ জুড়াতে এসেছেন। স্ত্রী ললিতা মুখের উপর বলে বসলেন, তুমি মরো, আমরা তা হলে বেঁচে যাই।

কুশলচন্দ্র আশ্চর্য ঠাণ্ডা মানুষ। ঝগড়াঝাঁটি করেন না রায়বাহাদুরের মতো। বললেন, বেশ তো। মনে কর, আমি মরে গেছি। খাওয়া—সে আমি হোটেলে সেরে নেবো। তা হলে মরছি কিন্তু সত্যি সত্যি। বাড়িভাড়া দেবো না, কাল সকালবেলা বাজারের টাকাও চাইতে পারবে না।

ললিতা আগুন হয়ে বলেন, কিসের জোরে হোটেলের কথা বলছ সে আমি জানি। দিনের পর দিন বছরের পর বছর আমাদের ভাতে মেরে টাকা জমিয়েছ। কিন্তু মরার সময় তো লোকে সমস্ত রেখে চলে যায়। বেশ, টাকাপয়সা সমস্ত বুঝসমঝ করে দিয়ে তুমি মরে যাও। অথবা যে চুলোয় ইচ্ছে যাও চলে। আপত্তি নেই।

হায় রে, ললিতার মুখে আজ এমন কথা! প্রেম করে বিয়ে করেছিল এই ললিতা। নতুন বয়স সেটা। রোজগারের বিষয়ে পুরুষ ফাঁপিয়ে ফুলিয়ে বলে থাকে তরুণী বুড়ের কাছে। তাই করেছিলেন কুশলচন্দ্র। তখন প্রেমে গদগদ অবস্থা—যা বলতেন মানিয়ে যেত। এখন বুড়াবয়সে হিসাবের যোগ-বিয়োগ চলছে: এত করে আয় ছিল তোমার—আর এই খরচ। বাকি টাকা গেল কোথায়? দাও কৈফিয়ৎ। কোথায় রেখেছ, বের কর।

কুশলচন্দ্রকে দেখে রায়বাহাদুর চৈচিয়ে ওঠেন: আছ তাহলে বেঁচে? কেমন আছ? কতকাল পরে দেখা!

দুঃখ-বেদনা ভুলে সকালের কথাবার্তা দুই বুড়োয়। ফাস্ট হতেন কুশলচন্দ্র। পাশ করে কলেজেও ঢুকলেন। কিন্তু বাপ মারা গিয়ে পড়াশুনো বন্ধ হয়ে গেল। এর পরেই ললিতার ব্যাপার। নিরুপমের কী রকমের বোন হন ললিতা। প্রথম দেখা নিরুপমের বাড়িতেই। বয়সটা খারাপ তখন—অবস্থা দেখতে দেখতে সজিন হল। নিরুপম বাতাস দেন এই ব্যাপারে, চিঠি বওয়াবয়ি করেন। শেষটা ললিতার বাপের কানে গেল। তিনি রেগে টং: কী আছে ছোড়াটার, কী দেখে ভুলল? বিচ্ছেদে, আর খনসম্পত্তিও অল্প ভক্ষ্য ধনুর্ভণ।

ললিতা বললেন, মস্তুর পড়ে না হোক, মনে মনে বিয়ে হয়ে গেছে। বিশেষ কিস্বা ধনদৌলত তো বিয়ে করি নি, মাহুঘটাকে করেছি। বিয়ে হিন্দুর মেয়ের একবারের বেশি দু-বার হয় না।

এক-কাপড়ে বেরিয়ে গেল বাপের-বাড়ি থেকে। বলতে বলতে রায়বাহাদুর উচ্ছ্বসিত হন : আমায় কি বলেছিল জান কুশল ? টাকাপয়সায় সুখ নেই, সুখশান্তি মনে। টাকাপয়সা ছেড়ে আমি সুখশান্তি বেছে নিলাম দাদা। একদিন গিয়ে তোমাদের সুখের সংসার দেখে আসব—ললিতাকে বলো আমার কথা। অবতড় মাহুঘটা মুখ ফুটে বাসায় যেতে চাইলেন, ‘না’ বলা যায় কেমন করে ? আমতা-আমতা করে ঠিকানা দিতে হল রায়বাহাদুরকে।

একদিন মানে ঠিক তার পরের দিনই। সকালবেলা লেকে না বেড়িয়ে রায়বাহাদুর কুশলচন্দ্রের ঠিকানায় চললেন। বাস্তুর ভিতরে লম্বা টিনের ঘর খোপে খোপে ভাগ-করা। একটা লোকের কাছে রায়বাহাদুর জিজ্ঞাসা করছেন : কুশলচন্দ্রবাবুর কোন্ ঘর ?

কুশলচন্দ্রের কানে গিয়ে পৌছল। বললেন এই সেরেছে ! এমন নাছোড়-বান্দা লোক দেখি নি বাবা !

ললিতা সরে যাচ্ছেন। কুশল বলেন, লজ্জার কি হল—তোমার তো দাদা। আনছে তোমারই কাছে।

ললিতা থিঁচয়ে ওঠেন : হুকান-কাটা তুমি, ঠিকানা দিয়ে রাজ-অট্টালিকায় আহ্বান করেছ। কিন্তু লজ্জা তোমার না থাক, আমার আছে। এই ছেঁড়া কাপড়চোপড়—একদিন কী সাজপোশাকে দেখেছেন আমায় !

কলতলার দিকে পালালেন। রায়বাহাদুর ততক্ষণে ঘরে এসে উঠেছেন : কই গো—

এদিক-ওদিক তাকায় বলেন, ঐশ্বর্য না থাক, লক্ষ্মীশ্রী আছে। ললিতা যা চেয়েছিল। কোথায় গেল সে ?

কুশলচন্দ্র বলেন, আজকেই চলে আসবে, সে তো বল নি। সাথী পেয়ে লে দক্ষিণেশ্বর কালীবাড়ি চলে গেল। এসে দুঃখ করবে।

তার জন্তে কি। বাড়ি চিনে গেলাম, কতবার আসব। শোন—

গলা খাটো করে রায়বাহাদুর বলেন, কাজ আছে, এমনি আসি নি। কিছু টাকা রেখে যাব। আর চারটে মেডেল। খামের মধ্যে ভরে নিয়ে এসেছি।

কুশলচন্দ্র আশ্চর্য হয়ে বলেন, কিসের টাকা ? কত ?

ছ-হাজার আছে। আমার শেষ সম্বল।

দরজা ভেজিয়ে দিয়ে এসে রায়বাহাদুর নোটগুলো খাম থেকে বের করে গণচেন। কুশলচন্দ্র ঘাড় নেড়ে বলেন, না, আমি রাখতে পারব না। তোমরা সব বলতে—মনে আছে নিরুপম?—‘তোমার এমন মাথা, হাইকোর্টের জজ হবি নিশ্চয়। কিন্তু জজ না হয়ে বাণী-বিজ্ঞানলের ক্যাশিয়ার অ্যাণ্ড সেক্রেটারী হয়ে রইলাম। বেড়ালের কাছে মাছ গচ্ছিত রাখতে এসেছ, মাথা খারাপ হল নাকি তোমার?’

তবে আর কি! ক্যাশিয়ারি করা অভ্যাসই তোমার। হঠাৎ যদি মারা যাই, এ টাকা তোমাদের। শেষ সময়ে যদি কঠিন রোগগীড়ে ভুগি, বিনা তবিরে বিনা চিকিৎসায় রাস্তায় পড়ে না মরি সেইটে তুমি দেখবে। আমার বউ-বেটারা চোখ তুলেও তাকাবে না।

কুশলচন্দ্রের হাত জড়িয়ে ধরলেন তিনি। বলেন, বাড়িতে রাখা যাচ্ছে না—চোর-ডাকাতের ভয়। তোমার কাছে গোপন কি—চোর আমার বউ, ডাকাত আমার বড়-ছেলে। সমস্ত নিয়ে নেবে। তোমায় দেখে মতলবটা মাথায় এলো। কাল রাতছপুরে চুপিসারে আয়রন-সেফ খুলে বের করেছি। বাড়ি থেকে সরাতেও পেরেছি ভালয় ভালয়।

কুশলচন্দ্র বলেন, তাই তো, মুশকিলে ফেললে বড্ড। টাকা এখানেও নিরাপদ নয়।

একটু ভেবে নিয়ে গলাবন্ধ-কেটটা গায়ে চাপালেন : চলো, ইস্থলের সিন্দুকে রেখে দেবো। ইস্থল দশটায় বসবে। ততক্ষণ এদিক-ওদিক ঘোরাফেরা করি গে। এত টাকা নিয়ে এ জায়গায় থাকতে একটুও ভরসা হয় না আমার।

সেটা রায়বাহাদুরও বুঝতে পারছেন। বস্তি জায়গা—টোকলার মুখে যণ্ডা যণ্ডা কতকগুলোকে দেখলেন। পকেটে টাকা নিয়ে তাঁর নিজেবই তখন বুক কাঁপছিল।

রায়বাহাদুর বাড়ি ফিরলেন। এত বেলা কোনদিন হয় না। জ্বর একেবারে আলাদা স্বর : খাবার মুখে না দিয়ে বেরিয়ে পড়লে—বলি, বয়সটা বাড়ছে না কমছে? যদি মাথা ঘুরে পড়তে, কি সর্বনাশ হত বলা দিকি?

ব্যস্তসমস্ত হয়ে খাবার লাজিয়ে এনে সামনে ধরলেন। রায়বাহাদুর বলেন, এত বেলায় কেন আবার? ভাত খেলেই তো হয়।

না গো, মুখের জিনিসগুলো। সেই থেকে আমি ঘর-বার করছি।

উৎসর্গের বশে আয়োজন আজ গুরুতর। অনেক দিন আগে, সেই



চাকরির আমলে, শ্রোতের জলের মতো টাকা আসত—তখনই এই জাতীয় প্লেট দেখা যেত লকালবেলা।

রায়বাহাদুর খাচ্ছেন পরম আনন্দে। আর ভাবছেন, গচ্ছিত টাকার অর্ধেক এক হাজার কুশলচন্দ্রের কাছ থেকে জীকে এনে দিলে দিলে কেমন হয়? শেষ জীবনের সম্বল তাঁরও দরকার বই কি। জী তখন এটা খাও ওটা খাও করছেন—সেই প্রথম বয়সে যেমনধারা করতেন। আদর করে হাত বুলাচ্ছেন গায়ে—

হাত হঠাৎ কোমরে নামিয়ে চাবি মুঠো করে ধরলেন। চেষ্টাচ্ছেন : এই যে, পেয়েছি। চলে আয়।

অলকেশ ৩৭ পেতে ছিল কোথায়। বাঘের মতন এসে বাপকে জাপটে ধরল। আয়রন-সেফ খোলা হল। ভিতরের জিনিসপত্র ছুঁড়ে ছুঁড়ে ফেলছে। রায়বাহাদুর দেখলেন তাকিয়ে তাকিয়ে। মৃদু হেসে তারপর আহারে মনোনিবেশ করলেন।

তত্ত্ব করে সমস্ত দেখে ক্রুদ্ধ জী ছুটে এসে এক টানে খাবারের প্লেট ছুঁড়ে দিলেন : বলি, হাসি কিসের অত? টাকা কোথায়, বের করো। ছেলের জেলে যাবার গতিক, এমন চামার বাপ দেখি নি কখনো।

অলকেশও চোখ পাকিয়ে পড়ে : ইনসিওরেন্সের দু-হাজার টাকা কি উড়ে গেল? টাকা না দিলে আমায় জেলে পুরবে—আর এই সময় আপনি ভানুমতীর খেল দেখাতে লাগলেন!

এগারোটা আন্ডাজ বেলায় এই ঘটনা। আত্মহত্যা গভীর রাতে। মাঝে এই এতক্ষণের বিবরণ কোন মতে সংগ্রহ করতে পারি নি।

আর কুশলচন্দ্র সেই বেরিয়েছিলেন রায়বাহাদুরের সঙ্গে। ভাত পেটে পড়ে নি সারাদিন। ইস্কুলের ছুটির পর ধুকতে ধুকতে তিনি বাসায় এলেন।

ললিতা বলেন, না খেয়ে অত সকাল সকাল তুমি নিরুপম দা'র সঙ্গে বেরিয়ে গেলে—

পেট জ্বলছে, কুশলচন্দ্র তার মধ্যেও একটু রসিকতা প্রয়োগ করেন : হোটেলে খাব, কথা হল তো। ঢুকেও পড়লাম এক হোটেলে। কিন্তু টাকার অভাবে শুধু এক গ্লাস জল খেয়ে বেরিয়ে আসতে হল।

ললিতা গভীর কণ্ঠে বলেন, টাকা নিয়ে যাও নি তো রেখে গেলে কোথায়? কোথাও পেলাম না।

খুব খোজাখুঁজি হয়েছে, ঘরখানার সর্বত্র তার পরিচয়। বাজের তলাও ভেঙেছে। বিরক্ত হয়ে কুশলচন্দ্র বলেন, মাসের শেষ—টাকা এখন কোথায়?

তোমার ইঙ্কলের মাইনে ওই আটঘটি টাকার কথা হচ্ছে না। আমাদের ভাতে মেরে জমিয়ে জমিয়ে যা নিরুপম-দা'র কাছে রেখেছিলে। নিরুপম-দা আজ দিয়ে গেল। কোথায় সে টাকা? ও টাকা আমাদের—দিতেই হবে, না দিলে ছাড়াছাড়ি নেই। আয় তো রে—

ললিতার দুই ভাই কখন কুটুমবাড়ি এসেছে। কোমর বেঁধে তারা লাফিয়ে পড়ল।

এটা সন্ধ্যাবেলার ব্যাপার। আত্মহত্যা রাত দুপুরের আগে হতে পারে না। এতক্ষণ ধরে কী ঘটল, ললিতাদেবীকে ঘুরিয়ে ফিরিয়ে নানারকমে জিজ্ঞাসা করেও বের করতে পারি নি।

যুগল আত্মহত্যার পর আমি ললিতাদেবীর সঙ্গে দেখা করি। যথাবিধি অশ্রুজড়িত কণ্ঠে বললাম, ওঁর ইঙ্কলের ছাত্র আমি। কুশলচন্দ্রবাবু বড় ভালবাসতেন। তাঁর মতন নিরীহ সজ্জন মানুষ কেন যে এমন কাজ করলেন—

ললিতা দেবী কঁদে বলেন, এই যদি মতলব, সমস্ত বলে কয়ে দুটো হিতকথা বলে যায় তো মানুষে! একেবারে মুখটি বুঁজে চলে গেলেন। চিরকালের এই স্বভাব। বকো-ঝকো, গালমন্দ করো—কথাটি বলবেন না।

অলকেশের সঙ্গে আমার আগে থেকে জানাশোনা। রায়বাহাদুর তখন দৌর্দণ্ডপ্রতাপে চাকরি করছেন, স্রোতের জলের মতো টাকা আগছে। ফলে অলকেশ পড়াশুনোয় ইন্তফা দিয়ে প্রকাণ্ডে সাহিত্যচর্চায় এবং অপ্রকাণ্ডে অপূর্ণ নানাবিধ চর্চায় মেতে উঠল। সাহিত্য ব্যাপারে এক কাগজের অফিসে সেই সময় আমার সঙ্গে পরিচয়।

পুরানো পরিচয়ের সূত্র ধরে চলে গেলাম তাদের বাড়ি। মুখ মলিন করে বলি, কাগজে খবর পড়লাম। অমন বিচক্ষণ মানুষ কেন যে এমন কাজ করলেন—

অলকেশ খিঁচিয়ে উঠল : করলেন তো দু-মাস চার মাস আগে করলেই হত—কুশলচন্দ্র শনিটা ঘাড়ে লাগবার আগে। টাকাটা সে-ই মেরেছে। খবর নিয়েছি, মরবার দিনও একসঙ্গে দু'জনে বাণী-বিম্বালায়ে গিয়েছিলেন। আমিও দেখে নেব। অপঘাতে মৃত্যু—ভূত হয়ে আদাড়ে-ভাগাড়ে ঘুরে মরতে হবে স্বতঃক্ৰমে না এই শর্মা গয়ায় গিয়ে পিণ্ডি দিচ্ছে। গাঁটের পয়সায় গয়া যেতে বয়ে গেছে আমার!

## চোরের উৎপাত

সেবারে হাওয়া-বদল করতে গিয়েছিলাম সাঁওতাল-পরগনার এক আধা-শহর জায়গায়। ঝিরঝিরে নদী, ছোট ছোট পাহাড়, ঢেউ-খেলানো মাঠ।

পাকা দাড়ি, ধবধবে ফর্সা রং এক ভদ্রলোক দেখা করতে এলেন। নাম বললেন রামকুমার মিস্ত্রি। আমার নাম জানা আছে তো? শ্রামলাল ঘোষ। তিনি রাম আর আমি শ্রাম। তিনিও নতুন এসেছেন। পাহাড়ের ফাঁকে অনেকটা দূরে আবছা মতন সবুজ বাংলা দেখা যায়—ঐ বাংলা ভাড়া নিয়েছেন তিনি।

এক দিনেই বেশ ভাব জমে গেল রামকুমারের সঙ্গে। কিন্তু বিষম ভয় ধরিয়ে দিলেন তিনি। জায়গাটা ভাল বটে, কিন্তু চোরের উৎপাত। হঠাৎ চমকে উঠলেন : ক্যামেরা নিয়ে এসেছেন—এমন দামী জিনিস নিয়ে আসে কেউ বিদেশে? বিশেষ, এই জায়গায়? তা একটা কথা বলে দিই মশায়—যত্ন করে সেরে-সামলে রাখবেন সর্বদা। নইলে পস্তাতে হবে।

অত্যন্ত মিশুক লোক। দিনের মধ্যে অমন দশ বার আসছেন।—করি কি মশাই, কাজকর্ম নেই--বাড়ির মধ্যে চুপচাপ বসে থাকতে ভাল লাগে না। তাই ঘুরে ঘুরে বেড়াই।

আর প্রায় প্রতিবারই আমায় সামাল করে দিয়ে যান : খবরদার, খবরদার ! গাকরকে বলে দেবেন, অজানা অচেনা কাউকে ঢুকতে না দেয়। জায়গা বড্ড খারাপ।

বিকালে একসঙ্গে বেড়াতে বেরুই। একদিন বেলা পড়ে গেল, রামকুমার আর আসেন না। আমি পথ তাকাছি। এলেন, তখন বেশ ঘোর হয়ে গেছে। এসেই হাউ হাউ করে কান্না : আপনাকে এত সামাল করি মশায়, আমার নিজের সর্বনাশ হয়েছে আজ। সোনার ঘড়ি চুরি হয়ে গেছে।

সে কি !

শখ করে কিনেছিলাম ৩-বছর। পাঁচ-শ সাতান্ন টাকা নিয়েছিল।

পুলিশে খবর দিয়েছেন ?

দিয়েছি বই কি ! তা পুলিশ কি করবে ? যে বেটা নিয়েছে, সে কি আর কাছেপিঠে আছে ? রেলগাড়ি চেপে কোন্ মুহূর্তে চলে গেছে এতক্ষণ ! চোর এখানকার বিষম ধড়িবাজ।

কিছুতে প্রবোধ মানেন না। পায়ে পায়ে নদীর ধার অবধি গেলাম।  
লেখানেও ঐ ঘড়ির কথা। ফিরে এসে বৈঠকখানায় বসেছি। রামকুমার  
বললেন, চা খাওয়ান দিকি আমলাবাবু। বিকাল থেকে থানা-পুলিশ করে  
বেড়াচ্ছি, রোদে রোদে মাথা ধরেছে।

নিশ্চয়, নিশ্চয়—

চাকরটাকে চায়ের জল চাপাতে বললাম। আবার মনে হল, শুধু চা  
কি করে দেওয়া যায় ভদ্রলোককে, খান চারেক বিস্কুট অন্তত দেওয়া উচিত।  
মোড়ের দোকান থেকে বিস্কুট কিনে এনে দেখি, রামকুমার চলে গেছেন।  
চাকরকে বলে গেছেন, একটা লোকেব উপর সম্ভেহ হচ্ছে। স্টেশনে ছুটলাম,  
ঘড়িচোরের যদি হদিশ পাওয়া যায়।

আহা, কি রকম উদ্ভ্রান্ত অবস্থা ভদ্রলোকের! শখের জিনিস ছিল  
কিনা, বড় লেগেছে।

দকালবেলা রোজ ক্যামেরা নিয়ে বেরুই। কী সর্বনাশ—স্মার্টকেন্সের  
চাবি খোলা, ক্যামেরা লোপাট। কাল রামকুমারের ঘড়ি গেছে, আমার  
ক্যামেরাও গেছে তো কাল। নতুন জায়গা—কারও সঙ্গে তেমন জানাশোনা  
নেই ঐ রামকুমার মিত্তির ছাড়া। হস্তদস্ত হয়ে ছুটলাম সবুজ বাংলার দিকে।

হাঁপাতে হাঁপাতে গিয়ে বলি, রামকুমারবাবু আছেন?

আছেন বই কি! চানঘরে ঢুকেছেন, দেরি হবে। কে আপনি, কি চাই?

আমার নাম আমলাল ঘোষ। খুব জরুরি ব্যাপার—

স্নানঘরটা-পাশেই। আর বলতে হল না, ঘরের ভিতর থেকে হুকার  
ওঠে: কি নাম বলল রে—আমলাল ঘোষ? মানে সেই ক্যামেরা-চুরির  
ব্যাপার? ধরে ফেল বাটল, ছাড়িস নি। দড়ি দিয়ে আটপেপেটে বাধ্।  
পুলিশে দেব ব্যাটাকে।

আমারও আর ধৈর্য্য রইল না।

এস না বেরিয়ে। কে কাকে পুলিশে দেয় দেখি। ঘড়ি-চুরির কথা বলে  
নাকি-কান্না কেঁদে একলা বৈঠকখানায় রইলে—শয়তানির আর জায়গা পাও  
না, চোর কোথাকার!

রাগে গরগর করতে করতে ভিজা কাপড়েই লোকটা স্নানঘর থেকে  
বেরিয়ে এল।

কই, কোথায় আমলাল ঘোষ?

বুকে খাবা মেরে আমি বললাম, এই তো—এই যে হাজির আছি।  
রামকুমারটা কোথায়?

সেই লোকটি সবিস্ময়ে বলে, আমারই নাম রামকুমার মিত্র। কিন্তু শ্রামলাল আপনি হতে যাবেন কেন? তার তো পাকা দাড়ি, ধবধবে গায়ের রং—

আমিও তো তাই বলছি। রামকুমারের হল পাকা দাড়ি, ধবধবে রং। কাল সন্ধ্যাবেলা গিয়ে কৈঁদে পড়ল, সোনার ঘড়ি চুরি হয়ে গেছে।

সত্যিকার রামকুমার বললেন, সকালে দেখছি, সত্যিই ঘড়িটা নেই। আমারও কাছে কাল বিকালবেলা এসে কৈঁদে পড়ল, ক্যামেরা চুরি গেছে। চা খেতে চাইল।

অবাক হয়ে এ-ওর মুখের দিকে তাকিয়ে আছি।

রামকুমার বললেন, চোর হোক যাই হোক, লোকটা কিন্তু সামাল করে দিয়েছিল—জিনিসপত্রে যেন কড়া নজর থাকে, বাড়িতে অজানা-অচেনা লোক ঢুকতে না দেওয়া হয়। আমরা সে কথা শুনি নি। থানায় যাই চলুন। তারা যদি চোর ধরতে পারে।

আমি বললাম, তা-ও তো বলে গিয়েছে। রেলগাড়ি চেপে কাঁহা-কাঁহা মুল্লুক চলে গেছে সে এতক্ষণ।

## রোগি

কী সুন্দর তুমি!

তপতী হাসে।

পাশে বস, এই এখানটায়।

তপতী বলে, কাজ যে অনেক—

চুলোয় থাক কাজ। আমার কথা না শুনলে আমিও একটি কথা শুনব না আর তোমার।

এমন জেদের মুখে কী করতে পারে তপতী! পাশে নয়, চেয়ারখানা টেনে নিয়ে মুখোমুখি বস।

আমার হবে তুমি?

বাড়ি ছুলিয়ে তপতী বলে, হঁ—

মুখের কথা মানব না। গা ছুঁয়ে দিবি কয়।

তাই করতে হয় তপতীকে। ‘জীবনে মরণে আমি তোমার—’ যেমন যেমন বলছে, আবৃত্তি করে যায়।

প্রেম সম্পর্কে নিঃসংশয় হয়ে এবারে প্রেমিক পরের অধ্যায় অর্থাৎ বিয়ের কথা ভাবছে।

কী জাত তোমার ?

তপতী বলে, প্রেমে আবার জাত দেখে নাকি ?

তবু। এর উপরে জাতও যদি এক হয়, বুঝতে হবে ভগবান প্রজ্ঞাপতি  
ঘোলআনা আমাদের পক্ষে আছেন।

কিন্তু তপতী বিপদে পড়েছে। প্রেমিকেব নামটা সঠিক মনে পড়ছে না।  
হাতের কোশলে চার্টটা উলটে আড়চোখে দেখে নেয়—ময়ূখ চক্রবর্তী।

তখন নিরুপমা নির্ভীক কণ্ঠে বলে, জাতে ব্রাহ্মণ তো আমরা। আপনি ?

কী চমৎকার ! আমিও তাই। হতেই হবে। এই জন্মের শুধু নই, অনেক  
জন্মের আমরা আপনি—

অধীর কণ্ঠে ময়ূখ বলছে, বেবতে পারলে যে হয় এখান থেকে। বাড়ি  
গিয়ে প্রথম কাজ—পাঁজি নিয়ে একটা দিন দেখা। বাবাকে প্রণাম করে  
পাঁজি মেলে ধরব তাঁর সামনে। আচ্ছা তপতী, কিছু মনে কোর না, লেখাপড়া  
কদ্দুর তোমার ? মানে, বাবা চান, তাঁর বাড়ির বউ একটা পাশ হবে  
অন্তত।

তপতী বলে, ইন্টারমিডিয়েট পাশ করে এখানকার কাজে ঢুকেছি।

উঃ, উঃ!—উল্লাসের বেগ সামলাতে পারছে না রোগি ময়ূখ। তপতীও  
ভয় হয়ে যায়। শিয়রের টেবিল-ফ্যানটা খুলে দিল তাড়াতাড়ি।

তার পরে শাস্ত হয়ে গদগদ কণ্ঠে ময়ূখ বলে, নার্ভের অস্থির করল, হাস-  
পাতালে এলাম, বিশেষ করে এই হাসপাতালে—এখন বুঝতে পারছি সমস্ত  
প্রজ্ঞাপতির নির্বন্ধ। এখানে না এলে তোমায় কোথা পেতাম তপতী ?

নার্সের ডানহাত মুঠোর মধ্যে সে নিয়ে নিল। আঙুল নিয়ে খেলা  
করছে। তপতী আপত্তি করে না।

সেইদিন বিকালবেলা ময়ূখের ছাড় হয়ে গেল। হিসাব মিটিয়ে, বখশিশ  
ইত্যাদি যাকে যা দেবার দিয়ে অফিসের সামনের বেঞ্চিটায় সে বসে আছে।

জমাদার এসে তপতীকে বলে, রোগি ডাকছে আপনাকে সিঁটার।

ব্যস্ত আছি। দেখা হবে না এখন।

জমাদার বলে, দেখা না করে নড়বেন না, তাই বলে দিলেন।

তপতী তখন ডাক্তারের কাছে গিয়ে পড়ল : রোগি ছাড়লেন কেন ?

বোগ সেয়ে গেছে। ছাড়ব না—তা হলে চিরকাল হাসপাতালে থাকবে  
নাকি ?

সেয়ে গেছে, তবে প্রেম করে কেন এখনও ?

অন্ত রোগে ধরেছে। ও-রোগের ওষুধ ঠেঙানি।

তপতী হেসে বলে, সে চিকিচ্ছেও আপনাকে করতে হবে।

ডাক্তার উচ্ছ্বসিত হয়ে বলেন, অধিকার দিলে তবে তপতী? মন ঠিক করে ফেলেছ? তবে আর কি—এসুনি লাঠি নিয়ে যাচ্ছি।

## সঞ্চয়িতা

চারটি মেয়ে ওরা একসঙ্গে থাকে। দু-জনে হাসপাতালের নার্স, একটি ইন্সুলের মিফ্টেস আর একটি টুইসানি করে ও এম-এ পড়ে। বয়স কম, অতএব কবিতায় বড় অমুরাগ। ঘরে গান্দা গান্দা কবিতার বই। লেখেও বোধহয় একটু-আধটু। তবে খুব গোপনে, কেউ কারও কাছে স্বীকার করে না।

স্বাতীর আবার রান্নার শখ আছে। রবিবারের দিন কখনও কখনও বাজারে বেরোয়, দু একটা তরকারি নিজ হাতে রান্না করে, সকলে আমোদ করে খায়। আজকেও বেরিয়েছিল। কিন্তু এক কবিকে পেয়ে তাকে সঙ্গে করে ফিরে চলে এল। বাজার অবধি যাওয়া হল না।

কবির ঠিক যেমনটি হতে হয়। উচ্ছ্বল লম্বা লম্বা চুল, গণ্ডা পাঁচ-সাত দাড়ি খুতনির উপর, পরনে পাঞ্জাবি ও পাজামা। এক বাড়ির রোয়াকে বসে খাতা খুলে কবিতা পড়ছে। সুরেলা কণ্ঠ। পাড়ার পাঁচ-ছটা বাজা হাঁ করে দেখছে। স্বাতী তাদের পিছনে গিয়ে দাঁড়াল। হঠাৎ মুখ তুলে কবি ভুবনমোহন হাসি হেসে বলে, চা খাওয়াতে পারেন? গলা শুকিয়ে আসছে।

এমন কবিতা বাচ্চাদের কাছে পড়া—বেনাবনে মুক্তো ছড়ানো হচ্ছে। স্বাতীর মোটে ভাল লাগে না। বলে, আমাদের বাড়ি আসুন। ওই যে, তিনটে বাড়ির পর।

কাঁধে-ঝোলানো কাপড়ের ব্যাগ, হাতে কবিতার খাতা—কবি এসে মেঝের শতরঞ্জির উপর আসন নিলেন। স্বাতী চা করতে যাচ্ছে। বলে, চূপচাপ কেন, পড়ুন দু-একটা। জোরে জোরে পড়ুন, রান্নাঘর থেকে শুনব।

নিবেদিতা কোণের টেবিলে বসে ক্লাসের নোট টুকছিল খাতায়। বলে, পড়ুন। লিখতে লিখতে শোনা যাবে।

সুভদ্রা রবিবার বলে শাড়ি-ব্লাউজ বনেটে সাবান দিচ্ছে। কলতলা থেকে বলছে, খাসা কবিতা। পড়ে যান—

তপতী কেবল নেই, চিঠি ডাকে দিতে গেছে। শনিবারে রাতছপুর অবধি চিঠি লিখে সকালবেলা নিজের হাতে ডাকে ফেলে আসে। এই একটি বাঁধা-কাজ তার। কাকে চিঠি লেখে, কখনও তা বলবে না।

কবি পর পর তিনটি কবিতা পড়ল। নিবেদিতা উচ্ছ্বসিত হয়ে বলে,  
আপনি লিখেছেন ?

সমস্ত। খাতাখানা তুলে ধরে সগর্বে কবি বলে, এতবড় খাতার মধ্যে  
একটি পাতা সাদা নেই। কিন্তু থাক এখন। চায়ে গলা ভিজিয়ে নিয়ে  
তার পরে হবে।

পূর্বের জানলাটা খুলে দিল কবি। শীতের রোদ এসে ঘরে পড়ল।  
গাঁদা দোপাটি আর ঝুমকো-জ্বায় উঠান আলো হয়ে আছে। মগ্ন হয়ে কবি  
স্বভাবের শোভা দেখে। জানলার উপরে টুকটাকি জিনিসপত্র—টুথপেস্ট,  
হরলিকমের শিশিতে কাজুবাদাম, পাউডারের কৌটো, চুলের ফিতে—  
কাগজের বাস্কে পাটালি আছে খানকতক। স্বগন্ধ নলেনের পাটালি—  
শোভা দেখতে দেখতে পাটালিগুলো কবি ঝোলানো-ব্যাগের ভিতর  
ফেলল।

নিবেদিতা ইতিমধ্যে মেঝের উপর উবু হয়ে বসে কবিতার খাতা ওন্টাচ্ছে।  
স্বাতী চা করে নিয়ে এল। স্বভ্রা বলছে, শুধু চা দিও না স্বাতী। বিস্কুট  
তো ফুরিয়ে গেছে। মুড়ি আছে, তাই বরঞ্চ চাট্টি দাও। আর তপতীর  
বাড়ি থেকে কাল যে পাটালি এসেছিল—

স্বাতী বলে, পাটালি তো পাচ্ছি নে স্বভ্রা-দি।

জানলার উপরে ছিল। তপতী তাহলে তুলে রেখে গেছে কোথাও।  
সেই কখন চিঠি ফেলতে গেছে।

কবি তাড়াতাড়ি বলে, পাটালি খাব না। মিষ্টিতে চায়ের স্বাদ পাওয়া  
যায় না। মুড়ি-চা-ই ভাল।

এমনি লময় তপতী ফিরল। সঙ্গে গিটার নিয়ে আর একটি মেয়ে—  
মালতী। এরা সকলে কলরব করে উঠল : কি আশ্চর্য! কোন্‌দিকে আজ  
সুধ উঠল গো—মালতী-দি আমাদের বাড়ি !

তপতী বলে, আর কোথাও বাজাতে যাচ্ছিলেন। বললাম, রোজ ফাঁকি  
দেন। ছুটির দিন আছে, আজ আমাদের ওখানে বাজাবেন। জোর করে  
ধরে এনেছি।

মুড়ি-চা শেষ করে কবি ওদিকে উঠে দাঁড়িয়েছে : আমি যাচ্ছি। আবার  
একদিন আসা যাবে।

স্বাতী বলে, আসছে রবিবার আসবেন—কথা দিয়ে যান। অনেক কবিতা  
পড়তে হবে। আমাদের ইস্কুলের হেডমিস্ট্রেসকে আসতে বলব। তিনি  
কবিতার ভক্ত। স্বভ্রা! উঠে এসে বলে, আমিও ভাবছি নার্সেস হস্টেলের



হু-একটিকে ডাকব। যদি কিছু মনে না করেন—পাঞ্জাবি-পাজামা কেচে-কুচে আসবেন সেদিন।

হুটো টাকা সে কবির সামনে শতরঞ্জির উপর রাখল। নিবেদিতা তার উপরে আরও তিন টাকা রেখে দিয়ে বলে, পাঞ্জাবি তো শতচ্ছিন্ন। নতুনই একটা কিনে নেবেন। আমার ক্লাসের কয়েকটা মেয়েও আসবে। কবিতা শুনে কী করবে দেখবেন তারা। স্বাতী তারও উপরে একটা টাকা দিয়ে বলে, মাথার চুল ছেঁটে দাড়ি কামিয়ে বেশ ভঙ্গু হুয়ে আসবেন।

শ্রিতহাস্তে কবি ছেঁড়া পাঞ্জাবির পকেটে টাকাগুলো তুলে নিল।

খাতাটা রেখে যান—সলজ্জে নিবেদিতা বলে, কয়েকটা কবিতা টুকে নেব। মুখস্থ করব আমি।

হুঁ, যদি এক খাতা—তার থেকে কবিতা টুকে নিতে হবে!

এবার তো দস্তুরমতো ঝগড়ার ব্যাপার। নিবেদিতা করকর করে ওঠে : কেন টুকব না? কত ভাল ভাল কবিতা লিখেছেন, তার কোন ধারণা আছে আপনার? মূল্য বোঝেন?

কবি সহজ ভাবে বলে, ভাল তো বটেই, এক-শ বার ভাল। রবি ঠাকুরের কবিতা ভাল হবে না? কিন্তু খাতা দেখে টুকতে হবে কেন? সঞ্চয়িতা বই আছে আপনার—ঐ দেখতে পাচ্ছি। ওর মধ্যে এগুলো আছে, আরও কত রয়েছে।

নিবেদিতা স্তম্ভিত হয়ে বলে, তবে যে বললেন আপনি লিখেছেন?

লিখেছি বই কি। সঞ্চয়িতা কেনার অত টাকা কোথা? একটা বই যোগাড় করে বাছা বাছা কতকগুলো লিখে নিয়েছি। আপনারা মূল বই রয়েছে, লিখে মরতে যাবেন কেন?

### পুত্রদায়

ধরলীধর চটে আগুন। এমন খাসা মেয়ে, তার বিয়ে নিয়েও এই কাণ্ড! ছেলেও হাতিঘোড়া কিছু নয়, মেডিকেল কলেজে পড়ছে—পাশ করে ডাক্তার হবে কিংবা ফেল করে হোমিওপ্যাথি করবে, ঠিকঠিকানা নেই। এ ছেলে পাত্রেয় জন্ত গয়না-বরলজ্জা ইত্যাদি ছাড়া বরপণ নগদ ছ-হাজার এক টাকা। তিন হাজার অগ্রিম দানও হয়ে গেছে। বিয়ের দিন পাঁচেক আগে পাত্রেয় বাপ হরনাথ মজুমদার মুখ চুন করে এসে পড়লেন : বিস্তর কাট-ছাঁট করে

দেখলাম, ছ-এ কুলোয় না। ওর উপরে আরও একখানা ছাড়তে হবে বেয়াই মশায়। নয়তো কিছু উপায় দেখি নে।

ধরণী অবাক হয়ে বলেন, কিন্তু কথাবার্তা পাকাপাকি করে লম্বপত্তর সেরে গেলেন—

হরনাথ ঘাড় নেড়ে বলেন, এত হিসেবপত্র করে দেখি নি তখন। লম্বপত্তর লই হয়ে গেছে, ছ-এর বেশি এক পয়সাও আইনত দাবি করতে পারি নে। অগত্যা অন্তিমিকে কাটকুট করতে হবে। গায়ে-হলুদের তত্ব পাঠাব না—এ সব তো লম্বপত্তরে নেই—তত্ব-তাবাস নিয়ে কথা না ওঠে এর পর যেন।

এক বোমা ছুঁড়ে দিয়ে বেরুলেন তো হরনাথ। ধরণীধরের পিসতুত ভাই অরবিন্দ বলে, ভত্রলোক চামার! মোচড় দিয়ে আরও কিছু টাকা বের করতে চান।

ধরণীধর বলেন, চাইলেই দিচ্ছি আমি! টাকা খোলাম-কুচি, টাকা বৃষ্টির জল—ঐ? কাজ নেই গায়ে-হলুদের তত্ব। আত্মীয়কুটুম্ব বাড়িতে গিজগিজ করবে, সকলে ওদেরই দুঃবে, বলবে, চশমখোর বেটারা।

বৈঠকখানায় দুজনে মিলে কড়া মতলব ঊঠলেন, কিন্তু ভিতরে গিয়ে লম্বপত্তর বানচাল। সরোজিনী গালে হাত দিয়ে বলেন, ওমা সে কি কথা! সাত নয় পাঁচ নয়, একটা মেয়ে আমার। লোকে এসে তত্ব দেখতে চাইবে, বিয়ে না হতেই খসুরবাড়ির নামে ছি-ছি করবে—মেয়ের কি ভাল লাগবে সেটা? ও সব হবে না—যা বিধিনিয়ম, ষোলআনা চাই আমার।

ধরণী বলেন, কিন্তু টাকা চাচ্ছে আরও এক হাজার।

কায়দায় পেয়েছে, ছাড়বে কেন? আমাদেরও দিন আসছে। ওরা এক ছেলের বাবদ নিচ্ছে, আমাদের দু-জন। শশধর-জলধরের বিয়েয় ডবল আদায় করে নেব আমরা।

জলধরের নামে ধরণী জলে উঠলেন : তোমার ও-ছেলের বিয়েয় উণ্টে টাকা গণে দিতে হবে, দেখো তখন। মাংনা কেউ মেয়ে দেবে না।

প্রিসিমা কোন্ দিকে ছিলেন, করকর করে উঠলেন : কি বললি, মেয়ে দেবে না—আমার বাপের বংশে পণ দিয়ে বিয়ে করবে? মেয়ে দিয়ে বর্ভে যাবে দেখিস, পা জড়িয়ে ধরবে মেয়ে দেবার জন্তে।

বাড়ির ভাড়া খেয়ে ধরণী আবার হরনাথের কাছে গিয়ে পড়লেন।

কম-সম করে নিন বেয়াই—নানান দিকে চাপ, সামলে ওঠা যাচ্ছে না।

খরচ করে ছেলে পড়াচ্ছি, বিয়েতেও আবার গাঁটের পয়সা খরচ করব?

কেন, কি হবে যদি গায়ে-হলুদের তত্ত্ব না পাঠানো যায় ? এসব তো উঠেই যাচ্ছে ।

বিস্তর খোশামুদির পর ছ'শ টাকায় রফা হল । নোট গণে দিয়ে ধরনীধর নিজাস্ত হলেন ।

প্রতিশোধ নেবার দিন অচিরে এসে পড়ল । বউ-ভাতে হরনাথের ওখানে বাড়িস্থ নিমন্ত্রণ । খাওয়াদাওয়ার পর চলে আলবেন, এমন সময় দোহারী গড়নের ফুটফুটে একটি মেয়ে বারান্দায় বেরিয়ে এসে ধরনীধরকে প্রণাম করল । ঘরের মধ্যে এক গাদা জ্বীলোক, তাঁরাই ঠেলেঠুলে মেয়েটাকে পাঠিয়েছেন, পাঠিয়ে দিয়ে জানলা-দরজার অন্ধিলন্ধিতে চোখ রেখেছেন । ফিসফিসানি ও ব্যস্তসমস্ত ভাব । আন্দাজে বুঝতে পারা গেল অতএব ব্যাপারটা । এবং হরনাথ নিজেও অনতিবিলম্বে পরিষ্কার করে দিলেন : কেমন দেখলেন বলুন প্রণতিকে ?

মেয়েটা সত্যিই ভাল, সাধারণ বাঙালি-ঘরে কদাচিৎ এমন দেখা যায় । তবু ধরনীধর রেখে ঢেকে উত্তর দিলেন : মন্দ নয়—

আমার বড় সখস্বাক্ষীর মেয়ে । আই. এ. পাশ করল এবারে । ভাল লেগে থাকে তো ঘরে নিয়ে নিন । শালা-শালাজ বড্ড ধরে পড়েছে ।

মেয়ের বাপ কমলভূষণের সঙ্গেও আলাপ করিয়ে দিলেন । মার্চেন্ট অফিসের বড়বাবু । ভদ্রলোক হাত জড়িয়ে ধরলেন : ছা-পোষা মানুষ, সামান্ত মাইনে । আপনার মতো লোকের সঙ্গে কুটুস্থিতের সঙ্গতি নেই । দয়াদর্শ করে যদি নিয়ে নেন ।

ধরনীধর তটস্থ হয়ে ওঠেন : ছি-ছি, অমন করে বলবেন না । আমিই বা কী লাট-বেলাট হলাম ! ছা-পোষা আমিও তো ।

মুখফোড় অরবিন্দ ওদিক থেকে বলে ওঠে, দয়াদর্শ খুব বেশি হবে না কিন্তু । যেমন দান, তেমনি দক্ষিণে । আপনার ভগ্নিপতি যে রকম দয়াটা করলেন, তার বেশি চাইবেন কোন হিসাবে ?

লজ্জিত ধরনী তাড়া দিয়ে ওঠেন : কি হচ্ছে অরবিন্দ, থাম না ! মেয়েটি তো ভালই দেখলাম । অবিশ্বাস মেয়েরাই বোঝেন এ সমস্ত । তাঁরা দেখে মত না দিলে কিছু হবে না ।

হরনাথ হেসে উঠে বলেন, বটেই তো ! ঘরগৃহস্থালী করি—কার এলাকা কতদূর, সেটা আর বুঝি নে ভাই ! বেয়ানকে তাই সকলের আগে দেখানো হয়েছে । সেখান থেকে ভরসা পেয়েছি বলে তো এগোবার সাহস হল ।

তবে আর কি ! তা বেশ, যাবেন আপনারা একদিন ।

ফিরবার সময় পিছন-সিটে ধরণী আর সরোজিনী। অরবিন্দ ড্রাইভারের পাশে বসেছে। সরোজিনী হাসতে হাসতে বলেন, বলেছিলাম না আমাদেরও লম্বা আসছে, ছেলের বিয়ে সমস্ত উত্তল করে নেব? সঙ্গে সঙ্গে ছুটে গেল অমন। মেয়েটা সত্যিই বউ করবার মতো। হঠাৎ চোখে পড়ে না অমন মেয়ে।

ধরণী বলেন, কিন্তু ঐ নিয়েই খুশি হতে হবে। আর কিছু নয়। সামান্য মাইনে পান ভদ্রলোক।

অরবিন্দ বলে ওঠে, মাইনে সামান্য সত্যিই। মার্চেন্ট-অফিসের দস্তুর। আবার ভুঁড়িটাও দেখলেন—উপরি দশ রকম না থাকলে অমন নেওয়াপাতি ভুঁড়ি জমে কোথেকে? মাইনে বলে যে ক'টা টাকা দেয়, ওঁরা তা স্বচ্ছন্দে আতুর-ভিখারিকে দান করে আসতে পারেন।

সরোজিনীও সায় দেন : মেয়ের মা এসেছিল। যা ঘটা দেখলাম—হীরে-বসানো পেণ্ডেট দিয়েছে সবিতাকে।

অরবিন্দ বলে, তাই বোঝান দিকি দাদাকে। কতাদায়ে সবাই মিউ-মিউ করে। এক ডজন বাড়ির মালিক কুবের হালদার সে-ও দেখেন নি কি রকম হাত কচলাচ্ছিল মেয়ের বিয়ের সময়। দাদার মতন সবাই সরল হলে' হুনিয়া উঠে যেত। এক কথায় ছ-হাজার বলে দিলেন, কিছু হাতে রেখে বললেন না। বাড়তি লেগে গেল তাই। গোড়ায় পাঁচ থেকে শুরু করলে পুরোপুরি ছয়ও উঠত না, দেখতে পেতেন।

তারপর বলে, যাক গে, যা হবার হয়েছে। বুধবার দাদার অফিসে আসছে ওরা, আমার থাকা হবে না, মফস্বল চলে যাচ্ছি। খুব মোটা রকম চেয়ে বসবেন কিন্তু। আট হাজার নগদ চাই, নয়তো পথ দেখ। তার পরে কত কমাতে পারে কমান। কি বলেন বউদি?

সরোজিনী বলেন, ঠিক! ওরা ছাড়ে নি, আমরাই বা কেন ছেড়ে কথা কইব? আমাদের ঘরবাড়ি মানমর্দাদা আর শশধরের মতন পাত্র—বেয়াই নিজে থাকবেন যখন, তিনিই তুলনা করবেন মনে মনে।

অরবিন্দ বলে, হাতে-হাতে শোধ নিতে হবে, বুঝলেন? ছাড়াছাড়ি নেই।

ধরণীধরও ঘাড় নাড়লেন : ভালরকম প্রতিশোধ নেব। ছাড়ব কেন?

বুধবার এলো। লালদীঘির ধারে, কমলকুশণের অফিস। অফিস অন্তে হরনাথকে সঙ্গে নিয়ে তিনি ধরণীধরের কাছে গেলেন।

ছেলে দেখেছেন আপনারা?

হরনাথ বলেন, নিশ্চয়। সবাই দেখেছে। সেই যে নেমস্তম্বে গিয়েছিল আমাদের বাড়ি। বাবাজি আপনার অফিসেই তো বেরুচ্ছে—তাকে দেখছি নে এখন ?

মাসখানেক খুব ম্যালেরিয়ায় ভুগল। এক বন্ধুর সঙ্গে পুরী বেড়াতে গিয়েছে কাল—

কমলভূষণ বলেন, খুব ভাল ছেলে। আত্মীয়কুটুম্ব সকলে দেখেছেন, সবাই তারিফ করছেন। হীরের টুকরো ছেলে।

ধরনীধর গম্ভীর ভাবে প্রশ্ন করেন, পড়াশুনোর খবর নিয়েছেন ?

এক একটা প্রশ্ন আসে, আর শিউরে-শিউরে ওঠেন কন্ঠাকর্তারা। দবাদরির আগে রূপ ও গুণ ফলাও করে বললে খদ্দেরের তখন মতলব বুঝতে বাকি থাকে না। কমলভূষণ শুষ্কমুখে বললেন, আজ্ঞে হ্যাঁ। খবর নিতে হবে কেন ? এটিনিশিপে ফাস্ট হয়েছে এবার, সে তো কাগজেই বেরিয়ে গেছে।

তা হলে ?

কমলভূষণ বললেন, দর উঠবে সে তো বোঝাই যাচ্ছে। টেলিফোনে অরবিন্দবাবু বললেন, বেয়ান নাকি আট হাজার নগদ চান। সে অবিশিষ্ট কাজের কথা নয়—

ধরনীধর হরনাথের দিকে চেয়ে বললেন, আপনি নগদ কত চেয়েছিলেন, শুনিয়ে দিন আপনার সম্বন্ধীমশায়কে।

হরনাথ আমতা-আমতা করেন : সে তো বটেই। টাকার লোকের অভাব নেই, ঝুঁকবেও নিশ্চয়। কিন্তু শুধু টাকার বিবেচনা করলেই তো হবে না—ঘরের বউ করে তুলবেন সে মেয়েটাও বেশ দেখে-শুনে নিতে হবে।

ধরনীধর কঠিন সুরে বললেন, আমার সবিতাও কি খারাপ মেয়ে ছিল বেয়াই ?

হরনাথ চুপ হয়ে গেলেন। বলবার কিছু নেই, ভাল মেয়ে বলে নিজেকে তিনি রেহাই দেন নি। কন্ঠার বাপ তখন জোড়হাত করলেন : তর্কাতর্কি করে কি হবে ? সঙ্গতি আমার উইএর টিবি, আশাটা হিমালয়পর্বত। আপনাব সঙ্গে কুটুম্বিতের বড্ড লোভ—পদাঘাতে ছিটকে দেবেন না মশায়।

ধরনীধর বিচলিত হয়েছেন। যা গতিক, এর পরে ভদ্রলোক হয়তো-বা পা দুখানাই চেপে ধববেন। কিছু বলা যায় না। বললেন, আহা—ও-রকম করছেন কেন ? মেয়ের বাপ হয়ে অপরাধ করেন নি তো কিছু—ছি ছি, হাতজোড় করবার কি হল ?

কমলভূষণ বলেন, মেয়ের বাপ হওয়ার চেয়ে বড় অপরাধ আছে এই বাংলা দেশে ?

ধরগীধর লম্পতি তা মর্মে মর্মে বুঝে গেছেন। তাড়াতাড়ি বললেন, মেয়ে খুব পছন্দ আমাদের। আচ্ছা, কি পরিমাণ হলে আপনার পক্ষে কষ্টকর হবে না, বলুন সেটা।

কমলভূষণ বিচক্ষণ লোক—মানে, ধরা-ছোঁয়া দিতে যাবেন কেন? আন্দাজি একটা কিছু বলবেন, পাত্রপক্ষ হয়তো আরও কমে রাজি হয়ে যেতেন। আবার অতিরিক্ত কম বললে সম্বন্ধ ছিঁড়ে যাবার সম্ভাবনা রয়েছে। অতএব বামেলায় কাজ নেই, আরও কিছু খোশামুদি করে ধরগীধরের উপর ছেড়ে দেওয়া যাক। বললেন, আমি কি বলব। সকল দিক বিবেচনা করে আপনিই আদেশ করুন, আপনার উপর ভার দিচ্ছি।

ভার আমার উপর?

আজ্ঞে হ্যাঁ। শিক্ষিত মহৎ ব্যক্তি—আপনার দরের মানুষ দেশের মধ্যে ক'টি আছেন? অজ্ঞায় বিচার কক্ষনো করবেন না আপনি।

তাহলে বলে দিচ্ছি, একটা পয়সাও পণ লাগবে না।

অপর দুই ব্যক্তির বিন্ময়ে চোখ কপালে উঠে গেছে। হরনাথ বলেন, হাসিমস্করা ছেড়ে কাজের কথায় আস্তন বেয়াই। কমল সত্যিই বড় আশা করে এসেছে।

কাজের কথা এই হল যে টাকা নিয়ে আমি ছেলে বিক্রি করব না। পয়সা খরচ করে মানুষ করে তুলেছি তো, বিয়ে খাওয়াও পয়সা খরচা করে দিতে পারব। কিন্তু একটা কথা, সবিতা চলে গিয়ে বাড়ি খাঁ খাঁ করছে, টেকাই মুশকিল, শুভকর্ম এই মাসের ভিতরেই করতে হবে।

একটু ইতস্তত করে কমলভূষণ বলেন, আর তো কুড়িটা দিন আছে মাসের।

ধরগী বলেন, টাকাকড়ির দায় যখন থাকছে না, বন্দোবস্ত তাড়াতাড়ি সেরে ফেলুন। এর পরে অকাল পড়ে যাচ্ছে, পাজিতে তিন মাস আর দিন নেই।

হরনাথ চিন্তিত ভাবে মাথা নাড়লেন: হঁ, ভান্দোর-আখিন-কার্তিক তিনটে মাস তো বিয়েখাওয়া হতে পারবে না।

শশধর পুরো গেছে। তারিখ ঠিক করে টেলিগ্রাম করলেই চলে আসবে। এর মধ্যে কেনে-আশীর্বাদটা সেরে রাখি আমরা। বলুন কবে যাব।

কমলভূষণ বললেন, আজ্ঞামোজা কি বলি এখন। দিন দেখাতে হবে ঠাকুরমশায়কে দিয়ে। বাড়ির সকলের সঙ্গে পরামর্শ করতে হবে।

বেশ, ঠিকঠাক করে খবর দেবেন। মোটের উপর শুভকর্ম তাড়াতাড়ি সেরে ফেলতে হবে, এই হল আমার কথা।

হ—বলে নমস্কার সেরে ছুজনে চলে গেলেন।

মফস্বল থেকে ফিরে এসে লম্বা সন্ধ্যায় শুনে অববিন্দ মাথায় হাত দিয়ে বসল। আরে সর্বনাশ, এ কী করে বসেছেন দাদা! সরোজিনীকে বলে, হ্যাঁ বউদি, শশধরের মতন ছেলেকে দাদা দানপত্র করে দিলেন—আপনি একটা কথা বলতে পারলেন না?

সরোজিনী বলেন, আমায় জানিয়ে কিছু করেন নাকি? তোমায় ভাই পই পই করে মানা করলাম—মফস্বল-টকস্বল থাক, সর্বক্ষণ ঠাঁর সঙ্গে সঙ্গে থাক।

অববিন্দ ধরনীকে বলে, আচ্ছা দাদা, এত যে তড়পালেন হরনাথবাবু যত-কিছু করেছেন তার পুরোপুরি শোধ নিয়ে নেবেন—

ধরনীধর মুচকি হেসে বলেন, তাই তো নিলাম রে! বিয়ের পাঁচদিন আগে পর্যন্ত তোমরা দর-কষাকষি করেছ—আর এই দেখ, বিনা পণে নিয়ে নিচ্ছি তোমাদেরই মেয়ে। লজ্জা পেয়েছে ওরা, শিক্ষা হয়েছে। আর কখনও ছোটলোকের ব্যবহার করবে না কারও সঙ্গে।

কচু হয়েছে। অববিন্দ গজর-গজর করতে লাগল। ধরনীধর বললেন, আশীর্বাদের দিনক্ষণ এসে জানিয়ে যাওয়ার কথা, আজকেও তো এলেন না। থবর নিয়ে এস তো অস্থখ-বিস্থ হয়ে পড়ল কিনা কমলবাবুর। উনত্রিশে বাবে না হলে তিন মাস আর হতে পারবে না।

অস্থখবিস্থ হয় নি—সে থবর পাওয়া গেল অনতিপরেই উমাচরণ ডাক্তারের কাছে। এ বাড়ির পুরানো ডাক্তার—এই দিকে কোথায় যাচ্ছিলেন, ধরনীকে দেখে বৈঠকখানায় উঠে এলেন।

শশধরের বিয়ের সম্বন্ধ হচ্ছে বুঝি? কী কাণ্ড, আমার কাছে গিয়ে পড়েছিল। কত রকমে জেরা! সেই যে জর হয়েছিল—কদিন থেকে চলছে জরটা, সঙ্গে কাসি আছে কি না, রক্তটক্টক ওঠে কি না মুখ দিয়ে, পুরী পাঠানোর দরকার হল কিসে—জবাব দিতে দিতে মুখ ব্যথা হয়ে যায়। দেশস্বস্ত পণ্ডিত হয়ে গেছে, জর হলেই অমনি টি-বি—ডাক্তারি করা মুশকিল হয়ে উঠল আমাদের।

অববিন্দও ওদিকে অফিসের ফেরত কমলভূষণকে ধরে নিয়ে এল।

দেখা নেই যে তার পর?

শরীরটা হঠাৎ খারাপ হয়ে পড়ল। বেরুতে পারি নি।

মিথ্যে কথায় ধরনীধর বড় চটে যান। ঝকুটি করে তিনি বললেন, বেরুবেন না কেন। উমাচরণ ডাক্তারবাবুর কাছে গিয়েছিলেন। তা কি পেলেন খোঁজখবর? দিন কমে আসছে, আর আমরা দেরি করতে পারি নে।

আজ্ঞে না, দেরি করলে হবে কেন। তাই বলছিলাম কি—

বলুন। মনে গোল রাখবেন না, বলে ফেলুন সমস্ত।

তবু বলতে পারেন না কমলভূষণ, আমতা-আমতা করেন। অরবিন্দ বলে দেয়, কে ঠুঁদের লাগিয়েছে ছেলের নাকি বৃকের দোষ আছে। এক্স-রে প্লেট নিতে চান একটা।

কমলভূষণ বলেন, আসবার জ্ঞাত বাবাজিকে টেলিগ্রাম করে দিন। দশ মিনিটের তো ব্যাপার। যে দিন নেওয়া হবে, তার চব্বিশ ঘণ্টার মধ্যে আশীর্বাদের বন্দোবস্ত হতে পারবে।

ধরণীধর রুট কঠে বলেন, কাজ নেই। খারাপ অস্থ থাকলে আমরাই তো এগোতাম না। আমাদের উপর আস্থা যদি না থাকে, কুটুম্বিতেয় পস্তাতে হবে। আপনি অগ্রজ দেখুন মশায়।

তবুও কমলভূষণ নরম হলেন না। মন-স্থির করেই এসেছেন, এক্স-রে না' করিয়ে এগোবেন না আর। তিনি উঠে যাবার পর ধরণীধর বললেন, শোভা-বাজারের সেই সন্ধ্যটা দেখ অরবিন্দ। এক্ষুনি চলে যাও। নগদ টাকাকড়ি নেব না, এদের বলেছিলাম—শোভাবাজারে বলগে, গয়না-বরসজ্জাও লাগছে না। শুধু শাঁখা-শাড়ি।

খবর পেয়ে শোভাবাজারের কন্ঠাকর্তা হস্তদস্ত হয়ে এসে পড়লেন। ধরণী বলেন, এই মাসের উনত্রিশে বিয়ে দেব আমি। মেয়ে তো দেখাই আছে—আশীর্বাদ করতে কবে যাব, তারিখ দিয়ে যান।

কৃতার্থ হয়ে কন্ঠাকর্তা বলেন, তাহলে অপর কথাবার্তাগুলো—

কিছু লাগবে না। বলে নি আপনাকে অরবিন্দ? আমরা যাব আপনাকে বাড়ি, শাঁখাশাড়ি দিয়ে আপনি কন্ঠাদান করবেন। তার পর ঘরের বউকে সাজিয়ে-গুজিয়ে আমি বাড়ি এনে তুলব। ব্যস!

গয়নাগাঁটি কিছু কিছু গড়িয়ে ফেলেছি—

এখন কিছু নয়। আদর্শ দেখাব দেশের মধ্যে। কিন্তু বিয়ে এই মাসেই, তিন মাস এর পরে দিন পাওয়া যাবে না। ছেলের মা খুব উতলা হয়ে পড়েছে।

শোভাবাজার একটু মিইয়ে গেলেন যেন। বললেন, সে তো ঠিকই। সব-ধন এক মেয়ে স্বত্তরঘর করতে গেল, মন খারাপ তো হবেই। আচ্ছা, মার্তণ্ডকোম্পানির বড়বাবুর মেয়ের সঙ্গে কথাবার্তা হচ্ছিল শুনেতে পেলাম—

আমি বিয়ে দেব না ওখানে। ভেঙে দিয়েছি।



পাঁজি দেখিয়ে পরের দিন সকালবেলা আসবেন, এই কথা বলে শোভা-  
বাজারের ভদ্রলোক বিদায় হলেন। এলেনও পরদিন। হাত কচলে হেঁ-হেঁ  
করে বলেন, একটা কথা কানে গেল—

টি-বি হয়েছে শশবরের, রক্ত উঠছে মুখ দিয়ে, পুরী গিয়ে আছে ?

অতদূর ঠিক নয়।

এক্স-রে প্লেট চাই ?

আজ্ঞে না। রক্ত আর কাসি পরখ করেই ডাক্তার মোটামুটি বলে দিতে  
পারবে।

আমার কথায় ঘাঁর প্রত্যয় নেই, তাঁর সঙ্গে আমি কাজ করি নে। আপনি  
আসতে পারেন।

শোভাবাজার চলে গেলে ধরণীর হাঁক দিলেন, অরবিন্দ—

বললেন, বেলেঘাটায় গিয়ে ধনঞ্জয়বাবুকে নিয়ে এস। দেড় বছর হাঁটাইটি  
করে ভদ্রলোক জুতোর তলা খুঁয়েছেন।

মেয়ে যে কালো—

হোক কালো। উনত্রিশে বিয়ে আমি দেবোই।

ধনঞ্জয় এলেন। ধরণীর বললেন, কাল ভাল দিন আছে। আশীর্বাদ  
করে আসব আপনার মেয়েকে। আপনারাও করে যাবেন। ছেলে  
পুরী বেড়াতে গিয়েছিল, টেলিগ্রাম করে নিয়ে এসেছি। বিয়ে  
উনত্রিশে।

সে কি, দু-হপ্তা মাস্তোর আছে—

তাতে কি হয়েছে, এক পয়সাও লাগছে না তো আপনার। গয়না,  
বরসজ্জা, বরপণ—কিছুই না।

তবু ধনঞ্জয় ইতস্তত করেন : আমার বাড়িটা দেখেছেন তো ! দুটো  
মানুষ এলে বসতে দেব, এমন জায়গা নেই। বিয়ের জন্তে একটা বাড়ি-টাড়ি  
খুঁজে নিতে হবে তো :

ধরণীর বলেন, কিছু না, কিছু না। পাঁজী নিয়ে আপনারা আমার  
পিসিমার বাড়ি চলে আসবেন। বিয়ে ওখানে থেকে হবে। খরচপত্র সব  
আমার। এর পরে আর কথা নেই তো ?

আবার কি কথা থাকবে ! আপনি দেবতা—

ধনঞ্জয় ভক্তি-গদগদ হয়ে ধরণীরের পায়ের ধূলা নিতে যান। না নিয়ে  
ছাড়বেন না। সেই দিনই সন্ধ্যার পর তিনি আবার চলে এসেছেন।

কি হল ?

কাল তো আলীবাদ হয় না। অস্ববিধা আছে বাড়িতে।

ধরনীধর ধমক দিয়ে উঠলেন : ভিতরের কথা বলুন। কি হয়েছে ?

মার্তণ্ড-কোম্পানির বড়বাবুর মেয়ের সঙ্গে কথা হচ্ছিল তো, লেইখানে গিয়েছিলাম একবার—

ধরনীধর অধীর কণ্ঠে বললেন, কি করতে হবে তা হলে—এক্স-রে না ব্রাডস্পিউটাম ?

ধনঞ্জয় সবিনয়ে বলেন, আছে না—ও সব কিছু নয়। আমাদের পাড়ায় বিচক্ষণ ডাক্তার আছেন একজন, আমায় খুব ভালবাসেন। সন্ধ্যার দিকে বেড়াতে বেড়াতে তিনিই এলে দেখে যেতে পারবেন। বাবাজি বাড়ি থাকবেন সন্ধ্যাবেলাটা—

ধরনীধর বলেন, ডাক্তার দেখিয়ে বিয়ে হবে না। আপনি চলে যান।

হতাশ হয়ে ডাক দিলেন, ওরে অরবিন্দ, ছেলের বিয়ে যে মেয়ের চেয়েও বড় দায় হয়ে উঠল।

অরবিন্দ বলে, বিয়ে হবে না দাদা। শশধর শুনেছে সব, ঘেঞ্জা হয়েছে, সে এখন বিয়ে করবে না। বলছে, আর কোন সম্বন্ধ নিয়ে এলে বাড়ি থেকে দে পালাবে।

তবে কি হবে ? বুঝিয়ে-সুঝিয়ে বল। তোমার বউদি এই ক-দিনেই তো পাগলের মতো হয়ে উঠেছে। উনত্রিশে তারিখটা ফসকে গেলে তিন মাসের মধ্যে কিছু হবার জো নেই।

শশধর রাজি হবে না। আপনিই সব গোলমাল করে দিলেন। সবাই বাতিল করে দিয়ে যাচ্ছে, তার খুব মনে লেগেছে। যা গতিক, সম্বন্ধ গাঁথাও যাবে না এখন। বিয়ে নিতাস্তই দিতে হয় তো জলধরের দিয়ে দিন—

জলধর ? ধরনী আশ্চর্য হয়ে বলেন, জলধরকে মেয়ে দিচ্ছে কে ? লেখাপড়া করল না, টেড়ি কেটে বখামি করে বেড়ায়—

আলবৎ দেবে। মেয়ে তো কতই দেখা আছে শশধরের জন্তে—বলেন তো, তারই একটা লাগিয়ে দিই। পুরোপুরি তার কিন্তু দাদা আমার উপরে। একটা কথাও আপনি বলতে পারবেন না।

ধরনীধর রাজি হলেন : বেশ, বলব না। কিন্তু তুমি যে ছেলের দোষ ঢেকে মিথ্যে করে বাড়িয়ে দেখাবে, লেটাও চলবে না।

একটা কথাও মিথ্যে বলব না। আপনার লামনালামনি দমন্ত হবে। আপনি চূপ করে শুনবেন শুধু, কিছু জিজ্ঞাসা করলে আমায় দেখিয়ে দেবেন।

সবিস্ময়ে ধরণী বলেন, জলধরের বিয়ে—এই উনত্রিশে ? বলছ কি !

উনত্রিশের অনেক বাকি দাদা। এখনও দশটা দিন।

অরবিন্দ কোথা দিয়ে কি করল জানি নে, পরের দিন সেই কমলভূষণই আবার এসে হাজির। এত গালিগালাজ খেয়ে গেলেন, সে সমস্ত গায়ে না মেখে বাড়ি অবধি চলে এসেছেন।

আপনার ছোট ছেলের বিয়ে দেবেন নাকি ধরণীবাবু ?

বৈঠকখানার পাশের কামরায় অরবিন্দের চেয়ার-টেবিল পড়েছে। সেখান থেকে সে ডাক দেয় : এদিকে আসুন। হ্যাঁ, হবে বিয়ে। বিয়ের ব্যয় হল তার পরে আর ঝুলিয়ে রাখতে নেই।

কমলভূষণ গিয়ে বসলে এদিক-ওদিক ঘাড় ঝুলিয়ে সে বলল, কিন্তু আপনার পক্ষে বোধহয় সুবিধে হয়ে উঠবে না কমলবাবু।

কেন, আমি কি দোষ করলাম বলুন ? মেয়ে তো দেখা আছে আপনাদের। আর কথা-কথাস্তরের কথা যদি বলেন, ধরণীবাবুই দশ-কথা শোনালেন আমায়, আমি কোন জবাব করি নি।

অরবিন্দ বলে, লাখ কথা ছাড়া বিয়ে হয় না—সবাই জানে। সম্বন্ধ অমন কত ভাঙে, কত গাঁথে। সে কথা হচ্ছে না। ব্যাপার হল, খরচপত্রের পেরে উঠবেন কি ? আপনি বলেন, সামান্য মাইনে আপনার—

তা হোক, তা হোক। মেয়ে সুপাত্রের পড়ে মেটা তো দেখতে হবে। সামান্য মাইনে ঠিকই, তবে খুব হিসেবপত্র করে চলি আমি। অবিশিষ্ট পাহাড়পর্বত দাবি করলে পেরে উঠব না।

অরবিন্দ বলে, উপযুক্ত গয়না-বরাভরণ ছাড়া নগদ দশটি হাজার—

কমলভূষণ চেয়ার ছেড়ে তড়াক করে উঠে পড়লেন।

বলেন কি ! আমার ভাগনে ঐ দরের ছেলে—তাকে তো পুরোপুরি সাতও দেন নি আপনারা।

অরবিন্দ বলে, আপনার ভাগনেকে আপনি বড় দেখেন, আমার ভাইপোকে আমি বড় দেখি। তুলনা দেওয়া মিছে। পাচ্ছি যখন, এ বাজারে ছাড়তে যাব কেন বলুন ?

পাচ্ছেন ? কোথায় কে দিচ্ছে ?

যুহু হেসে অরবিন্দ বলে, মেটা আপাতত নাই শুনলেন কমলবাবু। জানাজানি হয়েই যাবে। আপনার পেরে ওঠা শক্ত হবে, সে তো গোড়াতেই বলেছিলাম।

উঠে দাঁড়িয়ে ছিলেন কমলভূষণ, এই কথায় আবার চেপে বসলেন।

কেন শক্ত হবে ? অত্রে যখন পারছে, আমারই বা চেষ্টা করতে দোক  
কি ? এক কথায় কাজকর্ম হয় না অরবিন্দবাবু, কিছু কম-সম করতে হবে ।

হাতজোড় করে বিনয়ে অভিব্যক্ত হয়ে অরবিন্দ বলে, আজ্ঞে না, যাপ  
করুন ।

বেশি নয়, নগদে দুটো হাজার কম করুন । আট—

যেন বুকে কেউ ছুরি বসাল, এমনভাবে অরবিন্দ আর্তনাদ করে ওঠে :  
ওরে বাবা !

নিদেন পক্ষে এক হাজার । শোভাবাজারের সুনীল ভড় লেগেছে, বুঝতে  
পারছি । গুড় বেচে পয়সা করেছে । মেয়ে কিন্তু অনেক নিরেশ আমার  
মেয়ের চেয়ে ।

অরবিন্দ হেসে বলে, বেশি নয়—এই উনিশ-বিশ, অনেক খুঁটিয়ে দেখলে  
তবে ধরা যায় ।

অতএব সংশয় রইল না, সুনীল ভড়ই টোপ নাচাচ্ছে । কমলভূষণ তখন  
শেষ ভাক ছাড়লেন : একটি হাজার কমিয়ে নিন ভাই । নগদ ন-হাজার আর  
চল্লিশ ভরির গয়না । যা বলেছেন—উনত্রিশেই শুভকর্ম হয়ে যাবে । মেয়ের  
বিয়ের টাকা আমি ব্যাঙ্কে রেখেছি, গুড় কিনে মজুত করি নি ।

অনেক ধরাপাড়ার পর অরবিন্দ বলে, বউদিকে বলে দেখি । সন্ধ্যার পরে  
খোঁজ নিয়ে যাবেন ।

আপনার বউদিতো বেয়ান হবেন আমার । তাঁকে বলুনগে, মেয়ে ফেললেও  
এর বেশি পারব না । কন্যাদায় যেমন করে হোক উদ্ধার করে দিতে হবে ভাই—

বলতে বলতে খপ করে অরবিন্দের হাত জড়িয়ে ধরলেন । ধীরে ধীরে  
হাত ছাড়িয়ে চিন্তিত মুখে অরবিন্দ উঠে পড়ল ।

আচ্ছা, দেখি তো । আসবেন সন্ধ্যার পরে ।

ধরগীধর শুনছিলেন । বৈঠকখানায় কমলভূষণকে ডেকে বললেন, জলধরকে  
দেখেছেন তো ? রং কালো ।

কমলভূষণ ঝেড়ে ক্লে দেন : কালো ! ছেলে কালো আর ধান কালো  
—সে কি ধর্তব্যের মধ্যে ?

জলধর পাশটাশ করে নি কিছু ।

কমলভূষণ মহোৎসাহে বলেন, দরকারটা কি ? আপনার ছেলেকে অফিসে  
কলম পিষে খেতে হবে না আমাদের মতন—বয়ে গেল পাশ করল আর না  
করল । ঐ সব আজ্ঞে বাজ্ঞে বলে তুলোতে পারবেন না বেয়াইমশায় ।  
প্যাককা বলে দিন—ঐ উনত্রিশে যাতে হয়, কোমর বেঁধে লেগে যাই ।

সন্ধ্যা অবধি সবুজ সইল না, অফিস থেকে সকাল সকাল বেরিয়ে কমলভূষণ বেলাবেলা এসে অরবিন্দকে বলেন, কি হল ভাই? কি বললেন আপনার বউদি?

এত যখন ইচ্ছে আপনার। আর মেয়েটিকেও বউদির বড় পছন্দ।

বৈঁচে থাকুন ভাই, শতেক পরমায়ু হোক।

পকেট থেকে সঙ্গে সঙ্গে দু-হাজারের দু'খানা নম্বর নোট বের করে এক ভত্র লিখিয়ে নিয়ে কমলভূষণ আত্মীয়কুটুম্বদের স্বখবর শোনাতে ছুটলেন।

ধরগীধর বাড়ি এলে অরবিন্দ নোট দু'খানা দিল। বলে, দান দিয়ে রসিদ লিখিয়ে নিয়ে গেছে দাদা। 'না' বলবার আর পথ রইল না।

ধরগীধর বলেন, মাথায় গোলমাল লেগে যাচ্ছে অরবিন্দ। শশধরের মতো ছেলের সঙ্গে একেবারে বিনা পণে কাজ করতে পিছিয়ে গেল, সেই মাহুষ এত খরচপত্র করে জলধরকে মেয়ে দেবার জন্ত পাগল—

কলিকাল, দাদা। মাহুষ ভাল, এ কেউ বিশ্বাস করে না—তহুনি ভাবে, গোলমাল আছে নিশ্চয় ভিতরে। যত কান্নাকাটি করুক, ন-হাজারের একটি গয়না ছাড়বেন না। সোনা চল্লিশ ভরি নিজি ধরে ওজন করে নিতে হবে। নয়তো ফের বৈঁচে যেতে পারে কিন্তু।

ধরগীধরের হতভম্ব অবস্থা দেখে অরবিন্দ হেসে উঠে বলে, ছেলে দাতব্য করতে যাচ্ছিলেন দাদা, তা টাকাটাই না হয় দান করে দেবেন কোনও ভাল জায়গায়।

### সুভদ্রা

উঃ কী সাংঘাতিক মেয়ে! সুভদ্রা রায়। এক-গ্রাম মানুষের সঙ্গে লড়ছে। আমার শাশুড়ির সঙ্গে বিশেষ করে। ভিটেছাড়া করে ছাড়বে, স্পষ্টাঙ্গাঙ্গি শাসিয়ে বেড়ায়। সত্যিগিথ্যে পাঁচ-সাত নম্বর মামলা জুড়ে দিয়েছে। গুচ্ছের নাবালক ছেলেপুলে, এখন তিনি কোথায় যান, কী করেন! আমিও ছাই ইন্সুল-মাস্টারি করি, মামলা-মোকদ্দমার কিছু বুঝি নে। তা তলেও তদ্বির করতে সদরে যাচ্ছি। ত্রিসংসারে আব কেউ নেই শাশুড়ি ঠাকরনের।

রাত সাড়ে-আটটা। ঝুপঝুপ করে বৃষ্টি হচ্ছে। ক-দিন ধরেই চলছে। সামনে পুল। পুল পার হয়ে খানিকটা গিয়ে সদরের স্টেশন, সেইখানে নামব। রেলগাড়ি হঠাৎ থেমে দাঁড়াল। সিগন্যাল দেয় নি হয়তো, লাইন জাম হয়ে আছে ওপারের স্টেশনে। অন্ধকার কাঁপিয়ে ইঞ্জিন সিটি দিচ্ছে ঘন-ঘন, পুল পার হবার অসুবিধা চাচ্ছে।

প্রথমটা তাই ভেবেছিলাম। প্যাসেঞ্জারের মুখে-মুখে এখন অল্প কথা শুনি। গাড়ি যাবেই না আর মোটে। নদীতে জল বেড়েছে, বিষম স্রোত, এখান থেকেই জলের ডাক কানে আসে। এ-অবস্থায় পুলের উপর তুলবে না গাড়ি। পুল ধসে এই কিছুদিন আগে মাহুষ মারা গেছে—শিক্ষা হয়েছে সেই থেকে, সামাল হয়েছে।

সে তো হল। এখন উপায় কী? কাল মামলার দিন। স্বভ্রাতার মতো বাহু পাটোয়ারি নই, মামলার কিছুই বুঝি নে। চিঠি লেখা আছে, স্টেশন থেকে সোজা উকিলের বাড়ি গিয়ে সমস্ত শুনব। সে-আশা আর নেই। যা গতিক, সারা রাত পড়ে থাকতে হবে এখানে। বৃষ্টিটা একটু থামল, কিন্তু আকাশ-ভরা মেঘ পাকিয়ে বেড়াচ্ছে। প্যাসেঞ্জার অনেকেই লাইনের ধারে নেমে দাঁড়িয়ে গুলতানি করছে। বলতি না-জানি কত দূরে। ছেলেপুলে মেয়েলোক আতুর-বৃদ্ধ এতজনা রয়েছে—খাবার-চাবার মিলবে কোথা?

গ্রাম শুনছি ক্রোশ তিনেক এই জায়গা থেকে। রাস্তা নেই—নাবাল মাঠ ভেঙে যেতে হয়, বৃষ্টিতে জল জমেছে, রাজিবেলা প্রাণ বেরিয়ে যাবে গ্রামে পৌছতে। গিয়ে লাভও নেই। গরিব চাষাভুষোরা থাকে—নিজেরা খেতে পায় না, এত লোকের খাবার কে সাজিয়ে রেখেছে বলুন।

পুল পার হয়ে লাইন ধরে যদি চলি? রেলের পুল—স্নিপার একটা এই এখানে একটা ওই ওখানে, দুই স্নিপারের মধ্যে দেড়-হাত দু-হাত ফাঁক। স্নিপারে পা রেখে রেখে এগুতে হবে। একবার পা ফসকাল তো গেলেন একেবারে নদীস্রোতের মধ্যে। মেঘভরা অন্ধকারে স্নিপারও ঠিক ঠাহর করতে পারছেন না।

তবু যাচ্ছি। উপায় নেই, মামলা কাল। একটা মেয়ের কাছে, বিশেষ করে স্বভ্রাতার কাছে হার মানব না। জুতো খুলে হাতে নিয়ে সন্তর্পণে পা ফেলছি। কী করে পার হলাম বলতে পারি নে। পায়ের তলায় মাটি পাচ্ছি, তবু বিশ্বাস হয় না সত্যি সত্যি এলেছি পার হয়ে। পিছনে তাকিয়ে আন্দাজ নিই, কত বড় দুঃসাহসিক কাজ করে এলাম। আমার দেখাদেখি আরও মাহুষ পুলে উঠেছে—সাদা ঐ এক বস্ত্র আলছে ধীরে ধীরে। এরও মামলা নাকি, স্বভ্রাতা রায়ের মতন কারও আতঙ্কে মরণপণে নদী পার হচ্ছে?

বৃষ্টিটা আবার চপে এল তো রেলরাস্তা থেকে নেমে পড়লাম। মাইল দেড়েক গিয়ে শহর। দুটো রাস্তা মিশেছে এইখানে, মোড়ের উপর মূদীর দোকান। পান-বিড়িও পাওয়া যায়। অরভাব হয়েছে, আর বৃষ্টি লাগানো ঠিক নয়। বসে পড়ি দোকান-ঘরে।

অদৃষ্ট ভাল। একটা লাইকেল-রিকশ সওয়ারি পৌঁছে দিয়ে কিয়ছে।  
কিরতি গাড়ি বলে আটআনাতেই রাজি।

কোন ভদ্র হোটেল পৌঁছে দাও বাপু। আছে তো লে-রকম?  
খাওয়া হোক না হোক, শুয়ে পড়তে চাই। সমস্ত দিন জলে ভিজেছি,  
মাথা ছিঁড়ে পড়ছে।

তেমন হোটেল তো—

একটুখানি ভেবে নিয়ে রিকশওয়ালার বলে, ভরদ্বাজ মশায়ের হোটেল ঘর  
আছে। ঐখানে কপাল হুঁকে দেখা যায়।

চল তাই—

হেনকালে নজর পড়ল, উচু রেলরাস্তা থেকে তীরবেগে একজন নেমে  
আসছে। সেই থাকে লাদা কাপড়ে দেখেছিলাম। হাত উচু করে চেঁচাচ্ছে,  
আমি যাব, আমি—

কাছে এসে পড়ল। মেয়েলোক। এবং পাঁচ বছর পরে দেখা যদিচ,  
লহমার মধ্যে চিনে ফেললাম, সুভদ্রা রায়। রুষ্টির মধ্যে কখন মাঝপথ থেকে  
ট্রেনে উঠেছিল, ঠাহর পাই নি। কঠিন হয়ে বললাম, এ রিকশ ভাড়া হয়ে  
গেছে।

আমার দিকে পলকমাত্র দৃষ্টি হেনে সুভদ্রা রায় রিকশওয়ালাকে বলে, কত  
টাকার মানুষ—কে ভাড়া করল শুনি? পুরো-টাকা দেব, চল।

তড়াক করে গাড়িতে উঠে পড়ে হুকুম দিলাম, চালাও। আমি আগে  
ভাড়া করেছি, লাখ টাকা দিলেও আর হবে না।

রিকশওয়ালার তবু দাঁড়িয়ে আছে। আটআনা ও একটাকায় তফাত কম  
নয়। মেয়েয় পুরুষে কোন্দল জমছে—দোকানের লোকগুলো রাস্তায় বেরিয়ে  
দাঁড়িয়েছে মজা দেখতে। তাদেরই সালিশ মানি : বল তোমরা, আগে তো  
আমি ভাড়া করেছি?

তারার একবাক্যে সায় দিল : বটেই তো! আগেভাগে ভাড়া হয়ে গেছে,  
নতুন সোয়ারি নেবে কেমন করে?

সুভদ্রা বন্ধার দেয় : রুষ্টির মধ্যে অঙ্ককারে মেয়েলোক একা-একা পায়ে  
হেঁটে যাব, এই তোমাদের বিচার হল?

অমনি লোকগুলো আমার উপর খিঁচিয়ে ওঠে : বটেই তো! অবলা  
মেয়েলোক একা একা হেঁটে যাবেন, কী রকম ভদ্রলোক মশায় আপনি?

বলে কী, সুভদ্রা রায় নাকি অবলা! অবলা মেয়েলোক ইতিমধ্যে এক  
লম্বে চলতি রিকশয় উঠে পড়েছে। আমার মুখ এদিকে, সুভদ্রার ওদিকে।

দেহের আয়তন সিকিখানা করে এক কোণে চেপেচুপে আছি। রিকশওয়ালার ক্ষুধা- ভাড়া আট আনার সঙ্গে টাকা জুড়ে গেল। ক্ষুধাতে ভেঁপু বাজাতে বাজাতে অন্ধকার পথে ছুটল।

পর্যটন নিয়ে নিন স্বভাৱা ৱায়েৰ—কেমন করে তার সঙ্গে চেনাজানা ঘটল। বি-এ পাশ করে চোখে অন্ধকার দেখছি। যতদিন কলেজে ছিলাম, মা ঘটিবাটি বাঁধা দিয়ে খরচ জুগিয়েছেন। আর নয়। কপালে ছিল, তাই এতটা হয়েছে, নইলে এই কি হবার কথা? যক্ষ্মর হয়েছে, তারই মতন রোজগারে লেগে যাও তো দেখি।

নিরঞ্জন আমার সঙ্গে পড়ত। মামার জোর আছে, পাশ করতে না করতেই চাকরি। একদিন আমাকে খবর দিল: ইন্সুল-মাস্টারি করবে তো বল। হেডমাস্টার—আমাদের গাঁৱের ইন্সুলে। মাইনে দেড়-শ টাকা।

শুধুমাত্র বি-এ পাশ, বয়সেও ছেলেমানুষ—বলছে কি নিরঞ্জন, দেড়-শ টাকা দিয়ে সোজাসুজি হেডমাস্টারের চেয়ারে নিয়ে বসাবে?

নিরঞ্জন মুচকি হেসে বলে, খাতায় সই করবে দেড়-শ। পাবেও তাই। তার থেকে এক-শ কুড়ি টাকা গরিব ইন্সুলকে মাসে মাসে দান করে দিও।

তখন বুঝলাম। বাকি তিরিশ দেবে তো, না খাওয়া-খাকার বাবদ তাও কেটে নেবে?

ইন্সুল কমিটির প্রেসিডেন্ট সতীশ্বর ৱায়েৰ বাড়ি থাকবে। বড়লোক মাহুৰ—তিনি কৈন টাকা নিতে যাবেন।

মা-জননী সকাল-বিকেল অতিষ্ঠ করে তুলেছেন—যা-হোক কিছু চাকরি জুটলে পছন্দমত এক টুকরো বউ নিয়ে আসবার সাধ। তিরিশ টাকাই বা কে দিচ্ছে আমায়। চললাম নিরঞ্জনদের গ্রামে।

বড় গ্রাম। শিক্ষিত লোক আছেন। তারা সব গ্রামের বাইরে। বিজ্ঞ-লাখ্য বা সহায়-সম্মল নেই এমন লোকেরা সামান্য জমিজমা অবলম্বন করে পড়ে আছেন। নীচের যাবতীয় মাস্টার ওঁদের ভিতর থেকে। জমাচমি দেখার সঙ্গে সঙ্গে মাস্টারি বাবদ পাঁচ টাকা দশ টাকা যা আসে, মন্দ কি! মেলে না হেডমাস্টার—বি-এ পাশের নীচে হেডমাস্টার হয় না, পাশ-টাশ করে তিরিশ টাকায় কে পড়ে থাকবে? বরাবর এক নিয়ম ছিল—হেড-মাস্টার ও অ্যাসিস্ট্যান্ট-হেডমাস্টাররূপে দু'জন গ্রাজুয়েট গ্রামবাসীর নাম লিখে রাখত খাতায়। ইনস্পেক্টর আসবার মুখে গ্রামের কল্যাণে তাঁরা ছুটিছাটা নিয়ে আসতেন। ইদানীং মাহুৰজন ত্যাগড় হয়েছে, ইনস্পেক্টর-



অফিসে বেনামি চিঠি চলে যায়—হেডমাস্টার নেই, পড়াশুনো কিছু হয় না। ইনস্পেক্টরও তেমনি—থবরবাদ নেই গোছগাছ করবার অবসর দেন না, হট করে এসে পড়েন। এই সব কারণে একটি ষোল-আনা হেডমাস্টারের জরুরি আবশ্যক হয়ে পড়েছে।

আছি অবশ্য বেশ ভাল। রায়েরা কলকাতা থাকেন—চকমিলানো বাড়ির উপরতলায় আমি একেশ্বর। মোটা মোটা থাম, বড় বড় কামরা, পরকলা-দেওয়া ঝাড়লঠন ঝোলে ছাত থেকে, মেহগ্নি-পালিশ খাটপালক, দেয়ালে দেয়ালে তেলরঙের ছবি-ঘোড়া, জাহাজ, মেমসাহেব, বাঘ-শিকার ইত্যাদি। অবসর সময়ে তিন-চারটে ঘর নিয়ে পার্শ্চাির করে বেড়াই। নিচের তলায় নায়ের-খাজা-পাইক-বরকন্দাজ নিয়ে কাচারি বসে সকাল-সন্ধ্যা। বরকন্দাজদের খাওয়ার বন্দোবস্ত আছে—বিশাল রান্নাবাড়ির একটা ঘরে পাকশাক হয়। আমার খাওয়া তাদের সঙ্গে। নায়ের প্রায়ই বলেন, আরে দূর—ওরা রাঁধতে পারে নাকি! আমার বাড়ি খেয়ে এস। শাকপাতা যা-ই হোক, হাসির মা র রান্নার খুব যশ। ভোজের রান্না রাঁধতে ডেকে নিয়ে যায়।

আমি উড়িয়ে দিই : বেশ তো চলছে। অসুবিধা হলে বলব বই কি। নিজে যেচে গিয়ে থাব।

পূজোর সময়টা ভারি ধুমধাম। পাঁচ-ছথানা প্রতিমা ওঠে। গ্রামস্থল মিলে থিয়েটার করে। যারা বাইরে থাকে, বাড়ি আসে এ সময়। ইস্কুল বন্ধ হয়ে গেছে, আমায় কিছুতে যেতে দিচ্ছে না।

ফস্টারের পার্টটা করে দিয়ে যাবেন হেডমাস্টার মশায়। ইংরেজি কথাবার্তা অমন আর কাউকে দিয়ে হবে না।

সকলের টানাটানিতে থেকে যেতে হল। পূজোর ক'টা দিন কাটিয়ে তার পর মায়ের কাছে যাব। কলেজের অভিনয়ে কিছু নাম ছিল, এখানে এরগুয়াজ্যে রীতিমত কেইবিষ্ট হয়ে দাঁড়িয়েছি।

সতীশ্বরবাবু এসে পড়লেন। সতীশ্বরবাবুর পঁচাশি বছরের মা—বৃদ্ধার নড়ে বেড়াবার ক্ষমতা নেই, ডুলিতে বসিয়ে দশ-পনেরো স্তনে ধরে দোতলায় তুলে দিল। স্ত্রী নেই—এসেছে চার ছেলে ও এক মেয়ে। ছেলেগুলো ছোট, মেয়ে সকলের বড়—অনেক বড়। এই স্ত্রীজ্ঞা।

আমি অতএব দোতলা ছেড়ে নিচের তলায় এসেছি। কাচারির পাশে চোরকুঠুরিতে বরকন্দাজদের এক খাটিয়া পেতে দিয়েছে। শোওয়ার কষ্ট, কিন্তু খাওয়ার মজায় পুষিয়ে যাচ্ছে। রাজস্বয় ব্যাপার মশায়—পোলাও-

কালিয়া, লুচি-মাংস চলছে এবেলা-ওবেলা। সাদামাটা ভাত-বাঞ্জন রায়েদের গলা দিয়ে যেন নামে না।

লতীশ্বর রায় শুনেছি পণ্ডিত মাহুষ—সংস্কৃত ইংরেজি দুটোতেই ভাল পড়াশুনা। কথাবার্তা হয় নি কোনদিন—কারও সঙ্গে কথা বলতে দেখি নি। কথা বলার উপযুক্ত মাহুষ পান না নাকি। অল্প দোষও আছে। টকটকে লাল চোখ দুটো তুলে যখন তাকান, বুকের মধ্যে গুরগুর করে—পালিয়ে বাঁচি সামনে থেকে।

সুভদ্রা অবশ্য কথা বলে, কিন্তু না বললেই বরঞ্চ ভাল ছিল। ছুন দিতে আধ মিনিট দেরি হয়েছে, যাচ্ছেতাই গালিগালাজ করে থালাসুদ্ধ ঝনঝনিয়ে ছুঁড়ে দিল। এ-ব্যাপার আমি চোখে দেখেছি। বাপের মতন মেয়েরও কেউ কাছে ঘেঁষে না। কিন্তু হলে কী হবে, লাটুর মতন সে-ই সর্বত্র পাক দিয়ে বেড়ায়।

একদিন আমার ঐ চোরকুঠুরির দোরগোড়ায় হাজির। আধ-শোওয়া অবস্থায় পার্ট মুখস্থ করছিলাম, উঠে দাঁড়িয়ে সসম্মত বলি, আসুন—

ভিতরটায় একবার নজর বুলিয়ে সুভদ্রা তিতো জিনিস খাওয়ার মতন মুখ করে বলে, মাস্টার আপনি ?

বলবার ধরনটা ভাল নয়। কিন্তু আছি এদের আশ্রয়ে—অত বিবেচনায় কাজ কী—শাস্ত কঠে জবাব দিলাম : হ্যাঁ।

হেডমাস্টারি করেন, লেখাপড়া শিখেছেন খানিকটা, স্বাস্থ্যের নিয়ম-টিয়ম জানেন না ? এত নোংরার মধ্যে থাকেন কী করে ?

আমায় দেখিয়েই থুতু ফেলল সে বাইরে। চোখ-মুখ কুঞ্চিত করে জুতো ঠুকঠুক করে চলে গেল।

নায়েবমশায়ের সঙ্গে আরও খাতির জমেছে ইতিমধ্যে। তিনিও দেখলাম বেশ বিরক্ত। বয়স্ক মাহুষ, মেয়েছেলের অমন স্বভাব বরদাস্ত করতে পারেন না। গল্প করি : আচ্ছা, এ-মেয়ের ঘে-ঘরে বিয়ে হবে—

নায়েব ভ্রতঙ্গি করে বলেন, বিয়ে ? এ-জন্মে নয়—এই তোমায় বলে রাখলাম। চেষ্টা কম হয় নি। হবার হলে অনেক আগে হয়ে যেত।

আবার বলেন, দেখ, মেয়েদের যত লেখাপড়া শেখাবে, বিয়ের মুশকিল ততই। কেনে এম-এ পাশ তো বরকে তার উপরে হতে হবে—তেমন আর ক'টা পাওয়া যায় ? দেখতে শুনে আगे ভালই ছিল, স্বভাবও মাংমুখি ছিল না, পয়সাকড়ি ছিল—খরচপত্র করা যেত। চেষ্টাও খুব হয়েছে। কিন্তু একে বনেদি বাড়ি, তায় লেখাপড়া,—গোদের উপর বিষফোড়া উঠলে কোন

চিকিচ্ছে আছে? এখন পরশাকড়ি শুকোচ্ছে, মেয়ে মুটিয়ে যাচ্ছে, মেজাজ চড়ে উঠছে ততই। মাছুষজন পিঁপড়ে-কড়িঙের মত বিবেচনা করে—যেমন বাপি তেমনি মেয়ে। আগে বেশ শিষ্টশাস্ত ছিল।

মহানবমীর দিন থিয়েটার হল। ধনু-ধনু পড়ে গেল। দেমাক করব না, অধমের চেহারাটা দেখেন নি আপনারা, সাজলে-গুজলে মন্দ দেখায় না। সত্যি, লরেল ফর্টার সঙ্গে আয়নার মধ্যে নিজেকেই চিনতে পারি নে। বিলাতের জাহাজ থেকে সত্ত্ব নেমে যেন স্টেজের উপর উঠেছি। শয়তানি চরিত্র, লোকের ঘৃণা হবার কথা। কিন্তু আমার সাজগোজ, ভাবভঙ্গি, ফড়ফড় করে ইংরেজি বলা—স্টেজে দেখা দিলেই চতুর্দিকে হাততালি পড়ে যাচ্ছে। নায়ক প্রতাপ অবধি ফর্টারের কাছে পাত্তা পায় না।

সাজ-পোশাক খুলে রং ধুয়ে ফেলে বাসায় ফিরছি, তখনও লোক কাতার দিয়ে আছে। কী চমৎকার, কত গুণ ধরেন আপনি মাস্টার মশায়! প্রশংসা কুড়োতে কুড়োতে এগোই—রণজয়ী সেনাপতি বোধহয় এমনি দেমাকে ঘরে ফেবে। চণ্ডীমণ্ডপের রোয়াকের দিকে বারংবার তাকাচ্ছি, যেখানে মেয়েদের জায়গা। পাড়ারগায়ের মেয়ে-বউরা অবশ্য যেচে প্রশংসা জানাবে না, কিন্তু স্বভদ্রা শহরের মেয়ে—তার মনোভাবটা জানতে পারলে হত।

জানতে দেরি হল না। বাড়ি ফিরছে স্বভদ্রা, আমাদের পাশাপাশি এসে পড়ল। নায়েব মশায় সগর্বে জিজ্ঞাসা করেন : গেঁয়ো থিয়েটার কেমন লাগল স্বভদ্রা?

বড্ড আমোদ পেয়েছি। এতখানি ভাবতে পারি নি।

দলস্বদ্ধ কৃতার্থ। আমার দিকে তাকিয়ে স্বভদ্রা আবার বলে, এমন হাসাতে পারেন আপনি! হেসে হেসে খুন হয়ে গেছি।

নায়েব বললেন, এই দেখ, তুমিও তবে চিনতে পার নি। হাসির পার্ট নয় গো, মাস্টার এমন সাজে সেজেছিল, ধরা বড় শক্ত!

সেদিকে কান না দিয়ে স্বভদ্রা বলে, কিছু তো লেখাপড়া জানেন। ইচ্ছে করেই নিশ্চয় লোক হাসাবার জন্তে এমন উৎকট ইংরেজি উচ্চারণ করছিলেন। তাই নয়?”

ঘরে গিয়ে সটান শুয়ে পড়ি। ‘চন্দ্রশেখর’ পালা আর একদিন করতে বলছিল, কিন্তু ভোর না হতে রওনা হয়ে পড়েছি। মায়ের কাছে বাওয়ার একটা দিনও আর দেরি চলবে না।

মাসখানেক পরে জগদ্ধাত্রীপূজা অন্তে ফিরে এসেছি। স্বভদ্রারা আজও

পড়ে আছে। সতীশ্বরের বড় অসুখ—সেজ্ঞে ঘাওয়া হয় নি। অজ-পাড়াগাঁ জায়গায় ভাল ডাক্তার-কবিরাজ নেই, এতবড় রোগি এখানে ফেলে রেখেছে কী জন্ত? নায়েবমশায় চোখ টিপে বলেন, ডাক্তার-কবিরাজ বেটে খাওয়ালেও অসুখ সারবে না বাবাজি। অত্যাচার করে করে লিভার পচিয়ে ফেলেছে।

তিন-চার মাস কেটে গেল, অসুখ সমভাবে আছে। নায়েবের কথা সত্যি বলে মনে হচ্ছে। কিন্তু আমি কাঁহাতক আধ-অন্ধকার চোরকুঠুরিতে পড়ে থাকি! নায়েব বলেন আমার বাড়ি এসে থাকতে বলছি, বাড়িব-ছেলে হয়ে থাকবে। একটা কথা বলি তবে শোন। আর এরা কলকাতা যাবে না—কলকাতার বাড়ি তিন মর্টগেজ দেওয়া ছিল, এবারে বেচে নিয়েছে। গিয়ে সেখানে থাকবে কোথায়, থাকবে কী?

আবার এখানেও তেমনি ব্যাপার। সতীশ্বর বায়ের গেলে খারাপ পড়েছে। বাজারটা বেশ ভাল সম্পত্তি—দশ-পনেরো টাকার মতন দৈনিক তোলা উঠত, কোথাকার কে-একজন সেই বাজার নিলামে ডেকে নিল। পোলাও-কালিয়া গিয়ে ভাল-ভাত চলছিল, তাতেও টান পড়বার গতিক।

চোরকুঠুরিতে সুভদ্রা আবার একদিন চুঁ মারল : আমাদের নায়েবের বাড়ি উঠে যাচ্ছেন নাকি?

হ্যাঁ।

নতুন ঘর বানিয়ে আশ্পর্শা বড্ড বেড়েছে নায়েবেব। ঘর কিন্তু টিনের—ছপুরবেলা আগুন ছোটে। এমন পাকা দালান নয়।

তা হলেও আলো-বাতাস দিব্যি। দেখে এসেছি।

সুভদ্রা হঠাৎ অগ্নিমূর্তি হয়ে বলে, আলো-বাতাস আমাদের বাড়ি নেই বুঝি? নেমকহাবাম, তাই নিন্দে করলেন। দোতলার যে-ঘরটাঘ ছিলেন, বাতাসে তো মশারি গুঁজে রাখা যায় না।

ইতস্তত করে বলি, কিন্তু সেখানে তো আর সুবিধা হচ্ছে না।

সুভদ্রা মুখ বেঁকিয়ে বলে, কী লাটলাহেব! তিরিশ টাকার মাস্টারি করতে এসেছেন, অমন ঘরেও সুবিধা হবে না বলছেন?

অনেক কষ্টে রাগ চেপে নিয়ে বলি, আমাব কথা হচ্ছে না। অসুবিধা হবে আপনাদের। আপনার।

সুভদ্রা হেসে উঠে বলে, কিছু না—কিছু না। বিড়াল-কাকাতুয়া ইঁদুর-আরশোল কতই রয়েছে—এই বড়-বাড়ির মধ্যে আপনি কোন্‌দিকে আছেন না আছেন, টেরই পাব না মোটে।

যদিই বা ছু-চার দিন থাকতাম এর পরে আর চলে না। জিনিসপত্র গোছ-গাছ করে কলেছি, আবার এল হুভদ্রা।—যাচ্ছেন ?

জবাব দিই না।

হুভদ্রা বলে, ঐ নায়েব ফাঁকিজুকি দিয়ে বাবাকে পথে বসেছে। বাজারটা বেনামিতে ওই ডেকেছে, জানতে পারা গেল। শয়তান লোক।

আমি ধীরে ধীরে বললাম, বিষয়-আশয় যারা করে, পথ তাদের ঐ একটাই। আপনার পূর্বপুরুষের খবর নিয়ে দেখুন গে—ঐ রকম কিছু-একটা হবে।

অতঃপর ভদ্রতার মূখোশটুকুও থাকে না। বলে, যাবেন—সে তো জানিই। নায়েব টোপ নাচাচ্ছিল, বোকা মানুষ গিলে বসেছেন। হিড়হিড় করে এবার টেনে তুলছে। কী-বা কুচি, কী পছন্দ! আবার নাকি পড়াওনে করতেন কলেজে!

মুখ ঘুরিয়ে টিনের বাক্সটা হাতে তুলে নিলাম। বাকি জিনিস ও-বাড়ির লোক এসে নিয়ে যাবে।

হাঁক-টা ইতর। হাসির কথা বলল—নায়েবের বয়স্বা মেয়ে হাসির সঙ্গে আমার নাম জড়িয়ে। পাড়ার মধ্যেও নাকি ফিসফাস চলছে। মেয়ের বাপ নায়েবমশায় তিলমাত্র বিচলিত নন। বলেন, যা রটে কিছু তার বটে। তা অত্যাশ্চর্য কী হবে তুমি আমার জামাই। মেয়ে আমার কানা নয়, খোঁড়া নয়, কাজকর্মে ভাল—কুলেশালে মিল রয়েছে, গোলমালটা কিসের ?

মায়েরও মত এসে গেল। হাসির সঙ্গে বিয়ে হচ্ছে আমার। শ্বশুরমশায় কাজ ছেড়ে দিয়েছেন। বিষয়-আশয় নেই, নায়েব রেখে ওঁরাই বা কী করবেন। বসন্তবাড়িটাই মেরামতি অবস্থায় ক বছর রাখতে পারেন তাই দেখুন।

বিয়ের দিন রাঘবাড়ির মানুষ কেউ এল না—চাকরের হাতে একভোড়া হাউরমুগো বালা পাঠিয়ে দিল। সতীশ্বর নিজ-হাতে চিরকুট লিখেছেন—হাসিরানীকে আশীর্বাদ। সেকলে ভারী গয়না, হস্ত-বা হুভদ্রার মায়ের জিনিস। শ্বশুরমশায় বলেন, পুরনো মনিব, অনেক কাল ছুন খেয়েছি—বালা রেখে দাও, ফিরিয়ে দিয়ে অপমান করতে পারব না। পরিয়ে দাও হাসির হাতে।

পরদিন রওনা হবার মুখে—টোল-কাসি-শানাই বাজছে—হুভদ্রা এসে দাঁড়াল সেই সময়।

বিয়ে করলেন, সেই সঙ্গে মাস্টারিতে ইত্তফা দিলেন কোন্ ভরসায় ?

দেখা যাক—

লাটের চাকরি কে দিচ্ছে শুনি? পাশ করেছেন, কিন্তু লেখাপড়া কিছু শেখেন নি। নিতান্ত ধাপধাড়া জায়গা, আর বাবার মতন প্রেসিডেন্ট—পাড়াগাঁয়ের মাস্টারি ছাড়া আপনার ও-বিষয়ে আর কিছু হয় না।

আমার উপর আক্রোশ কেন জানি নে, গায়ে পড়ে এই সব শোনাতেই যেন এসেছে। আত্মীয়কুটুম্বর কান পেতে শুনছে, তা বলে মানবে না। শ্বশুরমশায় কোন্ দিকে ছিলেন, ছুটে এসে পড়লেন : এসব কি এখন বলবার সময়?

সুভদ্রা বলে, সত্যি কথা সব সময় বলা যায়। আপনি ইংরেজি জানেন না ভাই। এঁদের সব ডিগ্রি কেড়ে নেওয়া উচিত।

শ্বশুরমশায় বললেন, আমার বাড়ির উপর দাঁড়িয়ে নতুন জামাইএর কুচ্ছা করতে পারবে না।

রাগে কাঁপতে কাঁপতে সুভদ্রা বলে, চলে যেতে বলছেন বাড়ি থেকে?

যা বলতে হয়, রাস্তায় গিয়ে বল গে। এখানে নয়।

তাড়িয়ে দিচ্ছেন?

তেমন যদি মনে কর তো তা-ই।

এত দস্ত আমাদের সর্বস্ব গ্রাস করে? কাল অবধি আমাদের চাকর ছিলেন, সেটা ভুলে যাবেন না।”

সিংহীর মত গর্জাতে গর্জাতে সুভদ্রা চলে গেল। সেই—আর পাঁচ বছর বাদে আজকে। সতীশ্বর রায় ও শ্বশুরমশায় দুজনেই গত হয়েছেন। নানান ঘাটের জল খেয়ে বেড়িয়েছি এতদিন—সুভদ্রার কথাই খাটল, শেষ পর্যন্ত আবার মাস্টারি। মাস্টার হয়ে ক-মাস এই একটু ঠাণ্ডা হয়ে বসেছি। শান্তিপুর প্রতি চিঠিতে সুভদ্রার কথা কিছু-না-কিছু থাকে। ক্ষেপে গেছে—এমন মেয়ে ভূভারতে কেউ দেখে নি—গ্রামস্বস্ত মাস্তুলের সঙ্গে লড়ে বেড়াচ্ছে। সেই বাজারের স্বাস্থ্য নিয়ে বড় দেওয়ানি মামলা ফেঁদেছে। শান্তিপুর লিখেছেন, বাইরের লোক টাকা ফাঁকিছুকি দিয়ে নেয়, মামলার তথ্য করে না। জামাই হলেও তুমি, ছেলে হলেও তুমি। এই তারিখটায় তুমি বাবা যেমন করে হোক হাজির হয়ে। বাজারটা গেলে অন্ন জুটবে না।

রিকশ খেমে দাঁড়াল। এই তবে ভরষাজের হোটেল। রাত অনেক হয়েছে। দরজার কড়া নাড়ি, মর্মান্তিক চোঁচাই। রিকশওয়ালারও ভেঁপু-বাজিয়ে সাহায্য করছে। দরজা খুলে পাকচুল এক বুড়োমাস্তুল মুখ বাড়ালেন।

কে ?

ঘর পাওয়া যাবে ভরষাজমশায় ? রাজে থাকব ।

দাঁড়াও—

হারিকেন হাতে বেরিয়ে এলেন । আলো ঘুরিয়ে ঘুরিয়ে নিরীক্ষণ করছেন । বললেন, ভাল লোকেরা এসে অনুবিধায় পড়েন, সেইজন্তে তো ঘর রেখেছি । তবে হ্যাঁ, লোক ভাল হওয়া চাই । উদ্বাস্ত হয়ে এসেছি, তা বলে ভিক্ষের ঝুলি নিয়ে কোথাও যাই নি ভাই । সংপথে কুজিরোজ্জগার করি । হট করে এসে পড়লেই অমনি জায়গা দেব না । সেবারে কি হল—এক ডেপুটির ছেলে এসেছে, সঙ্গে দেখি মেয়েছেলে । ভাল লাগল না, মেয়েমানুষের ঢং দেখলে ধরা যায়—কি বল ভাই ? দূর-দূর করে তাড়িয়ে দিলাম । ডেপুটি কেন, নবাব শায়েস্তা খাঁর ছেলে হলেও ভরষাজের ঘরে ঠাই হত না ।

আমার কাঁধের উপর দিয়ে হারিকেন উঁচু করে ধরে ভরষাজ আহ্বান করেন, তা এস তোমরা—ভিতরে চলে এস ।

পিছন দিকে চেয়ে দেখি, স্তম্ভভ্রাণ্ড রিকশ থেকে নেমেছে । মামলা-মোকদ্দমায় এত আসা-যাওয়া—কোনও চুলোয় জায়গা নেই, মেয়েছেলে হয়েও হোটেলে এসে উঠল ? আবার আবদারের ঢঙে বলছে, কোঠাঘর দেবেন কিন্তু—টিনের ঘরে আমার ঘুম হয় না ।

তাই হবে মা-লক্ষ্মী । খেয়ে নাও তো আগে ।

সোরগোল পড়ে গেছে বুঝতে পারছি । কাজকর্ম চুকিয়ে ঠাকুর বাসায় চলে গেছে, ভরষাজ-গিন্নি নিজে তাই মাছের ঝোল চাপিয়ে দিয়েছেন ।

রাত ছপূরে কী কাণ্ড লাগালেন ভরষাজমশায় ! খাওয়ার পরজ নেই, মাথা ছি ডে পড়ছে, শুয়ে পড়তে চাই তাড়াতাড়ি ।

ভরষাজ বলেন, এই বড় রাত উপোস করে থাকবে, তাই কখনও হয় ? একটুখানি সবুর কর, দশ মিনিটের মধ্যে পাতা করে দিচ্ছি ।

নিজেই ছুটলেন—দোকানদারকে ডেকে ভূলে ছ' খুরি দই কিনে আনবেন, নিজে না গেলে হবে না । হোটেলের খদ্দেরমাজ নয়—কোন গৃহস্থ-বাড়ি অতিথি হয়ে এসেছি যেন । ভাল মাছের ঝোল আর দই, তিনটে পদ । অমৃত খেয়ে এসে বিড়ি টানছি আর উদগার তুলছি ।

ভরষাজ বললেন, এইবার ওঠ । শোবার জায়গা দেখিয়ে দিই ।

উঠান পার হয়ে ঢাকা-বারান্দায় উঠলাম । পাশাপাশি ক'টি কামরা—তার একটা দেখিয়ে দিলেন ।

কামরা নয়, পায়রা-খোপ—খাটে তিন ভাগ জুড়ে আছে। ঢুকেই ছিটকে  
বেরিয়ে আসি—কি সর্বনাশ, খাট জুড়ে স্বভদ্রা শুয়ে পড়েছে।

ভরষাজ বলছেন, দুয়োর দিয়ে শুয়ে পড়। কুলুদিতে জলের কুঁজো।  
অল্প কিছু দরকার হয় তো বল।

অল্প একটা ঘর দিন ভরষাজমশায়।

ভরষাজ একটু যেন বিরক্ত হয়ে বলেন, অল্প ঘর কোথা? রাত দুপুরে  
চাঁদের আবদার ধরলে, আঁকুশি দিয়ে কে পাড়তে যায় এখন বল। ঘর আর  
একটা ছিল, সেখানে সব শুয়ে পড়েছে।

ভরষাজ-গিন্নি এসে দাঁড়ালেন। অল্প ঘোমটা, হাসিতে ডগমগ মুখ  
একমুখ পান চিবোচ্ছেন। মুহূর্ণ্যে স্বামীকে জিজ্ঞাসা করেন : কি হল?

অল্প ঘর চাচ্ছে। খাট ছোট দেখে গৌশা হল বোধহয়।

গিন্নি বলেন, ছেলেপুলে নেই, মাঠের মতন এক খাট কী হবে? একটু  
খেমে আবার বলেন, বৃষ্টি-বাদলের দিন, আটোসাটো খাটই তো ভাল  
গো!

মুচকি হেসে আঁচলে মুখ ঢাকা দিলেন।

এই দেখুন, কোথাকাব জল কোথায় এসে দাঁড়িয়েছে। জবাব দেব  
কি, অন্ধকার রাতে এক বিরকশয় দুজনে এসে নামলায়, ব্যাখ্যা করে  
বোঝাতে গেলে ডেপুটি-পুজের মতো আমাকেও দূর করে দেবে ঘর  
থেকে।

চলে গেলেন স্বামী-স্ত্রী, পাশের কামরায় গিয়ে দরজা দিলেন। হতভম্ব  
হয়ে দাঁড়িয়ে আছি বারান্দায়। বিপদের উপর বিপদ, ঝুপঝুপ করে জোরে  
বৃষ্টি এল। অনেক বৃষ্টি খেয়েছি, আবার এই রাত দুপুরেও। দেয়ালে গা  
মিলিয়ে দাঁড়িয়েছি, তবু ঝাপটা আসে। নবাবনন্দিনী ওদিকে আমারই  
খুঁজে-বের-করা হোটেলের আরামে ঘুম দিচ্ছে।

ভেজানো দরজা খুলে গেল হঠাৎ বাতাসের ঝাপটায়—উহ, দোর খুলে  
স্বভদ্রা এসেছে।—দাঁড়িয়ে দাঁড়িয়ে ভিজছেন কেন?

বসব কোথা? জলের ঢেউ খেলে যাচ্ছে দেখুন না।

ঢেউএর মধ্যে থাকতে কে বলছে? ঘরে এসে শুয়ে পড়ুন।

ইচ্ছে তো ছিল তাই। শরীরটা ভাল নেই, রাতে ঘুমানোর গরজ।  
তা হতে দিলেন কই?

আমি কি মানা করেছি? ঘরে এসে বসুন, শোন, ঘুমান, আমার  
কিছু যায় আসে না।



অবাক হয়ে তাকাই, বলে কি !

এবং অনেককাল আগেকার সেই কথাগুলো মুখস্থ মতো বলে যাচ্ছে, “বিড়াল-ইঁদুর-আরঙলা তো থাকে, আপনি একদিকে একটু ঘুমিয়ে থাকলে কি ক্ষতি হবে আমার ? চলে আসুন।

চটে গিয়ে বলি, বিড়াল না হয়ে বাঘ যদি হয় ?

হি-হি করে হাসে। কি বলেন, বাঘ হয়ে গেছেন নাকি ? ভারি মজা ! তা মাস্টারমামুষ বাঘ হয়ে কেমন হামলা দেন, দেখতে হবে তো ! আসুন।

বলেই খপ করে হাত এঁটে ধরল। টেনে নিয়ে গেল ভিতরে। দাঁড়াতে পারছি না আর আমি। মেজের উপর জাপটে বসলাম।

সুভদ্রা ধমক দিয়ে ওঠে : শরীর খারাপ বলছেন তো শুনিয়ে শুনিয়ে। ঠাণ্ডা মেজেয় কেন, খাটের উপর শুয়ে পড়ুন।

জবাব দিই না, নড়ে-চড়ে ভাল হয়ে বসি।

বলছি, শুনতে পেলেন না ?

সুভদ্রা এগিয়ে আসে। কী রকম দৃষ্টি ! আমার সত্যি ভয় হয়ে গেছে। বুকের মধ্যে ধড়াস-ধড়াস করছে ! ছুয়োরের দিকে যাই। কি সর্বনাশ নির্ণরাত্রে কে ওদিকে ছিল, বাইরে থেকে শিকল এঁটে দিয়েছে। টানাটানি করছি, দুটো-একটা ঘা দিয়েছি দরজায়, চাপা হাসির আওয়াজ পেলাম বাইরে থেকে।

সুভদ্রা কঠিন কণ্ঠে বলে, চুপচাপ থাকুন—কেলেঙ্কারি করবেন না। গিগি ঐ হাসছেন।

আর কি হবে, মড়া হয়ে পড়ে আছি। দেহ-রক্ত হিম হয়ে গেছে। সাংঘাতিক মেয়ে—দেওয়ানিতে দেরি হয়, কুৎসিত কোন ফৌজদারিতে ফেনবার মতলব কি না, কে জানে ! প্রতিহিংসার জন্ত না-পারে এমন কর্ম নেই।

একটা বিছানার চাদর গায়ে জড়িয়ে সুভদ্রা দেয়ালে ঠেস দিয়ে বসে রইল। কত ক্লান্ত হয়েছি বুঝতে পারি, এত বড় উষ্মের মধ্যেও ঘুম এসে গেল। ঘুম ভেঙে গিয়ে হঠাৎ মনে হল, কপালে হাত বুলিয়ে দিচ্ছে কে। চোখ খুলতে সাহস পাই নে—যেমন ঘুমুচ্ছিলাম, তেমনি ঘুমিয়ে আছি চোখ বুজে। কি জানি, সঙ্গে সঙ্গে কোন্ ব্যাপার ঘটে যাবে ! এই কোমল হাত সুভদ্রার, এমন আলগোছে সে হাত বুলাতে জানে !

সকালে উঠে বাইরে যেতে ভরষাঝ বলেন, ঘুমটুম হল ভায়া ? শরীর কেমন ?

এক-গাল হেসে বললেন, গিনি তো ভয় পেয়ে আমায় টেনে তুলল : ছেলেমানুষ দুটোয় কী বুটোপুটি লাগিয়েছে দেখে যাও। আমি বলি, বয়সের দোষ—ও বয়সে আমাদেরও অমন হত। তোমাদের তো ঘর-বারাণ্ডা ভাই— আমি একবার দুস্তোর বলে সম্মাসী হয়ে বেরুচ্ছিলাম।

তাড়াতাড়ি অল্প কথা পাড়ি : সকাল-সকাল ভাত চাই ভরষাভরষাই।

হচ্ছে, ভাত চেপে গেছে। তোমার আগেই বউমা ভিতরে তাগাদা লাগিয়েছেন। তা ওঁকে স্বচ্ছ আদালতে টানছ, কি ব্যাপার ?

বিষম এক কেস—

আমতা-আমতা করে সরে পড়ি সেখান থেকে।

খণ্ড খণ্ডর মশায়! পাটোয়ারি মানুষ বটে—নিজেই সমস্ত করে গেছেন, কারও জন্তে কিছু রেখে যান নি। ঐ বাজার নিয়ে নিরবধি কালে যত কিছু কথা উঠতে পারে, সমস্ত আগে-ভাগে যেন জেনে বসে ছিলেন। দু-পক্ষের আরজি-জবাব নিয়ে উকিলে-উকিলে লড়াই চলল। লড়াই অন্তে বার লাইব্রেরিতে এসে দাবায় বসেছেন আবার সেই দু'জনেই। হাকিম রায় দেবেন শাল। তা স্বভদ্রার পক্ষেরই উকিল বলে দিলেন, রায় তো বোঝাই যাচ্ছে। নির্ভাবনায় চলে যাও, রায় পরে এক সময় জেনে নিও।

সদরে এসেছি, এটা-সেটা কেনাকাটা আছে। হাসির ফরমাশ, বিয়ের সময় সতীশ্বর রায় যে বালা দিয়েছিলেন গয়নার দোকানে সেটা বেচে দিয়ে নতুন প্যাটার্নের একজোড়া কর্ণ কিনে নেওয়া। ক্যাটালগ জোগাড় করে তিন-চার রকম ছবিতে দাগ দিয়ে দিয়েছে। কিন্তু সেই আসল কাজটাই হল না। মফস্বল-শহরে সন্ধ্যা হতে না হতে গয়নার দোকান বন্ধ করে দেয়। অতএব একটা বেলা নষ্ট—সকালের ট্রেনেও ফেরা যাবে না। তবে একটা কাজ হবে, হাকিমের রায়টা জেনে নিশ্চিত হয়ে যাওয়া যাবে।

ভরষাজের হোটেল গেলাম। খদ্দেরের ভিড় লেগেছে, তারই মধ্যে মুখ তুলে ভরষাজ বললেন, থাকবে তো ভায়া? একা যে—বউমাকে কোথায় রেখে এলে?

একটা-কিছু জবাব দিতে হবে—বললাম,\*মেজ শালা কোর্টে গিয়েছিল, তার সঙ্গে বাপের বাড়ি চলে গেছে।

আরও রাত হল। কালকের সেই খাটে শুয়ে ক্ষুধাভিত্তে পায়ের উপর পা তুলে দিয়েছি। আজ ঝামেলা নেই, একা দিব্যি আরাম করে থাকব।

কাজের এক ফাঁকে হুকো টানতে টানতে ভরষাজ এসে উকি দিলেন।

বলেন, ঐ বৃষ্টিবাদলার মধ্যে গিন্নি কাল কতবার উঠে উঠে যে পাতান দিয়েছে! আমুদে মাহুষ। কিন্তু কী রাগ তোমাদের ভাই! একজনে খাটে শুয়েছ আর একজনে নাকি জানলা ঠেসান দিয়ে বসে কাটিয়েছ সমস্ত রাত্রি। আমাদের মতন বুড়ো বয়স হলে না-হয় মানে পাওয়া যায়। কিন্তু গিন্নি বলল, সত্যি গো, চোখে দেখে তবে বলছি।

ঠিক এই সময় রিকশ করে সুভদ্রা এসে নামল। কী জালা, ঘুরে ফিরে এখানেই—আর কোথাও জায়গা হল না?

ভরষাজ-গিন্নি কলকণ্ঠে আহ্বান করলেন, এস—ভাইএর সঙ্গে বাপের-বাড়ি চলে গিয়েছ শুনলাম?

সুভদ্রা বলে, কার কাছে শুনলেন?

তোমার কৰ্তাটি বললেন, আবার কে। ফৌস-ফৌস করে নিশ্বাস ছেড়ে গড়িয়ে পড়লেন বিছানায়।

সুভদ্রা কি বলে এবার কান পেতে আছি। না, চতুর মেয়ে, সামলে নিল : বাওয়া হল না, ভাই থেকে গেল আজকে।

তুমি বুঝি অমনি খুঁজতে বেরলে? খুঁজে খুঁজে ঠিক এসে ধরেছ। আচ্ছা, কি করে জানলে যে এখানে?

সুভদ্রা তরল কণ্ঠে বলে, বিনি-তারে খবর হয়ে যায়, তা বুঝি জানেন না? পাশাপাশি কামরা--শুনতে পাচ্ছি ওদের প্রতিটি কথা। গিন্নি বলছেন, আজকাল এ কি গতিক দেখি তোমাদের ভাই, সিঁথেয় সিঁদূর দেবে না—

সুভদ্রা বলে, সিঁদূরে নানান বাজে জিনিস থাকে, চুল উঠে যায়।

শিউরে ওঠেন যেন গিন্নি : সাহস বটে তোমাদের। আমাদের সময় দৈবাৎ যদি সিঁদূর মুছেছে কি চুড়ি ভেঙে গেছে, ভয়ে কাঠ হয়ে যেতাম, ঘুম হত না সারা রাত্রি। না ভাই, এসব হবে না, সেজেগুজে এয়ো-জীর মতন ঘরে যাবে।

অতএব এয়োজী রূপে সাজাতে নিয়ে বসল নাকি? এ বড় ফ্যাসাদ! কোনও এক অজুহাত নিয়ে সরে পড়া যাক।

সুভদ্রা এসে ঢুকলে তাই বললাম, আপনি থাকুন, আমি চলে যাচ্ছি। হোটেল-চার্জ রেখে যাচ্ছি আপনার কাছে।

সুভদ্রা বলে, আছেন কি জন্তে তা-ও জানি নে। আমি থাকলাম আপিল করতে হবে সেই গরজে।

আপিলের কিছুই নেই। হেরে যাবেন। আপনার উকিলও তাই বলছিলেন।

সুভদ্রা আগুন হয়ে বলল, বেইমান আপনার শব্দ লুটেপুটে নিয়েছে—  
কিছু থাকতে দেয়নি।

কীর্তিধ্বজ শব্দরমশায়ের ক্ষমতা কোর্টের মধ্যেও আমি বুঝে এসেছি।  
সেই অবধি বড় খারাপ লাগছে।

সুভদ্রা বলছে, আপিল করতেই হবে। তা ছাড়া আশাই বা কি।  
ছোট ছোট ভাইগুলোকে বাঁচাতে হবে। কিছু নেই, সমস্ত গেছে। এমন  
একজন নেই, মাথার উপরে থেকে দুটো ভরসার কথা বলবে, বুদ্ধিপরামর্শ  
দেবে। মায়ের একটা আংটি ছিল, বেচে দিয়ে এলাম। গরজ বুঝতে পেরে  
স্বাধ্য দাম দিল না, কোর্ট-ফীর টাকাটাও হবে না।

বলতে বলতে সামলে যায়। উচ্ছাসভরে কার কাছে কী সব বলে ফেলল।  
কামরার দেয়ালে অতি-ক্ষীণ একটা কেরোসিনের আলো—তাই বোধহয়  
বলতে পারল এতদূর। চোখের কোণে অশ্রুও বুঝি টলটলিয়ে উঠেছে—মুখ  
ফিরিয়ে নিল, সঠিক অতএব বলতে পারব না। আর একটি কথা না বলে  
আমি বেরিয়ে পড়লাম।

ভরষাজ মশায়ের কাছে গিয়ে কৈফিয়ত রচনা করছি : মনিব্যাগ  
পাচ্ছি নে। উকিলবাবুর সেরেস্ভায় ফেলে এসেছি মনে হয়।

ভরষাজ উদ্বিগ্ন হয়ে বলেন, তা হলে ?

চললাম আমি সেখানে। উনি রইলেন।

সুভদ্রা দেরি উঠান অবধি নেমে এলেছে। রাগে ফুলছে। চাপা গলায়  
বলে, বালা রেখে এলেন কেন ?

চুপ করে আছি।

ভিক্ষে দিচ্ছেন—দয়া হয়েছে আমার কথা শুনে ? এস্টেটের চাকরের  
মেয়েকে বাবা দান করেছিলেন—সে-জিনিস ফেরত দিচ্ছেন, এতদূর অসম্পর্ক ?  
সেই ভারী গয়না একরকম ছুঁড়ে মারল আমার গায়ে।

## সাঁতার

রাজলক্ষ্মীর শক্ত ব্যারাম, বাঁচার আশা কম। বয়স সত্তর ছাড়িয়েছে।  
সেই মাহুয তিন মাসের উপর জ্বর আমাশায় ভুগছেন। কঙ্কালসার হয়ে গিয়ে  
চিঁ-চিঁ করেন। গোমস্তা পরেশ বাগ ছাড়া কেউ তাঁর কথা বুঝতে পারে না।  
পরেশ খুব করছে, চিরকালই করে। ঐ একটি মাহুয লম্বল করে রাজলক্ষ্মী  
দেবী ঘরবাড়ি আগলে গ্রামে পড়ে থাকেন। কিন্তু এবারে পরেশ ঘাবড়ে

গেল। কবিরাজ আড়ালে ডেকে স্পষ্টাঙ্গি জবাব দিয়ে দিলেন : ভাল মনে হচ্ছে না আমার। ছেলেমেয়েদের খবরাখবর দিয়ে পাঠাও। তাঁরা এসে যা হয় করুন। ডাক্তার-টাক্তার দেখান। আমি বাপু সময় থাকতে বলে খালাম। আমায় ছুষতে পারবে না। ছেলের চাকরি নয়াদিল্লীতে। বড় মেয়ে ভালটনগঞ্জে—ছেলেপুলে নাতিনাতি নিয়ে বিরাট সংসার তার। কাছাকাছি মহকুমা শহরে থাকে ছোট মেয়ে শোভা। জামাই উকিল। এরই মধ্যে দিব্যি পণার জমিয়েছে। খবর পেয়ে সেখানকার সবচেয়ে বড় ডাক্তার সঙ্গে করে নিয়ে সবস্বত্ব তারা নাটিগাছি এসে পড়ল।

আশ্চর্য গুণধ বেরিয়েছে আজকাল। ডাক্তার এসে গুণা আঠেক বড়ি খাইয়ে দিতে আঙনে যেন জল পড়ে গেল। কবিরাজ মশায় দেখে অবাক—কৌটার লালবড়ি বাতিল করে দিয়ে সেখানে ডাক্তারের ঐ সাদাবড়ি চুকিয়ে কবিরাজি চালাবেন কি না, তাই ভাবছেন। শাশুড়িকে খানিকটা ভাল দেখে ডাক্তারবাবুকে নিয়ে স্কুমার শহরে ফিরে গেল। উকিল মান্নস—বেশি দিন বাইরে থাকলে মকেল শুনবে কেন। শোভা দুই বাচ্চা নিয়ে রইল—মায়েন দেখাশুনো করুক। মা সম্পূর্ণ সুস্থ হয়ে উঠলে আবার একদিন এসে তাদের নিয়ে যাবে।

স্কুমার একটা টেলিগ্রাম করে দিয়েছিল নয়াদিল্লীতে—সাত দিনের দিন ছেলে-বউ এসে উপস্থিত। রজত ও রীণা। খেয়া পার হয়ে এক রকম ছুটে এসেছে বাড়ির এই পথটুকু। পাড়ার মান্নস ডু-একটিকে দেখেছে—কিন্তু কথা বলে নি। মায়ের খবর জিজ্ঞাসা করে নি ভয়ে ভয়ে। বাড়ির উঠানে পা দিয়ে দেখে সেই মা ঝিটি পেতে তরকারি কুটছেন রান্নাঘরের দাওয়ায়। শোভা বেরিয়ে এসে সবিস্ময়ে বলে, ওর যে আর একটা টেলিগ্রাম করবার কথা—মা ভাল হয়ে গেছেন, খবর জানিয়ে দেবে। তার আগেই তোমরা বেরিয়ে পড়েছ।

শাশুড়ি ও ননদের পায়ের ধুলো নিয়ে রীণা বলল, টেলিগ্রাম পেলেও আসতাম আমরা। লম্বা ছুটি জমে গেছে, তিন মাসের ছুটি নিয়ে নিয়েছে। মরুভূমিতে পড়ে থাকি—খন্তরবাড়ি ভাল করে দেখি নি কখনও, পাড়াগাঁও দেখি নি। নাটিগাছি থাকব কিছুদিন, আর কলকাতায় বাবা-মায়ের কাছে গিয়ে থাকব।

শোভা বলে, বড়দিককেও লেখা হয়েছিল। তিনি আবার এসে পড়েন কিনা দেখ। তাঁর তো অনেক বামেলা। টেলিগ্রাম তাঁর কাছেও গেছে অবিশিষ্ট।

ভাল হল, রীণার আর কোন কাজ নেই শুধুমাত্র পাড়ারগাঁ দেখা ছাড়া।  
 ট্রেনে যেতে যেতে ইতিপূর্বে যা-কিছু দেখেছে। এবং বইএ পড়েছে।  
 পাড়ারগাঁয়ে থাকে নি কখনও। পরের দিন রজত জিজ্ঞাসা করে, কেমন  
 লাগছে ?

রীণা উচ্ছ্বসিত। বলে, কী সুন্দর, কী সুন্দর ! বইএ আর কতটুকু লিখতে  
 পারে ! কেন যে মানুষ শহরে পড়ে থাকে জানি নে। আর ঐ দিল্লির মত  
 শহরে। পোড়ামাটি, লোহা সিমেন্ট আর ইটের খাঁচা। একটু ঘাস দেখবে  
 তো চাষ করে বানিয়ে নিতে হবে। জল দেখবে তো সেই ওখালা অবধি কিম্বা  
 যমুনায় চলে যাও। ছ্যা ছ্যা—শহর কি মানুষের থাকবার জায়গা !

রজত হেসে বলে, আচ্ছা, যাক দিন কতক। আবার একদিন শুনব।

জ্ঞপ্তি করে রীণা বলে, ভয় দেখাচ্ছ কিসের ? চিরজন্ম আমি থেকে যেতে  
 পারি। বেশ, চলে যাও তুমি দিল্লি। আমি মায়ের সঙ্গে থাকব। ডরাই নে।

শুনেন রাজলক্ষীর মুখে হাসি ধরে না : তাই হোক। আমিও বলছি, থাকবে  
 বউমা আমার সঙ্গে। দেখি, আটকায় কিসে। তোমার নিজের ঘরবাড়ি মা,  
 সব চেয়ে জোরের জায়গা। যক্ষের মত, আগলে বলে আছি, কবে এসে  
 বুঝেহুঝে নিয়ে ছুটি দেবে আমায়। ছুটি তো এবারই হয়ে যাচ্ছিল, নেহাৎ  
 শোভারা এসে পড়ে যমরাজ্যের মুখ থেকে টেনে হিঁচড়ে বের করে নিয়ে এল।

কয়েকটা দিন গেল। এত বড় বাড়িতে মানুষ এই পাঁচ-সাতটি। বড়  
 বড় ঘড়গুলো যেন হাঁ করে গিলে খেতে আসে। রীণার দৃকপাত নেই, রজতই  
 ছটফট করছে : দূর, মানুষজনের মুখ দেখা যায় না। যেন নির্জন কারাবাস  
 হয়েছে। বেরিয়ে পড়ি চল ছ-এক দিনের মধ্যে।

রীণা বলে, মানুষ না দেখলাম, আরও কত সব দেখছি। দক্ষিণের জানলা  
 খুলে বিল দেখি। জল থই-থই করছে, বিল এখন জলের সমুদ্র। পূবের  
 জানলা খুলে বাগবাগিচা দেখি। কত বড় বড় গাছ, কত রকমের পাখি।  
 কাঠবিড়াল ছুড়-ছুড় করে কেমন ছুটু ছেলের মতো ডালের উপর দিয়ে  
 পালায়। মানুষ তো একঘেয়ে—কত দেখে এসেছি, আবার গিয়ে কত দেখব।

আবদারের সুরে বলে, এন্ধিনের মধ্যে বেরুলাম না বাড়ি থেকে। কোথাও  
 তুমি নিয়ে গেলে না। আজ বিকালে ঘুরে ঘুরে দেখেওনে বেড়াব—কেমন ?

রজত বলে, এ তোমার কলকাতা-দিল্লি পেয়েছ ? বর্ষাকালে ঘুরে ঘুরে  
 কোথায় এখন বেড়াবে ? বেড়াবে তো ছ-পায়ে হেঁটে নয়, সাঁতার কেটে।  
 ঘুরবে তো ভিড়ি বা ডোড়ায় চেপে। তা বেশ, বিকালে আজ ডোড়া নিয়ে  
 ঘুরতে বেরুনো যাক।

হি-হি করে হাসতে লাগল : ভোড়া একবার এদিক একবার ওদিক করবে, জল উঠে ডুবেও যেতে পারে। আমি তো দিবিয়া সাঁতার কেটে ভেসে ভেসে বেড়াব। আর, শহরে মেয়ের হাবুডুবু খাওয়া আর ঘোলা জল খাওয়া দেখব মজা করে।

রীণা বলে, আচ্ছা, আজকে না-ই হোক—যেতে দাও ক’টা দিন। ভোড়া বাওয়া শিখে আমিই তোমায় নিয়ে বিলে ঘুরব। সাঁতার কেটে গিয়ে পদ্মফুল তুলে আনব। শক্ত মেয়ে আমি। মোটে অঙ্ক জ্ঞানতাম না—জেদ করে সেই অঙ্ক শিখে লেটার নিয়েছিলাম ফাইন্সাল এগজামিনে।

শোভা ডাকছে : জল তুলে দিয়েছে, চান-টান করে নাও রীণা। বেলা হয়ে যাচ্ছে।

রীণা বলে, চান করব দিদি ঘাটে গিয়ে। আপনাদের মতন। তোলা জলে তো বারোমাস চান করতে হয়। কলের জল—সে-ও তো তোলা জল। দুদিনের জন্তু গাঁয়ে এসেছি—তা আপনারা দেখছি গাঁয়ের মধ্যে শহর না বলিয়ে ছাড়বেন না।

জেদ ধরে বলে, আপনার সঙ্গে যাব আমি চান করতে। আপনারা ডুব দিয়ে চান করেন, আমি তাই করব। চান করে কলসি ভরে জল নিয়ে আসব!

রাজলক্ষ্মী ভারি প্রসন্ন : শহরের মেয়ে—তা শোন তার মুখের কথাবার্তা। মনে মনে আমি যেমন বউ চেয়েছিলাম, ঠিক তেমনি। বউ নয়, ও আমার মা। আমার ঘরের মা-লক্ষ্মী।

এদের পূর্বের বাগিচার মাঝখানে পুকুর। মেয়েরা যায় সেখানে। গাছপালায় ঘেরা নিরিবিলি ঠাণ্ডা-ঠাণ্ডা জায়গাটা। পুরুষরা নদীতে চান করে। কিন্তু বর্ষায় নদীর উগ্রচণ্ডা চেহারা—এবারটা অগ্নিবারের চেয়ে বেশি। রূপরূপ পাড় ভাঙছে, টানের মুখে কুটোগাছটা দিলে দুই খণ্ড হয়ে যায়। সেজন্তু আপাতত সব দীঘির ঘাটে যাচ্ছে, নদীর জলে নামতে সাহস করে না।

বাগিচার পুকুরে চান করতে এসে রীণার কী হুতোগ! জীবনে প্রথম এই বোধ করি ডুব দিচ্ছে। জলতলের অঙ্ককারে ভয় করে, কানের মধ্যে জল ঢুকে যায়। শোভা দেখিয়ে দেয় : দুই কানের গর্ত আঙুলে চেপে ধরে ডুব দাও, তবে জল ঢুকবে না। আর ডুব দিয়েই অমনি উঠে পড়বে। আমি ধরে আছি, ভয় কি!

পাড়ার মেয়ে-বউ কয়েকটি রয়েছে ঘাটে। পাতিহাঁস ভেসে ভেসে বেড়াচ্ছে। মেয়েগুলোও ঠিক তেমনি। কলরবে মাতিয়ে তুলে, হাত-পা

ছুঁড়ে, মুখে করে এক একবার জল নিয়ে আকাশমুখো পিচকারির মতন ছড়িয়ে দিয়ে সঁাতার কেটে বেড়াচ্ছে। রীণাকে তামাসা করে ডাকে : এস না বউদি—

শোভা মুখ টিপে হেসে বলে, না, সর্দি করেছে আজকে। উঠে এস রীণা, জল বসিয়ে আর কাজ নেই।

রীণাও বাড়ি থেকে এক পিতলের কলসি নিয়ে এসেছে। ভিলে কাপড়ে সপ-সপ আওয়াজ তুলে কলসি-কাঁখে শোভা বাড়ি চলেছে। পিচনে রীণাও তার কলসি নিয়ে যায়। পাড়ারগাঁয়ের বউয়ের যেমনটি হতে হয়। একবার বলে, সঁাতার জানি নে বলে ঠাট্টা করছিল ওরা। সঁাতার আমি শিখবই। এই নাটাগাছি থাকতে থাকতেই পুরোপুরি শিখে নেব আমি।

শোভা বলে, শক্ত কিছু নয়। ঐটুকু-টুকু বাচ্চা-মেয়েবা এপার-ওপার করছে--দেখলে তো! এক কাজ করতে পার। সকাল সকাল গা ধুতে আসবে, ঘাটে তখন কেউ থাকে না। রজতকে নিয়ে এসো। বড় ভাল সঁাতার জানে, ওর মতন কেউ না। অত বড় গাঙ কোটালের সময়েও টান কাটিয়ে কতবার পাড়ি দিয়েছে। অল্প কেউ সাহস করত না। এখন শহরে থাকে অভ্যাস নেই অবিশি—তা হলেও শেখা বিজ্ঞ একবারে কেউ কি ভুলে যায়।

রীণা বলে, ও শিখিয়ে দেবে—তবেই হয়েছে! আমি সঁাতার শিখে নিলে তখন আর দেমাক করবে কার কাছে? ও কিছু করবে না দিদি। আপনি একটু-আধটু দেখিয়ে দেবেন, তাতেই শিখে নেব।

শোভা হেসে বলে, আচ্চা, কেমন না শেখায় আমি দেখছি। অষ্টগ্রন্থ চা চাই—সেটা যে একেবারে আমাদের হাতে। তুমি আর আমি দুজনে যদি বৈকে বসি, এ পাড়ারগাঁয়ে চা খাওয়া বন্ধ। কে করে দেবে?

সেই সাহসে রীণা রজতকে গিয়ে বলে, আমি সঁাতার শিখব।

রজত গম্ভীর হয়ে বলে, শেখা উচিত বটে। বাথ-টবে প্রাকটিস করতে পারবে। টবের জলে ডুবে যাবারও ভয় থাকবে না।

রীণা দৃঢ় কণ্ঠে বলে, প্রাকটিস তোমাদের বাগিচার পুকুরে হবে। শেখাবে তুমি। মেয়েগুলো ঠাট্টা করছিল আমায়। দুটো মাস আছি তো অন্তত। তার মধ্যে শিখে নিয়ে পাতিহাঁসের মতন ভেসে ভেসে পুকুরের এপার-ওপার করে তবে নড়ব নাটাগাছি থেকে। চাই কি, নদীতেও সঁাতরাব তোমার মতো।

রহস্যভরা বড় বড় চোখ মেলে চেয়ে বলে, তোমায় শেখাতে হবে। আপোসে মানে মানে রাজি হও ভাল, নয়তো বিপদ আছে। দিদি আর আমি যুক্তি করে কলেছি।

রজত রাজি হয়ে গেল। না শেখাবার বিপদটা আঁচ করে নিয়েই সম্ভবত।



বাগিচার পুকুরে রীণার সঙ্গে গেলও দুপুরের পর। কিন্তু হলে কি হবে—দুটো তো বিষম! শেখাবে না কিছুই, খালি কষ্টিনষ্ট। নিজের বাহাহুরি দেখানো শুধু। ভয় পাইয়ে দেয় রীণাকে। সাঁ করে গভীর জলের দিকে গিয়ে আর্ভকঠে ডাকছে, রীণা, রীণা—! অসহায়ের মত হাত-পা ছোঁড়ে, আর ঢোক-ঢোক জল গেলে। জলতলে তলিয়ে গেল একেবারে। রীণা ডুকরে কেঁদে উঠল। আর অমনি সঙ্গে সঙ্গে ভুস করে তার গা ঘেঁসে উঠে পড়েছে রজত। ডুব-সাঁতার দিয়ে চলে এসেছে।

চোখের জলে রীণা বলে, এমন ভয় দিতে পার! আচ্ছা, তোলা রইল সমস্ত। সাঁতার শিখে নিই— আমিও শোধ দেব ঠিক এমনি করে।

কৌতুকটা বাড়াবাড়ি রকমের হয়ে গেছে দেখে রজত নরম হল। মাটির কলসি এনেছে একটা—কলসি উপড় করে রীণা বৃকের নিচে নিয়েছে। মাস্টার মানুষের মত রজত পাঠ দিচ্ছে : কলসি তোমায় জলের উপর ভাসিয়ে রাখবে, ডুবে যাবার ভয় নেই। পা দাপাও এইবার, হু-হাতে জল কেটে এগিয়ে চল। আমি পাশে পাশে যাচ্ছি গো—ডুবতে কিছুতে দেব না।

কিন্তু যে রক্ষক, সে ই তো ভক্ষক। হঠাৎ এক সময় রজত ধাক্কা দিল রীণাকে। বৃকের নিচের কলসি বেরিয়ে ভেসে চলে যায়। রজত উদ্দাম হাসি হাসছে। আর এদিকে প্রাণপণে হাত-পা ছুঁড়ে রীণা ভেসে থাকবার চেষ্টা করে। বজ্র তখন ঝাঁপিয়ে পড়ে রীণার উপর—জলের উপর তুলে ধরে, শোলার পুতুল যেন সে একটি।

ঘাটে এসে মাটির উপর পা রেখে রীণা জোর পায। ঝগড়া করছে : যাও ভূমি, খালি খালি বজ্জাতি তোমার—মাগো, কোথায় যাব— ঘাটে এসেও বেহায়াপনা!

কর্তব্যরত শিক্ষকের মতন গম্ভীর ভাবে রজত বলে, কলসি ধরে ভাসলেই তো হল না। কলসি ছেড়ে দিয়ে কী রকমটা হয়, পরখ করতে হবে না?

বীণা আরও বেগে বলে, রাখ চালাকি! আর ডাকব না তোমায়। ভারি কিনা ইয়ে! নিজে নিজে শিখব। নিজে শিখে তাক লাগিয়ে দেব, এই বলে যাচ্ছি তোমায়।

ফরকর করে সে বাড়ি চলল। ডেকে ডেকে রজত ফেরাতে পারে না।

সেই রাত্রে। শুয়ে আছে দুজনে মাঝের-কুঠরিতে। তক্তাপোশে চারপোকা, মেঝের উপর পুরু করে বিছানা পেতে মশারি খাটিয়ে শোয়। রাত দুপুরে রীণা ধড়মড় করে ওঠে : উঃ, কিসে যেন কামড়াল বাঁ-হাতে। জ্বালা করছে।

রীণার শোওয়া খারাপ। পাশ ফিরেছে, সেই সময়ে হাতটা মশারির বাইরে আছড়ে পড়ল। কামড় দিয়েছে অমনি সঙ্গে সঙ্গে। রক্তের গা ঝাকাকে রীণা : ওনছ ? কিসে কামড়েছে আমায়। বড্ড জ্বলছে।

বাইরে অবিশ্রান্ত বৃষ্টি। সন্ধ্যা থেকে চলছে। এমনি সব রাতে ঘুমোবার মজা। রাগ জড়িয়ে রক্তত কুকড়ি মেয়ে আছে। বিরক্তি লাগে এই সময় গোলমাল করলে। রীণার উপর খিঁচিয়ে উঠল : আঃ, কী লাগালে এখন ! বিছের কামড়েছে, সয়ে থাক, একটু পরে সেরে যাবে।

হয়তো তাই। রীণা চুপচাপ থাকে একটুখানি। আবার কাতবে ওঠে : ওগো, বড্ড জ্বলুনি। যেন আগুন জ্বলছে। জ্বলতে জ্বলতে হাত বেয়ে উপরমুখো উঠছে। ওঠ তুমি।

উপরমুখো উঠছে না হাতি ! এতটুকু সহ্যশক্তি নেই।

গজর-গজর করতে করতে রক্তত উঠল। হারিকেন টিপ টিপ করে জলছিল —কেরোসিন নেই বোধহয়, সে ঘোড়ার-ডিম নিভে গেছে কখন।

রক্তত ডাকছে : ও ছোড়দি, ওঠ একবার। রীণাকে কিসে যেন কামড়াল।

দরজা-দেওয়া ঘর, বাইরে বৃষ্টির তোলপাড়। শোভা শুনেতে পায় না। শুনেলেই বা ঢুকবে কি করে ঘরের ভিতর। তবু ছোড়দি ছোড়দি করে রক্তত ক্রমাগত চেষ্টাচ্ছে মশারির ভিতর থেকে। ঘুমের মধ্যে নিজের সম্পর্কে হুঁশজ্ঞান ঠিকই আছে। বিছে হোক বা অল্প-কিছু হোক, মশারি থেকে বেরিয়ে এলে তাকেও কামড়ে দেয় যদি ! এক বিপদের উপর নতুন বিপদ আবার না ঘটে !

চেষ্টাতে চেষ্টাতে অবশেষে শোভার কানে গিয়েছে। উঠে এসে সে দরজা কাঁকায় : কি হয়েছে রক্তত ? দরজা খুলে দেবে তো আগে !

রক্তত বলে, আলো নিয়ে এস। আলো এনে ঐ জানলার কাছে উঁচু করে ধর। তার পরে আমি উঠছি।

শোভা আবার গিয়ে আলো ধরিয়ে আনল। খোলা জানলায় খানিকটা আলো এসে পড়ল ঘরের ভিতরে।

রীণার আর্থনাদ তুমুল হয়েছে। মশারি থেকে বেরিয়ে রক্তত এক-ছুটে দরজার খিল খুলে দিল।

রীণার বাঁ-হাতটা নিয়ে শোভা আলোর কাছে ঘুরিয়ে ঘুরিয়ে দেখে। গৌরবরণ নিটোল বাহুমূলে যেন দাঁতের খোঁচা ছুটো। রক্ত ফুটে বেরিয়েছে।

মেয়ের পিছু পিছু রাজলক্ষ্মীও এসে পড়েছেন। বললেন, তাগা বাঁধ শিগগির উপরের দিকটায়। কষে বাঁধন দে।

ঠাণ্ডা রাতে ঘুমের নেশা এখনও কাটে নি বোধহয় ভাল করে। বিরক্ত স্বরে রক্তত বলে, কাকড়াবিছেয় কামড়েছে, মাথা-তামাক ডলে দিলে সেরে যায়। তা নয়, সবস্বন্ধ তোমরা উতলা হয়ে পড়লে।

রাজলক্ষ্মী বলেন, যা দিতে হয় দিস এর পরে। বেঁধে রাখলে তো কতি নেই। যে বিষই হোক, উপরে উঠতে পারবে না।

দড়িটড়ি নিয়ে এস তবে। ঝাড়াট এই ছপূর রাতে!

রাজলক্ষ্মী বলেন, দড়ি এখন কোথায় খুঁজি? দড়ির চেয়ে কাপড়ের পাড় ভাল। পাড় দিয়ে খুব শক্ত করে বাঁধ।

হেঁড়া কাপড় আন তবে একটা—

শোভা বলে, হেঁড়া কাপড়ের পাড়ে টেনে বাঁধতে গেলে ছিঁড়ে যাবে পর্টাস করে। শক্ত পাড় চাই।

রক্তত শিঁচিয়ে ওঠে : তবে আর কি! পরনের এই শান্তিপূরে ধুতির পাড় ছিঁড়ে দিই তবে?

রীণা হাউহাউ করে কেঁদে উঠল : মবে যাচ্ছে একটা মানুষ—ধুতির দাম বেশি হয়ে গেল; কারও কোন জিনিস চাই নে আমি।

দাঁতে কামড়ে ধরল নিজের শাড়ির আঁচল; আর ডান হাতে প্রাণপণ বলে পাড়ের পাশ দিয়ে চিরে ফেলল।

রক্তত বলে, রাগ ষোলোআনার উপর আঠারোআনা। মরে যাবার কিছু তো দেখি নে। বিছেয় কামড়ে মানুষ মরে না।

রাগে রাগে আচ্ছা করে বাঁধন দিল ছুটো। নরম শরীরে গর্ত করে পাড়ের বাঁধন কষে দিয়েছে। ঠিক হয়েছে, যেমন তেমনি!

তার পর ডাকাডাকি করে পরেশকেও ঘুম থেকে তোলা হল : জুড়ন ওঝার কাছে এক্সনি চলে যাও পরেশ। খবর কানে পেলে সে ছুটে আসবে।

মেটা জানা কথা। আসতেই হবে ওঝাকে, না এসে উপায় নেই। কিন্তু দালানের ভিতবে বসে ছকুম বেশ দেওয়া যায়, ছকুম মাত্রেই রাজিবেলা বিলপাড়ি দেয় কেমন করে? তা সে যাই হোক, চোখের সামনে নিশ্চল দাঁড়িয়ে থাকা চলবে না। পায়ে পায়ে এগোল পরেশ।

রুষ্টিটা নেই বটে, কিন্তু আকাশ খমখম করছে মেঘে। চোখে ঠাহর করে ডাঙার উপরেই পথ চলা দায়—আর ঐ তেপান্তরের বিল, জলে জলে সমুদ্র হয়ে গেছে, জলের উপর আ'লের মাথা শুধু জেগে আছে দীর্ঘ বিসর্পিল কালো রেখার মতন। জায়গায় জায়গায় তা-ও নিশ্চিহ্ন। বিল-পারে জুড়ন ওঝার বাড়ি—আ'ল ধরে ধরে যেতে হবে সেখানে। পা এদিক-ওদিক হলে জলে

পড়ে কোমর অবধি ডুবে যাবে। পড়ে গিয়ে হাত-পা ভাঙাও বিচিত্র নয়।  
মুখের কথা বলে দিলেই অমনি বিল ঝাঁপিয়ে ওঠা যায় না।

হরিতলা বিলের ঠিক উপরে। সেখানে একটা চালাঘর করে রেখেছে—  
পূজার্থীরা পূজার আয়োজন এনে রাখে সেখানে, নিজেরাও দায়ে-বেদায়ে আশ্রয়  
নিতে পারে। একটা বিড়ি ধরিয়ে পরেশ চালার মধ্যে ঢুকে পড়ল। রাতটুকু  
কাটিয়ে নেওয়া যাক। খুঁটি ঠেশান দিয়ে কাত হয়ে বসেছে। চোখও  
বুজে এল।

শাপে কেটেছে কানে গেলেই ওঝাকে কাজকর্ম ফেলে ছুটতে হবে।  
গড়িমসি করলে চলবে না। নিয়ম না মানলে মা-মনসা রুষ্ট হয়ে বইলেন,  
কোন এক সময় শোধ নিয়ে নেবেন। পথে-ঘাটে খাল-বিলে রাতবিরোত্তে কত  
ঘুরতে হয়, মনশাদেবীকে চটিয়ে রাখা চলে না। বয়স হয়ে গিয়ে কোন কোন  
ওঝা তাই ছুটোছুটির দায় এড়াবার জ্ঞান ছাগল ধরে তার কানের ভিতর মস্ত  
পড়ে দেয়। ছাগলের কানে দিলে মস্ত আর খাটবে না, অতঃপর বাতিল হয়ে  
গেল ওঝাগিরি। আর কেউ ভাকতে আসবে না তার পরে।

জুড়ন ওঝা এসে রোগি দেখে মাথায় হাত দিয়ে পড়ল : আরে সর্বনাশ,  
বাস্তাসাপে কেটেছে। বলি নি মা-ঠাকরুন, শঙ্খরাজ আর বকরাও ছুটিতে  
আপনার বাড়ি আগলে থাকে—তাদেরই একটি। এতকাল ধরে আছে,  
কাউকে কিছু বলেছে কখনও? অনাচার অবহেলা কী দেখে স্নেহে গিয়েছে।  
ওঝা ঠাণ্ডা না হলে তো বিষ নামানো মুশকিল। সরায় করে দুধ-কলা রেখে  
আসন আগে বোধনতলায়। দেখা যাক।

ওঝা আরও এসেছে। যত বেলা হচ্ছে, এদিক-ওদিক খবর চলে যাচ্ছে—  
আরও সব এসে পড়ছে। স্রাবার স্বকুমার এসে পড়ল দুপল নাগাভ। শান্তি  
স্বস্থ হয়ে উঠেছেন, শোভাকে নিয়ে যাবে বলে এসেছে। এসে তো এই কাণ্ড।  
তখন কথা বন্ধ হয়ে গেছে বীণার, মুখ দিয়ে গঁজলা বেরুচ্ছে। হায়-হায় করছে  
সকলে। আহা, বউ তো নয়, লক্ষ্মী প্রতিমা। রূপ ফেটে পড়ছে। অন্ধণে  
অলগ্নে গায়ে পা দিয়ে আব হতভাগীর ফিরে যেতে হল না।

বিকালবেলা রীণা মারা গেল। কাল এমনি সময় বাগিচার পুকুরে জল-  
ঝাঁপাঝাঁপি করছিল। কান্নাকাটি বেশি নয়— বাড়িসুদ্ধ, এমন কি নাটাগাছির  
গ্রামসুদ্ধ মানুষ যেন বজ্রাহত। কোথা দিয়ে কি হয়ে গেল—অলীক মায়া বলে  
মনে হচ্ছে। স্বপ্ন দেখছে বোধহয় সকলে ঘুমিয়ে ঘুমিয়ে। কোন অজ্ঞের  
এতটুকু বিকৃতি নেই—মরা কে বলবে, সারাবেলা ছটফট করে রূপসী বউ  
ঘুমিয়ে পড়ল বুঝি এতক্ষণে।

আকাশ ভেঙে পড়েছে আবার—এত জল আছে আকাশে! তারই মধ্যে শব্বাজার আয়োজন। রাত কাটিয়ে মড়া বাসি হতে দেওয়া হবে না। তাড়াটা রজতেরই বেশি। সইতে পারছে না সে মরা রীণাকে। বলছে, নিয়ে যাও—নিয়ে যাও। তাড়াতাড়ি ব্যবস্থা করে চুকিয়ে-বুকিয়ে দিয়ে এস স্কুমার-দা।

চোখে আঁচল চাপা দিয়ে শোভা ছুটে এল : রাখ, একটুখানি রাখ। রীণার কপালে সিঁদুরের ফোঁটা দিল বড় করে। গায়ের গয়না স্কুমার খুলছিল, সোনা-বাঁধানো নোয়াটা শোভা খুলতে দিল না। যার জ্বিনল, যাক তার সঙ্গে পুড়ে। যত্ন করে দু-পায়ে আলতা পরিয়ে দিল। খোঁপা আলুথালু হয়ে পড়েছে—পাড়াগাঁয়ে-চলিত বিশাল পদ্মখোঁপা—শোভাই বেঁধে দিয়েছিল কাল সন্ধ্যায়। আয়নার পিছন দিকে আর একটা আয়নায় ঘুরিয়ে-ফিরিয়ে দেখে রীণা কত খুশি! খোঁপাটা আঁটো করে আর-গোটাকয়েক কাঁটা গুঁজে দিল ঘন চুলের ভিতর। কয়েক পা পিছিয়ে রূপ দেখে বউয়ের। শেষবারের মতো দেখে নিল।

নদীর কি ভয়ঙ্কর চেহারা! শ্মশান ভেসে গিয়ে অনেকদূর অবধি বানের জল এসেছে। ছ-উ-উ রবে সোত ডেকে চলেছে। একটা বড় তেঁতুলগাছের অদূরে আয়গা বেছে নিল। রীণারই জন্তে এই আনকোরা-নতুন শ্মশান। চিতা সাজাচ্ছে নদীর কিনারে। স্কুমার এসে পড়েছে ভাগ্যিস, নইলে এসব কে করত। এ দৃশ্য রজত সহ্য করতে পারে না, হাত-পা ছেড়ে দিয়ে বসে পড়েছে তেঁতুলতলায়।

স্কুমার এসে ডাকে : চান করাতে হবে এম।

আমি পারব না।

করতে হয় যে! এক কলসি জল তুমি মাথার উপর টেলে দেবে। তার পরে আমরাই সব করব।

হাত ধরে টেনে নিয়ে এল রজতকে চিতার কাছে। অগ্নিদিকে মুখ ফিরিয়ে সে জল ঢালল। জল টেলে কলসিটা ছুঁড়ে দিয়ে ডুকরে কেঁদে উঠে পালিয়ে গেল।

কণপরে স্কুমার আবার গিয়ে বলে, মুখাণ্ডি করতে হবে রজত।

রজত ক্লিষ্ট হয়ে ওঠে : সোনার প্রতিমার মুখে আমি আগুন দেব? কিছতে নয়, কিছতে নয়, কিছতে নয়—

পারব না। রীতিনিয়ম আমি মানি নে। কক্ষনো আমি পারব না—

বলতে বলতে তেঁতুলতলা ছেড়ে রাস্তার দিকে সে দৌড়ে পালায়। এমন সময়ে বিষম কাণ্ড—কখনও যা কেউ শোনে নি। হুড়মুড় করে পাড় ভেঙে পড়ল অনেকখানি। স্রোতে তলদেশ স্বধে গিয়ে ফাটল হয়েছিল। না দেখে এরা সেখানে চিতা সাজিয়েছে। মাটি ধসে পড়ল—সেই সঙ্গে চিতা ও শবদেহ চলে গেল নদীগর্ভে। শ্মশান-বন্ধুরা ছুটোছুটি করে এদিকে গিয়ে পড়েছে। একটি মানুষ কেবল পারে নি। হাবুডুবু খাচ্ছে, ঝাঁকুপাকু করছে ডাডায় উঠবার জন্ত। ক্ষিপ্ত জনধারা আবর্ত রচনা করে ছুটেছে। অনেক কষ্টে অবশেষে কাত-হয়ে-পড়া আমগাছের একটা ডাল ধরে ফেলে মানুষটা বেঁচে গেল। চিতার খানকতক কাঠ টানের মুখে একবার ভেসে জলতলে নিশ্চিহ্ন হয়ে গেল, এইমাত্র দেখা যায়।

স্বকুমার থিঁচিয়ে ওঠে : হল তো! অত অনিচ্ছা দেখে রীণাই নিলেন না তোমার আগুন। ডকা মেরে ভেসে চলে গেলেন।

রজত বলে, আমায় বাঁচিয়ে গেল ভীষণ একটা পরীক্ষার হাত থেকে। ভালই হল, আগুন আমি কিছুতে দিতে পারতাম না স্বকুমার-দা।

প্রবীণ বহুদর্শী এক গ্রাম্যব্যক্তি ঘাড় নেড়ে সায় দিলেন : সত্যিই ভাল হয়েছে। আপনারা মানেন না আজকাল—কিন্তু কাটি-ঘায়ের রোগি পোড়াতে নেই। দেখছেন মরে গেছে—কিছু মরে না অনেক সময়, আচ্ছন্ন হয়ে থাকে। লখিমদরকে পুড়িয়ে ফেললে কেমন করে প্রাণ ফিরে পেত, দেখুন ভেবে কথাটা।

সেই রাত্রিটা কী মুশকিল যে রজতকে নিয়ে! শুয়েছে পাকা কুঠুরিতে বাইরের টিনের ঘরে। ফরাসের তক্তাপোশের উপর। স্বকুমার পাশে শুয়েছে। দুটো বেঞ্চি জুড়ে পরেশ বাগ শুয়েছে অনতিদূরে। মশারি খাটিয়ে চারিপাশে ভাল করে গুঁজে দিয়েছে। কোথা থেকে একটা পেট্রোমাক্স জোগাড় করে আলো জ্বলে দিনমানের মতো করেছে। তবু রজত ঘুমাতে পারে না। ক্ষণে ক্ষণে চৈঁচিয়ে ওঠে। অপর কাউকে ঘুমাতে দেবে না। ঘরময় সাপ দেখছে। সাপ কিলবিল করে বেড়াচ্ছে ঘরের মেজের, দেয়ালে, চালের আড়ার গায়ে গায়ে। উড়ে বেড়াচ্ছেও বুঝি সাপ পাখনা মেলে—মশারির গায়ে পড়ে ছোবল মারছে।

রাতটুকু কোন রকমে কাটিয়ে স্বকুমার সকালবেলা রাজলক্ষ্মীকে বলল, রজত তো আজকেই চলে যেতে চায় মা।

রাজলক্ষ্মী বলেন, অপঘাতে বউমা মারা গেল। ঠাকুর মশায়ের ব্যবস্থা নিয়ে শ্রাদ্ধ শাস্তি চুকিয়ে গেলে পারত ক’টা দিন থেকে।

আমি অনেক করে বুঝিয়েছি। একজনকে কামড়েছে বলে কি সবাইকে কামড়াবে? না, যখন তখন কামড়ে বেড়ায়?

শোভাও এসে পড়ল সেখানে: আমিও কত বললাম। মা বারোমাস আছেন এই বাড়ি। পরেশ থাকেন। কাউকে কিছু বলে না তো। সাপের লেখা আর বাঘের দেখা। অদৃষ্টে লেখা থাকলে তবে তাকে কামড়ায়।

রজত গুম হয়ে শোনে। তার পরেও সেই এক কথা: যাব আমি আজকেই।

সুকুমার বলে, বিনা-মেঘে বজ্রাঘাতের মতন ব্যাপার। দুর্বল স্বভাবের শোক—সে তো ভানেনই। সারারাত্তির কাল যে কাও করেছে!

শোভা বলে, আমরা এক মতলব করেছি মা। রজত চলুক আমাদের সঙ্গে। ট্রেনে উঠতে হবে আমাদের স্টেশন থেকে—টেনেটনে আমাদের বাড়ি নিয়ে যাব, এমন উদ্ভ্রান্ত অবস্থায় ছেড়ে দেওয়া ঠিক হবে না। শহর জায়গা, সাপের ভয় নেই। ছুটিও অটেল রয়েছে। যদি আটকে রাখতে পারি, প্রাঙ্কশান্তি ওখানে হতে পারবে।

সুকুমার জিজ্ঞাসা করে, আপনার কি মত বলুন? আমরা তো মনে করি, এই ব্যবস্থা ভাল সকলের চেয়ে। এখানে থাকলে পাগল হয়ে যাবে।

মত না দিয়ে উপায় কি! সেই দিনই চলল রজত, এবং শোভারা। খেয়ায় নদী পার হয়ে গিয়ে ওপার থেকে পাকা-রাস্তা—মোটরবাস। বাস নিয়ে পৌঁছে দেবে মহকুমা শহরে। সেখানকার স্টেশনে ট্রেনে চেপে কলকাতা, দিল্লি, ভুবনের যেখানে যে জায়গায় খুশি।

ভাঁটা এখন, জল নেমে গিয়েছে। উদ্দাম নদী খানিকটা ঝিমিয়ে আছে এই সময়টা। খেয়ানোকো সোজাসুজি যায় না, উজিয়ে নিয়ে যাচ্ছে উপর দিকে। মাঝনদীতে টানের মুখে যখন পড়বে, চক্ষের পলকে পাক খেয়ে তারের বেগে পিছন পানে ছুটবে—মাঝি আর চার দাঁড়ি মিলে লামাল দিয়ে পারবে না। হাল ঠেলতে ঠেলতে মাঝি বলে, দেবতা যে কি ক্ষেপে গেছেন এবার! বৃষ্টির মোটেই বিরাম নেই। দুনিয়া ভেসে গেল। ধানক্ষেতে এক-কোমর জল।

হঠাৎ সুকুমার আঙুল তুলে দেখায়: কি একটা ভেসে আসে ঐ—

মাঝি চেয়ে দেখে নিরাসক্ত ভাবে। বলে, মড়া—

রজতের চোখ বড় বড় হয়ে গেছে। দেখছে তাকিয়ে নিম্পলক চোখে। মড়া ভাসছে, ডুবছে—ভেসে ভেসে আসছে খেয়ানোকার দিকেই।

ভয়ার্ত কণ্ঠে বলে, রীণা—চিনতে পারছ না সুকুমার-না, রীণা ঐ যে!

সুকুমার বলে, মাথা খারাপ তোমার। কতদিনকার পচা মড়া—রীণা হতে যাবে কেন ?

মাঝিও বলে, মাহুয-গরু কত এমন ভেসে যায় ! হরবংগত দেখে থাকি আমরা।

তবু কিন্তু প্রবোধ মানেন না রজত। ভাসছে রীণাই। একবার ঐ যে ডুবে গেল—ভেসে উঠল আবার সঙ্গে সঙ্গে। অবহেলায় জলের উপর ভেসে ভেসে বাহাহুরি দেখিয়ে যায় যেন। নৌকার মাঝখানে দাঁড়িয়ে আকুল দৃষ্টি রজত ফেরাতে পারে না : দেখ দেখ, সাঁতার দিয়ে চলেছে রীণা ভাঁটার স্রোতের সঙ্গে। এই পরশুদিন দেমাক করে যা বলেছিল, সেই কথাই রাখল তবে !

পার হয়ে গিয়ে বাসে উঠে রজত আর একটি কথাও বলে না। শোভা আর সুকুমার মুখ-চাওয়াচাঘি করে : সত্যি সত্যি পাগল হল নাকি ? ছাড়ি যাবে না কিছুতেই এ অবস্থায়। দু-চার দিন পরে খানিকটা শান্ত হলে তখন যেখানে হয় যাবে।

রেলস্টেশনে এসে বাস থামল। সাইকেল-রিক্সা ডেকে সুকুমার রজতকে বলে, ওঠ—

রজত অবাক হয়ে বলে, কেন ?

নিজের রোজগারে নতুন বাড়ি করলাম, একবার সেটা চোখে দেখে যাবে না ?

শোভা গিয়ে হাত ধরল। বলে, নাটগাছি তো তিন মাস থাকতে। বোনের কাছে তিনটি দিন থেকে যাও অন্তত। আমার দেওর স্ববোধ সোমবার কলকাতায় যাবে। তার সঙ্গেই যেও না হয়। একলা তোমায় ছাড়তে পারব না, সে তুমি যা-ই বল।

দুটো রিক্সা নিয়েছে। একটায় শোভা আর একটায় রজত ও সুকুমার। ছবির মতন খাসা বাড়িখানা সুকুমারের। ঝকঝক তকতক করছে। রিক্সা এসে দাঁড়াতে হাসিমুখে একটি মেয়ে বেরিয়ে এল। সুকুমার বলে, আমার বোন সুসীমা। আর এই মাহুযটি হলেন—কে বল তো সুসী ?

সুসীমা ঘাড় হুলিয়ে বলে, জানি। কলকর্তে আহ্বান করে, আসুন রজত বাবু। একা কেন, বউদি এলেন না ?

বুদ্ধিমতী মেয়ে সুসীমা। প্রশ্নের পর থমথমে ভাব দেখে আন্দাজ করেছে গোলমালে একটা-কিছু। শোভার ছোট ছেলেটাকে তাড়াতাড়ি কোলে টেনে তাকে নিয়ে মেতেছে। প্রশ্নের জবাব তবু বেহাই হল না। স্নান হেসে রজত



বলে, রাঁণার কথা জিজ্ঞাসা করছেন ? গাঙে সে মজা করে সাঁতার কাটছে, দেখে এলাম। ভাঁটায় দক্ষিণে সাগরমুখে চলে যায়, ঘোড়ারবেল। ফিরে আবার ঘাটে চলে আসে। নয় ছোড়দি ? খুব ভাল সাঁতার দিতে শিখেছে।

স্বামীয়ার চোখ ছলছল করে আসে। শোভা চুপিচুপি ননদকে বলে, ভাইএর আমার মাথা খারাপ না হয়ে যায়। আসতে কি চায়—জোর করে এনে তুলেছি।

স্বহুমারের ভাই স্ববোধ সোমবারে কলকাতা চলে গেল। রজত তার সঙ্গে গেল না। তাবও দুদিন পরে সে রওনা হল—কলকাতায় নয়, নাটগাছি মায়ের কাছে। রাজলক্ষ্মীর নামে শোভা ইতিমধ্যেই চিঠি দিয়েছে : স্বামীয়ার সঙ্গে রজতের বিয়ে দিলে কেমন হয় মা ? রজতের বোধহয় আপত্তি হবে না। বুঝিয়ে-সুঝিয়ে তাকে তোমার কাছে পাঠাচ্ছি। তুমি রাজি হলে অশৌচ কাটিয়ে একেবারে বিয়েথাওয়া করে স্বামীমাকে নিয়ে সে দিল্লি চলে যাবে। তোমার চিঠি পেলে ইন্সুলের চাকরিতে ইস্তফা দেবে স্বামীমা।

এ চিঠি ভাকে চলে গেছে। চিঠি পৌঁছবার আগেই যাচ্ছে রজত। খেয়া পার হচ্ছে গ্রামে পৌঁছবার আগে। আজকে ভরা জোয়ার। কী সর্বনাশ—কেউ আগে দেখে নি—কোথা থেকে পচা মড়া ভেসে এসে দাঁড়ে আটকেছে। শবদেহ খরশ্রোতে বৈকেচুরে লেপটে গেছে দাঁড়ের কাঠের সঙ্গে। দুর্গন্ধ, নাকে কাপড় দিতে হয়। রীণাই—তাতে কোন আর ভুল নেই। উলঙ্গ ছ-পাটি দাঁত, চোখ দুটো কিসে খুঁড়ে খেয়ে গেছে—কিন্তু মুখ দেখে না-ই চিনুক, পদ্মখোঁপা রয়েছে মাথায়। শোভার হাতের বাঁধা বিশাল খোঁপা। রজতের সর্বদেহ খরখর করে কাঁপছে। চেউ ঘা দিচ্ছে নৌকার গায়ে—দাঁতের ছড়া বের করে রীণা ঘেন খলখল করে হাসে। দেহশিঙ দিয়ে দাঁড়ের মাথা জড়িয়ে ধরেছে—ফিরে যেতে দেবে না রজতকে আর গাঁয়ে।

পাগলের মতো রজত চিংকার করে ওঠে : সরিয়ে দাও মাঝি লগির খোঁচা দিয়ে। আচ্ছা করে খোঁচাও—দাঁড় ছেড়ে ভেসে চলে যাক। কী আপদ, খেলা পেয়ে গেছে ঘেন নিত্যদিন !

## সতী

গাঁয়ের নাম সতীপাড়া, লোকের মুখে মুখে স্ততিপাড়ায় দাঁড়িয়ে গেছে। মিস্ত্রির-বাড়ির এক বউ সতী হয়েছিলেন। সতীঘাটও আছে। প্রাচীন এক বটগাছ। মুক্তীধরী নদী অনেকটা দূরে লয়ে গেছে। নদী ঠিক বলা যায় না

এখন। বদ্য, কালটা ছাড়া জল চোখে পড়ে না—জল। হোগলা কচুরিপানা আর হিঞ্জে-কলমির দাম এপার-ওপার ছেয়ে থাকে। গরু-ছাগল চরতে চরতে দামের উপর দিয়ে অনেক দূরে চলে যায়। ডাঙার দিকে হাত দুই-তিন জায়গা সাকসাকাই করে গৃহস্থরা সেখানে পাড়ার ঘাট বানিয়ে নেয়। জল যত কমে, ঘাটও সরতে সরতে তত দূরে চলে যায়। বাসন মাজার কাজটা চলে কোনরকমে। আর ননী মিত্তিরের মা নিম্বার-বুড়ি ওই পচা জল গায়ে মাখায় ছিটিয়ে দুপুরের আঁহুকটা সেরে যান ঘাটের গুঁড়ির উপর বসে। সতী-দাহ হয়ে গিয়ে মুক্তীশ্বরী গঙ্গাতুল্য হয়েছে।

এখন নদীর এই দশা। আর সকালে খেয়া-নৌকায় পারাপারের সময় অতি-বড় সাহসীরও বুক কাঁপত। ছালিডে সাহেবের বর্ণনায় আছে। ছালিডে তখন জেলার কালেক্টর, নিজের চোখে দেখা অনেক ঘটনা তিনি বইয়ে লিখে গেছেন। তার মধ্যে সতীর কাহিনীও পাওয়া যায়।

বটগাছের পাশেই ছিল ঋশান। লক্ষ মড়া পুড়েছে বলে মহাঋশান বলত। মড়া নামিয়ে রেখে ঋশানবন্ধুরা বটতলায় বিশ্রাম নিত। জোয়ারের জল খলখল করত বটের শিকড়-বাকড়ের মধ্যে। মিত্তির-বাড়ির রামজীবন মারা গেলেন। প্রথম পক্ষের তিন ছেলে, ছেলের বউ ও নাতি-নাতনিরা। শেষ বয়সে তিনি নতুন সংসার করেন। সে বউ রামজীবনের ছোট ছেলের চেয়েও বয়সে ছোট। নতুন বউয়ের যথাশাস্ত্র বিধবার সজ্জা নেওয়ার কথা, কিন্তু সে আড় হয়ে পড়ল। চুড়ি ভাঙবে না, সিঁদুর মুছবে না, খান-কাপড় পরবে না, বিধবা হবে না সে কিছুতে।

তার পর আসল মতলব প্রকাশ হয়ে গেল। সতী হবে নতুন বউ, স্বামীর সঙ্গে এক চিতায় পুড়ে মরবে। হাপানিতে ভুগে ভুগে রামজীবনের মেজাজ ইদানীং তিরিকি হয়েছিল, সেবায় যত্নে নতুন বউয়েরও টিলেমি ছিল, হামেশাই তিনি চড়টা চাপড়টা মারতেন। বউও তার পুরোপুরি শোধ তুলে নিত—হাতে নয়, জিতে। ঝগড়ার চোটে বাড়িতে কাক বসতে পারত না। পাড়ার লোকে এই সম্পর্কই দেখে এসেছে স্বামী-স্ত্রীর মধ্যে। আর সেই স্বামীর শবদেহ বেইমাত্র উঠানে নামাল, বউ কিনা জেদ ধরে বলে, একলা পড়ে থাকতে পারব না, গুঁর সঙ্গেই যাব আমি।

ছেলে-বউরা বোঝাচ্ছে, বাবা বিস্তর দিন সংসারধর্ম করে সকল সাধ মিটিয়ে যোলানা সমস্ত বজায় রেখে স্বর্গে চলে গেলেন, তুমি কোন্ দুঃখে এই বয়সে চিতায় উঠতে যাবে মা?

নতুন বউ কানে নেয় না। হাসিখুশি নিকষিত ভাব, কপাল জুড়ে সিঁদুর

দিয়েছে, টকটকে বাঙা-পাড় শাড়ি পরেছে। ছু-চার কোশ দূরের মাহুবও ভেঙে আসছে সহমরণের ব্যাপার দেখতে। শ্মশানঘাট যেন মেলাক্ষেত্র। বউ-ঝিরা সব কোঁটা ভরে সিঁহুব এনে একটুখানি নতুন বউএর কপালে ছুঁইয়ে সিঁহুব-কোঁটা পরম যত্নে আঁচলে গিঁট দিয়ে রাখছে।

এ সমস্ত হালিডের বর্ণনা। তিনি তখন গ্রামের প্রান্তে মাঠের ধারে তাঁবু খাটিয়ে আছেন। শীতকালে তখনকার দিনে কালেক্টর সাহেবরা সদর ছেড়ে গাঁয়ের উপর এসে থাকতেন। দারোগা-চৌকিদার মোতামেন থাকত, সাহেবের জন্ত কে কতদূর ভেট জোগাবে তাই নিয়ে রেশারেশি লেগে যেত জমিদার-তাণ্ডুকদারের মধ্যে। অবস্থা এমনি। সেদিন ব্রেকফাস্ট খেয়ে সাহেব সাজোপাজ নিয়ে পাখি-শিকারে বেরিয়েছেন, পথের মধ্যে কে এসে বলল সতীব বৃত্তান্ত। সতীদাহ আইন পাশ হয় নি, তা হলেও অস্থূষ্ঠানের কথা কালেভদ্রে শোনা যায়। শিকাব বন্ধ করে সাহেব শ্মশানমুখে ঘোড়া ছুটিয়ে দিলেন।

জনতা তটস্থ হয়ে সাহেবের পথ করে দেয়। চিতার ধারে নতুন বউয়ের কাছে সোজা চলে গেলেন সাহেব। মুনসিব মাঝফত কথাবার্তা। মুনসি সাহেবের কথা বউকে বোঝাচ্ছে, বউয়ের কথার ইংরেজি তর্জমা করে দিচ্ছে সাহেবের কাছে।

সাহেব বললেন, তুমি মরছ কেন?

বউ বলে, স্বামীর সঙ্গে যাচ্ছি। স্বামী ছেড়ে আমি থাকতে পারব না।

আগুনে পুড়ে মরার কি কষ্ট, তোমার ধারণা নেই।

বউ হেসে বলে, খুব কষ্ট বুঝি? দেখি, প্রদীপটা আন দিকি তোমরা কেউ।

চিতায় ঘি ঢালছে। একটা বড় ঘুতের প্রদীপে সাতটা সলতে ধরিয়ে দিয়েছে—ওই প্রদীপ থেকে চিতায় আগুন দেবে। বউষেব কাছে প্রদীপ এনে বাখে। বাঁ-হাতেব বুড়ো-আঙুলটা বউ প্রদীপের উপর ধরল।

হালিডে লিখছেন : আশ্চর্য দৃশ্য। আঙুল কঁকড়ে গেছে, মাংস-পোড়া গন্ধ বেরিয়েছে। বউ ফিরেও তাকায় না, হাসিমুখে কথা বলছে আমার সঙ্গে। আমি আর চোখে না দেখতে পেরে ফিবে চলে এলাম। লোক-মুখে শুনেছি, দাউদাউ কবে চিতা জ্বলছে। সকলের কাছ থেকে বিদায় নিয়ে হাসতে হাসতে বউ আগুনের মধ্যে ঢুকে স্বামীর শব জড়িয়ে ধরে যেন আবামের বিছানায় শুয়ে পড়ল।

নতুন বব-বউ গাঁয়ে ঢুকবার মুখে সতীঘাটে প্রথম পার্লকি এনে নামায়। বটগাছের গোড়ায় প্রণাম করে সতীমার আশীর্বাদ ভিক্ষা করে। সেই সতীর

আমল থেকে নিষম চলে আসছে। মিস্ত্রি-বাড়ির ননী মিস্ত্রির আর টেপুরানীও অমনি সতীতলা হয়ে এসেছিল। কিন্তু হলে হবে কি—নবেল-পড়া একালের মেয়ে, পতিভক্তির সে-মন পাবে কোথা ?

অঞ্চলের মধ্যে মানী ঘর মিস্ত্রি-বাড়—যে বাড়ির বউ সতী হয়েছিলেন। অবস্থা পড়ে গিয়েছে এখন। দালানকোঠা ভেঙে পড়েছে, গাঁতিপটি নতুন আইনে সরকার খাস করে নিয়েছে। ধানজমিতে যে কয় কাহন ধান পাওয়া যায়, টেনেটুনে কোনগতিকে তাতে বছরটা চলে। সংসার ছোট। মেয়েদের সব বিয়ে হয়ে গেছে, নিস্তার-বুড়ি আর ননী। আর এই টেপুরানী বউ হয়ে গল। মাছুষ কম বলেই নানান কন্দিফিকিরে মা চালিয়ে যাচ্ছেন। চাকরি-বাকরি করে ননী যদি বাইরের ছোটো পয়সা না আনে এবং তার উপরে খাওয়ার মাছুষ বেড়ে যায়, সংসার একেবারে অচল হয়ে যাবে।

বিয়ের মাস কয়েক পরেই নিস্তার-বুড়ি নিজমুতি ধরলেন। টেপুরানীকে ডেকে বললেন, আমার ঘরে শোবে তুমি বউমা। রাতে ছুতিন বার উঠতে হয়। অঙ্ককারে সেদিন বিষম আছাড় খেয়েছি। তুমি থাকলে আলোটা লো জেলে ছুয়ার খুলে দিতে পারবে।

ননীর আবার সেইদিন খুব মাথা ধরেছে। আর্ন্তনাদ করছে। মাঝের প্রাণে মায়ী হয় না কিন্তু। উন্টে করকর করে ওঠেন : রোজগার-পত্তর করে বউয়ের সাধআহ্লাদ কত মেটাচ্ছে কিনা—বউ যাবে এখন ঠুর মাথা টিপে দিতে! বয়ে গেছে। শুয়ে পড় বউমা, যেতে হবে না।

কিন্তু শেষরাত্তির দিকে জেগে উঠে বুড়ি দেখলেন ছুয়ার খোলা, বউ ঘরে নেই। ব্যস্ত হয়ে ছেলেকে ডাকলেন : উঠে পড় ও ননী, বউকে দেখছি না। বউ কোথা চলে গেল।

কি আশ্চর্য, ননীও যে লাড়া দেয় না। ঘরে নেই নাকি ? শীতের মধ্যে তুরতুর করে কাঁপতে কাঁপতে নিস্তার-বুড়ি বাইরে খুঁজতে বেরলেন।

পরবর্তীকালে এই নিয়ে টেপুরানী হাসাহাসি করত : ভূত-পেত্নী যে পেরাজে বুড়ির ঘাড় মটকাই নি, সেই তার ভাগ্য।

জ্যাস্ত ভূত আর জ্যাস্ত পেত্নী—ননী মিস্ত্রির ও টেপু—পোয়াল-গাদার পাশে ছুজনে গায়ে গায়ে বসে আছে—হাত দশেক দূর থেকে নিস্তার-বুড়ির ডা চোখে পড়ল না। চোখে না-ই দেখুন, বুড়ি একেবারে ক্লেপে গেলেন এই ঘটনায়।

মাসী-মরদে বেলায় তো এক লের করে চাল টানছিল। গুজেরখানেক পদ্মপাল এসে পড়ে আউড়ির ধান ফুঁকে দেবে, তার পরে আমার উপায়টা

কি ? কার দুয়োরে ভিক্ষের ঝুলি নিয়ে দাঁড়াব ? কথা না শুনিবি তো বিদেয় হয়ে যা বাড়ি থেকে । সংসারধর্মে আমার কাজ নেই ।

পাড়ার লোকে হাসাহাসি করছে । ননী গরম হয়ে বলে, বিদেয় সহজে হব না । তোমায় অন্তর্জ্ঞানীতে শোয়াই আগে, তার পরে ।

কিন্তু মুখেরই হস্তিত্বি । ঘরবাড়ি জমি-জমা সমস্ত নিস্তার-বুড়ির নামে । দিনরাত বুড়ির বকর-বকর চলছে : চলে যা বাড়ি থেকে । চাকরি-বাকরি কর গিয়ে ।

চাকার কোথায় কে ভাগা দিয়ে রেখেছে ?

চেষ্টাচরিত্র করে দেখবি তো ? বাড়ি বয়ে কে হাতে তুলে দিয়ে যাবে ? বউয়ের আঁচলের তলায় পড়ে থাকতে লজ্জা করে না ?

মাঘের তাড়া খেয়ে দু-দণ্ড বউএর কাছে জিরোবে, সে জো নেই । টেপুরানী চালাক মেয়ে ; সেবাযত্ন করে ইতিমধ্যে শান্তিড়ির খানিকটা মন পেয়েছে । তারও মুখেও নিস্তার-বুড়ির ওইসব কথা । তার মুখের কথা বরঞ্চ বেশি কটু ।

ভাত তোমার নামে গলা দিয়ে ?

গলার কোন্ অস্থখ হল, কেন নামবে না ?

উঠতে বসতে এইরকম খোঁটা—

ননী বলে, খোঁটা দিয়ে আমার কি করবে ? ৬ তের সঙ্গে যখন ঝাললঙ্ক কিস্বা চিরেতা মেশাবে, সেই সময় গেলার কষ্ট হতে পারে । তার আগে নয়

অবিরত খিচিমিচিতে এ হেন লোকেরও অবশেষে দৈবচ্যুতি ঘটে । গায়ে জামা চড়িয়ে বেকল একদিন দুর্গা-দুর্গা বলে । কিন্তু সপ্তাহ না ঘুরতেই বাড়ির ছেলে আবার বাড়ি এসে হাজির । কোথায় চাকরি ! বলে, না শিখেছি লেখাপড়া, না জানি শয়তানি-ফেরেস্বাজি । আমায় কোন্ হতভাগা চাকরি দিয়ে পুষতে যাবে ?

নিস্তার-বুড়ি এবারে বউকে ঠেস দিয়ে কথা শোনান : ডাকিনী ! আমার বেটাকে গুণ করেছে । কি করি, দালানের হট খলে খুলে না বেচলে সংসার চলার উপায় দেখি নে ।

যখন তখন এমনি সব কথা । ননী বলে, অনেক খাচ্ছি তোমার মা । আচ্ছা, আজ থেকে ছেড়ে দিলাম ।

ননী দুধ খায় না, মাছ খায় না । পাতের কোলে দিলে পড়ে থাকে । পিণ্ডি-বন্ধার মত চাটু ভাত হুন দিয়ে মেখে মুখে দিয়ে উঠে পড়ে ।

বউকে বলে, আমি মাছ খাচ্ছি নে, তুমি কোন আকলে খাও শুনি ?

পয়সার জিনিস ফেলি কি করে? তোমার ভাগটাও খেতে হয়। ডবল খাওয়া হয়ে যাচ্ছে।

আমার দিকে নও তুমি। বেশ, জেনে রাখলাম।

টেপুরানী বলে, মা আর তুমি কি আলাদা? আমি সকলের দিকে।

ননী গরম হয়ে বলে, এই মিত্রির-বাড়িরই বউ স্বামীর সঙ্গে সহমরণে গিয়েছিলেন। একালের তুমি আর এক বউ।

টেপু ভালমানুষের ভাবে বলে, শুনেছি সে বউ মোটে নিরামিষ খেতে পারতেন না। সেই ভয়ে মরলেন। আমারও তাই। খাবার পাতে মাছ একটুখানি চাই। নিদেনপক্ষে আসটে-জল।

বলতে বলতে কিক করে হেসে ফেলে: বলতে নেই। তোমার এমন-তেমন হল আমারও সতী হওয়া ছাড়া উপায় থাকবে না।

হুন-ভাত চলছে দিনের পর দিন। আর নিস্তার-বুড়িরও যেন জেদ চেপে গেছে। মাছ আরও বেশি বেশি আসছে। রকমারি মাছ রান্না করে খালার পাশে বাটি সাজিয়ে দেন। ননী চোখ ঘুরিয়ে দেখে নেয় একবার। তার পর হুন-ভাতের দু-চারটে দলা মুখে পুরে উঠে পড়ে। টেপুরানী কোন্ দিবে বিড়ালের মত ওৎ পেতে থাকে, মাছের বাটিগুলি রান্নাঘরে নিয়ে গিয়ে পা ছড়িয়ে স্বামীর প্রসাদ পেতে বসে যায়। কাঁটা চিবানোর কচর-মচর আওয়াজ পাওয়া যায় বাইরে থেকে।

চলল এমনি মাসাবধি। বৈশাখ মাস। কচি আম ফলেছে গাছে। ননী বউকে বলে, আমের ঝোল রেঁধো, তাই দিয়ে আজ ভাত খাব। গাছের আমে তো মায়ের পয়সা লাগবে না।

বিকালবেলা পুকুরঘাটে কলসি রেখে টেপুরানী একটা জিঙল-কচা ভেঙে নিয়ে আমের ডালে বাড়ি দিচ্ছে। আর, যেখানে বাঘের ভয় সেইখানেই কি সন্ধ্যা হবে? শাওড়ি কোন্ দিক দিয়ে এসে বলেন, গুঁটি পেড়ে নষ্ট করছ কেন বউমা?

টেপু ভয়ে ভয়ে বলে, অম্বল রাঁধতে বলেছে।

তা বুঝেছি। এস, বাড়ি চলে এস তুমি। বউমানুষ এলোচুলে গাছতলায় ঘোরে না।

যে কটা গুঁটি পেড়ে ফেলেছিল, নিস্তার-বুড়ি কুপ-কুপ করে পুকুরের জলে ছুঁড়ে দিলেন।

অনেক রাজে ননী বাড়ি ফিরল। বুড়ি বিভোর হয়ে ঘুমুচ্ছেন, টোকা দিতে বউ দরজা খুলে দিল। রোজই সে রাত করে বাড়ি ফেরে, টেপু বলে-

বলে ঝামোয়। শাশুড় ঘুমিয়ে থাকেন, এই একটুখান সময় বরের সঙ্গে চুপিচুপি ছোটো কথা বলবার। আজ টেপুরানী ভেবে রেখেছে, হাতে-পায়ে ধরে যেমন করে হোক ননীর রাগ ভাঙাবে। বাটি থেকে মাছ তুলে জোর করে তার মুখের মধ্যে গুঁজে দেবে : বুড়োমানুষ মা মনের ছুখে ওই সব বলেন, তাই বুঝি মনের মধ্যে গেরো দিয়ে রাখতে হয়? ছিঃ!

ভাতের খালার চারিপাশে যথারীতি তরকারির বাটি। ননীর কেমন সন্দেহ হয়েছে। গোড়াতেই বলে, আমার ঝোল কই?

আছে। খেয়ে নাও এ সমস্ত। আজ তোমায় ছাড়ব না, খেতেই হবে।

আগে অম্বল নিয়ে এস—

নিস্তার-বুড়ি নিঃশব্দে কখন এসে দাঁড়িয়েছেন। বললেন, নেই—আমি রাঁধতে দিই নি। কুঁড়ের অম্বলে টান। এক পয়সার মুরোদ নেই, লজ্জা করে না ফরমায়েস ঝাড়তে?

আজ ননীর কি হয়েছে—মায়ের কথার জবাবে কটমট করে সে বউয়ের দিকে তাকাল : আমি মাছ খাই নে, তাই বড্ড জুত হয়েছে তোমার। মাছের বাটি নিয়ে বসবে? বসাবি তাই।

ঝনঝন করে চতুর্দিকে বাটি ছুঁড়ে দিল। মায়ের চোখের সামনে। আর গজরাচ্ছে টেপুরানীকে উদ্দেশ্য করে : মাছ কখনও না খেতে হয় তাই আমি করব। বুঝবে সেই সময়।

নিস্তার-বুড়ি প্রথমটা হকচকিয়ে গেলেন। তার পরে পাড়া মাথায় করে চোঁচাচ্ছেন। পাড়ার মানুষ ঘরে শুয়ে বলাবলি করে, ওই—লেগে গেল আবার মিস্তিরবাড়ি।

ননী এক-ছুটে পূর্বের কোঠায় নিজের ঘরে গিয়ে দড়াম করে দরজা দিল। টেপুরানীর ভয় লাগে আজ বড়। আরও অনেকক্ষণ পরে শাশুড়ি গভীর ঘুম ঘুমাচ্ছেন, টিপি টিপি সে দরজার কাছে গিয়ে ফিসফিস করে ডাকছে : লক্ষ্মীটি, ছয়োর খোল। শোন সব কথা। আমার কি দোষ?

সাড়া নেই। শাশুড়ি পাছে জেগে ওঠেন, টেপুও বেশিক্ষণ দাঁড়াতে পারে না। ফিরে এসে শুয়ে পড়ল। কিন্তু চোখের পাতা এক করে নি, সারারাত্তি ছটফট করেছে। সকালবেলা উঠানে ছড়া-ঝাঁট দেবার মধ্যে উকি দিয়ে পূর্বের কোঠা বারকয়েক দেখে এসেছে। দরজা বন্ধ। এত বেলা অবধি কখনও ননী শুয়ে থাকে না—মায়ের বচনের ভয়ে ভোর থাকতে উঠে নিমের ভাল ভেঙে দাঁতন করতে করতে সরে পড়ে।

তার পর এক সময় নিস্তার-বুড়ির নজরে পড়ে। অস্বিমূর্তি হয়ে তিনি

দুয়ের ঝাকাচ্ছেন। শিয়রের একটি মাত্র জানলা, সেটাও বন্ধ। বৈশাখের এই গরমে জানলা এঁটে ঘরের মধ্যে বাতাস বন্দি হয়ে রয়েছে—জানলার ফুটোয় চোখ রেখে টেপুরানী দেখে। দেখে আর্তনাদ করে উঠল।

ননী গলায় দড়ি দিয়েছে।

পাড়ার মানুষ দাকাদাকি করে দরজা ভাঙল। গোহালের গরু ছেড়ে দিয়ে দড়ি এনেছে, সেট দড়ি গলায় বেঁধে আড়ায় বুলে আছে। চোখের ঢেলা দুটো ঠিকরে বেরিয়েছে গর্ভ থেকে। তাকিয়ে দেখা যায় না।

নিস্তার-বুড়ি হুমহুম করে বুকে কিল মারছেন। মাথার চুল ছিঁড়ছেন। শাপশাপাস্ত করছেন দুনিয়ার মানুষকে—যারা ননীকে কাজকর্ম দেয় নি। বউকে গালি পাড়ছেন: জ্বী-ভাগো খন—তা এমন পোড়াকপালী বউ, অসজ্জাস্ত স্বামীকেই চিবিয়ে খেল শেষ পর্যন্ত।

ক'টা দিনের মধ্যে টেপুরানীর আলাদা চেহারা। খান-কাপড় পরেছে, হাতে চুড়ি নেই, সিঁথির সিঁদুর মছেছে। শাওড়ির সঙ্গে একবেলা নিরামিষ খায়। খেতে খেতে টেপুরানীর মনে আসে, ননী যা বলেছিল সত্যি সত্যি তাই করে ছাড়ল—মাছ-খাওয়া ঘুচিয়ে দিল জন্মের মতো। পাড়ার গিন্নিরা কিন্তু টেপুর দিকে। ফুটফুটে কচি বউটার মুখ চেয়ে মায়া হয়। বলেন, অত কড়াকড়ি কোর না ননীর মা। নরুণপেড়ে ধুতি পরুক, গলায় সফ্র মবচেন থাকুক, নিরামিষটা থাক—কিন্তু দুবেলা। নয়তো পিত্তি পড়ে পড়ে ছেলেমানুষের শক্ত অস্থির করবে। বলে কত পাঁচ ছেলের মা বিধবা হয়ে চুরি করে মাছ-মাংস খেয়ে দকা সারছে—তুমি আবার আচার দেখাতে যাচ্ছ!

নিস্তার-বুড়িও নরম হবাব মেয়েমানুষ নন। বলেন, আর যেখানে যা হবার হোক, এ-গাঁয়ে নয়। এ-বাড়ি তো নয়ই। স্ত্রীপাড়ার মিত্রবাড়ি এটা—সতীঘাট আমার বাড়ির নিচে।

যা বলছেন টেপুরানী করে যাচ্ছে, একটা জিনিস কেবল পারে না। কিছুতে পারবে না। ঘনকৃষ্ণ মাথার চুল—এলো করে ছেড়ে দিলে পিঠ ছাপিয়ে কোমর ছাড়িয়ে যায়। বড় দেমাক তার চুল নিয়ে—চুলের উপর ভারি যত্ন। সেই যখন ছোট্ট খুঁকিটি ছিল, তখন থেকেই। তার সেই একপিঠ চুল কেটে কদম-ছাঁটা করে দেবে নাকি।

নাশিত এসে গেছে, ভাঙা-রোয়াকের উপর বসেছে। টেপু ছুটে গিয়ে ঘরের দরজা দেয়। কাঁপছে থরথর করে। বাঘ যেন হামলা দিয়ে এসে পড়েছে। শাওড়ি বচন ছেড়ে দিয়েছিল—অঙ্গীল অকথা-কুকথা: আসল



মাগ্নুষ গেল তো সবই শেষ হয়ে গেল। চুল বেঁধে, পাতা কেটে, বাহাব করে কাকে দেখাবি? কার মন ভোলাবি?

এমনি সময় বড়মামি—ডেকে দিলীপ এল উঠানে। ছোড়া সীতাপতি ঘোষের ভাগনে—কলকাতায় থেকে আইন পড়ে, গরমের ছুটিতে মামার বাড়ি আঁম খেতে এসেছে। মাগ্নুষ দেখেও নিস্তার-বুড়ির ঝগড়া খামে না। বলছেন, দেখ বাবা, এ-বাড়ির বউ সহমরণে এক চিতায় পুড়ে মরল, আর এই মগ্পুড়ি লামাগ্ন চুলের মায়া ছাড়তে পারে না।

দিলীপ গম্ভীর হয়ে বলে, চিত্তেয় পুড়েছিল বড়মামি ঠিক এইজন্তেই। নামজীবনের বউয়ের ভাল চেহারা ছিল। বিধবা হলে মাথা গাড়া করে শাঁপা-চুড়ি ভেঙে শাঁকচূনি বানাবে, সেই ভয়ে বউ আগুনে ঝাঁপ দিল।

নবীর মা অগ্নিদৃষ্টি হেনে বললেন, তোমরা সবাই একেলে বিচ্ছু। সতীর কুচ্ছোকথা বললে জিভ খসে পড়বে দেখো।

দিলীপ আরও গম্ভীর হয়ে বলে, আর হতে পারে, কর্তাব বুড়ো বয়সের বউ বলে আগের পক্ষের ছেলেরা দেখতে পারত না। রামজীবন অন্তে বাড়ি থেকে তাড়িয়ে দিত। না খেয়ে পথে পড়ে মরত। ভেবেচিন্তে বউ তাই আপোসে সতী হয়ে নামঘশ করে নিল। ঠারে-ঠোরে হালিডে সাহেবও এই রকম লিখে গেছে বড়মামি।

এসেছিল দিলীপ ঐ নাপিতের খোঁজে। শহবে মাগ্নুষ, খুতনিতে একটু ফুর ঠেকিয়ে দিলে ঠিক কবে নগদ সিকি ছুঁড়ে দেয়—নাপিত দিলীপের পিছু পিছু উঠে গেল। চুলকাটা মূলত্ববি বইল। ভগ্নিপতির আত্মহত্যার খবর পেয়ে সেইদিন আবার টেপুর বড়দাদা এসে পড়লেন। নিস্তার-বুড়িকে বুঝিয়ে-হুজিয়ে বোনকে সঙ্গে নিয়ে গেলেন। বিশ-পঁচিশ দিন থেকে শোক কিছু শীতল হলে আবার টেপু স্বস্তরবাড়ি ফিরবে।

তিন মাস কাটল। নিস্তার-বুড়ি চিঠিও দিযেছেন। বউয়ের কুশল খবর পাওয়া যাচ্ছে, কিন্তু কবে আসবে সঠিক কিছু লেখে না। তার পর চিঠি এল, কলকাতায় গেছে টেপুরানী তাব কোন মাসিমার কাছে। নিস্তার-বুড়ি আগুন। মিত্তিরবাড়ির বিধবা বউ ছট করে শহরে বেরিয়ে পড়ল, যত য়েচ্ছ কাণ্ডকারখানা দেখানে। শান্তডিকে মুখের কথাটা বলাবও পিত্যেশ হল না। এত বড় হুঃসাহস! শূন্তে ঝাঁটা তুলে ধরে চিংকার করছেন : দেখুক একবার এ বাড়ির উঠানে পা দিয়ে। এই ঝাঁটা। বাড়িঘর জমাজমি সমস্ত আমার নামে—খেয়াল থাকে যেন।

বছর ঘুরল। বুড়ি একা গজর-গজর করেন। বউ আছে পড়ে কলকাতায়।

শুভরবাড়ি এসে ঝাঁটা খাবার জন্তে উকিঝুঁকি দেয় না উঠানে। আবার শোনা গেল, কোন ট্রেনিং-ইন্সুলে নাকি পড়ছে। পাশ হলে ষাট-সত্তর টাকার মাস্টারি চাকরি হবে। ননীর জন্ত যে মাইনে স্বপ্নেও ভাবা যায় নি। যোগাড়যন্ত্র করে দিয়েছে নাকি সেই ছোড়া—দিলীপ।

ভিক্টর-বোর্ডের রাস্তা এখন পাকা হয়ে গেছে। মুক্তীখরীর কিনারা ধরে পথ। পয়সাওয়ালা লোক গাঁয়ে আসতে হলে সদর থেকে সোজা ঘোড়ার-গাড়ি করে আসে। একদিন সকালে অমনি এক ঘোড়ার-গাড়ি এল।

সতীঘাটের বটতলায় এসে গাড়ি থামিয়ে নেমে পড়ল টেপু, দিলীপ চৌধুরি আর ফুটকটে এক বাচ্চাছেলে দু-বছরের। টেপু নয় এখন—তপতী। তপতী চৌধুরি। দিলীপ চৌধুরি সদরে মুনসেফ হয়ে এসেছে। মামাতো বোনের বিয়ে—সেই উপলক্ষে মামার বাড়ি এল অনেক বছর পরে। সামাজিক গুণগোলের কথা একটু-আধটু উঠেছিল। কিন্তু মামা হকার ছাড়লেন : সোনার-টুকরো ভাগনেকে আমি বাদ দিতে পারব না। তাতে আমার বাড়ি কেউ যদি না খান, কি করতে পারি ! তার পরে সব চূপ হয়ে গেছে। গাঁয়ের ছেলেরাও এই মামার দিকে—বুড়ো মুকব্বিরা তাদের সামাল দিয়ে পারেন না। উল্টোগী কেউ কেউ আবার সদর অবধি গিয়ে দিলীপদের ডেকে এসেছে, : আসুন চলে আপনারা। এই নিয়ে কে ঘোট পাকাতে যায়, দেখব।

ঘোড়ার-গাড়ি থামিয়ে তপতী বটতলায় গড় হয়ে প্রণাম করে। প্রণাম করে উঠে খিলখিল করে হাসে : সেই সেবারেও বলেছিলাম, বরের সঙ্গে বিচ্ছেদ না হয়। তুমি কানে নিলে না সতী-মা। এবারে শুনো। নয়তো বড় বদনাম হয়ে যাচ্ছে।

পিছন থেকে দিলীপ টিপ্পনী কাটে : আর বয়সও তো হয়ে যাচ্ছে।

রোষ-ভঙ্গিমায় তপতী তাকাল স্বামীর দিকে। দিলীপ বলে, সতী-মা হিংসে করছেন তপু। কি ভুলই করেছিলেন ! একালের মেয়ে জীবন আঁকড়ে রইল—মরে শেষ করে দিল না।

তপতী ঘাড় নেড়ে বলে, উহ, দুঃখ করছেন সতীমা। কুপণ ছিল ওঁদের সেকাল। তখন পারত এমনি ট্রেনিং পাশ করে মাস্টারি করতে—বেড়াতে, খাটতে, ভোট দিতে পার্লামেন্টে ? ওঁদের জায়গা ছিল বাড়ির ঘেরটুকুর মধ্যে, ওঁদের সম্বল শুধুমাত্র স্বামী। আজ স্বামী ছাড়াও কত দিকে কত পথ খোলা—

একটু থেমে দিলীপের দিকে কোঁতুক-চোখে চেয়ে বলল, হরেক রকম সম্পত্তি আজ আমাদের। তার ভিতরে স্বামী হল একটি।

দেবশিঙুর মতো ফুটফুটে ছেলে-কোলে স্বামীর হাত ধরে তপতী আবার গিয়ে গাড়িতে বসল। বনজঙ্গলে-ঘেরা সেই পুরানো শতরবাড়ির পাশ দিয়ে গাড়ি আওয়াজ তুলে বেরিয়ে গেল।

নিস্তার-বুড়ি তখন রোদে বসে ঘুঁটে দিচ্ছিলেন। কাজ ফেলে আম-তলায় দাঁড়িয়ে দেখলেন লুকিয়ে লুকিয়ে। ঝলমলে রূপের ঐ বউ গাড়ি থামিয়ে এ-বাড়ির উঠানে কেন—ঘরের মধ্যেও যদি জুতো মসমস করে ঢুকে পড়ত, ঝাঁটার হাত উঠত না তার সামনে। ঝিম হয়ে বসে বসে ভাবছেন। দু-বিধা ধান-জমি দখল করেছে প্রতাপাশ্বিত ঘোষেরা। ঐ দিলীপ-হাবিমের এজলাসেই মামলা। বউকে গিয়ে স্থপারিশ ধরলে কেমন হয়—আগের সঙ্কট মনে করে স্বামীকে যদি একবার সে বলে দেয়।

## নতুন বউ অলকা

ছেলে বলল, আপনার সঙ্গে কথা আছে বাবা।

কলেজের বই, না টেনিসের র‍্যাকেট?

সে-সব কিছু নয়।

মুখের চুপটটি হাতে নিয়ে নৃত্যলাল বললেন, তবে আবার কি? বেশ, বলে ফেল।

অলকাদের সঙ্কটে বলছিলাম।

জ্র কুক্ষিত করে নৃত্যলাল বললেন, অলকাটা কে হে?

প্রতুল বলে, আপনি জানেন না বুঝি! ছোটমামির ভাইয়ের মেজ মেয়ে; সেই যে গেল-বছর স্কলারশিপ পেয়ে পাস করল।

ওঃ! তা অলকা বোঝা গেল, কিন্তু তাদের মানে আর কে কে?

প্রতুল রাগ করে বলে, তার বাবা মা ভাই বোন—আর ওদিককার ছোটমামা ছোটমামি—

সাতকাণ্ড রামায়ণ শোনাবে—হ্যাঁ? ছেলের মুখের দিকে চেয়ে মূহু হেসে বললেন, খুব সংক্ষেপে সারো। আমার কাজ আছে।

প্রতুল বলে, অলকাকে আমি দেখেছি।

ভাল।

আমি মনস্থির করে ফেলেছি—ধরুন, এক রকম মত দিয়েই ফেলেছি।

চুপটের ছাই ঝাড়তে ঝাড়তে নৃত্যলাল বললেন, মনস্থির আমিও

করেছি। আজ নয়—অনেকদিন. তোমার ভয়ের আগে থেকেই। কাজেই ও বিয়ে হবে না, তোমার ছোটমামা যতই বলুক।

প্রভুল বলে, অলকা দেখতে খারাপ নয়।

যদি খারাপই হয়। তুমি কি-এমন লাটসাহেবের বেটা যে স্বর্গের অঙ্গরী নইলে ঘরে মানাবে না।

জ্রুটি করে চেয়ে থাকেন : খারাপ চেহারার মেয়ের বিয়ে হয় না, বলি খারাপগুলো পড়ে থাকে নাকি ?

তবে আপত্তি কেন ?

তুমি পছন্দ করবে, আমি ঘাড় হেঁট করে তাই মেনে নেব—এইটে উচিত, না আমার পছন্দ তুমি মানবে এইটে উচিত ? জিজ্ঞাসা করি, নৃত্যলাল প্রভুলচন্দ্রের বাবা—না, প্রভুল নৃত্যলালের বাবা ?

প্রভুল বলে, আজ নতুন কথা বললে হবে কেন বাবা ? বরাবর বলেছেন, আমাদের স্বাধীন মত জেগে উঠবে—আপনি তাই চান।

নৃত্যলাল বললেন, এক-শ বার চাই। ভেড়ার পালের মধ্যে দুটো-একটা মাহুষ জন্মাক, কে চায় না শুনি ?

তা হলে ?

এ তো তোমার একলার কোন ব্যাপার নয় বাপু। তোমার বিয়ে দিয়ে থাকে আনব, সে কেবল তোমার বউ হবে না—আমাদের হবে পুত্রবধূ, তোমার বোনদের হবে ভান্স, এত বড় সংসারের হবে অল্পপূর্ণ। তা হলে একলা তোমার মত থাকলে কি হবে ? সকলের মতামত চাই।

স্বহাসিনী ঘরে ঢুকে বললেন, কি তোমাদের বচসা হচ্ছে ? ও খোকা, বলছিস কি ?

প্রভুল বলে, আমার আজই বোর্ডিংএ ফিরতে হবে, তাই বলছি। ভোট নিয়ে বিয়ে করা আমার দ্বারা হবে না।

জোরে জোরে পা ফেলে সে বেরিয়ে গেল। নৃত্যলাল হেসে উঠলেন।

স্বহাসিনী বললেন, কি হয়েছে ?

নৃত্যলাল বললেন, যে বয়সের যে পাগলামি। আমি করেছিলাম, ও করবে না কেন। আমিও বাবাকে গিয়ে বলেছিলাম, শিবানীর সঙ্গে বিয়ে না দেন তো সন্ন্যাসী হয়ে যাব।

স্বহাসিনী কোঁড়কোচ্ছল কণ্ঠে জিজ্ঞাসা করলেন : তিনি কি বললেন ?

তিনি হলেন মুহূন্দ রায়, সৌন্দর্যবনের বাঘ—আমার মতন এই রকম আধঘণ্টা তর্কাতর্কি করার মাহুষ তিনি ! সংক্ষেপে বললেন, তাই দাস।

মাসখানেকের মধ্যে দেখি, আত্মীয়কুটুম্ব বাডি বোঝাই, রত্নচৌকি বাজছে, গোয়ালবাড়ির পাশে ঐখানটায় হাউর-মুখো পাঁকি এল। বাবা বললেন, ভালয় ভালয় উঠে বসবি—না এত লোকের মধ্যে কানে হাত দিতে হবে? উঠে বসলাম—তার পব চিত্তির-করা পিঁড়ির উপর বসে ভয়ে ভয়ে মন্তরও পড়লাম।

স্বহাসিনী বললেন, কিন্তু সেই শিবানীর সঙ্গে বিয়ে হলেই হয়তো ভাল হত।

নৃত্যলাল আগুন হয়ে বললেন, কোন্ শত্রুর এ কথা বলেছে, জিজ্ঞাসা করি? আমার যা ভাল হয়েছে, তোমার ঐ তেজীমান ছেনের ভাগ্যে তার সিকির সিকি হোক দিক! তাইতো ঠিক করেছি, আর-দশটা কাজে যা-ই হোক, বিয়েথাওয়া হবে বুড়োদের কথায়। দেখ তো অত্যাট,—জলজ্যাস্ত একটা বউ ঘরে এনেছি, তিরিশ বছর তার সঙ্গে সংসার করে বুনা হয়ে গেলাম। আমি মেয়ে বাছতে পারব না, পারবেন উনি আর ঠর বন্ধু-বান্ধবের দল।

দিন-কুড়িক পরে নৃত্যলাল দুপুরবেলা দোতলাব ঘরে শুয়ে চোখ বুজেছেন, এমন সময় স্বহাসিনী গিয়ে দাঁড়ালেন। হাত নেড়ে চুড়ি বাজিয়ে তিনি শব্দ-সাড়া দিলেন, জড়িত স্বরে কর্তা বললেন, ক?

চিঠি এসেছে।

এখানে রাখ কোথাও।

স্বহাসিনী বললেন, কালীপদ লিখেছে, খবর আছে।

কর্তা চোখ খুললেন : চিঠি যখন এসেছে, খবর তো আছেই।

তার পর জ্বর মুখ-চোখের দিকে চেয়ে বললেন, জরুরি খবর?

স্বহাসিনী বললেন, খোকার বিয়ে পঁচিশে তারিখ।

নৃত্যলাল বিছানার উপর খাড়া হয়ে বসলেন : দয়া করে খোকার ছোটমামা তাই নিমন্ত্রণপত্র পাঠিয়েছে? পড় দিকি শুনি।

স্বহাসিনী চিঠিখানা ছুঁড়ে দিলেন, চোখ ভরে জল এল। বললেন, আমি পারব না, তুমি পড় গে। পেটের ছেলের বিয়ে, পর-অপরের মতো খবর দিয়েছে দেখ।

কর্তা চশমা চোখে দিয়ে গম্ভীর ভাবে চিঠির আগাগোড়া পড়লেন। তার পর আরও একবার পড়লেন। স্বহাসিনী বললেন, এখন কি করবে?

যেতেই হবে, খোকার বিয়ে যখন।

গিন্নির মুখের দিকে চেয়ে বলতে লাগলেন, রাগ করছ কেন, তোমারই ভাই লিখেছে। রাগ করলে কুটুম্বিতে চটে যাবে।

সুহাসিনী বললেন, বয়ে গেল। পেটের সন্তানের চেয়ে আর কেউ  
আপনার নয়। তাকে যে পর করে নিয়ে গেল, সে ভাই নয়—শত্রু।

কর্তা উঠে দাঁড়ালেন।

কোথায় চললে ?

নবীনকে ধোপার বাড়ি পাঠিয়ে দিই।

কেন ?

ছেলের বিয়ের বরযাত্রী যেতে হবে না ?

নৃত্যলাল ব্লান হাসি হাসলেন। বলতে লাগলেন, মাঝে চারটে পাঁচটা  
দিন আছে। ধোপা কালই কাপড় দিয়ে যাবে। অন্ততপক্ষে পরশু সকালে  
রওনা হতে হবে। দু-একদিন আগেই যাই।

নিজের ঘরে গিয়ে সুহাসিনী চোখা চোখা কথায় ভাইকে চিঠি লিখতে  
বসলেন।

...তোমার সন্তান নাই; সেইজন্য থোকাকে তোমাদের ওখানে সর্বদা  
যাতায়াত করিতে দিই। কিন্তু তাই বলিয়া আমরা ছেলে বিলাইয়া  
দিই নাই। আমাদের প্রথম সন্তানের বিবাহ—বাড়ির প্রথম কাজ, মনে  
মনে কত সাধ-বাসনা ছিল। এই বিবাহ সম্পর্কে আমাদেরকে তুমি  
একটা কথাও জানাও নাই, অধিকন্তু সাধারণ নিমন্ত্রণপত্র পাঠাইয়া অপমান  
করিলে। মানী লোককে এইভাবে অকারণ অপমান করিবার কিছু  
প্রয়োজন ছিল না। সেই লোক বাড়ি হেঁট করিয়া তোমাদের ওখানে  
বরযাত্রী চলিয়াছেন, কত বড় আঘাত পাইয়া যে যাইতেছেন, তাহা  
কেবল আমিই জানি। তোমার এই অপরাধ আমরা জীবনে ভুলিতে  
পারিব না।...

চিঠি ডাকে পাঠিয়ে তার পর যেন সুহাসিনী একটু ঠাণ্ডা হলেন।

সদর উঠানে পালকি এসেছে, বেহারারা তামাক খাচ্ছে। নৃত্যলালের  
সঙ্গে জিনিসপত্র বেশি কিছু যাবে না। সুহাসিনী জামাকাপড় ট্রাকে ভরতি  
করে দিচ্ছিলেন, বললেন, না গেলেই ভাল হত কিন্তু।

কেন ?

দেখ, কাটা-কান চুল দিয়ে ঢাকতে হয়। মামা-ভাগনেয় বড়যন্ত্র করে  
কাণ্ডটা করলে, তার পর তুমি যাবে সেখানে—লোকে হাসাহাসি করবে,  
আঙুল দিয়ে দেখাবে।

নৃত্যলাল অকুটি করে বললেন, সেই ভয়ে থোকার বিয়ে দেখব না ? কী  
যে বল তুমি !

স্বহাসিনী বললেন, না, যাওয়া উচিত নয়। একা একা গিয়ে অপমানিত হবে, আমি কিছুতেই শাস্তি পাব না।

নবীন লম্বা একটা কাঠের বাস্ক এনে রাখল। স্বহাসিনী শিউরে বললেন বন্দুক নিয়ে যাচ্ছ নাকি— কেন ?

নৃত্যলাল বললেন, একা যেতে মানা করছিলে—একা আমি যাব না। ইনি সঙ্গে যাচ্ছেন।

স্বহাসিনী ব্যাকুল কণ্ঠে বললেন, বন্দুক কি হবে ? না না, তোমার যা রাগ—কার বুকে গুলি বসাবে বল।

আর কাউকে না পাই, নিজের বুকটা রয়েছে তো! তুমি নিশ্চিন্ত থাক গিন্নি, অপমানিত আমি হব না।

আধ-গোছানো ড্রাক ঠেলে ফেলে স্বহাসিনী রাগ করে উঠে দাঁড়ালেন : তোমার যাওয়া হবে না।

তার মানে ?

ইয়া, তোমায় যেতে দেব না। যাও দিকি কেমন ? বন্দুকের গুলি আগে আমার বুকে বসাবে, তার পর যাবে।

উত্তেজনা দেখে নৃত্যলাল হেসে ফেললেন। হাসতে হাসতে বললেন সে হবে না—তা তুমি জান। তা ছাড়া আর কি করা যেতে পারে ভেবেচিন্তে বল।

তবে বন্দুক থাক, আমি যাচ্ছি।

নৃত্যলাল বিব্রত ভাবে বললেন, কিন্তু পালকি একখানা এসেছে।

দু'খানা লাগবে। নবীন, আর একখানা পালকি আনতে হবে যে বাবা।

নবীন বলে, এফুনি কি করে হয় ?

বিকালে তো হবে !

নৃত্যলাল বললেন, বিকেল হলে পৌছতে কত রাত্রি হবে, জান ?

স্বহাসিনী বললেন, তাতে তোমার নেমস্তম্ভ ফসকে যাবে না গো—বর-বিদায় আজ নয়, কালকে।

নৃত্যলাল ঘাড় নেড়ে বলতে লাগলেন, এতক্ষণে বোঝা গেল গিন্নি, নেমস্তম্ভের লোভ একলা আমার নয়। ছেলের বিয়ে দেখবার জন্তে তুমিও মনে মনে মতলব পাকাচ্ছিলে, মুখ ফুটে বল নি। যা রে নবীন, আর একখানা পালকি দেখ। মেয়েমানুষের বাপের-বাড়ির টান—কিছুতে ঠেকানো যাবে না।

মেল-গাড়ি রাত আড়াইটেয় যশোরে আসে, সেই গাড়ি থেকে প্রতুল নতুন বউ নিয়ে নামল। সঙ্গে জন-চারেক বরযাত্রী আর গোটা দুই-তিন বাস্ক।

প্রতুল বলে, দেখ তো, মোটর আছে কি না।

রিজার্ভ-করা গাড়ি, থাকবে না কি রকম !

সন্ধ্যার দিকে ভয়ানক ঝড়জল হয়ে গেছে, এখন জ্যোৎস্না উঠেছে । রাস্তার উপর কয়েকটা বড় ডাল ভেঙে পড়েছিল, সে সব ইতিমধ্যে সারিয়ে পথ করা হয়েছে । নালা দিয়ে কল-কল শব্দে জল যাচ্ছে ।

ও গাড়ি ? বলি, কেশবপুরের গাড়ি রয়েছে কোন দিকে ?

শব্দমাড়া নেই । নূতন বউ সপ্রতিভ খুব । সে-ও দু-এক পা এগিয়ে উকি ঝুঁকি দিচ্ছে । প্রতুল বলে, তুমি ঐ বাজের উপর চূপ করে বসে থাক । তুমি গাড়ি খুঁজবে—হয়েছে আর কি !

অলকা বলে, বসে থাকতে ভাল লাগছে না, এই এতক্ষণ বসে এলাম । আমি কি কাপড়ের বাঁগল যে বসিয়ে রেখে নিশ্চিন্ত হতে চাও ।

প্রতুল বলে, বাঁগলের একটা গুণ—ফেলে রাখলে ঠিক থাকে । তোমরা আবার নিজের বুদ্ধিতে নড়ে চড়ে মুশকিল বাধাও কি না !

মুশকিল বাধাহ না মশাই, মুশকিলের আসান কার । ড-ই দেখ গাড়ি । গাছের তলায় দেখতে পাচ্ছ না ?

ডালপালায় সমাচ্ছ বাদামগাছ, তার নিচে এক টিনের ঘরে হোটেল খুলেছে । এই রাজ্জে হোটেলের ঝাঁপ অবশ্য বন্ধ, দূরে একটা টিমটিমে কেরোসিনের আলো থাকায় জায়গাটা আলো-আঁধারি হয়েছে । হোটেলের পাশে অলকা আঙুল দিয়ে দেখাল, সেটা খড়ের গাদা হওয়াই সম্ভব । কাছে গিয়ে দেখা গেল—না, মোটরগাড়ি ।

অলকা বলে, ড্রাইভার ঘুমিয়ে পড়েছে ।

মরে গেছে । কিন্তু এত চিন্তাকারে মরা মাহুঘেরও তো নড়ে বসবার কথা ।

তার পর হর্ন বাজানো, পা ধরে নাড়ানাড়ি প্রভাতে প্রক্রিয়ার পর ড্রাইভার উঠে বসল । বরঘাতীদের শহরেই বাড়ি—প্রতুলের ঘনিষ্ঠ বন্ধু তারা বিদায় হবে এইবার : নমস্কার বউদা, সংসার গুছিয়ে নিন গে, তার পর আলাতন করতে যাব ।

অলকা হেসে বলে, কথার ঠিক থাকে যেন । চিঠি লিখে আপনাদের আবার আলাতন করতে না হয় ।

হ্যাঁ, উদ্যুগ করে চিঠি লিখবেন আবার ! গিয়ে পড়লে তখন চিনতেই পারবেন না ।

অলকা বলে, গিয়েই পরখ করবেন । যাবেন তো সত্যি ?

ও প্রতুল, যাব নাকি ?



যাবেন, যাবেন। আমিই বলছি, ও আবার কি বলবে। ধরুন, এর পরের শনিবারে ? কি বলেন ?

গাড়ি ছাড়ল। প্রতুল বলে, নিমজ্ঞ করলে অলকা, কিন্তু শনিবার নাগাত নিজেদের কি হয়, দেখ।

অলকা রাগ করে বলে, ভয় দেখিও না। চারিদিকে এই ঝোপপুঞ্জল—ভাবছি, কতকণে বাড়ি পৌঁছে আরাম করে বসব—উনি আবার বাড়ির ভয় দেখাতে লাগলেন।

বাবাকে তো জান না !

অলকা বলে—এখন থেকে জানব শনিবারের এখনও পাঁচ-ছ দিন বাকি, তার মধ্যে জানাশোনা হয়ে যাবে।

অত সোজা নয় অলকা। আমায় দেখে মনে কোর না আমার বাবাও ঠিক এই রকম।

নয়ই তো। এতদিন ধরে তোমায় দেখছি, বাবার গল্প কম শুনি নি। তোমায় জানতে যদি ছ-বছর লেগে থাকে, বাবাকে জানতে দুটো দিনও লাগবে না, এই বলে দিলাম।

প্রতুল কি বলতে যাচ্ছিল, তর্জনী তুলে অলকা বলল, চুপ, আর কথা নয়। তোমার হল কি—সমস্ত রাত এই রকম বকবক করবে নাকি ? আমার ঘুম পাচ্ছে।

একটু চুপ করে থেকে প্রতুল অহুসনের ভঙ্গিতে বলে, চুরুটের কোটো স্টার্টকেসে পুরলে—একটা দাও না গো। চুরুটে আটকা থাকলে মুখ দিয়ে কথা বেরবে না।

সে বাজেয়াপ্ত হয়ে গেছে। চুরুট পাবে না। অলকা দেবী ঘুমবেন, তার বরের ঠোঁটে এই দেখ চাবি পড়ে গেল।

কোমল হাতখানি প্রতুলের মুখে চাপা দিয়ে অলকা তার কোলের উপর শুয়ে পড়ল।

মোটর ছুটেছে। চারিদিকে ফুটফুটে জ্যোৎস্না, ভিজে গাছপালা জ্যোৎস্নার আলোয় ঝিকমিক করছে।

অত জোরে চালিও না হে—শুনছ ?

আজ্ঞে ? ড্রাইভার চোখ রগড়াতে রগড়াতে পিছন দিকে চায়।

এই যাচ্ছেতাই রাস্তা, তার উপর ফুল-স্পীডে চালিয়েছ। তোমারও দেখছি ঘুম ধরেছে। আজ একটা কাণ্ড বাধাবে।

ড্রাইভার হেসে বলে, কিছু হবে না স্ত্রীর, ঠিক পৌঁছে দেব।

প্রতুল বলে, পৌছে তো দেবে—তবে যমের বাড়ি কি না তাই ভাবছি।  
তুমি বাপু ঘুমিয়ে ঘুমিয়ে গাড়ি চালাও—বছরে কতগুলো ঘায়েল কর বল  
দিকি ?

ষাড় নেড়ে লোকটি বলে, ঐ কথাটি বলতে হবে না শ্রাব। সেবার খেজুর  
গাছে বেধে গাড়ি চিং হয়ে উলটে গেল, কিন্তু প্যাসেঞ্জারেরা তখনই ধুলো ঝেড়ে  
উঠে দাঁড়াল। আর একবার হয়েছে কি—

আর একবারের কান্না নেই—তুমি এদিকে ফিরে গল্প কোর না। ভাল  
বিপদ দেখছি—যতক্ষণ জেগে থাকবে পিছন ফিরে গল্প করবে, আর সামনে  
ফিরবে তো চোখ বুজবে।

ড্রাইভার সগর্বে বলে, চোখ বুজলে কি হয়—রাস্তা মুখস্থ হয়ে গেছে।

জোরে ড্রাইভার একসিলেটর চেপে ধরল। প্রতুল ডাকে : গতিক ভাল  
নয় অলকা, উঠে বোস শীগগির।

ঘুম-চোখে অলকা বলে, বাড়ি এসে গেল ?

যা ব্যাপার, বাড়ি যাবে তো বিশ্বাস হয় না। আর আমরা বাড়িতেই  
যাচ্ছি নে মোটে।

অলকা অবাক হয়ে জিজ্ঞাসা করে : বাড়ি নয়, কোথায় যাচ্ছ তবে ?

মামার-বাড়ি।

কেন ?

প্রতুল জবাব দেয় না। অলকা তীক্ষ্ণকণ্ঠে বলে, বাবা মার্কন আর  
কাটুন, নিজেদের বাড়িঘরে যা ঘটে ঘটে। আর এক জায়গায় উঠে,  
আত্মীয়কুটুম্বের মাঝখানে—ছি-ছি, এ তুমি কি করেছ! আমাকে একবার  
বললে না!

কুণ্ঠিত স্বরে প্রতুল বলে, সাহস হয় না বাবার মুখোমুখি হতে।

তুমি পিছনে থেকো আমার। ড্রাইভারকে বলে গাড়ি ফিরিয়ে নাও।

বাবা কি বাড়ি আছেন, এতক্ষণ কোন্‌কালে মামাদের ওখানে রওনা  
হয়ে গেছেন। আর এক কাণ্ড করে রেখেছি। ছোটমামার নাম করে এক  
নেমন্তন্ন-চিঠি পাঠিয়েছি, তাতে বিয়ের তারিখ দিয়েছি পাঁচদিন পরে।

তাতে কি হবে ?

বাবাকে তো জানি, তিনি বিয়ে বন্ধ করতে ছুটে যাবেন। গিয়ে  
পড়েছেন হয়তো। এদিকে আমরাও যাচ্ছি। মামার-বাড়ি চার মামা,  
দাদিমা আর মামিরা সব রয়েছেন। সকলে ধরে পেড়ে মিটিয়ে দেবেন।  
ছোটমামা আমায় বড় ভালবাসেন কিনা।

অলকা বলে, বাবা-মার চেয়ে নিশ্চয়ই নয়। আমি জানলে এই সব জুয়োচুরি করতে দিতাম না।

তার পর চুপচাপ। অলকা বলে, কি ভাবছ?

যত এগুচ্ছি, ততই ভাবনা হচ্ছে অলকা। বাবা রাগি মানুষ—রাতটা পোহালে কী যে হবে।

রাস্তার পাশে ধোড়োঘর। ছেলে কান্দছে, টেমি হাতে কে-একজন বেরিয়ে এল। বেগুন-ক্ষেত, পাশাপাশি দুটো বটগাছ—গ্রাম ছাড়িয়ে গাড়ি মাঠের মধ্যে এল, জ্বোলো হাওয়া বইছে, মাঠের জলে ঢেউ উঠেছে, রাস্তার গায়ে ছলছল করে ঢেউ এসে লাগছে।

অলকা খিল-খিল করে হেসে ওঠে : তাইতো বলি, এমন ভাল ছেলে হয়ে বসে রয়েছ তুমি!

প্রতুল বলে, ঘুমুই নি।

তবে মাথা ঝুকে পড়ছে কেন? ভাবনার ভারে?

কেন পড়ছে, শুনবে? উঃ কি হাওয়া! মুখটা আন ইদিকে, কানে কানে বলছি—

অলকা বলে, ইস, মাথা তুলবার জো নেই—হুটুমিটুকু আছে।

পশ্চিমে চাঁদ নিচু হয়ে এসেছে। তারপর অনেক দূরে ঝাপসা গাছপালার আড়ালে চাঁদ ডুবে গেল। রহস্যমধুর অন্ধকার।

এক সময় প্রতুল ধড়মড়িয়ে উঠে বসে।

জল কেন? গাড়ির মধ্যে জল থই-থই করছে। অলকা, অলকা!

ড্রাইভার আগেই নেমে একইটু জলে দাঁড়িয়েছে, টর্চ জ্বলে দেখছে। ঘাড় নেড়ে সে বলল, গাড়ি আর যাবে না, আপনারা নামুন।

তিন্ত স্বরে প্রতুল বলে, সমুদ্রের মাঝখানে এনে বলছে—নামুন। গাড়ি চলবে না, বললেই হল?

ইঞ্জিনে জল ঢুকে গেছে, চলবে কি করে?

বলি রাস্তা থেকে বিলে নামলে কেন?

আঁধারে দেখা যায় বুঝি!

হেডলাইট আছে কি করতে?

ড্রাইভার রেগে গেছে। ঝাঁঝালো কণ্ঠে বলল, কোথায় আছে—দেখুন না। টর্চ ফেলে সে সামনে দাঁড়াল। বলে, মিছে কথা বলছি নাকি? সে ঘোড়ার-ডিম জখম হয়ে আছে তিন বছর।

অলকা বলল, শীতে কাঁপ ধরে গেছে। আর সওয়াল কোর না, ভাঙায় চল।

এইসব লটবহর ?

ড্রাইভার এদিকে লোক ভাল। বলে, বাস-বিছানা আমিই রাস্তায় তুলে দিচ্ছি। রাস্তাই বা কেন, লামনে তোকা ডাকবাংলো রয়েছে, আরাম করে ঘুমিয়ে পড়ুন গে।

অলকা উৎসাহিত হয়ে বলে, সেই ভাল। আমার খুব মজা লাগছে—চল, ক্রাস্টাঙ্কগুলো আমি নিয়ে নিচ্ছি।

খুচরো দু-একটা জিনিস ছিল, তৎক্ষণাৎ সে হাতে টেনে নিল। বোঝা মাথায় নিয়ে জল ছপ-ছপ করে ড্রাইভার এগিয়ে চলেছে। প্রতুল বলে, কই, নেমে এস তুমি।

অলকা বলে, পায়ে জুতো—যাই কি করে ?

জুতো হাতে নাও, এই যেমন আমি নিয়েছি।

আলতা পরা রয়েছে—কাদা লেগে সব বিচ্ছিরি হয়ে যাবে। আমি এত জিনিস নিয়েছি, তুমি কিছু নিলে না। তুমি আমাকে নাও।

প্রতুল বলে, বা রে। তোমার ভার আর তোমার এসব জিনিসের ভার লম্বা পড়বে আমার উপর।

এক বিচিত্র অশুভূতি ! ক’দিন মাত্র আগে কতদূরে ছিল এই একেবারে আপনার মানুষটি ! অলকা বলে, ধ্যেং, দেখ দিকি—ড্রাইভার বেটা আবার পিছন ফিরে চায়। কি ভাবছে বল তো। আর তুমিও চলেছ ডিমিয়ে ডিমিয়ে—

গভীর স্নেহে প্রতুল তাকে নিবিড়তর বন্ধনে বেঁধে ফেলে। খোঁপা খুলে বিহুনি জল ছুঁয়ে যাচ্ছে। অলকা বলে, দেখ কাণ্ড-না, তোমার জালায়—একি, কপালের টিপটা ফেলে দিলে তো !

প্রতুল ভয় দেখায় : ঝগড়া করবে তো দেবো এই শোলাবনের মাঝখানে কেলে। দেবো ? দিই ?

ডাকবাংলোয় এক চৌকিদার আছে। ড্রাইভার বলে, তাকে পাবেন না স্তার। পান-সুপারির ব্যবসা করে—দিনমানেই দেখা মেলে না, এখন তো হল রাত দুপুর। এমন-তেমন মানুষ এলে তখনই কেবল ইঁচুরে-কাটা পাগড়িটা পরে সেলাম করে দাঁড়ায়।

একটিমাত্র কামরা, তা-ও ভিতর থেকে বন্ধ। ড্রাইভারের টর্চ নিয়ে খোঁজাখুঁজি করতে পিছনের বারান্দায় দেখা গেল, খানিকটা ঘেরা মতো জায়গা—চার-পাঁচখানা বেঞ্চি আছে, হাতা-ভাঙা চেয়ার আছে। পাঠশালা বদে থাকে এখানে তার, চিহ্ন রয়েছে। একটা বেঞ্চিতে শুয়ে পড়ে অলকা লক্ষ্যদেশ দেয় : তুমি ঐখানটা শোও—

প্রভুল বলে, শুয়ে পড়লে—তোমার কাপড় যে ভিজে-অবজবে, ছাড়তে হবে না ?

ঝনাৎ করে চাবির গোছা ফেলে দিয়ে অলকা নিশ্চিন্ত আলস্তে চোখ বুঝল।

প্রভুল বলে, কি হয়েছে দেখ। ঠাঁকের ভিতর অবধি জলের পাথর। শাড়ি-ধুতি একটাও শুকনো নেই। কি হবে ?

মধুর হেসে অলকা বলে, হবে আবার ছাই। শুয়ে পড়।

বিরক্ত হয়ে প্রভুল বলে, তুমি মাহুস নও।

নই-ই তো। তুমি যে কত কি বলে থাক। ওগো, বল না, শুনি—মানসকমল, সোনার-পরী, আরও কি-সব ভাল ভাল কথা ?

প্রভুল বলে, পরী না আরও-কিছু ! তুমি একটি গাথা। ভিজে কাপড়ে থাকলে নিমোনিয়ায় ধরবে, এই বুদ্ধিটুকু নেই।

মাথায় এক মতলব এল প্রভুলের—কাপড় হাতে করে এসে বলে, ওঠ দিকি দয়া করে, শুকনো কাপড় পরে আমায় কৃতার্থ কর।

চোখ মেলে অলকা বলে, এই যে বললে সমস্ত ভিজে গেছে। কী মিথ্যাক তুমি গো !

বাইরে কাপড় মেলা আছে কতগুলো, ওঁরাই মেলে রেখেছেন।

অলকা বলে, তাই অমনি নিয়ে এলে ? পরের কাপড় পরতে আমার যুগা হয়।

কাদা-মাথা নোংরা কাপড় পরে আছ, তাতে যুগা হচ্ছে না ? এ তো দিব্যি গরদের শাড়ি। আসল কথা, উঠতেই আলসেমি। সে আমি শুনিছি নে, ভিজে কাপড় পরে তোমায় থাকতে দেব না আমি।

বাবা রে বাবা, তোমার শালনের জালায় যাই কোথায় !

অলকা উঠে গিয়ে কাপড় বদলে এল। বলে, সকালবেলা উঠে ওঁরা কি ভাববেন !

উঠবার আগেই যেমন কাপড় তেমনি মেলে রেখে দিও। তোমার কাপড়ও একখানা শুকোতে দিয়ে এলাম, ততক্ষণে শুকিয়ে যাবে।

ভাল করে ভোর হয় নি, কাক ডাকতে শুরু করেছে সবে। ড্রাইভার এসে ডাকতে লাগল : শুনেছেন স্ত্রীর ?

প্রভুল উঠে দেখে, অলকা বিভোর হয়ে ঘুমুচ্ছে। দেখলে মায়া হয়—একেবারে ছেলেমাহুসটি, বয়সের তুলনায় আরও যেন ছেলেমাহুস। অজানা জায়গা, তা বলে একটুখানি হুঁশ নেই, কেমন করে ঘুমুচ্ছে দেখ। আহা ধুমোক !

ড্রাইভার বলে, আমার ডাডার টাকা মিটিয়ে দিন, আমি যশোর ফিরছি।  
পায়ে হেঁটে যাব, সকাল সকাল রওনা না হলে কষ্ট হবে।

তোমার গাড়ি ?

গাড়ি থাকবে এই রকম। রাস্তায় এসে দেখে যান না।

বিলের জল ছাপিয়ে রাস্তার উপর দিয়ে গড়াচ্ছে, খানিকটা জায়গা ভেঙেও  
গেছে। ভাড়া জায়গার মুখে এসে মোটর দাঁড়িয়েছে। চাকার অর্ধেকটা  
তখনও ডুবন্ত।

ড্রাইভার বলে খামকা বকাবকি করলেন। আমিও আঁধারে ঠাহর  
পেলাম না—ভাবলাম, সত্যি বুঝি বিলে নেমেছি। ঘুমলেও কি রকম হাঁশ  
থাকে দেখলেন ? এই গোটা রাস্তা আমার মুখস্থ। ডাডার টাকা কিন্তু  
পুরোপুরি চাই শ্রার।

বাড়ি পৌঁছলাম না, পুরো ভাড়া কি রকম ?

মনিব শুনবে না। আর আমার যখন দোষ নেই—

তা বটে ! রাস্তা ভেঙেছে, তার দোষ আমার। গাড়ি জল থেকে  
তুলে অল্প কোন পথে যাবার জোগাড় দেখ না।

সেই জগ্গেই তো যাচ্ছি, ভাড়াটা মিটিয়ে দিন। ইঞ্জিনে জল ঢুকেছে,  
দিনলগ্নতক এখন একদম আর নড়াচড়া করবে না। এ্যাক্সিন তো বসে থাকতে  
পারবেন না, আপনি পালকি-টালকি করে চলে যান।

পুকুর-ধারে পালকি দেখা যাচ্ছিল। প্রতুল বলে, ঐ একটা রয়েছে।  
ঠিক করে দাও না।

ভাড়া-করা পালকি শ্রার। বেহারার সঙ্গে তামাক খেয়ে এলাম। কাল  
রাত্রে এঁরা যাচ্ছিলেন, ঝড়জল দেখে ডাকবাংলোয় নেমে পড়েছেন, এন্টনি  
উঠে রওনা হবেন। আপনি গাঁয়ে চলে যান না, ছুঁথানা কেন—দশখানা  
পালকি পেয়ে যাবেন।

ঘুমের ঘোরে অলকা শুনতে পাচ্ছে, কামরার ভিতর কর্তা-গিন্নিতে  
বচসা। কর্তা রাগত স্বরে বললেন, চুকট নেই, তা তুমি এসেছ কি করতে ?

গিন্নি বলছেন, আমি কি তোমার নবীন খানসামা, চুকট হাতে পিছন  
পিছন ছুটতে হবে ?

চুকট আনলেই অমনি খানসামা হয়ে গেলে ? আমি তোমার জগ্গে কী  
না করছি ! তুমি পানে দোক্তা খেতে, আমি পানই খেতাম না। শেষে  
তোমার খাতিরে দোক্তা অবধি ধরলাম।

আমাকেও চুকট ধরতে বল নাকি ?

তাই বলছি বুঝি। একটা চুফট দিতে দিনের মধ্যে পঞ্চাশ বার ভুলে যান—উনি আবার চুফট ধরবেন! জান তো সকালবেলা ধোঁয়া না হলে মন আমার খিঁচড়ে থাকে, কোন-কিছু ভাল লাগে না।

হাসি পায় অলকার। সব পুরুষ একরকম। ইঞ্জিন ধোঁয়া ছাড়ে—পুরুষেরা চুফট মুখে দিয়ে ধোঁয়া ছাড়ে, তা নইলে তারা নড়তে পারে না।... তার পর আবার ঘুম একটু গাঢ় হয়েছে, হঠাৎ সে খড়মড়িয়ে উঠল। এবারে কথা কাটাকাটি নয়, রীতিমত সোরগোল। কামরা থেকে ওঁরা বাইরে চলে এসেছেন। গিল্লি উত্তেজিত স্বরে বলছেন, শাড়ি চুরি হয়ে গেছে। একশবার বললাম, ঘরের মধ্যে যদু'র শুকোয় শুকোক, চোর-ছ্যাচড়ের দেশ। তুমি শুনে না। গরদের ভাল শাড়িখানা আমার!

অলকা উঠে দাঁড়িয়েছে। সর্বনাশ, ওঁরা এই বারান্দার দিকেই আসছেন, শাড়ি তার পরা রয়েছে এখনও। এমনি রাগ হতে লাগল প্রভুলের উপর! বেশ মাল্হুটি—নিজের ভোর থাকতে উঠে গেছে, তাকে একটু ডেকে দিয়ে যেতে হয়!

অলকার সামনে এসে গিল্লি তীক্ষ্ণ দৃষ্টিতে চেয়ে রইলেন : তুমি কে বাছা?

অলকা হাসবার মতো ভান করল। বলে, পথ-চলতি মাল্হু মা—আপনারা যেমন এখানে এসে পড়েছেন, আমরাও তেমনি।

গিল্লি বললেন, তা তো হল। কিন্তু ঐ কাপড় পরে আমি ত্রি-সঙ্ঘ্যা আহ্নিক করি। বলা নেই, কওয়া নেই—কোন জাতেব মেয়ে তুমি ঠিকঠিকানা নেই—তুমি যে বাছা কাপড় পরে ছুগুগোঠাকরুন হয়ে আছ—

কথা শুনে এমন অবস্থায়ও হাসি আসে। অলকা বলে, আমি মুচির মেয়ে, চেহারা দেখে বুঝতে পারছেন না? ফাঁকতালে আপনার কাপড় পরে নিলাম।

কাপড় পেয়ে গেছ? কার সঙ্গে কথা হচ্ছে? কর্তাও চলে এলেন। তিনি বলতে লাগলেন, তাই তো বলি, কে আবার চুরি করবে! সেই সেই পেয়ে গেলে, মিছামিছি খানিকটা চেষ্টামেচি করলে।

গিল্লি বললেন, ঐ কাপড় আমি ছোঁব নাকি? উঠোনব কাদায় ছুঁড়ে ফেলে দেব। চুরি আর কাকে বলে?

এইবার—বোধকরি পুরুষমাল্হু'র সামনে হচ্ছে বলেই—অলকার চোখে-মুখে যেন আগুন ধরে গেল। বলে, আপনার ফেলতে হবে না—আমিই ফেলে দিচ্ছি।

ছুটে ওধারে গিয়ে তাড়াতাড়ি সে আগের দিনের কাদা-মাখা কাপড়খানা

পরল—বান্ধ খুলে একমুঠো টাকা নিয়ে বনবন করে লিমেন্টের বারান্দায় ছুঁড়ে দিল। বলে, কত টাকা দাম, নিয়ে নিন। আরও লাগবে? বলুন—বলুন—

কর্তা-গিন্নি দুজনে হতভম্ব হয়ে রইলেন। শেষে কর্তা বললেন, এটা কিছু বড্ড বাড়াবাড়ি। চুরি করবে আবার চোখ রাঙাবে, একসঙ্গে দুটো হওয়া কি উচিত?

অধীর কর্তে অলকা বলে, এক-শ বার বলছি, চুরি করি নি—

কিন্তু ‘না বলিয়া লইলে’—প্রথম ভাগের কথা!

অলকা বলে, দরজায় খিল এঁটে আপনারা ঘুম দিচ্ছিলেন, বলি কি করে? আমরা এদিকে রাতদুপুরে ভিজে কাপড়ে হি-হি করে মরি—

চোখ দিয়ে টপটপ করে জল পড়তে লাগল, বলে—ঐ ভাবে থাকলে ঠিক হত, রাতের মধ্যে নিমোনিয়া ধরত। বাবা-মা কেউ আমার কাছে নেই—দিব্যা হত!

কর্তা বিচলিত হয়েছেন, ভাবে বোঝা গেল। বললেন, যাই বল গিন্নি, না জেনে ও রকম করা তোমার ঠিক হয় নি।

গিন্নি ভয়ে ভয়ে একবার অলকার দিকে তাকালেন, তখনও তার অশ্রু বেয়ে পড়ছে। বললেন, তুমি তো আমারই দোষ দেখবে—আমায় কি কিছু খুলে বলেছে? কেবল তোমার কাছে গালি খাওয়াবার মতলব।

কর্তা বিব্রতভাবে বললেন, গালি আবার কখন দিলাম, এই দেখ! বললাম যে, মন খিঁচড়ে আছে—কোন কাজে সুবিধে হবে না আজ। যে জায়গায় যাচ্ছি, সেখানে গিয়েও খণ্ডপ্রলয় বাধবে দেখছি।

অলকা স্ট্রাটকেন্স থেকে চুরটের কোঁটা এনে ঠক করে জানলার উপর রাখল। বলে, এই নিন, আর প্রলয়ে কাজ নেই—মন ঠাণ্ডা করুন গে।

চুরট দেখে কর্তার মুখ হাসিতে ভরে গেল : বাঃ বাঃ, একেবারে খাটি জিনিস। বাঁচালে মা—কিন্তু তুমি জানলে কি করে এ নইলে আমার একদণ্ড চলে না? আর হঠাৎ তুমি পেলেই বা কোথায়?

মহানন্দে একটি ধরিয়ে নিয়ে বলতে লাগলেন, দেখ গিন্নি, তিরিশ বছর ঘর করছি—তোমার মনে থাকে না, আর—

শাস্তকর্তে অলকা বলে, আর ঝগড়ায় দরকার নেই, যান। ঠাণ্ডা মনে ভাবুন গে, একটা গরদের কাপড়ের দাম কত হওয়া উচিত।

ঈজিচেয়ার ছিল একখানা, তার উপর গড়িয়ে পড়ে কর্তা মিনিট কয়েক চূপচাপ ধূম উদ্দীর্ণ করতে লাগলেন : ওরে কানাই, গুছিয়ে নে, রওনা হওয়া বাক এবারে।



সর্দার-বেহারী কানাই বলল, হজুর, ইয়ে হয়েছে। ওরা সব বলল, গাঁয়ে স্বভাতি রয়েছে—তাদের ওখানে গিয়ে আরামে শুই গে। পালকি আমার জিম্মায় রেখে রাজে তারা গাঁয়ে চলে গেল। এখনও ফেরে না—লক্ষ হয় ব্যোম-ভোলানাথ হয়ে আছে কোথাও পড়ে। আমি না হয় ছুটে দেখে আসি।

তুই আবার কোথাও পড়ে থাকবি নে তো?

কর্তা একটা চুরুট শেষ করে দু-নম্বর ধরালেন। তার পর ডাকতে লাগলেন, মা লক্ষ্মী, এদিকে আসবে একটা?

অলকা এনে দাঁড়াল।

তোমার সঙ্গে কে যাচ্ছে? মানে, আর কাউকে দেখছি না তো!

তিনি পালকির চেটায় গেছেন। আমি ঘুমচ্ছিলাম, তাই এখানকার চৌকিদারকে বলে গেছেন। দেখুন না, আমাদের মোটর ঐ ভল খাচ্ছে।

অলকা খিলখিল করে হেসে উঠল।

কর্তা মৃদুকণ্ঠে বললেন, এমনি তো খাসা মাহুষ। বুদ্ধি-বিবেচনা আছে, সব আছে। রাগটা একটু কম কোর—বুঝলে মা, স্বখে থাকবে।

দরজার ওদিক থেকে গিল্লি বলে উঠলেন, আর তুমি নিজেও। তোমার জন্তো তো এই দুর্ভোগ। নিজের পেটের মেয়ের মতো—দে-ই' কিনা মুখের উপব'টাকা ছড়িয়ে দেয়, গরদের শাড়ি টান ঘেরে ছুঁড়ে ফেলে।

কর্তা বললেন, কিছু আমি কি করলাম?

তুমি কর নি? ছেলে বিয়ে করবে, তা বন্দুক নিয়ে চললে কোন্ লজ্জায় শুনি? আমি তখন কি করি—নষ্টলে বয়ে গেছে আমার পিছু পিছু ছুটতে।

অলকা চমকে যায়। ত্রিনিসপত্র ইতিমধ্যেই কিছু বারান্দায় বার করা হয়েছে। দেখে, হোল্ড-অলের উপর নাম লেখা আছে, নৃত্যলাল রায়।

ছেলে আপনাদের অমতে বিয়ে করছে বুঝি?

নৃত্যলাল বললেন, মত কি অমত ভাল করে খোঁজ নিল কি হতভাগা? পাছে অমত করি, তাই মামার সঙ্গে ষড়যন্ত্র পাকিয়েছে। উ, মেয়েটাকে একবার চোখের দেখা দেখতে দিলেও শ্রীমানের স্বাধীন মতবাদ উড়ে পালাত।

গিল্লি বললেন, আর সেই জন্তো বাবুর বন্দুক নিয়ে গুলি করতে যাওয়া হচ্ছিল।

নৃত্যলালের দিকে চেয়ে লঘুকণ্ঠে অলকা জিজ্ঞাসা করে, গুলি কাকে করতেন? বলুন না। মেয়েটাকে—তাই না? পরের মেয়ে—সেই সুবিধে—নিজেদের তো নয়!

গিল্লি বললেন, রাগ হলে উনি সব পারেন মা। সে চেহারা তো দেখ নি।

আমি কেবল লারাজয় ভয়ে ভয়ে কাটিয়ে গেলাম। তোমার মতো একটি বণবক্ষী ঘরে আনতে পারতাম, সে-ই ঠুকে জব্ব রাখতে পারত। দেখলে না, চুরট নিয়ে কী রকম হুড়হুড় করে এখানে এসে বসলেন।

কানাই আর কেরে না। বেলায় দিকে চেয়ে কর্তা-গিন্নি দুজনেই উদ্বিগ্ন হচ্ছেন। আবার অলকা এলো, হাতে দুটো বাটি আর কেটলি। কেটলির নল দিয়ে ধোঁয়া উঠছে।

কর্তা সভয়ে বললেন, আমি চা খাই নে। তুমি ভাববে, হাতে খেতে চাচ্ছি নে। সে সব কিছু নয়, সত্যি চা খাই নে।

অলকা বলে, চা নয়, দুধ। পাশেই গোয়ালবাড়ি, চৌকিদারকে দিয়ে দুধ আনিয়েছি, কেটলি-বাটি খুব ভাল করে মেজ্জেছি।

নৃত্যলাল একগাল হেসে হাত বাড়ালেন : দাও দাও, আর বলতে হবে না—অযুতে আবার অরুচি ! আচ্ছা মা, কি করে তুমি টের পেলে এখানে পেটুকদাস এসেছে, সকালে যতক্ষণ পেটে কিছু না পড়বে, মনটা খালি আইটাই করবে।

অলকা হেসে বলে, আমি হাত গুনতে পারি। আর এক বাটিতে দুধ ঢেলে গিন্নিকে বলল, আপনি খাবেন না ? আমি মুচির মেয়ে নই, সত্যি বলছি।

গিন্নি গম্ভীর মুখে বললেন, দাও। ‘না’ বললে এখনি বাটিসুদ্ধ ছুঁড়ে ফেলে দেবে তো ! তার কাজ নেই।

কর্তা-গিন্নি কথাবার্তা বলছেন, অলকা ওদিকে গেছে। কর্তা বারম্বার রাস্তার দিকে তাকান।

কি ?

সাইকেল ঘাড়ে করে জলের উপর দিয়ে কে যায়, দেখ তো—কালীপদ না ? হুঁ—সে-ই। কালীপদ, ও কালীপদ !—ফুটি করে তোমার ভাই বিয়ের বাজার করতে ছুটেছেন—বুঝলে ? দাড়া করতে বাড়ি যাচ্ছিলাম—শালাকে পথেই পেয়ে গেছি।

কালীপদ এসে পায়ের ধুলো নিল। সুহাসিনী পা সরিয়ে নিলেন। কর্তা বললেন, এস দিকি, কাছে এগিয়ে এস—এখান থেকেই কান মলতে শুরু করি।

কালীপদ বলে, আমি বিন্দুবিসর্গ জানি নে বড়দিদি, কেন মিছে রাগ করছ ? কাল বিকেলবেলা তোমার আর প্রতুলের চিঠি একসঙ্গে পেলাম। পেয়ে ছুটে যাচ্ছি তোমাদের কাছে।

চিঠি বের করল। বলে, এই দেখ—সমস্ত কথা খুলে লিখেছে, বিয়েও হয়ে গেছে।

সে কি, এর মধ্যে হয়ে গেল ?

এই দেখুন না। বিয়ে হয়ে গেছে। বউ নিয়ে সে যাচ্ছে আমাদের ওখানে। সেখান থেকে বাড়ি যাবে।

নৃত্যলাল বোমার মতো কেটে পড়লেন : বাড়ি গেলে জুতো মেরে বউমুখ ত্যাগিয়ে দেব।

প্রতুল গ্রাম থেকে কখন ফিরেছে। ক্ষতপায়ে সে সামনে এল। অলকাও পিছনে। বলে, জুতো মারতে হবে না বাবা, এখান থেকেই বিদায় হচ্ছি। আপনার বাড়ি আমরা ঢুকব না।

আমরা মানে ? নৃত্যলাল সবিস্ময়ে বললেন, এই মেয়ে বিয়ে করেচ তুমি ?

এবার স্বহাসিনী রেগে উঠলেন : কোথায় যাবি তোরা ? ইঃ, যাব বললেই হল ! আমি সঙ্গে এসেছি কি করতে ? জানি, এইরকম হবে। আমার ছেলে-বউ আমি বাড়ি নিয়ে তুলব, জোর করে পালকি পুরে নিয়ে যাব, কে ত্যাগিয়ে দেয় দেখি।

উত্তেজনাতে উঠে দাঁড়িয়ে স্বহাসিনী বাঁ-হাতে অলকাকে বেঁধে ধরলেন।

নৃত্যলাল নরম হয়ে গেছেন, সভয়ে অলকার দিকে তাকিয়ে মুখভাব দেখছেন। অথচ রণরঙ্গিনী মেয়ে এখন নিঃশব্দে হাসছে। বলে, বাবা, দিন ত্যাগিয়ে ওকে, তার পর আমরা সব পালকি করে বাড়ি গিয়ে উঠি। আপনার মতো মানুষ—তার সম্বন্ধে কত কি মিথ্যে ভয় দেখিয়েছে, জানেন ? রাগি মানুষ—মারবেন, কেটে ফেলবেন, হেন-তেন কত কি ! এখন আবার বাহাদুরি হচ্ছে, বাড়ি ঢুকব না—বিদায় দিয়ে চললাম।

নৃত্যলাল হো-হো করে হেসে উঠলেন : বেশ হয়েছে, খাশা হয়েছে। স্বাধীন মতের খাণ্ডব-দাহন হবে। আমার কি, সকালে উঠে চুরুট পাব, গরম দুধ পাব। আমি দেখি নি, শুনি নি, কিছু জানি নে—নিজে দেখে শুনে করেছে বাপু।

কালীপদ বলে, নিজে দেখে শুনে করেছে, আপনি চটেন নি ?

নৃত্যলাল বলেন, আর চটি নে। আমার একটা ধারণা ছিল বটে। কিন্তু দেখলাম, মেয়েরা সব ভাল। আমি বাবার কানমলার ভয়ে তোমার বড়দিকে না এনে ধরো যদি শিবানীকেই বিয়ে করে বসতাম, কিছু ইতরবিশেষ হত না। সে যাই হোক, আমরা বাড়ি যাচ্ছি—তুমিও সঙ্গে চলো কালীপদ, বউভাতের পর ফিরবে।

## লজ্জা

মেয়ে নেই বাড়িতে। পাড়ায় বেরিয়েছে। বেশি দূরে নয়—ছুটো বাড়ির পর মণ্টু স্তরের বাড়ি। মণ্টুর মেয়ে খনার সঙ্গে বড্ড ভাব। ছপুয়-বেলাটা প্রায়ই গিয়ে তাস খেলে, অথবা মেতার বাজায়। আহা, কল্পক গিয়ে তাই—যে বয়সের যা। কর্তা আহারের পর গড়গড়ার নল মুখে নিয়ে ডাক দিলেন, কই মা, দেখ্ দিকি আবার ক'টা চুল পেকে গেল! দুর্গাবতী তাড়া দিলেন, উহ, খনা ডাকতে এসেছে। ও যাক। পাকাচুল আমি তুলে দিচ্ছি।

অক্ষয় হেসে বললেন, রক্ষে কর। তুমি তুলবে—পাকা কাঁচা বোঝবার চোখ আছে? যে ক'টা কাঁচা চুল তবু আছে, তুলে একেবারে সাবাড় করে দেবে।

অলকা বলে, আমার কাজ আমি করব বাবা। তোমার মাথা মাকে ছুঁতে দিচ্ছি কিনা!

খনা এসেছে যে।

এসেছে, ফিবে চলে যাক। কাজকর্ম সেরে তার পরে আমি যাব। ও না থাকলে যেতে পারি নে বুঝি?

অক্ষয় ঘাড় নেড়ে বলেন, ভুট্ট যা এখন। ঘুম ধবেছে, আমি ঘুমব।  
পাকাচুল পালিয়ে যাচ্ছে না, কাল হবে।

বলেই নিজার আবেশে চোখ বুজে পড়লেন। এর পবে কি কববে আর অলকা! মেয়ে চলে যেতে চোখ মেলে অক্ষয় হা-হা করে হাসতে লাগলেন :  
এতকাল মানুষ করে মেয়ে পবঘরি করে দিলাম। ক'দিনই বা থাকবে! যদু'র পারি সেবা-টেবা নিয়ে হিসাব চুকিয়ে দিচ্ছি।

দুর্গাবতী বলেন, আমিও তাই বলছি। থাকতে দেবে ক'দিনই বা! নিয়ে গিয়ে দাসীবৃত্তি চেডীবৃত্তি করাবে। যাদন আছে কাজকর্মে ওকে ডেকে না, আমোদ-সুখি করে বেড়াক।

আঁ, দাসীবৃত্তি করায় নাকি বিয়ের পর? একজন দাসী এই তুমি যেমন? দেখ, হুঁদে স্বভাবের জন্তু আমায় সেকালে বলত বাঘ। শ্রীচরণের দাসী হয়ে এসে তুমি সেই বাঘের গলায় দড়ি পরিয়ে ঘাস-বিচালি খাওয়াচ্ছ। বিয়ের পরের হালটা লোকে যদি বুঝতে পারত, বলছি বড়বউ, অর্ধেক বর ছাতনাতলা থেকে পালাত, বাকি অর্ধেক ভিড়তই না মোটে এ-তালে।

অক্ষয় হাসতে লাগলেন। কিন্তু দুর্গাবতী হাসেন না : সে তোমার ঐ  
ইদা মেয়ে নয়। পরের ছেলে বশ করতে সাধ্যসাধনা করতে হয়। ও  
মেজাজে তা হবে না।

কৌশল করে নিশ্বাস ফেলে বলতে লাগলেন, শতেক খোয়ার আছে মেয়ের  
কপালে। আমরা দেখে শুনে দিলে কি হবে, বিধিলিপি খণ্ডানো যায় না।  
আপন ভাল পাগলেও বোকে, ও হতভাগী একটা কথা যদি কখনো নেবে  
আমার!

অক্ষয় বলেন, সেদিন এই বিয়ে হয়েছে—ভাল করে আলাপ-পরিচয়ই হল  
না। এরই মধ্যে তোমাদুই আকাশ-পাতাল ভাবনা। সোনার ছেলে গুড়ুল,  
ও-ছেলের হাতে মেয়ে কখনও কষ্ট-দুঃখ পাবে না।

ছেলের কথা হচ্ছে না। পরের ছেলের দোষ ধরে কি হবে? মেয়ে যে  
বীদর। কোন লয়ে দেখা—যেন চাল আর তেঁতুল! কত জন্মের শত্রুতা  
যেন দু'জনার মধ্যে!

জানলার বাহরে হঠাৎ দুর্গাবতীর নজর পড়ে গেল। বললেন, পিওন  
এসেছে। দেখে আসি।

সেই গেলেন, ফিরে আসার নাম নেই। অক্ষয়ের হাঁতিমধ্যে ঝিমুনি এসেছে,  
হাতের নল পড়ে গেছে। দুর্গাবতীর সাড়া পেয়ে আবার সোজা হয়ে বসতেন।

দেখ, মিছে। ক সত্যি বলেছিলাম, পড়ে দেখ এইবার।

খামের চিঠি। অক্ষয় জ্বিত কাটেন : এ তো গুড়ুল লিখেছে অলকাকে।

দুর্গাবতী তখন করে ওঠেন : ইয়া, লিখেছে। চোখ বুজে থাকলে চলবে  
না। কি লিখেছে তাই পড়তে বলছি।

এই বয়সে কত কি আবোল-তাবোল লেখে, সে কি আমাদের পড়বার  
জিনিস?—অক্ষয়ের গৌফের ফাঁক দিয়ে একটু হাসি ফুটে বেরুল। বলেন,  
মনে করে দেখ এড়বউ, আমাদেরও বয়স ছিল। আমাদের চিঠিপত্তোর যাদ  
কর্তারা চুরি করে দেখতেন, কী রকমটা হত ভাব দাঁক!

দুর্গাবতী বলেন, আমরা আর এরা! ভালবাসা কি বস্তু, তা এরা জানে  
নাকি? কাঁচা বয়স ওদের—আমরা জানি বলে তাই। নয়তো চিঠি পড়ে  
বলতে হবে, ত্রিকালের কোন জরদগব নাতনীকে হিতোপদেশ দিচ্ছেন—

রাগে তরতর করে ভিতরের চিঠি বের করে ফেললেন। জল লাগিয়ে  
সাবধানে খাম খুলে একবার পড়ে এসেছেন আগেই। চিঠি এগিয়ে ধরলেন  
একেবারে অক্ষয়ের মুখের উপর : দেখছ, পাঠ দিয়েছে ‘মাননীয়সাহ’।  
‘আপনি’ ‘আপনি’ করে লিখেছে—

অক্ষয় বলেন, তাই দেখ, আজকালকার শিক্ষিত ছেলে মহিলার কেমন সর্বাদা দেয়। দু-মাস বিয়ে হয়েছে, অভ্যাস এখনও কাটিয়ে উঠতে পারে নি।—বলতে বলতে হেসে উঠলেন : আমি কত নিচে নেমে গিয়েছিলাম—চিঠিতে তুই-তোকারি পর্যন্ত করেছি। নয় বড়বউ ?

খুব হাসতে লাগলেন তিনি। হাসি সংক্রামক। দুর্গাবতীর রুটে চোখ একটু যেন ঝিকমিকিয়ে ওঠে। একবার এদিক-ওদিক দেখে নিয়ে বলেন, তা বলে তোমার মতন বেহায়া-বেলাজ না-হয় যেন। চিঠির পাঠই চলত একনাগাড় আড়াই তিন লাইন। কী কাণ্ড ! অনেক পরে, অমল বেশ বড়সড় হয়েছে তখন, ইত্থলে যায়—দেখি, বানান করে করে তোমার সেই পাঠ পড়ছে। কী লজ্জা, কী লজ্জা ! কেড়ে নিলাম তো চোঁচিয়ে কেঁদে উঠল। মুখে সন্দেহ শুঁজে দিয়ে ছেলে তবে ঠাণ্ডা করতে হয়।

চুলে একটা-দুটো পাক ধরেছে দুর্গাবতীর। দেবীপ্রতিমার মতো অমন মুখে খাঁজ পড়ে যাচ্ছে। কতকাল আগের সে সব কথা ! বলতে বলতে কণ্ঠ তবু স্নিগ্ধ হয়ে আসে। অক্ষয় চিঠিটা হাতে নিয়ে নিলেন। না, বড়বউয়ের রাগ অকারণ নয়, মেয়ে-জামাইয়ে ভাব হয় নি। এর আগে নিশ্চয়ই কড়া কড়া লিখেছিল অলকা, তারই জবাব। সেই কড়া চিঠিরও হেতু অসুমান হচ্ছে, নিয়ে যাবার প্রস্তাব করেছিল বেচারী প্রতুল। উঃ, কী সব হচ্ছে এখনকার এরা ! লেখার বাঁধুনিটা দেখ—তোম ভি মিলিটারি, হাম ভি মিলিটারি ! প্রেমপত্র বলে ভাবছিলেন, কিন্তু এ হল দুই সেনাপতির লড়াইয়ের পায়তারা।

স্বর-বাড়ি থেকে আমোদ-স্বৃতি সেরে অলকা ফিরে এলো। তখন বেলা পড়ে এসেছে। এসে সাবান-তোয়ালে নিয়ে চান-ঘরে ঢুকতে যাচ্ছে।

দুর্গা বললেন, চিঠি—

বাঁ-হাতের দুটো আঙুলে চিঠিটা ধরে এক নজর দেখল। তার পর খাটের উপর রেখে দিয়ে ধীর-পায়ে চান-ঘরে ঢুকে গেল।

দুর্গাবতীর ধৈর্য রাখা দায়। এর পরে তো চিৎকার করে বলতে হয়, পড়ে দেখে যা একবার হতভাগী। কিন্তু বলেন কি করে—তবে তো প্রমাণ হয়ে যায়, জামাইয়ের চিঠি চুরি করে পড়েছেন তিনি। বিস্তর কষ্টে অতএব রাগ চেপেচুপে থাকতে হয়।

তার পরে ধীরেস্থস্থে গা ধুয়ে বেরিয়ে অলকা দেবী রান্নাঘরে ঢুকে চায়ের বাটি নিয়ে বসলেন। খামের চিঠি তেমনি পড়ে আছে—ভুলেই গেছে লজ্জবত। দুর্গাবতী সে সময়টা এদিকে ছিলেন না, ঘরের মধ্যে বালিসে ওয়াদ পড়াচ্ছিলেন। এসে দেখেন, এই কাণ্ড। গতক দেখ একবার। স্বামী

বলে ভয়-ভক্তি চুলোয় থাক, এতদূর তুচ্ছতাছিল্য! চিঠিটা খুলেই দেখল না—তার ভিতরে সাপ আছে না ব্যাঙ আছে। মেয়েদের লেখাপড়া শেখানো এবং খেড়ে করে বিয়ে দেওয়া আজকাল ফ্যাশান হয়েছে—ওই হয়েছে কাল। আমাদের সময় ছিল ‘পতি পরম গুরু’—পতি মুখ বেজার করলে জগৎ অন্ধকার। ওরা এখন জেনে বসে আছে, অকস্মে এক-শ টাকার কেরানির চাকরি ঠেকায় কে? পুরুষমানুষকে তাই কেয়ার করে না।

গম্ভীর তীক্ষ্ণ স্বরে দুর্গাবতী জিজ্ঞাসা করলেন : প্রতুল আছে কেমন রে ? কি লিখল ?

ও, হ্যাঁ, চিঠি এসেছে, আমি একেবারে ভুলে গিয়েছিলাম।—খিলখিল করে হেসে উঠল : ভাল থাকবে বইকি মা, চিঠি তো খুব ভারীই ঠেকল। শরীর বেজুত হলে অত লেখা আসত না।

তা দয়া করে চিঠিটা খুলে পড়েই বল না। আন্দাজে টিল ছোঁড়ার দরকারটা কি ?

তার উত্তরে পাজি মেয়ে কি বলে শুনবে? বলে, খাচ্ছি দেখতে পাও না? খেতে খেতে খোলা যায় কেমন করে? তুমি খুলে দেখ না এতই যদি ব্যস্ত হয়ে থাক।

দুর্গা বললেন, বয়ে গেছে আমার।

ও-মেয়ের মুখোমুখি দাঁড়িয়ে মেজাজ ঠিক রাখা যায় না। চলে গেলেন তিনি। অলকা নিশ্চিন্তে লুচির পর লুচি শেষ করতে লাগল।

ডাক্তারখানা বাজারের উপর। দিবানিত্যের পর অক্ষয় সেখানে গিয়ে বসেন। কল এলে সাইকেলে বা নৌকোয় সেখান থেকে বেরিয়ে যান। কল আসছেও বেশ। নদীর ওপরে শিববাড়ি, চৈত্র-সংক্রান্তির দিন থেকে সেখানে মেলা বসেছে। এক মাস চলবে। পুরনো মেলা, বিস্তর নাম। এই তল্লাটের উৎকৃষ্ট কাঠের কাজ, বাঁশের কাজ ও বেতের কাজ আমদানি হয় মেলায়। অনেক দূর থেকে লোকজন এসে জমে, শিক্ষিত ও গুলীলোকেরাও অনেকে আসেন। লোক জমলে রোগপীড়া হবে, ডাক্তারদের মজা। সেই মজা জমে উঠছে ক্রমশ। মেলার কল সেয়ে ডাক্তারখানায় নিয়মিত দু-বাজি দাবা খেলে বাড়ি ফিরতে আজ অনেক রাজি হয়ে গেল। সবাই ঘুমিয়ে পড়েছে, দুর্গাবতী কেবল ঘর-বার করছেন। অর্থাৎ ধরবেন চেপে এইবার অক্ষয়কে—খাওয়া সেয়ে গড়গড়া নিয়ে বসতে যেটুকু দেয়।

কিন্তু সেটুকুও আজ ফুরসৎ দিলেন না। আঁচলের তলা থেকে দুর্গাবতী

চিঠির প্যাড বের করলেন—সমস্ত সমস্ত অনেকটা লেখা। ক্রভজি করে বললেন, জবাব যাচ্ছে, দেখ--

বেশ, বেশ। চিঠি পেয়েই জবাব দিচ্ছে, রাগ দেখে খুব ভয় হয়ে গেছে—

সেই মেয়ে বটে তোমার! সন্ধ্যা থেকে আমি টিয়া-পড়ানো পড়াছি : খুব কাতর হয়ে শ্রীচরণের দাসী-টাসি বলে লেখ, আসবার জন্তে মাথার দিব্য দিয়ে লিখে দে। লজ্জার মাথা খেয়ে নানা রকম গৎও বলে দিলাম, 'মাথা থাকিলে এখনই পাখি হইয়া তোমার শ্রীচরণে উড়িয়া যাইতাম'—হু-হু করে দিব্য শুনে গেল, হাসল না, একটি কথাও বলল না। খেয়েদেয়ে তার পর সত্যি সত্যি লিখতে বসে গেল। ভাবলাম, স্মৃতি হয়েছে। লিখলও অনেকক্ষণ ধরে। ঘুমিয়ে পড়লে তখন টিপিটিপি বের করে দেখি, হায় রে আমার কপাল—

খাওয়াদাওয়া শেষ করে কতক্ষণে অক্ষয় নিজে পড়বেন, অতদূর সবু বস না। দুর্গাবতীই পড়ছেন এক-একটা জায়গা থেকে। রাজার নন্দিনী প্যারী কি বাণী ছেড়েছেন শোন একবার—আপনাকে এখানে আসিবার জন্ত মা আমাকে লিখিতে বলিলেন। বলিলেন, পাখি হইলে উড়ি। চলিয়া যাইতাম— এই কথা লিখিতে। নতুবা আপনি নাকি আবার বিবাহ করিবেন—

দুর্গাবতীর ধৈর্য থাকে না। ফাস-ফাস করে চিঠি ছিঁড়ে কুচি-কুচি করলেন। বললেন, যে কথা বলেছি, ঠিক করবে তাই। এত অপমান বোন পুরুষেলে সহিতে পারে না। এখন বুঝে না, সতীন আছে ঠিক ওর কপালে।

অক্ষয় অবশ্য অতদূর বিচলিত নন। হেসে বললেন, ছেলেরা আজকাল খুব পেয়ানা। একটা বিয়েই করতে চায় না। এই প্রভুলকেই দেখ না। লম্বশস্তর হয়ে গেছে, তবু শতেক বায়নাকা। যাচ্ছে সেই ছেলে আর একবার বিয়ে করতে!

বিবাগী হয়ে তবে হিমালয়ে চলে যাবে।

সেটা হতে পারে। যাতায়াতের অসুবিধা নেহ এখন। বাস-সার্ভিস হয়েছে, পায়ে হেঁটে মরতে হয় না। জায়গা ভাল, ঘি-আটা ভালই মেলে—

দুর্গাবতী চটে-মটে চলে গেলেন। হাসতে হাসতে বললেন বটে অক্ষয়, কিন্তু মনে মনে ভাবনা। সত্যিই তো, নতুন বিয়ের পরে কী সব এই বিদঘুটে ব্যাপার! আবার বিয়ে করবে, সে অবশ্য কাজের কথা নয়—কিন্তু বয়স আর মেজাজের দোষে উগ্র চিঠি-লেখালেখি করে বেচারিরা মনে মনে বিষম কষ্ট পাচ্ছে। বাবা-মায়ের উচিত হচ্ছে, বুঝিয়েহুজিয়ে ঠাণ্ডা করে দেওয়া।

দিন আটেক পরে প্লকিত অক্ষয় স্ত্রীকে খবর জানালেন, জামাই আসছে— বোগাড়-বস্তর করো। বেহাই-বেয়ান উভয়কে লিখেছিলাম তোমার হার্টের



অস্থখের দোহাই পেড়ে। মেয়ের দোষ আমরা আদরঘড়ে ভুলিয়ে দেব।  
ভাব করিয়ে দিতে হবে দুটিতে।

অলকার তা বলে গ্রাহ্য নেই। গয়ংগচ্ছ ভাব। বলে, তোমাদের জামাই  
আসছে, আমি তার কি করব? খিতিং-খিতিং করে নাচতে বলো আমায়?

অন্নপূর্ণা বলে পাড়ার একজন বেড়াতে এসেছেন। অক্ষয় পিসি বলে  
ডাকেন, অলকার সঙ্গে অতএব ঠাট্টার সম্পর্ক। তিনি হেসে বলেন, নাচবিই  
তো বটে। একালের নাচুনে-মেয়ে তোরা সব। সেকালে আমরা সেক্কেগুজে  
গয়নাগাঁটি পরে ভয়ে ঘেমে খুন হতাম। তোরা কি তেমন চূপচাপ থাকাব  
পান্তর? বর এসেছে, বর এসেছে—করে ত্রিভুবন জানান দিয়ে বেড়াবি।

মায়ের কাছে অলকা বলে, তোমরা যে ঐ অজুহাত করে বাড়িতে  
আমায় বসিয়ে রাখবে, তা হবে না কিন্তু।

দুর্গাবতী উষ্ণকণ্ঠে বলেন, কোন্ বৃহৎ কাজ আছে শুনি? স্বামীর সেবাযত্ন  
কর।—তাব চেয়ে বড় কিছু আছে নাকি মেয়েমানুষের?

ঠোট ফুলিয়ে অলকা বলে, অজন্তার বাড়ি যেতে হবে না ঐ দিন? তোমায়  
তো বলে রেখেছি।

দুর্গাবতীর কিছুই মনে পড়ে না। বললেন, অজন্তাটি হলেন কোন্ লাট  
সাহেব, শুনি?

খনার মাসতুতো বোন অজন্তা। তার বিয়ে সেদিন।

দুর্গাবতী কড়া হয়ে বললেন, তা সে ঘাই হোক। জামাই আসছে, সেদিন  
তোমার কোনখানে যাওয়া হবে না। পায়ে শিকল পরিয়ে রাখতে হয়,  
তাতেও আমি পিছপা হব না।

মায়ের কাছে স্তব্ধা হল না তো অলকা বাপের কাছে গিয়ে পড়ে : মা'র  
অগ্রায় দেখ বাবা। অজন্তার বিয়ে কি রোজ রোজ হবে?

অক্ষয় বলেন, কিন্তু প্রতুল আসছে যে মা। আমি এত চিঠিপত্র লিখে  
নিয়ে আসছি—

তুমি লিখেছ, তা তুমি থেকে বাড়িতে। ও-দিনটা ডাক্তারখানায় যেও  
না। আমায় জিজ্ঞাসা করে তো চিঠি লেখ নি—তা হলে আমি মানা করে  
দিতাম।

শোন কথা পাগল মেয়ের! বয়স হয়েছে তা কে বলবে, একেবারে কচি  
খুকী তুই মনে মনে।

অক্ষয় প্রভ্রয়ের হাসি হাসতে লাগলেন। বলেন, আমরা তো থাকবই,  
কিন্তু তাতে হয় না মা। অবিভ্রিত্ত তোর কথাও মিথ্যে নয়, অজন্তার বিয়ে

ঐ একবারই হচ্ছে। এক কাজ কর—ছুটো দিকই যাতে বজায় থাকে। বিয়েবাড়ি সকাল সকাল চলে যাবি, প্রতুল পৌছবার আগে, ধর পাচটা সাতটার ভিতর ফিরে আসবি। বলিস, মায়ের অস্থখ। ওই তো আছে আমাদের এক ছুতো, সর্বকর্মে লাগিয়ে দিই।

অনকা আবদার ধরে : না বাবা, ন'টা। অজন্তাদের বাড়ি কি এখানে? সেই রথখোলার কাছাকাছি। সাইকেল-রিকশায় যাব—যেতে আসতেই তো এক ঘণ্টা লেগে যাবে।

ঊহ, নতুন-জামাই- চটে-মটে যাবে। আচ্ছা, তোর কথা থাক আমার কথাও থাক। আটটা—বাস বাস—তার উপরে সিকি মিনিটও আর নয়। আটটা অবধি 'কেমন আছ' 'ভাল আছি' করতে করতে যেমন করে হোক আমি কাটিয়ে দেব।

জামাই এলো।

এস বাবাজি, এসো এসো। পথে কষ্ট হয় নি তো কোন রকম?

হাত-মুখ ধোওয়া ও জলযোগ পর্ব শেষ হল। অক্ষয়ের সেই 'কেমন আছ' ইত্যাদি চলেছে এখন। কিন্তু উদ্বিগ্ন করছে জামাই, কথার জবাব ভাল করে দেয় না। কেন, তা বেশ বোঝা যাচ্ছে। আটটা অবধি সামলাবেন, অক্ষয় বলেছিলেন। কিন্তু সাড়ে-ছটা না বাজতেই এই গতিক। লক্ষ্মীছাড়া মেয়ের আজ বিয়ে দেখাটাই বড় হয়ে গেল। বিয়ে যেন আর দেখে নি! নিজের বিয়েই তো এই সেদিন হয়ে গেল, স্মৃতিফাতি করলি, খাওয়াদাওয়া হল—তা লোভের কিছুতে শেষ নেই।

বুদ্বি করে অক্ষয় বললেন, ক্রান্ত হয়েছ বোধহয় বাবাজি। একটু গড়িয়ে নাও, শরীর ঠিক হয়ে যাবে।

প্রতুল তখন যেন মরীয়া হয়ে বলে উঠল, আজ্ঞে না, আমাকে বেকতে হচ্ছে একটু—

রাগের কথা। সত্যিই তো, কার না রাগ হয় খবর-বাদ দিয়ে শশুরবাড়ি এসে যদি বোঝা যায় শশুর-নন্দিনী উধাও?

প্রতুল বলে, আমার বন্ধু ব্রতীনের বাড়ি এখানে। ব্রতীন তার বাবার কাছে একটা চিঠি পাঠিয়েছে—খুব জরুরি চিঠি। সেইটে দিয়ে আসব।

ব্রতীনকে জানেন বইকি। তাদের বাড়িতে কলকাতার ছেলে প্রতুল বেড়াতে আসে। বিয়ের যোগাযোগ সেই সময় ঘটে যায়। তা মন্দ নয়, ব্রতীনের বাড়ি যাওয়া, লেখানেও 'কেমন আছ' 'ভাল আছি' ইত্যাদি।

ফিরে আসতে ওই আটটাই হয়ে যাবে। দু-দশ মিনিট বেশি ছাড়া কম নয়।

বললেন, ত্রতীনের বাপ আবার গল্পে মাহুষ। জমিয়ে বোসো না ওখানে। তাড়াতাড়ি ফিরো।

দুর্গাবতী শুনে গালে হাত দিয়ে বললেন : যাবে বলল, আর যেতে দিলে তাকে ও-বাড়ি ? চিঠিখানা তো আমরাও পাঠিয়ে দিতে পারতাম। লোক দিয়ে পাঠাতাম।

অক্ষয় বুঝতে পারেন না। বললেন, ব্যাপার কি ? ও-বাড়ি যাচ্ছে তো আজ নতুন নয়। আমাদের জামাই হবার আগে থেকে যেতে যেত।

সে তো হবেই। খাতির করে ত্রতীন কলকাতা থেকে নিয়ে আসত। এক ধুমসি বোন আছে—মলিনা—তাকে গছাবার চক্রান্ত। কালো মেয়ে শেষ অবধি পেরে ওঠে নি।

অক্ষয় বললেন, সে সময় যখন পারে নি, এখন বিয়ে থাওয়ার পরে আবার সে কথা উঠছে কিসে ?

দুর্গাবতী বললেন, জান না বুঝি, বিষম ধড়িবাজ ঐ মলিনা। আর আমাদের ইনি হলেন তো সাক্ষাৎ মনসা ঠাকরন—ফৌস করে ফণা তুলেই আছেন। এ সময়টা আবার ঝগড়াঝাঁটি চলেছে দু'জনার। আমরা কিছু না জানিয়ে এত বড় কাণ্ড কেন হতে দিলে বল তো ?

কি জবাব দেবেন অক্ষয়, তাঁর কি দোষ ? জামাই যাচ্ছে বন্ধুর বাড়ি, হাত ধরে টেনে ধরবেন নাকি তিনি ? আবার এক দুযোগ—কালবৈশাখীর সময়, বেশ এক চোট ঝড়-জল হয়ে গেল এর মধ্যে। না মেয়ে না জামাই—কোন তরফের দেখা নেই। দুর্গাবতী বাঘের মতন গর্জন করে ফিরছেন। লাঠি ও টর্চ খুঁজে নিয়ে অক্ষয় উঠলেন। বিয়েবাড়িতে খোঁজ করে আসা যাক। বাড়িটা ঠিক চেনা নেই, কিন্তু রথখোলার কাছে গিয়ে জিজ্ঞাসা করলে বেরিয়ে পড়বে।

হেনকালে ঝিকশায় ভকভক করতে করতে অলকা এসে নামল। জুতো ভিজে আমসস্ত, কাপড়চোপড়ও ভিজেছে। জুতো খুলে রেখে দরদালানে ঢুকল। দুর্গাবতী ঘুরে দাঁড়ালেন। বকাঝকা কিছু নয়, মুখই দেখবেন না মেয়ের। নতুন বর এসেছে, সে-অবস্থায়ও এত দেরি করে আসতে পারে—বকুনি ও শাসনের বাইরে চলে গেছে সে।

মেয়ে চলে গেলে দুর্গাবতী বললেন, ক'টা বাজে দেখে নিয়েছ তো ? বাপসোহাগী কথা দিয়ে গিয়েছিল কিনা বাপের কাছে—

অক্ষয় ব্যাপারটা উড়িয়ে দিতে চান : একটুখানি দেরি করে ফেলেছে।  
বিয়ে বাড়ি থেকে সকলের হাত ছাড়িয়ে আসা—

ন'টা সাত এখন। এক ঘণ্টার উপর—সাতষটি মিনিট। এই হল একটুখানি  
দেরি ?

জামাইয়ের আগে তো এসে পড়েছে ! জামাই কিছু টের পাবে না,  
তাহলেই হল।

আরও খানিকক্ষণ পরে প্রভুল ফিরল। নিজের মেয়ের দিকে মুখ ঘোরানো  
ঘায়, পরের ছেলের বেলা উল্টো। মেয়ের অবহেলা মায়েই পুঁষিয়ে দিতে  
হয় খাতির-যত্নে। খাইয়ে-দাইয়ে দুর্গাবতী জামাইকে ঘর অবধি এগিয়ে  
দিলেন। দেখ কাণ্ড, বিয়ে-বাড়ির ফেরতা মেয়ে আগে-ভাগে বিছানায় পড়ে  
পাশবালিস আঁকড়ে অঘোর ঘুম ঘুমুচ্ছে। তাই দেখ একালের নিষ্ঠা—মাহুঘ  
নাকি এরা ?

দাবা নিয়ে অক্ষয় মেতে যেতেন ঠিক এখনকার মতই। পাড়ারগায়ে বৃহৎ  
একাম্ববর্তী পরিবার—বাড়ির সব নিঃশাড অচেতন। রাত ঝিমঝিম করছে,  
তক্ষক ডেকে ডেকে উঠছে বোধনতলার দিক থেকে, ঘরকানাচে লতাপাতা  
নড়ছে বাতাসে—মনে হয়, ওদিকে বিস্তর লোকের আনাগোনা। আর ঘরের  
মধ্যে নতুন বউ দুর্গাবতী। সে সব কথা ভাবতে আজ্ঞে গায়ে কাঁটা দিয়ে  
ওঠে। মাহুঘটি কম কষ্ট দিলেন চিরজীবন ধরে ? ঘরে বউ একা, আর ওঁরা  
কিস্তির পর কিস্তি হাঁকছেন চণ্ডীমণ্ডপে হারিকেন-আলোয় বসে। শাওড়ি বার  
বার এসে বলছেন, তুমি খেয়ে নাও বউমা অক্ষয়ের ভাত ঢাকা দিয়ে। বলছেন,  
ভয় করে তো আমার ঘরে এসে শোও বউমা।

না মা, ভয় কিসের ঘরের মধ্যে ? আমার অত ভয়টয় নেই। ঘুম পেয়ে  
গেছে, ঘুমের মধ্যে ওঠাউঠি করতে কষ্ট হ'ল মা। বলেই হাই তুলে চোখ  
বুজেছিলেন দুর্গাবতী। তখনকার সেই কিশোরী নতুনবউ।

বুড়োমাহুঘ শাওড়িকে বোঝানো হল এই রকম করে। সেকালের তাঁরা  
নিপাট ভালমাহুঘ—তাই বুঝে অমন চলে গেলেন। কিন্তু ভয় করছিল  
সত্যি। ভয়ের সঙ্গে মেশানো উৎকর্ষা—কখন আসবে তুমি, কত দেরি ?  
এলে খাওয়াদাওয়া শেষ কর, তার পরে টের পাবে। খাওয়ার আগে কিছুই  
নয়—তবে তো উনিই বঁকে বসবেন, খোশামুদি করে তখন পার পাওয়া  
যাবে না।

নিঃশব্দে খেয়েদেয়ে পান চিবাতে চিবাতে উনি বলছেন, আর কেন, বসে  
খাও এবারে—

উহ, খাব না বলছি, ক্ষিদে নেই আমার—তুমি কি পরখ করবে?...দেখ, ভাল হবে না কিছু।...না, না, না—কেউ না দেখুক, আমার বুঝি লজ্জা-শরম নেই? রাত পুইয়ে যায়, এখন উনি এলেন ইয়ে করতে—সর, সর...আহা, খাব এখন, বলছি তো খাব—শুয়ে পড় আগে। ওদিকে ফের, লেপ মুড়ি দিয়ে পড়। পুরুষের সামনে এই বড় বড় হাঁ করে খাব—লজ্জা করে না বুঝি?

আলোর জোর কমিয়ে দিয়ে এদিকে পিছন করে খেতে বসল দুর্গাবতী। লোকালের সেই ঢলঢল-মুখ পাতা-কেটে চুল-বাঁধা দস্তবাড়ির ছোটবউ। খাচ্ছে আর মাথা তুলে পিছনে দেখছে এক-একবার। কিছু বিশ্বাস নেই ও-মাহুষকে—লেপ ফেলে টিপিটিপি উঠে এল হয়তো। তখন তো পালাতে হবে। উঃ, কম জ্বালাতন করেছেন উনি।

নিশ্বাস পড়ল একটা। হায় রে সেকাল! এরা বড় দুর্ভাগা, মনে রসকল একটু নেই—নতুন কাল সমস্ত শুষে নিয়েছে। রাত্রি ভেগে ভেগে কড়া কড়া ইংরেজি মুখস্থ—কিছু কি আর অবশেষ থাকে? সেকালের টুলো-পণ্ডিতরা যেমন ছিলেন—দুর্গাবতীর বাপের বাড়ির শ্রুতিরত্ন মশায়। হাল আমলের কলেজে-পড়া যত মেয়ে দেখ, সবাই যেন বিহুনির মধ্য শ্রুতিরত্নের সেই লম্বা টিকিটা লুকিয়ে রেখে পাউডারের প্রলেপে শ্রুতিরত্নের ফোঁটা-চন্দন ঢেকে শ্রুতিরত্নের খড়মের আওয়াজের মতোই খুট-খুট জুতো বাড়িয়ে চোয়ৎড়ে মুখ নিয়ে ঘুরে কিরে বেড়ায়।

ওহ্, বে - এই অলকা, উঠে বালিস-টালিশ নিয়ে ভাল হয়ে শো—

উ!—বলে গড়িয়ে ও-পাশে সরে গেল মেয়ে।

এমনি অবস্থায় ফেলে যাওয়া চলে না। হয়তো বা সমস্ত রাত পড়ে রইল এমনি বেহুশ হয়ে। জামাই এমনি তো রেগে আছে, সে কি আর ডেকেডুকে জাগাতে যাবে? ঘুম অতএব ভাল করে ভাঙিয়ে দিয়ে যাওয়া দরকার।

উনি ডাকডাকি করছেন তোকে। উঠে আয়।

বাপের নামে স্নানকা সজাগ হয়েছে। বলে, কেন?

পান দিয়ে ৫ সেন্টিস?

বড় ঘুম পেয়েছে। সোনা-মা, লক্ষ্মী-মা, তুমি দাঁও না ছুটো পান সেজে—

বয়ে গেছে আমার। তোর ইচ্ছে থাকে, দিয়ে আয়। নয়তো কি আর হবে! খাবেন না উনি পান। একটা রাত পান না খেলে কেউ মারা যায় না।

এক বেলা ভাত না খেলেও কেউ মারা যায় না।—এবারে রেগেছে অলকা, রাগে রাগে সে উঠে চলে। বলে, বেশ, তোমার একটা কাজ যদি কখনও করে দিই—

মেয়ের শিছু শিছু মা-ও বাইরে এলেন। খানিক দূর গিয়ে বললেন, দাঁড়া। পান আমি দিয়েছি। ঘুমুচ্ছেন উনি।

অলকা থমকে দাঁড়িয়ে বলে, কাঁচা-ঘুমে আমায় তবে ডেকে তুললে কেন ? অত্যন্ত কোমল স্বরে দুর্গাবতী বললেন, ক'টা কথা তোকে বলে দেব। যা বলি শোন, অবাধ্য হোস নে।

বল—

লক্ষ্যেরাতে অত ঘুম কেন রে ? শরীর খারাপ করে, বেশি ঘুম ভাল নয়। অলকা ফোঁস করে ওঠে : সন্ধ্যা বলছ এখনো মা ? রাত পুইয়ে গেলেও তোমার সন্ধ্যা শেষ হবে না।

সে দোষ তো তোরও। নিজে কখন ফিরেছিল, খেয়াল আছে ? যাক গে। সতী নারীর ইষ্টদেবতা হলেন পতি। ঝগড়াঝাঁটি না হয় যেন প্রভুলের সঙ্গে।

ভালমানুষের মত অলকা বলে, না মা, ঝগড়া করতে যাব কেন ?

মুখ গোমড়া করে থাকবি নে মোটে। ভাল ভাল কথা বলবি। পুরুষমানুষের মন তপস্তা করে পেতে হয়।

বুঝতে পেরেছি। তাড়াতাড়ি শেষ কর মা, আর পারছি নে। কালকে ভাল করে শোনা যাবে।

সকালে ওঠবার সময় পা ছুঁয়ে প্রণাম করে আসবি কিছ।

ঘাড় বেকিয়ে সকৌতুকে অলকা বলে, কেন ?

ঘুমের ঘোরে পা-টা যদি গায়ে লেগে যায় ! গুরুজন তো ! প্রণাম করে পাপ খণ্ডে আসতে হয়।

অলকা বলে, শোবই না তা হলে খাটের ওপর। নিচে মাছুর পেতে শোব। তা হলে গায়ে পা লাগবে না।

দুর্গাবতী ক্রোধে ফেটে পড়েন : হারামজাদা মেয়ে, এতক্ষণে তুই এই বুঝলি ?

অলকা ততক্ষণে পাখির মতো ঘেন উড়ে পালিয়ে গেছে। বনাৎ করে ঘরের খিল এঁটে দিল। আর কি করবেন দুর্গাবতী, দাঁড়িয়ে রইলেন হতভম্ব হয়ে।

গোয়ালঘরে খটখট করে উঠল। চোর-টোর নাকি ? অত উচু পাচিল টপকে চোর এর মধ্যে আসে কেমন করে ? আলবেই বা কোন্ লোভে ? সাজাল দেওয়া হয় নি নিশ্চয় গোয়ালে। দুর্গাবতী জামাই-এর রান্নাবান্ন

তালে ব্যস্ত ছিলেন, রাখাল ছোঁড়া সেই ফাঁকে সরে পড়েছে। মশায় কামড়াচ্ছে, গরুগুলো খুব দাপাচ্ছে তাই। এই রাতে তুষ-ঘুঁটে যোগাড় করে দুর্গাবতী সাজাল দিতে বসলেন। তার পরে মনে হল, খিড়কির দরজা দিয়েছে তো ওরা? যা লোকজন হয়েছে, কারও উপর নির্ভর করবার জো নেই। না, এটা ভুল হয় নি, দিয়েছে দরজা। খিড়কি থেকে ফেরবার মুখে পূর্বের কামরার সামনে দাঁড়ালেন একটু। সন্ধ্যাবেলা পেট্রোমাক্স জ্বালিয়ে দেওয়া হয়েছিল, সেটা জ্বলছে এখনও। খোলা জানলা হা-হা করছে—জানলা দিয়ে আলো এসে পড়ে দিনমানের মতন হয়ে গেছে সামনের জায়গাটা। কথাবার্তা হচ্ছে—আশু নয়, রীতিমত শব্দ সাড়া করে। ঝগড়াঝাঁটি নগ্ন তা ঠিক, তবু যে কি ব্যাপার ঠিকমতো বোঝা যাচ্ছে না। আর খানিক এগিয়ে যাবেন—কিন্তু সাহস হয় না ওই খোলা জানলা ও জোরালো আলোর সামনে। দেখে ফেলবে রাত ছপুরে যা পাতান দিতে এসে দাঁড়িয়েছে।

অক্ষয়ের ঘুমটা এঁটে এসেছে, দুর্গাবতী গিয়ে গা ঝাঁকাচ্ছেন : শুনছ গো? ওঠ—শোন, কি কাণ্ড—

ভয় পেয়ে অক্ষয় তড়াক করে উঠে বসলেন : কি হয়েছে?

হি-হি করে হাসছেন দুর্গাবতী : আলো জ্বলে হাত-মুখ নেড়ে বক্তৃতা করছে তোমার মেয়ে। ওমা, কী বেহায়া! কী বেহায়া! স্বদেশীর সময়ে মাঠেঘাটে বক্তৃতা হত না—প্রায় সেইরকম। আমাদের আমলে ছিল—ঘরে পা দিয়েই আলো নেবানো, ছয়োর-জানলা এঁটেসেঁটে দেওয়া, তাতে দম আটকে মরে গেলেও উপায় নেই। ফিসফাস করে কথা—ঠোট দিয়ে বেরুতে চাইত না। এখনকার এরা লাজলজ্জা পুড়িয়ে খেয়েছে একেবারে। হি-হি-হি—

আহ্লাদ উপছে পড়ছে। ভাব হয়েছে ওদের। অক্ষয়কে চোখে না দেখিয়ে সোয়াস্তি পান না! হাত ধবে টেনে বলেন, এস না—

অক্ষয় জিভ কাটেন : বল কি! তুমি মেয়েলোক, তোমায় যা-হোক তবু সাজে। বুড়োমামুষ কান পেতে জামাই-মেয়ের কথা শুনছি, দেখলে আমায় বলবে কি?

এই রাত অবধি কেউ জেগে বসে নেই দেখবার জন্তে। চল তুমি—

অক্ষয় বলেন, দেখবে ওরাই। জানলা খোলা, আলো জ্বলছে।

দুর্গাবতী অধীর হয়ে বলেন, সামনের ওদিকে কে যাচ্ছে? কানাতো বাগানের ধারে দাঁড়িয়ে একটুখানি শুনে চলে আসব। বাগিচার মধ্যে অন্ধকার, একলা যেতে ভয় করে। সেই জন্তে টানছি তোমায়। শব্দ করে

শোনা তো নয়। জামাইএর মেজাজ তিরিকি, মেয়েটার মাথা খারাপ—  
আবার কিছু ঘটলে আমাদেরই সামাল দিতে হবে তো!

বিরোধ মিটে গিয়ে সন্ধির কী কথাবার্তা হচ্ছে—ভাল করে শুনে নিয়ে  
দুর্গাবতী নির্ভাবনা হতে চান। ঠেকানো যাবে না তাঁকে, ঠেকাতে গেলে  
অনর্থ ঘটবে। ইচ্ছা না থাকলেও যেতে হল সজে। যেতে যেতে তবু  
অক্ষয় বলেন, জঙ্গল ওদিকে। উড়ো-কাল—সাপপোকা থাকতে পারে।

তা-ও দুর্গাবতী ভেবে রেখেছেন : লিচুগাছ কাত হয়ে আছে। তার  
উপরে দাঁড়িয়ে শুনব। পাতার মধ্যে ঢাকা থাকব, আমাদের কেউ দেখতে  
পাবে না। দোড়ালার উপর বসাও চলবে।

কী দুর্ভোগ সে রাচ্ছে! বৃষ্টিটা ধরে গিয়েছিল, আবার টিপটিপানি শুরু  
হল। গাছতলায় প্যাচপেচে কাদা, জুতো বসে যায়। বৃষ্টির জলে গাছও  
পিছল হয়ে গেছে। অক্ষয় বিস্তর কষ্টে দোড়ালায় উঠে পা ঝুলিয়ে বসেছেন।  
পায়ের ঠিক নিচে দুর্গাবতী। ঝোপজঙ্গল বলে এদিককার জানলা বড় খোলা  
হয় না। বন্ধ জানলার উপর দুর্গাবতী কান পেতেছেন। ই্যা, শোনা  
যাচ্ছে। কবাক্টের কাঠের কোণে চোখ রেখে দেখবারও চেষ্টা করছেন।  
দেখবেন কি চাই! নিশিরাতে কনকনে বাদলার হাওয়া বইছে—কোথায়  
তোরা চাদর জড়িয়ে গায়ে গায়ে শুয়ে শুনশুন করে কানের কাছে ভালবাসার  
বচন ছাড়বি, তা নয়—বসেছে দু'জন দুই চেয়ারে, মাঝখানে এক গাঁয়ের  
ব্যবধান। যেন দুই বুনো মোষ সিং উচিয়ে আছে, কায়দা বুঝলেই ভেঙে  
গিয়ে পড়বে। হচ্ছে অ্যাটম-বোমার কথা—পণ্ডিত-মেয়ে খবরের কাগজে-  
পড়া বিস্তে বাড়ছেন : বোমা বানানো নিচুক খারাপ কেমন করে বলতে  
পারেন? দু-তরফেই বানিয়ে যাচ্ছে, কার কি শক্তি সঠিক কেউ জানে না।  
সেই ভয়ে লড়াই হতে পারছে না। ওই বস্তু থাকতে লড়াই হবে না  
কোনদিন।

শোন কথা! অক্ষয় ঝুঁকি পড়ে স্ত্রীর মাথার কাপড় ধরে টান দিলেন।  
তাকালেন দুর্গাবতী উপরমুখো। ভালপালার মধ্যে মুখ দেখা যায় না, কিন্তু  
কি তিনি বলতে চান বোঝা যাচ্ছে। নতুন বিয়ের বর-বউ—রাত দুপুরে ওঁরা  
অ্যাটম-তত্ত্বে মেতেছেন। বাক্যের খই ফুটছে কন্ঠার মুখে, বিশ্বভুবনের জগৎ  
হুশিয়ার অস্ত নেই। আর অনেক—অনেক দিন—পঁচিশটা বছর আগে  
কন্ঠাকে একটা কথা বলবার জন্ত সেকালের এক বরের কতরকম সাধ্য-  
লাধনা! ওই যে নিচের ডালের ওই দুর্গাবতী। বিয়ের পর দুর্গাবতীর  
বর এসেছে—এই অসকার এসেছে আজকে যেমন।—বুঝছি গো বুঝছি,



আমায় পছন্দ নয় কিনা, ঘেঁষা করে তাই কথা বলা হচ্ছে না। কাল লকালেই বেরিয়ে পড়ি—কি আর করব, কেউ যখন চায় না আমায়। তখন বউ কানের একেবারে উপরে মুখ নিয়ে এসে বলে, শুনছে যে ওরা। এখন নয়, চুপ করে থাক, তোমার পায়ে পড়ি—

ভোর হবার মুখে—বাড়ির বজ্জাত মেয়ে-বউগুলোর স্থিতির সম্পর্কে যখন কিছুমাত্র সন্দেহ নেই—সেই তখনই কথাবার্তার শুভলগ্ন। এক লহমার মধ্যে অমৃতের পায়ে তাড়াতাড়ি চুমুক দিয়ে নেওয়া—বাড়ির লোকজন জেগে উঠবার আগে পুনশ্চ নিরীহ মাহুষ হয়ে অঘোর ঘুম ঘুমিয়ে পড়তে হবে। আর এরা দেখ, যুনিভার্শিটির লেকচার-হল বানিয়ে তুলেছে—জগজ্জন জমায়তে হয়ে বিনা-বেতনে যতখুশি জ্ঞান-মুক্তা কুড়িয়ে নিতে পার।

চুপ, চুপ—পুরুষ পক্ষের জবাব এবারে। কি বলছে শোন।

আপনি বলতে চাচ্ছেন অ্যাটম-বোমা কোন দিনই কাজে আসবে না। তা হলে বৈজ্ঞানিকের শ্রম ও মস্তিষ্ক-শক্তির অপব্যয় কিনা বলুন। এই বিপুল শক্তি মানব-কল্যাণে যদি নিয়োগ করা হত !

হত কচুপোড়া ! খবরের কাগজের বকনি ছাড়া কিছু নয়। সকালবেলা কাগজের খবরগুলো পড়ি, দুপুরে হাই তুলতে তুলতে পিছন-পাতায় এইগুলো পড়ে থাকি। রাত পৌনে-একটায় এই শোনবাব জন্তু লিচুগাছে চড়ে বসি নি বাপু। আবও অসহ্য, এককোঁটা মেয়েকে ‘আপনি’ ‘আজ্ঞে’ করে বলছে। এ সব করেই মাথাটি থাকে অলকার। অমন এক বিধান ছেলে সস্ত্রম কবে কথা বলছে, মেয়ে ভাবছে রাতারাতি লাটবেলাট হয়ে পড়েছে বুঝি !

এমনি সময় আর এক বিপদ। খট করে এদিককার জানলার চিটকিনি খুলে ফেলল। জ্ঞানগর্ভ অ্যাটম-তত্ত্ব বাগিচার মধ্যেও যাতে প্রচার হয় হয়তো—বা সেই উদ্দেশ্য। কিন্তু অব্যবহারের দরুন কবজা জাম হয়ে গেছে, ঝাঁক-ঝাঁকিতে খুলছে না। খুলে গেলে তো সর্বনাশ—লিচুগাছ আলোকিত হবে, ঝাঁকুড় শস্তর-শাশুড়ি নজরে এসে যাবেন। কি করা যায় তবে ? লাফ দাবেন ডাল থেকে, এবং মাটিতে পড়েই দৌড় ? ‘চোর’ ‘চোর’—বলে চৈচিয়ে ওঠে ওরা যদি ? এ পাড়ায় বথাটে ছোঁড়াদের তিন-চারটে ক্লাব আছে, চৈচামেচি শুনে তারা যদি রে-রে করে লাঠিশোটা নিয়ে এসে পড়ে ?

ঠেকিয়ে দিল অলকাই : জানলা খোলেন কেন ? ওদিকে জঙ্গল আর পগার। লিচু-ডালে ছিনেজোঁক ঝিলঝিল করছে, জানলা দিয়ে ঘরের ভেতর জোঁক এসে হেঁকে ধরবে।

বলে কি ! জোঁকের কথাটা খেয়াল হয় নি তো ! জোঁকের ভয় দুর্গাবতীর

কাছে বাঘের ভয়ের চেয়ে বেশি। যেই মাত্র শোনা, অন্ধকারে মনে হতে লাগল, কুটকুট করছে যেন পায়ের পাতার উপরে। হাত বুলিয়ে দেখেন, না, জোঁক নয়, কিছুই নয়—এমনি একটু চুলকাচ্ছে। কিন্তু ওই যে ভয় ঢুকে গেল—কেবলই মনে হচ্ছে, কুটকুট করছে সর্বান্নে, আঠেপিঠে জোঁক এঁটে গেল। কী করে যে নামলেন গাছ থেকে, ঘরে ঢুকে পড়লেন ছুটতে ছুটতে—কোন কিছু সজ্ঞানে করেছেন বলে মনে হয় না। ঘরে এসে খোঁজাখুঁজি করছেন জোঁক লেগেছে কোথায়।

অক্ষয়ও চলে এসেছেন। তিনি বলেন, বোশেখ মাসে জোঁক কোথা এখন? এইটুকু বুঝিতে জোঁক বেরবে? তুমি পাগল—

তবে অলকা বলল কেন ও-কথা? দুর্গাবতী ভ্রু কুঁচকে ভাবলেন : ভারি শয়তান মেয়ে, কেমন করে টের পেয়েছে! জোঁকের নামে ছিটকে পড়ি—ওই বলে আমায় জ্ঞান করল।

কথাটা অক্ষয়েরও মনে লাগে। মেয়ে জেনে ফেলেছে। খুব সম্ভব জামাইও। কী লজ্জা, কী লজ্জা!

ঠকঠক করছে বাইরে। অলকার গলা : কত ঘুমবে? ও মা, দরজা খোল।

ধড়মড় করে দুর্গাবতী উঠে পড়লেন : হল কি রে? রাত থাকতে উঠে এলি?

বেশ তুমি মা! রাত দুপুরে তখন হল তোমার সন্ধ্যাবেলা। আর বেলা দুপুরে এখন রাত।

বাইরে এসে দেখেন, রাত আর নেই বটে, উষাকাল, আকাশে পোহাতি-তার। অল্পদিন গলা ফাটিয়ে যার ঘুম ভাঙানো যায় না, এই সকালে নিজে থেকে উঠে এসে সে দুয়ের ভাঙছে। মেয়ের মুখের দিকে তাকিয়ে শঙ্কিত হলেন—কুনো চেহারা, যেন অস্থখে ভুগে উঠেছে।

কি হয়েছে রে?

ঘুম হল না। একে গরম, তার ওপরে ছারপোকা।

ছারপোকা কই এ-বাড়িতে তেমন কোথায়—

অলকা রাগ করে বলে, তবে কি মিথ্যে বলছি? দেখ না, এই দেখ, এই—। পিলপিল করে লাইনবন্দি গায়ের ওপর ওঠে।

লতিয়া, খুঁড়ে খেয়েছে মেয়েটাকে। স্ঠাম স্ঠন্দর অমন মুখখানা—তার এখানে-ওখানে রক্তের ছোপ লেগেছে যেন। আহা-রে!

মেয়ে বলে, তবু তো খাটে শুই নি। মেজের মাত্র পোতে নিষেছিলাম।  
তারই গতিক দেখ।

মেয়ের চেয়েও আর যে বড় ভাবনা—উদ্বিগ্ন কর্তে দুর্গাবতী তাড়াতাড়ি  
প্রশ্ন করেন : প্রতুল—সে কি একা খাটে শুয়েছে ?

উহঁ।

তবে কোথায় ?

অলকা আকাশ থেকে পড়ে : আমি তার কি জানি মা ?

স্বাক্ষা মেয়ে ! বিয়েব আগে হলে, এবং জামাই ছেলেরা বাড়ির উপর না  
থাকলে দুর্গাবতী নির্ধাৎ এক চড় কষিয়ে দিতেন এই কথার পর। জানতে  
যাবে তুমি কেন—জানবে সৈরভী গোয়ালিনী, জানবে ছিদাম গাড়োয়ান !

আবার কৈফিয়ৎ দিচ্ছে : গবমে হাঁসফাঁস করতে করতে ভদ্রলোক  
বাইরে চলে গেলেন। আমি তখন কি করি, বাস্তিরবেলা ঘরের বাঁর হতে  
ভয় করে—আচ্ছা করে আমি খিল এঁটে মাদুব পোতে পড়লাম।

মুখ ভেঙে দুর্গাবতী বলেন, ভারি কাজ করেছে !

মুখ কাঁচুমাচু করে নিরীহ ভাবে অলকা বলে, কি করব মা ! দুয়ের বন্ধ  
করে ঘরের ভিতরেই আমার ভয়-ভয় করছিল। একটু ফরসা হতেই ছুটে  
এসেছি।

সে কোথায় গেল, কি করেছে, তার একটু খোঁজখবর নিলে না ? ও-ছেলের  
একটু মানইচ্ছত থাকে তো কুলো বাজিয়ে তোমায় বিদেয় করে নতুনবউ  
ঘরে নিয়ে আসবে।

এত সব বাজে কথায় সময় নষ্ট না করে রাজনন্দিনী রূপ করে মাহেব  
বিছানায় পড়ল। পড়েই চোখ বুজেছে। ছুটলেন দুর্গাবতী পূর্বের কামরাব।  
যে মাদুরে শোওয়া হয়েছিল, নিচেই পড়ে আছে সেটা, মাদুর ছেড়ে বালিসটা  
মেজের গডাচ্ছে। প্রতুলকে বেশি খোঁজাখুঁজি করতে হল না। বারান্দায়  
ভাঙা ইজি-চেয়ারটায় পড়ে পড়ে ঘুমুচ্ছে বেচারি। এক্ষুনি রোদ এসে পড়বে  
মুখে।

ওঠ বাবা, ঘরে এসে ভাল হয়ে শোও ! কামরায় ছারপোকা থাকে তো  
তোমার শব্বরের খাটে শোও গিয়ে।

চোখ মেলে প্রতুল হাসল। কী মিষ্টি হাসি। বাই বল, পেটের মেয়ের  
চেয়ে পরের ছেলে অনেক ভাল। দেবতার মতো জামাই হয়েছে। মেয়ে  
দু-চক্ষে দেখতে পারে না—তবু দেখ, হাসছে কেমনধারা ! সাদা-সাদা দাঁতের  
উজ্জল পবিজ্জ হাসি।

ডাকচেন, এস বাবা—

গভীর ঘুমে মগ্ন অলকা। ঘুমের ভেতর থেকেই সমস্ত কিছু দেখতে পাচ্ছে। দুর্গা কালী গণেশ চতুর্মুখ-ব্রহ্মা যতগুলো পটের ছবি আছে, একে একে সকলকে প্রণাম করে বাবা রওনা হয়ে গেলেন। রোজই যান—আগে ডাক্তারখানায়, সেখান থেকে কলে। জামাই-মেয়ে জেগে উঠে চা খাবে, মা পরিপাটি করে গোছাচ্ছেন। কেটলিতেও জল অবশি ভরে রেখে দিলেন। কেটলিটা অলকা একটু উলুনে বসিয়ে জল গরম করে নেবে। ব্যস, আর কিছু করতে হবে না। গোছগাছ করে সন্তর্পণে দরজা ভেজিয়ে দিয়ে বেরিয়ে গেলেন মা। জানা আছে কোথায় তিনি যাচ্ছেন। স্বর-বাড়ি দুপুরবেলা আজ সবস্বচ্ছ নেমস্তন্ন। খনা এসে কাল নেমস্তন্ন করে গেছে। খনার মা নেই, আর আমার মা তো রেঁধে-বেড়ে দশজনকে খাওয়ানোর নামে নেচে ওঠেন। এমন স্বযোগ ছাড়বেন উনি? বলেও দিয়েছেন কাল খনাকে। তাই চলেছেন মা ও-বাড়ির ব্যবস্থায়।

মায়ের খাট থেকে অলকা ডাকছে : ও মশায়, মশায় গো, শুনতে পাচ্ছেন?

তার পর বোধহয় মনে হল, অ্যাটম-তত্ত্বই দূরে দূরে ভাল মানায়, অল্প কথাবার্তা জমে না। সে এসে বাপের খাটের একদিকে বসল।

শুনতে পেলাম, আবার বিয়ে করা হবে মশায়ের—

আমায় বলা হচ্ছে?

হ্যাঁ গো, হ্যাঁ। মা আমায় বকছে, তুই পোড়ারমুখি খাতিরযত্ন করিস নে, কুলোর-বার্তাস দিয়ে তোকে বিদেয় করে আবার বিয়ে করবে।

প্রতুল রেগে ওঠে : অন্ডায়—মা হলেও বলব, অন্ডায় বলেছেন তিনি।

দু-হাতে অলকার মুখখানা টেনে বুকেব উপর নিয়ে আসে। বলে, শতদল-পদ্ম এই—কোন চোখ দিয়ে দেখেন মা, কোন মুখে বলেন পোড়ারমুখি। আর যা-ইচ্ছে বলুন গে, মুখের নিন্দে করলে আমার সম্বন্ধ হবে না।

গৌরবে আনন্দে অলকা ফেটে পড়বে বুকি! বলে, পদ্ম না চাই। তার ওপর যা কাণ্ড হয়েছে, আয়নায় দেখে লজ্জায় বাঁচি নে। মা বললেন, আহা-হা, ছারপোকাকার কামড়ে কি হাল হয়েছে বে! আমি কৈদে পড়লাম, বাঁচাও মা তোমার ছারপোকা জামাই-এর হাত থেকে—

বলেছ ওই? তা হলে, বেশ—

অলকা বলে, মুখে এসে পড়েছিল আর কি!...ওকি, মায়ের গলা—সর্বনাশ, মা তবে যান নি স্বর-বাড়ি! কি ভাগ্যি ঘরের ভিতর ঢুকে পড়েন নি।

তীরের মতো অলকা সেই মায়ের বিছানায় গিয়ে পড়ল। এবং সঙ্গে সঙ্গে গভীর ঘুম। মা বাইরে কথা বলছেন। বললেন, তুমি যে আবার ?

সে যেখানটায় শুয়ে, তারই একটা দেয়ালের ওধারে। বাবা ফিরে এসেছেন ডাক্তারখানা থেকে। মায়ের কথায় তিনি বললেন, কম্পাউণ্ডার অজিত একটা কথা বলল। শুনে ব্যস্ত হয়ে খবর নিতে এলাম।

মা বাবার কাছে চলে এসেছেন। বললেন, কি শুনলে ? কলে না গিয়ে ছুটে এসেছ, খাদ্য কিছুর নাকি ?

বাবা আমতা-আমতা করেন : হ্যা—তাই বটে। জরুরি কেস আছে, কিন্তু মনের এই অবস্থায় রোগি দেখা ঠিক হবে না বলে চলে এলাম। শোন, জামাই নাকি ডাক্তারখানায় গিয়েছিল কাল রাত্রে। জলকাদায় আছাড় খেয়ে হাঁটুর অনেকটা ছড়ে গেছে, অজিত সাফসফাই করে আইডিন লাগিয়ে দিল।

দুর্গাবতী বলেন, কই, আমাদের কোন-কিছু বলল না তো ! কাপড়-চোপড়ে কাদা-মাখা ছিল, এসে ছেড়ে ফেলল। তা ভরসা খেয়েছে পথের ওপর, জল-কাদা তো মাখবেই। কিন্তু পড়ে যাবার কথা তো কিছু বলল না।

একটু থেমে বললেন, আছাড়-খাওয়া বলতে লজ্জা করেছে, তাই হয়তো বলে নি।

অক্ষয় বললেন, হ্যা, বিষম লজ্জার ব্যাপার। আর এক হতে পারে। অজিত একবার মাত্র দেখেছে প্রভুলকে, হয়তো চিনতে পারে নি। সে অল্প লোক। সেইটে আমি পরখ করতে এলাম। প্রভুল হলে হাঁটুতে কাটা থাকবে। দেখ দিকি, তুমি একটু জিজ্ঞাসা করে দেখ।

দুর্গাবতী রাগ করে ওঠেন : ঘুমুচ্ছে বেচারী—ডেকে তুলে আমি এখন জিজ্ঞাসা করতে যাই ! হাঁটু একটুখানি ছড়ে গিয়ে থাকেই তো উতলা হবার কি আছে ?

অক্ষয় সঙ্গে সঙ্গে বলেন, তবে থাক। ঘুমোক, আর এক সময় দেখা যাবে। মা-কালী করুন, প্রভুল না হয়—সে অল্প লোক।

দুর্গাবতীর বিচলিত কণ্ঠ শোনা গেল : কেন, অমন করে বলছ কেন তুমি ? কি হয়েছে, সমস্ত খুলে বল আমায়।

অক্ষয় একটু চুপ করে থাকেন। বলতে বাধছে, বোঝা গেল। একবার কেসে গলা সাফ করে নিয়ে বলতে লাগলেন, একটা মেয়েও ছিল নাকি প্রভুলের সঙ্গে, ডাক্তারখানার পুকুরধারে বটগাছের আড়ালে মেয়েটা লুকিয়ে দাঁড়িয়ে ছিল। প্রভুল বেরিয়ে এলে দু'জনে খেয়াঘাটমুখে চলল। আমি

স্ববস্ত্র সামলে নিলাম—জামাই-মেয়ে জোড়ে মেলায় গিয়েছিল বোধহয়। তা অজিত বলে, অলকা এত লজ্জাবতী হয়ে উঠল কেন? ডাক্তারখানায় ঢুকে সেই তো সব করতে পারত। করেছেও এমন কত! তুমি আবার, বড়বউ, কাল ব্রতীনের বোনের কথা তুলে ভাবনা বাড়িয়ে দিলে—

চাপা তর্জন করে উঠলেন : খবর নিয়ে দেখি, আমি ছাড়ছি নে। তাই যদি হয়, ব্রতীনের বাপ ওই বুড়োটাকে আচ্ছা করে শুনিয়ে দেব। খুবড়ো মেয়েকে কোন্ আক্কেলে রাস্তিরবেলা বুষ্টিবাদলার মধ্যে মেলা দেখতে পাঠায় জোয়ান ছেলের সঙ্গে!

অলকা শুনছে। শুনতে শুনতে পাথর হয়ে গেছে। প্রতুল যায় নি মোটে ব্রতীনদের বাড়ি। ছি-ছি-ছি—নিরীহ মেয়ে মলিনার উপর বিনা দোষে অপবাদ পড়ছে। মা কিন্তু এত বড় কথার উপরেও রা কাড়লেন না। মৃদু-কণ্ঠে বললেন, এদিকে আবার শোন। স্বর-বাড়ি যাব, তা অন্নঠাকরুন এসে পড়লেন : তোমার জামাই এসেছে, জামাই দেখব বলে এলাম। আর তোমার মেয়ের সঙ্গে আচ্ছা একচোট ঝগড়া করব।—খবর পেলে কি করে পিসিমা? না, মেলা থেকে ফিরছি, দেখি, এক ছোকরা তোমার মেয়েকে ডাব কিনে খাওয়াচ্ছে। মানুষজন দেখে ফুডুং করে পাখির মতন তোমার মেয়ে বর বগলদাঁবায় করে মাঠে নেমে পড়ল। যেন বর কেড়ে নিতে যাচ্ছিলাম! আমি আর কিছু ভাঙলাম না ঠাকরুনের কাছে, ওরা ঘুমুচ্ছে, বলে সরিয়ে দিলাম। কিন্তু অন্নঠাকরুন বাজে কথা বলবেন না—কে হতে পারে বল তো? বিয়ের আগে চড়কভাঙার যে ছোঁড়া চিঠি লিখেছিল, সেই আবার ঘুর-ঘুর করছে না তো?

তার পর স্বামীকে বোঝাচ্ছেন : চূপচাপ থাক। ঘাঁটাঘাঁটি করলে দুর্গন্ধ ছড়াবে। যা করতে হয়, আমি করব। খনার কাছে আমি গিয়ে ভাল করে শুনি, অলকাকে নিয়ে কখন সে বিয়েবাড়ি গিয়েছিল, কতক্ষণ ছিল সেখানে। জামাই উঠুক, তার কাছেও খোজ নিই, সে-ই বা গিয়েছিল কিনা ডাক্তারখানায়।

মার কথায় আপাতত ঠাণ্ডা হয়ে বাবা জরুরি কলে চলে গেলেন। মা-ও চলে গেলেন খনাদের বাড়ি। উকি দিয়ে দেখল অলকা—সত্যি সত্যি গিয়েছেন এবারে।

অলকার দু-চোখ জলে ভরে এল। মা তুমি এমন! পেটের মেয়ে দিনের পর দিন এত বড় করে তুললে—এমন বিস্ত্রী ব্যাপার ভাবতে পারলে আমরা নিয়ে? প্রতুলের কোলের মধ্যে মুখ গুঁজে পড়ল। প্রতুলও উঠে বসেছে, ভালমত সমস্ত কানে না গেলেও খানিক খানিক শুনছে।

উপায় ? কি হবে এখন বল ? বললাম যে বিয়েবাড়ি একবার ঘুরে আসি, আর ভূমিও একছুটে ফেলে দিয়ে এস চিঠিটা—তা নয়, পরে হবে। পরে আর হয়ে ওঠে কখনও ! ছি-ছি, জিজ্ঞাসা করলেই তো জানাজানি হয়ে যাবে। এর পরে মুখ দেখাব আমি কেমন করে ?

চোখের জলের ধারা বয়ে যাচ্ছে অলকার দু-গালে—ফুঁপিয়ে ফুঁপিয়ে কাঁদছে।

খনা ভাল মেয়ে—একেবারে নিজের মেয়ের মতো। দুর্গাবতী বললেন, কাল তোমার মাসতুত বোনের বিয়ে ছিল—অজন্তা নাম বৃদ্ধি ?

মেথানেই তো ছিলাম কাকিমা। নয় তো, জামাই এল—সন্ধ্যাবেলা আমায় বৃদ্ধি দেখতে পেতেন না ?

হঁ !—পাকা উকিলের মতন ধীরে ধীরে এগোচ্ছেন দুর্গাবতী।

অলকা গিয়েছিল তোমার সঙ্গে ?

খনা বলে, তা যাবে বই কি ! তারও তো নেমস্তন্ন।

মুখের দিকে তাকিয়ে ধীর কণ্ঠে দুর্গাবতী বললেন, অমন ভাসা-ভাসা কথা শুনব না। স্পষ্টাস্পষ্ট বল, গিয়েছিল কি না।

ই্যা—বলতে গিয়ে খনা খতমত খেয়ে চূপ করে যায়।

দুর্গাবতী বললেন, যায় নি তা আগেই বুঝেছিলাম। অন্ন-পিসি ধার্মিক মানুষ, পাড়ার ঘোঁটে থাকেন না—তিনি খামোকা মিছেকথা বলতে যাবেন কেন।

কি বলেছেন তিনি ?

দুর্গাবতী সমস্ত খুলে বললেন, খনার কাছে নুকোবার কিছু নেই।

শুনে খনা বলে, যদি হয়েই থাকে, আপনি অত রেগে যাচ্ছেন কেন কাকিমা ?

রাগব না ? তোমরা দ্বিজি হয়ে মুখে চুন-কালি মাখাবে, চোখ-কান বুজে আমরা চূপ করে থাকব ? অন্ন-পিসিকে বললাম, জামাইএর সঙ্গে বেড়াচ্ছিল। অমন মানুষের কাছে মিথ্যেকথা বলতে হল মানের দায়ে।

খনা বলে, মিথ্যে আপনি বলেন নি কাকিমা।

বলছ কি ভূমি ! জামাই তো সেই সময় ব্রতীনের বাড়ি চিঠি দিতে গেছে।

খনা একটু উষ্ম হয়ে বলে, এই যেমন খোঁজখবর নিচ্ছেন—সে বাড়িতেও জেরা করে খবর নিয়ে আসুন না, কোথায় ছিল আপনার জামাই।

শুভিত হয়ে গেলেন দুর্গাবতী। খনার মুখের দিকে চেয়ে বললেন, ভূমি

লম্বস্ত জ্ঞান মা। খুলে বল। এই সব শুনে আমার মাথায় বজ্রাঘাত হয়েছে।  
ওঁরও কানে গিয়েছে—রোগি দেখতে না গিয়ে ছুটেতে ছুটেতে বাড়ি চলে  
এলেন।

খনা জিব কাটে : সর্বনাশ, এতদূর গড়িয়েছে ! তবে আমার মুখের কথায়  
কি হবে ? দলিল দেখাই—আপনার জামাই কি লিখেছে দেখুন তা হলে।

ছুটে গিয়ে চিঠি এনে দিল। সর্বশেষ চিঠি—আসবার আগে প্রতুল বা  
লিখে এসেছে। গোড়ার লেখোনটাই পুরোপুরি আড়াই লাইন—রকমারি  
বিশেষণ টেলেছে, কোথায় লাগে ওঁদের সেকালের ‘প্রাণেশ্বরী’ ‘প্রাণপ্রতিমা’ !  
লজ্জায় মাথা কাটা যায় দুর্গাবতীর—বিশেষ এই খনার সামনে। চিঠির ওইটুকু  
ভাঁজ করে দিলেন। কিন্তু চার পৃষ্ঠার প্রায় সবখানেই ওই রকম বিদঘুটে কাণ্ড  
—কোথায় ভাঁজ করেন, আর কতটুকু বা পড়েন ! বাদ দিয়ে দিলে আসল  
জায়গায় এসে পড়া গেল—‘কত দিন তোমায় পাই ন। হৃদয় গোবির মতন  
তুষায় হা-হা করছে। পাশও আত্মায়েরা রাজেও লুকিয়ে শুনতে আসবে,  
শেষরাজির দিকে যদি একটুখানি রেহা দেয়। অত দেরি বৈষ্যে সহিবে না।  
ছলছতোয় তুমি বেরিয়ে পোড়ো, আর্মিও বেরুব। কোন এক নিভৃতি খুঁজে  
নিয়ে আমার আদরের অলকাকে—’

খনা বলে, আমি মানা করেছিলাম। এ হল ছোট্ট জামা—কারও ন’  
কারও চোখে পড়ে যাবে। ওরা কানেই নিল না কাকিমা।

দুর্গাবতী বলেন, দজ্জাল মেয়ে আমার—কিন্তু প্রতুলকে যে অতি  
গোবেচারী ভেবেছিলাম। তার পেটে পেটে এত ?

খনা হেসে বলে, বুদ্ধি দিয়ে দিয়ে তাকেও দজ্জাল বানিয়েছে কাকিমা।

দু-মাস মোটে বিয়ে হয়েছে—দেখাই বা হল ক’দিন, আর বুদ্ধি বা দিল  
কখন ?

বাল তবে কাকিমা। টের পেলে অলকা কিন্তু জন্মে আমার মুখ দেখবে  
না। রোজই চিঠি লেখে আমাদের বাড়ি বসে—ও-ই সমস্ত বুদ্ধি বাতলায়।  
আসেও চিঠি আমার এখানে। তাসখেলার কথা বলে—কিছু নয় কাকিমা,  
চিঠি লেখা আর চিঠি পড়া। ওর এত চিঠি এখানে আমার নামে আসে,  
খামসুদ্ধ ওকে দিয়ে দিই।

দুর্গাবতী বলেন, আমাদের বাড়ি আসেও তো চিঠি। লেখেও এখান  
থেকে।

সে সব চিঠি ভুয়ো। ধোঁকা দেয় আপনাদের।

দুর্গাবতী দুঃখিত স্বরে বললেন, ওদের ভাব-সাব হয়েছে—এ তো স্বথের



কথা। বাপ-মা তাই তো চায়। কেন তবে ঢাকাঢাকি করে মন খারাপ করে দেয়?

লজ্জা, কাকিমা। চিঠি খুলে খুলে পড়েন, সে ওরা জানে। নুকিয়ে কথাবার্তা শুনবেন, সে ওরা আন্দাজে বুঝেছে। অত তাই সামাল-সামাল। বড্ড লাজুক কিনা—অলকা যেমন, জামাইও তেমনি।

দৃষ্টিস্তা কেটে গিয়ে দুর্গাবতী খুব হাসতে লাগলেন : কি কাণ্ড! আমাদের আমলে সাধাসাধি করে একটা কথা বের করতে পারত না, ওরা এখন অ্যাটম-বোমা নিয়ে ছল্লাড় বাধায়। ঘরের মধ্যেই ছমড়ি খেতাম আমরা আর ঘর পালিখে ওমা মেলার ভিতর টহল দিতে বেরোয়—

খনা বলে, লজ্জা! কাকিমা, লজ্জা—

### খুনোবাণ-সর্বোবাণ

আসামি মেয়েরা মেখলা পরেন। উর্ধ্ব-অঙ্গের বসন। ভাইপোর মাথায় এসেছে, ঐ বস্তুর উপর যদি কক্সা তুলে নতুন নতুন ডিজাইনের পাড় সহ বাজারে ছাড়া যায়, চাহিদা অফুরন্ত হবে। একচোট পয়সা লোটা যাবে যতদিন না হিংস্রটে অগ্ন ব্যাপারির টনক নড়ছে। কাগজে আঁক-জোক কেটে জোড়াহাটের এক মহাজনকে সে দেখিয়েছিল। দেখে তিনি লাফিয়ে উঠলেন। লাগান মশায়, পয়সা কিস্তিতেই হাজার টাকার অর্ডার রইল। পরের কিস্তিও আমায় না জানিয়ে অগ্ন ঘরে ছাড়বেন না।

সে তো হল। কিন্তু বুনানির উপরে এই নক্সা ছবছ তুলে দেবে, তেমন লোক পাওয়া যায় কোথা? ধরণী বিপুল, এবং গুণীরাও হয়তো আকাশের তারা ও পাতালের বালির মত অগণন। কিন্তু ভাইপোর ও আমার জানাশোনা লাকুল্যে বিশ-ত্রিশখানা গ্রাম মাত্র। তাই নিয়ে এতটা বয়স কাটিয়েছি, জীবনের বাকি কটা দিনও কাটিয়ে দিতাম যদি না স্বাধীনতার হল্লায় ভিটেমাটি হারিয়ে এই ব্রকম ৬৭ঘুরে ব্রান্তি নিতে হত।

যাক গে, যে কথা হচ্ছিল। কারিগর কোথায় পাওয়া যায়? পাশের গাঞ্জে দেব-নাথেরা ছিলেন—সেকালের মসলিনের গল্প শুনেছেন, তা ভাল ব্রকম মজুরি পেলে ওঁদেরই কেউ কেউ এখনও মসলিন বুন দেবেন। আমাদের অত দুখ গরজ নেই, মেখলার উপর নিখুঁত ভাবে কয়েকটা শুধু কক্সা বসানো। কিন্তু সেই ওস্তাদেরা কে কোথায় ছিটকে পড়েছেন, কোথায় তার সন্ধান পাই?

কাছাড় অঞ্চলে গিয়েছিলাম ব্যবসা সম্পর্কিত একটু কাজে। গিয়ে বিষম বিপদ—আসাম-লিঙ্কের লাইন ভেঙেছে। বর্ষাকালে ৬টা অবশ্য নৈমিত্তিক ব্যাপার। ওরা বললেন, বন্যা ডাঙার উপরে—আকাশে তো নয়! আকাশ-পথে চলে যান। কিন্তু স্থবিধা দর পেয়ে ইতিমধ্যে কিছু তাঁতের কাপড় সওদা করে ফেলেছি—কাপড়ের গাইট নিয়ে উড়ি কেমন করে বলুন? খাঁচার পাখি হয়ে অতএব দিনক্ষণ গুণছি, কবে নাগাত লাইন খুলে দেবে।

হাইলাকান্দি শহরের বাইরে (এখন আর বাইরে নয়, শহর ছ-ছ করে ছুটেছে ওদিকে) করিমগঞ্জের রাস্তার উপর একটা কালভার্ট দেখতে পাবেন। ষাঁ-হাতি কবরখানা—ভারী ভারী লোকেরা মাটি নিয়েছেন, পাকা গাঁথনির উপর খেতপাথরে নাম-ধাম-পরিচয় লেখা। ফাঁকে ফাঁকে আমার-আপনার মত বাজে মানুষরাও আছে। আর কালভার্টের উল্টো দিকে কবরখানার প্রায় সামনা-সামনি শ্মশানঘাটা—কলমির দামে-আঁটা ডোবা, পোড়া কাঠ, ভাঙা কলসি, শ্মশান-বন্ধুদের জন্ত খোঁড়ো চালা একটা ডোবার পাশে। মোটের উপর, হিন্দু হোন মুসলমান হোন, দুনিয়ার মেয়াদ কাটিয়ে এ-তল্লাটের মানুষের এইখানে এসে শুতে হবে। এই ক' বছর আগেও নিতান্ত দায়ে না পড়লে জ্যাস্ত মানুষ আসত না এদিকে। এখন কলেজ হয়েছে খানিকটা এগিয়ে গিয়ে। উষাস্তরা এসে নতুন পাড়া বসিয়েছেন—রাস্তার ধারে ধারে। কাপড় তৈরি হচ্ছে ঐ পাড়ায়, সরকার থেকে তাঁত কিনে দিয়েছে, সূতা সরবরাহ করছে। এরই মধ্যে কেউ কেউ গুছিয়েও নিয়েছে বেশ একরকম।

ঐ তাঁতের খবর শুনেই আরও ছুটেছি। কোন্ অঞ্চলের মানুষ ওরা, কঙ্কা-তোলা কারিগরের খবরাখবর বলতে পারে কি না। স্থানীয় কয়েকজন মাতব্বর যাচ্ছেন সঙ্গে, উষাস্ত-সমিতির সেক্রেটারিও আছেন। কালভার্টের উপর এসে একজন বললেন, জানেন মশায়, ভূত আছে এই জায়গায়। এক-আধটা নয়, পণ্টনখানেক। রকমারি ভূত, হরবখত চরে বেড়ায়। অনেকেই দেখে থাকে। দু-একজন হলে বলতে পারতেন যে চোখের ভুল।

এতগুলি ভুল্ললোক সমকণ্ঠে বলছেন, একেবারে নস্তাং করি কেমন করে? কিন্তু ভূত আস্তানা গাড়ে তো অশ্বখগাছে, পেড়ী শ্রাওড়াগাছে, ব্রহ্মদৈত্য বেলগাছে। এ জায়গায় শুধুই ধানবন। ধানবনের হাওয়া খেয়ে খেয়ে ভূত মশায়রা না হয় বেড়িয়ে বেড়ালেন। কিন্তু তার পরে পা ঝুলিয়ে বিজ্ঞাম করবেন—এক টুকরা এমন গাছের ডাল তো দেখছি নে কোন দিকে।

প্রত্যক্ষ জিনিসে ষাড় নাড়লে কে না চটে যায়? ওরা বললেন, বেশ বাজি ধরুন। দশ ঢাকায় এক টাকা। নিশিরাঞ্জের দরকার হবে না—এই

নটা-দশটা নাগাত এখানটায় একবার চক্কোর দিয়ে যাবেন। আমরা ঐ আমতলার বাড়িটায় বসব। ফিরে গিয়ে তারপরে আমাদের কাছে বলবেন, নেই ভূত। ঘাড় হেঁট করে মেনে নেব। ও কি কি ওখানে?

আমরা তর্কাতর্কি করছি, আর সেই আমতলার বাড়িতেই দেখতে পেলাম অনেক মানুষের জটলা। কি ব্যাপার? দেখবার জ্ঞান গুঁয়া হনহনিয়ে চললেন। আমিও চলেছি পিছু পিছু। কলাগাছ পেঁপেগাছ মানকচু আর আমের চারায় ঘেরা বকঝকে তকতকে কেমন সব ঘরবাড়ি! আহা, দেখুন দেখুন—ফাঁকা মাঠের ধারে মন্দির গড়ে গড়ে যেন লক্ষ্মী-স্বাপনা করেছে।

উঠানের সেই ভিড়ের মধ্যে--কি আশ্চর্য--পরেশ যে! হোগলাভাঙার পরেশ। আমায় দেখে পরেশও যেন বিশ্বাস করতে পারছে না। আমার সঙ্গীরা এদিকে নানান প্রশ্ন করে চলেছে, কার কি হল গো? স্বরূপ ওঝা কেন এ বাড়ি?

বাড়িব কর্তাটি বুড়োমানুষ। স্বরূপ ওঝা কি কানে কানে বলল, বুড়া থাক দিয়ে বলেন, অ বউমা, হৃদিক পানে এস দিকি একবার—

স্বরূপ বাবা দিয়ে নিয়কণ্ঠে বলে, এমনি এমনি ডাকলে সন্দ করবে। আরও বিগড়ে যাবে। একটা কাজের নাম করে ডেকে আনুন।

বুড়া বললেন, ভুদুরলোকেরা এসেছেন—কলকেটা সেজে দিয়ে যাও তো বউমা!

আমি এই ফাঁকে পরেশদের কিছু খবরাখবর নিচ্ছি। বেশি দেরি হল না—কমবয়সি এক বউ কলকেয় ফুঁ দিতে দিতে এসে কর্তার হুকোর মাথায় বসিয়ে দিল। আহা, ভারি সুন্দর বউটুকুন! দেশভূঁই ছেড়ে আসবার সময় নানান রকমের ধকল গিয়েছে তো, তা সবেশেও ঝিকমিকে চেহারার উপর এমন কিছু কালিমা পড়ে নি। ঘোমটা নেই, সিঁথির উপরটায় শাড়ির আঁচল। তামাক দিয়ে ধীর পায়ে সে ছাঁচতলা অবধি চলে গেল। হঠাৎ মুখ ফিরিয়ে ফিক করে হেসে বলে, আ মরণ! বউমা বলছ আবার কোন্ স্বপ্নে? আমায় বেয়ান বলে ডাকবে।

কর্তা স্বরূপের দিকে তাকিয়ে হাহাকারের মতো বলে উঠলেন, ওনলে? কথা শোন একবার! চোখ তুলে কথা বলতে পারত না আমার লক্ষ্মীমন্ত বউ। তার কি দশা হয়েছে, দেখ।

বউ কোন-কিছুই দৃকপাত করে না। হাসতে হাসতে দাওয়ায় উঠে কুলো আর চালের কলসি নিয়ে অসময়ে এখন চাল ঝাড়তে বসল। ঝাড়ছে আর

আড়চোখে শব্দের পানে তাকিয়ে হাসে মিটিমিটি। বুড়ো এদিকে হাঁকা টানেন—খোঁয়া বেরোয় না। আর হাসি ততই বেড়ে যাচ্ছে বউ-এর। রাগ করে শেষটা কলকে টেলে ফেলে দেখলেন, তামাকই দেয় নি মোটে—ছাইমাটি ভরে তার উপরে আগুন দিয়ে এনেছে। বউ হাসিতে ফেটে পড়ল একেবারে। বলে, ঠাট্টা করলাম বেয়াই। তুমি ধরতে পারলে না—হি হি-হি, কেমন বেকুব!

বুড়া আমাদের দিকে চেয়ে সজল কণ্ঠে বললেন, অদৃষ্ট দেখুন মশায়রা, জমিজিরেত ঘরবাড়ি ছেড়ে পথের ভিখারি হয়ে তো এসেছি। একটা ছেলে মাত্তোর—খুঁজে-পেতে মনের মতন বউ এনেছিলাম, তারও এই গতিক। সাত-আট দিন আগে থেকে লক্ষণ টের পাচ্ছিলাম, এখন পুরোপুরি পাগল। নয় তো, বেহাই ডাকবে কেন আমায়?

স্বরূপ ওঝা এক নজরে এতক্ষণ বউ-এর মুখের দিকে তাকিয়ে ছিল। মুখের উপরটায় আরও কি যেন দেখছে। বলে, পাগল বলেন কোন্ বিবেচনায়? উড়ো-বাতাস ভর করেছে। চিনবার চেষ্টায় আছি, শয়তানটা কে। তার পরে বিবিত্ত করা যাবে।

যেই মাত্র বলা, বউ হাতের কুলো ফেলে দিয়ে এক লম্ফে উঠানে নামল। চোখ পাকিয়ে পড়ে স্বরূপকে এই মারে তো এই মারে। সামনের উপর হু-হাত নেড়ে বলে, ওঃ—ভারি তুমি ওঝা হয়েছ! ক্ষমতা জানা আছে। কি বিহিত করবে কর। দেখ তোমার হৃদমুদ্র, আমি নড়ছি নে। কিছুতে না।

স্বরূপ এদেরই এক দলে পাকিস্তান থেকে এসেছে। পুরানো চেনা-জানা। ঘাড় ফিরিয়ে সকলের দিকে চেয়ে বলে, তড়পানিটা গুললেন? অমনি দশ বরকম বলে গুলীকে ভাগিয়ে দেবার ফিকির। বেটি ঘুঘু দেখেছে, ফাঁদ দেখে নি।

বলে তো যাচ্ছেতাই গালিগালাজ শুরু করল। এমন, যে দুকানে আঙুল দিতে হয়। সঙ্গে সঙ্গেই আবার মা-লক্ষ্মী বাপু-বাছা বলে খোশামোদ করছে। তিতো-মিষ্টি কোন পছন্দ কিছু হয় না। তখন বলে, ধুনোবাণ-সর্ষেবাণ না খেয়ে নড়বি নে? বেশ, সেই দু-খানার জোঁগাড় করি তাহলে। নিয়ে এস দিকি এক ছটাক ধুনো আর পোয়াটাক সরষে—

এত বড় আশ্ফালনেও বউ ভয় পায় না, খলখল করে হাসে। বলে, আর পশার বাড়িও না ওঝা, তোমার মুরোদ জানা আছে। ধুনোবাণ জান না কচু জান। তবে সেবারে পারলে না কেন?

কর্তা অবাক হয়ে বলেন, কোন্ বারের কথা বলছে স্বরূপ? বউমার আর কবে এমন হয়েছে?

ওঝা খুব চটে গেছে। জবাব না দিয়ে সে তড়বড় করে মস্ত পড়ছে আর লৰ্ঘে ছুঁড়ে ছুঁড়ে মারছে বউ-এর গায়ে। বউও দেখা গেল, বিড়বিড় করে কি বলছে, উচ্চহাসি হেসে উঠছে এক একবার। নিখাস নিরুদ্ধ করে কাণ্ড দেখছি আমরা উঠানস্বদ্ধ মানুষ।

আধঘটা খানেক চলল এমনি। শেষটা হতাশ হয়ে স্বরূপ বলে, না মশায়রা, কিছু করা যাচ্ছে না। কোন্ ঘাঘি এসে ভর করেছে—যত মস্তর পড়ছি, সঙ্গে সঙ্গে তার উন্টো কাটান দিয়ে যাচ্ছে ঐ দেখুন। একে শায়েস্তা করা মুশকিল।

কে-একজন বলে উঠল, কেতু সর্দারকে আনতে চলে গেছে।

আঁ! কেতুর নাম শুনে বউ আঁতকে ওঠে। মুখ পাংশু হয়ে যায়। বলে, কেতু বাড়ি নেই। লাঙল নিয়ে ক্ষেতে বেরিয়ে পড়েছে এতক্ষণ—

বাড়ির কর্তা বউ-এর সেই স্বস্তির বললেন, ক্ষেত থেকে ডেকে তুলে আনবে। তার হাতে জঙ্ক হোস কি না, দেখা যাক।

স্বরূপ ওঝা তো ফেল হয়ে গেছে। কেতু সর্দারের সঙ্গে কি-রকমটা জমে, না দেখে যেতে মন সরে না। পরেশ বলে, বিস্তর দেরি হবে দাদা। কেতু ক্ষেতে নেমে পড়েছে—এ সব কাজে পয়সাকড়ি নেই, কাজ খানিকটা না তুলে দিয়ে সে কি আর আসবে? ততক্ষণ আমাদের বাড়ি চলুন, সেখানে গিয়ে বসবেন।

মন্দ কথা নয়। আপাতত মজা নেই দেখে উঠানের ভিড় পাতলা হয়ে যাচ্ছে। পরেশ বলল, টনি আছেন এখানে। দেশের মানুষ পেলে বড্ড খুশি হবেন। তাই চলুন।

টনি—কোন্ টনির কথা বলছে পরেশ! বিস্ময়ে লাফিয়ে উঠি।

সঙ্গী ভদ্রলোকদের বললাম, দেশের মানুষ। এ বেলাটা ওদের ওখানে থেকে যাব। বিকালে ওরাই কেউ পৌঁছে দিয়ে আসবে। চলে যান আপনারা, কিছা দাঁড়িয়ে থেকে কেতু সর্দারের সঙ্গে লড়াইটা দেখে যান।

বড়রাস্তা ছেড়ে পাড়ান ভিতর ঢুকছি। টানা টানা পথ—দু-পাশে নয়ানজুলি। নিজেরা কোদাল খবে এসব বানিয়েছে। হলদে হলদে ঝিঙাফুলে ক্ষেতের বেড়া আলো হয়ে আছে। খটখট তাঁত চলার আওয়াজ পাচ্ছি এবাড়ি-ওবাড়ি থেকে। এক ফাঁকা জায়গায় স্ততো টানা দিয়ে মাড় মাখানো হচ্ছে। দেশি বুরুশ—ঘুনিবাঁশের শিকড় বেত দিয়ে বোনা—আপনাদের বিলাতি বুরুশের চেয়ে অনেক বেশি নরম। সেই বুরুশে মাড় মাখিয়ে স্ততার উপর আলগোছে ছুঁয়ে জোরে দৌড়তে হয়। ভারি ভারি মরদ জোয়ান

হিমলিম খেয়ে যায়—কিন্তু কি আশ্চর্য, এ জায়গায় দেখতে পাচ্ছি এক মেয়ে। আরও কাছে এসে—বিশ্বাস হয় না—চোখ কচলে দেখতে হয়, সত্যি না স্বপ্ন দেখছি ? মাড় মাথানোর কাজ করছে টুনি। পরেশ ততক্ষণে হাঁ-হাঁ করে ছুটে গেছে : এ কি, এটা কি হচ্ছে বলুন তো ?

টুনি, টুনি, টুনি—

ভাকতে গিয়ে মুখে আওয়াজ বেরুল না। কী ছিল, কী হয়েছে ! স্থাংস্ত কবিরাজের মেয়ে টুনিকে এই অবস্থায় চোখ মেলে দেখতে হল !

টুনি নামটা কিসে হল—সে আপনারা জানেন না বুঝি ? আমাদের গাঁ-অঞ্চলে ছোট্ট এক রকম পাখি, টুনি বা টুনটুনি—ফুরফুরিয়ে উড়ে বেড়ায়, বড় বড় গাছ থেকে ঝুলে-পড়া গুলঞ্চলতায় দোল খায়। টুনি আমাদের সেই এক পাখি। নামকরণ ছোট্টবেলাকার—কিন্তু কি করে তাঁরা বুঝে ফেলেছিলেন, কিশোর বয়সে এই মেয়ে ঠিক এক টুনিপাখি হয়ে উঠবে।

টুনির বাপ স্থাংস্ত দেবনাথ। আজ্ঞে ই্যা, সেইজনই বটে—স্থাংস্ত কবিরাজ। কবিরাজের চকমিলানো বাড়ি, অঞ্চল-জোড়া নামডাক। রোজ লকালে লোকে লোকারণ্য। রোগি দেখে শেষ করতে দুপুর গড়িয়ে যায়। ছ'টি ছাত্র পোষেন কবিরাজ—তারা খায়-দায়, পড়াশুনো করে। তারাও রোগি দেখে কবিরাজের সঙ্গে। তবু ঐ অবস্থা।

পরেশও এসে জুটেছিল স্থাংস্তর বাড়ি। আপন বলতে কেউ নেই ছুনিয়ারিতে—হিসাব-পত্তর করে স্থাংস্তর সঙ্গে যৎকিঞ্চিৎ আত্মীয়তা; বেরিয়ে পড়ে, সেই স্ববাদে এসে আশ্রয় নেয়। গোড়ায় ছাত্র হিসাবে ছিল। কিন্তু কবিরাজ দেখলেন, ঐ নিরেট মাথার মধ্যে চরক-সুশ্রুত ঢোকানো যাবে না, রোগি মেরে মেরে সাবাড় করবে। তখন বকাল গুঁড়ো করার কাজে দিলেন। অস্থরের মতো জোয়ান, পদদাপে পাহাড় চুরমার হয়, সে-মালুষ হামানদিত্তায় কটিকারি পিষতে পারবে না কেন ? কিন্তু মুশকিল হল, বিষম আলসে, আর বড্ড ভুলো-মন। কটিকারি পিষতে বলেছ তো বিস্তর হাঁকডাকের পর স্বতকুমারী নিয়ে বসল। কোনো কাজে ভরসা করা যায় না, সদাসতর্ক থাকতে হয়। শেষ অবধি পরেশের কাজ দাঁড়াল রান্নার কাঠকুটোর জোগাড় দেখা আর কবিরাজের ঘোড়াটাকে চরিয়ে নিয়ে বেড়ানো। তা-ও কি করতে চায়—সুয়ে-বসে কুল পায় না, কাজ করে কখন ? টুনি থেকে শুরু করে বাড়ির সকলের এই নিয়ে হাসিমুসরা, গালিগালাজ। পরেশ গালি খায়, আর ঐ সঙ্গে এবেলা-ওবেলা ভাত খায় ছুটো ছুটো !

টুনির বিয়ে হবে। তিন পুরুষের মধ্যে ধরুন এই একটা মেয়ে। স্থাংস্ত

কবিরাজেরা তিন ভাই, বোন নেই। তাঁর বাপ-খুড়োদেরও সেই অবস্থা। ঠাকুরদেবতার কাছে বিস্তর মাথা খুঁড়ে এই মেয়ে হয়েছে বংশের মধ্যে। তার বিয়েই কি পরিমাণ ধুমধাড়া, অহুমানের বৃক্ষে নিন। কিন্তু সমস্ত বরবাদ হল স্বাধীনতার ঘুর্ণিঝড়ে। কবিরাজ, তাঁর ঘরবাড়ি-ধনদৌলত—ফুৎকারে সব উড়ে-পুড়ে গেল।

নিরীক্স করে দেখুন, টুনির কপালখানা জুড়ে কাটার দাগ। কপাল ভাল, রামদা-এর একটা মাত্র কোপের উপর দিয়ে গেছে। মাহুষের চলাচলে কবিরাজবাড়ি গমগম করত—এখন যে যার মতো ভেগে পড়েছে, কবিরাজ নিজে মরেছেন। টুনিরও বাপের দশা হত, সকলের ঠাট্টাতামাসার পাত্র পরেশ ছুটে এসে মাঝখানে যদি না পড়ত। টুনির গায়ে পড়ল একটা কোপ, পরেশের তিন-চারটা। পাথুরে-জোয়ান—চার-চারটে কোপ খেয়েও ভুঁয়ে পড়ল না। তার পর অনেকদিন হাসপাতালে কাটিয়ে অনেক দুঃখান্ধার পর লীমানা পার হয়ে এসে ঘর বেঁধেছে। টুনির কাণ্ড দেখে সেই পরেশ ছুটে গিয়ে পড়ল : এ কি ! কি হচ্ছে, বলুন দিকি ? এ সব কি আপনার কাজ ?

আমার নয় তো কার ? সংসার যেমন তোমার, তেমনি আমার। একজন সারাক্ষণ খেটে মরবে, আর একজন গায়ে ফুঁ দিয়ে বেড়াবে—এ হতে পারবে না। আর দেখ, আপনি-আপনি করবে না আমায়। শুনে কান জালা করে।

এমনি সময় আমায় দেখতে পেয়ে টুনি মহুর্ভকাল মখ তুলে চেয়ে থাকে। আনন্দে বিগলিত হয়ে বলল, কোথেকে এলে দাদা ?

পরেশই তড়বড় করে সব বলল। বলে, মেথলায় আমরা কল্যাণ তুলে দেব—দিয়ে দেখুন পারি কি না। তা কথা মোটে কানেই নিচ্ছেন না দাদা। ভাবছেন, ঘোড়ার-ঘাস-কাটা মাহুষ কারিগরির কি জানে ? তার পরেই আপনার কথা উঠল—বললাম, উনি আছেন এই জায়গায়—

টুনি হস্কার দিয়ে ওঠে : ফের আপনি ?

খতমত যে পরেশ বলে, ভুল হয়ে গেছে। আর বলব না, কক্ষনো না।

আমায় সাক্ষি মানল : আপনিই বলুন। কত বড় বাড়ির মেয়ে, কখনো এ সব কাজ করেছে—না, করা উচিত ? আমরা থাকতে মাঠের মধ্যে দাঁড়িয়ে মাড় দেওয়ার কাজ কেন করবেন উনি ?

আমি হেসে বললাম, বটেই তো ! কিন্তু পরেশ, কথা দিয়ে তার পরেও উনি-উনি করছে, তোমারও এটা উচিত হচ্ছে না।

টুনি বলল, ঐ বড়বাড়ি কাল হয়েছে দাদা। মাহুষজন মরে-হেছে

মাটির সঙ্গে মিশে গেল, ঘরদোর ভেঙে চুরমার হল, আসবাবপত্র পুড়ে ছাই,  
—বড়বাড়ি তবু কিছুতে যায় না, ভূত হয়ে ওঁর মাথায় চেপে আছে।

কণ্ঠস্থ কান্নায় ভিজে এল। পরেশ মরমে মরে গিয়ে বলে, আমার মনে থাকে না। আমার স্বরণশক্তি কি রকম, দেশহৃদ্য সকলের জানা আছে। কষ্ট দেবার জন্ত বলি নে। কিন্তু আপনাকেও বিচার করতে হবে—এই সব কাজ কি মানায় ওকে?

আমি উল্লাস প্রকাশ করে বলি, বাঃ—আর তোমার রাগ করা চলবে না টুনি। ‘ওকে’ বলে ফেলল—আর তুমি কি চাও?

টুনির ছলছল চোখের উপর হাসির আভাস দেখা দিল। বলে, ও হুকুম করুক। কড়া হয়ে বলুক, যাও—ঘরে চলে যাও, এ সব করতে হবে না। এন্টুনি যাচ্ছি আমি।

এত কথা পরেশ বলবে—তবেই হয়েছে! হুকুম-টুকুম নয়, অশেষ কষ্ট শুধুমাত্র বলানো গেল, ঘরে চলে যাও।

তাতেই স্ফূর্তি কত টুনির! যাচ্ছি গো যাচ্ছি—ঘাড় নিচু করে পরম আজ্ঞাসুবর্তিনী হয়ে টুনি বাড়ির দিকে চলে গেল। মুখ ফিরিয়ে একবার বলে, দাদাকে ছাড়বে না কিন্তু। এসে পড়েছেন, একটা বেলা কষ্ট করে যান বোনের বাড়ি।

না, না—তাই কি ছাড়ি!

হাত এড়ানো গেল না। থাকবার ইচ্ছে আমার নিজেরও ঘোলআনা। আমাদের গাঁয়ের মন্থ দাস, কালা দত্ত আর ঠাকুরদাস মণ্ডলও শুনলাম এখানে এসে ঘর বেঁধেছেন। জন্মে কোনদিন জানতেন না কোন্টাকে বলে টানা, কোন্টাকে বলে পোড়েন—তবুও তাঁতের কাজে লেগেছেন। পাড়াটা ধরেই ঐ বৃত্তি।

জাভাল বেয়ে এই সময় একটা লোক আসছে। সঙ্গে ছোটখাট একটু ভিড়। লোকটার হাঁটার সঙ্গে কেউ তাল দিয়ে পারছে না। পরেশ বলে, ঐ—ঐ যে কেতু। এত তাড়াতাড়ি কেতু সর্দার এসে গেল! তা যান আপনি, দেখে আনুন। আমার যাওয়া হবে না। রান্না করতে গেলেন, সাথে-সঙ্গে না থাকলে পেরে উঠবেন কেন একা-একা?

তাড়া দিয়ে উঠি : আবার? বউটার মতন তোমার ঘাড়েও ভূত ভর করে আছে। ঐ যা বলে গেল টুনি।

কেতুর মত গুণীন হয় না। সে আমি চোখে দেখে এলাম। ধানসিদ্ধ করার বড় উন্নন, পাশে বাতাবিলেবুর গাছ। সেই লেবুতলায় বউ বলে



আছে—এমনি বেশ ভালমাহুয, পা ছড়িয়ে দিয়েছে উত্তনের দুই বিকের উপর। পাড়ার একটা মেয়ে চুল ছাড়িয়ে দিচ্ছে। আহা, এমন ঘন মিশমিশে চুল অথহুে অববেলায় জট বেঁধে রয়েছে, জট ছাড়িয়ে তার পরে ক্ষার দিয়ে মাখা ঘষে দেবে ভাল করে। কেতু সেই লময়টা আড়াআড়ি জাঙাল পাড়ি দিয়ে উঠল। বাড়ির কেউ তখন অবধি দেখতে পায় নি—বউ চঞ্চল হয়ে উঠল। বলে, ছাড় ছাড়—ছেড়ে দে আমায়। যেন অহুরের বল গায়ে। ধাক্কা মেরে পাড়ার মেয়েটাকে সরিয়ে দিয়ে ছুটে বেরুল। ঘরের ভিতরে— একেবারে মাচার তলে।

আর কেতু সর্দারও তেমনি। উঠানের সীমানায় পা দিয়েই চৌচাতে লেগেছে : কোনও শয়তানি খাটবে না ! আনিস তো কে আমি ? কি হল —পালিয়েছে বুঝি ? গায়ে ময়লা মাথলে যমে ছাড়বে নাকি ? চলে আয় বলছি, ঘর থেকে বেরিয়ে আয়—

তাড়া খেয়ে বউ মাচার নিচে থেকে বেরিয়ে হুড়-হুড় করে সামনে চলে এল। কানো-কানো হুরে বলছে, যাব না আমি। মেয়েটাকে ছেড়ে কোথাও আমি থাকতে পারব না।

আপোসে যাচ্ছিস না তাহলে ?

বিড়-বিড় করে কি-একটা মস্ত পড়ল কেতু। বলে, রোস—উঠোন-বন্ধনটা করে নিই আগে। পালাতে না পারিস।

তখন বউটা আছাড়পিছাড়ি খাচ্ছে : সন্তানের মধ্যে এই এক গুঁড়ো। এর সঙ্গে সঙ্গে আমিও দেশ ছেড়ে এসেছি। থাকতে পারলাম না। সর্দার, তোমার পায়ে পড়ি, আমার দিকে আর নজর ক'র না।

কেতু ক্রুটি করে কবে বলে, আচ্ছা মা তো তুই ! মেয়ের কাঁধে চেপে চেপে বেড়াচ্ছিস, মেয়েকে নাকানি চোবানি খাওয়াচ্ছিস ! শরম হয় না ?

বউ বলে, কি করব, আপন-লোক সবাই চলে এল—সেখানে আর মন টেকে না। আসছিলাম বসন্তর মা'কে ধরে। বেশ ভাল লোক, এক বয়সে তার সঙ্গে আমি গোলাপফুল পাতিয়েছিলাম। তা পথের উপরেই সে বুড়ি মরে গেল, সে-ই এখন খোঁজাখুঁজি করছে, কার ঘাড়ে চেপে চলে আসে।

স্বরূপ ওঝা সেই থেকে আছে। সে বলে উঠল, ওঃ, তুই ভর করেছিল বসন্তর মা'র ঘাড়ে ? সে তবে তুই ? আমায় চিকিচ্ছের জন্তে ডেকেছিল—

সেদিনও ঠিক আজকের মতন চিকিচ্ছে করেছিলে। ওঝা, তুমি ভাল লোক—বেশি ঝামেলা কর না।

বলতে বলতে বউ এরই মধ্যে খল-খল করে হেসে উঠল। সে হাসি থেমে গেল কেতুর হকারে।

আজকে শক্ত পাশ্চায় পড়েছিল। ভালর তরে বলছি, সরে পড়। পাড়ার মধ্যে আসবি নে। শশানঘাটার মাঠে আরও দশ-বিশটা রয়েছে তো—সেইখানে যা, স্বজাতির সঙ্গে থাকবি ভাল। দেশের মানুষজনও পাবি। মেয়ে এক রকম চোখের উপরেই থাকবে। ক্ষুতিসে ধানবনের হাওয়া খেয়ে বেড়াবি। দিব্যি হবে। তাই চলে যা।

অনেক কান্নাকাটিতেও কেতু সর্দারের দয়া হল না। শেষটা বউ ঘাড় নেড়ে বলল, আচ্ছা—

আচ্ছা বললে শুনি নে। প্রমাণ দিয়ে যেতে হবে। ঐ আদাড়ে-কলসি আছে—পুকুরঘাট থেকে জল ভরে নিয়ে আয় দাঁতে করে।

বউ ধীরে ধীরে এগিয়ে গিয়ে কলসিটা তুলে নিল।

কেতু বলে, আর আমগাছের বড় ডালখানা ভেঙে দিয়ে যাবি যাবার সময়। তবে বুঝব, চলে গেছিস পাকাপাকি।

আজ্ঞে—

কি তাজ্জব! আপনারা বিশ্বাস করছেন না, আমিও করতাম না ব্যাপারটা যদি নিজচোখে না দেখে আসতাম। ঐ তো একফোটা বউ—সে করল কি. ভরা-কলসির কানায় কামড়ে ঘাট থেকে অতখানি পথ বয়ে নিয়ে এল। উঠানের উপর এসে অজ্ঞান হয়ে পড়ল। কলসি ভেঙে চূরমার। দাঁতকপাটি লেগেছে, শাওড়ি জলের ঝাপটা দিচ্ছে চোখে-মুখে। আর ঠিক সেই সময়টা মড়-মড় করে একটা আমের ডাল পড়ল ভূঁয়ে। ঝড় নেই, ঝাপটা নেই, আপনাআপনি ডাল ভেঙে পড়ল।

মগ্ন হয়ে দেখছি—পরেশ পিছনে এসে ডাকল, দাদা—

সে-ও এক ভরা-কলসি নিয়ে চলেছে। দাঁতে কামড়ে নয় অশ্রু, হাতে ঝুলিয়ে। বলে, এই বারে চলুন দাদা। দেখা তো হয়ে গেল, চলুন।

পরেশ আগে আগে যাচ্ছে। হাঁচতলা অবধি গিয়েছে, আমি উঠানে। খুব বেশি দিন আসে নি এরা, রান্নাঘর বাঁধা হয় নি, দাওয়ায় রাঁধে। টুনি ঘাড় ফিরিয়ে দেখে হাঁড়িকুড়ি ফেলে নেমে এল। বলল, ওর জন্তে আমার মাথা ভেঙে মরতে ইচ্ছে করে দাদা। তাই করব একদিন। বাঁচতে আমার একটুও সাধ নেই।

আমি হতভম্ব হয়ে পড়ি। এইটুকু সময়ে যা দেখলাম, পরেশের তো

অপরিসীম যত্ন টুনির উপর। সেই যে বলে থাকে, কোথায় রাখি—মাথায় রাখলে উকুনো খায়, মাটিতে রাখলে পিঁপড়ের খায়—ঠিক সেই গতিক। ইতিমধ্যে ঝগড়াঝাটি কিছু হয়ে থাকবে স্বামি-স্ত্রীর মধ্যে।

মোটাকম উপদেশ ছাড়ি : অত বাগারাগি করলে সংসারধর্ম হয় কখনও ? দুটো লাঠি একসঙ্গে রাখলে ঠকাঠকি হয়, আর দু-দুটো মাহুষ হলে তোমরা—

টুনি কৈদে ফেলল : ওর যা অত্যাচার—আপনি ভাবতে পারবেন না দাদা। সত্য-জ্ঞেতা-দ্বাপরে কেউ কখনও শোনে নি। এই দেখলেন তো একটা—একহাট মাহুষের চোখের উপর দিয়ে জলের কলসি নিয়ে আসা হল। তার মানে দশে-ধর্মের কাছে জ্ঞান দেওয়া, ঘরের মধ্যে কেউ নেই এসব কাজ করবার।

তখন মালুম হল। হেসে বললাম, এ তোমার অন্তায় পরেশ, ভারি অন্তায় !

টুনি বলে, অন্তায় আর ক'টা বলি। সারা দিন ধরে বললেও শেষ হয় না।

আমি পুরোপুরি রাগ দিলাম টুনির দিকে : খবরদার পরেশ, আব কখনো এমনধারা না হয়—

পরেশ অপবাবীর কণ্ঠে আস্তে আস্তে বলে, আপনি এসেছেন দাদা তাই ভাবলাম, রান্নাবান্নায় জলের একটু বেশি দরকার হবে। পুঁকুরঘাট অনেক দূর। আব ধরুন একা ঐ একজন মাহুষ—

অধীর কণ্ঠে টুনি বলে, সে সমস্ত আমার বুঝবার কথা, পুরুষমাহুষের কি ! বলব কি, এমন ওর হাতসাফাই—কলসি পিচন থেকে কোন্ ফাঁকে চুরি করে নিয়েছে, একটুও টের পাই নি। টের পেলে কি আর ছুঁতে পারত ?

পরেশ বলে, চুরি কিসে হল ? রান্না হচ্ছিল, ডাল সসরা দেওয়া হচ্ছিল ওদিক ফিরে। আমি তাই বলতে পারলাম না।

টুনি বলে, দেখুন তাহলে দাদা, আমি কি মিছে বলি ? কথার ঐ ধর-টা দেখুন না—

হাসি চেপে অতিশয় গম্ভীর হয়ে আমি বলি, তোমার কথার ধরন অত্যন্ত খারাপ পরেশ। বলতে হবে, রান্না করছিলে তুমি। রান্না করছিলি বলতে পার তো আবো ভাল—বেশি নম্বর পাবে।

টুনি জ্রভঙ্গি করে বলে, তাই বলতে যাচ্ছে ! সেই মাহুষ আর কি—আপনিও যেমন !

বলে ফেল, রান্না করছিলে তুমি—

পরেশ বলে, বলব।

গতিক বুঝে আমি তখন খুব কড়া হয়ে গেছি। বললাম, মূলভূমি রাখলে হবে না। এফুনি—

হঁ—

টনি বলে, শুনলেন? বড্ড গরম হলেন তো, ঐ হঁ-ইঁ বলে সারবে। তার উদিকে নয়।

সকলের তাড়া খেয়ে পরেশ অবশেষে অতিমাত্রায় কাতর হয়ে বলল, রাখা করছিলে তুমি—

টনির মুখ হাসিতে ভরে গেল। আগের কথা'র জের ধরে বলে যাচ্ছে, আমি এক হাতীর মতন মাগি ঘরে থাকতে পুকুর থেকে জল বয়ে নিয়ে এলে। লোকে কত কি বলাবলি করবে।

পুরুষসিংহ এইবার গর্জন করে উঠল : লোকের ঘাড়ে ক'টা মাথা যে বলতে যাবে। মাথা ফাটিয়ে চৌচির করে দেব না?

টনি খিলখিল করে হেসে বলে, থাক—মাথা-ফাটাফাটির তালে যেতে হবে না। দাদা যা বলে দিলেন—আমার গেরস্থালির কোন কাজ তুমি করবে না। বুঝতে পারলে?

আজ্ঞে—

আর রক্ষা নেই। হাসি এক লহমায় শুকিয়ে নিঃশেষ হল। কোমরে আঁচলের ফেরতা দিয়ে খাড়া হয়ে দাঁড়াল টনি। যেন জ্বলছে : আজ্ঞে? আমি আজ্ঞে করব—আর তাই তুমি মেনে চলবে?

জলস্রুদ সেই মাটির কলসি দড়াম করে উঠানে ফেলে দিল। ভেঙে চৌচির। বলে, অনেক সয়েছি। অত্যাচার আর সহ্য না। আমি যাব—আমি গিয়ে খাবার জল নিয়ে এসে তবে তোমাদের ভাত দেব।

যত জল মাটিতে পড়ল, তত জ্বলই টনির চ-চোখে গড়িয়ে পড়ছে। অভ্যাসবশে নিদারুণ অপরাধ করে ফেলে পরেশ স্তম্ভিত করে বেরিয়ে গেল। আঁচলে চোপ মুছে টনি বলতে লাগল, দেগলে তো দাদা। কেউ আমার নেই ক্রি-সংসারে। বাবা নেই, মা নেই, ভাই-বোন কেউ নেই—

আমি সান্ত্বনা দিই, স্বামী রয়েছে। পরেশ সত্যি কী যত্ন করে তোমা'য়! তোমার পায়ে কুশাকুর না বেঁধে সেই গুর চেষ্টা।

কথা শেষ করতে দেয় না। বলে, না, জ্বী বলে নয়—খাতির করে ও বড়বাড়ির মেয়েকে। মনে মনে আলাদা করে দিয়েছে। সেই কবে ঘি খেতাম, দুধে আঁচাতাম—আজও তাই যেন মুখে লেগে আছে! সমস্ত গেছে, বড়বাড়ির ভূত কাঁধ থেকে নামে না। কি করব, আমি কি করব!

একটু বিরক্ত হয়ে বলি, যাই বল, বাড়াবাড়ি তোমারও আছে। তুমি এদিকে কাজে ব্যস্ত, কলসিতে জল নেই দেখে—

রোদের মধ্যে আধ ক্রোশ ঠেঙিয়ে জল আনতে গেল। আমায় বলল না কেন? আমার চুলের মুঠি ধরে কেন বলে না, খাবার জল নেই—তার খেয়াল থাকে না কেন? তা তো বলবে না—বড়বাড়ির মেয়ে যে! ছোট বয়সে তখন ছুই, ছিলাম—সকলের উস্কানিতে একদিন বলেছিলাম, ‘আপনি’ বলে ডাকবে—খাটাখাটনি করবে, শুয়ে বসে ভাত মিলবে না। দিনরাত তারই এখন শোধ তুলছে।

কিছুতে বোঝাতে পারি নে। শেষ অবধি একটু ঠাণ্ডা হল, নিতান্ত আমি ঐ বেলা অবধি অভুক্ত রয়েছি বলে।

পাড়ার মধ্যে নতুন মাহুয় এসেছে, বিকেলে জনকয়েক দেখা করতে এলেন।

একটু লেখেন টেখেন নাকি আপনি—মাথায় ভাল ভাল কথা আসে? ভাল মতন একটা নাম দিয়ে যান তো আমাদের কলোনির। এই যেমন আজাদগড়, জওহরপল্লী, নেতাজিনগর। বড় বড় নাম সবই তো লোপাট করে ফেলেছে। ভেবে-চিন্তে বলুন তো একটা কিছু? -

মুখ দিয়ে বেরিয়ে গেল, ভূতখোলা। ওঁরা খুব বিরক্ত হলেন। অমন নাম কে পছন্দ করে বলুন? আমার কিন্তু ঐ ছাড়া আর কিছু মনে আসছে না।

## কাঁসি

প্রতিমা দেখা করতে এসেছে বিকালবেলা, টুহুও আছে। সন্ধ্যা হয়ে এল এই এতক্ষণ ধরে চলল কথাবার্তা। কেউ মানা করে নি। কেঁদে কেঁদে চোখ রাঙা করেছে প্রতিমা। টুহুরও মুখ শুকনো—মুকুন্দ এটা-সেটা বলে হাসাবার চেষ্টা করছে ছেলেকে। রসিকতা জমে না কিছুতে। টুহু হাসল বটে, কিন্তু প্রাণ-খোলা হাসি নয়--বাড়িতে যেমন সে পাশে শুয়ে কিম্বা কাঁধের উপর উঠে খিল-খিল খিল-খিল বাঁধ-ভাঙা জলস্রোতের হাসি হাসত। বাপ আর ছেলের মাঝখানে রাক্ষসের দাঁতের মত সাদা রঙ করা কঠিন গরাদেগুলো—হাসি জমাবার জায়গা কি এটা?

কত রকমের খাবার করে এনেছে, প্রতিমা খাওয়াতে লাগল। আজকের দিনে আইনের কড়াকড়ি নেই। হাঁড়ি থেকে একটা একটা করে মুকুন্দের হাতে দিচ্ছে ওদিক থেকে। মালপো আছে ক’খানা। ওই মালপো নিয়ে হাঙ্গামা

হল গেল-বছর বিজয়া-দশমীর পরদিন। শান্তি মিষ্টি পাঠিয়েছিলেন—মুকুন্দ তার মধ্য থেকে মালপো খেতে চাইল বিশেষ করে। প্রতিমা দিল না কিছুতে। বলে, লোভ কোর না লক্ষ্মীটি। অস্থখ যাক সে, কত মালপো তৈরি করে খাওয়াব—কত খেতে পার দেখা যাবে! জ্বরে ভুগে ভুগে মেজাজ খিটখিটে—মুকুন্দ রেগে উঠল। কিন্তু নির্দয় প্রতিমা আমল দিল না। বলে, উছ—রাগ কোর না। রাগতে নেই—রাগলে শরীর খারাপ হয়।

ছোট বয়সে মা তার মাথায় আস্তে আস্তে খাবা দিয়ে ঘুম পাড়াতেন। প্রতিমা ঠিক তেমনি ভাবে শান্ত করতে লাগল। মুকুন্দ ঘুমিয়েও পড়েছিল তার পরে।

এতদিন পরে প্রতিমা মালপোর প্রতিশ্রুতি রেখেছে। আজকে না হলে আর হতে পারত না। খাওয়াতে খাওয়াতে হঠাৎ সে কঁদে ফেলে। মুখ ফিরিয়ে আঁচলে চোখ মুছেছে। মুকুন্দ বলতে পারত, ছিঃ প্রতিমা, তোমার চোখের জল দেখে শান্তিতে যাব কেমন করে? কিন্তু লজ্জায় বাধে। এ সমস্ত বাদের কথা, সে তাঁদের পায়ের ধূলা নেবার যোগ্য নয়। টুছ যাবার বেলা হাত বাড়াল গরাদের ভিতর দিয়ে। এ জন্মে আর তাকে বৃকে চেপে ধরা হলে না। বললে হয়তো ওয়ার্ডার ব্যবস্থা করে দিতে পারত—এরা বড় ভাল—কিন্তু কি দরকার মায়া দেখিয়ে? কি লাভ হবে বাপে-ছেলেয় আকুল চোখের জলে ভেসে?

মানুষ আজ বড় ভাল, বড় আপন। স্নেহদৃষ্টিতে সবাই তাকাচ্ছে তার দিকে। কারও সঙ্গে অপ্রীতি নেই। হঠাৎ যেন মুকুন্দ রাজাধিরাজ হয়ে গেছে। স্নানের জল চাইতে ছোটোছুটি করে ওরা জলের ব্যবস্থা করে দিল। সুপারিন্টেন্ডেন্ট জিজ্ঞাসা করছে : আর কিছু চাই? ছল-ছল করছে যেন সকলের চোখ। বাইরের পৃথিবী থেকে অনেকদিন তো আলাদা হয়ে আছে—আজকের আকাশ-বাতাসও বুঝি বিহ্বল হয়েছে একটি মানুষ চলে যাবে বলে। ভাবতেও তৃপ্তি!

দিনান্তের অঙ্ককারে প্রতিমা ছেলের হাত ধরে ধীরে ধীরে চলে যাচ্ছে—আর আসবে না। প্রথম পরিচয়ের সে দিনটা—দিন না রাত্রি তখন? ঘন কুয়াশায় আচ্ছন্ন চারিদিক। মানুষ কি—হাত-পাগুলোই সঠিক চেনা যায় না। ট্রেন ছুটেছে উন্নত গতিতে—চাকার নিচে লাইনের জোড়গুলো খটাখট নড়ছে বুড়ো মানুষের দাঁতের মতো। কানাডার অতিকায় ইঞ্জিন গাড়ি টানতে টানতে দ্রুত আক্রোশে সিংহের মতন হাঁক দিয়ে উঠছে এক-একবার।

বেলা হল, কুয়াশা কেটেছে। ওপাশের সীটের উপরে বিদ্যুত কবল নড়ে

ওঠে একটুখানি। কবলের মধ্য দিয়ে সন্ধ্যা ঘুম-ভাড়া একখানা মুখ। ঘুম-ভরা চোখে প্রতিমা এদিক-ওদিক তাকাচ্ছে।

মুকুন্দপদ অবাক হল চাবিদিকে চেয়ে। বাকের বাস্পপ্যাটরা সরিয়ে লোকের দাঁতখিঁচুনি খেয়ে একটুখানি স্থান সংগ্রহ করে সে কায়ক্লেশে পা গুটিয়ে শুয়ে ছিল—এখন নিচে উপরে দেদার জায়গা। ঐ যে মেঘেটা উঠে বসল, সে ছাড়া আর তিন-চারটি প্রাণী মাত্র কোণের দিকে।

প্রতিমা উঠে গিয়ে চোখে মুখে জল দিয়ে চুল আঁচড়ে একটুখানি পাউডার বুলিয়ে ওরই মধ্যে পরিপাটি হয়ে এল। মুকুন্দ নেমে এসে প্রায় সামনাসামনি বসেছে। খাবার বের করল প্রতিমা টিফিন-কেবিরার থেকে। বাইরের দিকে মুখ ফেরাল। মনোযোগ দিয়ে স্বভাবের শোভা দেখছে, বাহুজ্ঞান-বিরহিত এমনি অবস্থা। আর যেন নিজেরই অজান্তে আলটপকা এক একটা মিষ্টি ফেলছে মুখে।

খাওয়া শেষ। প্রতিমা তাকাচ্ছে ইতস্তত। ভ্যানিটি-ব্যাগ থেকে ছোট্ট রুমাল বেব কবে মুখ মুছল। গাড়ি থেমেছে একটা স্টেশনে। মুকুন্দ নেমে গিয়ে চা ভেকে নিয়ে এল। প্রতিমা তেমনি বাইবের দিকে চেয়ে। ট্রে সমেত তার পাশে রেখে দিয়ে চা-ওয়ালা চলে গেল। প্রতিমা জ্বাড়চোখে শাকিয়ে দেখে। তবু তেমনি অনড় হয়ে আছে।

মুহূর্তে মুকুন্দ বলে, চা জুড়িয়ে যাচ্ছে—

আমায় বলছেন? কিন্তু চা আনতে আমি তো বলিনি।

মিষ্টি খেয়ে চা মনে মনে চাচ্ছিলেন নিশ্চয়—

না—

চা খান না? তা হলে ডাব-টাব দেখি?

মুকুন্দ অতিমাত্রায় ব্যস্ত হয়ে আবার নেমে পড়তে যায়। প্রতিমা মুহূর্ত হাসল এবার : থাক। এসে পড়েছে যখন, চা-ই খাওয়া যাক।

মুখ ফিরিয়ে বলে, কিন্তু এক কাপ মাত্র। আপনি খান না?

খাই তো বটেই—

ইতস্তত করতে লাগল মুকুন্দ।

তবে?

খালি পেটে চা খেতে নেই। ডাক্তারের মানা। ওতে ক্যান্সার পর্যন্ত নাকি হতে পারে। তা প্লাটফরমে ঘুরে ঘুরে দেখলাম, খাবার ভাল পাওয়া যায় না। পুরি আছে পচা তেলে ভাজা—খেলে নির্ধাৎ কলেরা।

এর পরে কোন্ পাষণ্ডী চূপচাপ থাকতে পারে?

আমার সঙ্গে আছে কিছু। ঘরে তৈরি ভাল জিনিস—থাবেন ?

কেন খাব না ?

কেরিয়ারের বাটি এগিয়ে দিতেই টপাটপ সে গালে ফেলছে। এই প্রত্যাশায় ছিল কি এতক্ষণ ? প্রতিমার তাই তো ধারণা।

মুখের কাজ চালাতে চালাতে ওরই মধ্যে মুকুন্দ একবার তারিফ করে ওঠে : খাসা জিনিস। আপনাদের কেমন সব খেয়াল থাকে—সকালের ভাবনা ছপুরের ভাবনা ভেবে সমস্ত গুছিয়েগাছিয়ে নিয়ে পথে বেরোন। রহুন—আর এক কাপ চা বলে আসি তবে।

এই দিনটা নিয়ে প্রতিমা কত ঠাট্টাতামাসা করেছে পরবর্তীকালে ! মুকুন্দ পরম ঔদরিক—সন্দেহমাত্র নেই। প্রতিমা বলত, নজর তখন আমার দিকে তো নয়—ছিল আমার টিফিন-কেরিয়ারের দিকে।

প্রতিমার অনেকক্ষণ চলে গেছে। একটা মাহুষ নেই অদূরের ঐ পাষণ-মূর্তির মতো নিশ্চল ওয়ার্ডারটি ছাড়া। তাই বা কেন মনের মধ্যে কত মাহুষ আনাগোনা করছে ! বিচিত্র শক্তি মনের—ভূত-ভবিষ্যতের হাজার-লক্ষ বছর পার হয়ে বেড়ায় পলক কেলতে যেটুকু সময় লাগে তার মধ্যে। মনোরথ বলা হয় মনকে। কিন্তু রথের গতি কোথায় লাগে এর তুলনায় ?

মুকুন্দ যখন ছোট—ঐ টুহুরই মতন, বাড়িতে আটক থাকতে চাইত না কিছুতে। বার বার ছুটে বাইরের উঠানে আসে, উঠান পেরিয়ে ছড়কোর কাছে দাঁড়ায়, হড়কো পার হয়ে জাঙাল ছাড়িয়ে বিলের ধারে চোমাখা অবধি চলে যায়।

সেকালে এমনি এক সন্ধ্যা নেমেছিল গৃহস্থবাড়ির ঘরে ঘরে দীপ-দেখানো শব্দ-বাজানোর মধ্যে। মেঘ করেছে—আকাশের দিকে চেয়ে থোকা-মুকুন্দ মাকে প্রশ্ন করে : বাবা কখন আসবে ? এত দেরি হচ্ছে, আসে না কেন ?

আসবেন—

বৃষ্টি হবে ঝড় হবে, গাছপালা ভেঙে ভেঙে পড়বে - -

তার আগেই এসে যাবেন।

কেউ না দেখে, কেউ না জানতে পারে—এমনি এক নিরালা জায়গায় গিয়ে সেদিন মুকুন্দ বারবার আকাশের দিকে প্রণাম করেছিল : হরি ঠাকুর, নারায়ণ, কেউ-রাধা, আমার বাবা যেন এফুনি করে আসে—মোটো দেরি না হয়। তোমাদের হরির-লুঠ দেবো।

ছোটপিসি ঋতুরবাড়ি বাবার সময় ছোটো পয়লা তার হাতে ওঁজে দিয়ে



গিয়েছিলেন। সে পয়সা আছে টিনের কোটায় কড়ে-পুতুলগুলোর বিছানার নিচে। সেই সন্ধতির জোরেই সে ঠাকুরদের ভোগ দিয়ে খুশি করবার আশা রাখে।

আরও মেঘ জমেছে, ঝিলিক দিচ্ছে মেঘ চিরে চিরে। মুকুন্দ ভয়ে অস্থির হয়ে ওঠে। নারায়ণ-কোঠা খান-তিনেক বাড়ির পর—এর উঠান ওর কানোচ দিয়ে যেতে হয়। শাঁখ-ঝাঁজর বাজছে সেখানে। আসন্ন দুর্ঘোণে মা বেরুতে দেবেন না—মুকুন্দ কাউকে না বলে টিপিটিপি চলল সেখানে।

চারিদিক থমথম করছে, হাওয়া নেই একটুও। ঠাকুরের শীতল-ভোগ হচ্ছে—ধূপ-গুগ্গুলের সুরভিতে মন্দির আচ্ছন্ন। মুকুন্দ এই সময়টা প্রায়ই আসে, পূজা শেষ না হওয়া পর্যন্ত দাঁড়িয়ে থাকে। পূজার পর প্রসাদ পাওয়া যায়। প্রসাদের লোভেই সে এসে দাঁড়ায়।

আজকে প্রসাদের জন্ত নয়—প্রণাম করতে এসেছে। প্রণামের সঙ্গে মাথা ঠোকে, আর বিড়বিড় করে বলে, বাবাকে এনে দাও ঠাকুর, বাবা যেন দেয় না করে। ঝড়-বাতাসে কিছু হয় না যেন আমার বাবার—

একটা দুঃসাহসিক কাজ করেছিল সেদিন। কেউ জানে না—জানেন শুধু ঠাকুর। এক-দোড়ে সে গাও অবধি চলে গিয়েছিল। রাত্রি হয়েছে—মুগ্ধাচ্ছন্ন আকাশের নিচে নিবিড় অন্ধকারে চারিদিক বিলুপ্ত। জনমানবের লাড়া নেই—তার উপর কবিরাজের ভিটের ছরস্ত বাঁশ-বাগান। সেখান দিয়ে দল বেঁধে যেতেও গা কাঁপে। কবিরাজের নির্বংশ-বাড়ির যাবতীয় প্রেতাশ্মার চলাচল নাকি ঐ সমস্ত বাঁশঝাড়ের উপর দিয়ে। ছেলেপুলে—বিশেষ করে মুকুন্দকে পেলেই অশরীরীরা ভয় দেখাত, কটর-কটর-কট আওয়াজ বেরুত এ-ঝাড়ে ও-ঝাড়ে। এক-একটা বাঁশ হুইয়ে একেবারে মাথার উপর নিয়ে আসে। দিনমানে এই অবস্থা—কিন্তু সেই রাত্রিবেলা বাপের জন্ত উষ্মেণে শিশুর হ'শজ্ঞান ছিল না একেবারে। ছুটতে ছুটতে সে গাঙের ঘাটে গিয়ে দাঁড়াল। একটা নৌকো নেই গাঙের উপর—অশ্বখের ছায়াঙ্ককারে কয়েকটা মাত্র ভিড়ি বাঁধা। হুযোগের শব্দায় সমস্ত হয়ে যেন তারা গাছতলায় পালিয়ে আছে।

বাড়ি যাও খোকা, একা একা ঘুরছ কেন? এফুনি বাতাস উঠবে।

মাকির কথায় কেঁদে ফেলে মুকুন্দ বলেছিল, আমার বাবা—

তোমার বাবা বুঝি নৌকায় আসছে? তা কান্না কিসের? নৌকো কোন্‌খানে বেঁধে রেখেছে—মেঘ কেটে গেলে ছাড়বে। তুমি ঘরে যাও। ঘরের লোক আবার তোমার জন্ত ভাববে।

মা হয়তো খোঁজাখুঁজি করছে—এতক্ষণে মনে হল মুকুন্দর। চড়বড় করে বুষ্টির ফোঁটা পড়ছে। নৈত্যের একটা দল বুঝি কোথায় আটকানো ছিল—ছাড়া পেয়ে তারা দাপাদাপি করছে গ্রামের উপর দিয়ে। সমস্ত লঙ-ভঙ করবে। ভিজা-কাপড়চোপড় ভিজা-চুল ভিজা-গা-হাত-পা—মুকুন্দ ছুটে ছুটে বাড়ি ফিরে এল। মা রান্নাঘরে—কিছু টের পান নি তিনি। কাপড় ছেড়ে গামছায় ভাল করে গায়ের জল মুছে মুকুন্দ তাঁর সামনে গিয়েছিল। ঘুমোবে না সে—কিছুতে না—যতক্ষণ বাবা না ফেরে, চোখ ডাবাডাব করে চেয়ে থাকবে। কিন্তু ঘুম ঠেকানো গেল না কিছুতে।—রাত ছপুরে বাবা ফিরে-ছিলেন, তখন সে বিভোর হয়ে ঘুমুচ্ছে।

তার টুন্ত হয়তো চুপি চুপি প্রার্থনা করছে ঈশ্বরের কাছে। পৃথিবীতে কত কি আজব ঘটে! হঠাৎ ভূমিকম্পে এই জেলখানা চূর্ণবিচূর্ণ হয়ে যেতে পারে। ইট-কাঠের স্তূপের মধ্য থেকে বেরিয়ে খোঁড়াতে খোঁড়াতে মুকুন্দ তাদের পিছন-দবজায় গিয়ে ডাক দেবে : ও টুন্ত, ঘুমুচ্ছ ?

সেই পূর্বানো রসিকতা : ঘুমিয়ে থাকো তো টুন্তবাবু, 'ই্যা' বলে জবাব দাও।

ফটকের পেটা-ঘড়িতে ঢং করে একবার বাজল। চোখ বুজে আছে মুকুন্দ, ঘুম নেই। এই শেষ রাত্রি। মুখ ফুটে কেউ বলে নি—কিন্তু সকলের ব্যবহারের হঠাৎ পরিবর্তনে বুঝতে বাকি নেই। বুদ্ধিমান বলে তার চিরকাল খ্যাতি—কিন্তু সমস্ত বোধ-চেতনা স্তিমিত হবে এক মুহূর্তে, এত কালের চেনা-জানা ধরিজীর সঙ্গে সকল সম্পর্ক চুকে যাবে। তার পর ? সঠিক খবর কে বলবে ? যুগে যুগে মানুষ নানা রকম ভেবে এসেছে, কিন্তু যুক্তির কোন পাকা বনিয়াদ নেই ভাবনার মূলে।

হয়তো মহাব্যোমে গ্রহ-তারকাদের মধ্যে তন্দ্রাচ্ছন্ন হয়ে পড়েছিল সে। তন্দ্রার ঘোরে এই ছোট্ট পৃথিবী এবং তার মধ্যে ততোধিক ছোট্ট এক সংসারের কল্পনা করেছিল। মৃত্যুব হয়তো উন্টো মানে—স্বপ্ন থেকে পুনর্জাগরণ। মৃত্যুপারে গিয়ে উদ্দাম হাসি হেসে উঠবে সে হয়তো—স্বপ্নের মধ্যে কত হাস্যকর খেলাই না খেলেছে এতক্ষণ ধরে ! অবাস্তব পৃথিবীতে পুঙ্খ-কলত্রে সঙ্গীর্ণ এক নীড় সাজাবার খেলা। হোক হাস্যকর, কিন্তু বড় মনোরম।

বড় মনোরম টুন্তর সঙ্গে খেলাধুলা। টুন্ত ডাকে, বাবা ! টুন্তকে মুকুন্দ পাণ্টা ডাক দেয়, কি বাবা ? সে ডাকের উত্তর টুন্ত আর দেয় না—ঠোটো ঠোটো চেপে হাসি-হাসি মুখে অপরূপ ভঙ্গিতে তাকিয়ে থাকে। বাপ হওয়ার দায়িত্ব যে অনেক—জামাজুতো কিনতে হয় ছেলের জন্ত, খেলনা কিনে দিতে

হয়। টুই এত সমস্ত কোথায় পাবে? তাই সে চুপ করে থাকে। আবার একসময় পান্না বেধে যায় বাপে ছেলেয়—বাবা-বাবা, বাবা-বাবা...কে কাকে ডেকে হারাতে পারে! মুকুন্দ খেমে পড়ে একটু পরেই—কিন্তু টুই ডেকে চলেছে। কী রকম পাগল দেখ—দম ধরে ডাকছে একটানা। মুকুন্দকে তখন বুঝিয়ে-হুজিয়ে থামাতে হয় তাকে : হেরে গেলাম—এই দেখ খোকন। তোমার সঙ্গে কি পারি? আর ডাকে না অত করে—খুব হেরেছি—তুমি এখন থামো—

জোরালো আলোর এক ফালি এসে পড়েছে সেলের মধ্যে। চোখ মেলে সহসা মুকুন্দের মনে হল, অনেক মানুষ চারিপাশে। মানুষের উপর মানুষ চেপে বসেছে। যারা মবে গেছে আর যারা বেঁচে বয়েছে। সত্যি সত্যি রয়েছে যারা, আর যারা আছে কল্পনায়।

কুলুঙ্গির মধ্যে বসে আছে চার বছরের মুকুন্দ। লাল গামছা মাথায় দিয়ে বউ হয়ে আছে।

মা বললেন, মুখ দেখি আমাদের রাডাবউ-এর—ফেরাও এদিকে মুখখানা। হাঁ কর দিকি বউ—ওমা মা, আমসত্ত্ব মুখের মধ্যে কেন রে বউ-এর? তাই এত লজ্জা!

গুনগুন গুনগুন গুঞ্জন উঠছে, বিকালের রোদ এসে পড়েছে পাঠশালা-ঘরের দাওয়ায়। ছেলেরা হুলে হুলে পড়া তৈরি করছে। দ্বারিক পণ্ডিত মশায় স্পলচৌকির উপর বসে বারাণ্ডার খুঁটি ঠেপ দিয়ে অঙ্ক লিখে দিচ্ছেন মুকুন্দের প্লেটে। প্লেট ধুতে গেছে ক'জনে পুকুরঘাটে—কামিনীফুল-তলায় ভাঙা রানার উপর উবু হয়ে বসে যাজ্ঞছে, প্লেট ঝকঝক করছে। পশ্চিম আকাশে পড়ন্ত সূর্য—নীরদ সেই দিকে মেলে ধবল প্লেট। নাড়াচ্ছে—গোলাকার এক টুকরো রোদও নাচছে ঐ সঙ্গে। মনোযোগ দিয়ে মুকুন্দ অঙ্ক কষছিল—মুখে এসে রোদ পড়ল।

দেখুন তো পণ্ডিত মশায়, নীরদ কাজ করতে দিচ্ছে না।

দ্বারিক পণ্ডিত এদিক-ওদিক তাকিয়ে বলেন, কোথায় নীরদ?

ঐ যে—দেখুন, ঐ কামিনীফুল-তলায়—

সে নীরদ কোথায় আজকে? একই গ্রামের বাসিন্দা, তার শৈশব-সার্থী নীরদ?...

কষ্ট হচ্ছে?

খুব ফিনফিসিয়ে কে প্রশ্ন করল। মুকুন্দ চমকে ওঠে।

ভয় কিসের? কোন ভয় নেই—সবাই একসঙ্গে বেশ মজায় থাকা যাবে।

স্বর একটু একটু করে উঠু হচ্ছে। ঘাড় ফেরাল মুহুন্দ। কেউ নয়। বলছে একেবারে কানের গোড়ায় ঠাঁড়িয়ে, অথচ দেখতে পায় না কেন ?

কে তুমি ?

আরও স্পষ্ট গলায় এবার জবাব এল : খালি আছি। বড় স্মৃতিতে আছি আমরা। এলে দেখতে পাবি, একটা কথাও মিথ্যে বলছি নে।

চোখে না দেখেও চিনতে পেরেছে। কতকাল একসঙ্গে কাটিয়েছে, কত ভাব ছিল—চিনবে না ? আরও আগে—প্রথম কথাটি বলা মাত্রই চেনা উচিত ছিল।

নীরদ, রাগ করিস নি আমার উপর ?

রাগ কিসের ? গুলি করে বুক ছেঁদা করলি—বাঁচিয়ে দিলি আমায় ভাই। বুঝতে পারবি নে, বুকের মধ্যে আমার কত আকুলি-বিকুলি করত ফাঁকিজুকি দিয়ে তোদের পথের ভিখারি করেছি বলে।

কিন্তু করেছিলি কেন বল তো ?

নেশা। একসঙ্গে লেখাপড়া করতাম, কত বড় বড় বুলি কপচেছি সে আমলে ভেবে দেখ। তার পর কোথা দিয়ে কি হয়ে গেল—সংসারে ডুবে গিয়ে সম্পত্তির নেশায় পড়ে গেলাম।

মুহুন্দের কাঁধে হাত দিল যেন নীরদ। অদৃশ্য, কিন্তু স্পর্শেস্ত্রিয়ার অতীত নয়। বলে, বাহাছর তুই। সত্যি, বন্ধুর কাজ করেছিস—রোগ আরোগ্য করে দিলি এক মুহুর্তে। সেই একবার, মনে আছে, গাঙ সীতরাতে সীতরাতে টানের মুখে ভেসে যাচ্ছিলাম—তুই বাঁপিয়ে পড়ে টেনেহিঁচড়ে ডাঙায় তুললি ? এবারও দুর্গন্ধ পাকের ভিতর থেকে টেনে তুলে বাতাসে ভাসিয়ে দিয়েছিস আমায়—ফাঁকায় দম নিয়ে বাঁচছি। একা তোরা টুহুকে নয়—অনেককেই পথের ভিখারি করেছি ঐ রকম। আরও করতাম। অনেক রকম মামলার মতলব ছিল মাথায়। ওটা এক রকমের রোগ।

সে সময়টা তোরা বড় লেগেছিল ?

মুহুন্দ আন্দাজে নীরদের বুকের উপর হাত বুলিয়ে দিল ভলকে ভলকে রক্ত বেরিয়েছিল যেখান থেকে। পরম স্নেহে গভীর কাতরতায় হাত বুলাল তার ছেলেবেলার বন্ধু নীরদবিহারীর গায়ে।

হ্যাঁ নীরদ, তোরা বোধহয় বড় যত্নশীল ছিলা জ্ঞানলা দিয়ে যখন আমার বন্ধুকের গুলি গিয়ে বিঁধল ?

কিছু না—শুধু চমক লেগেছিল প্রথমটা। এ ভারি মজা। আচ্ছন্ন হয়ে যেতে হয়, কোন রকম হাঁশ থাকে না। কষ্ট যা-কিছু গোড়ায়—মরব-মরব

এক হুশিঙ্গা। আসছে তো সেই ক্ষণ—জানতে পারবি, একটা কথাও মিথো বলছি নে আমি।

সে ক্ষণের দেরি নেই বড় বেশি। অপরাধীকে ঝুলিয়ে খতম করে দেবে। চরম চিকিৎসা। ফিরে এসে আর কখনও যাতে সমাজের অহিত করতে না পারে। অহিত অবশ্য ওদের মতে। মুকুন্দর মত হচ্ছে, ওদেরই অনেকে এত অহিত করছে যে সেইগুলোকেই সর্বাগ্রে ঝোলানো উচিত। কিন্তু ফাঁসির দড়িতে অত অত্যায়ে ভর সহাবে না নিশ্চয়—দড়ি ছিঁড়ে পড়বে।

ছিঁড়ে পড়লে, সে নাকি বিষম ব্যাপার! আর ফাঁসি দেওয়া চলবে না আলামিকে—সে তখন মুক্ত। আইনে সঠিক কি বলে, মুকুন্দ জানে না। কিন্তু লোকে বলে থাকে এই রকম। খেন একটা বোঝাপড়া হয়ে আছে বিধাতার সঙ্গে—দড়ি ছিঁড়লে বা ফাঁস না আটকালে বুঝতে হবে, তাঁর সৃষ্ট জীব হননে লায় নেই বিধাতাপুরুষের। বর্বর পদ্ধতির সঙ্গে বর্বর যুগের সংস্কার জড়িয়ে থাকবে—এটা কিছু অস্বাভাবিক নয়।

কত সাবধানতা এই জন্ত। মুকুন্দর ওজন নিয়েছে, ফাঁসির দড়িতে ঐ ওজনের মাল টাঙিয়ে ছিঁড়ে পড়ে কিনা—পরখ করে দেখেছে আগেভাগে। চর্বি ও কলা মাগিয়েছে দড়িতে, টান দেওয়া মাত্রই যাতে ফাঁস ঝুঁটে যায়। তোড়জোড়ের অস্ত্র নেই। একথানা এই মোটা বই আছে ফাঁসি দেবার প্রণালী দৃষ্টান্তে—হুগোৎসব-প্রকরণ কোথায় লাগে তার কাছে! আইন-কর্তা কেমন সহজ সচ্ছন্দ ভাবে সবিস্তারে লিখে গেছেন—লিখবার সময় আশেপাশে ঘুরছিল হয়তো তাঁর ভালবাসার মানুষেরা। চকিতে একটা বারও কি তাঁর মনে এল না মুকুন্দ হেন লোকগুলোকে—ফাঁসি যাওয়া যাদের ভবিষ্যৎ?

থাক মুকুন্দর কথা—সে একটা সাধারণ খুনে। কিন্তু ক্ষুদ্রিকাম, কানাই, জতোন, দীনেশ-গোপীনাথ-সুধসেন—শত শত এমনি, ভাবতে গিয়ে দিশেহারা হতে হয়—ফাঁসির দাড়ি ফুলের মালার মতো কণ্ঠে ভুলে নিলেন যারা! কারার কক্ষে কক্ষে উন্নত বন্দেমাতরম-ধ্বনি, পোহাতি-তারি ছলছলিয়ে ওঠে আকাশে ...তোমরা বিভোর হয়ে ঘুমুচ্ছিলে সেই সময়টা—কারও কানে যায় নি উষা-লোকের সেই নিঃশব্দ ব্যাকুল কান্না। ফাঁসিমঞ্চ মহিমা পেয়েছে তাঁদের চরণ-স্পর্শে। খুনে মুকুন্দরও গৌরবভাগী হওয়ার কথা সেই মঞ্চের উপর দাঁড়াতে পেয়ে।

আর, তাই ঘটল যে সত্যি সত্যি! মুকুন্দর কপাল—বিশ হাজারের মধ্যে যা একটা শোনা যায় না।

আকাশে পুরানো লাক্ষি সেই পোহাতি-তারি। লঠনের অস্পষ্ট আলোয়

কিলবিল করছে কালো কালো প্রেতের দল ফাঁসিক্ষেত্র ভরে। আইনের যত পাহারাদার সবাই ওরা হাজির। সেলের পিছন-দরজা খুলে দিল। দরজা থেকে পথ ক্রমশ উঁচু হয়ে পৌঁচেছে মঞ্চ অবধি। ভূমি থেকে দেড়-মাস্‌ব উঁচু হবে মঞ্চটা। মোটা ছোটো খুঁটির মাথায় আর একটা মোটা কাঠ—হরাই-জেটাল-বার অবিকল। তার দু-দিকের দু-আংটায় দড়ি পরানো। একেবারে একসঙ্গে দু-জনকে ঝোলানো চলে। হয়েও থাকে তাই একাধিক আসামি মজুত থাকলে। পাইকারি হারে খরচ কিছু কম পড়ে।

প্রক্রিয়াগুলো সমাধা হল একে একে। মঞ্চের তক্তার উপর মুকুন্দকে দাঁড় করিয়েছে। হাত দুটো পিছন দিকে বাঁধা। মুখ-চোখ কালো কাপড়ে ঢেকে দিয়েছে। জল্লাদ কাছে এসে অতি নিম্নকণ্ঠে মন্ত্র পড়ার মত বলে গেল, বাবু, রাজার আইন-দস্তুর হামাকে করতে হচ্ছে। হামার কস্বর লিবেন না।

রাজার কাঁধে দোষ চাপিয়ে ঈশ্বর ও নিহতের কাছে সে খালাস থাকল। এই তার উপজীবিকা—নগদ টাকা বরাদ্দ আছে প্রতিটি ফাঁসিক্রিয়ার জন্য। তার পর ছুটে সে হাতল ধরে দাঁড়াল। তৈরি—শুধু এবার ইজিভের অপেক্ষা।

পেঁছে ইঙ্গিত—হাতল ধরে দিল টান। ঘড়াং করে আওয়াজ হয়ে পায়ের নিচের তক্তা সরে গেল। মরে গিয়ে হাত পাঁচ-ছয় নিচুতে ঝুলে থাকবে—কিন্তু একি, পড়ে গেল যে পাঁতকুয়ের মতো সেই গর্তের তলায়। আছাড় থেয়ে ব্যথা লেগেছে, কিন্তু মরে যায় নি তো!

উপর দিকে মুখ করে চিংকারে আকাশ ফাটিয়ে মুকুন্দের উল্লাস জানাতে ইচ্ছে করে—বঁচে রেয়েছি আমি। জজ গম্ভীর মুখে রায় দিল : তোমায় ফাঁসিতে ঝুলিয়ে দেওয়া হবে—যতক্ষণ না তুমি মারা যাও। রায় পড়ে দিয়েই এজলাস থেকে উঠে গেল—সেদিন আর অন্য কাজ হবে না। যে কলম দিয়ে রায় লিখেছে—সে কলমেও কাজ করবে না আর কখনও। এত আড়ম্বরের পর এ কি রকমটা হল? দড়ি ছিঁড়ে পড়েছে। কোন্‌খানে অসাবধানে রেখেছিল দড়ি—ইঁদুরে কেটেছিল বোধহয় চৰ্বি ও পাকাকলার লোভে। এরা লক্ষ্য করে নি। আপিলে বাঁচতে পারে নি—ইঁদুর অবশেষে বাঁচিয়ে দিল।

দুই-চৈ পড়ে গেছে। অন্ধকার গর্তের মধ্যে মুকুন্দপদ সমস্ত শুনতে পাচ্ছে—জ্ঞান আছে টনটনে। ভারি গলায় একজন বলছে—জেল সুপারিন্টেণ্ডেন্টই—যা কখনও হয় না, তাই ঘটল। চাকরি নিয়ে যে টান পড়বে।

মুকুন্দ হাসছে খলখলিয়ে। ধরে নিতে হবে, ফাঁসিই হয়ে গেছে—শান্তি-ভোগের পর বিমুক্ত সে এখন। মঞ্চতলের ঘুলঘুলি খুলে ফেলল, ওইখান

থেকে মড়া বাইরে তুলে নিয়ে আসে ফাঁসির পর। মুকুন্দপদ খাড়া হয়ে দাঁড়িয়েছে, মাথা পৌঁচেছে ঘুলঘুলি অবধি। ক'জনে ধরে বাইরে আনল তাকে, হাতের বাঁধন কাটল, চোখের ঢাকা খুলে দিল।

কপাল-জোর বটে আপনার! চলে যান মশায়, আপনাকে আটকে রাখার এক্তিয়ার নেই।

মুক্তির আনন্দে সারা দেহে বিদ্যুৎ খেলে যাচ্ছে। প্রভাতের আলো অভিনন্দন জানাচ্ছে তাকে। মুক্ত লোহার দবজা। মাথা নত করছে ফটকের প্রহরীরা।

রাষ্ট্রায় পড়েছে। অব্যাহত পথ। কিরে চলেছে বাড়িতে। ভাবতে পেরেছে কি, আবার বাড়ি ফিরবে কোন দিন?

ভিড় নেই। যানবাহনও অত্যন্ত কম। মানুষের স্বচ্ছন্দ চলাফেরা এত হৃদয়ের লাগছে দীর্ঘ আট মাস আটক থাকার পর! সহপাঠী একজনের সঙ্গে দেখা—হন-হন করে ব্যস্ত ভাবে যাচ্ছে, সে নিশ্চয় খবর রাখে না মুকুন্দের, মুখ কিরিয়ে একটু সাধারণ সম্ভাষণের হাসি হেসে চলে গেল। স্থগ-স্থগ-দোলায়িত মধুর পৃথিবী ছেড়ে কোথায় যাচ্ছিল চিরকালের মতো—মুকুন্দের উদ্দেশ্যে এই হাসিটি দৃষ্টি দেওয়াতে পেত সে কি আর জীবনে?

কই গো—

গলা শুনে প্রতিমা তাড়াতাড়ি দরজা খুলল। অবাক হয়ে থাকে মুহূর্তকাল। কথা বলতে পারে না। বলতে গিয়ে থরথর কঁপে ওঠে গুঁঠপুট। ঝরঝর করে কঁদে ভাসায়।

কোথায় টুলবাবু? ঘুমুচ্ছ? ঘুমিয়ে থাক তো 'হ্যাঁ' বলে ওঠ—

প্রতিমা কথা বলতে পারছে না। ডাকাত ওদিকে জাগ্রত হয়েছে, দৌড়ছে। বড় বড় চুল উড়ছে দৌড়বাব বেগে, দু-হাত বাড়িয়ে আসছে... বাঁপ দিয়ে পড়ল।

বাবা, আমি জানতাম তুমি আসবে। ঠাকুরের কাছে কত কঁদেছি। তিনি চোখ মুছিয়ে দিলেন—বললেন, আজকেই এসে যাবে তোরা বাবা।

আট মাস ছেলে কোলে তোলে নি—বুকের ক্ষধা উদগ্ৰ হয়ে ছিল। আদরে আদরে মুকুন্দ আচ্ছন্ন করে দিচ্ছে...

আরে, আরে—অত জোরে ধোর না সোনা-মাণিক খোকনখন, লাগে—  
মুকুন্দ সহসা গলার উপর অসহ ব্যথা অনুভব করল। এক মুহূর্ত—তার পর আর কিছু নয়—

মৃতদেহ আধঘণ্টা ঝুলবে ঐ গর্তে। তার পর টেনে তুলবে। রক্তাক্ত চোখের ঢেলা তখন বেরিয়ে এসেছে কোর্টর থেকে, জিভ বেরিয়ে ঝুলে পড়েছে। এতেও হবে না। ডাক্তার পরীক্ষা অন্তে রায় দেবেন, মরেছে সত্যিই।

তখন ছুটি।

## বাদ্যবনের গান

নিশিরাত্রে মর্জাল গাউ বেয়ে যদি যাও, ঢোলকের আওয়াজ ও বিশ্রী বেতালা গান শুনেতে পাবে। আমি শুনেছি, শুনে গায়ে কাঁটা দিয়ে উঠেছিল। কিন্তু সে-সব কিছু নয়—মানুষই গায়। ওমশা—উমেশ মণ্ডল।

পাকা চুল, খোঁচা-খোঁচা গৌঁফ-দাড়ি, নিকষ-কালো গায়ের রং। খাওয়া-দাওয়া সেরে রাত দুপুরে উমেশ আসে। অধিকের মাছের সায়েরে তার গানের আড্ডা। খাল-পারে বাড়ি—রাস্তাঘাট তৈরি করে শ্রমের অপব্যয় এ সব অঞ্চলে কেউ করে না। দুই জমির সীমানা ঠিক করবার জন্ত সুরু আ'ল—সেই আ'ল-পথে পথিকজন যাতায়াত করে। উমেশ বৃড়া মানুষ—দিনমানেও সে আ'লের উপর দিয়ে হাঁটে না—একটু এদিক-ওদিক হলে পড়ে গিয়ে পা ভাঙার সম্ভাবনা। তার পথ বারো মাসই মাঠের উপর দিয়ে। শীত-বর্ষা জল-ঝড় কোন-কিছুই বাধা দিতে পারে না, যথাসময়ে সে সায়ের-মুখো ছুটবে।

লক্ষ্মী-রাহত্রে কড়খেলা হয় সায়েরে। ঝনাঝন পয়সা-সিকি-ছয়ানি বাজি ধরে কাপড়ে-চাপা ইন্সাপন-রুইতন-হরতন-চিঁড়িতনের উপর। টেমি জলে। ফাঁকা মাঠে—হাওয়ায় আলো নিবে যায় বলে কাচের চৌখুপিও আছে একটা। পয়সাকড়ির লেনদেন হয়—খেলার সমস্ত সময়টা আলোর প্রয়োজন। খেলার শেষে টেমি নিবিয়ে দেয়—অকারণ কেরোসিন পোড়ায় না। হস্তো-বা মেঘাচ্ছন্ন আকাশের নিচে চারিদিক খমখমে হয়ে আছে, পাড়ের উপর জল-তরঙ্গ কলধ্বনি করছে। আলো নিবিয়ে জন পাঁচ-সাত গোল হয়ে বসেছে ছুরন্ত মর্জালের কূলে নিঃশব্দ প্রেতমূর্তির মতন। গাঁজার কলকে কিরছে হাতে-হাতে। টানের চোটে দপ করে হঠাৎ জলে ওঠে কলকের মাথা। উগ্র কটু গন্ধে ঘর ভরে যায়। কলকে শেষ করে সকলে উঠে পড়ে। নৌকা নিয়ে মাছ ধরতে বেরুবে, কিম্বা সরকারি রিজার্ভ জঙ্গলে ঢুকে পড়বে চুপি-চুপি।

অধিক এবার ঘুমোবে। শীত ও বর্ষাকালে ঘরের ভিতর শোয়, অল্প সময় দুধের মতো লাদা কোমল চরের উপর। রাতে স্বপ্নমিমে বৃষ্টি এলে কিছু



বিব্রত হয়ে পড়ে। সেই সময়টা অধিক সঙ্কল্প করে, অন্তত একটা পাশে গোল-পাতা ও হোগলার বেড়া দিয়ে নেবে। কিন্তু দিনমানে আর মনে থাকে না। ঘুম নিতান্তই ঘেন পোষ-মানা। শোওয়ার সঙ্গে সঙ্গেই নাসাগর্জন। যখন পাশ ফেরে, শব্দ শুনে মনে হয়—পর্বত ধসে পড়ল বুঝি কোনখানে। জঙ্গল-রাজ্যে মশার উৎপাত খুব। মশা নয়, ভীমরূলের বাচ্চা—অধিক রসিকতা করে বলে। আকারে তো বটে, ছলের জলুনিতেও। ঘুমের মধ্যে মশা মারার চেষ্টায় অধিক নিজের গায়ে চটাপট চাপড মারে। মনে হবে, গজ-কচ্ছপের যুদ্ধ চলেছে। আর ওদিকে ঢপাঢপ উমেশেব ঢোলক বেজে ওঠে। একলা সে গান ধরে।

গান-বাজনা বন্ধ করলে ঘুম ভেঙে অধিক হাঁক দিয়ে উঠবে : হল কি বুড়ো ?

উমেশ সচকিত হয়ে বলে, গলা ভেঙে গেছে কাঁচা-তৈঁতুলের ঝোল খেয়ে।

অধিক আদেশ করে : হাত ভাঙে নি তো—হাতে বাজাও।

বাজনা শুরু হয়। ড-হাতের প্রচণ্ড পিটুনি। পরম আরামে অধিক আবার চোখ বোজে।

ভাঁটাব জল নেমে যায় খাল দিয়ে। রাত শেষ হয়ে আসে। বাতুড়ের ঝাঁক দূর অঞ্চল থেকে জঙ্গলের দিকে ফেরে। হরিণের ডাক শোনা যায় নদীর ওপার থেকে। বুনোহাঁসেব কলধ্বনি। উমেশের গান-বাজনা একটানা চলেছে। গাইতে গাইতে নদীব কিনারায় এসে দাঁড়ায়।

বাত শেষ হয়ে আসে। একটা-ছুটো কবে নৌকা এসে লাগে মোহানায়। সায়েব জমবে, বেচা-কনা শুরু হবে এইবাব। ঢোলক কাঁধে উমেশ ধীরে-বীরে সাঁকোর উপর গিয়ে ওঠে।

কত দিন ? তা কম হল কি—এককুড়ি বছর তো হবেই। উমেশ শিক্ষিত ব্যক্তি অ-আ কথ এবং ধারাপাতের আধাআধি মুখস্থ। কিন্তু হিসাবপত্রের ঘোর-প্যাঁচে মন যায় না। কিসের জন্ম ? তখন একটা চুল পাকে নি, দেহ লিকলিকে অবশ্য—কিন্তু গাল বসে নি, কপালের শিবা বেরোয়'নি এমনধাবা। সুরু সুরু হাত ছুটোয় ভেঙ্কি খেলিয়ে দিত।

দয়া কত দিন বলেছে, কী বোঠে বাইলে গো ! উজান কেটে হ-হ করে নৌকা ঘাটে চলে এল। হাত কি তোমার লোহাব ? সেই থেকে বাইছ—মা গো, ব্যথাও ধরে না !

লোহার কি কিসের, দেখ না পরখ কবে।

লোভী উমেশ হাত বাড়িয়ে দেয় তার দিকে। দয়া মিটি-মিটি হাসে, সরে দাঁড়ায়। ঠাকুর-প্রতিমার মত হস্তেল-রঙের হাতে উমেশের কালো অঙ্গ ছুঁতে ঘৃণা হত বোধ হয়। সেই যে গানে আছে,—‘ছুঁয়ো না ছুঁয়ো কালো, কালো হবে অঙ্গ—’ সেই বৃত্তান্ত আর কি !

ঘাটে হাঁক দিচ্ছে, যাবে গো কুলটি—পাঁচারই—কুয়োমারি— ? হু-আন। ফি চড়নদাব। যাবে-এ-এ—

নিয়ম-রক্ষার মতো এক একবার হাঁক দিয়ে মাঝিরা গল্প গুজব করছে। নৌকার খোলে রান্না বসেছে কারও। লোক জমবার দেরি আছে। ভর-ছপুরে এই আগলের মতো রোদের মধ্যে বাইরে বেরুবে কে ? চৌধুরিহাটও জমজমাট। বেলা পড়ে এলে হাট ভাঙো-ভাঙো হবে—তখন মিলবে নোয়াবি।

দয়া হাউইবাজিব মত সাঁ করে এসে লাফিয়ে উঠল। পাগলী দয়া, বজ্রাত একরোখা দয়া। উমেশের ডিঙায় উঠে পড়েছে। এমন লাফ দিয়েছে—ডিঙা যে কাত হয়ে ডুবে যায় নি, সেইটে আশ্চর্য।

এখনই ছাড়বে ?

হু-দশ জন হোক—

হোর্ক আর না-ই হোক—আমায় কিন্তু বেলাবেলি পৌঁছে দিতে হবে।

লাটসাহেবের মতো ছকুম ঝেড়ে দয়া ছই-এব ভিতব গেল। পুঁটলিব গামছাটা খুলে গাঙের জলে ভিজিয়ে নিচ্ছে। এবই মধ্যে মুখ ফিরিয়ে একটু হেসে অন্তরঙ্গ স্বরে বলে, মা-দাদা কেউ জানে না। মাসির অস্থখ, এখন-তখন অবস্থা কিনা—চুরি করে দেখতে এসেছিলাম।

ভিজি গামছায় মুখ-হাত মুছে ঠাণ্ডা হল। তখন খেয়াল হল, উমেশ ডিঙা ছেড়ে দিয়েছে—প্রায় মাঝ-গাঙে এসে গেছে তারা। দয়া ভাবছিল, জোয়ার এসে পড়ায় সরিয়ে ডাঙার ধারে নিয়ে যাচ্ছে। তা নয়—একজন মাত্র যাত্রী নিয়েই নৌকো ছেড়েছে।

চললে যে ? আর সোয়ারি কই ?

তোমায় বেলাবেলি পৌঁছে দিতে হবে, বললে—

আর একটা মানুষও পেলে না ?

উমেশ বলে, হাট না সেরে কে যাবে, কার দায় পড়েছে ? তোমার মতো ঘোড়ায় জিন দিয়ে আসে না তো সবাই।

তবু দ্বিধাস্থিত ভাবে দয়া বলে, এ কেমনটা হল ! শুধু আমি আর তুমি।

বোঠে-বাওয়া মুহূর্তকাল বন্ধ রেখে উমেশ কোঁতুক-কণ্ঠে বললে, ভয় করছে ?

ভয় ? তোমাকে ?

পুঁটুলিতে চাটি চিঁড়েও এনেছে। দয়া কাঁচা চিঁড়ে কুড়মুড় করে চিবোচ্ছে ; অবহেলায় উমেশের দিকে তাকিয়ে দেখে না একবার।

খাওয়া দেখে উমেশও ক্ষুধা বোধ করে। ভিঙা খরবেগে ছুটেছে। বোঠে কেবল ছুঁয়ে রেখেছে জলে ! অলস দৃষ্টি মেলে উমেশ আহার-পর্ব দেখছে।

যেখানটায় বসেছ, পাটার কাঠখানা ভুলে ফেল দিকি।

জ্ঞ কুক্ষিত করে দয়া বলে, কেন ?

তোলাই না। তোমাদের মেয়েমানুষের এই এক বড় দোষ--সব তাতে কেন, কি বৃত্তান্ত—

মুখ টিপে হেসে দয়া বলে, ক'টা মেয়েমানুষের সংসার তোমার গো ? দেখে-দেখে হয়রান হয়ে পড়েছ !

পাটার কাঠ ভুলে দেখল জলের কলসি। বাটিতে জল ঢেলে চিঁড়ে গামছায় করে ডুবিয়ে নিল তার ভিতর। গাঙের নোনা জল মুখে দেওয়া যায় না। তা বুদ্ধি দিয়েছে ভাল—চিঁড়ে মোলায়েম হয়েছ, খাওয়ার জুত হচ্ছে।

উমেশ বলে, মালসায় পাটালি দেখতে পাচ্ছ না ? তোমার চোখ কানা।

দয়া বলে, গাঁজার নেণায় তো তুলছ। মনের মধ্যে ধুকধুকানি হচ্ছে আর এই নেণায়। সমস্ত দেখতে পাচ্ছি। কানা যদি হব, এত সমস্ত দেখলাম কি কবে ?

গাঁজার কথায় রাগ হল উমেশের। খামোকা এমন এক-এক হাড়-জালানো কথা বলে ! জলের উপর থাকতে হলে দু-এক টান না টানলে চলে না। কিন্তু আজকের আচ্ছন্ন ভাব সমস্তটা দিন কড়া বোদে নৌকা বাওয়ার দরুন। কিন্তু প্রতিবাদ করল না—লাভ কি ? জগতে কেউ নেই যে তার উপর দরদ দেখাবে। আরও জোর দিয়ে উমেশ বলল, আলবৎ কানা তুমি। আচ্ছা, ফটকের মধ্যে কি দেখেছ বল তো—যার লেগে মজ্জা আছে ?

দয়া শুনতে প.চ্ছে না যেন। মুঠো মুঠো চিঁড়ে মুখ-গহ্বরে নিক্ষেপ করছে। তার কত ক্ষিধে পেয়েছে, খাওয়া দেখে বোঝা যাচ্ছে।

তখন কোমল সুরে উমেশ বলে, পাটালি খাও।

তোমার পয়সার পাটালি আমি খাব কেন ?

পয়সা দিয়ে কেনা নয়। এমনি।

চুরি করেছ ?

অর্থাৎ উমেশ চোর, উমেশ গের্জেল—যত গুণের নিধি হল ফটকটান। মেজাজ ঠিক রাখা দায়, তবু সে শাস্তভাবে বলল, কত মাহুষ ওঠা-নামা করে—

ভালবেসে তারা দিয়ে গেছে—কেমন ?

জবাব ঠোঁটের কাছে এসে পড়ে, এই যেমন তুমি দয়াময়ী, ভালবাসার বস্তা খুলে বসেছ ! শিরখিমের লোক সবাই তোমার মতো । শরীর কি মন-মেজাজ খারাপ হওয়ার দরুন কোনদিন যদি পৌছতে দেরি হয়ে যায়, সোয়ারিয়ার বাপ ভুলে গালি দেয় তারই নৌকার উপর বসে । মায়ী-দয়া নেই ।

কিন্তু এ সব কিছুই বলল না উমেশ । কৈফিয়তের ভাবে বলে, এক জনের কুনকে থেকে পড়ে গিয়েছিল । তা পড়ে-যাওয়া জিনিস খাও না দুখানা । শুধু-চিঁড়ে কত আর চিবোবে ?

দয়া সবগে ঘাড় নাড়ে : নৌকোয় যাচ্ছি—নগদ পয়সা গুনে দিয়ে নামব । এই মাস্তুর । খাতির-উপরোধের ধার ধারি নে ।

ধৈর্য হারিয়ে উমেশ হাতের বোঁটে কাড়ালে ফেলে দিল ।

থাকল এই । বয়ে গেছে : একলা মামুষ—থাবে কে আমার পয়সা ?

বেশ, পাড়ে লাগাও—নেমে চলে যাই । নিয়ে এলে তবে কি জ্ঞে ?

কিন্তু কলহের অবসর কোথা ? মোচার খোলার মতো ডিঙি ঘোলের মধ্যে পাক খাচ্ছে । দয়া ছুটে আসে এদিকে ।

দাঁও, বোঁটে দাঁও আমার কাছে—

উত্তেজনায় হাঁপাচ্ছে, বুক ওঠা-নামা করছে । বলে, ইচ্ছে হয় তুমি মর । আমায় স্তম্ভ টানবে কেন ?

তা তৌ বটে । কটকে হাপুস-নয়নে কাঁদবে তাহলে ।

হড়োছড়ি । বোঁটে উমেশ দেবে না কিছুতে । দয়ার হাত ছুটো এঁটে ধরল, চোখে ধক করে আগুন জলে ওঠে বুঝি ! কোন দিকে কেউ নেই—করাল জলস্রোত খল-খল হাসছে শুধু । বাঘিনীর মতন দয়া তার হাত কামড়ে ধরল ।

উমেশ তখন পায়ের ধাক্কা বোঁটে জলে ফেলে দিল । দয়াও পড়ল সঙ্গে সঙ্গে—বোঁটে ধরতে গিয়েছিল, টাল সামলাতে পারে নি । বোঁটে কি ভেসে থাকে, জল-তলে ডুবে গেছে চক্ষের পলকে ।

অবস্থা বুঝেছে উমেশ । রাগের বেশে বোঁটে ফেলে বেকুব হয়েছে—নৌকো বানচাল হবার উপক্রম । ছইএর উপর আর একটা ছিল, এক পাশ ভাঙা—তাই নিয়ে প্রাণপণে বাইছে । পাকা হাত—সামলে নিল । দ্রুত বেয়ে গেল দয়ার কাছে : উঠে এস দয়া—

দয়া আগুন হয়ে বলে, কক্ষনো না । জন্তু-জানোয়ার তোমার সঙ্গে এক নৌকায় বসব ? থুঃ—

বড় টান আঁজকে। কুমির-কামটেও খুব এই সব জায়গায়।

ধরে ধরবে কুমির-কামটে। তারা সোজা-সুজি কামড়ায়—ছলা-কলা নেই।

উমেশ মরমে মরে গেছে। কথা বলবার মুখ নেই সত্যি। ডিডি বেয়ে যাচ্ছে দয়ার সঙ্গে সঙ্গে। যত কাছে আসে, দয়া তত সরে-সরে যায়। কালো মত কী একটা দূরে। চর উঠেছে বুঝি—মাঝ-গাঙে মাটি দেখা দিয়েছে? আনাড়ি লোক তাই ভাববে, কিন্তু উমেশ জানে। কুমির পিঠ ভাসিয়ে আছে। ডুব দিল বলে—দয়া যে রকম দাপাদাপি করছে। অব্যর্থ ওদের তাক—চক্ষের পলকে জলের নিচে টেনে নিয়ে যাবে। শুধু পলকের ভগ্ন রাঙা হয়ে যাবে স্রোতের খানিকটা।

উমেশ পাগলের মতো হয়ে যায়। মিনতি করে : এস দয়া, আর কোন দিন কিছু বলতে যাব না। এই শেষ একটা বার আমার কথা পেতায় করে দেখ। উঠে এস।

দয়াও নরম হয়েছে, জল টেনে-টেনে পারছে না আর—ডিডি দেখে এবার ছিটকে গেল না। উমেশ তার কাছে, একেবারে পাশটিতে, চলে এসেছে—সেখান থেকে বোঁটে এগিয়ে দিল। এঁটে বরণ দয়া—ধরে জিরিয়ে নিচ্ছে। ৭৬ ক্লান্ত হয়েছে স্রোতের সঙ্গে এতক্ষণ লড়াই করে। ঘন ঘন নিশ্বাস পড়ছে।

বোঁঠেয় হয় না—উমেশ হাত বাড়িয়ে দিল তার দিকে। একটা হাতের বলে অত বড় মেয়েকে টেনে তোলা সহজ নয়—নিজের আবার ছমড়ি খেয়ে না পড়ে! তুলে ফেলল অবশেষে। দয়া এলিয়ে পড়েছে। উমেশ নিঃশব্দে শান্ত ভাবে বেগে যাচ্ছে। হঠাৎ দয়া চমকে উঠে বসল।

ও কি, রক্ত কিসের?

সাপে কেটেছে।

দেখি, দেখি—

না, দেখতে হবে না। জন্তু-জানোয়ারের একটু-আধটু রক্ত পড়লে কি আব ক্ষতি হয়?

রক্তের ধারা বয়ে যাচ্ছে। কী সর্বনাশ! পাড়ে ধর বলছি।

না—

আমার দোষ। যেখানেই যাই, একখানা কাণ্ড ঘটিয়ে বসি।

ঠাস-ঠাস করে নিজের গালে চড় মারছে মেয়েটা। উমেশ হাঁ-হাঁ করে ওঠে : আরে, দোষ তো আমারই! আমি একনম্বরের গাধা। সোমন্ত মেয়ের হাত ধরা অগ্নায় হয়েছিল। আমারই দোষ।

দয়া বলে, আমিই বা কোন্ আক্কেলে ঘাড়ে ঝাঁপিয়ে পড়তে গেলাম।  
ছি-ছি—মাছুষ না কি আমি! সরো, আমি বেয়ে দিচ্ছি খানিক।

তখন উমেশ সন্ধির ভাবে বলে, এখানে নয়। শিবসার মুখ এটা—এ  
জায়গায় পেরে উঠবে না। খালে পড়ি—সেই সময় তুমি লগি মেরো।

দয়া খুব খুশি হল : সেই ভাল। খালে-খালে যাওয়া যাক। গাঙে পড়ে  
দরকার নেই।

বিষম ঘুর-পথ কিন্তু। তোমায় যে আবার বেলাবেলি পৌছতে হবে।

অধীর কণ্ঠে দয়া বলে, তাই বলে এ অবস্থায় নৌকা বাইয়ে তোমায় মেরে  
কেনব কি? না।

তবে আর কি! ঢুকে পড়, সামনে ঐ খাল চলে গেছে বেনেপোতার  
চরের পাশ দিয়ে। ধরণীর শিরা-উপশিয়ার মতো সংখ্যাভীত খাল অঞ্চলটা  
জুড়ে। সমস্ত উমেশের নখ-দর্পণে। রাত্রি গ্রহর খানেক হয়েছে—এখনও  
চলছে তারা। দয়া একলাই লগি ঠেলে নিয়ে যাচ্ছে। পরনের শাড়ি কাঁধ  
ঘুরিয়ে ফেরতা দিয়ে মাজায় বেঁধে নিয়েছে। উমেশ কাত হয়ে তাকিয়ে আছে  
তার দিকে।

ছিটে জঙ্গল এধারে-ওধারে—জন-বসতি নেই, গাছে-গাছে বানরের  
পাল, সন্মুখ চরে বেড়ায় হেঁতাল-বন ও দিগ্‌ব্যাপ্ত উলুঘাসের ভিতর দিয়ে।  
চাঁদ উঠল। এমন স্বচ্ছ স্বন্দর চাঁদের আলো উমেশ জীবনে আর দেখল না।  
দিনমানের মতো জ্যোৎস্না কেওড়া-পশুরের পত্রপুষ্পের ফাঁকে তেরছা হয়ে  
নোকায় পড়েছে।

গীত গাও একখান, শুনি—

উমেশ ঘাড় নাড়ে : উছ—গান-টান আমার আসে না।

অভিমান-ভরা কণ্ঠে দয়া বলে, মিথ্যে বল কেন? গান গায় না সে-মাছুষ  
পিরথিমে নেই।

উমেশ হেসে ওঠে : তা বটে। রাত-বিরেতে ভয়ভরাস লাগলে গেয়ে  
উঠি কখনো-সখনো—

আজকে ভয় করছে না?

করছে।

অন্ধর-পরিচয় এবং যাত্রা শুনে বেড়ানোর দোষ যাবে কোথা! বলে,  
খালটুকু শেষ হলোই তো তোমাদের বাড়ি। পথ ফুরিয়ে যাবে, সেই ভয় করছে  
দয়াময়ী।

পূর্ণিমার কোটালে ঘোলা জল এসেছে—চিংড়ি পড়বে এবার। মাহুখ কাজকর্ম ছেড়ে খালে এসে জমেছে। কত নৌকা। নৌকা ঘাদের নেই, পাড়ে দাঁড়িয়ে তারা পাশখেলনা ফেলছে।

উমেশও ভিড়ি নিয়ে চলে এসেছে, আজকে আর চৌধুরিহাটের সোয়ারি ধরতে যায় নি। কি দরকার? চিংড়ির খটি আছে—ছ-ঝুড়ি পাঁচ ঝুড়ি যা নিয়ে যাবে, নগদ কড়ি সঙ্গে-সঙ্গে। খটিওয়ালারা যদুপার পারে হাটে-বাজারে মাছ চালান দেয়, বাকি শুকিয়ে রাখে। গরানের আগুন রাতদিন গন-গন করে মাছ শুকোবার প্রয়োজনে।

ঢাকের বাজনা শুনে কৌতূহলী উমেশ এক বাক এগিয়ে চলল। জাল বাইতে বাইতে যাচ্ছে—রংতামাসা যদি কিছু থাকে, সেটা উপরি লাভ। তামাসা দেখতে এসে কিন্তু বিপাকে পড়ে গেল। পারের প্রত্যাশায় দয়ারা খালধারে দাঁড়িয়ে। হাঁচ-বাতালা একটা হাঁস ও আহুযদ্বিক জিনিসপত্র নিয়ে বনবিবিতলায় পুঞ্জো দিতে গিয়েছিল, এখন ফিরছে। মস্ত একটা দল—পুরুত আছেন, দয়ার বড় ভাই জনার্দন ও মুখি-ঝুড়ি আছে, পাড়ার বউ-ঝিও আছে পাঁচ-সাতটা। ছড়মুড় করে সকলে উঠে পড়ল, ভিড়িতে তিলধারণের জায়গা নেই।

ইতিমধ্যে উমেশ মাছের খালুইটা টোকা দিয়ে ঢেকে দিয়েছে। লোকে টোকাই দেখছে, খালুই নজরে আসে না। কিন্তু দয়াময়ীর গতিক দেখ—এত পথ দিব্যি মেরে এল—আর নৌকোয় পা দিয়েই নদীর পুত্তলি উত্তাপে গলে যায় আর কি? উমেশ হাঁ-হাঁ করে ওঠে—কিন্তু তার আগেই সে হোগলার টোকা মাথায় দিয়ে মেমসাহেব হয়ে বসেছে।

বাঃ, বেশ খাসা চিংড়ি তো!

উমেশ কানে নিচ্ছে না। তাড়াতাড়ি এ পারে পৌছে দিতে পারলে হয়। জনার্দন স্পষ্টাস্পষ্ট চেয়ে বসে : জলের মাছ তো! খেতে দাও না ক'টা আমাদের।

নিজীব কণ্ঠে উমেশ একটা শব্দ করল—যার অর্থ হাঁ-না ছই-ই হতে পারে। দয়া মারমুখী হয়ে ওঠে : না-না—মাছ-টাছ কেন দেবে? অত খাতির কিসের? এটুখানি এগিয়ে শুধু যদি বাড়ির ঘাটে আমাদের তুলে দাও।

উমেশও অমনি বঁকে বসে : আমার দায় পড়েছে! কিসের খাতির?

দয়া স্বর নরম করে বলে, হেঁটে-হেঁটে পা ব্যথা হয়ে গেছে। পারছি নে যে।

ফিক করে সে হেসে ফেলল। কে বলবে, এই মেয়ে একটু আগে আগুনের মতো জলে উঠেছিল।

উমেশ বলে, তাহলে মাছ নেবে বল ? পাঁচটা কি ছ'টা মোটা মতন—  
ও ক'টা সমস্ত নিতে হবে। নয়তো নেমে পড় এই এখানে।

কে বলবে, এই উমেশই ব্যস্ত হয়ে খালুই ঢাকাঢাকি করছিল একটু  
আগে।

দয়া বলে, নিতে পারি এক কড়ারে। গান শোনাতে হবে।

উমেশের গর্ব হয়। আবার এত মানুষের মধ্যে লজ্জাও লাগে। বলে,  
যাঃ—আমার আবার গান !

ভবী ভোলে না। ঘাটে এসেও সেই কথা : গান শোনাতে তো বল।  
নইলে খালুই ছুঁচ্ছি নে।

ভাল রে ভাল ! ফাঁকি দিয়ে অ্যান্ড্রুর নিয়ে এসে—

দয়া বলে, গান তো গাইবে—আর খেয়েও যাবে। তবে মাছ নেব।  
আমার হাতের তরকারি খেলেই বা একদিন।

দয়ার মতো মেয়ে আর যদি একটি দেখে থাক ! খাওয়াচ্ছে সামনে বলে—  
তা-ও রণমূর্তি। অতি-বড় শত্রুও বলবে না, উমেশ কম খায়। সাধারণ  
জন তিনেকের ভাত-ব্যাঞ্জন শেষ করেছে, তবু দয়ার সন্তোষ নেই।

উঠছ ? গুড় আনলাম কার জন্তে তবে ? গুড়-তৈঁতুল দিয়ে মেখে জল  
ঢেলে নাওঁ।

আর খাব না।

খেতেই হবে।

গুড়ের বাটি উপুড় করল পাতে, ঘটি থেকে ছড়-ছড় করে জল ঢেলে দিল।

যা খাওয়ান খাওয়াচ্ছ দয়াময়ী, হাত ধরে ঠাঠাতে হবে। নিজেই বলে  
পেরে উঠব না।

মাহুর পেতে রেখেছি। হাত ধুয়ে গড়িয়ে পড় গে। কি কাজ আর  
এখন ?

লতি বড় যত্ন করেছিল। সহোদর ভাইয়ের কথা বল কিছা বিয়ে-কর  
পরিবার বল ( পরে সে বিয়ে করেছিল )—কেউ কোনদিন অমন এক-নাগাড়ে  
কাছে বসে থেকে খাওয়ায় নি।

উমেশ ঘুম ভেঙে খড়-মড় করে উঠে দেখল, বেলা একেবারে পড়ে গেছে।  
আরে সর্বনাশ, ডিঙিতে করে গরুর খাবার বিচালি আনতে হবে যে ! ঘাটে  
গিয়ে দেখে, বোঠে-লগি কিছু নেই—জোয়ারের তোড়ে ডিঙিটা ছলছে শুধু।  
কে নিয়ে নিল, খোঁজ—খোঁজ—।

বেশি খোঁজাখুঁজি করতে হল না। গা ধুয়ে ভিজে কাপড়ে চোর উঠে এল।



বাঁশতলার দিক থেকে। হি-হি-হি—হেসে একেবারে শতখান হয়ে পড়ে।  
লতি, এমন হাসতে পারত দয়া! হাসির তোড়ে উচ্ছ্বসিত হয়ে উঠত  
জোয়ার-লাগা তার দেহের যৌবন!

গান-না শুনিয়ে পালাচ্ছিলে। যাও—চলে যাও না। আমি কিছু  
জানি নে।

বিপন্ন উমেশ বলে, দিয়ে দাও মাইরি। তাড়া আছে।

জলে পড়ে গেছে বোধহয়। আমি কি জানি?

তার পর কিঞ্চিৎ করুণার্জ হয়ে বলে, আচ্ছা—গান তো ধর। দেখি  
খুঁজে-পেতে—পাড়ের কোনখানে যদি আটকে থাকে।

এ কি একটা গান গাওয়ার জায়গা? যেখানে-সেখানে গাইলেই হল?

দয়া আবার হেসে ওঠে: কি রকম জায়গা চাই? সামিয়ানা-ঝাড়লঠন  
লাগবে, আসর বসাতে হবে?

অতএব নিরুপায় উমেশ একবার গলা-থাকারি দিয়ে গলুইএ জুত করে  
বসল।

দয়া বলে, রোসো—ভিজে কাপড় ছেড়ে আসি। আর তোমার  
জিনিসপত্তর এনে দিই। আসছি এখুনি।

হলদে-পাখির মতো ফুড়ুং করে যেন লঘু পাখনা মেলে সে বেরুপের  
আড়ালে অদৃশ্য হয়ে গেল। লগি-বোঠে নিয়ে এল। আর আনল ফটিককে।

মুখ বেজার করে উমেশ সম্ভাষণ করে: ফটিকচাঁদ এলে কখন?

দয়াই জবাব দেয়, তুমি ঘুমুচ্ছিলে—সেই সময় এসেছে। দাদা খবর দিয়ে  
এনেছে। আমাদের দোকানে থাকবে।

উমেশ বলে, গান আজকে হয়ে উঠবে না। গলা ভেঙে গেছে।

কে ভেঙে দিল গো?

বহু-প্রচলিত এদের এই স্থল-রসিকতা। কিন্তু পান্টা জবাবে উমেশের মন  
নেই। বলে, কাঁচা তেঁতুলের ঝোল খেয়েছিলাম কি না!

হলই না-হয় গলাখান ভাল। কত বোশামুদি করাবে আমায় দিয়ে?  
বিদেশি মাছুষটাকে কে-কে-ডুকে নিয়ে এলাম কিনা!

বোঠে মাটিতে ফেলে তার উপর পাশাপাশি চেপে বসল দয়া আর ফটিক।  
অর্ধাং হাতে তুলে নিয়ে যে সরে পড়বে, সে উপায় নেই।

উমেশ গান ধরল—‘কও দেখি হে লক্ষ্মাপতি, রাম কি বস্ত্র সাধারণ? চল,  
রামের সীতে রামকে দিয়ে হইগে গিয়ে শরণাপন।’

পুরানো গানের কথাগুলো গোলমাল হয়ে যাচ্ছে। গলা-ভাঙার কথা

মিথ্যে করে বলেছিল, কিন্তু সত্যি সত্যি ফ্যানফেসে আওয়াজ বেরুচ্ছে  
ইালের মতো!

শেষ হয়ে গেলে উমেশ কিছু জিজ্ঞাসা করতে ভরসা পায় না। দয়া  
বলে, ভাল। তবে সেদিনের মতন হল না। এই গান সেদিন কী সুন্দর  
গাইলে!

সে দিন আর আজ! বেনেপোতার চরে জ্যোৎস্নার ফুলঝুরি ঝরছিল—  
ডিঙির দুই প্রান্তে দুটি প্রাণী। চারিদিকে অসীম স্তব্ধতা—বাদা থেকে অল্পট  
হরিণের ডাক আসছিল শুধু মাঝে-মাঝে। আজকে তোমার পাশে নিয়ে  
বসেছ সুন্দর চেহারার এক দুশমন। গান গোলে এ অবস্থায়?

দুশমনটা হেসে উঠল। দয়াও তো হাসে, কিন্তু ফটিকের মুখের এ জিনিস  
হাসি নয়—লাঠি মারা। হাসতে হাসতে ফটিক হিতোপদেশ দেয়: বোঠে  
বাইতে জান—তাই কর। গান গাইতে যেও না।

মনে মনে সেই মুহূর্তে উমেশ সঙ্কল্প করল, গানই গাইবে সে শুধু। বোঠে  
আর বাইবে না।

মন যার উড়ু-উড়ু, বাদাননের উদ্দাম নদীথালে নৌকা বাওয়া সত্যিই  
চলে না তাকে দিয়ে। ডিঙি ভাইয়ের জিন্মায় দিয়ে সুরেন দাসকে সে গানের  
গুরু ধরল। দাস মশায় ওস্তাদ-গাইয়ে—অঞ্চল-জোড়া খাতির। ছপুবে  
নাকে-মুখে দুটো গুঁজে উমেশ মোভোগে ওস্তাদের বাড়ি রঙনা হয়ে পড়ে।  
বেলাবোল পৌছবার প্রয়োজন। এক-সংসারের কাঠ চেলা করতে হয় দাস  
মশায়ের ওখানে, আট-দশটা গরুর জন্তু পোয়াল কাটতে হয়, কলাগাছ কুচিয়ে  
মিশিয়ে দিতে হয় জাবনার সঙ্গে। হাট-বাজারেও যেতে হয় এক-এক দিন।  
অনেক হান্নামা—গুরু-কৃপা সহজে হয় না।

মাস খানেক এমনি কাটিয়ে একদিন উমেশ বড় তাগাদা দিল। দাস  
মশায় সদয় হয়ে খাতা বেঁধে আনতে বললেন। সেই খাতায় বোল লিখে  
দিলেন - নানা বাণ্যবস্ত্রের বোল, গোটা তিরিশ হবে গুনতিতে। এইগুলো  
আপাতত মুখস্থ করুক—পরে আরও দেবেন। ধিন তারে তেরে কেটে—  
উমেশ সশব্দে মুখস্থ করে, আর স্মরণশক্তিকে ধিক্কার দেয়। বোলের সমুদ্র  
কাটিয়ে কত দিনে যে গানের কূলে পৌছবে, ঠিক-ঠিকানা নেই।

ভাত্র মাসে এক-এক দিন বৃষ্টি-বাদল চেপে পড়ে। উমেশের ছাতা আছে  
—গোলপাতার ছাতা, বন্ধ হয় না। ছাতা মাথায় লাঠি হাতে যথারীতি সে  
মোভোগ রওনা হয়েছিল। কিন্তু খানিকটা গিয়ে আলস্ত লাগল—অত পথ  
ভাঙতে ইচ্ছে করে না এই জল-কাদার মধ্যে। জনার্দনের দাওয়ায় উঠে

পড়ল। পূব-দুয়ারি ঘর—বৃষ্টির ছাটের জন্ত দরজা বন্ধ ; লাঠির আগা দিয়ে ঠুক-ঠুক করে সে দরজায় ঘা দেয় : জনার্দন আছ না কি ? ও ভাই ?

জনার্দন উদ্ভিষ্ট নয়। এই অপরাহ্নবেলা তার দোকান-ঘরে থাকবার কথা। কিন্তু আজ এই ভন্নার মধ্যে খদ্দের-পত্তর নেই তো—ভাত খেয়ে জনার্দন আরাম করে শুয়েছে, আর যায় নি দোকানে। উমেশের ডাকে দয়া গিয়ে দরজা খুলল। জনার্দন উঠে বসল বিছানায়। মুখ্য-বুড়ি যথাপূর্ব ঘুমুচ্ছে।

উমেশ বলে, ঠাণ্ডায় গলা ব্যথা করছে—একটু চা খাওয়াবে দয়াময়ী ? সেই জন্তে এলাম।

দোকানের মাল গন্ত করতে জনার্দন খুলনায় যায় মাঝে-মাঝে। একবার এক কোঁটো চা এনে রেখেছে। শোথায় যেন দয়া চা খাওয়া দেখে এসেছিল—শৌখিন মেয়ে তো—দাদার কাছে অমনি ফরমায়েস হয়েছিল। বেশি রকম সর্দি-কাশি হলে, কিম্বা বাড়িতে বিশিষ্ট জন কেউ এলে তখনই চা বেরোয়। পিতলের ঘটতে জল গরম করে তার মধ্যে চা ফেলে—গুড় এবং কদাচিৎ দুধ সহযোগে সমারোহে চা-পান চলে।

চায়ের আয়োজন হতে লাগল। আজ উমেশ নিজেই প্রস্তাব করে : একটু গান-বাজনা হলে হত না ? এত কাল মোভোগ গতায়ত করে ঐ বিছানায় খানিকটা লাবেক হুয়েছে, এ বিষয়ে নিঃসন্দেহ সে। গান শুনে সেই যে ঝটক দবার সামনে হাসাহাসি করেছিল, সে অপমান ভূষের আগুনের মতো মনে জ্বলে। তারই প্রতিবদান করবে দয়াকে নতুন গান শুনিয়ে।

প্রস্তাবটা জনার্দনের মন্দ লাগে না। বাদলাবেলা কি করা যায়—আসর জমানো যাক বসে-বসে। বলে, বাজনার কি হবে ? একখানা খোল ছিল আমার—দল-ছাউনি চিঁড়ে তার কেঁড়েটা মাতুর আছে।

উমেশ সগর্বে বলে, আমার সমস্ত জোগাড় আছে। ইন্তুক হরমনি অবধি।

বাইরেব বৃষ্টিধারার দিকে তাকিয়ে বলে, থাক গে। এর মধ্যে আনতে গেলে বস্তুর নষ্ট হয়ে যাবে। খালি-গলায় চলুক। ধর একখানা, জনার্দন ভাই !

জনার্দন আপত্তি করে ; আমার মেঠো গান—আচ্ছা, সে না হয় হবে এর পর। তোমার একখানা শুনি, ওস্তাদের কাছে যা শিখলে।

এমনি একটু-আধটু অহুরোধের অপেক্ষায় ছিল। আ-আ-আ—করে উমেশ তান ধরল। চায়ের জল গরম করতে দয়া রান্নাঘরে গেছে। উমেশ ডাক দেয় : কই গো দয়াময়ী—গেলে কোথা ভূমি ? কাবাব-চিনি আছে তোমাদের ঘরে ? কিম্বা লবঙ্গ ?

লবঙ্গ এনে দিয়ে দয়া এক পাশে পিঁড়ি পেতে বসল। বসে চা তৈরি করছে। মাটিতে সে কখনও বসে না। পাট-ভাড়া কাপড়-পরা। গৃহস্থালির দশ রকম কাজে আছে, তার মধ্যেও যেন বাকমক করে।

ওস্তাদি কসরতের জায়গা এটা নয়—সে সাদা-মাঠা একটা গান ধরল। এটাও নতুন শিখেছে। ‘জল আনিবার করে ছলা, কদমতলায় দেখিস কালা—’

চোখ বুজে গাইছিল উমেশ। আত্মস্ত বার-দুয়েক গেয়ে সে চোখ খুলল। জিজ্ঞাসা করে : কেমন লাগল ?

জনার্দন আমতা-আমতা করে : তা মন্দ কি—

কিন্তু যার দিকে চেয়ে জিজ্ঞাসা করেছিল, সে সোজাসুজি মন্তব্য করল : গান হবে না তোমায় দিয়ে।

কেন ? গান কেন হবে না ? সুরেন দাস আমায় কি বলে জান ?

বলতে বলতে রাগে আগুন হয়ে ওঠে। বলে, ঐ ফটকের কথা মুখস্থ করে নিয়েছ। আগে তো ভাল বলতে। ভাল জিনিসের মাহাত্ম্য কি বুঝবে ? চাষা কি জানে কর্পূরের গুণ, শুঁকে শুঁকে বলে সৈকব হুন।

কাসার বাটিতে দয়া চা ঢেলে দিল। এক চুমুক খেয়ে উমেশ বলে, বেশ, খালি গলায় আর নয়। হরমনি-টনি নিয়ে একদিন শুনিয়ে যাব।

জনার্দনকে দয়া বলে, দোকানে গিয়ে তোমার মাহুষ-জন পাঠিয়ে দাও গে দাদা—।

মুখ পুড়ে যায়, এই ভয়ে জনার্দন চা খায় না। কষ্টে-স্বষ্টে দু-একবার খেয়ে দেখেছে, স্বাদও কিছু নেই। উমেশের মুখেও আজ চা কটু লাগছে। আরও খানিক গুড় ঢেলে নিল, তবু মিষ্টি হয় না। উমেশের আনাড়ি গলার গান দয়ার এত ভাল লাগত—কষ্ট করে এখন যত শিখছে, ততই কি খারাপ হয়ে যাচ্ছে ? একটা কথা বড্ড চলেছে ইদানীং লোকের মুখে-মুখে—উমেশের গান ভাল লাগে না কি সেই জন্তে ?

দয়া, বিদেশিরে মন দিও না—বিপাকে পড়বে।

দয়া বলে, না—মন পেটরায় পুরে রেখে দিয়েছি। দেশি মাহুষ কেউ নেয় তো দিয়ে দেব পেটরাসুচ্ছ।

ফিক করে হেসে বেহায়া মেয়েটা বলে ফেলে, দিই তো শুধুই জান-মান দেব বিদেশিকে।

উমেশ গম্ভীর হয়ে মাথা নাড়ে : হাসি-মস্করা নয় গো দয়া। লোকে নানান কথা বলছে তোমার পীরিতের জনেরে নিয়ে।

কি বলে ? এক লাফে খাল ডিঙায়, পাঁচ-হাতি লাঠি হাতে বিশ জনের মহড়া নেয় ।

তা বলে । আর বলে, গাঙে-খালে নৌকো মেঝে বেড়ায়, বে-পাশের বন্দুক নিয়ে মানুষও মারে । আদর-কাওরানির হাতনেয় বসে তামাক খায়, ফুসফুস-গুজগুজ করে তার সঙ্গে ।

জনার্দন দোকানে মানুষজন পাঠাতে গিয়েছিল—মানুষজন সাকুল্যে একটি—সে এসে চায়ের বাটি তুলে নিল ।

দয়া বলে, নানান জনে তোমার কুচ্ছা করে । আদরের বাড়ি গিয়ে নাকি গড়াও ?

ফটিক কটমট চোখে উমেশের দিকে তাকায় ।

নানান জনের একটা তো এই দেখতে পাচ্ছি ।

বাঘের মত হঠাৎ সে গর্জন করে উঠল, বলেছিল তুই ? এবং জবাব শোনবাব আগেই গালে বিষম এক চড় । চোখে অন্ধকার দেখল উমেশ—চড় তো নয়, যেন হাতুড়ির ঘা মারল । তার পরেও ঘুসি উত্তত করেছে ।

দয়া মাঝখানে পড়ে ঝাঁচিয়ে দিল । সে ফটিকের হাত চেপে ধরল ।\*

কি কর ! এই তো তালপাতার সেপাই—মরে যাবে যে !

ও দেখেছে ?

লোকের কাছে শুনে ভালর তরে আমায় বলতে এসেছিল । তাতে তুমি এমনদারী করছ কেন গো ?

ফাঁক পেয়ে উমেশ ছুটে পালাল । ঘর-কানাচে গিয়ে চোঁচায়, দেখে নেব—চিনিস নি আমায় । একথানা কান কেটে নেব একদিন হাতে-নাতে ধরে ফেলে ।

ঘটনাটা চাউব হয়ে পড়ল । তখন আর একা উমেশের নয়—পাড়ার, এবং ক্রমশ জাতটারই মান-অপমানের ব্যাপার হয়ে দাঁড়াচ্ছে । তেঁতুলে-বাগদির গায়ে হাত তোলে কাওয়ার পো ! মাতঙ্গরদের বল পেয়ে টিকে একদিন জনার্দনকে গিয়ে বলল, বিদেয় কব ওটাকে । এই তোমায় বলে দিচ্ছি ।

ফটিক ভারি কাজের—এই ক’মাসে দোকানের শ্রী-হাদ ফিরিয়ে ফেলেছে । এই অবস্থায় কিছু দিন চললে, জনার্দনের আশা—হাতে-গাঁটে ছ-পয়সা জমিয়ে ভাল পণের মেয়ে ঘরে আনতে পারবে । ই-না সে কিছু বলে না—দয়া আগ বাড়িয়ে এসে পড়ল ।

তোমার চালের উপর চাল দিয়ে বসত করি নে যে, উঠোনের উপর

দাঁড়িয়ে কথা শোনাতে এসেছে। ডাকো দশজনাকে—ওরা যা বলবার সকলের মুকাবেলা বলবে।

এরই পরে এক রাতে দমাদম টেলা পড়তে লাগল জনার্দনের বাড়ি। জনার্দন ও ফটিক দোকানে শোয়—ফটিক বেরিয়ে পড়বে, হাত ধরে জনার্দন তাকে টেনে রাখে। ক'জন এসেছে ঠিক কি—গোয়াতু'মি করাটা কিছু নয়। সকাল বেলা দেখা গেল, চষা আউশ ক্ষেতের টেলা উঠানময় ছড়ানো।

আবার এক রাতে ফেউ ডাকছে খুব। একটু পরে গোয়ালে ছড়মুড় করতে লাগল। মুখ্য বুড়ি চোঁচাচ্ছে, গোয়ালে কেঁদো পড়েছে। ওরে জনা, উঠে আয় তোরা।

দয়া তাড়া দেয়। থামো মা, কেউ ওরা বেরবে না।

বেরবে না—আর ইদিকে গরু-ছাগল মেরে টেনে নিয়ে যাক--

বেরলে খ্যাচ করে কালা-সড়কি বলিয়ে দেয় যদি পিছন থেকে ?

ও মা কি বলে ! কেঁদোবাঘে সড়কি মারবে ?

গজর-গজর করে অবশেষে বুড়ি থামল। চারি দিক চূপচাপ। অনেকক্ষণ কাটল। কেঁদোবাঘ হঠাৎ বিকৃত গলায় কথা বলে উঠল বাইরে থেকে, আচ্ছা থাক—ভাল-মন্দ খেয়ে নে। কদ্দিন বাঁচবি এ ভাবে ?

ক'দিনের মধ্যে জানা গেল, ফটিক নেই—অঞ্চল ছেড়ে সরে পড়েছে।

উমেশের একমাত্র দোচালা ঘর—রাত দুপুরে দয়া টিপিটিপি সেখানে চলে এসেছে। ছ্যাঁচা-বেড়ার ফাঁকে আঙুল গলিয়ে ছুয়োরের খিল খুলে ফেলল। শিয়রে গিয়ে ডাকে, শুনতে পাচ্ছ ? ওরে, ও ওমশা—

কানের কাছে মুখ নিয়ে এসেছে। নীরঙ্ক অন্ধকার—তার মধ্যে দয়ার গায়ের গৌরবরণ ঝিলিক হানছে যেন। ফিসফিস করে ডাকছে, ওরে—

তাতে হল না দেখে হাত দিয়ে নাড়াচ্ছে তার মাথা। এমন নরম তুলতুলে হাত ! উমেশ চোখ মেলল। ঘুমের জড়িমা ছুঁ চোখে—সহসা বুকে উঠতে পারে না। বিশ্বাস হয় না, দয়া তার ঘরের মধ্যে এত কাছে এসেছে।

তুকলে কি করে দয়া ? ছুয়ার খুললে কোন কায়দায় ?

উমেশ উঠে আলো জ্বালল। হেসে বলল, চুরিবিস্তি খর দয়াময়ী, জুত করতে পারবে।

ধরেছি তো—

তা বটে ! সত্যিই তাই। লেখাপড়া-জানা উমেশ গুট অর্থ তলিয়ে বুকে হাসতে লাগল।

ঠিক কথা বলেছ দয়া। সর্বনেশে চোর তুমি। প্রাণটা অবধি চুরি করে নিয়ে বুক ঝাঁঝরা করে দাও।

দয়া এবার গম্ভীর হল।

শুধু শুধু আমি মস্করা করতে আসি নি ওমশা। বলছ, সে কি সত্যি ? বোঝ না ?

না। পুরুষ জাতের মুখ মিষ্টি—তোমরা আমাদের কাদার মতন শুধু কেবল পায়ে চটকে যাও।

ক্ষিপ্ত হয়ে ওঠে দয়া। যে চোখে একটু আগে হাসি ছিল, আগুন জ্বলছে যেন সেখানে। উমেশ ভীত হয়ে ওঠে। বলে, কি হয়েছে তোমার দয়া ?

দয়া বলে, ফটিক পালিয়ে গেছে—শোন নি ? গাঁয়ের লোক এখন আমাদের উপরে লেগেছে। সমাজে পাত পাড়তে দেবে না, বাস ওঠাবে গ্রাম থেকে।

আমি কিছু জানি নে, মাইরি। কারও কাছে যাই নে। সন্ধ্যা-সাথী সমস্ত হলেন ওঁরা—

বিধানার পাশে বাস্ফনার যন্ত্রপাতিগুলো দেখাল। তা অনেক জোগাড় করে ফেলেছে। ডুগি-তবলা, খঞ্জরী, ঢোলক—এবং মানিকপীরের দল থেকে কেনা ইহুরে-কাটা তার বছ গর্বের হবমনি অর্থাৎ হারমোনিয়াম।

দয়া এক আশ্চর্য কথা বলে।

দেশান্তরী হয়ে যাব তোমার সঙ্গে ? রাজি ?

বিমূঢ় দৃষ্টিতে উমেশ চেয়ে রইল। দয়া জোর দিয়ে আবার বলে, আজকেই। ভিডি নিয়ে তুমি আমাদের বা'নতলার ঘাটে থাকবে। ভাঁটা লাগলে রওনা হব।

বুকের ভিতর সে যে কি হচ্ছে—উমেশ সহসা কথা বলতে পারে না। তারপর অস্পষ্ট আওয়াজে বলে, কোথায় যাবে ?

দয়া অধীর কণ্ঠে বলে, হিসেব-পত্তর করে এসেছি নাকি ? দূর-দূরন্তর—যেখানে তুমি নিঃস্র যাও। হাড়-হাবাতেরা যেখানটায় নাগাল পাবে না।

তোমার মা-ভাই—

ওদের নাম ক'র না। মা-বুড়ি মরলে কেউ যদি খবর দেয়, এক গণ্ডুষ জল দেব তার নাম করে। বেঁচে থাকতে ওদের মুখ দেখব না।

ভিডিটা এখন টিকের হেপাজতে। কাজে নিয়ে যায়—কাজ অন্তে ধোয়া-মোছা করে বেঁধে রাখে। নিজের ভিডি চুরি করে নিয়ে বা'নতলায় ছায়াঙ্ককারে সে দয়ার পথ তাকিয়ে আছে। আছে তো আছেই। অর্ধেক

ভাঁটা নেমে গেছে—তাই ভয় হচ্ছে, দেরি হয়ে গেছে হয়তো—দয়া এসে ফিরে চলে গেছে। মশা আর বেড়ে-গোকার কামড়ে অস্থির হয়ে উঠেছে—অথচ একটা চাপড় দিতে সাহস হয় না, শব্দ হলে লোকে পাছে টের পেয়ে যায়।

পাতার খস-খসানি। এসেছে, সে এসেছে।

আমি ভাবলাম, এলে না তুমি বুঝি, মা-ভাই-এর মায়ায় পড়ে গিয়ে—

অত মায়া-দয়ার ধার ধারি নে।

কাড়ালে পা ঝুলিয়ে একেবারে উমেশের গা ঘেঁসে বসল। ইতিমধ্যে ভেবে-চিন্তে দূর-দূরন্তরের ঠিকানাও সাব্যস্ত করে ফেলেছে দয়া।

মাসির বাড়ি চৌধুরিহাটে যাওয়া যাক। লেখান' থেকে কোথায় যাব—কাল ভাবা যাবে।

নিশিরাজে খালটাকে জীবন্ত মনে হয়। খলখল হেসে আর কথা কইতে কইতে খালের জল চলেছে তাদের সঙ্গে। ডিঙিটা নাগরদোলার মত নাচিয়ে দিচ্ছে এক-এক বার।

উমেশ বলে, বড়-গাঙে এসে গেলাম। এইবার পা তুলে ব'স দয়াময়ী।

চৌধুরিহাটে পৌছতে বেশ বেলা হয়ে গেল। সমস্ত পথ দয়া বেশি কথাবার্তা বলে নি, কেমন অশ্রুমনস্ক। ঘাটে পৌছতেই নিঃশব্দে নেমে চলল। নৌকো বেঁধে জানা-শোনা মাঝিদের নজর রাখবার জগ্ন বলে-কয়ে আসতে একটু দেরি হল, উমেশের। দয়া অনেকটা দূর এগিয়ে গিয়েছে, উমেশ জোব-পায়ে এসে তাকে ধরল।

পায়ের শব্দে দয়া পিছনে তাকায়। উমেশকে বলে, তুমি আসছ ?

উমেশ হেসে ওঠে, এত ভয়টা কিসের ? মাসির কাছে পরিচয় দিও আমি নৌকের মাল্লা। চিঁড়ে ভিজিয়ে দিতে ব'ল এক পাথর। সার্না রান্তির যে খাটান খাটিয়েছ, পেটের নাড়ী হজম হয়ে যাবার যোগাড়।

বাড়ির উঠানে গিয়ে দাঁড়াল। দয়া ডেকে বলে, চলে এসেছি ফটিক। থাকতে পারলাম না।

ফটিক এবং তার পিছু-পিছু পুই-গড়নের একটি মেয়ে বেরিয়ে এল। দয়া গর্জন করে : ভাল, ভাল ! আদরকে কাঁধে করে বাসায় এনে তুলেছ ?

অতএব নিঃশব্দে এরা হামলা করতে এসেছে অত দূর থেকে নৌকো বেয়ে। ফটিকও পরাজয় মানবার লোক নয়। তড়াক করে রণমুর্তিতে দৌ উঠানে লাফিয়ে পড়ল। দুই প্রতিপক্ষ মুখোমুখি। এবং উমেশের ভরসা আছে, চৌধুরিহাটে এত কাল সোয়ারি বওয়াবয়ি করেছে—ঘাটের দাঁড়ি-



মাঝিরা চেনা-জানা—হাঁক দিলে এখনই দশ-বিশ মরদ এসে পড়বে। ফটিককে আদরের সঙ্গে এই হাতে-নাতে ধরবার পর—একখানা কান কেটে নেওয়া না—ই যদি সম্ভব হয়, সেদিনের মারের নির্ধাৎ উপযুক্ত শোধ তুলে নেবে।

কিন্তু দয়াই ভেসে দিল। মুহূর্তে আর এক মূর্তি। আদর পিট-পিট করে তাকাচ্ছিল দাওয়া থেকে। আর একরকম স্বরে—আদরের সঙ্গে যেন কত ঘনিষ্ঠতা—দয়া বলল, ওমশার বড্ড কষ্ট হয়েছে। চিঁড়ে থাকে তো চাটি চিঁড়ে ভিজোও আদর।

আর এদিকে—রাগ উপে গিয়ে উমেশের মুখে রসিকতার কথা আসে : এই মাসির কাছে আসা-যাওয়া কর দয়াময়ী? সেবারে যে নিয়ে গেলাম—এই বাড়ি এসেছিলে? তা কোন্ জন তোমার মাসি, চিনলাম না তো! কোঁচা-কাছা দেওয়া ফটকে সর্দার না বাউটি-পরা আদর পেশাকার?

চৌধুরিহাট থেকে উমেশের আর বাড়ি ফিরবার মন হল না। এ-তল্লাট ও-তল্লাট ঘুবে দিন কয়েক পরে এক কাজ জুটিয়ে নিল—বনকরের চৌকিদারি! বাড়ি গেল মাস আঠেক পরে—টিকে এসে জোর-জবরদস্তি করে নিয়ে গেল। বিয়ে-থাওয়াশ হয়েছিল। কিন্তু সে বউ ঘর লাগল না—সে এক লম্বা কাহিনী। কপালে নেই ঘি, ঠকঠকালে হবে কি?

গান-বাজনা নিয়েই সে আছে। রকমারি বাস্তবজ্ঞ গিয়ে ঢাবটেবে এক ঢোলে এসে ঠেকেছে। পয়সা জোটাতে পারে না, কিনবে কি দিয়ে? তা হয়েছে ভাল। ভাল বাজনার সঙ্গে এ গলার গান আরও উদ্ভট শোনাত।

দয়াকে আর দেখে নি। গলায় দড়ি দিয়ে মবেছে সে। লোকে কিন্তু বলে, মিথো কথা—ফটিক গলা টিপে তার পর গলায় দড়ি পরিয়ে ঘরের আড়ায় টাঙিয়ে রেখেছিল। যেমন কর্ম তেমনি ফল। ভাই-এর সংসারে বেশ তো ছিল—জাত-কুল খুইয়ে সাড়া করতে গেল কেন অমন প্রকৃতির মানুষকে?

উমেশের কিন্তু রাগ নেই। চোখে জল আসে দয়ার কথা ভাবলে। মোহমুগ্ধ দয়া—সে তো পাগল তখন। পাগলের উপর রাগ করা চলে না। গলা টিপে তাকে মেরে ফেলেছে। ফটিক বাঘের মতন তার উপর কাঁপিয়ে পড়ল, সেই অবস্থাটা উমেশ ভাববার চেষ্টা করে। কী ভাব মনে হয়েছিল তখন দয়ার? চকিতে একবার মনে এসেছিল কি ওমশার কথা—আকৈশোর যে ওমশাকে তুচ্ছ-তাচ্ছিল্য করে এসেছে, মানুষ বলে মনে করে নি বেনেপোতার সেই এক মনোরম রাত্রি ছাড়া।

বাদাবন তোমাদের মানষেলার মত নয়, তোমাদের বাঁধা হিসাব সব সময়

খাটে না সেখানে। কেউ মরলে সঙ্গে সঙ্গে অমনি সকল সম্পর্ক চূকে গেল, এ রীতি সেখানকার নয়। মাহুষের বসতি ধীরে ধীরে এগিয়ে এসেছে এই মর্জালের কূল অবধি। ওপারে ভয়াল বন—জালের দড়ির মত নদী-খালের শত পাকে বাঁধা। বনের মধ্যে সাপ-বাঘ, হরিণ-দাঁতাল। এ সব ছাড়া আরও আছেন—যে-কেউ অপঘাতে মরেছে, যত্ন্যর অতীত হয়ে নির্জন বন-অঞ্চল জুড়ে আছেন। একলা আমি বা উমেশ নয়—যারা বাদাবনে যায়, জিজ্ঞাসা করে দেখে তাদের। এমন হল, তোমার নৌকো একলা পড়ে গেছে উদ্দাম মর্জালের মাঝখানে—গা ছম-ছম করছে—বাকের মুখে এসে দেখবে ভরা পালে আরও খান পাঁচ-সাত চলছে। আগে-পিছে চলল তারা—যেই কোন বনকর-অকিস কি জনালয়ের কাছাকাছি এসেছ, চকিতে তারা নিশ্চিহ্ন হয়ে গেল। তোমায় ভরসা দিতে এসেছিল ঐ সব মায়া-তরী। বাওনে যাচ্ছ সৰু খাড়ির মধ্য দিয়ে—অথবা গুলোবন ভেঙে চলেছ মোমাছির সঙ্কানে। দেখবে তুমুল ঝড় বয়ে যাচ্ছে এক প্রান্তে গাছ-গাছালির ভিতর, দশটা হাত দূরে, কিন্তু একেবারে শান্ত। এ সমস্ত কৌতুক ঠুঁদের।

শ্রোত কাটান দিতে কূলে কূলে চলেছ—চাঁদা-কাঁটার আড়াল থেকে ফিসফিসিয়ে কে কথা বলে উঠবে। শুধাচ্ছে ছেড়ে-আসা অনেক দূরের পাড়া-পড়শি আত্মীয় জনের কথা। মাহুষ দেখতে পেয়ে থাকতে পারে নি—খোজ-খবর নেবার লোভ জেগেছে। ঘনঘোর আরণ্য রাত্রে ইহলোক-পরলোকের দুর্লভ্য বাধা বিলীন হয়ে যায়—এপারে-ওপারে আলাপন শুরু হয়। উমেশের গান-বাজনা এই সময়টায়।

সায়েরে রাত্রিবেলা আলর। কেউ শুনতে চায় না গান—একমাত্র অধিক ছাড়া। আর সেকালে সেই একজন ফরমায়েস করত। আর সবাই হাসে, ঠাট্টা করে। উমেশের দু-চোখ জলে ভরে আসে। চিরটা কাল একই ভাবে গেল! পারের খেয়ায়, হরিঠাকুর, যেদিন তোমার কাছে গিয়ে পড়ব, তুমিও হাসবে কি এই রকম? ঠাট্টা করবে? পদতলে ঠাঁই দেবে না?

সায়ের নিঃশব্দ তখন। শেষ রাত্রে দিকে চোরাই মাছ এসে পড়লে দর-দাম হাঁক-ডাকে আবার সরগরম হয়ে উঠবে। এরই ফাঁকে উমেশ হরিঠাকুরকে ডেকে নেয়।

টোলক বাজাতে বাজাতে এগিয়ে যায় গাঙের ধারে। ওপারে জঙ্গল—মাহুষ নেই, মাহুষ ছাড়া আর সবাই আছে। রোজই সে যায় অমনি। শ্রোতের কিনারায় দাঁড়িয়ে বাজনার সঙ্গে সে গান ধরে। বয়স হয়েছে, কিন্তু গলার জোর আছে। বর্ষার অবিরল ধারার মধ্যে দাঁড়িয়ে দাঁড়িয়ে গায়।

শীতের দিনে প্রায় খালি গায়ে ছি-ছি করে কাঁপতে কাঁপতে গান ধরে। যেটা শুনে দয়া নিন্দে করেছিল, বিশ বছর ধরে রপ্ত করে ফেলেছে সেটা—

জল আনিবার ক'রে ছলা

কদমতলায় দেখিস কালা—

কালার পীরিতি লেগে হইল বড় জালা রে—

‘হইল বড় জালা রে’—নানা তান-কর্তবে শেষটুকু বারম্বার গায়, গেযে যেন আশ মেটে না। নৌকোয় যেতে যেতে দাঁড়ি-মান্নিরা বলাবলি করে, পাগলটা গাইছে। রসিকতা কবে কেউ কেউ—ঝপপাস্ করে একবার দাঁড় ফেলে সেই তালে টেঁচিয়ে ওঠে, বাহবা! জঙ্গলের দিক থেকে সুস্পষ্ট প্রতিধ্বনি আসে—বাহবা!

উমেশ সচকিত হয়ে ডাকাতি-সত্যি কেউ তারিফ করে উঠল ওপার থেকে?

## দাঙ্গার দাগ

বেনীপোলে ট্রেন এসে থামল। পার্কিস্থানে ঢুকেছি, সীমান্তের স্টেশন। উচু ক্লাস বলে ভিড় নেই। গদিব বোঝতে সামনাসামনি আমরা দুজন।

সীমান্ত-পুলিস ও কাস্টম্‌সেব লোক একসঙ্গে কামবায় ঢুকল। সীমান্ত-পুলিস সামনের ভদ্রলোককে বলছে, পাসপোর্ট ভিসা দেখান মশায়। কাস্টম্‌সেব লোক আমায় বলছে, ও-পার থেকে ‘ক কি আনলেন, বের করুন মিঞাসাব।

হেসে বলি, মিঞাসাব ভুল ক’র বলছেন। হিন্দুস্থানের মাহুষ আমি। এক আত্মীয় মারা গেছেন এখানে, তাঁর শ্রাদ্ধ-শান্তির ব্যাপারে পাঁচ-সাত দিনের জন্তু যাচ্ছি। জিনিসপত্র আবার কি আনতে যাব?

এবং সামনের ভদ্রলোক সঙ্গে সঙ্গে বুকে থাবা মেবে বললেন, মিঞাসাব আমি—মশায় নই। আমি পাকিস্তানী, পাকিস্তানেব পাসপোর্ট আমার। কলকাতায় সারাজীবন কেটেছে। বড়দিনেব আমোদশুভি এখন কি রকম হয়, সেইটে দেখতে গিয়েছিলাম।

উভয় কর্মচারীই একবার আমার দিকে একবার ঐ ভদ্রলোকের দিকে তাকাল। তাব পর যথারীতি পাসপোর্ট ভিসা পরখ করে মালপত্র দেখে নেমে গেল।

ভদ্রলোক তখন হো-হো করে হেসে উঠলেন: দেখুন খোদাতালাহ

গায়ের উপর লিখে দেন নি কে হিন্দু কে মুসলমান। তা হলে এমন ভুল হত না। আমি আবহুল আজিজ—আমাকে ওঁরা হিন্দু ঠাউরে বললেন।

আমিও হেসে বলি, খোদাতালার ভুল মাহুযে সংশোধন করে নিয়ে ঘোরাফেরা করে। সবাই তাই একনজবে বুঝতে পারে। আমরা সেটা করি নি যে! আমার দাড়ি রয়েছে, আপনার গৌফ-দাড়ি পরিষ্কার করে কামানো। তাইতে ওঁদের গোলমাল হয়ে গেল।

আজিজ বললেন, মসজিদ-মন্দির নয়, পুরাণ-কোরান নয়, ধর্ম তবে এসে দাড়িতে ঠেকেছে? তা ছিল আমার দাড়ি। কালো কুচকুচে এক গোছা নূরে চমৎকার দেখাত। কিন্তু কালো দাড়ি পেকে সাদা হয়ে যায়। দাড়ি ধর্মের নিশানা হোক, পাকা দাড়ি বার্ধক্যের নিশানা। সত্যি কথা বলি আপনাকে, এত তাড়াতাড়ি বুড়ো হতে চাই নে। দাড়ি সরিয়ে দিয়ে যৌবনের চেহারা রেখেছি। যদিইন পারা যায় যুবা হয়ে থাকি।

আমার দাড়ি ছিল না। চেহারার খাতিরেই রাখতে হল। দাঁড়ার সময় ছোরা মেরেছিল। এক কোপ পিঠের উপর মারল। সেটা মারাত্মক নয়, জামায় ঢেকেটুকে বেড়াই। আর একটা মারল থুতনিতে। থুতনির সেই উৎকট দাগ ঢাকবার জন্য দাড়ি।

দাঁড়ার কথায় আজিজ বিচলিত হয়ে ওঠেন : উঃ, মশায় বলবেন না—বলবেন না! চিরকালের বসত ওঠাতে হল ওই ধাক্কায় পড়ে। বাড়ি পুড়িয়ে জিনিসপত্র লুট করে নিয়ে গেল। আমি পাকিস্তানে চলে এলাম।

আর আমার কথা ঐ তো শুনলেন। হু-হুটো কোপ ঝেড়েছে, অন্ধা পেতে পেতে বেঁচে গিয়েছি। বাড়ি আপনার কোন্‌খানে ছিল বলুন তো আজিজ সাহেব?

ভবানীপুর, রানীবাগান লেন। চেনেন নাকি?

কী আশ্চর্য, আমারও বাড়ি ঐদিকে। এখনও থাকি সেখানে। রানীবাগান লেনের কোন্‌ বাড়িটা বলুন তো?

আজিজ বললেন, করপোরেশন প্রাইমারি ইস্কুল, তারই লাগোয়া টিনের বস্তি ছিল—

বুঝেছি, বুঝেছি। ঠিক সামনে বিশ্বকর্মা রিপেয়ারিং হাউস—স্টোভ, টর্চ এই সমস্ত মেরামত করে। শুধু তবে। বস্তি পোড়ানোর পরের দিন বিশ্বকর্মা আমি টর্চটা দেখাতে এসেছি, পিছন দিক থেকে ঘ্যাচ করে মারল ছোরা। মুখ ফিরিয়েছি তো ফের থুতনির উপর বসিয়ে দিল। হিন্দুপাড়ার মধ্যে সাহসটা কি বুঝে দেখুন :

আজিঞ্জ বলেন, যুথ ফেরালেন আর মাহুঘটা দেখলেন না ?  
দেখেছি বইকি ! পলকের দেখা, কিন্তু মনে গাঁথা আছে মাহুঘটার  
চেহারা ।

আজিঞ্জ বলেন, ছাই আছে । আমিই তো সেই । তখন অবশ্য দাড়ি  
ছিল আমার ।

দাড়িই গোলমাল করে দিয়েছে । তবে বলি, আপনাদের বস্তি পোড়ানোর  
বড় পাণ্ডা একজন আমি । আপনিও কি আর দেখেন নি ! তখন আমার  
দাড়ি ছিল না । দাড়ির দরুন আজ ঠাহর করতে পারলেন না ।

কী আশ্চর্য, কতকাল পরে দেখা !

বঁচে থাকলেই দেখা-সাক্ষাৎ হয় ।

কার্টমুসের মাহুঘ যাচ্ছে কামরার সামনে দিয়ে । জিজ্ঞাসা করি, আর  
কতক্ষণ আটকে রাখবেন ?

হাতঘড়ি দেখে সে বলে, আধঘণ্টা তো বটেই ।

আজিঞ্জ আমার হাত ধরে টানেন : চলুন চা খেয়ে আসি ।

হাসতে হাসতে হাত-ধরাধরি করে দুজনে প্র্যাটফরমে নেমে রেস্টোরাঁয়  
গিয়ে বসলাম ।

## এপার-ওপার

শুকবার জুমা নামাজের পর বড় মিছিল বেরল । প্রধান উত্তোগী সিরাজুল  
আর তাজ মহম্মদ । মিছিল আরও বেরিয়েছে অনেকবার—কিন্তু এমনটা  
ঘটে নি । দশ গ্রাম ঘুরে ঘুরে সারা বেলা মিছিল চলল । হাটখোলায়  
সেদিন হাট বসেনি—হাটুরে মাহুঘ নিয়ে বড় সভা । ক্ষিপ্ত হয়ে গেছে  
সিরাজুল । শান্ত মাহুঘ তাজ মহম্মদ—সে-ও আগুন । বিহারের গ্রামে গ্রামে  
তারা ঘুরে এসেছে—সিরাজুলের কণ্ঠধরের মধ্য দিয়ে সেই অনেক দূরের  
অসহায় হাহাকার ভেসে ভেসে আসছে যেন ।

বক্তৃতা শেষ হতে দেয় না—শত শত কণ্ঠে গর্জন ওঠে । মাহুঘের চেহারা  
বদলে যায় । যারা হেসে ছাড়া কথা কইতে পারে না, তাদের চালচলনে  
শাণিত তরবারির ঝিলিক যেন ।

হিমাংশু সদরের আদালতে বেরুচ্ছে । পশার জমেনি এখনো, জমানোর  
জগু মাথাব্যথাও নেই । এই শীতকালের সময়টা কিছুদিন গ্রামে এসে থাকে ।  
রসগুড় এবং বিলের কই-মাগুর খেয়ে ধান-চালের বিলি ব্যবস্থা করে আবার

সদরের বাসায় গিয়ে উঠবে। ধানের খোলাট থেকে সে আর নকুল দাস ফিরছিল। হাটখোলার কাছাকাছি এসে পা চলে না। একটা গোলমাল উঠেছে—এই অবধি জানত। কিন্তু এমন সর্বনেশে ব্যাপার, ধারণা করবে কি ক'রে। বটগাছটার আড়ালে গিয়ে দাঁড়াল। মানুষজন সভায় যাচ্ছে—কারো নজরে না পড়ে, তাই বুরি নেমে এক জায়গায় ঘরের মতো হয়েছে—তার ভিতরে চলে গেল। একবার বা ভাবছে, দোতালায় উঠে পড়বে নাকি? ভাল করে শুনতে পাবে, দেখতেও পাবে সকলকে। কিন্তু সিরাজুলের কথা শুনতে শুনতে উৎসাহ ঠাণ্ডা হয়ে গেল। বক্তৃতা শেষ হবার আগেই সরে পড়ল হাটখোলার তল্লাট থেকে। ঠক্ ঠক্ করে কাঁপছে আপাদমস্তক। ফাঁকা রাস্তা দিয়ে চলতে ভরসা পায় না। এককালের চেনা-জানা গ্রাম—বলতে গেলে ঘাসবন অবধি চেনা—হঠাৎ যেন ভয়াল অরণ্য হয়ে উঠেছে, সাপ-বাঘ কিলবিল করে বেড়াচ্ছে। কোনদিকে যে নিরাপদ জায়গা, ভেবে ঠিক করতে পারে না। পালাতে হবে—কিন্তু কোথায় কোন পথ দিয়ে?

দোমহলা বিস্তীর্ণ ঘরবাড়ি। কত মানুষের আনাগোনা—বিশেষ করে হিম্মাংগ এইরকম যখন বাড়ি আসে। রাত দুপুর হয়ে যায়, তবু মচ্ছবের শেষ নেই। আজ কেউ আসেনি। কোনদিকে না তাকিয়ে সে হন্ হন্ করে শোবার ঘরের বারাগায় উঠল। সাড়া পেয়ে হাসি দরজা খুলে দিল। রক্তলেশহীন মড়ার মুখ হয়ে গেছে হাসির। আবার গিল আঁটল দরজার, ছড়কো দিল। চারদিক ঘুরে দেখে এল বন্ধ আছে কিনা জানালাগুলো।

সে রাত্রে হিন্দুপাড়ায় কেউ দরজা খোলে নি। ধুমোয় নি প্রায় কেউ, আলো জ্বলে জেগে বসে রয়েছে। কথাবার্তা বলবারও ভরসা পাচ্ছে না। নিঃশব্দে চারদিক—ঝিমঝিম করছে। শিখাল কি কুকুর ডেকে উঠল অনেক দূরে—এতেই তারা শিউরে ওঠে। ওকি—ক্যানেস্তারা পিটেছে না? পশ্চিম-পাড়ার দিকে ড্রামের বদলে ক্যানেস্তারা বাজাচ্ছে। কান পেতে থাকে—‘আল্লা-হো-আকবর’ শোনা যায় কিনা ঐ সঙ্গে।

সকালে জানা গেল একদল মোজাহির হারাণ চাটুজ্জেকে বের করে দিয়েছে বাড়ি থেকে। আপত্তি করতে গিয়েছিলো চাটুজ্জে মশায়, গলাধাক্কা দিয়েছে। পড়ে গিয়েছিলেন সিঁড়ির উপর, সবাক কেটে কুটে গেছে।

শোনা গেল, বন্দরে আস্ত ঘর আর নেহ, দিনের বেলা প্রকাশ্য ভাবেই দল বেঁধে মহাজনি গোলায় আগুন দিয়ে বেড়াচ্ছে। থানার লোক নিরপেক্ষ দর্শক।

সিরাজুলের গলা যেন—রাস্তায় দাঁড়িয়ে কাকে কি বলছে। পাঠশালা

থেকে বড় ইদুল অবধি হিমাংশু এই সিরাজুলের সঙ্গে পড়াশুনা করেছে।  
সভাক্ষেত্রে বাই সে বলুক—এমন কাছাকাছি পাওয়া যাচ্ছে, তাকে একবার  
জিজ্ঞাসা করা উচিত। নিশ্চয় সাহায্য পাওয়া যাবে।

ছুটে বাস্তায় এসে হিমাংশু সিরাজুলের হাত জড়িয়ে ধরল।

এ কি শুনছি ভাই?

বেশী শুনেনি—বিস্তার বাড়িয়ে বলাবলি হচ্ছে।

ঠেকাও ওদের ভাই। তুমি হয়তো পারবে। নির্দোষ মানুষ মারছে।—

সিবাজুল সংশোধন কয়ে দেয়, হিন্দু মারছে—

হিমাংশু ব্যাকুল হয়ে বলে, কি বলছ, হিন্দু কি মানুষ নয়?

হিন্দু মানুষ, মুসলমানও মানুষ। বিহারে মুসলমানদের যে মারলো  
তারা কি নির্দোষ নয়?

কিন্তু তাদের পাপে আমাদের শাস্তি কেন? যাও সেই বিহারে—যারা  
মারছে তাদের গিয়ে মাঝে মাঝে।

সিরাজুল নিষ্কম্প কঠিন কণ্ঠে বলে, মারামারি হচ্ছে মানুষ ধরে নয়—  
জাত ধরে। হিন্দু যেখানে শক্তিমান তাই। মুসলমান মারছে, মুসলমান  
হিন্দু বাপেলে হিন্দু মারবেই।

সিবাজুলের মতো ছেলের মুখে এই কথা—তখন আর ভাবনা কিসের?  
কোথা থেকে কি হয়ে গেল! ভাল ভাল বচন কপটে আসছি আমরা সভ্যতার  
আদিকাল থেকে। বাইরেই শোভন পোষাক—একটু আঁচড় কাটলে  
ভিতরের জঘন্য পশুশক্তি বেরিয়ে পড়ে ...

চাব বছর পরে আবার গ্রামের পথে চলতে চলতে হিমাংশুর মনে  
পড়ছিল সেই পুরানো ঘটনা। যেন ঝড় উঠেছিল—কত বাঁধা ঘর ভূমিসাং  
হল, মানুষজন ছিটকে পড়ল এদিকে সেদিকে। আজকের সন্ধ্যায় চারদিকে  
বিপুল প্রশান্তি। সে দিনের সঙ্গে কোন মিল নেই। গ্রামসামান্য হুঁদিকে  
ডাল-মলানো বিশাল বটগাছ, হরিভলা--হরিঠাকুর দুই বাছ বিস্তার করে  
নৈসর্গ গ্রাম আগলছেন। পালপার্বণে ইদানীং ঢাক বাজে না আর এখানে  
বৃক্ষমূলে সিঁদুর মাখা ঘট-স্থাপনা হয় না। ভাঁট-আশুভাওড়ায় চতুর্দিকে ভরে  
গেছে, যাওয়াই যায় না ঠাকুরের কাছাকাছি।

তাজ মহম্মদের বাড়ি। দালান দিয়ে ফেলেছে! রাস্তা দিয়ে যেতে  
যেতে হিমাংশুর নজরে পড়ল, সারা উঠানে আড়বঁধে পাট শুকাতো দিয়েছে।  
গিন্নি বউর চিড়ে কুটছে ঢেঁকিশালে! বিকালবেলার খেজুররস জ্বাল  
দেওয়া হচ্ছে—লক লক আগুন উঠছে বিশাল বাইনের দুই মুখ দিয়ে। দেখেছে

তো, কি হুর্দীন ছিল এদের! আজকে গুছিয়ে নিয়েছে। তার এবং আর দশটা গৃহস্থের জমিজমিরেত ফাঁকি দিয়ে খাচ্ছে, সৌভাগ্য উথলে উঠেছে সেইজন্তে।

চোখ ভরে জল আসে। শহরের লোকে বুদ্ধি দিয়ে হিসাবপত্র করে বোঝবার চেষ্টা করে। কিন্তু আমাদের মনে ঢুকবে তারা কেমন করে? ভুক্তভোগীর ব্যথা বাইরে থেকে কি বোঝা যায়?

হাটখোলা। হাটবার নয়—তবু এ-দোকানে ও-দোকানে গুলতানি চলেছে। মুখ ঢেকে ছুটল হিমাংশু। নকুল বলে, আশ্তে চলেন বাবু অঙ্ককার জায়গা—শিকড়ে হৌচট থেয়ে পড়ে যাবেন।

প্রহরখানেক রাত হয়েছে, সেই সময় বাড়ির উঠানে গিয়ে দাঁড়াল। তিরিশটা বছরের চেনা বলেই চিনতে পারে—নতুন কেউ বলবে না, কোন বাড়ির উঠান এটা। এক গলা জঙ্গল—রোয়াকের নিচে যেখানটায় দাঁড়িয়ে আছে। বুনো ফুলের মুহু সৌরভ নাকে আসে। শন শন আওয়াজ ওঠে সে আমলের দেউড়ির ধারে লাগানো ঝাউ সারিতে। হিমাংশুর বৃকের মধ্যে গুর গুর করে।

হল কি নকুল? আলো ধরাতে কতক্ষণ লাগে?

নকুল একবার বিকালে এসে ঝাঁট-পাট দিয়ে হেরিকেন দেশলাই ইত্যাদি ঠিক করে রেখে গেছে, তবু এত দেরি কেন? অঙ্ককার ঘরের মধ্যেই হিমাংশু উঠে পড়ে! ঘরে ঢুকল যেন অলক্ষ্য কোন আততায়ীদের আতঙ্কে! দরজা বন্ধ করবার ইচ্ছে, কিন্তু কবাট নেই। পোড়ো বাড়ির জানালা-দরজা খুলে নিয়ে গেছে।

একটা মাত্র বিড়িয়ে দিয়ে নকুল বলল, কষ্ট হয়েছে—গড়াতে থাকেন বাবু। আমি দুটো ক্যানশা ভাত ফুটিয়ে আনি।

এ নকুলের তুলনা নেই। ভদ্রপাড়াটা এই চার বছর একাকী সে আগলে বেড়াচ্ছে। ফাঁক পেলেই পাড়ার ভিতর এসে ঢোকে। এর উঠানে, ওর বাগানে থমকে দাঁড়ায়। শিয়াল-গুয়ার মুখ তুলে পালায় মাত্রম দেখে। পালিয়ে যাবার সময় সেই বাসিন্দারা নকুলের উপর যেন ভার দিয়ে গেছে।

কিন্তু একেবারে চলে যায়নি বাসিন্দারা। শাড়ির খসখসানিতে হিমাংশু চমকে তাকায়। হাসি এসে ঢুকল।

হেরিকেন খানিকটা দূরে রেখে গিয়েছে—হিমাংশুর চোখে আলো না লাগে। দপ দপ করে উঠে আলো ক্ষীণ হয়ে গেল। ঘর অঙ্ককার। শিয়রের দিকে দাঁড়িয়ে আছে, ঘাড় বাঁকিয়ে হিমাংশু আর একবার দেখল। কুলুজিক



দিকে সরে গেল হাসি, সেখানে দাঁড়িয়ে খুঁটখাট করছে। হাত-আয়না নিয়ে মুখ দেখে নাকি? আঁধারে দেখছে কি করে? আয়না কি সঙ্গে আনে ও। কুক্ষিতাগ্র একপিঠ এলোচুল দেখে হিমাংশু নিঃসংশয়ে চিনেছে, এ হল হাসি-রাণী। হাসি কথা বলে না, হিমাংশুই বা বলতে যাবে কেন? ঝোড়ো পাখির মতো নিরাক্ষর সে ছুটাছুটি করেছে, হাসি কোন খবর রাখে না। তার হৃৎকের ভাগ নেয়নি হাসি।

ঝপ করে হাসি পাশে এসে বসল। একেবারে গায়ের উপর। ওই তার চিবকালের জায়গা। কথাও বসল। গলার স্বর কাঁপছে।

ঘরবাড়ির কথা মনে পড়ল এ্যাঙ্কিনে?

হিমাংশু বলে, কিন্তু এই জঙ্গলের মধ্যে আছ কেমন করে?

উপায় কি বলো? সবাই সরে পড়লে—গৃহস্থঘরে সন্ধ্যা পড়বে না, এ-ই বা কেমন করে হয়?

ভয় করে না?

হাসি বলে, নিজের জিনিসে ভয় করলে চলে? এই যে তুমি এসেছ—  
এই পেয়েছি কি?

একটু চুপ করে থেকে আবার বলে, অথচ বেঁচে নও তো তোমরা! তা বলে আলাদা-কিছু ভাবতে পারা যায়?

হিমাংশু আতঁকপেটে চেষ্টা করে ওঠে। অন্ততঃ তাই তার মনে হল—সে ভীষণ চিংকার করেছে। বেঁচে নেই?

আছ, আছ।

হাসি সামলে নেবার ভাবে বলতে লাগল, রাগ করো না—বেঁচে আছ বই কি! ও আমি ঠাট্টা করলাম।

হাসির মুখের দিকে চেয়ে হিমাংশু জোর দিয়ে বলে, তাই। বেঁচে গিয়েছিলাম আমি। হাসপাতাল থেকে সরে সরে পুলিশের সঙ্গে আবার এসেছিলাম এখানে। তুমিই মরেছ হাসি। ঠিক! কেমন ভুল হয়ে যাচ্ছিল—সমস্ত এবার মনে পড়ে গেছে।

হাসি মুখ টিপে হেসে বলল, বলছিই তো আমি সেই কথা। তুমি নকুল দু-জনেই বেঁচে রয়েছ। যাক্ গে, বাজে কথা নিয়ে মাথা গরম কোরো না। বিস্তর বেলা ফুটেছে—গন্ধ পাচ্ছ না? রোসো, রেকাবিতে করে আমাদের শিয়রে এনে রেখে দিই।

বলে, আজকে নতুন ফুলশয্যা আমাদের। এবারে বেশ নির্রিবিলি—মাহুযজনের ঝামেলা নেই। উঃ একটা কথা বলতে পারি নি ফুলশয্যার সারা

রাজির মধ্যে। তুমি কি বলতে গেল, ফুক-ফুক করে হেসে উঠল জানলার ওদিক থেকে।

হাসতে হাসতে লঘুপায়ে বেরিয়ে গেল হাসি। ফুল ভুলতে গেল, ফুলবাগানটা আছে তা হলে? চিরদিনের ফুলপাগলা—এতখানি বয়সেও ফুলের টান কমেনি। কিন্তু হাসিরাণী জঙ্গলপুরী সামলাচ্ছে, এর এক তিল খবর পৌছয়নি তো হিমাংশুর কানে।

নকুল ডাকলে, জায়গা হয়েছে বাবু। উঠুন।

হিমাংশু উঠে বসে বলে, আলোয় জোর দে। কিছু যে দেখা যায় না।

নকুল অবাক চোখে তাকাল।

কত জোর দেবো? আর দিলে কাচ ফেটে যাবে।

কলার পাতায় ক্যানসা ভাত ঢেলে দিয়েছে। একটু তেঁতুল সংগ্রহ করেছে, আবার কি! দু-এক দলা মাজ্র মুখে দিয়ে হিমাংশু কি যেন ভাবছে।

নকুলকে জিজ্ঞাসা করে, তোর গলায় অত বড় দাগ কিসের?

সেই যে হেঁসো-দায়ের কোপ ঝেড়ে দিয়েছিল। বাপের ভাগ্যি দুই খণ্ড হয়ে যায়নি।

আমাকেও মেরেছিল—

আপনাকে মেরেছিল লাঠির ঘা। মাথা ফেটে ঘিলু বেরিয়ে গিয়েছিল। কেউ ভাবতে পারেনি, হাসপাতাল থেকে ফিরবেন। অথচ দেখেন বউঠানের বেলা—

কি ভয়ানক সেন্দিনটা! সর্বস্ব লুণ্ঠ হয়ে যাচ্ছে দাউ দাউ করে এঘরে-ওঘরে জ্বলছে আগুন। হিমাংশুর ফাটা মাথার রক্তে উঠানে সমুজ্র বয়ে যাচ্ছে। হাসি পাগল হয়ে তাদের পায়ে মাথা খুঁড়ছিল—সমস্ত নিয়ে নিলে, সব শেষ করলে, আমার উপর এত দয়া কেন? আমায় কেটে ফেল।

ভারা বলেছিল, বন্ধুক তুলেছিল, তোর উপরে তো সকলের চেয়ে বেশি আক্রোশ। সেইজন্তু তোকে প্রাণে মারব না।

একটা মাটির মালসা এনে দিয়ে বলে, মালসা হাতে দশ ছুয়োরে ভিক্ষে মেগে বেড়াব—এহ হাল তোর করে দিয়ে গেলাম।

নকুল বলল, দেহ মালসাখানা বাবু পড়েছিল খেয়াঘাটে বৈচিবনের পাশে। শরবনের মধ্যে লাস পাওয়া গেল—কলাগাছের মতন এমন নিটোল দেহ পচে গিয়ে ঢোল হয়েছে।

হিমাংশু ক্ষেপে উঠল।

গাজাধুরির জায়গা পাস নে? তোর গলা কাটল, আমার মাথার ঘিলু

ছিটকে গেল—আমরা বেঁচে বর্তে রইলাম। আর জলজ্যান্ত মাছুষটার গায়ে একটা আঁচড় লাগেনি—যারা গেল সে-ই ?

খাওয়া শেষ করে হিমাংশু দেওয়াল ঠেঁশ দিয়ে মাদুরের উপর বসে আবার চোখ বুজল। ধীর মস্তিষ্কে আগাগোড়া ভেবে দেখবে। হাসপাতাল থেকে সেরে স্বরে সে কিরছিল • উছ, সত্যি সত্যি তা হয়ত নয়—সেরে গেছে, এমনি ভেবেছিল নিজের মনে। মৃত্যুর পরে যে রাজ্য, সেখানকার বাসিন্দারা হয়তো এমনি দেখাক নিয়ে থাকে। ভাবে, তারাই জীবিত—আর যত-কিছু সমস্ত মরে আছে।

পায়ের শব্দে ভাবনা ভেঙে যায়। নকুল।

উঠুন বাবু। চাদর পেতে দিই মাদুরের উপর নয়তো। কষ্ট হবে, সমস্ত গায়ে দাগ-দাগ হয়ে যাবে।

হিমাংশু সজোরে নকুলের হাত চেপে ধরল।

সত্যি বল, লুকোবি নে—আমরা কি মরে গেছি ?

বালাই ষাট! অনেকে গেছে, আমরা কি আছি বাবু। কপাল ভালো আমাদের।

আরও রাত হল। রূপসি রূপসি গাছপালা—এতক্ষণ নিশ্চল ছিল, এখন নিশিরঞ্জে উকিঝুকি দিচ্ছে যেন এদিকে সেদিকে। নকুলটা কিন্তু বেশ। দ্বারশূণ্য ঘরের মেজের বিভোর হয়ে ঘুমচ্ছে, কিছুমাত্র ভয়সঙ্কোচ নেই।

ওরে নকুল!

সাদা না দিয়ে নকুল পাশ ফিরে শু'লো। নাকের আওয়াজটা পামল, এই মাত্র। মাথা ভন ভন করছে, চটাপট সে গায়ে চাপড় মারছে মশা মারবার অভিপ্রায়ে; কি করবে এখন হিমাংশু। সাহসী বলে সবাই তাকে • জান—কিন্তু আজন্মের ঘরবাড়িতে শুয়ে শুয়ে একি অস্থিরতা? কি একটা জানোয়ার ছুটে গেল ওদিককার জঙ্গল আলোড়িত করে। তক্ষক ডাকছে চণ্ডীমণ্ডপের দিকে। ঘুম আসছে না—ঘুমোয় কেমন করে এই অবস্থায়?

তক্ষক থামল, শুধু ঝিঁঝির আওয়াজ। ঝিমঝিম করছে রাত। পুরাজনারা গ্রাম-ব্যোপে যেন উলু দিয়ে বেড়াচ্ছে অত্যন্ত যত্ন কর্তে। গাছে গাছে অজস্র জোনাকি। ঐ যে উঠান—ওর চতুর্দিকে অসংখ্য ঘর ছিল গোলকধাঁধার মতো। চোর ঢুকতে ভরসা পেত না, জ্যোঠা মশায় বলতেন, আবার ঠিক মতো বেরুতে পারবে না—এই আশঙ্কায়।

হুমহাম বেহারা ডাকছে না? গভীর রাজে পালকি মেরে আসেন কোন নবাব বাহাদুর? আরার কে—চাটুজ্জ বাড়ির রামতারণ খুঁড়ো ভালুকভর

গায়ের ছড়ানার গোলাম আলি সে আমলে ছড়া বেধে ছিলেন—রোগ নেই পীড়ে নেই যজ্ঞেশ্বর কাবু জমি নেই জিরেত নেই রামতারণ বাবু। রামতারণ হাট করতে যাবেন তাও পালকি চড়ে। পৈতৃক সম্পত্তি সমস্ত ঘুচিয়েছেন, তবু তার হাত খাটো হল না।

কি আশ্চর্য, তারণ খুড়োর পালকি হিমাংশুর ঘরের সামনে এনে নামাল। বেহারারা গোটাকয়েক হেড়াঞ্চি উপড়ে তার উপর চেপে বসে কাঁধের গামছায় কপালের ঘাম মুছে হাওয়া খাচ্ছে।

তুমি এসেছ—খবর পেয়ে দেখতে এলাম। আছ কেমন? রোগ রোগা দেখাচ্ছে। শহরে পড়ে থাকো।

শুনতে পাই মাটিও ওখানে পয়সা দিয়ে কিনতে হয়—কি-ই বা খেতে পাও লেখানে! কি পাশ দিলে এবার—এলে?

লেখাপড়ার পাট কবে সে চুকিয়ে এসেছে—কিন্তু বুড়োমাহুষের খেয়াল থাকে না, সেই সব প্রশ্ন করছেন।

যজ্ঞেশ্বর এসে পড়লেন। ফর্সা রং, রোগা লিকলিকে চেহারা, এক মুখ দাড়ি-গোঁফ। এসে বললেন, বেহারার ডাকে বুঝতে পারলাম। তা বৈঠকখানা অঙ্ককার কেন ও বউমা? আলো পাঠিয়ে দাও। চলো হে—মিছে সময় নষ্ট করে কাজ নেই। ও বেলা দু-বাজি ঘাড়ে চাপিয়েছ, একটা তার অন্তত শোধ দিইগে। হাত ধরে টান দিতে রামতারণ খুড়ো উ-ছ-ছ করে উঠলেন।

বুড়ো হলে তবু ছেলেমানুষের ব্যাভার গেল না যজ্ঞেশ্বর। হাতের কড়া নড়িয়ে দিলে। হিমু বাড়ি এসেছে, একটুখানি সবুর করো।

যজ্ঞেশ্বর চোখ তুলে হিমাংশুকে দায়সারা গোছের এক নজর দেখে নিলেন।

ভাল তো রে? কখন এলি?

ততক্ষণে উঠানে নামিয়ে ফেলেছেন রামতারণকে। হিমু তো রইলই। সকাল বেলা আসব। এসে গল্পগুজব করা যাবে। ধানাই-পানাই না করে চলো! দিখি-এখন—হাঁ দিয়ে বললেন, পান পাঠিয়ে দিও বৈঠকখানায়, ও বউমা—

হাসির বিরক্তস্বর শোনা গেল পাশের ঘরে অঙ্ককারের মধ্যে।

এই রাত্রে এখন ওঁদের পান খাওয়ার বাতিক চাপল।

মা চাপাগলায় হাসিকে বকছেন।

ও কিরকম কথা! মাহুষ বাড়ি এলে একটু ঝকি তো পোয়াতেই হবে। মাহুষ না লক্ষ্মী। দশজনা পায়ের ধুলো দেবে, তবেই না গেরস্ত বাড়ি?

আর কথা নেই। হাসি লঙ্ঘিত হয়েছে। যত জারিজুরি হিমাংশুর কাছে। মায়ের সামনে ভিজে বেরালটি।

জাঁতি দিয়ে স্থপারি কাটার আওয়াজ। বাচ্চা কৈদে উঠল একবার। গুণগুণ গুণগুণ ঘুম-পাড়ানো ছড়া বলছে ক্ষীরো। দোলনা দোলাচ্ছে, দড়িটানার শব্দটুকুও পাওয়া যাচ্ছে। এই এক মেয়ে ক্ষীরো- মাইনে-পস্তোর কিছুতে নেবেনা। বলে, টাকা নিয়ে রাখব কোথা? শোন কথা টাকা রাখবার সে আয়গা পায় না। বোনের মতো এই ক্ষীরো— মায়ের আর একটি মেয়ে।

হৈ-হৈ উঠল বাইর-বাড়ি। নাঃ পারা গেল না বুড়োদেব নিয়ে। ছুটল হিমাংশু। রীতিমতো খণ্ডপ্রলয়—যজ্ঞেশ্বর আপটে ধরেছেন রামতারণকে। ক্ষীণদেহ হলে কি হয়, যজ্ঞেশ্বরের গায়ে অসীম স্তোর। আর বলা কওয়া নেই, হুম করে প্রতিপক্ষকে মেরে বসেন। রামতারণ ঘেমে গিয়েছেন।

কি লাগিয়েছেন, আপনারা? সবাই হাসছে। লজ্জা করে না আপনাদের—চি-ছি!

ভিতরে বাইরে একপাল ছেলেচোকরার ভীড়। তারণ খুড়োর ফতুয়া চিঁড়ে ত্রাকডার লম্বা ফালি ঝুলছে। ঘাড়ের দিকটা যজ্ঞেশ্বর চেপে ধরেছেন। পাহাড়ের মতো ঐ বিপুল দেহের উপরে যজ্ঞেশ্বর- যেম পাহাড়-শীর্ষে একটা পাখি। সেই চাপেই অথচ আইটাই করছেন তারণ খুড়ো। দর্শকভনে নানা মন্তব্য করছে, উৎসাহ দিচ্ছে।

হিমাংশু চৈচিয়ে ওঠে, বুদ্ধিসুদ্ধি লোপ পেয়ে গেল নাকি? কি বলছে ওরা শুনতে পান?

অকুতোভয় যজ্ঞেশ্বর বলেন, তা বলে কিস্তির মুখে চালকেরত? দাবা আমি চাই-ই—

প্রায় নিরুদ্ভাস রামতারণ চিঁচিঁ গলায় সালিশ মানলেন, আমার নৌকো তখনো কোট চোঁয়নি বাবা। মা কালীর দিব্যি। তবে চালকেরত হয় কি করে? গায়ে বল আছে বলে জ্বরদাস্ত করে ও জিতবে?

নকুল এমনি সময় পানের ডিবে নিয়ে এল। যজ্ঞেশ্বর দেখতে পেয়ে বললেন, এতক্ষণে এলি? খুতু যেন আঠা হয়ে গিয়েছে পান না খেয়ে—

মজ্জের কাজ হল। রামতারণকে ছেড়ে এক সঙ্গে গোটা চারেক খিলি মুখে ফেলে যজ্ঞেশ্বর কপ-কপ করে চিবোতে লাগলেন। রামতারণ উঠে গায়ের ধুলো ঝাড়ছেন, যজ্ঞেশ্বর তাঁর দিকে ডিবে এগিয়ে ধরলেন। পান খেতে খেতে রামতারণ উদারভাবে বললেন, বেশ তাই সই। চাইনে নৌকো। ঘোড়া তো আছে—অশ্চর্য করে তবে চাড়ব।

যজ্ঞেশ্বর বলেন, সেই ভাল। মরদ মানুষের কথা। দেখা যাক—হু'জনে  
আবার দাবায় মগ্ন হলেন।

অরণ্যাকীর্ণ বাড়ির মধ্যে জমজমাট সংসার। মা-বউ ক্ষীরো-থোকা  
সবাই রয়েছে; গ্রামেব প্রবীণেরা যথারীতি বৈঠকখানায় এসে আড্ডা জমান।  
হিমাংশু খবব রাখে না, কতকাল দেখেনি এঁদের! আবাব দেখবে স্বপ্নেও  
কি ভেবেছিল? মরে যদি গিয়ে থাকে, মৃত্যু পরম রমণীয়—এই আনন্দলোক  
থেকে উষর জীবনে সে ফিরে যেতে চায় না।

ঘুম গাঢ় হল শেষ রাতে। আব কিছু জানে না। ভোর হল, তবু  
ঘুমুচ্ছে বিভোর হয়ে। ক্রমশঃ টের পাচ্ছে মানুষের আনাগোনা। ধড়মড়িয়ে  
সে উঠে বসল। উলুখাগ আর হেড়াঞ্চি-কার্লকান্দের উঠানে পা ফেলার  
জায়গা নেই, কত লোক রোয়াকে এসে উঠল তারই মধ্য দিয়ে। মানুষের  
চলাচল ছাড়া বাড়ি লক্ষ্মীমস্ত হয়েছে।

কারা এলো? রাতের স্বপ্নগুলো অনতিস্পষ্ট উষালোকে মস্তিষ্ক আচ্ছন্ন  
করে আছে। অতীত দিনের মানুষ—সারা রাত্রি হিমাংশু যাদের সঙ্গে  
কাটিয়েছেন—সকালেও মায়া কাটাতে পারেনি। তাকে বিপ্রামের অবকাশ  
দিয়ে ঘর ছেড়ে রোয়াকে গিয়ে বসেছেন তাঁরা। সেই যে বলেছিলেন  
যজ্ঞেশ্বর তাঁরাও জুটেছেন বুঝি গল্পগুজব করতে? গল্প চলবে, এবং চাও  
চিড়ে-ভাজা সেই সঙ্গে। চা দিতে দেরি হলে উচ্চ কর্তে হাঁক পাড়বেন, হল  
কি তোমাদের—ও বউমা? ঐ যে দেখা যাচ্ছে শনের মতো দাড়ি খুনখুনে  
বুড়ো—যজ্ঞেশ্বরই তো! যজ্ঞেশ্বর আজ অবধি বর্তমান থাকলে এমনি হয়ে  
যেতেন।

বাইরে এসে মুখোমুখি হয়ে ভুল ভাঙল। না, রাতের আত্মীয়স্বজন নয়—  
এরা শরুপক্ষ। রক্তচক্ষু তাজ মহম্মদ—শাণিত দাঁও হাতে যাকে উন্নত নৃত্য  
কবতে দেখেছিল ছাদের উপর থেকে। আরও কত অমনি! কেন এসেছে  
এই প্রত্যাষে? খেলা ঘরে একটুখানি গড়িয়ে নিচ্ছে—এখানে থাকতে চায়  
মোটামটি ছু'টি দিন। তারপর চিরদিনের মতো চলে যাবে, তার সম্বন্ধীয়  
কেউ কখনো এ-মুখো হবে না, কোনদিন পরিচয় দেবে না—তাদের সাত  
পুরুষ ধরে শৈশবের অন্নপ্রাশন থেকে অস্তিমের চিতাশয্যা হয়েছে এই  
জায়গায়। জমিজমার একটু যে ক্ষীণ সম্বন্ধনুজ্ঞ আছে, সেটা ছেদ করে  
যাবে বলেই এসেছে। সিরাজুলের কাছে গিয়ে না হয় জিজ্ঞাসা করে দেখ,  
সে সমস্ত জানে। এতদিনের পর চেপে বসার মতলব নিয়ে আসেনি এখানে  
হিমাংশু।

তাজ মহম্মদ বলল, হাটখোলার আমতলা দিয়ে আসছিলেন, দোকানদাররা দেখেছিল। রাতের মধ্যে খবরাখবর হয়ে গেল। ধান কাটা, কলাই-সরষে তোলা—ক্ষেতের কাজের বড় চাপাচাপি তাই সাত সকালে চলে এলাম।

কেন এসেছে এরা—মতলবটা কি? হিমাংশুর মুখে চাই মেড়ে দিল। সেই একদিনের কথা মনে পড়ে—নিজের চোখে দেখা সেই সব ঘটনা।

তাজ মহম্মদকে বাঁ-হাতে সরিয়ে দিলেন বুড়ো মাল্লবটা। দীর্ঘ সাদা দাড়ি, বয়সের ভারে চামড়া ঝুলে পড়েছে। যজ্ঞেশ্বর বলে মনে হয়েছিল একে। বুড়ো বললেন, আমায় চিনিস নে তুই?

কি ধরণের আলাপ! হিমাংশু ভুল করেছে সত্যি এখানে এসে। সিরাজুলকে লেখা উচিত ছিল, টাকা পয়সা নিয়ে সে-ই যাতে কলকাতায় চলে যায়, জমি-জমার বন্দোবস্ত সেখান থেকেই হত। আর যে রকম গরজ, নিশ্চয় সিরাজুল চলে যেতো! গাঁয়ে এসে এমন তুইতোকাকারি শুনতে হত না তা হলে। বড় বাড়ির ছেলে হিমাংশু—অধিকাংশই ওদের প্রজাপাটক—ও বাড়ির পাঁচ বছরের শিশুকে অশীতিপর বুড়োরাও ‘আজ্ঞে হজুর—’ করে এসেছে। এতকাল পরে তিরিশের উপরে উঠে হিমাংশুকে ‘তুই’ শুনতে হল। দল বেঁধে এসেছে অপমান করবার মতলবে।

বলছিলেন বুড়ো লোকটি, পাঁচ কুড়ির কাছে বয়স—হাঁটাইটি পেয়ে উঠিনে, শুয়ে থাকি। তা তুই এসেছিস শুন খাকতে পারলাম না। কি একটা ওলট পালট হল, পুরানো সপ্তক ধুয়ে-মুছে গেল একেবারে—

গভীর নিশ্বাস ফেলে তিনি মাথা নীচু করলেন।

তাজ মহম্মদ বলতে লাগল, আমি আগেভাগে এসে গেলাম। অনেকে আসবে। আছেন ক’দিন? কষ্ট করে এসেছেন—থেকে যান দু-দশ দিন। আর শোনেন—

হাত নেড়ে একটু দূরে ভেকে ফিসফিসিয়ে বলে, নানান কথা শোনবেন আমার নামে। একেবারে মিথ্যে তাই বা কি করে বলি? আপনার ধান জমি আমি দখল করছি। চৌচৌধাস হয়ে পড়ে থাকলে কি লাভ হত বলুন? তা রাজ্য ভাগ আমি মারব না। মনে ভাবুন যে, বর্গা দিয়ে গেছেন। দশজনে হিসাব করে যা দিতে বলবে, আমি তাতেই রাজি। তবে এক সঙ্গে পেরে উঠব না, সইয়ে সইয়ে নিতে হবে। এক শ’ টাকা এই হাতে করে এনেছি। আপনি খরচ পত্র করে এসেছেন, কিছু উত্তর হোক!

নোটখানা হাতে নিয়ে তাজমহম্মদ চলে গেল। তাই তো। অবাক হিমাংশু তার গমন-পথের দিকে চেয়ে আছে। আসবার আগে কর্তাবাবু

বলেছিলেন, যাচ্ছেন যান—কিন্তু এক পয়সাও আনতে পারবেন না পাকিস্তান থেকে ; শুধুই খরচাস্ত হবে। হাতের মুঠায় টাকা, তবু হিমাংশুর বিশ্বাস হচ্ছে না। বাড়ি বয়ে এসে লোকে টাকা দিয়ে যায়—এ কি বিশ্বাস হবার কথা? উড়ো খবর শুনেছিল, তাজ মহম্মদের নামে ভারি এক মামলা চলছে, তার ফাঁসি হবে। আর কিছু জানে না এর পব। হঠাৎ বা ফাঁসিই হয়ে গেছে, এ হল ফাঁসির পরের তাজ মহম্মদ। নইলে সেই মাহুশের এমন মোলায়েম কণ্ঠ আর এতখানি ধর্মজ্ঞান!

বুড়ো আত্ম পরিচয় দিলেন, আমার নাম গোলাম আলি। চিনবি কি করে? ঈশ্বর মারা যাবার পর থেকে এ বাড়ি যাতায়াত বন্ধ। তোরা তখন কত ছোট!

নাম শুনে হিমাংশু তটস্থ হল। ছেলে বয়সে অল্প অল্প দেখেছে গোলাম আলিকে, কিন্তু জানে অনেক। খানদানি ঘরের সন্তান—সে আমলে কত রাস্তাঘাট পুকুর পাঠশালা যে বানিয়েছিলেন ইনি আর ঈশ্বর দুজনে মিলে! ঈশ্বর হিমাংশুর জেঠা - তাঁর মতো ইংরেজি নবীশ এ তল্লাটে কেউ ছিল না।

গোলাম আলি বলছিলেন, বুড়ো অথর্ব হয়ে পড়েছি। আর পথও কম নয় ভারলুক্কষর থেকে। জল ভেঙে আসবার সময় ইটের উপর পড়ে কি অবস্থা হয়েছে দেখু—

হাঁটর উপর অনেকটা জায়গায় ছাল উঠে যাওয়ার কথা শুনে হিমাংশু হায় হায় করে উঠে জিগ্যেস করে—শীতকালে এখনো জল ভাঙতে হয়—বলেন কি জ্যোঠামশায়?

চোত মাসেও হাঁটুভর পানি থাকে বাবা। মবগা ছিল, ভেঙে এখন চৌচির। সেই আরো কাল হয়েছে—জলের তলে ইটের ঠোঁকর খেতে হয়। তা বলে চুপচাপ থাকতে পারলাম না তো বাবা। এসেছি—আবার কখন ফুডুং করে চলে যাবি। রাত দুপুরে ঘুম ভেঙে গেল, সেই তখন থেকেই এপাশ ওপাশ করছি। কত দিনের কত কথা মনে পড়ে তোরা সব তখন কোথায়?

বলতে বলতে গোলাম আলি থেমে গেলেন। সিরাজুল এসে উঠল।

এসে গেছ তা হলে?

হিমাংশু সঙ্গত্বে বলে, তুমি আবার কষ্ট করে এলে কেন? আমিই তো যাচ্ছিলাম। এঁরা সব এসে পড়েছেন, তাই একটু আটকা পড়ে গেছি।

সিরাজুল বলে, আমার ওখানে চা-টা খাবে, সেই কথা বলে যেতে এলাম।

একটু হেসে বলে, উঃ কদিন পরে এলাম! কি বাড়ি ছিল! কর্তাদের



আমলে কারো পা বাড়বার জো ছিল অন্দরের এদিকটায়! সামনাসামনি এমনি পা ছড়িয়ে বলবার বাজি হত!

কাজের মানুষ সিরাজুল, বলতে গেলে গাঁয়ের মাথা সে এখন। তাড়াতাড়ি চলে গেল। গোলদার বাড়ি থেকে কিছু নলেন গুড়ের পাটালি কিনে বাড়ি ফিরে যাবে। পাটালি হয়তো হিমাংশুরই জন্ত।

গোলাম আলি বলে উঠলেন, কি মতলব?

হিমাংশু জবাব দেয় না। বিষম উত্তেজিত হয়ে গোলাম আলি বলেন, খুলে বল দিকি আমায়। জমাজমি নেবে? দশ-বিশ বিঘে জমি আছে, রাতে বুঝি ঘুম হয় না? মরে যাচ্ছিস জমি না বেচে। দেশঘরের কথা মনে পড়েছে ঐ জন্তেই বুঝি?

যেভাবেই বলুন, কথাগুলো কিন্তু নিদারুণরূপে সত্য। কয়লার ভিপো করে হিমাংশু সমস্ত পুঁজি খুইয়েছে। এক বইয়ের দোকানে হিসাব লেখার কাজ নিয়েছে, সে দোকানেরও উঠি উঠি অবস্থা। জমি বেচে কিছু গাঁটে নিয়ে—যাবে, নয়তো চতুর্দিকে নীরব্র আধার।

গোলাম আলি চোখ বুজে দেয়াল ঠেঁশ দিয়ে আছেন। রাতে ঘুম হয় না—এইভাবে সেটা পুষিয়ে নেবেন নাকি? বিষম মুশকিল হল হিমাংশুর। দুটো দিনের মাত্র ছুটি—কত দর-দাম, গোপন পরামর্শ ও বিলি ব্যবস্থা আছে, কিন্তু বুড়ো এইভাবে ঘাঁটি আগলে বসে মাটি করবেন নাকি সমস্ত? অথচ কিছু বলাও যায় না—একেবারে জ্যেষ্ঠামশাই ডেকে বসেছে।

হঠাৎ দেখতে পেল, মুদিত ছ-চোখের প্রাস্ত দিয়ে জলের ধারা নেমেছে।

হিমাংশু ব্যস্ত হয়ে বলে, কি হয়েছে?

কাপড়ের খুঁটে চক্ষু মার্জনা করে গোলাম আলি শান্তভাবে তাকালেন।

কিছুই নয় বাবা। বলবার মুখ আমাদের নেই, কিসের জোরে থাকতে বলব তোমাদের? আমি সে সময়টা রোগে পড়ে। তোমার ঐ মাতব্বর দোস্ত রটিয়ে দিল, কোন রাজ্যে নাকি খুনোখুনি হয়েছে; মসজিদ ভেঙেছে—

রটনা বলছেন কেন জ্যেষ্ঠামশাই? ব্যাপারটা মিথ্যে নয়। আর সিরাজুল হাতে-নাতে দেখিয়েও দিয়েছিল—

হা-হা করে গোলাম আলি হেসে উঠলেন।

একেবারে ছেলে মানুষের মতো কথা বললে। আমার যে উঠবার শক্তি ছিল না নইলে হাঁক ছেড়ে বলতাম আমি সকলকে—

কেউ কানে নিত না জ্যেষ্ঠামশায়। কানে নেবার অবস্থাই ছিল না কারো—

গোলাম আলি অনেকটা আপন মনে বলতে লাগলেন কি সর্বনাশ হয়ে গেছে। রোয়াকের উপর বসে চোখ মেলে চাইতে পারছি নে চারদিক। খোদাতালা যদি অন্ধ করে দিত!

অনতিদূরে খিড়কির ভাঙা দরজার কাছে অবগুষ্ঠিতা তিনজন জড়সড় হয়ে দাঁড়িয়ে আছেন। নকুল ছুটে এল। কিস্কিসিয়ে হিমাংশুকে বলে, তাজ মহম্মদের বাড়ির মেয়েরা। তার মা-বউ—আর একটি কে, চিনতে পারছি নে। ওরা তো বাড়ির বার হয় না বড় একটা। আজকে এত পথ ঠেঙিয়ে এসেছে।

হিমাংশু শশবাস্তে কাছে গিয়ে বলে, দরজায় দাঁড়িয়ে কেন? আসুন—আসুন আপনারা।

হাতে বুড়ি-চাঙারি, তাতে চাল-ভাল তরিতরকারী। বাটীতে তেল, আর কানায় দড়ি ঝোলানো ঘটি ভরতি দুধ। সসংকোচে এগিয়ে এসে তারা রোয়াকের উপর নামিয়ে রাখলেন।

এ সব কি?

বর্ষীয়নী স্ত্রীলোকটি নিশ্চয় তাজ মহম্মদের মা। ঘোমটা একটু খাটো করে মুখ তুলে তাকালেন তিনি। বললেন, বাড়ি এসেছে—তা কিছুরই তো জোগাড় নেই। আজকের দিনটা এই সব রাঁধাবাড়া করে খাও—

হিমাংশু গভীরভাবে ঘাড় নাড়ল।

কাতরকণ্ঠে তিনি বললেন, নেবে না?

কিছু জবাব দেবাব আগে নকুল যেন ছৌঁ মেরে সমস্ত নিয়ে তুলল রান্না-ঘরে। বলছে, কাল তো আধা-উপোস গেছে। এখন কোথায় হাট বাজার, কোথায় কি—আমি তো হাঁড়িতে জল চাপিয়ে দিলাম, আপনি বিচার-বিবেচনা করুন দাঁড়িয়ে দাঁড়িয়ে।

হিমাংশু হেসে বলল, নকুলটা ভিখারির বেহুদ। সত্যি আমার নেবার ইচ্ছে ছিল না, ভয়ানক রাগ হচ্ছিল। রাঁধা-বাড়া বেটা ছেলের পোষায়? কাঁচা চাল আর মূলো-বেগুন না এনে ছুটো রাঁধা ভাত পাঠাতে পারলেন না মা?

সমস্ত দিন ধরে ঐ এক ব্যাপার চলল। মাহুম্ব আসছে! যেন মেলা বসেছে—মাহুম্বের পর মাহুম্ব। অব্যবহৃত পথের যত জঙ্গল একটা দিনের মধ্যে নিশ্চিহ্ন হল-সকলের পায়ে পায়ে। লঙ্কায় কালি-ঝুলি-মাখা হেরিকেনটা নকুল আলিয়ে দিয়েছিল, তাতে মুখ দেখা যায় না সকলের। একজনে ছুটে গিয়ে বড় আলো নিয়ে এল সিরাজুলের বাড়ি থেকে। সেই একদিন শেষ

রাতে মুখ ঢেকে হিমাংশু পালিয়ে গিয়েছিল—আজকে জোরালো আলো জ্বলে অগণিত মানুষজন নিয়ে জাঁকিয়ে আসন্ন করছে। উৎসবের বাড়ি। এই নতুন সঙ্গীদের নিয়ে উৎসব—আগে এরা শতক হাত ব্যবধানে থাকত, হুঁশিয়ার-অন্ধকারের মধ্যে ছিটকে কখন একেবারে কাছে এসে পড়েছে। বাড়ি-ঝাপটার পর প্রসন্ন রোদ উঠেছে, চিরকালের স্বভাব ফিরে পেয়েছে আবার মানুষ। ভালবাসার এমন প্রস্রবণ লুকনো ছিল লোকের হৃদয়ে হৃদয়ে! সাংঘাতিক রোগ-ভোগের পর বেঁচে উঠলে যেমন হয়—যা-কিছু দেখছে, অপক্লপ লাগে। মানুষজন সবাই ভালো।

পরের দিন আরও ভিড়। খবর ছড়াচ্ছে আর এ-গ্রাম সে-গ্রাম থেকেও মানুষ আসছে। হাসি পায়—হঠাৎ এমন গণ্যমাণ হয়ে উঠল সে কিসে? কিন্তু পারা যায় না আর—একটা মিনিটও নিজের বলতে নেই। যে জন্তে এসেছিল, তার কিছু নয়—সিরাজুলের সঙ্গে একটা কথা বলবারই ফুরসৎ হল না দুটো দিনের মধ্যে। রেল স্টেশন থেকে মাইল পাঁচেক দূরে এই গ্রাম—আসবার দিন হেঁটে এসেছিল, যাবার সময় কিছুতে শুনল না—গরুর গাড়ি এনে তার উপর বসিয়ে দিল। পাড়ারই একজনের বাড়ির গাড়ি—বাঁশের চাঁচাড়ি দিয়ে নতুন করে ছই বেঁধেছে ভোরের রোদ পড়ে চিকচিক করছে।

ক্যাঁচ ক্যাঁচ করে গাড়ি চলল। আগে পিছে এক পাল মানুষ।

আবার কবে আসবি? গোলাম আলি জিজ্ঞাসা করলেন।

আসব আর কিছু হিমাংশু বলতে পারল না। বেশী কথা বলতে গেলে মনে হল, চোখে জল এসে যাবে—সামলাতে পারবে না।

সহসা সে মুখ বাড়িয়ে ডাকে, শুনুন জ্যেঠামশায়—

গাড়ি থামল, গোলাম আলি পাশে এলেন। তাজ মহম্মদের দেওয়া একশ টাকার নোটখানা তাঁর হাতে গুঁজে দিয়ে হিমাংশু বলল, ভালুকঘরে দরগাটা যাতে হয়—আপনি জ্যেঠামশায় সেই আগেকার মতো একটু চেষ্টা করুন। আমার এই টালা।

জানে, দোকানের চাকরি আর বেশি দিন নয়। সিকি পয়সা মঞ্চ নেই এর পর পথে দাঁড়াতে হবে। এই মহানুভবতা অমুচিৎ তার পক্ষে। সমস্ত জানে। কর্তাবাবুর কথাগুলো মনে পড়ল—টাকা আনতে পারবেন না পাকিস্তান থেকে, কেড়েকুড়ে নেবে। তাই-ই হল। টাকা নিয়ে যাবার শক্তি নেই এখান থেকে।























